

清  
實  
錄



高宗純皇帝實錄（一九）

卷一四二〇至卷一五〇〇  
乾隆五十八年至嘉慶四年

# 清實錄

第二七冊

中華書局影印

清 實 錄

(第 二七 冊)

高 宗 實 錄(一九)

\*

中 華 書 局 出 版

(北京王府井大街 36 號)

北京市中國書店發行

中國建築工業出版社印刷廠印刷

\*

787×1092 毫米 1/16 · 67 1/2 印張

1986 年 6 月第 1 版 1986 年 6 月北京第 1 次印刷

印數 0,001——1,500 冊

統一書號: 11018· 1355—27 定價: 50.00 元



# 清實錄第二七冊目錄

高宗純皇帝實錄（一九）

卷一四二〇	乾隆五十八年正月上	一
卷一四二一	乾隆五十八年正月下	一〇
卷一四二二	乾隆五十八年二月上	二三
卷一四二三	乾隆五十八年二月下	三四
卷一四二四	乾隆五十八年三月上	四五
卷一四二五	乾隆五十八年三月下	六一
卷一四二六	乾隆五十八年四月上	七一
卷一四二七	乾隆五十八年四月下	八一
卷一四二八	乾隆五十八年五月上	九五
卷一四二九	乾隆五十八年五月下	一〇四
卷一四三〇	乾隆五十八年六月上	一二一
卷一四三一	乾隆五十八年六月下	一三一
卷一四三二	乾隆五十八年七月上	一四二
卷一四三三	乾隆五十八年七月下	一五四
卷一四三四	乾隆五十八年八月上	一六七
卷一四三五	乾隆五十八年八月下	一七八
卷一四三六	乾隆五十八年九月上	一九六
卷一四三七	乾隆五十八年九月下	二〇四
卷一四三八	乾隆五十八年十月上	二一六
卷一四三九	乾隆五十八年十月下	二三七
卷一四四〇	乾隆五十八年十一月上	二三五
卷一四四一	乾隆五十八年十一月下	二四三
卷一四四二	乾隆五十八年十二月上	二五二
卷一四四三	乾隆五十八年十二月下	二六一
卷一四四四	乾隆五十九年正月上	二六九
卷一四四五	乾隆五十九年正月下	二七六
卷一四四六	乾隆五十九年二月上	二八五
卷一四四七	乾隆五十九年二月下	二九九
卷一四四八	乾隆五十九年三月上	三一
卷一四四九	乾隆五十九年三月下	三三三
卷一四五〇	乾隆五十九年四月上	三三三
卷一四五一	乾隆五十九年四月下	三四一
卷一四五二	乾隆五十九年五月上	三五二
卷一四五三	乾隆五十九年五月下	三六一

卷一四五四	乾隆五十九年六月上	三七三
卷一四五五	乾隆五十九年六月下	三九二
卷一四五六	乾隆五十九年七月上	四〇五
卷一四五七	乾隆五十九年七月下	四三二
卷一四五八	乾隆五十九年八月上	四四六
卷一四五九	乾隆五十九年八月下	四六七
卷一四六〇	乾隆五十九年九月上	四九六
卷一四六一	乾隆五十九年九月下	五一
卷一四六二	乾隆五十九年十月上	五三〇
卷一四六三	乾隆五十九年十月下	五四四
卷一四六四	乾隆五十九年十一月上	五五七
卷一四六五	乾隆五十九年十一月下	五六七
卷一四六六	乾隆五十九年十二月上	五七九
卷一四六七	乾隆五十九年十二月下	五九一
卷一四六八	乾隆六十年正月上	六〇二
卷一四六九	乾隆六十年正月下	六一〇
卷一四七〇	乾隆六十年二月上	六二二
卷一四七一	乾隆六十年二月下	六四八
卷一四七二	乾隆六十年閏二月上	六六四
卷一四七三	乾隆六十年閏二月下	六七八
卷一四七四	乾隆六十年三月上	六八九
卷一四七五	乾隆六十年三月下	七〇六
卷一四七六	乾隆六十年四月上	七二八
卷一四七七	乾隆六十年四月下	七三九
卷一四七八	乾隆六十年五月上	七四三
卷一四七九	乾隆六十年五月下	七五六
卷一四八〇	乾隆六十年六月上	七六八
卷一四八一	乾隆六十年六月下	七七九
卷一四八二	乾隆六十年七月上	七九五
卷一四八三	乾隆六十年七月下	八一五
卷一四八四	乾隆六十年八月上	八二七
卷一四八五	乾隆六十年八月下	八四一
卷一四八六	乾隆六十年九月上	八五五
卷一四八七	乾隆六十年九月下	八八三
卷一四八八	乾隆六十年十月上	九〇一
卷一四八九	乾隆六十年十月下	九一七
卷一四九〇	乾隆六十年十一月上	九三九
卷一四九一	乾隆六十年十一月下	九四八





大清高宗法天隆運至誠先覺體元立極敷文奮武孝慈神聖純皇帝實錄卷之一千四百二十

監修總纂官太子太傅文淵閣大學士文淵閣領閣事領侍衛內大臣稽察欽奉 上諭事件處掌書

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣等謹

總纂官經筵講官太子太傅文華殿大學士文淵閣領閣事稽察欽奉 上諭事件處掌書理刑部戶部三庫事務

世襲騎都尉軍功加十九級隨帶加二級又加二級臣等謹將內大臣戶部尚書錢謙益滿洲都統軍功紀錄五次

尋常紀錄十四次臣等謹將太子少保工部尚書紀綱六次臣等謹將等奉

教修

乾隆五十八年癸丑春正月乙未朔

上詣

奉先殿行禮○詣

堂子行禮○御太和殿受朝作樂宣表如儀○

詣

大高殿

壽皇殿行禮○遣官祭

太廟後殿○御乾清宮賜皇子皇孫皇曾孫皇

元孫親王等宴○丙申諭上年河南彰德衛

輝懷慶等府屬各州縣因夏間得雨稍遲秋

禾被旱成災業經降旨截留漕糧分別賑濟

今該撫實力查辦妥為撫卹毋使一夫失所

第念今春正賑已畢青黃不接之時小民生

計維艱口食恐不無拮据著再加恩將成災

八分之林縣武安汲縣獲嘉修武等五縣無

分極次貧民概予展賑一個月其被災七分

之安陽湯陰涉縣新鄉輝縣淇縣延津滑縣

原武陽武濬縣等十一縣著借給一月口糧

以資接濟至被災六分及勘不成災之區仍

著該撫察看情形酌借口糧籽種分別籌辦

該撫務督飭所屬實心經理俾災黎均霑渥

澤以副朕惠愛閭閻敷錫春祺至意該部即

遵諭行○又諭上年陝西咸寧長安等州縣

夏秋被旱成災收成歉薄業經降旨令該撫

實力撫卹分別賑濟俾無一夫失所第念今

春正賑已畢青黃不接之時小民生計維艱

口食恐不無拮据著再加恩將成災八分之

醴泉極次貧民展賑兩個月其成災六分之



咸寧長安乾州三州縣極貧並成災七分之興平涇陽三原高陵韓城蒲城武功七縣極次貧民俱展賑一個月至被災較輕及勘不成災地方仍著該撫察看情形酌借口糧籽種以資接濟該撫務嚴飭所屬實心經理毋任吏胥侵冒滋弊俾窮屋茅簷均霑惠澤以副朕軫念災區有加無已至意該部即遵諭行○戊戌

上以祈穀於

上帝是日起齋戒三日○己亥享

太廟遣怡親王永琅奏代行禮○遣官祭

太歲之神○諭上年直隸順德廣平大名三

府並保定河間天津等府屬因夏秋雨澤缺

少被旱成災節經降旨令該督實力撫卹並

截留漕糧動撥銀米分別賑濟俾災黎餬口

有資毋使一夫失所第念今春正賑已畢青

黃不接之時小民生計維艱口食恐不無拮

据著再加恩將順天府屬之保定文安大城

武清寶坻寧河河間府屬之河間任邱景州獻縣交河阜城天津府屬之青縣慶雲鹽山保定府屬之清苑束鹿滿城望都容城趙州屬之寧晉共二十一州縣成災七八分之極貧概行加賑兩個月以資接濟至被災較輕各州縣仍著該督察看情形分別借糶妥為籌辦該督務須董飭所屬實心經理俾災黎均霑渥澤以副朕軫念窮簷普錫春祺有加無已至意該部即遵諭行○又諭上年山東

德州濟南一帶間有被旱成災地方收成未免歉薄節經降旨將應徵銀米及帶徵等項分別蠲緩停展並特降旨於十二月內給賑一月以資口食小民自可不致失所第念散賑已畢青黃不接之時貧民餬口無資著再加恩將被旱較重之德州平原禹城高唐恩縣濮州臨清邱縣夏津武城十州縣無分極次貧民概予賞給兩個月口糧其被旱較輕之歷城齊河臨邑博平茌平清平館陶海豐

樂陵、霑化等十州縣。及各該處坐落衛地。著賞給一月口糧。以資接濟。至勘不成災。及附近災區各州縣。仍著該撫察看情形。或酌借籽種。或減價平糶。分別籌辦。該撫務董率所屬實心經理。俾災黎均霑愷澤。以副朕軫念窮簷普惠春膏至意。該部即遵諭行。○諭軍機大臣曰。慶桂等奏路過揚州。即監提柴槓。及伊幕友家人等。帶至舟中訊問。柴槓初猶支吾掩飾。經慶桂、長麟再三駁詰。始據供出。在浙江鹽道任內。福崧曾向婪索金銀。及派辦物件。不發價銀。通共用去銀十一萬五千餘兩等語。此事前據全德奏到。朕即以福崧若非知情染指。何以隱匿不奏。任其陸續填補。今閱慶桂等所奏。果不出朕所料。現既訊明福崧有婪索情節。自不得不徹底嚴辦。慶桂於上年十二月十三日由京起身。長麟係由山西前往。今相隔一日。長麟即行趕上。可見慶桂途次行走遲延。慶桂著傳旨申飭。慶

桂辦事素軟。幸朕派長麟同去。是以一抵揚州。即有此奏。否則恐尚未能得其確切。迅速奏聞。慶桂等現已帶犯前往浙江。福崧早經明降諭旨革職拏問矣。所有嚴審一事。慶桂惟當知朕責成長麟之意。遵照節次諭旨。嚴切究辦。不可存作好人之見。將就完事。轉致長麟掣肘也。將此由六百里加緊諭令知之。○又諭。前據書麟等奏。訊之柴槓。供稱所那揚州帑課二十二萬內。將十七萬分作四次。送往浙江。填補交代等語。當即降旨傳諭全德。將柴槓四次送浙銀兩。係何日月。令其據實覆奏矣。茲據慶桂等面詢全德。據稱十二月初三日。鹽政衙門清書陳浩告知柴槓有那移商人交納銀兩之事。隨查出叅奏等語。此項銀兩。既經柴槓分作四次。著人送往浙江。則其那移已非一日。並非自十二月起。何以直至十二月初三日。經清書陳浩告知。始行查辦。若非該書吏稟知。豈全德竟毫無聞。



見所司何事。著傳諭全德將柴槓所那銀兩起自何時。於何日始行交清。因何並無見聞。即行奏奏之處。一併據實覆奏。毋得稍有隱匿迴護。致干咎戾。○又諭曰。穆和蘭奏。五十年應完地丁。奏銷清楚。已於十二月十五日咨明戶部。茲將承辦遲延職名。送部議處等語。豫省應完地丁錢糧。自應年清年款。如逾限不完。即當將地方官據實叅處。但河北河南亦應分別辦理。大河以南。連年收成豐稔。百姓多有蓋藏。所有應完錢糧。自必爭先輸納。斷無拖欠之事。若地丁等項。未能逐年清完。必係官吏等從中挪移侵蝕。不可不嚴加查察。隨時叅辦。至河北三府屬地土硠瘠。連年俱被災歉。收雖五十六年分。該處收成較好。而上年又因旱成災。積歉之區。小民不無拮据。即屢經降旨加恩蠲緩。民氣究未能充裕。如應完之項。畧有遲延。該撫當詳晰查明。如果實欠在民。自應分別辦理。請旨緩催。

此朕體恤災區。有加無已。穆和蘭不可不知此意。又本日據慶桂等奏。訊據柴槓供出。前在浙江鹽道任內。福崧曾向婪索金銀。及派辦物件。不發價銀。通共用去銀十一萬五千餘兩等語。此事前據全德奏到時。朕以福崧若非與柴槓通同染指。何以肯代為隱匿。不奏。今果不出朕之所料。汝姪竟至如此。可恨。可恨。現據慶桂等將柴槓帶往浙省質審。無難水落石出。所有慶桂等奏摺。並柴槓供詞。俱著鈔寄閱看。將此諭令知之。○庚子。

上詣

南郊齋宮齋宿。○諭浙江鹽務。向係巡撫兼管。遇有出納之事。無人稽察。巡撫得以任意動支。易致滋弊。嗣後應將杭州織造改為鹽政。兼管織造事務。其鹽道本無分巡地方之責。著改為運司。巡撫既不兼管鹽務。則鹽政運使於錢糧出入。如有侵那等弊。該撫即可隨時糾察。據實劾叅。該省織造現改鹽政。所有

南北二關稅務難以兼顧。著歸巡撫管理。呼應較靈。全德於柴槓那移課銀一事。雖經奏。但柴槓所那銀兩。訊係分作四次運往浙省。已非一日。全德並不及早查參。若非該書吏陳浩稟知。伊竟全無聞見。亦難辭咎。全德著降為郎中職銜。調補浙江鹽政。兼管織造事務。此時浙省鹽務。正當清釐整飭。另立章程。全德接奉此旨。即馳赴杭州任事。其兩淮鹽政。著穆騰額調補。穆騰額未到之先。著奇豐額暫行兼署。如奇豐額已回蘇州。即著速赴揚州。兼署鹽政事務。穆騰額接奉此旨。亦不必來京請訓。兩淮課額雖比長蘆較多。而辦理離運事宜。則一穆騰額即先將天津鹽政事務。交運司護理。迅速赴新任。妥協經理。毋負委任。所有長蘆鹽政。著徵瑞補授。徵瑞現署江寧織造。其長蘆鹽政事務。著巴寧阿速往接署。徵瑞俟同德百日服滿後。前抵江寧。即行交卸織造事務。速赴長蘆新任。亦

不必請訓。至基厚之父西寧。年逾九十。基厚在外久缺定省。著回京。仍以內務府員外用。俾得就近侍養。以示體恤。又諭曰。哈當阿等奏。拏獲偷渡兩起。審明定擬一摺。已交該部議奏矣。臺灣偷渡之弊。歷經設立章程。嚴拏禁止。乃吳好等仍敢攬客私渡。自應嚴辦。示懲。則每年所奏無私渡者。皆虛語矣。著該督撫查參。明白。回奏。哈當阿。楊廷理。皆督飭所屬上緊查拏。就獲尚屬認真。著交部議敘。其澳甲兵役。能留心盤詰。拏獲多人。亦屬出力。著哈當阿等查明酌加獎賞。以示鼓勵。○又諭。據哈當阿等奏。澎湖水兵。自臺領駕哨船回營。在洋擊碎一摺。內稱。澎湖石營。綏字十八號哨船一隻。赴臺領駕。於九月十七日。在洋突遇狂風。船身擊碎。除撈救得生外。尚有百總薛興。及兵丁陳祿生等十八名。不知下落等語。澎湖兵丁。赴臺領駕哨船。猝遇暴風。衝礁擊碎。在船人眾。漂流洋面。幸遇撈救。

得生殊堪憫惻。著該提督等查明併撈救之人。皆加酌賞。其漂流無蹤之百總薛興等十八名。如果淹斃。並著查明咨部。照傷亡例議卹。該部知道。○諭軍機大臣等。山西鹽課改歸地丁。所有鹽運使一缺。早經裁汰。該運使李學錦。自應交代完竣。即行來京候補。乃遲至一年之久。尚未進京。殊不可解。豈該員經手錢糧事件。尚有未清。或戀山西而不思另補耶。著傳諭蔣兆奎。即將該員因何遲延逗留之處。查明據實覆奏。催其來京。尋奏李學錦經手錢糧事件。須交移駐運城之河東道和明接辦。和明現署藩臬兩篆。應俟新藩臬抵晉。令和明回運城交代。惟李學錦赴京得旨。究屬戀棧也。○以四川提督觀成為成都將軍。川北鎮總兵彭承堯為四川提督。調福建福寧鎮總兵朱射斗為川北鎮總兵。辛丑。祈穀於上帝。

上親詣行禮。○世祖章皇帝忌辰。遣官祭孝陵。○以廣西新太協副將烏蘭保為福建福寧鎮總兵。○壬寅。上御紫光閣。賜蒙古王貝勒貝子公額駙台吉及霍罕伯克那爾巴圖來使年班回部朝鮮安南暹羅等國使臣廓爾喀貢使等宴。賞賚有差。○召大學士及內廷翰林等茶宴。以洪範九五福之三曰康寧聯句。命皇子皇孫與宴。和詩。○癸卯。上詣大高殿。雍和宮行禮。○甲辰。勅諭霍罕伯克那爾巴圖曰。自爾祖額爾德尼受朕深恩。至爾猶不時遣使朝覲。乾隆五十四年。爾拏獲薩木薩克。並未解送。復行釋放。本應問罪。念爾究係外夷。未諳禮節。僅飭喀什噶爾大臣等勿令爾使來京。茲爾追悔前愆。諄諄呈懇。經喀什噶

爾大臣等。代為陳奏。朕鑒爾悃忱。俯准通使。爾來使密爾匝邁瑪喇伊木。西哩布等。到京瞻覲。閱爾表文。殊為恭順。朕甚嘉之。特賚爾蟒緞等物。命來使持回。仍遣侍衛護送。爾那爾巴圖祇受後。惟當感激朕恩。益矢誠敬。和睦隣夷。勿妄滋事。約束所屬。安居樂業。永受朕恩。欽哉。母怠。○諭前派恒秀往烏里雅蘇台。更換恒瑞。今日召見恒秀。詢知伊生母年已七十有七。因思恒瑞到烏里雅蘇台。甫經

三載。且與恒秀係異母弟兄。恒瑞雖嫡出。伊母已故。並無老親。暫可無庸更換。恒秀著仍回吉林將軍之任。○諭軍機大臣等。陝西潼關工程案內。應賠銀兩。該督撫等養廉優厚。自應將此項銀兩。及早完交。以清帑項。乃事隔一年。尚未據一律全完。殊屬延緩。所有勒保名下。未完銀五萬兩。秦承恩名下。未完銀六萬兩。著限兩年。於本年完交一半。明年完交一半。毋得再有遲延。致干咎戾。其餘各員。

除和寧名下。應賠銀兩。已繳過半外。其未完銀一萬兩。亦著於本年一併完交。又原任華州知州李帶雙。汪以誠。洋縣知縣許光基。名下。各應賠銀九千六百餘兩。為數無多。乃該員等全未完交。實屬任意拖延。著該督撫。即令該員等。於原籍任所。勒限於本年內全數完繳。若本年再逾限不完。即將該員等革職。監追治罪。斷不寬貸。○又諭陝西潼關工程案內。應賠銀兩。現任山西歸綏道恭安名下。

應賠銀六萬八千七十餘兩。全未完繳。恭安係現任道員。兼管稅務。乃並不上緊完繳。實屬任意延緩。著該撫飭令該員。將未完銀兩。勒限兩年。於本年完交一半。明年完交一半。若本年完不及半。即將該員革職。監追治罪。決不寬貸。乙巳。勅諭安南國王阮光平曰。朕惟慎位列藩職。貢重朝正之典。撫邦系遠。春祺普錫。福之恩。効葵向於來庭。介重溟而展禮。數莫開於獻歲。當元日以抒虔。鑒爾懇

誠事頒優賚。爾安南國王阮光平作屏十郡。錫昨三年。感恩自切於淪肌。破關期密。方物來陳。夫接踵就日情殷。比者鳳紀回韶。雁臣聚闕。屬廓喀之輸款。即不加以干戈。遣噶其而貢忱。願自通於鞮譯。鴉能集泮。獻琛逾雪。嶺以西魚亦依蒲。拱極底辰居之北。適爾行李奉茲捷書。從象胥以偕來。與龍光而錫宴。禮緣敵愾。有征伐則告王。詩美戎功。用輯寧於邦國。摠詞恭順。覽表褒嘉。然而黠武佳兵。

聖謨所戒。睦隣修好。侯度宜遵。試思兵日相尋。鋒鏑之循環何底。即使戰能必克。士馬之躡藉已多。王今者內掃殘黎。外降萬眾。孽盡旌邱之葛。氛銷銅柱之標。惟當康樂和親。體周官行人諭言之義。以期保世。滋大蒙小雅君子受祐之祿。務慎守其土疆。副時雍於方夏。特降勅諭。並賜綵幣等件有差。朕惟一視同仁。王其祇承勿替。○諭向例出征陣亡兵丁綠營步兵賞卹銀五十兩。屯練降番祇賞

卹銀二十五兩。此次進剿廓喀屯練降番登山陟險。甚為勞苦。所有陣亡之屯練降番俱著加恩。改照綠營步兵之例。賞卹銀五十兩。以示體恤。並著永以為例。○丙午。

上詣

安佑宮行禮。○幸圓明園。丁未。

上御山高水長。賜王公大臣蒙古王貝勒貝子公額駙台吉及霍罕伯克那爾巴圖來使。年班回部朝鮮安南暹羅等國使臣廓爾喀貢使等食。至巳酉皆如之。○戊申。

上御奉三無私殿。賜皇子皇孫皇曾孫皇元孫親王等宴。諭軍機大臣等上年勦辦廓爾喀所有打仗出力之穆塔爾。已加賞副都統職銜。此外隨征之屯土將弁有如穆塔爾等出力之人。自應一體加恩賞賚。本年雖非金川土司年班入覲之期。著傳諭福康安惠齡令穆塔爾。穆太爾二員。即於本年作為年班一同入覲。其餘如色密里雅忠阿惠朗噶爾



結巴旺等前經福康安具奏有賞賚巴圖魯名號及予陞銜者自係一體出力之人亦著福康安惠齡於此內擇其打仗奮勉者酌派數人一同赴京瞻覲即人數稍多不妨將年例應入覲之土司酌減將派出之屯土將弁等列入俾得同邀宴賚以示獎勵嗣後仍著以五年為期○己酉

上詣

安佑宮行禮○御正大光明殿賜朝正外藩等宴召左翼科爾沁和碩親王恭格喇布坦旺扎勒多爾濟多羅郡王羅布藏占散喀喇沁親王品級多羅郡王滿珠巴咱爾奈曼多羅郡王拉旺喇布坦土默特多羅貝勒索諾木巴勒珠爾巴林親王品級多羅郡王巴圖右翼阿拉善和碩親王旺沁班巴爾青海親王品級多羅郡王索諾木多爾濟喀爾喀和碩親王固倫額駙拉旺多爾濟多羅郡王德木楚克扎布至御座前賜酒成禮○順天府行

鄉飲酒禮

大清高宗法天隆運至誠先覺體元立極敷文奮武孝慈神聖純皇帝實錄卷之一千四百二十

大清高宗法天隆運至誠先覺體元立極敷文奮武孝慈神聖純皇帝實錄卷之一千四百二十一

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次慶緒

總纂官經筵講官太子太傅文華殿大學士文淵閣領閣事稽察欽奉 上諭事件處管理刑部都察院事務

世襲騎都尉軍功加十九級隨帶加二級又加二級尋常加二級內大臣戶部尚書鑲黃旗滿洲都統軍功紀錄一次

尋常紀錄十四次臣德璉經筵講官太子少保工部尚書紀錄六次臣曹振鏞等奉

敕修

乾隆五十八年癸丑正月庚戌月食○諭軍

機大臣等據哈當阿等奏審明竊賊拒捕砍斃事主及誘拐幼女挖斃滅迹二案俱將各該犯恭請王命即行斬決已批該部知道矣又據奏竊賊抗欠贓銀殺斃事主一案則將該犯王富請旨正法此案王富認賠贖銀如係地方官役誣良為竊哈當阿等自不應庇護官役有意從嚴即將該犯正法今王富偷竊彭顯小猪本係有罪之人經彭顯欲行送官究治王富承認願賠自限五月交完至六

月未償經彭顯向其索討即將彭顯用刀砍倒逾時斃命殊為逞兇不法與竊賊拒捕砍斃事主及挖斃幼孩者事同一例況臺灣民情犷悍此等兇犯審明後自應一律即行正法用昭懲創何以於此案又復拘泥請旨一事兩辦實屬糊塗此摺不必再交部議著傳諭哈當阿等於接奉此旨即將王富正法以示懲儆○辛亥諭曰福康安等奏據隨營之甘肅布政使景安呈稱伊父母俱年逾八旬未能迎侍懇請回旗終養等語該藩司自隨福康安到藏留營効用沿途催趲運糧軍需甚為得力今既因大功告竣陳情乞養景安著准其回京現出有工部右侍郎員缺即著景安補授○又諭曰福康安等奏此次統領大兵有委令趕運沿途軍餉軍火及催雇人夫往來東西兩路不辭勞苦之出力武職人員請分別獎拔以示鼓勵又另片奏糧運艱阻之時有後藏克什米爾回民等辦運接濟

奮勉得力。一併請加獎勵等語。大兵進勦廓爾喀。糧運軍火最關緊要。催運出力人員。自應量加獎拔。所有四川城守營參將楊長棟。甘肅督標遊擊楊宗澤。四川建昌營都司呂朝龍。俱著加恩賞戴花翎。仍以應陞處記名。先用。陝西鞏昌營遊擊雷仁著即以陞缺補用。守備銜田占魁著以守備即用。馬邊營都司陳起鳳。提標外委單大雄。前因該管汛弁馳遞奏摺。跌入雪窖一案。業經分別嚴議。斥革。但念其均係公過。陳起鳳著加恩仍留原任。單大雄著仍以原官補用。至克什米爾回民阿奇木覺爾。辦運既屬奮勉。著加恩賞給五品頂戴。並花翎。其譯字通事之孫天成。羅萬年。及辦糧之卓尼爾。格桑。拉布丹。第巴圖多著賞給六品頂戴。所有通事程鵬。萬番民瑪景諾爾布。納木結。巴勒布商人巴陵覺丹。達爾興。及幫辦長運之迭吉拉布丹等十二名。均著賞給金頂。以示鼓勵。○又諭曰。穆騰

額現已降旨革職解京治罪。兩淮鹽政一時不得其人。巴寧阿著以總管內務府大臣銜補授兩淮鹽政。巴寧阿現在長蘆。有查辦事件。赴任尚須時日。其未到兩淮以前。鹽政印務仍著奇豐額暫行兼署。徵瑞俟同德百日滿後。前抵江寧。速赴長蘆新任。以便巴寧阿交卸。再赴兩淮新任。○諭軍機大臣曰。巴寧阿奏查明穆騰額自到長蘆鹽政任後。令商人按次繳銀。自辦貢物。共繳過銀二十五萬兩零。五十七年以前。並未將貢餘發還。惟本年於交印之後。傳商具領貢物。約值銀一萬六千餘兩等語。此事大奇。不料穆騰額竟敢如此。該鹽政所進貢物。既令商人折銀自辦。則所辦物件。俱係出自商人。已費乃呈進賞收之外。發回貢物。並不給還商人。直至卸事之後。始行發還。今年之數件。明係為掩飾地步。實出意想之外。今既據巴寧阿查明。奏不得。不嚴行查辦。穆騰額除此項借端侵用。

清 實 錄 乾隆五十八年正月下

銀兩外有無別項劣跡著已寧阿一併查明據實具奏。至穆騰額於初九日起程計此時尚未抵新任著傳諭山東江南督撫即查穆騰額行抵何處傳旨將穆騰額革職拿問解京治罪並訊問穆騰額令將每次貢物何以令商人折銀自辦及發還物件何以並不給還商人之處據實供明先行具奏。穆騰額起身後恐事經發覺自必心懷畏懼該督撫等務飭委員小心押解進京毋致疎虞○壬子

浙江巡撫覺羅長麟奏新授浙江布政使顧長紱丁母憂請暫將調任江西布政使王懿德留浙江布政使任諭曰王懿德著留浙江布政使之任所有江西布政使員缺著岳起補授○諭軍機大臣等上年據郭世勲奏喚咭喇國夷人破喇啞晚噴咂等來廣稟稱該國王因前年大皇帝八旬萬壽未及叩祝今遣使臣嗎嘎呢進貢由海道至天津赴京等語並譯出原稟進呈閱其情詞極為恭順

懇摺因俯允所請以遂其航海向化之忱並以海洋風信靡常該貢使船隻或於閩浙江南山東等處近海口岸收泊亦未可定因降旨海疆各督撫如遇該國貢船進口即委員照料護送進京因思乾隆十八年西洋博爾都噶爾國遣使進貢係由廣東澳門收泊其時兩廣總督阿里衮曾於海岸處所調派員弁帶領兵丁擺齊隊伍旗幟甲仗等項皆一體鮮明以昭嚴肅此次喚咭喇國貢船進口

泊岸時自應仿照辦理此等外夷輸誠慕化航海而來豈轉虞有他意但天朝體制觀瞻所繫不可不整肅威嚴俾外夷知所敬畏現在海疆寧靖各該督撫皆未免意存玩忽近海一帶營伍可想而知著傳諭各該督撫等如遇該國貢船進口時務先期派委大員多帶員弁兵丁列營站隊務須旗幟鮮明甲仗精淬並將該國使臣及隨從人數并貢件行李等項逐一稽查以肅觀瞻而昭體制外省

習氣非廢弛因循。即張大其事。甚或存畏事之見。最為陋習。此次承諭辦理。務須經理得宜。固不可意存苟簡。草率從事。亦不可迹涉張皇。方為妥善也。○又諭據慶桂等奏。審明福崧柴槓侵婪各款。蹟於原叅二十二萬兩之外。又經供出。侵用掣規。值月差費等項。共銀六萬六千餘兩。質之福崧。伊亦無可置辯等語。是此案福崧柴槓侵那各款。已經審訊明確。其柴槓所供福崧曾向伊要過金子二百兩。福崧止認得過金子一百兩。與原供不符一節。現已行文察哈爾都統。將經手轉送之歸景。照解京質訊。自可無從遁飾。福崧侵婪銀兩。為數甚多。其罪名輕重。亦不在此。金兩一款。著傳諭慶桂等。即就現在審明情節。將福崧柴槓按律從重定擬。迅速結案。○以江蘇按察使汪志伊為甘肅布政使。山東濟東泰武臨道。熊枚為江蘇按察使。○癸丑上御山高水長。賜王公大臣蒙古王貝勒貝子

公額駙台吉。及霍罕伯克那爾巴圖來使。年班回部。朝鮮安南暹羅等國使臣。廓爾喀貢使等食。○諭軍機大臣等。據益端多爾濟等奏。稱俄羅斯固畢爾納托爾遣喀必坦瓦什里口。稟西洋之昂吉凌國王。遣使於廣東等處。求地通商等語。上年十月。據郭世勲奏。西洋喀喇喇國遣使來京納貢。已允所請矣。今俄羅斯固畢爾納托爾所稟之昂吉凌國。即係喀喇喇國。此時固畢爾納托爾因現在恰克圖通商。隨據所聞致信。以圖見好之意。益端多爾濟等答覆之語。尚屬合宜。辦理外夷事務。祇宜以理簡明曉諭。倘給回文。固畢爾納托爾又將答稟。若語意文字間。稍有未協。轉滋煩擾。著傳諭益端多爾濟等。固畢爾納托爾不遣人復來。則已。若再遣人口稟事件。祇當據理示以大體。婉詞答諭。總不必給以回文。如伊等或有不得主見之處。即速具奏請旨。○甲寅諭曰。博斌在英吉沙爾。已四年

有餘進財保著賞給頭等侍衛。授為領隊大臣。往換博斌回京。額爾登布著帶原品職銜。授為領隊大臣。往伊犁換慶玉回京。伊桑阿著往庫車更換秀林。烏雅勒達著帶原品職銜。授為領隊大臣。往塔爾巴哈台更換花崗阿。○又諭曰。愛興阿在外年久。雅德著調往葉爾羌幫同琅玕辦事。換愛興阿回京。雅德所遺喀什噶爾員缺著范建中前往幫同明興辦事。巴哩木達著帶原品職銜。授為領隊大臣。往伊犁更換碩雲保。○以工部右侍郎景安為正藍旗滿洲副都統。○乙卯。諭軍機大臣等。昨經降旨。令徵瑞仍署江寧織造事務。俟同德回抵江寧。速赴長蘆鹽政新任。以便巴寧阿前赴兩淮。今又思同德服滿。為期尚遠。兩淮員缺緊要。奇豐額身任巡撫。所管事務殷繁。若久駐揚州。於地方恐不能兼顧。著傳諭徵瑞接奉此旨。即將織造及龍江關務交與書麟暫行兼署。起程速赴天津接印。

以便巴寧阿交卸。前赴兩淮。徵瑞係素知之人。且三月間。朕巡幸盤山。長蘆鹽政例應隨駕。徵瑞竟俟彼時前來迎駕瞻覲。此時當速赴天津任事。不必又來京請訓也。○又諭。本日巴寧阿奏到摺內。稱現在確查穆騰額任內。如另有劣蹟。即據實具奏等語。穆騰額私令天津商人折銀自辦貢物。並不將貢餘發還。業經巴寧阿查參所有運庫。亦據奏盤查無虧。但長蘆鹽政天津山東。釐務皆其所轄。穆騰額既令天津商人折給銀兩。豈於山東獨無沾染。著再傳諭巴寧阿。詳查穆騰額有無私受山東商人銀兩情事。據實奏。其在天津。若尚有別項劣蹟。亦一併嚴參。現因兩淮員缺緊要。奇豐額巡撫事務。未能久署。已降旨令書麟兼署織造事務。以便徵瑞交印起程。速赴天津新任。巴寧阿俟徵瑞到後。不必來京請訓。即赴兩淮新任。妥協辦理。並密查全德任內有無似穆騰額營私舞弊。一經



查出即據實嚴參。不得稍為徇隱。若果實無亦不必苛求。乃朕所願也。○又諭曰。伍拉納奏閩省辦理命盜已未結各案。分別開單。進呈朕詳加批閱。單內所開新舊盜案。已獲者甚少。其未獲者多至二百二十五起。此等搶劫多賊盜犯。實為地方行旅之害。該地方官如果實力查拏。無難即時緝獲。何以稽延日久。尚有未獲盜犯至二百二十五起之多。可見該省地方文武員弁。全不留心偵緝。視為

海捕具文。甚屬玩誤。著傳諭伍拉納等。即將單開未獲各起盜案。嚴飭所屬。勒限上緊緝拏。務期按名弋獲。毋致仍前怠玩。致干咎戾。○軍機大臣會同大學士九卿議覆。欽差大學士公管兩廣總督福康安等奏酌籌藏內善後章程一接壤藏地各番部落差人來藏令邊界營官稟明駐藏大臣驗放。有稟駐藏大臣者。由駐藏大臣給諭。有呈達賴喇嘛者。俱稟送駐藏大臣譯驗。商發諭帖。其寄信噶

布倫等。亦令呈駐藏大臣。與達賴喇嘛商給回諭。不准噶布倫等私通信息。違者革退。一藏地邊界。如濟龍。聶拉木。絨轄等處。道通廓爾喀。向無界址。現各設鄂博。釐定疆域。不准私越一邊界。地方向能辦事營官。因該處氣候惡劣。俱願在前藏當差。濫派無能冗員往辦。致滋弊端。請嗣後擇幹練之小缺營官。及營兵之甲網。當目調補。三年換回。記名以戴網等缺。陞用不勝任者革退。一西藏世家子弟。稱為東科爾。凡大小番目。均由達賴喇嘛

挑補。東科爾之通書算。而家殷實者。其餘番民無進身之路。且不告知駐藏大臣。請嗣後令駐藏大臣與達賴喇嘛公選。其非東科爾而技熟力勉之充當兵丁番民。亦准由定網洊陞戴網。其餘辦事番目。仍選東科爾按等補用。不准襲祖父職。以杜冒濫。至挑取小中譯噶厦卓尼爾小缺營官等番目。須覈明年十八以上。不准幼小濫充。一堪布喇嘛。係一

寺首領向多營求補放請嗣後各大寺坐牀堪布缺出達賴喇嘛會同駐藏大臣揀補小寺堪布仍專令達賴喇嘛揀補。藏內各寨番衆供應烏拉夫馬達賴喇嘛等向多濫給免差照票又噶布倫戴綱及大喇嘛等莊戶亦多求免差稅牌票請嗣後概行徹銷惟實著勞績者令達賴喇嘛告知駐藏大臣給票其番民挑定額兵亦由駐藏大臣及達賴喇嘛給票免差事故革退繳銷。一衛藏各寨地方雖統於達賴喇嘛而戶民增減去留無從稽覈請嗣後令達賴喇嘛將所管大小廟喇嘛造冊並令噶布倫將衛藏所管地方及呼圖克圖等所管寨落戶口一體造冊於駐藏大臣衙門及達賴喇嘛處各存一分備查。一青海蒙古王公等差人赴藏延喇嘛誦經向不盡稟知駐藏大臣請嗣後令西寧辦事大臣行文到藏由駐藏大臣給照咨明西寧辦事大臣互相稽覈。一喇嘛番目人等向多私

用烏拉請嗣後惟公事差違准稟明駐藏大臣及達賴喇嘛給以印票標定號數沿途照用。一衛藏舊制犯罪罰贖近年噶布倫等意為高下倍罰肥私甚至挾嫌捏聲達賴喇嘛抄沒番目人等家產請嗣後譯寫罰贖舊例一本交駐藏大臣酌覈擬辦。一西藏官兵所需火藥工布地方產礮製造火藥較運從內地費省請就近製運其鉛丸火繩由川省運解。一達賴喇嘛賞給噶布倫戴綱等官房莊田向有事故缺出不交後任者請查明隨任交代不准私占。一喇嘛支領錢糧向多先期透領請嗣後按期支放違者究治。一各寨徵收租賦向多牽混請嗣後令商卓特巴按年立限嚴催請交商上並查實絕戶荒田隨時豁賦。一駐藏大臣衙門向設譯字房通事不諳廓爾喀字跡言語請添設識廓爾喀字人役一名通廓爾喀語通事一名並另派唐古忒番民三四名學習備充。一廓爾喀貢使進

京道長請每遇貢期令該苗長豫稟駐藏大臣以便駐藏大臣及四川總督派員接替護送均應如所請從之○丙辰諭曰巴哩木達等均派出差僧保之母又復年邁僧保著調補黑龍江副都統就近侍養所遺伯都納副都統員缺著索喜調補所遺吉林副都統員缺著秀林調補所遺墨爾根城副都統員缺著果勒明阿調補所遺熊岳副都統員缺著慶玉調補所遺齊齊哈爾副都統員缺著安慶調補博斌著以副都統銜補授呼蘭城城守尉○諭軍機大臣等據郭世勲等奏安南國王阮光平於上年九月內在義安身故世子阮光纘年已十五現在暫權國事定於五十八年正月內專遣陪臣恭齋表貢赴京告報等語覽奏深為惋惜該國王係上年九月物故該員目等呈報稍遲想此時業經殯葬飾終之典不及施行茲親製誄詩一章發去著派臬司成林齋赴義安於阮光平塋前焚

化並賞大哈達一個於廣西藩庫內發銀三千兩俾作好事俱著成林帶往祭奠賞給以示軫卹阮光平之子阮光纘前已封為世子自應襲爵藩封著成林傳旨即封阮光纘為安南國王其應給襲封勅書俟該使臣吳時任等到京後再行照例給賞即令齋回至阮光平仰仗天朝威命撫有安南究係新造之邦人心未能十分鎮定況與弟兄不睦阮岳尚在廣南未免心懷窺伺即吳文楚雖係阮

光平幫同起事之人亦未必忠誠可靠阮光纘年尚幼齡現在該國一切事務必歸吳文楚管理恐伊因主少國疑中藏叵測或致有迫脅專擅之事俱未可定著陳用敷將此旨密示成林到義安後不動聲色暗加訪察如吳文楚果能始終如一為阮光纘盡心管理國事朕當優加獎勵若居心行事多有不馴著成林即由驛據實速奏候朕酌辦除另降諭旨令福康安由川馳往粵西以資彈壓外

將此由六百里加緊傳諭陳用敷及成林並諭郭世勲知之○

御製賜誅安南國王阮光平詩曰外邦例以違陪臣展覲從無至已身納款最嘉來玉闕懷疑堪笑代金人秋中尚憶衣冠肅膝下誠如父子親七字不能罷哀迷憐其忠悃出衷真○賜安南國世子阮光纘襲封安南國王初書曰朕惟列爵分土通侯大保世之規修禮作屏元子貴象賢之選荷詒謀於燕翼開國

尤重承家蒙譽處於龍光作忠必資移孝貴茲成命勗以訓行惟安南遠介失陬爾阮氏起家庶姓值殘黎之失守用新造於有邦萬里來庭躬效梯山之祝一心戀闕歲馳萊幣之文謂弟祿其方長詎赴聞之奄至七言親製既稱誄以飾終一介遠來爰紹封而篤祐爾阮光纘英姿茁秀粹質含和教為子而教為臣夙薰陶夫庭訓會有極而歸有極當沐浴於皇風昔日頒恩璽轂早光乎世胄今茲

蒙業仔肩悉萃於藐孤時叶景風圭器莫若長子恩深湛露錫蕃是用康侯今封爾為安南國王錫之勅命於戲河如帶山如礪天心惟福善以長延弓為箕冶為裘世祚以承先而益懋王其撫臨茅壤殫竭葵忱戒匪彝於出入起居勤茲夙夜勉新猷於講信修睦慎爾封圻期世篤以忠貞常祇承夫恩渥欽哉勿替○又諭曰福康安此次辦理廓爾喀艱苦備嘗功績懋著原擬於辦理善後完竣

令福康安進京陛見看視伊母住京數月仍回兩廣之任嗣因福康安之母患病復念福康安奉差在外久遠定省且其母年逾七十而御前侍從亦屬需人又欲俟福康安到京後即令留京供職俾就近侍養用示體恤乃本日據陳用敷奏阮光平上年九月二十九日患病身故等語阮光平與其弟兄不睦即該國陪臣吳文楚久管國事亦恐非安分之徒人心反側設有事端轉致難辦此時邊隘

事宜不特非郭世勲陳用敷所能鎮定料理。即另派大臣前往。而該國人情震懾。究不如福康安之聲威素重。必得福康安前往。由廣西一過。或畧駐劄數日。方足以資彈壓。福康安接奉此旨。即由川取道湖南。皇赴廣西。該省本係福康安所轄地方。若別有所聞。福康安不妨在彼多駐數月。密行體察。隨時酌辦。至福康安進京覆命。自為情殷戀闕。瞻覲之餘。並可省視伊母。即福康安此番勞動。朕亦亟思一見。但此時情形。福康安不可不回兩廣。目下諸務。亦無須朕再為面諭。而福康安之母。病體又已大好。福康安受恩優渥。以公事為重。自能星赴粵西。妥為經理。並賞給御用葫蘆大荷包一對。小荷包四個。用昭優眷。所有陳用敷奏摺。及寄信該撫等。及已差成林前往賜卹諭旨。並著鈔寄閱看。○又諭據禮部帶領伴送暹羅安南等國貢使來京之員引見。內廣東永寧通判蔡枝華。看其人甚

平常。所奏履歷。亦不清晰。伴送貢使。自應遴派明幹大員。方足以資照料。而兼彈壓。廣西省所派知州陸澍。職分已覺畧小。而廣東止派通判伴送。且蔡枝華人又平常。豈不為外藩所輕。殊屬非是。郭世勲著傳旨申飭。並傳諭與外藩交界各省督撫。嗣後遇有各國貢使進京。務須遴派明幹大員。如再似此。並不留心派委。或致為外藩所輕。必將該督從重治罪。○丁巳。

孝聖憲皇后忌辰遣官祭

泰東陵。○

上詣

恩慕寺

恩佑寺行禮。○戊午。諭戶部奏據浙江石門縣民人吳清來。呈控該縣漕書楊巨川等。於五十五六七等年。將吳清來及其嫡叔吳汝諧胞兄吳銓等戶下漕米。每石勒折大錢四千餘文。屢在巡撫衙門具控。兩次未經批發等

語。漕糧勒折浮收。久干例禁。吳清來於五十七年呈控時。該撫何以兩次並未批發。如果所控屬實。該縣官吏等竟有勒折浮收情弊。自應徹底根究。從嚴辦理。現在慶桂在浙審辦柴枰那移庫項一案。著即會同長麟秉公嚴審。並將福崧因何並不批發。有無通同徇庇之處。一併訊明具奏。如慶桂已押帶福崧起程赴京。此案即交與長麟辦理。該撫係新調浙江巡撫。自無所用其迴護也。除將原告

吳清來照例解往。所有戶部原摺。著鈔寄閱看。將此諭令知之。○又諭據郭世勲奏。廣東省應行報銷五十六年鹽課。原限於次年二月題報。因產鹽場地猝被風潮。且雨水稍多。場地多有短收之鹽。不能一律到櫃。請將五十六年鹽課。寬予兩月。至來年四月奏銷等語。粵東賦務。經孫士毅福康安節定章程。改埠歸納。鹽本充裕。該商等協力轉輸。所有應徵鹽課。五十四五兩年。俱依限題銷。並無掛

欠。鹽務大有起色。何以五十六年鹽課。又須展限。自係該管官員奉行不力。日久漸致廢弛。福康安等此次到粵後。務須留心查察。實力整頓。俾源源配運。疏銷暢速。應交鹽課依限題銷。毋任官吏因循怠玩。以致甫經整頓之後。又復仍前貽誤。方為妥善。將此傳諭知之。○庚申。戶部議准湖廣總督畢沅等疏稱。湖北省鑄錢。歲需採運雲南銅二十萬觔。現查收買小錢。共鎔銅十四萬四千三百八十

觔。外有委員帶買銅六萬觔。足供明年正鑄。請停買滇銅一年。又寶武局前因採買滇銅遲滯。迭歷五十二三四等年。卯錢題明分十年帶鑄。但現在錢多價平。嗣後照正額鼓鑄。已足敷用。所有逃壓卯錢。請停帶鑄。從之。○辛酉。諭曰。惠齡奏嘉玉橋委員州同李在客。拏獲偷竊餉鞘賊犯張登尚。搜起贓銀馬匹。稟請究辦等語。李在文在嘉玉橋地方見賊犯行李沉重。能盤獲起贓。尚屬留心能事。著

加恩以通判知縣酌用。以示獎勵。○諭軍機大臣等。據福康安等奏。查明軍需實用款項。分別請捐。請銷一摺。所稱分賞索倫滿漢屯土各官兵衣履銀牌牛羊等項。並照料病兵費用。除將恩賞銀兩給發外。尚用銀二萬餘兩。請公捐歸款一節。此等官兵奉調赴剿。跋涉遠道。殊為勞苦。而福康安等督兵籌運。懋著勞勩。所有此項賞銀。不必令福康安等自行捐辦。已諭令該部於覈議時。准其作正開銷。用示體恤。至所奏查明張芝元實係在濟甯病故緣由。張芝元向來帶兵打仗。尚為出力。此次進剿廓爾喀。亦屬奮勇。雖前次與廓爾喀許銀說和一事。伊曾經與聞。但其事究係已忠主持。張芝元職分較小。不能不聽從差委。其咎尚有可原。今經福康安等查明。委係觸染瘴癘。在濟甯地方病故。殊為可憫。著加恩賞給銀五百兩。以資喪葬之費。並著惠齡查明伊子內。如有年已長成者。於服闋後。

送部帶領引見。以示軫恤。將此傳諭福康安孫士毅和琳惠齡知之。○壬戌。諭工部右侍郎管理錢局事務。不可乏員。經理景安未到京以前。著額勒春暫行兼署。○又諭。此次福康安等在藏節次奏到。籌辦善後事宜。立定章程。詳備周妥。可期經久無弊。殊堪嘉獎。福康安孫士毅和琳惠齡俱著交部議敘。至直隸河南山西陝西四川等省。安設臺站。馳遞文報。並照料經過官兵。去回均能安速。無誤。各該督撫亦著交部議敘。其承辦驛站之文武員弁。並著各該督撫查明。一併咨部分別議敘。以示獎勵。○諭軍機大臣等。據恒瑞奏稱。接奉遣伊兄恒秀換伊諭旨。恭摺謝恩等語。恒瑞之母係孝賢皇后之妹。恒瑞嫡出。恒秀庶出。皆朕所深知。惟恒秀生母尚存。朕竟忘却。及面詢恒秀時。始知已停其前往矣。恒瑞與恒秀係弟兄。素稱友愛。即恒瑞母在日。待恒秀生母亦

厚。恒瑞接奉前旨。即應將恒秀母老。伊現無老親之處。陳奏。請仍在烏里雅蘇臺駐劄。方為合理。乃恒瑞接旨後。謝恩摺內。惟知希冀還家。竟不提及。殊屬昧良。恒瑞著傳旨嚴行申飭。○癸亥。

上還宮。○禮部題。朝鮮國王李昰遣使表賀。

萬壽冬至元旦三大節。及進歲貢方物。筵宴賞賚如例。○是月。調任兩淮鹽政全德奏。淮商上納錢糧。但憑商夥家人赴庫兌交。致柴槓

私那銀兩。經臣奏明奉旨。令揚州本商親身交庫。其籍隸外省各商。照舊商夥代交。但在揚各商。亦偶有因事故不能親到者。請嗣後無論揚商及外省各商。屆完課之期。輪派總商二名。眼同本商商夥兌交。稟報鹽政衙門覈對得旨。交新任。○貴州巡撫馮光熊奏。黔省大定兩局額鑄。歲需銅三十五萬二百八十九觔。現計收買小錢發局。僅鎔淨銅三萬二千一百五十餘觔。不敷額鑄。應仍赴滇採

運報聞。

宣統三年

奏

大清高宗法天隆運至誠先覺體元立極敷文奮武孝慈神聖純皇帝實錄卷之一千四百二十一



大清高宗法天隆運至誠先覺體元立極敷文奮武孝慈神聖純皇帝實錄卷之一千四百二十二

監修總裁官經筵講官太子太傅文淵閣大學士文淵閣領事領侍衛內大臣稽察欽奉

吏部尚書院事務正黃旗滿洲都統世襲騎都尉軍功加一級尋常加二級軍功紀錄一次並慶隆

總裁官經筵講官太子太傅文華殿大學士文淵閣領事領侍衛內大臣稽察欽奉

世襲騎都尉軍功加一級尋常加二級軍功紀錄一次並慶隆

尋常紀錄十四次並慶隆經筵講官太子少保工部尚書紀錄一次並曾振鐸等奉

敦修

乾隆五十八年癸丑二月甲子朔遣官祭

先醫之神。○諭。現在衛藏添設唐古忒兵丁。每年所需經費。雖降旨令將抄出叛產。歸入商上。以公濟公。但恐該處商上蓄積。尚不能多有羨餘。達賴喇嘛應需日用之項。難以取給。嗣後竟著於辦公項下。每年賞給達賴喇嘛銀一千兩。俾得用度充裕。以示格外體恤。恩施其商上收支出納等項。駐藏大臣等。更可覈實稽查。不准噶布倫等絲毫侵冒。皆所以為達賴喇嘛及撫養衆番也。倘噶布倫及

達賴喇嘛之左右。有借端浮支之處。即著駐藏大臣隨時查究辦理。○又諭。據蔣兆奎奏。太原鎮總兵福敏奏現在患病。動履維艱。驟難痊愈。請回旗調理等語。福敏奏前在軍營屢次奮勉出力。今既患病。著准以原品回旗調理。俟其病痊。再行量加錄用。所有山西太原鎮總兵員缺。著德齡補授。○乙丑遣官祭關帝廟。○諭。石渠寶笈續編。將次纂成。著繕寫正本五分。分貯乾清宮。寧壽宮。圓明園。避暑山莊。盛京五處。於翰林中書各官內。挑派字蹟端楷者二十員。趕緊繕辦。統於年內完竣。其繕出之本。著派八阿哥。十一阿哥。十五阿哥。劉墉。紀昀。各分一分。詳細校閱。交武英殿裝潢。由懋勤殿呈覽。所有阿哥應校書本。俱由軍機處轉送。繕出正本後。照四庫館之例。將校繕各官銜名。逐本列入。如有看出錯謬。草率之處。惟校繕各員是問。○蠲緩長蘆興國富國豐財蘆臺嚴鎮等五場。並滄州南

皮鹽山慶雲青縣交河東光等七州縣乾隆五十七年旱災竈地額賦有差○是日起上以祭

社稷壇齋戒三日○丁卯祭

先師孔子遣儀郡王永璇行禮○諭據成德奏接奉諭旨責問五十五年隱匿廓爾喀所進表文貢物一事據稱此事鄂輝回川時曾經向伊告知其如何告知及因何隱匿之處並未明白聲敘僅以不敢瞻徇鄂輝代伊捏飾等語連篇累牘瑣屑陳奏甚屬糊塗成德著嚴行申飭仍著將鄂輝如何向伊告知及隱匿未奏緣由明白據實具奏成德現又經朕格外加恩補授駐藏協辦大臣伊若仍前粉飾具奏則是不知感恩自取重罪矣○又諭向來武臣無乘轎之例海蘭察在軍前効力多年腿有宿疾著格外施恩賞令乘轎○諭軍機大臣等前因吹忠從前所指呼畢勒罕雖不止一人但人人向其囑託總有一人

指得與吏部掣籤堂吏指缺撞騙相等是以發給金奔巴瓶令將吹忠認出之呼畢勒罕總以入瓶籤掣為準即吹忠所指不盡可信而於瓶內掣出令其承嗣衣鉢較前自屬公允惟當隨時稽察防其流弊不使任意妄指至吹忠降神一事雖番衆相沿日久一時驟難革除但當此整飭藏務之時總當傳來面試即不以吞刀剗肉等事令其搬演亦應將難試之事窮其伎倆俾番衆等共知其妄積弊自可漸除此時福康安如尚在藏內仍當公同試驗若福康安接奉前旨業已起程即令和琳等遵照諭旨再為面試務令吹忠不能行其幻術番衆不為所愚方為妥善將此傳諭福康安和琳成德知之○軍機大臣等議准欽差大學士公管兩廣總督福康安奏碩板多地方為察木多至前藏通衢向駐都司把總各一員嗣將都司移駐後藏惟駐把總難資彈壓請改把總為駐防千總添設駐

防外委一員從之○以鑲黃旗滿洲副都統伍彌烏遜為內閣學士兼禮部侍郎○雲南永昌府灣甸土知州景廷玉病休以其子景福襲職○戊辰祭

大祜

大稷

上親詣行禮○諭曰蔣兆奎奏盜案原贓未能起獲地方官賠給案數一摺已批該部知道矣前因地方官平時既不能實力巡查及遇

有盜案又不肯認真緝捕以致小民被盜贓項久縣無著是以罰令賠繳以示懲儆嗣因廣東省奏拿獲盜犯梁亞容一案贓數多至萬餘若亦責成各州縣按數賠給轉恐地方官借名需索復降旨通飭各督撫惟當實力督緝務將原贓立時起獲如不能起獲再按其緝盜勤惰分別贓數責令著賠今又思盜賊多至盈千累萬若概令地方官賠給不特州縣力有不能必至有名無實且恐啟刁民

捏報贓數之漸况遇盜之家如係中人大戶

惟仗經紀營生一經被劫雖為數無多已足

罄其家產至贓數較多者事主必係殷商大

賈即盜賊無獲生計尚不至拮据嗣後遇有

盜案該督撫等仍當遵照前旨嚴飭所屬上

緊偵捕果能獲犯迅速自無難追起原贓即

或盜眾俵分未必一時蕩費罄盡亦可儘數

起追給與事主倘盜犯實已遠颺不能立時

起獲除贓數一百兩以內者仍著落該管官

罰賠外如數百兩至千兩以上者應令該管

官罰賠十分之一二如此辦理庶各州縣知

所懲儆又不至有刁民捏報之弊方為妥協

至此事屢經降旨訓飭惟本日蔣兆奎奏到

之摺逐案開列清單尚為明晰此外各省直

隸山東河南曾經具奏其餘未經奏到者尚

多可見該督撫奉行不能實力著將蔣兆奎

奏摺清單發交閱看仍諭令隨時整飭覈實

辦理以副朕安戢閭閻務歸平允至意○諭

鎮撫是現在該國情形。必須福康安到廣西後。彼處得有信息。皆可聞風懾服。在心嚮阮光平者。固必以有所倚恃。羣生忻喜。即有心懷攜貳之人。亦必不敢稍萌他志。是福康安到彼後。即可潛消默化。弭患未萌。著再傳諭福康安。接奉前旨。務即加緊進行。到該處後。即不動聲色。親赴關隘。密察情形。據實迅速具奏。以慰廑注。○已。以舉行仲春經筵。遣官告祭。

奉先殿

傳心殿。○命皇子皇孫從至經筵聽講。上御文華殿。講官暨侍班之大學士九卿詹事等。行二跪六叩禮。分班入殿內序立。直講官四人出就講案前。行一跪三叩禮。復位。直講官德明紀昀進講。中庸至誠無息不息則久二句。講畢。上宣御論曰。此應與易乾象天行健君子以自彊不息並觀之。蓋不息即無息。而行健亦無

軍機大臣等前因阮光平病故。安南係新造之邦。伊與其兄阮岳素不和睦。而吳文楚久管國事。亦恐非安分之徒。主少國疑。人心反側。設有事端。轉致難辦。是以降旨令福康安由四川取道湖南。星赴廣西。駐劄彈壓。並於節次所降諭旨內。催令進行。昨據福康安等奏到。各摺係於上年十二月二十九日拜發。福康安尚在前藏。並未起程。藏內應辦事宜。已據福康安等陸續具奏。計於正月內。福康安自己由藏起程。前令福康安赴廣西之旨。係於正月二十二日。由六百里加緊發去。計可在途次接奉。阮光平自臣服以來。最為恭順。而與福康安亦素稱浹洽。該國當締造之初。內有權臣。旁有覬覦。世子阮光鑽。年甫十五。設有煽構窺伺之事。甚有關係。朕因此一事。頗為廑念。福康安威望素著。此時若另派大臣前往。不但於該處情形未能諳習。且非該國臣民素所知名信服之人。仍不足以資

息之行也。夫何有為於其間哉。然惟天地能之。至誠之聖。即天地之不息而行健也。其久徵以至博厚高明之用。雖由至誠以顯天地。仍即天地以印至誠。所謂一而二。二而一者也。朱子以無虛假間斷注之。予以為視至誠為小矣。試觀天地四時之運。有虛假乎。有間斷乎。至誠之無息。亦如是而已矣。然而至誠豈易言哉。必其致曲之功。形而著。所謂無虛假也。變化而化。所謂無間斷也。則朱子之言。未

嘗無見。但以此注無息之至誠。則尚未造至誠之域耳。講官暨侍班官跪聆畢。興直講官鐵保。金士松。進講書經天聰明自我民聰明。天明畏自我民明威二句。講畢。

上宣御論曰。天擇人以為君。君奉天以治民。治民無他術。曰安之而已矣。夫以民視天遠矣。然而不遠也。天聰明自我民聰明。天明畏自我民明威。所謂至愚而不可欺。至弱而不可勝。呼吸相通。照臨有赫。人君畏天。當知畏民。

畏民莫若安民。而安民又在愛民。其道多矣。豈語言所能盡哉。惟日孜孜。克己復禮。或庶幾乎講官暨侍班官跪聆畢。大學士公阿桂。大學士嵇璜奏曰。自古天德王道相為表裏。我皇上本天德以行王道。欽若誠和五十八年如一日。故能發前賢所未發。而言之親切如此也。臣等幸侍

講筵。親承

聖訓。不勝欽服。奏畢。諸臣出。就拜位。行二跪六叩禮。禮成。

上御文淵閣。賜茶。還宮。復賜宴於文華殿。東廡之本仁殿。○遣官祭昭忠祠。○諭。前據全德。叅奏。運使柴楨。那移商人鹽課二十二萬兩。解送浙江。彌補鹽道庫內短缺銀兩一案。事關侵那帑項。不得不切實嚴究。特派慶桂。會同長麟前往查審。彼時朕不但不疑福崧於此案有通同侵染情弊。即柴楨由貴州舉人。

用至府道擢授運使該員以邊省寒峻得此優厚俸廉已為逾分亦不應再有敗檢營私之事今據慶桂等審明福崧柴楨侵婪各款於原叅二十二萬之外又審出福崧侵用掣規月費等銀六萬餘兩殊為駭異實出意料之外經慶桂等將福崧柴楨及案內各員按律分別定擬具奏現據軍機大臣會同大學士九卿叢議請照慶桂等所奏將柴楨擬斬即於浙省犯事地方正法福崧亦擬斬即行

正法均屬罪無可逭柴楨著交長麟即於浙省處決示衆至福崧初次在浙江巡撫任內尚能循分供職嗣因失察知縣黃梅勒折苛徵一案令其前往新疆辦事伊在彼三年自當愧悔勉勵稍資歷練復加恩擢用巡撫又由江蘇調任浙江冀收駕輕就熟之效福崧係碩色之孫伊家世受國恩歷任封圻自應廉隅謹飭勉力圖報乃輒向鹽道婪索多贓以致柴楨虧缺庫項營私亂法莫此為甚此

而不嚴辦示懲何以肅官方而儆貪黷本應將福崧解京廷議如從前王亶望國泰等嚴加刑訊俾封疆大吏知所懲懼但朕年壽已高若親加訊問必生憤懣且福崧下流不值朕動怒且慙也著無庸解京即令慶桂於押帶福崧所到地方如在江南境內即著會同書麟在該處監視正法如已行抵山東即會同吉慶在該處監視正法亦足以為封疆大員辜恩亂法者戒歸景照身為藩司大員本有奏事之責凡遇督撫有貪婪不職情事即應據實叅奏乃於福崧種種貪劣各款並不據實劾叅轉代為購辦金兩可見歸景照在藩司任內素屬無能惟知取悅上司聽從指使以藩司大員似此逢迎交結吏治更不可問即治以重辟亦屬罪所應得今姑念歸景照於此案尚無通同染指之處免其深究伊前於定海縣嚴承夏自縊一案發往軍臺因尚屬公罪准其捐贖今復有代巡撫購辦金

兩之事。自難再邀寬宥。歸景照著發往伊犁効力贖罪。再不准捐贖。至明保張慎和俱係道府大員。非丞倅佐雜可比。於鹽道庫貯銀兩虧短。稟明巡撫未經查辦。即應直揭部科。乃扶同徇隱。率行接受交代。結報無虧。亦屬溺職。明保張慎和均著革職。發往軍臺効力贖罪。柴楨家人柏順代伊主饋送金兩。從中侵扣。賊至逾貫。即與奴竊主財無異。自應按律擬絞。即在該處正法。如已一併押解來京。

即著慶桂等於所到地方。會同監視處決。餘俱照所議辦理。嗣後各督撫等。務當咸知儆省。共矢潔清。於地方事務。實心整飭。毋致怠玩廢弛。自罹重罪。以副朕諄諄訓誡。辟以止辟。至意。毋似福崧欺朕耄而憚也。將此通諭知之。○庚午諭軍機大臣等。據尚安奏稱。發遣烏魯木齊人犯三千二百餘名內。脫逃人犯除業經拏獲外。尚有四十二名。未經拏獲等語。發往烏魯木齊人犯。一經脫逃。若當時

即嚴飭各臺站。并派妥幹人員。尋蹤追捕。自無不獲之理。今逃犯未獲至四十餘名之多。皆由脫逃時。不以此為事。遂致越境遠颺。久未拏獲。尚著傳旨申飭。並著將未獲各犯。嚴飭查拏。并行文該犯原籍。及經過各地方。一體緝拏。務獲。嗣後遇有脫逃人犯。即當上緊緝獲。斷不可怠忽從事。致越境遠颺。僅資鄰省代捕也。○刑部議奏。署兩廣總督郭世勲奏。廣東瓊山縣逃回烟瘴軍犯黃漢章。

改名教讀。經人首告。差役梁善因總麻表親通信。致犯潛逃。梁善係官役。不得援親屬洩漏律減等。請照應捕人故縱與同罪律。發烟瘴充軍。得旨。向來官役追捕罪人。受財故縱者。與同罪。若並未得賄。祇係洩漏其事。致令罪人逃避者。減罪人罪一等。立法雖有區別。但在官人役。奉公緝捕罪人。膽敢洩漏其事。以致該犯聞信遠颺。有稽弋獲情節較重。若因未經受財。得以減罪人之罪一等。則

官司人役無所傲懼。縱囚之案必至日多。嗣後除受財故縱者。仍照律與囚同罪外。其未經得賄。潛通信息。致罪人逃避者。若所縱之囚。罪應斬絞。即與同科。未免多一死罪之條。自應仍准減等問擬。若所縱之囚。係屬軍流以下等罪。竟當與囚同科。不准減等。並著為例。所有刑部叢議廣東省差役梁姜一案。即照此例辦理。○辛未。諭軍機大臣等。昨吉慶奏上年被旱歉收之德州。平原等二十七州縣。衛於麥熟後先徵舊欠。其應徵五十八年地丁錢糧。緩至九月啟徵。已即批令准行矣。本日據梁肯堂奏保定省城於二月初五日得雨深透等語。京城初五日得雨三寸。而保定同日渥被春膏。並據永瓚奏易州亦於初五日得雨六寸。看來此次雨勢寬廣。直隸地方諒可普霑。麥收有望。朕心深為欣慰。但京南順德廣平大名三府。上年因旱歉收。而河間景州天津為尤重。雖已蠲賑並施。新正復

加恩降旨展賑。但究恐民力不無拮据。著將硃批吉慶摺鈔寄梁肯堂閱看。並令該督將被旱各州縣有無應照吉慶所請酌量緩徵之處體察情形。據實具奏。以副朕軫念災區有加無已至意。尋奏保定文安大城武清寶坻寧河河間任邱景州獻縣交河阜城青縣慶雲鹽山清苑滿城束鹿望都容城等二十州縣被災較重。請照山東例。麥熟後先徵舊欠。本年地丁錢糧及各項旗租。緩至九月啟

徵從之。○壬申春分朝。

日於東郊遣和郡王綿循行禮。

上御乾清門聽政。○辛圓明園。○以太常寺卿世魁為都察院左副都御史。○癸酉。諭軍機大臣等。據長麟奏正月初二三及十三四等日密雨連綿。入土深透等語。江南與浙江境壤毗連。何以江蘇地方尚未據書麟等奏報得雨情形。現在已屆麥苗長發之時。正資膏雨滋培。豈不知朕廑念雨暘無時或釋耶。著



傳諭書麟奇豐額將正月及本月初旬該省是否得有雨澤之處即行覆奏以慰廛注尋書麟奏江南通省地方自正月中旬至二月望前均渥被春膏麥豆長發糧價亦平得旨奏遲了○又諭據恒瑞奏接奉停止恒秀往烏里雅蘇臺換伊諭旨一摺恒秀生母年老恒瑞寧不知之前接奉換伊諭旨時即應聲明經朕詢出降旨後始奏稱於心慊然殊非本意看來伊弟兄素亦非真和好恒瑞係宗室卑幼國法家教俱應訓誡仍著傳旨嚴行申飭○甲戌

孝康章皇后忌辰遣官祭

孝陵○諭軍機大臣曰慶桂奏行抵高郵途次接奉諭旨回赴浙江審辦石門縣吳清來呈控該縣折漕一案現添派淮揚道谷廷珍同浙省原委文武各員押解福崧進京等語前因福崧罪無可逭已明降諭旨令慶桂於何處接奉即於該處會同各該督撫監視正法

今慶桂既回浙江審辦控漕一案福崧交道員谷廷珍等解京諒此時已入山東境內但恐慶桂接奉將福崧正法諭旨又復拘泥轉回辦理飭令解員在江南境內等候亦未可定著傳諭吉慶奇豐額如接奉此旨時福崧業已解至東境即著吉慶迎往監視處斬如尚在江南境內即著奇豐額趕赴前途監視並面向福崧諭以伊兩任浙江巡撫受恩深重乃不知感激圖報任意乖張驕縱自大並

妄思陞擢若操守廉潔已失小心敬事之道况現經慶桂等審明婪索多贓供證確鑿是自蹈重辟所有吳清來控告折漕一案未經批發尚其罪之至輕者今明正典刑還有何說令其登答一面具奏一面即將福崧遵旨正法以昭炯戒不必等候慶桂致有遲延將此由六百里傳諭吉慶奇豐額並諭慶桂知之○乙亥蠲緩河南安陽湯陰臨漳林縣武安涉縣內黃汲縣新鄉輝縣獲嘉淇縣延津

滑縣濬縣封邱考城河內濟源修武武陟孟縣溫縣原武陽武等二十五縣乾隆五十七年旱災額賦有差○丙子諭軍機大臣等據富綱奏緬甸國王孟順虔備表貢專差親信大頭目孟幹等恭齋到關懇請赴京叩祝萬壽現在檄令三月間緩行來省俟奉到諭旨另派妥幹文武伴送前進等語緬甸國王自納款輸誠以來疊加恩錫該國王情深感激復遣使陳謝齋表進貢懇請赴京祝釐閱其譯出表文情詞甚為恭順該督等即可於貢使到省時派員伴送緩程前進計至七月內到京為期尚寬儘可從容行走前經郭世勳奏西洋暎咭喇國遣使進貢由海道至天津赴京叩祝約計夏秋間亦可到京適與緬甸貢使同時並集正可偕外藩蒙古王公等共與筵宴以昭重譯梯航之盛至該督奏緬甸國王咨文內稱近因暹羅又來侵擾擬親自帶兵前往堵禦當經諭知孟幹以鄰國總要

彼此和好少動兵戈各安地界等語所檄尚為得體該國與暹羅爭界興兵由來已久事關外夷祇可置之不問也將此諭令知之○又諭據明亮將各省海捕逃犯及由黑龍江逃逸遣犯數目彙奏前來此項遣犯脫逃若彼時上緊派委妥員追緝斷不至遠颺不獲即各省海捕人犯嚴飭留心查緝亦無有不獲者今閱未獲人犯四百六十餘名皆因逃時並未實力追緝而別省咨捕之犯亦視為通行海捕具文耳著傳諭該將軍等嗣後遇該省有逃犯時必須上緊派員追捕毋令越境遠颺惟恃鄰省代為緝捕即別省通行咨捕人犯亦須嚴飭留心查緝○刑部等衙門議奏兩江總督署江蘇巡撫書麟奏江蘇上海縣祖師堂僧德見因師僧文照姦宿伊母忿楚文照一案依律擬絞得旨此案僧德見因僧文照與其母張王氏通姦留住廟中經僧德見將伊母勸回僧文照復肆行辱罵僧

德見一時忿激。攜取柴斧。將文照連砍斃命。該督撫將僧德見。依親屬捉姦非登時殺死。姦夫例擬以絞候。援例本為失當。經刑部改依罪人不拒捕而擅殺例。擬絞。雖屬照例辦理。但張王氏與僧文照通姦。經德見禁阻不止。嗣竟留宿在廟。復經德見屢次苦勸。方始回家。德見心懷忿激。欲控官究治。又恐連累其母。是德見頗具愛其父母之心。而其母淫賤無恥。絕無顧子之意。迨僧文照因德見將

伊母勸回。復肆行詈罵。並聲言將來接伊母長住廟內。不怕不依。是文照既姦其母。又復任意欺凌。更何有師徒之分。德見情急難堪。用斧將文照連砍斃命。實屬出於義忿。其情甚為可憫。此而問擬絞候。則淫惡者罔知顧忌。而義忿者轉無以自伸。於情法殊未允協。此案僧德見著交刑部改照秋審可矜之例減等發落。○丁丑。諭軍機大臣等。據明亮奏查明尼布楚城。雅克薩城原委一摺。該處境

地既經松鄂托與俄羅斯使臣議以雅克薩城內屬。尼布楚城屬俄羅斯。並令將向住雅克薩之俄羅斯盡撤回伊察罕汗地方。現在雅克薩曾否設卡撥人駐守。著傳諭明亮等查明。遇便奏聞。○戊寅。諭據英善奏。上年四川省鄉試年逾八十之附生王灝等七名。俱三場完竣。未經中式等語。該生等年臻耄耋。志切觀光。洵屬藝林盛事。所有廩生趙之雋。附生王灝。莊廷重。劉果。行。莫秀。榮。吳人瑞。唐

昌文。俱著加恩賞給舉人。准其一體會試。以彰壽世。作人至意。○又諭。曰。陳淮奏拏獲黔省淫惡脫逃兇犯。審明辦理一摺。已批交該部知道矣。此案李老五一犯。因姦謀殺本夫。復將屍首燒埋滅跡。拏獲到官。膽敢復行脫逃。實屬不法。已極。該撫因在貴州巡撫任內。曾經審辦。調任江西後。以該犯原籍臨川。即飭該縣嚴密查緝。獲犯正法。俾兇徒不致漏網。尚屬留心。陳淮著交部議敘。其拏獲兇犯

之臨川縣典史任治督同縣役擒獲報解亦屬認真著送部引見以示鼓勵○旌表守正捐軀四川眉州民吳開泰妻蒲氏

中興太子聖主

主

大清高宗法天隆運至誠先覺體元立極敷文奮武孝慈神聖純皇帝實錄卷之一千四百二十二

大清高宗法天隆運至誠先覺體元立極敷文奮武孝慈神聖純皇帝實錄卷之一千四百二十三

監修總裁官經筵講官太子太傅文淵閣大學士文淵閣領侍衛內大臣稽察欽奉 上諭事件處掌

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文淵閣大學士文淵閣領侍衛內大臣戶部尚書鑲黃旗滿洲都統軍功紀錄五次

世襲騎都尉軍功加十九級隨帶加二級又加二級臣董誥內大臣戶部尚書鑲黃旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆五十八年癸丑二月己卯諭軍機大臣

等上年秋間順天府所屬薊州三河等處間有被蝗之處經朕嚴降諭旨分派大臣實力搜查即時捕滅並經嚴切示諭令該督等嚴飭所屬每年於二三月內實力察看據實稟報該督等具奏一次蝗蝻殘蝕禾稼最為民害惟在及早認真搜捕方不致蔓延貽患現當春氣融和膏澤應候麥苗正資長發之時昨秋既有間被飛蝗之事不能保其不稍留餘孽凡遇沮洳早濕之區尤應加倍留意斷

不可因上年冬雪深透。以為遺蝗入地必深。稍存大意也。著傳諭該督。務遵前旨。督飭所屬實力搜查。不得心存玩忽。總當勸百姓深耕。為是其乏籽種者。即借給。除就近諭知。蔣賜棨等外。將此傳諭梁肯堂知之。○又諭曰。長麟查奏浙省未完籽種口糧銀兩。分別著賠一摺。已批交軍機大臣。會同該部議奏矣。至摺內稱。紹興府蕭山縣荷花池等處。隄勢曲灣。迎面有汶江一道。直向東流。東岸隄工。

俱係迎溜頂衝。且距湘湖不遠。隄工稍有疎虞。則江水直貫入湖。湖水泛溢。蕭山會稽等縣。皆受浸淹等語。荷花池等處。隄工。朕向觀圖。所奏不明。意係為開攔湖水。保衛隄上居民而設。今據長麟所奏。及閱呈進圖樣。細為參究。乃知是湘湖之水。係向東流。而江水又復東注。荷花池等處。適當江溜頂衝。是以築隄護衛。以防江水之入湖。看來該處江面較高。湘湖以東。地勢較為窪下。此項隄工。東面

轉為著重。已於圖內用硃圈標識。著發交長麟閱看。並將該處隄工地勢情形。是否如此。詳悉覆奏。將此諭令知之。○庚辰。諭軍機大臣等。昨據陳用敷奏。安南告哀。請封陪臣吳時任等。現已派員赴鎮南關等候。俟其到關。即行伴送赴京等語。向來安南使臣來京瞻覲。經過沿途省會。該督撫等例有筵宴演戲之事。此次該國使臣。因其國王物故。赴京告哀。到廣西省城。並經過沿途省分。止應照常

備飯。以示款接。所有筵宴演戲之事。應行停止。若該使臣銜恤而來。督撫等仍前設宴演戲。不特多有糜費。并於禮文未協。豈不轉為所笑。該督撫等仍當曉諭該使臣。以伊等係為赴京告哀。是以體恤私情。不便舉行筵宴。唱演戲劇。此於禮節宜然。俾其知所感服。以示慰勞。而昭體制。著傳諭陳用敷。並沿途各督撫。一體遵照辦理。○軍機大臣等議准。欽差大學士公管兩廣總督福康安奏。前此廓

爾喀滋擾係沙瑪爾巴主持欺凌唐古忒非因貿易啟釁貿易商民係巴勒布克什米爾二種無廓爾喀本地人廓爾喀所需藏物無多而藏番日用多仗外番應仍准唐古忒與通市惟從前任其常川興販駐藏大臣衙門並無查考請嗣後除邊界番民就近與巴勒布番民易換鹽米為數無多無庸限定次數外其貿易番回均按名造冊存駐藏大臣衙門每年巴勒布准貿易三次克什米爾准貿易一次赴外藩營販時商頭呈明駐藏大臣給照令駐劄江孜定日二汛備弁等驗放自外番來藏商民亦令該二汛備弁查稟駐藏大臣到藏後按名注冊布魯克巴哲孟雄宗木等部落來藏贍禮者均令一體稽查需索縱容者嚴究至濟甯聶拉木課稅前據福康安等奏請毋庸酌減經臣等議俟藏內貿易酌定後覈辦今貿易已定該二處抽收米鹽及貨物到藏納稅應如前奏仍照向例辦理

又藏內貿易向使用廓爾喀銀錢每至居奇今奉旨頒式就藏開鑄定價通用廓爾喀銀錢不禁自銷無庸另議價值今鑄新錢來藏從之○辛巳軍機大臣等議覆浙江巡撫覺羅長麟奏遵旨查明五十一年因災借給仁和等州縣並嘉湖二衛貧民籽種口糧銀除節年徵還並續豁二成外尚未完銀二十六萬四千三百兩有奇查係貧民實欠請如前撫福崧原奏分別官賠應如所請令五十一

年以後經徵各州縣分賠一半節任撫藩道府分賠一半福崧應賠款無可著追應令曾任浙江巡撫侍郎伊齡阿代賠又奏稱五十年遂安縣水災借給貧民籽種穀價銀一千一十兩有奇在恩詔前藩司詳請題豁福崧遺漏未辦請照例豁免再蕭山縣荷花池東岸隄工遇坍損向係民修上年因山水陡發民力緩不濟急借帑先修實用銀一萬三千九百餘兩福崧僅奏用銀一千五百兩餘

議令承辦府縣幫捐。請據實更正。按數徵底。歸還原款。均應如所請。從之。○禮部題直隸總督梁肯堂疏。報阜城縣監生崔可取生員耿雲龍冀州武生賈英傑。民王文光清豐縣民傅振家趙思聰。俱年未百歲。五世同堂。應分別賞給扁緞銀兩。從之。○壬午。諭前據慶桂等奏福崧之母遊玩西湖。每次豫備食用燈綵船隻等項。共用銀二千餘兩等語。福崧之母遊玩西湖。伊自必託詞孝養。不知地方官吏眷屬隨任。本不應出署閒玩。福崧即自出已貲。奉母遊玩。已不免屬吏伺候糜費。乃竟派令鹽道豫備供應。節次費銀至數千兩之多。累及地方。以致身罹重辟。虧體辱親。所謂孝養者安在。因思外省督撫。凡事非失之太過。即失之不及。若福崧之奉母遊湖。擾及官民。甚至恣意貪縱。固其罪由自取。而長麟素屬好名。恐因此復至矯枉過正。禁止民人進香遊玩。則又不可。杭州天竺供奉觀音大

士。每遇春秋令節。士民咸往瞻禮祈求。習俗相沿。由來已久。自可仍循其舊。即官斯土者或因禱雨祈晴。赴天竺等處拈香。及查看行宮。經由湖上一二次。亦所不禁。惟不當託遊玩於查勘。及任聽眷屬出外。致滋擾累。此不特杭州為然也。如蘇州之靈巖虎邱。及揚州之平山堂等處。均為地方名勝。士民瞻眺之所。又安能絕其遊蹤。即戲園演劇。俗尚奢靡。豈不應禁止。但蘇杭淮揚商賈輻輳。無藉遊民。皆藉此餬口。若一經嚴禁。則遊手好閒之徒。無所托業。甚至官吏奉行不善。轉啟需索訛詐之漸。於政體有何裨益。此朕臨御以來。並不降旨飭禁。即與不肯沙汰僧道之意相同。況國家承平日久。生齒益繁。民風之日即華靡。其勢亦已積重難返。而必欲執黜奢崇儉之說。以期革俗化民。譬如均田井里。法非不良。斷難施諸今日。即其明證。封疆大吏。均有牧養斯民之責。嗣後辦理地方事件。務宜

因利乘便酌衷至當去其已甚不為過甚固不可肆意累民亦不可違俗干譽以副朕諄諄訓誡至意○又諭據蔣兆奎奏石年成同弟石小年同謀殺死胞叔蟠石勇寧石張氏審明辦理一摺已批該部知道矣此案石年成石小年同向胞叔石勇寧借貸未給圖財謀死叔蟠二命罔顧倫紀兇惡已極如其子及歲即正法亦所應當著該撫將石年成之子石頂柱兒至及歲時送內務府閹割以儆兇殘○諭軍機大臣等據明興等奏稱將喀什噶爾駐防兵本年盡行撤回需用時再行調取等語喀什噶爾距伊犁不甚遠此奏尚屬可行著照所請將駐防兵撤回但此奏及覆奏接奉訓飭新疆大臣等不得騷擾回民諭旨摺內俱未列伊犁堪達爾名伊係朕舊日得力回臣且辦理郡王事務亦妥前曾降旨令凡有關繫回人事件俱著列名似此兩奏非有關回人之事乎何以不列伊名嗣

後即著將伊犁堪達爾作為協辦大臣凡遇奏事俱列名同奏但從前王素布係哈密回人額敏和卓係吐魯番回人伊等一味袒護所屬欺凌本處回民今朕將伊犁堪達爾作為協辦大臣受恩深重須感戴朕恩將伊所屬吐魯番人嚴加約束諸事秉公辦理斷不可欺凌喀什噶爾回民果能奮勉不惟於事有益而衆人亦皆心服庶可長受朕恩矣○吏部議奏山東巡撫覺羅吉慶奏署諸城縣知縣桃源同知王佩葵杖訊竊菜民宋致富致斃應革職得旨山東參革諸城縣知縣王佩葵審究宋致富行竊傳繼魁家韭菜一案因宋致富不肯承認執將宋致富疊加杖責並將磚塊支架腳腕以致宋致富因傷斃命宋致富偷竊韭菜事甚微細該縣王佩葵疊杖致斃雖與故勘平民有間究屬濫刑斃命僅予革職不足示懲王佩葵著發往軍臺効力贖罪以為酷暴者戒○癸未遣官祭



歷代帝王廟○諭軍機大臣曰陳淮奏欠銷鹽引過甚之署龍泉縣知縣俞光豫請旨革職一摺所奏是陳淮前於貴州逃犯留心飭屬緝獲已交部議欽今於龍泉縣俞光豫並不實力緝私以致墮銷鹽引特示儆辦理亦屬認真。但此項墮銷引數係五十七年正月至十一月止。正全德任內之事。各口岸銷鹽數目該州縣皆按季呈報鹽政查覈其缺額與否全德斷無不知之理。江西鹽務節據全德奏設法整頓業經暢銷近年頗有起色。今龍泉縣所銷引數不及十分之一。現據巡撫查叅而全德專管鹽務何以轉未叅奏可見該鹽政近來辦事全不留心著據實明白回奏至巴寧阿現任兩淮鹽政到任後務宜實心整飭固不必有意苛求若有似此之玩弛墮銷者即當據實嚴叅俾各屬知所儆懼以期私梟斂戢官引暢銷不致仍前因循墮銷方為妥善將此各諭令知之○旌表守正

捐軀山東臨清州民趙某妻來氏○甲申上御勤政殿聽政○乙酉諭軍機大臣曰梁肯堂奏到直隸各州縣雨雪清單朕詳加披閱內河間順德等屬得雨僅止一寸即順天永平宣化等屬亦不過二三寸得雨未能霑足上年河間景州及順德廣平大名等處雨澤愆期收成歉薄雖已蠲賑兼施新正加恩展賑並令該督將上年被旱各州縣酌量緩徵尚恐民力或有拮据時深厪念且順德廣平大名三府每年常致缺雨尤不可稍存大意此次各屬所得雨雪僅有一寸至二三寸不等乃該督摺內遽稱春膏優足未免意存自滿殊為不當梁肯堂著傳旨申飭嗣後務宜留心體察先事綢繆毋得稍涉滿足以副朕宵旰勤求訓勉諄切至意○又諭前據郭世勲奏喚咭喇國遣使進貢祝釐由海道至天津赴京曾經降旨以海洋風信靡常該貢使船隻或於閩浙江南山東等處近海口岸收

泊亦未可定。而近海一帶營伍未必一律整肅。特諭令該督撫等。如遇該國貢船進口時。務須派員彈壓稽查。列營擺隊。以示嚴肅。但外省習氣。非失之不及。即失之太過。若該督撫等因有此旨。辦理過當。迹涉張皇。竟似陳兵備禦者然。不特該國使臣心懷疑懼。即地方民人亦覺驚駭耳目。殊為未便。著再傳諭該督撫等。於該國貢使到口時。總須不動聲色。密加查察防範。以肅觀瞻。而昭體制。固不可意存玩忽。亦不可張大其事。務使經理得宜。無過不及。方為妥善。再該國遣使赴京。或於貢船之便。攜帶貨物前來貿易。亦事之所。有。若在福建江浙等省口岸收泊。該處非若澳門地方。向有洋行承攬之人。可為議價交易。且該國來使與內地民人語言不通。礙難辦理。著傳諭福建浙江江南三省督撫。先期行文廣東省。令郭世勳將該處行頭通事人等。揀派數人豫備。如該國貢船於該三省進

口時。帶有貿易貨物。即飛速行知廣東。令將豫備之人。派員送到。以便為之說合交易。若該貢船在山東直隸進口。該二省距京甚近。毋庸調取澳門之人。即可來京交易。交四堂人代為經紀其事。較為近便。仍著該督撫等。諭知來使。以浙江等省。向無洋行經紀。誠恐該國使人不曉內地言語。講論價值。不能諳悉。或有虧折之處。特調取廣東澳門洋行熟手。為之經理。公平交易。俾其得霑餘潤。以示懷柔體恤之意。將此各諭令知之。○旌表守正捐軀河南息縣民王大明妻王氏。○丙戌遣官祭賢良祠。○諭據諾穆親等奏。本年德州濟寧臨清等衛糧船。於本月十三十四十五十七等日。先後抵通一百八十九隻。均較上年早到二十一二三日不等。等語。此次德州等衛糧船抵通。既較上年早至二十餘日。行走迅速。殊屬可嘉。向來各省漕運船隻。遲緩貽誤者。俱交部議處。示懲。今行走迅速。亦

當酌加獎勵。所有此次押運道員及運官等  
著交部分別議敘。其運弁旗丁等。交該撫查  
明。分別賞賚。以示鼓勵。○丁亥清明節遣官  
祭

永陵。

福陵

昭陵

昭西陵

孝陵

孝東陵。

景陵

泰陵

泰東陵。○

上命

皇十五子嘉親王

祭

孝賢皇后陵。○遣官祭

端慧皇太子園寢。○詣

安佑宮行禮。○諭軍機大臣等。近年各外藩傾

心向化。絡繹來朝。此等外藩使臣經過省分。  
該督撫等量加賞犒。以示款接。亦儀文所應  
有。但須定有限制。不可過濫。若祇圖體面。踵  
事增華。勢必有加無已。徒耗物力。在督撫等  
養廉優厚。如果出自己貲。備物賞給。所費無  
多。原屬易辦之事。但外省習氣。遇有此等賞  
需。往往派令屬員承辦。而屬員等借此為名。  
取之地方百姓。殊多擾累。故致尹壯圖之源  
造言生事也。嗣後該督撫等。於外藩使臣過

境時。惟當照常賞給。出貲自辦。不必逐漸加  
增。亦不得轉派屬員。倘仍沿積習。輒令州縣  
備辦。致有擾累百姓之事。一經查出。必將該  
督撫重治其罪。各宜實力凜遵。毋負諄切訓  
誡之意。將此各傳諭知之。○戊子諭。據兵部  
將軍政卓異之綏遠城佐領湛布。密雲縣驍  
騎校英敏。太原驍騎校巴彥善等。帶領引見。  
各省軍政佐領等官。雖例得列卓異。但引見  
後。不過加一級。發回本地。往返徒糜盤費。况

遇應陞缺出。仍由此項人員內揀題嗣後各省佐領等官。不必拘泥成例。列為卓異。徒令遠涉。遇協領等官缺出。即於此項人員內保舉陞補。既省盤費。而於陞途亦無滯礙。著為令。○又諭據理藩院奏銷科爾沁喀喇沁土默特錫林郭勒盟所孳生牛馬額數一摺。此項牛馬該扎薩克等妥為牧放。比年以來。著衍數千。但徒然牧養不用。將漸次加增。轉多需牧放人役。於伊等差使恐不無拮据。著加

恩將額餘牛賞土默特貝子旗分三百三十頭。將額餘馬賞科爾沁十旗每旗各一千匹。賞喀喇沁土默特錫林郭勒盟所十旗每旗各七百匹。著均勻散給承牧各台吉官兵。以示朕軫恤蒙古世僕至意。並將如何分給之處報部查覈。餘仍著妥為孳牧備用。○豁除江蘇寶山縣坍廢田蕩八頃二十三畝有奇額賦。○己丑

孝昭仁皇后忌辰遣官祭

景陵。○庚寅。旌表守正被戕江蘇長洲縣民邵福材妻王氏。○辛卯。吏部議准直隸總督梁肯堂奏。直隸按察使保定府兩司獄缺例歸部選。直隸獄繁犯衆。司府兩監非初任之員所能經理。請將兩司獄改為調缺。將事簡之易州上陳驛驛丞兼巡檢事。涿水縣典史兩缺改歸部選。從之。○旌表守正捐軀直隸贊皇縣民薛聰妻位氏。○壬辰。遣官祭黑龍潭昭靈沛澤龍王之神。玉泉山

惠濟慈佑龍王之神。○諭據索喜奏拏獲脫逃違犯正法摺內。並未聲明伊現署將軍印務。僅止書名具奏。甚屬含混。朕批閱之下。竟不知何省何官所奏之事。此皆由索喜不曉事體所致。著將伊申飭外。并將此旨通行各省城將軍副都統等。嗣後凡有陳奏事件。務將所署職任明白繕寫摺內。斷不可如此含混。僅書名也。○諭軍機大臣曰。福康安等覆奏查明索諾木旺扎勒並無苦累。巴勒布商

人。私加稅銀之事。自係實情。伊世襲扎薩克台吉。業已革去。所有家產。毋庸再行查辦。前因安南國王阮光平病故。降旨令福康等迅速馳赴粵西。以資鎮撫。今福康等奏到摺內。尚無在藏起程日期。深為厯注。至孫士毅惠齡。現在藏內辦理。察本多以西奏銷。將次完竣。自當即回成都。查辦東路銷算事宜。且省中亦有應辦地方事件。豈可無事在藏逗留多日。轉致地方要務多有延誤。著福康等將何日接奉前旨。馳赴粵省。孫士毅惠齡於何日起身。回至成都之處。一併迅速覆奏。將此傳諭福康等。孫士毅和琳惠齡知之。○又諭曰。聞嘉言奏請。陛見一摺。內稱奉到批。迴起身入覲等語。所奏殊不曉事。該省總督惠齡。現在前藏。辦理軍需報銷事宜。新任臬司林僑。亦隨同在藏。有經手應辦事件。現在四川省城。止有該司同藩司英善。駐劄彈壓。況凱旋索倫官兵。由打箭鑪至成都省城。係該

司護送。由省城至廣元一帶。係英善護送。是此時凱旋官兵。正資大員照料。該司尤應一手經理。浙江此時。並無應辦要件。該員有何迫不及待。而汲汲為此奏請耶。所奏殊屬拘泥。並非誠心。著傳旨申飭。並著傳諭該司。俟總督惠齡到省。並俟新任臬司林僑回省後。接收交代清楚。再行來京。陛見。亦不為遲。○刑部議奏。正紅旗滿洲世管佐領慶安受賄。濫用圖記。孫廷玉疊次捏契。主令劉大描印。賄囑慶安串騙。按律分別擬罪。得旨。此案慶安身任職官。掌管圖記。聽受孫廷玉等賄囑。濫用圖記。以致孫廷玉等疊次誑騙多賊。而該犯又冒充佐領富尼杭阿之名。夥同詐騙。計贓已在八十兩以上。罪應絞候。本年秋審時。自應入情實予勾。但該犯情節較重。未便稍稽。顯戮。慶安著即處絞。至孫廷玉三次捏造假契。主令劉大描畫印信。賄囑慶安。私用圖記。串同誑騙。是慶安之身。罹法網。俱係孫

廷玉起意唆使。僅予發遣。新疆不足蔽辜。孫廷玉著改為絞監候。秋後處決。入於本年情實辦理。以示懲儆。○癸巳旌表守正捐軀河南光山縣民馬金國妻余氏。○是月欽差大學士公管兩廣總督福康安等奏。哲孟雄頭人却圖魯。因大兵征服廓爾喀。稟請派人往彼。照六輩達賴喇嘛時定界。劃歸該部落。並請添兵給糧。代為守禦。查哲孟雄。於大兵征服廓爾喀時。並未出力協助。其部落又非藏地。即所稟六輩達賴喇嘛時原界。多係崑布等小部落舊地。若差員往劃。後有爭論。即不能不為管理。當飭諭不准。嗣又差人稟稱。廓爾喀聲言。大將軍已將該部落賞彼。面詰廓爾喀護送象馬頭人。並無此語。除諭令廓爾喀不准滋事外。將哲孟雄虛誣。撤飭指駁。得旨。所辦皆妥。○山東巡撫覺羅吉慶奏。山東省積欠錢糧。上年二月奉旨飭查。經護撫藩司江蘭查明。實欠銀五十二萬三千一百兩有

奇。奏限十月完解。臣抵任後督催。續完銀三十三萬一千五百餘兩。餘未完各屬。查多毗連災境。請再展限一年。仍逾限不完。將現存及降調回籍各經徵接徵人員革職。按在任日月。分賠還款。得旨如所議行。○署兩廣總督郭世勳。廣西巡撫陳用敷。奏進安南國世子阮光纘表文五道。並報明該國臣民感戴殊恩。全境救寧情形。得旨。知道了。

大清高宗法天隆運至誠先覺體元立極敷文奮武孝慈神聖純皇帝實錄卷之一千四百二十三

大清高宗法天隆運至誠先覺體元立極敷文奮武孝慈神聖純皇帝實錄卷之一千四百二十四

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉

吏部總理事務正堂滿洲副都統世襲騎都尉軍功加七級隨帶加一級尋常加二級軍功紀錄一次臣慶桂

總纂官經筵講官太子太傅文華殿大學士文淵閣領閣事稽察欽奉

世襲騎都尉軍功加十九級隨帶加二級又加二級臣董誥內大臣戶部尚書鑲黃旗滿洲副都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

校修

乾隆五十八年癸丑三月甲午朔旌表守正

捐軀直隸肅寧縣民葛顯章妻孔氏○乙未諭昨於正大光明殿補行覆試順天等省鄉試中式舉人鄧榮春等八名經軍機大臣公同閱看擬以准其會試者一卷罰停一科者二卷兩科者一卷三科者二卷斥革者二卷分別進呈朕逐加披閱內廣東舉人鄭綱溫覲感二卷詩文疵謬字畫模糊草率軍機大臣調驗原卷比對竟如出兩手其中情弊顯然但使時取中原卷詩文明順在主持司等憑

文取士自與無涉而監臨關防不嚴致有代倩傳卷等弊咎無可辭除三科以上年分較遠者免其追究外其在三科以內現擬罰科

在順天中式者即將派出之監臨議處在本省中式者將該省監臨之巡撫議處其斥革諸卷該監臨之咎更重著交部嚴加議處以示懲儆至覆試之例前經吳省欽條陳廣東山西等省及順天俊秀貢監鄉試中式者應行覆試現在惟會試及順天鄉試榜後方舉

行覆試而各省業經停止因思舉人一途即使會試不能中試無論經截取大挑即按班次亦可選授知縣補用教職或身膺民社或職司秉鐸並有從此漸躋膺仕者其出身之途甚關緊要非如諸生之不得中式僅以頂戴榮身者可比豈容以文理庸劣冒名鎗替之徒濫膺其選是各省鄉試後亦不可不普行覆試但各省人數眾多若概調集京師恐邊遠省分長途跋涉未免資斧維艱亦非體

恤寒暖之道。嗣後各省如督撫同在一處者。仍令巡撫監臨。著於榜後。交與總督嚴局覆試。其止有巡撫省分。著派布政司會同鄰近提鎮一員監臨。榜後交與巡撫覆試。一經覆出。與原卷文理字跡不符者。即行據實究辦。嚴叅。將該監臨及本生分別嚴處治罪。所有各省覆試卷。仍統行解京。候朕欽派大臣翰林等。一併覆勘。倘勘出情弊。唯覆試之督撫是問。如督撫等覆試未能究出情弊。至會試

中式覆試。有詩文荒謬者。除知貢舉照例嚴處外。並將該省覆試之督撫一併嚴處。庶使有所責成。層層嚴覈。清絕弊竇。以杜倖進。以勵正途。而拔真才。至現在覆試各卷內。軍機大臣擬准會試之鄧綦春一名。閱其首藝。內有生逢盛世之語。時文係代聖賢立言。在曾點其人其時。口氣不應有此。而詩內上已與皇都。又復不對。詩文俱屬平常。亦著罰停會試一科。餘照軍機大臣所擬辦理。此次覆試

之卷。不特斤革者。疏累不一而足。即罰科者。文理亦屬疎庸。顯屬外簾之弊。本應徹底根究。從重嚴辦。姑念事隔有年。並有中在例前者。是以姑從寬典。現已申明覆試之例。另立章程。嗣後該監臨等。務宜實心查察。嚴密關防。而主考官尤宜悉心校閱。慎重揀選。即各士子亦當洗心滌慮。績學自愛。以副朕諄諄訓誡。讀書人。覈實成全至意。○諭軍機大臣曰。長麟奏海塘沙水情形。及勘明應修應

緩各工一摺。所辦尚妥。惟披閱所進海塘圖內。未將中泓大溜繪出。殊未明晰。海潮大溜自東而西直走江心。若溜勢偏向北岸。則北岸漲沙。必致汕刷如溜。勢逼近南岸。則北岸漲沙。自應日漸加增。是海塘沙水。南坍北漲。情形全憑中溜所趨為準。今該撫摺內。既稱南岸舊沙。現因大溜南趨。逐日俱有塌損。實為南坍北漲極好機會。而於圖內並未將中溜畫出。是曾否南趨之處。竟未明白。反似江



水連成一片。彌望汪洋。所謂南坍北漲形勢。更從何處辨別。朕檢閱海塘上月舊圖。係將海潮中溜畫出。向南向北。便可一目了然。著將長麟此次所進海塘圖發還。並將舊圖一併發交閱看。令該撫將現在中溜向南向北之處。每月照舊繪在圖內呈覽。毋得似此牽混。至北岸挑溜石壩。現因溜勢南趨。相距北岸甚遠。其未修各壩。自應暫緩興修。以節糜費。再向來辦理塘工。多有工員承辦工程。十

一府屬公同保固。辦理實屬錯誤。令長麟奏請責成工員。將十一府公同保固之例停止。甚是。自當如此著照該撫所奏辦理。以昭平允。將此諭令知之。○丙申。

上御勤政殿聽政。○刑部議奏陝甘總督勒保參奏署甘肅寧州知州環縣知縣于輝。於州民楊爾儉等毆斃胡常胡久一案。漏驗傷痕。錯擬正兇。應杖徒得旨。于輝於承審毆斃二命重案。並不詳細相驗。誤將共毆之犯定擬。

正兇既經批駁。仍照原擬率詳。幾致罪名出入。擬以杖徒尚不足示儆。著發往軍臺効力贖罪。以太僕寺卿永良為太常寺卿。○旌表守正捐軀廣東鎮平縣民徐盛三妻賴氏。○丁酉。

上自圓明園啟鑾幸盤山。○諭朕此次巡幸盤山。所有沿途經過地方。本年應徵地丁錢糧。著蠲免十分之三。○又諭曰。鐵保伊齡阿成策均為侍郎事務較多。著不必兼副都統。所

有鑲黃旗蒙古副都統員缺。著珠爾杭阿補授。正黃旗漢軍副都統員缺。著薩哈爾濟調補。所遺鑲白旗蒙古副都統員缺。著訥音補授。正紅旗滿洲副都統員缺。著玉保調補。所遺鑲藍旗蒙古副都統員缺。著翁果爾海補授。○又諭曰。台斐英阿陣亡。已賞給世職。令伊長子安貴年終承襲。然朕心時懷憫惻。著加恩將伊次子安惠陞授二等侍衛。○是日駐蹕湯泉行宮。○戊戌。諭曰。哲森保在軍前

奮勉受傷身故。朕心頗為憫惻。伊子富永前因軍前受傷。由藍翎侍衛陞授三等侍衛。今念哲森保勞績著。加恩授富永為二等侍衛。以示軫恤。出力滿洲臣僕之意。○是日。駐蹕三家店行宮。○己亥。祭

先農之神。遣裕郡王亮煥行禮。○以內閣學士瑚圖禮。周興岱為會試知貢舉。吏部尚書劉墉為正考官。禮部左侍郎鐵保。工部右侍郎吳省欽為副考官。○是日。駐蹕大新莊行宮。○庚子。諭此次巡幸盤山。所有修墊山道人夫著加恩賞銀二百兩。以示體恤。○又諭

上年因直隸順德廣平大名三府並保定河間天津等府屬被旱成災。無業貧民。至京就食者多。曾降旨於京師五城內外設廠賑濟。現屆三月賑期將竣。雖各該處屢次得雨。麥苗業經播種齊全。但距麥收尚遠。青黃不接之時。貧民生計猶艱。餬口無資。著再加恩展賑一月。以資接濟。仍著都察院堂官董飭五

城並監牧賑務之各該御史。妥協經理。以副朕行慶施惠有加無已至意。該部遵諭即行。○是日。駐蹕盤山行宮。至丙午。皆如之。○辛丑。諭軍機大臣曰。福康安等奏廓爾喀進貢象隻馬匹。在途行走情形各摺。據稱廓爾喀進貢象馬。因哲孟雄宗木道路難行。繞由巴爾底薩雜哩部落行走。布魯克巴等俱派人護送。並豫備草料餵飼等語。布魯克巴部落見廓爾喀進貢象馬。經過該處。即派人護送

供支。極為恭順。而巴爾底薩雜哩部落向來未通聲教。亦能派人照料供支。尤為馴謹。可嘉。著賞給大荷包一對。小荷包四個。蟒錦緞四匹。以示嘉獎。計此旨到時。若福康安已經起身。即著和琳將賞賜物件頒給。至廓爾喀所進象馬。經福康安等遵旨分賞達賴喇嘛。班禪額爾德尼各一隻。外其餘象隻馬匹。若由察木多打箭鑪一帶進京。未免道路巖崎。福康安等請在前藏暫行餵養。俟四月間冰

融草長時。派員由青海一路。緩程由西寧進口。適與朕意相合。自應如此辦理。又福康安等奏接到披楞來稟。發檄宣諭各緣由。所辦俱好。至藏內拉穆吹忠一事。前據福康安等續奏。親加試驗。俱不能用。刀自扎。以舌舐刀。但若竟革去吹忠。勢不能將前後藏畧具聰明之幼孩。徧加試驗等語。所奏尚屬未當。吹忠等所習幻術。尚不及內地之師巫。積習相沿。最為可笑。若仍由該吹忠等降神指認。伊

等皆可聽受囑託。假托神言。任意妄指。雖由金奔巴瓶內籤掣。而所掣之人。仍不能無徇情等弊。不過係一二權勢之人主謀。而吹忠四人內。大約即係拉穆一人主持。其弊已可概見。嗣後如遇應出呼畢勒罕時。原不必將前後藏所有報出幼孩。盡皆試驗。祇須由駐藏大臣。就所報之人。查其畧有家世。及素有聲望之戶。所報幼孫。擇其福相聰慧。數人。將生年月日。歸瓶籤掣。做賤戶屬。及相貌陋劣

者。原可量加刪汰。無庸一併籤掣。此事惟在駐藏大臣主持。秉公辦理。本無格礙。現在達賴喇嘛班禪額爾德尼。年俱少壯。尚無應出呼畢勒罕之事。將來如遇有此等事。和琳等總當遵照辦理。一二次後。該處僧俗人等。見掣籤指定。公平允協。自必共相信服。漸知從前吹忠等之妄誕無稽。其吹忠作法降神之處。自可漸行革除。將此傳諭福康安。孫士毅和琳。惠齡知之。○又諭。據長麟奏。酌議查禁

出洋米石。及巡緝私鹽章程。一摺。長麟前在江蘇巡撫任內。奏請將有能拏獲私運米石。及私販鹽勛者。即以所獲米石鹽勛。船隻全行給賞。業經允准施行。今浙省地方濱海。與江省情形相同。自應一體立法嚴禁。是以不復再交部議。即於摺內批令。如所議行矣。但地方諸務。有治人。無治法。全在督撫督率屬員。認真查察。方於公務有裨。若徒以一奏了事。仍屬有名無實。著傳諭長麟。務須督飭文

武員弁實力巡查。隨時稽察。勿得徒托空言。始勤終怠。方為有裨實政。○欽差大學士公管兩廣總督福康安等奏。前征廓爾喀時。檄諭披楞協勒。因道遠久無信息。茲接回稟。極為恭順。且稱未奉檄前。廓爾喀曾向求救。伊以嘗在廣東貿易。却不援助。並戒令與唐古忒修好。將差人轉代乞恩。查披楞發稟時。尚未知廓爾喀悔罪投誠。現已將收復藏界。恩准廓爾喀輸款納貢。檄知該部落。令無庸差

人前來。再披楞另有信遞達賴喇嘛及班禪額爾德尼。商卓特巴。辭意與回稟同。但後藏商卓特巴。係班禪額爾德尼管事之人。未便令與外番通信。現惟令達賴喇嘛與班禪額爾德尼共擬回字。由臣等酌發。得旨嘉獎。○以故四川松茂道屬商巴寨土千戶那木拉亞克子占巴。拆論襲職。故阿樹郎達寨土百戶索諾木達爾結無子。以其妻折旺促襲職。○壬寅諭上年進勘廓爾喀所調屯練降番。

冒險攻碉。奮勇出力。前經降旨。令福康安等節次獎賞。現在該兵等俱已撤回。次第歸屯。念其步行遠涉。甚為出力。勞苦備至。著惠齡再行查明。每名各賞給銀三兩。以示格外施恩。鼓勵屯兵至意。○癸卯諭本年直隸省大名等八府州輪免錢糧。又保定文安等七十八州縣。因上年被旱歉收。節經降旨。將應徵地丁錢糧。分別緩徵。該省應需經費。慮有不敷。著加恩於部庫內。賞撥銀五十萬兩。以資

經費之用。該部即遵諭行。○又諭據保寧奏沁達蘭卡上侍衛雙圖。拿獲偷竊哈薩克馬匹之察哈爾兵丁拉克巴。及土爾扈特噶綢審明正法。請將卡上侍衛等分別議敘。議處等語。察哈爾兵丁膽敢在卡外偷竊哈薩克馬匹。情殊可惡。保寧審明。即將拉克巴等眼同哈薩克正法。辦理甚屬得體。新疆大臣等辦事。往往袒護內地民人。致外藩心不悅服。保寧此舉實足以服哈薩克之心。保寧失察。

之處。不但無庸交部查議。並著交部議敘。卡上侍衛雙圖。見有由邊界偷越蹤跡。即行追獲賊匪。殊屬奮勉。著按伊品級陞用。餘俱著照所請行。仍通諭新疆各處將軍大臣等。嗣後一切事件。務宜照此秉公辦理。斷不可稍有偏袒。致外藩心不悅服也。○諭軍機大臣曰。姜晟奏縣役詐贓逼命。審明定擬一摺。此等胥役詐贓逼命之案。事所常有。該撫具摺陳奏。止須將案情據實聲敘。按律定擬。乃姜

晟所奏之摺。措詞繁複。初似案由該署縣訪查辦理。既又似該撫批飭臬司提案審訊。又似經派審之知府究出。及閱至摺尾。又稱該署縣自行檢舉。朕歷歷折角。觀之竟屬不解。此等尋常案件。何必如此多其詞說。以致眉目不清。案情牽混。在姜晟不過牽連聲敘。為自己及承審之臬司知府等官。豫為地步。如案情不實。可以規避處分。豈覈實辦公之道。著姜晟即將該犯唐勝。入於本年秋審情實

辦理。仍著傳旨申飭。並令將此案究係何人訪聞查辦。是否係臬司或由委審之知府等員審出。抑係該署縣自行檢舉。在前之處。據實覆奏。毋得稍有含混。致干咎戾。○甲辰孝賢皇后忌辰。遣官祭

陵寢。○諭曰。常青現在病故。所有伊名下應交未完官項。著加恩免其賠繳。以示軫卹。禮部尚書員缺。著德明補授。額勒春著轉補吏部左侍郎。其右侍郎員缺。著明興調補。所有刑部右侍郎員缺。著僧保住調補。其禮部右侍郎員缺。著多永武補授。○乙巳祭

先蠶之神。遣妃行禮。○諭曰。陳淮奏江西九後等幫船六隻。湖南省幫船二隻。在鄱陽湖及湖口縣江面。猝遇暴風。船米漂沒。并淹斃人口。現在查明分別辦理等語。江西湖南省幫船。在湖在江。陡遇風暴。人力難施。以致漂失船米。淹斃人口。殊為可憫。所有江西幫旗丁項受七。鄔大興。邱雲昌。周均保。劉祥。葉伏

丁軍船六隻。湖南幫船旗丁盧添隆。周伏三。軍船二隻。共船八隻。漂沒米石。蓆竹等項。著加恩全行豁免。船隻給料成造。其淹斃水手人等。照例優卹。其各船撈獲濕米。准其將食米易換。同搶獲乾米。分灑通幫。赴通交納。以示體恤。○諭軍機大臣曰。書麟奏查勘無為州江壩情形。酌籌辦理一摺。并繪圖樣呈覽。詳閱圖內。永成圩壩外。即係大河。據書麟奏稱。該壩兜灣處所。尚露壩基。應行幫築寬厚

等語。該處河形既屬兜灣。永成圩壩工。即使加築寬厚。亦屬頂衝著重。易致坍塌。何不將河形開挖取直。俾溜勢離壩稍遠。不致逼近壩根。用資保護。已於圖內用硃筆畫誌。著書麟等察看情形。將是否可行之處。酌量辦理。又馬頭埂地方。現據書麟擬於該處開挖河口。寬三十丈。深一丈五尺。曾家壩至東圩閘。所有舊河。止寬六七丈。及十三四丈不等。今擬一律挑寬三十丈。較舊展至一倍。河流更

為暢順。自應如此辦理。至此項挑工。係該州紳士。為保護田廬。自行出貲捐辦。但向來地方官。遇有挑河築壩工程。動用官項者。尚不免任意浮冒。從中侵蝕。今此項工程。係紳士捐辦。不肖官吏。更難保無藉端侵肥勒索等事。若因有地方公事。而官吏等轉得藉以飽其私橐。是非以便民適以病民。現雖據書麟奏稱。俟工竣時。親往查驗。不知隄工河工。一經放水。即難於勘實。惟應放水之前。據實查勘尺寸。不致作弊。並飭該府州於興工時。往來稽察。但該督駐劄江寧。既不能常往查勘。而僅委之府州等稽察。亦未必能認真辦理。此事著專交朱珪。就近隨時親赴工所。督率稽查。毋任地方官吏胥役等。藉端滋擾。書麟仍於工竣時。親往查驗。以期一律穩固。倘稽查不力。官吏等稍有侵肥擾累等事。一經查出。惟朱珪是問。必將該官吏等及該撫。一併從重治罪。將此各諭令知之。並將原圖發交

閱看。又諭曰：秦承恩奏陝西省正月分糧價單內開西安府屬之耀州同官與平榆林府屬之葭州神木同州府屬之白水、邠州屬之長武等各州縣糧價俱貴。上年陝西咸寧等州縣夏秋被旱收成稍歉，節經降旨撫卹賑借兼施。今耀州等州縣糧價較貴，現在正屆青黃不接之時，閭閻生計不無稍形拮据。朕心深為廕念。著傳諭秦承恩察看情形，如有應行酌借籽種口糧，俾資接濟之處，即行

詳細查明一面實力辦理。以副朕軫念民依至意。仍即速行奏聞。○又諭本日秦承恩奏凱旋官兵過境捐內稱適噶箕等自京西旋同時過境，於豫備食物之外又復捐備朝珠綢緞等件，分別散給等語。此等外藩貢使過境前已降旨經過省分督撫等，惟當照常犒賞，不得過濫。今秦承恩於噶箕等過境給以朝珠綢緞等件未免太優，似此踵事增華，徒滋繁費殊屬無謂。著傳旨嚴行申飭嗣後凡

貢使經過之各該督撫遇外藩使臣過境務須遵照前旨止應照常犒賞不得例外加增以節繁費而示例限將此各諭令知之。○直隸總督梁肯堂奏直隸文安等處千里長隄及天津海河疊道格淀隄等工向例小修用民力工鉅費多。奏明以工代賑酌修茲查工段間有缺損例應民修但上年被災民力拮据請照工賑例分別酌給銀米興修得旨如所議行。○以鑲藍旗滿洲副都統德明為鑲

藍旗漢軍都統調鑲黃旗漢軍副都統額勒春為鑲藍旗滿洲副都統。以禮部左侍郎鐵保為鑲黃旗漢軍副都統。○丙午諭原任杭州織造基厚回京侍養前來行在謝恩。經朕詢以福崧在浙江巡撫任內種種貪縱劣蹟伊近在同城豈得諉為不知何以並不參奏基厚惟有俯首認罪無可置辯各省鹽政織造關差等若以係屬欽差妄自尊大或干與地方事務則是自貽伊戚固當治罪至督撫

等如有貪劣款蹟一有見聞自應據實叅奏方為不負委任。即如福崧在浙時派令柴植購買物件。侵用掣規月費。敗檢營私。又福崧之母游玩西湖。派令鹽道豫備食用。燈綵船隻等項。每次費銀數千兩。劣蹟彰著。而基厚身同聲贊。並不據實劾叅。豈伊身為織造。惟知坐享優厚養廉。於督撫聲名款蹟全置不問。耶基厚係內務府員外郎。著降為內務府筆帖式。以示懲創。並著通諭各省鹽政織造關差。所有地方事件。固不得越職干與。如遇督撫等有貪黷營私及地方水旱偏災。督撫有諱飾不辦等事。俱應隨時查察。據實叅奏。毋得如基厚之置若罔聞。並至如穆騰額之惟知派累商人封殖自肥。致干重譴。該鹽政織造關差等務。須共知儆戒。遇事實心。倘有瞻顧徇隱及恃有此旨。過甚滋擾等事。一經察出。必將伊等從重治罪。○諭軍機大臣等。本日郭世勲奏到查禁坊間刪節經書板片。

一摺五經為聖賢垂教之書。豈容妄有刪節。前經明降諭旨立法查禁。通行各省一體辦理。今據各該省督撫陸續奏到。俱已飭禁查銷。並將板片收燬。京師為人文薈萃之區。坊肆通行。此項書籍。自所必有。何以未據五城及順天府尹奏報查禁。著傳諭都察院堂官順天府尹等。即將京城書坊。現在有無此項刪節經書。詳細查明。曉諭銷燬。並飭令地方官實力催繳。俾士子等咸知習誦全經。以副朕崇尚實學至意。○又諭。本日據郭世勲奏查禁刪本經書一摺。將查出各書名目及板片數目。一併開單進呈。所辦頗為周到。因令軍機大臣。檢查各省奏到各摺。惟浙江江蘇山西湖北陝西等省。開有書名清單。其餘各省據奏查出刪本經書。自四五種至十餘種不等。止於摺內將書名聲敘。並未開有清單。而就浙江等省所開清單而論。惟山西省查出銷燬各種刪本經書計一百零五種。其湖



北省僅止二十一種。陝西省僅止十六種。較之山西。為數已少。此外各省。更有僅止四五種及十餘種者。並不及湖北陝西查禁之數。又未開繕清單。辦理殊為未妥。此等刪本經書。不過為荒經之士。便於揣摩。冀圖倖進。及坊賈射利起見。最為士習之害。該督撫等。自應實力詳查。通行禁止。況浙江等省。向為人文之藪。此等書籍。流行必廣。而邊遠省分。未必皆能誦習全經。其刪節之本。自必更多。乃

各省查禁之書。轉不及山西所辦。自係該督撫等視為具文。地方官奉行不力。不過以一奏塞責。豈朕整飭士風。崇尚實學之意。著將山西省蔣兆奎查出最多書單。及本日郭世勲所奏清單。一併發交各該督撫。通行仿照辦理具奏。所有查出刪本經書及板片。並著解京銷燬。該督撫等。務飭地方官實力查收。不使存留傳播。以飭士風。而除陋習。毋得仍前玩忽。有名無實。除就近傳知梁肯堂外。將

此各諭令知之。○又諭曰。奇豐額奏。江蘇省五十七年分錢糧完欠數目一摺。閱其所開單內。蘇州藩司所屬額徵漕糧項下。有未完銀十六萬六千一百餘兩。雖據稱例限乾隆五十九年二月內奏銷。應俟屆期由漕臣奏報。但江浙連歲豐收。所有額徵漕項。非比遇有歉歲。時尚可藉詞延緩。現屆奏銷例限。雖為期尚寬。但何以未完至十六萬六千餘兩之多。蘇州風俗澆薄。於輸將等項。往往拖

延。最為弊習。不可不力加整頓。著傳諭該撫嗣後凡遇應徵錢糧。除歉收年分貧民實在無力完繳。不能按限催徵外。其豐收之年。務須實力經徵。於奏銷以前。掃數清完。毋令任意拖延。以致正賦懸宕。所有此項未完額徵漕項。並著該撫飭屬實力催徵。毋誤奏銷例限。所謂民可使由。不可使知也。○又諭曰。奇豐額奏盜案原贓未能起獲。罰令地方官照數賠給一摺。此事前因地方官不能實力查

緝盜犯以致盜案賊項久懸。罰令賠繳示懲。嗣因盜案賊數不一。如為數過多。不但地方官力有不能。且恐不肖州縣借名需索。轉致擾及閭閻。飭令該督撫分別緝盜勤惰。酌量罰賠。俾知懲勸。本年二月內。復因各省盜賊。有多至盈千累萬者。若概令地方官賠給。恐啟刁民捏報賊數之漸。又降旨令嗣後賊數在一百兩以內者。落地方官罰賠。其數百兩至千兩以上者。令該管官罰賠十之一二。以

杜弊端而昭平允。今奇豐額所奏盜賊單內。如崇明縣黃泳林等一案。賊至五百八十餘兩。何以仍令該縣全數賠繳。著傳諭奇豐額。所有盜案罰賠賊銀一事。應即照續降諭旨。分別覈辦。○丁未。予故喀爾喀扎薩克和碩親王車登扎卜。致祭如例。○旌表守正捐軀浙江青田縣民余葉懷妻楊氏。河南項城縣民劉某妻任氏。是日。上迴鑾。駐蹕大新莊行宮。戊申。諭曰。達賴喇

嘛。班禪額爾德尼。係宗喀巴大弟子。世為黃教宗主。眾蒙古番民素相崇奉。近年因指認呼畢勒罕之古爾登巴等。法術無靈。不能降神。且徇情妄指。或出自族屬姻婭。或出自蒙古汗王公等家。竟與蒙古王公。八旗世職官襲替相似。論以佛法。必無此理。甚且至噶布倫丹津班珠爾之子。亦出有呼畢勒罕。以致眾心不服。沙瑪爾巴遂乘機起意。謀占班禪遺產。唆使廓爾喀搶掠扎什倫布。遠煩大兵。聲罪致討。朕護衛黃教。欲整飭流弊。因製一金奔巴瓶。派員齋往。設於前藏大昭。仍從其俗。俟將來藏內或出達賴喇嘛。班禪額爾德尼。及大呼圖克圖等。呼畢勒罕時。將報出幼孩內。擇選數名。將其生年月日名姓。各寫一籤。入於瓶內。交達賴喇嘛。念經會同駐藏大臣。在眾前籤掣。以昭公當。又眾蒙古地方舊有各旗部落供奉之呼圖克圖甚多。此內大小不等。如概令赴藏。交達賴喇嘛會同駐藏

大臣掣籤不免煩擾。且路途遙遠。軫念衆蒙古力量維艱。因於京城

雍和宮內。亦設一金奔巴瓶。如蒙古地方出呼畢勒罕。即報明理藩院。將年月名姓。繕寫籤上。入於瓶內。交掌印扎薩克達賴喇嘛呼圖克圖等。在佛前念經。並交理藩院堂官。公同掣籤。其從前王公子弟內。私自作為呼畢勒罕之陋習。永行停止。朕之此旨。原為近來蒙古番民等。失其舊時淳樸之風。不思佛法。但

知圖利。必至謀奪財產。求為呼畢勒罕久之。亦如沙瑪爾巴之唆訟肇衅滋事。朕甚憫焉。是以如此掃除積弊。潛移默化。各蒙古自當共知感激。副朕衛護黃教至意。乃喀爾喀賽音諾顏部落額爾德尼班第達呼圖克圖圓寂後。其商卓特巴那旺達什尋覓呼畢勒罕。赴藏懇達賴喇嘛。班禪額爾德尼。拉穆吹忠指示。詎達賴喇嘛等。原不能具先知確切指認。反向商卓特巴詢問名宇。而商卓特巴遂

私指出土謝圖汗之子。呈報理藩院具奏。朕以此事可疑。其中必有弊竇。因一面派令松筠前往喀爾喀。查訊車登多爾濟等。一面派令奎舒帶同扎薩克喇嘛格勒克那木喀前赴額爾德尼班第達呼圖克圖遊牧附近。無論台吉屬下人等。於其圓寂後一年內所生俊秀端方幼孩。逐加詢訪。數人並令軍機大臣。訊之商卓特巴那旺達什。彼即供伊師圓寂後。為尋呼畢勒罕。至哲布尊丹巴呼圖克

圖廟內行禮。在額爾德尼昭廟地方。遇見土謝圖汗車登多爾濟。據伊告稱。伊生一幼子。生時有一點微光。那旺達什即問明此子年庚及父母歲數。又同至公額琳沁多爾濟家。問及額琳沁多爾濟之子年庚。及父母歲數。前往藏內。向拉穆吹忠求其指認。而拉穆吹忠初次二次所指不明。那旺達什慮及再往多費。復求切實指示。拉穆吹忠看出那旺達什情形。用言試探。那旺達什遂將車登多爾

濟暨額琳沁多爾濟二人之子向其告知。拉穆吹忠遂指車登多爾濟之子。是呼畢勒罕等語。並據松筠奏。訊明車登多爾濟。卽年生子。生時有一點微光。曾告知那旺達什。又額爾德尼昭廟。年久未修。今欲粘補。恐有違礙。並令那旺達什赴藏之便。在達賴喇嘛處請示可否。所有呈遞哈達滿達銀兩。一併帶去。達賴喇嘛以額爾德尼昭廟修理無妨等語。回覆據所奏情形觀之。此即車登多爾濟賄囑將伊子指為呼畢勒罕之明證。豈能逃朕洞鑒乎。車登多爾濟意欲伊子為呼畢勒罕。而商卓特巴亦欲得一汗王子弟為呼畢勒罕。特未知伊二人內究係何人主見。因飭將車登多爾濟押帶來京。與那旺達什質訊。但念時至春深。恐車登多爾濟身未出痘。或有傳染。朕心有所不忍。復令松筠傳旨訊問。據車登多爾濟跪稱實欲伊子為呼畢勒罕。有意告知那旺達什是實等語。此事適當朕降

旨立法之初。車登多爾濟輒巧為嘗試。若各蒙古相率效尤。成何政體。此端漸不可長。且佛法以虛寂為宗。無來無去。故釋迦涅槃後。並未出世。卽宗喀巴闡演黃教。亦未出呼畢勒罕。達賴喇嘛班禪額爾德尼係宗喀巴之二大弟子。始世世出有呼畢勒罕轉世。共掌黃教有年。從前指認呼畢勒罕尚無情弊。但藏內亦必須統攝之人。是以循照舊例。相沿辦理。卽如康熙年間。有一丹巴呼圖克圖呼畢勒罕出世時。能自述前世之事。故封以清修禪師。後復授為五臺山扎薩克喇嘛。乃竟因貪酒漁色。滋事妄為。卽行革退。似此能言前事之真呼畢勒罕。尚不免改絃易轍。況拉穆吹忠行私所指涉疑似之呼畢勒罕。轉可信以為實乎。且佛經秘密戒內能先知一切者。必須能定心運氣觀想正法。直參上乘者。方能夢中豫知是非空色。今之達賴喇嘛甫學經卷。並未克造極詣。豈能有此法力。況為

吹忠之古爾登巴。又不能降神。用言試探。所指更屬荒唐。又焉能知真呼畢勒罕哉。計那旺達什白藏同時。所有私尋呼畢勒罕之事。業經降旨禁止。乃車登多爾濟明知奉旨禁革。尚恃達賴喇嘛及吹忠所指。故為試探。而薩木丕爾多爾濟。蘊端多爾濟等。俱係盟長副將軍之職。遇有此等事件。即當嚴行飭駁。乃瞻徇轉報。若以達賴喇嘛吹忠之言。不敢違背。豈轉可不遵朕旨。漫為嘗試乎。車登多

爾濟從前因私給烏拉票一案。即當從重治罪。經朕曲賜矜全。旋復令在乾清門御前行走。仍賞給花翎黃褂。授為副盟長。伊應如何感激思奮。今轉如此。有心嘗試圖占便宜。本當重治其罪。姑念其不待到京質訊。即行據實供出。尚知畏法。可以量從末減。但若仍留伊汗爵。墜花翎黃褂。不足示懲。車登多爾濟著革去汗爵花翎黃褂。加恩賞留頂戴。令其即由張家口回赴游牧。安分自悔。伊亦無顏

見朕。不必又赴熱河謝恩。其汗爵仍施恩令伊嫡子敏珠爾多爾濟承襲。蒙古汗王貝勒貝子公台吉等爵。世襲罔替。已屬尊榮。即如車登多爾濟復罪革爵。仍得以伊子承襲。又何必欲占一呼畢勒罕。復謀喇嘛之利。在伊等私認呼畢勒罕之意。不過欲使一子襲爵。又使一子為呼畢勒罕。可得喇嘛財產。遂不問真偽。妄相攀引。殊屬見小。可謂知有利而不知有義。實可笑矣。商卓特巴有意營謀汗

王子弟為呼畢勒罕。代求達賴喇嘛。拉穆吹忠。附會妄指其罪甚重。著剝去黃衣。發往河南地方安置。薩木丕爾多爾濟等。不審察是非。輒行瞻徇情面。轉為咨報。俱屬非是。著交理藩院嚴加議處。朕辦理庶務。一秉大公。惟視其人之自取。蓋此事之不得不徹底究辦者。原為近年黃教之習。愈趨愈下。若不亟加整頓。必致眾蒙古等。惟知牟利罔識佛教正宗。復被壞法之吹忠古爾登巴等。愚惑陷於

重罪良用惻然特示創懲為保衛之計。是以不准蒙古王公之子弟為呼畢勒罕。至我滿洲向無此事。眾蒙古等勿竊意為朕欲與旗人效尤占地步也。從此各蒙古番眾等益當恍然共喻朕維持黃教正所以厚愛伊等。亦並非不令其尊崇佛教。不許布施達賴喇嘛及班禪也。經義中本以布施為上。六般若亦以施捨為首。達賴喇嘛各呼圖克圖等積財既多亦應散給貧苦。不得少存吝嗇。朕方鼓勵蒙古等令其布施。但不可如伍彌烏遜所參噶勒丹錫勒圖呼圖克圖私遣徒眾往各處募化耳。嗣後各蒙古番民僧俗人等務當仰體朕振興黃教力挽頹風至意以期各闢愚蒙永除爭競共安樂利。伊等雖不能深悉精微但即以那旺達什前赴西藏所費而論計該商卓特巴至藏時其呈遞達賴喇嘛班禪額爾德尼拉穆吹忠禮物及各廟熬茶途申往返盤費已逾萬金若赴京在

雍和宮所設金奔巴瓶內籤掣不特程途甚近即一切禮物熬茶等費概可無需即此省費一節伊等豈亦不知之耶著將此旨發交駐藏大臣傳知達賴喇嘛班禪額爾德尼並通行曉諭各處蒙古番眾等咸使聞知共喻朕意○是日駐蹕三家店行宮

大清高宗法天隆運至誠先覺體元立極敷文奮武孝慈神聖純皇帝實錄卷之一千四百二十四

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百二十五

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總纂官經筵講官太子太傅大學士文淵閣領閣事稽察欽奉 上諭事件處管理刑部戶部工部事務

世襲騎都尉軍功加十九級隨帶加二級又加二級臣董誥內大臣戶部尚書鑲黃旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆五十八年癸丑三月己酉

上迴圓明園○庚戌諭據保寧奏稱現襲土爾  
扈特汗霍碩齊年幼副盟長恭坦亦年輕不  
甚曉事如將霍碩齊補放正盟長恐不能專  
辦遊牧事務策哩那木扎勒之妻孀居明白  
固山章京薩木坦噶綢扎木蘇人頗誠實請  
將霍碩齊補放正盟長其盟長及扎薩克印  
信交策哩那木扎勒妻監守令薩木坦噶綢  
扎木蘇同恭坦協助策哩那木扎勒妻辦理  
游牧事務等語著照保寧所請行仍飭德勒

克扎布時為指教辦理並著保寧留心查察  
諭軍機大臣曰吉慶奏遵旨飭屬曉諭鄉  
民搜挖蝻子據各屬稟報並無搜獲惟據膠  
州鄉民陸續呈繳蝻子共二十觔等語所奏  
不免自露罅隙上年東省各屬並未據該撫  
奏報蝗患何以今年挖有蝻子若非地方官  
上年匿不稟報則此項蝻子從何而來茲既  
據膠州鄉民搜挖呈繳該撫仍宜飭令實力  
搜挖淨盡毋許虛詞塞責至順天所屬薊州

三河等處昨秋有間被飛蝗之事不能保其  
不留餘孽曾諭令該督等加倍留意嗣據梁  
肯堂覆奏董飭所屬遍處搜剔一有蟲孽立  
即剷除等語其究竟有無搜獲之處並未奏  
及即詢之該府尹等亦稱並無搜獲現擬分  
投前往督查今東省上年並無蝗患尚搜有  
蝻子數十觔豈薊州三河各處曾經被蝗能  
保其不復稍留餘孽自當及早認真搜捕除  
就近傳知將賜祭等外著再傳諭梁肯堂務

宜嚴飭所屬。凡遇沮洳旱濕之區。尤應隨時查察。搜淨根株。不可因上年冬雪深透。稍存大意。如查辦不力。令歲夏秋復有蟲孽。則惟該督及府尹等是問。決不寬貸。○辛亥

上詣

安佑宮行禮。○諭曰。福崧在浙江巡撫任內。驕縱乖張。膽敢向鹽道婪索多贓。以致桀驁虧缺庫項。那移填補。浙省紳士。或尚可推為此係地方官私相授受之事。無由知悉。至福崧

之母游玩西湖。派令鹽道豫備食用燈線船隻等項。每次費銀數千兩。劣蹟彰著。浙省紳士。則不得諉為不知矣。其籍隸杭州者。近在同城。共見共聞。尤無不知之理。該省科道。雖在京服官。但本省地方大吏。似此任意妄為。其親友往來。斷無不互相傳說。何以總未據一人參奏。國家設立言官。原令職司糾察。雖本籍地方事件。不便越職干與。若督撫等似福崧之恣意貪縱。款蹟昭然。自當據實糾參。

方為無忝厥職。乃竟始終緘默。又安用此科道為耶。本應將該員等交部嚴議。姑念事屬已往。不加深究。所有籍隸浙省杭州府屬之給事中。御史。俱著停陞二年。其籍隸浙省外府者。俱著停陞一年。此係朕從寬辦理。該科道務宜各自愧厲。以期無負職守。至藩臬大員。皆由朕特加簡任。非道府可比。伊等本有奏事之責。凡遇督撫有貪婪不法情事。即應據實參奏。乃該省藩臬於福崧種種劣蹟。並不奏聞。豈伊等所謂奏事者。惟以銀號無弊。驛站錢糧無虧。及虛報雨暘等件。循例奏聞。遂可塞責耶。所有此案未經參奏之藩臬兩司。除歸景照已改發伊犁効力贖罪示罰外。顧長絨係本省臬司。續經擢陞藩司。即行丁憂。乃在任有年。並無一言劾奏。未便以其業經離任。遂置不議。顧長絨著交部嚴加議處。王懿德到任。係在福崧一案發覺以前。兩月之久。豈無見聞。乃亦未參奏。不得謂為無過。



王懿德著交部議處以示薄懲。○諭軍機大臣等前據郭世勳奏廣東瓊山縣有原犯鎗手發配貴州軍犯黃漢章逃回原籍改名黃天衢在外教讀。因被人首告經瓊州府飭役訪拏該犯聞信脫逃一案所有不行查拏之歷任地方官已照部議分別降調議處矣。黃漢章以發配軍犯膽敢逃回原籍改名教讀漏網二十餘年復因被人首告聞信查拏。又經竄逸情節甚為可惡不可不迅速緝拏按

律治罪。現在曾否弋獲尚未據該署督奏到。瓊州四面重洋恐該犯聞拏緊急或潛行渡海竄匿隣省均未可定著傳諭郭世勳嚴飭兩粵各屬文武設法偵緝務期就獲並著廣西巡撫福建督撫一體飭屬嚴密查拏毋任要犯遠颺致稽顯戮。○壬子諭軍機大臣曰吉慶奏審擬兇犯胡興家一摺細閱摺內該犯係謀殺王姜氏王七母子二命又傷斃不同居之王泳綬一命摺首摘由自應繕寫殺

死一家二命又另斃一命字樣方為明晰乃該撫摺內先稱致斃三命並非一家之兇犯復又稱王七及伊母王姜氏係屬一家自相矛盾眉目不清已用硃筆點出并折角以誌著傳諭該撫嗣後於此等審擬具奏事件務宜留心檢點聲敘明晰以便披閱勿再仍前牽混。○又諭曰奏承恩泰山東解員原敬德管解協甘餉銀至華陰縣安放大堂次日查點失去一鞘計被竊銀一千兩一摺已降旨

交部將華陰縣知縣麻廷琦並解員原敬德分別革職議處矣。各省運解餉鞘關係緊要豈容稍有疎失此項甘肅餉銀安放華陰縣大堂竟致被賊竊去一鞘殊屬目無法紀不可不嚴行緝獲按律重懲著傳諭泰承恩即嚴飭所屬上緊躡緝務將賊賊迅速就獲毋令日久遠颺。○刑部侍郎王昶奏請開缺回籍省墓允之。○癸丑吏部議奏失察屬縣捕役誣良斃命之湖南按察使恩長應照例降

調得旨恩長係鍾音之子。伊兄弟現俱膺外任。且恩長在臬司任內。屢獲愆尤。不可再邀寬宥。恩長著來京候旨。○甲寅諭軍機大臣等。據郭世勳奏請吏蔭陞署南澳同知一摺。內叅罰清單多至數十頁。殊屬笑話。此等陞署人員。所有叅罰案件。祇須簡明聲叙。不致遺漏。其應行咨部辦理者。即可照例咨部查覈。何必如此繁冗。朕於督撫陳奏事件。悉皆詳加披閱。從不憚煩。但日理萬幾。宵旰靡寧。

如此等丞倅人員。奏請陞署。其叅罰清單。非關緊要。乃該撫率行開寫。連篇累牘。未觀奏摺前。意謂不知何等大事。郭世勳何不辭事至此。著嚴行申飭。○又諭曰。郭世勳奏。請將呈繳小錢。至千文以上者。每觔酌給大錢五十文。仍定以半年之限。盡行繳官等語。民間呈繳小錢。若不酌給價值。恐愚民貪利見小。私行存留攬用。一時難於淨絕。今該撫請將呈繳千文以上者。每觔給與大錢五十文。俾

小民不致賠累。自必爭先呈繳。所辦亦可。但恐奸徒恃有此例。將所給大錢。私行鎔銷。攬和鉛錫。復鑄小錢。赴官繳換。輾轉漁利。其弊亦不可不防。又據稱。廣東歷年收繳小錢。六萬六千餘觔。實止鎔出淨銅三萬八千七百餘觔。寶廣局鼓鑄。歲需滇銅十五萬觔。所有鎔出小錢銅觔。尚不足數等語。收繳小錢。鎔化之銅。雖不敷該省鼓鑄之用。但既有此三萬八千餘觔。可以配搭供鑄。亦應於下次採買額銅內。照數扣抵。豈不減省運腳。何以該撫摺內。止稱現將銅觔存貯在局。而於扣抵額銅。節省運腳之處。並未籌及。著傳諭郭世勳。務飭所屬。於給換大錢後。嚴查私銷。其鎔化小錢之銅。即按數扣除抵鑄。○乙卯。諭據伍拉納等覆奏。查辦偷渡緣由一摺。內稱吳好馬輔兩起。審結後。咨報到省。已在年終索奏之後。而馬輔一起。係由廣東澄海縣偷渡出口。其吳好。係由福建南安縣上船私渡。現

已飭取失察之文武職名。照例查辦等語。臺灣偷渡。例禁綦嚴。如果地方官實力查拏。嚴禁自無此等偷渡之事。雖沿海一帶。港汊紛歧。但吳好一犯。即由該省南安縣地方偷渡出口。究係該督等不能預為防範所致。乃摺內尚稱馬輔一起。由廣東澄海縣偷渡。竟諉之於粵省。似與閩省無涉。實屬非是。除將失察此案之文武各職名。照例飭取覈辦外。伍拉納。浦霖。並著交部察議。○諭軍機大臣曰。

福崧在浙江巡撫任內。驕縱乖張。膽敢向鹽道婪索多贓。以致柴薪虧缺庫項。那移填補。又其母遊玩西湖。派令鹽道豫備食用燈絲船隻。每次費銀數千兩。劣蹟彰著。伍拉納身為總督。雖駐劄福建。浙省亦其所轄。如兩江總督駐劄江寧。設安徽。江西僚屬內有貪劣不法情事。兩江總督豈得置身事外。凡係兼轄兩省總督。皆然。伍拉納即未到浙江。於福崧貪縱各款。未經參奏。已有應得之咎。况該

督前冬曾至浙省巡查營伍。乃竟身同聾聵。並不據實劾參。其究實無可道。且此案於上年冬間發覺。經朕特派欽差前往查辦。福建距浙不遠。該督自早已聞知。何得尚復遷延觀望。並不具摺請罪。伍拉納著傳旨嚴行申飭。仍著將因何不參奏福崧及不自行請罪之處。據實明白回奏。毋再支飾。致干重戾。○以雲南巡撫譚尚忠為刑部右侍郎。調貴州巡撫馮光熊為雲南巡撫。以四川布政使英

善為貴州巡撫。浙江按察使聞嘉言為四川布政使。湖北安襄鄖道田鳳儀為浙江按察使。調山東按察使阿彰阿為湖南按察使。以直隸永定河道羅燦為山東按察使。○旌表守正捐軀山東濟陽縣民李琯妻樊氏。○丙辰。諭軍機大臣曰。兵部將軍政填注浮躁之順義縣防守尉靈保帶領引見。其如何浮躁劣蹟。山海關副都統德福並未聲叙。因思屬員抗慢上司。謂之浮躁。靈保駐防順義縣。不

與德福同城。該城亦無伊上司大員。所管兵僅五十名。豈靈保向兵丁有浮躁之事耶。即德福亦不過曾往該處閱兵一次。豈一見靈保。即看出浮躁耶。若靈保有酷待兵丁及貪婪劣蹟。即應聲明參奏。乃僅含糊填注。顯屬德福居心刻薄。如此。何以服人心耶。著傳諭德福。據實明白具奏。靈保看來尚無浮躁情形。著加恩以步軍校補用。○戊午。諭曰。海蘭察曾在軍營効力有年。聞伊患病。當即遣醫

調治。以冀速痊。茲聞溘逝。朕心深為軫惜。伊病篤時。業經賞給經被。著加恩派御前侍衛豐紳濟倫。帶領侍衛往奠茶酒。其應得卹典著該部查例具奏。○諭軍機大臣曰。長麟奏蕭山縣荷花池等處隄工。據該縣紳士呈請捐銀改築石工一摺。已批如議行矣。聞該撫繳進原圖。該處湘湖排馬湖之水。俱向東南一帶。流入海。水道較為行遠。詳閱西興關地方。隄南即係湘湖支流。距江止隔一隄。意

江湖之水。俱向東北而流。若於此處開通。引注湖水。歸江入海。較為近便。但不知地之高低。若何。國內用硃筆標誌。江面與湖面形勢高低。若何。倘湖面高於江面。則引湖入江。勢屬就下。自可暢達。若江面比湖面較高。則開通隄岸。轉不免江水及潮汐倒灌之虞。著長麟詳加察看。將江面湖面形勢。孰為高下。是否。可以如此辦理之處。詳悉覆奏。不必拘於遵旨。原圖仍發交閱看。○以鑲藍旗蒙古都

統伍岱。為領侍衛內大臣。○土爾扈特郡王策楞。德勒克病休。以其子巴特瑪烏巴什襲爵。○己未。以和郡王綿偕為正白旗蒙古都統。庚申。諭曰。步軍統領衙門。奏貝子永澤莊頭五德。呈控本府管事家人霍三德。多收錢糧。並指稱本主訛詐銀兩一案。霍三德。以民人投充。代主收納錢糧。於莊頭五德每年應交銀二百六十兩之數。長至一千五百兩。又慫恿伊主。多收平銀。索要車輛。復藉稱伊

主之名。詐銀五百兩。侵入己。情節甚為可惡。應如所奏。將霍三德。連眷屬發往黑龍江。給索倫兵丁為奴。以昭儆戒。貝子永澤。任用民間長隨。復聽信其言。派累莊頭任意增長錢糧。至一千五百兩之多。竟與上年綿惠。任聽太監倭昇額。訛詐莊頭孫文繼之案無異。亦應如所奏。照伊加增派累一千五百兩之數。十倍罰出入官示懲。至五德一戶。若仍今在永澤家。充當莊頭。必致挾嫌磨折。別生事

端。著將五德莊頭一戶。連地畝一併撤出。交內務府暫行收管取租。俟將來遇有阿哥分府時。再將此項人地撥給。○又諭曰。福康安等奏。此次軍營及前後藏備弁。遇有差遣。均能不憚勤勞。盡力奮勉。現在無缺可陞。請旨先給應陞頂戴。俟有缺出。再行陸續請補等語。此次軍營及前後藏差遣備弁。均屬出力。著照所請。守備薛大烈。馬瑞。團周榮廷。馬瑜。李應貴。千總馬國泰。倪占。驚蕭太和。徐。樊。把。

總馬。環。均各賞給應陞頂戴。以示鼓勵。又據奏。承辦糧務道員承勳。知府重光。自叅革後。均知奮勉出力。現隨孫士毅等查覈銷算。可否賞給承勳原銜頂戴。賞給重光同知頂戴。以示觀瞻等語。承勳。重光。究因辦糧遲誤。特予革職効力。以贖前愆。後此糧運迅速。該員等亦不過隨同辦理。與始終出力者不同。承勳。著降等賞給知府職銜。重光。亦著降等賞給通判職銜。以昭公允。○又諭曰。恩達。碩板。

多。一帶地方三十九族番民。前於大兵進剿。廓爾喀時。經福康安等派員前往。雇辦烏拉牛馬。押赴各站。協濟兵差。甚為急公出力。所有該番民應納五十七年分馬價銀三百九十一兩零。著加恩豁免。以示體恤。遠番獎勵勤勞至意。○禮部以會試中額請。得旨。這會試。滿洲。蒙古。取中三名。漢軍。取中一名。直隸。取中十一名。奉天。取中一名。山東。取中十名。山西。取中六名。河南。取中五名。陝西。取中二。

名。江南取中二十一名。浙江取中十二名。江西取中十名。湖北取中三名。湖南取中三名。福建取中四名。廣東取中三名。廣西取中一名。四川取中三名。貴州取中二名。雲南取中一名。○辛酉。

上御勤政殿聽政。○諭。向例南糧餘米。俱准在通變賣。以資食用。今南漕頭幫抵通。其餘自必陸續銜尾而至。旗丁於交足正供之外。所有多餘米石。情願出售者。仍著加恩。准其就

近於通州糶賣。在旗丁等既所樂從。而近畿地方。糧米益充。於市價民食。均有裨益。該部即遵諭行。○兵部以審轉命案不實發軍臺効力之原任山東濟寧州知州李維謙贖罪。請得旨。李維謙前於濟寧州知州任內。因審轉所屬魚臺縣民李士方砍斃劉士興一案。不能審出實情。案情較重。本不應准贖。但念伊母七十餘。年老患病。著加恩准其贖罪。○以太常寺卿永良為內閣學士兼禮部侍郎。

○壬戌。諭曰。海蘭察係行伍出身。在戎陣多年。其打仗次數。不可勝計。且身受多傷。實為出力奮勉。但伊由藏回京。在家數月。病故。非陣亡可比。例不入昭忠祠。茲念伊軍營効力多年。身曾受傷。加恩著入祀昭忠祠。以示朕軫卹軍營効力大臣之意。○諭軍機大臣等。本日鑲白旗滿洲帶領引見佐領人員。內沐特恩一員。原係西寧鎮總兵。經勒保奏其於邊疆要地。未能決機應事。是以令其來京。在

頭等侍衛上行走。看其人尚去得。且前因西寧蘇家堡回匪聚眾滋事一案。當經全數弋獲。辦理迅速。經勒保具奏。曾降旨將沐特恩等交部議敘。其續參該員不能決機應事之處。亦無實據。勒保前與提督蘇靈不睦。來京陛見時。即奏其喜事任性。朕以該督言無實據。未便因其不睦。遽將提督大員更換。去年該督復以出口馬匹疲瘦。將蘇靈參奏。因係貽誤兵馬。是以照部議降調。在蘇靈固有應

得之咎。而該督之與蘇靈意見齟齬。有意苛求。亦難逃洞鑒。朕於臣下功過。一秉大公。從不肯稍存軒輊。封疆大臣有率屬之責。而總督統轄文武。尤應寬嚴得中。固不可一味姑容。亦不可稍涉偏急。昨因山海關副都統德福。將順義縣防守尉靈保。於計典內填入浮躁。由部帶領引見。朕以浮躁必有實據。降旨飭詢。據德福覆奏。靈保素性嗜酒。弓箭平常。復令軍機大臣。驗看靈保弓箭。尚屬去得。又

無嗜酒沉湎形狀。業將該員以步軍校用。並降旨申飭德福矣。德福係副都統。其參劾未能公當。朕尚必加之訓飭。況勒保身任總督。豈可無容人之量。與德福性情褊淺。一轍耶。勒保著傳旨嚴行申飭。若再如此。則是不知朕恩矣。務宜痛自改悔。勉副委任。○又諭曰。管幹珍題報白糧全數過淮日期。細閱本內。未將上年白糧於何時過淮之處。一併聲敘。無由比較遲早。因命軍機大臣。查對該督奏

報日期。始知上年白糧尾幫。係三月十二日過淮。本年係三月初八較早。四日糧船過江。過淮過河日期。均當與上屆比較。况今年白糧過淮既早。四日更當聲明具奏。以備考覈。何以該督本內並未敘入。即日前奏到之摺。亦未聲敘。著傳諭管幹珍。嗣後於漕白等糧。凡有應行題奏全數過竣之處。均當於摺內。本內將上年經過月日敘入。並比較遲早。以便披閱。勿稍疎漏。○吏部等部議准。山西巡

撫蔣兆奎奏。解州屬之芮城縣。底渡向設巡檢。專查驗渡黃運鹽。今河東鹽課改歸地丁。請將該巡檢缺裁。裁缺之員。留省以相當缺補用。從之。○是月江南提督陳大用奏。報前赴吳淞海口會閱水操情形。得旨。邇來海賊頗多。宜留心嚴緝。○浙江巡撫覺羅長麟奏。南北兩關前由織造兼管。每年定給養廉銀一萬兩。茲奉旨改歸巡撫兼管。本任養廉款用。請裁關員養廉歸盈餘項下解部。得旨。

覽○湖廣總督畢沅奏。湖北襄陽城舊老龍隄。原額設歲修銀四百兩。乾隆九年。因費不敷。經前督鄂彌達奏撥銀五千兩。交典商生息九百兩。增作歲修費。五十四年。臣因該處頂衝險要。奏添石磯四座。修費不敷。請於充餘之江夏縣蕎麥灣隄工款內。撥銀五千兩。交襄陽府屬典商。以一分五釐生息。添濟工用。得旨。此等事祇可如此。然易於滋弊。應常留心查察。○四川總督惠齡奏。向例陣亡屯練降番。祇賞卹銀二十五兩。此次進剿廓爾喀。奉旨。令照綠營步兵例。均賞卹銀五十兩。此外尚有陣亡之各土司土兵。可否並請照此次屯練降番一體賞卹。得旨。自應賞給。

大清高宗法天隆運至誠先覺體元立極敷文奮武孝慈神聖純皇帝實錄卷之一千四百二十五



大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百二十六

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總纂官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加九級隨帶加二級又加二級尋常加一級尋常加二級軍功紀錄一次臣曹振鏞等奉

平定紀孫十四次臣德瑛經筵講官太子少保工部尚書紀錄六次臣曹振鏞等奉

敕修

乾隆五十八年癸丑夏四月癸亥朔享

太廟遣肅親王永錫恭代行禮○諭曰郭世勲  
奏拏獲拒捕逃遣胡亞虔及脫逃盜犯關亞  
祖審明辦理各摺詳閱摺內稱胡亞虔潛回  
原籍探聽行抵燕塘地方適按察使差役許  
章南海縣差役劉複並兵丁王喜貴邱得揚  
等巡見上前捉拏胡亞虔情急拒捕砍傷兵  
丁王喜貴等旋被擒獲其關亞祖一犯係南  
海縣飭差協同營兵緝獲等語胡亞虔係脫  
逃遣犯私回原籍即云粵省接准配所移咨

選派兵役查拏該兵役等自必分投偵躡斷  
無六七人合捕一犯之理何以胡亞虔一抵  
燕塘地方而差役許章劉複等六人適一同  
在彼巡見且胡亞虔孤身潛竄僅帶小刀如  
果兵役六人同往捉拏又何至轉為砍傷該  
撫審訊時自應查明首先巡見之人及被傷  
兵丁酌加獎賞據實具奏乃摺內臆敘兵役  
至六名之多此皆外省惡習恐差役獲犯非  
協同兵丁武職不免處分兵丁獲犯非協同  
差役文職不免處分該督撫欲為屬員地步  
意存規避遇有獲犯之案輒填砌多人拘拏  
而不顧其措詞之虛偽實不足信文武員弁  
均有戢暴安良之責凡遇偵緝重犯購有蹤  
線原應彼此知會迅速協拏勿任遠竄如果  
差役得信知會營汛該員弁不派兵協緝督  
撫等即當將武職嚴叅倘兵丁得信知會地  
方該州縣不選役協緝督撫等亦應將文職  
嚴叅俾知懲儆朕辦理庶務惟期覈實從不

肯稍涉虛文嗣後各督撫等於獲犯定擬摺內務須審明係何人首先捕獲其果係知會拘拏者止當聲敘協緝字樣亦不必議過但不得如郭世勲此次奏摺填砌多人取和避過所有胡亞虔關亞祖二犯並著郭世勲查明首先巡見之人同被傷兵丁一併酌賞俾知獎勵○諭軍機大臣等據郭世勲奏啖啞喇國遣使進貢現復傳詢該國夷商啖啞啞哩晚噴啞等稟稱該國貢船係上年八月間起程不在廣東經過大概由福建浙江山東等處外海洋面直往天津等語啖啞喇國遣使納貢甚為恭順前恐該貢使船隻或於閩浙江南山東等處近海口岸收泊是以降旨令各該督撫等遇該國貢船到口時稽查照料妥為經理今該貢船於上年八月間起程由閩浙等處外海洋面直抵天津計算此時將次可到著傳諭梁肯堂等即行派委委員趕赴前途迎探所有應行豫備之處即先為

備辦一俟該國貢船進口時遵照前旨妥協經理○甲子  
上還宮○是日起  
上以常雩祀  
天於  
園丘齋戒三日○乙丑諭軍機大臣等昨因郭世勲奏拏獲逃遣摺內臚敘兵役至六名之多顯係為屬員規避處分起見已明降諭旨通行飭諭矣隨復閱該撫所進供單據胡亞虔供走到燕塘地方就被營官同兵役巡見捉拏其關亞祖一犯亦供被兵役拏獲等語各該犯俱係獲罪潛逃回籍探聽猝被巡查拏獲何由知所派之人是兵是役乃該撫於訊取供詞內亦聲敘兵役字樣是不特所奏之摺虛詞填砌即其所進供單亦係照摺改竄殊不足信嗣後該撫務宜遵照昨降諭旨覈實辦理勿再似此取和避過將此諭令知之又諭前因外藩使臣經過省分地方該

督撫等俱量為賞犒但恐借此為名輒令州縣備辦致有擾累百姓之事特降諭旨令該督撫等遇有犒賚必須出貲自辦並不得逐漸加增徒滋糜費倘有仍沿積習者一經查出必將該督撫重治其罪此係體恤閭閻豫防擾累是以諄切誠諭並御製凱旋兵丁至京由驛各回本地營伍文一篇以記其事似此整飭封圻軫念民力以視前明種種弊政豈不大相懸絕耶著將御製文及前降諭旨遇便鈔寄富綱即傳尹壯圖令其閱看將伊如何登答之處據實具奏將此諭令知之○御製文曰古之三時務農一時講武為制兵善策其不及者更役流民使之戰戎皆所謂歐犬羊以飼虎豹殊可笑耳惟我朝用禁旅及東省旗兵以張撻伐是以所向無敵莫不成功茲之征廓爾喀七戰七勝致其畏威降順即明驗也若夫兵部所司不過設驛安頓送往迎迴茲以歲事奏聞亦循例而已豈似明

之本兵哉明之本兵以庸儒登科甲游久至司馬不知兵為何物何事幸逢無與戎資苞苴以飽囊橐不幸有敗衄受攻斥以喪首領其亦可哀可鄙而其國家亦隨以衰滅是不大可慎乎即今之平定廓爾喀自前秋以至昨夏凡遲速之機進退之宜內而軍機大臣外而將軍叅贊皆與一心一力日夜籌畫不為掣肘任其攄衷且沿途之督撫又復屢命繼儲餉供廩給並禁兵役之滋擾勒索是以民不知兵行若無事豈如前明之所為哉若夫地方官以兵行辛勤捐給勞銀每兵不過二三兩此亦大員以已既弗躬荷戈敵愾以申同仇之誼非行賄也雖弗過而問之而亦未嘗不知但於其與者不嘉其揮霍弗與者亦不責其慳吝而窮兵遠涉邊荒既屢受官賞更得此資助積少成多亦其宜耳若尹壯圖之流又且以為非出官捐皆害民力蓋彼若當茲定出於是庸人豈可與言政哉○丙

寅

上詣

南郊齋宮齋宿○諭本月初五日舉行

常雩大祀豫日詣

齋壇拈香適遇甘膏霑被醴澤載塗仰荷

天恩忻感之餘倍深敬惕是日濕衣之王公大

臣等均著賞職任俸半年在

壇執事之禮部太常寺官員及隨從之侍衛章

京等俱著一體賞俸半年護軍營兵校尉等

著賞給半月錢糧步甲修墊輦路著賞一月

錢糧○丁卯常雩祀

天於

園丘

上親詣行禮○辛圓明園○已已諭軍機大臣

等本日惠齡奏撈獲沉溺銅鉛數目一摺內

貴州委員朱毓炯薛清範領運京鉛遇風沉

溺俱經陸續撈獲五萬三千餘觔而雲南委

員和費顏所運京銅於五十七年五月在巫

山縣地方沉溺至十一月止撈獲銅一百十三觔此等運京銅鉛同係在險灘遇風沉失而鉛觔一項隨時打撈均能撈獲過半其銅觔沉溺打撈數月僅獲銅一百餘觔自因鉛觔所值有限水摸等即於事後偷撈盜賣亦無可獲利是以多有撈獲轉可得受雇值至銅觔則價值較昂水摸人等即盡數打撈亦止能與鉛觔一例得受雇值是以不肯認真撈獲率以無獲具報一俟委員過境即將水底留存之銅暗行撈起私相盜賣可圖得價牟利此等情弊在所不免何以地方官俱見不及此著傳諭銅鉛經過之各省督撫嗣後凡遇銅鉛船隻遇險沉溺務須嚴飭所屬督率兵役及水摸人等實力打撈務將沉失銅鉛儘數撈獲毋任水摸等藉詞捏報致有事後偷撈盜賣等弊以歸覈實果若有偷撈盜賣之事必不出本境地方官斷無不知之理此皆督撫等不肯實力之故倘有仍前玩誤

者即將派委打撈之員據實奏並將偷匿銅鉛不肯盡數撈出水摸人等酌量懲治以杜弊端。辛未諭朕此次駐驛熱河巡幸木蘭著怡親王儀郡王大學士阿桂尚書蘇凌阿留京辦事所有吏部兵部應行引見官員文職知縣以上武職守備以上於啟鑾進木蘭之前著該部每月派堂官一員輪流帶赴熱河引見其文員內佐雜等官武員內八旗護軍校驍騎校及外省送到補放之驍騎校水手並年滿千總等官升仍著王大臣照例驗放至八月以後月選州縣等官照例俟迴鑾後歸於九月分一併引見其各省督撫提鎮等奏摺著齋摺人前赴行在投遞進哨後著兵部派員駐劄哨門接遞各省奏摺封送行在候朕批示發回仍於哨門交付齋摺人祇領。又諭曰額爾登布之祖母年已八十伊本身亦六十七歲著加恩以原品遣回奉親所遺領隊大臣員缺著春寧補授。○又諭

曰福康安奏此次官兵赴藏經過丹達山均無阻滯山靈助順請加封號並頒懸扁額等語丹達山遠在徼外最為險峻風雪不時此次自軍興以來官員兵丁調遣至藏以及事竣凱旋均當冬令經過該處得以安穩過行毫無阻滯實為

神庥佑助靈應聿昭允宜列在祀典錫之封號著封為昭靈助順山神交該部載入祀典春秋致祭並頒去御書扁額交駐藏大臣飭令於山下舊建

神祠敬謹懸掛以答休應而示懷柔。○

御書扁曰教聞遐柔。○諭軍機大臣等此次福康安帶兵遠討廓爾喀畏罪投誠所有善後事宜又遵朕旨逐一清釐整頓從此邊隅永靖衛藏牧寧是以福康安自藏起程時達賴喇嘛等先期下山於十里外恭設方幄跪遞哈達恭請朕安此極好事且其真心感激懇福康安代奏至於泣下尤為可憐可嘉又

據另片奏吹忠法術原屬不堪等語此事更有辦法已降旨嗣後前後藏暨各蒙古應出呼畢勒罕時俱令各自尋找呈報理藩院駐藏大臣選擇數名入瓶簽掣則吹忠積弊可漸革除此時亦不必過急又據奏丹達山風雪最大向難行走官兵經過時天氣晴明風雪不作得以安行無阻以成大功請入祀典以昭靈貺等語已照所請降旨勅封並書扁額發往以答靈貺至福康安此次懋著勤勞

原欲於事竣後令其來京瞻覲並順省伊母俾遂私情不意福康安之母於上年臘月患病維時福康安遠在藏地相隔萬數千里若福康安得信雖星夜過馳斷不能尅期趕到徒增懸念嗣於本年正月內福康安之母病體漸就痊愈適值安南阮光平物故恐該國人心反側滋生事端必得福康安親往彈壓可以就近體察籌辦是以又令福康安取道楚南徑赴廣西俟該國人心鎮靜再於冬十

一月到京可以公私兩盡詎近日福康安之母病勢復發纏綿增劇竟至不起福康安於三月十三日甫抵邊壩趕抵成都尚需五十日計到京已在六月下旬不特不能躬親舍斂且百日將滿已屬無及而福康安係國家出力之人屢著勞績現因奉差在外以致伊母大事不獲躬親料理為之惻然福康安若到京朕心轉不忍與之相見因思康熙雍正年間邊疆事務緊要督撫原有在任守制之例現在廣西邊隘關係甚重而兩廣總督一時亦難得其人福康安應仿照舊例在途次成服辦理廣西事竣後即赴廣東在任守制今年冬季並可不必來京俟過一二年朕酌量降旨令其來京時再行遵旨赴闕此時福康安惟當以公事為重途次固不必急於體程致有勞頓尤不可過於悲戚以致毀傷務宜勉自節哀慎加珍衛為國愛身以副朕慰諭諄切至意著隨報賞給御用奶餅一匣以

示軫念將此由六百里諭令知之○壬申諭  
據知貢舉瑚圖禮周興岱奏本年會試舉子  
內有自七十歲至八十歲以上者共六十七  
名俱三場完竣未經中式等語此次各省舉  
子年老應試者多至六十餘人龐眉皓首踴  
躍觀光洵為昇平人瑞除七十歲以上之邵  
利達姜价陶煒業於前次會試後賞給國子  
監學正職銜外所有年屆八十以上之馬元  
倬胡自勉張應楫鄭元謨武宅鎬劉家修郭

瑛劉儒鈞張懷禮劉其倬蕭友望王克惠薛  
生麟段芳洲宋守祀王夢熊王潤張丕顯王  
二曜姬儒楷牛溥李恪曹逢庚張懷姬景烜  
張灝王棟王坤善甯鳳集梁復堂章敬修來  
壽昌沈念祖郭景兆陳莢沈志超黃敏徐由  
湘熊定飛黃鴻蕭蕭經魁王聿中陳際成陳  
存遠唐紫瑞胡述發李如湘文承發黃佑啟  
張寬熊文炳俱著賞給翰林院檢討銜又董  
繼允於七十歲時已賞給國子監學正銜今

該舉子年逾八十並著一體改賞翰林院檢  
討銜其七十歲以上之穆彬高大文劉素位  
崔九州高瑛米裕如謝立吉張瑞兆蕭淦陳  
際丙李統賢羅有麒俱著賞給國子監學正  
銜其八十以上者各加賞緞二匹七十以上  
者各加賞緞一匹並年在七十以上前經賞  
給職銜之邵利達等三名亦著一體賞給緞  
匹以示朕嘉惠耆老壽世作人至意○又諭  
曰松筠著授為內務府大臣在御前侍衛上

行走○又諭曰德福不稱山海關專閫之職  
山海關副都統著綿佐補授保興著調補鑲  
白旗滿洲副都統所遺員缺著德福調補○  
癸酉

上幸靜宜園駐蹕至丁丑皆如之○諭本日幸  
靜宜園所有隨從濕衣之王大臣侍衛官員  
等著各賞給紀錄一次拜唐阿校尉管銜護  
軍健銳營接駕兵丁番子等俱著賞給半月  
錢糧墊道步甲等每人著賞銀一兩○兵部

議准陝甘總督勒保疏稱涼州鎮屬莊浪營舊設叅將一員兼轄鎮羌營俄卜嶺營遊擊二員並各營堡都司守備千把外委四十一員兵一千一百五十一名駐劄平番縣城距涼州鎮三百四十里地當衝劇所轄營堡俱沿邊扼要僅設叅將不足以資彈壓查延綏鎮屬之波羅協副將距鎮城一百二十里所轄弁兵較莊浪止三分之一請將波羅協副將移駐莊浪改為莊浪協副將以莊浪叅將移駐波羅改為波羅營叅將並將該營協中軍都司守備各按營制互相改設從之○以鑲紅旗蒙古副都統額勒登保為鑲白旗護軍統領甲戌諭曰長麟等奏據署玉環同知朱泰曾稟報該廳所管石板殿山島先有匪徒上島拉奪幼孩被居民拾石擲退次日約有匪徒十餘人來島報復放火燒燬草房四十餘間並將毆斃二屍搶去該撫恐所稟不實隨親往查辦究出次日來島之匪徒實

係五十餘人尚燒去牛棚猪棚四十餘間該同知隱匿未報又署黃巖右營遊擊蔡起發僅專報本鎮轉咨並無隻字飛報提督與匪稟無異請將朱泰曾蔡起發一併革職等因長麟陳杰均自請嚴加議處等語浙江近年以來海洋一帶疊有盜劫之案屢經嚴辦懲儆乃匪徒等尚敢糾集登島搶奪放火實屬目無法紀長麟現已親往督捕務宜設法購線按名拏獲嚴肅辦理毋任一名漏網至該處地方文武平日既不能實力巡緝事後又復捏報匿稟殊屬玩誤署同知朱泰曾署遊擊蔡起發均著革職等因交與該撫嚴訊定擬具奏其餘疎防文武各員並著該撫查明奏奏至浙省營伍前因總督駐劄福建相離稍遠照料恐有未周是以降旨即交浙江巡撫兼管福崧在巡撫任內惟知肆意婪索安望其復能整頓地方是以營伍日見廢弛致有此等捏飾情事長麟辦事尚屬認真將來



該省營伍自可資其振作此案該撫到任未久一聞廳員稟報即親往督捕並究出捏報情弊尚無不是不必交部議處陳杰身任提督有年營汛係其專轄雖福崧貪縱廢弛不能留心查察而陳杰所司何事亦竟漫無稽查其咎實無可逭陳杰交部嚴加議處該提督係棄瑕錄用之人到浙後又復屢獲愆尤將來部議上時豈能再邀寬宥陳杰著離任將印交長麟暫行署理來京聽候部議所有

浙江提督員缺著王暈調補其陝西固原提督員缺著柯藩補授所遺總兵員缺著富成補授現在浙省海洋正資經理整飭之時王暈接奉此旨著即速赴新任不必來京請訓陳杰著速行來京○乙亥諭曰顧長紱在臬司任內有年乃於福崧肆意婪索劣蹟多端並無一言劾奏非尋常瞻徇可比著照部議革職俟服滿後發往軍臺効力贖罪王懿德雖到任未久但伊係內務府人員加恩擢用

藩司調任浙江已有兩月乃亦扶同容隱實屬辜恩溺職亦著照部議革任賞給道員職銜前往哈密辦事換回增保以示懲儆○以廣東按察使張朝綱為浙江布政使○丙子諭軍機大臣曰長麟奏許觀保謀財殺害事主張搖年及船戶袁阿大等四命審明後即請王命將該犯凌遲梟示等因一摺已批該部知道矣許觀保見客民張搖年攜帶錢物雇坐袁阿大船隻輒起意誘騙袁阿大過船

用斧砍傷推落水中並將袁沅友等及客民張搖年砍斃丟棄入江實屬兇惡已極自應立予凌遲以昭炯戒至所稱未獲之賊照例罰賠等語所辦殊屬非是如地方官緝盜不力或諱匿不報別經拏獲破案者未獲盜賊責令照例罰賠尚屬可行至此案係署新城縣知縣張許訪獲稟報尚屬留心該撫方當予以嘉獎俾地方官共知勸勵認真緝捕乃轉以未獲盜賊罰令賠出如此是非倒置必

致地方官畏懼賠累遇有盜案不肯上緊查拏甚或有疎縱諱飾之事況本年二月內因各省所奏著賠盜賊有多至累百盈千者若令地方官賠給恐啟諱盜之漸特降旨令該督撫分別緝盜勤惰酌量罰賠其銀數在數百兩以上者祇令地方官罰賠十之一二以杜弊端此旨想長麟早已接到自應遵照辦理即使未經接奉此旨亦不應將此等認真訪獲盜案之員轉令其罰賠且袁阿大一家俱為許觀保殺害所有罰賠之賊又有何人承領可見賠贓之說亦屬虛語即事主尚有家屬亦應巡撫兩司及該道府出貲量給斷無責令獲盜之地方官賠出之理長麟平日尚係曉事何辦理此案糊塗至此將此諭令知之四川松茂道倭什布為廣東按察使

大清高宗法天隆運至誠先覺體元立極敷文奮武孝慈神聖純皇帝實錄卷之一千四百二十六

大清高宗法天隆運至誠先覺體元立極敷文奮武孝慈神聖純皇帝實錄卷之一千四百二十七

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事務處管理

吏部理藩院事務正黃旗滿洲都統世襲騎都尉軍功加七級隨帶加一級序銜加二級軍功紀錄一次臣履歷

總裁官經筵講官太子太傅定華殿大學士文淵閣領閣事稽察欽奉 上諭事務處管理刑部戶部庫事務

世襲騎都尉軍功加十九級隨帶加二級又加二級臣等謹將內大臣戶部尚書張蔭桓滿洲都統軍功紀錄一次

尋常紀錄十四次臣等謹將經筵講官太子少保工部尚書紀昀六次臣等謹將等奉

教修

乾隆五十八年癸丑四月戊寅

實錄卷之

二

十

上迴圓明園○諭軍機大臣等據明亮等奏稱雅克薩城在黑龍江西北每年巡查毗連之格爾畢齊河便中即可往查無庸另置卡座兵丁等語雅克薩城去黑龍江西北千有餘里且山峯林菁河渠較多俄羅斯等相通不易倘猝增卡座恐俄羅斯等妄生疑懼著傳諭明亮等巡查雅克薩城仍舊辦理不必另添卡座○已卯

孝端文皇后忌辰遣官祭

昭陵 辛巳諭前因喀爾喀三音諾彥部落額

爾德尼班第達呼圖克圖圓寂後其商卓特

巴那旺達什有意營謀汗王子弟為呼畢勒

罕代求達賴喇嘛拉穆吹忠附會妄指已分

別治罪並明降諭旨通飭各蒙古番眾等矣

本日據和琳奏詢之達賴喇嘛稱那旺達什

到藏時向我問額爾德尼班第達的呼畢勒

罕出在何方我令他去問拉穆吹忠他就赴

吹忠處問過吹忠批說土謝圖汗屬雞的兒

子就是我向來總據吹忠所說為憑就照向

例憑吹忠龍單上的語給他批了並訊據吹

忠之尼爾巴敦珠卜達爾結供那旺達什於

五十七年復至拉穆廟內求問呼畢勒罕究

竟在於何處吹忠降神龍單內批令於東方

中等人家找尋過了幾日那旺達什來寺又

送銀五十兩緞一匹哈達一個向吹忠告稱

土謝圖汗車登多爾濟之子暨公林沁多爾

濟之子俱是屬雞的此二人內是否真實並

實錄卷之

二

一

開伊等父母年歲求其降神吹忠即於那旺達什所遞字上批說車登多爾濟之子屬難的是真呼畢勒罕等語是即該商卓特巴欲營求汗王子弟為呼畢勒罕之明證蓋可見此事之不可不徹底查辦矣朕自乾隆八年以後即誦習蒙古及西番字經典於今五十餘年幾餘究心討論深識真詮況本朝之維持黃教原因眾蒙古素所皈依用示尊崇為從宜從俗之計初非如元人佞佛優禮喇嘛致有詈罵者割舌毆打者斷手之事近因黃教之習愈趨愈下蒙古番民等失其舊時淳樸之風惟知牟利罔識佛教正宗不得不亟加整頓是以製一金奔巴瓶派員齎往設於前藏大昭俟將來藏內或出達賴喇嘛班禪額爾德尼及大呼圖克圖呼畢勒罕時將報出幼孩內擇選數名將其生年月日名姓各寫一籤入於瓶內交達賴喇嘛念經會同駐藏大臣公同籤掣並於京城

雍和宮內亦設一金奔巴瓶如蒙古地方出呼畢勒罕即報明理藩院將年月名姓繕寫籤上入於瓶內一體掣籤其從前王公子弟內私自作為呼畢勒罕之陋習永行停止朕之此旨原因各蒙古汗王貝勒等既有世爵可以承襲罔替已極尊榮何必復占一呼畢勒罕又謀喇嘛之利似此見小罔知大義將來必致謀奪財產啟爭釁滋生事端方今國家威稜遠播各蒙古扎薩克咸隸理藩院管理遇有田產細故俱為之秉公剖斷若任伊等牟利不已久而或致爭奪相尋成何事體是朕之整飭流弊正所以護衛黃教厚愛蒙古人等使其各闡愚蒙永除爭競至佛法以虛寂為宗無來無去故釋迦涅槃後並未出世即宗喀巴闡演黃教亦未出呼畢勒罕達賴喇嘛班禪額爾德尼係宗喀巴之二大弟子始世世出有呼畢勒罕轉世共掌黃教相沿已久從前五輩達賴喇嘛及來京之前輩

班禪額爾德尼諳習經典或尚能具有真慧現在達賴喇嘛年紀尚輕資質誠樸甫學經卷豈能直參上乘先知一切凡有求其指示呼畢勒罕者惟憑拉穆吹忠之降神定奪而吹忠不過如內地師巫之類且內地師巫尚有用刀自扎及舐刀吞劍掩人耳目法術今吹忠經和琳等面加演試授以刀劍俱各恐懼戰慄並師巫之不如是其所指呼畢勒罕荒唐更屬顯然乃番衆人等崇信已久以其妄言休咎小有效驗遂傳為神奇一時竟有牢不可破之勢此亦習俗使然自不必急於禁止前已頒發金奔巴瓶於大昭供奉之宗喀巴前掣籤所有找尋呼畢勒罕一事永遠不准吹忠指認其番民推問吉凶等事暫聽仍舊日久吹忠法術不行亦將自敗總之弊端既得默化潛移一切積弊亦無難逐漸革除至藏內出產較少布達拉商上給與衆喇嘛養贍及番兵口糧等項需用繁多所入不

敷支給向賴各蒙古番衆佈施以資用度嗣後惟不准私指呼畢勒罕其餘熬茶瞻禮皆在所不禁朕方鼓勵蒙古等使之布施但不可如那旺達什之用財營求將汗王之子附會妄指作為呼畢勒罕並如年前噶爾丹錫勒圖呼圖克圖之私遣徒弟到土爾扈特地方向人索取耳從此各蒙古番衆等益當恍然於朕之掃除積弊無非欲力挽頹風振興黃教保全伊等俾安樂利永息爭端並非不令其尊崇佛教不許布施達賴喇嘛班禪額爾德尼也所有辦理此事緣由著再通行曉諭各處蒙古番衆等咸使聞知共喻朕意御製喇嘛說曰佛法始自天竺東流而至西番其番僧又相傳稱為喇嘛喇嘛之字漢書不載元明史中或訛書為刺馬子細思其義蓋西番語謂上曰喇謂無曰嘛喇嘛者謂無上即漢語稱僧為上人之意耳喇嘛又稱黃教蓋自西番高僧帕克巴始盛於元沿及於明

封帝師國師者皆有之我朝惟康熙年間祇封一章嘉國師相襲至今其達賴喇嘛班禪額爾德尼之號不過沿元明之舊換其襲勅耳蓋中外黃教總司以此二人各部蒙古一心歸之興黃教即所以安衆蒙古所繫非小故不可不保護之而非若元朝之曲庇諂敬番僧也其呼圖克圖之相襲乃以僧家無子授之徒與子何異故必覓一總慧有福相者俾為呼畢勒罕幼而習之長成乃稱呼圖克圖此亦無可如何中之權巧方便耳其來已久不可殫述孰意近世其風日下所生之呼畢勒罕率出一族斯則與世襲爵祿何異予意以為大不然蓋佛本無生豈有轉世但使今無轉世之呼圖克圖則數萬番僧無所皈依不得不如此耳去歲廓爾喀之聽沙瑪爾巴之語剽掠藏地已其明驗雖興兵進剿彼即畏罪請降藏地以安然轉生之呼畢勒罕出於一族是乃為私佛豈有私故不可不禁

茲予製一金瓶送往西藏於凡轉世之呼畢勒罕衆所舉數人各書其名置瓶中掣籤以定雖不能盡去其弊較之從前一人之授意者或略公矣夫定其事之是非者必習其事而又明其理然後可予若不習番經不能為此言始習之時或有議為過興黃教者使予徒泥沙汰之虛譽則今之新舊蒙古畏威懷德太平數十年可得乎且後藏煽亂之喇嘛即正以法元明曾有是乎蓋舉大事者必有其時與其會而更在乎公與明時會至而無公與明以斷之不能也有公明之斷而非其時與會亦望洋而不能成茲之降廓爾喀定呼畢勒罕適逢時會不動聲色以成之去轉生一族之私合內外蒙古之願當耄近歸政之年復成此事安藏輯藩定國家清平之基於永久予幸在茲予敬蓋在茲矣又諭上年據四川總督奏到打箭鑪口外於七月二十一日十月十七日兩次地震情形當經降

旨交英善就近委員前往撫卹今據英善奏稱節次委員馳往確勘照例每大口一名賞銀二兩小口一兩樓房每間賞銀一兩平房每間五錢業經挨戶撫卹實皆按名具領毫無遺漏等語第念該處邊番上年兩次地震被災未免稍重殊可憫卹若僅照例給予賞銀猶恐或有拮据此時惠齡尚未回川著英善派委委員按照前次查明各戶再行照數加賞一次俾得益資安輯以副朕加惠邊隅優卹番民至意又諭戶部議覆鳳陽關一年期滿徵收稅課比較盈餘短少銀五萬六千五百五十餘兩著落管關之員照數賠補一摺固屬照例辦理第念該關稅課全憑豫省糧食販運江蘇經過該處源源銷售始能豐旺上年豫省河北懷慶等屬收成稍歉糧價較昂商販無利可圖以致糧石米豆到關稀少盈餘短絀尚屬實在情形所有此次鳳陽關短少盈餘銀五萬六千五百五十餘兩

著刁玉成賠補一萬兩其餘俱著加恩寬免又諭刑部具題議駁陝西省趙宗孔毆死趙杞麥改擬斬候一本此案趙宗孔因伊父趙大典被趙杞麥扎死擬絞減流釋回觸起前愆將趙杞麥致死向來子報父讐之案情節不一倘有兇首漏網寃無可伸者其復讐原屬可原今趙杞麥前已問擬絞候國法既伸祇因遇赦減流十年無過釋回原籍並非倖逃法網是揆之公義已不當再挾私讐若盡如趙宗孔之逞私圖報則趙杞麥之子又將為父復讐此風一開誰非人子皆得挾其私忿藉口報復勢必至讐殺相尋伊於何底趙宗孔自應照部駁定擬斬候第念該犯究因報復父讐起見竟予勾決究覺有所不忍若仍得援例減等釋放又恐被讐之家往來尋覓逞兇報復轉非辟以止辟之義其在未經奉旨以前者仍照舊例辦理外趙宗孔著入於緩決永遠牢固監禁嗣後各省遇有此

等案件俱著照此辦理將此通諭知之○又諭據琳寧等將部議奏准飭查奉天府屬捕漁船隻一體酌定章程繕寫漢字具奏一摺已批交該部議奏矣但盛京應奏事件理宜繕寫清字即遇有清字繁多難以顯明之處亦應以清漢字兼寫曾經屢降諭旨今琳寧奏摺僅用漢字而所奏報盛京並無蝗蝻萌生一摺亦用漢字殊屬錯謬即如酌定捕漁船隻章程一案若因部咨係用漢字語句繁多則於奏報蝗蝻一摺語句無多亦不能清

字具奏耶嗣後各部院凡遇咨行東三省事件俱著清漢兼寫琳寧等著申飭○諭軍機大臣等前經福康安等奏巴塘土司吹忠扎布等十二員隨征出力請加獎勵因摺內未將該土司等現在係何頂戴及曾否賞翎之處詳悉聲明無由按其職分分別加賞當經降旨傳諭惠齡詳悉查明速奏茲據該督奏稱前因遠在軍營並無檔案可稽是以前次

具奏祇將姓名開報現已札飭藩司詳悉查明徑由英善開單就近具奏等語該藩司英善接准惠齡檄飭自即速行飭查該土司等屯寨較遠亦應催查速奏何以迄今尚未奏到著傳諭英善速將該土司等現在係何頂戴及從前有無賞過花翎之處即行查明具奏毋任延緩以便酌加獎勵○壬午命大學士公阿桂大學士王杰禮部尚書紀昀左都御史寶光臬吏部侍郎金士松禮部侍郎劉

權之兵部侍郎王保內閣學士瑚圖禮為殿試讀卷官○癸未策試天下貢士吳貽詠等八十二人於保和殿前制曰朕荷天寵命御寓久長茲幸功歲十全慶徵五代每虞盛滿日切勤求雖年逾八旬未敢少耽安逸緬唐虞之心紹湖孔孟之微言期康阜於閭閻勵鞏謙於夙夜時慎勅幾思登上理咨爾多士佇聽嘉謨十六字心傳尚矣蔡氏沈書序言之綦詳其說可悉陳敷執中一言禹



湯武相傳不易所以致其精一者其要何居  
唐太宗作帝範所言果盡醇歟宗范祖禹帝  
學一編具有條理能見其大者何在真德秀  
大學衍義僅及修身齊家而止其治平之跡  
果可舉而措之歟邱濬大學衍義補政典極  
為詳備抑尚有提挈大綱者在歟洛學末流  
岐為二派永嘉之學好談經濟朱子謂其近  
事功其故安在其源流得失能一一言之歟  
金谿之學流為姚江紫陽之徒流為河津世

多以河津為正脈然論者或謂王守仁所樹  
立斷非諱瑣所能可詳言之歟王畿以後講  
心學者又空虛而無實用其故又安在歟漢  
代力田與孝弟並重宋代守土之官結銜必  
有管內勸農字猶三代重農之遺意也其規  
制尚可考歟明代有檢田之吏其設官之意  
與古人同歟異歟孟子有不知檢之句漢書  
引之作斂然則採買積貯周代已有之歟他  
書尚有可考者歟朱子社倉立法至善而論

者或謂其近於青苗法其似同實異之故能  
悉舉之歟堯戒稱戰戰栗栗日慎一日舜庸  
作歌之時亦稱勅天之命惟時惟幾古帝王  
治定功成兢業猶如是也宋張根作吳園易  
解六十四卦之中惟泰卦別著一論反復申  
明能為舉其大旨歟泰之內卦即乾本有健  
行不息之義能闡發其意歟老氏知足知止  
僅自守而已聖賢之學必有所持守運行而  
後能久於其道能指陳其要歟多士稽古有

年必有淹貫博通深達於治理之原可以敷  
之實用者悉抒所蘊副朕博訪之意焉○諭  
曰金士松已由吏部派出隨往木蘭即著兼  
辦行在兵部事務其行在兵部印鑰仍著和  
坤帶管○豁免遭風漂沒臺灣運赴內地兵  
米七百二十石有奇○旌表守正捐軀福建  
福清縣民陳孔亮妻黃氏○甲申諭軍機大  
臣等據福康安奏沿途行走情形一摺內稱  
途中加站行走口外程途已行十分之七惟

因感寒觸瘴舊病頓發四月初六日至巴塘病復稍增難以支持暫在巴塘調理畧俟就愈仍即按站行走等語覽奏深為廕念此次福康安遠涉邊徼勞苦備臻今因途路險峻感冒風寒觸染嵐瘴舊症復發頗形委頓自不應急於趨程以致過勞現已派御醫屠景雲前往診視但伊係漢人恐行走不能迅速特派惠倫先行馳往看視並解親佩小荷包一個奶餅一匣賞給以示眷念其屠景雲另派阿爾塔錫第帶同馳驛前往矣屠景雲曾為朕胗脉醫理明白甚有效驗今令診視福康安自可即就痊愈至福康安接到伊母病逝之信自必心懷悲痛但事已如此福康安即使趕到已屬無及轉增哀痛竟應仍遵前旨任途成服取道廣西俟辦理事竣即赴廣東在任守制福康安惟當善體朕意以國事為重不可過於哀毀上緊調理以期病恙速痊為國愛身現在安南人心鎮靜可無他慮

福康安在途不妨緩緩調理而行計惠倫到川時福康安已可回至成都內地天氣晴和况福康安正在壯年易於調理身體自當日就平復也將此由六百里諭令知之並著將所患病恙是否業就痊愈之處速行奏聞以慰廕注○兵部議准湖廣總督畢沅疏稱安陸營額設都司千把外委等官僅止六員分防鍾祥京山二縣路當衝劇其水陸塘汛二十三處並郡城倉庫城門以及護餉解犯等事祇分千總一人專管未免官少事繁又竹山營地居偏僻分防竹山一縣塘汛止一十三處額設遊擊守備千把等官共有十一員與安陸情形迥別請於竹山營裁把總一員酌添於安陸營分管旱塘其原管界山汛歸併右哨把總管轄化峪河口汛歸併左哨千總管轄仍令該哨外委協防再安陸營麗陽驛外委協防水陸二十三汛巡察難周應止分給就近之龔家集五塘其餘十八塘俱歸

就近千把分管從之○予故禮部尚書常青祭葬如例謚恭簡○旌表守正被戕直隸新城縣民馬文明妻劉氏○乙酉諭前因詹事府庶子洗馬等官俱兼翰林院講讀修撰等銜係相沿前明舊例非正名覈實之道曾經降旨所有詹事等官嗣後毋庸兼翰林院虛銜但此外各衙門大小官員皆有專銜何庸假借兼攝而仍兼列虛銜者尚復不少此皆沿習前明舊例殊屬無謂即如大學士前明止係五品往往以翰林等官除授其後因任以機務復晉秩侍郎尚書等官是以有兼銜之制本朝設官分職品秩釐然如大學士秩居正一品又何庸復兼從一品之尚書虛銜為耶著交吏部詳悉查明將內外文職似此無關職任兼用虛銜者分別刪除酌覈定議具奏以示循名責實之義尋奏大學士兼尚書銜翰林院掌院學士兼禮部侍郎銜順天府府丞兼提督學政銜均請刪除從之○又

諭前因各省查禁刑本經書惟山西廣東兩省所辦較為認真其餘各省收繳無多不過以一奏塞責曾經降旨飭諭本年據朱珪奏安徽省先後查繳刑本經書共六十七種計八百二十四部板片二十八塊查禁尚為實力各省督撫自應如此一體查辦但此等刪減經書現在雖經通行禁止收繳銷燬尚難保無留存傳布等事而督撫等以業經查奏遂漫不經心日久禁弛坊賈射利之徒復又仍踵前弊私行翻刻皆所不免著該督撫等於此次查禁後仍當隨時留心飭屬實力收繳毋得始勤終怠視為具文以致有名無實並著該督撫等將各屬每年收繳若干之處於五年彙奏一次以副朕整飭士風崇尚實學至意○又諭曰吉慶奏江南委員常鎮道梁羣英與山東委員登萊青道曹芝田前赴江南山東交界之日照縣會勘黑水洋係何省洋面梁羣英並不訂期出洋固執支吾

旋自行南回曹芝田亦即回東請旨一併交部嚴加議處一摺所參甚是梁羣英經該省督撫委赴山東會勘洋面並不訂期出洋乃竟推委自便此不過洋面被劫勘明分管界限該道即心存畏葸設洋面有匪徒滋事之案該道亦如此退縮不前尚復成何政體僅予嚴議不足示懲梁羣英著革職發往軍臺効力贖罪曹芝田於梁羣英南同時即應自行出洋前往詳看乃亦遽爾回東亦屬無能負職曹芝田亦著革職以為監司規避玩誤者戒至黑水洋面究係何省所管界內即照吉慶所請派江南狼山鎮總兵會同山東登州鎮總兵帶領水師將弁親往該處詳晰查勘究明何省管界即將該管疎防之地方官嚴叅辦理毋得稍存委卸設遇洋盜即共拏拏若再推諉定行治罪○丙戌

上還宮○御乾清宮召讀卷官入親閱定進呈

十卷中第○丁亥

上御太和殿傳臚賜一甲潘世恩陳雲陳希曾三人進士及第二甲陳秋水等二十九人進士出身三甲朱瑞椿等四十九人同進士出身○幸圓明園○戊子諭朕仰蒙

吳蒼蒼佑贊

緒凝庥臨御以來海宇枚寧遐方尚化膚功熙績幸躋十全踐阼年滿六十實二十五即位之人君所難得也前曾降旨於六十一年歸政允宜愷澤覃施與海內臣民欽時數錫而嘉惠士林之典尤應預為舉行著於乾隆五十九年秋特開鄉試恩科六十年春為會試恩科至六十年秋即為嗣皇帝恩科鄉試丙辰春間即為嗣皇帝元年恩科會試所有應行事宜著該部照例豫備其各直省舉人大挑亦著於六十年會試後該部奏請辦理但此時雖距歸政之期不遠朕惟有日益孜孜不敢稍存盈滿以期與天下蒼生共迓天眷之福將此通諭知之○又諭向來順天鄉

試及禮部會試同考官分列十八房校閱時自應各就所分之卷盡心詳閱呈薦原不得彼此互看致生弊端並將本省應行迴避之卷扣除自屬可行至於正副考官係朕特派大臣必當將各房呈薦之卷悉行批閱如彼此意見相同方能取中何得亦同房考之例各人分看且正副考官將本省之卷迴避不閱則外間舉子更可豫擬某主考分看某省轉致揣度鑽營是防弊而適以滋弊况各房考呈薦之卷至多亦不過四五百本主考三人在闈一月之久何難逐卷共相品評以期棄取允當乎今聞此次會試考官係屬分省閱卷殊屬非是姑念相沿舊例不加深究嗣後順天鄉試及會試正副考官務當將各房考呈薦之卷公同批閱庶不至以一人意見遽為定評以致佳卷或有點落而文理平庸者得以倖取設考官等經此次訓諭之後尚敢仍前分閱滋弊或經監試科道糾參必將

該考官重治其罪決不寬貸並著將此旨載入科場條例永遠遵行以副朕遴選真才慎重登峻至意○又諭據穆和蘭奏查明河北各屬未完銀糧委係實欠在民並無官吏侵那情弊請分別緩徵帶徵等語豫省河北各屬地土硠瘠上年被旱成災收成歉薄今歲甫經得雨民力未能驟紓若新舊並徵小民輸將究恐不無竭蹶慶河北之安陽等二十五縣除新舊應徵未完地丁錢糧仍按限催收外所有歷年借欠籽種口糧及借欠常社等穀均著緩至五十九年麥熟之後開徵其二十五縣內之湯陰臨漳林縣汲縣新鄉輝縣獲嘉淇縣滑縣濬縣修武陽武原武等十三縣本年徵收新漕之時著僅令帶完五十六年緩徵漕糧其五十七年一半漕糧統歸五十九年一併帶徵全完以紓民力該部即遵諭行○又諭前因停習渾雅滿泰郭輝辦理廓爾喀事務未妥將伊等在彼永遠枷號以

示炯戒今廓爾喀業經藏事藏務均已完結著加恩釋放回京○旌表守正捐軀河南遂平縣民劉克妻李氏已丑豁免遭風沉溺貴州運京鉛五萬九千一百觔有奇○庚寅

上御勤政殿聽政○諭軍機大臣曰和琳奏接到拉特納已都爾來稟以廓爾喀東邊交界拉結撒黨兩處地方原係廓爾喀所管懇求查明賞給又譯看寄班禪信內以唐古忒與

廓爾喀從此兩家和好所有底瑪爾宗地方原是給了藏內的可即差人前來管理經和琳查明拉結撒黨兩處俱在熱龍橋鄂博以外本係廓爾喀地方已諭令噶布倫轉飭絨轄營官仍聽廓爾喀管理不許越占滋事其底瑪爾宗亦係廓爾喀地方現在該部落既附藩封未便仍照前次和議令薩嘉呼圖克圖收受已面諭戴綱堪布毋得差人前往接管並傳知班禪一體札飭遵照等語所辦甚

屬公當諸凡妥協覽奏深為欣悅惟閱拉特納已都爾稟內稱拉結撒黨兩處原係廓爾喀所管地方如今該處營官不許廓爾喀管理等語後藏與廓爾喀交界處所上年業經福康安派員帶同第巴前往勘明在熱龍橋設立鄂博為界拉結撒黨既在鄂博之外何以該處營官又不許廓爾喀管理即或因營官職分較小不敢專主給與亦當稟明駐藏大臣定奪何得恃我兵威私占外域之地和

琳接到拉特納已都爾來稟自應一面查明辦理一面將該營官量加懲處使知畏懼何以未經想及此一節辦理尚未周到或和琳之意以營官係達賴喇嘛屬下是以未經究治但藏內正當整飭之際凡屬前後藏各務俱歸駐藏大臣管理其營官人等即與所屬無異尤應賞罰嚴明用昭懲勸若因營官係藏內所派之人稍存歧視不加約束轉不足以示公允著傳諭和琳即將該管官酌量懲

責示微嗣後務宜一體留心統率勿存迴護之見方為妥善又據惠齡奏陳各土兵請照屯練降番之例一併賞卹一摺自應如此辦理前經降旨以察木多迤西軍需有孫士毅和琳在彼足資料理令惠齡即啟程回川本日惠齡奏到之摺尚在前藏拜發想因未經接奉前旨故未起程但惠齡係四川總督有應辦地方事件自應回至成都未便在藏久駐著傳諭該督即遵前旨速行回省此時

察木多以西軍需計已辦有頭緒又有和琳在彼可以就近覈辦其察木多以東軍需孫士毅回程之便即可一路查辦及至成都祇須與惠齡公同會商得其大端餘亦可交與惠齡逐細查覈孫士毅即可回京供職伊已年老亦不必在外久留也將此由六百里各諭令知之○又諭前據福康安奏途中加站行走感寒觸瘴舊病頓發暫在巴塘調理當即降旨令其緩程調攝並派御醫前往診視

先令惠倫馳往迎看矣數日以來正深厯念今日福康安續有報到折看時至於手戰及聞至病勢輕減業自巴塘起行等語朕心始為稍慰此次福康安遠涉邊徼勞苦備嘗復因途次感冒風寒舊症復發現在雖據稱神氣清爽尚可支持而趨程行走未免又增勞頓此時安南人心鎮靜可無他慮福康安惟當緩緩調理按站行走不必稍為勉強計惠倫到川時福康安已可回至成都內地天氣

和暖身體自當日就強健而屠景雲亦可隨後趕上診視更易於調養復元至福康安接伊母病逝之信自必心懷悲痛但事已如此總當為國愛身即次所降旨甚明福康安務須仰體朕心不可過於哀毀也又本月連得遼雨極為優足昨又微覺過多今早方得放晴向來北方四月內乾旱祈雨之時甚多茲轉因雨足祈晴亦為罕有之事況今早天氣開霽而福康安病痊之摺適至朕心深為欣

慰然盈滿之戒未嘗一日去諸懷福康安諒亦深知朕意也將此傳諭知之○命戶部侍郎松筠在軍機處行走○以太僕寺少卿順海為太僕寺卿○旌表守正捐軀湖北東陽縣民張為傑妻張氏○辛卯內閣翰林院帶領庚戌科散館編修庶吉士引見得旨此次翰林散館之編修王宗誠業經授職其清書二甲之庶吉士李如筠著授為編修三甲之庶吉士龐士冠著授為檢討漢書二甲之庶吉士張師誠錢學彬洪梧錢福祚郭淳王蘇蔣祥輝辛從茲祝曾俱著授為編修三甲之庶吉士趙未彤德文葉大觀張問陶熊方受杜南崇陳堯華恩普俱著授為檢討陳預顧王霖牟昌裕盛安卞雲龍延弼俱著以部屬用又諭據陳淮奏李獲淫惡逃免審明辦理一摺此案彭際會一犯因圖姦幼童不遂放火燒斃二命淫惡已極復敢脫逃情罪尤重該撫當即督飭所屬嚴密查緝獲犯正法

俾兇徒不致漏網所辦尚屬認真陳淮前因拏獲黔省逃兇李老五一犯甫經交部議敘此次不便再行交部該撫惟當倍知感奮嗣後諸事益加認真始終不懈方為不負委任其緝獲兇犯之署贛州府知府達本著交部議敘訪獲之差役亦著陳淮酌加獎賞以示鼓勵○又諭寧夏將軍管轄本城驛防滿洲官兵且與蒙古游牧較近隆興不宜此任著來京候旨永琨乃近派宗室亦不宜在漢人地方著調補寧夏將軍所遺荊州將軍員缺著慶桂補授慶桂至荊州永琨交代後再赴新任更換隆興來京○以兩廣督標中軍副將德敏為山西大同鎮總兵○是月欽差大學士公管兩廣總督福康安奏本月十二日自巴塘進口經過各土司管轄地方遠出迎接餉稱此次征勦廓爾喀保護黃教自軍興以及凱旋番民等並無絲毫擾累且察看所經寨落往來負販光景恬熙即冷落處所青



報聞

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百二十七

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百二十八

監修總戎官親定陽宮太子太傅文淵閣大學士文淵閣領閣事領侍衛內大臣稽察欽奉  
上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣履桂

魏錢官經是講它太子太傅文華殿大學士文淵閣領閣事務欽奉  
上諭事件處管理刑部戶部三庫事務

世襲副都統軍功加十九級隨帶加二級又加二級臣董誥內大臣戶部尚書集益旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

救修

乾隆五十八年癸丑五月壬辰朔直隸總督

梁肯堂奏直隸山東二省漕運河道壤地相  
接直省安陵以北至通州共八百七十餘里  
每遇漕船起撥在東省界者用東省撥船入  
直省界又須換直省撥船逐段盤卸既多耽  
延且易擁擠應請自孟家灣起至鄭家口南  
首果子口止共四十八里河道統歸直隸故  
城縣經管其直隸清河縣所轄之孫家園起  
至鹽店村止共二十里河道改歸山東臨清  
等州縣分管不須節節起撥所有挖淺催漕

事宜各按地界經理毋許推諉惟改隸河道專為便漕起見其兩岸隄工內村莊仍令原管州縣管轄得旨早應如此即依議行○癸巳諭戶工二部議覆淮宿等關徵收稅課一年期滿比較五十五年共短少盈餘銀十二萬九千五百餘兩零著落該監督照數賠補等語固屬照例辦理第念該關稅課全賴山東河南等處豆貨販運南來錢糧始能豐旺上年河南山東均有少雨之處豆收不能豐稔又半為本地民食所需以致豆貨船隻到關稀少盈餘短絀尚屬實在情形所有此次淮宿二關短少盈餘銀十二萬九千五百餘兩零著該監督賠補四分之一餘著加恩寬免並免其議處○甲午

孝誠仁皇后忌辰遣官祭

景陵○授一甲一名進士潘世恩為翰林院修撰一甲二名陳雲一甲三名陳希曾為翰林院編修○以西安協領成明為杭州副都統

○乙未諭曰安南國王阮光平自臣附以來誠心向化恭順可嘉前年親自詣京瞻覲愛戴出於至誠陞辭時並欲於朕九旬萬壽再赴闕廷稱祝是以疊沛隆施優加恩眷交南屏障倚畀方深乃前據郭世勳等奏該國王於上年九月內在義安溘逝專遣陪臣恭齋表貢赴京告報當經降旨賞給銀三千兩並御製誄詩一章著按察使成林前往祭奠即傳旨封世子阮光縉為安南國王以正名分而靖人心昨據成林奏四月初八日行至安南嘉禧地方阮光縉已率文武大小陪臣跪接龍亭於初十日起昇隆城傳旨錫封阮光縉為安南國王通國官民無不歡忭鼓舞同聲感頌且阮光縉向成林面稱阮光平彌留之際諭囑光縉不必歸櫬義安即在西湖安葬以西湖較義安至鎮南關近有十數站庶幾魂魄有知亦得近依帝闕情詞甚為脛切閱之深堪憐恤茲據該國陪臣恭齋貢表到

京允宜錫之殊恩。以光泉壤。阮光平著如謚忠純。並頒賜御製詩一章。著阮光緒將御製詩章。並此旨於該國王墓道勒碑。以表其一心恭順。始終戀闕之誠。用妥忠魂。式昭懋典。

御製詩曰。歸藩拭淚別楓宸。回首頻稱覲九旬。囑令西湖以身安。示依北闕誌心親。似茲亂命同治命。忍謂外臣誠。世臣藻什七言。勒琬琰。柱疆千載。識忠純。○又諭曰。伍拉納奏浙

江洋匪登岸肆劫。請將懈玩之代防黃巖鎮標右營守備事署千總陳大剛。護遊擊事守備蔡起發。革職拏問。黃巖鎮總兵海通保嚴加議處等語。蔡起發前已降旨革職拏問。陳大剛亦著革職拏問。交該督撫嚴審定擬具奏。海通保著交部嚴加議處。並著即解任來京。聽候部議。所有黃巖鎮總兵員缺。著岱德補授。尋議黃巖鎮總兵海通保應照溺職例革職從之。○諭軍機大臣等。本日召見新選

湖北鄖陽府知府楊如桂。推陞甘肅慶陽府知府蔣勳。朕看此二人。才具均屬平庸。知府為方面大員。有表率屬員之責。倘才不勝任。必致貽誤地方。該二員現已令赴新任。著傳諭該督撫等。留心察看。如果不能勝任。即據實具奏。另行簡用。毋得稍事姑息。致有貽誤。○調鑲紅旗漢軍都統蘇凌阿。為正藍旗滿洲都統。以寧夏將軍隆興。為鑲紅旗漢軍都統。○丙申諭曰。陳杰係棄瑕錄用之人。由江

南提督調任浙江原冀其感激奮勉。整頓營伍。乃自到任以後。屢獲愆尤。此次玉環廳石板殿匪徒。輒敢糾眾乘船四隻。泊岸登島。搶奪放火。肆行滋擾。又任其反棹遠颺。該處營汛所司何事。皆由該提督平日不能實力整飭。疎防所致。前已降旨。令其離任來京。陳杰著照部議革任。以示懲儆。○諭軍機大臣曰。成林奏四月十二日至阮光平墳塋。諭祭。據阮光緒稱。伊父蒙此曠典。為古今所罕有。雖

虞鍾捐軀未能圖報。至所賜誄詩。係御製墨寶。當奉為傳國之珍。不敢焚化。謹另錄一分。焚祭等語。阮光縉年尚幼小。即知小心敬事。殊屬可嘉。成林以其感激出於至誠。遂允所請。亦是惟據阮光縉稱本應親身赴京謝恩。祇以甫經襲爵。未便遽離該國。有陪臣吳廷奉。係阮光平信任之人。令其赴京代謝等語。此亦可不。必阮光平物故後。該國已專遣陪臣赴京告報。現在尚未到京。安南道途遙遠。若再遣使前來。未免頻勞跋涉。成林現已來京。復命福康安到粵。尚須時日。即著陳用敷行知該國王。不必再遣陪臣。吳廷奉進京代謝。如此旨到時。吳廷奉業經到關。並令其即於途次轉回該國。以示體恤。非因阮光平於彌留之際。囑咐阮光縉不必歸觀義安。即在西湖安葬。得以近依帝闕。情詞肫切。已降旨加謚忠純。並御製詩章。於該國王墓道勒碑。以表其始終戀闕之誠。此旨暨御製詩。俟告

報使臣到京後。一併交與敬謹齋。回阮光縉接奉後。俱不必專使來謝。止須具表送交該撫。代為轉奏。至阮光縉所稱親自赴京之處。更屬不必。安南本係新造之邦。阮光縉及甫經襲爵。其諸弟年俱幼小。一切正資料理。豈可輕離遠出。並著陳用敷傳知阮光縉。俟十餘年後。大皇帝酌量情形。或再降旨。准令來京。亦未可定。將此由五百里傳諭陳用敷。並諭福康安知之。○又諭。據科布多參贊大臣伍彌烏遜奏。杜爾伯特貝勒齊默特多爾濟之護衛賽音查克。於五十七年三月內。赴京領俸。寓在黃寺廟內。將本旗之參領訥默庫濟爾噶勒踢死。將屍帶至南口左近地方。在道旁水溝內。用石掩蓋等語。賽音查克既將本旗參領踢死。將屍移至南口左近地方。屍身暴露。該處自有保甲鄉約詳報本官。該地方官豈竟漫無聞見。著傳諭梁肯堂查明。此案該地方官是否呈報緝兇。即據實覆奏。毋

得稍存迴護○丁酉戶部議覆浙江鹽政全德疏稱本年癸丑已屆開網而舊引積壓尚有一百二十八萬餘道有礙新網地步請將積引內銳銷壬子剛引七十萬道自癸丑網起分作五年帶銷尚有五十餘萬道一二年內可完查兩浙年額應銷引日八十萬五千餘道今積一百二十八萬餘道幾逾一年半之額該鹽政係為疏通起見應照所請辦理但兩浙鹽務向係年清年額從無銳銷之案嗣後不得援以為例至前項餘引除銳銷外尚有五十餘萬道摺內既稱一二年內可帶銷完竣並臚陳餘引既疏新網必暢等語該鹽政調任浙江係該省專設鹽政之始一切緝私趨運事宜是其專責應令將帶銷年月勒限呈報此後倘仍前壅滯即從重治罪再查該處既有積引其歷任兼管鹽政巡撫及鹽道各官職名應送部嚴加議處從之○戊戌內閣翰林院帶領新進士引見得旨新進

士一甲三名潘世恩陳雲陳希曾業經授職外葉紹棿張燮蔡之定吳雲王麟書譚光祥周系英戴敦元狄夢松李師舒英和李宗瀚魏元煜周麟元黃洽吳貽詠何學林謝淑元甘家斌朱桓著改為翰林院庶吉士賈澄宋邦英著分部學習陳秋水徐國楠趙佩湘著以內閣中書用馬學賜孫錫殷圻著以知縣即用戴三錫唐仲冕程華國黃炳奎郭世諒俞廷樟左輔汪梅鼎范照藜朱瑞椿陳世章劉敬熙王紹蘭吳國卿蔣第李挺葉灼楊學光肇懿修著以知縣分發餘著歸班銓選○諭軍機大臣曰徵瑞奏東商運鹽向來雇用民船既糜腳費又多稽阻請暫借庫項給商造船鹽運既有船隻民船即不能居奇運糧運貨尤覺省便於商民均屬有益等語所奏尚是自應如此辦理又據另片奏閩廣船隻已有抵口者詢以沿途曾否遇見喫咕喇國貢船尚無確信徵瑞現往大沽地方及海口

一帶查看道路及貢件如何撥運先行籌定。即趕回隨駕熱河等語。嘆咭喇貢船現在尚無確信。其到後又須查點貨物。用船撥運。抵京之期尚早。若該貢使等於六七月內始到。維時帶往熱河與蒙古王公及緬甸貢使等一體宴資觀劇。較為省便。此事雖經梁肯堂派令地方文武豫為備辦。究不足以資統率。徵瑞駐劄天津。距海口較近。且鹽政職係欽差。將來貢使到後。該鹽政率同地方官帶赴熱河。更為妥協。所有料理嘆咭喇貢船一事。著專交與徵瑞承辦。此時貢船雖尚無信息。而道路尖宿及撥運貢物等事。均須豫為籌備。徵瑞不必前來接駕。竟俟西洋貢使到後。再帶同前赴熱河。伊係內務府人員。於供應外藩差使較為熟悉。沿途照料。自更周妥也。至徵瑞現既有照應外國貢使之事。觀瞻所係。著加恩仍賞戴花翎。該鹽政接奉後。惟當遵照妥辦。並不必前來謝恩。將此傳諭徵瑞。

並諭梁肯堂知之。○己亥。上御勤政殿聽政。○以太僕寺卿順海為太常寺卿。辛丑。諭戶部議覆。潯墅關徵收稅課一年期滿。比較上三屆最多之年。短少盈餘銀七萬七千七百餘兩。著落前後正署各監督。按照經徵月日照數賠補等語。固屬照例辦理。第念該關稅課以米豆為重。上年川湖米船到蘇。不及前數年之絡繹。豫東二省歉收。豆船來蘇亦少。以致盈餘短絀。尚屬實在情形。所有此次短少盈餘銀七萬七千七百餘兩。著該監督等賠補一半。餘著如恩寬免。其應賠一半之數內。除徵瑞仍按在任月日分賠外。至五德到任未久。所有應賠銀兩。著與奇豐額應賠銀數通行牽算。各半賠繳。○又諭據伍拉納奏。審明得錢包差之兵弁。分別定擬一案。已交該部議奏矣。至案內兵丁鄭森。係派在大橋塘防汛。兼遞文報。輒因同汛兵丁洪得陞等四人。往往乘空回家。起意

勒錢包差以致文報遲逾玩法已甚鄭森以防汛兵丁似此包差勒索非尋常案犯得錢者可比設遇地方盜賊亦可得錢費放耶該督自應將鄭森問擬死罪請旨正法乃僅照銷兵用強包攬例從重發察哈爾給兵丁為奴所辦輕縱殊屬非是除餘犯照擬辦理外其鄭森一犯著交刑部另行改擬具奏○諭軍機大臣等本日兵部引見軍政案內填註才力不及議以革職之江南鹽城營千總衛景福朕看其年力尚屬強壯不似才力不及之人因令軍機大臣面加詢問據稱上年總漕閱兵時見我所送守兵太少曾加嚴斥此外並無別故等語著傳諭管幹珍即將衛景福因何填入計典即使該千總所送考驗兵丁太少亦不應以才力不及填註或此外另有廢弛營務及別項劣跡之處自應據實奏奏著該漕督將辦理緣由據實覆奏勿得稍存迴護干咎○又諭內務府議處全德在兩

淮鹽政任內率將辛亥等綱積滯引鹽奏銷全完請照溺職例革任一摺全德在兩淮鹽政任內屢獲愆尤節經降旨從寬留任至此次辛亥等綱鹽課係屬墊解款項虛懸而竟奏銷全完心存掩飾其過尤大本應照依革任祇以一時未得其人而浙省鹽務正當清釐整頓之際全德平日辦理鹽務尚為熟習著再從寬免其革任實屬格外施恩全德具有天良似此罪重罰輕疊邀寬宥捫心何以

自安著自行議罪○壬寅

上諭

大高殿行禮○還宮○諭向來綠營陣亡官弁俱給予世職俟襲次完時給予恩騎尉世襲岡替原以軫卹勲勞特加優典至屯土官弁遇有徵調無不踴躍爭先著有勞績而臨陣捐軀者向止給予賞卹銀兩分別加銜並未一體議給世職該屯土員弁與綠營同一効命疆場而卹典各殊究未免稍覺向隅嗣後

屯土官弁。設遇調發。有隨征陣亡者。均著照綠營之例。按照實任職分。給予世職襲次。俟襲次完時。再給予恩騎尉世襲。固替至此等承襲世職人員。遇有該處屯土備弁缺出。著先儘此項人員酌量拔補。如此逾格加恩。永為定例。該屯土官弁等。益當倍加感激。盡力戎行。以副朕一視同仁。獎勵忠蓋之意。所有此次進剿廓爾喀。應行議卹之陣亡屯土員弁。即照此例辦理。並著宣諭知之。○諭軍機大臣等。前據福康安奏。在巴塘調理數日。病勢漸減。業經起程前進。朕心為之稍慰。今甫行數站。病又復作。神氣頗形委頓。自因積勞之後。加以感冒。是以病體一時不能就愈。彼時尚未聞伊母病逝之信。想接到此信後。自必心懷悲痛。更難調攝。但事已如此。福康安惟當以公事為重。為國愛身。不可過於哀毀。現在所調之孫念祖。已到計屠景雲。亦可在途。迎見診視醫治。更易調理。復元且節據成。

林奏到。前抵安南。封祭情形。該國臣民歡欣感激。人心帖服。斷無他慮。福康安在途。尤不必因病體耽延。心懷焦急。更當安心調理。緩程而行。不必稍為勉強。將來進口後。水土較為服習。天氣日就回暖。病體自當全愈。朕廑念之心。亦可藉以稍慰。至所奏冬間來京一節。已續經有旨。令其毋庸前來。俟一二年後。再有旨令赴闕。福康安當遵旨而行可也。再金川屯土官弁。遇有徵調。向為出力。現已降旨。將出征陣亡者。照綠營之例一體給予世職。此等屯土官弁。屢經福康安調用。奮勇爭先。最得其力。今有此恩旨。想福康安聞之。亦為喜慰。所有現降諭旨。並著鈔寄閱看。將此諭令知之。仍著福康安將所患病恙。於何日全愈之處。速行奏聞。以慰廑注。○命大學士伯和坤。工部尚書彭元瑞。教習庶吉士。是日起。上以夏至祭。



地於

方澤齋戒三日○癸卯諭兵部帶領引見守備之護軍校竟有與

太宗文皇帝之兄二貝勒諱同者昨將凡與近派宗室王公同名尚令更改况此諱轉可同乎雖伊家無知該都統等所司何事著將正白旗蒙古都統申飭外此名著改為阿勒坦並將此旨通諭八旗嗣後再有似此者將該都統一併議處○諭軍機大臣等據富綱奏

派員伴送緬甸貢使赴京一摺內稱該貢使孟幹等於四月十一日已到省城即於二十日自省起程已令伴送之員妥為照料務於七月到京等語緬甸國王孟隕遣使齎表懇請赴京祝釐前據富綱奏到已降旨令於該貢使到省時派員伴送緩程前進於七月內到京今該使臣已於四月二十日自省起程計至七月為期甚屬寬裕著傳諭富綱即飭知派委伴送之員現在時交夏令途中暑熱

儘可從容行走不必過緊總於七月二十邊

前抵熱河與蒙古王公及外藩各貢使等一體宴賚觀劇至所奏孟幹稟請賞還蠻暮土司舊印一節此印既經富綱向舊土司瑞團查出已令軍機大臣存記俟該貢使到時再行提奏另降諭旨○以故鎮國將軍倫成子定敏奉恩將軍富寧額子定海各襲職○甲辰遣官祭

關帝廟○以正白旗蒙古副都統伊蘭泰鑲

黃旗漢軍副都統鐵保對調○乙巳夏至祭地於

方澤

上親詣行禮○幸圓明園丙午予故喀喇沁鎮國公丹森達爾扎致祭如例旌表守正捐軀山西曲沃縣民楊理妻劉氏

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百二十八

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百二十九

監修總纂官乾隆文淵閣大學士文淵閣領事傅斯文  
吏部院院事務處提調副都統七品卿領事傅爾丹  
總纂官領事傅爾丹領事傅爾丹領事傅爾丹  
世襲副都統領事傅爾丹領事傅爾丹領事傅爾丹  
母常化錄十四次臣德興德興進講官李少保工部尚書紀昀次  
曹振鏞等奉  
敕修

乾隆五十八年癸丑五月丁未

上以秋獮木蘭自圓明園啟鑒○諭朕此次巡幸木蘭駐蹕熱河所有經過地方著蠲免本年地丁錢糧十分之三○諭軍機大臣曰蘇寧阿奏請添雇撥船一摺經軍機大臣會同梁肯堂議駁已依議行矣天津山東兩處設立官船原以備漕艘遇淺輪轉起撥儘足敷用即或值實在水弱之年官船不敷亦可隨時雇覓民船無虞缺乏何必常川添雇至九百隻之多必致商賈裹足況近年以來漕運

迅速河水並無短缺今歲水勢更屬充裕六月內幫船已可掃數抵壩蘇寧阿所請尤屬無關緊要看來此事非由字識營書等憑憑該鎮希圖從中需索需潤即係誤聽地方官吏之言欲藉端額外封雇為漁利地步殊屬非是蘇寧阿著傳旨嚴行申飭嗣後若再不知小心悛改或有干與地方之事一經查出必當重治其罪決不寬貸也 兵部議准兩江總督書麟疏稱京口水師小哨船四十隻

分派左營十八隻右營十隻高資營十二隻係由沙唬船裁改但江面演練水操尚有船犁快哨等船配駕此項哨船較多請裁去十八隻仍存二十二隻裁船水兵仍請存留分派駕駛從之 予故都統公海蘭察祭葬如例謚武壯 補行乾隆五十七年直隸省軍政卓異官十一員罷軟官一員年老官一員有疾官一員才力不及官一員分別議敘處分如例 是日駐蹕南石槽行宮 戊申諭

軍機大臣曰福康安奏廓爾喀貢使噶箕第烏達特塔已等行抵打箭鑪即來謁見備述受恩優渥頂戴難名並稱隨來番子內有拉納興塔已等十六名俱係在拉特納巴都爾前當差之人伊等羨慕天朝頂戴在京時欲向中堂大人回稟又恐冒昧干咎可否仰懇代為奏明賞給頂戴等因福康安已允為代奏酌將拉納興塔已等四名給與六品頂戴噶鳴第薩野等十二名給與金頂並請勅下

和琳遵旨諭知拉特納巴都爾等知悉等語此等徵外小番跟隨頭目進京即思得受天朝頂戴未免與體制不合但伊等因福康安係辦理廓爾喀受降歲事之人於途次面求轉奏不敢在稟中提及尚屬小心福康安既允其代奏且念該番等萬里遠來長途勞頓而拉特納巴都爾叔姪進表納貢十分恭順亦祇可俯照所請給與頂戴著傳諭和琳檄諭拉特納巴都爾等以福康安據噶箕第烏

達特塔巴等所稟轉奏大皇帝俯念爾等悔罪投誠真心向化遣使進貢具見惻怛拉納興塔巴等跟隨爾貢使到京沿途小心照料跋涉為勞蒙恩允准福康安所請將拉納興塔巴等四名賞給六品頂戴撒噶第薩野等十二名賞給金頂並諭知本部堂撤諭爾知悉此係大皇帝念爾恭順可嘉推恩下逮為從來未有曠典爾國益當感沐恩慈永遠約束但天朝名器不可濫邀此等殊典異數爾國源源入貢不得因有此例下次再有干瀆也如此詳晰諭知俾拉特納巴都爾等知感知畏於體制亦為允協和琳接奉此旨後即遵照撤諭不必專人齎往俟該國遣人到藏投遞稟帖或遇買賣人回陽布之便交給帶往方合體制將此遇便傳諭和琳並諭成德知之○又諭曰福康安妻安南寧靜無事福康安現取道豫省計進京往返所遲不過月餘懇准暫行到京繞至城外俟私事完竣與

福長安豐紳濟倫釋服後再趨赴熱河謝恩仍即星馳赴粵等語前因福康安奉差在萬數千里之外伊母在京病故特福康安得信不特含斂之時斷不能尅期趕到即福康安星馳回京百日將滿亦屬無及是以令福康安於途次成服辦理廣西事竣即往廣東在任守制又因福康安患病諭令徐徐緩行調養赴任今福康安既以伊母之事不獲到京心有難安欲於未卜宅窆之前居廬數日滙忱陳懇念其情詞迫切姑照所請准其到家穿孝俾盡私情但福康安之母病故福康安於四月二十六日始行聞信計其百日期滿已在八月初旬途次又需行走數日方到熱河維時正屆宴賓觀劇之期若福康安一體綵衣入坐於伊心既有不安且亦非吉祥之道又斷無因福康安一人而停止演劇慶賀之理況福康安因公外出伊母大事不能躬親料理朕心至今尚為惻然實不忍與之相

見而兩廣事務福康安素所熟習亦無待朕再加面諭福康安此次來京不必進城竟當繞至城外於伊母權厝處所穿孝計聞訃之日為始百日期滿亦斷不必前來熱河即由京赴粵在任守制此係朕格外體恤姑准所請福康安務宜恪遵此旨若福康安不能仰體朕意復行陳請前赴熱河朕必另行降旨令其即於途次轉回并不准其到京也至福康安在打箭鑪遇見廓爾喀貢使詳加曉諭

及與安南國王照會二事福康安遭此大故所辦尚能井井有條看來病體已逐漸痊愈不至委頓覽奏誠為欣慰但福康安身體病後究未能強健如常且福康安此次進京不遇欲於伊母柩前得伸哀戚原無闊數日遲早儘可緩程行走不必過急福康安到京時若福長安豐紳濟倫未滿百日伊弟兄叔姪固可叙晤旬日即或福康安到遲福長安豐紳濟倫已釋服前赴熱河福康安人子之心

已盡弟兄叔姪想亦無必需面晤之處過事趨程有失調攝致辜體恤至意將此由五百里諭令知之○是日駐蹕密雲縣行宮○已酉諭曰明興雅德曾於去歲派回人等前往薩木薩克及霍罕地方辦理外番之事本應奏聞乃彼時並未具奏今所遣之人已回伊等復因意見不合率行參奏殊屬不成事體且雅德之摺係先一日由五百里發明興之摺係次日由四百里發今皆同日奏到明係

明興現為叅贊大臣暫為按留使伊之摺得以趕及甚屬不堪著俱離任自備資斧來京仍交部嚴加議處明興所遺喀什噶爾叅贊大臣員缺著永保調補永保所遺塔爾巴哈台叅贊大臣員缺著伍彌烏遜調補伍彌烏遜現無子嗣准其攜眷前往其所遺科布多員缺著貢楚克扎布調補貢楚克扎布所遺烏里雅蘇台員缺著特成額補授特成額著即起身先往塔爾巴哈台暫行署理俟伍彌

烏遜接任後。再赴烏里雅蘇台本任。貢楚克札布著即往科布多接任。俱毋庸前來請訓。明興俟永保到後。再行來京。○是日駐蹕要亭行宮。○庚戌。諭曰。明興雅德現在解任交部議處。但令伊等回京。反覺僥倖。若仍留該處。又覺非宜。永保到喀什噶爾後。明興著前往庫爾喀喇烏蘇更換策拔伊江阿著調業爾羌幫同琅玕辦事。塔琦著調往吐魯番雅德著補塔琦之缺。駐劄哈密辦事。○諭軍機

大臣等。前據郭世勳奏。接奉令福康安前赴粵西諭旨。即於二月十二日。委員將總督關防齎送廣西沿途迎交等語。彼時福康安尚未丁艱。郭世勳因福康安已奉命馳往廣西。故將總督關防委員齎往迎交。但郭世勳署理督篆已及兩年。辦理尚無貽誤。俟探知福康安行抵粵省。再將總督關防齎交。亦不為遲。又何必急於交印。於二月內即遣員齎往。在彼守候多時。豈不貽誤公事。現在福康安

之母於四月內身故。想郭世勳亦聞知此信。昨已准令福康安來京穿孝。至百日滿後啟程赴任。到粵已屆冬令。著該撫即飭委員將總督關防迅速齎回。仍行署理。該撫不得存五日京兆之見。心存懈弛。若於公事稍有貽誤。惟該撫是問。恐不能當其咎也。將此由五百里傳諭知之。○又諭曰。福康安昨奏於打箭鑪途遇噶其等。仍以吉服接見一節。廓爾喀甫經投誠。又不諳內地體制。若福康安遽行易服相見。未免致滋猜疑。今福康安從權辦理。甚為得體。是福康安於伊母大事哀痛之際。尚能留心見及。看來福康安病體尚不致於委頓。朕覽奏深為嘉慰。其廣東總督印務已另降旨傳諭郭世勳。仍行接署。俟福康安抵粵再行交代矣。將此由五百里再諭令知之。○是日駐蹕兩間房行宮。辛亥。諭從前阿桂平定金川時。係封四字公爵。福康安勦辦臺灣賊匪。由嘉勇侯晉封公爵。此次辦

理廓爾喀跋涉險阻艱苦備嘗。厥功完善。著於嘉勇二字上。再加忠銳二字。以示酬庸。懋賞。又諭。國家設科取士。原期甄拔真才。以爲多士楷模。豈容文理平庸者。倖邀入彀。以致魚目混珠。轉使真才擯斥。雖歷來主試衡文。亦間有目迷五色。棄取未能盡當者。然每科磨勘及近年舉行覆試。其摘出文字疵類。罰令停科。亦不過數卷。從未有如此次之多者。茲閱吏部議處本內。主考劉墉鐵保吳省欽。各按舉子停科名數。竟至罰俸十餘年。而房官降級罰俸。亦有十餘人。實爲開科以來所未有之事。即將該員等重治其罪。亦所應得。姑念伊等祇係校閱失當。尚無別項情弊。著從寬照部議完結。但科場大典。衡文者如此。草率僅予降留罰俸。不足蔽辜。劉墉等俱著嚴行申飭。嗣後考官等務當恪遵前降諭旨。將各房考呈薦之卷。公同盡心詳閱。毋許分省校看。以一人意見遽爲定評。若經此次

格外加恩。諄諄訓諭之後。尚敢粗心從事。索取不公。經覆試點落多人。必將考官等加倍治罪。決不再爲寬貸。○諭軍機大臣等。刑部議駁四川省李輝田令李世富至郭文海家假裝自縊。致斃擬以絞候。一本所駁。是此案李輝田如係挾郭文海欲控之嫌。愚弄李世富上弔圖賴。是有心陷害。則情近於故。若係彼此商同行詐。偶致戕生。自應減闕殺一等問擬。况人命攸關。李世富斷不肯因旁人令其上弔。弄假成真。輕於自斃之理。該督並未將此等情節審訊明確。率以闕殺擬絞。殊屬含混。著傳諭該督。覈其情節。另行研訊。確供按律妥擬具題。並將部駁情節發交閱看。○又諭金川土司令歲係應輪班入覲之年。前曾降旨令福康等惠齡。將此次隨征廓爾喀出力之屯土將弁等。揀派數人。於年底一同赴京瞻覲。倘因人數稍多。不妨將例應入覲之上司酌減爲下班。嗣據福康等奏於穆塔

爾等五名之外再添派甲噶爾綱等十二名一體入覲其年班人數如何增減屆期開單具奏等語該土司等速道從征備嘗辛苦本欲令於八月內前赴熱河瞻覲俾得與蒙古王公及各國使臣一體宴賚以示獎勵特恐道里遙遠不能趕上且該屯土將弁等不耐炎熱沿途未免勞頓著傳諭惠齡即照福康安所奏將穆塔爾甲噶爾綱等十七名一併列入年班數內於冬底到京以備賞賚其例派土司作何增減之處亦著即開單先行具奏○是日駐蹕常山峪行宮○壬子以故雲南歸化縣老窩土千總段紀子克敷襲職○旌表守正捐軀江蘇銅山縣民周舉女周氏○是日駐蹕喀喇河屯行宮 癸丑

上詣熱河

文廟行禮○諭朕每年駐蹕熱河綠營兵丁一體當差亦屬勤苦著查明當差兵丁加恩各賞給一月錢糧○是日駐蹕避暑山莊行

宮至八月己卯皆如之○甲寅  
孝恭仁皇后忌辰遣官祭

景陵 乙卯諭軍機大臣等熱河連日雨水稍多京師相距不遠近日雨澤情形是否相同雖口內節令較早二麥業已收穫齊全但陰雨過多於大田有無妨礙朕心深為厯念著傳諭留京王大臣即將京師近日雨水有無過多之處據實查明覆奏以慰懸注○丙辰諭曰伍拉納覆奏未將福崧貪縱各款早為參奏懇請交部從重治罪等語伍拉納身為總督浙省是其所轄乃於福崧劣蹟昭彰並不據實參劾其咎本無可逭第念該督近年督緝洋匪尚屬認真閩浙總督員缺緊要一時亦不得其人是以前經慶桂奏部議上時已從寬改為革職留任此時如再交部議亦不至遽予罷斥而該督轉得邀恩留任坐享厚撫不足示懲伍拉納毋庸交部著停支三年養廉以為封疆大臣徇情漫無覺察者



戒諭軍機大臣曰浦霖奏雨水糧價情形摺內稱三月分通省米價雖較上月微有加增而覈計仍屬中平如有市價漸增必須官廩接濟即將常平倉穀酌量出糶等語所見殊屬非是閩省自近年以來連歲豐收而本年又復雨水調勻早禾已經揚花吐穗豐登可以豫期其三月分米價稍增之故不過市儉壟斷伎倆見今歲有祧可卜米糧充裕先將價值豫行擡高以為將來減落地步仍可復還原價若該撫遽以市價漸增即思將倉穀平糶愚民無知竟似歲涉歉收將糧石紛紛囤積轉致糧價增昂於民食有礙而奸僧仍藉以射利此等市價長落祇可聽其自便不必官為辦理所謂民可使由不可使知也况該撫摺內稱三月分米價稍增而覈計仍屬中平是更無庸亟思開倉平糶致啟奸商囤積擡價等弊將此傳諭知之○旌表守正捐軀江蘇青浦縣民沈七妻徐氏○丁巳諭

昨因伍拉納未將福崧貪縱各款早為查奏已降旨停支養廉三年以示懲儆矣封疆大臣於僚屬貪婪等弊漫無覺察徇情隱飾本應即予罷斥因念人才難得姑予從寬留任若仍令坐享豐贍實不足以示儆且内外官員原有罰俸處分廉與俸事同一例嗣後各督撫有咎應革職應行議罰者著即自請停支養廉不必另行議罰再督撫等辦理地方事件皆有需用之處其每年養廉若全行停給辦公未免拮据所有應罰養廉者著分年停支一半仍准其支用一半俾資用度此次伍拉納應罰三年養廉即著分作六年減半停支各督撫受朕深恩簡任封疆不知矢公矢慎自蹈愆尤經朕格外從寬僅予罰廉又准其分年停支若再不思潔已奉公有藉詞婪索等事一經發覺必當重治其罪不能曲為寬貸福崧即前車之鑒也○又諭吏部將捐復人員分別准駁開單進呈內有另單請

旨之原任刑部額外主事魏若虛一員。覈其情節該員係額外主事部中微末之員。因覈擬湖北省盧秀等命案。意見不合不肯隨同畫稿。雖係拘執已見。而爭論尚屬因公。且部內辦事郎中職分較大之員。於該堂官前亦不敢稍涉違拗。而魏若虛以額外主事能因公辯論。尚屬留心官事。況其咎祇係失之拘執。並無徇情偏袒情弊。著加恩准其捐復原官。籤掣分部學習。○諭軍機大臣曰。和琳奏

接到拉特納巴都爾稟稱。遵奉來諭。各守境土。和睦隣封。並以噶哩噶達及拉卡納窩各處部落聽聞廓爾喀投順天朝。俱差人至陽布賀喜。遞送禮物。經和琳檄諭拉特納巴都爾。以各番傾心向化。因爾國歸順天朝。紛紛致賀。從此爾當感激天恩。益修和睦等語。又據奏前藏新設番兵係按戶分派。將奉旨給與口糧。及免其徭役之處。逐條頒發告示。編懸村落。一月之間。紛紛願充者已得一千名。

等語。又據奏噶哩噶達部長係第哩巴所屬部落。巴爾底薩雜哩又係噶哩噶達所屬小頭人。其護送象馬蒙賞物件。已屬從優。若更頒與勅旨。似覺稍為過分。又布魯克巴其世襲第巴名號。係天朝封給。上年福康安檄令出兵協剿。託言天熱未發。此次象馬經過該處。豫備草料。已經分別賞給。所有恩賞荷包等件。似祇須發與諭帖傳旨賞給。亦無庸頒與敕書等語。所見皆是。可嘉。和琳著賞給御

用大荷包一對。小荷包四個。以示獎勵。所有前頒敕書二道。即著過便繳回。又據奏吹忠等屢次試演實已計窮力竭。將來遇有應出呼畢勒罕。遵旨擇有福相聰慧幼孩歸入金奔巴瓶內。掣定為準等語。前因額爾德尼班第達呼圖克圖圓寂後。命奎舒同扎薩克喇嘛格勒克那木喀赴喀爾喀地方另行找尋。曾經找得聰慧幼孩五名具奏。隨交雍和宮喇嘛念經。並派八阿哥及理藩院堂官

監同將其名姓生年月日入瓶籤掣得第五名之齊旺扎布昨奎舒來至熱河復命面奏自我得五名幼孩後俱令住在廟內其餘四名俱各歸家惟居末之齊旺扎布不肯回去又掣定後那旺達什前製衣服坐褥一分給與齊旺扎布不肯穿坐另製一分給與始行穿坐等語可見呼畢勒罕原有根基吹忠降神實為誕妄不足憑信此一事殊為奇異甚愜朕懷著將履訊那旺達什及奎舒奏摺並昨降諭旨俱鈔錄發交和琳等閱看將來藏內遇有應出之各呼畢勒罕和琳當照此辦理則從前聽信吹忠之積習自無難永遠革除又孫士毅等另摺奏現在督同各員將自前藏以西一切續呈底冊漏夜詳查趕辦得有成數即一面具奏一面起程逐站查催至首不敢稍涉稽延等語軍需奏銷頭緒紛繁覈算原非易事自當詳慎毋違為之母任站員等借端浮冒現在孫士毅等趕緊查辦

其自前藏以西一切支銷款項於四月二十左右得有戎數具奏後即順道挨查東路軍需趕回成都覈算所辦皆妥但自察木多以西至前後藏一帶為軍需總匯之所一切官員兵丁過往駐劄及運送軍火糧餉等事支銷數目自較之察木多以西更為浩繁孫士毅等務須將察木多以西與察木多以東所用軍需劃清界限不得彼此通融衷多益寡以致稍有牽混此時孫士毅惠齡將察木多以西奏銷辦竣後雖趕回成都而察木多以東軍需款項亦須逐案咨明和琳會覈庶彼此無從牽扯而帑項益歸覈實又惠齡另片奏接奉賞給屯練降番銀兩諭旨飛咨將軍提督並札飭藩司確查各兵番回寨實數將銀兩按名給賞等語此次進剿廓爾喀所調屯練降番冒險攻碉實為奮勇已節次加恩獎賞前又念該兵等俱已撤回歸屯步行遠涉復令惠齡再行查明每名各賞銀三兩以

示格外恩施但各番兵回寨實數必須確切查明按名分給除途次脫逃無庸賞給外其陣亡七上降番前已降旨俱照綠營兵丁陣亡例一體優賞所得銀兩自較此項恩賞倍多然其中有在途病故者既不能照陣亡例賞給而未經回寨又不能得此次恩賞未免向隅著惠齡飭查實在回寨兵丁數目其在途病故者亦一體將銀兩給與家屬收領俾得均霑愷澤所有惠齡奏片內已用硃筆失出該督務須遵照覈實妥辦以副朕軫念勤勞至意將此各傳諭知之○又諭前因吉慶叅奏黑水洋面有商船被劫之案曾派登萊青道會同常鎮道前往會勘彼此推諉不前是以降旨革職示懲復派江南狼山鎮會同山東登州鎮帶領水師將弁親往詳晰查勘究明何省管界以便將該管疎防之地方官嚴叅辦理昨據登州鎮恩特黑叅奏連即起程帶領水師將弁由沿海一帶密加偵緝

並飛咨狼山鎮訂期前往江南山東交界地方同船出洋會勘等語蔡攀龍當早已接奉前旨自應迅速起程會同查辦乃本日該總兵奏到之摺僅係奏報收成分數而於出洋會勘一事並未提及殊屬無謂且前次查勘被劫洋面雖係派道員梁羣英前往但沿海一帶地方俱係該總兵所轄自應派令營汛弁兵跟隨查緝乃該總兵置身事外既已推諉於前此時若不實力秉公查察自問當得何罪著傳諭蔡攀龍迅即前往會同恩特黑默詳晰履勘毋再推諉耽延致干重咎將此並諭恩特黑默知之○戊午諭熱河現有舊時廟宇應須粘修且內務府園庭事務亦在需人辦理已寧阿熟悉工程伊本係侍郎兼總管內務府大臣亦不值為鹽政著來京供職兩淮鹽政著董椿去其淮關監督著盛住調管盛住前已有旨令其來京陛見計此時將抵江省境內著即就近赴任不必來京

董椿侯盛位抵任交代後再赴揚州接印任  
事換已寧阿回京所有粵海關監督著蘇楞  
額去粵海關事務現有將軍富昌兼署蘇楞  
額不必亟於赴任俟伊齡阿回京後前來行  
在請訓再赴新任成策著以副都統用工部  
侍郎員缺著阿迪斯調補其戶部右侍郎員  
缺即著已寧阿補授○已未諭軍機大臣曰  
長麟奏據黃巖鎮標遊擊李鈇稟報與左營  
遊擊袁曰榛駕船同緝遠見匪船即督率弁  
兵奮勇追捕有匪船一隻迎回拒敵官兵開  
放鎗礮傷斃盜匪多人紛紛落水其餘盜匪  
高阿片等九名全行擒獲尚屬奮勉出力李  
鈇袁曰榛俱著以該省叅將即用此時不必  
送部引見即留該處緝拏盜匪以資駕輕就  
熟又另摺奏台州洋面盜匪登岸肆劫一案  
先後拏獲五十餘名現在逐一審訊其供出  
未獲各盜住址姓名現在查拏各犯家屬嚴  
行根緝等語所辦好此案匪盜膽敢登岸放

火燒燬民家實屬目無法紀既據該撫拏獲  
多人自應速審照閩省洋盜例一面正法一  
面奏聞其未獲各犯仍嚴飭文武員弁購緝  
務獲毋使一名漏網至該匪犯在洋為盜斷  
無因行劫時始行由岸登舟而得贓後即舍  
舟上岸紛紛各散之理海洋中島嶼甚多該  
盜匪平時必有駐足聚集之所若能訪得窩  
巢密飭弁兵出其不意直前掩捕無難悉數  
拏獲且該盜犯等窩巢既破平日無可存身  
之處勢必潛行登岸祇須於各隘口嚴密堵  
緝亦無慮其遠颺藏匿此亦肅清海洋之一  
法總在長麟勉力留心妥為辦理以靖洋面  
而戢盜風將此傳諭知之○吏部議准浙江  
巡撫覺羅長麟疏稱浙江鹽務改設鹽政專  
司其事凡所屬官員題陞調補及盤查運庫  
奏銷考成等案謹照兩淮奏定條例逐一酌  
覈辦理各事宜一鹽屬運副運判各一員如  
遇缺出在外題補應由運司會同藩司揀員

具詳巡撫鹽政會同題奏仍列總督銜名。一  
場所庫大使并運司經歷等官缺出將試用  
人員揀補亦有從現任調補而將試用人員  
補用所遺之缺者俱由運司會同藩司具詳  
鹽政主稿會同督撫題咨。一各官凡遇大計  
由運司將應舉劾之員填冊註稿密封通詳  
督撫鹽政會覈彙題。一鹽政衙門應解叅協  
各餉委鹽屬官員領解巡撫衙門應解京協  
各餉委地方人員領解不必互相差委。一每  
年奏銷及過運司交代盤查庫項應巡撫鹽  
政會同盤查出結由鹽政主稿會題。一每年  
網竣各官銷引考成等冊應由運司造送鹽  
政覈題。一浙江鹽道已改為鹽運使所有該  
鹽道關防應改為兩浙江南都轉鹽運使司  
之印傳勅一道照新銜換給從之。○庚申諭  
現在總諮達等竟不管事不能約束各請達  
哈哈珠子阿桂從前原係總諮達因授總師  
傅未派兼管今著伊仍兼總諮達。○又諭本

日刑部具題直隸建昌縣盜犯強刦傷人一  
案內夥犯巴雅爾瑚一名閱清書並無舛錯  
而漢書誤作巴眼爾虎是何言耶自屬譯寫  
之訛巴雅爾瑚乃蒙古語喜悅之詞今乃以  
雅作眼實屬不成文理各督撫雖不能通曉  
蒙古語義但同文韻統一書久經頒發各省  
通行在案該督撫於此等題奏事件自應詳  
細對音期無錯誤乃該督既率行譯寫而刑  
部亦不加改正遽行照繕具題俱屬疎忽著  
通諭與滿洲蒙古交涉事件各將軍督撫嗣  
後於對音人名地名務宜查照韻統詳寫毋  
得似此舛訛致成笑話。○諭軍機大臣曰長  
麟奏喚咭喇國遣官探聽該國貢使曾否抵  
京經過浙江洋面現今暫收海口長麟即馳  
赴定海親為查看等語所辦好吟破囉嗒由  
外洋跟尋貢船至浙既尚未得有信息若令  
其由海道探尋洋面遼濶勢必仍不能找遇  
但外夷素性多疑若竟令其停泊候信未免

心生猜惑。著長麟即面向唵破囉嗒諭以該國王遣使進貢。上年經廣東督臣奏聞。大皇帝嘉其恭順。降旨允准。即通飭閩粵江浙山東直隸各督撫。於沿海地方留心探聽。至今尚無消息。想因海洋風信靡常。另有停泊逗留之處。亦未可定。爾國王遣爾由外洋跟蹤探聽。既不能找遇。浙江距天津尚遠。且海道難行。若爾欲在浙暫住。俟得爾國貢使信息。再定行止。爾情願改由官河行走。當派員送

爾進京。其時爾國貢使或已抵天津收口。詰問瞻爾即可隨同回國。更屬妥便。倘爾以奉爾國王之命令。由外洋找尋。仍欲由海道行走。本部院即當飛咨各海口一體照料。倘爾因找尋貢船未遇。恐爾國王屢念欲先回國。稟知亦聽爾之便。如此逐層詳示。令唵破囉嗒自行酌定。一面辦理。一面奏聞。如此旨到時。唵破囉嗒業已開行。並著飛咨江南山東各督撫。照此傳知。總勿使該夷官久駐生

疑。方為妥善。將此諭令知之。又諭曰。單沅等奏。楚北收買小錢。因地處衝途。易換尚多。懇請不必立限常川收買。一摺。內稱。自乾隆五十五年。奏准定限。後前後共收買過三十萬九千餘觔。俱經發交寶武局銷鑄。改鑄制錢。現在民間見小錢不能行用。源源易換。甚為踴躍。應准其常川收買。繳局改鑄等語。湖廣省自五十五年收買小錢以來。先後收買過三十萬九千餘觔。不為不多。何以小錢仍

源源不絕。從何而來。今又奏請展限。可見私鑄私販來源不斷。必致日收日多。而奸商等恃有官局收買之例。若一經查出。可以藉詞赴局呈繳。卸脫罪名。如地方官查察不到。即攬入制錢行用。漁利是名為收買小錢。以期淨絕。而其實私販無所顧忌。攬難更多。且湖廣小錢非本省私鑄。即係四川雲貴各省私販順流而下。必非下游江西江南等處商賈攜帶到彼。近聞楚省下游各處皆因湖廣小

錢不淨致有攜帶到彼攬雜行用鋪戶居民均受其累是湖廣為私販小錢總滙之所尤不可不設法禁止以清其源而截其流畢沅等今請展限收買之意不過以該處小錢不能淨絕將來下游各處遇有私販小錢破案審係由楚省販來可以託詞收買限期未滿為却過地步今姑再予限二年著畢沅等一面盡數收買一面於上游各關隘實力巡察如有四川雲貴私販小錢到境即嚴行查辦並令江南江西安徽浙江各督撫等通飭九江蕪湖龍江潁墅北新淮安各關凡遇商船經過於查看稅貨之便一併詳查如祇係制錢中攬雜小錢一二十串者仍給予大錢收換不必苛求致滋擾累若純係小錢而錢數竟多至百十餘串以上其為私販無疑即查出全數入官照例發落如此辦理既清其源又截其流則私販淨絕小錢無從行使私鑄之弊不禁而自止矣如子限之後畢沅等或

於本省私鑄及上游各關隘不能禁絕以致下游各省復有小錢行用一經查出係從楚省攜往惟該督撫是問畢沅等亦不值代人受過自干咎戾也將此各諭令知之○又諭陳用敷奏接奉諭旨遵即繕具照會傳知阮光縉如陪臣吳廷奉業經啟行在途即令轉回以示體恤阮光縉此次表文內列有貢品二分今陪臣既邀恩旨無庸進京所有貢品自應一體免其呈進並知會阮光縉令其一體收回等語所辦是安南係新造之邦阮光縉又甫經襲爵即遣使前來道路遙遠亦未免煩勞跋涉自應免其赴京以昭體恤但該國既已備貢遣使前來茲又令其中途轉回恐該國王轉生疑懼陳用敷當檄諭阮光縉以爾國現有國恤若遣使進貢謝恩計抵熱河行在之日正值開戲筵宴之期維時各外藩蒙古皆得恭豫宴賚爾陪臣等若素服將事於體制不協倘不令入宴又恐各外藩使



臣疑爾國有獲罪天朝之事。是以未能同邀恩禮。獨令向隅。大皇帝惠愛爾國。至優極渥。俟爾國王三年釋服後。再遣陪臣來京瞻覲。彼時自當與各外藩使臣同霑恩賚。如此刻切曉諭。俾阮先鑽深悉朕意。釋然於懷。當更加感戴也。將此傳諭陳用敷知之。○辛酉諭本日五德奏到各摺。閱之俱係尋常交納銷算事件。該織造於二十八日甫經遞摺。此等循例之件。儘可與前摺一同具奏。何必分作

兩次呈遞。向來各省督撫提鎮。往往有陳奏事件。令齋摺差弁分日進呈。希圖見長。屢經降旨訓飭。五德係內務府人員。在這辦處行走有年。如恩甫任織造。非如外吏不曉事體。者可比。在督撫等辦理地方諸務較繁。拘泥每月應發摺數次。分起齋進。以見已結。朕尚加之訓飭。況五德初膺織造。所管之事本簡。何得輒蹈此等陋習。著傳旨申飭嗣後。若再不知悔改。必將該員治罪。不稍寬貸。至各督

撫等屢經訓諭之後。誠恐日久因循。復萌故智。著再通行飭知。除實係地方緊要事務。聽其隨時具奏外。其不過尋常照例之件。務遵前旨。彙總齋遞。勿蹈陋習。○諭軍機大臣曰。孫士毅等奏審擬站員吳措辦理兵差遲誤一摺。內稱吳措承辦浪吉宗站務。毫無整頓。致有貽誤。兵差雖經查明。經手錢糧尚無侵欺。浮冒即支發各項銀兩。亦據營官頭人等供明。並無短價剋扣情事。應請將吳措發往

伊犁効力贖罪等語。所辦殊未妥協。此次西藏軍營一帶運送糧餉。各站員亦間有遲誤者。即孫士毅前此於東臺督催糧餉。亦有壅積遲延之處。何以總辦糧務之道。府不將他員揭叅。而獨於吳措一人揭報。可見吳措非祇貽誤兵差。另有剋扣侵漁情弊。況營官等不過達賴喇嘛所管。何難向其關通。賄囑令其指證。並無扣剋。或意圖行好。見吳措業經叅革治罪。不肯將侵扣情弊指出。以冀從輕

完結二者必居一於此孫士毅等不將此等情節確切訊究乃以前旨內有審無別項情節亦應將吳楷發往伊犁之諭輒思避重就輕率據該營官頭人供結並無短少為憑僅擬發遣殊屬非是如吳楷訊有短發價值扣剋入已情事必當從重辦理又豈發往伊犁所能蔽辜耶著將以上指出情節逐一根訊確實另行具奏將此各傳諭知之○軍機大臣議准欽差大學士孫士毅疏稱此次辦理廓爾喀軍務先後派調大小金川屯土弁兵共計七千九百餘名其鹽菜銀兩俱係查照五十三年進勦巴勒布之例辦理除德爾格土兵中途奉餽祇給口糧馱載外其餘奉派隨征或由鑪城取道或由草地過行計抵西藏路程均有六七千里道險塗長勢不能不給與鹽菜以資日用若將此項銀兩復行查扣呈繳為難請將屯土弁兵出口進邊每名支過鹽菜銀九錢免其扣還其加增銀四錢

仍以到軍營之日起支離營之日停止從之○是月湖廣總督畢沅湖北巡撫福寧奏運京銅鉛首嚴偷漏現飭沿江州縣遇沉失鉛銅之案其打撈時固應實心查辦如遇委員已去水漲停工之候立將水摸遣令回籍一面委員住宿江干晝夜巡查毋任水摸潛匿俟江水稍退再行雇募開工打撈如能多獲或全數獲起者除給工價外再加賞賚倘故將銅鉛存留水底或搬運他處潛肆盜賣者即照偷盜錢糧律計贓治罪地方官嚴叅著賠該管道府議處得旨總在爾等實力外省詐習聞之厭矣○陝西巡撫秦承恩奏陝省除鄜州綏德二州屬向無水利外其西安等十府州屬舊有渠一千二百五道灌田六千五百三十餘頃又城固縣新修渠二道灌田五十頃零並一切支幹河身為各渠引水退水之道均如法修濬現俱寬深暢遂本年春夏雨澤霑足水勢源源不竭農田足資灌溉

各處護城隄亦俱修理堅固得旨為之以實可也

大清高宗法天隆運至誠先覺體元立極敷文奮武孝慈神聖純皇帝實錄卷之一千四百二十九

大清高宗法天隆運至誠先覺體元立極敷文奮武孝慈神聖純皇帝實錄卷之一千四百三十

監修總纂官是漢官太子太傅文淵閣大學士文淵閣領閣事領侍衛內大臣稽察欽奉 上諭事件處管理  
吏部院詹事府正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂  
總纂官禮部侍郎官太子太傅文華殿大學士文淵閣領閣事稽察欽奉 上諭事件處管理刑部戶部三庫事務  
世襲騎都尉軍功加十九級隨帶加二級又加二級臣董誥內大臣戶部尚書鑲黃旗滿洲都統軍功紀錄五次  
尋常紀錄十四次臣德瑛總纂官太子少詹事內閣典籍六次臣曹振鏞等奉

敕修

乾隆五十八年癸丑六月壬戌朔諭曰長麟

奏定海鎮總兵馬瑤於噶咭喇國探貢船隻收泊海口後不待該撫咨覆遽聽開行請將馬瑤及隨同准令開行之寧波府知府克什納交部嚴加議處等語馬瑤等於該國船隻收口既報明巡撫不待咨覆遽令開行固有未報該撫應得之咎尚非大過馬瑤克什納俱著交部察議○癸亥諭曰惠齡奏請留陞任藩司英善會辦報銷又丁憂知縣常發祥主簿張心敬暫留川省幫辦報銷等語此次

軍需所有在省支發一切俱係英善經手自應留川會辦英善著俟該處報銷完竣再赴貴州新任雲南巡撫印務現有富綱兼署馮光熊俟英善辦理報銷完竣到黔交代再赴雲南新任其常發祥張心敬二員既係承辦報銷之人亦著照所請暫留該省幫辦○甲子軍機大臣等議覆烏魯木齊都統尚安疏稱屯田差操兵丁向由陝甘綠營派撥嗣念換防往返之勞改為攜眷常住其隻身應募者准其呈明撤取自奉行日久凡移來兵丁眷口及攜眷出口戶民貪妻發配之遣犯人等互為婚姻地廣生繁與內地綠營無異自足供挑取差防之用此後各營遇有名糧缺出應先儘該處兵丁子弟挑驗拔補至官為撤眷之例竟行停止應如該都統所請臣等因思伊犁地方向設營屯兵丁亦屬攜眷常住與烏魯木齊事同一例數十年來生齒日繁情形當亦相同所有該處撤眷出口之例

亦應令該將軍仿照辦理至回疆各城駐防兵丁定例五年更換原恐其攜眷常住與回戶爭占地畝但歷年既久習俗相安可否因時變通遵照烏魯木齊等處屯丁攜眷之處令喀什噶爾叅贊大臣會同各回城駐劄大臣酌看情形妥議具奏如隔礙難行即毋庸拘泥更張從之○乙丑諭軍機大臣曰梁肯堂奏五月分直隸各府屬糧價逐加披閱內廣平大名各府俱註價中而順德府屬尚註價貴本年直隸省麥收豐稔畿南一帶亦屬豐收近日雨水又復調勻大田可冀有秋但順德為上年被災之區民氣恐未能驟復著傳諭梁肯堂仍宜留心察看如該府糧價此時尚未能漸就平減即當奏明酌量平糶接濟民食不可因麥收豐稔遂存大意○又諭錫伯索倫察哈爾兵丁素稱強勁聞自移駐伊犁以來漸形懦弱生計亦屬艱窘著傳諭保寧加意調劑並教導厄魯特等毋致緩急

無用○旌表守正被戕江西進賢縣民閔曰  
漢妻李氏○丁卯諭軍機大臣曰巴寧阿奏  
官賠商課有名無實請嚴定督銷處分一摺  
此奏似有所見已交該部詳議速奏矣此事  
係乾隆五十五年經全德奏請按各州縣銷  
鹽數目年滿通算如商鹽充足而口岸不銷  
則將所缺之課著落地方官賠出乃五十六  
年即缺銷七萬八千五百餘引該鹽政全德  
復稱商人情願代官賠繳並未令各州縣著  
賠是本身奉行伊始已不能遵行在商人行  
鹽謀利豈有情願代賠之理而課項多至累  
萬地方官豈能悉數賠交自必致派累商民  
全德從前不過以一奏塞責及自知隔礙難  
行遂不得不仍令商人賠出以清課項所辦  
殊屬非是著將巴寧阿奏摺鈔錄發交全德  
閱看所有摺內折角處所著全德逐一明白  
覆奏○戶部議准兩淮鹽政巴寧阿疏稱兩  
淮官引滯銷不能足額原因緝私不力所致

從前調任鹽政全德奏請如係商鹽短少即  
著落該商完繳如商鹽充足地方官督銷不  
力則著落地方官賠出原為警戒各州縣起  
見但淮商運鹽定例係各按所請之引將錢  
糧先行完納若以未銷之鹽責令地方官按  
引賠課是一引而重納課銀若以缺銷殘鹽  
配作新鹽行運另請統銷綱引以免重納是  
以舊抵新仍屬有名無實請將賠補課銀之  
例即飭停止查鹽引滯銷總由地方官緝私  
不力則督銷處分不可不嚴嗣後請按季將  
各州縣銷數具奏一次俟年滿牽算分別開  
叅如缺銷僅一二三分以上者仍照舊例辦  
理若至四分以上降二級調用六分以上降  
四級調用七分以上革職從之○戊辰諭此  
次征剿廓爾喀運送糧餉軍器唐古忒等疎  
玩性成幾致誤事幸朕遣和琳前往督辦軍  
務伊至後即鼓舞唐古忒番子揀派能幹噶  
布倫喇嘛等分路雇覓烏拉親身沿途催趲

始一切接續運到。連次來京各員俱如此具奏。可見和琳奮勉妥協。洵屬可嘉。著加恩賞給世襲雲騎尉。即令伊子良輔承襲。仍授為三等侍衛。在乾清門學習行走。以示獎勵。予因公出洋。遭風漂沒之福建邵武營外委彭槐蔭卹如例。○已巳諭曰。孫士毅等奏辦理廓爾喀軍務報銷各款。除米石價值遵照部駁覈減外。其餘烏拉加給回空守候支給牽夫口糧。及採買馬價餼養草乾等項。實因道路險遠。物價加昂。懇請飭部查照原奏。准銷等語。此次進剿廓爾喀。盡係蠻荒險道。兼之冰雪載途。節節艱阻。其山逕陡仄之處。並不能乘騎。俱係步行前往。所有烏拉等項。運送在在維艱。較之金川相距鑪城路僅千餘里者。險夷遠近迥不相同。從前金川軍需共用七千餘萬。其部駁不准報銷銀六百餘萬。朕尚加恩豁免。今藏內所用合計東西兩臺。亦不過如金川軍需所免之數。況此項報銷

福康安孫士毅和琳惠齡等俱係身親其事。彼此酌定聯銜會奏。伊等皆朕親信大臣。豈尚有瞻顧站員稍涉虛浮之理。此次著照所請。准其報銷。惟辦理廓爾喀軍務實緣道途險遠。與他處不同。是以格外加恩。嗣後不得援以為例。○諭軍機大臣曰。孫士毅奏自藏起程。行過拉里。並一路逐站查覈情形一摺。覽奏俱悉。察木多迤東軍需。孫士毅於回程之便。順道查覈。自己得其大概。惠齡現亦自藏起程回省。更可挨站覆查。公同稽覈。但四川總督本屬孫士毅署理。惠齡係在藏內接印任事。所有東路軍需頭緒紛繁。俱係孫士毅一手經理。著傳諭孫士毅。務須會同惠齡將東路銷算事宜。詳細稽覈。俟大局明楚。再回京供職。○又諭據和琳奏稱。丹津班珠爾所襲公爵係伊祖父勞績所得。現在丹津班珠爾獲罪。應將公爵削去。作為頭等台吉。或仍留與丹津班珠爾本身。或令伊子敏珠爾

索諾木班珠爾承襲之處請旨等語丹津班珠爾所襲公爵既係伊祖父奮勉出力屢次晉封今若因伊獲罪遂不准承襲不惟沒其前代勛勞朕心亦有不忍但伊從前私與廓爾喀講和此次又被廓爾喀誘去若將應襲之爵仍留伊本身不足以示警戒著加恩將噶濟奈從前所得頭等台吉令丹津班珠爾之子承襲丹津班珠爾身獲重罪不可仍以噶布倫補用如果悔罪俟二三年後或以第

巴補放之處著傳諭和璿遵照前旨辦理○庚午諭曰長麟奏據定海鎮總兵馬瑀等咨稱五月二十七日在內洋巡哨見有夷船一隻自南駛至內洋並遠望有夷船三隻在外停泊該總兵等迎上夷船詢問係暎咭喇國進貢船隻據貢使嗎嘎呢稱因大船笨重不能收口二十九日即欲開行前赴天津近日南風甚多北行極為順利應令其仍由海道速赴天津等語前因總兵馬瑀及寧波府

知府克什納於該國探貢船隻收泊海口既報明巡撫不待咨覆遽令開行經長麟奏奏已降旨將馬瑀等交部察議今該總兵於巡哨時見有夷船遠來即能探詢明確迅速咨報尚屬留心馬瑀著免其察議其知府克什納亦著一併寬免○諭軍機大臣等據郭世勳等奏暎咭喇國貢船於五月十二日經過澳門而二十七日即抵浙江定海可見海洋風色順利揚帆北行極為妥速但該貢船行

抵天津洋面船身重大必須另換撥船方能收泊內洋而由內洋至內河又須再用小船撥運該國貢物甚多輾轉起撥尚須時日看來該貢使前來熱河已在七月二十以外雖時恰值演劇之際該貢使正可與蒙古王公及緬甸等處貢使一體宴賚甚為省便著梁肯堂徵瑞俟貢使抵津後即遵照前旨妥為應付徵瑞並可依期護送回來以便沿途照料至長麟前奏該國差來探船一隻業已開

行北上此項探船既行在貢船之先該夷官  
唎囉嚒塔自未得貢船抵浙消息計此旨到  
時該探船早過江南洋面著傳諭吉慶梁肯  
堂等即飛飭沿海各員弁俟探船行抵海口  
時將貢船於五月二十七日抵浙二十九日  
開行前赴天津之處明白諭知唎囉嚒塔並  
告以爾係為探聽貢船消息而來或必須回  
迎正使面傳爾國王之言聽爾之便或爾因  
已得貢船信息欲先回國稟知以免爾國王  
懸盼亦可否則爾欲偕赴天津將來與正使  
一同前赴行在瞻觀俱無不可該督撫等務  
須詳晰曉諭俾遠人得所遵循且免其疑慮  
以副朕體恤懷柔至意至總兵馬瑞等前因  
不待長麟示覆輒聽探船開行交部察議今  
該貢船經過定海洋面該鎮等立即問明咨  
報尚屬留心已明降諭旨免其處分兵長麟  
所辦妥協著賞大荷包一對小荷包四個以  
示獎勵郭世勲探聽貢船信息亦屬留心並

著賞給大荷包一對小荷包四個將此傳諭  
梁肯堂並諭長麟郭世勲知之○辛未吏部  
議准調任貴州巡撫馮光熊疏稱安順府與  
所屬朗岱同知並附郭之普定縣及該府經  
歷又平越府屬之黃平州向俱列為苗疆要  
缺今苗民向化已久與齊民無異請除去苗  
疆字樣仍將該府廳州縣定為衝繁難兼三  
要缺知府缺出照例由部臣請旨簡用同知  
知州知縣缺出俱在外揀補府經歷改為簡  
缺歸部銓選從之○壬申諭軍機大臣曰全  
德由兩淮調任浙江自當將浙省鹽務舊定  
章程若何有無積弊與兩淮情形是否相同  
及伊到浙察看曾否另行酌定章程逐一奏  
聞乃全德抵任半載雖務是其諳習何無一  
言奏及所辦何事著即將以上指詢各情形  
據實覆奏勿再因循干咎將此諭令知之○  
又諭曰姜晟奏永州府知府圖桑阿患病委  
員署理一摺圖桑阿既經患病詳請解任所



有永州府員缺。是否請旨簡放。抑係應歸部選。自當於摺內聲明。乃該撫僅稱此缺統轄八屬地方。銜要即委員先行接署等語。而於應行請旨或歸部選之處。並不敘及。殊未明晰。著傳諭姜晟嗣後於具奏事件。務宜詳晰聲敘。毋得似此疎畧。○癸酉諭朕閱國史館進呈巴圖濟爾噶勒列傳。內載乾隆二十年授散秩大臣。二十一年授頭等侍衛。敘次牽混。因令國史館查明改正。今據增入巴圖濟

爾噶勒於二十年授散秩大臣。後即於八月內獲罪。拏問二十一年復授三等侍衛。旋擢頭等侍衛。前此未將此節載入傳內。以致敘次倒置。經朕指出。始行增入。國史列傳原以傳信。纂修等自應查取本人事蹟。據實直書。毋隱毋漏。乃竟並不詳查。率行纂辦。不特無以徵信。且易起高下其手之弊。殊屬非是。所有原辦纂修官著交部嚴加議處。總裁未經看出。亦著交部察議。○又諭曰。梁肯堂奏直

隸省寶坻縣有焦富義張思勳等。應追贓罰銀兩。於雍正十年豁免。後復重複造入冊內。未便相沿開造。致成虛文等語。此項贓罰款項。既經豁免。何以仍列入冊內。逐年開報。自係從前總督臬司未經詳查所致。但事隔六十餘年之久。不特本犯子孫財產無從著追。即造冊各官亦難逐一根究。所有此項銀兩。竟予開除豁免。其應處各職名。並著免其查取。乙亥諭本日刑部具題。江西省民人劉

乞及傷胞叔劉兆綸一案。緣劉乞與無服族兄劉賢之妻喻氏調戲成姦。嗣劉兆綸檢知。劉賢他出。亦向喻氏調戲。喻氏約今夜往姦宿。詎黃昏時。劉乞先至喻氏房內。圖續舊好。劉兆綸後至。瞥見。欲掩己非。即稱捉姦。扭住劉乞毆打。劉乞情急圖脫。順取剪刀戳傷劉兆綸。經刑部照該撫所擬。將劉乞依刃傷胞叔例擬絞立決。劉兆綸革去職銜。照不應重律杖八十折責三十板。向來胞姪及傷伯叔

之案朕覈其情節如係伯叔圖占財產或有曖昧等事俱改為監候或交九卿議奏亦議改監候者多原以叔姪雖名分攸關若自恃尊長非理相凌致伊姪有干犯及傷情事亦難遽入以必死之條耳今劉乞姦宿族嫂已有應得之罪乃因劉兆綸亦往圖姦扭住毆打劉乞輒敢向毆致傷是衅起因姦法難寬宥劉乞自應照部議即行處絞但劉兆綸為劉乞胞叔劉喻氏亦其同族姪婦若因劉乞與劉喻氏通姦劉兆綸聞知前往斥責以致被毆是劉兆綸竟係無罪之人即杖責亦不應問擬今該犯亦與劉喻氏相約及至黃昏前往先有劉乞在彼遂捏稱捉姦將劉乞毆打是劉兆綸圖姦同族姪婦行止有虧而又因姦起衅陷伊姪於立決且該犯既與劉喻氏先有密約則所謂圖姦未成之供亦不足信乃刑部遽照該撫所擬定以杖責實不足以蔽辜夫明刑所以弼教似此有關風化

之事致姪於立決而僅予薄懲完結其何以肅倫紀而儆奸邪劉兆綸雖係劉乞尊長不至死罪亦應問擬軍流等罪方足示懲著該部即另行定擬具奏○丙子諭曰書麟等奏審擬溧水縣知縣陳璫於縣民陶仁廣在無服叔祖陶宇春典鋪內為夥竊物潛逃該縣將陶仁廣之兄陶仁慶及同店之周記慶輒用刑求一索將陶仁廣依竊盜賊一百二十兩以上絞無服之親減一等律擬杖一百流三千里陳璫訊無嚇詐故勘情事已經叅革應毋庸議所擬均未允當夫律設大法理順人情親屬相盜較之尋常竊盜得邀末減者原因孝友睦婣任恤之道本應矜恤如果嫡近卑幼貧乏不能自存而尊長置之膜外其卑幼因而竊取尊長財物者律以親屬相盜免議之例情屬可原自應末減其罪今陶仁廣係陶宇春無服族姪孫支屬甚遠陶宇春令其在典管理首飾並非素無照應者可比

乃陶仁廣輒竊取金珠銀兩潛逃楚省以致同典商夥周記爽及伊胞兄陶仁慶均被嚴刑況村鎮典鋪資本不過千餘金而陶仁廣所竊估贓竟多至三百餘兩致累陶宇春照數賠補又遭訟累中人之產不因此而蕩盡耶此而尚得照律減流其何以懲竊盜而安善良嗣後親屬相竊五服以內者自應照律末減其五服以外而贓數逾貫者仍應按律問擬絞候但念其究屬本支秋審時入於免勾情理實當所有陶仁廣一犯即應照此辦理蓋明刑所以弼教朕之所以從嚴辦理者正恐愚民無知恃有親屬議減之條肆意攘竊如陶仁廣之贓數逾貫累及尊長受刑並至破家不得不加重懲治正以維持孝友睦姻任恤之道而定擬絞罪後秋審時復予免勾是於懲創奸宄之中仍不失孝友睦姻任恤之義庶情法兩得其平著刑部即將期功總麻以及無服相盜之案另行分別等差並

按照贓數妥議具奏不得仍照舊例概予減等免議至該縣陳璜於陶宇春被竊一案事主並未控告到案而該縣以無據風聞輒將無辜之陶仁慶及周記爽疊事刑求自因陶宇春係開設典鋪之人意圖訛索情節顯然該督撫摺內所稱事干人命跡涉可疑是以該縣用刑訊問實無嚇詐故勘等語不過曲為開脫殊不可信此等貪酷劣員僅予革職不足蔽辜陳璜著發往軍臺効力贖罪餘著照所擬完結尋議尊長與卑幼同居及各居如卑幼貧不能自存尊長置之膜外以致竊財非卑幼之變生覬覦自不可重加其罪仍各按例辦理若尊長素有周恤或託以心腹經營田產財物而尚敢肆竊肥已貽累尊長受害者則卑幼之昧良負義法不容寬有服親屬應照各減等本例遞加一等治罪無服之親即以凡竊盜計贓科斷從之○諭軍機大臣曰奇豐額奏據通州知州稟稱有琉球

國遭風夷船一隻漂至海口現將該難夷護送至省其遭風船隻及粟麥等項該難夷情願變賣俟料理妥協即委員伴送遣歸本國等語外國遭風難夷漂至內地自應加意撫恤妥為安頓遣歸本國該船雖折斷大桅船身損壞但此項海船置造時價值不輕今將原船及粟麥等物在內地變價該督撫司道府縣以至書吏等遇有地方應行估變物產尚不及半價何況此等外夷物件即少為估變隨意給予價值亦無憑考覈甚而從中染指者往往有之殊屬非是外夷船隻因失風漂至內地所有應行估變物件地方官必當格外體恤於照值變價外畧予便宜方為懷柔遠人之道此次琉球遭風船隻及粟麥等項地方官如何估變給予價值若干之處著奇豐額逐一查明迅速覆奏毋許地方官估變稍有短少致為外夷所輕也將此傳諭知之

大清高宗法天隆運至誠先覺體元立極敷文奮武孝慈神聖純皇帝實錄卷之一千四百三十

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百三十一

監修總裁官經筵講官太子太傅文淵閣大學士文淵閣領事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總管官經筵講官太子太傅父學殿大學士文淵閣領事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣等謹將內大臣戶部尚書兼理滿洲都統軍功紀錄五次

尋常紀錄十四次臣等謹將滿洲太子少保工部尚書紀錄六次臣等謹將領字奉

教修

乾隆五十八年癸丑六月丁丑以故廣西太

平府屬全茗土州許承祐子祖纘襲職○豁

免遭風沉溺雲南運京銅二十萬七百三十

兩有奇 戊寅諭軍機大臣曰奇豐額奏接

據長麟咨會喚咭喇國貢船於六月初一日

自浙省青龍港開行連日南風順利或可迅

抵津門等語該國貢船笨重不能收泊內洋

到津後須輾轉起撥計抵熱河已在七月二

十以外正可與蒙古王公及緬甸等處貢使

一併宴賚即或海洋風信靡常到津畧晚不

能於七月內前抵熱河即八月初旬到來亦

不為遲但應付外夷事宜必須豐儉適中方

足以符體制外省習氣非失之太過即失之

不及此次喚咭喇國貢使到後一切款待固

不可踵事增華但該貢使航海遠來初次觀

光上國非緬甸安南等處頻年入貢者可比

梁肯堂徵瑞務宜妥為照料不可過於簡畧

致為遠人所輕再前據長麟奏喚咭喇國船

上有官員五十餘人從人水手八百餘名將

來收泊海口正副貢使前赴行在瞻觀除隨

從員役外自有留看船隻之人著徵瑞即詢

明通事貢使正副幾人跟隨貢使前赴熱河

者共若干員名開具清單連奏其留於外洋

大船看守員役舵水人等亦開具人數名單

一併奏聞以備給賞將此各諭令知之○旌

表守正捐軀江蘇寶山縣民侯寶田妻蔡氏

四川大足縣民朱瓏章妻宋氏○已卯諭曰

惠齡奏泰寧一帶於四月初六日地震廟宇

民居多有倒塌共壓斃漢番僧俗男婦二百餘名口受傷三十餘名口震塌硯房七十餘處現委幹員前往查勘分別撫卹等語上年打箭鑪口外地震曾降旨加倍賞卹今泰寧一帶又因地震坍塌房屋壓斃人口殊堪憫惻著照上年打箭鑪地震撫卹之例亦即加倍賞給該督務宜董飭所屬詳悉查明妥為經理俾資安輯以副朕軫念邊隅優卹番民至意該部即遵諭行○辛巳諭軍機大臣曰

實錄卷一百三十一

三

等起岸後自天津來至熱河儘可令其緩程行走以示體恤前經降旨俟該貢使到時必須整列隊伍以肅觀瞻梁肯堂係直隸總督到彼彈壓照料呼應較靈但永定河防汛事宜亦關緊要如安瀾無事著該督一得貢船收泊之信即就近前赴天津會同徵瑞妥為料理倘該處有緊要工程必須梁肯堂在彼駐劄督率辦理即行迅速奏聞俟朕另派慶成前往天津會同照料該鹽政仍遵前旨帶同該貢使前來於七月杪八月初到灤瞻觀亦不為遲將此諭令知之○壬午諭軍機大臣曰徵瑞奏六月十六日有暎咭喇國探水船一隻到口詢據通事稱該貢使因船身過大喫水三丈餘尺恐天津海口不能收泊令該頭目先來探量現探得天津內洋水淺大船不能進口外洋又無山島可以灣泊貢物甚大又極細巧不敢冒昧撥運祇好就在登州廟島起旱該探水船即於十八日開行仍

實錄卷一百三十一

四

回廟島已飛札山東撫臣速為料理等語同日又據吉慶奏六月十五日該國貢船正欲開行適前次唵叻囉喀探船趕到情願偕赴熱河即於是日一同放洋等語該撫此摺係六月十七日拜發自尚未得十八日該探水船隻轉回之信該國貢船笨重既因天津內洋水淺不能收泊而外洋又無灣泊之所自應聽其即在山東登州廟島起旱較為慎重但其貢物甚大且極細巧撥船尚恐磕碰則用車拉運更易顛簸必須人夫撻運方為妥協吉慶現赴登州一帶查閱城工營伍該探水船隻折回告知貢船後轉帆收泊廟島稍需時日該撫正可乘便迎往親為照料且吉慶辦事細緻自能料理裕如著賞給鮮荔枝一個大荷包一對小荷包四個該撫務須妥協經理以副朕柔遠至意至登州起旱進京本有兩路其小路係從武定取道經由河間寧津一帶較為便捷其大路仍由濟南一帶

實錄卷一百一十五

五

行走著該撫酌量於何路行走穩便即飭沿途驛站並飛咨梁肯堂徵瑞速為豫備所有正副貢使品級較大酌與肩輿其隨從員役止須與車乘並著吉慶沿途董率照應送至直隸交界梁肯堂徵瑞接到知會後約計該貢使於何日可以行抵直境即先赴交界處所以便接替照應徵瑞仍遵前旨伴送前來登州距熱河二千二百餘里現距八月初旬尚有四十餘日但計貢船折回起旱料理紮縛撻運一切事宜亦須稍為耽擱即至八月初十以前抵熱河亦不為遲也至梁肯堂徵瑞前赴直東交界後該國恐尚有小船來往天津仍著飭令該鎮道一體照料將此由六百里各諭令知之○甲申遣官祭火神廟○諭曰明興前已照部議降四級仍留庫爾喀喇烏蘇辦事所有吏部右侍郎員缺著諾穆親調補景安著調補倉場侍郎不必前來謝恩其工部左侍郎員缺著伊齡阿

實錄卷一百一十五

六

調補仍兼管錢法堂事務所遺兵部侍郎員缺著成策補授○又諭曰翁方綱本係連任山東學政又屢出學差近來不能約束家人著來京供職所有山東學政著阮元去○諭軍機大臣等據國子監奏典簿廳存貯已酉科鄉試貢監生文書印結一千餘件全行失去請將典簿周炎先行解任併該廳書吏交刑部嚴訊究擬等語已降旨將周炎解任交該部究訊矣此項文書印結既失去一千餘件何以又查出五百九十餘件且據稟稱於上年十月內被竊何以直至此時始行呈報其中種種疑實必另有別情及盜賣等事不可不逐一根究著傳諭刑部堂官務須詳訊確情定擬具奏至該廳失去文書一千餘件之多又不即時呈報該堂官等漫無覺察亦難辭咎俟審明定案後再著交部議處○乙酉諭前因明興雅德等在喀什噶爾辦事抵梧均已解任嗣將明興調赴庫爾喀喇烏

蘇雅德調赴哈密今著加恩將明興授為二等侍衛雅德授為三等侍衛令其於各該處奮勉辦事○丙戌諭喚咭喇國遣使航海速來情殷祝嘏茲據徵瑞奏貢船於六月二十二日已抵天津海口該鹽政親往照料甚為妥協著賞還佐領頂帶以示獎勵○諭軍機大臣曰徵瑞奏六月二十日探明有大小夷船五隻在外洋拋碇詢問即是喚咭喇國貢船隨與天津鎮道等乘船探量水勢設法引至近口有攔江沙一道足以依靠無虞風浪於二十二日停泊定妥等語所辦甚好已降旨給還徵瑞佐領頂帶並著加賞大荷包一對小荷包四個以示獎勵至該國貢使等前過浙江山東業經該省地方官犒賞食物等件現在收泊天津海口徵瑞又備牛羊米麵等物傳旨頒賞且為數甚多將來到熱河後尚須與蒙古王公緬甸各國貢使一併宴賚其自天津登陸時不必再加筵宴蓋款接速



人之道固不可稍事苟簡致阻向化之誠然加之體恤則可若過為優待隆其禮節轉使外夷不知天朝體統尊嚴為其輕忽徵瑞於應接款待之間務宜加倍留心不卑不亢以符體制而示懷柔此為最要至該貢船離國日久攜帶食物口糧現已不敷雖經徵瑞多備牛羊米麪等物齎往頒賞但該國大小船內共有七百餘人將來貢使前赴熱河攜帶官役人等不過百餘人其留於船內照看者不下五六百人徵瑞所備犒賞豈敷常川食用即地方官力量亦不能捐辦如許之多自應開銷官項梁肯堂係屬總督呼應較靈前已有旨令其會同照料此時想該督自己起程行抵天津著傳諭梁肯堂務須妥協辦理將該國船內應用食物令地方官動支公項辦給但不可藉此浮冒多開並著梁肯堂徵瑞即向該貢使等詳悉諭知以大皇帝念爾等航海遠來情殷祝嘏是以曲加體恤爾等

前赴熱河其沿途以及館舍俱有餽廩叩見大皇帝後並有筵宴供給足資饜飫其留看船隻者大皇帝已命寬為備給食物無虞缺乏但爾等自本國遠來到此幾及一年將來回國時行走時日亦必相仿大皇帝令賞給爾等一年米石食用寬餘其肉食如牛隻猪羊等物船內難以攜帶爾等回程經過山東江南浙江福建廣東等省島嶼收泊處所該處地方官俱仰體大皇帝柔惠之意必資送爾等食物可以接濟如此先行諭知俾該貢使等益知感激其如何按照人數官員舵水人役等級分別口分之處並著梁肯堂等覈明妥辦即動支北倉存貯米石賞給至此事因徵瑞係內務府人員是以派令照料伴送督押貢物前赴熱河以資熟手而一切應付不特該貢船所需食物應由地方官辦給即需用人夫以及備辦沿途供頓等事俱係地方官專責梁肯堂當豫為飭屬妥辦豐儉適

中不可稍有貽誤。浮冒方為妥善。至該國貢物由天津起旱。該處距熱河不遠。途次行走尚屬從容。然據徵瑞奏一切紮縛擡運計算。須於八月初旬方到。若由登州廟島起旱。道路較遠。到熱河未免稍遲。今在天津收泊。諸事省便。覽奏甚為欣慰。據該鹽政奏二十三日親赴該處查看表文貢單。另行具奏等語。此時徵瑞自己到船查明。著即將該國大伴貢品遵照前旨量明高寬尺寸一併開單。由

六百里速奏。該貢使起旱後諸務停妥。諒無緊要之件。徵瑞自可不必由驛奏事。此時或有經朕指示詢問。必須速行奏聞者。該鹽政覆奏之摺。竟當由六百里拜發。較為迅速也。將此由六百里傳諭知之。○旌表守正捐軀廣東增城縣民毛守文妻馮氏。丁亥諭軍機大臣等。戶部奏臺灣軍需自初辦至今已閱五年之久。業經專案行催而駁查未結。款項尚居十分之七。請勒限半年飭交該督等

依限題覆。又上屆已勒布軍需駁查未結銀米亦未據全數題覆。應請勒限三個月趕辦。題覆等語。已依議行矣。臺灣軍需已逾五年之久。所有部駁各件該督撫自應上緊覈辦。隨時登覆。何以延挨至今。未經銷楚者尚有十分之七。若再任其遲延。承辦官吏迭更。愈難清理。殊屬不成。事體除勒限半年全數題覆完結外。仍著伍拉納等將因何遲緩不覆之處明白回奏。毋再玩忽。干咎。至廓爾喀軍

需現已在彼覈算。而上屆已勒布動支各款自應作速趕辦。庶舊案得以速結。將來新案軍需亦可比照辦理。並著惠齡務依部定期於三個月內全數題覆。勿再延逾。以致前後牽混不清也。將此各諭令知之。○戊子諭軍機大臣曰。梁肯堂奏據天津道稟稱。喚咭喇通事錫拉巴等登岸求見。其意欲於通州起旱。現已雇有南船四十隻備用等語。所辦好。天津前至通州一水可達。不特行程安適。

且運送貢物一切亦俱省便該通事既欲從此路行走自應順其所請昨已有旨令梁肯堂會同照料該督於二十五日業經起程前往計此時已可到彼務即督率地方官妥協辦理至所稱高大貢物或應留京者由通運送尤覺便易一節此可不必前因該貢使須由山東登州廟島起旱程途較遠恐物件高大擡運費事是以令該督等酌量或擇其過大者奏明留於京城俟迴鑾時呈覽今既由

通州起旱為期甚屬從容儘可運送熱河不必再行留京又據奏俟抵天津會同徵瑞恭宣恩旨設備筵宴等語前有旨令不必在彼筵宴但該貢使等航海遠來經過天津地方官設筵款待亦禮節所當然如該督等接奉此旨該貢使業經過津則已如尚未過津仍著就近先行筵宴至接待遠人之道貴於豐儉適中不早不亢若該貢使等於進謁時行叩見之禮該督等固不必辭却倘伊等不行

此禮亦祇可順其國俗不必加之勉強該督等務宜留心款待不可過於優待轉為所輕以示懷柔而符體制將此傳諭知之○已丑諭軍機大臣等前經降旨令巴寧阿回京供職其兩淮鹽政著董椿去矣巴寧阿係惇妃之兄妃嬪兄弟以之暫管鹽政則可若久於其任究多不便是以令其回京供職將董椿調往董椿於淮關稅務連年盈餘短絀經理已屬未能妥善特因兩淮員缺一時不得其

人而董椿賠項稍多將伊簡調並非以該員才具優長特調鹽政之任現在兩淮釐務巴寧阿所辦尚為妥協董椿到彼後務當仿照妥辦勿稍廢弛若伊因有賠項遂思從中牟利藉詞婪索則是自取重戾穆騰額即前車之鑒非伊之福而轉為伊之禍矣將此諭令知之○庚寅諭本日吏部進呈本內工部主事常明前在福建通判任內因無照小船未經查出補行給照出洋行劫議以現任內降

一級調用內閣擬票該堂官出具考語送部引見雙簽進呈因屬照例辦理但該主事甫經補授工部該堂官何由知其人之優劣率行出考即如已經回籍之員令原籍督撫出考送部者事同一例除常明已降旨著該部帶領引見再降諭旨外嗣後內閣遇此等應行票擬雙簽之員止票該部帶領引見毋庸再票出具考語送部字樣朕諸事惟期合理據實○諭軍機大臣曰徵瑞奏嘆咭喇國正副貢使自以品級尊崇須平行相見徵瑞若先行往見有失體制是以即令道將等過彼船內取看表文貢單等語所辦又未免太過前降諭旨以款接遠人之道若過隆其禮節於體統非宜原不令該鹽政自居尊大與遠人斤斤計量乃徵瑞接奉前旨以該使臣欲行敵體之禮遂不輕往僅派道將過船查看殊屬矯枉過正試思該使臣向徵瑞行叩見禮亦無足為榮即不行叩見禮亦何所損梁

肯堂若亦計較至此更成笑話外省習氣非過則不及況該使臣航海遠來至一年之久始抵天津亦當格外加之體恤豈可以此等相見禮節與之較論殊非懷柔遠人之道若該鹽政如此拘泥不能體會朕意轉難向汝等降諭矣又據梁肯堂奏該使臣在津登陸不必再加筵宴等語此事尤無關緊要昨又有旨以天津為郡會之地該使臣甫經過彼地方官設筵款待禮所當然著梁肯堂徵瑞即遵昨旨先行筵宴又據徵瑞奏該國貢物內詢有見方一丈多者名為天文地理音樂表應否留京請旨遵行等語前因該貢使須於登州廟島起早道路較遠恐物件高大難於運送是以諭令或酌留京中今該貢使已由天津起早為期儘屬從容況山莊殿宇闕缺文許物件豈有不能陳設之理且此項物件安裝後見方一丈其拆卸之時仍屬零星輕便無難運送現已令做鐘處收拾鐘表之

好手工匠前至熱河伺候看彼裝拆一次即可仿照修理著徵瑞即一併押送前來不必復請留示稍存為難之見至該國貢單譯出漢文後即迅速先行具奏摺內又稱該船五隻天津外洋難於久泊廟島離岸較遠不通貨販該使臣之意欲將原船回至浙江寧波一帶灣泊俾得便於採買物件等語該國進貢此次始來即欲在浙江地方採買物件想屬無多俟該使臣到來詢問明確再降諭旨

其船隻欲先回浙江寧波灣泊亦可聽其自便並著長麟飭知地方官妥為照料將此由六百里加緊各諭令知之刻下梁肯堂早抵天津仍著該督等將曾否與該使臣接見及如何相見情形由驛速奏○辛卯諭軍機大臣等據梁肯堂等奏喚咭喇國貢單已經貢使譯出漢字謹將原單進呈一摺昨已有旨以該貢使由通州起早為期儘屬從容所有

堂係屬總督呼應較靈是以派令前往會同照料但總督職分較大若該督與貢使偕赴熱河轉似徵瑞之外又添派梁肯堂一同護送恐該貢使以天朝多派大員照料伊等禮節優隆益足以長其矜傲梁肯堂俟筵宴完竣後可仍回永定河工次防汛俟屆八月初旬照例再來熱河未遲又聞譯出單內所載物件俱不免張大其詞此蓋由夷性見小自為獨得之秘以誇炫其製造之精奇現已令選做鐘處好手匠役前來俟該國匠役安裝時隨同學習即可諳悉著徵瑞於無意之中向彼閒談以大皇帝因爾等航海來朝涉萬里之遙閱一年之久情殷祝嘏是以加恩體恤至爾國所貢之物天朝原亦有之如此明白諭知庶該使臣等不敢居奇自炫是亦駕馭遠人之道又聞單內有遣欽差來朝等語該國遣使入貢安得謂之欽差此不過該通事仿效天朝稱呼自尊其使臣之詞原不必

與之計較但恐照料委員人等識見卑鄙不知輕重亦稱該使臣為欽差此大不可著微瑞豫為飭知無論該國正副使臣總稱為貢使以符體制再前因該貢使回國時口食缺乏令梁肯堂傳旨賞給來役一年口分米石即於北倉動給今思北倉即有餘存恐不敷用該國船隻於起卸貢物後即欲回至浙江寧波停泊莫若即於浙省就近倉貯米石內給與更為省便並著梁肯堂即詢明該使臣

由天津回至寧波需米若干先行賞給外其餘米石仍遵照前旨按其等級覈明數目飛咨長麟俟該船回抵寧波後照數撥給較為省便將此由六百里傳諭知之仍即速回奏  
○調正紅旗滿洲副都統富銳為正藍旗滿洲副都統鑲白旗滿洲副都統諾穆親為正紅旗滿洲副都統  
○是月浙江巡撫覺羅長麟奏大陳山沿海一帶各島因居民衆多向設保甲然奉行未能盡善現飭員確查並出

示曉諭令其每一島時設耆長一人每居民十家設甲長一人每十甲設總甲一人先令各出保結如該甲內有通盜之人據實稟報容隱者治罪再查海洋內漁戶看網諸人皆非安分之徒盜匪行藏伊等必知詳細現雇覓多人優給盤費並懸重賞派委勇敢將備等暗藏兵械分投帶往並令改裝易服前赴遠山窮谷密訪確查仍派文武多員於各海口堵截拏獲得旨覽奏俱悉  
○伊犁將軍保

寧奏從前移駐伊犁之錫伯索倫察哈爾兵丁業經三十年戶口滋生倍加往昔其察哈爾索倫兵丁等均有賞給滋生銀兩惟錫伯僅存鹽菜銀滋息不敷支用請將餘存節年糧米二萬二千餘石除留一年口糧外趁價變賣可得銀一萬兩著落本處同知交殷實商人作為滋生銀兩得旨甚是  
○四川總督惠齡奏襄塘巴塘一帶向多夾壩出沒額兵不敷巡緝臣經過各該處時於所屬孔道連

界地方安設卡房。派土目土兵巡查。至西藏往來差使及客商過境。令該土司等撥兵護送。倘能實心緝捕。一年之內拏獲數案。及所屬並無搶奪案件者。分別獎賞。如防範不嚴。致財物被竊。除著令營官土司賠繳外。仍奏明嚴處。再口外搶奪仇殺之事。閱時常有。亦責令該土司嚴行管束。嗣後如再犯者。除將兇手正法。並將該土司革職。另行更換。得旨覽奏俱悉。○又奏。各站因軍務告藏。尚有停運子藥火繩等項。臣於催辦報銷之便。查明令該站員等就近運交駐防兵丁臺汛收貯。作為操防之用。再米石一項。前經續派天全清溪兩州縣動碾食穀。運交鑪城米二千三百九十石。又採買米六千三百五十石。運赴出口。以為搭放官弁口糧之需。今軍務已竣。各起官兵進口。此項餘剩米石。飭交裏塘等四臺存貯。將來作為臺米開銷得旨。知道了。

實錄卷之四十一

三十一

實錄卷之四十一

三十一

大清高宗法天隆運至誠先覺體元立極敷文奮武孝慈神聖純皇帝實錄卷之二十四百三十一

大清高宗法天隆運至誠先覺體元立極敷文奮武孝慈神聖純皇帝實錄卷之一千四百三十二

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事務處總辦

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事務處管理刑部戶部五事務

世襲騎都尉軍功加十九級隨帶加二級又加二級臣董誥內大臣戶部尚書鑲黃旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆五十八年癸丑秋七月壬辰朔享

太廟遣豫親王裕豐恭代行禮○癸巳諭軍機大臣曰和琳奏查抄沙瑪爾巴等貨產估變銀六萬四千餘兩又各處莊田每年應得租銀七千一百餘兩遵旨賞給達賴喇嘛足敷每年如綢甲綢番兵等養贍之用無需再從商上增補等語已批該部知道矣此項查抄物產賞給達賴喇嘛以為貼補如綢等口食實屬以公濟公但每年動用若干餘剩若干均應由駐藏大臣覈明分報戶部理藩院以

備稽覈現在藏內值甫經整頓之後是以仍留和琳在彼辦理以資駕馭將來係松筠前往接辦亦屬可信之人但松筠亦不能久駐藏內嗣後接手者豈能盡如伊二人之足資倚任設再有如俘習渾者見此項抄變存公銀兩無所考覈任令達賴喇嘛左右之人從中浮開冒銷甚至通同染指更屬不成事體至達賴喇嘛商上出納前亦有旨交駐藏大臣一體稽察但恐商卓特巴等因官為查察不能任意侵漁藉稱商上用度不敷此則不可現在所添番兵已將抄產賞給支用尚有寬餘至達賴喇嘛用度藏內本有賦稅且各蒙古番衆布施亦復不少即有進益稍少之年亦可裒多益寡如經理得宜自必有盈無絀不至缺乏和琳等惟當留心稽覈也總之藏內諸事節經朕詳悉指示和琳俱能認真遵辦已有端緒仍宜趁此斟酌盡善永遠可遵再交與松筠接辦數年實力奉行俾積習



盡消庶將來更換之人即循謹自守亦可率由舊章不至仍前廢弛方為妥善又另奏停習渾等在藏起程一摺停習渾雅滿泰鄂輝俱因在藏辦理不善致獲重咎伊三人現已省釋來京藏內番俗人等如是賞罰辦理以為何如達賴喇嘛更有何言於此三人中去取若何有無議論並孰為優劣之處亦著訪詢明確東公據實覆奏勿稍迴護將此諭令知之尋奏前將沙瑪爾巴等貨產估變銀兩及每年各處莊田租息遵旨賞給達賴喇嘛後隨即造冊將變產各物備文點交商上並諭令商卓特巴將開除餘剩數目呈報駐藏大臣衙門查覈誠恐商卓特巴等從中侵蝕不無弊竇今於每年報部惟查開墾地畝須俟明年至八九月間始能刈獲應請自明年秋收後每年於十一月造冊報部下部知之○甲午諭昨據鑲藍旗滿洲都統查出黑龍江達呼爾佐領烏林保之缺承襲遲延一案

並將咨送家譜內所載之丑保等係隸何旗一併行查據明亮等查覆丑保等係留住京師在侍衛上行走之人家譜內如未聲明何旗即當行查在京上三旗乃復往黑龍江行查殊屬拘泥再明亮回文至五月內始到亦屬遲延該旗都統及明亮等俱著交部察議○又諭本年熱河滿洲兵丁等射布靶妥善且平素當差均屬奮勉著加恩普賞一月錢糧厄魯特兵丁等亦著賞給一月錢糧以示愛惜鼓勵之恩○諭軍機大臣等據梁肯堂等奏接見噶咭喇使臣情形一摺內稱貢件於六月二十九日即已撥竣該貢使約初四五日經過天津府城遵旨筵宴以昭禮節等語前已有旨令梁肯堂於筵宴後仍回永定河工次俟八月初旬再行照例前來緣該督職分較大若與貢使偕赴熱河該貢使見多派大員護送益足以長其矜傲茲該督遵照辦理固屬甚好至該使臣向徵瑞告稱貢品

內。天文地理音樂表極為細巧。帶來工匠。必須一月之久。方能安裝完整等語。此必係該貢使張大其辭。以自炫其奇巧。安裝尚須一月。則製造豈不更需年歲。該國貢物。八月初旬始到熱河。若安裝一月。即至九月初旬。不但早過萬壽之期。其匠役人等。在此耽延月餘。亦屬不便。況閱所開單內。隨至熱河匠役止有五名。即令此間匠役幫同料理。亦未能即時諳悉。若將此最大之天文地理音樂表運赴京中。亦必須此項匠役隨往安裝。其餘貢品。設有須彼匠人裝飾之處。即運至熱河。無人安設。豈不徒滋勞費。著徵瑞明白詢問。該貢使務令登答詳悉。迅速具奏。候朕降旨指示遵行。至該貢使等前抵天津海口。業經徵瑞多備牛羊等物。傳旨犒賞。今梁肯堂又備物頒賞。並給常平倉米六百石。白麵二千觔。儘足敷用。賞賚已屬優厚。其跟隨貢使前來熱河之官役從人匠役兵丁等。俟至熱河

再當酌量獎賞。至該國貢船。前已准其先回浙江寧波停泊。今所請於寧波珠山地方。指給空地一塊。以便支立帳房。為船內患病之人棲息一節。並著梁肯堂飛咨長麟。遵照妥辦。將此由六百里加緊諭令知之。仍著速行回奏。○乙未。諭曰。福寧係貝子永碩包衣人。但福寧現任巡撫。辦事尚屬妥協。著加恩將福寧一支。入於該鑲藍旗滿洲旗籍。○諭軍機大臣曰。書麟等奏黃河水勢盛漲。各工搶護平穩一摺。此皆

天神垂佑。惟當虔誠拈香敬謝。以答神庥。本年春夏江南一帶雨水稍多。而豫省沁黃二河。亦同時並漲。水勢自必旺盛。前據李奉翰奏。各工防護平穩。今又據書麟等奏。平墊各工。業經搶鑲穩固。清口楊莊各壩。復全行折展。俾暢流下注。自當如此辦理。現在天色幸已晴霽。水勢漸見消動。覽奏稍慰。但伏汎雖過。秋汎方長。著傳諭該督等務宜倍加

敬慎督率所屬小心防範不可稍存大意。俟秋汛安瀾報到再行降旨將該督等及在工出力文武員弁交部議敘也。○又諭曰董椿奏俟盛住到淮交代前往揚州接印任事後即馳赴闕廷陛見等語已於摺內批示董椿若於接印後即前來陛見則兩淮鹽務又交與何人管理此時惟當實力整頓俟諸務辦理妥協再候旨遵行。至該鹽政在淮關監督任內應賠短少盈餘銀兩於調任鹽政後養廉豐厚自當及早繳清毋得稍有遲逾。若借詞措繳賠項遂思需索商人則是自取重戾。穆騰額即前車之鑒也務宜慎之又慎不可稍存高興牟利自貽伊戚將此諭令知之。○丙申諭曰額勒春由巡撫補放侍郎以來尚屬奮勉著加恩賞戴花翎。○諭軍機大臣等昨據梁肯堂等奏喚咭喇國原來船隻未能久泊天津洋面擬先回浙江寧波珠山地方灣泊該貢使懇求命浙省地方官指給空地

李四

王

一塊俾伊等支立帳房將船內患病之人送至岸上暫行棲息並求禁止居民勿上彼船伊亦禁止船內之人不出指給地界之外等語該國貢船因天津外洋不能久泊欲先回浙江亦可聽其自便除該貢使前至行在瞻觀叩祝諸事完竣後即令回浙貢使一到原船便可開行其在寧波珠山地方不過暫時灣泊著傳諭長麟即查照梁肯堂等所奏妥協辦理並飭地方官留心照料固不必過於優待亦不可稍任欺侮其船內及上岸養病之人並當時加查察毋許潛越所指地方滋生事端沿海居民亦著禁止前往該處又前降諭旨以該船回國時應賞一年口分米石於天津酌量賞給外其餘在浙江就近補給昨據梁肯堂奏已在天津兩次傳旨犒賞並賞給米六百石麵二千餘觔儘足敷用毋庸再於浙江補給等語並著該撫酌量若其回洋時仍需米石即傳旨賞給。○戊戌予福建

赴臺換班出洋遭風淹斃福寧鎮外委鄭潮兵丁林叔茂等七名。卹賞如例。○已亥。諭倉場侍郎等奏全漕起卸告竣一摺。前因南糧各幫抵通較早。業將總漕等交部議敘。茲倉場侍郎等於漕船到壩後。即督率坐糧廳上緊起卸。隨到隨收。於七月初五日。已將全漕俱行起竣。較之五十六年無閏之歲。更早四日。辦理尚為妥速。除景安甫經到任外。諾穆親。劉秉恬及坐糧廳俱著加恩。交部分別議敘。以示獎勵。○又諭曰。伍拉納等奏拏獲逸盜審明後。恭請王命正法。其隨同奪犯之黨夥。請發往黑龍江等處。給兵丁為奴等語。此案蘇巧林尊俱係行劫案內。久經在逃之犯。一經拏獲。自應立正刑誅。其林榮一犯。膽敢糾夥持械。砍傷兵役。實屬目無法紀。並著該督等於拏獲後。即將林榮一面正法。一面奏聞。至林清。陳成竟敢聽從林榮。助勢奪犯。雖未拒傷兵役。自應照擬從重發往黑龍江給

兵丁為奴。至該兵役於年久逸盜。留心緝獲。且因奪犯被傷。尚屬可嘉。著該督等酌量給賞。以示鼓勵。○諭軍機大臣曰。伍拉納等奏審明在逃之逸盜。及隨同奪犯之黨夥。分別正法定擬一摺。已明降諭旨。照該督等所擬完結矣。但該兵役等偵見緝捕時。林尊族入林榮撞遇。起意糾夥持械。趕至中途。膽敢砍傷兵役。乘間脫逃。實屬目無法紀。此等黨惡逞兇之途。不可任其漏網。著傳諭伍拉納。浦霖嚴飭所屬文武員弁。將林榮一犯。上緊緝拏。並從前在逃之嚴山等。亦著一併嚴緝務獲。毋任遠颺稽誅。但恐該犯等聞拏緊急。或竄往廣東鄰省。亦未可定。並著郭世勲一體飭屬嚴拏。務獲除就近傳知刑部堂官。將此各諭令知之。○又諭曰。徵瑞奏詢之嘆咭喇國貢使據稱貢品內第一件天文地理大表。安裝實需一月。其第二第三第四第六第九第十一第十七等件。安裝亦需時日。如蒙恩

准留京就留匠役四名在京收拾俟回鑾時即可裝齊呈覽其餘十一件止帶匠役一名赴熱河可以先行呈進等語天文地理大表及第二第三等七件裝飾既需時日均著就近來京以省勞費徵瑞此次過京時可先將此項貢品交金簡伊齡阿於正大光明殿及長春園澹懷堂大殿各分設四件並著徵瑞即傳知該使臣等以大件及安裝需時貢品業經奏蒙大皇帝恩准留京其餘十一件我同爾等送至熱河以遂爾進呈叩祝萬壽之誠大皇帝現駐蹕山莊念汝等久留待貢陞辭有所不忍因此不往木蘭行圍於八月二十一起鑾二十七日到京彼時留京貢品俱已安裝完竣即可呈覽爾等到熱河瞻觀叩祝大皇帝恩賜筵宴八月十六日先令爾等回京所有留京貢品如何檢點裝飾爾等更可親自料理以表爾國誠意如此詳悉傳諭俾知朕格外體卹恩施稠疊該貢使自必

倍加感戴再梁肯堂徵瑞摺內俱稱筵宴時該使臣等免冠叩首等語前據梁肯堂奏與該使臣初次相見敬宣恩旨時該使臣免冠竦立此次摺內何以又稱免冠叩首向聞西洋人用布紮腿跪拜不便是其國俗不知叩首之禮或祇係免冠鞠躬點首而該督等摺內聲敘未能明晰遂指為叩首亦未可定著傳諭徵瑞如該使臣於筵宴時實在叩首則已如仍止免冠點首則當婉詞告知以各處藩封到天朝進貢觀光者不特陪臣俱行三跪九叩首之禮即國王親自來朝亦同此禮今爾國王遣爾等前來祝嘏自應遵天朝法度雖爾國俗俱用布紮縛不能拜跪但爾叩見時暫時鬆解行禮後再行紮縛亦屬甚便若爾等拘泥國俗不行此禮轉失爾國王遣爾航海遠來祝釐納賁之誠且貽各藩部使臣譏笑恐在朝引禮大臣亦不容也如此委曲開導該使臣到行在後自必敬謹遵奉天

朝禮節。方為妥善。特此由六百里傳諭徵瑞。並諭梁肯堂知之。仍即迅速覆奏。○又諭前因啖咭喇貢使回國時。應賞一年口分米石。於天津酌量賞給外。其餘在浙江就近補給。曾降旨令長麟遵照妥辦矣。今節據梁肯堂奏該貢使於筵宴時。再三聲稱。恩賞食物已多。所有米石。只求賞給三百六十石。已足敷用等語。此項米石。是否足敷該貢使等一年口分。抑僅係由天津至寧波一路口食。梁肯堂所奏尚未明晰。著傳諭長麟。將來該貢船回抵寧波灣泊後。在船人役。或向長麟懇求米石。自當仍照前旨。於就近倉貯內酌量撥給。倘來役人等並未懇求。則自天津以至浙江一路賞賚。已屬優厚。米石竟可不必再行撥給也。○又諭巡城御史德璉奏民人趙得用。喊告鋪夥王英。屢次到鋪。與伊徒弟張元兒尋鬧。當即飭役傳喚王英到案。詎王英用刀自行戮傷肚腹等語。王英向趙得用徒弟

尋鬧。不過尋常口角。亦何致被傳到官。遽用小刀自行戮傷。即據張元兒供稱。舊日曾與王英有姦。如果審訊得實。罪止杖枷。亦何至畏懼自戕。其中必另有別情。以及胥役需索凌虐等事。著刑部堂官。將此案犯證。嚴切根究。務得確實情節。定擬具奏。又據提督衙門奏。鑲白旗滿洲護軍泰山之子立柱。於九歲時。被已故民人朱大誘拐至侯大家內。邀同周大。用黑糖茶將立柱迷倒。強行閹割。侯大捏稱親子。賣與誠郡王府。充當太監。現經伊母呈送到案等語。侯大起意。約同周大。給飲立柱黑糖湯。即時迷倒。黑糖湯非迷人之物。顯係暗用毒藥。故能使立柱昏迷不醒。向來用藥迷拐幼子女者。例應絞決。況該犯膽敢誘騙滿洲幼童。閹割畧賣。情罪尤重。著刑部堂官審明後。從重定擬斬決。以昭炯戒。至立柱之父母。因子迷失。曾報明有案。況伊子被人閹割畧賣。情殊可憫。即立柱年甫九齡。

被誘閹割亦無不是俱無庸追問立柱係屬滿洲既被閹割祇可於定案後送交內務府照例派撥內廷當差將此傳諭知之○又諭前因蔡攀龍奏報收成分數於出洋會勘一事並未提及傳諭該鎮實力秉公查察毋得再行推諉取咎茲據蔡攀龍奏稱於六月十五日趕站前往等語從前道員梁羣英奉派出洋赴東會勘蔡攀龍派委遊擊王良駿隨往但究係該道主政是以止將梁羣英革職治罪今既改派蔡攀龍前往會同山東登州鎮總兵恩特赫默出洋會勘蔡攀龍此次如果能帶同事主船戶舵工人等將各案失事洋面地方孰為江南所轄孰為山東所轄逐一秉公確指不少存迴護遷就之見其自請嚴議處分尚可將功折罪若既已推諉於前復不能實力查辦定將該鎮等重治其罪至書麟奇豐額吉慶均係封疆大臣於此等海洋盜劫重案尤宜秉公協力查辦方為不負

委任斷不可稍存畛域為屬員規避處分地步自取咎戾將此各傳諭知之○庚子命戶部左侍郎松筠充國史館纂辦蒙古王公表傳副總裁○辛丑

孝懿仁皇后忌辰遣官祭

景陵○諭曰惠齡奏明正土司甲木叅諾爾布此次在打箭爐首站辦理烏拉運送軍需最為捷速請將所屬辦差出力之大頭人三名酌賞翎頂等語甲木叅諾爾布此次雇覓烏拉轉運軍儲實屬辦理迅速無誤軍行著加恩賞給龍緞一疋閃緞一疋大荷包一對小荷包四個以昭獎勵其所屬辦差出力之大頭人策旺納穆札勒格宗敦珠克班珠爾朋楚克俱著賞給六品頂戴藍翎用示推恩下逮之意○諭軍機大臣等本日奏承恩奏陝西咸寧長安等處雨水未能霑足現在設壇祈禱等語前據該撫於六月三十日由驛奏報陝西通省於六月二十三十四五等日得雨



深透及三四寸不等。本日所奏之摺。係六月二十三日。差人齎送。轉到在後。是以尚稱得雨。未能需足。但該省自六月下旬得雨之後。是否實在深透。農民仍否望澤。及與秋禾有無妨礙。將來不致成災之處。著一併據實速奏。毋得稍存諱飾。將此由四百里諭令知之。○改奉天府海城縣午莊巡檢為繁缺。錦州府廣寧縣新民屯巡檢為簡缺。從盛京刑部侍郎管理奉天府尹宗室宜興請也。○壬寅

諭據恒秀奏。發遣為奴人犯羅老五于季文赴山砍柴未返。現派弁兵緝拏等語。羅老五等砍柴未返。自係脫逃。著派委幹員嚴緝務獲。至此等發遣人犯。給與兵丁為奴。即就近嚴加管束。尚恐乘間潛逃。況遠使赴山砍柴。尤易藏匿。並著恒秀嗣後遇有此等人犯。務須曉諭各該家長。令其就近役使。勿許遠出以防竄逸。○諭軍機大臣等。昨據譚尚忠面奏銅廠情形。復令軍機大臣詳加詢問。據稱

雲南各廠近年以來產銅豐旺。若不官為收買。恐啟鑛戶等私賣盜鑄情弊。且各廠每年豐歉不齊。亦須趁此豫為購備。更可源源供運。但正銅額價止有此數。不敷收買額外銅斤之用。曾與富綱費淳商酌。以應加請工本以資接濟。現在富綱等詳細查明。續行具奏等語。此項加買額外之銅。共若干斤。現在分貯何處。而派撥工本後。設遇廠銅歉產之年。所添銀兩不妨作為下年之用。著傳諭富綱即率同藩司通盤核算。據實具奏。以便交部核議。○命光祿寺少卿初彭齡提督湖北學政。○癸卯。諭軍機大臣曰。徵瑞奏喚咭喇使臣等。深以不嫻天朝禮節為愧。連日學習。漸能跪叩。徵瑞隨時教導。俾臻妥善等語。該使臣等奉伊國王差遣。遠來祝釐納貢。其敬奉天朝。自係出於至誠。斷不敢稍愆禮節。致蹈不恭之咎。瞻觀時。自必能恪遵儀節。至貢品內第七件第十五件。既較為沉重。山路難行。



自應一併留京俟回鑾時隨便觀覽。徵瑞帶同貢使將貢物起撥。擡送至圓明園。暫令貢使人等在宏雅園居住。俟貢物普行檢看齊全。將應行留京者。交代金簡。伊齡阿分別安設。其第一件天文地理大表。安裝後既難再行拆卸。正大光明殿澹懷堂皆係正殿。自未便陳設不移。徵瑞係圓明園出身。伊齡阿又係現管。著徵瑞即向伊齡阿商酌。揀擇園內寬廠坐落地方數處。於何處可以安設此項大件。即繪圖貼說呈覽。以便指示辦理。將此諭令知之。○旌表守正捐軀熱河駐防馬甲丕祿保妻葛氏。甲辰諭。嘆咭喇國遣使航海遠來。祝禧納賁。照向例令監副索德超。前來熱河照料通事帶領。著賞給三品頂戴。至索德超業經加恩。所有監正安國寧。亦著一體賞給三品頂戴。其索德超帶同前來之西洋人賀清泰等。俱著加恩賞給六品頂戴。○諭軍機大臣曰。奇豐額覆奏從前琉球遭風

難夷船隻漂至崇明。經撫臣長麟委員勘估。計船板變價銀三百餘兩。濕米每石一兩。此次遭風難夷潮濕粟麥。仍照一兩給價。其船料照上次增估銀一百兩等語。各省奏報糧價。原不能盡歸覈實。即如每米一石。估銀一兩。似此價值。京城固無從糴買。即江浙等省出米之鄉。市價亦不能如此平減。至海船船身高大。即係拆板。又豈止值銀三四百兩。此次經奇豐額飭令加估銀兩。尚止有此數。則從前地方官任意少估。短給價值。其弊更不可問。外夷船隻遭風漂至內地。自當格外矜恤。於照值變價外。再與便宜。方為懷柔遠人之道。豈可轉有短少。若地方官漫無查察。復任吏胥人等。從中剋扣侵漁。日引月長。尤屬不成事體。著傳諭沿海各省分督撫。嗣後遇有此等遭風難夷船隻。應行估變物件。務飭屬寬為給價。不可復有短估剋減等弊。以副朕施恩遠夷體恤周詳至意。○乙巳諭軍機

大臣曰。李奉翰等奏。六月內大雨連綿。沁丹二水並漲。水勢高於民堰。以致河內縣南岸馮莊地方。民堰漫溢五十八丈。李奉翰等即馳赴該處。會同勘辦。已經堵築等語。沁丹二水。同時長發。以致河內縣民堰漫溢五十餘丈。幸而水勢由方陵地方。仍歸沁河。不致泛溢。且據穆和蘭查明人口。並無損傷。但該處民田。猝被水淹。雖堰工現已堵閉完固。而低窪處所。秋禾究恐不無淹浸。著傳諭該撫。即

奉  
上  
聖  
旨

奉  
上  
聖  
旨

查被水之處。是否不致成災。據實具奏。不可稍存隱飾。如有應行撫卹者。即董率所屬。實心妥辦。勿使一夫失所。至河內縣堰工。雖例應民修。第該處村莊田畝。現已被淹。如竟成災。復將補築堰工銀兩。照舊攤徵歸款。民力恐致拮据。並著該撫據實奏聞。候朕加恩豁免。准其開銷官項。○又諭。前據徵瑞奏。帶同喚咭喇貢使。於初十日已抵通州。計此時該貢使業已到京。所有貢品。途次係分箱起運。

難於開看。今既到園。自可逐件檢視。前據該貢使稱。第一件天文地理表。一月之久。始能裝成。安裝後。即不能復行拆卸。其言實不足信。該國製造此件大表時。製畢之後。自必裝飾成件。轉旋如法。方可以之入貢。若不能拆卸。何又零星分裝箱內。載入海船。又由大船改換小船。復自通州陸運至京乎。況正大光明殿澹懷堂。皆屬正殿。固不便常川安放。即其餘寬敞殿座。亦俱有陳設。必待回鑾後。親

奉  
上  
聖  
旨

奉  
上  
聖  
旨

加指示。將陳設移開。方可安放。且現有該國匠役在園內裝飾。若不趁此時。將如何裝卸之法。豫為留心學習。得其竅要。將來該匠役回國後。不特不能移動。倘其中樞紐稍有損壞。又用何人修理。豈不竟成棄物。所有安裝不能拆卸之說。朕意必無其事。自係該貢使欲見奇巧。並表伊國王誠敬之心。故為矜大其詞。而徵瑞不免為所炫惑。現在徵瑞早與金簡伊齡阿會晤。著交伊三人即帶同在京

通曉天文地理之西洋人。及修理鐘表好手  
首領太監匠役等。於該國匠役安裝時。盡心  
體會。必盡得其裝卸收拾方法。庶該處匠役  
回國後。可以拆動那移。隨時修理。方為妥善。  
將此諭令知之。○丙午月食。中元節。

上詣

永佑寺瞻禮。○遣官祭

永陵。

福陵。

實錄卷一百一十

十一

昭陵。

昭西陵。

孝陵。

孝東陵。

景陵。

泰陵。

泰東陵。○遣官祭

孝賢皇后陵。

端慧皇太子園寢。

大清高宗法天隆運至誠先覺體元立極敷文  
奮武孝慈神聖純皇帝實錄卷之二十四百三十二

實錄卷一百一十

十一

大清高宗法天隆運至誠先覺體元立極敷文奮武孝慈神聖純皇帝實錄卷之一千四百三十三

監修總纂官太子太傅文淵閣大學士文淵閣領侍衛內大臣稽察欽奉 上諭事件處管理

吏部理藩院事務兵部旗滿洲都統世襲騎都尉副都統加七級隨帶加一級尋常加二級軍功紀錄一次臣履歷

總纂官經筵講官太子太傅文華殿大學士文淵閣領侍衛內大臣稽察欽奉 上諭事件處管理刑部戶部工部事務

世襲騎都尉副都統加十九級隨帶加二級又加二級臣董福內大臣戶部尚書蘇麟滿洲都統某功紀錄五次

尋常紀錄十四次臣德琳經筵講官太子少保工部尚書紀錄六次臣曹振鏞等奉

牧修

乾隆五十八年癸丑七月丁未諭據圖桑阿

等奏稱患病告休之土默特參領伊什多爾濟現已病痊請先以佐領補用等語向例遇有告病人員病痊後如無過犯者俱以原官補用該員如有過犯即佐領亦不應補今伊什多爾濟病痊起復乃欲以佐領先用再補參領與例不符伊什多爾濟著照例仍以參領補用○諭軍機大臣曰吉慶奏喚咭喇貢船三隻回至廟島候北風順利即開行前赴浙江定海據該夷官呈出轉寄伊貢使西洋字

書一封其通事稟稱內係詢問貢使此項船隻是否停泊定海縣靜候同回抑或遇北風順利即先歸國等語所有西洋字書一封即著發交徵瑞轉給該使收閱現在該國先回船隻尚待貢使覆信再定行止並著徵瑞告知貢使如有覆信即送交徵瑞處遇便具奏以便發交該管船夷官遵照將此諭令知之○豁除江蘇丹徒縣坍江田地六十三頃三十五畝有奇安徽潛山縣沙壓田地一千三百畝有奇額賦○予廣東出洋捕盜遭風淹斃之香山協左營千總陳志勇兵丁梁廷漢等二十八名卹賞如例○戊申諭軍機大臣曰惠齡奏各州縣撈獲沉溺銅船數目一摺內稱嚴飭多雇水摸設法打撈務期有獲等語銅鉛質重沉溺水中不能漂動既可打撈斷無不能全獲之理皆由水摸人等捏稱水深溜急僅撈少許聊以塞責俟事過無人看管之時復潛行撈取盜賣而地方官及委員

人等。因水底無從查考。亦遂任其飾詞捏報。以致沉失銅鉛。往往不能全數撈獲。其弊皆由於此。但水摸私獲銅鉛。必須變賣銀錢。此等水摸。皆係窮民。若一時遽有銅鉛銷售。斷不能掩人耳目。地方官果留心查察。無難立時究獲。止須緝獲一二名。根究同夥。如何潛匿偷撈情弊。懲一儆百。其弊無難逐漸斷絕。於打撈銅鉛。自為有裨。著傳諭該督務飭所屬及委員人等。遵照認真辦理。有治人。無治

法。毋得視為具文。○又諭曰。惠齡奏二月分撈獲沉溺銅鉛數目一摺。內稱銅鉛價值懸殊。今據報撈獲數目。往往鉛多於銅等語。此非弊而何。銅價比鉛貴至數倍。其為水摸人等。因銅觔可得重值。故意少撈。以為潛行盜賣地步。情弊更屬顯然。但此等水摸。其潛行撈取銅觔時。不能久伏水中。必須登岸。苟能於濱江一帶。嚴密躡緝。無難人銅並獲。況所撈之銅。非向各鋪戶銷售。無由變賣銀錢。但

地方官僅向鋪戶查問。亦不能絕其弊端。蓋緣此等水摸偷賣之銅。其價自必較賤。鋪戶方樂為收買。從中漁利。豈肯自行呈首。仍屬有名無實。總在地方官平日留心。密為查訪。倘遇有屢次持銅到鋪戶變賣。形迹可疑者。即行拘獲究辦。若水摸與鋪戶通同一氣。則鋪戶即屬窩家。亦當根究如何潛匿偷撈。及代為銷售情弊。懲一儆百。其弊自當逐漸斷絕。不思所以杜弊之法。朕豈能向沿江各州

縣逐加曉諭。耳提面命乎。著將此傳諭惠齡。並諭沿江督撫知之。○己酉。諭曰。吉慶奏上年被旱之德州等處。及毗連歉地之堂邑等州縣。應徵舊欠錢糧倉穀。及借給口糧帶徵漕米等項。請分別緩徵等語。本年東省雨澤調勻。秋成豐稔。小民自必踴躍輸將。第念上年歉收之後。民鮮蓋藏。若將各年新舊錢糧漕米。同時並徵。未免稍形拮据。所有上年被旱之德州。德州衛。平原。恩縣。武城。夏津。邱縣。

臨清高唐館陶歷城齊河禹城陵縣臨邑德平聊城茌平博平清平莘縣濮州范縣觀城海豐樂陵霑化等二十七處並與歛地毗連之堂邑冠縣荷澤朝城惠民陽信商河濱州利津章邱齊東濟陽長清東阿陽穀壽張等十六州縣及坐落衛場除五十六七兩年應徵之項照舊徵收外其五十五年以前應徵舊欠錢糧倉穀籽種口糧麥本河銀等項著加恩分作五十八五十九兩年帶徵再平度樂安壽光昌邑濰縣五處本年春間低窪地畝間有被淹其舊欠銀穀民佃竈課及本年借給口糧銀米亦著緩至五十九年麥收後啟徵至額徵帶徵及應行買補漕米為數稍多若一時並徵採買米價恐致增昂於閭閻口食不無妨礙除本年額徵漕米並五十五六兩年帶徵漕糧照舊徵收外其帶徵五十七年漕糧六萬七千九百餘石亦著加恩緩至五十九六十年輸納其買補截漕米石

並著於本年起分作三年採買搭運俾民力益資寬裕以副朕軫念民艱有加無已至意該部即遵諭行○又諭熱河自七月初八日得雨以後旬餘未經續霽釀膏連日暑氣鬱蒸京城想必更甚雖現在莊稼將次刈獲直隸山東各省已俱奏報豐收即雨澤稍缺於農田固無妨礙但目下業過處暑出伏而頻畝未退恐民間不免有蘊蒸致疾之處朕心望澤孔殷因思清理庶獄可期感召甘霖著刑部堂官查明徒罪以下各案情罪較輕者分別減等發落其緣事牽涉拘繫候質者亦速行訊明省釋至尋常案件並著即行完結毋得稽滯以迓甘和該部即遵諭行○諭軍機大臣等此間自入秋以來天氣暑熱較夏令更盛而初八日得雨以後旬餘未經續獲釀膏想京師人煙湊集自必更熱小民等或因溽暑蘊蒸間有疫病亦未可定朕心深為廑念著留京王大臣留心查察據實具奏至

京師前經順天府奏報。於十三日得雨後。日來曾否續得甘霖。亦著一併覆奏。以慰屢注。將此諭令知之。○以故喀喇沁扎薩克鎮國公丹津達爾扎子永庫爾忠。降襲輔國公。○庚戌。諭。據觀音保奏。古北口防禦錫靈阿。同把總李光。拏獲寧古塔逃犯曹開旺。現委署領催津巴。解送刑部等語。口上官兵拏獲逃犯高屬留心。著觀音保即將錫靈阿。李光酌量獎賞。至此犯若係津巴拏獲。又委令解部。亦屬奮勉。著以應陞之缺陞補。並酌賞銀兩。以示鼓勵。倘非津巴拏獲。或已給予盤費。即毋庸另賞。○辛亥。諭。前因各省士子有肄習坊間刪本經書一事。降旨令各督撫嚴行查禁。將此項刪本起出。解京銷燬。節據該督撫等陸續查繳。但恐日久懈弛。不可不再申厲禁。以端士習而崇實學。夫經籍自孔子刪定。豈容後人妄為芟節。皆由不通士子。或落第之人。不能通經致用。遂以弋名之心。轉而弋

利。往往於經書內避去諱用語句。任意刪減。或標寫擬題。以為庸陋士子場屋揣摩之具。而坊間即為刊刻傳播。彼此沾潤。此等貪鄙之見。不特非讀書上進者所為。亦且有玷士林。自慚名教。各督撫當飭屬留心查辦。使若輩知所儆懼。自不敢復蹈故轍。而坊間既無此種書本。亦無從刊布漁利。況六經為聖賢垂教之書。字字俱有精義。乃竟臆為揀擇。作此刪本經書。而踰進之士。又欲於糟粕之中。

另標捷徑。不但失前聖立言之意。於士風亦大有關係。想自用制義取士以來。或即有此項刪本經書。亦非起於今日。然不清其源。安能禁其流之不滋甚耶。該督撫若以此次查繳之後。即視為具文。弛其禁令。則牟利書坊。又復漸行出售。輾轉流傳。終難盡絕。嗣後仍著落各省督撫。嚴飭所屬認真查禁。並將繳過刪本經書數目。及有無傳習之處。三年彙奏一次。俾士各通經。文風振作。以副朕敦崇經



學。整飭士風至意。○諭軍機大臣曰。秦承恩覆奏。陝西通省自六月下旬暨七月初一日。連得透雨。渠井充盈。實於秋禾大有裨益等語。覽奏欣慰。陝省既已普得甘膏。收成自可望豐稔。惟是本年秋禾約收分數。如福建。湖北較遠之省。已據該督撫陸續奏報。陝西距京較近。何尚未奏及。想該撫進京展覲。於起程時。業經交與和寧查辦。著傳諭秦承恩。接奉此旨。即迅速行知和寧。將秋禾約收分數。

據實速奏。勿稍遲延。○又諭曰。金蘭等奏。十八日帶同喚咭喇貢使。至正大光明殿瞻仰。據該貢使告稱。天文地理表。週圍約一丈。高不過一丈五尺。其餘物件。較為減小。天朝殿宇宏大。即將應行留京之貢品八件。全分安設殿內。寬然有餘等語。總不出朕所料。該貢使等從未觀光上國。其前此向徵瑞稱貢品高大。原不免誇張其詞。茲一見天朝殿宇。輝煌壯麗。即以為儘容全分。現在該國匠役。留於

京城者。止有六人。若令分投安裝。轉難迅速集事。自當將此八件一併在正大光明殿安設。又據奏現派出西洋人。及修理鐘表之好手首領太監匠役等。於該國匠役安裝天文地理表時。眼同學習等語。此本是易事。所有安裝不能拆卸之說。竟係徵瑞為貢使之言所嚇。遂不免心存惶怯。前經降旨。未據覆奏。著徵瑞即遵前旨。詢明。據實奏聞。又據和珅奏。欽天監監正安國寧。監副湯士選。及四堂西洋人羅廣祥等十名。懇准赴園。於該國匠役安裝貢品時。一同觀看學習等語。此亦甚好。多一人。即多一人之心思。安國寧等既情願前往。自應聽其隨同觀看學習。尤可盡得其裝卸收拾方法。庶將來該國匠役回國後。可以拆動那移。隨時修理。更為妥善。將此諭令知之。○甲寅。諭嗣後本內。遇有外省災荒。蠲緩應免銀兩。在三百兩以上者。仍照舊票擬速議。其三百兩以下者。祇須票擬該部議。



奏毋庸仍票速議字樣。此次即遵照辦理。○諭軍機大臣等。本日陝西省題報二麥收成分數。閱本首摘叙事由。又稱夏禾收成。分數向來惟大田秋稼始稱為禾。今該省題報麥收。何得又牽扯夏禾字樣。此皆由秦承恩叙事不能明晰。恐各省亦有似此題報者。著傳諭各該督撫。嗣後彙報收成分數時。務須留心檢點。將麥秋大田。分晰題奏。毋得牽混繕寫。以致眉目不清。○予出師廓爾喀陣亡護

軍統領都統銜台斐英阿。祭葬如例。謚果肅。○乙卯

上御卷阿勝境。賜扈從王公大臣。及蒙古王貝勒貝子公額駙台吉等食。至己未。皆如之。○諭軍機大臣曰。徵瑞奏。詢之噶咭喇貢使。稱船內衆人。不服水土。可令先回本國。徵瑞思夷船無先回之理。應否勅下浙江撫臣。令管船夷官。即在定海縣停泊。靜候同回等語。所奏糊塗已極。竟是該鹽政無福。以致識見如

此昏憤。試思貢船之內。所留官員兵役及舵水人等。尚不下六七百人。在浙久駐。供應浩繁。伊既情願先回。豈不所省實多。徵瑞何計不及此。所有不令先回一節。若已向貢使告知。更屬不成事體。著傳諭徵瑞。將曾否告知之處。據實覆奏。勿稍隱飾干咎。如未向告知。尚屬徵瑞之幸。著即將貢使送到覆信。迅速具奏。以便飭交長麟。傳知該國管船夷官。聽其先回本國。又據奏。照料貢使等由京前赴

熱河。貢使等自應住宿民房。其貢件可否於行宮朝房內安放。以昭慎重等語。所奏尤屬拘泥。貢件既在行宮朝房安放。其貢使等何必又令住宿民房。沿途行宮。如膳房軍機直房等處。皆可住宿。貢使與貢品同在一處。豈不更有照應乎。至徵瑞護送噶咭喇國貢使自天津至京。途次係伊一人照料。是以令伊一人出名覆奏。今徵瑞早已到京。與金簡伊齡阿同在一處。自應連銜具奏。何以此摺僅係

徵瑞一人列名單奏。實屬拘泥糊塗。可鄙可笑。況金簡伊齡阿係內務府大臣。徵瑞是其屬員。同在一處辦事。何得稍分彼此。或徵瑞因此次喫咕喇國貢使。係朕特派伊照料。竟以欽差自居。遂爾目無金簡伊齡阿二人。是以不與會銜。或金簡伊齡阿因徵瑞係內務府司員。不屑與之連銜。二者必居一於此。此等卑鄙之見。實屬內務府下賤習氣。真不值一噓也。再該國匠役。既在圓明園上緊安裝。

此數日內。派出西洋人。及首領太監等留心學習。自必得有領會。乃徵瑞此摺。仍未將該國匠役。如何裝飾。及西洋人。並首領太監。在旁觀看。是否得其安裝方法。大概情形。逐一奏明。豈徵瑞之意。以此事非伊承辦。欲待金簡伊齡阿二人。另行具奏乎。殊為不解。金簡伊齡阿。徵瑞。均著傳旨嚴行申飭。並令伊三人。即將指出各情節。迅速於明日詳細覆奏。毋得含混遲延。致干咎戾。再貢品內。地球地

球二種。現在乾清宮。寧壽宮。奉三。無私處俱有陳設之。地球地球。較該國所進。作法是否相仿。抑或有高低不同之處。並著金簡等一併覆奏。將此由五百里各傳諭知之。○丙辰諭。據穆和蘭覆奏。查明河內武陟二縣。被水情形。酌籌撫卹一摺。內稱該二縣被水之處。地止一隅。高處田畝全無妨礙。即低窪之處。高粱尚可收。惟秋禾雜糧等項。間有傷損。請量為撫卹等語。河內武陟係連年積歉之

區。今秋禾猝被水淹。小民生計不免拮据。所有各該村莊坍塌草房。每間著賞給修費銀五錢。無力貧民。賞給一月口糧。其酒出地畝。實在無力之戶。每畝借給籽種銀兩。以資接濟。其各該村莊應完新舊錢糧。並節年借欠銀數。應於五十八年秋後徵收者。著緩至五十九年麥熟後開徵。應於五十九年麥後開徵者。著緩至五十九年秋熟後開徵。其五十七年緩徵之漕糧。著展至五十九年帶徵。本

年新漕。緩至六十年帶徵。所有豆麥。俱照舊例。在於通縣及隣縣應徵粟米內。改徵起運。以紓民力。又該撫奏稱。該二縣堰工。例應民築。民修。遇有修築。准其動項。共用工料銀九千八百九十兩。請分作五年攤徵還款等語。該工雖例應民修。但該二縣係積歉之區。且猝被水災。民力更形竭蹶。所有此次漫溢堰工。應行修築銀兩。著加恩准其官為堅實補築。開銷。以示體卹。該撫務須徧貼謄黃。咸使聞知。並督率所屬實力妥辦。俾小民均霑實惠。不致一夫失所。毋任胥吏從中侵冒。以副朕軫念災黎。有加無已至意。該部即遵諭行。

○諭軍機大臣等。昨徵瑞奏。嘆咭喇貢船不令先回各節。已嚴行申飭矣。降諭後。朕反覆思維。竟不解其何故。該貢使等航海遠來。獻賁祝嘏。固應加之體卹。其在浙停留船隻。如該貢使自欲等候。自不便強令先回。今該貢使因船內人眾不服水土。欲令先回本國。正

可聽其自便。何必轉相阻止。可令金簡伊齡阿。徵瑞三人。同向貢使傳知。以徵瑞不令爾到浙貢船回國一節。業已奏聞大皇帝。以徵瑞所言不合。加以嚴飭。爾等既因船內人眾不服水土。自應先回本國。不必在浙停泊久候。此係汝曉事。所言甚好。大皇帝聞之。甚以為當。如是明白諭知。並令該貢使。即將令貢船回國覆信寫就。交與金簡等轉奏。以便由驛飭交長麟。轉給遵照。先行回國。再該國船內官員兵役人等。如前已俱到京城居住。以見人數眾多。不令先回。尚屬有因。今貢船業已到浙。即有數萬人。亦與京師無涉。徵瑞此舉。實令人索解不得。若徵瑞已經告知貢使。接奉此旨。又欲掩飾前非。捏稱尚未告知。欺飾之罪。更不可逭。徵瑞諒亦不敢自蹈重戾也。至前據金簡等奏。貢使到圓明園後。所有應行留京貢品。金簡伊齡阿照料。即在正大光明殿。安裝陳設。徵瑞即帶同貢使。於二十

日進城居住。將運送熱河貢件。開箱檢點。再行照料前來等語。是該鹽政之意。已將正大光明殿安裝各物。交與金簡伊齡阿專辦。與伊無涉。如此。則昨日將安裝各件。繪圖進呈。自應聽金簡伊齡阿出名。或三人同奏。何以又係徵瑞一人獨奏。更不可解。嘆咭喇貢使在天津起旱。是以派徵瑞就近照料前來。乃徵瑞因途次係伊一人經理。遂自謂莫大之功。竟如福康安平定廓爾喀之勞績。懋著者然。遂爾志得意滿。以欽差自居。而金簡伊齡阿亦以徵瑞承辦此事。不日可冀仰邀恩擢。與之比肩。心懷猜妬。從旁觀望。不置一詞。金簡身任尚書。伊齡阿身任侍郎。均為卿貳。乃尚不脫內務府下賤。不堪惡習。實屬可鄙可笑可恨。再該國匠役在圓明園上緊安裝。節經降旨垂詢。伊三人亦應據實速奏。何以始終默無一言。金簡伊齡阿徵瑞著再傳旨嚴行申飭。仍著遵照昨降諭旨。迅速覆奏。毋再

含混遲延。致干咎戾。將此由六百里加緊諭令知之。○漕運總督管幹珍奏。川楚豫東安徽各省。及江南鎮江常州松江總運廳員。均於水次派押幫船。徑抵通州交卸。惟蘇州太倉三十一幫。分設總運丞倅二員。自水次分押赴淮。另行更派抵通。中途紛更。官不識丁。糧不經手。丁舵等見非原官。意存朦混。遇事推諉。且沿途交換。不無停待逗留。請令蘇州太倉總運二廳員。一管長洲元和吳縣常熟昭文吳江震澤糧船。一管太倉鎮洋嘉定寶山崑山新陽糧船。所有自水次至通壩一切兌運各事。責令一手經理。如有米色不純。及沿途盜賣攙和等弊。惟該押運廳員是問。得旨。所奏是。著照所議行。該部知道。○丁巳。諭軍機大臣曰。陳淮奏南康府屬之安義縣。南昌府屬之靖安縣。於七月初一二日。因遇大雨。山水陡發。灌入縣城。倉廩被水浸濕。城垣均有塌卸。當即親往該二縣查勘。妥為撫卹。

等語。所辦俱妥。至其被淹地畝。水勢消退後。趕緊補種。是否尚可。有收。並著查明具奏。又據奏濱江沿湖之南昌。新建等十縣。亦因上游水發。窪地間被漫淹。現飭司道查勘等語。南昌新建等縣。被水淹漫情形。雖較安義靖安二縣為輕。但其濱近江湖。低窪地畝。所有田禾。究不免衝刷傷損。如有應行撫卹之處。並著該撫督率地方官。詳悉查明。一體妥辦。俾被水民人。均資接濟。毋使一夫失所。以副

朕厯念災黎至意。將此諭令知之。尋奏查安義靖安二縣。農民借得籽種。修費銀兩。趕緊挑復。補種晚禾。可與高田一體有收。無需查辦。其南昌新建等十縣。及續報之建昌瑞昌二縣。房屋人口。並無損傷。不致成災。但水消遲緩。節逾白露。補種不及。民力未免拮据。先經奏懇借給口糧籽種。並將錢糧緩徵。被水農民。已邀殊恩。稠疊。均不致失所。無庸再加撫卹。報聞。○戊午。

上御卷阿勝境。緬甸國正使密渺莽納那牙他副使密渺南達覺蘇細於南達梅濟蘇等三人入覲。並同扈從王公大臣及蒙古王貝勒貝子公額駙台吉等賜食。○諭曰。戈源奏歲試情形一摺。內稱考過各府文風。平陽潞安兩府為下。緣坊間刻有不知姓名文字。稱為引蒙易知。學文正法。童子升階。一說曉。三十藝。二十藝等名目。通套鄙陋。隨題可鈔。山僻小縣。師傳弟受。以致性靈汨沒。現在嚴行飭

禁。不准書賈售賣。並不許生童存留等語。前因各省士子。有肄習坊間刪本經書一事。屢經降旨。令督撫等認真查禁。陸續收繳。三年彙奏一次。並將查出刪本解京銷燬。以端士習。而崇實學。各省坊賈。自不敢復蹈故轍。再為刊布流傳。今戈源查出引蒙易知等鄙陋書本。自可歸入查禁書內。一體辦理。俾不致轉相傳播。又何必為此紛擾瑣屑耶。況各省山僻小縣。庸陋士子。不能通曉文義。以此等

淺近文字。轉相傳習。於衡文取士之道。亦無關礙。若似此繁瑣飭禁。轉使士子無所適從。而胥役等以查禁為名。不免藉端滋擾。是欲去一弊而轉滋十弊。於士習文風。有何裨益。此事惟在各省督撫學政。隨時留心。督率查察。毋使刑節陋本。刊刻流傳。俾士各通經。文風振作。仍不得過為繁瑣。以致擾及坊肆閭閻。方為妥善。將此通諭知之。○又諭曰。保寧等奏。陸續拏獲罪人徐文林等四名。業經審明。俱行正法等語。此等人犯。俱係內地重犯。免死發遣之人。在伊犁仍不守分。或行竊。或脫逃。情殊可惡。新疆一切事務。均須從嚴辦理。庶衆始知敬畏。今保寧將徐文林等四人拏獲。即行正法。尚屬合宜。嗣後即照此決斷辦理。又另片內稱。嗣後此項罪人。拏獲正法後。應無庸節次奏聞。請按季彙奏一次等語。在保寧之意。恐此等事涉繁瑣。思圖簡易。但朕辦理天下庶務。宵旰勤求。未嘗稍有厭倦

之處。今每事具奏。各處駐劄大臣等。尚有不實心出力。奮勉辦事之人。若改為按季奏聞。因而疎慢成風。必至因循廢弛。關繫甚大。著保寧嗣後仍照前按事奏聞。朕實毫無倦厭也。新疆一帶。併著遇便通諭。○又諭。據保寧奏。將拏獲偷竊察哈爾馬匹之哈薩克博推等三犯。審明後。即行正法等語。哈薩克等膽敢偷竊察哈爾馬匹。情殊可惡。保寧將博推等拏獲。審明後。即行正法。所辦甚當。此次布克申委官伊什珂。詢知察哈爾德勒圖等失馬。即行帶兵跟尋。將賊犯馬匹俱行拏獲。實屬奮勉。伊什珂著以應陞之缺。即行坐補。仍賞大綬二匹。以示鼓勵。至追獲被竊馬匹。例應入官。但伊等究係窮兵。恐於生計失當。嗣後此項被竊馬匹牲畜。拏獲後減半給與失主。如此。既足以示本身馬匹不留心巡守者戒。而於伊等生計。亦不致失所。德勒圖所失馬匹。即照此辦理。○諭軍機大臣曰。俞金鰲

覆奏病勢情形。前因該提督自上年患病以來。迄今為日已久。是以降旨詢其近日精神若何。於一切營伍事宜能否照常辦理。令其據實覆奏。今據奏稱兩膀兩腿仍覺軟弱。行動吃力。是該提督病勢難望驟痊。俞金鰲久任提督。平日尚為出力。不忍因其偶爾患病遽加擯置。但湖廣提督管理南北兩省營伍事宜。訓練操防。均關緊要。亦未便任其因循調養。致滋貽誤。該提督近日病勢及辦事究竟若何。何以未據畢沅奏及著傳諭畢沅。即察看俞金鰲近日精神若何。若果難望即愈。於辦理營伍事宜。不無貽誤。即行據實覆奏。毋得稍涉瞻徇。致滋貽誤。○又諭前據吉慶奏。喚咭喇夷官呈出轉寄伊貢使西洋字書信一封。當即將書信給該貢使收閱。茲據金簡等奏。遵將該夷官信交給貢使閱看。並呈出西洋字覆信一封。懇請轉發等語。著即將該貢使覆信。發交長麟轉給該夷官收明。遵

照先行回國。毋庸等候貢使同回。將此由五百里諭令知之。並著將該夷官等接信後。於何日放洋開行回國之處。迅速覆奏。○己未上御卷阿勝境。青海多羅郡王納罕達爾濟多羅貝勒德哩巴勒珠爾頭等台吉吹忠扎布等三人入覲。並同扈從王公大臣。及蒙古王貝勒貝子公額駙台吉等賜食。○諭前據李奉翰等奏。黃河水勢安瀾。工程鞏固。茲又據書麟等奏。立秋後黃河水勢。旋長旋消。工程平穩等語。本年春夏江南一帶雨水稍多。而豫省沁黃二河。亦同時並漲。經該河督等督率廳營。晝夜防護。現在已屆白露。埽壩工程一律平穩。慶慰安瀾。書麟。蘭第錫李奉翰穆和蘭。俱著交部議叙。其在工出力人員。亦著該督等一併查明。咨部議叙。以示鼓勵。○庚申。軍機大臣等奏。改擬蘇凌額商同民人。偷砍鳳凰城沿邊木植。頂撞本官一案。得旨。此案蘇凌額。身係旗人。膽敢商同民人。偷砍沿



邊木植。經本管官拘拏責處。輒敢頂撞。將掛鈕格落。實屬強橫藐法。竟與拒捕無異。該將軍等擬發烏魯木齊。不足示儆。應照擬改發伊犁。充當苦差。仍重責八十板。於犯事地方枷號一年。滿日發遣。以為旗人抗橫不法者戒。楊耀先首先起意。糾約多犯。偷砍木植。情殊可惡。該將軍等僅擬滿流。亦屬輕縱。應照擬改發烏魯木齊。給兵丁為奴。鋪夥屈廷魁。烏雲氣。及偷砍木植之旗人康五等三十一名。均應從重照擬杖一百。流二千里。內有在逃之屈禿子等七名。著該將軍等嚴拏務獲。照擬辦理。其私買木植之白老谷。亦照部議於原擬罪名上加一等。杖一百。徒三年。驍騎校烏音泰。領催音德布。於蘇凌額頂撞逞兇時。並不即時拘拏。轉代為央求息事。實屬徇情袒庇。烏音泰。應革去驍騎校。音德布。應革去領催。仍各鞭責一百。加枷號半年。示儆。委官阿爾綱阿。雖未將蘇凌額即時捆縛。但蘇

凌額頂撞本管官時。究係阿爾綱阿上前拏住。革役已足示懲。即照原擬辦理。至城守尉順德。雖有失察之咎。但此案係其查出。並將所砍木植。查起入官。其咎尚屬可寬。著免其議處。○是月。浙江巡撫覺羅長麟奏。浙省海塘。自六月望後。西塘十二壩對面南岸。突漲新沙。迤西常字等號埭工。先後潑損一百三十餘丈。現在搶鑲趕辦。請於新鑲埭工背後添築月隄一道。又工尾三官堂地方。隄前陰沙。亦被刷滅。應接長埭工四百丈。亦接築月隄一道。與常字號月隄聯絡。報聞。○四川總督惠齡奏。前因川省行用錢文。撓和夾雜。經前督臣設局收買。實力查繳。錢法漸就肅清。但川省各州縣。菁密山深。匪徒易於託足。近年廠銅短絀。難保無奸商透越盜賣。並恐滇省銅船過境。沉溺銅觔。水摸偷竊暗售。為此輩私鑄之用。現在嚴飭各府州文武員弁。於四境要隘處所。分緝稽巡。並飭知夔渝兩關



嚴密查拏。務期有犯即獲。報聞。

實錄卷千四百三十三

五

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百三十三

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百三十四

監修總裁官經筵講官太子太傅文淵閣大學士文淵閣領事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書錄星滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆五十八年癸丑八月辛酉朔署兩廣總

督廣東巡撫郭世勳奏安南通市前經奏准  
平而水口兩關商人在該國之高憑鎮牧馬  
庸立市由村隘來商在諒山鎮之駝驢庸立  
市分設太和豐盛二號並置廩長市長各一  
人保護監當各一員嗣據署龍州同知王撫  
棠稟稱該國另於諒山鎮屬之花山地方添  
設鋪店招徠平而關出口之商覈與原容互  
異當即札飭該同知就近行查旋准該國王  
咨覆因從平而關出口之商必由水路先抵

花山計程僅二百餘里。且花山附近村莊稠密。添設行鋪。商民更為兩便。其市長監當各員。即由駝驢額設內派往。客民中有由陸路前赴牧馬者。仍聽其便。臣等查覈情形。實係因地制宜。現已照會。准其添設報聞。○壬戌。諭軍機大臣等。據長麟奏。籌辦喚咭利貢船。回至定海。照料一切事宜。已於摺內批示。至所奏應否准其採買物件等語。該國此次航海遠來。傾心向化。回船之便。欲於該處購買物件。自可准行。但此後不得援以為例。至商儉等設計勾引。密約商串。私來潛往。貿易交通等事。最為可惡。向曾查禁。該撫派委道員等。前往留心密辦。使不致交涉滋弊。所辦甚是。如有此等弊端。祇須嚴懲一二。奸儉等自無可施其伎倆也。將此諭令知之。○癸亥。遣官祭

關帝廟。○諭曰。富綱奏。審擬環洲夷人李壽。覬覦絕產。妄爭土職一摺。將豫圖襲職之李

泰。及圖分絕產之李素權。問擬充軍。並案內通信附和入犯。分別定擬杖徒。其環洲土舍查有李魁衡。堪以充當。即請襲替等語。該督既審訊明確。其應襲之人。亦稱堪以頂襲。自可照所奏辦理。惟摺內所稱。已故土舍李壽朋。所遺家貲內。酌撥田地房屋衣服家具。給與李魁衡承管。其餘所存金銀租穀牲畜等項。通共估值變價。入官充公等語。所辦非是。此等土夷遺產。既經承襲有人。自應一併給與承管。俾資養贍。夷衆辦理公事之需。況土夷遺產。從無變價入官之例。著富綱即將查出奏請變價各項。給與承襲土舍之李魁衡。一併承管。俾資雇覓土練。巡緝地方之用。該督務嚴飭承辦官員。妥為經理。毋任胥役藉端滋擾侵蝕。方為妥善。○甲子。

上御卷阿勝境。賜扈從王公大臣。蒙古王貝勒貝子公額駙台吉。及青海郡王等食。○遣官祭昭忠祠。○諭曰。蔣兆奎奏。查明秋審人犯

擬議錯誤一摺。初閱奏摺。以為必係罪名出入。定擬錯誤。及閱其所奏。乃係佈蘭毆斃濟成一案。因佈蘭與濟成。同係正藍旗。誤以被毆之蒙古濟成。亦屬滿洲。照例擬入情實。今查係錯誤。應改為緩決。請與按察使祖之望一併交部議處等語。所奏不特拘泥。竟成笑柄矣。向來定例。滿洲殺死滿洲例文。本未妥協。自應以旗人殺死旗人。載入例條。則蒙古漢軍。皆可包括。況此例不過嚴禁旗人相殺之意。雖入情實。數年以來。朕酌其情不勾。改為監候者甚多。今該撫誤會例意。以被毆之濟成。係屬蒙古。誤擬情實。請改為緩決。試思八旗俱有蒙古漢軍。豈蒙古漢軍獨非旗人。而滿洲殺死蒙古漢軍。竟可毋庸抵償。如是異視。豈公道乎。蔣兆奎係初任巡撫。於刑名例案。或有未能諳悉之處。至臬司祖之望。係刑部出色司員。向在部中辦理刑名事件。稱為能事。於律例自應諳悉。乃亦如是拘牽舛

謬。所謂能事者安在。除本案仍照原擬辦理外。蔣兆奎。祖之望。俱著傳旨嚴行申飭。仍交部議處。至各省辦理此等案件。恐亦有似此拘迂者。並著通諭知之。○諭軍機大臣曰。姜晟奏湖南省收買小錢一摺。內稱自乾隆五十六年六月。至五十七年冬間。彙總查覈共收買小錢四十四萬七百四十餘觔等語。前以畢沅奏湖北省收買小錢。至三十餘萬觔之多。曾經降旨。以此項小錢。若非本省私鑄。即係四川雲貴等省私販順流而下。特寬限二年。令畢沅等嚴密查察。盡數收買。並令江南。江西。安徽各督撫。通飭九江。蕪湖。龍江。潁。暨北新各關。於查看稅貨之便。一體查繳。今據姜晟奏收買小錢四十四萬餘觔。較之前此畢沅所奏。為數尤多。看來此項小錢。竟係楚省奸商。恃有官局收買之例。可以呈繳獲利。任情私鑄。將得受制錢。又復改鑄。以致日積日多。而上游四川雲貴等省私販。又攜帶

小錢聞風踵至。是以一年之內。收買之數。多至四十餘萬觔。湖廣為私販小錢總匯之所。竟不出朕之所料。前降諭旨甚明。若徒恃收買。而不嚴行查禁。是止截其流。未清其源。私鑄私販之弊。源源不絕。必致無所底止。著再傳諭各該督撫。並通飭各關。嚴密巡查。如有私鑄人犯。一經拏獲。即嚴辦示懲。其上游商販。如有攜帶純係小錢者。即查出全數入官。照例發落。該督撫等務遵前降諭旨。實力奉行。毋任屬員視為具文。塞責。庶私鑄私販之弊。可以杜絕。而小錢可期淨盡。方為覈實清源之道。○又諭曰。和琳奏。拉特納巴都爾接到勅書。恭表謝恩。一摺。內稱。拉特納巴都爾稟稱。該部落向來不識漢字。今既屬天朝子民。懇准遣人赴藏學習漢字。以便具稟事件。更得明晰。經和琳檄諭該國王。奏明請旨。應否准其學習漢字。抑止令學習唐古忒字等語。廓爾喀自列藩封。誠心歸順。一切表章文

稟。在所常有。若皆須重譯而行。未免過繁。今既希慕同文。懇請遣人到藏學習漢字。具見其嚮化情殷。益彰一道同風之盛。自應准其所請。令其遣人到藏學習漢字。和琳接奉此旨後。並將朕嘉許該國王恭順悃忱。求通聲教之意。詳晰諭知。俾其倍加感激。將此諭令知之。○乙丑。上御卷阿勝境。賜扈從王公大臣蒙古王貝勒貝子公額駙台吉。及青海郡王。緬甸國使臣等食。至丁卯。皆如之。○諭軍機大臣等。現在喀喇喇國使臣等前來熱河。於禮節多未諳悉。朕心深為不愜。伊等前此進京時。經過沿途各地方官。款接供給。未免過於優待。以致該貢使等妄自驕矜。將來伊等回國。應令由內河水路。前抵江南。即由長江至梅嶺起旱。再由水路前往廣東。陸路尖宿供頓。俱可照例豫備。不可過於豐厚。其經過水程地方。該督撫等。祇應飭令州縣照常供應。雖所需口

分等項。自不應致有短缺。但祇須照例應付。不得踵事增華。徒滋繁費。此等無知外夷。亦不值加以優禮。至沿途經過程站。所有營汛墩臺。務須修理完整。兵弁一律嚴肅。以壯觀瞻。而昭威重。除就近傳知梁肯堂外。將此各傳諭知之。○旌表守正捐軀廣東某縣民陳廣大妻香氏。○丙寅。命直隸總督梁肯堂在紫禁城內騎馬。○丁卯。祭

先師孔子。遣儀郡王永璇行禮。○諭軍機大

臣等。昨因啖咭喇國使臣。不諳禮節。是以擬於萬壽節後。即令回京。所有應賞物件。諭令留京王大臣。於傳見後。在午門外頒賞。今該使臣等。經軍機大臣傳諭訓戒。頗知悔懼。本日正副使前來。先行謁見軍機大臣。禮節極為恭順。伊等航海遠來。因初到天朝。未諳體制。不得不稍加裁抑。今既誠心効順。一遵天朝法度。自應仍加恩視。以遂其遠道瞻覲之誠。該使臣祝慶先行回京時。王大臣等毋庸

傳見。仍令在館舍住宿。所有京中各處前擬令其瞻仰處所及筵宴賞賚事宜。俱俟回鑾後再行降旨遵行。將此再行傳知留京王大臣。並諭金簡伊齡阿知之。○戊辰。祭大社。

大稷。遣怡親王永琅恭代行禮。○

御書雲南東川府銅礦

龍神廟扁曰。靈裕九圍。○諭曰。喀當阿等奏偏聽失出之知縣。請旨革職。並將本案審

明定擬一摺。已批交該部議奏矣。至該署縣

林昌炎承審命案。未能悉心研鞫。率行詳結。嗣因獲犯。究出實情。據實稟報。覈其初擬罪名。係屬失出。若即將該署縣革職。轉恐州縣

等遇有此等審擬錯誤案件。未免規避處分。始終迴護。不肯據實稟出。林昌炎不必即革

職。著交部嚴加議處。仍可施恩也。○旌表守

正捐軀山東嶧縣民李樹敬女李氏。○己巳。

太宗文皇帝忌辰。遣官祭

昭陵○諭軍機大臣等。前據勒保奏。甘肅約收分數。通省牽算。八分有餘。內惟蘭州。平涼。鞏昌等府所屬之十二廳州縣。得雨未能霑足。秋禾不免受傷。嗣又據該督奏。蘭州。鞏昌。平涼等府。於七月內。續得透雨。其鞏蘭等十二廳州縣。受旱於前。除安定。會寧。夏收均有九分外。其餘各屬。夏收俱止六七分。秋收復形歉薄。應俟秋成後。查明覈辦等語。甘省本年收成。其八分以上者。固屬豐登。即七分有餘者。亦可稱為中稔。至六分有餘各屬。收成究為歉薄。民力不無拮据。著勒保查看情形。如有應行緩徵者。即行奏聞請旨。若不致成災。止須量加接濟。或酌借籽種口糧。亦即一面奏聞。一面辦理。仍督率地方官。實力妥辦。俾均霑實惠。不致一夫失所。毋任胥吏從中侵冒。以副朕軫念邊氓有加無已至意。將此諭令知之。○又諭。上年福康安等奏。攻破協布魯後。深入賊境。有賊匪數人。在後窺探。當經

卡兵王大倫盤獲稟報。隨即派員審明。實係奸細。即行正法等語。王大倫係守卡步兵。派防後路。能留心盤獲奸細。實屬可嘉。前經降旨。以千總陞用。著再傳諭惠齡。遇便將該員給咨送部引見。○庚午。

上御萬樹園大幄次。喚咭喇國正使嗎嘎爾呢。副使嘶嚕喇等入覲。並同扈從王公大臣及蒙古王貝勒貝子公額駙台吉。暨緬甸國使臣等賜宴。賞賚有差。○

御製紅毛喚咭喇國王差使臣嗎嘎爾呢等奉表貢至。誌事詩曰。博都雅昔修職貢。喚咭喇今效蓋誠。暨亥橫章輸近步。

祖功

宗德逮遙瀛。視如常却心嘉篤。不貴異聽物詡精。懷遠薄來而厚往。衷深保泰以持盈。○辛未。

太祖高皇帝忌辰遣官祭

福陵。○諭。此次辦理廓爾喀。所有隨征出力之

降番。前因其打仗立功時。業經賞給巴圖魯名號。及賞翎陞等。既已優酬勞績。今據福康安奏。此項降番。屢經徵調。最為奮勇。此次遠征廓爾喀。更屬勞苦出力。請照屯練之例。一體准其襲替等語。降番停襲世職。原為慎重屯務起見。但念伊等此次調遣遠役。深入徼外。勞苦備至。非尋常隨征可比。著照福康安所奏。加恩准其各照本職一體襲替。以示軫念。屯番逾格恩施至意。○又諭。現在辦理廓

爾喀事竣。一切軍需奏銷。均須四川總督覈辦。雖有孫士毅在彼會同查覈。但伊年老。恐精神不能周到。且藏內甫經安輯。正資整飭之時。而該省地通西路。統轄屯土各番。控制較為廣遠。非威重大臣。不足以資鎮撫。惠齡在彼。雖能謹飭自守。但辦事究欠精鍊。福康安新經平定廓爾喀。威望素著。廣東現無緊要事件。其海洋盜匪。節經福康安搜拏整頓。漸已斂跡。該省鹽務改埠歸綱。辦理亦有端

緒。而安南自襲封後。人心鎮定。邊境敦寧。無必須福康安在彼經理之事。福康安著調補四川總督。俾其控制邊陲。駕馭屯土番衆。督辦軍需銷算。更足以資倚任。長麟在巡撫任內。諸事尚能留心。著補授兩廣總督。一切地方邊關事宜。俱應循照福康安定立章程。認真妥辦。至浙江省。經福崧因循廢弛。諸事正須整頓。吉慶自簡任山東巡撫以來。辦理地方事件。尚能妥協。著調補浙江巡撫。惠齡雖

才具較短。但伊曾任山東巡撫。於該省情形。較為熟悉。且距京甚近。可以隨時指示。所有山東巡撫員缺。即著惠齡補授。以資駕輕就熟。吉慶接奉此旨。即將巡撫印篆交與藩司江蘭暫行護理。速赴浙江新任。長麟於吉慶到任後。即赴廣東新任。俱不必前來請訓。至福康安尚須在京耽擱。年內未能起身。到任有需時日。其未到任以前。所有四川總督印務。仍著惠齡暫行代辦。惠齡務須倍加奮勉。



實心辦理。不可存五日京兆之見。以副委任。俟福康安到任交代後。再赴山東新任。○又諭據保寧等奏稱。土爾扈特郡王策楞德勒克游牧狹窄。請將閒地稍為闡展。以便禦冬等語。策楞德勒克游牧處所。原不甚寬濶。今伊戶口繁盛。居住既屬窄狹。著加恩自奎屯河西岸。至擺楊溝地方。賞給策楞德勒克。令其游牧。並將不可私行踰境之處。曉諭知之。○壬申。

上御卷阿勝境。都爾伯特鎮國公諤勒哲鄂羅什瑚。輔國公博第格呼勒二人入覲。並同扈從王公大臣。及蒙古王貝勒貝子公額駙台吉等賜食。○諭近年浙省營伍甚為廢弛。海洋一帶。疊有盜劫之案。各營將弁兵丁。未能認真緝拏。迅速弋獲。總緣總督駐劄福建。相隔較遠。鞭長莫及。而巡撫又復呼應不靈。以致營員觀望因循。日見懈弛。前經降旨將營伍事宜。即交巡撫兼管。並屢降嚴旨飭諭。長

麟在任未久。亦未能整飭改觀。吉慶在山東任內。辦事尚為妥協。今調任浙江。務須遵照節次諭旨。嚴飭各營實心整頓。遇有盜劫之案。速緝務獲。如有怠玩員弁。即嚴參懲辦。其有出力奮勉者。亦即加以獎勵。再行咨照總督。俾營員知所勸懲。海洋寧輯。方為不負委任。至浙省營員。遇有拔補千把外委官弁。向係擬定正陪。咨送總督考驗。道途往返。動需時日。且徵末員弁。憚於跋涉。徒費資斧。亦不

足以示體卹。嗣後浙省提督。巡撫。及各鎮標千把外委等官。遇有拔補。應送總督考驗者。俱交巡撫就近考拔。咨會總督。庶微弁可省勞費。而營務亦不致曠誤。該部即遵諭行。○諭軍機大臣曰。李奉翰等奏。河水安瀾。工程鞏固一摺。覽奏欣慰。以手加額。此皆上賴河神默佑。順軌安流。茲特發去藏香一百枝。交李奉翰等敬謹收貯。隨時拈香叩謝。用答神庥。至李奉翰等摺內稱。該處萬錦灘於七



月二十二日。長水三尺。二十四日。長水三尺。二十六日。長水四尺。二十八日。長水四尺五寸。沁河於二十七日。長水一尺三寸。下注之勢。較為旺盛。隨飭令河員一體防護。八月初二日以後。漸見消落。隄埽各工。俱臻穩固等語。所奏未免張大其詞。伏秋大汛。黃沁等河。疊次長水。其勢固為旺盛。但驟長之水。旋長旋消。斷無積而久待之理。是統計長水尺寸。雖有丈餘。其實所存底水。不過數尺。若如該河督等所奏。竟似有長無消。積高至一丈四五尺。一齊下注。有是理乎。且似此建瓴高漲。則下游何以消納。李奉翰等不過欲以水勢盛漲。見其搶護出力。各工得以保固。遂不覺張大其詞。但該河督等在工督率搶辦。水勢安瀾。朕早經降旨甄敘。又何必為此夸詞。自敘勤勞。以駭觀聽耶。嗣後該河督等奏報水勢增長情形。務當分晰聲敘。將長水若干。消落若干。二次又長水若干。除初長之水業經

消落外。現存底水若干尺寸。據實奏聞。毋得仍前重疊牽算。過事張皇。致駭聽聞也。將此諭令知之。○癸酉

萬壽節。遣官祭

太廟後殿。○遣官祭

福陵

昭陵

昭西陵

孝陵

孝東陵。

景陵。

泰陵。

泰東陵。○遣官祭

孝賢皇后陵。○遣官祭

顯佑宮。

東嶽廟。

城隍廟。○

上御澹泊敬誠殿。扈從王公大臣官員。及蒙古

王貝勒貝子公額駙台吉並緬甸國噶咭喇國使臣等行慶賀禮。御卷阿勝境賜食。至乙亥皆如之。○甲戌諭曰。長麟奏。本年浙省杭州紹興等各府。早禾收成。總計實有九分。現在晚禾亦長發青葱。秋收可望豐稔。惟湖州府屬之烏程。歸安等五縣。因五月間雨水較多。湖河鋪泛。禾苗不免受傷等語。湖州府屬烏程。歸安等五縣。沿湖沿河田畝。本屬低窪。今歲夏雨較多。湖河致有泛溢。禾苗受傷。雖現已補種雜糧。農民僅敷餬口。若將應完漕糧一併令其輸納。小民未免拮据。所有烏程。歸安。長興。德清。武康等五縣。補種雜糧田畝。應徵漕米。及新舊錢糧。俱著加恩緩徵。統於來年秋成後。分作二年。帶徵全完。以紓民力。該撫務須實力妥辦。俾閭閻均霑實惠。毋任胥吏弊混。以副朕惠愛黎元。優加軫恤至意。該部即遵諭行。○又諭。據勒保等奏。廓爾喀所進馴象馬匹。派員出口照料。並令沿途各

蒙古番族。豫備牛羊烏拉應用。按數給價。嗣據扎薩克等聲稱。應需羊隻等項。所值無幾。不敢收領價值。現已准其辦供等語。廓爾喀進貢象馬。經過青海地方。該扎薩克等豫備羊隻等項。並據稱不敢請領價值。踴躍急公。出於至誠。殊屬可嘉。扎薩克貝勒濟克默特伊什。貝子車登多爾濟。公拉特納錫第。俱著加恩各賞給緞二匹。以示獎勵。○諭軍機大臣曰。長麟奏。浙江省每年完欠錢糧實數一摺。閱其所開單內。五十七年分未完地丁銀至五十四萬一百餘兩。未完漕白等銀至十一萬七千餘兩。五十六年分。亦尚未完地丁銀十九萬三千餘兩。未完漕白等銀二萬九千餘兩。又五十五年未完漕白等銀三千餘兩。而五十七年應徵南糧等米。亦尚未完四萬五千餘石。計節年欠項銀米共九十餘萬。此等皆係額徵正賦。何至積欠如許之多。從前浙江省倉庫虧缺。應徵款項。積壓拖延。經

張若震在藩司任內。實力催繳。始能掃數清完。近年以來。又復拖欠。累。愈積愈多。此等地丁漕米。遇有歉歲時。或尚可藉詞延緩。今浙省連年收成。俱屬豐稔。小民自應輸將恐後。即稍有拖欠。地方官亦當按限催徵。江浙等省為財賦之區。乃似此任意積欠。正賦宕懸。日復一日。伊於何底。此皆由歷任撫藩因循廢弛。長麟在任。亦未能認真董飭。甚或地方州縣。竟有已徵未報等弊。不可不力加整頓。長麟已陞授兩廣總督。應俟吉慶到浙。方行交代。起程尚需時日。仍應督率地方官實力經徵。不可存五日京兆之見。怠玩從事。吉慶到任後。地方錢糧係其專責。尤當督率所屬。覈實查催。應徵各項。毋誤奏銷。例限方為不負委任。將此傳諭長麟。並諭吉慶知之。○乙亥。諭軍機大臣等。前據富綱奏。緬甸貢使孟幹稟請賞給舊印一節。茲該使臣孟幹到來。又經稟請當令軍機大臣傳知孟幹。以伊

所請賞給舊印。係明末桂藩逃竄雲南時所給。印上所鑄之字。係屬詹事官銜。並非土司字樣。為前明廢印。若賞給。鈐用。不足以昭信守。特加恩勅部另行鑄給。蠻暮宣撫司印信。賞給。俾得永遠遵守。以昭寵榮。傳諭後。孟幹倍深感激。並經軍機大臣面加詢問。據稱前此懇請賞給舊印。曾經稟知該國王等語。但所存舊印。既不便賞給。現在另鑄印信。頒賞之處。該國王未能知悉。恐其心生疑惑。著富綱接奉此旨。傳諭該國王。將孟幹前此所請舊印。係前明廢印。未便賞給。該處木邦土司。即係天朝頒給印信。今另給孟幹蠻暮宣撫司之印。與木邦土司同受天朝恩典。仍為該國所屬。更增榮寵。詳晰檄知該國王。俾其益加感戴。免致生疑。方為妥善。將此傳諭令知之。

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百三十四

平定縣志

一

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百三十五

茲修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處掌理

吏部理藩院事務正黃旗滿洲都統世襲副都統等功七級隨帶加一級尋常加二級軍功紀錄一次臣履桂

總裁官經筵講官太子太傅文淵閣大學士文淵閣領閣事稽察欽奉 上諭事件處掌理刑部主事等務

世襲副都統等功十九級隨帶加二級又加二級臣董福內大臣戶部尚書經筵講官滿洲都統等功紀錄五次

尋常紀錄十四次臣德麟經筵講官太子少保工部尚書紀錄六次臣曹振鏞等奉

敕修

乾隆五十八年癸丑八月丁丑諭軍機大臣

平定縣志

一

等據陳淮奏藩司岳起因豐城縣被水馳往  
查勘圩隄失足落水受驚致病現飭臬司司  
馬駒兼辦藩司事務等語岳起自簡任藩司  
以來辦理一切尚為妥協今因查勘被淹圩  
隄落水致病殊屬可惜著傳諭陳淮令該藩  
司加意安心調理如果速就痊愈即可令其  
照常供職倘察着該藩司病勢實不能就痊  
即行據實具奏候朕再降諭旨賞去活絡丹  
五丸交該藩司祇領服食以示體卹○又諭

曰。畢沅覆奏。酌籌查禁私鑄小錢一摺。已於摺內詳晰批示矣。惟稱又有一種用熟之康熙雍正錢。文形模畧小。銅色帶青。市人謂之青錢。流傳已久。若一概禁止。恐錢價因此翔貴等語。所奏實屬非是。前因小錢流行。有關鼓鑄。是以降旨各省督撫。設局收買。復因湖廣省收買小錢。為數至三四十萬餘觔之多。顯係奸商見有官局收買。因而私鑄私販。冀圖漁利。節經嚴飭該省督撫。並予限二年。令其實力查禁。原指鈔薄小錢而言。並未令其將青銅錢文一體銷毀。況康熙雍正錢文。係皇祖

皇考年號。豈有查禁之理。何得與應燬小錢一體列諸章奏。畢沅係讀書之人。何不檢點。若此著傳旨嚴行申飭。所有湖廣私鑄私販之弊。仍著遵照節次諭旨。嚴飭各屬實力奉行。毋得視為具文。以一奏塞責也。○又諭前據李奉翰等奏。黃河水勢情形。內稱萬錦灘於

七月二十二日。至二十八日。計七日之內。共報長水一丈四尺五寸等語。所奏未免張大其詞。當經降旨諭令李奉翰等。嗣後奏報水勢情形。務將長水若干。消水若干之處。分晰聲敘。毋得仍前重疊牽算。以致過涉張皇。因思江南為豫省下游。上游所長之水。漸見消落。則下游之水。自必加長。今萬錦灘於七月二十二日。至二十八日。節次長水至一丈數尺。何以並未據書麟等奏報江南長水情形。

可見前此李奉翰等所奏。不過欲自敘勤勞。遂爾詞形夸大。不出朕之所料。李奉翰等奏報之後。迄今已逾數日。未據書麟等奏到。是江南黃河水勢情形。自必仰賴

河神默佑。安流順軌。茲特發去藏香三百枝。交書麟等於

天后宮。清黃交匯處。

龍神廟。陶莊引河。

龍神廟。三處各分供百枝。敬謹收貯。隨時拈

香叩謝用答

神麻至江南水勢工程情形。自為穩固。但上游既節經長水。江南黃河。究竟曾否長水。及修防情形。著書麟等查明。詳晰據實覆奏。以慰廑注。將此諭令知之。○又諭前因啖咭喇貢使呈出覆信。令其原船先行回國。業將原信發交長麟轉給該夷官遵照。茲該貢使又稟稱伊等帶有夷官嗎喚哆嘶一名。因求一同瞻觀。是以帶同前來。但伊係專管船隻之官。若不令其回至船上。恐官役等無人彈壓。欲求令嗎喚哆嘶同一西洋人作為通事。前往珠山。並欲在浙購買茶葉等物。懇求准令購買等語。嗎喚哆嘶雖據該貢使稟稱係專管船隻夷官。但船上官役人等甚多。儘可照料管理。況該國船隻自天津行至浙江。嗎喚哆嘶並未同往。豈有自浙回國。又必須嗎喚哆嘶一人。前往彈壓之理。所稟並非實情。且亦不值為嗎喚哆嘶一人。又復派員沿途伴

送。致勞繁費。實不可行。著傳諭長麟。前此該貢使寄給該夷官覆信內。若並未提及欲令嗎喚哆嘶回船彈壓之事。固屬甚善。即著長麟於船隻到齊後。作為已意。傳知該夷官等。以伊等船隻業經奉旨准令回國。並有爾貢使覆信。伊等即應遵照辦理。剋日開船。並將其船隻開行日期迅速馳奏。若其覆信內提及欲令等候嗎喚哆嘶回船再行開行之事。該夷官等或稟請在船等候。長麟即當明白曉諭。以伊等船隻業經奉旨准令先回。不便久泊。且汝之正使已有信令汝等回國。何必在此等候。即勒令剋日放洋。仍即將開行日期迅速具奏。以便曉諭該貢使等知悉。此等夷官不知體制。或不無藉詞延緩等事。長麟務須詞嚴義正。明白諭知。令其凜遵無違。毋任逗留。若該夷官等再四懇求。必欲等候嗎喚哆嘶。即著長麟迅速馳奏。計奏到時。該貢使等在京宴賚各事宜。亦經完竣。竟當飭令

由京往浙回其原船與該夷官等一同回國更爲簡捷。至該貢使求在浙省購買茶葉等物。自可准行。著長麟傳知該夷官速行購買。以便料理起身。仍飭地方官傳知各鋪戶令其公平交易。毋致苛刻。並將所買茶葉等物已經奉旨加恩免其納稅之處。諭知該夷官令其倍知感激。再據該貢使稟稱有附船同行之西洋人安納。拉彌額特二名。係欲來京當差。現在船上等語。安納等二名既係情願往京當差之人。並著長麟傳知伊二人。如仍欲由粵赴京。即聽其前赴寨門。由廣東督撫伴送來京。如欲就近由浙江來京。即交長麟派人遇便送京。將此由六百里加緊傳諭知之。並著將該夷船隻於何日到齊。訂期放洋回國之處。迅速六百里馳奏。○戊寅夕月於西郊遣裕郡王亮煥恭代行禮。○諭軍機大臣等據長麟奏海塘沙水情形一摺。內夾片稱范公塘頭圍地方沙塗刷動。似應於該

處石塘計自原築石塘工尾起至烏龍廟止。應築石工二千九百餘丈。及填溝栽柳等項。約需銀一百二十餘萬兩等語。並繪圖呈覽。范公塘一帶石塘前經曹文植等勘明該處漲沙寬濶無須接築石工。是以降旨停辦。今據長麟奏該處沙塗雖經刷動。但舊漲陰沙據稱尚存五百餘丈。自三官堂至烏龍廟亦尚有老沙一千八百餘丈。是該處漲沙足資捍衛。且前有三官堂新接月隄。後又有老土塘爲重圍保障。即使三官堂逸東至江海神廟一帶漲沙刷滅。形勢稍覺單薄。不妨察看情形。或減半酌辦。於章家菴石塘工尾接築至三官堂地方。其工段視長麟原擬不過三分之一。需銀三四十萬兩。即可敷用。既不至徒滋糜費。又足以資保護。已於圖內用硃筆標誌。著發交該撫閱看。是否可以辦理之處。即行據實覆奏。海塘沙水靡常。或三官堂逸東一帶現在已漸漲新沙。足資保固。即此項

減半塘工。亦可緩辦。更不至糜帑費工。較為妥善。若必應築隄。不可因此旨而惜費不築。著即動項修理。仍即速奏。著傳諭長麟並諭吉慶知之。○又諭據保寧奏錫伯索倫察哈爾厄魯特等生計情形。內察哈爾部落較為艱窘。其餘部落皆已安堵。漸可充裕等語。察哈爾等遷移時。途次損傷牲畜已多。兼之數遭疫癘。抵補官畜。是以生計拮据。自應調劑。若將察哈爾所牧官畜。移交厄魯特牧養。伊等不致賠補。或牲畜別可設法籌辦。或將伊部落滋生之項。酌為生息接濟。以期饒裕之處。著傳諭保寧熟籌具奏。請旨。以示朕軫念察哈爾臣僕之意。○己卯。諭前經降旨。以川省軍需一切支發。俱係藩司經理。未便更易生手。特將英善留於川省。協同辦理。俟報銷事竣。再赴新任。其貴州巡撫印務。仍留馮光熊署理。雲南巡撫印篆。著富綱兼署。但四川軍需報銷事宜。頭緒繁多。昨經降旨。將福康

安調任川省。英善應俟福康安抵任後。將軍需報銷事宜。按款分別覈算。依次題銷。總俟諸務完竣後。別無經手事件。福康安奏明。令其起程。方可再赴新任。馮光熊俟英善抵任交代。甚需時日。雲南巡撫印務。雖有富綱兼署。但總督統轄兩省。事務較多。遇有巡邊閱兵等事。勢難兼顧。馮光熊未經到任以前。所有雲南巡撫印務。著費淳暫行護理。其藩司篆務。即著臬司賀長庚接署。臬司印篆。著該督另委道員。奏明署理。庶地方經手事件。各專責成。可無曠誤。○又諭。看守熱河等處行宮官兵。平素當差甚屬奮勉。但伊等紅白事件。向來並無賞給恩賞銀兩之例。著施恩嗣後伊等紅白事件。亦照熱河滿洲厄魯特等之例。賞給恩賞銀兩。以示一體矜恤之意。○諭軍機大臣等。現在譯出啖咭喇國表文內。有懇請派人留京居住一節。雖以照料買賣學習教化為辭。但伊等貿易遠在邊門。即留



人在京。豈能照料。至於天朝禮法。與該國風俗迥不相同。即使留人觀習。伊亦豈能效法。且向來西洋人。惟有情願來京當差者。方准留京。遵用天朝服飾。安置堂內。永遠不准回國。今伊等既不能如此。異言異服。逗留京城。或其心懷窺測。其事斷不可行。但該國王具表陳懇。非若使臣等自行稟請之事。可以面加駁斥。已頒給勅書。明白諭駁。此次該國航海遠來。念其尚為恭順。是以諸加體恤。今該貢使到後。多有陳乞。屢為繁瀆。看來此等外夷。究屬無知。今又不准其留人在京。該國王奉到勅諭後。或因不遂所欲。心懷缺望。恃其險遠。藉詞生事。亦未可定。雖該國遠隔重洋。該貢使目睹天朝體制森嚴。四夷畏服。斷無意外之虞。設該國無知妄行。或於畧門小有滋擾。該處貿易之西洋人等。並非所屬。未必與彼一心。當先安頓在彼。使其各安生業。不致為所勾結。則啖咭喇即有詭謀。亦斷不能

施其伎倆。但此不過為先事防範。豫行指示。長麟惟當存之於心。不可畧有宣露。稍涉張皇。轉致夷人疑慮。至郭世勲在巡撫任內。有年。近又兼署督篆。辦理諸務。均屬妥協。長麟到任後。不可以新授總督。多有更張。諸事惟當與郭世勲和衷商榷。綏靖海洋。方為不負委任。至外省遇有外藩經過之事。照料接待。往往不能適中。或因朕令稍加恩視。即踵事增華。過於優厚。以致長其驕恣。或令稍加裁抑。即過於減損。又失懷柔之道。節經降旨訓諭。該督撫等總當酌量事體輕重。照料得宜。方為妥善。此次啖咭喇貢使回國。所有飯食等事。自應照例供給。俾無乏缺。至於禮貌一切。總宜自存體統。示以威重。伊等如妄有干請。即當詞嚴義正。嚴加駁斥。不可過事優容。致啟其冒瀆無厭也。將此由五百里傳諭長麟。並諭吉慶。郭世勲知之。○勅諭啖咭喇國王曰。咨爾國王。遠在重洋。傾心嚮化。特遣使

恭齋表章航海來庭叩祝萬壽並備進方物用將忱悃朕披閱表文詞意肫懇具見爾國王恭順之誠深為嘉許所有齋到表貢之正副使臣念其奉使遠涉推恩加禮已令大臣帶領瞻覲錫予筵宴疊加賞賚用示懷柔其已回珠山之管船官役人等六百餘人雖未來京朕亦優加賞賜俾得普霑恩惠一視同仁至爾國王表內懇請派一爾國之人住居天朝照管爾國買賣一節此則與天朝體制不合斷不可行向來西洋各國有願來天朝當差之人原准其來京但既來之後即遵用天朝服色安置堂內永遠不准復回本國此係天朝定制想爾國王亦所知悉今爾國王欲求派一爾國之人住居京城既不能若來京當差之西洋人在京居住不歸本國又不

可聽其往來常通信實為無益之事且天朝所管地方至為廣遠凡外藩使臣到京譯館供給行止出入俱有一定體制從無聽其

自便之例今爾國若留人在京言語不通服飾殊制無地可以安置若必似來京當差之西洋人令其一例改易服飾天朝亦從不肯強人以所難設天朝欲差人常住爾國亦豈爾國所能遵行況西洋諸國甚多非止爾一國若俱似爾國王懇請派人留京豈能一一聽許是此事斷難行豈能因爾國王一人之請以致更張天朝百餘年法度若云爾國王為照料買賣起見則爾國人在魯門貿易非止一日原無不加以恩視即如從前博爾都噶里雅意達哩亞等國屢次遣使來朝亦曾以照料貿易為請天朝鑒其悃忱優加體卹凡遇該國等貿易之事無不照料周備前次廣東商人吳昭平有拖欠洋船價值銀兩者俱飭令該管總督由官庫內先行動支帑項代為清還並將拖欠商人重治其罪想此事爾國亦聞知矣外國又何必派人留京為此越例斷不可行之請況留人在京距魯門

貿易處所。幾及萬里。伊亦何能照料耶。若云仰慕天朝。欲其觀習教化。則天朝自有天朝禮法。與爾國各不相同。爾國所留之人。即能習學。爾國自有風俗制度。亦斷不能效法中國。即學會亦屬無用。天朝撫有四海。惟勵精圖治。辦理政務。奇珍異寶。並不貴重。爾國王此次齋進各物。念其誠心遠獻。特諭該管衙門收納。其實天朝德威遠被。萬國來王。種種貴重之物。梯航畢集。無所不有。爾之正使等所親見。然從不貴奇巧。並無更需爾國製辦物件。是爾國王所請派人留京一事。於天朝體制既屬不合。而於爾國亦殊覺無益。特此詳晰開示。遣令貢使等安程回國。爾國王惟當善體朕意。益勵款誠。永矢恭順。以保乂爾有邦。共享太平之福。除正副使臣以下各官。及通事兵役人等。正賞加賞各物件。另單賞給外。茲因爾國使臣歸國。特頒勅諭。並錫賚爾國王文綺珍物。具如常儀。加賜綵緞羅綺。

文玩器具諸珍。另有清單。王其祇受。悉朕睦懷。特此勅諭。○又勅諭曰。爾國王遠慕聲教。嚮化維殷。遣使恭齋表貢。航海祝釐。朕鑒爾國王恭順之誠。令大臣帶領使臣等。瞻觀錫之筵宴。賚予駢蕃。業已頒給勅諭。賜爾國王文綺珍玩。用示懷柔。昨據爾使臣以爾國貿易之事。稟請大臣等轉奏。皆係更張定制。不便准行。向來西洋各國及爾國夷商。赴天朝貿易。悉於澳門互市。歷久相沿。已非一日。天朝物產豐盈。無所不有。原不藉外夷貨物。以通有無。特因天朝所產茶葉磁器絲帛。為西洋各國及爾國必需之物。是以加恩體恤。在澳門開設洋行。俾得日用有資。並需餘潤。今爾國使臣於定例之外。多有陳乞。大乖仰體天朝加惠遠人。撫育四夷之道。且天朝統馭萬國。一視同仁。即在廣東貿易者。亦不僅爾。噶咭喇一國。若俱紛紛效尤。以難行之事。妄行干瀆。豈能曲徇所請。念爾國僻居荒遠。間

隔重瀛。於天朝體制。原未諳悉。是以命大臣等。向使臣等詳加開導。遣令回國。恐爾使臣等回國後。稟達未能明晰。復將所請各條。繕勅逐一曉諭。想能領悉。據爾使臣稱。爾國貨船。將來或到浙江寧波珠山。及天津廣東地方。收泊交易一節。向來西洋各國。前赴天朝地方貿易。俱在魯門。設有洋行。收發各貨。由來已久。爾國亦一律遵行多年。並無異語。其浙江寧波。直隸天津等海口。均未設有洋行。爾國船隻到彼。亦無從銷售貨物。況該處並無通事。不能諳曉爾國語言。諸多未便。除廣東魯門地方。仍准照舊交易外。所有爾使臣懇請向浙江寧波珠山。及直隸天津地方。泊船貿易之處。皆不可行。又據爾使臣稱。爾國買賣人。要在天朝京城。另立一行。收貯貨物發賣。做照俄羅斯之例一節。更斷不可行。京城為萬方拱極之區。體制森嚴。法令整肅。從無外藩人等在京城開設貨行之事。爾國向

在魯門交易。亦因魯門與海口較近。且係西洋各國聚會之處。往來便益。若於京城設行發貨。爾國在京城西北地方。相距遼遠。運送貨物。亦甚不便。從前俄羅斯人。在京城設館貿易。因未立恰克圖以前。不過暫行給屋居住。嗣因設立恰克圖以後。俄羅斯在該處交易買賣。即不准在京城居住。亦已數十年。現在俄羅斯在恰克圖邊界交易。即與爾國在魯門交易相似。爾國既有魯門洋行發賣貨物。何必又欲在京城另立一行。天朝疆界嚴明。從不許外藩人等稍有越境攪雜。是爾國欲在京城立行之事。必不可行。又據爾使臣稱。欲求相近珠山地方。小海島一處。商人到彼。即在該處停歇。以便收存貨物一節。爾國欲在珠山海島地方居住。原為發賣貨物而起。今珠山地方既無洋行。又無通事。爾國船隻已不在彼停泊。爾國要此海島地方。亦屬無用。天朝尺土俱歸版籍。疆址森然。即島嶼

沙洲亦必劃界分疆。各有專屬。況外夷向化天朝。交易貨物者。亦不僅爾。噶咭喇一國。若別國紛紛效尤。懇請賞給地方居住買賣之人。豈能各應所求。且天朝亦無此體制。此事尤不便准行。又據稱。撥給附近廣東省城小地方一處。居住爾國夷商。或准令。粵門居住之人。出入自便一節。向來西洋各國夷商。居住。粵門貿易。畫定住址地界。不得踰越尺寸。其赴洋行發貨夷商。亦不得擅入省城。原以杜民夷之爭論。立中外之大防。今欲於附近省城地方。另撥一處。給爾國夷商居住。已非西洋夷商。歷來在。粵門定例。況西洋各國。在廣東貿易多年。獲利豐厚。來者日衆。豈能一撥給地方分住耶。至於夷商等出入往來。悉由地方官督率洋行商人。隨時稽察。若竟毫無限制。恐內地民人與爾國夷人。間有爭論。轉非體恤之意。覈之事理。自應仍照定例。在。粵門居住。方為妥善。又據稱。噶咭喇國夷

卷一百一十五

五

商自廣東下。粵門。由內河行走。貨物或不上稅。或少上稅一節。夷商貿易往來。納稅皆有定則。西洋各國。均屬相同。此時既不能因爾國船隻較多。徵收稍有溢額。亦不便將爾國上稅之例。獨為減少。惟應照例公平抽收。與別國一體辦理。嗣後爾國夷商販貨赴。粵門。仍當隨時照料。用示體恤。又據稱。爾國船隻。請照例上稅一節。粵海關徵收船料。向有定例。今既未便於他處海口。設行交易。自應仍在。粵海關。按例納稅。毋庸另行曉諭。至於爾國所奉之天主教。原係西洋各國。向奉之教。天朝自開闢以來。聖帝明王。垂教創法。四方億兆。率由有素。不敢惑於異說。即在京當差之西洋人等。居住在堂。亦不准與中國人民交結。妄行傳教。華夷之辨。甚嚴。今爾國使臣之意。欲任聽夷人傳教。尤屬不可。以上所論各條。原因爾使臣之妄說。爾國王或未能深悉天朝體制。並非有意妄干。朕於入貢諸邦。

誠心向化者。無不加之體卹。用示懷柔。如有懇求之事。若於體制無妨。無不曲從所請。況爾國王僻處重洋。輸誠納貢。朕之錫予優嘉。倍於他國。今爾使臣所懇各條。不但於天朝法制攸關。即為爾國代謀。亦俱無益難行之事。茲再明白曉諭。爾國王當仰體朕心。永遠遵奉。共享太平之福。若經此次詳諭。後爾國王或誤聽爾臣下之言。任從夷商將貨船駛至浙江天津地方。欲求上岸交易。天朝法制森嚴。各處守土文武。恪遵功令。爾國船隻到彼。該處文武。必不肯令其停留。定當立時驅逐出洋。未免爾國夷商徒勞往返。勿謂言之不豫也。其凜遵毋忽。特此再諭。○庚辰。上自避暑山莊迴鑾。○遣官祭黑龍潭。

昭靈沛澤龍王之神。玉泉山。

惠濟慈佑龍王之神。○軍機大臣等議覆。閩浙總督覺羅伍拉納。浙江巡撫覺羅長麟等條議。整飭浙省水師營伍章程。一。水師例按。

季分班出巡。除現出洋兵弁不計外。其輪應下班未屆出洋兵弁。應令將備親身督率。每月在洋操演二次。每次定限三日。駕船必行至一二百里外。按照陣圖。如法操演。不得委令千把帶往。搪塞。仍令該管提鎮。每年親身督操。本標將備一次。若將備奉行不實。提鎮瞻徇容隱。許同城道府州縣。密報督撫查叅。文職隱匿不報者。一併叅處。一。水師兵務通習水性。熟諳水操。召募時。令將備詳慎挑補。出具切實甘結。該管提鎮。仍於水操之便。親加試驗。如有畏水暈船等事。將兵丁斥革。挑補出結將備。照冒領兵糧例治罪。其舊存兵丁。如有不曉水性。而熟習鎗礮弓箭者。改撥陸路當兵。其毫無所能者。悉令退伍歸農。一。副叅遊守等。每屆出洋換班。不許藉詞推委。千把代往。提鎮亦不得有意瞻徇。別委事件。倘將備等或一時患病。即令彼此代巡。於下屆補還原班。仍令該提鎮開具巡洋將備職。

名。出具印結報部。並令該管道員發給用印小旗。編列號數。令水師於某日巡至某處。即將所領小旗給某山。愚甲就近送該管州縣衙門。轉送該道查覈。其將備內有出洋後潛回者。責令該道查拏究辦。一。各省水師並無額設馬匹。惟浙省向設馬五百二十九匹。嗣因議給武職養廉。將名糧改為實缺。復經前督臣奏添馬四十二匹。但水師兵在洋面操演。不以騎射見長。且海洋巡哨。亦斷無騎馬捕賊之理。應將馬匹馬兵全行裁汰。所裁馬兵即留為撥補陸路各營倒馬之用。所裁馬兵內如有熟諳水面者。仍留補水師戰兵。遇水師外委缺出。即由此項挑補。至拔補外委後。其巡洋下班之日。仍令借用陸路馬匹學習騎射。一。考拔水師官弁。除步箭照舊外。凡駕駛船隻及施放鎗礮各藝。均應各就所長。分別考驗存記。其有奮勉巡緝。按獲匪多。寡分別記功存案。遇缺出將技藝熟嫻記功多次。

者。先予甄拔。若技藝可觀。記功甚少。及無功可記者。概不准朦混送考。如將備千把外委等官。有在水並無一長者。即令停陞演習。仍勒限一年。督令認真操練。倘限滿仍不能熟習。即行分別降革。一。水師兵丁外委出洋。向無另給口糧之例。惟浙江海面島嶼最多。水勢紆迴。盜匪易於匿跡。其情形與江南山東等省不同。且出洋兵丁。業令三月一換。常川海面往來巡防。於下班之時。又令每月赴洋操演。生計未免拮据。應請酌予幫貼。凡出洋外委兵丁。每名每日另給口糧銀五分。即由前項裁汰馬匹馬兵銀內。按月據實動支。均應如所請從之。○是日駐蹕喀喇河屯行宮。○辛巳諭曰。陳淮奏。勘明南昌等七州縣濱江沿湖被淹窪地。水勢消退遲緩。晚禾雜糧俱不及補種等語。此七州縣上年窪地被淹。曾經降旨賞借緩徵。本年又復被淹。秋禾雜糧補種不及。民力未免拮据。其豐城等五縣。



被水農民亦未免稍形支絀。著將南昌新建進賢鄱陽餘干德化湖口等七縣賞借兩月口糧。其豐城德安彭澤建昌瑞昌五縣著借給一月口糧。仍俟種麥時該撫再行酌量借給籽種。至南昌等七縣所有本年應完上年借領籽種口糧著緩至來年秋熟後徵收。其本年借領口糧籽種著遞緩至乙卯丙辰兩年免息徵還。又本年所有各該縣被淹民屯窪地應徵地丁屯糧蘆課等項計銀數自三千餘兩及三四百兩不等著一併緩至來歲麥收後起徵。該撫務須督率州縣實力經理。俾小民均霑實惠。毋任胥吏稍有侵冒等弊。以副朕軫念黎元有加無已至意。○又諭前據陳淮奏藩司岳起因赴豐城縣查勘被水圩隄失足落水受驚致病。曾降旨令其安心調理。以冀速痊。今據該撫奏察看該藩司病勢雖較前稍輕。但痰氣凝結。言語艱澁。且左邊手足拘攣。不能舉動。一時難望就痊等語。岳起自簡任藩司以來。辦理地方事務尚為妥

協。今因查勘被淹圩隄落水致病殊屬可惜。藩司事務較繁。未便久懸曠誤。岳起著即回旗調理。所有江西布政司員缺著萬寧調補。其貴州布政司員缺著賀長庚補授。○諭軍機大臣等據書麟奏撈獲銅舢數目一摺。內稱銅船沉溺處所沙淤八九尺。銅埋沙底。人力難施。往後如溜趨北岸。刷去淤沙。即能用。力等語。所奏殊屬不解事理。銅舢沉溺自應令水摸人等速行剷挖淤沙。實力打撈。豈有坐待刷去淤沙始行打撈之理。試思黃河淤沙日積日多。而銅舢體重沉溺日久。自必深入沙底。愈難施力。該督所奏俟霜降後水落歸槽。剷挖深溝撈取尚屬辦理之一法。若待其溜趨北岸。則淤沙刷去。不知何時。又豈能聽其久待耶。至所稱此次沉溺銅舢應著落書麟與藩司府縣及運員等按股分賠一節。固屬照例辦理。但現在正當打撈銅舢之時。若先議及分賠。則該地方官恃有上司及運



員賠補。不肯認真打撈。於事轉屬無益。此時書麟惟當督令隨時察探。設法撈取。俟實在撈不足數。再行按股分賠也。將此諭令知之。○以湖南鹽法道西成為貴州按察使。○是日駐蹕常山峪行宮。○壬午。以湖北荆宜施道布顏為雲南按察使。○蠲免長蘆官臺王家岡二場潮災竈地四百二十二頃二十五畝。有奇額賦。併予緩徵。○是日駐蹕兩間房行宮。○癸未。

世宗憲皇帝忌辰遣官祭

泰陵。○諭曰。鄒奕孝現在病故。所有福建提督學政著趙佑調補。趙佑接奉此旨。將學政關防交朱珪暫行兼署。即行前赴新任。所有安徽提督學政著吳廷選去。○諭軍機大臣曰。書麟等奏黃河水勢旋長旋消。各工平穩。情形一摺。內稱南河水勢自七月中旬以後。節據河南陝州呈報。萬錦灘長水各工。水勢皆甫消即長。間日長水一尺餘寸。至二尺六七

寸不等。幸賴

河神默佑。皆旋長旋消。並無湧驟停積等語。覽奏深為欣慰。前因李奉翰等奏報河南長水情形。勢頗旺盛。雖未免張大其詞。但豫省既經長水。江南地居下游。究竟河水曾否加長。及修防情形若何。未據書麟等奏報。甚為厯念。因降旨詢問。並發去藏香三百枝。交該督等敬謹收貯。以備隨時拈香叩謝。今據該督等奏稱。水勢已漸消落。工程悉臻平穩。此皆仰賴

河神佑護。得慶安瀾。披覽之餘。倍深敬感。該督等即當遵照前旨。於

天后宮。清黃交匯處

龍神廟。陶莊引河

龍神廟。三處虔誠致祭。用答

神庥。至該督等豫籌蓄水一節。自應如此辦理。該督等惟當董飭所屬。隨時相機妥辦。以慰厯注。將此諭令知之。○以廣西按察使成

林為廣西布政使。右江道薩騰安為按察使。  
○是日。駐蹕要亭行宮。○甲申。遣官祭賢良祠。○諭軍機大臣等。據盛住奏。遵旨進京。陛見。交印起程一摺。自係接奉初次所降諭旨。先行具奏。嗣又經降旨。將盛住調管淮關監督。並著即赴任。不必來京。計此旨。盛住亦已續行奉到。自當遵照。前赴淮關。現在熱河應辦工程甚多。急需已寧阿前來辦理。盛住著遵照前旨。前赴淮關監督之任。以便董椿交代。後即速赴揚州接印任事。換已寧阿速行回京。盛住俟明春巡幸天津時。再赴行在陛見。亦不為遲。將此諭令知之。○是日。駐蹕密雲縣行宮。○乙酉。諭軍機大臣等。現在喚咭喇貢使瞻觀事竣。擬於九月初三日。即令起身。由水路前赴浙江。仍坐原船開洋回國。所有經過水程地方。前已降旨。祇須照常供應。不可過於豐厚。著再傳諭沿途督撫。將來該貢使等經過時。該督撫等祇須派令道將護

送。不必親自接見。其水程應需供給。及口食等項。俱照例應付。俾無缺乏。不可假以禮貌。倘有藉詞逗留等事。應飭令護送官員嚴詞拒絕。催令按程前進。毋任遷延。並著各該督撫。將接待供給。及督率催趲各事宜。開寫傳單。行知沿途照料。及伴送官員一體遵照辦理。○是日。駐蹕南石槽行宮。○丙戌。

上詣

安佑宮行禮。○辛圓明園。○丁亥。以正藍旗漢軍副都統范宜恒為工部侍郎。○戊子。諭兵部尚書員缺。仍著慶桂補授。即著來京。其荊州將軍員缺。著興兆補授。○諭軍機大臣等。喚咭喇在西洋諸國中。較為強悍。且聞其向在海洋。有剽掠西洋各國商船之事。是以附近西洋一帶夷人。畏其恣橫。今不准其留人在京。該國王奉到勅諭後。或因不遂所欲。藉詞生事。不可不豫為之防。在西洋各國。赴天朝貿易。畏服聲教。由來已久。未必肯為附從。

第恐啖咭喇素習桀驁。船多人衆。別夷商等不免被其恫喝。吉慶業於二十一日起程赴浙。山東距浙江甚近。九月初十日內即可抵任。長麟接奉此旨後。即委員將巡撫關防迎赴嘉興一帶。交吉慶接收。長麟即赴粵東新任。以便與郭世勲恪遵節次諭旨。隨時留心密為查察。朕又思啖咭喇國貢使欲由廣東回國之意。必以此次向天朝進貢。大皇帝十分優待。並妄稱許令總理西洋各國貿易之事。向各夷商等誇大其詞。欲思從中抽分稅銀。以為漁利之計。西洋各國夷商。本素畏啖咭喇強橫。今又假天朝聲勢。捏造諭旨。誑誘夷商。均未可定。長麟到粵。總在該貢使之先務須會同郭世勲。撈額先向西洋別國各夷商。詳晰曉諭。以啖咭喇入貢天朝。極為恭順。但該貢使到京後。有欲駐京經營貿易之事。俱經駁斥。現在伊等由廣東回國。恐有假捏大皇帝聖旨。欲向爾等總理貿易。抽分稅

銀等事。斷不可信。其謊言轉於爾等有損無益。特先為諭知爾等。以免將來為其所愚。如此明白曉諭。各夷商行頭。自必心懷感激。且其與啖咭喇是否和睦情形。亦可知其大概。即行迅速覆奏。再聞。衆門有西洋尼僧。在彼焚修。各夷商俱極信奉。遇事聽其指揮。剖斷未知啖咭喇夷人。是否信奉。如此尼僧向不與啖咭喇一氣交結。可將以上曉諭夷商各情節。亦使之聞之。令其暗中作主。若與通同一氣。即不必告知。恐轉有洩漏。總之此事。與其事至而後圖。雖不若先時而加防範。俾該夷使不得行其貪利狡謀。方為妥協。該督等務宜遵照節次諭旨。不動聲色。隨時留心查察。不可稍事張皇。此不過朕思慮所及。豫為指示。以期有備無患。想亦必無其事。萬一該國有煽惑情弊。該督等當撫別國商人。使其各安生業。不與啖咭喇勾合。仍一面據實速奏。候朕裁奪。再該使臣入貢時。沿途海口。曾

經降旨飭令該督撫轉飭各營汛排列隊伍以壯觀瞻。今該使臣到粵回國時並著該督等即飭各標營所有墩臺營汛及旗幟器械務宜鮮明整肅。俾該夷人等見天朝兵威壯盛不敢稍萌輕忽。並禁止洋行別國夷商與彼往來。致有勾結之事。將此傳諭長麟並諭郭世勲蘇楞額知之。以六百里加緊發去。仍六百里加緊迴奏。朕為此事甚繫念也。○庚寅諭曰。長麟奏浙江海塘於七月初三十八兩次大汛。適遇急風驟雨。致東西兩塘柴埽各工間有潑損坍塌。業已搶鑲堵禦穩固等語。本年江浙一帶雨水較多。潮汛挾山水而行。勢甚洶湧。柴埽各工間被衝塌。長麟督率工員分投堵築。各工得以保護無虞。辦理尚屬妥協。長麟及在工出力各員俱著交部照例分別議敘。以示獎勵。○又諭現在喫咭喇國貢使瞻觀事竣。於九月初三日即令起程。由內河水路前赴廣東舉門。附該國貿易船

隻。放洋回國。已派侍郎松筠沿途照料。所有經過各省須專派大員管領兵弁接替護送。直隸省著派慶成山東省著派富成江南省著派王柄江西省著派王集廣東省著派托爾歡各該員務須迎至入境交界處所協同妥為照料管束。○諭軍機大臣等據長麟奏海塘沙水情形一摺。業已督率工員搶鑲堵禦得以保護無虞。辦理尚屬妥協。已有旨交部議敘。著發去藏香一百枝。交該撫敬謹收貯。隨時恭詣。

海神廟拈香致祭。用答

神庥。仍著該撫督率在工各員小心防護。俾各工倍臻穩固。將此傳諭知之。○是月江西巡撫陳淮奏南昌府屬豐城縣濱江兩岸向建石隄捍衛。本年七月初旬連日大雨風浪衝擊致東岸二黃廟官湖墻兩段石堤坍塌五十四丈五尺。又周公墻橫港口角公嘴龍王廟四處石隄俱有損裂。亟須修復。所需修



大清高宗法天隆運至誠先覺體元立極敷文奮武孝慈神聖純皇帝實錄卷之千四百三十六

纂修總裁官經筵講官太子太傅文淵閣大學士文淵閣領閣事領侍衛內大臣稽察叅奏 上諭事件處管理

吏部理藩院事務正黃旗滿洲都統武備副都統功初七級處帶加一級尋常加二級軍功紀錄一次臣履桂

總管官經筵講官太子太傅參政大學士文淵閣領閣事稽察叅奏 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董壽內大臣都察院副都統滿洲副都統功紀錄五次

尋常紀錄十四次臣德興經筵講官太子少保工部尚書紀錄六次臣曹振鏞等奉

敕修

乾隆五十八年癸丑九月辛卯朔諭軍機大

臣等前因啖咭喇表文內懇求留人在京居住。未准所請。恐其有勾結煽惑之事。且慮及該使臣等回抵叅門。捏詞煽惑別國夷商。壅斷謀利。諭令粵省督撫等。禁止勾串。嚴密稽查。昨又據該使臣等。向軍機大臣呈稟。欲於直隸天津。浙江寧波等處海口貿易。並懇賞給附近珠山小海島一處。及附近廣東省城地方一處。居住夷商。收存貨物。種種越例干瀆。斷不可行。已發給敕諭。逐條指駁。飭令使

臣等迅速回國矣。外夷貪狡好利。心性無常。啖咭喇在西洋諸國中。較為強悍。今既未遂所欲。或致稍滋事端。雖天朝法制森嚴。萬方率服。啖咭喇僻處海外。過都歷國。斷不敢妄生釁隙。但觀該國如此。非分干求。究恐其心懷叵測。不可不留心籌計。豫為之防。因思各省海疆。最關緊要。近來巡哨疎懈。營伍廢弛。必須振作改觀。方可有備無患。前已屢次諭知該督撫等。督飭各營汛。於啖咭喇使臣過境時。務宜鎧仗鮮明。隊伍整肅。使之有所畏忌。弭患未萌。今該國有欲撥給近海地方貿易之語。則海疆一帶營汛。不特整飭軍容。併宜豫籌防備。即如寧波之珠山等處海島。及附近叅門島嶼。皆當相度形勢。先事圖維。毋任啖咭喇夷人。潛行占據。該國夷人。雖能諳悉海道。善於駕駛。然便於水而不便於陸。且海船在大洋。亦不能進內洋也。果口岸防守嚴密。主客異勢。亦斷不能施其伎倆。著傳諭

各該督撫飭屬認真巡哨嚴防海口。若該國將來有夷船駛至天津寧波等處妄稱貿易斷不可令其登岸。即行驅逐出洋。倘竟抗違不遵不妨懾以兵威使知畏懼。此外如山東廟島地方該使臣曾經停泊。福建臺灣洋面又係自浙至粵海道亦應一體防範用杜狡謀。各該督撫惟當仰體朕心會同該省提督及沿海各鎮等不動聲色妥協密辦。不可稍有宣露。致使民情疑懼。如或辦理疎懈抑或過涉張皇俱惟該督撫等是問。此係朕思慮所及。先行指示。想來亦不至有此事也。再啖咭喇貢使航海來京。雖曾至寧波海口。然祇暫行寄碇並未就延多日。所有珠山一帶何處島嶼可以居住何處港澳可以停泊豈能遽悉其詳。諒必有內地漢奸私行勾引前來希圖漁利。此等奸民最為可惡。長麟現已赴粵吉慶到任後應即嚴切查察究出勾引奸商數人從重治罪以示懲儆。即或一時不能

查出亦須時刻留心認真訪拏毋任海濱奸民勾結外夷此為最要。再粵海關抽收夷商稅課原應按例徵收嚴禁吏胥需索。啖咭喇商船來粵較之西洋別國為多將來該國貨船出入固不便遽減其稅亦不得絲毫浮收致該夷商等得以藉口。並著傳諭蘇楞額督率稽查公平收納務與西洋別國相同。不可獨露市惠紅毛之意。轉使驕矜長智也。將此傳諭各該督撫遵照妥辦。並諭沿海各提鎮知之。○壬辰諭本日吏部將新選浙江金衢嚴道王鍾健帶領引見。朕看其人甚平常。即簡缺道員亦難勝任。豈可驟膺繁劇。但念其於給事中任內尚無過失。著仍留本任道員職任監司。有統率屬員管理地方之責。該都察院堂官何得以此等才具平庸之人濫行保舉。著明白回奏。○予福建在洋遭風淹斃閩安協水師右營外委方上玉賁卹如例。○癸巳諭曰。圖桑阿奏綏遠城兵丁口糧不敷



支放。請將存貯地租銀兩。於本年秋收後。按照時價。採買穀石貯倉。以備支放。尚屬於事有益。著即照所請行。○乙未。諭南府學藝人等。乃國家歲時宴會。備用音樂所必需。內務府包衣人等。皆朕之旗下臣僕。其俸餉皆有定額。若將京師漢合蘇州優伶。及太監等之弟姪子孫。入於內府三旗。勢必分占包衣人等挑錢糧地步。但此項人內。如果實心黽勉。効力有年者。或將其一二人。酌入包衣。尚可。第不得任意多入。是以朕臨御以來。將此輩入於包衣者甚少。從未有因其懇恩。即行率准者。此事在朕躬。可以自保。惟恐後世子孫。偶失檢點。或因若輩乞請。率意准行。難為豫必。著交總管內務府大臣。加意存記。將來朕之子孫。不得任意多將此項人等。入於包衣旗下。倘諫勸弗納。必欲將此輩入旗。可執朕此旨。毅然諫阻。著將此旨。於阿哥書房軍機處。總管內務府衙門。各錄一道。專藏。○諭軍機大臣。曰。朱珪奏秋收分數一摺。雖

據稱統計通省收成。約有八分。但聞所開單內。繁昌一縣。約收止五分。有餘。銅陵無為二州縣。約收止五分。是該州縣秋收。稍屬歉薄。朕心深為廕念。著該撫。即行查明。如民力不無拮据。有應須接濟之處。即行據實奏聞。妥協辦理。以副朕廕念黎元。不使一夫失所之至意。將此諭令知之。○丙申。轉工部右侍郎吳省欽。為左侍郎。以范宜恒。為右侍郎。○丁酉。諭曰。長麟。自簡任封疆以來。辦事認真。著加恩。兼太子少保銜。以示獎勵。○又諭廣東左翼鎮總兵員缺。緊要。著德敏調補。以資駕輕就熟。所遺山西大同鎮總兵員缺。著恩特赫。默調補。其所遺員缺。即著趙邦詔調補。○又諭。昨日。前鋒統領。護軍統領等。帶領引見人員。景熠落後。前鋒統領。職任綦要。景熠於帶領時。既經遲誤。今又復託故不到。可見其平素懶惰。何以管教。前鋒所有右翼前鋒統領員缺。著都爾嘉補授。都爾嘉所遺鑲黃旗



護軍統領員缺著額勒登保調補額勒登保所遺鑲白旗護軍統領員缺著景熠補授以觀後效若仍前懶惰必從重治罪○諭軍機大臣曰長麟奏喚咭喇夷船五隻高令在定海停候並查出從前該國夷人曾在浙江貿易現已密諭鋪戶嚴行禁止所辦甚為周到可嘉之至已另降諭旨加恩將長麟賞給宮銜並著賞大荷包一對小荷包四個以示獎勵該夷船五隻俱未開行松筠正可護送該貢使徑由水路赴浙到定海上船旋國實為省便著松筠於途次面諭該貢使以原船五隻尚在定海停待爾等正可仍至定海上船較之到粵路程可少大半并可省行走大江及起岸經過梅嶺之煩且管船人嗎喚咭喇爾原欲懇求令其先赴定海今與爾等一同行走豈不更為省事該貢使等自必感激樂從但到定海時想所買茶葉絲舫不過幾日即可購辦齊集松筠務須會同長麟吉慶妥

協辦理即令開船回國勿任藉詞稍有逗留松筠俟該貢使開洋後即可回京覆命長麟亦即赴粵遵照節次諭旨密為妥辦如該貢使即於定海開船由外洋旋國不提再到畧門固屬甚善若提及欲仍至畧門暫泊該處係西洋各國夷人貿易口岸未便禁其前往長麟務須由內地星速赴粵自可趕在該貢使到畧門之前豫為料理此事係長麟一手經辦較為熟諳如此旨到時長麟未經赴粵則已若接奉前次令其赴粵諭旨已將撫篆迎交吉慶即從衢州一帶赴粵於何處接奉此旨即於該處轉回與松筠吉慶一同辦理此為最要又搭赴夷船情願進京當差之安納拉彌額特二名是否真係佛蘭西人抑係喚咭喇國人假托混入長麟無從辨識今詢之在京居住之西洋人羅廣祥等據稱安納拉彌額特等二名久在畧門居住上年西洋人實雲山等自粵來京時安納等即帶口信

欲覓便赴京効力。伊二人實係喚咭喇貢使  
未來之先。即至皋門等語。所言亦難深信。並  
著長麟確切查訪。據實具奏。再行送京。至長  
麟查出浙江人郭姓。從前曾經勾結夷商。今  
已病故。伊子郭傑觀。畧省夷語。已經嚴行管  
住一節。郭姓曾有勾結夷商之事。伊子又能  
畧通夷語。雖現無勾串情弊。然此人留於浙  
江。究不可信。著即派妥員伴送。由別路進京  
備詢。伊係無罪之人。雖不必令帶刑具。但沿  
途務須留心防範。毋致脫逃。起解時。併不可  
令喚咭喇國人聞知。遇見想該撫等自能妥  
辦也。將此由六百里加緊各諭令知之。仍將  
一切情形。隨時迅速覆奏。○以內閣學士扎  
郎阿。為鑲藍旗漢軍副都統。○戊戌  
上御勤政殿聽政。○諭據恒秀奏。審明韓祥生  
項如賓。偷換赫哲等貂皮一案。請將韓祥生  
等枷號兩個月。杖責逐出境外等語。民人韓  
祥生等。膽敢豫在赫哲等來路。偷換貂皮。甚

屬不法。若僅逐出境外。亦不過逐出吉林邊  
外而已。吉林境外。非盛京即黑龍江地方。仍  
不免在彼處有偷換貂皮人獲之事。韓祥生  
項如賓。均著枷號兩個月。滿日杖一百。發遣  
烟瘴地方。以示儆戒。嗣後似此者。俱照此辦  
理。○以通政司副使成德。為太僕寺卿。○已  
亥。  
上辛靜宜園駐蹕。至壬寅。皆如之。○以工部左  
侍郎吳省欽。知武舉。內閣學士周興岱。為武  
會試正考官。翰林院侍講學士胡長齡。為副  
考官。○庚子。諭曰。勒保奏。濫刑責斃賊匪之  
外委杜泰。從重擬發新疆一摺。此案賊匪馬  
胡。業自供認行竊。不諱。杜泰係該管汛弁。  
有稽查之責。且所責僅四十五板。尚不為多。  
若因責斃賊匪。遽將該外委發往新疆。將來  
營弁等於所管汛地。遇有匪徒。轉不敢盤詰  
拘拏。殊非整飭捕務之道。但其獲犯後。不移  
送有司衙門。擅自責處致斃。著依律問擬。杖

徒已足蔽辜。營兵張成係聽從本官用刑。其罪尚輕。亦著照律減一等發落。○又諭昨據恩特赫默蔡攀龍奏勘明黑水洋面情形一摺。內稱由日照縣地方夾倉口出洋。查明黑水洋地方即在牛車山安定羅盤。以牛車山為界。牛車山之南為江南界。牛車山之北為山東界。嗣後遇有劫案。該船戶等不論在山東江南何處衙門具報。即速移知接壤營縣嚴拏等語。向來東省洋面以鶯遊門為界。江南洋面以牛車山為界。而牛車山距鶯遊門中間尚隔一百二十里。從前未經立定界址。以致遇有盜劫案件。彼此互相推諉。今據該總兵等親往勘明。即以牛車山分界。立定緝盜責成。亦祇可如此辦理。所有奏請劃定界址及巡哨捕盜事宜。俱著照所請行。至恩特赫默蔡攀龍親身查勘遠涉外洋。尚屬冒險出力。著各賞緞二匹。其跟隨出洋之兵丁等。著該督撫查明酌加獎賞。以示體恤。○辛丑

諭軍機大臣曰。松筠奏遵旨傳示該貢使等欣感情形一摺。內稱該貢使向松筠述稱。意欲沿途買物。當經松筠諭以爾等需買茶葉絲觔。業奉恩旨准在寧波置買。沿途地方貿易商人向不與外國交易。若欲在途買物。斷不可行等語。所諭甚當。該貢使等見小貪利。實為可笑。松筠遵旨嚴辭阻止。諒不敢再行。續請至伊等到定海後。購買茶葉絲觔等物。必須官為經理。立定價值。公平交易。勿令牙行鋪戶人等經手。致啟奸商勾結等弊。想松筠等自能妥協辦理。此等外夷在內地購買物件。若令其自行交易。誠恐人地生疎。鋪戶等不無居奇苛刻。且奸商市儈易於暗中勾結。是以不得不派員為之經理。但伊等貿易之事。若竟官為經手。則似伊等私事。官為承辦。不足以昭體制。惟當令其自行交易。從中彈壓。勿令鋪戶牙行故為昂貴。並有私相勾結等事。以昭嚴肅。而示體恤。又據松筠奏經

過各處城鄉市鎮。不令該貢使隨從人等上岸。亦不許民人近船觀看。稍滋事端一節。但該貢使等萬里遠來。旋回本國。經由內地。所過城鄉市鎮。自不應令伊等上岸遊觀。至於臨清。濟寧。及淮安。鎮江。蘇揚一帶。人烟輻輳。商旅雲集。亦不妨令在船順道觀覽。俾知天朝富庶。祇須留心防範。毋致藉詞登岸逗留。致滋他弊。若竟閉置舟中。亦非體恤遠人之意。但從來內外大小臣工。辦事難得適中。非過即不及。松筠等不可不加意體會。總須於嚴切之中。仍寓懷柔。俾其知感。知畏。方為得當。○署貴州巡撫馮光熊疏報黃平。甕安。湄潭。清平。婺川。五州縣。開墾額內額外田一百七十八畝有奇。○癸卯。

上迴圓明園。○遣官祭歷代帝王廟。○遣官祭都城隍之神。○甲辰。諭曰。臬沅。秦湖。廣提督俞金鰲。腿疾未能即痊。懇請解任。回籍等語。

俞金鰲在提督任內有年。今因年老患病。懇請解任。著准其解任回籍。並加恩賞給左都督銜。以示優眷。所有湖廣提督員缺。著梁朝桂調補。彭承堯著調補廣西提督。其四川提督員缺。著穆克登阿補授。○又諭。據書麟等奏查江蘇省東海水師營所轄洋面。與山東洋面毗連。向來互相推諉。一摺。內稱。山東洋面盜案。應聽山東巡撫查叅外。所有船戶楊恒發等被劫二案。止稱在黑水洋。未據報明在何省境內。但兩省皆有黑水洋面。該管將弁。即應趕緊緝拏。首先推諉之前任東海營都司王良柱。業經病故。所有接任都司今陞游擊色克圖。因前官推諉。亦不即行查勘。未便姑容。請將色克圖革職。發往軍臺効力贖罪等語。水師所轄洋面。各有分界。即有兩省交界處所。遇有盜劫。亦應會同緝拏。向來江蘇山東所轄海洋。劃界未能明晰。以致彼此互相推諉。案懸多年。盜無弋獲。所有兩省該

管將弁。俱有應得處分。今江蘇山東兩省。均有黑水洋面。山東省疎防將弁。尚未查明。參奏。而書麟等將遊擊色克圖。先行劾參。且楊恒發等被盜二案。止稱在黑水洋。並未查出。究係何省洋面。犯案年月。又非色克圖本任。據擬軍臺。不足以示平允。自應將失事洋面。及實係何人任內之事。詳確查明。據實覈辦。現在山東巡撫。係江蘭護理。此事非伊才具所能查辦。即將來惠齡到任。亦未必能辦理。妥協。且惠齡現署四川督篆。交代起程。尚屬需時。所有山東巡撫員缺。著福寧調補。即赴新任。其湖北巡撫。即著惠齡補授。惠齡未到任以前。湖北巡撫印篆。著畢沅兼署。福寧接奉此旨。即一面起程。一面知會奇豐額。兩人同赴江蘇山東交界地方。駐劄海濱。不必自行出洋。各派熟諳將弁。前赴洋面。會同查勘。詳定地界。將江蘇山東盜劫各案。究係何省所管。何員任內之事。詳悉確查。一體辦理。以

昭覈實。所有書麟參奏之摺。俟福寧奇豐額會查奏到。再行覈辦。諭軍機大臣等。刑部具題安徽省緩決人犯本內。斬婦王氏一起。該省原擬情實。經九卿改擬緩決。此案陶奉廷。係王氏夫兄。向孀居。弟婦勒索錢文。被撞同跌致斃。即問擬情實。勾到時。朕酌覈情理。必予以免勾。今九卿改擬緩決。原可照所擬辦理。但閱本內所敘。陶奉廷頭撞王氏。該氏站立不穩。仰面跌地。陶奉廷隨勢撲壓身上。喉內痰壅。該氏用手將陶奉廷推轉在地。陶奉廷氣閉殞命等語。情節未為確實。陶奉廷跌地時。如被王氏撲壓身上。或因壓痰壅。自係事之所有。今陶奉廷撲壓王氏身上。何得一時轉致痰壅。况王氏手推。係在陶奉廷痰壅之後。亦不得謂痰壅而亡。緣手推所起。其陶奉廷是否年老衰病。平日素有痰病。本內均未聲明。此等情節未符之處。該撫具題時。既未研訊明確。詳細聲敘。而刑部亦止照原

題案情敘入本內殊欠明晰著傳諭朱珪即將此案指出各情覆加確覈據實具奏勿稍含混

大清高宗法天隆運至誠先覺體元立極敷文奮武孝慈神聖純皇帝實錄卷之一千四百三十六

大清高宗法天隆運至誠先覺體元立極敷文奮武孝慈神聖純皇帝實錄卷之一千四百三十七

監修總裁官總纂修官太子太傅文淵閣大學士文淵閣領侍衛內大臣稽察欽奉 上諭事件處事務  
吏部理藩院事務正黃旗滿洲都統世襲騎都尉軍功加七級隨帶加一級尋常加二級實功紀錄一次臣履桂  
總纂官總纂修官太子太傅文淵閣大學士文淵閣領侍衛內大臣稽察欽奉 上諭事件處事務  
世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次  
尋常紀錄十四次臣德瑛總纂修官太子少保工部尚書紀錄六次臣曹振鏞等奉  
敕修

乾隆五十八年癸丑九月丙午諭曰朱珪奏

安慶池州等府屬濱江臨湖地方因夏間雨水稍多江淮盛漲間有漫溢沙壅之處收成歉薄等語本年安徽省各屬秋成約計八分尚屬豐稔惟夏間雨水稍多山水驟發江淮盛漲其濱臨江湖低窪處所積水未能全消以致收成歉薄民力未免拮据所有被水稍重之無為州著賞借兩月口糧銅陵繁昌二縣著賞借一月口糧以資接濟該撫務須督飭該州縣覈實按戶給放俾閭閻均沾實惠

母任吏胥侵漁滋弊。至懷寧、桐城等二十八州縣衛。被水後雖已涸復補種。秋收究屬歉薄。除貴池、銅陵、東流、無為、廬江等五州縣本年地丁新糧現值輪蠲外。尚有應徵漕糧。漕項、南屯、米麥、豆折、蘆課、津貼、加津等項。並節年舊欠錢糧。及因災借帑各項。又懷寧、桐城、潛山、望江、蕪湖、繁昌、壽州、宿州、鳳陽、懷遠、定遠、靈璧、鳳臺、泗州、盱眙、天長、五河、和州等十八州縣。並安慶、建陽、鳳陽、長淮、河州等五衛村莊低窪田畝。應徵本年新賦。及節年因災緩帶舊欠錢糧。並借欠各項。均著緩至來年秋成後。分別遞展。啟徵。以紓民力。其應徵新舊漕糧漕項銀米。亦著緩至來年秋成後徵收。俾民力益資寬裕。以副朕軫念民休有加無已至意。該部即遵諭行。○又諭曰。朱珪奏拏獲鄰境首夥盜犯一摺。披閱摺內所獲盜犯業經另疏具題。此摺止為拏獲盜犯之知縣王霽請加鼓勵起見。各省拏獲盜犯。如果

案關重大。決不待時者。或用專摺以期迅速。若止係尋常命盜案件。原可循例具疏題報。即或因地方文武有留心緝捕之員。亦可於題本內聲明交部。何必於具題之外。又用摺奏。致多繁複。各省督撫。往往因無事可奏。將地方例應具題之件。復行摺奏。以見其留心辦事。而總不計及動勞驛馬。朕日理萬幾。於臣工章奏。披覽從不憚煩。但此等重複之事。徒煩案牘。實屬無謂。嗣後應用摺奏者。不必復行具題。其應具題者。即不得再用摺奏。以歸簡要。將此通諭知之。朱珪摺著交部照例辦理。○又諭據保寧奏。新疆應用銅鐵銅錫等物。請將禁止出關之處停止。准令販賣等語。新疆民人所有種地應用器具。銅鐵銅錫等物。在所必需。既非本地所產。而內地又不准其販賣。於生計未免有礙。即照所奏。准由內地販賣。其禁止出關之處。著停止。但不可使哈薩克布魯特等外夷轉相貿易。著保寧



等不時留心稽察。倘有賣給哈薩克布魯特等夷之處。即當嚴行辦理。○以廣東三江口副將斤九敘為四川建昌鎮總兵。○丁未。諭軍機大臣曰。松筠奏喚咭喇貢使。於十四日行抵德州。並沿途欽遵諭旨。隨時妥辦。各摺諸凡皆安。覽奏欣慰。此事松筠在軍機處行走。面聆諭旨。其顛末係所深悉。松筠起身時。朕復詳加面諭。今該貢使等沿途行走。甚為安靜。能知小心畏法。自無慮其耽延。但其人心志詭詐。總宜持之以法。毋任使巧。現據吉慶奏。於初五日已抵浙任事。長麟因其細心。亦已有旨令其回浙同辦。計松筠於十月半間。可抵浙江。與長麟吉慶會晤。松筠將朕面為指示之處。詳悉告知伊等。三人公同商辦。自然諸事合宜。副朕委任。如該貢使置買茶葉絲觔。即行回國。固屬甚善。倘藉詞逗留。松筠等定能面為曉諭也。○兵部以武會試中額請得旨。這考試漢軍取中二名。直隸取中

七名。陝西取中六名。廣東取中四名。河南取中一名。山東取中四名。江蘇取中一名。安徽取中一名。山西取中一名。湖北取中一名。湖南取中一名。四川取中一名。廣西取中一名。福建取中一名。浙江取中二名。江西取中一名。雲南取中一名。貴州取中一名。○戊申。諭福建漳州鎮總兵員缺。著顏鳴漢調補。並署水師提督印務。其建寧鎮總兵員缺。著斤九敘調補。諸神保著調補四川建昌鎮總兵。其松潘鎮總兵員缺。著達英泰補授。○己酉。諭貴州運京乾隆五十八年分沉溺鉛七萬觔。○庚戌。上詣安佑宮行禮。○壬子。諭戶部議覆長蘆鹽政徵瑞奏蘆東各屬本年應徵商課。請緩至五十九年。分限五年帶徵一摺。所駁甚是。第念上年該處雨澤愆期。收成稍歉。鹽引不能暢銷。今歲雖收成豐稔。商力轉輸不及。情形究屬



拮据。但從前節年緩帶課項。已展至七年帶徵。此次若如該鹽政所請。再將本年商課分作五年帶徵。為期未免太緩。所有本年長蘆應徵正餘引課銀五十餘萬兩。山東應徵引票課銀十八萬餘兩。著加恩自五十九年起。分限三年帶徵。以紓商力。○諭軍機大臣等。據吉慶奏。喚咭喇船隻。因連日風順。小船於初八日開行。大船三隻。亦擬於初九日開行。經總兵馬瑀。曉諭該夷官等。以業經奏准。等待貢使。必須候旨遵行。隨據該夷官等答稱。原欲等候貢使。今因病體沉重。難以久留。倘貢使就到。我留大船一隻。並舵水人等共一百二十餘名。在此等候。吉慶飛咨馬瑀等。將所留大船一隻。派員看守。不令開行等語。喚咭喇船隻。到定海時。因患病人多。懇留調治。經長麟准其暫留候旨。今又藉稱病重。忽欲先行。固屬夷性反覆靡常。現據吉慶諭令留船一隻。甚為寬大。足供貢使乘坐之用。亦祇

可如此辦理。著傳諭松筠。即向該貢使諭知。仍赴浙乘坐原船歸國。倘或該貢使等藉稱船少。又欲遷延觀望。即應嚴辭斥駁。諭以此係爾等夷官不肯停待。自欲先行。並非浙江地方官飭令開船。今已留大船一隻。足敷乘坐。自應速赴浙江登舟。毋得托故逗留。別生枝節。又同日據長麟奏。招募採取蛋魚之人。於有水師各省。撥給一二十名。分派賞給雙分戰糧。以備制勝夷船之用等語。所慮未免過當。喚咭喇夷性狡詐。此時未遂所欲。或致尋衅滋事。固宜先事防範。但該國遠隔重洋。即使妄滋事端。尚在二三年之後。況該貢使等日覩天朝法制森嚴。營伍整肅。亦斷不敢遽萌他意。此時惟當於各海口留心督飭。嚴密巡防。以期有備無患。若即招募蛋戶。備用此等於營伍技藝。本不諳習。若令伊等舍其本業。入伍食糧。即賞給雙分戰糧。亦恐不副其願。而在營久候。轉致入水生疎。於事尤屬

無益。且各省營制。向無此等蛋籍。今以之分隸各營。頂補額缺。豈不貽笑營伍。况各省撥給一二十名在營。為數甚少。焉能得力。即使喚咭喇或有弊端。不妨臨時加價雇用。又何必豫行招募。致滋紛擾。長麟雖能用心思。但所奏此一節。未免失之迂濶。竟可無庸辦理。將此由六百里各諭令知之。○癸丑。諭刑部奏鑲黃旗滿洲二等侍衛德喜杖斃伊姪書魯一案。審明將德喜革職。枷號四十日。滿日鞭責一百等。因具奏。因屬照例辦理。但書魯酗酒無賴。欠人錢文。德喜以其不服約束。始以木板責打數下。因而殞命。書魯不肖。德喜係伊親叔。理應約束。尚非圖謀產業。攘奪資財。故殺者可比。將德喜革職。已足蔽辜。若再與枷號鞭責之罪。則旗人何以約束。不肖子弟耶。德喜著僅與革職。其枷號之罪。著寬免。仍挑在各項拜唐阿上。令其奮勉行走。餘照所請行。朕於一切事務。惟據理覈其所犯情

節。秉公辦理。當寬則寬。當嚴則嚴。著將此通諭八旗知之。○諭軍機大臣曰。松筠奏連日途次泊舟時。該貢使過船求見。款曲稟述。似有冀圖轉達天聽之意等語。該使臣連次過船求見。松筠婉詞稟述。自以松筠係欽差照料伊等之人。可將其感激悔懼之意。代為奏達。但朕此時不值特降諭旨。計該貢使十月望間。方可到杭州省城。再由省城前往寧波。上船候風放洋。已在十月底十一月初間。該貢使等應在洋面度歲。著發去御書福字一個。繡蟒袍一件。錦緞五匹。葫蘆大荷包一對。小荷包六個。賜與該國王。又御書福字一個。賞給貢使以下人等。並另賞正使錦緞大緞各一匹。大荷包一對。小荷包四個。副使大錦緞一匹。大荷包一對。小荷包二個。著松筠等於該貢使將次上船時。傳旨賞給。並諭以大皇帝念爾國王誠心効款。遣爾等遠涉重洋。進京祝嘏。大皇帝嘉爾等恭順。已優加宴賚。

且以爾等沿途安靜。今當旋國之時。新正將近。特賜爾國王御書福字一個。俾爾國王得荷天朝數錫。永近新正祥瑞。並蟒緞荷包等件。用昭恩眷。又御書福字一個。係賞爾正副貢使。及合船人等。因爾等在洋度歲。俾得共仗大皇帝洪福。吉祥如意。安穩涉洋。並另賞爾等緞匹荷包。爾等益當感激大皇帝有加無已之恩。此一節著松筠於到寧波後。屆期會同長麟吉慶遵照辦理。松筠仍先向該貢使面諭。以爾等前此在京所請各條。不但與天朝體制不符。亦於爾國無益。是以未便准行。已於勅諭內逐條明白曉示。爾國王素屬曉事。斷不因所請未遂。致怪爾等。至天津寧波等處。向無洋行通事。與外夷交易之例。是以未允所請。其疊門貿易。已百有餘年。況此次爾國王又遣爾航海遠來。輸誠納賚。極為恭順。豈有不准爾國貿易之理。爾等儘可安心旋國。一一轉告爾國王知悉。將來爾國夷

商到疊門貿易者。仍與各國一體公平抽稅。照料體卹。爾等轉不必過慮也。如此詳悉諭知。該貢使自當益知感畏。敬謹遵奉。將此由五百里諭令知之。○甲寅諭。河南省節年平糶倉穀缺額。本年大河南北。麥禾均屬稔收。若不及時買補。既慮穀賤傷農。且倉廩何由充實。自應照數買補歸倉。以足額貯。但採買一事最易滋弊。若不嚴行督察。實力妥辦。或不肖州縣。及胥役等。有藉詞勒買。短發價值等事。是非所以卹農。而適足以病民。轉為地方之害。該撫務須督同司道等。嚴行查察。按價給值。俾小民均霑樂歲之利。毋許官役短價勒買。致滋擾累。倘有此等弊端。一經查出。除將不肖州縣從重治罪外。該撫亦不能辭其咎也。○緩徵江西南昌。新建。進賢。鄱陽。餘干。都昌。德化等七縣。五十七年水災。民糧銀七千八百一十五兩有奇。南昌。九江。二衛。屯糧銀七十八兩有奇。德化。湖口。二縣。蘆課銀

五百四兩有奇。○乙卯諭昨兵部將惠齡送到軍臺出力之署成都左營都司姜敏功帶領引見。朕因該員曾在軍營出力。是以交軍機處記名。向例遊擊以下人員。不能特邀親簡。記名後。俱交部扣足三年。准予陞用一次。但此等人員。因其奮勉出力。予以陞擢。用示鼓勵。原難保其始終奮勉。無改弦易轍之事。嗣後各省督撫。於此項記名人員。予以陞用之後。務須留心察看。倘能仍前出力。不妨再行保奏。或竟題陞。或送部引見。量加拔擢。若該員因已邀陞用。不知勉圖上進。亦當據實叅奏。於獎勵之中。加以考覈。庶該員等益知奮勉。不至初終易轍。以副朕鼓勵戎行。綜覈名實至意。將此通諭知之。○又諭據琳寧等奏奉天府府丞百齡現丁母憂。所有錦州府屬應考生童。請旨交福保考試等語。百齡現已丁憂。錦州府屬生童。即令福保考試。其學政關防。亦著福保暫行署理。○又諭據琳寧

等奏稱補放盛京宗學覺羅學正副管長。擬定正陪人員。帶領引見。如擬正者補放。請將擬陪者記名等語。各省補放協領以下官員。向係於引見時。擬正者補授。其擬陪者記名。俟續有缺出。即以坐補。嗣後補放盛京宗學覺羅學正副管長時。即照此例擬定人員。帶領引見。擬正者補放。擬陪者亦著記名。俟續有缺出。即行坐補。不必復令來京。以省往返路費。用示朕優恤宗室覺羅之意。○諭軍機大臣曰。松筠奏嘆咭喇貢使祇領恩賞。奶餅感激歡忭。及松筠曉諭該貢使情形一摺。所辦甚是。但松筠所言西洋各國夷商。俱在畧門交易。而紅毛各船。不當在黃埔灣泊一節。今據福康安稱。前在廣東時。即於黃埔地方查勘。本係該國貨船停泊之處。畧門轉無嘆咭喇船隻。今松筠所言。竟屬知其。不知其。松筠未曾到過廣東。於彼處情形。自未能熟諳。即長麟亦恐不能知悉。此次該貢使既

欲於回國之便。到廣東黃埔地方。看視伊國貿易之人。祇好聽其自便。惟該使臣到黃埔時。著長麟遵照前次諭旨。不動聲色。先為密諭。舉門西洋外國夷商。勿為夷使所惑。此為最要。至該貢使到寧波後。乘坐原船。由外洋行走。如得順風。較之長麟由內河到粵。自為迅速。今松筠請令長麟在杭州省城見過使臣後。即馳赴粵省。該使臣由杭城前赴寧波。置買茶葉絲舫。再遲二十餘日。開船放洋。長麟自必先到粵東。會同郭世勳。豫為籌辦。諸事得以從容。自當如此。著傳諭長麟。即照松筠所請。於會晤松筠商定一切後。即馳赴粵東。先為料理。將此由六百里諭令知之。○又諭曰。奇豐額奏揚州由閘等關稅課比較短少。一摺。江省稅務。如淮宿潁暨龍江等關。俱由京簡員前往管理。各該關稅額本多。且有別項差使。用度較繁。尚屬無故不應短絀。至揚由二關。係巡撫兼管。派委道員監收。稅額

既輕。費用亦省。該管之員。尚可從中沾潤。是以各省道員。有兼管權務者。向來俱視為美缺。何至轉有虧絀之事。即如蕪湖上海等關。皆係道員兼管。並不聞盈餘常有短少。何以揚由二關。短少盈餘。至四萬餘兩之多。其中必有別情。著傳諭書麟。奇豐額。務須詳細查明。據實具奏。勿稍迴護。干咎。所有此次短少銀兩。自應按照經徵月日。著落各該員名下。分別追賠。以完公項。○丙辰

上詣

大高殿

壽皇殿行禮。○還宮。○詔雲南運京乾隆五十年分沉溺銅一萬七千七百觔有奇。○予故扎魯特鎮國公色楞扎布致祭如例。○丁巳。

孝慈高皇后忌辰。遣官祭

福陵。○諭曰。奇豐額奏。江蘇省自夏秋以來。雨水充盈。高阜田畝。實屬有收。惟低窪處所。間

有地勢太卑積水不能補種之處收成未免稍歉等語。江蘇地方連歲豐收糧價平減惟本年夏秋之間雨水稍多低窪處所間有被淹雖皆不過一隅但收成究不無歉薄民力未免拮据。所有海州沐陽清河安東桃源宿遷山陽阜寧鹽城高淳高郵寶應東臺興化碭山蕭縣長洲元和常熟昭文崑山新陽婁縣青浦陽湖無錫江陰太倉鎮洋等二十九州縣并坐落各屬之淮安大河徐州蘇州太湖倉鎮海等六衛地方被水田畝本年應徵帶徵漕米錢糧著加恩緩至來秋分作二年帶徵俾民力益資寬裕以示朕軫恤加惠至意該部即遵諭行。○諭軍機大臣等戶部議覆富綱奏添撥工本銀兩採買餘銅一摺指出逐條俱是已依議行矣。據富綱奏年來銅廠豐旺除應辦額銅之外多辦餘銅借款墊發已墊給工本銀一百餘萬兩等語近年銅廠豐旺固應及時收買但該省每年額銅應辦

一千五十九萬餘觔而逐年借項採辦餘銅又有一千三百四十餘萬觔除供各省採買外其每年解運京銅祇須六百三十三萬餘觔是該省積存餘銅已屬不少今又添撥工本一百萬兩隨時採買又應得餘銅一千餘萬觔若不隨時搭解運京縱使在滇堆積成山亦屬無用即便搭解運京亦覺過多無用處也且該督奏稱自乾隆五十一年起至五十七年止已陸續派撥工本腳費一百餘萬兩俱於別款暫為借墊滇省藩庫應存地丁等項銀兩不過數十萬該省軍餉銅本存在皆需協撥此項借款又從何處墊發從前並未報部究係借動何款而自此項派撥銀兩以後如何按款歸還若將添撥銀兩歸還前項動款又何以為將來收買餘銅之用該督摺內均未分晰聲敘是該督所請借項添買餘銅仍屬有名無實不過為目前那用之計又該省局存錢文現據戶部查出積存一百

五萬餘串。以後每年自必續有存積。似此日積日多。徒滋貫朽。今既欲添買餘銅。何以不即將此項存積錢文。動撥應用。即使滇省錢價較賤。不敷添撥之數。而即以報部錢價一千二百文計算。已屬抵撥有盈。何以該督亦並未計及。且此項錢文。與其存積局內。何不於各省赴滇採買銅觔時。即將此錢文發給。抵作銅觔。則滇省錢文。既不致積壓無用。而各省又可省鼓鑄之煩。豈不一舉兩便。前經戶部將此行查各省俱稱運用滇錢。恐於工本有虧。不便配用。此亦係各省因局鑄多有盈餘。若領用滇錢。不能獲利。藉稱工本有虧。原不可信。此事前令譚尚忠會同入議。而於此等情節。亦均未能深悉登覆。著富綱費淳將戶部摺內指出各條逐款詳晰查明。據實覆奏。再行覈辦。毋得迴護干咎。○戊午。諭曰。穆騰額因向商人斂銀擬斬。如果有枉法貪婪情節。斷難寬宥。伊不過踵事增華。假公科

斂。尚非罪無可逭。著加恩釋放。充補圓明園拜唐阿。令其効力贖罪。○是日起。上以孟冬享太廟。齋戒三日。○己未。孝敬憲皇后忌辰。遣官祭泰陵。○諭京城廣寧門外普濟堂。冬間施舍貧民經費米石。恐不敷用。著加恩將京倉內小米。賞給三百石。以資接濟。○諭軍機大臣等。據松筠奏。喚咭喇貢使。懇請仍由廣東行走等語。前因吉慶奏。喚咭喇夷船。已在定海開行四隻。留大船一隻。等候貢使。足敷乘坐。是以諭令松筠。傳諭該貢使等。仍當赴浙乘坐。原船歸國。今據松筠奏。遵旨傳諭後。該貢使又稱。現在行李物件甚多。人數亦復不少。海內有極熱之處。若我等都上原船擁擠一處。易生疾病。祇求代奏格外施恩。准將沉重箱件。分撥從人照料。由定海上船。我等止帶隨身行李。仍走廣東等語。當經松筠峻辭斥駁。



而該貢使等淚隨言下。看來尚係實情。亦祇可准其所請。著松筠再向該貢使等傳諭。以爾國原船。現留大船一隻。在浙停泊等候。原可由浙放洋回國。不應紆道廣東。今大皇帝俯念爾等下情。或致擁擠患疾。曲加體恤。准爾等攜帶隨身行李。仍由廣東行走。其沉重物件。即著爾等分撥從人照料。由定海上船回國。此係大皇帝軫恤遠人。逾格恩施。爾等當倍加感激。但爾國船隻。係爾等乘坐前來。別船雖有頭領。其停泊開行。自應聽爾正副使分付。方為正理。即如本部堂乘坐之船。令其在何處等候。斷無不凜遵指示。若在船官役兵丁。擅自開行。必將官員叅究。兵役治罪。今爾等在浙船隻。並不候爾等之信。輒敢先行開洋。可見爾國法度不能嚴肅。任其來去自便。爾等回國後。當告知爾國王。加以懲治。俾該貢使聞知。感激之下。益加凜畏也。松筠到浙。會同吉慶。前赴定海。將該貢使分撥從

人及沉重物件。照料開船後。松筠即當自浙回京復命。毋庸再赴廣東。長麟即帶同貢使。由水路行走。至江西過嶺赴粵。令其附搭該國貿易便船回國。長麟惟當遵照即次松筠所告訓諭。妥協辦理。以副委任。將此由六百里加緊諭令知之。○詔雲南運京乾隆五十四年分沉溺銅二萬七千五百觔。○以雲南龍陵協副將蘇爾相為鶴麗鎮總兵。○庚申。諭據陳淮奏。查明被水各縣內。南昌等七縣。尚有應徵正副漕米。其高阜地畝。現在照舊交納。惟低窪被水各戶。秋成失望。輸納維艱等語。江西南昌等處被淹村莊。雖止各縣中之一隅。但該處糧戶。既已失收。且多係連年被水之區。若復令其買米完糧。民力未免仍形竭蹶。所有南昌。新建。豐城。進賢。鄱陽。餘干。建昌七縣。應徵本年漕米。著加恩緩至來歲秋成帶徵交倉。俾民力益資寬裕。以副朕軫卹加惠至意。該部即遵諭行。○又諭曰。唉。咭



喇國遣使赴京。祝禧納賚。朕因係遠夷所進。方物。特命分賞。俾內外大臣。共知聲教。覃敷之盛。督撫等接奉後。謝恩摺內。自應將所賞物件。係嘆咭喇國呈進之處。敘明。昨朱珪奏到摺內。即將此意。敘入。乃本日蔣兆奎謝恩之摺。止稱奉到恩賞。單掛料一件。而於嘆咭喇所進。並未一字提及。竟似無故而特加賞賚。所奏殊不明晰。朱珪學問稍優。是以措詞尚能合體。而蔣兆奎由州縣出身。文理荒疎。遂一任庸劣幕友。填砌膚詞。以致失當。現在各省督撫等謝恩之摺。自己已在途。其中或有如蔣兆奎之未經敘明者。亦已不及更正。此事尚無關緊要。若於辦理地方事務。有應行入告者。亦漫不經心。任聽劣幕。率意鋪敘。豈不為其所誤。嗣後於題奏事件。務宜加倍留心。以期立言得當。然朕總不以語言細故。定督撫之賢否。非甚關政治之要也。將此通諭知之。○是月。護理山東巡撫布政使江蘭

奏東省沿海一帶礮臺墩汎。自前撫臣岳濬修理後。已閱六十餘載。現據福山等各州縣陸續稟報。除間有塌損。業經修復外。尚有礮臺十七座。墩汎四十六處。亟應興工拆建。估需銀六千餘兩。請於三限城工生息銀兩。節省餘剩項下動支。報聞。○陝甘總督勒保奏。通鑑綱目續編內發明廣義二條。持論偏謬之處。自奉到頒發本。即飭屬搜繳抽改。甘省地處邊陲。本年分並無查出前項書籍。至文武各官去思德政等碑。撲毀無存。亦並無軍民製造衣傘扁額等事。得旨。仍當留心。不可久懈。

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百三十七

實錄卷一千四百三十七

三

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百三十八

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處掌理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣履陸

總纂官經筵講官太子太傅文華殿大學士文淵閣領閣事稽察欽奉 上諭事件處掌理刑部戶部查書洛

世襲騎都尉軍功加十九級隨帶加二級又加二級臣董誥內大臣戶部尚書鑲黃旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆五十八年癸丑冬十月辛酉朔享

太廟。

上親詣行禮。○遣官祭

永陵

福陵

昭陵

昭西陵

孝陵

孝東陵

景陵。

泰陵

泰東陵○遣官祭

孝賢皇后陵

端慧皇太子園寢○頒乾隆五十九年時憲書○順天府行鄉飲酒禮○癸亥

上御懋勤殿勾到秋審官犯服制及雲南貴州

情實罪犯停決官犯四人服制斬犯二十人

雲南絞犯二人貴州絞犯五人餘三十八人

予勾○諭據明亮等奏黑龍江所屬各處耕

種米穀均屬豐收齊齊哈爾打牲烏拉二處

從前支借未繳穀石請自明年起徵限作五

年完繳等語本年黑龍江所屬各處耕種米

穀雖俱豐收但齊齊哈爾打牲烏拉二處從

前支借未繳穀石若自本年立限令其繳還

伊等明年耕種口糧等項未免竭蹶著加恩

將應行繳還穀十三萬三千四百餘石豁免

一半其餘一半著自明年秋季起徵限作三

年完繳以示體恤之意○又諭八旗通志著

添派鐵保辦理○又諭閩粵南澳鎮總兵員

缺緊要著該督等於福建廣東總兵內揀選

一員調補所遺員缺著梁秉脊補授○諭軍

機大臣等據蔡攀龍奏報秋禾分數摺內稱

自山東回任經由膠州高密諸城日照等州

縣秋禾豐稔現缺雨澤等語山東今歲雨水

調勻收成尚屬豐稔但現屆二麥播種之後

土脈正宜滋潤膠州等州縣既缺雨澤江蘭

自應督率該地方官虔誠祈禱冀沛甘霖何

以江蘭並未禱雨又未將各該處缺雨情形

奏聞著傳諭江蘭即查明膠州高密諸城日

照等州縣如果缺少雨澤秋麥間有未種或

有應須量加接濟之處即行據實奏聞並將

曾否禱雨之處具奏毋稍諱飾尋奏膠州高

密諸城日照等州縣次第得雨二三寸不等

麥現種五六分其棉花晚豆地畝收割較遲

尚需雨澤續霑方可全種現在虔誠祈禱如

旬日內得雨未種麥田尚可補種糧價亦尚

平賤。此時正無需接濟。得旨。今得雨雪否。○又諭曰。松筠奏遵旨詳諭。咲咭喇貢使欣感。悅服情形。一摺。諸凡皆妥。至該貢使等。又向松筠言及。欲照俄羅斯之例。留人在京學藝。實屬妄行干瀆。總不知足。殊為可惡。雖松筠嚴詞拒絕。所駁甚是。同日據吉慶奏。咲咭喇所留大船一隻。即係該貢使原坐之船。極為寬大。現派員弁等駐宿看守等語。此事前據吉慶奏到後。即令松筠諭知該貢使等。以現留船隻足敷乘坐。仍當赴浙。上其原船歸國。嗣據松筠奏。該貢使等以行李物件甚多。人數不少。若擁擠一處。易生疾病。求將沉重箱件。分撥從人照料。由定海上船。貢使等止帶隨身行李。仍由河路。前赴廣東行走。經松筠峻詞斥駁。而該貢使等流隨言下。似係實情。是以姑准所請辦理。今據吉慶奏。現留大船。即係該貢使原坐之船。則該貢使等。前向松筠所稱船小人多。易生疾病之處。或係托辭。

著再傳諭松筠等。察看情形。如可設法。向貢使等好言開諭。令其乘坐原船。即由定海放洋。及早歸國。豈不更為省便。倘該貢使等再三陳懇。必欲由廣東行走。有不得已之實情。難以拒絕。亦止可俯從所請。不過沿途稍費供支而已。仍當令長麟帶同貢使。由水路至江西。過嶺赴粵。附搭該國貿易便船回國。以示懷柔。○又諭曰。陳用敷奏。恭進安南國王阮光纘謝恩表文摺內。稱該藩請將前此貢品二分。於下屆例貢之期。一併呈進。應否准其所請。候旨遵行等語。前因安南道路遙遠。諭令該撫。照會阮光纘。不必再遣使赴京謝恩。如已起程。即於途次轉回。其所備貢品。亦即收回。不必呈進。茲復據該國王具表謝恩。並懇將收回貢品二分。於例貢之期。一併呈進。以表悃忱。情詞極為肫摯。具見恭順。著陳用敷。再照會該國王。以前次所備貢品二分。業有旨諭令收回。即一分亦可不必呈進。今

大皇帝念該國王再三籲懇俯准呈進一分。已足表爾誠心。該國王務宜恪遵諭旨。祇將一分隨例貢呈進。不必再行懇請也。○旌表守正捐軀湖北南漳縣民鄭某妻胡氏。○乙丑。

上御太和殿視朝。文武陞轉各官謝恩。○諭大學士九卿議覆長麟奏酌減海塘石壩工程一摺。從來治水之道。以順其性為要。水勢順軌直趨。自不致迎激為患。若攔截抵禦。則水勢激怒。不免潑損之虞。浙省建築海塘。原為保障地方起見。然柴石塘工。已屬與水爭地。今又添建石壩。高二丈八尺。至一丈五尺。直出十餘丈。至五丈不等。以十二壩總計。縱橫不下百餘丈。逼靠塘身。是占水之地更加多。又何怪水勢愈怒。衝激損工。福崧前在浙江巡撫任內。於地方事件。尚不能整飭。惟知婪索牟利。其海塘工程。不過就屬員慫恿之詞。即議添建石壩。豈能籌辦得當。而長麟於海

塘事務。亦非素所諳悉。不過為補救調停之計。擬減丈尺。亦恐無真知灼見。今據大學士九卿會同叢議。請交與新任巡撫吉慶留心察看。斟酌辦理。但吉慶平日辦事。雖尚明白。而於海塘工程。亦全未諳悉。因思蘭第錫李奉翰。辦理河務有年。雖河海情形不同。而水性則一。其如何因勢利導之處。可以推類而知。現在早過霜降。河工無事。李奉翰。即日到京。陛見。俟該總河於陛見後。即行前赴江南。會同蘭第錫。偕赴浙江。與吉慶三人。詳悉履勘。公同商榷。將此項石壩。應否照舊建築。抑應照長麟所奏。酌減丈尺。或竟可無需辦理之處。斟酌定議。速奏。所有大學士九卿叢議一摺。俟蘭第錫。李奉翰等。詳勘覆奏到日。再降旨。庶此項壩工。應修應停。得有定見。不致以無益工程。激怒水勢。屢有潑損等事。又須歲修糜費也。○又諭。據巴寧阿奏。淮南通河網食衆商。歷年以來。因帶課稍多。資本較重。

現又增運提引。商力未免轉輸不及。等語。淮南商衆。向來辦運引鹽。完納課項。尚屬奮勉。急公。茲因節次統銷。及公捐等項。分年完納。商力未免稍形竭蹶。且帶徵各款。尚非正項錢糧可比。所有淮南不入成本之統銷食引。及統銷壬子綱引。並節次公捐借撥庫項等款。共銀三百六十九萬餘兩。著自甲寅年起。分作十年帶完。以紓商力。此係朕格外加恩。嗣後不得援以為例。該部知道。○豁雲南運京乾隆五十三年分沉溺銅一萬七千觔有奇。○丙寅。

上御懋勤殿。勾到廣西廣東情實罪犯。停決廣西絞犯三人。廣東斬犯二人。絞犯十一人。餘八十六人予勾。○諭據永保等奏。伊斯堪達爾人甚謹慎。諸事奮勉。請賞戴花翎。所奏甚是。伊斯堪達爾曾在乾清門行走。爵本郡王。又係阿奇木伯克。明亮。明興。雅德等。在任多年。並未代伊奏請賞戴花翎。殊屬非是。伊斯

堪達爾著加恩賞戴三眼花翎。以示朕篤念數舊回僕至意。○諭軍機大臣等。本日勾到廣東省秋審情實人犯。內葉亞三等十三起。俱係聚衆械鬪。致斃二三人至四命不等。向來此等械鬪風氣。閩省為甚。近因嚴加懲創。漸覺減少。而廣東省聚衆鬪殺之案。至有十三起之多。閩粵境壤毗連。竟至漸染福建刁悍惡習。此等行兇聚毆之犯。一經定案。於法無可寬宥。但此風日長。以致戕斃多命。駢首抵償。殊堪憫惻。著傳諭長麟。郭世勳。務宜留心教導。默化潛移。俾兇悍之風。漸次斂戢。毋使莠民輕罹法網。方不負司牧之任。○又諭目江蘭奏。拏獲齊東縣誑騙錢文。拒毆官役之任祖虞等一摺。此事自應由驛速奏。何以江蘭止專差齎遞。未免遲延。任祖虞等捏稱求免漕糧。向鄉民誑騙錢文。經該縣前往查拏。膽敢拒毆丁役。並將該縣毆打。情節實屬可惡。現在已獲犯十名。而起意為首之任祖

虞亦經就獲。此等莠民犯法為首者。自當嚴辦。以儆刁風。著傳諭江蘭。即將此案人犯。審明速辦。不必輾轉搜求。致滋拖累。至該縣傳試萬。親往查拏。尚屬認真。若審明後。於此事並無釀案。辦理不善之處。即著送部引見。以示鼓勵。○又諭曰。已寧阿奏。從前兩淮總商江廣達。過繼之子江振鴻。人尚明白。現在家道消乏等語。江廣達充當總商有年。辦理公務。尚為出力。今念伊繼子生計艱窘。自當量加軫恤。江廣達舊有康山園一處。本家無力修葺。著傳諭董椿。即令衆商出銀五萬兩。承買作為公產。其銀兩即賞給江振鴻營運。毋庸起息。又江廣達舊借帑項二十五萬兩。業經繳還。並著於應交內務府閒款內。撥借銀五萬兩。照例起息。其所借本銀。不妨令其從容繳納。江振鴻得此十萬兩。作為營運資本。伊家生計。自必漸次寬裕。以示體恤。○丁卯。上御乾清門聽政。○戊辰。

上詣

雍和宮行禮。○乙巳。諭曰。吉慶奏杭州府屬之仁和縣地方。於八月初旬。陰雨連綿。山水陡發。田畝晚禾。間段受傷等語。本年杭州府屬田禾多已收穫。惟仁和縣地方。因秋雨稍多。田畝間被山水衝損。晚禾未免受傷。若將應徵漕糧一體令其輸納。民力不無拮据。所有仁和縣被水田畝。應徵漕米一千九百四十餘石。及新舊錢糧。著加恩照烏程等縣緩徵之例。於來年秋成後。分作二年帶徵全完。以紓民力。該撫務須督率所屬妥辦。俾小民均霑實惠。以副朕軫念民依至意。○庚午。諭軍機大臣等。據松筠奏。遵旨傳諭該貢使等。感激凜畏。緣由一摺。據稱貢使等向松筠告稱。前蒙恩准在寧波置買茶葉絲餉。但我等所帶銀兩無多。現在浙省停泊之船。原係貨船。不知可否將洋貨兌換等語。前因該貢使懇請在寧波置買茶葉絲餉。原已降旨允准。今

該貢使等又以銀兩無多為詞。欲將洋貨在彼兌換。總不知足。實為可鄙。經松筠諭以寧波地方。向無洋行。無從交易。應赴魯門黃埔。將貨物交易。自應如此辦理。並著長麟。於到粵時酌量妥辦。浙江向無洋行。亦不值為伊等特調粵省洋行之人。遠赴浙省也。同日據吉慶奏稱。寧波地方不產絲餉。客販亦少。現在飭令紹興府購備絲餉。運往海口。以便貢使置買等語。該貢使等欲將貨物兌換茶葉絲餉。業經松筠駁飭。今吉慶已將絲餉購備運往。如該貢使等購買無多。不妨酌量准其交易。倘伊等因松筠飭諭。不復在彼置辦。即聽其前赴魯門黃埔購買。更覺省事。若聽其一事。彼又生法求恩不已矣。將此各五百里傳諭知之。○又諭曰。魁倫奏。琉球國貢船到關。照例免稅一摺。該國進貢船隻到關。所帶貨物。自應照例免稅。但貢船於八月初一三十等日。先後進江。迄今業逾兩月。其貨物俱

已查明。經魁倫具奏。該督撫具奏之摺。何以至今未到。浦霖有一奏。亦未明晰。至該國所遣使臣。係屬年例進貢。現距年節兩月有餘。為期尚寬。著傳諭伍拉納等。即飭伴送之員。按程從容行走。並咨會沿途各省。一體遵照。祇須於封篆前。屆時照例到京。以便與年班各外藩。同與宴賚也。○予福建澎湖協左營因公出洋遭風淹斃水兵陳良興。卹賞如例。○辛未。

上御懋勤殿。勾到四川情實罪犯。停決斬犯六人。絞犯十一人。餘八十六人予勾。○諭。本日勾到四川省秋審情實人犯。內經九卿。由情實改為緩決者一起。由緩決改為情實者六起。覈其情節。均屬允當。如張玉湘毆死伊塔李萬安一案。係挾嫌主使。毆打多傷。翁塔恩義已絕。又裴受戮斃蔣仕瑤一案。因奪牛起衅。該犯無干逞兇。刃斃徒手。傷至骨損。又王曰朋行竊陸應棋銀箱一案。係船戶行竊客



貨逾貫。為害商旅。又陳萬隆砍傷黃鳳姑陳  
劉氏一案。因瘋連斃二命。並砍傷二人。又王  
蘭毆斃李友白一案。係衅起姑姪。用鐵器兇  
毆。傷重殞命。又莫文統砍斃何氏一案。金刃  
傷多。死係婦女。以上六起。俱屬法無可寬。該  
督等問擬緩決。殊屬寬縱。又葉勇碧毆死總  
麻服叔葉現用一案。葉現用與孀居堂弟婦  
李氏通姦。後經李氏拒絕。葉現用復萌淫念。  
潛往求姦。李氏掙扎喊叫。經葉勇碧等瞥見。  
忿激。拉住葉現用。欲行送究。葉現用撞頭叫  
罵。葉勇碧順拔木樁。向毆殞命。毆由義忿。死  
係淫惡亂倫罪人。自應列入緩決。乃該督等  
將葉勇碧問擬情實。又屬失入。秋讞大典。理  
應悉心推勘。毋稍枉縱。今四川省問擬各案。  
輕重失當。至有七起之多。該督惠齡。雖駐劄  
前藏。所有此次秋審案件。奏交藩司英善代  
辦。但英善審勘後。自必知照惠齡。即該督在  
藏應辦之事較多。而於秋審重務。亦應將案

由詳加閱看。如有辦理未當者。自當隨案札  
商。何以並未駁正。姑念惠齡遠在前藏。從寬  
免議。仍著飭行。至聞嘉言前任臬司。秋讞是  
其專責。乃草率從事。於擬實擬緩之處。多有  
錯誤。所司何事。英善既經惠齡奏明。令其代  
辦秋審。並不詳慎覈擬。率行具題。英善聞嘉  
言為著交部照例分別議處。○駐藏大臣尚  
書和琳。副都統銜成德。奏前藏自改鑄乾隆  
寶藏十足銀錢後。於廓爾喀貿易人甚便。惟  
唐古忒僧俗番民。及克什米爾。色勒布商人。  
並內地漢商兵丁等。愚民無知。不論銀色高  
低。祇較換錢多寡。見新鑄一錢五分重銀錢。  
每銀一兩。止換六圓。遂至停積。應請停鑄。專  
鑄一錢重。及五分重者。每銀一兩。仍舊換九  
圓。十八圓不等。其攬銅舊錢。雖係一錢五分  
重者。每兩亦止准換九圓。又奏現獲舊從沙  
瑪爾巴出家之噶爾瑪妥覺。噶爾瑪策旺。噶  
爾瑪敦熱。三名。雖未同謀。究係逆犯徒弟。噶

爾瑪敦墊。還俗娶妻。往來藏中數次。形跡尤屬可疑。請旨辦理。再西寧來藏喇嘛。向未領有路票。請飭理藩院。行文各蒙古王公台吉等。嗣後均由本管王公台吉。呈明本處欽差大臣給票。方准至藏。得旨。和琳等奏。藏地僧俗番民。不知銀色高低。分兩輕重。因一錢五分重新錢。所換圓數較少。停積難行。今和琳等將此項銀錢停鑄。祇鑄一錢。及五分重兩種。照原定之數易換。而巴勒布舊錢。亦一例准換尤圓。新舊通行。上下稱便。所辦甚好。可謂留心自應如此辦理。又據奏。續行拏獲沙瑪爾巴徒弟三名。此內噶爾瑪妥覺。噶爾瑪策旺二犯。即由四川總督定地發遣烟瘴地方安插。其噶爾瑪敦墊一犯。俟至四川。該督即派員解送來京備訊。至各蒙古人等前赴衛藏。雖有給票之例。而私行前往者。想亦不免。今和琳等奏請一體給票驗行。稽察固屬周密。但各蒙古地方遼闊。其游牧處所。距欽

差大臣駐劄地方較遠者。給票之例。勢難僻遠周知。即使知有此例。而道路紆遠。亦恐不能一一請領。駐藏大臣因其無票。不准來藏。則瞻禮達賴喇嘛。班禪額爾德尼。及熬茶學經之人。未免裹足不前。達賴喇嘛等所得布施。或因比減少。亦非體卹之道。今朕為之定以限制。嗣後各蒙古人等赴藏。如在十人以上。即照和琳等所請。由本管王公台吉。呈明理藩院。及本處欽差大臣。給與路票。方准至藏。其人數在十名以下者。若情願遵例領票。仍著一體給領。若無力呈領路票者。祇可聽其自便。如此辦理。於限制之中。仍寓體卹之意。商上布施。亦可不致缺乏。較為兩便。○癸酉。諭軍機大臣等。本年豫省河內。武陟二縣。因沁河驟漲。秋禾猝被水淹。浙江湖州府屬烏程。歸安等縣。及杭州府屬之仁和縣。因夏秋雨水較多。低窪地畝。間被淹浸。江蘇海州。沭陽等州縣。及安徽無為。銅陵。繁昌等州縣。

亦因夏間雨水稍多。江淮盛漲。低田積水。未能全消。江西南昌。新建。豐城。德安等縣。濱江沿河窪地。被水收成。未免歉薄。業經降旨。賞給口糧。酌借籽種。並將應徵帶徵等項。分別緩徵。令該撫等實力查辦。以示體恤。第念各該處被水地方。秋收既未豐稔。明春青黃不接之時。民力究恐不無拮据。是否應需接濟之處。著傳諭穆和蘭。吉慶。奇豐。額朱。陳淮。即行體察情形。據實覆奏。候朕於新正酌量加恩降旨。○欽差侍郎松筠。兩廣總督覺羅長麟。浙江巡撫覺羅吉慶。奏據啖咭喇貢使稟稱。原乘船開赴巖門。現在定海止存一舟。舟中人多病。同行擁擠。又慮傳染。仍懇由廣東赴巖門原船。察其語出至誠。已遵前奉諭旨。俯從所請。臣長麟於初十日。管押貢使赴粵。臣松筠。吉慶。同日督令夷官等。將所撥重載。前抵寧波。候風妥速開洋。並咨浙江提督王秉。赴定海整肅營伍。以昭威重。再前

賞啖咭喇國王及貢使

御書福字袍緞荷包等件。臣等公同商酌。在浙先行傳旨頒賞畢。該貢使等免冠屈膝。歡悅感激倍常。得旨。諸凡皆妥。欣悅覽之。○旌表守正捐軀湖北咸寧縣民余某妻吳氏。○甲戌。

上御懋勤殿。勾到福建奉天情實罪犯。停決福建斬犯七人。絞犯六人。奉天斬犯三人。絞犯二人。餘六十一人。予勾。○諭軍機大臣等。據

松筠等奏。撥令啖咭喇貢使等分道起程。一摺。所辦諸凡皆妥。已於摺內批示。至摺內稱。長麟於初十日。管押該貢使等啟程赴粵。松筠。吉慶。即於是日。督令該夷官等。前赴寧波。上船等語。該貢使及夷官等。經松筠。長麟等。查照派撥。分路起程。可期行走迅速。固屬甚善。但長麟一路。除正副貢使外。尚有隨從夷人幾名。及伊等攜帶隨身行李外。尚有何箱籠。松筠等一路。所帶夷官共若干人。其箱桶

等項物件。共計若干。摺內並未聲敘。尚欠明  
晰。計此旨到日。松筠、長麟等。早經分道行走。  
此事無關緊要。亦不必專摺具奏。著於奏事  
之便。將夷人名數。及箱桶物件等項。兩路如  
何分撥帶領前往之處。各開清單。隨摺具奏。  
至該夷官等到寧波後。欲買茶葉絲餉一事。  
前因吉慶奏。寧波地方。不產絲餉。已令紹興  
府購備。運往海口。業經降旨諭令松筠等。如  
該夷官購買無多。不妨酌量准其交易。倘伊

實錄卷一百八

等不復在彼置辦。即令其前赴蘇門黃埔購  
買。更覺省事。想松筠等接奉前旨。自能妥協  
辦理。將此各諭令知之。尋松筠、覺羅吉慶奏。  
貢使經臣等駁飭後。不敢再求於寧波貿易。  
至夷官等行走亦安靜。惟向伴送官言及杭  
綢。意甚欣羨。臣等酌議。畧備茶絲賞給。比抵  
鎮海縣。宣布皇仁。分賜夷官四人各杭綢四  
匹。茶葉五十觔。絲六觔。隨從兵丁酌給茶布。  
皆感激歡忭。並酌備牛羊麪食等項。俟其登

原船時。給守船夷官從人。再臣長麟所帶貢  
使外。副使之子。及通事。醫生。家人。兵役。共七  
十四人。行李箱籠百三十一件。臣等所帶夷  
官四名外。家人。兵役共九人。隨帶箱籠六百  
六十件。得旨嘉獎。

實錄卷一百八

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百三十八

大清高宗法天隆運至誠先覺體元立極敷文奮武孝慈神聖純皇帝實錄卷之一千四百三十九

監修總纂官經筵講官太子太傅文淵閣大學士文淵閣領侍衛內大臣稽察欽奉 上諭事件處掌院

史部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次慶

豐戴官經筵講官太子太傅文華殿大學士文淵閣領侍衛內大臣稽察欽奉 上諭事件處掌院刑部戶部三庫事務

世襲騎都尉軍功加十九級隨帶加二級又加二級尋常加一級尋常加二級軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

教修

乾隆五十八年癸丑十月丙子策試中式武

舉卓麟圖等三十七人於太和殿前○諭據

富綱奏拏獲捏造將軍偽印文信嚇詐夷寨

之匪犯王朝陞一摺已交部連議具奏矣此

案王朝陞捏造公文先至夷民龍慶朝家付

看硃字文信當經龍慶朝察知假冒即遣人

赴縣密報將王朝陞拏獲龍慶朝尚知奉公

著賞給八品頂帶以示獎勵○諭軍機大臣

曰郭世勲等奏喚咭喇小貢船二隻於九月

二十七日抵粵現令其在虎門內壕墩地方

停泊又據覆奏喚咭喇貢使到粵後若希圖

在黃埔地方蓋屋居住當嚴行斥飭並禁止

內地奸人指引各等語所辦均妥惟所稱現

到小船二隻僅令購辦食物後即開行回國

不任揆延時日一節所見尚欠周到該貢使

等現經長麟於十月初十日帶同起身由內

河赴粵所有該國貢船自當留於粵省俾該

使臣等乘坐回國豈不省便若即飭令開行

將來貢使抵粵無原船可坐又須搭附商船

倘商船一時乏便伊等在粵必更藉口耽延

此次該貢使到浙原令其乘坐原船旋國嗣

因夷官等擅先開行止留一隻在彼該貢使

以不敷乘坐為詞懇請由內河行走致多紆

折今郭世勲將船隻飭令先開則該貢使本

欲在粵逗留又可託詞無船復萌故智還延

觀望別有干求此為最要不可行之事著傳

諭郭世勲等所有該國先到船隻務令其在

粵停泊等候其續到之大船二隻一併飭令

灣泊。等待貢使。並著長麟於途次接奉此旨。帶同貢使。趨程行走。以便及早到粵。乘坐原船回國。免致另覓商船。有羈時日。再正副貢使等。現係長麟帶同行走。所有一切調度。全在該督隨時酌辦。此摺著速行加緊迴奏。其松筠一路。止係從役人等。及粗重行李。無關緊要。將來上船開行之後。此船亦必經過廣東。與前船會合一處。長麟到時。如該國先到之船。尚未開行。而在浙後開之船。亦已趕到。固屬甚善。惟當飭令速行。置備物件。於數日內開行。勿任逗留。若原船已經開行。又無商船之便。伊等在黃埔居住等候。止當密為稽察。毋許勾結滋事。其一切食用。可以不必要照內地之例。官為料理。致令貢使等得以從容坐食。更有耽延。又據蘇楞額奏。凡遇紅毛貨船進口。與各國夷船。一律丈量收稅。不稍露示惠形跡等語。前因噶咭喇遣使航海遠來。輸誠納貢。是以格外加恩。將攜帶貨物。免其

納稅。係指此次貢船而言。外省辦事。往往膠柱鼓瑟。或因有此旨。意存拘泥。竟將該國別項貿易商船。概行免稅。轉致西洋各國。心生冀望。紛紛籲請一體免稅。成何事體。著傳諭蘇楞額。務遵前旨。固不可例外。浮收亦不得於貢船之外。概行減稅。惟當按照定例收納。以昭平允。尋郭世勲。蘇楞額奏。查噶咭喇貢船四隻。先後到粵。所泊壕墩等處。經臣派員彈壓。初到量給酒米等物。餘俱通事代買。再此大貨物免稅。已出曠恩。該國別項船仍舊收稅報關。○戶部議覆署四川總督惠齡奏。川省近年產銅不旺。已飭管廠各員。實心經理。並廣躡子廠。隨時報驗。尚恐不敷。鼓鑄應如所請。飭承辦官。遇銅價平減時。酌量買備。從之。○旌表守正捐軀廣西陸川縣民楊文德妻湯氏。○丁丑。上御懋勤殿。勾到陝西浙江情實罪犯。停決陝西斬犯七人。絞犯十二人。浙江斬犯一人。絞

犯三人餘八十一人予勾。○定贊禮郎陞調不開缺例。諭曰：恒傑雖已陞任通政司副使，但通政司衙門事務本簡，恒傑仍著留兼太常寺少卿。嗣後此等由贊禮郎揀選陞用，為太常寺鴻臚寺堂官。如再遇陞調別衙門，非至尚書侍郎者，仍著留兼原官。毋庸開缺。○又諭：吏部具題福建省承緝盜案四案限滿之莆田縣知縣楊桑額降調一本，已照依議簽下矣。此等承緝盜案四案限滿人員，經該督撫咨參到部，內閣向俱照例票擬依議。及送部引見雙簽，但州縣官身任地方，遇有盜劫案件，督率緝捕，是其專責。至四案限滿，盜尚未獲，其於初參時懈弛並未認真查緝，已可概見。若仍准送部引見，復邀錄用，則州縣等因有此例，心存冀幸，緝捕轉不認真。嗣後此等承緝盜案四案限滿人員，該部議處具題，內閣祇須票擬依議，毋庸另票送部引見雙簽。如有平日居官實能留心民事，熟悉地

方情形，該督撫欲仍留本省者，准其專摺具奏，仍送部引見。候朕看其才具，酌量以縣丞佐雜錄用。總之地方盜案，全在州縣等隨案留心。於初二案限內及早督緝，方可剋期弋獲。若遷延日久，盜犯必至遠颺，而四案限滿仍可送部引見，俾邀錄用原官，轉非慎重緝捕之道。今如此辦理，則州縣等自顧考成，遇有盜劫一經破案時，即知實力督緝，不至日久宕延，自干降黜，而平日勤奮者仍不至於廢棄。此朕於懲創之中，仍寓愛惜人才之意。著為令。○又諭曰：陳用敷奏遣犯在配脫逃，旋經拏獲，審明辦理一摺，已交該部議奏矣。此案疎脫遣犯之專管官及失察上司等，各有應得之咎。著交該部照例辦理。其首先巡見之弓兵李瑤及協同拏獲之汛兵李嘉秀，尚能留心業經該撫分別獎賞。著再酌量加賞，以示鼓勵。○諭軍機大臣等：昨據郭世勳等具奏，喚咭喇船隻到粵，即飭開行一摺，因

降旨諭知該撫務令該夷船停泊等候以便貢使到粵。即乘原船回國免致藉詞逗留。本日復據郭世勲等奏貢使雖赴浙江而貢船四隻先行到粵。長麟自必令該貢使等仍由內地赴粵。不若即將現到貢船令其等候裝載貢使等語。所奏恰與昨旨相符。自應如此辦理。且現據松筠等具奏該貢使等懇請趕赴盤門。仍坐原船回國。並寫具夷信即求發到盤門交給船上夷人令其等候。可見該貢使等亦欲令原船在粵灣泊等候。今聞船隻未開。適如所願。想亦無可藉口。長麟務須帶同貢使。趲程行走。以便及早到粵。迅速放洋。設或該貢使等置辦貨物後尚欲在粵稽延不肯即行登舟。長麟當諭以爾等原懇趕赴盤門。乘坐原船回國。今原船業已在此等候。足敷裝載。自應即速開行回國。如此明白曉諭。伊等自不敢再有推諉。該貢使等登舟後若尚停泊候風。止當密為稽察。毋許勾結滋

事。其一切食用可以不必照內地之例。官為照料。致令從容坐食。更有耽延也。至郭世勲昨奏到粵夷船不許逗留一節。朕恐其拘泥前旨不能隨機籌辦。致將來貢使抵粵無原船可坐。又須附搭商船藉詞延緩。是以降旨詳諭。今郭世勲奏到辦理情形與昨降之旨適合。殊屬可嘉。著賞給大荷包一對。小荷包四個。以示獎勵。○以陝甘督標中軍副將許世臣為山東登州鎮總兵。○旌表守正捐軀直隸束鹿縣民劉士欽女劉氏。河南上蔡縣民翟顯祚女翟氏。○戊寅。  
上御紫光閣。閱中式武舉騎射。○己卯。  
上御紫光閣。閱中式武舉技勇。○諭曰。梁肯堂奏直屬上年被災地方紳士商民報捐銀米分賑煮賑貧民均資接濟等語。該紳士等誼敦鄉里捐貲助賑好善可風著交部照例分別議敘以示獎勵。○以浙江平陽協副將劉烜為衢州鎮總兵。○詔盛京出海遭風沉溺



運通豆石一千八百石。○庚辰。

上御太和殿傳臚。賜中式武舉。一甲徐殿驄。鮑友智。周自超。三人。武進士及第三甲卓麟圖等五人。武進士出身。三甲李萬傑等二十九人。同武進士出身。○辛巳。

上御懋勤殿。勾到湖廣情實罪犯。停決斬犯七人。絞犯十一人。餘九十四人。予勾。○旌表逼嫁捐軀湖北咸寧縣民萬志高妻潘氏。○壬午。禮部奏。冬至節應行慶賀禮。得旨。今年冬至次日。著停止行禮。○癸未。

上御懋勤殿。勾到江西安徽情實罪犯。停決江西絞犯五人。安徽斬犯四人。絞犯六人。餘七十七人。予勾。○諭軍機大臣曰。惠齡奏嚴查水摸偷撈銅觔。酌定章程一摺。據稱向來沉溺銅鉛報獲之數。往往鉛多銅少。若非水摸人等以銅價較昂。有心隱匿。何至沉銅報獲之案。如出一轍等語。銅鉛沉溺。其打撈並無難易之殊。乃向來撈獲數目。往往鉛多於銅。

自因銅鉛價值懸殊。水摸等隱匿銅觔。以圖盜賣牟利。節次所降諭旨甚明。今惠齡既知有此項情弊。何以報獲銅觔。仍屬寥寥。此等事。總有治人無治法。惟在該督遵照節次諭旨。督飭所屬。遇有銅鉛沉溺。實力嚴查。如有水摸隱匿銅觔。及鋪戶私行售買者。即切實根究。隨案嚴懲。其弊方可逐漸斷絕。勿徒以定立章程。一奏了事。仍至有名無實也。除就近諭知福康安外。將此諭令知之。○以故輔國將軍崇寧子哲麟。奉恩將軍隆泰子福塞赫。賽冲阿子烏勒希松阿。各襲職。○命刑部郎中章煦。提督陝甘學政。○甲申。諭曰。圖思義應交銀六千一百餘兩。係代屬員分賠。尚非侵蝕入己之項。著加恩寬免。○丁亥。諭曰。富尼善。佛住等。於烏什阿克蘇事件。有聯名具奏者。又有單銜具奏者。披閱殊不明晰。從前因叅贊大臣駐劄烏什。兼管阿克蘇。該處事務。應由烏什叅贊大臣一人具奏。今既不

兼管。而阿克蘇較烏什地方尤為遼濶。烏什大臣無節制阿克蘇大臣之責。兩處事件。理宜公同管理。彼此相去不遠。即或一人偶出巡查。及因病暫假。其一人亦易兼理。嗣後該二處尋常細事。仍著在本城辦理。遇應行奏辦緊要事。俱著公同商辦。不得仍前彼此軍銜具奏。○諭軍機大臣曰。圖桑阿奏。綏遠城斬犯雪格。在監自縊一案。先據該管典史報稱。該犯在監病故。經右衛同知扎爾杭阿。以原報該犯係十月初十日患病。次日即經身故。情有可疑。稟請派員查驗。經圖桑阿派委綏遠城理事同知福柱。前往驗看。雪格實係在監自縊身死。與原報不符。奏明移交該撫審辦。此案雪格既係在監自縊。何以該典史捏稱病斃。其中必有規避處分。賄囑捏飾情弊。著傳諭蔣兆奎。即將該典史革職。拏問。提同禁卒人等。嚴切審究。務得實情。毋任稍有狡飾。○緩徵兩淮廟灣板浦中正臨興四場

本年折價銀。及舊欠額賦。○旌表守正捐軀河南陝州民尚立均妻郭氏。西平縣民吳自省妻趙氏。○戊子。上御懋勤殿。勾到江蘇山西情實罪犯。停決江蘇斬犯一人。絞犯三人。山西斬犯一人。絞犯十三人。餘八十七人予勾。○諭四川省現在辦理軍需奏銷。福康安本應即赴川省督率查辦。但本年金川土司年班入覲。伊等皆係隨福康安帶兵打仗之人。歲底到京時。由福康安帶領瞻覲。更足以聯情款。而昭威重。福康安此時且無庸前赴川省。俟該土司等到京瞻覲。於新正筵宴事畢。起程後。福康安再赴四川總督之任。其湖北巡撫。未便久懸。惠齡於接奉此旨後。著即前赴湖北新任。伊係前歲冬間來京陛見。僅閱一載。此時毋庸再行來京請訓。所有四川總督印務。即交孫士毅暫行署理。並將銷算事宜。一手經理。詳細速辦。孫士毅年逾七十。已實授大學士。本應

即令來京供職。但伊前此辦理糧餉事務。不無遲誤。且軍需款項。皆係孫士毅經手支發。今令留川數月。查辦奏銷。以資熟手。孫士毅務宜逐款詳查。覈實銷算。俾不致有浮冒。亦可將功補過。○諭軍機大臣曰。長麟奏管帶喀喇貢使。趨出浙境日期。及該夷使等悅服恭順情形一摺。覽奏俱悉。又據奏該貢使向護送之道將等稱。該國王此次進貢。實是至誠。我們未來之前。國王曾向我們商議。此次回去。隔幾年就來進貢一次。是早經議定的。惟道路太遠。不敢定准年月。將來另具表文。再來進獻。若蒙恩准辦理。即將表章貢物。呈送總督衙門轉奏。也不敢強求進京。只求准辦。就是恩典等語。此尚可行。著長麟即傳知該使臣。以爾國王此次差爾航海遠來。紆誠納貢。大皇帝原深為嘉許。賞賚優加。嗣因爾等不諳中國體制。冒昧瀆請。天朝定例。恭嚴。應准應駁。無不按例而行。爾等所請於例

不合。是以未准。大皇帝並無嗔怪爾等之心。爾等不必害怕。今據爾稟稱。將來尚欲另具表文。再來進貢。大皇帝鑒爾國王恭順惓忱。俯賜允准。但海洋風信靡常。亦不必拘定年限。總聽爾國之便。貢物到粵。天朝規矩。凡外夷具表納貢。督撫等斷無不入告之理。屆時表貢一到。即當據情轉奏。大皇帝自必降旨允准。賞賜優渥。以昭厚往薄來之義。爾等回國時。可將此意告知爾國王。以此次爾國所請。未邀允准。係格於定例。大皇帝並無怪意。爾國王儘可安心。將來具表進呈。亦必恩准。從優賞賚。如此明切曉諭。不特該使臣聞之。益加悅服。將來回國告知該國王。亦必彌深欣感也。至此該國貢船。因其初次効忱。是以將所帶貨物。免其稅課。嗣後該國進貢。除貢船裝載物件外。其餘應納應免。惟在該督等會同監督。查照往例。臨時酌辦。固不可於例外加徵。亦不可越例寬免。使夷人等多得

便宜妄生冀倖也。來使光景。仍即速行回奏。  
○又諭據吉慶奏九月分海塘沙水情形。摺  
內稱東塘自普濟巷東起至塔山口前。漲陰  
沙一道。現長九百餘丈。寬自四五丈至二百  
餘丈不等。潮來漫蓋。潮退顯露。較上月奏報  
時。刷短八百餘丈。刷窄一百餘丈。又前刷堰  
溝一道。自塔山起。至及家廟止等語。向來海  
塘形勢。南坍北漲。於塘工最有裨益。但水性  
靡常。現因潮勢稍大。以致塔山一帶。壩身稍  
有沙刷。此亦無可如何之事。自應隨時修補。  
石隄務固。以禦春汛。總期石塘柴坦。一律保  
護穩固。將來潮勢稍退。陰沙漸漲。溜勢又復  
南趨。亦未可定。惟在該撫隨時察看情形。督  
率工員。相機妥辦。小心防護。俾塘工堅固。以  
資保障。方為妥善。將此諭令知之。○已丑。

上詣

奉先殿

壽皇殿行禮。○是月。欽差侍郎松筠。浙江巡撫

覺羅吉慶奏。臣等於本月二十三日。至夷船  
泊處。頒賜牛羊麪食。其附夷船願進京當差  
之安拉。訥彌勒特二人。係佛蘭西人與否。無  
從辨識。諭以浙江海口。無西洋人進京例。令  
仍附英咭喇貢船回。於二十七日。起碇。計前  
途得風。十一月初旬內。可抵黃埔。其時長麟  
帶同貢使。亦可抵粵。該夷人已悉寧波不產  
絲茶。無洋行交易。自不萌來浙之念。奸商亦  
無從勾結。臣吉慶。仍隨時密訪。申嚴海口之  
禁。得旨嘉獎。○江南河道總督蘭第錫奏。臣  
於九月二十日。由清河桃源宿遷邳州。挨查  
而上。各壩均堵築厚蓄湖水。以備新漕。邳宿  
運河內。經山水黃水下注。恐有停淤。飭道廳  
營汛候水停淤。北岸界連曹單。上游灘水下注。  
因浸水停淤。北岸界連曹單。上游灘水下注。  
交冬未全消。督同道將細勘。或築土壩。或疏  
溝渠。俾水勢全歸大河。銅沛以下減水各壩。  
分洩既暢。各廳埽壩穩固。其大汛啟放分洩。

之唐家灣引河。並蘇家山水線河。峯山二三  
四各開草壩。堵閉如式。仍住河口。督催外裏  
河各廳營。接築束清禦黃兩壩。及臨湖引河  
各工。淮揚運河內。奏明啟放之竹絡壩。亦堵  
築。俾河水不耗。現在洪澤湖高堰誌橋。存水  
七尺八寸。足敷明春濟運。敵黃得旨。諸凡留  
心可嘉。

實錄卷一百五十九

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百三十九

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百四十

監修總裁官總纂官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務黃旗漢滿洲部統世襲阿舒軍功加七級隨帶加一級尋常加二級軍功紀錄一次臣等謹

將乾隆五十八年十一月庚寅朔諭軍機大臣等浙省解到前與噶咭喇夷商貿易郭

世襲阿舒軍功加十九級隨帶加二級又加二級臣等謹將內大臣戶部尚書張謙滿洲部軍功紀錄五次

尋常紀錄十四次臣等謹將太子少保工部尚書紀銘六次臣等謹將

敕修

乾隆五十八年癸丑十一月庚寅朔諭軍機

大臣等浙省解到前與噶咭喇夷商貿易郭  
端之子郭傑觀經軍機大臣審訊郭傑觀祇  
係訓蒙鄉愚並無與噶咭喇交通勾結情事  
且伊父郭端前與夷商經手交易鋪戶銀兩  
俱被夷商拖欠此時鋪戶等自不肯再向夷  
商貿易而噶咭喇貨船此後已不准再到寧  
波亦無從與該處民人交結郭傑觀著交原  
解官帶回省釋仍著吉慶飭知該地方官隨  
時留心查察毋令滋事○吉林將軍宗室恒

秀奏。上年直隸歲歉。蒙恩聽求食流民出關。計到臣所屬地方者萬五千餘人。吉林屢豐。流民均獲生全。今年內地有秋。飭令回籍。咸云甫經全活。移回轉苦失業。路費亦艱。察其情形屬實。似宜俯聽。但人數衆多。恐不肖雜處生事。請照例造入紅冊。自來歲為始。交丁銀。除報部外。嗣有願回籍者。註明開除。從之。

○辛卯。

上御乾清門聽政。○諭本日御門。學士永良不能讀本。從前似此者俱革退。永良著即行革職。加恩以驍騎校補用。前日薩哈爾濟讀勾到犯人名單。屢有錯誤。且目係近視。腿有殘疾。著加恩以原品休致。當令扎郎阿代讀。妥協。尚屬留心。著加一級。○諭軍機大臣等。據蘇楞額奏。粵海關此次徵收銀兩。短少盈餘一摺。內稱盛住任內。徵收十個月零二十三日。福昌署理一個月零七日。共收銀八十八萬五千餘兩。與上屆比較。少收銀一十二萬

五千餘兩等語。向來關稅短缺盈餘銀兩。雖例按經徵月日分賠。但何人任內短缺若干。摺內自應分晰具奏。今該監督摺內。祇係籠統聲敘。殊欠明晰。著傳諭蘇楞額。即將盛住福昌任內。各短若干。是否福昌因暫時署事。所派駐防人員。經理未能妥協。以致稅課缺少之處。據實具奏。以便交部覈議。○以署左副都御史三品卿銜通政司副使方維甸。為光祿寺卿。○以戶部右侍郎巴寧阿。為正黃

旗漢軍副都統。○壬辰。

上御懋勤殿。勾到河南。山東二省情實罪犯。停決河南斬犯四人。絞犯十六人。山東斬犯二人。絞犯五人。餘九十三人予勾。○諭曰。博斌著以頭等侍衛兼副都統銜。在乾清門行走。○癸巳。諭軍機大臣等。昨令軍機大臣。將各省因災緩徵。帶徵未完各項錢糧數目具奏。朕閱所開單內。直隸省未完銀二百九十八萬四千餘兩。零糧二萬九千餘石。山東省未

完銀二百八十四萬七千餘兩零。穀四十五萬三千餘石零。河南省未完銀七十五萬九千餘兩零。穀六十九萬三千餘石。江蘇省未完銀二十四萬四千餘兩零。安徽省未完銀二十八萬二千餘兩零。福建省未完銀七萬二千餘兩零。江西省亦有未完銀七千餘兩零。此內直隸山東為最多。河南次之。江蘇安徽又次之。此項因災緩帶銀兩。自乾隆五十二。五十四等年起。截至五十七年止。歷時已久。何以尚未徵完。況直隸山東安徽及江蘇省之江寧等屬。曾經加恩分別豁免。而未完銀糧尚有如許之多。在小民踴躍輸將。經朕加恩緩帶之後。自必倍加感激。按期交納。雖直隸省之順德廣平大名等府。河南之河北等府。連遇歉收。屢次停緩。而其餘各處。並非積歉之區。小民等更必輸將恐後。乃經徵未完銀糧款項。為數纍纍。必非全係實欠在民。自係經徵官吏。任意侵蝕。誣我良民。年復一

年。伊於何底。若此時即行豁免。適以便貪官蠹吏肥橐私圖。於小民仍無實惠。著傳諭各該督撫。即行查明。實係積歉之區。被災年分。及帶緩限期。因何未完。至如許之多。實在民欠若干。官吏侵蝕若干。分晰詳查。開單據實具奏。此項歷年未完緩帶銀兩。在州縣等斷不肯自行呈報。但該州縣等輾轉侵那。已非一日。並非全係該地方官本任之事。自可無庸規避。惟當各發天良。確切嚴查。據實具奏。再行分別覈辦。朕此時亦不加深究。祇將官吏侵蝕數目。著落賠補。其那移捏報之罪。尚可加恩寬宥。若該督撫仍復心存袒護。代為隱瞞。稍有不實不盡。一經查出。定行重治。其罪斷不能邀寬宥也。將此各諭。令知之。必於十二月中旬。即行奏至。以便加恩。○甲午。遣官祭先醫之神。○諭曰。成德在外已久。年力就衰。且非能辦事之人。陝西布政使和寧。係蒙古

人員人尚明白。亦稍諳衛藏情形。著賞給副都統職銜。即由彼處馳赴西藏。更換成德。幫同和琳辦事。不必來京請訓。○諭軍機大臣曰。寶琳奏浙江駐防。遇有協領佐領缺出。不敷揀選。請不拘滿洲蒙古左右翼。應陞人員內一體揀用一摺。已交該部議奏矣。寶琳在浙日久。近年來忽奏參協領及咨參佐領以下各官降革勒休。並銷去記名者共四十餘員。此等駐防旗員。如果有怠惰不職情事。自應實力整頓。分別參革。但駐防人員無幾。非地方營伍可比。即督撫提鎮亦不應無故參員如許之多。恐不免有意苛求。以為見長地步。即如該將軍本日所奏。協領佐領缺出。不拘滿洲蒙古左右翼一體揀選一節。自由參劾過多。以致不敷遴選。為此通融之計。朕於內外臣工無不量才器使。從不肯稍存畧刻。況此等駐防官員。斷不至有貪黷敗檢情事。若過事吹求。動輒參劾。駐防之員無幾。將何

所措其手足耶。長麟在浙較久。於寶琳平素性情。自必知之較悉。吉慶雖到浙未幾。但近在同域。該處司道府縣必皆有見聞。無難確加訪詢。著傳諭該督撫。即將寶琳節次參劾之員。是否秉公辦理。如果得當。是該將軍為整飭旗營起見。尚屬認真。若有任意苛刻情事。即行據實密奏。勿稍迴護。尋覺羅吉慶奏訪察將軍寶琳平日管轄官兵甚嚴。操防勤慎。前喀喇喇貢使到杭。滿兵擺隊整肅。是有明驗。復密訪其所參官。輿論亦稱平允。報聞。○駐藏大臣尚書和琳副都統銜成德奏。廓爾喀王子叔姪。誓服天威。諸事稟命。昨於八月初遣頭人稟稱。哲孟雄所有各寨落。俱歸我國。已十有餘年。哲孟雄止有日尼杓。及岡多二處。作木朗全境。亦歸廓爾喀多年。該部落止存該部長之叔蘇班色一人。現在聞其往各部落借兵。希圖恢復。各部落皆未出兵。我國亦未出兵窮追。誠恐蘇班色造作語言。



致生事端。求天朝勿聽。並請差官與定交界。臣等久知哲孟雄作木朗二處。並非藏屬。廓爾喀侵占已久。該王子叔姪恭順小心。既來請示。固不可令其欺凌弱小。亦不值代為分定疆界。隨諭來人哲孟雄作木朗二部落。爾國久已據其土宇。本欽差斷不肯令爾退還。但哲孟雄部長現僅有日尼杵岡多二處棲身。作木朗亦僅有蘇班色一人。爾等當體

大皇帝好生之心。不可過於追迫。各安本分。歸

告爾王。總宜凜遵

大皇帝諭旨。和睦隣封。愛惜百姓。至極邊地方。本欽差不值差官代定交界。當據該頭人伏地叩頭。感激悅服。臣隨量賞盤費。派員護送起行。仍嚴飭各邊界頭人。不得容留該二部落人。致滋事端。得旨。和琳等奏據廓爾喀差頭人哈斯達打爾薩野到藏。請安遞稟一摺。所辦得理。據其稟內稱。作木朗哲孟雄二部落之人。素不安分。伊等地方。經廓爾喀占了

平定後

多年。惟恐該部落人等架說是非。又爭地界。懇請駐藏大人勿聽伊等之言。並請差官與之定立交界等語。廓爾喀因侵占隣近部落地方。惟恐其希圖恢復。差人赴藏稟明。並又瀆請差官定立交界。設遇胸無定見之人。又必聽從所請。率為割斷邊界。又致生事。即如藏內噶布倫及僧人。俱以該二處雖不屬藏內管轄。向與達賴喇嘛相好。彼處廟宇。俱係經典所有。請仍照六輩達賴喇嘛所定地界。為之割斷。此等愚昧無知之人。一經該部落等到藏侵陵。即懦弱無能。紛紛逃避。及仰仗天朝兵威平定後。又復藉勢貪占便宜。妄求定界。今和琳並不聽信噶布倫等浮言。實屬可嘉。即向廓爾喀所差頭人明諭。既不准其欺凌弱小。亦不復更為分定疆界。既不聽藏中覬覦之心。亦足以悅服廓爾喀之心。而哲孟雄等部落。聞知天朝割斷公允。亦必益加感畏。辦理實為得當。嗣後接任之員。遇有此

等事件。俱當堅持定見。仿照辦理。勿為浮言所惑。邊界自可永臻寧謐也。○以故厄魯特扎薩克一等台吉三多布從弟多爾濟襲職。

○乙未

上御懋勤殿。勾到直隸情實罪犯。停決斬犯一人。絞犯十一人。餘九十七人予勾。○諭軍機大臣曰。梁肯堂奏。山海關駐防五十九年應需兵米。請勅下奉天府尹。在於寧遠州。錦縣。協撥一萬石等語。本年直隸地方。雖秋收豐

實錄卷一百四十四

十

稔。但值積歉之後。元氣尚未全復。且永平一屬。現有應行買補之項。未便再令添買兵米。所有山海關駐防兵丁。五十九年應需米石。著傳諭宜興等。仍照舊在於寧遠州。錦縣。協撥一萬石。發交山海關通判領回。以濟兵糈。○以直隸按察使阿精阿。為陝西布政使。○丙申。諭軍機大臣等。刑部題駁陝西省靳青愧悔拒姦。扎傷范生玉身死。比照婦女拒姦殺死姦夫例擬流一案。所駁是。已依議行矣。

靳青被范生玉鷄姦時。年已十六。並非力不能拒者。可比既已甘心疊被姦宿。自不得與良人子弟拒姦殺人擬流者同論。乃該省遽將靳青比照婦女悔過拒殺姦夫之例。問擬杖流。以強壯男子。比擬孱弱婦女。已屬不倫。且與未經被姦者。漫無區別。設遇良人初次拒姦。又將憑何定擬刑部所駁殊為得當。此係和寧護理撫篆時具題之件。著傳諭秦承恩。即將此案。一面按照部駁情節。另審具題。

實錄卷一百四十四

十

一面詢問和寧。將因何援引錯誤之處。據實登答具奏。○以直隸口北道索諾木扎木楚為按察使。○實授烏大經。為甘肅提督。○旌表守正捐軀福建平和縣民曾滿妻賴氏。○戊戌。

上御懋勤殿。勾到朝審情實罪犯。停決官犯絞犯四人。常犯斬犯十八人。絞犯七人。餘十一人予勾。○庚子。旌表守正捐軀山東荷澤縣民莊繼宗妻卞氏。○辛丑。諭軍機大臣等。朕

臨幸天津。巡視沽淀。向來經過地方。俱豫備戲臺。及排當等項。最屬無謂。在天津商人等情殷愛戴。於朕巡幸處所。偶有點綴。自不便概行禁止。至蹕路所經。僅止一過其地。而地方官亦踵事增華。競侈觀美。豈不徒滋繁費。明春巡幸津淀。著傳諭梁肯堂。除鹽政帶領天津商人等。所辦點綴段落。聽其照常豫備外。其沿途地方。如蘇橋等處。地方官所備排當。點綴等項。俱著停止。該督務須遵照諭旨。不得無益妄費。以副朕崇實黜華之意。○旌表守正捐軀直隸博野縣民曹登兒妻盧氏。河南永城縣民閔克己女閔氏。○壬寅。

聖祖仁皇帝忌辰。遣官祭

景陵。○

上詣

奉先殿。

壽皇殿行禮。○豁雲南運京。乾隆五十三年分沉溺銅六萬四千觔有奇。○癸卯。諭曰。鄂輝。

雅滿泰。俘習渾。因辦理藏務不善。業將伊等枷號治罪。嗣廓爾喀投誠。諸事告竣。加恩俱令來京。但總覈伊等情罪。鄂輝雅滿泰。雖屬怯懦。尚有可原。俘習渾。糊塗不堪。竟欲將全藏與賊。其罪實重。理應正法。因念其祖父舊勞寬免。但不便賞給差使行走。俘習渾。著發往黑龍江。交該將軍。委以苦差。効力贖罪。鄂輝雅滿泰。著在拜唐阿上行走。朕於臣工功罪。一秉至公。惟視其人之自取。鄂輝等。益當感愧。倍加勤慎行走。○又諭曰。原住回部之土爾扈特。扎木楚等處十八戶人口。著遣回土爾扈特各游牧所。俾伊等骨肉完聚。○諭軍機大臣等。本日伍拉納。由驛遞到奏摺。朕以為必係地方有何緊要事件。及披閱所奏。止係覆奏琉球國貢使到閩。及委員護送起程日期。此等覆奏事件。何關緊要。現在題本早已到閣。又何須該督專摺馳奏。徒勞驛馬。此即為不曉事之一端。著傳旨申飭。○甲辰。

諭據明亮等奏查明出師西藏損壞軍械數目。請著落原領官兵分別賠補等語。此次出師官兵効力戎行。奮不顧身。其陣亡者尤堪憫惻。若此項損壞軍械著落賠補未免太過。明亮曾經出師西路雲南金川等處。前此如何辦理之處。豈不知之。乃並不查照向例。率行定議具奏。殊屬非是。設令如此賠補。偶遇出師打仗。何以使之奮勉出力乎。明亮等著嚴行申飭。仍交部議處。此案著軍機大臣等會同各該部院衙門查明從前查辦舊例。應如何補置。如何豁免之處。妥議具奏。○湖廣總督兼署湖北巡撫畢沅疏報乾隆五十六年分開墾建始縣成熟地二頃十二畝有奇。○予福建澎湖協左營因公出洋遭風淹斃水兵阮世爵等三名卹賞如例。

平定縣志

卷一

大清高宗法天隆運至誠先覺體元立極敷文奮武孝慈神聖純皇帝實錄卷之一千四百四十

平定縣志

卷一

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百四十一

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭軍機處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總纂官經筵講官太子太傅文華殿大學士文淵閣領閣事稽察欽奉 上諭軍機處管理刑部戶部軍器事務

世襲騎都尉軍功加十九級隨帶加二級又加二級臣董誥內大臣戶部尚書兼藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曾燾等奉

勅修

乾隆五十八年癸丑十一月乙巳

上以冬至祀

天於

圓丘是日起齋戒三日○丁未

上詣

南郊齋宮齋宿○諭軍機大臣曰長麟奏管帶

貢使行抵江西交界一摺據稱接奉諭旨後

當即宣讀並詳細講說該貢使等感激天恩

歡喜慶忭並請將所奉諭旨恭錄一道發給

以便回國時給國王閱看敬謹供奉等語並

據長麟擬錄牌文式樣一併進呈該貢使等

因懇求另具表貢一事業邀允准倍形歡感

所有前降諭旨雖經長麟宣讀並為逐句講

解該貢使等自能領會但伊等回國時僅恃

口傳未免記憶不全且無憑據恐該國王動

疑伊等捏飾今請恭錄諭旨發給齋回給該

國王閱看供奉更足堅其向化之誠自應俯

從所請鈔錄給與著將此旨即由六百里發

往交長麟即照所擬牌文式樣繕寫發給計

此旨到時該貢使尚在廣東正可當面飭交

令其迅速起身安心回國也將此諭令知之

○戊申冬至祀

天於

圓丘

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵○遣官祭

孝賢皇后陵

端慧皇太子園寢○已酉諭曰朕自臨御以來惠愛黎元加恩海寓凡普免天下錢糧四次普免漕糧二次此外偶遇水旱偏災隨時蠲免賑恤者又不一而足敬念

聖祖仁皇帝御極六十年普免錢糧一次漕糧一次稽諸史冊已為亘古所未有而朕繼承統緒於重熙累洽之後惟日孜孜無刻不以民依為念蠲免次數視康熙年間更有加增此皆由國家承平日久生齒益繁人君代天養民允宜渥沛恩膏俾閭閻共臻樂利方為子惠元元之道我子孫繼膺大統亦當以朕

之心為心愛養斯民推恩行慶若能頻施曠典視朕有加實我大清國億萬年無疆之庥若靳惜恩膏有所弗逮即非所以善繼善述設彼時大臣中或以經費有常儲蓄宜裕為詞者似為國用起見易於動聽而不知民為邦本為民正所以為國其言斷不可聽從也至為治之要首在用人而人才究以正途為重前因軍需河務支用浩繁曾暫開捐例原屬一時權宜之計不久即行停止迄今已閱二十餘年而府庫充盈並不因捐例停止稍形支絀銓選既無壅滯人才亦得奮興可見捐納一事竟當不必舉行此不特慎重名器並以嘉惠士林我子孫亦應奉以為法倘復有奏請開捐者即為言利之臣更當斥而勿用惟貢監一途乃眾所願弗占正途不過給予頂戴無礙銓政亦仿古人納粟之意事尚可行是皆用人愛民之大經大法著將此旨敬謹存記俾我世世子孫遵循弗替以期永

孫郅治。○諭軍機大臣等據畢沅奏拏獲疊次搶竊首夥匪犯。審明定擬。請旨辦理一摺。已交軍機大臣會同該部速議具奏矣。此案楊應子等夥合多人。屢次肆行搶劫。漸不可長。情罪重大。該督拏獲審明後。自應將該犯等即時正法。俾要犯不致稽誅。方為正辦。乃該督尚復拘泥請旨辦理。殊屬錯誤。該犯等人數較多。若不即時正法。久禁囹圄。既恐或有疎虞。且此等匪犯。賦性兇頑。或不免在監滋事。更復不成事體。畢沅著傳旨申飭。並著將未獲逸犯。飭屬嚴拏務獲。毋使漏網。遠颺至該府高杞。於此等要犯。即能督率所屬。將首夥各犯即時盤獲。尚屬認真。高杞除隨案交部議敘。以示鼓勵外。其會同拏獲之營縣等。並著該督查明實在出力者。亦應一併咨部議敘。但不可因有此旨。遽將未經出力之員。概行咨送。致滋冒濫。○庚戌。諭軍機大臣曰。畢沅辦理楊應子等一案。已屬錯誤。而各

省督撫。於重大盜案。似此拘泥請旨者。恐亦不少。著通諭各督撫。除尋常盜犯。仍照例定擬。請旨辦理外。其似此首夥聚至數十人以上。疊次搶劫之案。如係地方官或因需索不遂。鍛鍊周內。寃及多人。則該督撫所司何事。果經審究得實。自應據實効叅。必將承審之員。抵罪正法。然此等兇惡匪徒。想地方官亦不應有索賄黷法。苛刻寃濫之弊。該督撫於審訊明確後。即應一面奏聞。一面辦理。以懲兇頑。而彰國憲。毋再辦理遲緩。致有疎縱也。將此傳諭知之。○壬子。諭軍機大臣曰。蘭第錫等奉翰等奏。會看海塘石壩一摺。已交原議大臣議奏矣。此事前據大學士九卿。議具奏時。朕以水勢宜於順軌直趨。方不至過激為患。浙省海塘。已屬與水爭地。今又添建石壩。總計縱橫不下百餘丈。是占水之地。更為加多。潮汐往來。不無阻礙。長麟所奏酌減丈尺之處。恐無真知灼見。而吉慶甫經到浙。

於海塘工程亦未諳悉。因李奉翰適來京陛見。當即面為詳晰指示。令其會同蘭第錫偕赴浙江。與吉慶三人詳細履勘。公同商酌定議具奏。今據該河督等奏到。止稱石壩十二座內有九座並非迎溜之區。應聽其廢去。毋庸修理。惟第二壩第十壩第十二壩。適當迎溜處所。頗資攔護。請暫為留存等語。而於朕前此面諭。此項石壩是否占水地面。以致衝激損工之處。並未明晰聲敘。是李奉翰並未領會朕意。且此項石壩十二座均係福崧在浙時先後添建。嗣經長麟查勘。以石壩過於高寬。與水抵禦。易致潑損。奏請收窄辦理。是此項工程在長麟即欲收減改辦。而該河督等此奏乃稱長麟請修之七座均已殘損等語。竟似此項石壩係長麟奏請修築。措詞尤為牽混。前此福崧在浙江巡撫任內。惟知婪索牟利。於海塘事務更何暇親往履勘。留心整頓。其添建石壩。不過就屬員慫恿之詞。率

議興工。朕明知此項工程必交官辦。而採取石料等項即可從中浮冒。又可以建築石工。蓋石工奏銷重。柴工奏銷輕。不用柴薪既可從重冒銷。更亦便小民生計。外以博市惠之名。而實以為侵肥之計。情弊顯然。該河督等查勘時亦應將福崧從前率行議建緣由。明白聲敘。乃亦並無一字提及。此事李奉翰到京。曾經朕面加詳諭。蘭第錫止係李奉翰轉向告知。而吉慶不過隨同查勘。乃李奉翰於朕面諭各情節。全未領會。摺中無一字道及。不過聯銜一奏。草率完事。是李奉翰竟係一無用之人。又何用伊前往會同查勘耶。李奉翰著傳旨嚴行申飭。並著將此旨交長麟閱看。想長麟亦必當心服也。除俟原議大臣覈議具奏。另交吉慶遵照辦理外。將此各諭令知之。○旌表守正捐軀江蘇睢寧縣民曾環妻葛氏。○癸丑。

上御乾清門聽政。○諭軍機大臣曰。吉慶奏等



獲開漕弊命之犯。嚴究辦理一摺。此案該犯等倚衆捩交。毆斃多人。所有先經鎖押人犯。膽敢趁勢脫逃。成何事體。似此恃衆行兇。目無法紀。其情罪甚重。與日前畢沅所奏。拏獲糾夥肆劫之楊應子等。尚拘泥請旨。曾降旨將該督申飭。並通諭各督撫。以此等人犯。即當立正典刑。以防在監滋事者。正屬相同。吉慶一接稟報。即親赴該處督辦。甚是。著傳諭該撫務將已獲之犯。嚴加根究。未獲之犯。按名查拏。必須訊出正兇。一面正法。一面奏聞。不可稍事姑息。其實係無辜者。即予省釋。亦不可因案關重大。稍有株連。至該縣書役家人。如果有從中需索。激成事端者。自當嚴懲究辦。惟該縣陳鍾靈。係本處地方官。若無辦理不善之處。原可不必苛求。即有縱容釀變情事。亦宜俟究獲正兇。審明正法之後。再行續辦。若此時遽將該縣叅革治罪。使奸民聞知。見伊等與地方官兩敗俱傷。轉致刁風益

長。所謂民可使由之。不可使知之也。將此由六百里加緊諭令知之。仍將案犯是否全獲究辦之處。迅速覆奏。○甲寅。

上詣

壽康宮行禮。○乙卯。諭據董椿奏。兩淮泰海二分公司所屬廟灣板浦中正臨興四場窪地。現屈嚴冬。涵氣不旺。產鹽較少。竈戶別無生業等語。兩淮泰州海州所屬各場窪地。本年因夏秋雨水稍多。收成歉薄。前經加恩將應徵折價錢糧。緩至來歲麥後分年帶徵。今時值嚴冬。該處產鹽較少。竈戶生業維艱。口食未免拮据。著加恩借給一月口糧。並於附近鹽義倉內。撥借穀二萬七千七百九石八斗。以資接濟。仍俟來年麥收後。照數徵收。買補還倉。該鹽政務須督率所屬。實力妥辦。俾各竈戶均沾實惠。以副朕軫恤加惠至意。○又諭曰。福寧奏查勘江蘇山東洋面交界地方。仍請以鶯遊山為界一摺。已批交原議大臣議

奏矣。又據審明積年洋面劫案。將捏報推諉之官吏。分別定擬一摺。海洋被盜。理應無分畛域。即時擒拏。以期賊盜速獲。乃各該員於所轄境內被劫之案。止圖規避處分。並不緝拏賊盜。以致積年被劫各案。日久無獲。自應將捏飾推諉各員。嚴加治罪。而巡撫各上司。漫無查察。亦皆有應得之咎。知縣趙文照。巡檢諸原治。均著革職。同已革之知縣沈則文。俱發往新疆充當苦差。餘著照所擬完結。其專兼各武職及接緝文員。並該管道。府暨巡撫各上司。亦著查明月日。交部分別議處。至此案既經查明。與江蘇無涉。所有書麟等前叅之東海營都司色克圖。著免其革職治罪。福寧等摺並發。所有江蘭前叅疎防各員。并摺亦著一併交部覈辦。○又諭據保寧奏。哈薩克王杭霍卓之弟阿哈岱。懇請入覲。經伊斤駁。所見甚是。向來哈薩克汗王等。遣子弟入覲。俱准行。倘汗王等並未差遣。其子弟擅

自請覲。輒允所請。不惟互相效尤。易啟僥倖之習。且致汗王等心存猜疑。保寧著賞給大荷包一對。小荷包二對。以示獎勵。○丙辰。諭烏魯木齊所管鄂倫拜姓等十八臺站馬匹。俱屬肥壯。倒斃額數。又為減少。加恩該管站官員等。著賞給紀錄二次。委署筆帖式。委署把總。著遇有應行揀選之處。列名。兵丁等各賞給一月鹽菜銀兩。○又諭刑部奏秋審情實節次未勾人犯。請分別改入緩決各摺。已依議行矣。現在京師入冬以來。尚未得有雪澤。允宜清理庶獄。感召天和。所有朝審秋審情實未勾。已過三次各犯。著加恩改入緩決。其由實改緩。已過三次人犯。及原擬緩決。已過一二次者。俱著該部查明各案所犯情節。分別減等發落。以昭矜恤。而述庥和。該部即遵諭行。○調正紅旗蒙古副都統和舜額為鑲黃旗漢軍副都統。以頭等侍衛副都統銜博斌為正紅旗蒙古副都

統○丁巳諭軍機大臣曰董椿奏兩淮商人因應繳銀兩准令分年完納感激恩施恭備貢品數件籲請代為呈進等語前降諭旨將淮商帶繳銃銷等銀三百餘萬分作十年完納原欲令商人緩交公項其資本可以輓轡輸轉生計益資寬裕今該商等復備物呈進未免需費轉非朕格外加恩之意但現在所備物件既已送京姑准其呈覽以遂伊等感戴之忱嗣後遇有施恩之處該商等斷不必照此備物呈進該鹽政亦竟無庸接收此係朕體恤衆商之意著傳諭董椿轉行宣諭知之○又諭據司馬駒奏滇省壬子年運京銅筋第八起在湖北歸州叱灘遭風沉銅五萬筋撈獲銅三萬五千五百九十餘筋趕運歸幫等語銅船遭風後銅筋沉溺江底不能隨波衝去若果認真撈摸斷無不獲之理乃向來水摸人等隱匿銅筋希圖盜賣牟利報獲之數往往無多今第八起運京銅筋在湖北

歸州地方沉溺五萬筋撈獲祇及大半明係水摸私行隱匿地方官不能實力稽查所致著傳諭畢沅等即行實切根查嚴禁水摸藏匿偷竊及串通舖戶私賣情弊以期全數撈獲搭運送京現在曾否全獲並著遇便據實具奏尋奏先後撈獲銅四萬四千二百餘筋計未獲銅五千七百九十九筋少十分之一得旨數雖少在盜賣則多矣又奏現乘水落嚴飭督撈得旨以實為之○戊午諭朕恭閱聖祖仁皇帝實錄康熙四十九年民數二千三百三十一萬二千二百餘名口因查上年各省奏報民數共三萬七百四十六萬七千二百餘名口較之康熙年間計增十五倍有奇我國家承

天眷佑百餘年太平天下化澤涵濡休養生息承平日久版籍益增天下戶口之數視昔多至十餘倍以一人耕種而供十數人之食蓋藏已不能如前充裕且民戶既日益繁多則

廬舍所占田土。不啻倍蓰。生之者寡。食之者衆。於閭閻生計。誠有關係。若再因歲事屢豐。粒米狼戾。民情游惰。田畝荒蕪。勢必至日食不繼。益形拮据。朕甚憂之。猶幸朕臨御以來。闢土開疆。幅員日廓。小民皆得開墾邊外地土。藉以暫謀口食。然為之計及久遠。總須野無曠土。家有贏糧。方可戶慶盈寧。收耕九餘三之效。各省督撫及有牧民之責者。務當隨時勸諭。剴切化導。俾皆儉樸成風。服勤稼穡。惜物力而盡地利。共享昇平之福。毋得相競奢靡。習於怠惰。用副朕愛養黎元。諄諄教誡至意。將此通諭知之。○又諭昨據恒秀等彙奏。歷年發遣人犯數目一摺。內稱逃亡者總計四百餘名。此雖積年逋逃。但該將軍大臣果能於逃走之際。即差妥幹之員緝拏。何至不獲者有如此之多。除將原摺交部。照新例辦理外。著將此交與盛京吉林黑龍江將軍大臣等。嗣後務須嚴飭所屬。平素加意約束。

設有逃亡。一經稟報。即差妥幹兵弁。上緊緝拏。斷不可恃有年終彙奏。由部通行協緝之條。顛預了事也。○諭軍機大臣等。福寧奏東省得雪一摺。覽奏畧慰。但前據江蘭奏。省城及各屬得雪。不過二三寸。今福寧所奏情形。似濟南迤東各府屬。雪澤稍優。其餘各府。俱尚未能霑足。現在直隸一帶。亦未善霑優澤。朕心方深厯切。而福寧於東省甫經得雪。遽稱瑞雪普霑。農民歡慶。不免過為夸言。著傳諭該撫。不可意存自滿。仍應率屬虔祈。以期雪澤渥霑。俾小民得以及時耕種。來春可冀有收。方為妥善。○又諭據福寧鎮總兵烏蘭保奏稱。陛見後。前赴新任。因在途染患瘧疾。不能支持。是以由水路舟行。到任遲延等語。烏蘭保於七月間在熱河陛見。計至十月。已三月有餘。始行抵任。甚屬遲緩。總兵為專閫大員。有整飭營伍之責。自應迅速抵任。不憚跋涉之勞。今據該鎮奏稱。因在途患病。改從

水路舟行。所言是否屬實。未可憑信。著傳諭伍拉納。浦霖據實查明。如果該員實係在途患病。到任後尚未痊愈。精神委頓。不能料理營伍。則總兵大員。豈可姑容貽誤。自應奏明另請簡放。若該員竟係沿途遊玩逗留。或貪圖坐船安逸。捏稱患病。即應據實參奏。如所稱患病屬實。近日已就平復。而該員年力尚壯。不致因染患病症。即成廢棄。尚能勝總兵之任。亦即據實奏明。毋有徇隱。○以太常寺卿成德。光祿寺少卿泰寧。為內閣學士兼禮部侍郎。○丁未。

上幸瀛臺。○諭軍機大臣等。向來安南。緬甸。南掌等國。俱有例進象隻。因其遠道。扃忱。均予收納。現在鑾儀衛有象三十九隻。為數已多。若年復加增。不但象房不敷養。抑且虛糜廩給。著傳諭雲貴兩廣督撫等。嗣後外藩所獻方物內。如有象隻一項。該督撫接到咨會。即可檄知該國。以天朝梯航畢集。現有象隻

甚多。除別項貢品。俱准其呈進外。所有象隻。不必收受送京。在各省既可免長途伴送之費。而該國亦可省購覓之勞。實為兩便。○是月。兩江總督書麟。奏。丹徒。丹陽。二縣運河。屆小挑之年。現飭道府確勘撈淤。並築壩切灘。各工並舉。俟工竣。親身往驗。報聞。○暫護河東河道總督。山東布政使江蘭。奏。時屆凌汛。已飭道廳於迎溜各埽。密挂柳椿。塘護。凡逢灣聚凌處。多備兵夫。敲打。不使壅積。得旨。以實為之。

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百四十一

實錄卷一千四百四十一

十九

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百四十二

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總纂官經筵講官太子太傅文學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書錄副都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曾振鐸等奉

敕修

乾隆五十八年癸丑冬十二月庚申朔

上詣

大高殿行禮。○幸瀛臺。○諭軍機大臣等京師  
自入冬以來未得雪澤正深盼望茲於二十  
九日得雪二寸有餘因思保定距京不遠若  
同時得雪梁肯堂自應即行奏報何以尚未  
據該督具奏昨據穆和蘭奏河南省城已得  
雪五寸餘河北之林縣內黃及近省之通許  
中牟等縣亦先後得雪今京城於二十九日  
亦得霑被看來雪勢甚廣豫省在京城西南

而保定在京城豫省之間。自亦應一律普霑。著傳諭梁肯堂。即將保定一帶。日內曾否得雪之處。迅速馳奏。以慰厯注。○辛酉。旌表守正被戕河南原武縣民常殿甲妻孫氏。○壬戌。

上幸瀛臺。○諭兵部具題覆試武舉弓力刀石不符。將監射大臣。分別議處一本。經朕披閱。本內首頁。即看出清漢文。竟將十五阿哥之名。俱誤寫十一阿哥之名。永理。實大不

是。部院大臣。凡遇題奏事件。君前臣名。於阿哥名字。自應一體書寫。但入奏章疏。理應敬謹檢點。即大臣名字。尚不應稍有錯誤。況阿哥之名。豈得誤行繕寫。設將來歸政傳旨時。亦似此誤書可乎。各部院具題本章。篇頁繁多。該管堂司官。雖不能逐加詳看。偶有筆誤。或所不免。而於題頭出語。關係緊要之處。必當留心檢閱。此本錯誤。即在開頁數行。朕一覽即經看出。而該部竟率行呈進。可見堂司

官於進呈本全未寓目。竟以此等照例具題之件。朕未必閱看。草率從事。若非朕指出。則題本內阿哥名字。尚有錯誤。傳鈔邸報。豈不貽笑天下。兵部如此。其餘部院似此疎忽者。恐亦不少。今兵部此本。經朕看出。是大小臣工於題奏事件。有不敬謹將事者。

天理昭彰。總不能始終混過。即將兵部堂司官。律以大不敬之罪。亦所應得。朕不為已甚。姑從寬辦。而於此一事。益見政無鉅細。朕竟不得不躬親綜理。慚愧之餘。倍深兢惕。至慶桂係特令在部。專上衙門辦事之人。尤當細心檢點。今亦玩忽若此。所司何事。所有該部堂官。俱著交部嚴加議處。其掌印郎中。獲咎較重。著即革職。其餘本內列名之兵部滿漢司員。亦著一併交部嚴加議處。嗣後大小臣工。務當倍加謹凜。勤慎供職。毋得再有玩誤。自蹈重戾。以副朕丁寧教誡至意。將此通諭九卿知之。○又諭。據永保等奏。請於喀什噶爾

郭內建蓋官房。令回城居住之民人徙居納租等語。商民雜處回城日久恐滋事端。永保等所辦尚屬妥善。即著照所請行。至回民歸順年久俱已為朕世僕。無庸兵弁稽察。亦著照所奏。將駐劄回城綠營兵弁撤回。○諭軍機大臣等。前因京師得雪。保定距京不遠。何以尚未據梁肯堂奏報。曾經降旨詢問。未據奏覆。本日該督奏昌平房山等州縣得雪分寸。僅於請調首縣摺內夾片奏聞。並未專摺具奏。而摺片草草數語。亦未將省城得雪是否優渥之處。詳細聲敘。甚不明晰。朕閱單內所開清苑縣得雪二寸。本欠優霑。恐奏報分寸尚有粉飾。其每日敬謹額求之語。更係虛捏。未必可信。梁肯堂著傳旨申飭。仍著將保定一帶日內曾否得雪之處。遵照前旨迅速覆奏。至該督奏請以鹽山縣知縣孟生革調補清苑縣一摺。已交部議。向來各督撫請調首縣要缺。即或與例未符。經部議駁。每降旨

加恩允其所請。今梁肯堂於奏報雪澤如此糊塗玩忽。惟以請調首縣為急務。可見該督止知保奏屬員。全不留心民瘼。所有請調首縣之摺。若該部照例議准則已。若經議駁。朕亦不復賞給顏面。特加允准。該督當益知慚悚也。將此諭令知之。○癸亥。諭前經降旨。直隸解到旗租銀兩。足敷普賞八旗兵丁一月錢糧。即行普賞一次。現在直隸解到租銀。雖不足敷賞賚之用。但念該兵丁等寒冬歲暮。生計維艱。著於節年積存旗租項下。撥補足數。加恩普賞八旗兵丁一月錢糧。俾生計益臻充裕。以示敷錫春祺。有加無已至意。該部即遵諭行。○諭軍機大臣等。朕恭閱實錄。康熙年間。有山西民人陳四等。聚眾搶擄一案。欽奉聖祖仁皇帝諭旨。以獄囚甚多。令速行完結。仰見睿謨深遠。實為綏靖地方之要道。匪徒等什百



成羣。攜帶器械。沿途搶掠。最為閭閻大害。月前畢沅奏。等獲糾夥肆劫之楊應子等一案。即與陳四相仿。獲犯後自應速正典刑。使奸宄知所儆惕。庶不致日聚日多。而案件亦得以早完。可免株連良善。乃該督尚復拘泥請旨。業經降旨申飭。計此旨發往已逾半月。何以尚未見辦理具奏。著傳諭畢沅。務遵前旨。迅將各正犯一面正法。一面奏聞。勿再延緩。蓋此等匪徒聚集多人。潛相勾結。一經弋獲。若不速正刑章。萬一別滋事端。成何事體。若為窮詰黨與。審訊多時。尤恐該犯等自知罪在不赦。信口誣供。輾轉扳引。波及無辜。以致人心不靖。前已降旨。通飭該督撫等。務宜體會此意。嗣後遇有多人搶奪之案。總須將正犯速辦速結。不可如畢沅之不審事體輕重。拘泥牽引也。再康熙年間。曾派御前侍衛等。赴口外一帶查拏盜賊。緣口外地方遼濶。最易藏奸。非內地可比。如直隸前辦盜犯馬十

之案。即係在口外行劫。該省地方官因循未審。特提至行在。交軍機大臣嚴加研鞫。立正典刑。並將貽誤各員。分別治罪。自此大加懲創之後。數年來口外一帶。盜風漸熄。但恐地方官日久玩生。又疎於緝捕。著傳諭梁肯堂。仍宜留心。嚴飭口外各屬。實力巡查。務使劫盜潛蹤。地方安靜。不可稍有懈怠。○甲子。戶部議覆。江蘇巡撫奇豐額疏稱。吳縣吳江鎮。洋寶山。四縣。捐置義塚二頃三十四畝。有奇。查係廢地。應如所請。自乾隆五十八年為始。豁免應徵銀穀。從之。○豁貴州運京乾隆五十一年分沉溺鉛四萬觔。有奇。○乙丑。孝惠章皇后忌辰。遣官祭孝東陵。○上幸瀛臺。翼日如之。○諭軍機大臣等。昨據蘭第錫。李奉翰奏。自浙北旋。行至高郵地方。據桃源宿遷。邳州。稟報。於十一月二十六日。得雪三寸至五寸等語。覽奏欣慰。但桃源等縣。

俱屬江南境。係書麟奇豐額所屬。既據蘭第錫等奏到。該地方官。豈有不稟報該督撫之理。何以尚未據書麟等奏到。朕心深為厯念。蘭第錫等係由驛奏報。或書麟等係差人之摺。是以尚未奏到耶。著傳諭書麟奇豐額。即查明桃源等處。於何時得有雪澤。入土幾寸。並該省各屬。日來曾否普得雪澤。或至成旱之處。迅速馳奏。又據朱珪覆奏。本年被災地方。應需賞給口糧一摺。內祇稱低窪之區。須待明春裁插等語。而各該處是否得有雪澤。摺內並未提及。並著傳諭朱珪。查明各屬近日曾否得雪。迅速由驛覆奏。朕厯念民依。無時或釋。豈該督撫等。尚未能仰體朕心。隨時奏報。以慰厯注耶。○谕雲南運京乾隆五十年分沉溺銅四萬六千觔有奇。○丙寅。諭曰。管幹珍奏。湖南江西。向空運船。遭風漂溺。舵工水手。並有淹斃。湖南二幫丁謙船上。淹斃頭工周宏亮一家六口等語。回空運船。在

大江停泊。猝遇狂風。正值黑夜。人力難施。以致漂沒多船。淹斃人口。殊屬可憫。所有淹斃之頭舵水手等。俱著加恩照例賞卹。其淹斃一家六口者。並著加倍賞卹。漂沒沉溺各船。均著加恩概免賠補。官為製造。以示軫卹至意。至近年以來。各省催趲漕船。已復冬兌冬開例限。回空船隻。自應趕緊抵次受兌。但沿途催漕文武各員。總當察看風色水勢情形。量為催趲。如遇大江風帆。難以駕駛。亦可令其停泊港汊。暫時守候。若惟知促迫為事。勢必冒險開行。運船漂沒。未必不由於此。且回空船隻。該管運員及軍丁等。皆未免意存怠玩。或吝惜雇價。將熟悉水手散遣。祇留不諳駕船水手數人。遇有緩急。全不足恃。而押船員弁。甚或因思家念切。先行回署。並不在船督率。以致有船隻失風之事。著通諭各該督撫。嗣後漕船過境。務須飭令沿途各員。酌量情形催趲。不可過於急迫。致令涉險失事。亦

不得因有此旨。任其逗遛。以致遲逾。定限。其押送回空船隻。運員軍丁人等。如有前項情弊。即應嚴行叅辦。庶漕運不致遲延。而行走亦昭慎重。將此通諭。有漕各督撫知之。○丁卯。

上幸瀛臺。琉球國正使毛國棟。副使毛廷桂。於西苑門外瞻觀。○謫貴州運京乾隆五十二年。分沉溺鉛十二萬六千觔有奇。○旌表守正捐軀陝西渭南縣民姜元宗妻劉氏。○戊辰。諭軍機大臣曰。吉慶奏。審明開漕斃命各犯。分別辦理一摺。已交軍機大臣。會同三法司。覈擬速奏矣。此案人數衆多。巡撫若不親往。地方官吏。未免觀望遲延。今吉慶一接稟報。即親赴該處督率查拏。將案內要犯究明。拏獲辦理。尚為妥速。著賞給大荷包一對。小荷包四個。以示獎勵。○軍機大臣等奏遵旨。訊議副都御史世魁。信家奴之言。侵管巡城自理事件。又復種種任性。有玷風憲。應革職。

御史保寧。雖訊非迎合扶同。但職任巡城。聽世魁專斷。不阻御史徐娘。叅奏得實。而於所轄坊官。失察散帖請客。請交部分別議處。得旨。此案回民馬二。負欠劉明經銀兩。經巡城御史斷追後。未能依限歸結。本屬遲延。世魁於雇工家人楊七等。帶同劉明經呈稟時。若能將楊七等。及劉明經。一併押赴都察院衙門。會同各堂官。將馬二所欠銀兩。當堂追給。仍將私自引進劉明經之楊七等。照例懲治。方為持正。今乃聽信楊七等所言。輒將巡城衙門自理事件。代為主斷給領。雖訊無賄囑情事。但劉明經。販羊生理。資本較裕。世魁於事後索酬。亦所不免。特不值因此一事。令世魁同伊家人質對刑訊。姑照所議革職。免其深究。餘依議。○以故奉恩將軍德音泰子寶興。郡德子祝康各襲職。○旌表守正捐軀雲南建水縣民曾某女曾氏。○己巳。

上詣

雍和宮行禮。○諭。昨安徽巡撫朱珪。進御製說經古文。閱其後跋。以朕說經之文。刊千古相承之誤。宣羣經未傳之蘊。斷千秋未定之案。開諸儒未解之惑。頌皆過當。但歷舉朕敬天。法

祖。勤政。愛民。各大端。見諸設施者。與平日闡發經義。實有符合。語皆紀實。並非泛為諛詞。夫六經為治世之書。內聖外王之道。無不賅備。若止尋章摘句。僅能得其糟粕。無由探索精微。即使窺見義蘊。垂諸著述。不能躬體力行。亦屬空言無補。朕臨御以來。勵精圖治。惟日孜孜。幾餘典學。於詩書六藝之文。偶有闡發。俱與政治相關。即義疏相承。舛訛未正者。為之折衷定論。亦有裨於世道人心。凡平日出治之要。皆可與說經之言相印證。蓋發為文章者。胥應見諸政事。我世世子孫。果能善繼善述。欽承法守。學於古訓。見諸躬行。以朕之心為心。以朕之政為政。則是我國家億萬年

無疆之祚。朕於茲有厚望焉。此冊著諸皇子。及皇孫綿恩。各繕寫一部。並將此旨冠於簡端。將頒設諸處。以垂久遠。至朱珪。於御製古文。紬繹推闡。能見其大。跋語尤得體要。殊屬可嘉。著賞給筆墨等件。以示獎勵。○庚午。上御乾清門聽政。○諭。曰。哈當阿。楊廷理。在臺灣任內。屢獲巨盜多案。辦理迅速。甚屬可嘉。哈當阿。著交部從優議敘。楊廷理。著賞加按察使銜。以示優獎。至經歷朱瀾。拏獲首夥盜犯十五名。於緝捕亦能認真。現據哈當阿等另摺奏。緝獲在洋疊刦盜首一案。亦係朱瀾拏獲。是朱瀾為該處緝捕得力之員。若將該員送部引見。則該處轉少一幹員督緝。朱瀾著加恩。即留於臺灣。遇有該處知縣缺出。奏請陞補。毋庸送部引見。俾得在彼督率緝捕。以資熟手。其遊擊曾紹龍。巡檢朱繼功。俱著交部議敘。○又諭。據郭世勲等奏。把總蘇定揚。自到營以來。陸續拏獲盜竊各犯一百餘

名。現出有左營千總一缺。請將該員拔補。惟伊任內有停陞限緝之案。與例未符等語。蘇定揚緝獲盜匪多名。尚屬奮勉。即著照該署督所請。加恩拔補。所有該員任內停陞限緝之案。著加恩寬其一半。其餘准其帶於新任。照例辦理。以示鼓勵。該部知道。○辛未。諭軍機大臣曰。蔣兆奎密奏屬員賢否。摺內稱。藩臬出具考語及履歷。咨送吏部等語。所辦錯誤。各省督撫。向例每年將屬員賢否密奏一

聖訓卷之四十二

五

次。俱係另繕清單進呈。朕披閱後。將原單留存。以備稽考。雖大計年分。有將總兵兩司考語咨部之例。但該撫此摺提頭。既繕寫密奏字樣。何以僅將兩司考語。咨送吏部。總兵亦無一語。其道府以下。又不詳加出考。另繕清單。一併密奏。著傳諭該撫。即遵定例。將所屬賢否。繕單密奏。嗣後於具奏事件。務宜留心檢點。勿再似此舛錯。○旌表守正捐軀直隸定州民王某女王氏。○壬申。諭令歲塔爾巴

哈台屯田遣犯每名收穫計細糧十石以上。而採煤人等亦屬奮勉出力。著將該管屯官照例交部議敘。至耕種地畝及採煤人等俱著每日加賞麥麵一觔。○又諭曰。伍拉納奏審明糾眾訂盟。併逞兇殺人。輪姦婦女之首從各犯。分別正法定擬一摺。已交軍機大臣會同該部覈議速奏矣。此案伍拉納因查閱營伍行抵漳州。一據道員史夢琦稟稱。會同營縣拏獲首從各犯二十七名。即暫駐漳州。督率該道等訊明。將各犯分別正法定擬。俾兇徒不致稽誅。辦理甚為迅速。所有訪獲此案各犯之道員史夢琦及會同督拏之營縣員弁俱著該督查明。咨部議敘。嗣後各省督撫遇有此等兇惡案犯。不但於巡查時一經訪獲。應照伍拉納所辦。就近審明速結。即非巡查之期。聞有此等情罪重大之案。亦當於督撫中一人立時親往查辦。即如前此浙江省開漕一案。該撫吉慶一聞稟報。即日前往

聖訓卷之四十二

五

查拏將要犯剋期就獲。訊明正法。因其辦理  
妥速。特加獎賞。各該督撫於地方要案。皆當  
仿照速辦。正所謂化大為小。庶足儆兇。頑於  
未猖獗。而良善以安。不得安坐省城。提犯審  
訊。以致屬員觀望延宕。或致別生事端。將此  
通諭知之。○癸酉。旌表守正被戕安徽鳳陽  
縣民杜應學女杜氏。○甲戌。伊犁將軍保寧  
奏。柔遠城駐防兵戶口繁滋。兼以發遣人多。  
房屋不敷居住。請於滿營東面空地。拓築圍  
牆百二十丈。增建房屋八百餘所。從之。○以  
廣西慶遠協副將劉景昌為江南蘇松鎮總  
兵。

實錄卷一四四三

三

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百四十二

實錄卷一四四三

三

大清高宗法天隆運至誠先覺體元立極敷文奮武孝慈神聖純皇帝實錄卷之一千四百四十三

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院掌印給事中實錄滿洲都統世襲前都統軍功加七級隨帶加一級尋常加二級軍功紀錄一次臣等謹

總纂官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲前都統軍功加十九級隨帶加二級又加二級臣等謹將內大臣戶部尚書錄滿洲都統軍功紀錄五次

尋常紀錄十四次臣等謹將經筵講官太子少保工部尚書紀錄六次臣等謹將尋常

敕修

乾隆五十八年癸丑十二月乙亥諭據鑲黃

旗蒙古都統等將騎都尉兼雲騎尉和鍾所出之缺擬定正陪奏請承襲朕閱其家譜和鍾雖無子嗣亦無罪戾乃不以伊胞弟現任雲麾使和玉擬正反將從末承襲之長房騎都尉兼雲騎尉永明擬正甚屬非是都統等平日於旗務尚不可不細心辦理而於年終奏請承襲何得如此草率從事耶在舒常等鄙見以為永明現有官職再令其承襲是職即可減省俸祿不思和鍾胞弟和玉亦現任

雲麾使如此辦理糊塗特甚副都統珠爾杭阿係東三省人因在軍營出力是以加恩補授副都統齊哩克齊又係回子俱不曉事不足深責除將伊二人免議外舒常著嚴行申飭仍交部議處和鍾所遺騎都尉兼雲騎尉缺即著和玉承襲並著將此通諭八旗使知朕辦理一切事務詳加斟酌毫無遺漏稍有錯誤即行覺察嗣後各旗大臣益當仰體朕意凡遇一切事務務期妥協辦理○又諭曰

海蘭察所遺頭等公爵已令伊長子安祿承襲矣復念伊勞績夙著著加恩授伊次子安成為藍翎侍衛俟十八歲時再行當差以示朕軫卹勲臣至意○丙子諭據富綱等奏孖獲行劫夷境客商連殺事主四命之首夥盜犯審明辦理一摺此案黃小三等於土司地方糾夥行劫過客將事主及挑夫四人立時殺死情殊兇惡該督等於審明後即將該犯正法所辦是至土巡檢早朝鼎奉檄緝孖即

能訪出盜蹤。會同營弁。將盜犯三名拏獲。署緬寧通判張德基。於隣境盜犯。亦能留心緝獲。俱屬奮勉。除土巡檢罕朝鼎。業經該督等獎賞外。仍賞緞二匹。署通判張德基。著交部議敘。以示鼓勵。其會同緝拏此案盜犯之營弁。亦著該督等查明。咨部分別議敘。○以故一等子丹達爾布瑪子巴爾黨布瑪。一等男海福子科興額。並襲爵。○丁丑。命濱海疆吏各陳弭盜事宜。諭軍機大臣曰。朕恭閱

聖祖仁皇帝實錄。康熙五十二年。戶部尚書張鵬翮條奏沿海添兵各事宜。奉

皇祖聖諭。飭駁。以張鵬翮所奏。俱屬空言無補。不可施行。並詳細指出各賊船停泊。必依據海島有淡水之處。瞭望官兵船來。即遁去外洋。官兵退後復回。又商船雖帶火藥軍器。一遇賊船。並不敢與敵。船中所有。隨其所取。各條。實為切中海洋賊匪情弊。粵省雷瓊等府地方。均濱臨大洋。向年多有盜劫等案。前經

福康安於總督任內。隨時緝獲懲創。近年以來。盜風稍知斂戢。但恐日久玩生。且本年秋間。據郭世勲奏。拏獲洋盜蕭亞二黃亞機等。審擬具奏。可見奸匪仍未淨盡。不知各海口。有無似康熙年間洋盜情形。著長麟。郭世勲留心訪查。加意整頓。並將現在應如何查辦之處。即各抒所見。據實奏聞。○又諭閩省為濱海省分。且臺灣一府。遠隔重洋。雖近年以來。節經降旨。飭令該督等嚴密躡緝。隨時獲犯。從重辦理。奸匪稍知斂戢。但昨據哈當阿奏。拏獲盜犯審祥。即行正法。又拏獲石板殿焚搶逸犯數十名。從重審辦各摺。可見該省盜風。仍未能盡息。不知現在各海口。有無似康熙年間洋盜情形。著傳諭伍拉納。即留心訪查。實力整頓。並直抒所見。據實陳奏。毋稍匿飾。○又諭浙江寧波乍浦溫台等處。均係瀕海地方。時有海洋盜劫之案。近日如石板殿被賊焚搶。雖首夥各犯均已拏獲正法。但



浙江水師營汛廢弛已久。究恐一時不能整飭。盜風未盡斂戢。有無似康熙年間洋盜情形。著傳諭吉慶將現在浙江洋面詳加察看。並將如何防範整飭緝盜之處。直抒已見。據實奏聞。○又諭江南係瀕海省分。雖節經降旨。令該督撫嚴飭地方官。隨時留心緝拏。俾盜風斂跡。乃上年崇明地方。有洋盜刦掠商船之事。雖即經長麟督飭緝獲。審明嚴辦。而本年黑水洋面。又有行刦客船。及搶掠各案。地方官互相推諉。捏報等事。現已據該撫等勘定界址。嚴飭各該屬實力整頓。但恐盜風未能盡息。著傳諭書麟。奇豐額。即將現在各海口洋面情形。悉心察看。是否尚有盜匪出入。及有無似康熙年間洋盜情形。該督撫務須嚴飭所屬。留心整頓。並將如何實力緝捕之處。直抒所見。詳晰具奏。○又諭山東青萊一帶。皆瀕海之區。本年因即墨之田橫島等處洋面。刦案頻仍。而該處地方官互相諉卸。

至有改報黑水洋之事。現已據該撫親至海濱勘定。以驚遊山為界。嚴飭文武各官。加緊巡防。自不致仍前推諉。但恐該處盜風究未盡息。著傳諭福寧。將山東洋面情形。詳加察看。有無似康熙年間盜刦情弊。該撫直抒所見。務將如何緝盜之處。詳悉奏聞。以期海洋寧謐。○旌表守正捐軀直隸衡水縣民張見寧女張氏。○戊寅。諭曰。王景奏查閱沿海營伍。內黃巖鎮標三營。演陣鎗礮不齊。鎗箭中靶。亦僅能三等。請將遊擊袁曰榛。護遊擊黃奕恩。武崢嶸。交部議處等語。浙江武備。從來不堪。該遊擊等督率訓練。是其專責。今黃巖鎮三營。操演技藝。均屬平常。實屬廢弛。袁曰榛。黃奕恩。武崢嶸。俱著交部嚴加議處。以為不能實力訓練者戒。○以貴州清江協副將扎郎阿。為雲南開化鎮總兵。○己卯。諭侍郎王昶。假滿來京。召見時。看其年力就衰。伊亦自以精神日減。難以供職。王昶著以原品休

致俟來歲春融。即行回籍。以示體恤。○又諭據烏爾圖納遜等奏。三旗牧放馬駝牛羊官。擢至副總管。別無陞途。現有總管缺出。請將端多克。同京城應補人引見。嗣後遇察哈爾旗分總管缺。即於牧放馬駝總管。牧放牛羊副總管內。揀選三員。同應補人引見補放等語。端多克已來京。暫准其引見。但副總管係五品。陞三品總管太優。嗣後如何令其陞途。不致壅塞。著軍機大臣。及各該衙門議奏。尋軍機大臣等議奏。查察哈爾地方。參領正三品。佐領正四品。請嗣後牧放馬駝牛羊官。當差奮勉者。叅領缺出。總管准同應陞人揀補。佐領缺出。副總管准同應陞人揀補。從之。○諭軍機大臣等。前因海島居民日衆。令各督撫編查戶口。入於年底彙奏。本日據福寧奏查明原無居民海島六十一處。並無新建房屋居住之人。其長山島三十三處。共有居民三千二百餘戶。男女大小二萬三千餘名口。

等語。海中島嶼。易為匪類潛蹤。是以前降諭旨。嗣後毋許民人私自建房居住。以防其勾結滋事。至沿海灘地。居民日多。築隄圈堰。亦於河流有礙。是以一併禁止。今閱福寧所奏山東一省海島居民。即有二萬餘名。各省海島住者想亦不少。此等民人相沿居住。為日既久。人數又多。勢難概令遷徙。惟當遵照前旨。不准添建房屋。以致日聚日衆。所有現住民人。仍應留心訪察。嚴密稽查。勿任勾結匪徒。滋生事端。其沿河地方。並宜一體飭屬隨時查察。弗令多占河灘。有礙河道。該督撫等總宜實力奉行。不得以彙奏塞責。○庚辰上幸瀛臺。土爾扈特扎薩克多羅郡王策伯克扎布等。杜爾伯特扎薩克頭等台吉普爾普達爾扎等。葉爾羌二品伯克阿克伯克等。金川明正宣慰司甲木參諾爾布等於西苑門外瞻覲。○諭教漢貝子桑濟札勒尚在內廷行走多年。此次入覲。來京病故。殊深憫惻。著

加恩賞給陀羅經被。並賞銀三百兩。以助喪事。遣御前侍衛豐紳濟倫。前往賜奠。所有應得卹典。均照貝勒例。以示朕體卹之意。○辛巳。

上御寧壽宮景祺閣。賜王貝勒貝子公額駙大臣。及蒙古王貝勒貝子公額駙等食。賞賚有差。○壬午。

上御撫辰殿大幄次。賜蒙古王貝勒貝子公額駙台吉等。土爾扈特扎薩克多羅郡王策伯克扎布等。杜爾伯特扎薩克頭等台吉普爾普達爾扎等。葉爾羌二品伯克阿克伯克等。金川明正宣慰司甲木參諾爾布等宴。○癸未。諭軍機大臣曰。伍拉納自簡任閩浙總督以來。尚未來京。陛見。昨據該督陳懇入覲。現在該省地方事務。及洋盜情形。正欲面加詢問。著傳諭伍拉納。接奉此旨。即行起身來京。陛見。其閩浙總督印信。著該督順道帶至浙江。交與吉慶署理。○甲申。

孝莊文皇后忌辰。遣官祭

昭西陵。○

上詣

慈寧宮。

壽康宮行禮。○是日起。

上以歲暮祫祭

太廟。齋戒三日。○丙戌。以歲暮祫祭。遣官祭

太廟中殿。

後殿。○丁亥。祫祭

太廟。

上親詣行禮。○遣官祭

永陵。

福陵。

昭陵。

昭西陵。

孝陵。

孝東陵。

景陵。

泰陵。

泰東陵。○遣官祭

孝賢皇后陵。

端慧皇太子園寢。○遣官祭

太歲之神。○諭定郡王綿恩為皇長子永璜之子。皇長子為

皇考長孫。綿恩於現在諸皇孫中。年又最長。自派管旗營諸務以來。謹慎妥協。甚為得力。著加恩晉封親王。綿恩當益思勤勉。倍矢虔恭。

以期仰承恩眷。○戊子。

上御保和殿。賜朝正外藩筵宴。左翼科爾沁和碩親王恭格喇布坦。多羅郡王喇什端羅布。多羅貝勒古穆扎布。輔國公諾觀達喇。納遜巴圖。公品級一等台吉林沁多爾濟。和碩額駙雅喇木丕勒。巴林親王品級多羅郡王巴圖。固山貝子德勒克。多爾濟喇布坦。公品級一等台吉索特納木多爾濟。一等台吉賽尚阿。四等台吉布彥濟爾噶勒。奈曼多羅郡王。

拉旺喇布坦。一等台吉巴勒楚克。教漢多羅郡王德親。二等台吉巴勒珠爾喇布坦。土默特多羅貝勒索諾木巴勒珠爾。固山貝子朋素克璘。翁牛特多羅貝勒濟克濟扎布。阿巴哈納爾多羅貝勒瑪哈巴拉。烏珠穆沁多羅貝勒旺楚克。喀喇沁輔國公瑪哈巴拉。永庫爾忠。溫篤爾瑚。公品級丹巴多爾濟。和碩額駙索諾木巴勒丹。扎密揚多布丹。阿巴噶扎薩克。一等台吉巴勒丹色楞。右翼喀爾喀和碩親王固倫額駙拉旺多爾濟。多羅貝勒德埒克朋楚克。固山貝子遜都布多爾濟。敦多布多爾濟。輔國公沙克都爾扎布。公品級扎薩克。一等台吉貢桑班巴爾。羅布藏呢瑪。扎薩克。一等台吉德木楚克。旺濟勒。三丕勒。阿拉善和碩親王多羅額駙旺沁班巴爾。鎮國公多爾濟色布騰。喀喇沁親王品級多羅郡王滿珠巴咱爾。浩齊特多羅郡王敏珠爾。多爾濟。土爾扈特多羅郡王策伯克扎布。回。

部郡王品級多羅貝勒哈第爾。輔國公喀沙和卓。伊巴喇伊木。鄂爾多斯多羅貝勒棟羅布色稜。蘇尼特多羅郡王車凌衮布。多羅貝勒恭桑扎勒。青海多羅貝勒濟克默特伊什。阿巴噶固山貝子朋楚克。綽羅斯固山貝子福爾納。烏珠穆沁輔國公瑪哈布爾尼雅。烏刺特輔國公多爾濟帕拉穆。歸化城土默特輔國公索諾木旺扎勒。察哈爾和碩特輔國公達什喇布坦。杜爾伯特扎薩克一等台吉普爾普達爾扎。察哈爾厄魯特扎薩克一等台吉達什沙木丕勒。四等台吉捫圖斯。納旺楚勒提木。達什達爾扎。並領侍衛內大臣等。召左翼科爾沁和碩親王恭格喇布坦。巴林親王品級多羅郡王巴圖。固山貝子德勒克。奈曼多羅郡王拉旺喇布坦。教漢多羅郡王德親。土默特多羅貝勒索諾木巴勒珠爾。右翼喀爾喀和碩親王固倫額駙拉旺多爾濟。喀喇沁親王品級多羅郡王滿珠巴咱爾。阿

拉善和碩親王多羅額駙旺沁班巴爾。蘇尼特多羅郡王車凌衮布。土爾扈特多羅郡王策伯克扎布。青海多羅貝勒濟克默特伊什等。至

御座前賜酒成禮。○是月。兩江總督書麟。江南河道總督蘭第錫泰。豐碭一帶。承豫東水下注。淤厚隄卑。豐北距微山湖近。隄工尤要。銅沛廳以下。暨淮揚道屬各廳黃運隄工。宜培厚加高處。請一律查辦。得旨。自應如此辦理。爾等及康基田。皆可信之人。勉之。○湖北巡撫惠齡奏。臣由蜀赴楚。察看銅船所經。如嘉定。敘州。重慶。夔州。各府屬。水已歸槽。各州縣遵於灘上雇募灘師。幫同駛放。但銅船較重。仍易失事。臣諭令先用小船導引。得旨。亦一法。又奏。飭於兩岸雇募民夫。持篙桿以資保護。勤者獎賞。不經心者枷責。至楚境宜昌府屬。三峽水更迅急。怪石布滿江心。亦令各備船夫。兼用導引。推拒之法。所過失銅處。有撈

夫入水數刻。並無所獲者。有得一二塊者。誠恐乘機盜竊。得古此係必有者。又奏臣嚴諭地方官。察訪水摸。有犯必懲。再查荊州一帶隄工。惟監利縣。因秋水驟漲。隄陞衝刷。現已趕修。其萬城隄工。及楊林洲。黑窩廠。觀音寺等處各石磯隄根。均堵築結實。窖金洲沿隄居民。僉稱自蒙恩建此鉅工。田廬保固。得旨覽奏俱悉。○是年。追予出師廓爾喀陣亡。委署筆帖式額爾棍車等三員。二等侍衛莫爾根保等三員。參領烏扎太等三員。佐領英十布等二十二員。三等侍衛索多爾海一員。參領張占魁一員。遊擊年壩一員。都司魏玉龍等十六員。守備馬登雲等二員。土守備色丹巴一員。驍騎校濟爾漢查等十六員。護軍校噶魯岱等三員。千總李殿元等六員。土千總兒谷倫等六員。把總余奉璋等十九員。土把總河什丹等八員。外委馬耀林等十員。土外委俄爾結等十四員。額外外委趙得保一員。

滿漢屯土馬步兵丁齊哈凱等一千二百一十一名。祭葬賞卹如例。俱入祀昭忠祠。○旌表孝子。安徽等省李閔等二名。孝女。江蘇等省吳氏等二口。孝婦。江蘇葛氏一口。守節合例。八旗護軍索爾博。妻宗室鑑占女等六口。滿洲馬甲英祿妻薩克達氏等一百二十八口。蒙古護軍德成妻。胡佳氏等五十口。漢軍步甲張經妻蘇氏等十七口。內務府披甲佛貴妻張氏一口。奉天等省駐防孫運昌妻王氏等一百三十一口。直隸等省民李勇妻王氏等四百二十八口。夫亡殉節。江蘇等省民華鳴臯妻劉氏等十五口。未婚守志杭州駐防兵額楞額聘妻鄂托氏一口。江蘇等省民李應俊聘妻周氏等二十三口。百歲壽民。婦直隸等省崔可取等四十九名口。各給銀建坊如例。○一產三男。直隸等省民李林妻楊氏等八家。○會計天下民穀數。各省通共大小男婦三萬一千四十九萬七千二百一十

名口。各省通共存倉米穀。四千四百一十八萬五千九百二十三石二斗一升二合四勺。

大清高宗法天隆運至誠先覺體元立極敷文奮武孝慈神聖純皇帝實錄卷之一千四百四十三

大清高宗法天隆運至誠先覺體元立極敷文奮武孝慈神聖純皇帝實錄卷之一千四百四十四

監修總纂官經筵講官太子太傅文淵閣大學士文淵閣領侍衛內大臣傅家峯奉 上諭軍機處管理  
吏部院詹事府正卿滿洲副都統世襲騎都尉軍功加七級隨帶加一級奉常加二級軍功紀錄一次度廉桂  
總裁官經筵講官太子太傅文淵閣大學士文淵閣領侍衛內大臣傅家峯奉 上諭軍機處管理刑部戶部工部事務  
世襲騎都尉軍功加十九級隨帶加二級又加二級軍機處內大臣戶部尚書經筵講官滿洲副都統軍功紀錄五次  
奉常紀錄十四次臣等謹將是錄官太子少保工部尚書紀錄六次 臣等謹將是錄

秋修

乾隆五十九年甲寅春正月己丑朔

上詣

奉先殿行禮○詣

堂子行禮○御太和殿受朝作樂宣表如儀○

詣

大高殿

壽皇殿行禮○遣官祭

太廟後殿○御乾清宮賜皇子皇孫皇曾孫皇

元孫親王等宴○庚寅

上御紫光閣賜蒙古王貝勒貝子公額駙台吉

回部郡王台吉。朝鮮琉球國使臣。並金川土司等宴。○召大學士及內廷翰林等茶宴。以洪範九五福之四曰攸好德聯句。命皇子皇孫與宴和詩。○諭上年雨暘時若。各省年穀順成。新正應行加恩地方甚少。因令直隸等各該督撫將因災帶緩未完之項據實查奏。嗣各督撫奏到俱係節年因災輾轉停緩徵未及限均屬實欠在民等語。此內直隸山東河南三省因屢經被旱歉收。節經降旨加恩分年帶完。在小民疊荷渥恩。一遇豐稔之年。自必輸將恐後。但節年遞欠為數較多。恐民力不無拮据。所有直隸山東河南因災帶緩原限應扣至甲寅乙卯丙辰年徵收之銀俱著加恩寬免十分之三。該督撫務須徧行曉諭咸使周知。毋使蠹役奸胥侵欺隱射。俾小民共霑實惠。閭閻生計益資饒裕。以副朕行慶施惠敷錫春祺至意。該部即遵諭行。○又諭上年安徽之無為州及銅陵繁昌二縣因

夏秋雨水稍多低窪田地間被漫溢業經降旨分別賞給一月兩月口糧。令該督撫實力查辦妥為撫卹。第念該州縣被水村莊有涸出較遲未經佈種二麥者。今春青黃不接之時民力恐不無拮据。著再加恩將被水稍重之無為銅陵繁昌三州縣分別賞給兩月口糧併酌借籽種以資接濟。該撫務嚴飭所屬實心經理。毋任吏胥侵蝕滋弊。俾閭閻均霑渥澤。以副朕普錫春祺至意。該部即遵諭行。○壬辰立春順天府進土牛春山寶座。○癸巳。上詣雍和宮行禮。○甲午。享太廟遣怡親王永琅恭代行禮。○遣官祭太歲之神。○上詣天佑宮行禮。○幸圓明園。○乙未。世祖章皇帝忌辰遣官祭。



孝陵○諭向來各省彙奏各項遣犯有無脫逃已未拏獲係於年終彙查具奏次年正月始行奏到該部照例覈議至四五月中再由軍機處與彙奏各款一併查覈但此等照例彙辦事件陸續奏到參差不一辦理未歸簡易轉致案牘繁多不能明晰且軍機處需至次年夏季交查該部彙覈具奏閱時既久亦恐不無遺漏嗣後各省彙奏遣犯毋庸陸續具奏著於每年十月截數咨報軍機處刑部均

限十二月初間咨齊即由軍機大臣會同該部彙開清單於年底先行具奏仍交部分別覈議照例具題庶辦理不致遲延查覈更為周密至此外每年彙奏各款均著照此辦理○諭軍機大臣等前因學政考試生童於衡文取士未必悉能公當是以降旨令各督撫將該學政在任有無劣蹟之處於年終陳奏一次原以重防閑而嚴察覈乃近年以來各督撫於學政考試多以並無劣蹟一奏了事

竟若具文若果如所奏則從前如謝墉吳王綸潘曾起徐立綱之聲名平常致滋物議者又獨非該督撫具奏無劣蹟之學政乎是各省學政中清慎自矢甄拔得當者固不乏人而關防不密約束不嚴甚或有敗檢營私之事者恐亦在所不免各督撫近在同省無難訪察得實於年終陳奏時自應就見聞所及據實直陳方為覈實之道若不問其平日聲名若何率以並無劣蹟具奏竟成印板文章

又安用該督撫查奏為耶今各該督撫相沿故套率以虛詞敷衍塞責朕亦姑置不論設將來學政中有營私舞弊之事或經朕訪聞或被科道叅劾一經發覺惟該督撫是問不獨治以徇隱之罪也將此通諭知之○丁酉吉林將軍秀林叅奏侵局協領諾穆三等侵帑累民得旨此案著派福康著胡季堂帶同索喜前往吉林並派松筠同琳寧前赴盛京琳寧著接受將軍印務將恒秀解任松筠即

帶往吉林會同秉公審明具奏。所有隨帶司員均著馳驛前往。○戊戌。

上還宮。○諭軍機大臣等。昨據秀林奏。吉林獲局發票派欽民間銀兩。奏到時。即派福康安等前往審訊。但承辦獲務之協領等。均係案內要犯。聞福康安前往。或改竄帳目。或私填欠款。皆未可定。且恐其屬下舞弊人等。畏罪逃匿。不能迅速質審完結。著傳諭秀林。此際將承辦人員。及一切帳目查封看守。以備福康安等到後。速即訊辦。○是日起。

上以祈穀於

上帝。齋戒三日。○己亥。諭軍機大臣等。本日奉承恩奏到各摺。內有學政幕友一摺。幕友人數。係無關緊要之事。況該省學政甫經到任。該撫既稱俟其開考後。再將考試情形。隨時陳奏。自當於彼時一併奏聞。乃有何迫不及待之處。而因此一事。特行專摺具奏。泰承恩何不知事體輕重若此。著傳旨申飭。○又諭。

昨令軍機大臣詢問吉林送獲協領永保。所稱放票收獲。借項扣抵各情節。與都爾嘉所言大約相同。此事歷任將軍因官獲不足。創夫又須借項接濟。輒於餘獲變價時。買補扣抵。所借官項。仍不能如數扣清。辦理已屬非是。今恒秀復向無干之民戶勒派彌補。尤屬無此情理。看來積弊相沿。節年借墊。已非一日。福康安從前在吉林將軍任內。曾與金簡會辦獲票事宜。於該處一切利弊。自所深悉。

原定章程。及出入檔案帳目。均在該處。福康安等到彼。提齊案證。秉公確查。自無難得其底裏。並著將歷任將軍是否遵照原定章程。有無更改。抑或陽奉陰違之處。一併詳查具奏。定案之後。福康安等正當乘此次清查通盤籌畫。因時調劑。安定章程。俾得永遠遵守。杜絕弊端。福康安等自能遵照諭旨。悉心籌辦也。至協領永保所稱情節。殊屬閃爍。難以憑信。該處獲局事務。雖據稱係協領諾穆三。

托蒙阿總辦永保並非承總之人但伊同為協領亦在侵局當差兼管銀庫諾穆三托蒙阿分以餘潤伊自必隨同弊混現因質證無人意存推卸顯有不實不盡之處業將永保摘去頂戴派刑部漢司員一員押赴吉林歸案審辦福康安等提同諾穆三等面加質訊毋任遁飾將此傳諭福康安知之所有軍機大臣詢問永保奏片並著發交福康安等閱看○禮部奏請定晉封定親王綿恩坐次得

上詣

南郊齋宮齋宿○辛丑祈穀於

上帝

上親詣行禮○幸圓明園○御山高水長賜蒙

古王貝勒貝子令額駙台吉回部郡王台吉

朝鮮琉球國使臣並金川土司等食至癸卯皆如之 壬寅

上御奉三無私殿賜皇子皇孫皇曾孫皇元孫親王等宴 諭據保寧奏伊犁察哈爾部落生計稍艱請借支三年餉銀六萬四千八百兩分作十五年扣還即將此項解交陝甘總督給令山西河南商人生息以資接濟等語察哈爾自移駐伊犁以來諸凡差務尚屬奮勉如借給餉銀按月坐扣朕心不忍著加恩

即於陝西藩庫動支銀六萬四千八百兩賞給交勒保秦承恩發陝西商人生息除另降諭旨令將每年所得利息於陝省每年應解伊犁餉銀時搭解前往外保寧務須不時留心妥為經理以示朕軫恤察哈爾臣僕之意 諭軍機大臣曰保寧奏伊犁察哈爾兵丁生計稍艱請借給三年錢糧共計六萬餘兩分作十五年扣還如蒙允准即照伊犁滿營存公馬價之例辦理交與陝甘總督轉解陝

山西河南發商一分生息等語已另降清  
字諭旨竟行賞給不必借支扣還矣此項銀  
兩若由伊犁運至內地解送既不免勞費且  
為數無多陝甘省分儘可發商生息不必轉  
解河南山西等省徒滋煩擾甘肅地方清苦  
陝西殷實商人甚多著傳諭勒保秦承恩即  
於西安藩庫內動支銀六萬四千八百兩發  
商一分生息將所得利銀每年於撥解餉銀  
時搭解前往以為貼補伊犁察哈爾兵丁公  
用該督撫務須妥協經理俾商人藉露餘潤  
而兵丁生計益資寬裕將此並諭保寧知之  
又諭據保寧奏領隊大臣那彥往查哈薩  
克邊界情形緣比年雪大嚴寒風沙日甚且  
遇災疫牲畜多致損傷威遜鄂拓克奈曼鄂  
拓克之哈薩克等互相搶奪哈薩克等聲言  
欲赴伊犁居住等語此事或係訛言不可信  
以為實即使真欲前來幹里素勒坦抗和卓  
等必遣人呈請爾時保寧等當諭以現今伊

犁各部落人丁甚多水草好處均已占據他  
處亦與爾哈薩克地方無異爾等如來亦無  
可以游牧之處仍然不得安逸反不能仰體  
大皇帝矜恤爾等之意况災疫亦非常有如  
遇豐年牲畜自可孳生蕃衍如此明白曉諭  
令其仍回本處伊等若僅懇請躲避風沙俟  
災過之後即回尚可酌量於卡外指給一處  
暫令游牧照過冬例收納官馬後仍令移出  
界外總不可令其久居此等鄂拓克之哈薩  
克等均附近卡座如收留居住遠者聞之亦  
效尤懇請內牧彼時將如何辦理乎著傳諭  
保寧此事務須留心不得少事姑息並寄知  
伍彌烏遜一體留心辦理○領侍衛內大臣  
叅奏散秩大臣西安副都統嵩山差務怠玩  
得旨所叅甚是嵩山差務怠惰不可仍留副  
都統使之安逸嵩山著革去散秩大臣副都  
統令其在頭等侍衛行走所有西安副都統  
員缺著花尚阿補授○癸卯

上詣

安佑宮行禮。御正大光明殿賜朝正外藩等宴。召左翼科爾沁和碩親王恭格喇布坦。巴林親王品級多羅郡王巴圖魯多羅郡王拉旺喇布坦。土默特多羅貝勒索諾木。巴勒珠爾。右翼喀爾喀和碩親王固倫額駙拉旺多爾濟。喀喇沁親王品級多羅郡王滿珠巴咱爾。土爾扈特多羅郡王策伯克扎布。青海多羅貝勒濟克默特伊。付至御座前。賜酒成禮。諭軍機大臣曰。畢沅奏續獲沉溺銅觔數目及惠齡奏查看川楚沿江水勢各摺。均已於摺內詳細批示。銅質沉重沉溺江底。不至隨波衝去。其未能全數撈獲者。由水摸人等將銅觔潛匿水底。希圖過後盜賣牟利。節經降旨令該督撫等留心查察。茲據畢沅奏已獲銅四萬四千餘觔。未獲銅五千七百餘觔。計未獲之數雖少。然在盜賣者有此盈千私銅獲利實多。不可不設法查禁。因思水摸

人等偷撈銅觔必在沿江一帶鋪戶銷售。著再傳諭該督撫轉飭沿江地方官密行曉諭該鋪戶。如有無業貧民而驟持多銅到鋪售賣者。即係盜竊之銅。無疑該鋪戶當即到官呈首。該地方官一面將盜賣之人究明懲治。一面將呈報之鋪戶優加獎賞。若鋪戶串通不報。別經發覺。即與盜賣一併分別治罪。如此剴切詳諭。勸懲並用。該鋪戶等尚有身家。又見呈報後可得厚賞。遇有盜賣銅觔之人。自必據實首出。而水摸人等見無銷售之路。亦不敢仍前舞弊。此亦杜絕偷盜之一法。惟在該督撫督飭所屬實力奉行。方為妥善。○順天府行鄉飲酒禮。

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百四十四

實錄卷之一千四百四十四

四

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百四十五

監修總裁官經筵講官太子太傅文淵閣大學士文淵閣領事領侍衛內大臣稽察欽奉 上諭事務處管理

吏部理藩院事務正黃旗滿洲都統世襲騎都尉實功加七級隨帶加一級尋常加二級軍功紀錄一次臣履桂

總裁官經筵講官太子太傅大學士文淵閣領事稽察欽奉 上諭事務處管理刑部戶部主事稽

世襲騎都尉實功加九級隨帶加二級又加二級臣董誥內大臣戶部尚書鑲黃旗滿洲都統軍功紀錄五次

尋常紀錄十四次臣德慶經筵講官太子少保工部尚書紀錄六次臣曹振鏞等奉

校修

乾隆五十九年甲寅正月甲辰月食○乙巳

諭軍機大臣曰孫士毅奏撈獲沉溺銅鉛數  
目一摺內稱川省有雲南委員和費顏在巫  
山縣大磨灘庫套子灘共沉銅十萬一千七  
百餘觔大磨灘已獲一千七百十二觔庫套  
子灘無獲等語銅鉛沉溺自應即時設法打  
撈以期儘數撈獲今該委員所解銅觔沉溺  
十萬一千七百餘觔而撈獲之數僅止百分  
之一自係該地方官不能督率水摸人等實  
力打撈並或任聽伊等將銅觔潛匿水底過

後盜賣以致日久無獲。昨因水摸等偷撈銅  
觔。必在沿江鋪戶銷售。降旨令督撫等務須  
實力查察。杜絕弊端。今巫山縣地方沉銅無  
獲。自必有此等情弊。此係惠齡任內之事。可  
見該撫於此等事不過視為具文。並未督率  
地方官認真查辦。實屬怠玩。惠齡著傳旨申  
飭。仍著孫士毅即嚴飭所屬。趕緊設法打撈。  
並遵照節降諭旨。嚴密查察水摸人等。毋任  
有偷撈盜賣情弊。以期沉銅速行報獲。方為

妥善。○又諭曰。孫士毅奏軍需報銷事宜。口  
外臺站已趕造清冊。送與和琳覈商會辦。其  
自察木多前藏。以至軍營。應銷銀兩。遵旨劃  
清界限。斷不令與東臺一帶稍有牽混。亦不  
任冒濫耽延等語。所辦好。現因秀林奏。吉林  
那虧庫項一案。已派福康安馳驛前往查辦。  
計往返約須兩月。不能即赴四川總督之任。  
孫士毅前任川督。所有一切軍需。皆係一人  
經手。福康安未到之先。孫士毅務宜勉力為

之。俾軍需報銷趕緊清釐。毋違毋濫。其地方  
事務亦應留心妥辦。以副委任。將此諭令知  
之。○丙午。諭據禮部奏琉球國使臣呈稱。國  
王此次恭進謝恩方物。懇照五十五年准予  
賞收免抵下次正貢等語。該國王因前此特  
賜福字如意等件。專遣使臣呈進方物。向來  
俱令抵作下次正貢。原以昭體恤。省陪臣之  
勞。往來而示柔懷。今據該使臣呈稱。伊等臨  
行時。國王再三囑令將所進方物。懇請准予

賞收免抵下次正貢。具見該國王抒忱効悃。  
誠懇可嘉。所有此次呈進方物。既已賞收。著  
照所請。下次正貢時。仍當優加錫賚。用彰厚  
往薄來至意。該部即傳諭該使臣。令於回國  
時。轉告該國王知之。○又諭。向來發往新疆  
官犯到彼數年後。該將軍大臣等往往奏請  
賞給職銜。派辦事務。且有奏補主事同知實  
缺。從此遞陞者。此項人等發往新疆。原因其  
獲罪示懲。而一經保奏。轉得倖邀錄用。漸次

陞遷並有發往時原職本小。而保奏後由此遞陞官職較原銜轉大。其中不無徇情冒濫。是以前經降旨。將保奏停止。今思伊等罪名輕重。年分久暫不一。亦有才具尚堪効用者。若概不予以自新之路。勢必久留邊地。廢棄終身。亦非愛惜人才之意。著軍機大臣會同該部。將現在新疆各項官犯。查明原案。覈其情節輕重。年分久暫。應如何分別准其保奏。不准保奏之處。悉心妥議。定立條例具奏。候旨遵行。其發往軍臺人犯。亦著一體查明辦理。以示朕法外施仁。於矜恤之中。仍寓勸懲之至意。○又諭。據尚安奏。管理庫爾喀喇烏蘇糧務通判職銜景文。三年期滿。所遺員缺。或於發遣烏魯木齊之廢員內揀選管理。或由部揀派人員發往請旨等語。從前保寧請令發遣伊犁之福喜納管理塔爾奇城倉務時。朕曾降旨。以此等發遣人犯。如此保舉。賞給同知主事職銜。是並未將伊等治罪。反予

以陞進之階。嗣後遇有此項管理倉務官員缺出。俱由部照例揀選人員發往。今尚安於管理庫爾喀喇烏蘇倉務之通判職銜景文。年滿員缺。仍請照前辦理之處。斷不可行。著交該部照例揀選人員。帶領引見發往。○又諭。曰。尚安奏請入覲。伊自往烏魯木齊。將及十載。朕欲面詢該處情形。尚安即著來京。所有烏魯木齊都統印務。著明興署理。○戊申。諭。據永保等奏。請將喀什噶爾英吉沙爾戍守綠營官兵八百餘名。分為二隊。間隔更換等語。永保等所見甚是。邊地戍卒。如換班時。全行更替。恐經歷乏人。於事無濟。著照所請。喀什噶爾英吉沙爾戍守綠營兵丁。於換班時。先行更換一半。著留一半。俟次年更換。○庚戌。諭。軍機大臣。曰。管幹珍奏。感冒寒疾。增患怔忡。請旨開缺等語。管幹珍。自簡任漕督以來。辦理漕務。尚為認真奮勉。現雖患病。但詢之蘭第錫。據稱起程時。面見管幹珍。尚無



病症自因偶爾感冒。服藥調治。即日諒可就痊。著傳諭管幹珍。安心調攝。暫且毋庸開缺。但現在各省糧艘。俱已陸續開行。一切催趲盤驗各事宜。正資經理。所有漕運總督印務。著書麟就近兼署。俾管幹珍得以靜養速痊。至書麟現署總河印務。業已面諭蘭第錫。即行趲程回任。以便書麟交卸河督印篆。接辦漕務也。將此各諭令知之。○又諭據秀林奏。遵旨將協領諾穆三。托蒙阿家產賬目查封。

該二員家中查出衣飾無多。此外諾穆三名下。有出租房八十餘間。托蒙阿名下。有出租房屋九十餘間。別無田產。至所歛鋪戶銀三萬七千兩。據該協領等稱。彌補庫項二萬兩。優局公用一萬二千餘兩。餘剩銀一千餘兩。又賣獲八十二兩。於臘月彌補庫項九千兩。以上情節。俟福康安到時。交與辦理等語。該處庫項。前據秀林原奏。虧缺十四萬兩。今據查明。共彌補二萬九千餘兩。計彌補外。尚應

短銀十一萬餘兩。此項虧短之銀。究竟作何支用。若云墊發夫價。尚未歸還。亦不應有十餘萬兩之多。況夫價墊發後。仍可陸續收回。其收回之銀。又現存何處。著福康安等。即將吉林庫項原貯銀若干。每年動用若干。現在實貯若干。虧缺若干。逐款查明。以期水落石出。不得稍任朦混。此事前令軍機大臣詢問。都爾嘉暨協領永保等。僉稱因每年官復不足。剋夫須借項接濟。第年墊支。不能如數扣

清。今閱秀林所奏諾穆三等於上年臘月。即賣獲八十餘兩之多。此項入獲。又從何而來。非從官獲內影射侵盜。即係發商將剋扣積存。向年所稱官獲不足之語。殊難憑信。至諾穆三。托蒙阿。皆係吉林殷實之家。且在獲局侵冒年久。其貲財自必豐厚。前恐該員等聞知秀林奏之信。豫為寄頓。因降旨令該副都統先行嚴密查封。今據秀林奏該員等名下查出衣飾無多。除出租房屋一所外。別無

田產顯係豫先那移隱匿。吉林非內地可比。即有寄頓。不過在附近地方。易於查察。著傳諭福康安等。於行抵該處。即傳旨將諾穆三。托蒙阿二人。革職拏問。提齊案證。嚴切研鞫。並將該二員財產嚴查。備抵虧缺庫項。勿任絲毫隱漏。所有秀林奏到之摺。著鈔錄一分。照朕折角處所。寄與福康安等閱看。令其遵照查辦。福康安等未到之先。仍著秀林留心訪查。如查出該協領等有隱匿情事。即一面先行具奏。一面知會福康安等。一併歸案審辦。至該處獲局一切。皆係諾穆三托蒙阿總辦。所有派令鋪戶民戶攢湊銀兩一事。必係該二員慫恿恒秀辦理。該處戶民。於獲務毫無關涉。何得因辦獲那缺庫項。勒令攢湊。攤派實屬無此情理。恒秀如果明白持正。於協領等稟商時。即當嚴行較斥。據實奏。何以竟聽信諾穆三等之言。遽行照辦。以致民情騰怨。紛紛控訴。並著福康安等向恒秀面加

詰詢。將攤派民戶一節。係何人主見。恒秀因何聽信主張。辦理之處。令其據實登答。速行覆奏。毋稍迴護。將此由六百里傳諭福康安等。並諭秀林知之。○以故科爾沁公品級鄂勒哲特穆爾額爾克巴拜嗣子鄂勒哲依圖襲爵。○辛亥。

孝聖憲皇后忌辰。遣官祭

泰東陵。

上詣

恩慕寺。

恩佑寺行禮。○壬子。以署鑲黃旗滿洲副都統增保為江寧副都統。○癸丑。軍機大臣會同兵部議覆閩浙總督覺羅伍拉納奏。稱遵旨查勘珠山。即舟山。距定海縣城五里。對岸有島名五奎山。隔洋面六里。峯勢高出衆山。全洋島嶼俱可瞻望。且外洋船隻前赴定海者。皆於此停泊。實為扼要。請添設一汛。即於定海鎮標中左右三營內。抽撥水師兵五十名。

派千總一員率領駐劄並撥駕營船往來巡哨以資防守應如所請但此項兵丁若令常川駐劄恐日久急玩應令照汛弁戍兵之例每屆半年輪換一半從之○甲寅禮部題朝鮮國王李祘遣使表賀

萬壽冬至元旦三大節及進歲貢方物賞賚進宴如例○乙卯諭曰恒秀著革職吉林將軍員缺著寶琳調補寶琳接奉諭旨將杭州將軍印務交吉慶暫行署理寶琳即馳驛速赴吉林新任○諭軍機大臣曰長麟覆奏浙省海

塘石壩與水爭地自應遵旨辦理一摺內稱潮溜順軌直趨自不致過激為患即或柴工因無石壩障護稍有壅墊即以修補石壩錢糧補修柴工實亦患少益多等語海塘添建石壩占水地面恐潮後衝激損工轉致為患是以諭令李奉翰等前往會同履勘經該督等奏明將石壩十二座內廢去九座今據長麟覆奏亦稱前次祇議收窄收低並未想到

占水地面一層恭繹諭旨實為心服可見從前多建石壩未免與水爭地但海塘係浙省要務必須籌畫盡善以資經久長麟業已陞任粵省吉慶身為浙江巡撫此事是其專責該處石壩是否應照前議酌減廢去之處著傳諭吉慶再行詳查妥辦據實具奏斷不可拘泥前旨稍有遷就也○又諭曰福康安等奏詢問恒秀供詞請旨先行革職一摺此案恒秀於到任後查知庫項虧短情節既不據

實參奏迨因循日久難以掩蓋輒向無干之民戶勒派彌補實屬無此情理即將來訊無受賄染指情弊亦有應得之咎恒秀著即革職以便同案內人證一併質訊至恒秀所供庫項虧短係因設法補放額票並援三十二年以前久廢不行之例私自通融辦理各情節亦係一面之詞殊不可信其中難保無別項情弊現在福康安等已帶同恒秀前抵吉林著將此案實在虧短若干是否均係劄夫

輾轉拖欠及鋪戶已交銀三萬餘兩。有無影射侵冒之處。提同人證案卷。逐一質對。並向承辦獲務之協領等。嚴切根究。務得實情。不使稍有遁飾。以成信讞。其琳寧寧泰。如有應詢事件。亦著隨時酌調。以便質對。並將辦理獲務通盤籌覈。妥定章程。以期終久無弊。所有吉林將軍員缺。現已降旨寶琳調補。並著馳驛前赴新任。其實琳未到以前。即著松筠暫行署理。福康安等審辦此案完竣時。如寶琳尚未抵任。福康安、胡季堂即先行起程回京。松筠暫留該處。俟與寶琳交代後。再行起程。其恒秀等分別定擬。後即著福康安等管帶來京。如寶琳業已抵任。松筠即可與福康安等一同回京復命。將此各諭令知之。○又諭曰：長麟等奏羅定州民唐東元控告知州台霖布。誣其藏匿抗糧人犯。並浮收重徵。收交部民馬匹等款。經該督等委兩司提訊。唐東元匿犯屬實。但所控浮收折徵案關重大。

請將台霖布解任嚴訊等語。此案係所部民人控告本州。本應特派大員前往審辦。但長麟甫經到任。無所用其廼護。郭世勳平日辦事尚屬老成實心。想亦不致稍涉瞻徇。即著該督撫將台霖布解任。提同案內人證。秉公嚴鞫。如果該民人庇縱欠丁。匪契漏稅。復敢捏控本官。臚列多款。於審明後。即應將唐東元正法。以儆刁風。若該州台霖布實有折徵浮收。縱役搶索平民之事。亦應按例嚴辦。以肅官方。該督等審辦此案。務須公平慎重。以副委任。毋得意存軒輊。致有枉縱也。將此諭令知之。○丙辰諭曰：增保著留京。仍令署理原署副都統。所有江寧副都統員缺。著策拔補授。○旌表守正捐軀山西霍州民邢麟異妻李氏。○丁巳諭：前據福英奏九江關稅一年期滿盈餘比較不敷一摺。所短銀數至八萬六千餘兩。比較從前從未似此短缺過甚。因降旨令陳淮確切查明。有無情弊。據實具

奏。茲據陳淮奏稱。串查該關日收流水紅簿。及各口岸經過船筏數目。逐一覈對。並傳集家人櫃書木商船戶。詳加詢問。實係上年七八月以後。因薛筏船隻。到關稀少。致有虧短。尚無侵蝕捏報情弊。惟福英究屬辦理不善。現據自請照數賠補。並請將該員交部嚴加議處等語。該關盈餘短少情由。既據陳淮查明。實因上年秋後薛筏到關稀少。並無情弊。是致短之由。尚屬有因。所有該關短少盈餘銀八萬六千餘兩。著加恩寬免十分之六。所請交部嚴議之處。亦著加恩寬免。該道嗣後經徵稅課。務須覈實妥辦。倘再仍前虧短。必當從重治罪。斷難更邀寬貸。○又諭曰。果莽呼圖克圖。在副扎薩克達喇嘛任內。闡揚黃教多年。於署理達喇嘛印務。復能專心經典。今聞伊圖寂。朕心深為惻然。著派乾清門侍衛鄂勒哲圖。帶銀二百兩。大手帕一。小手帕二十。香二束。前往賞給布施。所遺副扎薩克

達喇嘛缺。著錫呼圖呼圖克圖補授。○戊午上詣

大高殿行禮。○還宮。○旌表守正捐軀安徽壽州民張扶萬妻熊氏。○是月。浙江巡撫覺羅吉慶奏。遵旨查浙省海洋。界連福建。每當南風順利。閩省漁船。多赴浙江採捕。魚汛旺盛。則獲利益。偶然乏食。輒肆搶劫。本地漁船。亦有被誘入夥者。然時聚時散。並無定所。與康熙年間洋盜依據海島情形迥異。臣抵任以來。留心稽察。不敢畧存懈怠。批。是。又奏。彈盜之法。全在編立島寨保甲。使無處藏匿。以杜其蹤。嚴禁偷米出洋。以絕其食。嚴拿代賣盜賊之人。無從銷變。自不起盜劫之心。批。此尤要著。又奏。稽察出口照票。以防混冒。再嚴禁火藥硝磺出洋。實力整頓。得旨。言頗得要。以實為之。毋久而懈。○兩廣總督覺羅長麟。廣西巡撫陳用敷。奏。黎維祁總服族叔黎維治。隨人張廷眷。由安南薙髮改裝。內投懇求安

置查該夷既係黎氏近支。自不便送回本國。致滋衅端。若即留於兩廣州縣。而疆域毗連。黎氏族人。若俱聞風內竄。亦屬不成事體。批。所見是。又奏。從前黎維祁內投時。其隨從人。皆分撥浙江江寧等處安插。批。當。又奏。今黎維治不過主僕二人。請照前例。解送江南。妥為安置。得旨。如所議行。○江南河道總督蘭第錫奏。黃河水決。運口守凍漕船。可以過度。惟楊莊口門外淤灘較寬。當於浦家莊接築草壩。蓄水衝刷。並將楊莊頭。三壩。分段撈浚。批。好。又奏。現知會河東河臣李奉翰。啟放韓莊湖口閘。俾水勢下注。接濟浮送。各幫次第北上。得旨。欣慰覽之。○河東河道總督李奉翰奏。查分水口為運河水脊。每年冬月築壩。攔截汶河入運之水。收歸各湖潴蓄。例於二月初一日啟壩。今各湖收水充盈。南糧幫船開行較早。不敢拘泥舊例。當於正月初八。十六等日。將微山南旺湖口各閘。次第啟放。

二十四日將汶壩開放。分銷汶水。南北灌注。均屬旺盛。即日重運入東。足資浮送。得旨。欣慰覽之。

大清高宗法天隆運至誠先覺體元立極敷文奮武孝慈神聖純皇帝實錄卷之一千四百四十五

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百四十六

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事務處管理  
吏部理藩院事務正黃旗滿洲副都統世襲騎都尉軍功加七級隨帶加一級尋常加二級軍功紀錄一次臣慶桂  
總裁官經筵講官太子太傅文華殿大學士文淵閣領閣事稽察欽奉 上諭事務處管理刑部戶部工部事務  
世襲騎都尉軍功加九級隨帶加二級又加二級臣董誥內大臣戶部尚書鑲黃旗滿洲副都統軍功紀錄五次  
尋常紀錄十四次臣德瑛經筵講官太子少保工部尚書紀錄六次臣曹振鏞等奉  
敕修

乾隆五十九年甲寅二月己未朔陝西巡撫

秦承恩補行疏報乾隆五十年開墾城固西  
鄉。沔縣寧羌等州縣旱地九十三畝有奇。○

庚申諭我國家重熙累洽

列聖相承。薄海昇平。遐荒賓服。朕纘膺統緒。荷

蒙

昊蒼篤祐。於今五十九年。惟日孜孜。無時不以

敬

天勤民為念。乾隆五十五年。屆朕八旬壽辰。因  
內外大小臣工再三籲懇舉行慶典。曾降旨

允其所請。並飭令黜華崇實。毋得過事虛糜。

明年乙卯。正屆臨御六十年國慶。中外臣工  
即有以福祚延長。史冊罕觀。宜舉行慶典為  
請者。朕初亦以國慶駢蕃。王大臣等抒忱奏  
懇。難以固行拒卻。今思乙卯元旦。適逢日食。  
近復查是年上元。又值月食之期。雖日月薄  
蝕。踰度本屬有定。數十年前。皆可推算而  
得。所謂千歲之日。至可坐而致者。但以新正  
一月之間。朔望俱有虧食。此正

上天垂象示儆之意。且京師自上年冬初得雪。  
迄今未霽祥雲。朕盼澤焦勞。虔誠祈禱。尚未  
得邀渥澤。推求其故。或即此欲准舉行慶典  
之一念。已近於滿假。以致不能感召休和。而  
明正朔望。實有日月虧食之事。不可不彌懷  
寅畏。亟思修省。所有乙卯年慶典。著毋庸舉  
行。是年八月。朕仍駐蹕熱河。不復照五十五  
年之例。先期回京受賀。庶幾改過不吝。若過  
而不改。則為過滋甚。如內外大臣。尚有未喻

朕意再行奏請者。朕必不加允准。並當治以應得之罪。此不特王大臣等為朕股肱。咸宜善體朕意。即天下臣民。亦當共見共聞者。朕現因雪澤未霑。省愆思過。宵旰靡寧。或者恃此一念。可冀

天心協應。

鴻貺克臻。俾閭閻咸登樂利。是則朕所期望而不敢必者也。若天下臣民。以乙卯年停止慶典。無由伸其愛戴之忱。意有未愜。將來丙辰年歸政後。遇朕壽辰。彼時嗣皇帝以天下養。率領臣民。為朕祝嘏介釐。以洽輿情。而昭盛典。原無不可。朕此時則惟有倍加乾惕。勤政愛民。不敢以時際隆平。稍涉鋪張。致蹈盈滿之戒。將此通諭知之。○又諭。據琅玕等奏。葉爾羌所屬各驛官兵。請照喀什噶爾等處官員等給予議敘。兵丁等獎賞鹽菜銀兩等語。著照所請。各驛馳遞公務。毫無遺誤。馬匹壯健。倒斃無多。官員等即照喀什噶爾等處之

例。給予議敘。兵丁等賞給鹽菜銀兩。○諭軍機大臣等。昨據福康安等詢問恒秀供詞。據稱伊係援照乾隆三十二年以前舊例。將創夫不能全領之獲票。散給鋪戶民戶分領等語。吉林辦理獲票。如三十二年以前。曾有散給鋪戶之例。自必報部有案。因令戶部查明節年吉林餘剩獲票。俱係送部銷燬。其三十二年以前。將獲票散給鋪戶民戶之處。並未據該將軍奏咨有案。是恒秀所稱援照舊例之語。竟係捏詞狡混。全不足信。著傳諭福康安等。將伊所稱援引舊例。有何依據之處。令恒秀據實登答。毋任狡飾。又本日據那奇泰奏。伊於恒秀將獲票分派鋪戶民戶之處。不能阻止。請交福康安等查辦治罪一摺。著將那奇泰原摺。發交福康安等一併歸案覈辦。仍將近日審訊情形。即行具奏。將此由五百里傳諭知之。○又諭。曰書麟覆奏。查明九江關短缺稅課。實因商船稀少。委無侵蝕營私



捏報情弊。惟福英辦理不善。請交部治罪。仍著加倍賠繳一摺。所奏實屬虛語。不應若此。此案昨據陳淮查明覆奏。已有旨寬免十分之六。並將該道議處之處。一併加恩寬免。書麟既委藩司周樽前往查究。如果查明該道在任實有別項營私情弊。自應據實嚴叅。治以應得之罪。今既查明商船到關稀少。是致短之由。尚屬有因。即謂辦理不善。令其按數賠繳。尚恐未能完納。今迺請加倍著賠。為此有名無實之舉。是該督欲以此見其辦事精細。而不計語涉虛浮。豈覈實辦公之道。又另摺奏承緝新舊盜案。已未拏獲。分別各員功過。摺尾稱勅部議覆施行一語。亦屬非是。此等年底彙奏之件。各省皆有。向由該部彙覈具題。從無逐件議覆之理。該督自應於摺尾聲明。勅部查覈施行。方為措詞得當。迺該督於具奏事由內。既稱循例彙奏。而摺尾又稱議覆施行。豈各省例奏之件。皆由部總覈而

獨江南一省。專案議覆耶。書麟於具奏之摺。並未留意。任聽庸劣幕友。率行填寫。何不權事理輕重。若此。書麟著一併傳旨嚴行申飭。○又諭。據工部議駁梁肯堂奏估變張建業入官房屋。並未循照工部例定銀數覈估。請另行分別造冊報部覈辦。並請將估變不實各職名。查送部議等語。各省估變房屋。向有一定例價。自應確實勘估。此項張建業名下入官房屋。何以梁肯堂奏估銀數。覈之部中定例。與該省成案。多寡懸殊。著將工部原奏發交梁肯堂閱看。令其將前項房屋。按照例價。另行據實確估。造冊送部。毋任再有捏飾。梁肯堂並著傳旨申飭。○辛酉。以正紅旗蒙古都統善德為杭州將軍。兵部尚書慶桂為正紅旗蒙古都統。○壬戌。以舉行仲春經筵。遣官告祭。奉先殿。傳心殿。○命皇子皇孫。從至經筵聽講。○

上御文華殿講官暨侍班之大學士九卿詹事行二跪六叩禮分班入殿內序立直講官四人出就講案前行一跪三叩禮復位直講官德明紀昀進講中庸悠遠則博厚博厚則高明二句講畢

上宣御論曰載物者莫如地覆物者莫如天然天地未嘗自言能覆載也惟其不言是以終萬古而無不覆無不載至誠之功用亦如是而已矣夫豈有所謂博厚高明之想乎不息之誠久徵悠遠胥在是矣然而至誠之明性也自明之誠教也非生知之聖必當盡思誠之教教豈多乎哉亦曰無息而已矣其博厚高明之效豈可捨無息而以意求之乎講官暨侍班官跪聆畢興直講官鐵保金士松進講易經顯諸仁藏諸用二句講畢

上宣御論曰顯仁藏用鼓萬物而不與向曾屢言之茲特以顯仁藏用朱註有所未概者申而論之其自內自外之言吾以為未臻蓋德

之發於外外即內也業必有所本本即內也其顯與藏內外如一方能合天地萬物為一體豈有所謂藏於此而顯於彼乎不臻此不足以知陰陽不測之謂神講官暨侍班官跪聆畢大學士公阿桂大學士嵇璜奏曰

皇上至誠無息德盛功崇贊化育而與參合顯微而如一皇極之敷言所由廣大精深闡千古未發之蘊也臣等幸侍

講筵親承

聖訓不勝悅服之至奏畢諸臣出就拜位行二跪六叩禮禮成上御文淵閣賜茶還宮復賜宴於文華殿東廡之本仁殿○調鑲藍旗滿洲都統永琅為正黃旗滿洲都統正紅旗漢軍都統弘時為鑲藍旗滿洲都統以正白旗漢軍副都統徐績為正紅旗漢軍都統○癸亥

上御乾清門聽政○諭軍機大臣等據吉慶奏

海塘石壩一摺內稱范公塘十二座石壩內第二壩第十壩第十二壩均係貼近要工挑護尚屬得力其餘九壩應聽其廢去至東塘海寧州石壩二座亦應暫留統俟應修時一律改做柴盤頭等語此事昨據長麟覆奏海塘石壩與水爭地自應遵旨辦理一摺朕以海塘為浙省要務必須籌畫盡善以資經久吉慶現任浙江巡撫是其專責是以復經降旨令吉慶將是否應照前議酌減廢去之處詳悉查奏不可存拘泥遷就之見但此次奏到之摺未經繪圖呈覽於該處情形尚欠明晰著傳諭吉慶即將此項石壩何處應留何處應廢及塘工溜勢情形總具一圖貼說進呈尋奏海塘形勢多係彎曲大溜由尖山入口自東南斜向西北直趨是以范公塘江海神廟迤東彎曲處所均關緊要凡遇塘身突出之處修築壩工挑溜俾水勢不能入彎方不致衝激損工查西塘十二壩內惟第二壩

第十壩第十二壩均係迎溜之區詢屬甚力其餘九壩均在塘身彎進處所且相隔甚近有占水勢應聽廢去至東塘海寧州石壩二座貼近州城左右塘身亦係突出藉以挑護是以併請暫留以資捍衛謹繪具圖說呈覽報聞又諭據和琳奏稱廓爾喀王拉特納巴都爾等遣噶布丹蘇拉畢爾卡達哩等齋進謝恩表貢及請留學習漢字四人並選西番頭目子弟數人學習廓爾喀字等語去年廓爾喀遣來噶箕第烏達特達巴等回時降旨賞與拉特納巴都爾等勅旨並賞給翎頂衣帽緞匹等物該國王領受表謝恭順可嘉著再將賞給緞匹等物發交和琳就近給領但拉特納巴都爾接奉此次賞給物件不免又遣人齎表恭謝今代和琳等擬定諭稿一併齎往和琳等於接到時酌派妥人前往曉諭其留學習漢字四人及西番頭目子弟數人學習廓爾喀字俱甚妥善均照所奏

辦理。又據奏廓爾喀四人每月口糧達賴喇嘛情願由賞項內撥支等語。此項需用銀兩為數無多。且係公務。均可動用官項。況和琳摺內既稱抄沒沙瑪爾巴家產餘出之項足敷支用。著即由此項支給。仍曉諭達賴喇嘛言大皇帝矜恤爾等。需用項多。此項已由官撥發。毋庸於爾賞項內支領。至此項抄沒沙瑪爾巴產業。現今何人掌管。究竟每年數用與否。如不敷用。即稍加公用銀兩。亦無不可。和琳等惟當妥為稽察。勿任該管之人侵蝕。即習學漢字廓爾喀字四人。所支銀兩。亦須充足。不可令從中尅短。著傳諭和琳。妥為留心辦理。仍將抄沒沙瑪爾巴產業。通共若干。每年均於何事動用。何人經理之處。查明具奏。○又諭。前據福康安等奏。正月十九日。行抵盛京。詢問恒秀供詞。請旨先行革職一摺。已降旨將恒秀革職。交福康安等提同案證一併質審矣。計此時福康安等早已帶同恒

秀馳抵吉林。即或因頭緒較繁。一時未能定案。而案卷人證俱在吉林。其大概情形。無難一訊而得。福康安等自應將所訊供情。先行具奏。該處庫項。前據秀林原奏虧缺十四萬兩。嗣據查明。共彌補二萬九千餘兩。計彌補外尚短銀十一萬餘兩。而秀林摺內並未將彌補後尚短若干之處。詳細聲敘。此項虧短之銀。究竟作何支用。即使墊發夫價。亦當陸續扣還。其扣還之銀。又現存何處。吉林非內地。可比。該協領等即欲那移掩蓋。亦安得一時湊銀十餘萬兩之多。不難立時查明。著福康安等。即遵前旨。將庫項原貯若干。每年動用若干。現存若干。及因何虧短之處。逐款查明。迅速具奏。毋任朦混。商人等領辦。復勦。從中可需餘潤。前此該處因借項無著。向攬頭將所得餘獲變價時買補扣抵。猶可藉口於損有餘以補不足。今恒秀竟勒令無干之民戶攢湊攤派。實屬無此情理。福康安等惟當

東公嚴審。據實奏聞。勿稍迴護。又本日據和琳奏。廓爾喀王拉特納巴都爾等。因賞給翎頂衣帽緞匹等物。恭具表貢。差噶箕之弟蘇拉畢爾卡達哩齎進等語。已命軍機大臣擬賞。發交和琳就近給領。其來使即令由藏內回國。毋庸遠道來京。拉特納巴都爾尚有致福康安之信。及致送土物等件。想福康安必當給與回字。並酌量酬答禮物。著將奏到譯出來信。寄福康安閱看。以辦酌辦寄京轉發。

至廓爾喀係邊外番夷。與唐古忒以錢債細務爭競構衅。從前派往大臣調停貽誤。以致該國投降後。復滋事端。經朕特派福康安帶兵前往勦辦。福康安親歷險阻。調度得宜。俾廓爾喀震懾聲威。輸誠效款。現在該國王復具表貢。恭遣頭人赴藏。籲懇代奏。情詞恭順。此皆由於福康安之籌辦妥善所致。著賞給御用大荷包一對。小荷包四個。以示嘉獎。將此由四百里諭令知之。○浙江巡撫覺羅吉

慶奏水師各營戰船。船身重大。於島嶼港汊水淺處所。稍欠輕捷。向來巡緝盜匪。多用福建同安船。然雇覓需時。不能應手。現已自行備造二十隻。分派寧波。黃巖。定海。溫州各營管駕。於巡緝更為有裨。得旨嘉獎。○以大理寺卿慶善為左副都御史。○甲子。遣官祭先醫之神。○諭軍機大臣等。前據全德奏請。陞見。已准其來京。現在董椿亦具摺請赴天津行在陞見。所有兩淮鹽政印篆。需人署理。

計全德接奉硃批。後由浙起程。此時經過揚州。尚不甚遠。著傳諭該鹽政於途次接奉此旨。後即行轉回揚州。暫署兩淮鹽政。以便董椿起程。前赴行在瞻覲。全德俟董椿陞見回任後。再行來京。亦不為遲。○又諭上年九月內。據和琳覆奏。估變查抄沙瑪爾巴賈產銀六萬四千餘兩。招人開墾地畝。耕種青稞。又各處莊田。應收租銀七千一百餘兩。遵旨俱賞給達賴喇嘛。為每年如綢甲綢及番兵等

應得口糧之用。有盈無絀。請自五十九年秋收後。每年於十一月造冊報部備案等語。此項變產銀兩。既經和琳招人開墾荒地耕種青稞。迄今已屆半年。此時開荒播種。自己辦有成效。所收租息。前據和琳奏計算如細甲。細及畜兵應得口糧。有盈無絀。但計此項租息。每年可得若干。除支口糧外。尚餘若干。本年秋收後。至十一月造報之期。自可得有總數。將來所餘租銀。存貯何處。作何稽察。不致為商卓特巴等私自侵用。及支放口糧外。有無別項開銷之處。著傳諭和琳等。詳晰查明覆奏。○以署鑲黃旗滿洲副都統增保。為正白旗漢軍副都統。○乙丑。祭關帝廟。

上命

皇十五子嘉親王額駙行禮。○諭。據保成奏。熱河喀喇河屯駐防滿兵。生齒日繁。現在戶口多寡不一。請將各位領間散均齊等語。熱河

滿兵。駐防年久。少壯閒散已多。若不行均齊。恐挑差不無壅滯。保成所奏尚是。著即照所請辦理。○諭軍機大臣曰。福康安等奏正月二十七。日行抵吉林。盤查庫項。尚無虧短。惟獲局共虧短銀十三萬八千八百餘兩。及行取未還阿勒楚喀伯都訥兩處。用銀二萬兩。除諾穆三等陸續彌補二萬九千八百兩外。現實虧缺銀十二萬九千餘兩。訊之諾穆三等。亦以節年借墊剋夫銀兩。未能扣還。以致輾轉虧缺。愈積愈多。為詞。並據供稱。乾隆三十二年。吉林原放過民票。遂於五十八年春間。回明恒秀。暫行試放等語。看來此事。竟係協領諾穆三等。托蒙阿二人挾制。慫恿所成。欲借彌補為名。攤派攢湊。希圖從中漁利。各省駐防協領。俱藉俸祿養贍。家有積蓄者甚少。諾穆三等。同係協領。何以貲財獨厚。即據現經查出房地外。諾穆三尚有寄存帽鋪銀一千兩。錢鋪銀二千兩。托蒙阿亦有寄存泰來

當銀一千兩。雜貨鋪銀五百兩。無論該員等尚有隱匿寄頓。未必止於查出之數。即使果無藏匿。而此項寄存銀兩及家貲。又從何而來。非由獲局內侵漁公項。即係發商時有剋扣情弊。著福康安等向該協領嚴切研鞠。務得實情。定擬具奏。勿任狡飾。至此事總由諾穆三等在獲局年久。盤踞把持。而歷任將軍因輕聽該協領等官復不足之言。又見借項日多。不致奏出。遂致為所挾制。大概不出乎此。從前該將軍等因借款無著。輒向攬頭所得餘獲時。買補扣抵。以致庫項虧那。已有應得之咎。而恒秀竟於無干之民。勒令攢湊。攤派以致眾怨沸騰。紛紛控訴。厥罪尤重。並著福康安於定案時。分別覈辦。毋稍迴護。再諾穆三等所供。三十二年以前。曾有散給鋪戶民戶之例。此次係援照辦理一節。前因恒秀供稱。已令戶部查明。三十二年吉林獲票散給鋪戶民戶之處。並未據奏資有案。業經降

旨。令福康安等向恒秀覆訊。該處獲票。如果從前曾經散給辦理。即或未經報部。吉林必有檔案可稽。是何將軍任內之事。福康安等當調齊卷案。逐一查對。如該處並散給鋪戶民戶舊案。顯屬恒秀及諾穆三等虛詞狡飾。此事最宜明白。亦著訊取確供。一併覆奏。總之此事。福康安等務當遵照節次諭旨。秉公辦理。據實奏聞。並乘此次清查。將善後事宜。通盤籌畫。安定章程。俾得永遠遵守。杜絕弊端。以副委任。將此由六百里諭令知之。即速回奏。又諭曰。孫士毅等奏據義眉縣知縣王贊武稟報。於上年十月內奉委管解臺餉出口。差竣旋回。所帶印信及行李等物。令丁役管解。隨後行走。至阿足山地方。忽遇賊番。割取皮箱。將印信及盤費衣服。一併失去。現在嚴拏未獲等語。巴塘裏塘一帶。向係夾壩出沒處所。最為行李之害。前年軍興之際。曾經降旨。令觀成嚴飭該管地方汛弁。實力查

拏從重懲治。俾賊番斂跡。事定未久。今阿足山地方。何復有賊番等。將出口官員所帶印信行李等物。一併刼去。實屬肆橫無忌。可見該處夾壩。尚未查拏淨盡。著傳諭孫士毅等。即派委鎮道。督率附近汛弁兵丁。實力緝拏。務將此案賊番。按名弋獲。其已經拏獲。即在該處正法示儆。仍將未獲逸犯。上緊查拏。務獲毋任一名漏網。○是日起。

上以祭

社稷壇齋戒三日。○丙寅。諭軍機大臣等。本日吏部將調簡盧氏縣知縣閻睿。帶領引見。已准其調用矣。但知縣有民社之責。即缺分較簡。亦須才具明白。方足以資經理。今看該員才具平庸。著傳諭穆和蘭。於該員到任後。仍應留心察看。如辦理地方事務。未能勝任。即應據實奏明。改補教職。不必以業經調簡。稍事姑容。致滋貽誤。○丁卯。祭先師孔子。遣成親王永理行禮。○諭軍機大

臣曰。福寧奏查閱營伍。途次經由蒲臺濱州。惠民等處。農民尚在望澤等語。山東武定所屬。目下既盼甘膏。直隸大名。河間。天津一帶。均與武定毗連。自必同殷望澤。雖前據梁肯堂奏。河間大名二府屬。於正月初一日得雪一二寸不等。天津府屬。亦據徵瑞奏。於正月二十一日得雪三寸。但究恐未能透霑。目下東作方興。正需雨澤接濟。何以未據梁肯堂奏。及著傳諭該督。即將毗連山東之各州縣。

現在有無望澤情形。並近日曾否續獲雨澤之處。查明據實覆奏。勿任諱飾。至山東蒲臺等處。此時是否得有雨澤。及此外有無望雨之處。又河南地方。與直隸山東接壤。而河北一帶。尤與大名相近。現在有無望澤情形。並著福寧穆和蘭。一併據實查奏。以慰厘注。

戊辰。祭

大社

大稷



上親詣行禮。○幸圓明園。諭各部院漢郎中等論俸截取者。向例本係二年。嗣因太速。降旨改定四年。原所以慎甄別而杜躁進。現在京察及外省記名知府人員。已陸續用竣。所有各部院應用知府之漢郎中。及御史等。著暫照向例。令該堂官等將歷俸已滿二年。覈其才具堪勝外任者。分別繁簡。送部截取。帶領引見。候朕酌量簡用。○又諭。本日因西安府知府調補所遺員缺。軍機處記名之員。已

陸續用竣。無人補放。命查各省屬員賢否清單。各督撫所奏。俱至知府而止。惟秦承恩奏到單內。將直隸州知州列入。檢閱單內。有商州知州鄧夢琴。在任有年。且係該撫本年卓薦之員。遂將該員簡放。但該撫單內列入直隸州知州。究與定例未協。嗣後年底具奏屬員賢否清單。仍著各督撫按照定例。將知府以上各員。切實出考。密行陳奏外。此次著各省督撫於所屬直隸州知州。同知內。揀選才

守兼優。老成明幹。堪勝方面者。各保一二員。送部引見。豫備簡用。該督撫務須秉公遴選。不可因有此旨。逾數多保。致占特用。部選之途。尤不得徇情濫舉。將不能勝任之員。列入充數。若各督撫不加慎選。將來引見請訓時。經朕看出才具平庸。及陞擢知府後。有貪酷劣蹟。惟該督撫是問。○已已。

孝康章皇后忌辰。遣官祭。

孝陵。○諭軍機大臣等。本日惠齡有由驛奏報

之摺。朕以為係何緊要事件。及至拆閱後。祇係漕船開幫出境日期。此等循例奏聞之事。祇須差人齎遞。或令該弁在途加緊行走。即可無誤。乃該撫竟由驛馳報。殊屬無謂。日前姜晟陳准亦有奏到漕船出境之摺。俱係由驛馳遞。近來各省督撫往往於無關緊要之事。動輒發報。以見其辦事急公。而不計其徒勞驛傳。姜晟陳准惠齡俱著傳旨申飭。嗣後除緊要事件外。如此等循例奏摺。祇須差弁

齋逸毋庸由驛馳奏。以清郵政而節煩費。○又諭戶部議駁孫士毅奏收繳小錢一摺。內稱所發價值及鎔化折耗較之京城及各省定例均屬浮多。且查該省三年以來收買之數多至一千一百餘萬觔。必非盡由民間私鑄。自係從前該省官吏於鼓鑄時偷減工料。並未如式鑄造。以致小錢日積日多等語。所駁俱是。各省收買小錢數目自數萬觔至數十萬觔不等。獨川省有一千一百餘萬觔。雖出產銅鉛易於鎔鑄。但小民各有本業。必非全以私鑄謀生。即零星挑販得獲錙銖。不過數百文。何至小錢如此充斥。是該省從前官局偷減改小情弊實所不免。在官既未能杜絕弊端。而徒向民間紛紛收繳。是不清其源而僅遏其流。又安能斷絕。況所給價值及鎔鑄數目又與定例不符。殊非覈實之道。著傳諭孫士毅即遵照部駁及朕將議摺各折角處諸情節逐款登答。仍嚴查管局官員嗣後

務須如法鑄造。毋得絲毫輕短。並將如何設法查禁之處據實覆奏。孫士毅乃能事之人。不可因暫署督篆致涉迴護。○庚午遣官祭昭忠祠。○諭據明亮等稟奏黑龍江節年各省及本處脫逃人犯數目摺內尚有四百四十六名未經拏獲。此等人犯脫逃時即應派妥幹官兵嚴行查拏。上緊根追。自無不獲之理。今尚有四百餘名未經拏獲。總係該將軍大臣等並不以為事。嚴行查拏之所致。明亮等著申飭所有未獲人犯必須出派妥幹官兵嚴行搜拏。務獲斷不可怠忽從事也。○以奉恩輔國公奇昆子崇吉襲爵。鎮國將軍明該子玉顯襲職。○辛未旌表守正捐軀河南舞陽縣民安二白妻陳氏。○壬申諭原任廣西提督許世亨前於出師安南奮勇捐軀。且能深明大體。忠蓋可嘉。特加恩賞給伯爵。令伊子許文謨承襲。在頭等侍衛上行走。現在已滿三年。該員籍隸四川。著交部以鄰近之

湖廣省叅將即用以示眷念蓋臣恩施無已至意○又諭前因發遣各處官犯久留邊地特降旨令軍機大臣會同該部查明各犯原案分別情節輕重年分久暫定立條例妥議具奏今又思不特官犯為然即常犯內獲罪較重按律發遣新疆及免死減等者固屬罪所應得而其中有所犯本罪止於杖徒軍流經該部及各督撫於覈辦時從重問擬新疆等處者亦復不少以致節年發遣之犯日積日多新疆難以安插因而改發黑龍江及回疆等處似此有加無減設黑龍江等處復有人滿之患又將安插何處耶殊非矜卹之義現在春膏未溥正應省刑慎罰以期感召和甘嗣後該部及各督撫辦理此等案件除罪應發遣新疆及免死減等者仍照本例辦理外如所犯情節較重僅按本律問擬杖徒軍流不足示儆者亦止應照本罪定律加一等問擬不得有意從重越等增加以昭平允所

有現在已經發遣新疆各等處官犯常犯著交軍機大臣會同該部一體查覈如原犯案情係由杖徒軍流加重發遣新疆者即行分別減等辦理具本罪原係發遣新疆者應如何酌改年限予以減等之處一併會同妥議具奏俾久戍人犯得以邀恩末減而邊疆重地亦不致日久壅滯多人所有軍臺人犯亦著一併照此覈辦以副朕肆育過法外施仁至意○又諭據富昌等奏廣州滿洲兵丁所懸二百馬甲之缺作為四百委署馬甲分給滿洲漢軍旗分各二百挑取家口衆多者通融養贍等語現在廣州滿洲兵丁閑散餘丁甚少挑取馬甲既不得人而漢軍閑散餘丁又一千五百有餘自應通融辦理據富昌等將滿洲旗分所懸二百馬甲之缺作為四百委署馬甲分給滿洲旗分二百漢軍旗分二百所有家口衆多者俾得養贍及餵養馬匹賞給紅白事件銀兩之處詳悉覈計通融

辦理甚是。著照富昌等所奏辦理。俟滿洲兵丁生齒繁盛時。應作如何通融辦理之處。臨期再行酌量覈辦。○旌表守正捐軀廣東番禺縣民滿甲妻李氏。○癸酉諭。昨因記名人員。現已用竣。特降旨。令各部院堂官。將歷俸已滿二年之漢員。堪勝外任者。分別繁簡。送部截取。帶領引見。并令各督撫於所屬直隸州知州。同知。內各保一二員。送部引見。豫備簡用。但現在外省知府缺出。已有奏請簡補者。而各省保送人員。未能即時到部。即各部截取送部者。亦尚在查辦需時。未免懸缺以待。即著六部堂官。於現在俸滿二年應行截取之漢員。堪勝繁缺者。即先行保送一二人。迅速帶領引見。其各部中如並無俸滿二年應行截取者。亦准其於滿漢司員內覈其才具堪膺繁缺知府之員。酌量保送一二。人。一併於後日帶領引見。以備簡用。

大清高宗法天隆運至誠先覺體元立極敦文  
奮武孝慈神聖純皇帝實錄卷之一千四百四十六

大清高宗法天隆運至誠先覺體元立極敷文奮武孝慈神聖純皇帝實錄卷之一千四百四十七

監修總裁官經筵講官太子太傅文淵閣大學士文淵閣領侍衛內大臣稽察欽奉 上諭事務處管

吏部理藩院事務正黃旗滿洲副都統世襲騎都尉軍功加七級隨帶加一級尋常加二級軍功紀錄一次臣等謹

總裁官經筵講官太子太傅文華殿大學士文淵閣領侍衛內大臣稽察欽奉 上諭事務處管

世襲騎都尉軍功加十九級隨帶加二級又加二級尋常加二級軍功紀錄一次臣等謹

尋常紀錄十四次臣等謹將纂修官太子少保工部尚書紀錄六次臣等謹將纂修

敬修

乾隆五十九年甲寅二月甲戌

上詣玉泉山

龍神廟祈雨○河南巡撫穆和蘭疏報乾隆

五十七年分開墾內鄉縣水旱田七頃十一

畝有奇○乙亥以故衍聖公孔憲培嗣子慶

鎔襲爵○丙子旌表守正被戕湖南湘鄉縣

民潘篤先媳陳氏○丁丑春分朝

日於東郊遣誠郡王弘暢恭代行禮○諭軍機

大臣等昨召見廣東碣石鎮總兵梁秉齋面

加詢問該鎮並非水師出身又未出兵打仗

碣石鎮總兵所轄俱屬沿海營分該總兵從

未涉歷洋面於巡哨捕盜各事宜恐非所習

因觀其年力強壯人尚妥當或堪造就是以

仍令赴任但碣石鎮員缺緊要著傳諭長麟

郭世勳於梁秉齋到任後詳加察看如該員

留心學習於水師營務漸能諳悉則已倘於

碣石員缺究不甚相宜該督等當即於該省

陸路總兵內奏明酌量對調若其人竟不勝

總兵之任亦即據實奏聞毋得迴護致滋貽

誤○又諭日勒保奏續獲番賊強巴審明正

法一摺此案強巴與伊子澄布加同謀搶劫

鎗斃事主澄布加先經拏獲正法強巴一犯

逃匿番地經兵役等追捕盤獲可見認真偵

緝斷無不能獲犯之理昨據特克慎奏偷竊

青海蒙古牛隻之循化番賊查罕扎布一名

拏獲後審明正法尚有首從各犯二十餘名

現在逃逸行令陝甘總督查拏等語已有旨

諭令該督一體嚴緝著再傳諭勒保即遵前

旨督飭所屬分投偵捕務將逃逸首夥各犯按名弋獲迅速辦理毋得視為海捕具文致令遠颺漏網○舉行乾隆五十八年大計直隸省不謹官三員罷軟官二員年老官四員有疾官一員才力不及官一員浮躁官三員奉天省年老官一員才力不及官一員江蘇省不謹官一員罷軟官二員年老官五員有疾官三員浮躁官一員安徽省不謹官二員年老官三員有疾官三員才力不及官四員江西省不謹官一員罷軟官二員年老官七員有疾官一員才力不及官一員浮躁官一員福建省罷軟官四員年老官五員有疾官四員才力不及官五員湖北省不謹官一員罷軟官二員年老官一員有疾官一員才力不及官二員湖南省不謹官二員罷軟官二員年老官五員有疾官二員河南省不謹官一員罷軟官三員年老官六員有疾官三員才力不及官二員浮躁官一員

山西省罷軟官一員年老官六員有疾官二員才力不及官一員浮躁官四員陝西省年老官四員有疾官一員才力不及官一員浮躁官一員甘肅省不謹官一員罷軟官二員年老官五員有疾官一員才力不及官二員雲南省罷軟官一員年老官六員有疾官一員才力不及官一員貴州省年老官一員有疾官二員才力不及官一員浮躁官一員江南省年老官一員有疾官一員河東河員不謹官一員罷軟官一員分別處分如例○戊寅戶部議覆前署四川總督惠齡疏稱健為縣竈民于長發等開淘鹽井二十一眼每井設煎鍋一口係竹筒小井請照下井鍋例升科計增三百一十六引以乾隆五十八年為始納稅配運從之○緩徵兩淮廟灣板浦中正臨興等四場乾隆五十八年分水災竈課○已卯諭軍機大臣曰福寧奏接據曹州府屬荷澤等州縣具報於二月初九日得雨

一二寸。其武定府屬之蒲臺各縣及與武定毗連濟南東昌一帶現覺望雨等語。一二寸未為霑透。是東省武定一帶現在正殷望澤。昨據梁肯堂奏保定省城得雨四寸。閱該督摺內該處得雨日期與京城相同。京城是日止得雨二寸有餘。本日復據順天府奏良鄉涿州一帶得雨分寸亦止一二寸不等。保定距涿州不遠。諒無越境獨被優霑之理。該督所奏恐不無粉飾。且古北口易州之雨皆已

奏到。而天津薊州二處俱未據奏報。看來十八日之雨東南一帶自未徧及。武定現既望澤。河間天津等府與武定毗連情形想亦相同。雖上年直東收成豐稔。但目下東作方興。二麥尤需滋潤。若得雨稍遲。究恐不無妨礙。著傳諭該督撫等隨時體察。現在望雨各州縣如將來有須量為接濟者。即當據實奏明。豫為留心。勿稍諱飾。此時若糧價並未加增。轉不必紛紛出示。以致市儈聞風居奇。第外

省地方大吏實心辦事者少。非失之太過。即失之不及。或因有此旨。誤會朕意。遇有災歎之區。又復諱飾不報。尤非朕厯切兩賜軫念民依之意。該督撫務當遵照朕旨。留心體訪。並將望雨各州縣曾否得有甘霖及糧價是否不至增昂有礙民食之處。詳細查明據實速奏。以慰厘注。毋得稍事粉飾。○旌表守正捐軀河南尉氏縣民李廷舉妻袁氏。○庚辰遣官祭黑龍潭。

昭靈沛澤龍王之神玉泉山

惠濟慈佑龍王之神。○諭軍機大臣等。本日朱珪奏正月申下二旬雨雪情形一摺。據稱安徽徽州等十三府州屬於正月十二四五及二十五六七等日得雨一二寸得雪一二三至六七寸等語。其摺係二月初九日拜發。而該撫於二月初旬內曾否續得雨澤並未提及。又未續有奏報。又書麟前次奏報江寧省城雨雪情形亦止稱正月初二日起至初

四日止雨雪交作除融化外積有三寸而此後有無雨澤亦未據奏到又奇豐額於本月初二日奏到江寧蘇州等府屬得獲雨雪日期亦係正月初一初五初十等日此後未據續奏看來上下江各屬二月以來尚未得雨江南向來春雨最多數日不雨即以暎乾為慮今日久不雨恐民間望澤甚殷著傳諭書麟奇豐額未珪將上下江二月以來曾否續被甘膏若未經沛澤於麥苗有無妨礙及於何日續經得雨之處據實迅速具奏以慰厘注毋得稍存諱飾○又諭本日兵部將廣東惠州協副將尚惟勳帶領引見該員係郭世勲保薦卓異但平日於訓練營伍事宜究竟若何是否可勝總兵專閫之任著傳諭長麟留心察看據實具奏毋稍迴護○辛巳諭前因內外各官員名下有攤賠代賠銀兩及八旗綠營兵丁內有祖父應賠銀兩於子孫所得餉銀內坐扣者此項銀兩究屬因公特令

軍機大臣查明未完數目酌量加恩茲據分別開單具奏內已經離任各員應賠銀兩據報家產盡絕及無可著追者七十一案共未完銀十七萬四千九百餘兩八旗綠營兵丁應行坐扣餉銀者七十八案計應扣繳銀十九萬三百餘兩又原任都統索諾木策凌等大員六員共未完賠項十九萬七千七十餘兩因已經治罪查抄無力完繳一併開單請旨朕詳加披閱此等應賠銀兩有關帑項本應著落照數完繳第念各該員等事緣降革離任後業據各該旗籍結報家產盡絕並查明無力完交而兵丁等所得餉銀為數有限若再行坐扣未免生計拮据其另單所開之原任大員六員俱經治罪查抄無可著追著將查出各該員名下未完應賠銀兩及兵丁應扣餉項共銀五十五萬九千八百餘兩一併加恩概行豁免以示朕格外施仁曲加優恤至意嗣後因公覈減借欠等項及該員本



係分賠代賠經地方官查明結報家產盡絕無力完繳者並著照例題豁毋庸再於同案各員名下攤追用溥恩施而昭體恤○又諭昨據伍拉納等奏拏獲販私拒捕及奪犯毆差並輪姦婦女為從各案犯審明定擬以各該犯情罪較重俱請旨即行正法經軍機大臣會同該部覈議以拒捕毆差兩案均係傷而未死其輪姦一案止係為從之犯若概行從重問擬立決則拒捕毆差致斃人命及輪姦起意為首之犯於法轉無可加俱按律擬以監候已依議行矣前因臺灣地方民情犷悍屢經滋事不可不嚴加懲創如遇有械鬪聚眾情罪重大等案按律定擬後應從重即行正法原以該犯等怙惡不悛特從嚴辦以儆兇頑而馴桀驁俟數年後該處民風稍知斂戢畏法尚欲施恩仍照向例辦理其餘內地尋常案犯原不應概行從重今伍拉納等乃於尋常拒捕輪姦等案亦一律以情罪較

重奏請即正刑誅所辦殊屬過當該督撫等身任封疆於審擬案件惟當準情酌理期於平允固不得稍事寬縱亦豈得有意從嚴乃近來督撫非失之過當即失之不及或因有一案經朕改輕即遇案不免意存寬減若有一案經朕改重即不問情罪之是否允當概行從重定擬如伍拉納等此次審擬各案豈得為情法之平而今日又據伍拉納等奏衙役詐贓斃命一案亦請即行正法經部議以死者本係罪人王常並非例應絞決之犯仍應按律定擬亦已依擬行矣是伍拉納等於內地案犯率皆從重辦理殊屬非是伍拉納浦霖著交部察議嗣後該督撫等辦理案件除臺灣漳泉地方械鬪聚眾等案仍照舊嚴辦外其內地尋常案犯止應按律定擬不得率請從重遇事深刻以副朕明罰勅法慎恤持平至意○壬午。

上詣廣潤祠祈雨○諭軍機大臣等本日據梁

肯堂奏順天保定永平正定宣化等府先後具報同於二月十八日得雨一二三四寸不等惟河間天津大名廣平等屬未據報到似東南一帶尚未徧及等語同日又據蘭第錫奏淮安一帶地方於二月初八九十一等日得雨寸許及二三寸不等而董椿亦具奏揚州地方於二月初九初十等日得雨五寸又江蘭奏山東省城於二月十八日得雨二寸有餘各等語以該督等所奏情形而論看來直隸缺雨之處係天津河間及大名廣平等府該處與東省壤地毗連今既尚未普得雨澤則東省之武定德州一帶自必尚在望澤而江南淮安揚州等府已經同被春膏則東省迤南地方亦當一律霑被是東省缺雨處所大概總在武定德州等屬現在東作方興尤需滋潤該處曾否續經得雨著福寧即行迅速具奏又據梁肯堂奏直隸地方春雨未能優被然亦不致缺乏各項糧價並不昂

貴此時無須遽請接濟如青黃不接之時或應糶借再行酌請加恩等語所見尚是想東省情形亦復相同此時武定等府雖得雨稍遲尚不致遽成災歉亦無需即籌糶借以致市儈聞風居奇糧價轉有昂貴現距清明節候尚有旬日諒可續得甘膏設彼時仍在望澤於青黃不接之際酌量糶借自足以資接濟又江寧各屬二月以來總未據該督奏報得雨恐不無需澤甚殷昨已有旨詢問並著書麟即將該省於何日續經得雨於麥苗有無妨礙之處迅速具奏以慰廛注將此各諭令知之○癸未遣官祭賢良祠○諭軍機大臣曰馮光熊覆奏接奉諭旨地方如遇糾衆肆劫重大案件自應將法無可貸之犯立正刑誅等語從前所降諭旨原因湖北省匪犯楊應子等疊次搶劫聚至數十人之多情罪極為重大是以令將為首各犯於審明後一面奏聞一面辦理不得拘泥請旨轉致別生

事端近因伍拉納等將內地尋常案犯亦照臺灣漳泉械鬪聚眾之案從重定擬立決實屬過當已將該督等交部察議並特頒諭旨宣諭各督撫矣督撫等身任封圻於審擬案件當準情定罪期於情法得平若一案經朕改輕即意存寬減一案改重即有意從嚴非失之過當即失之不及豈覈實持平矜慎庶獄之道嗣後各督撫惟當酌覈案情權其輕重不得概請從嚴昨降諭旨甚明各該督撫

當善體遵行毋致意存偏畸也將此各傳諭知之○又諭曰吉慶奏報通省晴雨春花情形一摺據稱各屬於正月間各得雨雪五六寸不等二麥油菜蠶豆等項一律長發暢茂等語覽奏欣慰但聞浙省上年因春間雨水較多蠶桑不免有損以致絲勛缺少價值昂貴該省蠶桑為小民生計攸關與稼穡並重地方大吏自當隨時留心查察設遇雨水過多或應酌量祈禱以期晴雨得宜於蠶事不

致損傷雖不必如糧價之按月奏報而每年蠶收情形亦宜查明具奏一次以重民事著傳諭吉慶將現在該省雨水是否調勻於蠶桑有無妨礙之處遇便據實具奏以慰厘注

（甲申）

孝昭仁皇后忌辰遣官祭

景陵○諭昨據福康安等將查審吉林辦理侵務虧缺庫項勒派民戶一案分別定擬一摺此案前經副都統秀林查訊奏該管協領

諾穆三托蒙阿早知此事破露必干查究先將檔冊私行改換並向同案人證及鋪戶等串合供詞希圖掩飾迨至福康安到彼傳提訊問伊等豫經商定遂爾扶同供認衆口如一誰肯首先吐露福康安等摺內聲稱徧加質對所供俱屬相符之處原不足信諾穆三托蒙阿經管侵務有年後局一切事宜係其專辦乃並不妥協經理以致剋夫借欠日重庫項虧缺滋多又復恣意攤派累及無干民

戶實為此案罪魁。茲福康安等將諾穆三問擬斬候。托蒙阿問擬發遣新疆。業屬將就完事。此事因係獲務。近於言利。是以朕不加深究。即照擬完結。該協領等已為僥倖。乃福康安等另片奏稱。諾穆三等本身雖查抄入官。但有兄弟親族。擬請將該二犯照例監禁。責令將現籌接濟。創夫銀三萬兩。勒限措交。准其減等發落等語。實不免意存開脫。且近言利矣。即如福康安等查出諾穆三家貨內。各有數千兩私銀存店。據該犯等供稱。俱係未虧官項以前。先行入本。及聞福康安等另摺。又稱諾穆三家住寧古塔。置有產業。典當賣產而來。移住吉林等語。試思諾穆三原住寧古塔。久已安居樂業。若非因吉林辦理獲務。可得贏餘。需潤人情。安土重遷。又豈肯變棄產業。遠去其鄉。至吉林居住。即如兩淮商人在揚州貿易。積有厚貲。又豈肯無故將其鹽產概行變賣。遷住長蘆之理。即此一端而論。

可見承辦獲務之員。顯有從中需潤之事。其存店私銀。必非盡屬伊等資本。乃福康安等於此一節並未一語究詰。伊等更事有年。不應如此疎漏。即以此詢之福康安。亦無詞可對。至恒秀身為將軍。到任後明知獲局虧短緣由。並未據實奏。復私派無干民戶。其罪實無可諉。試思各省地方官。如有虧短庫項。私行攤派。累及百姓者。應得何罪。福康安等豈不知之。乃僅將恒秀於托蒙阿流罪上減一等。問擬杖徒。又以伊係宗室。押帶赴京。交宗人府照例辦理。顯係福康安與恒秀誼屬姑表弟。兄有心徇庇。從寬定擬。希圖含混了事。至胡季堂因其係漢大臣。無可瞻顧。是以派令前往會同審辦。即云吉林官員多習清語。伊未能通曉。獲務亦非所悉。但如諾穆三祖居寧古塔。若非貪圖獲局需潤。因何變產移居吉林。此等情節顯然。朕一經披閱。即行看出。胡季堂久辦刑名。豈竟見不及此。乃亦

置之不問。是此事胡季堂松筠。不過隨同附和。聯銜入奏。又安用派令伊等前往會辦。為耶。福康安受朕厚恩。特加簡派。自應秉公持正。方為無負任使。乃瞻顧親誼。曲庇局員。本應治以應得之罪。因念其辦理廓爾喀一事。不辭艱險。著有勞績。是以姑從寬宥。但伊審辦此案。種種瞻徇。豈能於朕前調停混過。若朕必欲徹底根究。無難再派和坤前往覆審。設和坤又復瞻徇情面。將就完案。朕即可提

至京中。親加研鞠。一經得實。又何難一併治以徇隱之罪。朕特以此事究因。獲務起見。且不為已甚。是以不復深加究詰。福康安胡季堂。松筠著嚴行申飭。至此案昨經福康安等奏到。經朕看出。詳細指斥。即令軍機大臣繕寫飭諭。而軍機大臣亦復意存瞻顧。遷延觀望。並未即日擬旨進呈。現距歸政之期。尚有二年。朕一日臨御。即一日倍加兢業。豈容大臣等顛預從事。阿桂。和坤。王杰。福長安。董誥。

俱著交部議處。朕今年八十有四。幸叨昊眷。精神強固。辦理庶務。鉅細靡不躬親。於臣下功過。權衡至當。雖現值盼雨焦勞。亦不肯因此倦怠。稍有忽畧。且亦非因心不怡。辦理從嚴也。內外大臣。尤當仰體朕心。倍思勤惕。以期無負朕諄諄訓誡至意。○又諭。據長麟奏請嚴水師監哨。及汎弁降補各章程一摺。所奏尚是。已依議批交該部知道矣。至摺內稱把總因盜案降調。其平日居官尚屬可用。

者。若准其仍留原任。該弁等恃有此例。未免心存玩視。應請先以經制外委補用。不得仍留把總原任等語。向來武職承緝盜案。限滿無獲。例應降調之把總。因其無級可降。例得詢問居官。該督等如查其平日居官尚好者。仍准留任。即文職內未入流一項。無級可降者。亦係如此辦理。而各省督撫。往往多以平日居官尚屬可用。咨部留任。是此等承緝不力人員。徒有降調之名。並無懲戒之實。總由

該督撫意存姑息。不能嚴行察覈。率請留任。以致該員弁等無所顧畏。於承緝案件。不肯認真出力。國家愛惜人材。如係因公處分。尚無大過者。原可棄瑕錄用。若此等微末員弁。其才具既非必不可少之人。且業有應得處分。亦無足深惜。是長麟徒博嚴毅之名。而忘其辦理自相矛盾之實。嗣後文武各員弁。職分較小。無級可降者。遇有承緝降調處分。除居官平常者。照例斥革外。其經該督撫等察其居官尚屬可用者。把總即以經制外委補用。不准食俸。至文職之未入流一項。即使准其留任。亦不得支領廉俸。如革職留任之例。四年開復。庶該員弁等知所儆畏。於承緝案件。不敢稍存怠玩。以示懲創。而專責成。○諭軍機大臣等。本日召見原任衢州鎮總兵伊楞額。詢其居官。並無勞績。且兩耳重聽。於清語全不諳習。人甚平庸。業經降旨將該員革職。發往伊犁當差。以示懲儆矣。伊楞額在浙

有年。因檢伍拉納所奏該員三次考語清單。內俱稱該員熟練營伍。辦事循謹。此等庸劣之員。該督自應早行叅劾。乃一味因循。任其戀棧。並出具上考。且三次俱屬一律。並無更改。可見該督於考覈屬員。並不隨時留心。查察認真。竟似照本填寫。殊負委任。伍拉納著傳旨嚴行申飭。並將該督三次考語單。發交閱看。令其據實覆奏。○乙酉。諭軍機大臣曰。陳淮奏五十八年銷鹽溢額一摺。內稱仍督飭該護道銜齡實心整理。以期官引源源暢銷等語。銜齡本係南昌府知府。前因委署鹽道。任內所報銷數不實。經部議降調。嗣後加恩賞給同知銜。仍令護理鹽道事務。迄今又已數年。該員在任究竟能否認真整頓。設法調劑。俾鹽務日有起色。著傳諭該撫。即會同兩淮鹽政。秉公查明。如該員果能奮勉。妥辦其任內官引暢銷。漸符原額。自無庸另易生手。該撫等當將銜齡奏請賞還知府原銜。仍

護道篆以示鼓勵。倘該員在任。於鹽務並無出力之處。或恐陞銜後。不無高興惰懈。亦即據實奏明。另請簡放。勿稍迴護。○丙戌。遣官祭。

歷代帝王廟。○諭曰。烏什哈達前在廓爾喀軍前。並未奮勉。藉稱在前修路跌傷。福康安因其無用。置於後隊。朕所深知。乃今日召見時。伊轉以為有功。巧飾奏對。實屬不堪。烏什哈達著革職。發往伊犁當差。以為巧佞者戒。

軍機處

三

○諭軍機大臣曰。長麟奏。拏獲海洋行劫及銷贓各犯。分別定擬一摺。此案巡檢唐文藻。能不避危險。出洋捕獲多盜。尚屬奮勉。可嘉。著即送部引見。其首先追趕之千總蕭武彬。亦著送部引見。以示鼓勵。前因閩浙洋面。盜劫之案較多。節經降旨。諭令該督撫飭屬嚴緝。其情罪重大者。從嚴辦理。以儆奸宄。而靖海疆。粵東與福建毗連。雷瓊各府。在在濱海。洋面情形。亦與閩浙相同。著傳諭長麟等。務

宜督飭沿海地方文武。購線訪緝。遇有上岸銷贓之犯。立即盤獲。並派委員弁實力巡哨。見有盜劫之船。即趕緊追捕。按名捕獲。從重嚴辦。俾匪徒咸知畏法。斂戢其浙江洋面。仍著該撫飭屬一體嚴拏。勿得日久生懈。○丁亥。諭戶工二部議覆龍江。西新等關徵收稅課。一年期滿。短少盈餘銀五萬二千餘兩。著落該監督等賠補。并交部議處等語。因屬照例辦理。第念該處上年春夏陰雨連綿。商販

稀疎。江潮水寬溜急。到關蒞筏稀少。以致盈餘比較不敷。尚係實在情形。所有此次西新關短少戶稅盈餘銀二萬二千二百餘兩。龍江關短少工稅盈餘銀二萬九千七百餘兩。共覈計銀五萬二千餘兩。著落該監督等賠補銀二萬兩。其餘銀三萬二千餘兩。俱著加恩寬免。並從寬免其議處。○諭軍機大臣曰。伍拉納覆奏查察海口情形一摺。內稱閩省洋面。節次拏獲匪犯。俱由內地潛行出口。與

康熙年間盤聚海島者情形不同現在各海口一切會哨緝捕章程已極周備等語該省海洋島嶼既據查明並無盜匪盤聚窩巢是此時惟在該督撫等督飭沿海地方文武恪遵成例實力緝捕自不必另議更張但昨據長麟奏粵省營船不敷巡哨請借養廉添造船隻以利緝捕一摺已照所請行未稔閩省營船是否足敷巡緝抑或應照粵省量添造之處著傳諭伍拉納即查明船數並體察情

形據實具奏○以葉爾羌參贊大臣愛星阿為鑲紅旗蒙古副都統○旌表守正捐軀直隸安州民梁元妻黃氏○是月江南河道總督蘭第錫奏據清河山陽桃源高郵各州縣報稱於二月初八九十一等日每日得雨寸許及二三寸不等不特二麥春蔬長發茂盛而春泉旺發湖水漸增於漕運尤有裨益現在洪澤湖誌機存水三尺二寸由清口暢出敵黃濟運尚為充裕得旨欣慰覽之○浙

江巡撫覺羅吉慶奏范公塘迤西為字等號柴工五百四十四丈已逾保固之限歷經大汛柴椿朽壞應請拆修又三官堂迤西沙塗單薄現屆春汛潮勢漸旺請接築埽工一百丈以資捍衛報聞○山西巡撫蔣兆奎奏據太原府屬及平陽汾州潞安澤州蒲州大同朔平寧武等府屬州縣及各直隸州屬各州縣陸續報到於二月初八九十一等日各得雨雪二三寸至五六寸及深透不等正值需澤之時宿麥倍加暢發即佈種秋禾亦有裨益得旨寸雨即係

天心京畿正在望澤不知所云



大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百四十七

實錄卷之一千四百四十七

三十一

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百四十八

監修總纂官經筵講官太子太傅文淵閣大學士文淵閣領侍衛內大臣楊家駉奉 上諭軍機處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣奏

總裁官經筵講官太子太傅文淵閣大學士文淵閣領侍衛內大臣楊家駉奉 上諭軍機處管理刑部戶部工部事務

世襲騎都尉軍功加十九級隨帶加二級又加二級臣量諾內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保三部尚書紀錄六次臣曹振鏞等奉

奏

乾隆五十九年甲寅三月戊子朔諭據永琨

等奏稱寧夏蒙古佐領防禦缺出請無論翼  
分將八旗蒙古歸并揀選保舉等語佐領防  
禦乃辦理佐領事務之人如遇缺出理宜選  
擇保薦寧夏蒙古應陞之員較少如按翼揀  
選恐不得人著照所請嗣後凡遇蒙古佐領  
防禦缺出無論翼分歸并揀選保舉○諭軍  
機大臣等本日據奏承恩奏西安省城於二  
月初十及十七十八等日得雨六寸又  
延安鳳翔漢中榆林等府屬於二月初二三

初八。九。及十一。二等日。得雨五六寸等語。陝省二月以來。省城及各屬。連獲甘膏。俱至五六寸。甚為深透。該省與山西境壤毗連。今既得有透雨。則晉省自當同時霑被。前據蔣兆奎於二月十八日奏到。亦祇稱該省平定州等處。於正月二十九日。得雪一二寸。省城於二月初十日。得雨寸許。又太原府屬及平陽汾州等府。遼州。沁州等所屬各縣。於二月初八九等日。各得雨雪自二三寸至五六寸及

深透不等。而於二月十七八等日。曾否續得雨澤之處。並未據該撫奏報。若山西於此數日。未經一律均霑。則該省迤東與直省接壤處。自更不能普被渥澤。著傳諭蔣兆奎。即將該省二月中旬。曾否續經得雨。何以未據奏報之處。迅速覆奏。以慰廛注。尋奏太原省城。於二月十六及十八日。兩次得雨五寸。嗣據太原府屬及平陽潞安汾州大同朔平寧武澤州等府。暨遼州沁州平定州忻州代州解

州霍州併所屬各縣。陸續報到。於二月十六七八等日。各得雨雪自二三寸至五六寸及深透不等。報聞。○旌表守正捐軀河南某縣民宋杰媳姬氏。○已已。

上御勤政殿聽政。○諭原任兵部尚書李世傑前經簡任封疆。宣力有年。辦理地方事務。認真整飭。今聞溘逝。殊堪軫惜。所有應得卹典著該部察例具奏。○軍機大臣會同刑部議奏欽差大學士福康安等。審擬獲局協領虧帑累民。分別治罪。得旨。諾穆三。依擬應斬。著監候秋後處決。恒秀。依擬應絞。著監候秋後處決。至此。案歷任將軍副都統等。辦理優務。不能妥協。因循掩蓋。以致釀成積弊。予以革職降調。本屬罪所應得。姑念伊等祇係經理不善。尚無侵肥入己情事。都爾嘉著革職。從寬留任。琳寧著降三級。從寬留任。慶桂著降一級。從寬留任。那奇泰著降二級。從寬留任。索喜寧泰俱著降一級。從寬留任。餘依議。○

軍機大臣會同戶部議奏欽差大學士公福康安等酌定吉林變務章程。一向來領票承總攬頭。原不出鋪戶民戶之外。但祇宜善為勸諭。若概令務農編戶。領票創變。難保不仍滋弊混。應令嗣後將軍副都統等。於放票時。廣為招徠。毋任官為勒派。變票原額八百張。自五十年以後。漸行少放。致有那移科派等弊。原議請自五十九年為始。每年定以五百張為試放之數。如二三年後。領票增多。再行據實給票復額。查此項變票。不必拘定五百張之數。如創夫等情願多領。即不妨酌量加增。以期漸復舊額。其寧古塔變務。亦令該將軍查照吉林章程辦理。近年夫力凋疲。請仍循例借動備用銀三萬兩。及時墊給。一俟創夫出山之日。即於所得餘變變價。按數扣清。如實在交不足數。始准在商捐項下補足。務於創夫出山兩月限內。全行繳還。以清年款。於年底專案報部查覈。商捐一項。名

目雖出自商人。實則向創夫購買餘變時。減其價值。仍屬以創夫之有餘。濟創夫之不足。應請照舊捐輸。改為復餘銀兩。從前每復一兩。收銀八兩至二十兩不等。亦令量為限制。每兩不得過二十兩之數。如此酌定。官項自可漸清。每年遇有創夫出山。力不能完官欠。及實有事故。不能出山。並官變交不足數。攬頭無力賠繳者。准用復餘銀兩。量為歸補。仍令承辦局員。隨時報明存案。創夫自五十一年至五十七年。拖欠官項。除完過外。尚欠官銀十二萬三千餘兩。五十八年。又增新欠。此等本係無業游民。現雖屢次追比。總屬無完。查此項業將諾穆三。托蒙阿。家產抵補。其餘令歷任將軍副都統等。照數分賠。復將餘復銀兩。按年劃補。官項已有著落。應請將五十八年以前夫欠銀兩。全行豁免。倘不知俊改。屢次官銀。自當勸懲並用。除搜獲藏匿餘變。按私復本律嚴辦外。仍將負欠最多之

創夫從重枷責遞籍。創夫出山。應令該將軍等飭承辦各員。嚴行稽察。毋使有賣放併包之弊。以防偷漏。如有負欠創夫通同不負欠之創夫。攜帶餘糧出山。及盤獲黑糧之人。他票創夫混同滋弊。一經查拏。即照例治罪。併將該管官從嚴議處。糧局借項。必由銀庫給發。銀庫出納。必移戶司備案。從前糧局協領往往俱兼三處行走。是以那移支借。無人稽察。嗣後應令三處官員各司其事。互相

稽察。如一處滋弊。即將互查各員。以失察議處。以上各條。均應如所奏。至所稱吉林庫貯備用銀兩。尚有節年奏報戶部未經補還銀一萬八千餘兩。請行令糧局各員。於公用糧折腳價稅銀二項。及糧局年例備用銀一萬兩。應繳回三千餘兩。款內共籌銀一千兩。遞年補足。報部查諾。穆三等虧短項內。有未經交回公用。獲折及備銀剩一萬七千餘兩。是否即係此項。抑或另有短缺別項。摺內未經

聲敘明晰。及所稱五十八年新欠。究係何款。為數若干。均應行令該將軍等查明覆到。再議得旨。吉林創挖人。向來創夫等出山時。於定例交官之外。所得餘糧。准其同行變賣。俾資餬口。是該夫丁等已可藉需餘潤。何至動輒需借。逋負纍纍。本應按數著追。第念此事。究由該將軍等辦理不善所致。且歷年既久。其中逃亡事故者不少。而該夫丁等本係游民。所欠銀數過多。力難完繳。所有五十八年以前夫欠銀十六萬三千餘兩。著加恩普行豁免。並著該將軍等曉諭各夫丁。此條格外恩施。伊等雖屬小民。亦當具有天良。倍加感奮。嗣後進山。務宜盡力創挖。毋得藉詞。憚遠拖欠官項。如敢仍前疲玩。必當從重治罪。該將軍等仍宜隨時稽察。分別勸懲。勿任再有拖欠。致滋弊端。至該處糧務廢弛已久。經此番查辦之後。亟須實力整頓。妥協辦理。新任將軍寶琳人尚老成。向來辦事亦屬認真。

但於獲務究係生手秀林曾任吏部司員擢任副都統尚能辦事現在查辦此案一切利弊又可深悉將來獲務事宜著責成秀林會同妥辦以期日有起色不得仍似從前觀望因循以副委任餘依議○以詹事薩敏為大理寺卿○旌表守正被戕直隸定興縣民楊起珍女楊氏○庚寅諭軍機大臣曰孫士毅奏拏獲倡教惑眾騙錢讐殺放火之匪犯審明定擬一摺此案杜朝舉等倡立邪教惑眾

騙錢並因保正程範受赴州首報膽敢將伊家殺死四命放火燒房又復兩次拒捕不法已極該署督一接稟報即派令臬司等先後帶領兵役前往搜捕當將拒捕首犯四名立即擒拏又續獲匪犯八十三名親提審訊分別辦理甚為迅速孫士毅著賞給大荷包一對小荷包四個以示優獎所有查拏此案之臬司林雋知府邱之芬及捕搜出力之文武員弁俱著一併查明交部議敘其千總高傑

帶兵往捕將拒捕之匪犯五名即時格殺並擒獲匪犯六名甚屬可嘉著將高傑遇有應陞之缺題補保正程範受訪聞奸民有倡惑眾情事即行赴州稟報被匪犯聞知懷恨將伊家殘殺四命焚燒房屋殊屬可憫著加恩賞給銀一百兩用資撫卹並賞給金頂榮身以示鼓勵至首先起意戕殺保正一家四命之王應騰實屬兇殘可惡著該署督查明該犯如有子嗣即行正法示儆其逸犯二名

著該署督飭屬嚴拏務獲毋致漏網稽誅將此諭令知之○辛卯諭軍機大臣曰和琳奏查辦夾壩竊刦差員一摺據稱裁眉縣知縣王贊武委解察木多餉銀帶印出口事竣回省行至阿足石板溝兩界地方突遇夾壩搶去騾頭行李并裁眉縣印一顆當即飛飭兼管之察木多游擊烏勒公阿馳赴該處督同弁兵實力迅速查拏等語此案前據孫士毅奏到業經降旨令該署督派委鎮道督率附

近汎弁兵丁實力緝拏務獲今據和琳等奏  
乍公在察木多迤東土俗稱為惡八站其附  
近之夾壩溝一處通三暗巴向為夾壩出沒  
處所是該處地方番民刁悍實為奸藪必須  
隨時督飭查拏方可使賊番斂跡今止有游  
擊兼管恐不足以資彈壓應另派職分較大  
之員專管督率搜捕較為得力著該署督察  
看情形酌量妥辦至此案該縣印信被賊竊  
劫固由該縣疎虞賊番等未必知係差員故  
行竊劫印信但該員係奉公差往人從較多  
尚被搶竊則往來行旅自必更易受其擾害  
該處係出口通衢官民行走絡繹似此賊番  
乘機竊發殊有關係必須嚴行搜捕俾知斂  
戢若賊番搶竊官物尚不痛加懲創勢必盜  
風寢長無所顧忌更為行旅之害除俟福康  
安赴任時面為傳諭令其到任後務須督飭  
員弁實力搜捕淨盡根株共期肅清邊徼外  
此時孫士毅更當責令派出之鎮道等迅速

購線追蹤務將此案賊犯按名拏獲即行正  
法示儆現在和琳等已派領戴綱帶領番兵  
隨同該遊擊一體偵緝亦當飭令上緊搜拏  
尅期弋獲毋任漏網稽誅至成德歷任成都  
將軍提督今係駐藏大臣該處地方是其管  
轄現因更換進京經過該處見有此等夾壩  
肆竊自當留駐督率搜捕乃奏稱現有遊擊  
在彼自可了事未便徒事張皇致駭物聽等  
語竟若置身事外未免存諉避之見著傳旨  
嚴行申飭並著傳諭成德如接奉此旨伊已  
進口此時賊番業已就獲即無庸轉回若成  
德尚未行過該處正在搜拏賊番即當留駐  
督同嚴緝務獲毋得再有推卸致干咎戾○  
以西藏扎薩克輔國公諾爾布朋楚克子額  
琳沁朋楚克襲爵○壬辰清明節遣官祭  
永陵  
福陵  
昭陵

昭西陵

孝陵

孝東陵

景陵

泰陵

泰東陵○遣官祭

孝賢皇后陵

端慧皇太子園寢○

上詣

安佑宮行禮○以故貴州定番州屬章番司土官韋廷玉子繩祖銅仁府屬平頭長官司楊光裔嫡堂叔祖政達各襲職○旌表守正捐軀直隸東光縣民王進才妻鄭氏○癸巳祭先蠶之神遣妃行禮○諭曰十七阿哥業封貝勒理宜分府居住今伊府第將次修竣著交該處所有應得款項即行查例辦理俟秋冬工竣時選擇吉日移徙○又諭據董椿奏湖廣江西口岸向來不免墮銷缺額近年以

來湖北鹽道保定江西護鹽道銜齡督飭認真官引得以暢銷等語保定現屆六年俸滿例應調取來京引見今該處釐務正資調劑未便遽易生手保定著再留任三年且不必送部引見以資駕輕就熟銜齡前於知府護理鹽道任內所報銷數不實部議降調今護篆數年辦理尚知奮勉著加恩賞還知府原銜仍令護理江西鹽道事務該員等當倍加感激實力妥辦以期官引源源暢銷毋得始勤終怠致滋貽誤○又諭據雅德奏請將哈密印務處辦事防禦及蒙古領催裁汰添設主事職銜一缺等語著照所請哈密印務處辦事防禦蒙古領催均著裁汰所添主事職銜一缺著筆帖式委署章京塔寧阿頂補○又諭據伍彌烏遜奏領隊大臣同福保病故所遺員缺請另補放等語伊犁協領吉星阿著賞給副都統職銜授為塔爾巴哈台領隊大臣吉星阿引見回任未久不必來京謝恩

即由該處赴任。○甲午諭曰：長麟等奏駐劄海陵礮臺把總陳耀祥向民人曾開華圖詐妄拏隨帶兵丁放鎗致斃曾開昂曾亞庇二命並鎗傷曾懷造刃傷曾紹和一案審明圖詐屬實將把總陳耀祥照光棍為首例擬斬立決放鎗斃命之兵丁蔡勝雄羅得漢照為從例擬絞從重擬斬立決用刃傷人之兵丁陳亮陳勝光擬絞監候等因一摺此事大奇該督等所奏未免遲緩國家設兵所以衛民遇有匪徒搶劫擾害百姓之事該營弁方當率領兵丁幫同趕捕以期綏靖閭閻今把總陳耀祥因向民人曾開華索詐起見輒妄拏無辜所帶兵丁復敢聽從本官開放鳥鎗擊打平民以致二死二傷不法已極似此肆意妄行尚復何事不可為耶今該督等將陳耀祥暨放鎗斃命之兵丁蔡勝雄羅得漢二犯皆擬斬立決所辦尚是陳亮陳勝光二犯雖傷人未死擬絞監候並當入於本年秋審情

實俾不法弁兵共知炯戒此案著軍機大臣會同該部速議具奏並著傳諭各督撫提鎮等轉飭各將弁於所轄弁兵平日務宜嚴加管束毋許滋生事端如再有似此營私藐法者不特將該弁兵立正刑誅其不能約束之督撫提鎮將備等亦當一併從重嚴處斷不寬貸○又諭據畢沅等奏襄陽縣巡檢衙署失火該巡檢蔣啟緒將印搶出之後復冒火入室負母趨逃猝被烟迷倒地其妻子上前拉救亦一同燒斃等語該巡檢蔣啟緒因衙署失火即將印信搶出復因救母情急冒火趨救以致燒斃情殊可憫著加恩賞給銀一百兩交該巡檢家人等俾得料理歸籍其長子蔣福基並著以巡檢即用以示體恤○乙未諭據永慶等奏請於江寧京口公費銀兩內每年動支一千一百餘兩以為養贍兩處孤寡之用等語所辦甚是早應如此辦理尚屬稍遲所有養贍江寧京口孤寡之處著即



加恩俱照永慶等所奏每名各給賞銀一兩以示朕軫恤旗僕之意○丙申諭軍機大臣曰彭廷棟奏懇請赴京陛見一摺該省古州鎮總兵馬詔蛟於來京瞻覲後業已回任即日可抵滇省著傳諭彭廷棟即將提督印篆交馬詔蛟署理於交代後再行起程來京陛見○又諭據宜興等奏報二月盛京得雨一摺摺內所奏僅得雨一寸自屬未透現在糧價有無增長仍望雨澤與否均未據宜興奏及惟繕寫地方安靜無關緊要之語宜興等著傳旨申飭仍令將糧價有無增長及有無望雨情形據實奏聞不可稍有隱諱○豁免涼州莊浪滿營弁兵借支俸餉銀如例○丁酉諭朕此次巡幸天津所有經過地方及天津闔府所屬本年應徵錢糧著加恩蠲免十分之三○又諭曰哈當阿等奏臺灣民人前次被賊脅從者業奉恩旨概從寬宥此外尚有初曾為匪旋即畏法自新而臺灣民風喜

爭健訟因其人曾經為匪多有呈請緝拏者若再行追論前非實之重辟實覺情有可憫等語此等民人於前次賊勢滋蔓時力不能禦從而為匪究由被賊脅迫非有心從賊隨同抗拒者可比既經悔罪畏法遷為良善若重論前非實以重典既無以使之自新而臺灣民情健訟或因此挾嫌告訐轉長刁風自應宥其既往量為寬貸嗣後拏獲此等人犯審明後如現在已為良善並無過犯即取具保結免于治罪如審明別項過犯惟當查明現犯實跡分別按律辦理概不必追問前經從賊之罪於曲宥之中仍寓創懲之道使前蹈重懲之徒益知爭自濯磨勉為良善以示朕肆眚好生法外施仁至意○戊戌孝賢皇后忌辰遣官祭陵寢○諭前因直隸節年遞欠為數較多業經降旨因災帶緩未完銀兩寬免十分之三此次巡幸天津已降旨將經過地方及天津闔

府屬本年應徵錢糧蠲免十分之三茲朕巡方觀俗小民望幸情殷自應渥沛恩施所有經過地方之大興宛平東安保定涿州新城容城雄縣任邱霸州文安大城武清等州縣節年未完緩帶銀八萬三百六十九兩零著再加恩蠲免十分之四並將天津府屬節年積欠未完之緩帶徵地糧銀十三萬三千一百四十兩零普行豁免俾蹕路所經及海濱薊屋益慶盈寧共安樂利以示省耕施惠至意該部即遵諭行○又諭據保寧奏伊犁協領常泰因患腿疾請以原品休致其應否給俸之處咨部查辦等語協領常泰既已年屆七十現患腿疾不能當差著照保寧所請准其原品休致但此等官員其應否給俸之處伊犁自有部頒則例當將或給全俸或給半俸之處報部由部於年終彙題若每事具奏由部覆奏一次方行給與未免繁冗嗣後新疆似此告休之員該將軍大臣等即照例或

給全俸或給半俸之處咨部查覆照例給予於年終彙題一次庶免部覆之煩○己亥祭先農之神遣肅親王永錫行禮○諭向來各省督撫於所屬州縣缺出往往專摺奏請陞調補用其與例不合人員經議駁後朕多有特降諭旨准行者迺近日各省督撫因有此例遂不問員缺之是否實係繁要邊遠率將與例不符之員特行專摺保奏以冀即用實於銓政有礙因每批交部議將應准應駁之處照例分別覈辦並令軍機大臣於題奏時將地方之是否實係邊遠繁要該員是否與例符合覆加查覈夾片聲明今閱所保之人多係與例不符而地方亦非盡屬繁要似此濫行陳請督撫等皆得用其私人易啟夤緣倖進之漸殊非慎重官方之道至合例人員原可具本題請迺督撫等近亦俱專摺陳奏數行湊數以見其急公辦事亦屬無謂嗣後州縣缺出如合例人員俱著照例具題缺分

關係緊要其不可待者仍准具摺速奏由該部按例辦理軍機大臣覆行查覈於本內夾片聲明實係要缺原可特降諭旨俯允所請如係濫行保奏經部議駁亦祇得照議准行但和坤即係軍機大臣管理吏部事務如或部中有意從苛軍機大臣亦隨同迴護部議自難逃朕之洞鑒若督撫等違例專摺濫保其缺分之是否緊要保奏之是否公當伊等皆係本籍必有見聞易於知悉一經糾參得實朕惟該督撫是問如此辦理庶督撫等知所顧忌不敢藉詞濫請而部臣及軍機大臣按例稽覈亦不能有所迴護此朕於公而益求其公於詳而益求其詳之意於銓政官方益昭慎重耳州縣職分較小非大吏可比但人才難得固不可濫列薦剡亦不可稍有抑塞此朕用人不得已之苦心內外大臣皆當仰體朕懷秉公矢慎以副澄敘權衡至意○

旌表守正被戕直隸深澤縣民唐甲養媳譚氏○庚子

上自圓明園啟鑾巡幸天津○禮部議覆湖廣總督畢沅等疏稱湖北荊門直隸州及所轄當陽遠安二縣應試生童向附安陸府考試茲該州縣紳士等以附考不便呈請捐貲照各省直隸州之例添建考棚應如所請從之○工部議覆盛京將軍宗室琳寧疏稱恭查福陵迤西三里原設馬官石橋上年河水秋漲

全行衝陷此橋係恭送祭品等物經由之處請動項修理應如所題從之○是日駐蹕黃新莊行宮○辛丑駐蹕涿州行宮○壬寅諭曰哲森保為人勇往且因受傷身故其子亦因傷殘廢已賞食俸祿遣回原處朕心深為憫惻著交該將軍俟其孫長成時送部引見候朕格外施恩即該將軍或有更調將此入於交代以示朕軫恤効力臣僕之意○又諭據雅德奏稱回部郡王職銜貝勒額爾德錫

爾屬下護衛官員分例請暫行留給等語。郡王職銜貝勒雖應給貝勒分例護衛官員。但額爾德錫爾之祖父皆甚為効力奮勉。今將護衛官員照例裁汰。朕甚不忍著加恩將額爾德錫爾屬下護衛官員數目仍前留給。以示朕軫念効力回部臣僕之意。○諭軍機大臣等。前據永保奏各回城之王貝勒貝子公等屬下護衛官員額數一摺。雖由部引例咨行。但回人等究係新降之人。非內地扎薩克等可比。此項護衛官員又無餉俸。即多有幾員亦無甚關係。著傳諭永保所有回城王貝勒貝子公等護衛官員。或照例揀選。或多添一二員。均無不可。無庸據例詳究。○是日駐蹕紫泉行宮。翼日如之。

大清高宗法天隆運至誠先覺體元立極敷文奮武孝慈神聖純皇帝實錄卷之一千四百四十八

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百四十九

監修總裁官經筵講官太子太傅文淵閣大學士文淵閣領事領侍衛內大臣稽察欽奉 上諭事務處管理

吏部理藩院事務正黃旗滿洲副都統世襲騎都尉軍功加七級隨帶加一級年滿加二級軍功紀錄一次臣慶桂

總裁官經筵講官太子太傅文華殿大學士文淵閣領事稽察欽奉 上諭事務處管理刑部戶部工部書務

世襲騎都尉軍功加十九級隨帶加二級又加二級臣等謹將內大臣戶部尚書張廷玉滿洲副都統軍功紀錄一次

尋常紀錄十四次臣等謹將經筵講官太子少保工部尚書紀昀六次臣等謹將等奉

致修

乾隆五十九年甲寅三月癸卯豁免移駐西

安滿兵借支餉銀如例○甲辰諭由京隨帶  
水手網戶及地方備用拉薑河兵著每人賞  
給一月錢糧鹽政所備水手著每人賞給五  
錢重銀銀一個○諭軍機大臣曰哈當阿奏  
續獲會匪林翰奇審明正法一摺前因伍拉  
納浦霖等將內地拏獲販私拒捕及奪犯毆  
差為從各行從重定擬立決殊失情法之平  
是以降旨通飭各督撫於尋常案犯宜按律  
定擬以昭平允至臺灣民情獷悍不可不嚴

加懲創如遇械鬪聚眾等重案及重興逆匪

天地會似林翰奇者拏獲後自應從重迅速

辦理不可因有前旨稍從拘泥外省地方官

辦理事件非失之太過即失之不及臺灣遠

隔重洋究非內地可比若以前旨有不得率

請從重之語又復矯枉過正將情罪重大之

案一概從寬更非朕整飭海疆辟以止辟之

意將此諭令哈當阿等知之○是日駐蹕趙

北口行宮○乙巳諭朕此次巡幸天津經由

水程所有隨從官員等需用船隻節經大加

裁減且為期亦不過數日但水手等不無稍

需守候著加恩於水手日給常價銀五分外

每名酌增給銀三分以示體恤○諭軍機大

臣等天津巡漕御史祝雲棟奏據鎮江前幫

運弁報稱經過臨清夏津武城等處所在阻

淺又稱鎮江後幫運弁報稱該幫行抵甲馬

營水祇一尺六寸空船尚喫水二尺即起剥

淨盡尚難進行等語臨清以北河道必須水

勢深通糧艘方能銜尾前進前據李奉翰等屢次具奏東省河水充盈足資浮送何以並未將水勢淺阻情形奏及今南糧頭進幫船鎮江前幫脫空已有九日而鎮江後幫竟在甲馬營阻淺可見李奉翰等前奏竟屬虛飾河水既如此短少不惟重運難行即回空亦恐多阻滯李奉翰身為河道總督並不豫籌疏濬親自督辦轉前赴河南查工置東省河道於不問尤屬非是現屆糧運緊要之時著傳諭李奉翰即刻親赴甲馬營一帶及臨清夏津武城等處查看挑挖或設法引別河之水務俾一律深通糧艘通行無誤至福寧前已准令來天津行在陛見現在東省河道既有淺阻關係緊要著傳諭福寧不必前來陛見於何處接奉此旨即速轉回該處會同李奉翰速籌辦妥毋任遲誤干咎○是日駐蹕泰堡莊行宮○丙午諭軍機大臣等昨據祝雲棟奏臨清武城等處所在阻淺又甲馬營

水祇一尺六寸空船尚喫水二尺即起剥淨盡尚難通行已有旨傳諭李奉翰福寧速赴該處會同妥辦矣臨清甲馬營俱係東省地方祝雲棟遠在天津一接運弁等稟報即行奏聞斐靈額近在南省何以轉未將短水之處奏及且該巡漕前已奏明親往臨清沿途督趲是該處短水情形尤所目擊乃竟不據實奏聞殊屬非是斐靈額著傳旨申飭或此時該巡漕因南糧後進各幫陸續入境前往濟寧迤南一帶迎催著斐靈額於何處接奉此旨即於何處速到臨清甲馬營等處與李奉翰等悉心籌辦現在天津無事祝雲棟亦著前往東省水淺地方會同辦理務使河道一律深通糧艘通行無誤方為妥善將此由五百里各諭令知之○補行乾隆五十八年大計廣東省不謹官一員罷軟官三員年老官七員有疾官三員才力不及官二員浮躁官一員廣西省罷軟官二員年老官六員有

疾官一員才力不及官三員分別處分如例  
○是日駐蹕左格莊行宮（丁未）諭朕此次  
巡幸天津業經降旨將沿途經過地方蠲免  
本年地丁錢糧十分之三節年積欠銀兩蠲  
免十分之四本日御舟經過琴高祠石口村  
該處村民扶老攜幼夾道歡迎尤為踴躍可  
嘉著加恩將該村莊本年應徵錢糧普行蠲  
免以示朕行慶施恩有加無已至意○是日  
駐蹕琴高祠備用房○戊申諭據保寧奏稱

伊犁索倫部落領隊大臣巴哩木達現已病  
重請另遣員更換等語巴哩木達既已患病  
即令來京和舜額著授為伊犁索倫部落領  
隊大臣○又諭據惠齡奏宜昌鎮總兵馬定  
鼎現患風痰病症難望痊愈請旨開缺等語  
馬定鼎著准其開缺回籍調理所有湖北宜  
昌鎮總兵員缺著張廷彥補授○諭軍機大  
臣曰孫士毅等奏據鎮道等稟阿足地方所  
失我眉縣印信訪係招拉哇所搶該軍功勞

文廣帶同番子前往該番寨搜獲印信等物  
尚未將賊犯拏獲現在該鎮道計已行抵該  
處和琳又派戴綱前往會拏不難剋期就獲  
等語口外地方夾壩出沒無常雖不能盡絕  
根株若果隨時查緝嚴辦示懲番民等自當  
咸知儆畏此案失去印信業經搜得且知係  
招拉賊番所搶該鎮道既親赴該處又有和  
琳派出戴綱協同緝捕並曉諭該寨番人自  
行拏送即不能悉數就擒亦可將搶奪正犯

迅速嚴拏一面辦理一面奏聞使番民知所  
懲創庶口外地方夾壩斂戢不敢肆行劫掠  
方為妥善將此諭令知之○是日駐蹕臺頭  
行宮○己酉諭朕此次臨莅津淀原為當令  
時巡省方問俗並非為遊玩適情屢經降旨  
諭令該督等毋許於沿途備辦排當點綴等  
件以致無益妄費乃本日駐劄揚芬港地方  
該督尚備有龍舟及戲劇雜伎踵事增華徒  
滋糜費殊非仰體朕問民疾苦黜華崇實之

意。本當將該督等治以應得之罪。但念伊等職司地方。因朕翠華臨幸。藉以抒忱効悃。亦屬出於愛戴之心。姑從寬免其究處。已將龍舟等件概行屏除外。至此項費用。雖據該督等奏係捐廉辦理。第恐地方官吏有藉詞累及閭閻情事。著於長蘆應解內務府款項內賞給銀三萬。以為揚芬港豫備龍舟及各項點綴之用。該督等宜益知感愧。毋任屬員等絲毫派累。以副朕屏絕浮華。省方施惠至意。

○是日駐蹕揚芬港行宮。○庚戌諭軍機大臣等。本日蔣兆奎來至行在。朕見據奏該省歸化城地方有荒城地畝。戶部議以所報恐有不實。請飭交該撫前往履勘。因來行在。朕見回任後又屆辦理秋審。未及往勘。請令藩司前往代勘等語。此項地畝共有五百餘頃。豈有全行荒域之理。部駁甚是。該撫若早行奏聞。則朕見有何緊要。原可令其不必前來。即往口外查勘。乃該撫在山西時並未專摺。

具奏直至來抵行在始行奏聞。此時若再令由行在往口外已屬遲緩。且四月分即屆辦理秋審。該撫亦不能分身前往。善泰人尚明白。現在護理撫篆。此事即專交善泰辦理。著傳諭該司接奉此旨。即迅速前往口外詳悉履勘。將該處地畝是否實係荒城抑或所報有不實之處。即遵照部駁逐一查明據實覆奏。毋任弊混。○是日駐蹕王家場水營。○辛亥諭昨日御舟經過楊柳青夾河地方。該處

居民踴躍歡迎。情殷愛戴。殊屬可嘉。所有該村莊本年應徵錢糧亦著加恩普行蠲免。以示朕孚惠恩施有加無已至意。○又諭朕當今春巡經過畿南一帶。龐眉皓首夾道歡迎。足徵盛世耆年之瑞。所有沿途及天津老民夫婦俱著加恩賞資。用普春祺。○又諭此次辦差文武官員任內所有降級罰俸住俸之案俱著開復。其無此等案件者各加一級。○諭又諭此次辦差兵丁著賞給一月錢糧。○諭



軍機大臣曰。斐靈額覆奏臨清甲馬營一帶河道淺阻一摺。內稱衛河近因來源所有古淺處所。間需起剝前進。行走不能甚速等語。臨清一帶河道所在淺阻。漕船節次脫幫。已非一日。祝雲棟遠在天津。於十八日已據奏到。斐靈額近在該處。何以遲至十九日始行拜摺。所奏之摺。又止差人齎送。至今未到。直至降旨垂詢。猶以業經具奏為詞。殊屬飾詞巧辯。至摺內稱將金線閘啓板一二塊。俾湖水由閘河下注。接濟衛河一節。所想尚是。但臨清一帶漕船正需起剝。而斐靈額轉赴蜀山湖口測量水誌。臨清起剝挖淺等事。又交與何人在彼照料。聲叙亦不明晰。斐靈額著再傳旨申飭。昨已有旨。令李奉翰祝雲棟蘇寧阿速赴水淺處所籌辦。計該督撫等此時已先後到彼。何必多人聚集一處。轉致顧此失彼。所有祝雲棟前奏水淺處所著李奉翰祝雲棟蘇寧阿在彼籌辦。其斐靈額奏水淺

處所著福寧前往會同斐靈額在彼設法辦理。以專責成。福寧係本省巡撫。庶幾呼應較靈。該督撫等務宜分投照料。使河道一律疏通。漕船銜尾前進。毋得再滋貽誤。致干咎戾。將此傳諭。斐靈額並諭李奉翰等知之。仍各將此挑挖情形及漕船是否不至仍前脫幫之處迅速覆奏。○又諭曰。勒保奏李獲搶劫蒙古牲畜案內番賊什噶洛都拉二犯。審明正法一摺。閱摺內稱河州回民蘇有伏等七人赴番地貿易。於五十八年六月行至循化廳塌山地方。遇番賊十餘人。施放鳥鎗。中傷蘇有伏身死。又打傷馬伏良馬良才。刦得驢馬銀物而逸。今李獲什噶洛都拉二名。審明即係此案賊犯等語。循化廳管轄番回。與尋常內地不同。且事關番賊搶刦傷斃事主。該督接據該廳稟報。自應一面奏明。一面飭緝。乃蘇有伏等於上年六月內在塌山地方被刦。該督直至此時獲犯後始行具奏。殊屬遲

緩勒保著傳旨申飭至此案番賊共十餘人現止獲犯二名所有未獲各犯該督務宜通飭所屬上緊嚴緝務獲毋得日久生懈致要犯遠颺漏網將此諭令知之○是日駐蹕柳墅行宮至乙卯皆如之○壬子諭據慶霖奏請動撥前駐青州蒙古回人等絕嗣繳還立產銀兩滋生利息以為養贍青州德州孤寡之資等語養贍青州德州孤寡原無應給之項無依人等生計維艱殊堪憫惻著加恩照慶霖所奏令該撫將絕嗣人等回繳立產銀兩照數動撥交地方官生息養贍孤寡以示朕軫卹旂僕之意○諭軍機大臣曰朱珪奏孥獲搶劫婦女夥盜王體即審明正法一摺此案李添魁等首夥各犯共計十三名經河南安徽二省陸續查拏雖已全行正法但潁州府地方毗連豫省民情强悍常有搶奪案件甚至糾約夥黨強搶婦女擾害地方著傳諭穆和蘭朱珪督飭地方官隨時留心遇有

似此搶掠之案即行嚴緝務獲迅速審辦以示懲儆不可以李添魁一案業已全行拏獲緝捕遂致日久生懈○又諭曰斐靈頓奏籌辦催趲糧船情形一摺內稱現在催出臨清口各船連前共十六幫開河水勢尚敷浮送又稱衛河古淺處所先令按段撈深近因來源微弱間需起剝經河臣委員於衛河上源設法疏導以資暢注等語衛河古淺處所既經按段挑撈又於上源設法疏導何以祝雲棟又有節節淺阻至脫幫之奏是斐靈頓所奏仍未明晰至所稱開內行走各船有可以併塘打放者如遇兩三幫跟接即併作一塘打放騰空塘面俾後幫蟬聯前進一即所想雖好但衛河船隻既因起剝行走阻滯而後幫之船復併塘打放開河恐致擁擠亦不可不慎昨已有旨令李奉翰福寧等分投照料著再傳諭該督撫等即遵照諭旨悉行勘籌將衛河水勢究在何處淺阻現在曾否挑濬

深通以利重運。並開河以內。後幫船隻。是否可併塘打放。不至擁擠之處。各行查明。據實覆奏。勿再牽混。○癸丑。諭曰。豐紳濟倫。差使懶惰。不勝護軍統領之任。所遺護軍統領員缺。著德楞泰補授。○諭軍機大臣曰。蘇寧阿奏。馳赴山東。查看甲馬營一帶水勢。並現在築壩蓄水。添雇撥船挑挖淤淺。俾喫水過重之幫船。安速北上一摺。所辦尚好。又據祝雲棟奏。鎮江後幫。現已趲進一摺。脫幫之船。既

已陸續前進。而河水又復增長。覽奏畧慰。惟所稱翠華巡幸。未敢曠離職守。跪迎道左等語。已於摺內用硃筆點出。祝雲棟甫經請訓出京。伊係派令巡視漕務御史。並非地方官。可化。即使河道無阻。尚當往來催趲。不應專在天津迎接。況臨清甲馬營一帶。既有水淺脫幫之事。該御史一接稟報。尤當星赴幫同照料。何得尚以接駕為詞。於摺內繁瑣聲敘。此皆書生拘泥之見。不達事務。實屬非是。祝

雲棟著傳旨申飭。此事節經降旨。諭令李奉翰。福寧等分投籌辦。著傳諭該督撫及巡漕御史等。即遵照諭旨。妥為辦理。以期速漕利運。勿使再有耽延。致干咎戾。○又諭曰。福寧

奏查看衛河水深尺寸。糧船行走情形一摺。閱該撫所奏。現在臨清以北。如甲馬營古淺處。所水深二尺八寸至三尺不等。是河水尚不至短缺。而官撥船之外。又有添雇民船。亦屬足敷應用。福寧因甘霖未霈。風乾物燥。恐河水長落。靡常。仍籌計撈淺束壩。以便重運。進行無阻。所辦尚是。至所稱此時先儘人力籌辦。汶河之水。稍遲啟放。以待江廣重運。俾多蓄一分。將來受一分之益等語。所想更是。江廣糧艘。船身本重。目下水勢既已疏通。鎮江幫船。又陸續開行。若復將汶水啟放。將來江廣重運抵境。轉無以藉資浮送。自當暫為儲蓄。以備接濟。看來此事。竟係祝雲棟處及漕船入直隸境後。或有淺阻遲延。故為此

奏豫占地步。又見斐靈額近在山東尚未奏開。該御史具摺在前。為先發制人之計。並可以借此見長。大約不出乎此。但朕辦理庶務。從無成見。李奉翰已據奏報起程。計目下早馳抵該處。著傳諭該督等。即將祝雲棟前奏是否如朕所指各情節之處。就近查明。秉公具奏。毋稍迴護。遷就。尋春查山東直隸。雖分兩省。而長河一律。其深淺情形。不相上下。每年春夏之交。衛河水勢微弱。撈淺起剥。事所常有。該御史祝雲棟所奏。既稱誠恐。幫弁藉詞支飾。是本未曾深信。而又不即為查實。遽行入告。似此豫占地步。先發制人。以見已長之處。實不能稍為迴護。遷就得肯覽。汝等亦宜認真妥辦。○又諭京城旬餘以來。未據奏報得雨。朕蹕路所經。惟十七日晚間。在趙北口得雨二寸。十八日復在泰堡莊得雨寸許。前後共計三寸。而每日俱有大風。土脈尚不能滋潤天津地方。雖亦於十七八兩日陸續

得雨一二寸。連日以來風勢較大。仍形乾燥。看來京城及近畿一帶。俱未免情殷望澤。四月初旬。即屆雩祭。著傳諭八阿哥阿桂。如雩祭以前得雨。則已。如逾時尚未得雨。即於覺生寺、黑龍潭兩處設壇。令僧道分投。奉經虔誠祈禱。仍著皇子皇孫等輪往拈香。以期甘露速霽。所有應辦設壇等事。交金簡伊齡阿照例辦理。○甲寅。諭此次巡幸天津直隸。及各省士子迎鑾獻賦。因令分別考試。所有考取一等之浙江舉人姚文田。著賞給內閣中書。與考取候補人員挨次補用。其考取二等之江蘇生員汪廷楷。浙江舉人周嘉猷。江蘇生員袁廷極。順天生員黃焜望。順天舉人俞恒煥。俱著各賞緞二匹。其八十三歲完卷之山西生員范大齡。亦著賞緞一匹。銀牌二面。至不完卷並鈔襲詩句之湖北貢生吳煥章。著即斥革。以示壽考作人。懲勸儒林至意。○諭軍機大臣等。據特克慎奏防範郭羅克番

子等駐守卡座官兵應行更換等語。黃河兩岸設立卡座防範郭羅克及番子等更換兵丁時雖應照例交該扎薩克等辦理。然察覈馬匹軍器等事亦不可獨特蒙古著傳諭特克慎嗣後每年更換兵丁時或春或秋親往查勘一次又稱撤回添設防範郭密等處番人卡座兵丁所奏亦不明晰。此項卡座於冰凍後添設兵丁原專為防範郭密番人等偷渡竊掠。但冰融後或亦不免有偷渡盜竊等

事須不時巡查著傳諭特克慎此項兵丁即冰融後亦無庸撤回。○刑部奏高文名高文才共毆兄致死應按律擬斬立決得旨此案高文名高文才因兄高文聰借錢未允尋釁毆打高文才一時情急奪取木棍毆傷高文聰左膝等處並不致命而高文名幫助回毆傷及偏左額顱以致殞命高文名依擬即行處斬高文才情節究與高文名有間且朕不忍因一兄而致立決二弟高文才著改應斬

監候秋後處決入於本年秋審情實。○乙卯諭軍機大臣等前將巴哩木達之索倫部落領隊大臣員缺補放和舜額和舜額係和起之子。和隆武之弟恐不知索倫部落情性著傳諭保寧和舜額到伊犁時若與索倫部落相宜即令伊管理索倫部落如不相宜保寧酌量由彼處領隊大臣內更調一員和舜額著令在保寧附近處管理領隊大臣事務。○丙辰諭軍機大臣曰李奉翰等奏鎮江各幫

船已跟接前進。但河路較長水勢長消靡定李奉翰擬在臨清境內衛河古淺處所往來籌辦。福寧擬在武城甲馬營一帶料理。斐靈額在閘河以內上下照料。祝雲棟在鄭家口一帶蘇寧阿在安陵一帶分投辦理等語覽奏畧慰運河道綿長必須分投照料該督撫御史等按段駐劄節節有人經理所辦尚好但當實力妥辦以期漕艘銜尾進行不可僅託諸空言臨期仍致貽誤現在重運陸續

北上。甘霖未降。河水恐有消落。李奉翰等務宜隨時熟籌。總俟河水充裕。糧船過竣。後方可各回本任。福寧亦即回省。不必因前經允准。陛見。又復拘泥。奏請來京。倘該督撫等並不認真籌畫。惟以一奏了事。再致漕船脫幫。將來查明何處淺阻。惟該處駐劄督辦之員。是問。將此傳諭李奉翰。福寧。並諭斐靈額等知之。○旌表守正捐軀河南汝陽縣民楊存立妻姜氏。○是月。浙江巡撫覺羅吉慶奏。浙江沿海沙地。坍塌靡常。奸民爭訟不已。現查有陸凱等二十四案。計地十三萬三千畝。零或單陞多畝。或藉詞妄占。均屬不安本分之徒。且若輩每歲勒租。佃戶多致受累。此項地畝。應照例入官。仍給原佃種作。按則納課。民地歸縣徵收。寬地歸場徵解。冊報充公。嗣後有續漲新沙。即照此次章程辦理。倘有仍前爭控單陞霸占滋事者。即照強占官民山場律。杖一百。流三千里。以昭炯戒。得旨嚴明妥

實勉為之。○陝甘總督勒保奏。據蘭州。鞏昌。平涼。慶陽。甘肅。涼州。寧夏。西寧等府屬。暨秦州。階州。涇州等直隸州所屬稟報。於三月初三。四。五等日。各得雨自四五寸至深透不等。嗣又據各屬具報。於初十。十一。十二等日。復連得透雨。現在豆麥長發。民情寧謐。得旨欣慰覽之。

大清高宗法天隆運至誠先覺體元立極敷文奮武孝慈神聖純皇帝實錄卷之一千四百四十九

大清高宗法天隆運至誠先覺體元立極敷文奮武孝慈神聖純皇帝實錄卷之一千四百五十

監修總纂官經筵講官太子太傅文淵閣大學士文淵閣領事領侍衛內大臣稽察欽奉 上諭軍機處管理

吏部理藩院事務正黃旗滿洲都統世襲騎都尉榮力加七級隨帶加一級尋常加二級軍功紀錄一次查慶桂

繼任官經筵講官太子太傅文華殿大學士文淵閣領事稽察欽奉 上諭軍機處管理刑部戶部三庫事務

世襲騎都尉功加十九級隨帶加二級又加二級尋常加二級內大臣戶部尚書鑲黃旗滿洲都統軍功紀錄五次

尋常紀錄十四次臣應城經筵講官太子少保工部尚書紀錄六次臣曹振鏞等奉

較修

乾隆五十九年甲寅夏四月丁巳朔享

太廟遣豫親王裕豐恭代行禮 諭長蘆山東鹽務商本素非饒裕節經加恩調劑以紓商力今翠華臨蒞天津蘆東各商俱情殷瞻就踴躍歡忭具見悃忱自宜特沛恩膏以敷愷澤所有長蘆山東未完六限三限緩徵及帶徵五限川餉並本年應完正餘引票課銀三百八十八萬餘兩著再加恩於各原限屆滿奏銷後起限統行接展三年分年帶徵俾商力益臻饒裕以示朕行慶施惠有加無已至

意該部即遵諭行 諭軍機大臣曰劉秉恬奏糧船到通五日一奏將比較上年遲早之處夾單聲明惟查南糧各幫先後次序年年更換若以幫名比較遲早未足以昭平允嗣後請以本年之第幾幫與上年之第幾幫比較遲早較為切當等語各省糧船到通每年排列原無一定若必按本年某幫到通日期與上年之某幫到通比較遲早設如上年出運之淮安二幫本年並未出運又將憑何比較如此辦法豈不太拘泥乎著傳諭倉場侍郎此後具奏竟應按到通幫之次序比較遲早上年到通幫之次序按次而稽自可一目了然自不必拘泥向例或致前後牽混也是日駐蹕桐柏村行宮○戊午諭軍機大臣曰哈當阿等奏審明因姦謀死本夫之鄭月娘張榮恭請王命分別凌遲斬決一摺所辦殊屬錯誤前因臺灣民情强悍又值林爽文滋事之後地方亟須整飭是以令將續獲會

匪林爽文餘黨及搶劫械鬪案情重大各要犯從嚴速辦以示懲創而靖海疆今鄭月娘張榮二犯雖屬法無可貸但因姦謀死本夫之案何省無之若此等尋常案件亦一律恭請王命尚有何案應行按例請旨定奪耶外省辦事非失之不及即失之太過哈當阿等辦理此案殊屬矯枉過正著傳諭該提督等嗣後務宜斟酌案情輕重分別辦理毋得概請王命致失情法之平○旌表守正捐軀河南裕州民魏狗妻楊氏淇縣民馮瑀妻李氏是日駐蹕南苑南衙門行宮已未

上詣

永慕寺行禮是日駐蹕舊衙門行宮庚申軍機大臣等議覆兩廣總督覺羅長麟等奏稱碭州營孤峙海中為全粵海洋要隘額設巡船六隻存營兵丁字識僅四十五名汛廣兵單請添設兵三百名把總一員外委二員應需俸餉等項請將水師各營開曠馬三百

十四匹裁汰並裁馬兵改給步糧即以每年節省餉料及倒斃馬價撥給應如所請從之是日駐蹕團河行宮翼日如之辛酉諭軍機大臣曰梁肯堂奏初三日行抵新城途次遇有密雨計入土一寸並據涿州良鄉房山景州各稟報於初二三日得雨一二寸不等一摺京畿及南苑於初三日得雨三寸有餘本日據慶成奏懷柔密雲昌平順義各州縣亦於初三日得雨三四五寸不等是迤北之雨旬餘以內已足以資溼潤而迤南之澤僅有一二寸尚欠優霑不免仍殷盼望昨日午後濃陰密布雲氣寬廣此間飄灑數點不成分寸未稔畿南各州縣曾否續霑甘膏深為懸厪再前據福寧秦泰安兗州沂州曹州各府及濟寧州所屬於三月二十二日得雨優渥惟武定東昌德州臨清一帶尚在望澤等語該撫此摺係三月二十五日拜發距今已及一旬未知武定等處曾否於初三日一



律需被著傳諭梁肯堂福寧即速查明據實具奏如缺兩各州縣日內尚未得有對兩務宜率屬設壇虔誠祈禱以冀甘霖速霽○以鑲黃旗蒙古副都統珠爾杭阿為伊犁領隊大臣旌表守正捐軀直隸安平縣民崔金榜妻張氏○壬戌常雩祀

天於

園丘遣儀郡王永璇恭代行禮○諭軍機大臣曰管幹珍奏謝頒賜通志堂經解一摺內稱

是書係徐乾學哀輯令成德刊刻邀譽現補刊頒發於闡揚經義之中即寓甄別黨私之義等語通志堂經解一書彙集諸儒經訓洵足嘉惠士林然當時哀輯此書必非出於成德之手自係徐乾學逢迎交結代為纂輯令成德出名邀譽是以刊訂時朕即於簡端剖示此意頒賜各省藏書各督撫等具摺謝恩多用駢體鋪敘泛語而於朕闡揚經義甄別黨私之意並未敘及即朱珪素稱能文謝恩

摺內亦並無此意今管幹珍獨能見及於此言簡意賅所見尚是將此諭令各督撫知之○以故貴州鎮遠府屬六品土官楊憲子鳳翔襲職旌表守正捐軀廣西宣化縣民李元和妻張氏○是日駐蹕新衙門行宮○癸亥

上還圓明園○諭軍機大臣曰斐靈額奏三進首幫跪入東境日期一摺據稱三進頭幫於三月二十九日跪入山東黃林莊境後跟之

紹興等幫亦於四月初一日入東等語及閱摺尾稱上年三進首幫係於三月二十三日跪入東境是此次南糧三進幫船比較上年入東日期計遲五六日乃斐靈額摺內並未將遲到幾日之處比較聲敘必待朕於披覽時前後覈算耶所奏殊屬含混再東省前據福寧奏泰安兗州等屬於三月二十二日得雨而德州臨清一帶尚在望澤斐靈額此摺係四月初五日所發距福寧奏報之期又閱

十餘日該處是否得有雨澤。雙靈額自當附摺陳奏。何竟無一字提及耶。將此諭令知之。予福建渡臺遭風淹斃澎湖水師協標左營兵陳國忠卹賞如例。甲子諭刑部題覆雲南省李氏戕傷李文有身死一本。閱其情節。李文有與大功堂弟李文玉。彼此口角。將鋤頭砍傷李文玉左太陽等處。昏暈倒地。李文玉之妻李氏看見伊夫暈死。一時悲忿。順用剪刀戕傷李文有胸膛等處。傷重殞命。是李氏之戕斃李文有。實由於救夫情切。而向來辦理此等案件。仍依律擬以斬候。揆諸情理。殊未允協。夫明刑所以弼教。而教莫大於綱常。妻之於夫。何異子之於父母。身為人妻。目擊其夫被毆危急。而坐視不救。所謂綱常者安在。乃律例所載。止有救父母情切聲明。請旨減等之條。而救夫情切者。未經著有成例。未免疎漏。李氏著即照救父母情切之例。酌予減等。並著刑部將此等案件。一切分別

議減。載入例冊。以示朕詳慎庶獄扶持名教至意。尋議奏舊例止有祖父母父母被毆救護之條。而救夫情切者。例無明文。請嗣後如有夫被毆危急。其妻情切救護。毆死人者。疏內分別減等援例請旨。其或夫與人口角。至令其妻毆入致斃。或夫先與人尋衅。其妻踵至共毆斃命。仍照各本律科罪。不得援例概予減等。從之。乙丑諭軍機大臣曰。梁肯堂覆奏各屬得雨情形一摺。內稱保定宣化河間天津正定等府屬。俱於四月初二三四五等日得雨一二寸至三四寸不等等語。及閱所奏單內。初五日之雨。止新城一處得雨一寸。其餘各處俱係於初三四日得雨。而保定之清苑縣等屬。亦未據開報得雨。豈初五日之雨該處竟未霑被耶。京師於初三初五等日兩次得雨。後本日復得雨二寸。現在雨勢未已。且雲氣廣遠。迤南一帶。可冀同時霑沛。著傳諭梁肯堂即將保定省城於初五日曾

否得雨及初九日之雨省城及各屬是否同  
需之處即行查明覆奏。丙寅諭戶部議覆  
鳳陽關一年期滿徵收稅課比較贏餘短少  
銀五萬三千八百八十餘兩著落管關之員  
照數賠補一摺固屬照例辦理第念五十七  
年豫省河北歉收河南糧食運赴河北不由  
該關經過安徽省鳳陽潁州泗州等處秋收  
亦未能十分豐稔且淮河冬令水淺剝費較  
重商船到關稀少尚屬實在情形所有此次  
鳳陽關短少贏餘銀五萬三千八百八十兩  
零著刁玉成賠補二萬兩其餘俱著加恩寬  
免○丁卯。

上幸靜宜園駐蹕至辛未皆如之○戊辰諭據  
琳寧等奏看守門監牢頭筠德步甲存柱等  
將暫行監守犯婦丁香兒輪姦一案請交盛  
京刑部審辦等語門監牢頭步甲於所交監  
守人犯自應用心看守不得於法外肆行不  
法乃筠德等膽敢與犯婦姦宿皆由該將軍

副都統等未經嚴行管束所致琳寧等係管  
轄之人又與該刑部侍郎同城理應即行會  
審定擬具奏乃請旨交部審辦甚屬拘泥著  
嚴行申飭仍著該部將軍副都統及該協領  
佐領等分別嚴加議處○諭軍機大臣曰  
和琳等參奏疎防備弁分別辦理一摺已將  
守備高雲龍及署遊擊烏爾公阿分別革職  
交部嚴議矣衛藏地方甫經整頓之後察木  
多一帶夾壩時出搶劫業經屢加懲勸而現

在三暗巴番人尚有搶劫差員馱隻遺失印  
信之事可見該處夾壩尚未斂跡而川省地  
方亦甚緊要必須福康安與和琳二人在彼  
實力整飭督率籌辦方可綏靖地方○舒朕遠  
厓福康安前日陛辭時曾有於明歲來京覲  
見之請今看此情形不但福康安到任後正  
當將該省應辦事宜次第經理明歲不應來  
京即和琳雖在藏已二年有餘亦未可遽離  
該處總須再過一二年後將川省及衛藏地

方大小事務辦理悉臻妥善。使邊境肅清。番民畏服。方可另易生手。即朕於丙辰年歸政。所有應行典禮。裏事有人。亦無必須伊二人來京襄辦之事。福康安與和琳。惟當仰體朕意。以地方為重。不必因此急思回京也。再本年春間雨澤短少。現在京城四月初旬。三次得雨。前後約計六寸有餘。尚足以資接濟。其京南一帶。雖據梁肯堂節次奏到。涿州良鄉及保定。正定等處。於初四五六等日。連得雨澤一二寸不等。本日又據奏。保定省城得雨二寸。良鄉縣亦得雨二寸。但究未霑沛。且恐地方官所報雨澤情形。不無粉飾。福康安於初十日起程。良鄉涿州及保定省城。均所經由之路。計此旨到日。福康安已可行抵正定。各該處得雨之後。地方是否潤澤。不致乾燥。麥苗是否足資長發。民情是否寧貼。地方官所報有無諱飾之處。福康安皆所目擊。著即據實覆奏。將此諭令知之。已已。諭。據永保

等奏。查出邊卡侍衛上行走之護軍校察起圖等事。同安集延貿易人等舞弊一案。卡上官員兵丁。理應稽察商人出入。乃膽敢貪賄。商同安集延貿易人等。少開包貨。希圖漏稅。殊屬藐法。若僅枷號發回烏魯木齊。不足蔽辜。護軍校察起圖。兵丁玉德等。著照所奏。即行斥革。枷號滿日。發遣伊犁。交該將軍大臣等。為奴通事楚魯克。發遣烟瘴地方。此案永保等。因安集延貿易人等言語支離。究出原委。甚屬可嘉。伊斯堪達爾。設法訪獲隱藏貨物。亦屬奮勉。永保。范建中。伊斯堪達爾。均先其察議。仍著賞給永保。伊斯堪達爾。大荷包各一對。小荷包各四個。伊什罕。伯克。呼圖魯克。都斯。並不袒護。訊出實情。著賞給二品頂戴。以示鼓勵。○庚午。諭軍機大臣曰。福寧奏東省雨澤情形一摺。朕詳加披閱。濟南青州府屬。僅於初二日得雨一寸。並未優霑。而東昌臨清所屬。及武城地方。止得雨一陣。更屬

不成分寸目下已交夏令望澤甚殷自應酌量情形及時接濟著傳諭福寧一面督率所屬虔誠祈禱仍一面留心察看如有應行接濟平糶緩徵之類即行據實具奏不可稍有諱飾本日又據江蘭奏濟南省城於初八初九等日得雨一二寸可冀甘霖疊沛二麥藉以薄收等語東省濟南東昌等處得雨並未深透現在福寧奏稱麥苗待澤甚殷恐致失望江蘭摺內轉有二麥藉以薄收之語與福

寧所奏不符可見該藩司於地方民瘼漫不關心為此粉飾之辭殊屬非是江蘭著傳旨申飭○辛未諭朕恭閱

實錄內載康熙年間河南南陽鎮總兵高成標下兵丁因查拏賭博至知府署內爭鬧將知府沈淵擡至教場凌辱之事各省營兵若該管官約束不嚴往往易於滋事現在法令嚴明自不致如此但恐日久玩生不可不防其漸各省督撫提鎮等務須督飭各營該管官

隨時查察嚴行管束俾弁兵共知儆惕以肅營伍而靖地方不可稍有因循致滋事端方為妥善又諭前因沉溺銅鉛撈獲甚少恐水摸等偷匿滋弊地方官不能實力查察是以飭令四川湖廣各督撫設法打撈以杜弊端茲據孫士毅奏撈獲銅鉛籌議章程一摺內稱庫套子險灘波浪奔騰水摸不能到底僅有一人直到水底盡力打撈獲銅一塊該水摸登岸當時口中流血昏暈半日始甦等

語所辦殊屬非是銅鉛船隻遇風覆溺自應勒限打撈儘數報獲倘係有名險灘人力難施斷無逼令水摸委身冒險輕試不測之理設竟在江淹斃是因撈銅之事致令戕生實屬不忍况現據孫士毅酌議極險江灘沉銅無獲祇准豁免一半餘亦著落運員與地方官分賠又何必勒令冒險輕試耶孫士毅辦理不合著傳旨申飭外省督撫於地方事件非失之不及即失之太過辦理總不能得當

嗣後該督撫遇有銅鉛沉溺。固應實力打撈。如實係險灘難施力者。自當酌量情形。不必過於勉強。以致水摸有涉。險輕生之事。除將孫士毅所奏籌議章程。交部覈議具奏外。將此通諭知之。○又諭。前因弘旰人尚明白。久任都統。是以改調滿洲旗分。茲聞其聲名平常。不能稱職。著調補正紅旗蒙古都統。俾令痛自俊改。以觀後效。倘仍蹈故轍。定行從重治罪。所遺鑲藍旗滿洲都統員缺。著慶桂

調補。

大清高宗法天隆運至誠先覺體元立極敷文奮武孝慈神聖純皇帝實錄卷之一千四百五十

大清高宗法天隆運至誠先覺體元立極敷文奮武孝慈神聖純皇帝實錄卷之一千四百五十一

監修總裁官經筵講官太子太傅文淵閣大學士文淵閣領侍衛內大臣稽察欽奉 上諭事務處總辦

吏部理藩院等處正黃旗滿洲副都統世襲騎都尉軍功加七級隨帶加一級奉天功臣紀略一次臣慶桂

總裁官經筵講官太子太傅文華殿大學士文淵閣領侍衛內大臣稽察欽奉 上諭事務處總辦刑部戶部工部等處

世襲騎都尉軍功加十九級隨帶加二級又加二級臣等謹將內大臣戶部尚書理藩院滿洲副都統軍功紀略一次

臣等謹將十四次臣等謹將經筵講官太子少保工部尚書紀略六次臣等謹將經筵講官

敬修

乾隆五十九年甲寅四月壬申

上還圓明園○諭曰弘暢向來聲名狼籍於辦理收馬事務全無章程經朕詢問復支吾巧

辯殊不稱職著革去領侍衛內大臣所遺員缺著保寧補授○以鑲白旗蒙古副都統奎

舒正紅旗蒙古副都統博斌對調○癸酉

孝端文皇后忌辰遣官祭

昭陵 諭據福寧奏保舉堪勝知府之武定府

同知嵇承羣曹州府同知陳文駿二員並聲

明嵇承羣係大學士嵇璜之子等語外省保

舉自應簡拔寒賤况前降諭旨令督撫等各

保舉一二員送部引見如該撫因一時乏人

即保舉一員有何不可且該省同知直隸州

知州不下十餘員其中豈無一二才具堪膺

方面之選者而必須將嵇璜之子嵇承羣登

諸薦刺殊屬非是大學士之子皆朕所素知

如果才堪任使原可量加擢用即如阿桂之

子阿迪斯現任侍郎和坤之弟和琳前因辦

理廓爾喀糧餉軍務認真出力洊擢尚書然

此皆朕特加簡擢並非因人保薦始行用至

卿貳也朕臨御五十九年因材器使一秉至

公大學士子弟從不准臣工等互相保薦致

啟黨援之漸今福寧輒將嵇承羣保奏雖於

摺尾聲明究不免瞻徇情面福寧著交部議

處嵇承羣不准送部引見○又諭原任教漢

貝子桑濟扎勒所得之爵係由台吉漸次晉

封現在身故理應削除惟伊効力多年朕甚

軫惜著加恩將伊子濟克濟扎布授為公品

級以示朕加惠蒙古舊僕至意。諭軍機大臣曰：福寧奏應城縣稟報省城於初九日得雨二寸，又章邱臨邑陵縣惠民商河等縣各報得雨一二寸等語。一二寸之雨並未深透，仍不足以資霑潤。現在曾否續降甘霖，著即查明速奏。又閱所奏三月分糧價單內，濟南武定二府米價均較上月加增二三分不等，麥子一項加增四分。雖青黃不接之時，糧價向不免昂貴，但增至一二分尚不為多。若增至四分，民食恐不無拮据。著傳諭福寧務須留心察看，所有麥價增至四分之各州縣，或有應酌量平糶者，即一面辦理，一面奏聞。不可因前有糧價不止增昂之奏，稍存迴護諱飾。又據穆和蘭奏，開封省城及許州襄城於四月初三四日得雨一寸等語。該省大河以南各州縣春膏疊被，尚為優渥。今又得此寸許之雨，自更足以資接濟。至河北之彰德懷慶各府屬，閱所開單內三月內皆止得雨二

寸而初三四之雨，又未據奏報。同霑即直隸保定、正定等處，雖據梁肯堂奏於初四五六等日連得雨澤，保定又於初九日得雨二寸。但去冬今春雨雪稀少，茲雖得雨一二寸，究欠霑足。看來京城迤北之雨尚為霑潤，而迤南各屬仍不免望澤孔殷。著傳諭梁肯堂、穆和蘭即將京南河北缺雨各州縣目下曾否優霑渥澤之處，迅速查明具奏。如有因雨澤短缺應行借糶者，亦即妥為辦理。據實具奏。毋得以上年秋收豐稔遂存大意，致小民稍有失所。又諭據吉慶奏浙江省會仁和錢塘二縣所轄城垣間段坍塌，應行及時修整等語。此項城工若祇交地方官辦理，恐於工程多未諳悉。且一任承辦官吏浮冒開銷，未可憑信。全德近在同城，伊係內務府司員出身，於一切工程素所熟練，所有仁和錢塘二縣應修城垣，著該鹽政會同該撫確估督辦，以期工料堅固實用實銷。毋任草率偷減，俾



可久資捍衛。全德現在來京。除面行諭知外。將此傳諭吉慶知之。又諭曰。吉慶奏報三。月分海塘沙水情形。一摺內稱。西塘范公塘。迤至西烏龍廟漲沙一道。現在五百餘丈。寬。自一二丈至八十餘丈等語。朕初閱之。以烏。龍廟係屬北岸。現有漲沙。自係南坍北漲。極。好機會。及閱所進圖說。方知竟係舊沙。覆。摺內稱。較上月奏報時。轉刷短一百餘丈。刷。窄十餘丈。是北岸塘工。不無喫重。該撫摺內。

烏龍廟漲沙。當稱烏龍廟舊沙。聲敘殊欠明。晰。著傳諭吉慶。如北岸護沙塌卸。漸有逼近。塘工情形。務宜隨時察看。先事綢繆。俾資障。衛。並嗣後奏報此等漲沙。俱當分晰新舊字。樣。以便一覽了然。毋得仍前含混。○甲戌。諭。前因直隸去冬今春雨雪稀少。節經降旨。令。該督查明。如有應行接濟之處。妥為辦理。茲。據梁肯堂覆奏。保定等府各屬。雖得雨數次。究未霑足。除濱臨河淀等處地畝。麥收尚屬。

可望其高阜處所。難望有收等語。著加恩。將。保定府屬之清苑。滿城。安肅。定興。新城。唐縣。博野。望都。容城。完縣。蠡縣。雄縣。祁州。永鹿。安。州。高陽。新安。順天府屬之涿州。房山。固安。永。清。東安。文安。大城。保定。霸州。通州。武清。薊州。香河。寧河。寶坻。昌平。順義。河間。府屬之河間。獻縣。阜城。肅寧。任邱。交河。寧津。景州。吳橋。故。城。東光。正定。府屬之正定。獲鹿。井陘。阜平。樂。城。行唐。唐靈。壽平。山。元氏。贊皇。晉州。無極。藁城。

新樂。順德府屬之邢臺。沙河。南和。平鄉。廣宗。唐山。鉅鹿。內邱。任縣。廣平府屬之永年。曲周。肥鄉。雞澤。廣平。邯鄲。成安。威縣。清河。磁州。大名。府屬之元城。大名。南樂。清豐。東明。開州。長。垣。易州並所屬之涞水。廣昌。定州並所屬之。曲陽。深澤。深州並所屬之武強。饒陽。安平。趙。州並所屬之栢鄉。隆平。高邑。臨城。寧晉。冀州。並所屬之南宮。新河。棗強。武邑。衡水等一百。七州縣。應徵本年節年倉穀錢糧。均著緩至。

本年秋成後再行徵收俾民力寬紓以副朕軫念閭閻有加無已至意該部即遵諭行。旌表守正捐軀湖北江陵縣民張克用妻文氏。乙亥諭昨據太原總兵德齡奏巡查營伍一摺均用漢文繕寫甚屬非是太原有滿州駐防非無滿兵省分可比尋常巡查事件繕用清文有何不能明曉之處况提鎮等得項較厚即延幕代書亦無不可德齡輒舞弄文墨有意沾染漢習著傳旨申飭並通諭直

省滿洲提鎮等嗣後如仍有以漢字摺具奏者定行治罪。又諭巴林貝子和碩額駙德勒克在御前行走有年頗為奮勉茲聞溢逝朕甚憫惻著派綿懃阿哥豐紳殷德前往奠醊並賜經被一襲仍賞銀五百兩料理喪事。應得卹典該衙門察例辦理以示軫卹。廣東提督寶璣年老休致調雲南提督路超吉為廣東提督以江南壽春鎮總兵王柄為雲南提督調雲南臨元鎮總兵定柱為壽春鎮

總兵以江西袁州營副將塔克慎為臨元鎮總兵。丙子諭曰弘暢弘昨經朕屢次宥過仍肆意妄為不顧宗室體面甚為可惡弘暢著罰郡王俸三年弘昨著罰廉俸十年以示懲戒。又諭曰弘暢不攝宗人府左宗正之職淳穎前往天津亦屬懶惰弘暢之缺即著淳穎調補所遺宗令員缺著永璇補授。吏部等部議覆湖南巡撫姜晟奏武陵縣貢生歐陽緯造詞譏世審擬治罪一案請將失察

之歷任上司現任山東巡撫福寧廣西巡撫陳用敷陝西巡撫秦承恩按察使姚學瑛均照例降二級調用無級可降應行革任得旨。此案歐陽緯所著詩文止於誕謔與悖逆者有間且歷年既久該管地方官及歷任上司若照部議概予實降亦未免人數太多朕心不忍福寧姚學瑛陳用敷秦承恩俱著免其革任。調鑲白旗滿洲都統弘暢為正藍旗蒙古都統正紅旗滿洲都統福長安為鑲白

旗滿洲都統鑲藍旗漢軍都統德明為正紅旗滿洲都統○丁丑

上詣黑龍潭祈雨○諭向來南糧餘米俱准在通州變賣以資食用今南漕現已抵通旗丁於交足正供之外所有多餘米石情願出售者仍著加恩准其就近於通州糶賣在旗丁等既所樂從而近畿地方於市價民食均有裨益該部即遵諭行○以鑲白旗滿洲副都統豐紳濟倫正紅旗滿洲副都統諾穆親對

調○旌表守正捐軀廣東番禺縣民胡觀奉妻陸氏○戊寅

上御勤政殿聽政○諭軍機大臣曰孫士毅覆奏川省改鑄情形一摺川省民間使用錢文薄小破爛甚至行之此站者彼站即不能使用必須另將銀兩易換方可行使而私鑄小錢種類難以悉數此即大弊深為商民之累斷不可不嚴行查禁設法妥辦節經孫士毅飭屬收繳並面加曉諭定立限期城鄉已將

小錢呈官繳換但據摺內稱詢之司道俱以川省行用小錢由來已久節經收繳未能淨盡等語此何言耶又據稱近邊寧遠一帶因崇山峻嶺陸路腳費太重間或尚用小錢等語此更不可川省小錢相沿既久以致日聚日多此時既經查禁自當收繳淨盡務絕根株若近邊一帶仍聽其行用小錢則根株未斷奸民市儈日久必故智復萌私錢私販及夾帶攬用等弊仍難斷絕又據稱川省奸民私將官錢鎔化改鑄小錢一可變兩係屬勢所必至鎔化官錢罪在不赦地方官果認真整頓亦何難查禁今川省小錢如此充斥自由地方官並未認真整頓各將誰諉耶又據稱前此初禁小錢民間頗不願從議者謂必有攔與哄鬧之事及出示之次日周歷曉諭鋪民皆伏地唯唯等語查禁小錢係為地方除弊自當令在必行何至攔與哄鬧為此議者孫士毅不當據實奏參著傳諭福康安

於到任後務須實力稽查。設法籌辦。督飭所屬通行禁止。俾民間絕用大錢。毋任再有小錢夾雜。以期積弊肅清。根株永斷。不致日久弊生。以副委任。○又諭據善德奏杭州乍浦倚靠兵丁度日之女子適人及養育兵娶妻前未支給恩賞銀兩。請著落協領佐領名下追出補給。又據成明奏此項依靠兵丁之兄弟女子等從前將軍穆爾泰奏請添給賞項。經軍機大臣議駁。且伊任西安協領時亦並未支給各等語。成明所奏甚屬明晰。有理善德前係寧夏協領。後任廣州將軍。若謂應行改正。何以不早陳請。今至杭州始行具奏。無論此項女子適人有年。不便再行補給。即欲憐恤伊等通融支給。當如昨吉慶所奏。於養贍孤獨空閑牧廠地租項內稍為增添。豈有將數年未給之項著落協領等賠補之理。此事善德是否有意沽名。固執已見之處。著吉慶據實奏聞。善德年已衰邁。不勝將軍之任。

著將印務交吉慶暫行署理。即速來京候旨。以太僕寺卿成德為通政使。祭酒那彥成為詹事。○己卯。諭曰。成德前在廓爾喀辦事。迎合已忠。獲咎甚重。經朕加恩寬宥。賞給副都統銜。命往駐藏協同辦事。嗣因伊年邁。令其來京。現在杭州將軍員缺一時簡用乏人。若即將伊補授。未免稍優。著仍以副都統銜前往署理。此時杭州將軍印務尚有吉慶暫署。成德即著來京請訓。再赴新任。○以光祿寺卿方維甸為太常寺卿。○庚辰。上詣覺生寺祈雨。○還宮。○諭軍機大臣曰。梁肯堂奏保定一帶仍未得雨。現在敬奉司道虔誠步禱等語。直隸甘肅未霑。梁肯堂身任地方。自應焦急。而軫念民依。因此宵旰屢懷倍為殷切。該督現在率屬籲求。因為民事起見。但雨澤未霑。惟當敬謹祈禱。應天以誠。以冀感召。麻和。不可因盼澤焦急。輒聽道流妄用符錄法術。強求轉致褻瀆也。至該

督奏請於上年採買穀石內照市價酌減出糶以平市價自應如此辦理梁肯堂務宜督飭所屬俾得實惠及民毋任吏胥侵漁滋弊方為妥善將來如有尚須酌借籽種之處仍著該督察看情形隨時具奏再據蘇寧阿奏滄洲景州一帶於四月初五六等日及十二三四日連次得雨惟高阜之地尚在望澤日內如霑渥澤大田播種尚不為遲民情尚俱安堵覽奏稍慰其所奏挑挖運河古淺分別

發價俾小民藉工得錢一節此即以工代賑所辦亦好現在保定省城及景州一帶曾否得有甘霖並著梁肯堂等迅速具奏將此傳諭梁肯堂並諭蘇寧阿知之 辛巳

上御太和殿視朝文武陞轉各官謝恩○幸圓明園 諭鑲藍旗漢軍都統員缺著范宜恒補授仍照從前三和等例兼任侍郎以示朕矜恤勲臣後裔有加無已至意○壬午諭京師去冬今春雨雪稀少入夏以來雖屢經得

雨究未霑足現當大田播種之時農民望澤孔殷朕心盼雨倍切著該部照例敬謹設壇虔誠祈禱以期渥霑甘霖 又諭據福寧奏濟南武定等府各屬雨澤稀少麥苗未能長發糧價漸增民力稍形拮据等語東省上年收成雖屬豐稔但本年入春以來雨澤稀少高阜處所麥收失望若不及時接濟復將新舊錢糧同時並徵民力不無拮据所有濟南府屬之歷城章邱長山鄒平新城長清齊河

齊東濟陽禹城臨邑陵縣德州德平原淄川武定府屬之惠民青城陽信海豐樂陵商河霑化蒲臺濱州利津東昌府屬之聊城堂邑博平茌平清平莘縣冠縣館陶恩縣高唐臨清州並所屬之夏津武城邱縣兗州府屬之壽張陽穀曹州府屬之范縣觀城朝城青州府屬之博興樂安高苑臨淄泰安府屬之東阿平陰等五十一州縣並坐落衛所應徵新舊各項銀糧俱著加恩緩至本年秋收後

再行啟徵並著動支倉穀減價平糶以資接濟該撫務須督飭所屬實力妥辦俾小民均霑實惠毋任吏胥從中弊混以副朕軫念民依無時或釋至意該部即遵諭行○旌表守正捐軀浙江定海縣民何啟順妻胡氏○癸未諭軍機大臣曰蔣兆奎奏者民席元宗親見七代一摺已批該部知道矣各直省耆民躬睹七葉原因其為昇平嘉瑞是以於該督撫等奏到時俱交部照例頒賞乃蔣兆奎將

此摺與殺死一家二命之摺一併具奏豈該撫不知其不倫而以之同時入告耶蔣兆奎身任封圻何不曉事體若此著傳旨申飭○軍機大臣等遵旨議奏新疆各案人犯請按原犯軍流杖徒罪內情節尚輕年久者依次遞減予杖徒完結年淺者俟滿三年按原罪遞減情節畧重者仍留三年限滿後按原罪遞減其並無原擬罪名逕發新疆者覈其年分情節照軍流杖徒重罪發遣人犯例一體

分限減等其新疆情節較重各官犯自不應復行錄用惟情節尚不甚重者請再留戍所三年分別減等該將軍等遇有需員差委先儘此項官犯內擇才具堪用者挑補至吉林黑龍江等處人犯向無効力釋回之例應并覈其情節可原者入新疆各犯單內酌減完結其軍臺各犯俟年滿交清臺費准報部存案釋回旗籍未滿年限力能捐贖者聽曾任州縣以上等官効力年滿咨查原籍實在無

力完繳亦准釋回佐雜微員及武職守備以下不能交清臺費者即於年滿酌改徒罪發落從之○甲申諭昨因雨澤愆期盼望蓁切於二十六日降旨設壇祈禱禮部於次日尚未將一切應辦事宜具奏請旨該堂官實有應得之咎是以於伊等奏請議處摺上時雖即發交部議仍欲量加寬宥但當此盼澤孔殷之際朕宵旰焦勞無時或釋乃該堂官於此等祭祀鉅典辦理遲誤無論寬免與否俱

應趨赴宮門伺候引咎乃昨日係傳喚方到今日又不即來宴坐衙齋於心何安該堂官等不應糊塗錯謬至此除王杰在軍機處行走姑從寬宥外德明鐵保多永武俱著拔去花翎紀昀劉權之劉躍雲俱著各罰廉俸一年以示懲儆○諭軍機大臣曰梁肯堂奏審明劣監抗糧毆官分別辦理一摺胡發等抗糧不完復敢聚眾毆官罪無可逭梁肯堂審明後即將為首及逞兇各犯先行正法所辦

雖是但此等聚眾重案該督奏到後朕尚當特派大臣前往覆審以昭信讞直隸距京甚近該督審擬具奏自應候旨遵行乃即恭請王命未免過急自因目下尚未得有透雨該督盼望焦迫以致思慮不到但現在間擬絞候之程老質等尚在省城監禁已派胡季棠松筠迅速前往保定提同案內人證嚴鞫得實所有程老質等犯亦應押至犯事地方正法示眾其各該犯貲產並著查抄給與該村

安分民人使知朕撫綏兆庶刀悍者法所必加而善良者亦恩所必逮如此勸懲並用更足以彰憲典而服輿情至該犯等毆官時所有向前拏獲匪徒救護知縣之衙役著胡季堂等傳知梁肯堂查明酌量獎賞以示鼓勵又該督另摺奏銅船抵通一摺內稱北河水淺照例起撥等語銅船非漕船可比現因天旱水淺重運正需起撥若復分撥銅船轉恐兼顧不及該督何不知緩急若此想總因天

久不雨該督目擊情形過於焦灼以致所辦諸務俱不能權度輕重朕亦不值加之責備也又據徵瑞奏天津地方四月初五初九兩日得雨三四寸不等二十六日又得雨二寸有餘等語朕前駐蹕天津時見該處土脈稍乾農民未免望澤今據徵瑞奏四月以後連次得雨看來該處雨澤或足滋霑潤但未稔該府所屬二麥能否薄收大田曾否播種長發民情若何總未據梁肯堂奏及並著傳諭

該督即速查明據實覆奏毋稍迴護○調鑲藍旗漢軍副都統范建豐為正藍旗漢軍副都統以內閣學士瑚圖禮為鑲藍旗漢軍副都統○乙酉諭據穆和蘭奏彰德衛輝懷慶三府屬安陽等二十二州縣高阜地方麥苗難望有收牽算收成不過三四五分等語河北本係積歉之區本年雨澤未能優渥麥秋既已歉薄大田播種尚稽若將新舊錢糧同時並徵民力不無拮据著加恩將彰德府屬

之安陽湯陰臨漳林縣武安涉縣內黃衛輝府屬之汲縣新鄉輝縣獲嘉淇縣延津滑縣濬縣封邱考城懷慶府屬之河內修武武陟原武陽武等二十二縣應徵新舊錢糧緩至本年秋熟後徵收其應於本年麥熟開徵之節年借欠籽種口糧等項銀數均著緩至六十年麥熟後開徵該撫務須督飭所屬實力奉行俾閭閻生計益資寬裕以副朕勤求民瘼至意該部即遵諭行○諭軍機大臣曰朱

珪進御製論史古文閱其後跋以朕論史之文紬繹推闡有因史成經結六為七之語但朕自臨御以來宵旰勤求幾餘典學凡史冊內有關政治者偶經論斷為之折衷而見諸設施者方且引以為愧朱珪跋語固非鋪張揚厲泛為諛辭究屬稱頌過當第觀其文義尚為典覈著賞給紗扇筆墨等件以示獎勵此冊並著諸皇子及皇孫綿恩各繕一部豫備觀覽○又諭曰景安奏頭進漕船全過安

陵一摺內稱近日水勢稍弱現在分段多設撥船以撥兌撥直至水深之處再歸原載等語此法好景州一帶水勢既形微弱若遇淺起撥過淺即歸原載則糧船高大撥船低小輾轉起卸實屬稽遲今景安酌量辦理自可適行無滯現又據蘇寧阿奏稱漕船回空重運往來不致擁擠所辦亦好著傳諭景安等悉心籌畫遇有河道新淤隨時疏濬並接催二進幫船起撥北上以期迅速無誤○又諭



曰穆和蘭奏通省二麥約收分數其大河以南雨澤涵濡合計麥收共有八分較為豐稔民食自當充裕現在直隸省雨澤愆期麥收歉薄正可以豫省之有餘濟直省之不足穆和蘭當曉諭百姓等如遇有商民前往豫省販買麥石務須公平糶賣不可擡價遏糶俾源源接濟麥石流通豫省小民既可糶售得錢而直省百姓亦可得食豈不兩有裨益並咨會所過關津此次如有豫省麥船前赴直隸販售者將應徵稅課量為輕減迅速放行商販等聞知獲利自必踴躍從事源源販運實為兩便穆和蘭務須明晰勸諭不可令官吏等借端抑勒從中滋弊轉致以利民之事而適以累民以副朕廑念民依因時調劑至意並速奏河北近日情形如何將此諭令知之○豁免福建臺灣撥運內地遭風失水兵米兵穀四百八十石○丙戌

上命皇八子永璉詣

天神壇皇十一子永理詣地祇壇

皇十五子嘉親王

詣

太歲壇祈雨○諭軍機大臣曰蔣兆奎奏報省城得雨一摺閱所奏情形省北之大同等屬省南之汾州等屬均於春間雨雪連綿土脈滋潤二麥可冀有收至太原平陽蒲州等處得雨未經透足茲省城於二十五日得雨亦僅止三寸未至深透乃該撫遽稱農民歡忭何得為此過滿之言著傳諭蔣兆奎即將太原平陽蒲州等處是否續沛甘霖迅速具奏其缺雨處所如有民力拮据應行接濟借給籽種酌予緩徵之處並察看情形據實奏聞毋得稍有諱飾○是月天津巡漕御史祝雲棟奏故城河道多淤隨商同天津道於該處六十餘里分作六段每段委丞倅一員督夫挑挖幫船一到昏輓運無阻得旨好勉為之○江南河道總督蘭第錫奏外河廳清口



原增字樣俱經鄉試墨卷填明。覆試卷面祇應填寫該生姓名及中式名次。俟交卷後彌封。交派出道府等官校勘。一覆試歸巡撫辦理。其試卷應令藩司豫備。申送巡撫。於正面背接縫鈐用關防。一覆試試卷無多。應先儘進士出身派三四員校閱。不敷於舉人出身人員添派一校閱試卷。照順天覆試例。不加圈點。一覆試人數無多。應即於督撫衙署局門編號。督同監場官員稽察。一各省中式硃

墨卷。揭曉後。由監臨即日鈐送督撫覆試。覆對後。一同解部。一覆試卷彌封。俟勘畢。督撫秉公定擬。再行拆封。從之。○以刑部主事馮兆詢為雲南鄉試正考官。編修陳希曾為副考官。洗馬文寧為貴州鄉試正考官。檢討張翽為副考官。○戊子。諭曰。秦承恩奏。同州府屬之蒲城。大荔。朝邑。西安府屬之臨潼。渭南等五縣。因四月初間。陰雨稍多。二麥間生蟻。蟲收成不無減薄等語。蒲城等五縣二麥正

在升漿之際。因雨後積陰。間被蟲傷。以致收成歉薄。殊為可惜。雖該處蟲傷旋經消淨。而民力究不無拮据。除該撫業經酌借籽種。俾得趕種秋禾外。所有蒲城。大荔。朝邑。臨潼。渭南等五縣。應徵本年新舊錢糧。著加恩緩至秋穫後徵收。以紓民力。該部即遵諭行。○又諭。據長麟奏。廣東布政使許祖京呈稱。伊母年逾八旬。懇請終養等語。許祖京准其回籍終養。所有廣東布政使員缺。著陳大文補授。

○諭軍機大臣曰。穆和蘭奏。河北各屬秋禾因缺雨未種。望澤甚殷。連朝雲氣往來。似有雨意等語。昨據穆和蘭奏。彰德。衛輝。懷慶三府麥收歉薄。已降旨將新舊銀糧分別緩征。用紓民力。茲據奏稱連日似有雨意。若得甘霖迅霽。則大田正可及時播種。如有無力農民。該撫當留心查察。酌量借給籽種。俾資耕作。仍將於何日續得透雨之處。迅速具奏。又據福寧奏。山東武城。夏津地方。於四月二十

六日得雨寸許東昌臨清等處正在望澤今得寸許之雨未為霑沛日來曾否續得透雨及大田播種情形亦著該撫據實具奏又據徵瑞奏天津地方麥收約有五六分大田業經趕種惟雨後多風易形乾燥如芒種前後續得透雨大田可期長發等語天津地方屢經得有雨澤現距芒種不遠大田正資霑潤並著梁肯堂留心查察該處是否續得透雨大田日漸長發之處據實具奏將此各諭令知之○己丑

孝誠仁皇后忌辰遣官祭

景陵○諭軍機大臣曰梁肯堂奏二麥收成分數一摺內稱計十一府六州通共約收四分有餘等語麥秋僅止四分是夏收竟不及半況此內尚有宣化承德等府所收六七分不等通勻牽算始有四分則其餘缺雨處麥收歉薄已可概見雖上年直隸通省秋收豐稔現復降旨緩徵平糶但究恐民食維艱不可

不亟籌接濟著傳諭梁肯堂即行查明入於夏災案內速行辦理並董飭所屬認真妥辦務使閭閻均霑實惠不致稍有失所以副朕惠愛黎元有加無已至意所有缺雨各州縣若日內一得透雨仍著迅速馳奏○庚寅諭曰吉慶奏浙省鄉民飼蠶每年在

軒轅黃帝廟祈祀

蠶神向不官為致祭隨安設神牌於後殿率屬致祭三月下旬天氣晴和蠶桑茂育等語

蠶桑本與稼穡並重浙省杭嘉湖三府尤比

戶飼蠶以資生業允宜恭祀

先蠶事崇昭報著每年官為致祭載入該省祀典並御書扁額發往懸掛

軒轅黃帝廟及

先蠶後殿以祈

神貺

御書

軒轅黃帝廟扁曰利用宜民

蠶神廟扁曰衣被功神○諭軍機大臣等據阮元奏於二十六日自武定回省在濟南府屬途次遇雨約有四寸陰雲較遠農民起雨耕種等語是濟南省城一帶雨澤既經霑足且是日雲勢濃厚所被必廣但省城附近各州縣究竟是否一律均霑總未據福寧奏到朕心深為厯念再該省二麥收成約有幾分亦尚未據該撫奏報著傳諭福寧即將前次所得之雨除濟南省城之外附近地方曾否

一律均霑及本年二麥收成約計共有幾分之處一併查明迅速覆奏○辛卯諭軍機大臣曰李潢奏科考情形一摺內稱有呈控廩生王治等挾嫌阻考各案又考試烏程歸安安吉三縣時有童生等放脾擁擠急欲出場喊叫當經拏獲一名餘皆斂息已交提調官研訊並移咨吉慶查辦等語生員等如果挾嫌阻考不守場規自當查明辦理以儆刁風而端士習著傳諭吉慶即嚴飭地方官將該

學政所奏各案上緊查辦秉公審斷勿任延宕至李潢前於典試回京復命時見其人似拘迂嗣因浙省學差向用大員伊現任閣學是以簡派前往學政雖無緊要應辦之事但甫任事便屢有生事士子其考試時甄拔人材是否允當士林輿論能否翕服吉慶調任浙江已將一年自必知之甚悉並著該撫據實奏聞勿稍迴護○壬辰諭據琳寧等審明牢頭筠德等與監押犯婦丁香兒通姦一案

筠德等身係旗人又屬牢頭膽敢將犯婦首先姦宿以致無恥之徒肆行輪姦理應從重辦理以示懲戒乃琳寧等將為首之筠德存住僅擬絞候其餘人犯分別發遣甚屬姑息琳寧等著交部嚴加議處○癸巳諭朕此次駐蹕熱河巡幸木蘭著怡親王儀郡王大學士阿桂尚書蘇凌阿留京辦事所有吏兵二部應行引見官員文職知縣以上武職守備以上於啟鑾進木蘭之前每月該部堂官一

員輪流帶赴熱河引見。其文員內佐雜等官。武員內八旗護軍校、驍騎校及外省送到補放之驍騎校、水手並年滿千總等官弁。仍著王大臣照例驗放。至八月以後月選州縣等官照例俟回鑾後歸於九月分一併引見。其各省督撫提鎮等奏摺著齎摺人前赴行在投遞進哨後著兵部派員駐劄哨門接遞。各省奏摺封送行在候朕批閱發回仍於哨門交付齎摺人祇領。該部知道。○諭軍機大臣

曰。福寧奏報查明雨水一摺。開所奏情形。省城及兗州、沂州等屬東南一帶得雨較為霑足。而省城迤北各州縣尚未全被甘霖。雖據稱各屬糧價不致增昂。而缺雨處所民力或不無拮据。前已降旨將厯城等州縣應徵新舊錢糧緩至本年秋成後徵收並減糶倉穀以資接濟。又諭令該撫將倉儲穀石通盤籌計該撫務宜遵照前降諭旨飭屬留心妥辦。迅速奏聞候朕酌量降旨並將缺雨各屬是

否普得透雨之處據實查明具奏將此傳諭知之。○又諭曰。穆和蘭覆奏遵旨曉諭百姓等毋得擡價遏糶一摺。據稱督同藩司嚴行查察力破有司此疆彼界之陋習等語。所言固當。但惟在該撫督飭所屬為之以實。仍當不動聲色善為勸諭俾小民等踴躍從事以期商民兩便。不可任官吏等借端抑勒轉致糧價增昂。所謂救荒無善政也。至河北各屬正在望澤必須甘霖速霑。大田方可及時播種。倘有民力拮据有需接濟者並著該撫查明借給籽種俾得無誤耕種以副朕軫念民依至意。將此傳諭知之。○又諭據孫士毅奏拏獲夾霸賊番三犯此案昨據孫士毅等奏到已拏獲五犯審明正法由驛馳遞故到在本日奏摺之前此等邊外夾竊搶劫行旅固不可不加懲創。但番民愚懵無知此次劫去差員王贊武馱隻以致箱內印信一併被竊尚非明知官物肆行搶奪亦無戕傷人命之

事一經該鎮道前往緝拏。該管喇嘛頗形畏懼。即交出賊犯活口四名。割取首級一名。並出具日後不敢再縱夾壩滋事甘結。是該處喇嘛番民尚知畏法。且此案搶劫正犯。既經拏獲五犯正法。已足示懲。著傳諭福康安。即飭行該鎮道毋庸再行根究。輾轉株連。致使番民疑懼也。成德如已行至該處地方。亦著遵照諭旨妥協辦理。並諭孫士毅。成德知之。

○甲午諭戶部議覆許墅關徵收稅課一年期滿。比較上三屆最多之年。短少贏餘銀三萬九千四百五十三兩。應著落該監督照數賠補等語。奇豐額兼署兩月。均屬有贏無絀。五德接徵後。始形短絀。自係該監督經理不善所致。著落按數賠補。本所應得。第念五十八年江西一帶被水歉收。川湖米販多往該處運賣。到蘇較少。以致贏餘短絀。尚屬實在情形。所有此次短少贏餘銀三萬九千四百五十三兩。著該監督五德賠銀二萬兩。餘著

加恩寬免。嗣後該監督悉宜悉心妥協經理。毋任再有短絀致干咎戾。○又諭戶部議駁兩浙鹽政全德奏浙商應輸閩餉等款銀兩。請分限十年帶完一摺。仍令各照原限完納。因屬照例辦理。但浙商資本微薄。此項外輸銀兩。若於正課之外。責令一併交納。恐商力轉輸不繼。辦運未免多艱。所有浙省商人應完閩餉藏餉外輸等款銀一百九十萬兩。著加恩自甲寅年為始。分限五年完納清款。以

示格外體恤至意。○又諭曰。福寧奏歷任曹縣知縣獲盜十年不辦。監斃要犯三名。嚴審究擬一摺。此案曹縣事主岳秉禮被盜用火燒傷。劫去衣物。當經已故知縣譚尚迨拏獲正盜六犯。起獲真贓。乃並不即行審辦。又未將獲犯在監病斃三名之處。據實通報。歷任知縣復因循不辦。以致盜犯淹禁十年。似此聞茸廢弛。實出情理之外。所謂整飭吏治者。安在該管知縣及上司等。均非尋常疎玩可

比所參歷任曹縣知縣白豐劉大紳謝蓮錫吳華華榕端俱著革職發往軍臺効力贖罪歷任曹州府知府恩保將繼煥歸朝煦吳人驥杜安詩俱著革職本管道員唐侍陞按察使羅煥前護巡撫布政使江蘭俱著交部嚴加議處所有應議歷任司道及各巡撫俱著查取職名咨部分別嚴加議處福寧於此案雖未能及早查出但究係該撫審明具奏著交部議處所有盜犯劉廣居等即著軍機大

臣會同該部速議具奏○又諭前因貴德循化各番子等距地方文武官及總督駐劄處所相去寫遠照料難周曾降旨令將各番子交西寧辦事大臣兼管而該地方文武官員因未令管轄於交拏盜賊案件不肯出力嗣後貴德循化等處遇有盜賊案件著地方文武官員聽辦事大臣指示辦理如有觀望掣肘即行參奏○以故貴州貴陽府屬白納司副土官趙殿元子淵襲職○乙未兵部等部

議准閩浙總督覺羅伍拉納疏稱臺灣一廳四縣前經將軍公福康安奏准添設兵一千二百名請建營房三百二間石卡兩座從之○丙申諭軍機大臣曰福寧奏二麥約收分數一摺據奏沂州萊州等府約收六七八九分不等其濟南東昌等府惟低窪近水處所約收二分有餘是該省迤南迤東各屬麥收較稔民食尚當充裕而迤西一帶被旱歉收急需通融協濟該撫當勸諭沂州等府所屬

百姓令將多餘麥石公平出糶以濟迤西各府之不足即遇直省商販赴彼糶買麥石亦當平價出售不可遏糶小民等既可糶售得錢而歉收地方亦可得食豈不兩便並著行知所經關口將應徵稅課量為寬減俾商販聞風踵至麥石流通更足以資接濟但須妥為勸諭使之踴躍樂從不可官為經理以致吏胥等藉端抑勒糧價增昂欲求利民而轉以病民此為最要其缺雨各屬如有成災者



該撫惟當盡心察辦。酌量接濟。毋使一夫失所以副朕軫念民依至意。將此諭令知之。○予故兵部尚書李世傑祭葬如例。謚恭勤。○丁酉。諭軍機大臣曰。鄭製錦奏。保定省城於初十日得雨三寸等語。京師初十之雨。據順天府奏報四寸。計入土不過三寸有餘。是該司所報。恐未必足有三寸。尚非深透。然得此甘膏霑潤。亦足以資接濟。朕心深為欣慰。現在已過芒種。在殷實之家。自不惜籽種。趁此

雨後趕緊耕種。其貧乏農民。以向來播種大田。必得一犁之雨。或因三寸不及一犁。恐播種後不能長發。轉致虧缺籽種。心存觀望。亦祇可聽其自便。不必官為驅迫。向聞有耩耕之法。三寸之雨。即可翻隴。此次雨雖未透。若以耩田之法行之。亦可以興起農功。未知直隸人民諳習此法與否。著傳諭梁肯堂即留心訪問。如可仿照而行。務宜廣為曉諭。俾得一律勸耕。毋致坐失良時。亦不可稍事驅迫。

致有擾累。方為妥善。○又諭。京城於初十日得雨三寸餘。是日東南雲氣更為濃厚。看來河間天津一帶。可冀優霑。梁肯堂一接稟報。自必迅速奏聞。第該督之摺未到。朕心深為懸盼。此次京城之雨。雖不及四寸。實有三寸有餘。尚非深透。但初九夜間大風。雲氣幾為吹散。不意初十日獲此甘膏。氣候既通。大田亦得藉資接濟。朕心稍慰。此時惟亟望遼南佳信。著傳諭梁肯堂。即將初十日遼南一帶

得雨情形若何。並遼東之天津。河間等處。曾否普霑。速行馳奏。○又諭。山東濟南各府屬。均與直隸境壤毗連。現在已過芒種。盼澤孔殷。未稔初十日之雨。該處曾否一律普霑。朕心深為懸盼。著傳諭福寧。即速查明馳奏。○戊戌。

上詣玉泉山

龍神廟謝雨。○諭軍機大臣曰。劉秉恬等奏通州地方得雨一摺。內稱五月初十日已刻

得雨至酉刻方止。此次雨勢比前數次較大。等語。京師於初十日得雨三寸有餘。朕心畧慰。今通州既得雨澤。自應將得雨幾寸之處。明晰聲敘。即所得之雨。僅止一二寸。亦應於摺內注明。乃僅稱雨勢較大。殊屬含混。劉秉恬不應糊塗若此。著傳旨申飭。○吏部議准。山東巡撫福寧奏稱。齊東縣詞訟繁多。民情刁悍。非幹員不足以資經理。請改繁疲難要缺。在外揀調。其沂水縣訟簡民馴。定為衝繁

中缺。歸部選從之。○以浙江按察使田鳳儀為布政使。江南河庫道謝啟昆為浙江按察使。○己亥祭

關帝廟。

上命

皇十五子嘉親王額駙行禮。○以通政司副使陳嗣龍為光祿寺卿。○庚子。吏部議奏。山東曹縣獲盜十年不辦。監斃要犯一案。請將不行查叅之巡撫福寧降一級調用。有級抵銷。

免其降調。前護巡撫布政使江蘭降二級調用。按察使羅煥降三級調用。均無庸查級議。抵得旨。福寧著銷去加一級。免其降調。江蘭著降補山東按察使。仍帶降一級留任。羅煥著降調山東運河道。仍帶降二級留任。此案各該上司於所屬獲盜任意因循。致淹禁十年之久。要犯監斃多名。實為近來未有之事。非尋常失察可比。江蘭、羅煥本應悉照部議革任降調。但念係統轄之員。姑加恩從寬。僅予降補。○陝西巡撫秦承恩疏報漢中府屬留壩廳乾隆五十七年分開墾旱地一項三十二畝有奇。○豁除陝西長安涇陽二縣軍標被水衝塌地八十八畝有奇。額賦。○予廣東出洋巡緝遭風淹斃香山協步兵李瑞英卹賞如例。○辛丑。諭軍機大臣曰。梁肯堂覆奏得雨情形一摺。據稱此次得雨。雖未能一律透足。而保定迤南霪被較優。創土查驗。實有三四寸等語。此次保定各屬雖得有雨澤。

較為優霑。但入土止三四寸。究未深透。現在已過芒種。朕屢念民依。倍深盼望。該督仍當留心查察。如有未能一律播種者。即應酌為籌辦。俾得及時耕作。不可稍存大意。致有失所。將此諭令知之。○以湖北按察使孫曰秉為山東布政使。

大清高宗法天隆運至誠先覺體元立極敷文奮武孝慈神聖純皇帝實錄卷之一千四百五十二

大清高宗法天隆運至誠先覺體元立極敷文奮武孝慈神聖純皇帝實錄卷之一千四百五十三

世宗憲皇帝實錄卷之九十四 乾隆五十九年五月下 諭軍機大臣曰。管幹珍奏。籌催開內幫船一摺。內稱南陽通濟等閘。幫船尚多停候。現在沿閘查催。即飛赴衛河辦理撥運等語。本年雨澤短少。水勢不能充裕。本日據穆和蘭奏報。初十一等日。河北各府屬。業已得雨。上游可冀長水。幫船自足資浮送。管幹珍惟當相機疏導河流。俾得遄行。但大田正當播種之時。亦不可專顧漕運。致誤農功。至各幫比較上年經過日期。昨據戶部具奏到通日期。比較

乾隆五十九年甲寅五月壬寅

上年遲至二十餘日。雖因衛河水少。比較上年遲緩。但較之從前漕運遲延之年。日期是否尚早。著傳諭管幹珍再行查明據實奏聞。不可藉辭水短。因循又致不能趨符定限。方為妥善。

又諭曰。穆和蘭奏河北彰德衛輝懷慶三府屬。於五月初十一等日。得雨二寸至四五寸。及深透等語。覽奏欣慰。本日京城卯刻至辰刻。得有雷雨一陣。約及三寸。雲勢東南一帶。尤為濃厚。直隸之河間天津及山東之東昌武定一帶。可冀一律均霑。著傳諭該督撫即將各該處是否同日得有澍雨。田禾趕種。可冀有秋情形。即行迅速具奏。以故奉恩將軍寶銘子順玉襲職。以通政司副使恒傑為太僕寺卿。以湖北漢黃德道張長庚為湖北按察使。癸卯諭軍機大臣曰。管幹珍奏接准巡漕斐靈額移咨欲將糧船土宜。隨地起卸。淨盡不准攜帶。查本年撥運丁費稍多。例帶土宜似當任其自行酌帶。以資撥費等語。所奏是。各省幫船定例。准其

於裝載漕米之外。各攜帶土宜。原以運丁等得有水腳。可資貼補。而京城貨物亦不至居奇。且本年臨清一帶。因天旱水淺。漕艘起撥需費。若復將所帶土宜概行起卸。丁力豈不更至拮据。自應照該總漕所奏。仍准其自行酌帶。至斐靈額止圖船行迅速。而未計及體恤運丁殊為不曉事耳。著傳旨申飭。奉恩將軍富瑞病休。以其子敏敬襲職。以故廣西太平府屬結安土知州張治寧子晃穆襲職。廣東高州鎮總兵劉乘龍病休。以江南江寧協副將李奉琳為高州鎮總兵。甲辰諭曰。郭世勳陞見來京。途間染患脾泄。日久未能進見。但年逾七旬。一時難以就痊。著准其開缺。俾得安心調養。病痊時另候簡用。所有廣東巡撫員缺。著朱珪調補。陳用敷著調補安徽巡撫。姚榮將屆服滿。所有廣西巡撫員缺。著姚榮署理。姚榮即速往。不必來請訓。其前在江西巡撫任內。於童生劉昌新雇倩伊師代考一案。未能審出實情。其過雖大部議

上時擬令於姚茶服滿到京時提奏但現因一時乏人是以將姚茶復行簡署著帶革職留任仍罰養廉二年用示懲儆姚茶務宜感激奮勉遇事倍加認真廣東地方緊要朱珪接奉諭旨後即將巡撫印務交與藩司周樽護理速赴廣東新任陳用敷俟姚茶到後再赴安徽新任○又諭戶工二部議覆准宿海等關徵收稅課一年期滿除宿海二關比較上三屆均屬有贏無絀惟淮安關比較五十七年計短少贏餘銀二萬一千五百四十六兩零著落該監督照數賠補等語因屬照例辦理第念上年山東河南與江蘇年歲均屬豐稔豆價相等商販未能多獲餘利豆貨船隻過關稀少以致贏餘短絀尚屬實在情形所有此次淮安關短少贏餘銀二萬一千五百四十六兩零著董椿盛住各按照經徵月日賠補十分之六共銀一萬二千九百兩零餘著加恩寬免並免其議處○乙巳諭軍機大臣等本日巡視南漕御史范三綱回京復命

據奏兗州以南雨水霑足惟山東之東昌濟南直隸之河間等處土脈尚覺乾燥途次不過雨點飄灑等語是現在缺雨處所總在河間至東昌一帶若非速沛甘霖恐不免竟成災象深為厯念著再傳諭該督撫即將近日以來缺雨各州縣曾否得有驟膏田禾尚可趕種不致成災之處迅速查明據實具奏勿稍諱飾○又諭曰李奉翰等奏衛河於十三日戌時長水六寸等語衛河上游係在豫省河北一帶河水增長六寸自由彰德衛輝各府屬渥被甘霖看此光景河北尚可不致成災乃昨據穆和蘭奏河北安陽等二十五州縣於初十一等日得有雷雨又稱此內四五六寸及深透者即踴躍佈種其在三寸以下者已酌借籽種令其雨後及時翻犁等語是河北各州縣尚未普得透雨一律種齊何以下游河道已長水六寸該撫所奏尚欠明晰著再傳諭穆和蘭即查明河北三府屬已得透雨者若干州縣未得透雨者若干州縣未

一日以後曾否續得透霖全行栽種不致成災之處迅速據實詳悉具奏勿稍含混又諭曰勒保奏甘肅錢糧完欠數目一摺內單開乾隆五十七年分民欠未完及因災緩徵等銀三萬六千四百四十兩零糧五萬六百十三石零甘肅省從前王亶望諸人捏災冒賑率以為常業已痛加懲治至該省地土磽瘠如遇被災歉收之年自應隨時蠲緩用資調劑但一遇豐收年分即可陸續帶徵以完積欠即如

上年甘肅通省收成尚稱豐稔何以五十八年仍有未完銀三萬四千兩零未完糧五萬石零自由該督等辦理不善所致著傳諭勒保嗣後遇有豐收之年即傳飭各屬催徵完解並留心查察毋任意遲延藉詞懸宕以致愈積愈多也又諭據孫士毅奏運京銅鉛出境日期一摺內夾片一件係該省麥收分數收成分數關係民食最為緊要該督自應專摺奏聞從來並無夾片具奏之理即欲歸

簡易亦應以收成分數繕一正摺將銅鉛出境夾片具奏乃該督轉將麥收分數用片聲敘殊屬輕重倒置孫士毅由軍機司員出身豈尚不諳此制耶著傳旨申飭丙午諭前因直隸缺雨各州縣二麥收成歉薄降旨令該督查明入於夏災案内速行辦理茲據梁肯堂奏保定等府屬上年秋成豐稔雖現在被旱歉收糧價尚不昂貴惟麥收僅止四分以下各州縣乏食貧民不免餬口稍艱等語保定等府屬本年兩澤愆期節經降旨緩徵借糶用資調劑現在查明夏收僅止四分竟不及半不可不亟籌接濟著加恩將麥收四分以下之保定等八十三州縣內鰥寡孤獨老幼殘疾貧民賞給六月分一月口糧其餘乏食貧民並著先行酌借一月口糧俟秋成後免息還倉該督務須董飭所屬實心經理毋任吏胥人等侵冒滋弊俾小民均霑實惠以副朕軫念災黎優加撫卹至意該部即遵

諭行 諭軍機大臣等本年盛京一帶雨水調勻夏收豐稔豆麥一切價值自必平減現在直隸河間天津等處及山東武定等府屬一帶因尚未得有透雨糧價恐不免逐漸增昂不可不豫為籌及盛京與天津武定海道相通商賈往來甚易不可稍加禁遏該將軍等並當出示曉諭商販人等以豆麥等項經過直隸山東等處關津現已減稅若運往售賣可以得利俾該處商民聞知自必爭先販運而來源源接濟於被旱各州縣民食大有裨益該將軍等務須明晰勸諭不可官為經理以致吏胥等從中抑勒滋弊以利民之事而累民也將此傳諭琳寧等並諭梁肯堂福寧知照山海各關口一體遵辦又諭據劉秉恬奏第十六幫船回空比較上年計遲二十九日等語前因幫船遲緩節經降旨飭諭實力嚴催比年來甫能趨復原限本年漕運行走不能迅速比較上年幫次逐漸稽延今

第十六幫船隻竟遲回至二十九日已及一月之久勢必又如從前稽緩此皆沿途催漕官員不能催查及運弁任意逗留所致雖向來漕運祇以統限計算不逾統限例無處分然似此沿途耽延亦須加以懲創著傳諭倉場侍郎並漕運總督即將此次遲誤二十餘日之押運督運官弁等分別記過運丁嚴行責處以示懲儆仍飭令沿途趕緊催趲行走不得藉詞水淺又致仍前逾違定限也又諭曰斐靈額奏浙江湖州幫船於五月初八日在濟寧州師莊開下守候啟板三更時分有賊三四人扳開艙門直進點燈該丁等驚醒喊叫被持刀嚇禁將衣飾銀兩布匹等項劫去該丁上前趕奪被賊棍打不敢與奪實係是強非竊等語運河正當漕艘連檣北上之時且商賈往來輳集匪徒等膽敢赴船點燈持械肆劫實屬目無法紀該地方官因何尚未稟報該撫具奏著傳諭福寧即嚴飭所

屬實力緝拏。究明首夥各犯按名務獲從重辦理以肅運道而靖奸究其疎防之文武各員並著查明嚴叅示儆至漕船旗丁以及舵工水手人等每船不下三四十人其停船時亦必通幫銜尾灣泊耳目最為衆多何以盜匪三四人直進艙內竟無一人見者及至驚醒喊叫被刦銀物又止該丁朱繡蘭上前奪取被賊棍打而其餘水手舵工人等並不幫同追趕致賊攜贓遠逸此必係該船因守候啟板僅留運丁朱繡蘭在船其餘人等潛行上岸以致賊匪乘間而入又向來漕船往來時所雇緯夫人等最多匪徒潛匿在內此次幫船被刦或即緯夫人等勾結應合俱未可定並著該撫一併查明究辦勿任狡飾以故雲南烏羅司正長官楊文陞弟文林襲職丁未

上詣

天高殿行禮還宮以刑部郎中胡克家為

廣東鄉試正考官修撰錢榮為副考官御史李長森為廣西鄉試正考官刑部主事亮保為副考官贊善程昌期為福建鄉試正考官侍講關槐為副考官是日起上以夏至祭地於方澤齋戒三日戊申豁除江蘓寶山縣坍沒田塗三十五頃四十七畝有奇額賦己酉孝恭仁皇后忌辰遣官祭景陵諭乾隆四十五年朕年已七旬恐於秩祀大典儀節有愆始於南郊大祀時令諸皇子分詣配位前奠帛至北郊儀注內升香奠帛禮臣尚復沿照親行舊例具奏夫國丘方澤皆稱大祀而南郊配



天典禮尤重乃未經一律更定自係彼時禮臣辦理遺漏此次大祀

方澤

皇地祇位前香帛朕親自供獻

列祖

列宗配位前宜如

南郊禮朕親自升香其奠帛禮儀亦遣諸皇子分獻此非朕怠於將事緣

郊祀大典務在精誠孚格禮節無愆方足以昭

肝鬐况朕春秋已八旬開四距乾隆四十五年又閱十有四載雖仰邀

昊春精神強固如常然於登拜趨蹌究未免稍遜於昔若

列祖

列宗配位前奠帛一節仍勉強將事不特

南北郊儀文軒輊未協崇效卑法之義且慮節文繁重跪起維艱或至違官恭代轉於

郊祀大典未獲躬親尤非盡誠昭事之道朕自

臨御以來夙夜孜孜惟以敬

天報本為念

郊壇大祀靡不劬毖欽承茲因年壽已高不得不酌減儀文以冀升馨告備是非敢自惜其勞正所以要之於久我世世子孫承禧衍慶如能似朕之年躋上壽實我國家無疆之庥所有

郊祀經曲繁文自不妨照所減禮儀奉為法守若未逾耆耄則於

園丘

方澤

宗社大祀仍應恪遵定制肅奉明禋倘或稍憚勤勞耄年未屆遽思節減即非勵精昭格之義我子孫其敬承無替倍矢虔恭以迓億萬年無疆福祚方無負朕諄切訓誡至意此旨著於尚書房軍機處禮部太常寺各恭錄一通敬謹遵照又諭向來稽察齋戒之都統八員分兩翼按旗稽察又兼查各部院衙門

實難周徧。嗣後八旗都統等祇須稽察八旗各營其六部著給事中六員稽察各衙門著御史六員稽察屆時都察院堂官揀員奏派祭祀後將有無曠誤之處即令該給事中等會同開單具奏其都察院衙門著派出右翼大臣等輪流稽察。○諭軍機大臣等據梁肯堂奏保定河間等府屬得雨一摺又福寧秦兗州東昌等府屬得雨一摺俱稱喜得甘雨及轉歉為豐等語所奏未免滿足本年直隸山東春夏以來雨澤稀少雖經降旨緩徵借糶用紓民力現在時屆夏至雖據該督撫等具奏先後得雨但其中三四寸者或可乘時耕種秋禾其僅得一二寸者恐不及翻犁自應急為籌辦現在南糧幫將次陸續抵通該督撫等各宜體察情形如該省倉儲及採買穀石足敷應用則已如實不敷散賑尚須截留漕米以資接濟之處即著梁肯堂福寧一面於最後幫船酌量截留一面奏聞毋得稍

存諱飾該督等務須仰體朕意實力查辦毋令一夫失所以副朕軫念民休至意。○庚戌夏至祭地於方澤上親詣行禮命諸皇子詣配位分獻歲以為例。○幸圓明園。○辛亥上以秋獮木蘭自圓明園啟鑾。○諭朕此次巡幸木蘭駐蹕熱河所有經過沿途地方古北口以外雨澤早霑收成可期豐稔著將本年應徵地丁錢糧照例加恩蠲免十分之三其口內地方因雨澤較少麥收歉薄著加恩將本年地丁錢糧蠲免十分之四以示體恤。○又諭本年直隸地方雨澤稀少麥收歉薄節經降旨緩徵借糶以紓民力現因續經得雨然非普遍大田雖有播種者亦尚有未種者著加恩於後到之江廣幫內截漕六十萬石並著於部庫內賞撥銀八十萬兩以備賑濟

之用梁肯堂著即馳赴天津會同倉場侍郎辦理朕屢念民依無時或釋一遇地方稍有災歉即先事豫籌不惜鉅萬帑銀漕米用資賑恤前於乾隆二十四年直省亦曾短缺雨澤朕親詣

天壇步禱至六月十一日獲沛甘霖是歲大田仍復豐收本年直省各屬雖經缺雨但現在甫屆夏至節候比較二十四年得雨日期尚有半月若仰邀

昊貺優霽迅沛則大田正可冀播種有收今已截留漕糧撥給庫帑所以勤恤民隱者至周且備朕如此稠疊施恩有加無已該省大小官員亦應各矢天良實心妥辦使粒米分銀均歸實惠不得稍有浮冒侵蝕此等弊端在封疆大員自不應有但稽查督察畧有懈弛不肖官吏即難保無借端朘削之事若以朕加恩之舉轉藉為肥橐營私是竟毫無人心又安用封疆大吏督率查辦為耶倘梁肯堂

及司道等辦理此事不能實心經理致官吏等稍有前項弊端或於內外大臣往來經過時經朕詢出或經科道叅奏及百姓告發試令該督等自思能當此重戾否耶梁肯堂辦理截漕事竣著即前赴河間及順德廣平大名各府查看缺兩處所有無成災之處一併奏明覈實妥辦毋得稍存諱飾並著將此旨速行徧貼謄黃俾遠村僻壤皆知口食有資不至遷移失所以副朕軫念災區優加撫恤

務俾實惠至意諭軍機大臣等此項截留漕米自應將後到之江廣各幫未過天津者酌量截留就近分撥庶為便捷不可將已過天津之船轉令輓運南回致滋勞費此時景安方在河間之東光一帶督催幫船正係漕船經過截留之處本日已遣梁肯堂馳赴天津令劉東恬迅回通州著傳諭梁肯堂即會同景安等籌畫妥辦其截留之漕米應運貯何地就近分撥之處並著該督等一併妥商

辦理務使應賑之各地方即得接濟。而此時未過天津之漕船亦可及早回空。庶於民食漕務兩有裨益。又諭曰。斐靈額奏湖河水勢並幫船行走情形一摺。漕糧關係正供固屬要緊。現在河水稍弱。自應酌量水勢情形。相機啟閉。以資浮送。但斐靈額前次欲將糧船所帶土宜起卸淨盡。經管幹珍具奏。曾降旨飭諭。此次所奏情形。恐未免仍存惜水之見。惟知專顧漕船而不計及其餘。因思向來南省各項商賈貨船運京售賣。俱由運河經行。此時若因河水淺弱。催趙糧艘將各項貨船概令停泊。亦屬不成事體。況京師向來需用東南貨物為數不少。若漕船抵通稍遲。京倉通倉尚有儲備。如貨船全未到京。則京師所需各項貨物必致市價增昂。既非所以體恤商販。亦非通財利用之道。著傳諭李奉翰等察看情形。漕船並資浮送。所有各項貨船亦應酌量准其間段隨幫放行。以通商販。李

奉翰等務須共知此意。酌量籌辦。方為妥善。又諭據福寧奏山東各府屬得雨情形一摺。其兗沂曹等府於本月十二三日各得雨自三寸至四五寸及深透不等。至武城地方及高唐德州等處得雨不過二三寸。未為深透。尚屬望澤甚殷。已節降諭旨。令該撫查缺兩各屬量為借糶。以資接濟。因思直東二省本年缺雨情形。直省惟永平宣化承德等府得雨尚為霑足。秋成有望。其餘各屬雨澤均屬稀少。秋收未免歉薄。至山東泰安迤南濟東迤東一帶。本年節經得雨俱為深透。惟濟南以西至德州一帶。未霑渥澤。看來直隸被旱成災之處約有十之七八。而東省被旱處所則不過十之三四。如有亦須酌截漕米之處。即不必如直隸六十萬石之多。約須截留若干足敷備賑之處。著傳諭福寧迅速查明據實具奏。以副朕矜念災區至意。○是日駐蹕南石槽行宮。壬子諭軍機大臣等。本日

經過懷柔縣地方見豐山口內外一帶道旁田地頗有積水禾苗亦屬滋長因令扈從大臣詢之在交界處所踴道之昌平州知州順義懷柔兩縣知縣會稱二十四日晚此一帶得雨二寸但看田間積水情形該處得雨分寸必不止此因復令詢之豐山村民據稱二十四日傍晚所得之雨實有五寸已接前潤可為深透等語懷柔一帶既經得雨五寸該州縣等止稱二寸轉為減少其數自必

因此次業將得雨二寸具報該督是以意存迴護仍據原報登答亦可謂昧良迴護竟不留心民事矣著傳諭梁肯堂即查明該州縣有無具報二十四日得雨分寸若干是否實係迴護原報含混登答之處據實覆奏再本日據豐紳殷德奏蘭溝行宮一帶於昨日未申間得雨四寸勢甚酣透雲氣皆往南行諒京城附近自必同時霑被等語梁肯堂於召對後即已起身適迴途次自必遇雨附京一

帶及畿南各屬是否得獲優霑諒必陸續具報並著梁肯堂即行據實查明具奏○是日駐蹕密雲縣行宮○癸丑諭軍機大臣等本日寅刻自密雲啟蹕時即護澍雨經過石匣一帶途次雨頗綿密現仍濃陰未散二十五日蘭溝得雨時雲氣既往南行諒京城附近自必同時霑被而本日途次得雨雲勢濃厚廣遠京畿更可一律均霑何以總未據留京王大臣奏到豈拘泥本報日期始行具奏耶

著傳諭留京王大臣即將二十五二十七等日京師曾否得雨之處迅速覆奏○是日駐蹕要亭行宮○甲寅駐蹕兩間房行宮○乙卯諭理藩院設有額外侍郎一缺原以加恩蒙古人等現在御前額駙土默特貝勒索諾木巴勒珠爾年逾六旬辦事奮勉著授為額外侍郎以示獎勵○諭軍機大臣等據留京王大臣奏二十五日京城得有霽雨後二十六日京六日卯刻又得雷雨一陣等語二十六日京

城得雨不及一寸。自未為霑沛。昨二十八日駐蹕兩間房。亥刻雷電交作。復獲甘膏大霈。甚為優渥。且雲氣濃厚。雨勢必廣。京師自應一律均霑。究竟曾否同得霽雨。能否深透。著留京王大臣即行速奏。本日又據福寧奏。武城臨清聊城平原等處。於二十五六日得雨三四五寸不等。儘可翻犁播種。已種者可資長發。未種者即可趕種晚穀雜糧。設或不能一例有收。倉貯之外。可以請放折色。現在市糧不乏。民間買食亦易。若小暑以前未得透雨。彼時南糧最後幫船尚在東昌一帶。再請酌量截留。以備賑需等語。所奏甚為明晰。該省濟南東昌臨清各屬。現在又得雨三四五寸已種田禾足資長發。即未種者亦可翻犁播種矣。此時市糧不乏。民間口食有資。截留漕糧一事。自不妨緩行籌辦。萬一小暑以前缺雨處所。未獲普被甘霖。彼時福寧即當將南糧後幫。一面酌量截留。一面具奏。不必再

行拘泥奏請。以致往返需時。又諭據特克慎奏郭密地方所有卡座。請俟冰化時停其安設。並抽撤續添兵丁。仍令西寧駐劄大臣。每年親查一次等語。黑河外岸設有卡座。原以杜衆番冰凍偷渡。第伊等出沒無常。即冰融時。豈不能乘筏而濟。況將兵丁抽撤。必致匪竊更多。至每年仍勅駐劄大臣巡查。雖為防範起見。惟巡查卡座。勢須多帶弁兵。蒙古人等豫備供支。轉致多費滋累。奎舒前在該處駐劄數年。情形自所熟悉。著將各卡座防範何處部落及駐劄大臣巡查有無裨益之處。詳悉具奏。將此諭令知之。○是日駐蹕常山峪行宮。○是月兩江總督書麟奏。此次查閱江西安徽營伍。將優等弁兵獎賞。其年力軟弱者。即時責革。仍督令鎮將勤加訓練。得旨勿久而懈。勉之。○巡視東漕光祿寺卿宗室斐靈額奏。濟寧以北。因冬春雨少。汶源稍弱。先將蜀山湖出水之金線閘啟板宣放。接

濟衛河近因江廣重船抵境復將該湖出水  
之利運開啟板暢放南北分注足敷宣濟俟  
江西尾船輓過寺前柳林二閘即將該二閘  
嚴閉逼水北注總期隨時制宜相機辦理得  
旨此語得之

實錄卷之五十三

五十四

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百五十三

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百五十四

監修總纂官乾隆五十九年六月丙辰朔諭前因直  
吏部院院掌印正黃旗滿洲都統世襲時勤尉軍功加七級隨帶加一級尋常加二級軍功紀錄一次臣陸桂  
總纂官乾隆五十九年六月丙辰朔諭前因直  
吏部院院掌印正黃旗滿洲都統世襲時勤尉軍功加七級隨帶加一級尋常加二級軍功紀錄一次臣陸桂  
世襲時勤尉軍功加十九級隨帶加二級又加二級臣陸桂內大臣戶部尚書鑲藍旗滿洲都統軍功紀錄五次  
尋常紀錄十四次臣陸桂乾隆五十九年六月丙辰朔諭前因直  
臣曹振鏞等奉  
教修

乾隆五十九年甲寅六月丙辰朔諭前因直

隸保定等府屬麥收僅止四分以下降旨賞  
借貧民口糧因思山東東昌武定等各府屬  
未得透雨麥收歉薄恐亦有急需接濟之處  
諭令福寧詳悉查明一面妥辦一面奏聞茲  
據福寧奏稱濟南東昌武定臨清等府州縣  
暨毗連各屬麥收僅二分有餘現在大田均  
未播種即間有偏得雨澤已經播種亦尚待  
雨滋長民力不無拮据等語著加恩將歷城  
章邱長山鄒平新城長清齊河齊東濟陽禹

城臨邑陵縣德平德州平原淄川惠民青城陽信海豐樂陵商河霑化蒲臺濱州利津聊城堂邑博平往平清平莘縣冠縣館陶恩縣高堂臨清夏津武城邱縣壽張陽穀范縣觀城朝城博興樂安高苑臨淄東阿平陰等五十一州縣暨坐落衛所之鰥寡孤獨老幼殘疾貧民賞給六月分一月口糧其餘乏食貧民酌借一月口糧該撫務須督飭所屬悉心妥辦使貧民均霑實惠以副朕軫恤窮簷有加無已至意該部即遵諭速行○以刑部郎中范鑒為四川鄉試正考官中允余集為副考官編修李如筠為湖南鄉試正考官戶部主事談祖綬為副考官○豁除山東臨清州被水衝壓地一百十五頃九十畝有奇額賦豁免貴州運京沉溺鉛二十三萬一千二百五十觔是日駐蹕喀喇河屯行宮○丁巳

上詣熱河

文廟行禮 詣

永佑寺瞻禮 諭此次巡幸熱河經過懷柔地方見豐山口內外一帶道旁田地頗有積水因令扈從大臣詢問跪道之昌平州知州順義懷柔兩知縣俱稱二十四日此一帶得雨二寸復令詢之該處村民則稱二十四日所得之雨實有五寸兼接前潤已為深透等語朕以懷柔一帶既據村民僉稱得雨五寸何以該州縣轉為減少其數或係該州縣等具報總督祇稱二寸是以意存迴護因令梁肯堂將該州縣原報得雨分寸查覈具奏茲據該督奏稱查對順義縣張懷泗懷柔縣張廷儀原稟均祇稱得雨一寸其為迴護顯然豐山口雖係懷柔縣所管地方但昌平州知州藍嘉璲順義縣知縣張懷泗輒同稱得雨二寸含混登答請將該州縣一併先行革職嚴究等語所奏畧為過當該州縣如平日於地方事件或有廢弛貽誤或於出借籽種從中



尅扣及應辦賑濟有心諱飾居官聲名不愜  
輿論又兼捏誣則革職尚為僥倖若該州縣  
平日並無別項款蹟尚能留心辦理地方災  
賑事務今祇係迴護原報含糊登答是僅偏  
於疎忽意在稱災尚非諱災可比將該員交  
部察議已足示懲倘因此即予革職恐地方  
州縣遇有災歉轉致諱飾不報朕辦理庶務  
於大小臣工功過一秉至公從不肯畸重畸  
輕稍有屈抑此事著交蘇凌阿將錫榮即親

赴昌平順義懷柔將各該員在任所辦地方  
事務輿論若何及災賑等事是否實心經理  
有無藉端侵扣等弊據實具奏再行分別覈  
辦至近畿各屬節據梁肯堂奏稱良鄉涿州  
易州房山等處得雨一二三寸通州武清一  
帶得有透雨而大興宛平尚未據報得雨恐  
順天府所屬各州縣究欠需被現在莫瞻菜  
在京並無應辦之事著即輕騎減從前赴順  
天府所屬詳查各該處節次得雨是否屬實

所種大田已種者是否長發未種者現在曾  
否陸續補種齊全有無被旱成災之處據實  
具奏以副朕念切民依無時或釋至意又  
諭本年駐蹕熱河此處綠營兵丁一體當差  
著加恩各賞給一月錢糧是日駐蹕避暑  
山莊至八月癸酉皆如之戊午諭軍機大  
臣等近年來已寧阿在熱河監修各寺廟工  
程因其尚知勤奮不辭勞苦是以疊加恩擢  
用至侍郎總管內務府大臣並賜花翎黃褂

以示獎勵去歲因河東安遠等三廟有換木  
揭寃之工緊要特由兩淮鹽政擢授戶部侍  
郎令其來京前赴熱河專司監辦且伊曾在  
朕前面奏有他人監工多不肯常川親看致  
有偷減浮冒等弊奴才受恩深重不論大小  
各工皆係親身不時督查方得工歸實用帑  
不虛糜之語乃朕於本月初二日始到熱河  
是日雨勢雖大何致安遠廟方竣之工即有  
大殿前坡琉璃瓦脫落數十隴並將下兩層

謬全行砸損實堪駭異已將伊革去翎褂監督等革職並交總管內務府大臣嚴查治罪矣由此觀之是伊面奏之言皆屬虛飾全不足信或冥冥之中另有別項昧良害理之事是以佛天不佑令其敗露不然何以京城熱河此等高大殿座不一而足從未有瓦片脫落之事是其既已昧良欺偽則前在揚州必有營私贖貨之事奇豐額係江蘇巡撫耳目甚近且曾至揚州署理鹽政數月豈有並無聞見之理奇豐額接奉此旨務將已寧阿在兩淮任內有何貪黷敗檢情節據實查奏不可因同係內務府之人稍涉葭莩代為徇隱別經發覺恐奇豐額不能當此重咎想奇豐額受朕深恩用至巡撫諒不敢從井救人自貽伊戚也仍即速行據實覆奏又諭據留京王大臣及順天府奏本月初二日子時大雨傾注甚為滂沛入土已有五寸至寅刻勢尚未止同日又據李奉翰奏臨清一帶前雖

得雨數次不成分寸今於五月二十五日申時至亥時止得有雷雨入土三寸附近之夏津武城等縣同日得雨三四五寸各等語是此次之雨極為普遍豈直省地方尚未一律霑足耶著傳諭梁肯堂即將缺雨各屬此次是否得雨普遍深透所種大田如何滋長勃發情形即速查明據實具奏至山東臨清一帶已得透雨且據李奉翰奏是日陰雲濃厚雨勢必廣農田均可佈種則該省濟南迤西之東昌武定濟寧等屬自必普被甘膏乘時翻犁耕種秋成可望有收並著福寧將各該處得雨是否普遍及大田播種情形一併據實速奏又諭曰李奉翰等奏漳河長水幫船趨行情形一摺覽奏欣慰此次衛河陸續長水至四尺五寸重運得以遄進皆賴河神默佑所致應虔誠致祭以答靈貺至衛河先經長水八寸旋又因漳河水勢陡長暢注入衛長至四尺五寸自必上游

豫省之河北等屬得有優霽至為霑沛方能長水充足乃該省河北道所稟彰德衛輝懷慶等府各屬於五月十一二日止得雨二三寸不等若使河北之雨未為普渥焉能暢注入衛河長水至四尺餘寸此必係地方官所報得雨分寸未必確實著傳諭穆和蘭即將河北各屬連次得雨實在分寸若干是否一律普徧霑渥據實具奏毋得稍存捏飾又據李奉翰奏現在衛河重運暢行所有趨運事宜已與福寧會商妥辦李奉翰由沿河迎催江廣幫船查驗各工即赴豫省巡防等語前因運河水淺重運稽遲是以令李奉翰馳赴臨清會同督率籌辦今衛河水勢增長已為充裕江廣幫船自可銜尾趨行迅速前進不日即可全數過境而豫省河工關係緊要且將屆伏汛險要處所正須督率道將實力巡防其運河一帶現有福寧在彼駐劄督辦新任運河道羅煥亦係熟手儘可經理無誤李

奉翰著即速回豫工往來巡查謹慎修防方為妥善 己未諭軍機大臣曰梁肯堂奏順天保定河間天津等府於二十五六等日得雨二寸至五六寸深透不等順德廣平大名三府亦於二十五六日得雨一二三寸倘續經得雨尚可不礙秋成請先截漕十萬石存貯備用其五十萬石暫留北倉臨期再行酌量奏請動撥等語直隸各屬普被甘膏實深慶幸數月焦勞為之稍慰計該省雨澤保定天津河間等府均極霑足秋禾藉資勃發自可冀有秋其缺雨各屬今已一律得雨土膏接潤即間有被旱處所亦可望大半收成即使有應加賑濟者亦不致多需帑粟現已據該督將南糧截留十萬石將來足數分撥其餘銀米儘有多餘自可備而不用梁肯堂惟當益加敬慎不可稍存滿足之見又諭曰吉慶奏金華府屬之義烏縣有奸徒何世來等散布邪言糾眾起意搶奪該撫率同署臬

司親往查拏一摺。此案何世來捏稱樓德新曾得天書指為教主。散布邪言。傳習拳棒。糾約多人轉相煽惑。經該撫馳往該處。將案犯陸續緝獲三十餘名。並經委員拏獲為首之樓德新。何世來。三犯所辦甚好。著賞給吉慶大荷包一對。小荷包四個。以示優獎。至該犯等妄稱得有天書。糾眾入夥。或另有違禁器械。及悖逆字蹟。雖經吉慶率同署臬司分赴各犯家內。止搜出紅色令字小旗四面。此外並無別項經懺圖像。及器械等項。安知該犯等不隨身藏匿。此不過莠民玩法。惑眾奪財。如有別項不法器械。經圖。務須搜查淨盡。轉不必意存掩飾。並將現獲各犯嚴訊供情。速行定擬具奏。其在宣平。武義。地方。拏獲首犯二名之委員。亦著吉慶獎賞示勸。其餘未獲各犯。並著該撫飭屬速緝務獲。毋任漏網。○又諭據成德奏酌籌乍了口卡地方設立鄂博一摺。內稱乍了口卡兩處交界地方。舊於

山頂各設鄂博一處。相隔四里有餘。夾壩出沒常在鄂博之間。該處頭人往往互相推諉。現親加履勘。將舊設鄂博全行徹毀。另於山頂設立大鄂博一處。永為定界等語。乍了口卡舊設鄂博。相隔較遠。遇有夾壩滋事。該處頭人往往以不在已界。彼此推諉。此等情形。亦屬事之所有。今成德另於山頂設立大鄂博一處。以分界域。並定立緝拏夾壩章程。亦一辦法。但是否實係妥協。抑尚有需酌籌更定之處。福康安於該處情形。較為熟悉。仍著福康安詳晰查明。妥協辦理。以期永輯番境。庚申。以叅革廣西定羅司土巡檢徐能文。弟大文襲職。辛酉。諭原任廣東巡撫郭世勳。自簡任封疆。頗資宣力。前因患病。准其開缺。俾得安心調理。茲聞溢逝。深為軫惜。所有應得卹典。該部察例具奏。壬戌。諭軍機大臣等。據奎舒覆奏。河外卡座係防範貴德循化。番來河內卡座係防範郭羅克內有五卡。

於冰凍時各添兵五十名以杜河外郭密衆番偷渡水融後即不抽撤於蒙古生計仍無妨礙至西寧駐劄大臣例有會盟及查閱旗務等事就便親查一次自不致滋累蒙古而番衆益加畏懼等語所奏自屬實在情形著諭知特克慎令即遵照辦理○癸亥諭軍機大臣曰李奉翰等奏三進尾幫趨出東境一摺據稱汶水於五月二十五日長水五寸足資濟運江西尾幫現已趨過濟寧等語所辦好至東省迤東迤南各屬本年雨水調勻秋成可望豐稔即缺雨之東昌武定濟寧各屬現亦陸續得有雨澤大田自可一律播種齊全不致成災著福寧即將該省缺雨處所是否又得渥澤田禾如何長發芄茂之處據實具奏又據梁肯堂奏直省天津河間三府得雨已為深透順天府所屬亦稱優渥其餘各府州屬得雨四五寸者居多惟順德等府稍欠優霑茲於五月二十八日大名府屬又得

雨四寸連前已有七寸順德廣平二府屬亦於二十八九等日得雨一二三四寸等語覽奏欣慰直隸通省近日續經得雨極為普渥自可轉歉為豐即順德廣平大名三府雖得雨較少但現經續被甘膏三四寸不等而大名元城三縣連前已有七寸土膏足資接潤大半已為透足大田正可乘時補種收成不致缺望閱所奏單內得雨一寸者不過一二處若能續得透雨自可一律有秋有成災處所亦不過一隅中之一隅梁肯堂現在該處親身查勘倘有必需接濟者惟當妥協辦理毋使一夫失所以副朕軫恤閭閻至意○予福建渡臺遭風淹斃閩安協右營兵陳朝泰等三十二名卹賞如例○旌表守正捐軀河南泌陽縣民鄭某妻江氏榮澤縣民李文學妻王氏甲子諭向來漕船全數抵通所有督催糧船之督撫俱一併議敘但巡撫督率兌運催趨開幫漕船依限抵通自應交部甄

敘至總督於營伍事務。是其專管。如營務廢弛。即應將該督議處。若能整飭訓練。方予議敘。至於漕務。則總督並不親身經理。且如閩浙總督駐劄福建。距浙較遠。於浙省漕船開幫。趨運之處。並非該督經辦。若一體交部議敘。轉無以示區別。嗣後漕船全數抵通。止須將該管巡撫照例議敘。其有漕省分之兩江湖廣閩浙總督。俱毋庸一體議敘。○諭軍機大臣等。據吏部奏。原任山西勒休神池縣知縣趙曾齡。在部具呈。以無故勒休。不甘廢棄。請驗看精力。曾否委頓。及有無痰迷病症。一摺。此案趙曾齡。先經該撫蔣兆奎。以該員明白奮勉。題補神池縣。乃為時未久。旋復以氣血已衰。疾迷舊症。大發。奏請勒休。而現經吏部傳驗。察看該員言語清楚。不類瘋痰。何以該撫遽行勒令休致。且保題之後。如已開年歲。或以該員精力就衰。舊症復發。奏請勒休。尚屬有因。今甫以趙曾齡明白奮勉。保題。該

員尚未到任。亦並未委辦一事。旋即以病症大發。劾參。前後情節。迥不相符。恐其中另有別情。現在尚安來京。陛見。計算適至山西。著即就近密行查訪。將該撫等辦理此事。因何前後互異。趙曾齡是否實有痰迷病症。及有無別項情弊之處。據實查奏。毋得稍有徇隱。或該員另有款蹟。上司難以據實開參。僅將患病為詞。令其離任。亦屬不合。如果有此等情節。亦著尚安一併查奏。蔣兆奎入本廳疎。因其辦理鹽課改歸地丁一事。尚為認真。是以擢用巡撫。看其平日操守。尚不當有耽檢踰閑之事。倘此事該撫於保題趙曾齡時。或竟有需索未遂。借端劾參之處。亦著尚安據實查參。此旨。到日。尚安如已過山西。亦仍著轉回查辦。事竣後。再赴行在。將此諭令知之。乙丑。諭軍機大臣曰。梁肯堂奏。直隸保定河間天津各屬。連次得雨。普徧透足。順德廣平大名三府屬。雖雨澤稍遜。而旬日之內。

連次得雨。秋禾亦可乘時滋長。前請截漕十四萬石。儘有多餘。所有部撥銀八十萬兩。似可不必如許之多。俟秋收再行酌定。奏撥等語。直省各屬。近日普得透雨。一律霑被。實深欣慰。披覽之餘。倍加兢惕。不敢稍存滿足之念。梁肯堂當善體此意。益深謹凜。不可稍有玩忽。至順德廣平大名三府。業經續得甘澤。可望有秋。但究未霑足。間有歉收處所。將來尚須量為接濟。梁肯堂前此所請銀八十萬兩。以此時情形而論。自可無需如此之多。然究應酌為籌備。且梁肯堂前在天津。曾經奏及直省應需俸工等項。及一切經費。多有未敷。曾有欲請賞借之語。著梁肯堂通盤籌畫。酌量情形。或動撥一半。或祇須一二十萬。即可敷用之處。據實奏請。動撥。丙寅諭。前因經過豐山一帶地方。見田地多有積水。該處村民。食稱得雨五寸。詢之接駕之昌平知州懷柔。順義兩知縣。俱止稱得雨二寸。自係

該州縣迴護原報。因令梁肯堂據實查奏。嗣據梁肯堂查奏。該州縣等迴護原報屬實。請一併革職究辦。朕以所奏過當。特令蘇凌阿。蔣賜榮親赴該處。將各該員等居官辦事聲名。秉公查奏。茲據蘇凌阿等覆奏。查訪各該員等。皆屬新任。尚無諱災侵扣等項款蹟。於詞訟命盜案件。尚無廢弛貽誤。數之輿論。亦屬相符。惟以垂詢雨澤。意存迴護。含混登答。實屬咎有應得等語。該州縣等平日居官。既於地方事件。尚非漫不經心。輿論亦無不愜。其於詢問雨澤。登答減少。不過意在稱災措詞含混。此係外間州縣習氣。其咎尚輕。倘因此即予革職。恐地方官遇有災歉。轉致諱飾不報。所有昌平州知州藍嘉瑄。順義縣知縣張懷泗。懷柔縣知縣張廷儀。著免其革職。從寬交部察議。以示朕覈實持平至意。○諭軍機大臣等。現因京城錢價過賤。酌籌調劑。據軍機大臣奏請。將庫帑撥出數百萬兩。發交

五城按照市價酌減數文。以銀易錢。遇有搭放錢文之處。搭酌支放。其戶工二局暫停鼓鑄。而朕意則以鼓鑄既停。恐錢價又因此頓貴。不若將八旗兵餉及工程料價。應行搭放錢文者。概以銀兩滿支。將局錢按數減卯。俾銀兩流通。公私兩便。然亦尚無定見。已令阿桂等會同妥議具奏矣。至各省如雲南貴州四川湖廣等處。小錢最為充斥。以致下游江浙等省。錢價亦為過賤。商民多有不便。上年江蘇省曾經長麟奏請暫停鼓鑄。然亦不過僅停三月。錢價未能得平。小錢仍復行使。在小民零星日用。雖不無便益。而商人往來運販捆載攜帶。既多累重。且交納幣課。例用銀兩。以錢易銀。更形折耗。以致成本多虧。是錢價過賤。雖於貧民日用稍便。實於商民有礙。不可不一體設法調劑。各省中每年經費。如亦有搭放錢文之項。可以酌量改放銀兩。俾銀兩流通。錢價增長。是亦一辦法。或有閒款

可以撥動。將銀兩按照時價收買錢文。其鼓鑄酌行停減。市間錢文既經官為收買。自必將大錢交出易換。即或稍有夾雜。亦可官為揀出改鑄。則小錢之弊。亦可不禁自絕。但各省情形不同。難以懸定。著將寄信阿桂等諭旨鈔寄各省督撫閱看。令其查照各該地方情形。應作何籌辦。可使銀錢價值兩平。商民均有裨益。而小錢亦可漸次杜絕之處。各抒所見。據實具奏。各省小錢充斥。節經降旨查禁。而其弊仍復如故。若非該督撫等任聽不肖屬員將局鑄官錢私行減小。希圖多鑄。分肥入己。即係奸民私鑄。該督撫等並不實力查禁。所致若不究官員偷減侵蝕之弊。而徒向民間紛紛查繳。於事無益。乃似此積弊相仍。漫無整頓。則該督撫等所司何事。今經朕為之設法籌畫。詳悉指示。該督撫等若再不各抒天良。妥協籌辦。以致錢法日壞。私鑄充斥。則惟該督等是問。又諭曰。管幹珍奏。江



廣漕船全入下水進行甚速并商民船隻一體暢行無滯等語所辦尚好至所奏截漕事宜前因直隸地方缺雨先期降旨截留南糧六十萬石以備借糶賑恤之用今時霖疊沛節據梁肯堂奏到直隸通省普得透雨秋禾均已翻種長發惟需截留平斛南米十四萬石存於臨清分撥得雨較少之大名順德廣平等屬儘足敷用現在情形與前又異著傳諭梁肯堂會同管幹珍商酌而行除截留臨

清南米十四萬石外如尚有應行寬為豫備之處酌量截留若干以備應用如無需多備徒滋起卸轉運之煩漕船現已進行無滯自可仍令抵壩較為省便也又諭據福寧奏到續得雨澤情形一摺覽奏欣慰至聞所奏單內各屬固有已經深透者而得雨僅止一二寸之處仍所不免究恐未為霑足大田難以乘時播種但單內所開得雨日期俱在六月初三以前此後是否續經得雨一律深透

若初三以後其缺雨處所又得透雨自可趕種齊全秋成可望倘有未能霑足之處應須辦理夏災著福寧即速查辦毋稍諱飾不可使一夫失所予福建渡臺遭風淹斃建寧鎮標右營兵楊朝恩等二名卹賞如例丁卯諭戶部議覆長麟奏粵海關五十八年分徵收短少贏餘確數比較五十五年分短少銀二十四萬餘兩請著令前任監督盛住署監督福昌分別賠補一摺因屬照例辦理第

此次到關洋船比較五十五年分少至十五隻徵收短絀尚屬有因所有此項短少贏餘銀二十四萬餘兩著盛住福昌各按經徵月日共分賠銀二萬餘兩其餘二十二萬兩著加恩寬免以示體恤又諭本日查閱錦格獲罪案由緣和闐辦事大臣格綢額向回子伯克等勒索財物經錦格告知塔琦塔琦不為辦理反將伊革職留在葉爾羌効力贖罪塔琦駐劄葉爾羌於格綢額婪賄情節既未

能查出及錦格告知。仍不辦理。實屬瞻徇。迴護前經軍機大臣奏請賞給塔琦職銜。令往哈密辦事。因未檢查案由。是以曲予恩施。今因錦格之事始悉。伊如此乖謬。豈可仍留吐魯番領隊大臣之任。塔琦著革職。發往伊犁効力贖罪。以昭炯戒。○諭軍機大臣等。據畢沅等奏。卯錢存積過多。請將寶武局鼓鑄歲額暫停一二年。俟現存錢文支放變賣。將次完竣。再行奏請復額。按年鼓鑄等語。所奏似屬可行。昨因京城錢價過賤。已降旨令各督撫酌量情形。今據畢沅等奏請停止鼓鑄一摺。看此情形。不獨湖北一省。局錢存積過多。即各省亦大概相同。其故總由鼓鑄局員多有額外私鑄小錢。以為贏餘。藉資肥橐。而該上司亦不免從中分潤。是以陳陳相因。不願將鼓鑄停止。試思小民肩挑步販。為數有限。即奸民私鑄。亦祇能於僻靜處所。設爐鎔化。能有幾何。乃各省小錢。在在充斥。以致錢價

日賤。商民交累。豈可不力為整頓。除奉天。山東。河南。安徽。甘肅。五省向未設局外。其餘各省均係開鑄鼓鑄。雖情形各有不同。其應如何酌量辦理。或仿照畢沅等所奏暫停一二年。或竟停止。或酌量減卯。及將搭放錢文。改放銀兩。並動款收買錢文之處。各抒所見。悉心妥議。具奏。且小錢充斥。川省尤甚。近聞孫士毅在彼督率查辦。漸就減少。然近邊寧遠一帶。尚仍沿用小錢。根株未能淨絕。福康安前任四川總督。未久旋即來京。又復調任陝甘。其未能辦理之咎。尚屬可寬。今值此甫經整頓之後。若能認真不避嫌怨。留心查辦。以期弊絕風清。方為不負任使。此係朕為整頓錢法起見。特為詳悉指示。該督撫務宜共矢天良。據實籌辦。若希圖錢局沾潤。藉詞含混。以致錢法日壞。私鑄充斥。朕必追究。來自何省。一經發覺。恐該督撫不能當其咎也。○又諭。昨因近日錢價過賤。酌籌調劑。已降旨各

督撫令其酌量情形今日適據畢沅等奏請停止鼓鑄一摺。看來各省局錢存積過多大概皆然。雲貴兩省係出產銅鉛省分每年鼓鑄陳陳相因。前據富綱奏添撥工本採買餘銅一事。經戶部查出該省積存局錢已有一百萬餘串。此後又按卯鼓鑄存積之多。自必倍於他省。現在詢之譚尚忠。據稱滇省近年每紋銀一兩換錢至二千四百文。錢價實為過賤。若將雲南局錢停止鼓鑄。實為有裨等語。可見該省錢價更賤於他省。而小錢充斥。亦惟雲貴為甚。前於四十五年。和珅前往雲南審案時。即以該省小錢風行。曾經具摺奏。並將行使之破爛小錢呈覽。茲又閱十數年。該省錢法之弊。自更不可問。其故總由錢局鼓鑄局員將官錢私行減小。額外私鑄小錢。希圖贏餘。而雲貴為出產銅鉛之所。取攜甚便。更可多鑄肥索。該管上司亦不免從中分潤。是以利於鼓鑄。不肯停減。試思戶

工二局鼓鑄錢文例有侍郎二人專行管理。又有該部各堂隨時督察。而錢局監督又係二年更換。所鑄錢文尚不無輕減分兩等弊。況該省止係督撫派員承辦。而所派之員又係常川管理。並不更換。若再有上下分肥等事。又安能不叢生弊端。且各省鼓鑄所有銅勦俱係由滇採買解往。各有定額。即減小多鑄。尚有限制。至雲南則本地產銅。廠員皆係屬吏。又並不停鑄減卯。局員亦何所顧忌。而不任意多鑄。希圖侵潤耶。即如該省既設有省局。而東川又復設局開鑄。其每年所放兵餉。又並不搭放錢文。若非有貪圖侵潤起見。又何必常川鼓鑄。以致積壓日多。其弊顯而易見。姑念事屬既往。不加深究。但度量情形。該省兩處錢局。及貴州錢局。竟應俱行停鑄。遇有應放錢文之處。局中存錢不少。儘可足敷支放。即使存錢漸次放完。其應放之項。亦可將銀改放。如此辦理。則局錢既不致徒滋

擁積虛糜工價。民間錢文又不致日賤一日。而局中既停鼓鑄。小錢日少。亦不致流行他省。而銅鉛積存多餘。又可為京師及各省鼓鑄之需。實為技本塞源。一舉兼善之道。朕因整理錢法。不憚再三訓諭。詳悉指示。富綱久任雲貴總督。受恩深重。費淳前後兩任雲南藩司。現又護理巡撫。伊二人從前辦理因循。已難辭咎。此時務宜各矢天良。據實查辦。以此日剔弊之功。救已往侵欺之罪。若因局鑄

錢文。可以需潤。自便私圖。或為屬員贏餘地步。不顧公事。藉詞難以停減。將來錢法日壞。小錢充斥。自必追究來路。則惟該督撫等是問。必當加倍治罪。恐富綱費淳不能當其咎也。調烏魯木齊領隊大臣善保為吐魯番領隊大臣。以盛京副都統靈泰為烏魯木齊領隊大臣。山西太原城守尉達椿為盛京副都統。戊辰諭據吉慶奏續獲義烏縣聚匪滋事逸犯。現在解省審擬一摺。內夾片稱。此

案奸徒何世來等所造小旗內寫有悖逆詞句。未敢上瀆聖聰。茲督臣伍拉納鈔摺移會。已將逆詞錄呈御覽。不勝惶悚。合將實在糊塗錯謬。不敢直陳緣由。據實陳明。請交部從重治罪等語。所辦殊屬錯誤。此案何世來等倡教糾黨。商謀搶奪。吉慶於聞信後。即親往查拏。將案犯拏獲。審明分別正法。辦理尚無錯誤。至該犯等悖逆詞句。業經起出。自無所用。其隱諱何以並未據實陳奏。迨聞知督臣將逆詞呈覽。始奏及不敢直呈緣由。仍未將逆詞鈔錄進呈。實屬糊塗。狂徒造逆語。不過嚇人圖財。有何不可奏聞之語。吉慶著交部按例議處。又諭據伍拉納奏親往浙省查拏義烏縣奸民聚匪不法一案。並將逆詞鈔錄呈覽。此案前經吉慶奏報。親往查拏。已獲首夥多犯。審明正法。本日又以該犯等所寫逆詞。未敢奏聞。經伍拉納摺稿移會。將逆詞鈔錄進呈。自陳惶悚。奏請交部治罪。朕初以

此等奸民。不過赫人圖財。有何不可奏聞之語。而吉慶並未據實直陳。自屬不合。祇將該撫交部議處。今閱伍拉納所奏逆詞。竟有招主發兵等語。實屬狂悖。亂民藐法。沿習俚鄙。謾詞小說。混行編造。希圖惑眾騙錢。吉慶於起出後。自應據實陳奏。何所用其隱諱。乃並不鈔錄進呈。轉似所造逆詞內。有指摘本朝國政及朕躬有何失德之事。使無知之徒。見吉慶不敢奏。反致妄生疑議。是吉慶所辦太覺無識。非尋常錯誤可比。著交部嚴加議處。伍拉納呈進逆詞。並著一併發鈔。伍拉納現已前赴浙省。即著會同吉慶將案內各情節。及續獲匪犯一併嚴切審究。定擬具奏。○諭軍機大臣曰。義烏奸民倡教糾黨。商謀搶劫。雖不過莠民玩法。編造逆詞。希圖惑眾誑財。吉慶於拿獲首從各犯時。自應將逆詞內所寫各言詞。係指何人欲作何謀為。向其嚴切根訊。即使係屬該犯等憑空編造。或即指樓

德新而言。亦應訊究明白。取具確供。乃吉慶即將該犯等遽行正法。未免過急。現在尚有續獲案犯。可憑根訊。著伍拉納。吉慶。即行會同嚴切鞫訊。錄供具奏。至伍拉納接據浙江藩司稟報後。即帶同福建臬司。自閩馳赴浙省。並令各鎮營協。在交界處所嚴密堵拏。雖辦理似覺張皇。但事關逆案。亦應嚴辦。伍拉納現已親往。著即會同吉慶將此事究係首夥若干。此外有無主謀起意之人。並將逆詞所稱各情節。所指何人均即秉公嚴究。據實具奏。毋得顛預了事。使之稍有遁飾。至地方既有此等案件。該管文武官員。自應即時稟報總督。即吉慶亦應知照辦理。乃該道府營協等並未先行稟報。自有應得之咎。亦著伍拉納等查明奏。但外省督撫往往因此小節以致意見不和。於辦理地方事務。殊有關係。伍拉納。吉慶均係受朕深恩。簡任督撫。惟當以地方為重。共矢和衷。不可漸存芥蒂。以

副委任若因此致成嫌隙。彼此抵牾。以致貽誤公事。朕必將伊二人一體治罪。決不寬貸。又諭前錦格於南石槽途次召見時。詢以從前緣事革職案由。據稱乾隆五十一年。在山東按察使任內。因重犯單大經等反獄一案。奉旨革職。發往伊犁効力。並稱按察使衙門新造監房未竣。是以重囚得以反獄。朕以臬司衙門為彙禁要犯重地。自無不設監房之理。因令軍機大臣檢查原案。則彼時錦格原奏摺內。即聲明司監在儀門外東首。有東西南監房三座等語。是該省臬司衙門本係設有監房。即其明證。何以此時召見時。又稱新建監房。其為趨避顯然。著留京王大臣。即傳詢錦格。因何前後所奏不符。令其據實具奏。戶部議奏。酌定各倉關米章程。每月三旗輪放甲米。無庸倉場坐派。駁口徑由戶部按祿米等倉次序。於每月朔日。揆定三倉。令該三旗分往關領。或三色米內。間有一色

不敷。即按成抵給。不得赴別倉找補。每年新漕進倉時。倉場侍郎酌量舊存各色米石。均勻派貯。並豫期造冊咨部。以便分別新陳搭放。一每月部定倉口。後行知都察院。簽派滿漢科道各一員。驗封該倉貯米廩座。屆放米時。科道率監督等。眼同領米旗員。揭去氣頭。將應收米石一律放給。仍令該監督將所領米樣。封送戶部。各該旗亦於領米竣日。將米樣送部。以憑覈對。其舊設查倉御史。向係一年更換。嗣後應停奏。派惟所派監放甲米之科道。本衙門別項差使。應令扣除。俾專責成。一八旗領出米石。本旗都統或副都統。會同查旗御史。赴倉驗明米色米數。籤掣佐領次序。即分給各兵。押同原車交卸。一各該旗都統。先期覈明所屬各佐領下應領米數若干。人數若干。造冊咨部。轉行倉場。俟開倉日。令三旗都統。於一月限內。無論滿洲蒙古漢軍。包衣分作十五起。並於每起派章京一員。

領催二名及應食米之兵丁三四名眼同赴領以防攙雜尅扣等弊如限內不放竣監放之都統副都統及該科道並監督均罰俸一年一各該旗赴倉領米倘監督與花戶人等有攙和潮米及短米索費等弊許兵丁等首告領米旗員等及稟明各該都統將監放之科道及監督一併嚴叅花戶等從重究治一各倉既派科道稽查向派都統副都統查倉之例應請停止一外火器營官兵坐落藍靛廠其米石向在海運北新二倉支領殊屬寫遠應與圓明園暨健銳營一併歸本裕豐二倉就近關支車脚錢文即照圓明園官兵領米例一律妥辦一文職四品以下武職三品以下世職子男以下春秋二俸即於祿米等十一倉分季輪關屆期行知都察院派滿漢科道各二員輪赴各倉率同該監督等照支放甲米之例辦理一內務府每年約需白麥四千七百餘石令倉場於新麥抵通時徑

運交內務府恩豐倉存貯備用一八旗官兵并各項官兵拴養馬匹及五營差馬等項每年共應領豆十六萬餘石請照支放甲米例令領豆石之人眼同該監督一律勻放一米商鋪戶囤積居奇應飭步軍統領順天府及五城出示嚴禁如鋪戶人等違禁豫買兵米除將兵丁責處仍飭自行赴倉關支用過鋪戶銀錢不准償還奸商等仍敢索討許兵丁等首告將索債人從重治罪從之己巳戶

部議准大學士署四川總督孫士毅疏稱打箭鑪底塘至章谷各塘兵糧向於放剩軍需米內撥供現不敷支放請於天全雅安等州縣每歲採買穀四百石碾米二百石運貯鑪倉供支從之江西巡撫陳淮疏報靖安宜春上饒德興等四縣乾隆五十七年分開墾額外新生田地五頃有奇○庚午諭本日國史館呈進王師列傳朕詳加披閱王師在巡撫任內辦理地方事務甚為實心任事伊子

王亶望前在甘肅藩司任內。於捏災冒賑一案貪婪。用法侵帑殃民。實為罪不容誅。且以伊一人連及衆人。俱至身罹重辟。釀成巨案。不得不從重懲治。是以將王亶望立寘典刑。並將伊子概行發往新疆充當苦差。此為懲儆貪黷。起見。準情治罪。原所應得。第念伊父王師簡任巡撫。尚為國家良臣。若因伊子王亶望貪黷營私。以致絕嗣。於朕心實有所不忍。又如雅爾哈善前在西路軍營失誤軍機。放走小霍卓木。雖係誤聽對哈納之言。但伊身係將軍。彼時以軍務重大。法所難宥。是以將伊正法。並將伊妻子發往黑龍江。以昭炯戒。今念其事已閱數十年。雅爾哈善身伏國典。其妻子亦尚在可原。並此外如勒爾謹、陳輝祖、楊景素、王廷贊、柴大紀等。俱因身獲重罪。將伊子嗣發遣新疆等處者。亦應一體查辦。著留京辦事王大臣會同刑部將指出以上各案。及此外尚有類此發遣官犯。及獲重

罪之子孫。一併查明案由。詳晰開單具奏。候朕加恩辦理。王亶望、雅爾哈善諸人。皆係朕簡擢任用。因其自罹重辟。累及妻孥。固屬罪由。自取。今朕於歸政以前。特沛殊恩。施仁法外。俾其子嗣。仍得釋回鄉里。延其宗祀。伊等伏辜泉壤。亦當共知銜結也。○又諭曰。和琳奏設立唐古忒各邊界鄂博。及查閱前後藏漢番官兵各摺。唐古忒地方。毗連外番。向因界址不甚分明。易致爭擾。此次經和琳帶同遊擊張志林等。由沿邊一帶親自履勘。悉心講求。一律堆設鄂博。所有唐古忒西南外番布魯克巴哲、孟雄、作木朗、洛敏、湯廓爾喀各交界。均已畫然清楚。邊界可期永遠寧謐。至前後藏漢番官兵。向來最為懦弱。今經和琳等嚴飭訓練。親加查閱。分別獎懲。使新設番兵皆成勁旅。實為衛藏所未有。和琳辦理一切。均為妥協。著賞給御用大荷包一對。小荷包四個。以示優眷。諭軍機大臣曰。和琳等



奏辦理阿足地方差員被夾壩搶掠一案酌定章程令各該處呼圖克圖等於所屬緊要地方派撥番民輪流巡防嗣後再有夾壩出沒即將該呼圖克圖等交達賴喇嘛分別嚴懲等語所辦俱屬妥協惟摺內所稱倉儲巴字樣已用硃筆點出藏內所管倉庫事務之人向俱稱為商卓特巴今衛藏事務俱係駐藏大臣督率管理遇有陳奏之摺自應以商卓特巴字樣聲敘不應相沿舊時承習之語

仍稱為倉儲巴即如噶布倫之稱為噶倫等類亦皆應一律按照唐古忒字音譯正和琳等即未能諳悉何妨傳詢講求一一通曉也駐藏大臣和琳等奏前經奏准每年春秋二季駐藏大臣分往各邊界巡閱第衛藏地方較冷三四月間播種八九月間收穫凡巡閱之期正值番民農忙需用烏拉人夫殊多不便請嗣後駐藏大臣每年五六月農隙時閱邊看兵一次得旨是知道了旌表守正

捐軀直隸開州民張十一妻吳氏

大清高宗法天隆運至誠先覺體元立極敷文奮武孝慈神聖純皇帝實錄卷之一千四百五十四

大清高宗法天隆運至誠先覺體元立極敷文奮武孝慈神聖純皇帝實錄卷之一千四百五十五

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事務處總辦

吏部總管處總辦正黃旗滿洲副都統世襲騎都尉軍功加七級隨帶加一級尋常加二級軍功紀錄一次慶豐

總裁官總管處總辦太子太傅文淵閣大學士文淵閣領閣事稽察欽奉 上諭事務處總辦刑部三堂事務

甘肅巡撫副都統加十九級隨帶加二級又加二級軍功紀錄四次臣等謹將此次臣等撰錄等事

尋常紀錄十四次臣等撰錄等事太子少保工部尚書紀錄六次臣等撰錄等事

敦修

乾隆五十九年甲寅六月辛未諭軍機大臣

等據奇豐額奏動用耗羨銀兩一摺內稱本年正月奉文成造尺寸大小不等金甌六千塊副甌二千四百塊等語現在宮殿各座並無新造工程需用金甌之處朕之所知又何須行文成造並為數如許之多徒置無用此必係工部以備用為名令其成造解送圖得鋪墊使費並可藉端開銷又未奏聞工部各堂官何以漫無查察至金簡久任工部於此等事尤應留心查覈乃率行咨令成造徒滋

糜費著傳諭金簡及該堂官等將此項金甌有何需用何以率行咨送如許之多據實明白連行回奏○又諭曰梁肯堂奏大名廣平順德各府屬於本月初十一兩日各得雨四五寸至七八寸不等極為深透已種田禾長發暢茂未種者悉已佈種齊全可以轉歉為豐所有請截漕糧除已經截留之十四萬餘石仍運至天津改貯北倉外前奏請截留北倉之四十五萬餘石已可無需應仍運至通倉收兌等語覽奏欣慰益勵敬勤前因大名順德廣平一帶雨澤愆期是以降旨截漕六十萬石以備賑恤之用今該三府業已普被優膏一律深透農功大起可望秋成現已據梁肯堂奏將截留南糧十四萬餘石運貯北倉即使將來間有一二處有需接濟已儘為充裕其餘漕米若仍行截貯存而不用自應仍歸通倉著傳諭管幹珍等即將原擬截留北倉之四十五萬餘石漕糧仍令糧艘運

至通倉。照例收兌。以歸簡便。而省繁費。○又諭曰。梁肯堂自春間至今。往來各屬。與朕同憂。盼望雨澤。已閱半年。今通省得雨。已一律普渥。實堪慶幸。應解憂勤政。而不可放心。著賞給大荷包一對。小荷包四個。奶餅一匣。以誌喜慰。○又諭曰。勒保奏。拏獲劫掠過客羊隻及疊劫蒙古牲畜之番賊。審明正法一摺。此案番賊等於五十六七八等年。結夥行劫。傷斃事主。並搶掠蒙古牲畜。數至盈千累百。首從多人。前據特克慎奏到後。業將循化貴德等廳。令特克慎一體管理。並將案犯嚴緝務獲矣。至今為日已久。乃僅拏獲棍楚克。查汗他二犯。而案內逸犯尚有多人。未經就獲。可見該省地方官等。於此等緝捕之事。全不留心。竟視為海捕具文。以致兇徒漏網。著傳諭勒保。特克慎。務須各飭所屬。實力搜緝。將此案逸犯。按名拏獲。嚴辦示懲。毋得仍前疎懈。致干咎戾。○又諭。據陳用敷奏。黎維祁服

叔黎維治。帶同隨人張廷眷。內投。詢無別情。遵旨派員將黎維治等押赴江南。並咨明書麟。酌量安插等語。黎維治係黎氏近族。因被跟尋內投。雖詢無別情。究恐未可深信。江南省前有安插黎氏舊人。安靜已久。不可又令有勾通煽惑情事。著傳諭書麟。於黎維治等解到後。妥為安插。並飭所屬留心嚴查。毋令滋生事端。方為妥善。○壬申。戶部議准。山西巡撫蔣兆奎疏稱。神池縣僻處山中。不通車輻。該縣供支樺林等九營兵糧。均由兵丁赴倉支領。惟寧武一營。獨歸民運。查該營距神池倉僅三十里。應一體改令兵丁赴領。從之。○癸酉。諭曰。阿桂等奏。請申明例禁嚴禁小錢一摺。已交步軍統領衙門。五城順天府。一體查禁矣。據稱小錢之弊。節經飭禁。乃現在派人持銀至市易錢。親加檢閱。每串內攙用砂板鐵眼等錢數十文。京城如此。外省不問可知。顯係該督撫奉行不力等語。各省地方

小錢充斥。節經降旨通飭查禁。而其弊仍復如故。此其致弊之由。朕細思得之。即如富商大賈。資本殷實。即使逼令私鑄小錢。伊等顧惜身家。亦斷不肯作此違禁之事。不過游惰小民。衣食不給者。於僻靜處所。私行設鑪。鎔化能有幾何。其餘止係肩挑步販。為數更少。何至小錢日積月多。甚至流行他省。其故蓋由於各省錢局鼓鑄錢文之時。不肖局員。將官錢私行鑄小。額外私鑄小錢。希圖贏餘肥橐。該管上司從不顧問。或且不免從中分潤。是以利於多鑄。從不議及停減。小錢充斥。其弊實由於此。而各省中則以雲南貴州四川湖廣為尤甚。蓋各省鼓鑄所需銅鉛。俱係由滇黔二省採買運往。而所買銅鉛。皆由部中查照各該省應行額鑄錢文。覈定數目。比較盈絀。不能額外多買多鑄。即使各該省局員希圖微利。將局錢減小。餘出銅鉛。額外多鑄。亦尚限於額銅。不能過濫。至雲貴四川。本係

出產銅鉛之地。取攜甚便。而湖廣漢口地方。為雲貴四川總匯。奸民雜處。私販私鑄。諸弊叢生。是以小錢公然行用。比之各省。倍為充斥。且戶工二局鼓鑄錢文。例有侍郎二人專行管理。又有該部各堂官隨時督察。錢局監督更係二年更換。所鑄錢文。尚不能弊絕風清。然即使有弊。亦不過稍減分兩。較之官鑄形模畧小。斷無砂板驚眼等項。破爛小錢。若非出於此。四省私鑄流行。攪和。則此等小錢。又從何而來。況各該省祇係司道府等官承辦。又係常川管理。安能不弊端百出耶。現惟湖北省經畢沅等奏請停止鼓鑄。尚為留心整飭。然僅請停止一二年。尚覺年分較少。看來竟應多停數年。方為有裨。至雲南局存錢文一百餘萬串。省局及東川二處。仍復按卯鼓鑄。其每年兵餉。又不搭放錢文。何必陳陳相因。徒滋積壓。乾隆四十五年。和珅前往該省審案時。因小錢風行。曾經具摺奏。惜彼

時未經即時嚴辦。停止鼓鑄。以致積弊相仍。蔓延他省。茲又閱十數年。該省錢法之弊。自更不可問。所有雲貴二省錢局鼓鑄。竟當永遠停止。四川省經孫士毅在彼督率查禁。小錢漸就減少。然近邊寧遠一帶。尚仍沿用小錢。根株未能淨絕。是該省鼓鑄。亦應永遠停止。福康安前在雲貴四川總督任內。未能實力整頓。杜絕弊端。已難辭咎。姑念伊到任未久。旋即調任。是以不復深究。今復任四川總督。務須趁此甫經整頓之後。實力督率。不避嫌怨。留心查辦。以期小錢淨盡。方為不負任使。若仍前辦理因循。以致錢法日壞。小錢仍舊充斥。則惟福康安是問。其餘各省督撫。經朕屢加訓飭。務宜共矢天良。據實查辦。若仍漫不經心。致流弊竟無底止。必將該督撫從重治罪。決不稍為寬貸。但查禁小錢。全在該督撫等實心董率。嚴密稽查。不得委之官吏胥役。轉致藉端擾累。近聞外省繁劇州縣。所

用衙役有多至千餘名者。內中並非正身。俱係無籍之徒。挂名冒充。希圖恐嚇鄉愚。藉資勒索。於吏治民生。殊有關係。並著該督撫等實力稽查。一體嚴禁。除額設各役外。其餘濫行冒充白役者。概行革逐。倘並不認真辦理。以致滋生事端。一經發覺。除該州縣從重治罪外。必將該上司一體治罪。恐不能當其咎也。將此通諭知之。○以工部侍郎吳省欽為浙江鄉試正考官。御史戴均元為副考官。禮部侍郎劉躍雲為江西鄉試正考官。編修錢棧為副考官。內閣學士周興岱為湖北鄉試正考官。中書齊嘉紹為副考官。○甲戌。諭曰。金簡等覆奏。行文江蘇省燒造金匱一摺。據稱舊存金匱止存二千餘塊。是以於上年十二月內奏明。行令江蘇成造等語。近年以來。並無宮殿工程。此項金匱。四十九年。該廠尚存二千餘塊。是年又經工部行令成造正匱六千塊。副匱六百塊。是新舊合算。共計匱八

千六百餘塊。十年以來。有何處工程需用。又止剩二千餘塊。所稱見方二尺者。俱已用完。又係何處用去。即使

壇

廟宮殿等處。間有粘補修理。究係何處用。若若干塊。係何年月。亦應確實指出。方為有著。且粘補修理時。換用新。後自必將舊。繳回。所繳舊。究係若干。又係存貯何處。何以並未明白聲敘。況行文成造。自當查照工程需用數目。酌量燒造。豈有不問有無工程。每次拘泥成例。輒以六千餘塊為率。行令成造之理。又於年底事繁時。朦混具奏。明係該部為浮冒開銷起見。冀得鋪墊使費。是以率行咨造。今經傳詢。又復藉詞支飾。希圖含混。殊屬非是。著軍機大臣會同該部嚴查議奏。所有金簡等原摺。著發交福長。將指出各情節。面詢金簡等。令其據實登答。並令將四十九年存剩金。及是年行文成造。正副各。均

係何處取用。及何處用。若干。並換回舊。共計若干。現存何處。詳悉開繕清單。一併據實具奏。勿令再有支飾。致干咎戾。○諭軍機大臣曰。宜與奏。審擬疊次強劫。並輪姦婦女。各盜犯。分別辦理。一摺。已交軍機大臣會同行在法司。覈擬速奏矣。此案羅添明身係旗人。乃敢起意為盜。糾夥強劫。甚屬可惡。自應嚴懲示儆。至案內之王功等三犯。雖係強劫。輪姦。應行正法。梟示。究非江洋大盜。及臺灣等處匪犯可比。該侍郎自應奏明辦理。乃將該三犯先行正法。未免過急。又摺內所稱。情有可原之犯。復入於斬決數內。又復牽混別案。輪姦聲敘。雖於罪名無所出入。而敘次殊屬前後錯雜。宜與著傳旨申飭。○乙亥。諭據彭承堯奏。巡閱通省營伍關隘情形。一摺。所辦俱屬認真。至摺內稱。千總把總外委等弁。騎射生疎。咨部斥革。又參將胡松阿。遊擊阿爾綱阿。都司齊冠。東俱老病不能騎射。咨會

督臣題參請旨勒令休致等語。粵西為邊疆要地。所有該處營伍。自宜勤加訓練。隨時整飭。千總。把總等官。雖係微末。已不當以騎射生疎之人。任聽濫竽。至參將遊擊都司。為營中表率。而旗員更不應聽其懸棧。尤應留心考覈。如有精力衰憊。弓馬平常者。自當即時叅劾。毋令貽誤營伍。今提督彭承堯。甫經調任。所奏參革各員。除千把外。委外。竟有參將遊擊都司等員。均因衰老患病。不能騎射。而胡松阿及阿爾綱阿。俱身係旗人。更不應任其衰病貽誤。可見該省營伍廢弛。已非一日。各省營伍事務。總督提督。俱有統轄之責。似此大小營弁。技藝生疎。皆由總督提督平時因循積玩所致。前任署督郭世勳。業已病故。姑免置議。提督梁朝桂。現已調任湖廣。而從前粵西任內。不能整頓營伍。咎實難辭。梁朝桂著交部嚴加議處。以為廢弛者戒。○諭軍機大臣等。本日惠齡前來熱河。陛見。詢以湖

北停止鼓鑄一事。據稱湖北省每年額鑄錢八萬六千餘串。除搭放兵餉及工料錢三萬九千餘串外。每年多有積存卯錢。近日錢價較賤。兵丁餉項。亦樂於支放銀兩。不願關領錢文。若改放銀兩。實於兵丁為便。其錢局鼓鑄。竟可多停數年。至川省近日省城及各府屬。節經查禁。小錢較少。而近邊寧遠一帶。現尚沿用小錢。皆由與雲南境壤相接。該處小錢流入川省。是以尚多沿用等語。前因各省小錢。在在充斥。尤以雲貴四川為甚。業經降旨飭諭。小錢之弊。出於民間私鑄者。不過十之二三。出於錢局減小多鑄者。竟有十之七八。若不揣其本而齊其末。於事仍屬無益。所有雲貴二省。不但鼓鑄竟應永遠停止。其查禁小錢一事。尤不可不實力整頓。現在湖廣因卯錢存積過多。經畢沅等奏請暫停鼓鑄。尚為留心。但該省每年額鑄八萬串。除搭放兵餉外。尚存四萬餘串。似此陳陳相因。徒置

無用。而兵丁等又樂於支銀而不願支錢。是竟應將兵餉滿支銀兩。其錢局鼓鑄僅停止一二年。年分尚少。竟應多停數年。俟至必須開鑄時。再行奏請辦理。其漢口地方。為雲貴四川等省總匯處。所奸民雜處。私鑄私販。易滋弊端。更令隨時查禁。不可日久生懈。至雲貴二省小錢充斥。由來已久。富綱等既並未認真查禁。又不奏請停鑄。實屬非是。此時若再不實心督率。嚴行查辦。致小錢仍復蔓延他省。則惟該督撫是問。四川省現經查禁之後。小錢雖已減少。而近邊一帶。根株仍未能淨盡。該省鼓鑄業經降旨永遠停止。其查禁小錢一事。福康安尤當實力董率。不避嫌怨。留心查辦。務使近邊等處小錢淨絕。一律行用大錢。永杜弊端。毋使日久通省又復相沿行使。方為不負委任。○又諭曰。福寧奏報通省得雨情形。據稱兗沂等屬。田禾愈加芑茂。濟東武臨等屬。晚禾滋長。可期轉歉為豐等

語。覽奏欣慰。但閱所開得雨清單。各該州縣得雨四五寸及深透者固多。惟曹州府屬朝城觀城范縣僅得雨一寸。青州府屬昌樂縣得雨一二寸。若前此已屢獲霑膏。而此次又得雨一二寸。則接潤含滋。田禾自可期其長發。若如曹州青州所屬。得雨止此一次。而又不過一二寸。究恐未能霑足。著傳諭福寧即速查明得雨一二寸各地方。倘有大田未能佈種。或致成災。有需酌量接濟之處。迅即據實具奏。毋稍諱飾。不可使一夫失所。○以內閣學士台布為鑲紅旗漢軍副都統。○豁除四川松潘廳屬里河溝壑不成熟地二百三畝。有奇。額賦。豁免雲南運京沉溺銅六萬六千九百觔有奇。○旌表守正捐軀安徽宿州民高某妻王氏。四川富順縣民郭萬珠妻傅氏。○丙子諭。戶部議駁廬鳳道刁玉成請將五十九年分應賠鳳陽關贏餘短少銀兩分限四年完繳一摺。此次鳳陽關短少贏餘



銀五萬餘兩。經朕格外加恩。僅令著賠二萬兩。自應照部議即行完繳。第念該監督養廉不甚優厚。刁玉成任內。現在尚有五十七八年應賠銀兩未完。所有五十九年分應賠短少贏餘銀二萬兩。著加恩自丙辰年為始。分限二年完繳。以示格外體恤。○諭軍機大臣等。昨據阿桂等奏查禁小錢一摺。已交步軍統領衙門。五城順天府一體查辦。但查禁小錢最易滋弊。若奉行不善。則番役胥隸捕快等。即藉端擾累。於鋪戶實在私用小錢者。轉得受賄。置之不問。而於無干商民。輒借查禁為名。任意勒索。此等弊端。均所不免。現在戶工二局。已據阿桂等議令各減二十卯。其各省鼓鑄。亦經通飭各督撫酌量停止。以期正本清源。其民間行用小錢。自必日就減少。各該衙門。惟當督飭番役胥隸捕快等。留心稽察。妥協查辦。不可稍任藉端勒索。欲去一弊而轉滋十弊。方為有益。綿恩現署步軍統

領。自與都察院順天府悉心商酌。定有章程。其如何立法稽查。肅清錢法。不使番役胥隸捕快等得以藉端擾累商民兩便之處。即行據實具奏。○又諭曰。李奉翰等奏到虞城十四堡挑挖引渠。河水暢注。固可分減溜勢。十四堡迤下地方。不至頂衝著重。但閱繪進圖。樣大河河面甚寬。而所開引渠。止寬十五丈。河溜自從寬濶處所。併溜南趨。所挑引渠。未免窄狹。究恐不能多掣大溜。朕意或於斜對十五堡頂衝地方。添挖引河一道。歸入引渠。則河溜南趨。十四五堡坐灣時。有此引河。足資分減。自必順勢下注。引渠十四堡以下頂衝處所。不致著重。已於圖內用硃筆標識。著發交李奉翰等閱看。並察看情形。似此添挖引河分減溜勢。是否得力之處。詳悉查明。據實具奏。若可行。則一面具奏。一面興工。不可則止。○又諭據穆和蘭覆奏河北各屬雨澤分寸一摺。內稱河北各縣。普得渥澤。其尚未

種齊之汲縣滑縣涉縣封邱四縣入土深透。新鄉延津考城修武原武五縣入土四五六寸等語。所奏仍未明晰。汲縣等處得雨深透。固可播種齊全。其得雨四五六寸之處。亦已為透足。如直隸省得雨三四寸地方。即可及時耩耕播種。今河北之新鄉等縣。既經入土四五六寸不等。豈不能一律耕種齊全。至各屬得雨。僅止二三寸。究未為優渥。現在該撫已飭藩司吳璥前往查勘。俟勘明後。如有未經續得透雨。趕種不及。即行如何綢繆之處。據實具奏。毋稍諱飾。○丁丑。諭。向來馳遞本報遲誤時刻。例應將沿途臺站員弁等交部議處。此次本報因連日遇雨。山水陡發。浪大溜急。人力難施。尚非無故遲延。所有各員弁等。應得處分。著加恩寬免。嗣後該員弁等。惟當益加奮勉。迅速馳遞。毋致再有遲誤。○戊寅。遣官祭火神廟。諭軍機大臣曰。莫瞻菴奏。十九日

行次懷柔。密雲。又值雨勢綿密。入土深透。差探附近之平谷。順義。昌平等處。雨亦相同。且雲氣甚濃。布濩必廣。又現據福長安亦報稱。二十二日。在蘭溝地方。因河水長發。至二丈之高。不能過渡。各等語。看來此次雨澤。極為普渥。懷柔。昌平。順義一帶。尤為十分霑足。京城附近地方。自必一律同得霽雨。大田益資長發。但前月以來。各該處稍覺望澤。今節次渥被優霽。現又得此大雨。所種田禾。是否不致又覺雨水稍多。於莊稼有無妨礙之處。著留京辦事王大臣。詢之順天府尹。將現在情形。即行據實覆奏。再福長安在蘭溝地方。水勢一經消落。自即迅速抵京。所有查辦事件。已得有大概情形。著即先行具奏。○己卯。諭。曰。福長安奏。詢問金簡因何率行咨造金甌緣由。工部堂官自請交部嚴加議處。一摺。金簡等俱著交部嚴加議處。至金簡所稱各該處所換金甌。向例俱仍存各該處。不交工部

查覈等語殊屬非是向來各項物料皆係交舊換新豈有金甌一項專領新甌而所換舊甌並不繳回漫無稽查之理恐難保無支飾含混情事宜趁此查辦之時將此事檢查確實福長安於應辦事竣即當前來熱河不能在京久待著派綿恩胡季堂金簡伊齡阿將各該處節次領取新甌若干何處需用及所換舊甌現在何處為數共有若干與所領之數是否相符有無浮冒侵用之處會同詳悉

查覈據實覆奏○諭軍機大臣○蘭第錫奏銅鉛過境貴州委員領運鉛觔在三草壩地方陡遇暴風將第一號鉛船沉溺當即打撈全獲等語銅鉛船隻遇風沉溺節經降旨令各督撫嚴禁水摸人等偷撈私匿情弊並飭趕緊打撈務獲今該委員鉛船因風沉溺當即趕撈水摸上緊打撈將沉鉛全數撈獲自應量為獎賞著傳諭蘭第錫查明此次撈獲鉛觔之水摸人等酌量賞給銀兩以示鼓勵○豁

免貴州運京沉溺鉛九萬四千二百觔有奇○旌表守正捐軀江蘇邳州民解奪妻曹氏○庚辰諭據和坤等奏請將圈養馬匹分與文武大臣官員檢養所空園地建蓋官房給與貧民居住等語此項馬匹分與大臣官員檢養雖似可行但下五旗官員及蒙古旗分官員較少恐難分養若令兵丁檢養而驍騎馬甲又非健銳營火器營圓明園八旗精兵可比著交留京辦事王大臣等會同八旗都統將此項馬匹令官員

檢養究屬有無裨益抑八旗可否均照辦理並所奏一切務須詳悉覈議具奏以期行之久遠○又諭曰伍拉納等奏前此審擬販私拒捕及奪犯毆差等四案將罪應絞監候各犯遽請旨即行正法皆由督撫謬執已見率意從嚴審轉各官原擬罪名並無出入等語此案該司道府等審轉時既照定例審擬招解並未遽請立決皆由該督撫辦理錯誤其審轉各官原擬罪名本無出入是該司道府等尚無不合俱著加恩

免其開叅。辛巳諭曰：巴寧阿現已革職，拏問所有戶部右侍郎員缺，著加恩以景安調補。景安此次在倉場侍郎任內，於催趲漕運、督辦挑挖淤淺事宜，甚屬認真。且前在廓爾喀軍營，催辦糧運，亦為出力。是以加恩調補。但現在正當幫船絡繹抵通之時，更資經理。在京戶部堂官亦不乏人。景安此時且不必急於到任，俟全漕抵通，辦理完竣，彼時倉場侍郎簡放有人。景安再行交代，進京供職。董椿於巴寧阿前在鹽政任內，交結商人各款，經降旨詢問。董椿即係接巴寧阿之人，並未據實叅奏。實屬有心徇庇。董椿著革職，並著奇豐額前往揚州，摘取印信，派人帶董椿即行來京聽候治罪。所有兩淮鹽政著全德速赴揚州署理，將浙江鹽政及織造印務俱交吉慶暫行兼管。其未到兩淮以前，即著奇豐額兼署。至書麟、奇豐額於巴寧阿與商人交結一事，前經降旨詢問時，亦未據實叅劾。實

屬徇庇，本應與董椿一體革職。姑念伊二人究係地方官，又不同城，與董椿情罪有間。書麟、奇豐額俱著交部嚴加議處。○諭軍機大臣等：據留京王大臣等奏，將全德所叅巴寧阿各款面詢。巴寧阿其收受商人洪廣順為門生及置買婢女，並於離任時收受盤費銀兩三款，均已供認。其與總商汪肇泰聯宗一節，巴寧阿堅不承認。現已派惠齡進京會同留京王大臣再行嚴訊。巴寧阿與總商聯宗一節，朕即以其過於卑鄙，有玷名器，想伊亦自知此節較重，是以堅不承認。但此事係全德之所舉劾，自有確據。且有總商汪肇泰可以質詢。諒巴寧阿無能遁飾。全德到揚州後，即傳該商汪肇泰嚴切訊問，明白開導，令將巴寧阿與該商如何交結聯宗之處據實說出，不治其罪。及此外巴寧阿在任時尚有何別項劣蹟，一并查明，迅速據實具奏。○以編修蔣攸銑為陝西鄉試正考官，檢討錢開佑

為副考官。內閣學士瑚圖禮為江南鄉試正考官。編修顧德慶為副考官。○以兵部右侍郎成策為正黃旗漢軍副都統。○豁除江蘇丹徒縣乾隆五十七年坍沒沙潮田地二頃六十八畝有奇額賦。○癸未諭軍機大臣等本日福長安奏。近日雨水情形據稱京城自十七八至二十五六等日。連日俱有大雨。勢甚傾注。道路俱經水浸。京城附近地方。所種莊稼其已經長發出土甚高者。俱無妨礙。而山坡道旁補種田禾。甫經出土者。間被水淹。沙壓等語。京城自月初以來。連得透雨。大田均已佈種齊全。今因十七八至二十五六等日。連日大雨傾注。以致山坡道旁補種田禾。間被積水淹浸。沙土衝壓。此等處所農民已費貲本。乘時趕種。甫經出土長發。即被水淹。沙壓。難望有收。豈不可惜可憐。此時水勢自己消涸。但農諺有初伏蘿蔔二伏菜。三伏種蕎麥之語。是蔬菜蕎麥等項。目下猶可趕種。

著留京王大臣傳詢順天府此等水淹沙壓地畝。如有無力貧民。不能再行補種者。即行查明酌給籽種。俾得趕種有收。藉資口食。不致失所。方為妥善。將此諭令知之。仍即速奏。○又諭京城至古北口等處。因連日大雨。致田禾間被積水淹浸。沙土衝壓。想近畿一帶。近日雨勢廣遠。其低窪處所。趕種田禾者。似此情形。當亦不少。著傳諭梁肯堂。即行飛速查明。如有水淹沙壓地畝。無力貧民。不能再行補種者。即行酌給籽種。俾得趕種有收。藉資口食。不致失所。方為妥善。○甲申諭據保寧奏。危魯特額奢莫特。現年一百三十歲。伊妻亦已八十九歲等語。額奢莫特。僻在邊隅。年逾百歲。洵為昇平人瑞。著加恩賞給緞匹銀兩。以示惠養。期頤至意。○乙酉。倉場侍郎劉秉恬奏。北運河官設撥船一千五百隻。向於重運抵楊村時。照起六存四例。撥給濟運。現在河水充足。所有到楊待撥各幫。應改為

起四存六。或起三存七。無庸拘例辦理。得旨。如議行。○以甘肅金塔協副將木騰額為廣東高州鎮總兵。○是月。盛京將軍宗室琳寧等奏。盛京年穀豐收。現奉有豆麥減稅之旨。商販自更踴躍。第恐小民囤積以待價昂。亟應訪查嚴辦。得旨。此不可。應去其甚者示警。○兩江總督書麟等奏。先後據甘肅寧夏府報該處黃河於五月長水三尺。河南陝州萬錦灘亦於本月長水三尺。黃河各工。每月長水一二寸至八九寸尺餘不等。各廳埽壩間有平墊之處。隨時鑲護。均已化險為平。得旨。欣慰覽之。應益加敬慎。○福建巡撫浦霖奏。琉球回國貢船。駛至五虎門外洋。陡遭颶風。船身被浪漂沒。當經委員將夷官人等護送至省。安置館驛。給予口糧。仍於存公銀內酌賞一千兩。令料理回國。報聞。

大清高宗法天隆運至誠先覺體元立極敷文奮武孝慈神聖純皇帝實錄卷之一千四百五十五

大清高宗法天隆運至誠先覺體元立極敷文奮武孝慈神聖純皇帝實錄卷之一千四百五十六

監修總纂官廷議官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲黃旗滿洲都統軍功紀錄一次

尋常紀錄十四次臣德麟經筵講官太子少保工部尚書紀錄六次臣曹振鏞等奉

教修

乾隆五十九年甲寅秋七月丙戌朔享

太廟遣豫親王裕豐恭代行禮○丁亥諭據畢沅姜晟等奏湖南永州府屬之零陵祁陽二縣猝被山水城中低處水長丈餘官民房屋多有淹浸經姜晟馳往查勘水勢已經全消可以補種其兩縣城鄉坍塌房屋當經查明按照瓦房一間給銀五錢草房一間給銀三錢等語零陵祁陽二縣猝被水淹以致坍塌房屋貧民無所棲止殊為可憫雖據姜晟奏稱水勢全消可以趕種有收但房屋坍塌為

數不少現已據該撫查明照卹賞成例給予

五錢三錢之數究恐民力未免拮据著加恩

分別加兩倍賞給俾得各安棲止毋致一夫

失所以示朕軫念災黎優加體恤至意○諭

軍機大臣曰梁肯堂奏保定正定等府屬地

方因滹沱等河水勢驟長田禾房屋間有淹

浸現已分飭司道前往查勘分別酌辦等語

保定等府屬各州縣因雨水稍多河流漲發

田禾房屋間有被淹雖係一隅中之一隅但

該處居民田禾房屋既有間被淹浸自應酌

加賑卹現在天氣晴霽水勢自己消落著傳

諭梁肯堂即飭令司道等查勘明確如有應

行撫卹賑濟之處務當實力妥辦毋以偏災

即存大意致令稍有失所方為妥善○又諭

曰松筠奏衛輝被水督同查辦擬留數日俟

撫臣或藩司到後再行起程等語所辦甚是

河南衛輝府向年多旱今又因雨水稍多衛

河泛漲以致府城各門皆有積水附近村莊

大半被淹。實堪憫惻。已經松筠督同該丞倅知縣等查明被水民人。賞給口食。並委該員等偏行查勘辦理。穆和蘭得信後。自必迅速起身。諒已早抵該處。此時水已消落。地畝漸就潤出。但恐被水貧民。究多拮据。著傳諭該撫。即將被淹處所。所有居民房屋田地。詳悉查明。妥為撫卹。如有應行賑濟者。即督率辦理。毋使一夫失所。松筠著賞給大荷包一對。小荷包四個。以示眷注。○又諭據松筠奏。河南彰德衛輝所屬安陽汲縣一帶。因雨水稍多。山水陡發。衛河泛漲。於六月二十四日。長至數丈。附近居民房屋。多被淹浸等語。豫省河北三府。節年多被乾旱。今歲又因雨水較多。以致衛河泛漲。淹浸田廬。現已降旨。令穆和蘭實力查明。分別撫卹賑濟矣。豫省衛河雖係由臨清以北運河入海。但河南地方。如伊洛瀍澗。及沁河賈魯等河者。不少。均係歸入黃河下注。今彰德衛輝一帶。既因積水較

多。水勢漲發。該處各河亦難保其不同時長。水注入大河。此時南北兩河。雖已據該河督等奏報隄埽工程。一律鞏固。但伏汛甫過。秋汛方長。所有南北兩河處處均關緊要。尤應先事防範。著傳諭蘭第錫李奉翰。務須實力督飭。敬慎加意巡防。以期隄埽各工。鞏固無虞。河流順軌。不可稍有疎忽。方為妥善。並著將黃河上下游。現在曾否長水。誌繕尺寸。增長若干之處。一併查明。迅速具奏。以慰廑注。○戊子。諭軍機大臣等。據綿恩等覆奏。查覈各處換下金甌。多與原數不符。所有短少之數。請令該監督賠出。並交部分別議處一摺。已依議行矣。至摺內所稱景運門隆宗門兩處地面。向係沙甌。今改換金甌。並無換下舊甌可繳等語。此何言耶。沙甌豈竟無可用之物耶。景運隆宗二門。係朕不時往來之處。曾憶門中係鋪墁金甌。兩旁似係沙甌。今據稱景運隆宗門地面。向係沙甌。即欲更換。彼時



何以並未奏明。著即查明具奏。嗣後如有領用回繳。務須據實查覈。毋得再致仍前弊混。干咎。將此諭令知之。○又諭曰。梁肯堂奏永定河伏汎漫口。趕緊堵築一摺。已於摺內批示。該處入伏以後。水勢增長。更兼風雨驟激。以致漫過隄頂。塌去隄身。自屬人力難施。現在北岸二工漫口。幸已斷流。自應趕緊補築完竣。其南岸頭工漫口較寬。當此天時晴霽。水勢漸消。尤當迅速調集夫料。挑挖引河。上緊堵築。以期趕日截工。不可稍有怠忽。所有漫水經過之良鄉。涿州。固安。永清等州縣。如田禾廬舍。或有淹浸。即應迅速查明。其有應行撫卹者。即照例撫卹。毋使小民稍有失所。此為最要。梁肯堂務須妥慎詳查。迅速辦理。不可稍存諱飾。至該督前次請撥部帑八十八萬兩。業據奏稱順德廣平等府。可以趕種有秋。毋須動撥。今永定河水勢漲漫。良鄉涿州等處多有被淹。辦理賑卹。不無需用。如有應

撥帑接濟之處。即著酌定數目若干。速行奏明撥給。至該督等所請交部嚴加議處。統俟漫口堵築完竣。具奏到日。再行覈辦。並著將現在漫水是否業已全消。何時可以趕築完竣。各情形。迅速由六百里覆奏。以慰廑注。○又諭。據尚安奏。訊明原任神池縣知縣趙曾齡。實係向有痼症。是以勒休。該員在部朦混具呈。殊屬不合。請將趙曾齡革去職銜。解回原籍。並將冒昧題補實缺之該上司等。交部分別察議一摺。已批交該部議奏矣。此案趙曾齡素患痼症。既已衆證確鑿。則蔣兆奎前此勒令休致。所辦尚無不是。但趙曾齡既有痼疾。該撫等自應於未經保題之先。即行勒令休致。乃不加詳察。祇按照資次。率將趙曾齡題補神池縣。並以該員明白奮勉。率行出考。辦理實為拘泥。該撫及藩臬等應得之咎。實在於此。除交部分別察議外。著傳諭蔣兆奎。嗣後凡遇此等保題事件。務須悉

心查察。覈實出考。毋再似此疎忽。致干咎戾。  
○己丑。旌表守正捐軀奉天承德縣民孫愷。  
雲媳史氏。○庚寅。諭熱河自六月下旬雨後。  
晴霽旬日。暑氣鬱蒸。京城自必更甚。現在正  
值中伏。距處暑尚半月有餘。恐民間不免有  
蘊蒸致疾之處。其緣事拘繫。羈禁囹圄者。當  
此煩歎蒸鬱。尤可矜憫。自宜清理庶獄。以期  
納爽延庥。著刑部堂官查明徒罪以下。分別  
減等發落。其緣事牽涉拘繫候質者。亦速行  
訊明省釋。至尋常案件。並著即行完結。毋得  
稽遲。其承德府所屬監禁各犯。並著該道府  
一體查明。就近具報軍機大臣。分別覈辦。以  
示體恤。○又諭曰。許文謨著赴湖北興國營  
叅將任。念伊父許世亨。既能捐軀。又識大體。  
著仍賞戴花翎。以示眷念勤勞至意。○諭軍  
機大臣曰。管幹珍奏加緊催幫並重船行過  
天津日期一摺。內有自臨放棹前進。及通潞  
雨後。河水增長等字樣。將臨清通州潞河各

地名減省字面。殊屬非是。已用硃筆於摺內  
添寫矣。臣工奏事。朕前理宜詳慎。所有各該  
處地名。自應敬謹全寫。乃管幹珍率行節省  
數字。殊不成文。且亦有何益。此不過俗劣幕  
率行書寫。而管幹珍又未審目所致。再摺內  
又稱。遵旨速趨回空。瞻望雲日。依戀無任等  
語。管幹珍於上年甫經瞻覲。為時未久。今因  
本年漕運較遲。諭令不必前來。行在管幹珍  
自應遵奉諭旨。催趨回空。船隻迅抵水次。以  
期無誤。受先。何必以此等依戀空言。徒滋煩  
瀆。試思外省大員甚多。朕若一一為之繫念。  
不幾於日不暇給耶。管幹珍著傳旨申飭。○  
又諭。據穆和蘭奏。井沁二河。於六月二十三  
四等日。水勢盛漲。懷慶衛輝各屬。多有被淹。  
已降旨令該撫實力查明撫卹矣。沁水下游  
入黃。今由上游北岸漫注。修武汲縣一帶。則  
大河上游水勢稍分。入河正流。自必減少。其  
著重各工。可免驟漲。未始非不幸中之幸。前

已有旨令蘭第錫等務須加意敬慎實力巡防此時伏汛未過秋汛方長隄埽各工在在均關緊要著再傳諭書麟蘭第錫隨時留心加意防守以期各工鞏固無虞不可稍有怠忽將此由六百里傳諭知之並著將黃河水勢曾否增長隄埽各工一律堅實順軌安瀾之處迅速具奏以慰廑注○以吏科給事中李蔡為河南鄉試正考官刑部郎中項家達為副考官禮部左侍郎鐵保為山東鄉試正考官編修陳萬青為副考官編修朱理為山西鄉試正考官禮部主事盧蔭溥為副考官○廣西巡撫陳用敷疏報乾隆五十八年分天保縣開墾水田埽一埽有奇○予故五經博士朱世熊孫雲錦襲職○辛卯諭曰松筠奏查辦衛輝被水情形一摺據稱連日乘船在府城及附近村莊週遭察看自晴霽後水已漸消即督率各員查勘分別酌給米石散給饌餅錢文並令該縣開倉出穀將存公銀

兩先行動用俟恩旨到後歸入普賑項下作正開銷民情甚為寧帖同日又據吳璥奏查勘河北被淹處所堵築塌堰備船紮筏救渡居民散給乾糧席片並酌撥存公銀兩貯庫穀石查明戶口概給一月口糧坍塌房間給以修費其武陟河內等七縣未淹地畝尚多秋禾仍可收穫不容藉滋捏冒各等語此次豫省衛輝彰德懷慶等屬因丹沁衛河水勢盛漲田廬多被淹浸松筠適因奉差湖北經過該處即督同地方官親自往來查勘分別散給米穀錢文並即一面奏聞一面令該縣開倉動項速為撫卹並不置身事外實心辦理實屬可嘉藩司吳璥在河北查勘秋禾一經聞信即馳往該處堵築塌堰設法撫卹亦屬盡心辦理除移和蘭甫經趕到於賑卹事宜未能悉心詳細籌畫毋庸議敘外松筠吳璥俱著交部從優議敘其協同查辦之同知李舟知縣郎正達董肇彤等均屬出力亦俱

著查明咨部分別從優議敘。除此數人其餘地方官辦災出力者著穆和蘭查明俱著交部議敘。至此次動撥銀米俱准作正開銷。又武陟縣漫水民堰據穆和蘭奏現在動項趕築事竣分年徵完等語。此項隄堰雖係民修工程但小民既被水災田廬多有淹浸現在不惜帑金撫卹賑濟貧民口食尚艱若再分年徵完恐民力不無拮据所有此次堵築民堰工料銀兩即著加恩准其作正開銷。所有坍塌瓦土房間俱著按例加兩倍給予修費。至武陟河內等縣未淹地畝雖秋禾尚可收穫不容藉端捏冒但該處鄉村多有被淹貧民中有口食無資濫邀賑卹者不妨稍從寬辦。若里正鄉約及吏胥等從中舞弊有藉端侵扣浮冒等事自當嚴切查究該撫等惟當悉心查勘妥為撫卹設法疏消趕緊堵築完竣俾被水災黎均各安居餬口共霑實惠不致一夫失所其河北三府所屬被水各縣本

年應徵秋糧俱著加恩概行豁免該撫等即先行曉諭偏貼膳黃俾被水災黎早霑惠澤更為安堵以副朕軫念災區施恩無已至意。○諭軍機大臣曰梁肯堂奏永定河南岸工程現在溜勢漸緩趕緊堵築期於月內合龍等語永定河漫工本屬易於堵築今據該督奏南岸頭工於月內可以堵合亦不為遲但秋汛在即所有衝塌處所務須加鑲邊埽培築厚土一律堅實方足以資捍禦不可辦理欲速致有草率浮鬆之患梁肯堂惟當督率工員認真鑲做以期永臻鞏固方為妥善又據奏漫水經由州縣所需撫卹存倉穀石可以應用房間修費為數無幾此時不必遽請撥帑惟保定正定河間等州縣俱有被淹處所現飭司道等切實查勘若有成災之處應需賑卹再行酌請撥帑等語保定正定一帶低窪處所既被水淹自應詳確查勘梁肯堂不能分身前往著於道員內揀派明幹者分

往查勘。如有成災處所。務須詳確勘明。妥為賑卹。俾災民不致一夫失所。其永定河漫水淹浸房屋。應給修費。並著按例再加兩倍撥給。以示軫恤。至該道稟報遲延緣由。現據查明。係由小道繞行。以致遲誤。尚屬有因。亦不加深究矣。梁肯堂年逾七旬。當此盛暑。駐劄河干。督辦工程。朕八旬有四。現在避暑山莊。尚覺炎歎難耐。所謂疾病相扶持。朕甚憐之。因特賞大荷包一對。小荷包四個。以示眷注。

並發去香燭九十圓。用資蠲暑。該督惟當善體朕意。安心調攝。所有堵築工程。不必過於焦切。祇須督飭辦理。務期穩實堅固。以副體恤委任至意。將此由五百里諭令知之。○又諭曰。尚安奏經過固關。目擊被水情形。酌量撫卹一摺。固關一帶水勢甚大。關門城牆均被衝塌。並有淹斃人口。坍塌房屋。不可不迅速詳查。妥為撫卹。著梁肯堂接奉此旨。即帶同鄭製錦。馳往該處。分投查勘。妥協經理。至

永定河漫工。本屬易辦。昨據梁肯堂奏。月內可以完工。現已派慶成前往幫同。喬人傑督率辦理。且該道本係熟手。自無難赴期堵合也。至固關係屬直隸山西交界。現據尚安奏城關迤東。係屬山西平定州管理。該處柏木井及甘桃驛等村兵民房舍。亦有被水衝塌之處。並著傳諭蔣兆奎。即行馳赴該處。親加查勘。實力撫卹。○又諭曰。謝斌奏報巡洋會哨一摺。內有各洋尚俱寧靜。及洋面尚屬寧謐。字樣。殊於文義有晦。已用硃筆於摺內改正矣。尚字之義。係猶有未愜之詞。今各海洋並屬寧謐。按其文義。是聲敘前次當用向字。後次當用俱字。該總兵身係武夫。不諳文義。於陳奏事件。一任字識。率行填寫。殊屬非是。謝斌著傳旨申飭。○又諭曰。穆和蘭奏查勘衛輝府屬被水情形。不過按例敷衍。非激切踴躍。又未能將設法辦理撫卹事宜。詳悉聲敘。是以未經將該撫交部議敘。此時穆和蘭

已抵衛輝尤宜將一切應辦事件悉心籌畫。親自督率俾被水民人賑卹均霑實惠。得安棲止。其被淹地畝俱詳悉查覈毋濫毋遺。勿任吏胥人等稍有浮冒。並將積水設法疏消。隄堰速行堵築完竣。庶可稍贖前愆。不負委任。至現在需用賑卹築堰等項據該撫奏庫存正雜等項共一百八十九萬二千餘兩。是該省存公銀兩為數甚多。儘足敷用。自可無需再行撥給帑項。又據穆和蘭奏銷河灘地租收支各數一摺。內稱本年灘租銀內不敷動用。例應撥存行宮修費銀五百兩等語。河南省自乾隆十五年巡幸之後迄今閱數十年。該處所有行宮又何須每年修理。若每年動項五百兩積年計算如數多至數萬兩。有何用處。是不但不應有此款項。並不應有此名目。看來竟係為藉端開銷地步。著穆和蘭將此項銀兩除作何用。因何相沿撥存之處據實具奏。此後並不得再列此項修費名目。

將此由五百里諭令知之。又諭據吳璥奏六月二十二三四等日大雨傾注。晉省山水陡發。沁丹諸河同時異漲。武陟民堰漫溢。過水下注。衛河修武以至衛輝沿河一帶地方多有淹浸等語。已降旨令穆和蘭等實力撫卹矣。丹沁二河俱來自山西。今既遇雨盛漲。下注豫省地方俱被淹浸。則晉省之水必亦甚大。何以並未據該撫具奏。著傳諭蔣兆奎即行查明晉省山水水下注及河流泛漲情形。有無漫溢淹浸之處。迅速據實覆奏。如有被淹處所應行酌為撫卹者即奏開辦理。毋得稍存諱飾。將此由五百里傳諭知之。仍即迅速覆奏。○壬辰諭曰。尚安奏經過固關地方目擊被水情形酌量撫卹一摺。內稱自六月十九日至二十二三等日連值大雨山水陡發。固關城內外水深數丈。淹斃兵民男婦二十五名。口衝去內關門一座。城樓三間。城牆三十餘丈。兵民房屋一百九十餘間俱被衝

塌。又固關以外平定州。及井陘縣所屬兵民房舍。亦有被水衝塌之處。當委叅將馬國銳確查戶口。分別酌給銀兩。並令井陘縣知縣毛哲趕運糧石至關。以資接濟等語。固關內外地方。猝被水衝。人口間有損傷。城垣廬舍多被衝塌。已降旨令梁肯堂。將兆奎親赴查辦矣。尚安於經過固關時。並不視同膜外。即督令叅將知縣等。給銀撫卹運糧接濟。所辦實屬可嘉。著交部從優議敘。並賞給大荷包。

一對小荷包四個。以示獎勵。至該處因山水陡發。淹斃人口。兵民房屋多有衝損。情殊可憫。所有坍塌房間。應行給予修費。及被淹人口卹賞銀兩。著加恩按例加兩倍賞給。該督撫務須詳悉查明。妥為賑卹。俾小民均各安居復業。不致一夫失所。以副朕格外軫恤至意。○癸巳諭。據德勒克扎布奏。查出逃往土爾扈特男婦一百九十名。請入各旗分佐領。即扣各王及台吉俸。給還買主身價等語。著

照所請。此等逃人。入於各旗分佐領名下。但不必扣俸給還買價。以免紛擾。○諭軍機大臣。梁肯堂奏。大名元城水漲漫口。井陘縣被水較重。一摺。據稱大名元城二縣。因漳衛二河上游水長。漫口四處。村莊被淹。井陘縣地方亦因山水驟至。致固關城垣被衝三十餘丈。坍塌房間淹斃人口。已飛飭藩司道員親往勘辦等語。已有旨令梁肯堂。即帶同鄭製錦。馳往分投查勘。妥為經理。其永定河漫

工已派慶成前往。幫同該道督辦。梁肯堂此次發摺時。自尚未接奉前旨。永定河漫口本屬易辦。慶成喬人傑。惟當督率工員。實力堵築。務須認真鑲做。以期永臻鞏固。現據梁肯堂奏南岸漫口。西壩大溜忽向東趨。水已漸有歸正河之勢等語。此係最好機會。深堪欣幸。皆賴

河神默佑。自當敬謹祀謝。以答神貺。至梁肯堂諒已自工起程。由定州正定

一帶前赴井陘。該處固關地方被水情形較重。該督於沿途正定。及至固關等處。親加查看。其大名元城二縣。即著鄭製錦會同該道王汝璧。據實查勘妥辦。將此由六百里傳諭知之。○又諭。據李奉翰等奏。豫省黃河。此次長水驟而且大。南岸上游各工。形勢如舊。而下游商虞地方。可冀向北遷改。現在大溜開行。已有化險為平之勢等語。此皆仰賴河神靈佑。保護恬澗。得以化險為平。實深欣幸。自應虔誠祀謝。以答

神庥。特發去大藏香二十炷。交李奉翰敬謹祭謝。並頒去御書扁額。著於河神廟內敬謹懸掛。以答神貺。並邀顯佑。至李奉翰另片奏。稱懷慶衛輝一帶。因沁丹兩河並漲。以致武陟縣民堰漫工。已飭河北道蔡共武。帶領弁兵。馳赴堵築。俟察看黃河水勢。可以分身。即親自前往料理等語。衛輝一帶。猝被水災。現有穆和蘭

吳璥。在彼查辦。足資料理。現在天氣晴霽。水勢自漸消落。大河各工。秋汛方長。正關緊要。李奉翰自當在工往來查勘。敬慎修防。以期河流順軌。工程平穩。可無庸前往武陟轉致要工。難以兼顧也。將此諭令知之。

御書黃河神廟扁曰。靈昭翕順。○豁免雲南運京乾隆五十二年分沉溺銅一萬一千觔。○旌表守正捐軀河南封邱縣民王化祿媳王氏。○甲午諭。留京王大臣等奏。遵旨查辦節次發遣新疆重犯子嗣。及發遣官犯一摺。內王亶望等七犯之子。共二十名。又甘肅捏災冒賑。及從前失誤軍機。勘索餽送各案官犯之子嗣等七十四名。皆因伊父等身蹈重愆。釀成巨案。以致累及子嗣。該犯等早已身伏國典。其子嗣妻妾尚在可原。均著加恩。准其釋回鄉里。俾延宗祀。又王亶望。陳輝祖案內牽連發遣官犯三十五名。前經減等治罪。分別發往黑龍江等處。及免死減流。本屬罪由



自取。今姑念王亶望等正犯子嗣業經加恩釋回。此等官犯皆由王亶望等連及。亦著加恩。准其一體釋回。以示法外施仁。至王亶望等各案內發遣子嗣及各案發遣官犯。此次得邀釋回原籍。已屬格外恩施。其王亶望案內發遣各官犯之子。無論旗人漢人。祇應准其充伍食糧。以資養贍。豈復准其應考出仕。又得俸邀祿籍。至伊等孫曾。世代已遠。自可不在此例。今留京王大臣等請令伊子

等俱准應考出仕。不得過六七品之處。辦理殊屬過當。著飭行。○諭軍機大臣等。頃據梁肯堂奏報直省被水地方。除正定井陘大名元城等州縣外。又據博野盧龍樂亭新樂行唐平山磁州武清保定深州冀州安平饒陽等州縣具報同被水淹。均須切實勘辦等語。此次直隸各屬山水下注。河流漲漫。被淹處所竟多。雖各州縣因地在下游。漫水經過。水勢易就消落。但各該處民人猝被水災。殊為

可憫。梁肯堂接奉前旨。自己馳抵該處。悉心勘辦。所有應行賑卹事宜。務須實力詳查一面奏聞。一面辦理。不可稍存惜費之見。總期災民口食有資。得安棲止。共需實惠。不致一夫失所。方為妥善。至前此梁肯堂以大名等府無需接濟。不必請領帑項。昨因良鄉涿州一帶多被水淹。已令該督查明需用幾何。奏請撥給。今正定井陘等州縣被水地方甚多。均須賑卹。著再傳諭梁肯堂詳悉籌畫。共應

需用若干。即覈定數目。迅速奏聞。以便即行撥給。將此由六百里諭令知之。仍著將如何籌辦撫卹及積水是否漸消。民情俱就安帖各情形。迅速六百里覆奏。以慰廑注。○乙未。孝懿仁皇后忌辰。遣官祭景陵。○諭曰。朕披閱通鑑輯覽內。唐開元五年九月。令史官隨宰相入侍。羣臣對仗奏事。除下引員觀舊制。諸司皆正邪奏事。又注稱唐大明宮含元殿為正邪。亦謂之南邪等語。心

疑筆誤因查諸舊史乃知俱將牙字誤作邪字更檢閱字書牙與衙字本屬通用至邪字從無與牙字相通之義甚為舛錯所有原辦通鑑輯覽之總裁纂修校對等官現經軍機大臣查明原書首卷開列衙名內現存各員如阿桂孫士毅紀昀彭元瑞畢沅吳省欽等本應交部議處姑念成書已久事隔多年阿桂等及其餘纂修校對各官俱著一體加恩免其交部至武英殿刊本及四庫全書繕本俱著查明改正外所有頒行各直省刻本並盛京江浙省文溯文宗文匯文瀾四閣存貯繕本亦著各該督撫府尹等一律改正○丙申諭軍機大臣等本日因熱河雨傾注永定河堵築漫工及梁肯堂查辦水災情形未據奏到正深厯念辰刻據梁肯堂奏已於初九日自工起程前赴固關一帶迅速勘辦又據慶成奏初九日馳抵永定河即幫同喬人傑督率堵築該處河水僅深五尺有餘值此

天氣晴和正當及時修築完竣各等語均已於摺內批示永定河北岸已經堵合南岸漫口水勢已緩又值天氣晴明正可趕緊堵築但本日熱河自子刻起至卯刻又有大雨且雲氣自西南而來勢頗廣遠未知永定河一帶是否相同水勢有無增長所築漫工是否可以趕期完竣慶成惟當督同該河道認真鑲做上緊趕辦亦不可草率浮鬆以期鞏固所擬挑挖引河一事最關緊要尤宜實力督辦俾得掣溜歸槽易於堵合方為妥善至梁肯堂日內諒已前抵固關其經過定州正定等處自即順道查勘妥為撫卹至固關地方被水較重梁肯堂務須勉力經理盡心查勘外省辦理賑卹事務胥吏等往往從中舞弊剋扣侵蝕甚至不肖州縣亦有染指侵漁情事均所不免該督惟當嚴加督飭確實詳查務俾小民各霑實惠口食有資不致一夫失所以解我君臣之過方為不負委任將此由

六百里各諭令知之。又諭現在永定河漫水漲溢北岸隄工業已修築斷流而南岸尚未堵築完竣永定河係由大清河入海該處河口頗寬且距海甚近足資容納所有漫水經過之處自可不致泛溢但昨夜今早又復大雨傾注恐天津一帶田地廬舍或有妨礙處所梁肯堂現在固關查辦撫卹事宜距天津較遠未能兼顧著徵瑞即傳詢天津道丁桂馨令其查明津淀一帶有無漫水淹浸之

處如有間被水淹應需酌量賑卹者即令該道一面妥辦一面即由徵瑞據實奏聞朕廑念災黎惟恐稍致失所徵瑞即遵諭旨令該道迅速查辦毋庸輾轉稟報該督以致稽延時日也將此由六百里傳諭知之。○又諭曰福寧奏衛河水勢驟長臨清夏津冠縣地方俱有漫溢被淹處所現即馳赴督率搶築防護等語東省因雨水稍多汶衛兩河伏汛較旺以致臨清夏津冠縣地方隄身間有漫溢

低窪地畝亦被淹浸該撫現已馳赴該處查勘務須督率員弁趕緊搶築並將積水設法疏通實力防護以期鞏固無虞至濱河低窪地畝間有被淹之處居民廬舍自必有被水衝塌者著傳諭福寧即行詳悉查明按例加兩倍給予修費俾窮黎得資棲止如有應行撫卹之處並著該撫實力查察妥為撫卹務使小民均霑實惠毋致一夫失所仍即將到彼查勘情形迅速具奏以慰廑念將此由六

百里傳諭知之。○丁酉諭軍機大臣等昨因熱河澍雨傾注雲氣廣遠恐永定河亦同日得雨水勢不無增長已有旨詢問慶成矣茲據稱初十日濃陰竟日雖有密雨無礙工作河水亦無增長等語覽奏深為欣幸但熱河係十一日得有大雨在慶成發摺之後未知永定河工次十一日是否雨勢相同河水有無增長不致有礙工作著即行奏聞以慰廑念至慶成奏該處舊有

龍神廟一座。靈應常昭。擬俟河流歸入正河。奏請御筆扁額等語。永定河漫口大溜東趨。有轉歸正河之勢。洵賴

河神默佑。茲特發去御書扁額著於

龍神廟敬謹懸掛。並發去藏香二十炷。虔誠

祀謝。以答靈貺。慶成惟當。督同該河道將漫

口趕緊堵築堅實。尅期完竣。永臻鞏固。以副

委任○

御書龍神廟扁曰福佑畿封○又諭據周樽奏

動撥款項。添建太平涇縣交界處所。撥駐弁

兵營房一摺。此項營房。係五十三年陳用敷

任內奏准添建。自應早經建造。將弁兵分撥

安設。以資巡緝。何以隔六七年之久。直至此

時始據奏到。購捐地基。動款興造。此六七年

中所有移設弁兵。又在何處居住。豈有任其

露宿之理。竟成笑話。且地基之有無。亦不關

辦理之遲早。著傳諭書麟。周樽。即將此項營

房。因何並不早辦。直至此時始行勘估建造。

及此數年中。弁兵作何居住之處。一併查明。據實覆奏。○戊戌。諭軍機大臣等。直隸被水地方。共有五十二州縣。天津。藁城等處。已據該督派委藩司。道府等。分往查看。大名。元城。漫口。亦責成該道。王汝璧。妥為經理。該司道等。尚能辦事。係朕熟知之人。當此天色晴霽。積水自已消落。務須督飭該司道等。詳悉查明。實力撫卹。俾災民得資口食。棲止。梁肯堂。現赴固關。該處被水較重。尤應確查。妥辦。該

督雖年過七十。精力稍減。應善為調攝。以資料理。但被水地方。災民待哺甚急。所有疏消積水。酌籌賑卹。及趕築堤堰。各事宜。務當振作精神。並督率該司道等。迅速詳查。盡心經理。不使一夫失所。方為無負委任。至應需賑卹銀兩。前令該督酌定數目。奏請撥給。茲據奏稱。需銀多寡。須視災分之輕重。目下尚非急需。若遽行請帑。誠恐承辦之員。心存冒濫。等語。所懇雖是。但被水居民。房間坍塌。地畝

淹浸。所望賑卹接濟。甚為迫切。不可因承辦之員。易於冒濫。滋弊。不即早為籌辦。以致因噎廢食。梁肯堂惟當迅速詳查。覈實速辦。如有應行賑卹者。即酌定數目。奏請撥給。總以實心救民。俾得安居復業。不可存惜費之見。此為最要。將此由五百里傳諭知之。○又諭。據慶成奏。現在北岸隄工。業經修築斷流。而南岸尚未堵築完竣。昨熱河又有大雨。恐該處或亦相同。看來南岸堵口。合龍尚不無稍需時日。慶成惟當督同該河道等。趕緊堵築。以期堅實鞏固。不可草率從事。用副委任。至摺內稱。搶護新工。兵丁高萬金。挫折右腿。又兵丁龔士勳等七名。俱有跌傷等語。兵丁高萬金。因勇往搶築。以致右腿挫折。殊為可憐。著加恩賞銀十兩。其跌傷之龔士勳等七名。均著賞銀五兩。以示鼓勵。又摺內於河神二字。用單擡繕寫。雖向來中祀小祀。原有單擡平擡之別。但現在

河神靈佑。燭工平穩。朕方親為虔誠祈謝。今摺內如聖懷等字。俱用雙擡。而河神按例較低一格。朕心有所不安。同日李奉翰奏到河工平穩摺內所書

河神字樣。係用雙擡。自屬允當。嗣後凡遇河向遇摺奏。亦沿用單擡。並著書麟。蘭第錫一體遵照。雙擡以昭誠敬。將此傳諭慶成。並諭書麟等知之。○又諭曰。李奉翰奏黃河水

消工穩一摺。據稱六月二十三等日。河水疊長。丹沁等河漲發。下注工程一律保固。水勢亦漸消落。睢州虞城等工。溜勢開行。埽壩均屬穩固等語。覽奏欣幸。此皆仰賴

河神默佑。福庇安瀾。茲又發去藏香二十。著李奉翰。即於各該工次

河神廟虔誠祀謝。以答靈貺。現在秋汛方長。惟當益加敬慎。督飭員弁實力防護。以期益資鞏固。至彰衛並漲之水。匯歸山東臨清夏

津武城等處。現據李奉翰奏飭令於衛河東岸分投放滾壩以資減洩。並於臨清閘口相時啟閉以防倒灌等語。所辦俱屬留心可嘉之至。今賞給荷包以旌其勞。俟秋汛安瀾後再行降旨。將該河督等交部議敘。此時李奉翰益當隨時留心督飭相機辦理。俾黃運兩河均資順達。隄埝各工一律平穩。方為妥善。勉之慎之。○己亥諭軍機大臣等。據慶成奏固關被水衝去鐵礮除尋獲四位外尚少三十四件。現飭叅將專派弁兵上緊尋覓。刨挖等語。此項鐵礮體重。被水衝失。一經水勢消退之後。自無難刨獲。但該處城樓所貯礮位。自係前明舊礮。著傳諭梁肯堂於礮位尋獲後。留心驗看。如內有銅礮。即另行檢出。附便解京。倘祇係尋常鐵礮。即留在該處軍營作為廢礮。以備改鑄軍器之用。將此並諭慶成知之。○又諭據福寧奏馳抵臨清籌辦漫口及撫卹情形一摺。已於摺內批示。該省因

漳衛二河同時並漲。臨清夏津等縣地居下游。不能容納。以致隄埝浸溢。該州縣於被旱之後。甫種晚禾。又因被水。不能有收。實為可憫。現經福寧親加查勘。並飭委員弁分赴被水處所用船濟渡。散給饘餅。並給發銀糧。所辦俱好。其被水處所幸未淹斃人口。所有衝塌房間均著查明。按例加兩倍賞給修費。至福寧奏該州縣被水汕刷漫口。現已照例借給司庫銀兩趕緊堵築。俟工竣後確覈銀數。分別攤徵歸款等語。此項隄埝雖向係民間自行修築。但現經被水。秋成失望。小民口食維艱。若仍照例攤徵。朕心深有不忍。所有此次修築隄堰工料銀兩俱著加恩作正開銷。以示軫恤。現在水勢消落。災民待哺甚殷。亟須賑卹。福寧往來查勘。務須盡心妥辦。實力督率。並將積水速籌去路。設法疏消。俾地畝早經潤出。以便播種。冬麥不誤春耕。小民均得安居復業。不至一夫失所。方為妥善。所需

賑卹銀兩並著福寧查明該省庫貯是否敷用。若有不敷。即覈定數目若干。速行奏明。以便撥給。其應需米石。該省常平義社等倉。自可動撥碾放。倘須另籌添撥。亦著據實奏明。或於漕船尾幫酌量截留。或於北倉存貯米石內撥給。總期辦理妥速。俾災民早霑實惠。以副朕軫念災區恩卹兼施至意。將此由六百里傳諭知之。○予故廣東巡撫郭世勳祭葬如例。○庚子中元節遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵○遣官祭

孝賢皇后陵

端慧皇太子園寢。○諭軍機大臣曰。蔣兆奎奏平定州所屬之柏木井等處間被水衝。未傷人口。亦未淹損地畝等語。覽奏稍慰。該省丹沁等河漲發後。自即順流下注。平定州地方係屬上游。是以較輕。不至衝損人口地畝。所有被衝兵民房舍業經該撫查明給發加倍修費銀兩。小民自可不至失所。至該撫初八日具奏該處被水情形一摺。尚未奏到。想因差弁齎遞沿途正值固關正定一帶被水地方未免阻滯。是以尚未遞到。將此諭令知之。

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百五十六

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百五十七

監修總裁官總纂官太子太傅文淵閣大學士文淵閣領閣事領侍衛內大臣稽察欽奉  
上諭事務處管理  
吏部理藩院事務正黃旗滿洲都統世襲騎都尉軍功加七級隨帶加一級年卅加二級軍功紀錄一次臣薩  
隆載官總纂官太子太傅大學士文淵閣領閣事稽察欽奉 上諭事務處管理刑部戶部工部事務  
世襲騎都尉軍功加十九級隨帶加二級又加二級臣黃鴻內大臣戶部尚書鑲黃旗滿洲都統軍功紀錄是次  
年當紀錄十四次臣薩隆載總纂官太子少保工部尚書紀錄六次臣曹振鏞等奉

乾隆五十九年甲寅七月辛丑諭軍機大臣  
曰徵瑞奏查明天津被水情形督同運使天  
津道令其查明戶口散給米石並將銀穀兼  
施以便民用等語天津係衆水匯流入海之  
地今因雨水較多各河漲發又值秋潮正旺  
潮水逆頂內河之水不能入海以致高下田  
畝村莊多有被淹雖幸未衝損民房淹斃人  
口但田禾被水漫浸實為可惜現已立秋即  
晚田恐亦不能補種所有被水災民自應實  
力撫卹今據徵瑞親赴被水處所逐加查勘



並令天津道查明戶口銀穀兼施所辦俱好  
此事即責成徵瑞督同該運司道府等實力  
經理妥為撫卹毋使一夫失所至現在徵瑞  
查明被災較重之區照例計口散給銀米此  
時辦理急賑原自應如此若查明被災地方  
尚有應需接濟者即應奏明加賑並著徵瑞  
將此時散賑後將來尚有加賑恩典之處徧  
行曉諭俾災民均各安心待賑不至遷徙失  
業方為妥善將此由五百里傳諭知之○又

諭曰奇豐額奏赴揚兼署鹽政印篆一摺內  
稱初六日行抵揚州面見董椿宣旨革職並  
派員帶送進京聽候治罪等語所奏殊屬錯  
謬巴寧阿前在鹽政任內與商人結交各款  
業經全德參奏前此降旨詢問奇豐額伊係  
受恩深重之人自應據實查明具奏乃有心  
徇庇並未効參直至此時始稱感激愧悔無  
地自容已屬無及實為無恥至奇豐額抵揚  
州後面見董椿傳旨革職時董椿自必向其

分訴或以全德所參巴寧阿與商人交結各  
款俱係屬實董椿實係徇隱並此外尚有別  
項款蹟或以伊曾經查過巴寧阿並無此事  
竟係全德有心周內願與全德質對豈有竟  
默無一言俯首認罪之理乃奇豐額摺內祇  
以違旨革職委員送京聽候治罪朦混具奏  
而於董椿有何言語及全德所參巴寧阿各  
款是虛是實之處並無一字提及則所稱治  
罪者又治何罪設有人告伊等謀為不軌亦

將不辨虛實即治以重辟耶况奇豐額前曾  
兼署鹽政又係地方官未經查奏其不是已  
大然猶可藉詞伊在蘇州未能查訪得實今  
已抵揚州接印即應將全德參奏各款就近  
詳查確訪並將此事有無虛實及此外巴寧  
阿尚有何款蹟一併陳奏庶可稍贖前愆乃  
僅敷衍虛詞含糊塞責希圖混過實屬糊塗  
錯謬朕辦理庶務於臣工功過無不覈實辦  
理從不肯稍事顛預人孰不知今奇豐額於

此事似此模稜完事。毫無主見。自思此事。朕所辦肯如此糊塗了局乎。則伊在江蘇巡撫任內。應辦地方事務甚多。倘皆似此模稜。又將何以勝任耶。奇豐額著傳旨嚴行申飭。現已派豐仲濟倫迎赴前途。將董椿拏問。並令將全德所叅巴寧阿各款。是虛是實。據實登答。仍著奇豐額將伊在揚州面見董椿時。有何言語。及全德所叅巴寧阿各款。是否尚有。不實不盡。並因何不將董椿面告之語。於摺內聲敘之處。再行明白回奏。若再迴護支吾。不行據實陳奏。一經董椿供出。恐奇豐額不能當此重咎也。將此由五百里諭令知之。仍即速行回奏。尋奏到揚宣旨時。據董椿稱實係負恩。無可置辯。又傳詢總商等。僉云巴寧阿於原叅外。並無別項劣蹟。臣前奏未敘。糊塗錯謬。請交部嚴議。得旨太不知恥。無良心。亦無辭責爾矣。○壬寅。諭曰。穆和蘭奏審擬瘋犯殺死一家四命。請旨即行正法。一摺。已

交軍機大臣會同行在法司。覈議速奏矣。穆和蘭辦理此案。殊屬拘泥。前因伍拉納等將拏獲販私拒捕。及奪犯毆差。尋常案犯。概行從重立決。殊失情法之平。是以降旨飭諭。其海洋大盜。逆匪聚眾及殺死一家三命四命等案。情罪重大。自應即正刑誅。以示懲儆。今瘋犯宋成殺死蘇老胡氏等一家四命。光殘已極。審明後。自應一面奏聞。一面將該犯即行正法。示眾。乃該撫仍定擬斬決。聽候部覆。辦理實屬失當。嗣後各省督撫審辦案件。除尋常案犯。按律定擬奏聞。候部覈覆外。如遇海洋大盜。逆匪聚眾。及連斃一家三四命者。俱應即正典刑。不得似此拘泥辦理。又穆和蘭同日奏六月分雨水糧價情形一摺。內稱彰德衛輝懷慶三府屬。現與藩司委員分查。已未被水。另行奏聞等語。河北三府被有水災。節經降旨令該撫迅速查勘。實力撫卹。今據委員確查。另行奏聞。自必另有專摺陳奏。

而奏到之摺並無此件。則所謂另行奏聞者。又係何摺。敘次已欠明晰。又閱所奏糧價單。內衛輝府屬填註價平粟米小麥等項俱較上月稍減。尤為不實。衛輝府屬係於六月二十四日河水漲發。田廬多被淹浸。該撫於七月初二日。前抵該處查勘。此摺係七月初六日拜發。是衛輝被水之後。已逾旬日。該處糧價能較上月不致增貴。已屬至幸。豈有被水淹浸之後。轉能平減之理。自係未經被水之前。州縣所報糧價。乃穆和蘭並不留心查覈。率任劣幕填寫價平。及較上月稍減字樣。可見每月所奏糧價。不過任意填寫。視為具文。全不寓目。則又安用此奏報糧價之摺。該撫未嘗寓目。豈朕亦不詳加披覽耶。穆和蘭審辦重案。既失之拘泥。而於地方民事。又似此漫不經心。豫省應辦要件甚多。何以能勝巡撫重任。著交該部嚴加議處。仍令明白回奏。○又諭據保寧奏領隊大臣普福吉星阿請

賞戴花翎等語。普福吉星阿俱著賞戴花翎。嗣後由京派往領隊大臣等。候朕特旨賞戴。其由本處協領補放領隊大臣。原有花翎者。即著照舊戴用。○又諭據保寧奏稱伊犁効力原任理事官宗室蒙泰行走懶惰。俟伊十年限滿。再留三年等語。蒙泰係獲罪發往伊犁効力之人。乃如此行走懶惰。理宜懲戒。保寧據實具奏。可嘉。保寧著賞給玉搬指一個。大荷包一對。小荷包四個。並著交部議敘。新疆大臣多有瞻徇而蒙泰又係經軍機大臣等遵旨查明准其回京之人。尤易將伊行走懶惰之處。隱忍不奏。含混令其回京。今保寧並不瞻顧情面。據實具奏。尤屬允協。除將蒙泰再留六年外。並著通行曉諭新疆大臣等。嗣後遇有似此者。均著如此辦理。斷不可瞻徇迴護也。○癸卯諭據蔣兆奎奏山西代州及所屬之五臺繁峙等縣。自六月二十三日起至七月初七八等日。大雨連綿。山水陡發。多

有衝塌房屋淹刷地畝損傷人口現在馳赴該處督率履勘等語夏間雨水稍多各處山水多有漲發今山西代州及所屬二縣居民田廬亦因被水淹浸人口致有損傷情殊可憫現據該撫奏稱攜帶銀兩親身前往督率撫卹著即詳細查明該處所有衝塌房屋淹斃人口均按例加兩倍給與賞卹銀兩俾資口食棲止該撫務當督飭妥辦勿任胥吏侵漁為要以期災黎共霑實惠副朕軫念民依至意○諭軍機大臣曰書麟等奏伏汛水勢工程平穩一摺據稱六月二十三至二十九日上游豫省沁黃並漲水勢有長無消豐北廳屬曲家莊地方於二十七日過水三十餘丈當即督率搶築於七月初六日攢堵斷流等語覽奏為之深幸此事據該督等稱於初七業已具奏自因差弁齎遞是以尚未遞到至本年六月下旬河水接續加長以致曲家莊過水因上游沁水旁分大河水勢即行

消滅得於十日內搶堵完固實為不幸中之幸此皆仰賴

河神默佑化險為平覽奏以手加額茲特頒發大藏香二十炷交該督等敬謹祀謝以答靈貺至書麟蘭第錫此次於曲家莊漫工督率道將等實力搶築剋日斷流辦理尚為妥速各賞給大荷包一對小荷包四個以示獎勵統俟秋汛安瀾奏報到時再將該督等並此次在工出力之道將及文武員弁一併交

部議敘○甲辰諭曰梁肯堂奏請撥帑四十萬兩即照數發給惟直省此時道府等員正當查勘災務之時赴部領帑恐未必有閒員可委若派部員解往又不知解送何處著梁肯堂速行酌覈如道府丞倅中有可差委到部領銀者即行派出令其赴部請領若無閒員可委亦即行奏明並將應解何處指定地方以便專派部員解往又諭本年直隸地方因雨水過多河流漲發多有衝損田廬之

處已節降諭旨。令該督等實力詳查。妥為撫卹。並撥給部帑四十萬兩。以資賑濟之用。其修費實卹俱著按例加兩倍賞給。以示軫恤。第念被水各州縣地畝淹浸。積水一時未能消涸。不及趕種。晚田民力究未免拮据。著該督再行詳悉查明。被水州縣所有本年應徵秋糧。及春間被旱緩徵銀糧。俱著加恩豁免。以紓民力。並著一面具奏。一面出示曉諭。俾小民俱各安居復業。不致遷徙失所。以副朕

厯念災黎。恩施無已至意。○又諭。前因全德參奏。巴寧阿在兩淮鹽政任內。有與商人往來交結各款。而書麟於奉旨查詢時。並未查明參奏。是以將該督交部嚴加議處。並令將因何徇隱不奏之處。據實具奏。茲據奏稱。巴寧阿在鹽政任內。所行無恥之事。因平素不與商人接見。毫無聞見。實為辜負委任等語。實不成話。書麟於奉旨查詢時。既未經據實陳奏。今復經飭詢。尚以素不接見商人為詞。

意存迴護。書麟係兩江總督。例當兼管鹽務。豈不當留心稽查。非若巡撫之專管地方事務。不兼管鹽政。猶可諉為不知者比。乃既經徇隱於前。仍復飾詞迴護於後。竟同贖罪。銀贖罪。更不成話。且伊在總督任內。有年於地方事務。何曾有一件整飭。實為辜恩溺職。書麟著革職。摘去翎頂。即行來京。候部定罪。所有兩江總督員缺。著富綱調補。雲南小錢充斥。局錢存積甚多。現在停止鼓鑄。查辦小

錢等事。甚為緊要。正資幹材。調劑富綱人尚謹飭。而才具未能開展。此等事件。非伊所能辦理。兩江地方雖屬遼濶。究非邊要繁劇可比。且距京不遠。或可隨時指示。是以將伊調補富綱。惟當倍加奮勉。實心經理。以副委任。福康安曾任雲貴總督。於該省情形。素為熟悉。且平日辦事認真。於調劑銅務錢法。鎮撫邊陲。皆所優為。著即調補雲貴總督。福康安接奉此旨後。將督篆交孫士毅暫行署理。即

馳赴雲貴新任福康安到雲南後富綱即行交代。速赴兩江總督之任。第滇省路遠。富綱到任尚需時日。所有兩江總督印務著蘇凌阿由京馳驛速往清江浦摘取印信。暫行署理。並於接奉此旨後。即行起程。不必前來行在請訓。蘇凌阿於兩江總督本可勝任。念其年屆八十。精神究恐不能周到。是以令其暫署。俟富綱抵任。再行回京供職。現在留京事務。相距迴鑒之期不遠。不必添派。刑部現有阿桂管理。所有滿尚書缺。亦不必另行簡署。其刑部印鑰。即著交阿桂帶管。戶部及三庫印鑰。著交金簡帶管。和琳奉差以來。辦理一切衛藏邊疆軍需各事宜。定立章程。撫輯各部落。訓練番兵。均能實心整飭。經理妥協。且於四川口內口外地方各情形。皆為諳悉。軍需款項。亦係熟手。所有四川總督員缺。即著和琳補授。松筠此次奉差湖北。經過衛輝府時。適遇地方被水。即能體朕如傷在抱之意。

留駐該處督率撫卹。並不置身事外。深堪嘉獎。足資倚任。現在衛藏甫經和琳整頓之後。正須妥員接代。慎守成章。以期更臻寧謐。雖有和寧在彼。伊係甫用之人。恐未能經理裕如。松筠即陞授工部尚書。前往駐藏辦事。其荊州審辦關稅一案。本非緊要。無難即日完結。著松筠於審案事畢。拜發奏摺後。即由荊州就近馳驛前往西藏辦理駐藏事務。實心任事。用副委任。諭軍機大臣曰。梁肯堂奏查明正定被水情形一摺。據稱正定地方。於六月二十三、四日。雨勢過大。夜間發水。以致東西南三門關廂。同被水淹。房屋間有衝塌。並溺斃人口。幸水即歸槽。城內並無傷損。業經遵奉恩旨。散給銀米。並加兩倍卹賞。小民口食有資。不致失所。等語。覽奏稍慰。正定河水漲發。雖幸未漫入城內。但關廂被淹。田廬人口。均有衝損。此皆我君臣之過。梁肯堂在彼查辦。目擊小民被災情形。若再不實力詳

查妥為賑卹於心何忍所有直省被水各州縣現已降旨將本年應納秋糧加恩豁免至應需賑項現據梁肯堂奏即於截留漕米十四萬石內動支兼放折色以便民用自應如此辦理至天津地方撫卹事宜已有旨責成徵瑞督同該運司道府等實力經理本日熱河又復陰雨綿密竟日若直省被水各地方日內雨水仍復綿密則保定正定天津等處大寺廟甚多即永定河工次亦自有僧道寺

院梁肯堂慶成徵瑞即應各飭令僧道等虔心設壇敬謹祈晴俾田禾得資曬晾不致有礙秋成方為妥善將此由五百里各諭令知之○旌表守正捐軀四川崇寧縣民葉華松妻李氏○乙巳諭前因衛輝被水穆和蘭甫經趕到於賑卹事宜未能悉心詳細籌畫所奏情形亦不澈切踴躍是以止將松筠吳璫交部從優議敘今穆和蘭奏到督辦隄堰分查被水各屬散給災民銀穀各事宜均屬周

詳妥協穆和蘭亦著加恩一體交部議敘其另片奏稱降調知縣張予定曾經承辦河北賑務現委分路查勘尚屬得力請暫留該員在豫辦賑等語著照所請張予定准其留於豫省幫辦賑務事竣後給咨送部引見○諭軍機大臣等本日蘇寧阿奏全漕尾幫入境摺內稱故城景州地方因衛河泛漲臨清夏津一帶西岸漫溢之水北往直境於七月初一至初五等日流入故城景州境內低窪村

莊多被水淹當即督令沿河村民趕壘長埝逼水北流入淀田廬俱保護無虞等語故城景州地方因上游衛河漲漫流注境內以致低窪村莊多被淹浸幸田廬得保無虞但該處村莊既被漫水經過於秋後有無損傷民情是否安堵殊為厯念現在梁肯堂尚在固關景州距天津不遠徵瑞查辦天津地方撫卹事宜不日當可完竣著帶同天津道丁漕營即馳赴故城景州並河間府一帶親加履

勘如被水村莊。民居廬舍或有衝塌。即行按例一律加兩倍賞給修費。其有應須賑卹者。亦即行詳查妥速辦理。務俾小民不致失所。以副朕軫念民依至意。將此傳諭徵瑞。並諭梁肯堂知之。○又諭。據穆和蘭奏。初四以來。晴霽經旬。積水已消涸大半。漫堰水勢微弱。下注無多。正應趁此時速為堵閉斷流。使下游積水更易消涸。據奏十八日可以合龍。今已二十日。諒日前早已堵築完竣。至該省撫卹賑濟及築堰經費。既稱藩庫銀兩足敷動支。自可即行撥款應用。毋須另行撥帑。所辦甚好。其武陟堰工。前據李奉翰派委河北道蔡共武前往幫辦。今穆和蘭因黃河長水。隄工險要。飭令蔡共武仍赴巡防。所辦甚是。穆和蘭惟當益加勉力。往來查察。將應辦賑卹堵築事宜。盡心經理。俾災黎口食棲止有資。民情益臻寧帖。以副委任。又同日據吳璥奏查辦撫卹情形各摺。所有被淹處所。經該藩

司覆加查勘。速委勤幹丞倅各員親齎銀米前往散給。其災輕路近之區。亦給予口糧修費。並酌量大小村莊。分別散給銀米。用心周到。所辦俱好。其延津安陽等五縣。雖據奏稱被淹情形尚輕。另飭查看酌辦。但該州縣同係被水。其低窪地畝。亦不免多有淹浸。該藩司亦當確實查明。妥為撫卹。不可因一隅災輕。稍存忽視。致令有向隅之歎。至所稱汲縣等八縣五十七年秋禾被旱。曾經給賑。現即將前次底冊覆加查點。分別增減。以便按戶逐口隨查隨放。所辦亦是。至所需銀米。該藩司因該處鄉村間有泥水膠淺處。所銀米勢難運到。現在出示勸諭各紳士大戶。先將家存多餘糧石。暫行墊給貧民。俟地方官往散時。即將給過戶口錢米照數給還。俾貧民早得餬口。並飭被水各縣一體仿照辦理等語。此為目前救急。暫時權宜辦理。則可。而於地方賑務。究非正辦。現在衛輝各屬居民被水。



口食無資。官為賑卹。撥運銀兩。一時未能到齊。其僻小村莊。泥水膠淺。銀米亦難運到。若該處紳士大戶。稍有餘貲者。坐視不救。則災民嗷嗷待哺。勢必至有情急意外生事。今如此曉諭紳士富民。令其量出所餘。暫行墊給。俾貧民得資養贍。過後即照數償還。亦屬無可如何之策。若地方遇有災祲。應行賑濟。並非刻不容緩。亦照此一律辦理。則事出勉強。究覺不順人情。且紳士等墊給錢米。按數給還時。不肖州縣及吏胥等。從中借端剋扣。侵肥。甚至全不償還。種種弊端。皆所必有。斷不可行。此一節。並著各省督撫一體知悉。遇有災賑事務。不可相沿辦理。其現在武陟等被水州縣紳士大戶等。業經墊給錢米。仍著吳璥與地方官往散時。即飭令查明墊給實數。速行按數償還。毋任吏胥從中短發。致有剋扣侵肥等事。方為妥善。再穆和蘭前奏河灘地租收支各數摺內。有撥存行宮修費銀五

百兩一款。業經降旨。令該撫查明具奏。茲據軍機大臣查明。此項銀兩。係每年撥存司庫。並不動項修理。則此款自應歸入庫貯項下。又何必復列此行宮修費名目耶。並著傳諭穆和蘭嗣後。應將此項名目刪除。其積存銀兩。即咨部歸入庫貯閒款項下。作為此次賑卹之用。將此由五百里各傳諭知之。現在穆和蘭堵築堰工。辦理撫卹事竣。即著親赴衛輝各屬。再行周徧覆查。俾災民各需實惠。以副朕軫念災區。不使一夫失所至意。○又諭昨已降旨。將富綱調補兩江總督。所有雲貴總督缺。福康安調補。和琳補授四川總督。其駐藏事務。令松筠前往辦理。今思由滇省前往江南。路途遙遠。且該省現有河工防汛等事。亦關緊要。若俟福康安到後。始行起程。未免有需時日。著富綱接奉諭旨。即齎帶督篆。於經過黔省時。交與馮光熊暫行署理。富綱即馳赴新任。四川與雲南接壤。著馮光熊先

行探聽。一俟福康安入境。即派員將督篆齋往迎交。更為便捷。至福康安到川省後。將應辦要件。詳悉寄信告知和琳。伊於川省及口內口外情形。本所諳悉。川省要務。不過番情小錢。民俗悍惡。經福康安再行詳悉告知。自更可得其竅要也。至松筠前在庫掄辦理邊務。甚為妥協。此次奉差湖北。路過衛輝。督辦水災撫卹事宜。實為盡心。朕所深嘉。今令前赴西藏接代和琳。自能勝任。衛藏地方。經和琳悉心整頓。定立章程。一切駕馭各部落。訓練番兵。所辦俱有條理。仍著和琳再向松筠將鉅細事宜。面為告知。俾得循照成規。經理倍臻妥協。以副委任也。將此由五百里各諭令知之。○又諭本日據留京王大臣奏。大學士嵇璜於本月十七日病故。現在漢大學士並無在閣辦事之人。松筠於審案完竣。即當由荊州馳驛迅速赴藏。和琳俟松筠抵藏。面行交代。並將應辦事宜。詳悉告知後。即速加

緊馳驛來京。陛見面聆訓示。速行馳回四川。新任以便孫士毅迅速來京辦理閣務。現在川省地方及奏銷事件。均關緊要。和琳未到任以前。此數月中。不得不令孫士毅在彼督辦。一俟和琳回川。孫士毅即可交代來京。並著孫士毅於和琳未到之前。即將軍需銷算豫行償辦查覈完竣。以便和琳一到。即可交代。剋期起身來京供職也。將此由五百里各傳諭知之。○旌表守正捐軀江蘇宿松縣民王文舉妻王氏。河南西華縣民畢驢妻尹氏。○丙午。諭曰。大學士嵇璜。老成端謹。歷練有年。簡任綸扉。齒逾八袞。方冀長承恩眷。用資倚任。前因患病告假。即令皇八子帶領御醫親往診視。茲遽聞溘逝。深為軫惜。著賞給經被。以昭飾終。令典加恩。晉贈太子太師。派皇八子帶領侍衛十員。前往奠醊。並賞銀一千兩。辦理喪事。其從前降革處分。悉予開復。所有應得卹典。該部察例具奏。至伊家屬扶柩

南歸並著加恩照例遣官一員護送回籍以示優眷○又諭曰大學士行走班次現在漢大學士無居前列者嗣後行走班次著阿桂居首和珅居次王杰居和珅之次福康安居王杰之次孫士毅居福康安之次○又諭曰福寧奏山東省館陶冠縣邱縣地方漳衛二河水漲以致村莊多有被淹現在親赴查勘加意撫卹給發銀糧俾資口食並與運河道羅煥相度形勢將各處積水設法疏通等語館陶等三縣猝被水災淹浸田廬情殊可憫現經福寧馳往查勘分別撫卹該處民人均資安堵羅煥於運河情形最為熟悉今經福寧與該道商酌相度水勢分路疏通辦理俱屬得當福寧羅煥俱著交部從優議敘其隨同辦理出力之員著該撫查明一併咨部議敘以示鼓勵所有館陶冠縣邱縣本年應徵秋糧並著該撫查明概行加恩豁免以紓民力仍督飭所屬詳悉確查毋致遺漏以副朕

軫念民依至意○諭軍機大臣曰全德覆奏巴寧阿與總商汪肇泰聯宗一節現據汪肇泰供稱巴鹽政與商人認本家屬實至打造首飾及此外別項劣蹟徧詢各商俱稱並無其事所奏殊屬取巧全德之意不過以巴寧阿在任各劣蹟已列數款奏其情節較重之與商人聯宗等款俱經叅出質實已可塞責此時復令查訊即思作好人將就完結不肯再行窮究其事免致嫌怨試思汪肇泰係微末商人巴寧阿若非圖其餽遺謝儀何肯俯就聯宗即使巴寧阿未經明言該商希圖往來交結豈有不餽送贄見之理縱使巴寧阿在任未久不暇向伊需索但既與該商認作本家且自稱長輩安知不望報於異日巴寧阿進京後該商人逢遇年節或寄送禮物俱屬事之所有全德在揚州如果逐一詰詢何難得實乃以業經叅出即思就案完案存不為己甚之見所謂進退無據此等伎倆豈

能逃朕洞鑒。著傳諭全德。將辦理此事。是否實係取巧。冀圖將就了事之處。據實回奏。尋奏訊據汪肇泰供。巴寧阿在任不久。並未送禮進京。後無事交涉。亦未寄送禮物。前奏漏敘。實不敢蹈取巧之愆。報聞。○又諭據全德奏。覆訊總商汪肇泰前此巴寧阿如何與該商聯宗一節。據汪肇泰供。巴寧阿初到任時。即與商人汪肇泰勒認本家。自稱原籍徽州。先認長輩。即是聯宗實據。乃前此詢問巴寧阿時。猶復飾詞狡展。今全德取有汪肇泰供詞。承認明確。則巴寧阿更無可置喙。著傳諭王大臣等。即將全德汪肇泰供詞。發交巴寧阿閱看。想伊自難再有狡飾。即行按律定擬具奏。○又諭曰。朱珪進御製紀實詩十二函。內編排門類。列敘案語。具見用心審密。所撰進書表文。摘詞比事。亦屬典覈。惟過於頌揚。於朕統業自持。惟日孜孜之意。尚覺歉然。第觀其屬辭命義。尚為雅則。茲賞去御筆扇一

柄。紗匹筆墨等件。以獎其勵學。○又諭曰。福寧奏查勘館陶冠縣邱縣被水情形。督率道府等實力撫卹。並疏消積水。趕堵漫口。一摺。館陶城內。水未灌入。居民得以安堵。尚為深幸。其村莊地畝。多有被淹。田禾受損。旁注之水。漫入邱縣村莊。晚禾亦難望有收。實為可惜。惟冠縣被水較館陶為輕。此皆由不能調變。以致被此水災。皆我君臣之咎。若不盡心賑救。於心何忍。現經福寧親赴該處。往來查看。搭篷濟渡。散給饘餅。其艱於買食之處。即給以米穀。俾災民得資存活。所辦俱好。所有坍塌房屋。淹斃人口。俱著按例加兩倍賞卹。如有應行賑濟者。即一面奏聞。一面辦理。不可存惜費之見。其德州地方。因運河浸溢。驛路受淹。已經該撫委員確勘。趕緊宣洩。俾郵傳不致遲滯。所辦亦好。至所稱臨清姜家莊漫水。應由馮家雙閣啟放。夏津老隄漫水。應由武城之牛蹄窩開疏消。館陶漫水。應由常

家溝宣洩入衛冠縣漫水。現啟運河各閘宣洩。邱縣漫水。從直隸滏陽河宣洩等語。所辦俱屬得當。福寧到山東未久。該省各處水道及疏消事宜。豈能如此諳悉。羅煥係由該處河工微員出身。曾任河道。該處水利。本所熟諳。現在籌辦機宜。想必係羅煥告知。福寧商同辦理。羅煥因在按察使任內。緣事降調。用為運河道。今適有此水災。相機宣洩。正得其用。實為不幸中之幸。著福寧將所辦宣洩事

宜。是否係羅煥主見。商同辦理之處。據實覆奏。至姜家莊及夏津漫口。現已趕緊鑲築。福寧務須實力督率堵築完竣。並將各處積水一律疏導分消。早見涸復。俾得安輯寧居。除被災之外。該省秋收得幾分。即速奏聞。以慰厘注。將此由五百里傳諭知之。○又諭。本日據福寧奏到臨清館陶等州縣疏消漫水情形。並繪圖呈覽。朕詳加披閱。所有漳衛二河合流漫口。自邱縣迤西。俱係直隸境景州

河間一帶。漫水所注。被淹之處較多。昨已傳諭徵瑞令其馳赴故城景州。並河間一帶。查勘被水村莊。妥速辦理。梁肯堂諒已早抵閘。所有該處撫卹事宜。大局已定。不日即可完竣。著於辦畢後。即馳往景州河間等處。詳悉履勘。如有衝塌房屋。即遵昨旨。按例加兩倍賞給。其應需賑卹者。亦即會同徵瑞詳查妥辦。務俾小民不致失所。前已諭令徵瑞。毋庸循照向例。前來熱河。梁肯堂查辦各處被

水事務。關係緊要。亦著在彼悉心辦理。八月間。不必前來行在祝嘏。即朕迴鑾時。亦不必於途次接駕。竟俟諸事辦妥。再到京復命。未為遲也。將此由五百里諭令知之。○丁未。諭曰。慶成奏。河水漲發。壩工平穩一摺。據稱本月十六七等日。陰雨連朝。各處水漲。逼緊大溜。一時不能暢消。慶成與喬人傑分派文武員弁。赴工防禦。玉皇廟前堤工。尤為險要。喬人傑身先兵役。竭力搶護。數處險工。皆得幸

保平穩等語。覽奏以手加額。感謝無盡。此皆仰賴。

河神護佑。得以化險為平。特發去大藏香二十炷。交慶成等。於盧溝橋東岸迤南。

河神廟內。敬謹祀謝供奉。以答靈佑。至慶成等在工督率員弁。將險要隄工。盡力防護。得以一律穩固。實屬出力可嘉。前因梁肯堂前往固關查辦災賑。永定河工督辦需人。特派慶成前往。伊係本省提督。於河工弁兵呼應較靈。易於集事。否則祇有道員在彼督率防護。辦理不無竭蹶。此皆

天牖朕衷。用人得當。欣慰之餘。彌深感惕。今特賞慶成玉搬指一個。慶成。喬人傑。並著交部從優議敘。其在工實在出力之員弁等。即著慶成就近查明。一併咨部議敘。不必轉報梁肯堂。以致往返需時。至喬人傑於玉皇廟前隄工險要時。冒雨赴險。身先兵役。極力搶護。險工得保平穩。甚為奮勉。並著加恩賞給按

察使銜。用示優獎。向來各河工遇有漫口。該河道等俱有應得處分。今不特免其治罪。又格外施恩。賞給陞銜。喬人傑。惟當倍加感奮。實力督率。將各處險工。謹慎防護。並將漫口趕緊堵築。不遺餘力。以期工程一律堅實。剋期迅速合龍。方不負朕恩獎。又思山東運河道羅煥。前於按察使任內降調。朕念其事屬因公。仍用為運河道。伊係該處河員出身。於運河水道溝渠。皆所熟悉。適遇館陶武城等處河水漫溢。昨據福寧奏到。啟放閘座。疏消積水。一切皆合機宜。自由羅煥主見。稟商辦理。是以宣洩皆得竅要。福寧甫到山東未久。於該處水利。豈能如此諳悉。是朕用羅煥為運河道。人地更屬相宜。實為不幸中之幸。得以濟事。今喬人傑既賞按察使銜。羅煥亦著加恩一體賞給按察使銜。以示獎勵。該道倍當悉心籌畫。妥速經理。俾漫口迅就堵合。漲水一律疏消。地畝早得涸復。災民均獲安輯。

寧居以副委任○又諭據保寧奏伊犁阿奇木伯克回部頭等台吉俄羅木雜卜土爾扈特頭等台吉恭額策林公爵分例護衛官員可否准其存設等語著加恩准其存設不必拘泥成例以示體卹新附回部至意○諭軍機大臣等據留京王大臣等奏十九日密雨霑濡二十日業經大晴現在天色涼爽不至再有連陰等語京師近日以來仰荷天恩業經晴定欣慰之餘彌深敬慎至摺內又

稱日內天氣倘又復蒸熱或有驟雨之勢即當祈晴等語殊為多慮不誠已於摺內用硃筆抹出京師此時晴象已定自屬最好乃轉認過慮復有驟雨之言寧不知朕現因雨水稍多宵旰焦勞無時或釋而故為此駭聽之語以致朕愁耶看來此奏自係八阿哥金簡之意欲以此見其慮事周密不自知其所言之失當而八阿哥向來遇事用心過細此一節必係八阿哥主意居其大半亦未可定是

否如此附便覆奏並著將田禾是否長成飽綻積水消涸並無妨礙情形一併覆奏以慰厯注尋奏前奏係臣等公同商酌實屬拘泥過計現在田禾飽綻積水漸消大田並無妨礙得旨覽奏稍慰○調鑲藍旗蒙古副都統德楞泰為正白旗滿洲副都統○戊申諭曰尚安著改名宜綿○諭軍機大臣曰貢楚克扎布奏杜爾伯特汗瑪克蘇爾扎布等游牧狹小應將卡座展寬請親往查勘等語伊

等生齒日繁游牧較狹似宜展寬然未知果否有益該處亦係烏里雅蘇臺將軍所轄著傳諭恒瑞令其前赴科布多會同貢楚克扎布到彼查勘其卡座應展寬與否於蒙古等有無裨益之處據實具奏並令便道巡查○以署正藍旗蒙古副都統碩雲保為鑲藍旗蒙古副都統○已酉

上御卷阿勝境賜扈從王公大臣及蒙古王貝勒貝子公額駙台吉等食至癸丑皆如之○

諭據書麟蘭第錫奏江南境黃河水勢盛漲豐汎四堡曲家莊地方於六月二十七日隄口過水三十餘丈趕緊堵築現已斷流等語此事先據該河督等奏到曲家莊漫口過水於十日內搶堵完固業經頒發藏香令於河神廟敬謹祀謝並著將在工出力之文武員弁俟秋汎安瀾後一併交部議敘茲據該河督等所奏之摺因係差員齎遞是以奏到在後今披閱所奏情形曲家莊過水時幸未吸動大溜又閱圖內漫水二處幸係回溜是以水勢不致甚猛維時淮徐道康基田適在蕭汎督搶堵工隨即馳往先行裹護並連夜集夫在灘面圍築越堰繞過缺口復將該河督等到工查看於六堡灘內就舊有土壩盤築草壩趕緊堵築得以儼辦完竣是此事深得康基田之力若非伊先行趕到圍築越堰恐漫口更致塌寬難以施力康基田於抵工後即連夜集夫圍堰繞過缺口次第施工辦

理甚屬可嘉今運河道羅際永定河道喬人傑均因辦理堵築宣洩事宜賞給按察使銜康基田尤應加以恩獎亦著賞給按察使銜銜用示鼓勵至該河督等於灘水漫隄未能先事防護原有應得之咎姑念搶護出力剋期堵合不忍再行治罪所請交部嚴加議處俱著加恩寬免其該管文武員弁應得處分亦著一體從寬免其交部該河督等倍當益加奮勉督率工員實力巡防務期隄埽工程益臻鞏固以副委任○留京辦事王大臣議覆大學士伯和坤等奏稱八旗設立馬圈餵養馬匹原以備扈從行營之用但常時在圈易致折騰請分給各旗官員拴養既可乘騎當差調習壯健出圍較為得力空出馬圈閒地蓋造房間給與窮苦兵丁居住等語應如所請惟是八旗蒙古佐領官員無多不敷分領應添交護軍前鋒等營官兵拴養調習仍令該管大臣叅領佐領等不時查察辦理每



年與八旗驍騎營及各營舊有馬匹存留二成。餘令出青交團如遇東巡南巡等差需馬較多。屆期由火器健銳二營添撥至改造兵房。惟用城內空出園地將現存各旗購買草豆及廣儲司存貯節省餵馬銀二項共一萬八千餘兩酌量改造舊房修補無用馬棚木料拆毀變價每間照例給銀五十三兩揀員督辦保固十年城外空出馬園地或令變價或租賃民居交該旗都統辦理得旨蒙古旗員較少不敷分養此項馬匹著添給前鋒護軍等營妥為餵養倘有虧損等事惟前鋒統領護軍統領等是問餘依議○庚戌諭據惠齡奏經過直隸保定正定一帶察看地方情形一摺內稱本月十六日行至正定府是夜大雨傾注滹沱河水增長已及隄根當即督同地方官親臨隄上趕雇人夫加緊搶護水未泛溢廬舍毫無浸損其離城稍遠村莊諭令該府縣督同親查均無妨礙民情安帖至

前途或有應行查辦之處即當隨時妥辦等語覽奏幸慰之極向來督撫於經過地方遇有被水等事往往以非所統轄置之度外殊非急公恤民之道現在功令嚴明奉差大員均能體朕如傷在抱之意不分畛域一體督同妥辦即如此次衛輝固關地方被水經松筠宜綿在彼經過即行督率地方官妥為撫卹前經降旨將松筠宜綿交部從優議敘今惠齡於路過正定時適值滹沱河水漲發下法因梁肯堂現赴固關即督同地方官集夫搶護飭赴村莊確查民情得以寧帖所辦實屬可嘉惠齡亦著交部從優議敘以示優獎○諭軍機大臣等據惠齡奏行至正定一帶沿途阻水行走遲速難定誠恐有誤入關監臨之事等語本年鄉試八月初間即應辦理監臨事宜惠齡沿途阻水恐未能如期到彼藩司汪新現赴荊州防汛所有應辦監臨事宜即著畢沅入關辦理至覆試一事須在九

月初間榜發以後。彼時惠齡早已抵楚。即著辦理覆試。如此一轉移間。監臨覆試俱有大員專辦。自可不至貽誤也。將此傳諭畢沅。並諭惠齡知之。又諭曰。穆和蘭奏武陟縣附近漫口之樊村民堰。河勢生灣。頂衝迎溜。現在增高培厚。並加鑲防風。添築裏戩。以資捍衛等語。所辦甚是。又稱漫口下游故道淤高數尺。復開挖引渠一道等語。該處故道淤高。水灘下注。該撫等於下游開挖引渠。暢其去路。並將淤斷之處。節節疏通。辦理均屬妥協。此時開放引渠。全河仍歸故道。漫口斷流。皆仰賴河神錫佑。得以安穩合龍。特發去藏香二十炷。交穆和蘭於河神廟敬謹祀謝供奉。以答靈貺。所有在工償辦出力之府廳等員。並著查明咨部議敘。用示獎勵。其堵築堰工。仍督飭工員。加土追壓。並臻堅實。該撫現已前赴河內修武一帶。

催放撫卹口糧冊房修費。務須悉心查覈。飭屬妥辦。俾小民均霑實惠。並著將各屬積水未經消涸之處。一律設法疏消。妥為經理。以副委任。將此傳諭知之。辛亥。諭曰。蔣兆奎奏勘明代州並所屬地方被水情形。分別辦理一摺。據稱代州五臺繁峙三處。因大雨連綿。山水陡發。多有衝塌房屋。損傷人口。已按例捐廉給予賞卹。其被淹地畝。秋收失望。請先行撫卹一月口糧。再行勘明災分輕重。分別加賑題豁等語。代州五臺繁峙三處。被有水災。田廬多被淹浸。人口致有損傷。前據該撫奏到。業經降旨加恩。令將賞卹銀兩。均按例加兩倍賞給。蔣兆奎尚未接奉前旨。是以未經遵辦。著該撫即行詳悉查明。均加兩倍補給賞卹。俾小民益為充裕。不致失所。至該州縣地畝被水淹刷。難望有秋。殊為可憫。其乏食貧民。著即先行賞給一月折色口糧。聽其自行買食。以資接濟。所有被淹地畝。應豁

糧賦若俟該撫照例題達未免有稽時日著即加恩將代州及所屬之繁峙五臺三州縣被水處所本年應納秋糧概行豁免以紓民力仍著蔣兆奎即先行出示曉諭俾各安居復業仍速勘明災分戶口分別加賑及酌借籽種口糧等事實力撫卹其固關以外平定州所屬地方已早經有旨令蔣兆奎確查妥辦一體按例加兩倍給予賞卹該撫惟當遵照前旨實心經理俾小民均霑實惠以副朕軫念災區優加恩卹至意○吏部奏江蘇巡撫奇豐額於巴寧阿交結商人並不據實參奏請旨革職得旨此案書麟已革職來京候部定罪奇豐額厥罪雖均但書麟在總督任內有年於地方要務並未整飭一事且伊兼管鹽務其咎較重奇豐額係巡撫專管地方事件尚可從寬姑念一時乏人奇豐額著加恩改為革職從寬留任令其帶罪圖功俟八年無過方准開復○刑部議覆陝甘總督勒

保奏稱糾衆誦經回犯馬惇馬源等十名請發往黑龍江給索倫等為奴得旨此等人犯發往索倫等自不入教該處回民甚多難保無煽惑情事著交明亮等嚴行管束倘有引誘回衆入教之事即行審明正法以示懲儆○壬子諭本日刑部等衙門將乳母徐許氏壓捫幼孩身死一案問擬絞候固屬照例辦理已照簽發下矣但似此乳母壓死幼孩之案如訊係所乳幼孩之外別有子嗣而壓捫致死又實出於無心自應照舊問擬臨時尚可免勾若其家祇此幼孩一綫別無他子此等蠢愚乳母不知小心撫養竟至捫壓身死甚且挾嫌懷怨有心致斃以致其家因此絕嗣不可不分別覈辦嗣後凡遇此等案件若乳母壓死之幼孩訊係獨子以致其家絕嗣即使出於無心亦應入於秋審情實辦理以昭平允○諭軍機大臣等據內務府衙門覆奏遵化州應交五十八年分租銀錢文及五

十六七兩年所欠租錢三百餘串。屢催未解。該州惟以原佃潛逃。租額過重。招佃無人。申覆等語。此項租銀俱係供支。

陵寢及修理行宮牆垣橋座之用。自應依限完解。不得遲延掛欠。乃遵化州應交租銀及園租京錢。經該衙門屢次嚴催。仍拖欠未交。並以租額過重。招佃無人。藉詞搪塞。實屬玩忽。梁肯堂此時雖在查辦災務。但此項租息銀兩亦關緊要。豈可即置不問。一任該州延宕。

著該督即嚴飭該州將應交租銀欠項。照例如數作速賠補。剋期完解。以充公用。若再支吾延宕。必將該州及該督一併治罪。所有此項園地並著委員確勘。是否實在荒蕪。及租額過重。應行酌減之處。據實具奏。毋得稍有含混。致干咎戾。再此次梁肯堂辦理災賑已據奏請撥帑四十萬兩備用。該省被水州縣業經降旨將本年應納秋糧概行豁免。此外未經被水州縣自仍可一律有收。小民鄉里。

本有相通之義。彼此原可通融調濟。其被水災黎更當不至失所。現在各該州縣災分戶口諒已查勘明確。得有眉目。著該督約畧計算。實在需用若干。請領帑項是否足用。即行據實先行具奏。並著將該省本年收成除被水各州縣外。均勻牽算。實在約有幾分之處。一併查明覆奏。以慰厘注。將此諭令知之。○又諭曰。伍拉納等奏拏獲義烏縣匪案在逃要犯王元。審明後即恭請王命。將該犯交遲。

泉示一摺。已批交該部知道矣。至摺內稱。搜獲王元所帶字條。係編造不法邪言。有出兵成功等語。前此伍拉納鈔進逆詞。所稱招主發兵之語。尚係假借樓德新名字。不過希圖惑衆騙錢。混行編造。至現在搜出字條。竟有主公天下。出兵成功等字樣。非謀叛而何。乃吉慶前次起出逆詞後。既未據實呈奏。嗣據伍拉納到浙會審。又祇將樓德新所編逆詞進呈。而於現在搜獲字條並未切實究出。豈

有該犯王元於事發逃竄後尚藏匿身畔而首犯樓德新等到案時轉無此等字條隨身攜帶之理乃伍拉納等並不切實究明立時搜獲即將各該犯等先後正法以致此時搜出逆詞其主謀起意之人及逆詞內所稱各情節無可根究可見前此辦理草率多有不實不盡伍拉納等俱著傳旨嚴行申飭仍著將會審時何以並不詳悉究出緣由明白回奏至建寧縣知縣吳尊盤於該犯王元潛匿境內即帶同差役親往拏獲尚屬認真並著該督等咨部議敘以示鼓勵尋吉慶奏前此起出逆詞未即呈覽與督臣伍拉納會審時據吳阿成供係樓德新何世來王元三人編造又未將王元身藏不法字樣立時搜出遽將該犯正犯實屬糊塗得旨此後一切留心○癸丑諭今歲雨水較多道路泥濘且朕八旬有四非疇昔馳馬射獵時可比現已停止本年進哨矣蒙古王公台吉等著照去年於

八月二十日送朕啟鑒即令各回游牧且不久即值年班伊等俱可至京但上圍蒙古等雖未起程前來究已豫備著加恩照前年例減半賞賚明歲六十年亦不進哨仍在熱河舉行慶典禮畢進京俟丙辰歸政稱太上皇帝時朕仍進哨不必乘馬射獵惟安坐看城以觀嗣皇帝率領王公大臣蒙古王公台吉及外藩人等行圍實千古罕觀之盛事惟爾臣僕恭遇嘉祥亦必共相歡忭也○又諭曰伍拉納奏汀州鎮總兵格綢額染患風疾請令回旗調理等語格綢額著准其回旗調理所有福建汀州鎮總兵員缺著特靈額補授○諭軍機大臣等本年直隸山東河南等省因雨水稍多河流漲發漫水所注多有淹損地畝坍塌民居之處而直隸之河間天津正定順德廣平大名山東之臨清東昌德州河南之衛輝彰德懷慶等屬春間因被旱歉收今又被水淹浸受災較重節經降旨優加撫

卹並將被水各州縣本年應徵秋糧一體加恩豁免。小民口食有資。自可安居復業。第念甫經被水之區。雖現已得霑恩卹。但節年尚有因災未完緩徵帶徵等項。於來歲收成後。尚須按限輸納。小民或不免以官欠未償。心存顧慮。仍未得遂其含哺之樂。竟應將各該處節年緩徵帶徵銀米。概予寬免。俾災黎得免追呼。將來水退後。補種所獲糧石。可以自耕自食。生計益為寬裕。著傳諭梁肯堂。務和蘭。福寧。將各該省被水較重處所。所有節年因災緩徵帶徵未完銀米數目。各行詳晰迅速查明。開列清單具奏。候朕降旨加恩。該督等務須詳查確勘。據實辦理。毋得隱飾含混。○又諭曰。慶成奏堵築漫口。現在加緊趕辦。月內即可鑲做堅實。擬於八月初五日以前。合龍等語。已於摺內批示。至所稱前抵工次時。兩壩新工。共有一十餘丈。初經披閱。竟似該處漫口。祇有十餘丈。及閱所奏。又稱半月

以來。督催償辦。西壩已築成三十餘丈。東壩築成六十餘丈。是兩處合算。竟有百丈。而從前塌定漫口。共有若干丈。現在所堵漫口。實已築成若干丈。尚有若干丈。未經堵築。摺內均未明晰聲敘。所奏殊屬牽混。圖內亦未貼說聲明。著傳諭慶成。將南頭工段。從前原塌漫口。共若干丈。已陸續堵築若干丈。現在漫口。尚有若干丈。未經鑲做之處。詳悉據實具奏。毋再含混。至該工口門日漸收窄。溜勢自必益加湍急。尤當慎重辦理。務臻堅實。不可過於欲速。致有草率浮鬆之患。又閱圖內新挑引河形勢。自當得力。即日合龍下埽。大溜緊逼之時。務須將河頭挑開。俾得建瓴下注。吸動大溜。漫口方可易於堵合。慶成等尤當慎妥為之。以期一舉成功。永臻鞏固。方為妥善。○又諭本日吉慶奏。浙江省錢糧完欠一摺。內稱乾隆五十七年分地丁漕白等銀。尚有民欠未完銀二十二萬七千三百三十餘

兩五十八年分地丁屯餉驛站漕白等項民欠未完銀二十七萬一千五百二十餘兩又未完額徵南米四萬八千二百六十二石零現在嚴催完報等語江浙兩省連歲以來雨暘時若均獲有收非他省之偶有災歉者可比此等錢糧俱係正賦在小民具有天良得遇連年豐稔自無不踴躍輸將按期交納乃浙省節年未完銀米尚有四五十萬之多即江蘇省前據奇豐額奏到本年應徵新賦雖已全完而帶徵停緩等項尚有應俟屆限催完者看來此等未完銀米其實欠在民者不過什之二三自係經徵官吏任意侵蝕居其七八迨至奏銷期限輒又捏稱民欠藉詞延緩似此年復一年伊於何底著傳諭該撫等所有額徵地丁等項並該年應徵帶緩等項銀糧務須實力稽查依限完繳毋任官侵吏蝕任意拖欠以致正賦延宕倘有前項情弊一經發覺必將經徵各員及該撫等一併從

重治罪決不稍為寬貸也○是月調任戶部右侍郎倉場侍郎景安奏北倉截卸漕糧計十四萬餘石每石給抗錢八九文不等每日貧民一人可得錢二百餘文甚有裨益得旨嘉獎○浙江巡撫覺羅吉慶暫署兩淮鹽政全德奏履勘仁和錢塘二縣城垣應行修整實需銀一萬一千二百七十一兩俟至冬月興工認真督辦下部知之

大清高宗法天隆運至誠先覺體元立極敷文奮武孝慈神聖純皇帝實錄卷之一千四百五十八

監修總裁官經筵講官太子太傅大學士沈德潛等領侍衛內大臣等纂修

吏部理藩院等處工部戶部刑部禮部兵部等處各官同修

總裁官經筵講官太子太傅大學士沈德潛等領侍衛內大臣等纂修

世襲將軍等功加十九級隨帶加二級之加二級臣等謹將滿洲部總管功紀錄

尋常紀錄十四次臣等謹將滿洲部總管功紀錄

世襲將軍等功加十九級隨帶加二級之加二級臣等謹將滿洲部總管功紀錄

尋常紀錄十四次臣等謹將滿洲部總管功紀錄

世襲將軍等功加十九級隨帶加二級之加二級臣等謹將滿洲部總管功紀錄

尋常紀錄十四次臣等謹將滿洲部總管功紀錄

世襲將軍等功加十九級隨帶加二級之加二級臣等謹將滿洲部總管功紀錄

尋常紀錄十四次臣等謹將滿洲部總管功紀錄

世襲將軍等功加十九級隨帶加二級之加二級臣等謹將滿洲部總管功紀錄

尋常紀錄十四次臣等謹將滿洲部總管功紀錄

世襲將軍等功加十九級隨帶加二級之加二級臣等謹將滿洲部總管功紀錄

尋常紀錄十四次臣等謹將滿洲部總管功紀錄

世襲將軍等功加十九級隨帶加二級之加二級臣等謹將滿洲部總管功紀錄

尋常紀錄十四次臣等謹將滿洲部總管功紀錄

世襲將軍等功加十九級隨帶加二級之加二級臣等謹將滿洲部總管功紀錄

尋常紀錄十四次臣等謹將滿洲部總管功紀錄

世襲將軍等功加十九級隨帶加二級之加二級臣等謹將滿洲部總管功紀錄

尋常紀錄十四次臣等謹將滿洲部總管功紀錄

河間景州一帶督辦撫卹事宜。今梁肯堂既已親赴該處。則應辦賑恤事務。自應該督在彼專司督辦。又何必會同徵瑞。梁肯堂係屬總督。地方事務。本其專責。徵瑞祇係鹽政。不過因一時乏人。令其暫行代辦。且其才具。亦為能及梁肯堂。若任以地方。不過堪勝藩臬兩司。隨同梁肯堂辦事。況該省道員。如方受疇。丁桂鑒。俱係平日尚能辦事之人。現經該督差委分勘。足資料理。又何必復以會同徵

瑞查辦為詞。豈有朕於此等事務。不信總督而轉信鹽政之理。且令屬員觀望。成何事體。為朕輕視矣。梁肯堂於此等處。用心過當。為此不實之語。安能逃朕鑒照耶。又據奏。八月恭逢萬壽。因勘辦事件。未能趨赴依戀之私。莫能自己等語。又屬敷衍虛詞。現查辦撫卹事關緊要。梁肯堂正應在彼悉心妥辦。以期無負委任。熱河隨班祝嘏。大小臣工甚眾。又何在梁肯堂一人前來叩祝。不但非出誠心。



且不知輕重。殊為可笑。梁肯堂正應在彼督率妥辦。不必前來。至該處已有梁肯堂督辦撫卹徵瑞自無庸復留彼處。並著梁肯堂即告知徵瑞。令其於八月初十日內。仍到熱河。以備朕面詢雨水田禾賑卹各事宜。更為詳晰也。此旨著發鈔。各省督撫亦未免皆有此病。何不用此心於實政愛民乎。○諭軍機大臣曰。松筠奏查詢荆關稅務簿單不符。大概情形一摺。內稱經承劉昌泰。因此次解送冊

籍之書辦田裕萬。從前本係經承。嗣因懶惰。改為散走。與劉昌泰常有口角。今年田裕萬送冊進京。劉昌泰恐回來奪伊經承。將應送部科紅單。抽出一包。換入空白紅單。冀其到京受累等語。此案劉昌泰因與田裕萬挾嫌。輒將送科紅單。抽匿燒燬。意圖傾陷。是害人適以自害。實為惡而且拙。其罪雖不至死。亦應發遣新疆。與厄魯特為奴。以示懲儆。將此諭令知之。○丙辰。遣官祭黑龍潭。

昭靈沛澤龍王之神。玉泉山

惠濟慈佑龍王之神。○諭曰。奇豐額奏。太倉所屬之寶山縣有土塘一道。因陡遇海潮。風狂浪大。壩坡坍塌。隨潮入海。此項土塘向係民修。現飭估計工料。分別詳報。請修等語。該處工塘。為保護石塘要工。自應趕緊修築。以資捍衛。此項工段。向來本係民修。但此次海潮較大。沿海居民。雖尚幸安堵。朕心甚為軫念。著加恩。將此次土塘修費。准其作正開銷。

以示體恤。○諭軍機大臣曰。福寧奏。據單縣知縣稟稱。該處河水長至八尺八寸。自十四堡至三十三堡。黃水普律漫灘。不能暢消。沿隄察看。緣江南豐北廳於界首築做南北上壩一道。長三百六十丈。直接灘內。劉家莊止。又於莊基南面接長土壩數十丈。以致水無去路。從壩根折向西南。繞出壩頭。始往東注。曲折紆迴。停蓄無際。現經福寧飛咨蘭第錫等。查覈辦理等語。山東單縣地方黃河。勢居

江南上游。遇出槽漫灘之水。必使順勢東趨。暢達下注。方不致壅遏為患。今閱福寧所繪圖樣。江省黃河兩岸。所築土壩。各有三十餘壩之多。又於界首築做南北土壩一道。挺峙河灘。而西南復加築子埝一道。幾無隙地。如此層層攔束。無怪上游水勢竟無去路。試思水性就下。其溝槽之水。既於河隄之間。舊有經行故道。自可聽其流往下達。況黃河已有隄埝層層保護。此外尚有遙隄。節次關攔。儘足以資抵禦。又何必多築壩埝。橫截去路。轉致壅遏。任其漫溢停蓄耶。且以地勢而論。江南省素稱澤國。江海湖陂。均足以資容納。即遇上游河水盛漲。無難分導疏消。至山東。河南。宣洩之處較少。無可旁瀉。今乃於江省築隄堵住去路。則水無歸宿停積。是以上游丹沁漳衛等河。紛紛漫溢。淹浸田廬。設曹單等處。致有他虞。運河受害。更復成何事體。是江省所築隄埝。不過藉此為祇救目前之計。又

為工員開銷地步。於事無益而轉為有損。在蘭第錫等辦理南河。不過以築做壩埝。臬鱗櫛比。一遇東省河水泛漲。即可在上游處所。散溢漫灘。分消水勢。江省河工。不致著重。殊不知上游之水。一經攔截。水無去路。既有漫溢之患。且黃河溜勢。水急則沙活。水緩則沙停。若上游漫水紆迴蕩漾。則江省黃河溜勢漸緩。勢必泥沙停積。河底淤高。不能暢注歸海。於南河更為有礙。又況治河必順水性。今用隄埝橫行攔截。其六壩七壩等處。竟成入袖形勢。又何以使之歸入大河。蘭第錫等所辦。不但損人而適以自害。是不僅以鄰國為壑。豈非失算。東南兩河。該河督等雖各分省管界。限而以公事而論。則同係一河。豈可稍存偏私之見。各分畛域。已於圖內用硃筆標抹所有江省南北新舊壩埝。除被水衝缺處所。暫且不必補築外。其餘礙水去路。應行拆去者。竟當拆去。使東省漫灘溝槽之水。順勢

東趨歸入大河。曹單等處方可不致有壅遏  
喫重之患。此事著交蘇凌阿會同蘭第錫福  
寧親赴該處確加查勘。蘇凌阿係暫署總督  
自可不存成見。蘭第錫福寧於黃運兩河本  
其專管。務須察看情形。熟商妥辦。總當以公  
務為重。於上下游水勢一律疏通暢注。兩無  
妨礙。方為實心任事之道。李奉翰酌量豫省  
防汛事宜。如可以分身。即迅赴江南會同勘  
辦。但該河督能否前往。尚在未定。即蘇凌阿  
到彼亦不無稍需時日。設使曹單地方漫水  
壅遏。河流湍急。該處隄工著重。殊有關係。福  
寧若俟會齊再行酌辦。未免緩不濟事。為今  
之計。所謂急則治其標。著福寧接奉此旨。即  
先行馳往江境豐北廳地方。將所築壩埝有  
礙曹單漫水去路。應拆動者。先行拆去。以便  
上游漫水順勢下注。可免他虞。方為妥善。其  
餘隄埝應如何酌量拆展。以資經久。仍俟蘭  
第錫等到齊會商籌辦。至福寧所繪圖樣內。

黃河及隄工。自應分為兩色。庶可一目了然。  
乃隄河俱一色繪畫。初經披閱。竟似河流分  
為二道。殊屬眉目不清。且不吉祥。是欲求細  
緻而轉涉模糊。殊屬非是。嗣後於繪進圖樣  
務宜展寬尺寸。分別顏色。去冗從簡。以便觀  
覽。不得仍前疎忽。將此由六百里加緊傳諭  
蘇凌阿蘭第錫福寧並諭李奉翰知之。○丁  
巳祭  
先師孔子。遣儀郡王永璇行禮。○諭前經降  
旨梁肯堂穆和蘭福寧各查明本年被水各  
該省州縣。節年因災緩帶未完銀糧。開具清  
單。候朕降旨豁免。今豐紳濟倫奉差前往德  
州。回至行在復命。據奏新城至河間一帶。所  
過道路村莊。俱被漲水淹浸。一望汪洋。小民  
艱苦情形。概可想見。朕心深為軫惻。因念天  
津與河間境壤毗連。並屬積水下游。被災較  
重。大畧相等。除該二屬本年秋糧業經降旨  
豁免。及撫卹賑濟事宜。責成該督等實力辦

理。並趕緊設法疏消積水外。其節年緩帶銀糧。若俟該督查明奏到。未免尚稽時日。著將河間天津二府屬。所有節年因災緩帶銀糧。普予先行豁免。該督速即騰黃曉示。俾被水窮黎。早得安心復業。以稱朕病瘵惠鮮至意。該部遵諭速行。○又諭。據蘭第錫等奏。高堰山盱地方。於七月初七等日。晝夜暴風。臨湖石工。多有掣卸。湖水潑過隄頂。廟宇兵堡房屋。亦多淋塌。幸石工後土隄堅固。未致掣通。過水。所有山盱五壩護埝。雖被掀揭。該廳營委員等。竭力搶護。得以保護無虞等語。覽奏。以手加額。高堰山盱一帶。猝遇暴風。湖水湧注。石工既被掣卸。隄頂護埝。俱有掀揭衝塌。經該河督等分投督飭。搶護穩固。本年夏間雨水較多。直隸山東河南等省。均有被水地方。今高堰清口一帶。幸得保護無虞。此皆仰賴神明默佑。化險為平。特發去藏香五十炷。交

蘭第錫等於禹王廟。關帝廟。天仙廟。湖神各廟。敬謹祀謝。以答神庥。至該河督等。前因防護伏汛工程穩固。業經降旨。俟奏報秋汛安瀾。一併交部議敘。今據奏此次高堰山盱等處工程情形。係屬湖水湧注。該河督等分投督飭。搶護得臻平穩。甚為出力。可嘉。蘭第錫著交部從優議敘。其在工出力之文武員弁。亦著該河督等查明。一併咨部議敘。又摺內稱雲南委員張志學。領運銅船。在運口停泊。因風撞擊。沉溺船八隻。計沉銅七十萬觔零。隨經該管府縣督同趕緊打撈。已獲銅六十萬二千餘觔等語。所辦尚好。該管府縣及該委員等。於銅船被風沉溺。即能多雇水摸人夫。上緊打撈。尅日多已撈獲。尚屬奮勉。並著查明咨部議敘。其

水摸人等踴躍爭先。多有撈獲。亦著加倍給賞。以示鼓勵。仍令將未獲沉銅。上緊督率撈獲齊全。毋任隱漏。以副委任。○又諭曰。鹽政有清釐鹺務。管束商人之責。理宜清操自矢。潔已奉公。方足以資整飭。前據董椿奏。兩淮鹽政衙門。每日商人供應飯食銀五十兩。又幕友書修筆墨紙張一切雜費銀七十兩。每日供銀一百二十兩。是該鹽政一切用度。皆取給於商人。以一年計算。竟有四萬三千餘

兩之多。試思御尚膳房度支經費。康熙年間。需費較多。然比之前明光祿寺所用。減損已不啻倍蓰。至朕臨御之初。兼有

慈寧寧壽二宮分例。已比康熙年間大減。今則慈寧寧壽二宮分例。並無其事。現在宮闈。祇有二妃二嬪。以及諸皇子皇孫等。並軍機大臣。尚書房。南書房。以及侍衛章京。拜唐阿等。各分例。每年膳房所用。通計僅止三萬餘兩。以朕玉食萬方。其進奉之數。不過如是。此非故

為節儉。而膳餼所需。實已無可復加。朕于愛黎元。施恩加惠。初不惜億萬萬帑金。豈獨於尚膳經費。有意從減。而每年所用。僅止此數。即如戶部尚書得項較優。每年亦止五千餘兩。外省總督。至多者不過二萬金。鹽政官秩微末。司員。乃每年供應。竟至四萬三千餘兩之多。是不但驕奢過分。亦且折福。以致不能承受恩眷。遇事往往昏憤錯謬。得罪實由於此。況鹽政每年例進物件。又係商人承辦。並

非自出已貲。更何得復令商人似此逐日供應。致政交結婪索之弊。總由該鹽政應得養廉。尚有因公坐扣之項。輒藉此為詞。諸弊叢生。殊非政體。但此弊已久。今已不加追問。嗣後兩淮鹽政。所有商人一切日費供應。俱著一律裁革。其每年應得養廉。著實支銀五千兩。以資食用。而杜弊端。仍著總督隨時留心嚴密查察。該鹽政既實給養廉。已為優厚。辦公儘屬有餘。倘復陽奉陰違。仍令商人相沿

供應。並此外有藉端需索情弊。一經查參。必當視已寧阿等加倍治罪。決不姑貸。○又諭曰。董椿於已寧阿前在兩淮鹽政任內。與商人交結婪索各款。曾經降旨詢問。並不查明參奏。是以革職拏問。本應從重治罪。第念商人供應鹽政一節。係兩淮積年宿弊。若非董椿據實陳明。則此弊無由釐革。因此一事。尚可從寬。董椿著免其交部治罪。加恩賞給拜唐阿在熱河効力贖罪。○又諭昨福寧奏據

署單縣知縣孫象坤稟稱。該縣境內河水自十四堡至三十三堡。普律漫灘。不能暢消。屢次沿隄上下察看。緣江南豐北廳一帶。兩岸築做壩埝三十餘道。層層箱束。以致上游數十里泛漫之水。排蕩單境。情形喫重。特繪圖貼說。稟請移咨江省。並請委員會勘。查覈辦理等語。已另降諭旨。令福寧會同蘇凌阿等。馳往勘辦矣。至該署縣孫象坤。以佐貳微員。暫時攝篆。因該縣境內河水漫灘。恐與地方

致有闕礙。即能沿隄履勘。體察情形。據實稟報。巡撫查辦。於地方民事。尚屬留心。孫象坤著先行交部議敘。福寧現在前赴南河。會同勘辦曹單境內疏消漫水。且該署縣現在辦理賑卹。未便遽易生手。著該撫於辦理各事宜。一律完竣後。再將孫象坤送部引見。以示鼓勵。○諭軍機大臣等。明年為朕臨御六十年。本擬於春間巡幸泰安曲阜展禮。

岱宗恭詣

闕里。以昭誠敬而答靈佑。本日豐紳濟倫奉差回至熱河。面詢道路情形。知由新城至河間景州一帶。水勢甚大。一望汪洋。而東省之德州東昌一帶。亦有被水處所。小民遇此水災。艱苦備至。朕心深為憫惻。此時該處居民方且賑卹之不暇。且自直隸至東省一路行宮。當此積水。不無浸滲坍塌。若朕鑾輅經臨該地方。官豫備道路修葺行宮。不但有需民力。抑且趕辦不及。是以明春巡幸東省之事。

竟不舉行。惟屆清明節恭謁

兩陵。取道潭柘拈香而已。即津淀亦不前往。俟丁巳年。再行臨幸。泰安曲阜等處。用申昭告。屆期再降諭旨。著傳諭梁肯堂。竟毋庸豫備。惟當督率所屬。於災賑各事宜。悉心查勘。實力經理。務使小民均霑惠澤。毋稍失所。不必豫籌差務。轉致於地方民事。不能盡心妥辦也。○戊午祭

大社

大稷遣豫親王裕豐恭代行禮。

上御卷阿勝境。賜扈從王公大臣及蒙古王貝勒貝子公額駙台吉等食。至壬戌皆如之。○諭曰。慶成奏永定河南工漫口。於初二日申刻合龍。河流順軌。勢甚舒暢等語。覽奏以手加額。此皆仰賴神明默佑。得以迅速合龍。欣幸之餘。倍深敬惕。茲又發去大藏香二十炷。慶成現已起身前來行在。即著交喬人傑分齋。

玉皇廟

河神廟敬謹祀謝以答靈佑。至慶成等前因永定河水勢漲發。隄工險要。督率員弁搶護平穩。已降旨將慶成喬人傑交部從優議敘。並將喬人傑賞給按察使銜。今復能晝夜趕辦。沉船墊埽。一面開放引河。分掣大溜。得以尅期合龍。深堪嘉獎。慶成喬人傑著再交部議敘。所奏通判何堂調赴公所照料一切。皆妥營田効力之原任玉田縣知縣陳鳳翔。派委挑挖引河。不辭勞瘁。甚為得力等語。何堂著准其一體咨部議敘。陳鳳翔亦著該督給咨送部引見。以示鼓勵。又據徵瑞奏天津賀家口馬家口地方海河漫溢。隄工甚險。當經督同運使嵇承志天津道丁漣鑒等晝夜搶護。將隄身幫培堅實。村莊人口均各保護安帖。田禾不致傷損。仍得豐收等語。覽奏欣慰。嵇承志丁漣鑒於海河漫溢。冒雨督工搶護平穩。亦尚為出力。並著交部從優議敘。現在

徵瑞已赴河間景州一帶。勘辦賑卹事宜。該處新築隄工。仍著該運使等加意防護。一律穩實。永臻鞏固。方為妥善。○諭軍機大臣曰。朕檢閱乾隆三十八年御製題牀詩。注永定河大工告成後。裴曰修。周元理。籌辦善後事宜。曾議設浚船一百二十隻。分撥各工。令河兵以時淘濬中泓。俾無停淤阻溜之患。三十八年朕臨視永定河。浚船曾艤河中。備閱。今已閱二十餘年。此項浚船。是否照舊分設。何以近來節年經過時。並未見有此項船隻。著傳諭梁肯堂。即將從前議設浚船。現在是否仍於各工照數分布。以時淘濬。每年俱有歲修否。照常疏浚否。抑或閱年既久。並無歲修。舊船業已腐朽無存之處。即行查明據實具奏。尋奏。從前浚船。分布南北兩岸旁。原議十年拆造一次。不准歲修。乾隆四十七年。督臣鄭大進奏。准停止排造。每歲汛期。雇用民船挑濬報聞。○已未。諭據永保奏。回部王

貝勒貝子公等。應設護衛官員額數一摺。回部土爾扈特。杜爾伯特。和碩特等。內附未久。與內地扎薩克。習知制度者不同。即多挑護衛官一二員。亦無不可。俟二十年後。再照例辦理。○庚申。諭軍機大臣等。前據徵瑞奏。天津於七月初二。初七。十一等日。連次大雨。河水匯聚。村莊地畝。多有被淹。又因海潮頂阻。未能消退等語。本日巡漕御史祝雲棟。前來熟河復命。詢問該處積水。曾否消涸情形。伊稱。於二十一日。自天津起身時。水尚未消。此後是否漸次消落。不能知悉。看來天津一帶。被淹較重。積水甚多。現在將屆白露。海已收水。是否漸能消涸歸槽。不誤播種秋麥。深為廕念。梁肯堂此時由正定一帶查辦賑務。若俟伊到天津。再行查奏。未免有需時日。景安現於北倉截留南糧十四萬石。尚未兌竣。蘇寧阿早已回至天津。該處積水消減情形。皆所目擊。著伊二人。不必等候梁肯堂到彼。即



行就近詳查。將天津地方半月以來所有積水已經消退若干。未消若干。被淹地畝是否漸已涸出。低窪處所。是否仍可布種秋麥。其高阜之區。並未被淹者。是否仍可豐收。即行據實覆奏。如梁肯堂現已到彼。亦著迅速奏聞。若尚未到彼。即著景安等先行查奏。此時梁肯堂之摺。或已在途。亦未可定。但朕屢念災區。無時或釋。總以早得一日確實情形。方能早紓一時廛注。伊等不可不仰體此意也。

將此由五百里各傳諭知之。尋景安等奏天津一帶積水高處漸涸。窪地尚未暢消。霜降前若能涸出。尚可趕種秋麥。至未經被水高地。現在高糧豆穀甚屬暢茂。得旨覽奏稍慰。諒爾等不致諱言也。○又諭曰。馮光熊奏浙省辦銅委員在黔患病一摺。據稱該委員舒泰然領解採買滇銅價銀水腳。並帶還前運借支滇庫等項銀兩。因患病不能前進。當經派員抽驗銀鞘。並無短少。其外帶盤費銀一

千兩。除沿途支銷外。餘存銀九十八兩零等語。所奏殊屬疎畧。該委員由浙省派委赴滇採買銅餉。今甫行至貴州。距滇尚遠。即使行程已半。乃所帶盤費已用去九百餘兩。祇存九十八兩零。若使該委員不患病症。則由貴州前赴雲南。現存盤費已屬不敷。況到滇採買銅餉後。尚須由滇管解回浙。長途費用。又將何所設措。若非該委員沿途花費。冀於到滇後。又向地方官攢湊幫貼。即係伊幕友家

人等。乘本官患病。私行侵匿捏報。二者必居一於此。馮光熊於派員查驗時。該員不過病不能行。非不能言也。自應將此等情節。向該委員詳悉查詢。倘該員因病身故。即應向伊幕友家人等切實根究。勿任含混影射。方為覈實。乃祇以抽驗銀鞘正項無虧。而於所帶盤費何以止存此數。將來自滇領運回浙。盤費又從何出之處。並未詢明具奏。朕一經披閱。即行看出。於摺內加點。該撫竟未想到。何

不留心疏忽。若此著傳諭馮光態。即將指出各情節。切實嚴查。訊明覆奏。毋任稍有隱飾。○順天鄉試。以刑部右侍郎宗室僧保住。禮部左侍郎劉權之。為監臨官。左都御史竇光鼐。為正考官。兵部左侍郎王保。太常寺卿署左副都御史方維甸。為副考官。○辛酉。諭今年雨水較多。朕屢念民依。節經降旨。詢問各該處積水。是否消涸。田禾有無淹浸情形。文報絡繹往來。道路未免泥濘。沿途臺站。馳遞尚無貽誤。所有熱河以至直隸。山東。河南各處。沿途臺站文武員弁。俱著查明。加恩交部分別議敘。其兵丁等。並著加恩賞賚。以示獎勵。○又諭。據景安奏。七月二十六日。北倉一帶河水陡長。隨率同運使嵇承志。竭力搶護。修墊土埝。捐貲妥辦。幸保無虞等語。天津等處。因雨水較多。海河漲漫。長蘆運使嵇承志。本無地方之責。前隨徵瑞。搶築馬家口一帶隄工。晝夜盡心趕辦。並查放災賑。俱妥為撫

卹。茲據景安奏。北倉一帶水漲。亦係該運使在彼捐貲趕辦。搶修隄埝。俾倉廩重地。一律得保無虞。甚為出力。可嘉。嵇承志著賞給按察使職銜。以示鼓勵。○又諭。據福寧奏。館陶等縣被水地方。現在查明十畝以下無力之戶。每畝豫借麥本銀五分。以便乘時買種。構播。俟明歲麥收後。徵還歸款等語。又據吳璥奏。查勘衛輝府屬之延津縣地方。察看無力貧民。借給一月口糧。其安陽。臨漳。內黃。湯陰四縣。現經撫臣派員查勘。被淹較重之無力貧民。亦借給口糧。仍俟查明災分。彙覈給賑。各等語。山東館陶。河南延津等縣。本年被水成災。業經蠲賑兼施。加倍賞卹。現在各該處水勢。雖已漸就消涸。正可趕種。而無力貧民。或買種無貲。或口食維艱。朕心深為軫念。所有山東館陶等縣。借給麥本銀兩。及河南延津等縣。借給口糧。俱著加恩一體賞給。毋庸徵還歸款。俾災黎得以乘時播種。生計有資。

不致一夫失所。以副朕施惠災區有加無已至意。○諭軍機大臣曰。李奉翰奏商虞上下游各廳陸續稟報。自七月二十二。至二十五日。節次長水。連前存水共一丈四尺。蘭陽南北兩岸。普律漫灘。商虞堤工。被浪撞擊。當經督率搶護三晝夜。各工俱保穩固等語。覽奏欣慰。以手加額。此皆仰賴

河神顯佑。得以化險為平。茲特御書扁額。並頒發大藏香二十炷。交李奉翰齋往懸掛。供奉敬謹祀謝。以答靈貺。現在將屆白露。水勢日就消落。該河督惟當加意巡防。常存凜惕。以期順軌恬瀾。堤埽各工。俱臻鞏固。又據吳璥奏查辦河北三府撫卹事竣一摺。覽奏稍慰。豫省彰德懷慶等屬。被水較重。據該藩司查明戶口。散給銀錢。不任吏胥稍有捏冒。侵浮。被水居民。俱還舊地。衝損道路。亦經填墊修整。所辦俱好。其借給貧民一月口糧。現已有旨加恩賞給。而疏通積水。尤為要務。其未

涸處所。該藩司應督飭所屬。設法疏導。竭力速辦。俾得一律涸復。毋誤播種秋麥之期。至吳璥所稱應行借給麥種。及加賑蠲緩事宜。逐一查明例案。參以現在情形。分別籌議等語。固應如此辦理。但參酌例案。自當用酌字。於文義為妥。今摺內繕寫參字。竟似有所參劾。未免礙目。已用硃筆改正矣。又據福寧覆奏。前此疏通積水事宜。皆向羅煥虛衷商詢。經該道一一告知。照伊所言督同辦理。果不

出朕之所料。而管幹珍同日奏稱衛河水勢稍平。經羅煥開閘放船。續因水長。復攔板不令倒灌。現已啟放通暢。首進幫船過濟等語。是此次分消積水。利濟回空。深得羅煥之力。深幸用人得當。至景安夾片所稱北倉一帶。積水未能全消。截存米石。日久恐受潮氣。請令直省被水各州縣應賑處所。先行分撥領運等語。所見甚是。著傳諭梁肯堂。即行酌量道路遠近。派員前赴北倉。領運分撥。庶存倉

米石不致日久受潮而被水小民見賑米先期運到更可安心待賑。倍臻寧帖。現在河南山東疏消積水情形。業據該撫等各行奏報。而直隸河間景州一帶被水處所。業已消落若干。未消若干。是否俱已涸出。仍可布種秋麥。其低窪及高阜處所。秋收究有幾成。何尚未據奏及。著梁肯堂速行查明具奏。以慰廛注。

御書河神廟扁曰。福綏靈佑。○調任四川總督

大學士公福康安覆奏阿足山頂設立大鄂博一處。分畫地界。應如成德所請辦理。其江卡。黎樹。石板溝。阿足。乍了等汛弁。一年內地方寧謐。咨部議叙。如有搶刦等案。加等議處。推諉捏報。另行治罪。李功高所稱賊匪拒捕尾追之說。全屬虛飾。應革去守備。發往新疆烏爾公阿。扶同捏報。亦應革職。兵丁劉文虜購線訪獲印信。尚為奮勉。祇因昏夜往捕所帶人少。未敢進寨。情有可原。應照和琳原奏。

賞給經制外委。以示鼓勵。得旨先行。○壬戌諭曰。梁肯堂奏查辦大名元城撫卹事宜。摺內稱該處漫口隄埝均係民修。現經司道等捐給口糧雇集人夫堵築斷流。並查明涸出地畝酌借籽種趕種秋麥等語。大名元城二縣因隄岸漫口被水較重。該處民修隄埝雖據司道等捐給口糧雇夫堵築。第念各村莊被水之後。小民生計維艱。若令出資修築隄埝未免益形拮据。所有該二縣修築民埝工料銀兩俱加恩作正開銷。以紓民力。至該處涸出地畝。現在水已消落。正當乘時趕種秋麥。所有酌借籽種亦著加恩賞給。俾小民及時播種。不致稍有失所。以副朕軫念災黎有加無已至意。○諭軍機大臣曰。梁肯堂奏勘明河間任邱二縣被水情形。分別撫卹事宜各摺。任邱河間二縣村莊多被淹浸。高地秋禾尚可薄收。其低窪田禾已屬無望。大名府屬之南樂縣亦被淹四十餘村。看此情形。

直省被水地方甚重。深堪憫惻。應辦一切事宜。該督惟當倍加奮勉。盡心經理。俾小民均霑實惠。不使一夫失所。又該督辦理賑務。應需銀兩。前據奏請撥帑四十萬兩。漕米十四萬石。早經照數撥給。今被水地方較廣。前項銀米倘有未敷。並即覈明數目。再行奏明請撥。至所奏遵化州應交

東陵租錢一節。該州並非被災之處。此項應交之項。何得藉詞延宕。該州玩延之罪。自無可

辭。且為數無多。竟應責令照數賠出。速行解交歸款。以示懲儆。竟可無庸交部議處。不必更向民間催徵。亦無得再有遲緩。致干重咎。至此項園地。是否實在荒蕪。及租賦過重。應行酌減之處。現經梁肯堂查奏。酌派委員前往確勘。但該員即係地方官。難免意存袒護。藉詞捏混。著傳諭愛星阿於該委員到時。酌派該處司官會同確勘。庶可秉公查辦。以歸覈實。不致地方官作弊袒護。將此傳諭梁肯

堂。並諭愛星阿知之。○又諭曰。穆和蘭奏。秋禾約收分數一摺。內稱通省合算。約計收成

共有八分。覽奏欣慰。但閱其清單所開。衛輝懷慶府屬之淇縣。輝縣。河內。約收祇有三四分。至汲縣。新鄉。獲嘉。濬縣。修武。武陟。僅約收二分有餘。看來該二府屬被水較重。秋成甚為歉薄。小民遇此水災。生計拮据。朕心實深軫念。穆和蘭於此等收成最歉處所。務須盡心賑卹。俾災黎不致失所。不得以通省收成

牽算。共有八分。遂爾稍存大意。致令向隅。至豫省河南河北。係在同省。不過一河之隔。現在河南之儀封。商邱。祥符等處。收成豐稔。而河北歉收之區。民食維艱。在小民誼切桑梓。原應有無相通。毋得竟成膜視。著該撫於河南豐收之處。善為曉諭。令其將所餘糧食。運往河北三府。畧為平價糶賣。以資接濟。如此通融調劑。取有餘以補不足。自於災民口食得有裨益。但不可勒令太平過甚。孰肯去反。

滋弊。穆和蘭即當設法勸導。妥為經理。不可官為抑勒。任令吏胥擾累。並將該處災賑事宜。加意督辦。以副朕廑念民依至意。將此諭令知之。○癸亥。

太宗文皇帝忌辰。遣官祭。

昭陵。○諭軍機大臣等。據李奉翰奏。武陟縣鑪里村民堰漫缺。於七月十八日堵合後。復因水勢陡長。壑塌過水。口門現寬十四丈。有鑪埽兵丁七名。隨埽落水淹斃。現經撫臣穆和

蘭。在工督率。集料趕辦等語。武陟縣民堰漫口。於堵合後。復行壑塌。該處鑪埽兵丁落水淹斃七名。甚為可憐。著加恩照例賞卹。以示矜憫。至該處漫工。本係穆和蘭督率堵辦。乃甫經堵合。後有壑塌之事。自即應據實奏聞。何以李奉翰接據黃沁廳營稟報。業經具奏。而穆和蘭在彼目擊情形。至今竟未奏及。殊屬非是。穆和蘭著傳旨嚴行申飭。○予福建臺灣水師左營巡洋。遣風落水得生把總黃

春陽兵丁陳良凱等五十三名。賞銀如例。○旌表守正捐軀山西潞州民穆添福妻鄭氏。○甲子。諭塔爾巴哈台之察哈爾等。無產業牲畜者甚多。今雖賴屯種資生。其生計究未能充裕。著加恩於該處房地租內。每年撥銀七百七十餘兩。賞給交伍彌烏遜妥為查辦。務令無力察哈爾等。均霑實惠。以示體卹。○諭軍機大臣曰。戶部議覆直隸省減鑄卯錢。改放銀兩一摺。朕詳加披閱。所駁逐條皆是。

該督所稱保定天津二營兵餉。長年以一成搭放。其餘各營於冬季以一成搭放。今請每月減鑄一卯。將長年搭放之保定天津二營。停其搭放。仍俟冬季同各營。統按一成搭放一節。雖係酌為調劑。但兵餉改放銀兩。原為錢價過賤。體恤兵丁起見。若錢貴於銀。即長年亦應加成搭放。若銀貴於錢。即冬季亦應滿支銀兩。現在直省錢價甚賤。即應遵旨以銀兩滿支。又何須仍以一成搭放。况該省每

年額鑄。除搭放兵餉外。局錢尚有存積。今又改放銀兩。每鑪每月。復僅減鑄一卯。則局中錢文存積更多。何以不將鼓鑄卯期。酌量停減。而轉欲於各營。仍按一成搭放。自係局員於鼓鑄之事。不無津潤。梁肯堂為伊等豫留地步起見。又該省鼓鑄。每年由官商辦運洋銅二十五萬觔。既經減鑄卯錢。自應停止採辦。若仍將銅鉛等項。照額辦運。不但日積日多。虛擲無用。且運送腳價。徒滋糜費。何以該

督並未計及。著梁肯堂即照指駁各情節。據實明白回奏。將此傳諭知之。尋奏前因多減卯期。恐錢驟昂。因請月減一卯。又因民間歲暮。便於用錢。請於冬月。以錢一成搭放兵餉。究屬籌畫未周。遵旨暫停鑄卯。俟三年後。酌看錢價辦理。冬間兵餉。仍滿放銀兩。其採買洋銅鉛錫。俱應停辦。報聞。○乙丑。

太祖高皇帝忌辰。遣官祭。

福陵。○諭軍諭大臣曰。梁肯堂奏保定府十三

州縣。及順天正定各府州屬。被淹情形。輕重不等。現在分別查勘。成災分數。將已查定。惟有心經理。實力撫卹等語。覽奏實深慚愧。此時梁肯堂查辦撫卹事宜。大局已定。被水各處。晴霽多日。積水已漸就消退。時屆白露。海口容納。自更易於涸復。該督惟當督率道府等官。將應放銀米。隨查隨放。俾小民口食有資。安居復業。至被水處所。節年因災帶緩。未完銀糧。務即速行查明具奏。毋稍遲緩。以

便早頒一日恩旨。小民早霑一日恩澤。以副朕勤求民瘼至意。現在徵瑞已由景州前赴熱河。俟其到時。詳詢賑卹及田禾地方情形。亦可稍慰厯注。至本年直省。雖被水地方較多。但較之五十七年被旱成災。尚覺稍輕。朕於地方災祲。豈肯稍存諱飾之見。惟以兩次水旱情形比較。前歲被災無業貧民。四出就食。如京城及熱河。設廠分賑。每日赴廠領賑。不下數萬人。前赴盛京吉林及蒙古地方就

食亦不下數十萬人。而本年尚無分往各處覓食謀生者。可見前歲被旱處所。竟係普律無收。小民無從得食。此次雖被水淹浸。情實可憫。但高阜地畝。田禾仍可收。而積水涸出後。亦尚可播種秋麥。且除被水各州縣外。其餘各屬收成。俱尚豐稔。朕加惠災黎。比前歲更為優厚。而民間鄉里。賙卹有無相通。取有餘以補不足。餬口有資。是以尚不至遷移失所。此等情形。梁肯堂身任地方。皆所目擊。更當親切。何以並未奏及一言。若較前年被災更重。亦當明白直陳。待朕加恩。前已令梁肯堂截漕十四萬石。並撥給帑銀四十萬兩。俾資賑卹之用。現在災分輕重。撫卹戶口。業據次第詳查。已可得其大概。著將前歲被災情形。比此次輕重若何。前年所用賑卹銀米。共有若干。及此次辦災所用。約畧實在需用若干之處。詳悉覈明。分別開單具奏。以慰厯注。將此由五百里再行傳諭知之。○丙寅。

上御卷阿勝境。賜扈從王公大臣及蒙古王貝勒貝子。公額駙台吉等食。至己巳皆如之。○諭據和琳等奏寶藏局委員合江縣知縣張天爵。在局監鑄。實心經理。著有成效。現已期滿等語。張天爵在藏監鑄銀錢。悉心妥辦。錢法暢通。尚屬認真。著送部引見。以示鼓勵。至和琳此次於西藏地方。建立御製十全記碑亭。調募工匠。採石刊泐。茲據將御製文四體字墨榻進呈。又代廓爾喀王拉特納已都爾等恭進表文。辦理俱屬妥協。著賞給御用玉搬指一個。大荷包一對。小荷包四個。用昭優眷。○諭軍機大臣等。據成德來京奏稱。和琳辦事甚妥。且見達賴喇嘛不行叩拜。達賴喇嘛惟命是聽等語。和琳如此舉動。甚為得體。數年以來。藏內風氣日下。諸事廢弛。今經和琳整頓。權歸而令自易行。現派松筠赴藏辦事。伊係蒙古。素遵黃教。倘不知自重。恐將來辦事。仍虞掣肘。著傳諭松筠抵藏後。接見達



賴喇嘛等。不可叩拜。即使遵奉黃教。俟年滿回京之日。再行禮拜。亦無不可。○旌表守正捐軀山東觀城縣民李興遠妻梅氏。○丁卯。萬壽節。遣官祭太廟後殿。○遣官祭福陵。昭陵。昭西陵。孝陵。孝東陵。景陵。泰陵。泰東陵。○遣官祭孝賢皇后陵。○遣官祭顯佑宮。東嶽廟。城隍廟。○上御澹泊敬誠殿。扈從王公大臣官員及蒙古	
--	--

手。貝勒貝子。公額駙。台吉等。行慶賀禮。○戊辰。諭據梁肯堂奏。正定。保定。廣平。順德。大名等處。積水漸消。且有全已涸出者。均經分飭借助籽種。又河間。任邱。景州。故城一帶。水亦漸就消退。一俟涸出。令農民向官倉借種。來歲麥熟。免息繳還等語。正定。河間等屬。積水漸次消落。現在已節屆白露。自可全行涸出。正當乘時起種秋麥。所有大名。元城。二縣。業經降旨賞給籽種。茲該督所奏。借給籽種。各該處俱著一體加恩賞給。俾小民及時播種。得資生計。以副朕軫念災黎有加無已至意。○又諭。本年漕船因春夏之交。衛河水淺。行走不能迅速。節經據奏。派員分段挖淺。設法趲運。以利遄行。原擬於全漕抵通時。將總督及催押委派各員。交部議敘。但現在漕船抵通。比較上年遲至一月有餘。皆由該漕督等不得沿途催趲行走。耽延所致。本應予以議處。姑念此次全漕抵通。尚在白露之前。比從	
--	--

前遲到在白露以後者。為期較早。著從寬免其議處。如明年漕運再有遲延。必治以應得之罪。不能再邀寬貸也。○諭軍機大臣曰。梁肯堂奏查明獻縣交河等處被水情形。分別撫卹。及秋禾約收分數各摺。據稱勘明獻縣等五州縣。交河較重。獻縣阜城。故城稍輕。景州西南一帶。因山東臨清州姜家莊漫口水勢下注。由故城匯入州境。江河並漲。漫及城根。被淹最重等語。看來本年直隸山東河南。

被水各處。直隸為重。山東次之。河南又次之。現在直省河間景州各屬。已據梁肯堂次第查勘。分別撫卹。所有正定保定河間各屬災民。請借籽種。現已降旨。俱著加恩賞給。其賑卹事宜。惟當實力督率。隨查隨放。俾小民早霑實惠。以資接濟。該處積水。本日已交白露。海可收水。自己漸次消退。梁肯堂又當飭屬設法宣洩。俾得及早一律涸復。無誤播種秋麥之期。方為妥善。至景州故城一帶。因山東

山東省志

卷一

漫水匯注被淹。其姜家莊漫口。雖已據福寧奏堵築完竣。尚有夏津縣漫口一處。未據奏報堵合。並著福寧督率趕緊辦理。毋致稽遲。以期漫水速就消涸。再直隸省秋收分數。現據梁肯堂奏。被水處雖多。高阜地畝。仍可有收。均勻牽算。約在六分以上。若除被水村莊約收七分有餘。而河南省亦先據穆和蘭奏到。通省秋收。牽算約有八分。何以東省尚未據該撫奏報。該省被水州縣。低窪地畝。雖被淹浸。其高阜處所。仍可有收。其餘迤東迤南。未經被水各屬。收成自當豐稔。此時水已消退。約收分數。無難覈計。著將本日梁肯堂奏到之摺。鈔寄福寧閱看。即將東省本年秋收分數。照直省覈算。約有幾分之處。迅速具奏。以慰厯注。將此各諭令知之。○又諭。近來蘇揚等處。呈進貢物。多有雕空器皿。如玉盤玉碗。玉鑪等件。殊屬無謂。試思盤碗俱係盛貯水物之器。鑪鼎亦須貯灰。方可燃爇。今皆行

鏤空。又有何用。此皆係該處奸猾匠人。造作此等無用之物。以為新巧。希圖厚價獲利。而無識之徒。往往為其所愚。輒用重貲購買。或用價租賃呈進。朕於此等物件。從不賞收。即使擲回。而奸商已得厚利。伊等總未喻此意。甚至回疆亦效尤相習成風。致使完整玉料。俱成廢棄。至搬指所以鈎弦閨體。若搬指套。近亦俱用玉成做。甚屬無謂。搬指套原以便於佩帶。今以玉為之。更覺累重無當。殊為可惜。著傳諭揚州。蘇州。鹽政織造等。此後務須嚴行飭禁。不准此等奸匠。仍行刻鏤成做。並出示曉諭。令其一體知悉。以杜竒衷。而歸純樸。所有回疆呈進雕空梳蓋一個。並著發交閱看。○己巳諭曰。朕臨御天下五十九年。仰蒙

吳蒼蒼佑。

列聖貽庥。薄海昇平。梯航向化。重熙累洽。惟日孜孜。無時不以敬。

天勤民為念。行慶施惠。錫祜延禧。普免漕糧二次。地丁錢糧四次。而偶遇水旱偏禨。隨時蠲租。賜復賑貸兼施。不下帑金數十萬兩。所以涵養生息。子愛黎元至周且渥。茲紹膺統緒。明歲正屆六十年。粵稽史冊。前代帝王享國長久者。未可多得。即有一二。或係沖齡踐阼。用能多歷年所。朕則春秋二十有五。始即位。誕膺大寶。迄今八旬。開四。康強逢吉。五代同堂。景運增隆。宸瀛寧謐。享國之年。幸周甲子。壽祚延洪。實為古今罕觀之盛事。此皆上蒙昊貺駢蕃。克膺備福。朕於感荷之餘。彌深兢業。早經欽天監推算。六十年元旦日食。上元月食。古來史傳所載。有日食修德。月食修刑之說。固因

上天垂象。理宜修省。其實君人之道。於德刑二事。平日本宜刻深兢勵。亦何待日月薄蝕。始懷寅戒之心。應天以實。不以文。與其託諸空言。寧若見諸行事之實。修德莫大於愛民。若

覃敷恩澤。加惠閭閻。俾海寓子民。共臻樂利。則所謂修德孰大於是。所有六十年各省應徵漕糧。著再加恩普免一次。其應如何分年輪免之處。仍著該部叢議具奏。至以修刑而論。則停免勾到。即所以恤刑。但赦非善政。利於宵小。而不利於善良。昔人即有此論。明年係六十年國慶。後歲丙辰。為嗣皇帝即位元年。俱應錫慶。施仁於恤刑獄。若今年停勾。則三年連緩。莠民恃有寬政。作奸犯科者。無所敬畏。轉非辟以止辟之意。是以本年仍照舊勾到。明年元旦。著照五十一年之例。不御殿。不受朝賀。是日午後。向有諸王及皇子皇孫等。內庭家宴之例。五十一年元旦。日食復圓。後曾經舉行明歲完係六十年周甲年分。所有內庭家宴。亦著一併停止舉行。朕於是日。亦不御禮服。照每年例恭詣奉先殿。堂子及

先師各等處行禮時。御龍袍貂褂。將屆日食時。即換常服。以示寅恭。而寓修省。日月薄蝕。經度本屬有定。數千百年後。皆可推算而得。所謂千歲之日。至可坐而致。但元旦上元。適值日月虧蝕。究為昊穹示儆之象。幸天恩垂佑。適在明歲為朕即位周甲告成之年。自應祇承無斁。設在丙辰正月。則為嗣皇帝即位之元。於吉祥盛事。轉為未嫌。是即日月薄蝕一事。而上天之篤祐朕躬。以貽我子孫萬年無疆之庥者。至優至厚。朕惟有益感。天恩倍深。乾惕。又明年乙卯。為朕臨御六十年。本欲於萬壽節前。由熱河回京受賀。今春因中外臣工。懇請舉行慶典。適以上冬雪澤未獲優霑。春間又復缺雨。業經降旨宣諭。令將明年慶典。停止舉行。若仍照庚戌年八旬之例。於萬壽前回京。則王公外藩。以及大小臣

工等必又再四懇請舉行慶典。則似朕今春所降諭旨轉為不誠。是以明年仍定於熱河駐蹕。過萬壽後再行回鑾。俟至丙辰正月歸政。嗣皇帝以符正月上日受終。文祖之義。彼時備儀授受盛典。光昭嗣皇帝率領臣民以天下養。介禧祝嘏。慶洽敷天。尤為千古罕觀盛事。實我大清億萬載無疆之福也。將此通諭知之。

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百五十八

大清高宗法天隆運至誠先覺體元立極敷文  
奮武孝慈神聖純皇帝實錄卷之千四百五十九

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉  
吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次慶桂  
總管官經筵講官太子太傅文華殿學士文淵閣領閣事務欽奉  
上諭軍機處管理刑部戶部工部事務  
世襲騎都尉軍功加十九級隨帶加二級又二級臣董誥同次臣戶部尚書領班滿洲都統軍功紀錄五次  
尋常紀錄十四次臣德琨經筵講官太子少保工部尚書紀錄六次臣曹振鏞等奉

乾隆五十九年甲寅八月庚午諭曰德勒克

之輔國公。固山貝子。俱係節次恩封。現在出缺。自應停襲。但德勒克在內廷行走有年。於經館繙經頗為出力。著加恩將伊原賞之輔國公銜。即令伊嗣子賽尚阿承襲。仍著隨同巴圖在游牧地方居住。善為教導。○諭軍機大臣曰。梁肯堂奏京東一帶遵化。玉田。豐潤。薊州等處。同報被水。須逐細履勘。現飭藩司速往勘辦等語。遵化一帶。自係同時被水。該督於此時始行奏及查辦。自因朕明歲謁

陵。惟恐蹕路經過。看出情形。是以先為此奏。但各該處既已被水。自須詳查妥辦。該督務當速飭藩司。逐一勘查。或有應須接濟之處。即當迅速奏明辦理。毋致稍有失所。不可稍存大意。將此諭令知之。○又諭曰。徵瑞奏。酌辦天津加賑事宜。並水勢消落情形。摺內稱。現自天津起程。趕赴熱河。叩聆聖訓等語。殊可不必。所有接收陳設差務。現經交收明白。毋須該鹽政前來照料。著傳諭徵瑞。仍即回至天津。督同運使等。將該

處撫賑各事宜。悉心妥辦。毋致一夫失所。至各村莊積水。現已節屆白露。亦著上緊疏消。俾地畝全行涸出。不誤播種秋麥。徵瑞自當以災賑為重。並將積水是否涸盡之處。迅速奏聞。以慰廑念。又何庸於此時趕赴行在。徒多往返耶。○又諭曰。福康安奏籌辦錢法。暫停鼓鑄。並於寧遠府收買小錢。設鑪改鑄一摺。已交軍機大臣會同該部速議具奏矣。據摺內稱。川北一帶。民間行用。俱係局鑄大錢。而錢價總未加昂。到省

後與孫士毅當面講求。總由川省水陸交衝。各省商販往來。錢文類多夾雜。自平定金川以後。百貨通行。小錢充斥等語。所奏固係就川省情形而論。但小錢滋弊之由。究由於各省局員。將官錢私行減小。額外多鑄小錢。希圖贏餘肥橐。以致流行各省。日積日多。而雲南四川為尤甚。若商販夾雜使用。為數能有幾何。即游情小民。於僻靜處所私行鑄化。亦屬有限。何至如此充斥。是竟由官局偷減分兩。多鑄圓利。其弊顯然。

而督撫等又以錢局為美缺。往往將伊信用私人。派令管理。使之得有贏餘。以致輟轉效尤。竟成銅弊。若此時加以究辦。事隔年久。恐督撫等無一人得免咎戾者。是以寬其既往。勉以自新。今川省應發兵餉及武職養廉等項。既以銀兩滿支。則銀兩流通。錢價自可日漸增長。該省鼓鑄。竟應停止。而福康安仍請於寧遠設鑪四座。將收買小錢。另行改鑄。仍不免為地方官豫留津潤地步。又據稱。川省寧遠重慶等處。均與滇

黔交界私鑄奸民往往乘間販運。若查禁不嚴。必致漸滋偷漏等語。福康安具奏此摺之時。尚未接奉調任雲貴諭旨。是以在川言川。今福康安已調雲貴總督。則滇黔皆其所屬。川省小錢。既由該二省私鑄運往。其應如何嚴禁。俾不至流行川省。以期杜絕弊源之處。正可悉心籌辦。務盡根株。而川省查禁小錢。孫士毅本係原辦之人。尤應實力督辦。俟和琳到任後。再行據實認真督辦。伊等三人先後接手。同心妥辦。自可期淨盡無弊。至寧遠一帶沿用小錢。據福康安奏。若於收買後。運至省城改鑄。腳價費重。勢有難行。擬於寧遠府設鑪改鑄。俟收買淨盡。即行撤局等語。此事亦暫可如此辦理。補偏救弊。但設局開鑪。最易滋弊。所派道府等未必可恃。林鴻出身本屬寒微。因其平日辦事。尚知出力。是以加恩擢任臬司。今寧遠府設局改鑄一事。竟當專委林鴻。實心經理。並著林鴻自行酌量。如能常川在彼親身督率。固屬甚善。倘不能常駐

彼處。或於空閒時。往來稽察。務使收買小錢。設鑪改鑄等事。弊絕風清。方為妥善。林鴻受恩深重。自當倍加勉力。盡心查辦。此後若能認真整頓。肅清積弊。將小錢收繳淨盡。俾該處不留萌蘖。著有成效。朕必加以恩施。倘不能實力妥辦。致局鑄仍前滋弊。小錢依舊夾雜。必將伊從重治罪。斷不稍貸。又據福康安奏。川省地方情形。據稱該處無藉游民。易於滋事。現飭地方官認真偵緝。從重究治。遠近均知斂跡等語。川省民情強悍。從前咽喉匪等。往往肆行滋事。全在平日嚴行禁捕。方不致故智復萌。今據福康安奏。飭屬嚴拏。均知斂跡。和琳到任後。惟當一體嚴行督飭。有犯必懲。以期地方寧謐。和琳平日辦事。俱能用心精細。於此等事。自必稽查嚴密。辦理周妥。以副委任也。將此各諭令知之。○辛未。遣官祭關帝廟。○諭本年河南省衛輝懷慶彰德三府所屬被水各縣。業經降旨。將應徵秋糧。俱著加

恩豁免。並分別賞給一月口糧。今續據穆和蘭奏。延津安陽湯陰內黃臨漳五縣被水稍輕。已借給一月口糧等語。此五縣所借口糧。亦著加恩一體賞給。以示體恤。又據奏大河以南有漕州縣。本年應徵米豆二項。共五萬八千八百餘石。請概行停運等語。豫省辦理加賑。應需銀米兼放。所有此項米豆。即著照所請。留於該省。作為河北搭放加賑之用。毋庸起運。又據奏武陟等十四縣未經淹浸地畝。及毗連災地之溫縣等十一縣。秋禾雖尚有收。但係積歉之區。請將本年應徵新漕及舊欠米豆。並新舊地丁錢糧。分別緩徵等語。該省節年因災帶緩未完銀糧。業經降旨。令該撫查明具奏。候朕酌量加恩。所有應徵本年新漕米麥豆三項。已在其內。著該撫查明。如不在因災帶緩項內者。再行詳晰奏明。另降恩旨。分別緩徵。以副朕加惠災黎優施恩恤至意。○又諭曰。古城領隊大臣勒里善。在任將及五載。為時已久。書麟著賞給三等侍衛。

自備資斧。在該處領隊大臣上。効力贖罪。更換勒里善來京。書麟接奉此旨。即日前往。不必赴行在請訓。○諭軍機大臣曰。穆和蘭奏借給麥種。並請停運漕糧等項一摺。業已另降諭旨。分別加恩矣。至摺內稱大河迤南有漕州縣。本年應徵漕糧內米豆二項。共五萬八千八百餘石。請概行停運。以為河北搭放加賑之用等語。所奏殊欠明晰。黑豆一項。京城每年例應支放之處甚多。俱由河南山東二省運京應用。非若漕米之各省供輸。存貯充裕者可比。若河南停運。自應將黑豆一項。數目若干。分晰聲敘。以便酌量倉存豆石。及明歲需用數目。通盤覈計。倘有不敷支放。即可酌令盛京採買。今穆和蘭祇稱米豆二項。共五萬八千八百餘石。籠統聲敘。已屬含混。又據稱武陟溫縣等二十五縣二麥歉收。大田未能及時播種。請將應徵本年新漕米麥豆三項。自六十年為始。分作二年帶徵。另有應徵舊欠米豆。再予遞展一年。並懇



將本年應徵新舊地丁錢糧緩至來歲麥熟  
啟徵等語。該省被水較重州縣。節年因災緩  
帶未完銀米。早經降旨。令該撫查明數目。開  
單具奏。候朕加恩。今穆和蘭又請將本年應  
徵新漕。分作二年帶徵。此項新漕。自不在查  
辦節年因災緩帶項內。但聲敘已欠明白。而  
摺內又稱另有應徵舊欠米豆。請遞展一年。  
及本年應徵新舊地丁錢糧。緩至來歲開徵  
之語。此二項舊欠。是否即係因災帶緩。抑係  
應徵正賦舊欠未完之款。亦未據明白聲敘。  
且該省節年因災帶緩未完銀米。前經降旨。  
令其速行查奏。為日已久。尚未據該撫查明  
奏覆。已屬遲緩。而穆和蘭尚稱現在趕緊查  
辦。已用硃筆點出。似此遲延。尚得謂之趕緊  
乎。穆和蘭著傳旨嚴行申飭。仍著將停運豆  
石為數若干。及所稱舊欠米豆。並新舊地丁  
錢糧等項。是否俱係應徵未完。抑即係因災  
帶緩之款。再行詳晰具奏。毋得再有牽混。又

據稱豫省各屬積水。七月已消大半。交八月  
後。連日晴霽。水消倍速。現惟低窪處所。尚未  
涸出等語。該省被水地畝。多有淹浸。疏消積  
水。最為要務。今低窪處所。尚有未經涸出者。  
該撫尤當督飭所屬。相度地勢。設法疏消。俾  
得一律涸復。不誤播種秋麥之期。方為妥善。  
將此一併傳諭知之。○壬申。遣官祭昭忠祠。  
○諭曰。戶部左侍郎員缺。著永保補授。其新  
授戶部右侍郎景安。一俟辦理全漕完竣。即  
應來京供職。所有倉場侍郎員缺。著僧保住  
調補。阿精阿。著補授刑部右侍郎。所遺陝西  
布政使員缺。著倭什布補授。○諭軍機大臣  
曰。永保在新疆年久。應簡員更換來京。但該  
處緊要。一時勝任乏人。現已加恩授伊為戶  
部左侍郎。著再留駐數年。俟一得其人。即令  
前往更換。將此傳諭永保。俾感戴朕恩。益加  
奮勉。○癸酉。諭曰。奇臣奏請本年來京陛見  
一摺。各省副都統等。時屆三年。例應來京陛

見奇臣何以豫行奏請。著即准其陞見外。仍通諭各省將軍副都統等。屆期照例來京。惟將印務交與何人署理之處。咨部。不必豫行奏請。○諭軍機大臣曰。李奉翰福寧奏會看江境各壩。先行拆展。南北兩壩一摺。據稱北岸第一道馬良壩。原長一百五十丈。今長三百六十丈。南岸第一道楊家壩。原議酌留近隄壩身二百丈。今長三百四十五丈。俱當速行拆去。現在酌量留存拆展。上游灘水下注。極為暢達等語。究未言明暢達何處。該處南北兩壩。本有舊定丈尺。今陸續接長。俱至三百餘丈。實為過當。似此逐年接築。將何所底止。而北岸第五壩。長至八百餘丈。挺入河心。尤無此理。今李奉翰等。將該二壩查照舊制。酌量留存。分別拆展。並將漫口大隄。加幫寬厚。其臨河壩工。量為拆去。以免與水爭地。上游灘水。得以源源下注。東省曹單一帶積水。自可不致壅遏。其餘各壩。應否拆展。俟蘇凌

阿蘭第錫到工。再行會商籌辦。所有南岸之蔣家壩一道。被水間段衝塌。現存一百四十丈。足以護隄。自無庸再行補築。但李奉翰福寧係專就東省情形。酌籌辦理。將來蘇凌阿蘭第錫到齊。自不免意見參差。即蘇凌阿原可不存成見。但現署兩江總督。恐亦不免隨同蘭第錫在南言南。彼此互有爭論。但以公事而論。東南兩河。同係一河。豈可稍存偏私之見。統俟伊等會商奏到時。候朕察看情形。再降諭旨。但河工壩埝。固為保護隄根。然必須順水之性。向東南斜築。方可以資利導。豈有層層攔截。轉逼向西北之理。今南河南北兩岸。橫築壩埝。魚鱗櫛比。甚至北岸第五壩。長至七百五十餘丈。南岸蔣家壩。長至一千餘丈。兩岸隄根。俱挺入河心。又接築東西圈堰。占礙河灘。更為寬廣。試思南北兩岸大隄。每岸空出河灘。相距大河如許寬廣。原以備河水盛漲時。泛溢出槽。藉資容納。今乃於兩

岸復行橫築土壩。壩根直抵河心。似此辦理。其初何不即將大隄逼近大河築砌。有是理乎。且兩岸隄內。又接築土壩。橫行攔截。束住河水。則當盛漲時。不但東省上游漫水壅遏。難以下注。即江境黃河。亦勢成阻格。不能宣暢。兩岸大隄。豈不更為著重。是蘭第錫等所辦。既以鄰國為壑。且上游水勢紆迴蕩漾。江省黃河。亦必溜緩沙停。淤高河底。不能暢注入海。是非特損人而適以自害。蘭第錫等祇知為目前補救。並不計及長久。實為失算。今會同妥辦。惟當通盤籌畫。俾上下游均有裨益。不可稍存畛域之見。方為妥善。再閱李奉翰等繪進圖樣內。毛城鋪一處。所繪殊不明晰。毛城鋪係為分洩河水而設。誰不知之。但遇放水時。係由何處分洩。或徑從大河相對毛城鋪處所洩水。則中間層層壩埝甚多。均須過水。又何必築此壩埝。攔截洩漲水之路乎。已用硃筆於圖內標識。若由他處放水。圖內

又並未繪出水道。貼說聲敘所辦實不明晰。著傳諭蘇凌阿等四人會同察看。另行展寬尺寸。繪一大圖。將毛城鋪放水時。係由何路分洩。及所築各壩埝。詳細繪圖進呈。以便觀覽。毋仍草率牽混。以致眉目不清。將此五百里馳諭知之。仍令速行明白繪圖貼說來奏。阿桂於河工素為經歷。韓鐸係由河員出身。著將現降諭旨。鈔寄阿桂韓鐸閱看。朕逐一指示之處。其意以為何如。伊等如別有所見。亦即一併據實覆奏。○又諭曰。吉慶覆奏酌籌錢法情形一摺。內稱浙省小錢。多由湖廣江西一帶。客販攬和私運來浙。嚴飭管稅官役。於稽查商稅時。嚴行查察。拏獲二起。均不過數千文。當經照例責做。錢文入官等語。浙省既有客販攬和夾帶之事。他省自必大畧相同。何以自查禁小錢以來。從未見各省有奏及拏獲私販小錢治罪入官之案。可見不過虛應故事。並未實力稽查。著再傳諭各該

督撫於本境私鑄奸民固應嚴密搜查盡法懲治。即外來私販尤應責成水陸入境地方州縣及關津稅口仿照吉慶所辦嚴密查拏毋得仍前偷漏致干咎戾。○又諭據寶琳奏稱患病難以就痊吉林地方緊要請簡員補放等語。寶琳辦事甚妥。今雖患病一時未能痊愈。現在將軍印務有秀林署理不必另放寶琳但當用心調治以期速愈。俟病痊陞見後再赴新任。將此諭令知之。○以福建興泉

永道德泰為廣東按察使。○甲戌。上自避暑山莊迴鑾。○諭向來部議革職人員其中有因公冒誤情節較輕者內閣例票雙簽進呈朕多施恩准其引見至情節較重之員俱用依議單簽。今平陽縣知縣李合和於海洋行劫重案並不親身查勘輒違例擅委巡檢往查非僅尋常玩忽可比吏部照例議以革職實屬咎所應得已用依議簽發下矣。乃內閣既以李合和情節較重之處夾單聲

明而於票擬依議之外復擬送部引見之簽辦理自相矛盾。所有票擬錯誤之在京大學士阿桂及未經看出之行在大學士和珅王杰俱著交部分別察議。○又諭本年直隸地方被水之處較多節經降旨施恩優加撫恤並令梁肯堂截漕十四萬石並撥給帑銀四十萬兩俾資賑卹之用。復諭令該督將此次辦理災賑實在需用若干之處覈明速奏。今據梁肯堂奏請再賞撥部帑銀二十五萬兩。通倉漕米二十萬石以備賑卹等語著照該督所請准其賞撥。所有部帑二十五萬兩即著派員赴部支領其所需漕米二十萬石亦著派員前赴通倉照數關給該督務須飭屬妥辦俾小民均霑實惠毋令不肖官員及胥吏人等稍有侵冒情弊以副朕軫卹災黎有加無已至意。○又諭據穆和蘭具奏六月分糧價情形摺內稱被水之衛輝府屬各項糧價填注價平俱較上月稍減字樣係因六月

下旬被水之始。市有積糧。不即長價。迨月底至七月初間。逐漸加增。繕摺時。自應將月底稍增之處。在於單內聲注。乃見不及此。率行繕奏。實屬糊塗等語。穆和蘭身任巡撫。於被水地方糧價情形。率行填寫具奏。經朕指出詢問。惟以見不及此為詞。試思巡撫統轄一省。諸事皆見不及。又何以辦理地方事務耶。穆和蘭著再交部察議。○又諭。河南省現有查辦事件。福寧著調補河南巡撫。所遺山東巡撫員缺。即著穆和蘭調補。福寧著即馳赴河南新任。藩司孫曰秉甫經陞任。未諳東省情形。所有山東巡撫印務。江蘭雖係臬司。但屢經護理撫篆。尚為熟諳。穆和蘭未到任以前。著即交江蘭暫行護理。○諭軍機大臣曰。梁肯堂奏。景州河間任邱一帶。疏消積水。先於下游無糧域地。量開溝渠。近探得運河淀河之水。已低下數寸。若再消減。即可啟閘。並開挖溝渠。漸漸宣洩。一面將淀河運河子堤。

填築高厚。以免別有疎虞等語。所奏是亦一法。景州河間任邱等處。地勢本低。因河淀諸水。同時匯注。以致溜急水深。多時停積。今梁肯堂酌量開挖溝渠。漸次宣洩。自可迅就消退。現已交過白露。務須督率所屬。悉心籌辦。將該處積水。廣為分導。上緊疏消。俾被淹地畝。速行全涸。不誤趕種冬麥。方為妥善。該督於景州一帶。勘辦完竣。再行馳往天津。將積水消落情形。確切履勘。迅速具奏。竟不必前來接駕。轉致地方災賑要務。乏人督辦也。將此諭令知之。○又諭曰。福康安奏。拿獲傳習邪教各犯。提省嚴訊一摺。此案大寧縣民人謝添繡等。與湖北竹谿縣之王占魁。陳金玉。往來。經陳金玉傳授靈文。並觀音祖師等咒。謝添繡等。又收陳秀元等為徒。共傳過十五人。又有馮貴。唐國泰等九名。係謝添朋等轉授之徒。亦俱供認不諱。現經福康安先後拿獲。訊據謝添繡供。該犯於五十七年。拜陳金

王為師。先令過願。傳給靈文。後與升丹。謝添繡。曾同陳金玉。至王大烈家升丹一次。陳金玉因說現在彌勒佛轉世。已生在河南無影山張家。要保扶牛八起事。牛八即係朱字。如今河南陝西多有學習此教之人。又據王友學供。河南無影山上掌事之人。間係漆姓宋姓。謝添繡供。河南有張高薛梅梁孟丁蕭八姓。稱為八大功祖。並有龍華三會名目各等語。該犯等膽敢於光天化日之下。倡立邪教。輟轉授徒。牽連四川陝西湖北河南數省。所傳靈文經咒詞語不經。暗藏姓氏。已有悖逆形迹。實屬罪大惡極。又據福康安夾片稱。謝添繡所供要犯胡胖子。即胡仲元。已於湖北竹谿縣拏獲。其要犯陳金玉。亦於湖北所屬地方。經夔州府差役擒住。回至中途。忽有多人趕攔。將陳金玉搶回。並毆傷差役王陞身死等語。尤為怪事。是該犯等傳教惑眾。非止為騙錢起見。各處俱有夥黨煽布。同惡相濟。

其為悖逆。已屬顯然。實為可惡。至該犯等所供牛八。現據福康安嚴訊王友學等供稱。名叫朱紅桃。其河南無影山。聞在登封縣等語。看來此案邪教。竟係倡自河南。不可不嚴密搜拏。切實跟究。務盡根株。穆和蘭平日辦事。本屬無能。現在查辦災賑。多有舛錯。此事非其才具所能辦理。已另降諭旨。將福寧調補河南巡撫。所有山東巡撫。即著穆和蘭調補。現在東省被水地方。撫恤事宜。宜大局。福寧皆已辦定。江南豐北廳拆展壩埝。業經福寧會同蘭第錫等商辦。已可完竣。並無緊要之事。福寧接奉此旨。著即馳赴河南。查明無影山地方。親赴該處。督率文武員弁。將該犯等供出之牛八。又名朱紅桃一犯。及所稱彌勒佛轉世現生登封縣無影山張家等情節。即親身至彼。徹底跟緝。按名拏獲。並飭將謝添繡所供河南張高薛梅梁孟丁蕭八姓。稱為八大功祖。及龍華三會名目。一體分投嚴密查拏。

勿使漏網。所有山東巡撫印務。江蘭曾屢經護理。即著交江蘭暫護。其福寧未到以前。仍著穆和蘭。按照福康安指出各犯。率同吳璥。先行馳往無影山。實力迅速緝拏。毋任該犯等風聞颺逸。其餘各屬。亦先飭該地方道府。嚴速查拏務獲。穆和蘭俟福寧到豫交代後。再行馳赴山東調任。接辦災賑疏消積水各事宜。其案內所供之湖北省入教各犯。亦應一體嚴緝。惠齡僅能自守。才具未能開展。此事亦非伊所能辦。著專交畢沅。查照摺內各犯。速行親往竹谿縣渾屯溝地方。嚴密查拏。務將逸犯王大烈。陳金玉。及奪犯傷差之各犯。按名緝獲。從嚴究辦。此外有無夥黨。亦著一併嚴拏務獲。毋使漏網稽誅。陝西省著交秦承恩。親赴各該處。一體督緝。該督撫等務須設法購線。跟蹤躡緝。將案內各犯全數拏獲。毋使一名漏網。倘不能搜查淨盡。別經發覺。惟該督撫是問。所有福康安奏到原摺。著

鈔寄畢沅等閱看。至所委典史陸霖。把總孫廷龍。改裝易服。將要犯胡胖子。即胡仲元。立時拏獲。尚為出力。著福康安俟辦理此案完竣。察看此二人。如果始終奮勉。俱著送部引見。其差役王陞。擒住陳金玉在途。被其夥黨搶奪毆斃。究屬因公。著賞銀二十兩。並將伊子。仍挑充差役。以示體恤。至福康安前已有旨。令其速赴雲南新任。今川省既有此邪教大案。正需督率查辦。雲南錢法銅務。雖關緊要。但積習相沿。已非一日。此時富綱已帶印交與馮光熊就近署理。福康安自可無庸急於前往。伊現在查辦此案。想接奉調任諭旨後。未必即行起身。自必在川嚴切根究。查拏要犯。如續經接奉催令起身諭旨。後業已前赴滇省。於何處接到此旨。即於何處仍行轉回川省。將案內各犯審究明白。全行拏獲。辦理完竣。以期根株淨盡。不留餘孽。再赴調任。設一時不能審辦完竣。即俟和琳到任後。再

行交代前往雲南亦無不可。將此由六百里加緊各諭令知之。仍著將案內首要各犯。如何設法查拏。及於何日全行就獲之處。各行迅速由驛覆奏。○又諭曰。路起吉奏交印起程一摺。已於摺內批示。本年四月內。該提督奏請陞見。業經批令於明年再奏。茲將伊調任廣東。該省係海洋地方。營伍巡哨事宜。均關緊要。著傳諭路起吉。即先赴新任。仍遵照前旨。於明年海洋巡哨事畢。酌量可以來京時。再行具奏請旨。○是日。駐蹕喀喇河屯行宮。○乙亥。諭前因各省地方官陳奏事件。輒用驛馬馳遞。曾經降旨飭諭。以尋常地方事務。不得由驛馳奏。原因無關緊要之件。擅用驛遞而言。若各該省有倡教惑眾之案。及事關緊要者。自應由驛迅速奏聞。候朕訓示。於此等要務。而不由驛具奏。國家安設驛馬何用。乃秦承恩拏獲邪教多犯一摺。以必應驛遞之事。差人齎遞。以致二十餘日。方始奏到。秦

承恩何不曉事。體緩急若此。著交部嚴加議處。○諭軍機大臣曰。吳璥奏疏消積水情形一摺。覽奏稍慰。據稱河北地方積水。俱由支河汊港利導分消。其最低窪處所。亦漸淺少。不過八月內或九月初。定可全涸。斷不致誤布種秋麥之期等語。所辦俱好。現在已過白露。天色晴霽。吳璥惟當督飭地方官。將存水實力疏消。務使速行淨盡。以期早得及時播種。不可稍有懈怠。至昨日福康安奏到邪教編造逆詞。輾轉授徒。河南地方傳習尤甚。已降旨將福寧調任河南巡撫。查辦此案。福寧現在南河查看豐北一帶拆展壩工。計到豫尚須數日。是以仍令穆和蘭接奉諭旨。後即率同該藩司。先行親赴登封縣。無影山。按照福康安指出各犯。迅速查拏。吳璥現在文闈辦理監臨事宜。計此旨到時。當已將次辦竣。且舉子三場早畢。不過查察外簾料理揭曉等事。尚有張文奇在彼。足資辦理。吳璥即當



先行出聞。隨同穆和蘭速往查拏。務使按數弋獲。根究查辦。案關緊要。毋得拘泥監臨。務稍有延緩。致滋貽誤。將此傳諭知之。○又諭。川省拏獲邪教一案。據福康奏。秦承恩究訊。竟倡自湖北襄陽。及竹谿地方。畢沅係該省總督。平日豈竟毫無聞見。乃所管地方有此等邪教。該督既未查明具奏。且川省委員前赴竹谿查拏。案內陳金玉等要犯。而該犯等夥黨。至有奪犯傷斃差役之事。川省已據委員稟報。經福康安具摺奏到。豈畢沅於所屬有此等重案。近在境內。轉無聞知。該省地方官亦豈有不行稟報之理。竟未奏聞。是何意見。況四川陝西俱經咨明湖北會同搜緝。而畢沅至今竟無一字奏及。則該督所司何事。又安用此封疆大吏為耶。著傳旨嚴行申飭。○又諭。曰。秦承恩奏。拏獲邪教各犯。提省嚴訊一摺。此案昨據福康安奏到。案內各犯。轉相傳授。牽連陝西湖北河南各省。同惡相

濟。而所編合同經內。並有開弓射箭到長安。違悖不經。及牛八為朱字之語。是非謀叛而何。今秦承恩於訪聞後。即經先後拏獲蕭貴張大用等七十餘名。是被其煽惑之人。為數必多。秦承恩即當速行迎赴前途。親加嚴訊。督率擒拏。庶可免意外疎脫之虞。即如川省委員。在湖北拏獲陳金玉一犯。尚被搶奪。何況匪犯如許多人。豈可不加意防範。乃秦承恩尚安居省城。令將所獲各犯。提解來省審訊。尤屬不知緩急輕重。著再傳旨嚴行申飭。姑念案內要犯。當經拏獲多人。是以僅行交部嚴加議處。倘現獲人犯防範稍疎。致有一人逃逸。必當重治其罪。秦承恩惟應迅速親加嚴究。此外如尚有究出夥黨。即行督飭官弁。跟蹤躡緝。按名弋獲。務使毋留遺孽。以期稍贖前愆。至陝西藩司阿精阿。已擢授刑部侍郎。該員係刑部司員出身。諳習審案。現在該省有邪教重案。臬司姚學瑛。不過照常供

職之員。未必能辦理得當。此案即著阿精阿在彼幫同秦承恩嚴切審訊。逐加根究。俟案犯全行拏獲。審辦完竣。阿精阿再行來京供職。其案內拏獲人犯。陝省已有七十餘名。將來各省究出。查拏人數。自必更衆。若俱擬以駢首。未免為數過多。將來審明定案時。自應將首犯按律凌遲。其傳教惑衆要犯。亦應問擬斬決。其餘為從之犯。當分別發往黑龍江等處。給索倫達呼爾為奴。以示懲儆。至此案

昨據福康安奏。訊據獲犯王友學等供詞。其教似倡自河南。今據秦承恩奏。提訊蕭貴供。係襄陽縣人。來至陝省種地。於五十七年回至襄陽。見伊妻弟樊學鳴。稱有同縣人宋之清。傳習西天大乘教。該犯聽信。遂在襄陽傳習經卷。五十八年復至陝省。轉傳蕭正傑等語。是此案邪教。看來竟係湖北省匪徒倡立。轉相傳授。不可不於楚省實力查辦。昨已有旨。專交畢沅。令其親赴竹谿縣。渾屯溝地方。

將逸犯王大烈、陳金玉。及奪犯傷差之各犯。嚴拏務獲。今襄陽地方。既有宋之清傳習邪教。則該處尤為匪犯藏匿之藪。必須徹底究辦。竟著責成畢沅。於竹谿縣拏獲逸犯後。即親赴襄陽。將宋之清、樊學鳴。及此外轉相傳教各犯。逐一密訪嚴拏。務盡根株。毋使一名漏網。如有供出人犯。即按名跟緝。從嚴辦理。毋使稍有其實不盡。其川省拏獲之韓隴、胡胖子二名。並著福康安迅速嚴鞫。先行錄供。

具奏。福寧已調任河南。著於接奉昨旨後。迅即馳赴登封縣。無影山。將該犯供出之牛八。又名朱紅桃一犯。及所稱彌勒佛轉世現生無影山張家各情節。切實根究。設法查拏。速行就獲。嚴辦。再此案事關邪教。牽連數省。必得福康安親身督率。歸案總辦。著福康安自行酌量。或至河南提犯究訊。或竟赴襄陽。親加提審。統俟全案辦竣。再由該處前赴雲南。道路亦不為紆遠。但案犯人數較衆。若全行提

解。恐中途或有疎虞。福康安應酌量案情。將各省獲犯內。有必應提同質究之要犯。摘提數名。俾案情不致遺漏。人數亦不至過多。更為妥善。福康安等。惟當一體迅速查拏。將首要各犯。及傳教夥黨。搜捕淨盡。嚴行究辦。以絕根株。而示懲創。方為不負委任。再此案倡立邪教。首犯究係何人。本日秦承恩摺內。所稱襄陽縣宋之清。祇係傳習邪教之人。即福康安昨日所奏。究出之陳金玉等。亦祇係傳教要犯。總非倡立邪教首犯。是否首犯。即係名朱紅桃之牛八。抑另有首先倡教之人。未據究出。並著福康安。秦承恩等。提集現獲各犯。切實根究。務將首犯究明。嚴拏務獲。毋任稍有遁飾。又秦承恩奏。拏獲邪教案犯。係由總兵皂君保。咨會訪拏。是皂君保尚屬留心。並著秦承恩。將此案是否實係該總兵訪拏破案之處。據實具奏。將此再由六百里加緊各傳諭知之。○是日。駐蹕常山峪行宮。○丙

子。諭此次自熱河迴鑾。經過黃土坎。青石梁一帶。遇雨泥濘。所有刳泥兵丁。著加恩每名各賞銀一兩。以示體恤。○又諭曰。鑲白旗漢軍都統員缺。著松筠補授。仍令慶桂署理。○直隸總督梁肯堂奏。銜失職位。陸續全獲。驗明係年久無用鐵礮。應銷燬存營。改作軍器。報聞。○暫署四川總督大學士孫士毅奏。健為縣新開鹽井十三處。設煎鍋二十六口。請照下則鍋例。每口權課銀二兩。本年起徵。從之。○是日。駐蹕兩間房行宮。○丁丑。世宗憲皇帝忌辰。遣官祭泰陵。○諭本年直隸地方。因河流漲發。各州縣被水較多。前已疊沛恩施。優加撫恤。蠲免秋糧。其河間。天津。二府屬。節年未完帶徵緩徵銀糧。已降旨先行豁免。並令梁肯堂。將此外被水較重地方。節年帶緩銀糧各數。查明覆奏。茲據戶部議奏。該省通州等三十三州縣。本年雖被水較重。業蒙加倍賑恤。此項帶徵

緩徵銀糧均係應完正賦。節年遞緩已屬恩施。所有未完銀八十一萬五千五百餘兩。穀六十三石零。豆六百五十九石零。酌請豁免一半等語。固屬覈實辦理。第念通州等三十三州縣被水較重。秋成失望。現在積水雖消。可期無誤播種秋麥。而小民生計究覺拮据。若將節年帶緩銀糧僅予豁免一半。恐仍不免以官欠未清。心存顧慮。未得遂其含哺之樂。所有通州等三十三州縣未完銀八十一萬五千五百餘兩。穀六十三石八斗零。豆六百五十九石五斗零。俱著加恩全行豁免。該督務當督飭所屬實心辦理。毋任吏胥藉端侵扣。務使利澤及民。以副朕軫恤災區加恩稠渥至意。○又諭據蘊端多爾濟等奏。土謝圖汗敏珠爾多爾濟病故等語。敏珠爾多爾濟病危。伊父車登多爾濟不暇顧戀其子。前來瞻覲。未回游牧。敏珠爾多爾濟即已溘逝。殊堪憫惻。已派佛爾卿額往奠。著加恩賞銀

五百兩。以作善事。車登多爾濟自獲罪以來。倍矢肫誠。朕深嘉悅。所有敏珠爾多爾濟汗爵。仍令車登多爾濟補授。向例豫行保舉蒙古王公子嗣。先令報明理藩院具題。此次令其自擇一人。保舉請旨。毋庸報明理藩院。且伊尚未出痘。本年不必來京謝恩。俟明年朕駐蹕熱河時。再行前來。以示體恤。尋奏遵旨。保舉臣第四子鄂依托卜多爾濟第五子朋楚克多爾濟二人。恭候欽定。得旨鄂依托卜多爾濟著授為台吉。○諭軍機大臣曰。梁肯堂奏查勘各屬被水輕重情形一摺。內稱東光青縣被災較重之處。業經查明撫卹銀米兼放。滄州情形較輕。應請將孤苦貧民於九十兩月一體摘賑。接至大賑之期等語。滄州被水情形雖屬較輕。無需先行撫卹。但該處貧民究難待至大賑。今該督於九十兩月辦理摘賑。使鰥寡孤獨之民得資安頓。所辦是又奏稱河間至景州一帶大道多已間段涸

出。惟漫地積水。尚有三四尺等語。現已白露節後。水勢自應日就消落。該督務須迅飭所屬。將積水設法全消。俾地畝早行涸盡。即使涸復之處。有不及播種秋麥者。亦必令毋誤趕種春麥之期。方於民食有濟。將此傳諭知之。○又諭前據李奉翰等奏。折展江南豐北廳等處壩工一摺。當經發交阿桂韓鐔閱看。並令各抒所見。據實覆奏。今據阿桂等奏。稱汎水長發。出槽漫灘。衝刷溝形。河水消落。隄根積水。不能洩入大河。更防其順隄生溜。汕刷隄根。是以築做土格土壩。攔截跨壓。用資保護。向來河工均係如此辦法。揣江省河臣之意。或因王平莊新堵工程緊要。若大溜直趨王平莊挑水壩。不免頂衝喫重。故於上游馬良第五壩。接長做出。既以護曲家莊隄工。坐墊舊險。且挑溜向南。以緩其勢。俾大溜順至王平莊。再挑向北趨。可期得力。但壩工未免太長。恐致與水爭地。實為過當等語。著傳

諭蘇凌阿等。將江境馬良等壩。節年接築。加長實在情形。與阿桂等所奏是否相同。抑更有互異之處。據實覆奏。但各壩舊時俱有原定丈尺。如馬良壩原長一百五十丈。今加長至三百六十丈。楊家壩原議酌留二百丈。今加長至三百四十五丈。而蔣家壩竟長至一千餘丈之多。就使因該處隄工漸形著重。隨時調劑變通。亦不應加增數百丈至千餘丈之多。致令壅遏河流。上游漫溢。且似此逐年接築。何所底止。節降諭旨甚明。著傳諭蘇凌阿等。務宜詳慎履勘。將各壩應留應減之處。秉公覈定。妥議具奏。俾上下游地方河務各員。協力修防。以期工固瀾安。毋得稍分畛域。方為不負委任。阿桂等摺。著鈔寄閱看。○又諭曰。福康安奏。訪明私鑄匪犯親往督拏一摺。據稱巴縣知縣淡士灝。訪得貴州所屬桐梓縣地方。有匪犯劉榮厚等聚夥私鑄之事。該處與川省接壤。路徑叢雜。恐該鎮道等前

往查拏。辦理不周。福康安即親赴重慶督率辦理。所有拏獲大寧邪教案犯均應由重慶經過。即可就近審訊等語。所辦好。福康安駐劄重慶。若能將大寧邪教及私鑄匪徒兩案一律就近審辦。固屬甚善。昨已有旨令福康安或赴河南。或竟赴襄陽。駐劄督辦。今福康安正在辦理邪教。又赴重慶督拏私鑄匪徒。其事恐難兼顧。看來匪徒私鑄一事。止係無業貧民。作奸牟利。無難查拏辦理。此時究當以審辦邪教為重。著福康安自行酌量。如邪教一案。業已得有頭緒。首要各犯俱經就獲。陝西湖北等省查拏各犯。祇須各行訊取確供。互相咨會質審。孫士毅畢沅秦承恩三人可能辦理。裕如。福康安自無庸再行轉回。即知照三人。令其查辦。黔省桐梓縣地方匪徒私鑄一事。現據福康安奏。該犯等蓄有不法兇器。又復聚賭行兇。且夥匪多人。難保無聞拏抗拒之事。所派總兵袁國璜等。恐未必能

辦理妥協。搜拏淨盡。福康安即在彼督辦完竣。就近由桐梓赴雲南調任。更為便捷。若酌量孫士毅等三人。恐辦理各持意見。未能合一。則福康安仍應遵照昨旨。或赴襄陽。或即赴陝西。酌量駐劄一處。以便就近摘提要犯歸案審究。俟全案完竣。再赴新任。亦無不可。總以督辦有人。查拏淨盡為要。將此由六百里加緊各傳諭知之。○是日。駐蹕要亭行宮。○戊寅。諭前據福寧奏。江省豐北汛所築土壩。層層攔束。有礙東省曹單漫水去路。彼時朕即以江省所築壩堰過多。致上游水勢不能暢達。自係蘭第錫等辦理未善。即命福寧馳赴江境。將應拆動者先行拆去。並令蘇凌阿。蘭第錫。李奉翰。會同籌辦。茲據蘇凌阿等將會勘江境各土壩。分別應去應留。公同籌議具奏。所有南北兩岸各壩。酌定去留。俾豫東水勢得以暢流下注。而下游黃河亦不致溜緩停淤。以資經久。所奏甚為明晰。即可照

此辦理嗣後毋得再有更張。至江省修築土壩。原為保護陡根。但逐漸接長。以致有礙河流。蘭第錫自不能辭咎。昨於伊奏摺內。早已批示。今蘭第錫奏請交部議處。自所應得。此等接築土壩。皆由工員等意圖侵冒。以修築壩工為名。稟報開銷。可資需潤。此係向來河員通弊。而該河督不加詳察。遂致添築壩埝。無所底止。殊非慎重河防。通盤籌畫之道。蘭第錫著交部議處。○又諭曰。伍拉納等奏審

擬晉江縣接收廈門關稅餉銀。在縣堂被竊一案。所奏盡屬虛詞。竟成笑話。據稱此項餉銀。經領催珠隆阿解至晉江縣。該縣雷元運已派人點存縣署大堂。適值是夜。該縣在二堂審理詞訟。共有數起。致被賊乘機混入。竊取稅銀一桶。計銀一千兩。由堂側空地。攜賊踰垣而逸等語。此等情節。即屬不實。外省州縣聽理詞訟。每多壓擱。遇有控案。往往將兩造押禁。任聽吏役等需索舞弊。即日間尚不

肯坐堂審斷。何況深夜。且州縣身膺民社。詞訟是其專責。縱事務繁劇。亦何至竟無寧晷。即間有承審要案。日間不能辦結。何妨次日再審。而必連夜聽斷。有是理乎。即如軍機大臣。每日承旨書諭。兼辦部旗事務。至為繁要。即遇有軍報。亦不過傍晚散直。未有秉燭辦公者。況一縣令之事。能有幾何。其日間又有何公事。乃至無暇坐堂。至二鼓時分。尚在聽斷案件。若果有似此勤於理事者。方將加以

超擢。試問諸各督撫等。能如此勤勞辦公否耶。是所稱該縣雷元運。是夜適在二堂審理詞訟一節。又將誰欺。且該縣即在堂理事。書吏衙役等。於前後二堂。豈竟無一人出入。至與賊以暇。任其從容割斷損索。乘間竊取。竟無一人知覺。況稅銀竊至一千兩。計有二十元寶。舫兩甚重。又何能以一人負之踰牆逸去。是此項情節。其為裝點虛捏。又屬顯然。再行竊賊匪。必係無業貧苦之徒。一旦竊此多

金。自必任意花用。難掩衆人耳目。而稅課元寶。又俱有鑿鑿字樣。更易于於蹤跡。聞省於海洋盜匪。尚能躡緝捕獲。屢經奏報。為數甚多。豈獨於此竊銀賊匪。轉無從物色。奪獲耶。種種捏飾情節。俱屬顯而易見。伍拉納等。於此案竟未切實辦理。不過以虛詞敷衍陳啟。希圖朦混。朕辦理政務五十九年。情偽無不周悉。此等伎倆。焉能逃朕鑒照。該督等所辦實大不是。伍拉納。浦霖。及臬司。並承審此案之司道府該縣。俱著交部分別議處。並各罰養廉一年。以為辦事不實。虛詞文飾者戒。仍著伍拉納等。按照指出各情節。另行審辦。並即據實明白回奏。毋得再有支飾。致干重咎。○又諭據保寧奏。伊犁察哈爾總管一缺。綠營都司守備二缺。各係一人。奏請補放等語。凡補放官員。俱擬定正陪。帶領引見。倘擬正之員。才具平庸。遠不如擬陪之員。間有補放擬陪者。如擬正之員。稍有可觀。未有不補放

擬正者。因伊犁等處道路遙遠。並不引見。令該將軍大臣等。擬定正陪奏補。雖每次總以擬正人員補放。然究有揀選正陪。候朕補放之體制。今保寧於總管等三缺。僅各保一人請補。與伊自專何異。此風一長。各該將軍督撫等。相率效尤。尚復成何政體。保寧著嚴行申飭。仍交部議處。所奏總管等缺。著保寧另行擬定正陪。奏請補放外。將此通諭各省將軍副都統督撫遵行。○諭軍機大臣曰。穆和蘭奏到糧價情形一摺。據稱河以南各屬糧價。或與上月相同。或就平減。惟河北較之上月稍增。尚因商販流通。市糧充裕。不致遽形騰貴等語。本年河北彰德。衛輝。懷慶。三府。雨水過多。民堰漫溢。間有淹浸地畝。糧價自不免稍昂。猶幸河以南各屬。俱得豐收。此時商販流通。河北市糧充裕。價值不至騰貴。民食得以有資。足慰廛注。但將來冬月江寒之際。或恐賈販稍稀。閭閻鮮有蓋藏。有需接濟之



處著傳諭福寧抵任後留心查察。若河北各屬冬間糧價較昂。應行量為接濟。即當據實奏聞。毋得稍有諱飾。○是日駐蹕密雲縣行宮。○己卯諭軍機大臣曰。吳璥奏三場事竣出關。即赴南岸各工巡防一摺。內稱本月十六日接據稟報。萬錦灘黃河於十四日長水三尺。十五日續長三尺。即於十七日出關。馳赴南岸工次。往來督率巡防等語。萬錦灘黃河水勢增長。所有南岸防護事宜。關係緊要。吳璥正當在關監臨。一接稟報。因總河巡撫俱不在工次。即將第三場試卷未經辦竣之事。移交提調監試辦理。迅即馳往查勘。並不拘泥向例。必待三場事務全竣。方始出關。能知事體緩急輕重。甚為可嘉。吳璥著賞給大荷包一對。小荷包四個。以示獎勵。又本日未刻。吳璥由驛奏到河水消落。工程穩固一摺。覽奏欣慰。該省黃河驟經長水。其卑矮各埽經同知徐端程國榮等。鑲護堅整。水勢消退。

大溜開行。勢漸平緩。所辦尚好。前已有旨。俟霜降後秋汛安瀾。將該河督及在工員弁等一併交部議敘。此次鑲護埽工。其同知徐端等。並著該撫查明。屆期一併咨部議敘。至河北三府積水消落。現已涸出十之八九。播種秋麥之期。可以不誤。深慰廑念。現在節過白露。工程平穩。祇須飭令在工員弁。實力巡防。足資保護。前經降旨。令該藩司前往登封縣。隨同穆和蘭。查拏四川究出邪教各犯。吳璥即當迅速馳赴該處。遵奉前旨。隨同實力查拏。毋有疎縱。將此諭令知之。○又諭曰。福康安奏接到拉特納巴都爾來稟。發給檄諭一摺。覽奏俱悉。拉特納巴都爾等。因接奉御賜物件。具表謝恩。其大頭人迺爾興緣補放噶箕。俱各將感忭情形。具稟福康安。足見恭順。惟福康安前已有旨。調任雲貴總督。此次奏摺。係於七月二十五日拜發。尚未接奉前旨。是以

檄諭內有奉命總督四川之語。已令軍機大臣將調任雲貴一節。於檄諭內添敘。並將雲南亦與西藏接壤。聲息亦可相通。四川總督已令和琳補授。一切撫綏番境。咨稟往來。均能料理周妥之處。諭知拉特納巴都爾等。福康安即照繕發給。俾其誠心向化。共知敬畏。愈深感激也。將此諭令知之。○予故大學士嵇璜祭葬如例。諡文恭。○旌表逼嫁捐軀江西金谿縣民王平章妻許氏。○是日。駐蹕南

石槽行宮。○庚辰。

上詣

安佑宮行禮。○還圓明園。○辛巳。遣官祭賢良祠。○諭據徵瑞奏查辦天津積水一摺。內稱該處隄岸。已經涸出。所積之水。轉因岸隔不能外瀉。就其水勢高於外者。即開挖溝槽。逐層疏導。其水勢較低於外者。微照江南車水之法。多造水車。安排隄岸。將積水輓轆車放歸河。即可漸次消涸等語。天津等處。因夏間

雨水較多。海河漲漫。該處地畝。間有被淹。前經降旨。令徵瑞就近率同地方官。辦理撫恤事宜。該鹽政冒雨乘船往來查勘。甚為出力。今復據奏。籌辦疏消積水。就其地勢高下。開挖溝槽。逐層宣洩。並捐貲多造水車。庫水歸河。俾積水全行消涸。辦理實屬妥協。殊堪嘉獎。運使嵇承志。前已降旨。加恩賞給按察使銜。徵瑞亦著賞給奉宸院卿銜。並賞給荷包等物。以示獎勵。○又諭。曰。福康安奏。酌給五

寨屯練餘丁錢糧。於本省茶息閒款動支。並委員丈出兩金川閒空地畝。增給降番等因。一摺。維州協所屬雜谷乾堡等五寨屯練兵丁。自金川。蘭州。石峯堡。臺灣等處。屢次調派。無不奮勉。爭先。前年調赴廓爾喀軍營。往回萬數千里。登艱涉險。尤為分外出力。邊番素習勞苦。生計維艱。自應量加恩賚。著照福康安所請。將五寨餘丁一千五百名。每名每年照正額餉銀六兩之例。減半賞給銀三兩。即

於川省茶息款項內動支。俾資衣食。至金川降番等。歷次調派。亦屬勇往出力。除該處正項地畝。已經開墾外。其餘荒山瘠地。亦著照所請。准令該降番等。於附近處所。自行量加分段耕種。無庸交納錢糧。以示朕惠愛番民。恩施格外至意。○諭軍機大臣。曰。奇豐額奏。七月分雨水情形一摺。內稱。淮安揚州海州所屬之高郵。興化。沭陽等州縣。逼近河湖低窪處所。零星間段。微有積水。又徐州所屬之碭山。豐沛。三縣。因黃水漫溢。低窪之處。亦間有被淹之田。業經督臣先行撫卹。現在一併覲往履勘。或有應行緩徵之處。酌量辦理等語。徐州所屬碭山。豐沛等處。偶有被淹田畝。自因前此曲家莊漫口過水所致。該處隄工。業據該河督等。早已趕緊堵築完竣。積水諒已消退。但該處民田。既經過水被淹。究恐收成不無稍歉。著傳諭蘇凌阿等。速行查明被淹田畝。如有應行緩借。以紓民力之處。即酌

量情形。據實具奏。勿得稍有諱飾。致令失所。○又諭曰。福康安奏。遵將川督要務。寄知和琳一摺。內稱。外省地方官。遇有應辦要緊事件。每圖化大為小。怠玩因循等語。此實外吏惡習。但又有將小作大。希圖見長者。亦不可不知。又據奏於寧遠府就近設鑪鼓鑄。俟收繳小錢淨盡。即行停止一節。此亦不過調劑之一法。朕謂收買恐私鑄更多。彼既犯法。惟有實力查拏而已。和琳自奉差以來。辦理一切衛藏邊疆事宜。均能妥協。茲又經福康安將該省要務。詳悉寄知。更無難得其竅要。和琳將來到任後。尤宜隨時留心。實力整頓。以副委任。將此由六百里傳諭知之。○又諭曰。福康安奏。起程前赴重慶。查辦私鑄等案。於內江途次。接奉調任雲貴諭旨。因此案交涉兩省。似須在重慶暫行駐劄。分別審訊。立示懲儆。凡所以為川省杜絕弊端。即所以為黔省肅清奸藪等語。所見甚是。前因福康安奏

拏獲傳習邪教各犯。輾轉傳授。牽連數省。有旨交福康安親身督率。歸案辦理。今福康安既駐劄重慶。查辦私鑄案犯。所有邪教一案。川省獲犯三十餘名。陝省獲犯七十餘名。共計已有一百餘名。諒亦無難辦理。著再傳諭福康安。即遵照節次諭旨。酌量查辦。邪教私鑄兩案。於何處駐劄為便。即駐劄該處。督率辦理。俟審究明白。大局完竣。再赴新任。至摺內稱於寧遠府就近設鑪鼓鑄。俾官錢一律通行。並借撥庫項。俟半年之內。將小錢收盡。即行停止等語。川省小錢充斥。自由從前官局私鑄所致。是以早經降旨停止。至收繳小錢一事。業據戶部奏請。不准給價。通行各省。在案。福康安因寧遠一府。山高路遠。運腳過多。就近設鑪鼓鑄。亦不過一時權宜之計。但該處收繳小錢。給價若干。何以能無虧成本。且給價收買。恐私鑄更多。福康安前此摺內未據聲明。已經軍機大臣等議請駁查。著交

孫士毅即將所駁之處。詳晰查明。據實覆奏。勿任弊混。至滇黔地方。銅鹽錢法各務。在在緊要。福康安曾任雲貴。一切得以駕輕就熟。是以將伊調補。更何待朕訓。福康安惟當在彼實力整飭。以副委任。不必急於請覲。方合朕心也。將此六百里馳諭福康安。並諭孫士毅知之。○又諭。本年鄉試出榜後。各省舉行覆試。前降諭旨。止有巡撫省分。著派布政使會同鄰近提鎮入場監臨。該監臨等出闈具奏。自應將諭旨於摺內載明。方可一目了然。乃本日善泰等奏到之摺。並未載明諭旨。其所稱防閑弊端。出示曉諭。加號懷挾等事。祇係照例聲敘。並無實在查出弊竇之處。亦何用曉曉多言。致滋繁瑣。耶。善泰等何不曉事。若此。著傳旨申飭。本日適阿精阿等亦奏到入闈監臨之摺。即係首先援引諭旨。聲敘簡明。著鈔寄善泰等閱看。○壬午。諭前福康安奏。拏獲傳習邪教之大寧縣民人謝添繡等。

與湖北竹谿縣之王占魁陳金玉往來傳授靈文。經川省委員前往湖北查拏。於拏獲後。竟有夥黨在途搶回。毆斃差役之事。畢沅於所屬地方。有此等案件。並未奏及。業經降旨嚴行申飭。並令該督親赴各該處。嚴密查拏。茲據畢沅等奏。接到陝省咨會。當即飭屬馳赴襄陽地方。拏獲樊學鳴一犯。並將首犯宋之清等。獲及究出同教各犯劉喜等十八名。搜獲經卷等語。該犯等在湖北地方。傳習邪教。已經數年。該督並未及早訪聞查辦。迨別省犯出。接到札會。始行飭屬拏獲。案犯已屬遲緩。又另片奏。接到川省札會。當又飭屬將傳教之王占魁韓隴二犯拏獲。解川審辦等語。而於奪犯傷斃差役之事。既經接准福康安咨會。豈該縣並無稟報。乃全未提及一字。可見該督既經失察於前。又復迴護於後。殊屬非是。畢沅著嚴行申飭。並著交部嚴加議處。○諭軍機大臣曰。穆和蘭奏。河以南糧食

運赴河北。中間黃河阻隔。恐有夫船需索守候等事。則賣價不得不增。現經派委幹員。長住渡口。俾糧車立即渡河。諸費得從節省等語。河南糧食運赴河北。渡河裝載。船夫人等苛索守候。諒所不免。該撫委員長住渡口。約束夫船。俾糧車一到。立即過河。不致夫船需索。所辦尚屬可嘉。穆和蘭自簡任巡撫以來。節年辦理地方事務。未見整飭。今惟此一事。差強人意。至另摺奏。接奉諭旨。馳往登封。無影山查辦邪教等語。穆和蘭身任河南巡撫。凡該省所屬地方名目。諒當諳悉。今登封縣所屬。是否確有無影山。及實有牛八其人之處。自應於摺內聲明。乃竟未提及一字。冒昧前往。殊屬含混。看來此事。竟非穆和蘭所能辦理。已著福寧即行迅速馳往河南。登封縣遵照前旨。將邪教案犯按名查拏。務獲穆和蘭。俟福寧到任交代後。再馳赴山東。接辦災賑。疏消積水各事宜。務令災民均霑實惠。不

致失所。以期稍贖前愆。將此各諭令知之。○又諭曰。富綱等覆奏停止鼓鑄一摺。內稱近年以來。省局鑄錢。務使體質堅厚。每千俱足七觔八兩。現在存局錢文。較之舊錢迥別。而官局鼓鑄。亦並無盈餘等語。雲貴為小錢之藪。不特本省小錢充斥。甚至流行他省。其故總由官局私鑄。上下肥橐分潤。該省從前各屬設鑪甚多。無非為屬員欲得美缺地步。特因事久不加深問。即富綱將省局改歸臬司管理。亦不過為見好臬司起見。殊屬可笑。此事非富綱所能辦。是以早將福康安調任雲貴總督。現在邪教一案。四川陝西兩省共獲犯一百餘名。本日又據畢沅奏。擎獲案犯二十名。而傳教之宋之清。王占魁。韓隴。亦皆就獲。是此事已無難辦理。即桐梓縣私鑄一案。其首夥想亦不過十餘人。秦承恩係屬書生。邪教案犯七十餘名。尚能全數捕獲。況私鑄匪犯無多。先經鎮道前往搜拏。福康安又

親往督緝。自不難於立時全獲。目下雲貴錢法關係緊要。著傳諭福康安。將邪教私鑄二案現獲之犯。審訊明白具奏。星即馳往雲南。將該省錢法實力整頓。務使弊絕風清。以副委任。所有該省官局。已照富綱費淳所奏。即飭停止外。至該處錢文。四十五年和珅到滇。審案時。曾將該省小錢。由驛進呈。每錢百文。積厚不過一二寸許。計和珅到滇。距今又十有五年。該省錢法敝壞。小錢自必日積日多。所云該省近年並無小錢行使之事。其誰欺乎。況民間私鑄。不過於僻靜處所。設鑪鎔化。能有幾何。即福康安現在訪聞桐梓縣私鑄之案。諒亦不滿一二十人。何致雲貴二省小錢充斥。甚至流傳各省。總緣雲貴為出產銅勛之所。取攜甚便。而管局官員。又視為美缺。相沿私鑄。減小官式。上下分肥。以致叢生百弊。蓋民間私鑄。尚屬鼠竊狗偷。而官局私鑄。竟係明目張膽。是小錢到處風行。其弊實由

於此現令軍機大臣將和坤從前奏到之錢查出呈覽。著福康安於到雲南時即將該省驚眼沙眼剪邊等樣小錢各取百文附報送京。互相比較。則該省錢法之壞無難立見。富綱等自不復以虛詞卸責。想福康安受恩深重亦不肯代為迴護也。將此由六百里諭令知之。○癸未以戶部右侍郎景安為正黃旗滿洲副都統。○以江南河標左營副將覺羅西密揚阿為廣東左翼鎮總兵。○甲申秋分

夕  
月於西郊遣肅親王永錫行禮。○諭昨因畢沅奏接到川省札會拏獲傳教之王占魁韓隴等犯而於前被搶回之陳金玉一犯因何被搶並傷斃差役之處轉未奏及顯係迴護諱飾已降旨將伊交部嚴加議處矣。本日又據該督奏先因此案人犯籍隸襄陽當委鄖陽府知府楊如桂前往襄陽會同該府張翹嚴密緝緝並派臬司張長庚馳往督飭妥辦先

後共獲首夥五十二名。又因竹谿縣地方與川省接壤據該縣稟報有奪犯毆差之事飛飭鄖陽府知府馳回本郡嚴密查拏請將疎防之竹谿縣知縣李秉中遊擊楊化祿革職協緝撫臣惠齡藩司汪新現往安陸查辦被水撫恤事宜省城重地未便同時遠出復飭臬司會同該鎮實力督拏等語所奏大奇不料畢沅竟昏憤至此地方遇有聚眾傳教以至奪犯殺役已非小案畢沅身任總督平日

漫無覺察已難辭咎及至川陝二省破獲咨緝該督一接咨會理應星速親赴要處董率嚴拏將案犯立時捕獲以期稍贖罪愆乃畢沅視若無事先止派委知府楊如桂前往會拏及竹谿縣有奪犯毆差之事該督尚以省城重地為詞安坐衙齋復令該府楊如桂馳回本郡往返耽遲更不成話且覲顏委過於知縣李秉中遊擊楊化祿愚以奏屬員了事種種錯謬殊出情理之外畢沅本應革職

治罪。姑念其久任封圻。從前辦事尚屬勤奮。著加恩降補山東巡撫。以觀後效。但伊辦理地方事務。如此玩誤。若復任其坐擁厚廉。不特無以示儆。即令其捫心自問。何以自安。畢沅著摘去花翎。罰交湖廣總督養廉五年。即行完繳。以為浙江海塘工程之用。再罰山東巡撫養廉三年。分作六年扣繳。俾伊每年仍得支領一半。以資辦公。於懲創之中。予以自新之路。此係朕格外恩宥。畢沅務宜倍加愧奮。亟思痛悔。毋再因循。致干重咎。所有湖廣總督員缺。著福寧補授。即由河南速赴新任。途次亦可辦邪教之案。穆和蘭著仍留河南巡撫之任。所有畢沅奏之知縣李秉中。遊擊楊化祿。即著革職。留於該處協緝。○諭軍機大臣等。河南民風淳樸。地方素屬安靜。惟愚人多信邪教者。穆和蘭才具雖不開展。在豫已經數年。於地方情形。尚為熟悉。是以將該撫仍留河南之任。至山東政務殷繁。其民

情亦較河南難治。畢沅到任後。務宜倍加愧奮。將目下應辦撫恤事宜。實心經理。並將地方一切認真整頓。以冀稍贖罪愆。若再玩忽因循。必當加倍治罪。恐伊不能當此重戾。至豫省搜緝邪教人犯一事。早已有旨令穆和蘭率同藩司吳璥前往查拏。本日據吳璥奏無影山坐落何處。張家及高薛等八姓。係何名字。牛八即朱紅桃。住居何處。應逐一躡訪確實等語。牛八係隱朱姓。其名字經犯更隱大不敬之語。該藩司豈未思及。至所稱匪徒性本狡黠。其要犯實在藏匿地方。或轉舍混未吐等語。所慮却是。此事著交與穆和蘭。吳璥。在彼實力訪緝。目下湖廣地方緊要。福寧接奉此旨。不必繞道登封。即速赴新任。福寧曾任湖北巡撫。今補授該省總督。原以資駕輕就熟。該督由藩司未逾數年。擢授今職。尤宜急思感奮。妥辦一切。以副委任。福寧未到之先。仍著畢沅在竹谿地方督飭文武將前



被搶回之陳金玉一犯及傷差夥黨一併拿獲。不使一名漏網。庶可稍蔽厥辜。若因降補巡撫離任在即。仍前怠誤。致令要犯及奪犯傷差夥黨。免脫遠颺。試令伊自思當得何罪。慎之。將此由六百里加緊各諭令知之。○是月。浙江巡撫覺羅吉慶奏。范公塘舊沙失。被潮刷薄。應接築埽工一百丈。隨工沈石。又東塘伯字號坦水。亦被潮損。磚石殘缺。工關險要。應一併修築。報聞。○廣東巡撫朱珪奏。本年新例五經試士。場前先行嚴示。不可懷挾犯法。臨期認真搜查。以絕弊端。批。二語得要。又奏。連日晴霽。水勢漸退。報聞。

大清高宗法

天隆運至

大清高宗法天隆運至誠先覺體元立極敷文奮武孝慈神聖純皇帝實錄卷之一千四百五十九

實錄卷之四十九

五十七

大清高宗法天隆運至誠先覺體元立極敷文奮武孝慈神聖純皇帝實錄卷之一千四百六十

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事務處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事務處管理刑部戶部三庫事務

世襲騎都尉軍功加九級隨帶加二級又加二級尋常加內大臣戶部尚書鑲黃旗滿洲都統軍功紀錄五次

尋常紀錄十四次臣德齡經筵講官太子少保工部尚書紀錄六次臣曹振鏞等奉

敕修

乾隆五十九年甲寅九月乙酉朔諭曰布顏

著梁肯堂

著調補山東按察使即赴新任其雲南按察使員缺著江蘭調補俟畢沅到山東接印後江蘭即行速赴新任不必來京請訓○諭軍機大臣曰梁肯堂奏勘明靜海天津被水情形一摺內稱八月以來水勢消退三四尺不等北倉圍牆之外水已全消現惟最低處所及西沽大道尚未大涸連日與徵瑞分投察看各就地勢開渠引導並加車戽已涸道路不免沮洳難行多用秫稽乾土趕緊填墊等

語目下天津河間一帶總以疏通積水最為急務若積水不消不特秋麥難種即道路用秫土填墊一經踐踏勢必旋墊旋塌徒勞罔濟西沽為商賈往來必經之所河間尤為衝衢孔道今道路沮洳難行車輛不通致礙行旅成何事體必須趕緊籌辦徵瑞前奏撫卹疏消各事宜甚為妥協目下天津應辦一切竟著交徵瑞就近一手經理不必梁肯堂在津以致顧此失彼河間一帶被水較重著傳

著梁肯堂

諭梁肯堂速赴該處將撫卹等事悉心妥辦並將積水田畝設法疏消以便補種秋麥其涸出大道亦飭屬趕緊平整俾商旅通行無阻為要再向來秋麥立冬以前總可播種今年節候較遲十月十五日立冬為期尚有四十五日梁肯堂徵瑞務宜督率地方官趁此將天津河間等處積水多方引導普行宣洩使低窪地畝全行涸出一律補種秋麥方為妥善丙戌予福建臺灣水師左營巡海兵

丁遭風淹斃林斗生落水得生李貴等十八名澎湖水師左營內渡兵丁遭風漂沒陳天生落水得生潘日光等二十二名賞卹如例  
○丁亥諭現在秋審官犯冊內吉林烏拉原任協領諾穆三數其情罪原係福康安胡季堂松筠審辦之時並未究出實在情節擬以死罪試思諾穆三祇一協領乃伊家產何至豐厚倍常自因辦理人侵侵漁入已所致福康安等未將此案情節審訊得實殊屬草率但念福康安前在軍營頗為奮勉現又有緝捕邪教查拏私鑄之事松筠業經派赴西藏胡季堂平日辦事尚好朕亦不加深究矣若將穆諾三予勾無知之徒或妄議伊罪不至於死以為負屈況協領托蒙阿與諾穆三公同辦事之人托蒙阿已經發往伊犁諾穆三雖擬絞候並未離原籍轉似為僥倖著加恩將諾穆三絞罪寬免亦發往伊犁朕辦理庶務權衡輕重一秉至公斷不使稍有枉屈亦

不肯令獲咎之人得以依戀故土無所警懲也將此通諭知之 諭軍機大臣曰畢沅奏拏獲邪教案犯陳金玉陳光玉及王大烈等一摺是此案搶匪各犯皆已就獲本日據福康安奏拏獲桐梓縣私鑄要犯劉榮厚等一摺所辦奸就福康安所奏情形此案聚夥私鑄竟在貴州地衣非馮光熊所能辦現在邪教一案統計四川陝西湖北三省獲犯業將及二百名而首犯已在湖北地方拏獲搶匪之陳金玉弟兄亦俱就擒易於辦理著再傳諭福康安如伊接奉前旨已回至襄陽一帶即就近將現獲邪教各犯速行審明具奏再往滇省如已過重慶至桐梓一帶目下雲貴錢法諸務正關緊要福康安即當徑往貴州將私鑄一案督率審辦俟大局明白亦即由該處速赴新任較為便捷至邪教一案川省所獲皆非正犯看來此案起事非在湖北即在河南昨已將福寧補授湖廣總督其才尚

足倚辦所有邪教一案著專交與福寧駐劄湖北河南交界地方董率辦理究出首犯嚴辦並將供出之牛八朱紅桃搜緝務獲以副委任其川省所獲之謝添繡等並著福康安酌量如無關緊要即留於川省交與孫士毅審明定擬如有應行質訊之處即解往湖北交與福寧歸案審辦以期案犯得以速結方為妥善其湖北拿獲要犯之委員等若有實在出力者交與福寧於定案時查明咨部議敘將此由六百里各諭令知之 工部奏富新等倉拔草各工共需銀一千四百九十餘兩揀派司員前往辦理得旨此後零星工作在數百兩以上者若無大員董率恐滋浮冒凡有一工即著工部堂官一員輪值督率司員妥辦設有浮冒偷減情弊則惟輪值堂官是問如動銀數至一千兩以上者仍照例奏請簡派大臣辦理 調湖北荊州右翼副都統成德為左翼副都統正藍旗蒙古副都統

德福為荊州右翼副都統 戊子諭前因畢沅於查辦邪教一案既經接到川省札會竹谿縣有奪犯毆差之事並未早行具奏又不親往督緝止派委臬司道府前往會拏該督安坐省城厥咎甚重業經明降諭旨將畢沅降補山東巡撫摘去花翎並罰交督撫養廉八年以示懲儆矣本日又據秦承恩奏接據臬司稟報帶同委員等續獲夥犯邱正魁等三十五名又於途次盤獲趙顯章等二名先後獲犯共一百十二名現俟楚省拿獲之樊學鳴等解到後即與蕭貴等面質嚴究等語此案邪教雖由該省破案且前後獲犯已有一百餘名但似此大案秦承恩接據該府稟報止派臬司等分往查拏亦未親赴該處其未親往之咎與畢沅無異秦承恩著罰養廉三年分作六年半扣繳以示薄懲至外省督撫辦理地方事件非失之不及即失之太過所有邪教一案因係蔓延數省搜出經卷內

又有違悖字句甚至奪犯傷差已非小案畢沅身為總督無刑名錢穀繁案是以罰重泰永恩亦並未親往查拏是以罰輕若各督撫等因見畢沅以此獲咎遇有地方尋常事件亦紛紛前往致涉張皇又非鎮靜之道督撫等受朕厚恩簡任封圻辦理事務自當權其緩急輕重酌中妥辦固不可養尊處優亦不可輕舉妄動嗣後各督撫等務宜隨時斟酌妥協辦理以副朕諄諄訓誨至意○諭軍機

大臣曰戶部議駁姜晟籌議錢價一摺已依議行矣前因各省錢價過賤令各督撫酌量情形將每年應行搭放錢文之處改放銀兩以期銀兩流通錢價自平嗣經戶部奏請收繳小錢俱不准給價勒限一年呈繳通行在案該撫自應查照部中所定章程辦理乃姜晟於收繳小錢一節復欲易給銀兩小民等惟利是趨勢必私鑄小錢以圖潤是杜弊而適以滋弊至兵餉既經改支銀兩其兵米

折色一項亦應以銀搭放以昭畫一何得仍用錢文且該省存錢僅有四萬九千七百餘串止數二年之用將來錢文無出不肖官吏轉得藉詞捏報錢貴慫恿開鑄是該撫所奏仍不免為屬員豫留津潤地步辦理殊屬非是著傳旨申飭並著該撫按照部駁情節逐一妥辦○又諭曰戶部議駁長麟等奏請將銅鉛對成搭配鼓鑄一摺已依議行矣各省小錢充斥總由於局員將官錢私行減小額

外多鑄小錢上下肥瘠分潤節經降旨令各督撫停鑄減卯並嚴行查禁以期錢法肅清俾商民兩便乃長麟等仍慮及復卯開鑄錢價或至低賤請將銅六鉛四搭配鼓鑄而於鑄局之弊並未陳明該省錢價每銀一兩易錢一千四百文是錢價已為極賤斷不致即時增昂今若加銅減鉛奸民析及鉛錙保無將官局之錢私行銷燬所得之銅又可從而私鑄是一弊未去而兩弊並生況該省現在

收繳小錢曾否淨盡並如何查禁之處又未  
聲敘殊屬疎漏長麟等著傳旨申飭並著按  
照部中指駁各情節逐一妥辦以內閣學  
士泰寧兼正藍旗蒙古副都統已丑諭曰  
御史甘立猷奏現奉恩綸六十年普免天下  
漕糧請勅下直省督撫查明有糧之戶每恩  
免漕糧一石酌減佃人額租若干覈議章程  
奏明辦理等語前於五十五年普免天下錢  
糧時曾降旨令地方官出示曉諭各業主將  
佃戶應交地租量予減收不必定以限制蓋  
普免錢糧漕糧皆係國家曠典在蠲免之年  
業主固可不必徵輸而在不免之年納總納  
結仍當業主按則輸賦不能向佃戶額外多  
取況業食佃利由來已久佃戶等或係受雇  
傭工或係分給租餘並非徒用其力而不與  
以惠在富民等因朕特降恩綸覃敷愷澤推  
朕加惠之意各發天良量減租數俾力作村  
農共霑餘潤此固衷多益寡同享盈寧之道

若如該御史所奏議定章程予以限制勢必  
官為勉強抑勒滋弊且各省碩佃平日已不  
免有抗租情事若再定有減租之例更可得  
以藉口拖欠不交是以推恩行慶之典轉啟  
擾累刁抗之端成何政體甘立猷係甘汝來  
之孫甘汝來在漢大臣中尚為曉事甘立猷  
何不達時務若此原摺著擲還又諭據惠  
齡奏查勘沔陽等處被水情形委員分路查  
撫一摺內稱各州縣被水之處必須分投查  
勘該撫前赴漢川沔陽天門三州縣督同查  
辦並委藩司汪新等分往京山江陵等處辦  
理撫卹其被淹居民俱即搭蓋席棚散給餅  
餌並放給一月口糧以資餬口等語沔陽等  
處猝被水淹該撫因災民亟需待哺即親往  
查辦並委員分投撫卹所辦尚妥至所稱倒  
塌房屋分別草瓦房間照例給與修費等語  
該處居民房屋多有被水浸損人口亦有淹  
斃情殊可憫著加恩按例加兩倍賞卹並著

該撫查明被水各屬如有衝損民堰應行修築者均著官為經理准其作正開銷俾被災之處民力得免拮据該撫務須督率所屬妥協辦理使小民均霑實惠毋致一夫失所以副朕厯念災區恩施逾格至意○又諭本日召見新授雲南臨元鎮總兵塔克慎竟成綠營之漢人不能國語且才具平常難勝總兵之任雲南臨元鎮總兵員缺著田永桐補授所遺員缺著以塔克慎降補○庚寅諭前因

畢沅於查辦邪教一案接到川省札會有毒犯毆差之事並不親往督緝已降旨將畢沅降補山東巡撫摘去花翎罰交督撫養廉八年示儆又因秦承恩於此案接據該府稟報亦未親往查拏將該撫罰養廉三年以示薄懲矣第恐外間未悉分別辦理原委以為畢沅秦承恩共辦邪教一案俱未經親往畢沅則降補巡撫摘去花翎又罰養廉八年秦承恩則僅罰養廉三年幾疑為一事兩辦軒輊

懸殊不知此事先由陝西破案計該省獲犯前後已有一百餘名秦承恩之咎止於未經親往及奏報遲延是以將該撫交部嚴議並罰養廉三年以示薄懲至畢沅於邪教一事現在究獲宋之清樊學鳴李喜狗戴大名傳教各要犯俱籍隸湖北且據蕭貴供經卷實係傳自湖北是此事起自楚省已無疑義畢沅於所屬地方有聚眾傳教奪犯重案日久漫無覺察已難辭咎迨接川陝二省咨會緝

拿竹谿縣復有奪犯毆斃差役之事畢沅尚不親身馳赴該處督緝止派臬司道府前往會拏其過甚大況各省刑名錢穀俱係巡撫專政事務較繁至總督則專轄營伍凡遇地方有匪徒滋事之處則應總督帶兵前往捕緝畢沅身為總督營伍地方皆其所轄乃於此等聚眾傳教奪犯傷差重案並不親往惟知安坐衙齋養尊處優其咎較秦承恩為重是以將伊降補巡撫摘去花翎並罰養廉用

昭懲儆朕於臣工功過無不一秉大公權衡至當輕重惟其人之自取從不稍涉偏畸之處再行通諭各督撫知之○封閉遼陽州屬新洞溝煤窰從盛京將軍宗室琳寧請也○辛卯諭曰戶部議覆江西巡撫陳淮奏請暫停鼓鑄一摺已依議行矣其該撫原摺內稱局中匠役一百餘名習慣鑄錢手藝一經出局難保不在外私鑄漁利現擬發地方官衙門充當水火夫俾資養贍等語此等局中原設匠役習熟鑄務今既暫停鼓鑄該匠役等養贍無資恐有在外私鑄漁利情事該撫議令將此項匠役發交地方官衙門充當水火夫既使口食有資兼得就近稽查約束所辦頗為周到著傳諭各省督撫一體仿照辦理○壬辰

上御勤政殿聽政○諭據穆和蘭覆奏積欠一摺內稱武陟等縣未經被水田畝應徵新漕及舊欠米豆等項請分別帶緩等語武陟等

縣本年被水地畝應徵秋糧業經降旨加恩豁免所有武陟等十四縣境內未經被水地畝及毗連災地之溫縣原武陽武濟源孟縣林縣涉縣武安滑縣考城封邱等十一縣應徵本年新漕米麥豆三項俱著緩至六十年為始分作二年帶徵並將應徵舊欠米豆再予遞展一年其應徵新舊地丁錢糧俱緩至來歲麥熟後再行啟徵以紓民力該部即遵諭行○諭軍機大臣曰穆和蘭奏率同藩司吳璈馳赴登封縣境內詳查並無無影山名目惟告成鎮地方舊碑有無影塔字樣無影塔三十餘里之朱家垌有朱洪道一名與朱紅桃字音相似訊據朱洪道堅供伊種地度日並無牛八之稱不知龍華三會名目亦不與謝添繡等相識等語謝添繡籍隸湖北在四川傳習邪教何以供出之朱紅桃與朱洪道字音不謀而合況登封縣雖無無影山該處現有無影塔亦非無因該犯等傳教惑眾



編造謠言牽連數省自知情罪重大到案必不肯遽行吐露且前獲要犯謝添繡現在川省穆和蘭獲犯後自當飛咨川省將謝添繡解赴河南質訊庶朱洪道見有指實之人自不敢復存狡賴何得輕聽一面之供轉為曉曉置辯而總不言及提謝添繡來豫與之質對其另摺奏緩徵積欠二事亦總不明晰穆和蘭何糊塗一至於此前因福寧陞授湖廣總督河南巡撫一時乏人又將穆和蘭留任若再不知省改該撫自審當得何罪至邪教一案因恐穆和蘭辦理未能妥協吳璥尚屬明白是以特派該藩司隨往幫辦何亦見不到此穆和蘭吳璥俱著傳旨嚴行申飭仍著該撫等一面迅速迎提謝添繡等到豫質訊一面仍設法查拏務將牛八又名朱紅桃一犯及漆姓張高等八姓按名究獲若復仍前疎漏必當重治其罪○癸巳

上幸靜宜園駐蹕至丁酉皆如之○諭前據僧

保住等奏本年順天鄉試諸生年屆八十以上者張克嶷等十名七十以上者張鑣等四十二名三場完竣等語現在榜發未經中式第念該生等俱年臻耄耋猶踴躍觀光洵為藝林盛事其年在八十以上之副榜蔣子定安容璩趙春芳畢汾恩貢生張白歲貢生張克嶷鄭緒泰魏懋徵生員多壽長錢萬選七十以上之副榜張鑣汪錫傳紹曾晁合宜唐毓麟李枝桂劉璧飛辛鍾鳳張國銘恩貢生蘇甫郝騰龍王緒劉鍵魁俱著加恩賞給舉人准其一體會試其年在七十以上之歲貢生陳旭李塏蔡文暉陳汝翼張進楊昌裔龔履恒孫天衢繆式雋曹汝邁生員郝希曾蔡潛修高霍林王開運魏居乾蘇克己魏介錫馬桂芳宋瑾支池李銓李庭蘭黃世垣于江元潘鳳翥吳芬蘭王元會李奇燦楊興恭俱著加恩賞給副榜以彰壽世作人至意○諭軍機大臣等本年四川省秋審人犯該省原

定緩決經刑部改入情實者有李洪王試燭  
稅陽川鮮玉先四起朕初加披閱意以孫士  
毅係大學士暫署四川總督事務且當辦軍  
務時係伊顏面攸關設刑部所改四起尚有  
一起可原應免其勾決昨召見胡季堂時並  
經諭及迨今日清晨復加細閱刑部所改俱  
屬情真罪當竟無可寬雖失出處分輕於失  
入孫士毅所定俱係失出但伊簡任綸扉將  
來回京時即有稟擬之責今於秋審大典未  
能斟酌至當致改四犯之多豈孫士毅久任  
封圻尚於刑名未能諳習耶再川省拏獲邪  
教一案前據福康安奏現往重慶督拏私鑄  
人犯所有拏獲大寧邪教案犯均應由重慶  
經過即可就近審訊等語計福康安奏到已  
經半月有餘大寧案犯想早已迎提到案何  
以未據將所訊供詞續行具奏謝添繡既在  
川省傳教其所傳者必不止大寧一處習教  
者諒亦不止現獲之三十餘人福康安提訊

各案犯自必有續行供出拏獲之人即或福康  
安前往貴州孫士毅現署督篆福康安亦必  
將案犯交與孫士毅審辦孫士毅審出後自  
當飭屬速拏著傳諭福康安孫士毅即將所  
訊大寧邪教案犯供情若何及謝添繡有無  
供出傳習人犯之處迅速具奏毋任延緩○  
甲午諭據保寧奏稱將偷盜厄魯特部落馬  
匹之布魯特賊犯拏獲審明即行正法其奮  
勉之官兵布魯特比等奏請獎賞等語布魯  
特賊犯德布塞等膽敢影竊馬匹情殊可惡  
保寧於拏獲各犯後即行正法所辦甚是領  
隊大臣那彥嚴飭布魯特比等派委官兵將  
賊全行捕獲辦理妥協那彥著賞給大緞一  
匹佐領委署前鋒翼長康善經那彥指示即  
能將賊犯全獲實屬奮勉康善著賞大緞二  
匹仍交部議敘西雅克鄂拓克比之七里瑪  
協同出力亦堪嘉獎七里瑪著賞給六品頂  
帶戴用藍翎仍賞大緞二匹其沙帕克等十

數人那彥已經賞給每人著再加賞緞一匹以示朕優加鼓勵至意所需緞匹即於伊犁庫內撥用。諭軍機大臣曰福康安奏拏獲私鑄匪犯審辦大概情形一摺據稱該犯等開鑪私鑄所用銅鉛自係該處官廠奸商透漏或係水摸人等撈獲盜賣等語此事弊端自當不出此數條。現在此案首夥各犯俱已拏獲惟當切實根究以清弊源而示懲儆。但該犯等糾夥多人私行改鑄除現獲各犯外恐尚有逃竄潛匿者。福寧應飭所委員弁搜捕淨盡毋使倖逃法網。其曹石保一犯聞拏逃逸經兵丁李廷賡搜獲擒縛尚為出力應酌量獎賞。授以把總之職以示鼓勵。所有署桐梓縣范崑即行革職嚴審。惟此案據劉榮厚供去年十月內即與曹石保商量收買小錢私鑄取利是該犯等私鑄已及一年之久。該撫馮光熊及司道府並該管之鎮協營汛並未查拏所司何事著福康安即行詳悉查

明一併據實嚴參辦理。看來馮光熊竟不能勝巡撫之任俟福康安查參到日候朕另行簡放。至私鑄一案現在拏獲首夥各犯已有二百餘名而邪教一案川省及陝西湖北先後獲犯業已將及二百名此外在逃及究出未獲之犯尚多以兩案合計不下五六百人。審明後自當嚴辦示懲但私鑄一事不過無業奸民散法牟利尚無聚眾拒捕等事其邪教各犯亦祇係愚民惑眾騙錢俱尚非重大案件可比。若概予駢誅於心究有所不忍。將來定擬時此兩案為首起意之犯自當按律問擬其為從夥犯在邪教案內者應發往黑龍江等處給索倫達呼爾為奴。其私鑄案內者即可發往回疆庶於懲創之中仍寓矜恤之意。又據福康安奏私鑄人犯審明定擬後邪教一案亦可趕緊完結等語所辦甚好。前已有旨令福康安酌量或赴襄陽一帶督辦邪教福康安接奉前旨如已行至襄陽一帶

即就近將邪教案犯會同福寧遵緊審辦完結再赴新任若福康安尚在重慶未經起身現在雲南祇係費淳護理撫篆而馮光熊本乏才幹且貴州地方恐不僅此私鑄一事尚有亟須整飭事件福康安若遽駐他省雲貴總督事務乏人督辦殊深慮注福康安竟應由重慶迅速馳赴新任將應辦事宜實力整頓方足以副委任至福康安另片所奏孫士毅寄信欲令於辦理事竣暫回川省彙覈報銷此不過孫士毅卸責之意前據孫士毅奏到時業經降旨申飭福康安奏稱無庸再行回川所見甚是福康安前此偶患泄瀉現據奏明業已調理就痊覽奏深為欣喜因賜所帶荷包惟當將應行查辦之事迅速辦結即行馳赴新任以慰廑念將此由五百里傳諭知之仍著將查拏私鑄於何日業經辦竣何日即由重慶馳赴雲貴新任之處迅速具奏

乙未諭曰富綱奏派委鎮道協獲黔省私

鑄匪犯一摺所奏實屬無顏取巧而更拙矣此案貴州桐梓縣地方奸民潛聚私鑄早經福康安具奏親赴重慶派委鎮道等前往查拏並咨會貴州省一體搜捕其曾石保一犯當經該鎮道等督率弁兵搜捕擒縛乃本日富綱奏稱接據咨會將曾石保一犯會同川省員弁拏獲並稱其餘夥黨飭屬分路堵截不使一名漏網等語殊不知桐梓縣奸民私鑄據福康安訊究獲犯劉榮厚供稱去年十月內即與曾石保商量收買小錢私鑄取利是其事已將及一年之久富綱等如果留心查察自應早經訪獲乃平日既漫無覺察一任奸民等翫法營私及至此時要犯先被川省擒捕則又稱會同川省員弁拏獲以為自占地步規避處分之計富綱係雲貴總督於所屬地方有此等私鑄匪徒並未即時查拏馮光熊現係貴州巡撫耳目更近又不及早搜緝尚復覲顏瀆奏塞責均非實心任事

之道富綱馮光熊俱著交部嚴加議處至各省督撫於地方遇有此等案件平日毫無整飭及經他省緝獲輒以會同協拏為詞冀圖規避處分此等陋習深為可鄙並著通諭各督撫嗣後於地方事件務宜實心整飭督率辦理毋得仍蹈故轍致干重咎○又諭據烏爾圖納遜等奏請將達里剛愛牧廠孳生餘羊免交稅司變價准令該廠無業兵丁認買等語此事尚可行不惟節省解費於兵丁實屬有益其認買羊價限二年扣繳嗣後再有孳生餘羊亦著照此辦理 諭軍機大臣等據福寧奏馳赴楚省查拏要犯並豫省現在查辦情形一摺已於摺內批示矣邪教一案看來竟係起自湖北前據畢沅奏到業將竹谿縣前被搶回之陳金玉陳光玉拏獲所有傷差夥黨並傳習各犯無難根究得實按名弋獲茲據福寧奏接見開封府知府彭如幹詢知豫省又經拏獲李瞎子即李宗桂高成

功等十九犯據供有胸是無影山心是無影塔等語是謝添繡所供無影山或即係此處亦未可定從此根究下落自可得其實在現在福寧已馳赴該處如福康安業已由川抵楚即當會同嚴密妥辦但福康安現在重慶查辦貴州桐梓縣私鑄一案雲貴總督事務乏人督辦昨又降旨令其即行馳赴雲貴新任則邪教一案竟專責福寧督辦此案雖人數繁多但尚非重大案件猶屬易於辦理該督惟當遵照節降諭旨嚴密查拏審訊辦理固不可致有疎縱亦不必過於張皇務宜斟酌得中副委任也將此傳諭知之 丁酉諭據奇豐額奏查勘徐州府屬碭山等縣因曲家莊黃水漫溢低田被淹又淮安揚州海州各屬極低田畝因雨水稍多豆粟不無損傷收成稍薄等語本年碭山等縣地方因曲家莊黃水盛漲由豐沛二縣順隄下注宣洩不及上漾旁溢以致附近窪地積水數寸其

淮安揚州海州所屬各州縣因雨水稍多極低田畝零星間斷亦有積水以致豆粟間被損傷收成不無歉薄殊為可憫現在積水雖已消涸小民一律安堵但被水歉收之後民力究形拮据所有徐州府屬之碭山豐縣沛縣宿遷睢寧淮安府屬之山陽阜寧清河桃源安東鹽城揚州府屬之高郵寶應興化海州暨所屬之沭陽等十六州縣並坐落各縣境內之淮安大河揚州徐州四衛除高阜成熟地畝仍照舊輸納外其被水低田著該撫查明將本年應徵應帶銀米一體加恩緩至來年秋收後分作二年帶徵俾閭閻益臻寬裕以副朕加惠黎元至意又諭曰寶琳在將軍任內年久辦事尚屬妥協今來京陛見遽爾溘逝甚屬可憫著加恩賞銀五百兩辦理喪事其應得卹典該部查例具奏所遺吉林將軍將軍員缺著秀林補授秀林所遺吉林副都統員缺著增保調補戊戌

上還圓明園諭據伍彌烏遜奏稱哈薩克王杭和卓派伊弟卓勒齊等將卡內棲止之貧寒哈薩克等盡行接取出境甚屬恭順等語杭和卓著賞給蟒緞一匹大緞二匹卓勒齊著賞給大緞一匹以示獎勵又據奏請將未經查出私換羊隻各員分別治罪之處殊未詳盡此次姑不必嚴辦嗣後哈薩克等若違例與民人私換羊隻即應追出價值或賞給効力之人或行入官其守卡之護軍校蘇勒方阿驍騎校札芬泰等於哈薩克等私行出入並未查出怠玩已極伍彌烏遜僅請加以薄懲亦屬姑息蘇勒方阿札芬泰著俱行革退示儆已亥諭軍機大臣等據伍拉納等奏漳泉被水情形一摺內稱漳州郡城於八月初十日酉刻起至十三日午刻大雨傾盆加以溪河漲發城內水深丈餘銜署倉庫監獄及兵民房屋多有倒塌俟查明淹斃人口加意撫卹並將泉州被水情形及此外有無

被水地方勘明妥辦等語本年入秋以來京師及近畿一帶雨水過多其被淹地方節經降旨令該督撫等實力賑撫按例加兩倍賞卹今福建漳州因連日大雨各處山水匯集溪河驟長溢入郡城以致衙署倉庫監獄並兵民房屋多有坍塌倒塌此事畧大伍拉納自應親身前赴該處督辦乃僅委之浦霖恐該撫係一書生辦理不能著要在伍拉納之意必以地方事務係巡撫經管豈總督惟知題陞調補管轄營伍緝捕盜賊而於此等地方要務轉置不問有是理乎此時該撫業經前往計此旨到時早已辦理完竣但該督久任封圻何竟見不及此著傳旨嚴行申飭並著浦霖督同司道等逐一查勘務須鎮靜詳察優加撫卹此次漳泉二郡被水情形較重除衙署倉獄兵房照例官修外所有倒塌民房及淹斃人口俱著加恩按例加兩倍賞卹並著將此外各州縣同時被水之處確切查

明妥辦該督等務須督率所屬加意撫卹俾小民均霑實惠以副朕加惠黎元恩施逾格至意將此諭令知之○又諭曰畢沅奏續獲邪教案犯審明大概情形一摺內稱劉喜狗兒一犯年十八歲生父姓李是河南南陽縣瓦店人與劉文富相好劉文富隨李姓學習神仙喜狗兒因拜劉文富為乾父劉文富曾說李姓生前自稱是彌勒佛又稱是神仙喜狗兒是仙童彌勒佛轉世的李姓劉文富俱已身故喜狗兒現替劉文炳牧牛訊據堅供與宋之清陳金玉等俱不認識亦不曾學念經咒並不知登封無影山在何處等語邪教一案編造經咒轉相煽惑蔓延數省劉喜狗兒年僅十八左眼已瞎為人牧牛斷非首禍之人或係該犯等因無實證互相推諉希圖脫罪亦未可定現在戴大名一犯解往陝西而陳金玉陳光玉各犯又解往四川在畢沅之意以為案犯解往隣省即與伊無涉又欲

苟且成不了之局。試思湖北獲犯不能審出實情。解往四川陝西。倘川陝二省又訊無確供。勢必仍解回湖北。如此往返解送。不特沿途設有疎虞。成何事體。且致案犯恃無實證。得以狡展。終無了結之期。更無此辦法。況現獲之樊學鳴。宋之清。陳金玉。傳教各要犯。俱在楚省拿獲。且前據蕭貴供。經卷實係傳自湖北。是此案起事。竟在湖北襄陽一帶。前已有旨。專交與福寧駐劄襄陽董率辦理。莫若將四川陝西河南等省所獲人犯。擇其傳教惑衆。應問斬決。及有須實證者數名。俱解至襄陽。交與福寧歸案審辦。庶該犯等見指證有人。不敢仍前狡賴。一經究出首犯。並可就近逮拿。嚴辦不致輟轉。就遲其餘為從之犯。即由各該督撫審明。遵照前旨分別發往黑龍江等處給索倫達呼爾為奴。以示懲儆。所有起解之戴大名。陳金玉等犯。著畢沅飛速趕回。如已解抵川陝境內。並著孫士毅奏承

恩飛飭沿途截解回楚。交與福寧審辦。該督務宜切實研鞫。究得創教實情。迅速辦結。俾盡根株。以副委任。不可如畢沅之意。存將就也。將此各諭令知之。○又諭據孫士毅奏接署督篆一摺。內稱軍需銷算事宜。當日夜償辦。以冀刻期完竣。和琳到日即可交代進京等語。川省軍需報銷。係孫士毅一手經理。其實用實銷。應准應駁。固當儉緊覈辦。但和琳來京請訓。回至四川之日。如軍需各案均已覈題完竣。孫士毅交篆之後。並無應辦之事。自應遵旨迅速來京供職。若和琳抵任而軍需項下尚有未經題竣之案。除總督應辦地方事務。自當歸和琳辦理。至軍需報銷。孫士毅仍當在彼一手督辦。不使承辦局員稍有浮冒牽混。方為不負委任。將此諭令知之。○總管內務府大臣怡親王。永琅等奏遵化州官地從前輸租過重。應自本年為始。每畝徵收租銀一兩。報聞。



大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百六十

實錄卷之一千四百六十

一

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百六十一

監修總纂官經筵講官太子太傅文淵閣大學士文淵閣領侍衛內大臣稽察欽奉 上諭事件處書寫

吏部理藩院事務正黃旗滿洲副都統世襲騎都尉軍功加七級通帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領侍衛內大臣稽察欽奉 上諭事件處書寫刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲副都統軍功紀錄六次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

教修

乾隆五十九年甲寅九月庚子遣官祭

都城隍之神諭曰江蘭奏山東漕糧內應

徵麥石請暫改徵米石等語東省本年濟南

武定等府州屬因春雨愆期麥收歉薄今當

秋雨優霑之後廣種二麥民間需用麥種較

多自應量為調劑著照所請將本年應徵麥

石改徵米石俾小民便於輸納以示朕體卹

閭閻至意○又諭據秀林奏拏獲逃犯興清

柱等五人即行正法一摺所辦甚是從前拏

獲逃犯未能如此之多此次拏獲五犯又搜

出私獲二十餘兩。秀林甫經補授吉林將軍。即能留心認真辦事。嗣後當倍加奮勉。不可自滿。秀林著交部議叙。○諭軍機大臣等。據愛星阿奏。確勘遵化州園地情形。並酌減租價一摺。經內務府大臣叢議具奏。業已准行矣。至遵化州知州於所屬應交官地租錢。並不按限完繳。經內務府屢次行催。輒稱原佃潛逃。無人承種。迨至委員前往會勘。又有佃種之王耀宗。即係該州書辦。是其藉詞延玩。

實屬罪無可辭。除所欠園租已令照數賠繳外。著傳諭梁肯堂。嗣後將該州知州李騰蛟。停其陞轉。並不准保薦卓異。以示懲儆。至此項園租。既經酌減定額。自不至佃種無人。官項亦易於輸納。務須飭令嚴催早解。毋得仍前任意延宕。致干咎戾。○又諭曰。惠齡奏。潛江等縣被水情形一摺。內稱倒塌草瓦房間。照例給與修費等語。前因該撫奏沔陽等縣猝被水淹。有倒塌房屋淹斃人口之處。早經降

旨。按例加兩倍賞卹。今潛江等處同被淹浸。所有倒塌房屋。自應一併加兩倍賞給修費。以示體恤。又據另片奏。京山荊門各州縣堤。膝漫水之處。刷塌甚寬。例應民修。但需費甚鉅。請借帑興修。按年徵還歸款等語。此項衝損堤堰。雖例應民修。但今年被水較重。均著加恩官為修理。准其作正開銷。不必徵還歸款。俾被災之處。民力得免拮据。又據奏。被淹各垸水漸消退。而低窪之處。尚積深四五尺。

之語。目下正屆補種秋麥之時。該處積水。何以不設法疏通。該撫務宜督飭地方官實力辦理。速籌宣洩。俾積水全消。無誤補種秋麥。此為最要。惠齡因辦揭曉事宜。現回省城。著傳諭該撫。事完之後。仍宜前往被災各屬。董率所屬。實心妥辦。使小民均霑實惠。毋致一夫失所。以副朕厯念災區恩施逾格至意。○軍機大臣議覆直隸提督慶成奏。稱熱河獅子溝及二道河子街一帶淤塞。請將殊像寺

迤東河身一律挑挖即用挑去土方加培兩岸並將二道河子街後大河開挑取直鑿去對面兜灣山嘴其頂衝岸根編荆防護內填石子應如所請辦理至估挑銀四千五十兩零按工程處則例覈減二百七十兩零此項工程即交慶成督辦工竣後每年挑修責成熱河道經理從之○辛丑諭曰石經館總裁等校勘石經現在將次完竣和坤等與彭元瑞均係總裁和坤等所管事務較繁祇能

總其大綱酌加參閱至於校訂釐正皆係彭元瑞專司其事彭元瑞著加太子少保銜並賞大綬二匹以示獎勵若校定之文或有紕繆不經之處將來披覽所及經朕指出亦惟彭元瑞是問○諭軍機大臣等據蘇凌阿等奏沉溺滇銅全行撈獲一摺內稱七月初七日夜暴風如吼雨似盆傾清口頭壩地方水因風激登時浪頭高過壩頂二三尺正當危險之際適滇省委員張志學銅船九隻被風

刮至壩前排列壩根方得搶護平穩等語清口頭壩地方因暴風急雨浪頭高過壩頂若非銅船貼壓人力難施是此次清口壩工得以保護平穩實係銅船貼護之力此皆仰賴神庥嘉佑實深敬感茲特發去大藏香三十炷交該督等分詣諸

神祠敬謹祀謝用答靈貺其滇省委員張志學著賞給大綬二匹所有全行撈獲銅船之水摸人等業據該督等加倍獎賞嗣後自應

照此一律辦理以示鼓勵將此傳諭知之○又諭曰福康安奏審訊邪教案犯韓隴胡胖子陳金玉等供情一摺內稱福康安奉諭或親赴楚豫查拏或提犯質審道途遙遠實有鞭長莫及之勢倘或中途稍有疎虞於事轉有未便等語此事福康安初次奏到該犯等傳教惑眾蔓延數省似屬大案是以屢降諭旨令福康安酌量或親至豫楚等省督辦今據該督撫等陸續奏到先後獲犯已不下數

百名而傳教之韓隴胡胖子樊學鳴被搶之陳金玉陳光玉兄弟俱已就獲看來竟易辦理畧解雇懷前因此案起事非在湖北即在河南若往返解審既慮途次疎虞且恐該犯等恃無質證狡展耽延已有旨交福寧駐劄襄陽董率緝拏究辦今福康安所見相同所有謝添繡謝添朋兩犯亦應解赴襄陽交與福寧歸案審辦福康安可以不必再赴楚省矣况河南南陽與襄陽境壤毗連此案首犯

大約總在襄陽南陽一帶福寧駐劄襄陽督辦既屬便易一經究出首犯更可就近飭拏究辦現在雲南錢法關係緊要亟須釐剔即貴州桐梓縣私鑄一案亦易完結福康安將現獲私鑄要犯究明定擬具奏後即速赴新任以資整頓為是至邪教案犯衆多其罪應斬決及有需質證者遵照前旨解赴襄陽審辦外其餘為從發遣之犯將來定擬完案並著各督撫務宜零星分起管解毋使多犯途

次同行或致別生事端此為最要又據畢沅奏於邪教匪犯平日既無覺察迨鄰省發覺又不馳往督拏實屬疎誤遲延等語畢沅久任封圻實不料其錯謬至此今已降補山東巡撫伊當實知愧改以圖稍贖罪愆福寧未到之先仍當督飭地方文武將福康安咨緝各犯上緊嚴拏勿任免脫速遞再干重戾將此各諭令知之○壬寅諭軍機大臣曰穆和蘭奏覆查登封縣並無教匪蹤跡及審辦續

獲人犯一摺據稱登封縣雖無無影山而有無影塔及查有朱洪道與朱紅桃字音相同當經提訊並親至其家逐細搜查並無為匪及不法經卷已飛咨川楚二省向獲犯陳金玉查訊等語該處既有無影塔又有朱洪道其人其人是謝添繡等所供自非無因即當切實查究應將陳金玉等犯調至河南質問乃該撫僅知咨查川楚二省為能訊究得實俾無狡飾又據奏川省所供彌勒佛轉世之張姓

及在山掌事之漆宋等姓。逐戶挨查。委無形跡可疑之人。亦無龍華三會名目。並據閩縣士民同稱。登封並無牛八等蹤跡。願甘具結等語。自因案無實證。互相推卸。豈可憑信。看來此案邪教。總在襄陽南陽一帶。此事非穆和蘭所能辦理。早經有旨。令福寧駐劄襄陽督辦。福寧務宜切實嚴鞫。究出倡教實情。迅速辦結。淨盡根株。方為妥善。將此各諭令知之。○又諭曰。本日浦霖奏。漳州水勢已退。民情安帖。一摺。內稱。行抵泉州。該處積水盡消。並無傷損人口。倒塌房屋無多。亦易於修整。兵民樂業。城市貿易如常等語。覽奏深為慰幸。其低窪處所。田禾尚未涸出者。仍著詳悉查勘。如有成災之處。即飭屬分別辦理。毋致稍有向隅。又摺。內稱。於司庫內撥出錢五萬串。由海運直送漳州。以資接濟。並派委文武員弁。分作四起護送等語。所辦實為迅捷。浦霖係一書生。不料其竟能如此。至漳泉兩郡。

民情素稱刁悍。此次被水之後。俱能安堵如常。甚為可嘉。昨已有旨。加倍施恩。著該撫等督率所屬。悉心妥辦。務使小民均霑實惠。毋令一夫失所。以副朕軫念災區至意。將此諭令知之。○旌表守正捐軀廣西恭城縣民周奇章妻李氏。○癸卯。諭據長麟等奏。高要等縣被水。查勘撫卹一摺。內稱。高要縣端江水勢漫溢。該管道府等於甫經長水之時。即飭居民移避高阜。並未損傷人口。並親加履勘。先行撫卹等語。高要縣因海潮頂阻。被水淹浸。其接壤之區。亦間被漫溢。長麟親赴該處。目擊情形。先行酌為撫卹。朱珪亦已親往查辦。甚屬妥協。又據稱。衝塌房間。照例查明。給予修費。並將被水貧民。先賞借一月口糧等語。該處民房。猝被衝塌。著加恩按例加兩倍給予修費。以示軫卹。所有被水貧民。無論極次。俱著先行賞借一月口糧。用資接濟。並將被水各村莊。本年應納錢糧。及未完舊欠。加

恩緩至來年秋後帶徵俾民力得就寬舒該督等惟當董率所屬悉心經理朱珪現在親往高要督放借糧務使小民均霑實惠毋致一夫失所以副朕厯念民依至意○諭軍機大臣曰明興奏鐵廠遣犯馬喜踢傷同廠遣犯王二身死一案王二以遣犯入廠當差飲醉誤公本屬有罪之人馬喜奉差找尋因王二不服傳喚出言叫罵敲其手指馬喜用脚一踢適傷致斃事本理直傷出無心明興照

闕毆例擬抵實屬過當馬喜著免其治罪至外委鄧秀差遣馬喜找尋王二並無不合明興請將鄧秀革退外委重責四十棍所辦更屬非是鄧秀毋庸責處仍著復還外委諒明興已將該弁責處應罰令明興出銀二十兩賞給鄧秀以示平允將此諭令知之○甲辰諭曰惠齡兩任湖北巡撫於該省邪教重案未能覺察咎實難辭且伊母現已年逾七旬惠齡著來京供職俾得就近侍養姚榮著調

補湖北巡撫其廣西巡撫員缺著成林補授○諭軍機大臣等前經戶部奏請各省收繳小錢俱不准給價勒限一年呈繳已准令通行各省遵照辦理原因繳出小錢復與易給銀兩小民等惟利是趨恐轉致私鑄小錢冀圖需潤是以停止給價今思民間日用及商賈貿易所有存留小錢俱不免有需貲本若祇令呈繳入官不稍償以價值小民等或因此裹足不前私相藏匿呈繳稀少以致小錢仍不能淨盡著傳諭各督撫察看情形如可仍照部定章程概不給價並無妨礙之處固屬甚善若須少為變通或於呈繳小錢時酌量給價十之一二俾各聞風踴躍呈繳可期淨盡似亦辦理之一法著各督撫體察各該處情形將應否如此酌辦之處各就所見據實速奏到日再行交部覈議○又諭前因陞任通州知州吳翰佑變張建業入官房屋並未循照定例飭令該督再行確估及該督轉

據現任通州知州景祥覆加勘估僅增銀二百三十七兩共估銀九百六十二兩零經肯堂奏到朕即以房間有九十餘間之多所估甚少必有捏飾情弊飭交揀派熟諳工作之內務府郎中岳謙前往通州踏勘照例按標計算應估銀二千二百二十六兩零奏請將陞任知州吳翰現任知州景祥嚴加議處梁肯堂及司道等一併議處揆之情理自當處分此項房屋共計九十四間半若照該州所估每間僅值銀十兩覈之定例短少甚多令派員前往按標計算覆加確估銀數增至倍餘地方官之任意短估捏飾具詳該督之並未詳查即此可見該處房屋坐落通州西門內大街非偏僻地方可比而梁肯堂前奏輕信該州稟報之詞以此房坐落僻處並非市廛貿易之區難於召變率行具奏甚屬不合若謂該司員迎合朕意增估價值豈房屋坐落地方亦能移易耶本應即行分別治罪

但此係由京派員前往該督並未在彼恐尚不足以服其心現在直隸積水漸已疏消賑恤之事已可就緒梁肯堂業已派員分投辦理勢不能親身逐戶自行放賑亦無必須梁肯堂在彼督辦之處該督自五月間召對後迄今已逾數月亦應將查辦災務情形來京面奏除陞任知州吳翰解任實訊外著傳諭梁肯堂奉到諭旨即行起身來京約計何日可到通州先行具奏候朕另簡不管工程之大臣帶同原派之郎中岳謙前往眼同該督並帶領該州知州將張建業入官房屋覆加勘估或在僻遠或在城市據實辦理庶使原估地方官無從捏飾該督亦可心服設河間一帶尚有應行辦理之事梁肯堂不妨俟見朕後再回該處亦無不可將此諭令知之○又諭現在衛河漫口工程均已堵築竣工道路積水自己疏消淨盡現無緊要應辦事件著羅煥即日來京隨同大學士和坤等前赴

永定河隄工查勘事件。○又諭曰。福寧奏來鳳縣匪徒搶犯。旋即擒獲二名。現在嚴飭查拏一摺。此案來鳳縣奸民段漢榮等八名。在楚傳習邪教。經四川酉陽州守備率同州役前往查緝。已經拏解在途。乃縣民輒敢持械追及。將犯奪回。並打傷護解鄉夫。實屬奇事。湖北竹谿縣前次已有奪犯斃差之事。今來鳳縣民於川省查緝邪教案犯。又復不服拘拏。於已離本境之後。率眾搶回。實屬刁悍不法。而湖廣之吏治武備。一切廢弛。可知朕加罪沅以罪。為當不當。令其明白回奏。現在段漢榮主勝茂已經拏獲。其餘逸犯六名。務須督飭派委員弁迅速擒拏。按名就獲。其搶犯之來鳳縣民人。並當實力督捕。拏獲到案。嚴行懲治。無使一名漏網。至福寧現據奏稱襄陽接壤豫省。為適中之地。即在該處督拏審辦。但來鳳縣現有匪徒持械搶犯之事。案情較重。若俟襄陽審辦事竣。再赴該處。未免稍稽。

時日。案犯或致遠颺。福寧竟當即行親赴來鳳督率查拏。將案內逸犯及搶犯民人。一併迅速搜捕。庶可剋期就獲。俟查拏完竣後。再赴襄陽。將獲犯嚴切究辦。亦不為遲。楚省民情強悍。屢次奪犯傷差。今福寧前往來鳳查拏。務須多帶兵役。嚴密搜捕。無使奸民恃眾。又復滋生事端。此為最要。勉之慎之。又當以鎮靜為之。不動聲色。勿致驚擾無知之民。至伍公美。宋之清等。已據湖北先後拏獲。福寧務須切實審究。首先傳教之人。無使稍有遁飾。又據畢沅奏。訪獲傳教要犯。馳赴房縣究辦一摺。所稱現獲王應琥一犯。係遞上傳教之人。今既經拏獲。應從此切實窮究。倡教首犯及教內夥黨。按名緝捕。並著一併交與福寧承總究訊。歸案辦理。又據阿精阿奏。幫同審辦邪教完竣。請赴部供職一摺。現在陝省拏獲邪教案犯。雖已審明定擬。而應行發遣之犯。尚有一百餘人。將來起解時。若多犯同



行。恐至在途生事。前已有旨。令各該省務宜分作數起。間日管解。以免疎虞。阿精阿竟應在彼將起解人犯。妥協辦理。俟各起全行起解後。再來京供職。將此六百里馳諭知之。仍即速回奏。○又諭。本日福寧奏。四川酉陽州守備。緝拏邪教案犯段漢榮等八人。次日忽被縣民持械追及。將犯奪回。隨據湖北地方官。將段漢榮王勝茂三名拏獲。其餘逸犯已降旨令福寧親往督率查拏。按名務獲。至川省派往守備。前往來鳳縣地方。已將段漢榮等八人全行拏獲。並已解至州屬。尚為出力。雖被該縣多人恃衆搶回。究非該守備之過。自宜量為獎勵。著將該員咨部議叙。○乙巳諭軍機大臣等。前因各省鄉試後。應行覆試。如督撫同省者。巡撫監臨總督覆試。其止有巡撫省分。布政使會同隣近提鎮一員監臨。榜後交巡撫覆試。原以稽查倖進。杜絕弊端。該監臨等於辦理三場完竣後。如果查出懷

挾傳遞及鎗冒代倩等弊。自應據實入奏。今定例以來。並無一查出情弊者。不過照例敷衍空詞。瑣屑瀆陳。如本日鄭源璫等奏。到出闈日期之摺。場內並無他弊。而連篇累牘。祇係空言。在朕固不憚披閱之煩。但此等無關緊要事件。似此專摺臚陳。殊屬無謂。嗣後各省辦理監臨事竣。除查有弊實。仍行具摺陳奏外。如止係三場事竣。出闈日期。或具本題達。或咨部存案。著各該督撫酌量覈議一體辦理。至闈中積弊百出。必須嚴密防閑。其藩司及提鎮等入場監臨。能否實力查察。慎密防範。使諸弊肅清。足資料理之處。並著各督撫一併覈實具奏。將此各諭令知之。○又諭。據梁肯堂奏。景州積水。消去十之七八。現在多方宣洩。隨涸隨墊。自景州以至良鄉。可以不虞阻隔等語。所辦尚好。又奏稱。本月十三日。水勢忽增。復將獻縣道路漫及。或由初六七等日。正定地方陰雨。滹沱河微漲所致等

語京師於二十日。復有陰雨。京城雨不甚大。尚屬無妨。而河間天津一帶。積水本未全消。又因滹沱河微漲。致下游之獻縣水勢驟增。若昨日又復陰雨。恐所種秋麥及修整道路。俱不無妨礙。著傳諭梁肯堂將河間所屬於滹沱河漲水消退後。是否不致成災。現在疏消積水。是否全行涸出。該處田畝道路。有無妨礙之處。即行據實覆奏。其天津一帶。二十日是否同時亦有陰雨。並現在積水是否消涸。及補種秋麥。有無妨礙情形。著徵瑞詳悉查行具奏。以慰厘注。○又諭曰。畢沅業於邪教案內。降授巡撫。惠齡亦不得謂無過。且伊母業已年老。惠齡著來京供職。現已將姚榮調補湖北巡撫。但姚榮尚有應辦事件。未能即刻交代。到楚尚需時日。所有湖北巡撫事務。此時仍著惠齡辦理。俟姚榮到楚後。惠齡再行交卸來京。其姚榮未到之前。惠齡務須會同福寧認真辦理。若因卸事在即。意存懈

怠。以致再有貽誤。恐惠齡不能當其咎也。將此諭令知之。○又諭。據孫士毅奏。福康安現駐重慶。查辦重案。事關數省。必需印文行查。又將督篆齋文應用等語。所奏殊屬過慮。已於摺內批示矣。前令福康安駐劄重慶。查辦邪教私鑄等案。今因邪教一案。起於湖北河南一帶。未便將案犯長途解送。是以責成福康安。一手承總審辦。其川省私鑄一案。已據福康安奏到。獲犯多名。亦易完結。已令迅速定擬。即行馳赴雲貴新任。福康安在重慶。不過耽延數日。即可起身赴滇。孫士毅理應仍署督篆。何必因此數日之事。復將督篆輾轉移交。徒勞往返。孫士毅所奏。實屬非是。著傳旨申飭。此時孫士毅雖已將關防馳送重慶。想福康安向來遇事尚知緩急。伊因起程在即。亦必不肯接收。著傳諭孫士毅。仍即接印辦事。所有川省邪教案犯。遵照前旨。擇其緊要。可以質證者數名。派委妥員。帶同兵役。小心解

送襄陽。交與福寧歸案審辦。其餘人犯。仍交孫士毅逐加研鞫。即照泰承恩所辦陝省邪教人犯。速行定擬完結。不必再有諉卸。往返行文誤事。致干重咎。將此各諭令知之。○又諭曰。馮光熊奏督緝私鑄匪犯夥黨一摺。已於摺內批示矣。桐梓縣私鑄一案。經福康安訪查具奏。親赴重慶督拏辦理。馮光熊係該省巡撫。不能及早查拏。前已有旨交部嚴加議處。今馮光熊奏到摺內。尚稱親赴桐梓縣拏獲七十餘名。仍嚴拏餘匪等語。殊不知該撫身任封圻。於地方奸民聚眾私鑄。將及一年之久。平日既漫無覺察。迨經川省訪查拏獲。輒又以協拏緝辦為詞。覲顏陳奏。以為自占地步。希圖規避處分。殊屬非是。除聽候部議外。著再傳旨嚴行申飭。○丙午。諭軍機大臣曰。勒保奏七月分糧價清單。朕詳加披閱。內惟涼州泰州二屬。各色糧價。俱比上月稍減。其餘減者甚少。且一律填註價中。本日

又據該督奏通省秋收分數。九分有餘。甘省係沿邊瘠薄之區。秋收九分有餘。即屬上稔。該省值此豐收之後。糧價亦當逐漸平減。何以各府屬價值。尚皆填註價中。可見地方官視為具文。約畧申報。該督復以此等照例開單。朕未必寓目。亦遂不加檢閱。照舊繕寫。率行入告。竟成印板文章。試思糧價本以重民食而厘知依。若任意填註。又安用每月虛詞瀆奏為耶。勒保著傳旨申飭。昨令軍機大臣檢出糧價單式。發交各督撫閱看。著傳諭該督嗣後奏報糧價。務須飭屬確切採訪。據實填開。勿得仍前疎忽。干咎。○丁未。旌表守正捐軀直隸交河縣民王清太妻陳氏。○戊申。遣官祭

歷代帝王廟。○諭。據永慶等奏協領扎明阿因病休致一摺。內稱將扎明阿履歷造具清漢冊咨送兵部等語。履歷冊內字數無多。即書寫清字咨部。自無不識之理。現因各省駐

防滿洲。漸染漢習。正當整頓之時。似此無關緊要檔冊。若兼寫漢字。日久尤易染成漢人習氣。各省將軍。大臣等。嗣後此等事件。祇造清字冊。不必兼書漢字。○又諭。據明亮等奏。稱本年齊齊哈爾。黑龍江。墨爾根城三處田禾被淹。查明官莊所欠糧數。請免補納等語。著加恩將此三處未完糧一萬九千三百餘石。免其補納。以示朕軫卹旗僕至意。○諭軍機大臣曰。永慶奏。陸地私鑄。易於敗露。若於水面舟次。乘便私鑄。在長江一帶寬濶僻靜之處。拋錨停泊。倘遇官船巡緝。或將私鑄什物。拋沉水內。難於搜獲。請嚴飭地方官員。將一應船隻。編號烙印。各給執照。註明船戶姓名。以憑稽查等語。長江大湖水面遼濶。其中洲灘汊港。人烟稀少之處。奸徒等駕駛船隻。藏匿其中。私鑄為匪。在所難免。不可不一體稽查。但如永慶所奏。將一應船隻編號烙印。則私鑄之弊未除。而吏胥人等。紛紛藉端婪

索。更恐百弊叢生。不勝擾累。雲貴。四川為小錢之數。私販沿江而下。必經由湖廣兩江地方。此外如洞庭。鄱陽。太湖等處。水面寬廣。亦易藏奸。著傳諭各該督撫。止須嚴飭沿江濱湖文武員弁。留心巡查。一有私鑄私販匪徒。立即嚴拿究治。不得任令胥役人等。借端滋擾。方為妥善。○己酉。諭軍機大臣等。據徵瑞奏。天津西沽至浦口。疊道橋梁。全行修葺。行旅無滯。二十日飄雨數點。午後即晴。與修墊之道路。涸出之地。畝毫無妨礙等語。覽奏稍慰。前據梁肯堂奏。景州等處積水。消去十之七八。現在多方宣洩。隨涸隨墊。雖自該處至良鄉一帶。道路不至阻滯。但河間。天津一帶。積水本未全消。而本月初間。又因正定地方陰雨。滹沱河微漲。以致下游之獻縣。水勢驟增。現在時屆秋末。轉瞬冬初。正當潦盡潭清之候。想該處積水。自可漸次消涸。獻縣一帶。係屬通衢孔道。聞該處現在道路雖已涸出。

止可乘騎行走。車輛仍不能通行無滯。於行旅究多未便。梁肯堂前已降旨令其來京。所有籌辦疏消事宜。現有所派道員方受疇。丁桂鑒等。在彼照料。儘可交伊等妥辦。趕緊疏消。自可不致有誤。至徵瑞摺內稱將北倉月隄加築堅固。以保倉儲村莊。所辦尚好。但天津西沽至浦口一帶。道路雖已修整。而積水尚未全消。並著該鹽政趕緊設法疏導。務將該處涸出地方。道路一律修整。俾行旅車輛

可以無阻。後即行來京復命。亦不必急於瞻覲。以致辦理草率也。將此各諭令知之。○又諭前將富綱調任兩江總督。因該督到任尚需時日。特命蘇凌阿馳往署理督篆。兩江地方遼濶。事務繁多。富綱才具未能開展。是否堪勝此任。尚須察看。前據富綱奏請陛見。已准其來京。如察其能勝兩江總督之任。再令前往任事。書麟在江南。惟自善而已。一切政務。不無廢弛。蘇凌阿老成歷練。朕意原欲即

將蘇凌阿補授此缺。但念其年屆八十。而刑部亦屬緊要。是以祇令署篆。計富綱來京。尚須耽擱時日。蘇凌阿惟當仰體朕懷。將查辦私鑄小錢。及一切河工事宜。認真經理。以重地方。詳定章程。交富綱妥辦。不可存五日京兆之見。諸事轉候新任到彼。致負委任。將此諭令知之。○又諭曰。畢沅奏審訊陳光玉供情一摺。總不明白。昨據福寧奏來鳳縣。又有奪犯毆差之事。已諭令該督親赴該處督緝

此事。福寧於途次接該鎮稟報。業經奏到。何以本日畢沅摺內。竟未提及。殊不可解。又據穆和蘭奏遵旨提訊謝添繡。供得自陳金玉告紅桃姓名住址。據謝添繡供。得自陳金玉告知。穆和蘭獲犯後。自應一面具奏。一面咨提陳金玉。與現獲之朱洪道質訊。乃摺內竟不言及。直待朕降旨訓飭。始稱如寐初覺。而於曹法魯等二十三犯。又不訊明速奏。畢沅穆和蘭。俱著傳旨嚴行申飭。又據富綱奏。抵黔

交印起程一摺。內稱老鴉窩一帶山險菁深。易於藏匪。必須設法嚴防。與馮光熊籌商。俟川省審明定案後。再行妥定章程等語。所奏亦不明白。富綱著遵前旨。即行來京。陸見。所有私鑄一案。著交與福康安專辦。俟辦理此案完竣。即由彼速赴雲南。以便將錢法諸務。亟加整頓。至邪教一案。現在福寧已抵楚接印。災務一切。有惠齡辦理。畢沅於邪教一案。所辦總不妥協。在彼亦屬無益。著傳諭該撫。接奉此旨。即速赴山東新任。將此各諭令知之。○庚戌。

上詣

大高殿。

壽皇殿行禮。○還宮。辛亥。

孝慈高皇后忌辰。遣官祭。

福陵。○諭。前因山東臨清館陶等州縣。漳衛二河水漲。以致村莊多有被淹。業經疊降恩旨。加兩倍賞卹。並將被水之處。應徵秋糧。概行

豁免。其餘未經被水村莊。秋禾雖屬有收。所有應徵銀糧。本應按期徵收。第念各該處。雖未被水。而今年春間雨澤短少。麥收歉薄。現又毗連災地。民力究未能充裕。著再加恩。將臨清。武城。館陶。夏津。冠縣。邱縣。德州。恩縣。並臨清。德州。二衛毗連災區。未經被水地方。應徵新舊各項銀穀漕米。俱緩至乾隆六十年。照例徵收。用紓民力。以示朕軫念窮黎。恩如無已至意。○諭軍機大臣曰。管幹珍奏。河南漕糧。向用山東臨清等幫軍船協運。今豫省新漕未豆。分別豁免緩徵。各幫船隻。現在衛河停泊。無庸挽運。而山東新漕。又例赴天津。雇用官撥裝運。請即將此項減運豫糧軍船。受雇籌運等語。豫省漕糧。既已停運。空出船隻。例應給予苫蓋銀兩。而山東新漕。又須赴天津。雇用官設撥船。未免多此一番周折。今管幹珍奏。請將減運軍船。就近受雇。所有往來直省費用。及應發苫蓋銀兩。均可節省。而

天津例應拆造之撥船。又可及早興工豫備。東省新漕起撥。可謂一舉兩得。著傳諭梁肯堂。江蘭。即將管幹珍所奏熟商妥辦。以期速漕利運。○又諭曰。福康安奏拏解邪教要犯。嚴切審訊一摺。已於摺內批示。據稱現在研訊韓隴供稱所得靈文經咒。曾向蕭貴問過。據稱係伊師樊學鳴傳授。樊學鳴之師是張志坤。張志坤之師是齊林。即漆林。齊林之師是宋之欽。宋之欽之師是蕭姓。不記得名字。在湖北河南交界地方居住。蕭姓之師是李三。又說現在彌勒佛轉世。生在河南鄧州雷音寺旁之劉文溥家。名叫劉卯。這李三是劉文溥妻舅。伊子名叫李喜狗兒。也在劉家撫養。李三現替劉卯家管事等語。此案邪教現據韓隴供出。係從李三遞相傳授。而李三為劉文溥妻舅。該犯住居河南鄧州雷音寺旁。李三之師蕭姓。亦在湖北河南交界地方居住。看來李三。劉文溥。自係首先倡教之人。而

鄧州與襄陽接壤。其教總在河南湖北一帶。現已據韓隴供明住址。自應迅速查拏。切實根究。且劉文溥養子李喜狗兒。前已據湖北省拏獲。向其嚴切詰訊。無難得實。李三等業據福康安開明住址。飛咨豫省。逐細搜緝。穆和蘭務須督飭所屬。迅速嚴拏。務獲。但鄧州。襄陽地方交錯。恐穆和蘭辦理有未能周到之處。並著福寧。幫同穆和蘭一體飭屬搜查。以期即時弋獲。又韓隴供出之遞相傳教各犯。除齊林。宋之欽。已據湖北拏獲外。其張志坤。及蕭姓二犯。並福康安夾片所稱。謝添朋。供出之丁文材。龍登虎。胡老五。胡安國。王應琥等。據稱俱係薛掌櫃以下遞相傳教之人。並著福寧等。一併查拏。歸案審辦。再前據福寧奏。來鳳縣奪犯。毆差之犯。已獲二名。尚有逸犯六名未獲。福寧現已親往督緝。並著該督嚴密查拏。速獲嚴辦。毋任一名漏網。至此案福康安等初次奏到時。閱其情節較重。今

陝西湖北等省先後獲犯訊供祇係為騙錢惑眾起見尚非重大之案現已交福寧承總辦理無難速行辦結福康安此時如已赴襄陽即將案內緊要情節告知福寧自更易於查辦若尚在重慶即無庸再赴襄陽竟當遵照節降諭旨於辦理私鑄事竣速赴雲南查辦小錢為要將此由五百里各傳諭知之○壬子諭曰工部賠建硝磺庫座除用過工料外節省銀九百七十七兩四錢零奏請交納節慎庫應用殊屬見小工部堂官著飭行分賠並非公項所有節省餘銀當各按原賠之數分別給還○又諭安徽省太平涇縣交界處所添建營房辦理遲延一事前據周樽奏到業將承辦各員及歷任督撫一併交部議處矣本日又據蘇凌阿奏此項營房雖查明因山僻地方難覓平正基地呈報有案但究屬遲延應將各職名咨部議處等語該處營房於五十三年奏准添建何以藉詞覓地遲

至六七年之久始行興造實屬不成事體所有承辦各員及歷任督撫除已交部分別議處外並將此項修建營房工費銀兩著落分賠以示懲儆○諭軍機大臣曰本日據梁肯堂奏獻縣疏消積水一摺內稱現在督同清河道方受疇分駐單橋衛水溝一帶董率各員挑挖溝渠支河三道均一律疏通水勢已歸入正河洄出道路亦已挖墊平坦低窪處所一俟全涸即可接續填墊等語梁肯堂現因勘辦工程並有前赴通州會勘事務獻縣一帶應辦事宜不能兼顧方受疇素屬能事經該督派辦疏消事宜尚屬妥協現在獻縣一帶道路雖已修整而低窪處所積水尚未全消即著責成該道一手經理道員雖無奏事之責但如派送堪布喇嘛進京等事俱准自行陳奏所有獻縣一帶疏消積水事宜著方受疇認真妥辦務使涸出道路一律修整平墊行旅得以通行無滯方為妥善並著該



道將現在該處積水是否全行消涸道路甃  
否墊平。車輛是否可以通行之處。即自行具  
摺陳奏。以慰懸注。將此傳諭知之。○又諭曰。  
梁肯堂覆奏。勘估通州入官房屋。估價短少。  
自陳惶悚一摺。內稱自五月內召見後。迄今  
數月。依戀之私。無刻少釋。請先詣闕。恭候  
恩命等語。已於摺內抹出。並詳加批示矣。前  
因通州前後兩任知州。估變張建業入官房  
屋價值。較之內務府司員所估。短至一倍有  
餘。恐不足以服該督之心。且該處房屋。坐落  
通州西門大街。與該督所奏偏僻處所。亦不  
符合。是以降旨。令該督前赴通州。候朕另簡  
大臣。帶同司員。知州。覆加勘估。該督自應遵  
奉前旨。將何日可抵通州之處。奏明。候欽派  
大臣到時。會同覆勘。迺摺內轉自陳依戀。此  
等虛言。聞之厭矣。該督身任地方。如果情殷  
戀主。何不將地方事務。籌辦妥協。朕得稍紓  
廛注。豈不較勝依戀虛言乎。所稱先詣闕廷。

恭候恩命。更可不。試思該督此時來京。並  
無應辦緊要事件。不過隨班召對。又何必急  
於來京乎。現在和珅已赴永定河。查勘隄岸  
工程。該督路過良鄉時。亦可與之會晤。至獻  
縣疏消積水事宜。已降旨。令道員方受疇。一  
手經理。自行具奏。以免該督兼顧之慮。此時  
該督竟應順道先赴通州。俟和珅等到後。會  
同覆勘入官房屋。事竣再行來京。亦不為遲。  
將此諭令知之。○又諭曰。畢沅奏。馳赴房縣。  
續獲邪教案犯王應熊等四十八名一摺。所  
奏總不明白。前據該撫奏。孽獲王應琥一犯。  
係遞上傳教之人。應從此切實窮究。倡教首  
犯等語。此摺係二十日遞到。距今已將一旬。  
豈尚未訊有供詞。况現獲之王應熊。聞其排  
行。與王應琥似屬弟兄。更應向該犯等嚴切  
研鞫。錄供奏聞。何竟無一字提及。僅以獲犯  
緣由。有何緊要用。六百里馳奏。畢沅向來尚  
屬能事。近日辦理邪教。看來大不如前者傳

旨嚴行申飭。又據福寧奏。提訊前獲之南陽縣劉喜狗一犯。供係劉文富親子。劉文富已經身故。實無傳教人等。與劉喜狗往來等語。昨福康安奏。據韓龍供。劉文溥係首先倡教之人。住居河南鄧州雷音寺旁等語。劉文溥與劉文富名字住址互異。自必有其人。已有旨傳諭穆和蘭。督飭所屬。迅速嚴拏。並令福寧幫同搜查。此案人犯既衆。頭緒太多。是以責成福寧承總辦理。該督駐劄襄陽。督辦

實錄卷一百五十一

三十

一切。距南陽鄧州不遠。如穆和蘭所辦未能周到。竟當馳赴河南。董率搜緝。該督不可不盡心勉力。務期究明起事之人。速拏嚴辦。定擬具奏。以副委任。所有畢沅奏獲之王應琥。王應熊等。如已解赴襄陽。並著該督訊取供詞。速奏。歸案辦理。仍由六百里回奏。將此諭令知之。○是日起。

上以孟冬享

太廟。齋戒三日。○癸丑

孝敬憲皇后忌辰。遣官祭

泰陵。○諭據全德奏。泰州海州各鹽場。本年六七八月等月。連遇風雨。湖河並漲。低窪處所。多有被淹等語。泰州海州各鹽場。因湖河匯注。多有被淹。雖雜糧蕩草。現據勘明。在五分以上。尚不成災。但煎曬已停數月。竈力不無拮据。所有本年應徵新舊折價錢糧。著加恩緩至來年麥熟後開徵。分作兩年帶完。其板浦中正。臨興。廟灣。西場。五十八年。因災借給口糧。亦著照例遞緩。又丁豁草堰。新興。廟灣。四場。並著照例借給草本銀兩。於來年五月後分限一年內扣清。至東臺。河垛。一場。雖被水較輕。但所產蕩草歉收。亦著一併借給草本銀兩。以資煎熬。而紓丁力。○甲寅。諭軍機大臣曰。孫士毅奏。川省鄉闈榜發。查明三場完竣。未經中式年老諸生甚多。選其年力尚強者。開單進呈等語。所奏是。各省年老諸生。因其皓首窮經。尚能踴躍觀光。榜發未經獲售。

實錄卷一百五十一

三十一

是以於該督撫奏到時。特加恩分別賞給舉人副榜。用彰壽世作人之化。然因有此恩旨。而遂不加甄別。使名器得以濫邀。亦非敦實之道。各省辦理。俱未免有意見好。今孫士毅將例監及入學年分較近。並精力衰邁。不能進京會試者十六名。概行汰去。甚為得當。本年鄉試早經榜發。近省已陸續奏到。不及再加選擇。著傳諭各督撫。於下屆鄉試時。務照此慎選具奏。毋得仍前概行臚列。致滋冒濫。

實錄卷一千四百五十一

三十六

○貴州巡撫馮光熊疏報。乾隆五十八年分黃平。湄潭。施秉。三州縣。勸墾額內額外田。三百五十四畝有奇。○是月。署兩江總督蘇凌阿。江南河道總督蘭第錫覆奏。五十四。五兩年。寶家寨。王平莊等處。民堰漫缺。水勢直趨毛城壩。灘面刷深溝槽甚多。且恐大汛漫灘。是以修築土壩。穩護新工。與大學士公阿桂所奏情形相同。但接築太長。辦理未免錯謬。批。何言可辨。又奏。此後嚴飭道廳等。不得私

行接長。又批。亦可耳。又奏。務令河道通暢。隄工穩固。得旨。覽奏俱悉。○浙江巡撫覺羅吉慶奏。沿海產鹽地方。匪徒設竈私煎。現已拏獲嚴懲。仍派委員弁。添設巡役。以期查拏淨盡。得旨。認真查拏。毋為空言。

實錄卷一千四百五十二

三十七

大清高宗法天隆運至誠先覺體元立極敷文奮武孝慈神聖純皇帝實錄卷之一千四百六十一

大清高宗法天隆運至誠先覺體元立極敷文奮武孝慈神聖純皇帝實錄卷之一千四百六十二

監修總纂官經筵講官太子太傅文淵閣大學士文淵閣領侍衛內大臣傅家欽奉 上諭事仲慶管

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀級一次慶桂

總裁官經筵講官太子太傅文華殿大學士文淵閣領侍衛內大臣傅家欽奉 上諭事仲慶管

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀級五次

尋常紀級十四次臣德瑛經筵講官太子少保工部尚書紀級六次臣曹振鏞等奉

數修

乾隆五十九年甲寅冬十月乙卯朔享

太廟。

上親詣行禮遣官祭

永陵。

福陵。

昭陵。

昭西陵。

孝陵。

孝東陵。

景陵。

泰陵。

泰東陵遣官祭

孝賢皇后陵

端慧皇太子園寢頒乾隆六十年時憲書

順天府行鄉飲酒禮諭本年直隸山東

河南三省因雨水過多河流漲發節經降旨

令該督撫等董飭所屬盡心賑卹設法疏消

其辦理妥速各員業經分別加恩甄叙至派

委辦賑之員分投查勘妥為撫卹並有不辭

勞瘁乘船散給饘餅及攜帶銀兩親赴村莊

捐貲給與口食者所辦實屬認真可嘉此三

省雖經被水田廬多有淹浸該地方官因朕

疊沛恩膏優加賞卹能知實力奉公推朕惠

愛斯民之意妥協經理俾災黎口食有資安

居待賑不至遠去其鄉四出覓食看來所辦

賑務小民尚能均霑實惠自應一體量為獎

叙以示鼓勵著該督撫等查明實在辦賑出

力之員奏明分別議叙其中如有膜視民艱

解情偷安。甚或有不肖州縣。從中剋扣侵肥者。並著據實查叅。毋得稍存徇隱。該督撫惟當覈實查辦。毋濫毋遺。以示朕鄭重民依。舉措彰瘡至意。丙辰。

上御乾清門聽政。諭本年豫省因河流漲發。衛輝等三府屬多有被淹。已疊沛恩施。優加撫卹。蠲免秋糧。其未經被水之武陟等縣。應徵新漕。及舊欠米豆等項。亦經降旨分別緩徵。帶徵以紓民力。並令穆和蘭將被水較重

地方。節年緩帶銀糧數目。查明具奏。候朕加恩豁免。茲據戶部議覆。該省被水較重之汲縣等九縣。節年緩徵帶徵未完銀糧。酌量請免一半等語。固屬覈實辦理。第念本年河北三府。先經被旱。其汲縣等九縣。又復被水較重。小民生計。倍形拮据。若僅將節年緩帶銀糧豁免一半。究未能全免追呼。遂其含哺之樂。著將汲縣。新鄉。獲嘉。濬縣。輝縣。淇縣。河內。修武。武陟。九縣未完地丁銀四十一萬六千

六百四十六兩零。籽種口糧銀十六萬三千四百六十八兩零。漕糧米麥豆三萬六千五百三十二石零。常義漕薊等倉穀二十三萬九千八百一十二石零。俱著加恩全行豁免。該撫惟當嚴飭所屬。悉心妥辦。毋任吏胥等從中侵扣。並將應行豁免之節年銀糧細數。編貼勝黃。出示曉諭。俾窮鄉僻壤。無不周知。普霑實惠。以副朕軫念災區。恩施逾格至意。○又諭本年山東省因漫水下注。臨清東昌。

德州等處。地畝民居。多有淹損。已疊沛恩施。優加撫卹。蠲免秋糧。並令該撫將被水較重地方。節年緩帶銀糧數目。查明具奏。候朕加恩豁免。茲據戶部議覆。該省被水較重之臨清。武城。館陶。夏津。冠縣。邱縣。德州。恩縣。八州縣。並臨清。德州二衛。節年緩徵帶徵未完銀糧。酌請豁免一半等語。固屬覈實辦理。第念該處被水較重。小民生計拮据。若僅將節年緩帶銀糧豁免一半。究未能全免追呼。遂其

含哺之樂。著將臨清武城館陶夏津冠縣邱縣德州恩縣八州縣並臨清德州二衛節年未完地丁銀三十一萬四千六十六兩零麥本籽種口糧銀三萬五千九百五十五兩零漕米一萬四千四百五十三石零民借常社倉穀及南米豫麥合穀共三萬六千七百七十五石零俱著加恩全行豁免該撫惟當嚴飭所屬悉心妥辦毋任吏胥等從中侵扣並將應行豁免之節年銀糧細數編貼謄黃出示曉諭俾窮鄉僻壤無不周知普霑實惠以副朕軫念災區恩施逾格至意○又諭御史王城奏寶泉寶源二局現已減卯雲貴四川湖廣等省亦停止鼓鑄請暫行停減採挖銅鉛以杜私鑄等語雲貴四川等省現在正需籌辦停鑄及私繳小錢各事宜頭緒紛繁若復封閉礦廠地方官何暇常川前往查驗且封廠之後奸民惟利是趨勢必有潛往採挖等事是所謂封廠仍屬有名無實況廠徒人數衆

多礦廠一經封閉此等無業貧民餬口無資更恐滋生事端王城所奏止知其一不知其二但該御史既有此奏著交與雲貴四川各督撫將所言是否可採或應如何在各該廠設法稽查倍加嚴密以防透漏於服務更為有益一併悉心妥議具奏○以通政使成德為左副都御史○丁巳諭軍機大臣曰福寧奏全獲被搶邪教人犯並緝獲糾搶匪徒提解審辦一摺此案來鳳縣民人段漢榮等學習邪教經川省查拏就獲黃老三等輒敢糾人趕至酉陽州境搶回並毆傷護解鄉夫實屬可惡今福寧飭屬嚴拏除段漢榮主勝茂經該縣先行拏獲外其段老六等六名亦經代辦來鳳縣事蔣遇春全行拏獲又會同營弁將糾人搶犯之黃老三等十七名先後拏獲並究獲習教之張應昌等實屬可嘉著福寧於查辦此案事竣將蔣遇春送部引見以示獎勵其拏獲案犯實在出力之文武員弁

並著一併查明咨部議敘至此案被搶人犯及糾搶匪徒人犯較多。前於未經獲犯時曾諭令福寧親赴該處並多帶兵役嚴密搜查福寧並不拘泥即督飭所屬業將各犯全行拏獲辦理甚為迅速所獲各犯先經該府稟請移解酉陽州而福寧即飭令趕回仍解襄陽審辦可以就近訊究所辦俱為得當覽奏嘉悅著賞給玉搬指一個大荷包一對小荷包四個以示優獎看來湖北省辦理此案經

福寧嚴加督飭地方文武咸知奮勉認真緝緝可以無虞疎漏惟河南邪教人犯正須密訪嚴拏穆和蘭才具不能開展恐辦理未能周到襄陽與河南接壤福寧現駐該處竟當幫同穆和蘭將應行查拏之犯隨時知照迅速搜捕以期勿留遺孽並將豫省所獲緊要人犯提至襄陽歸案審辦更易于完結所有湖北現獲各犯福寧應即行審明分別辦理以示懲創並當趁此嚴辦之時將楚省吏

治民風實心整頓一洗積習用副委任方為妥善將此由六百里諭令知之○又諭曰宜興等奏奉天地方本年秋成較好米糧充足現在直隸山東各商至奉天省買運米糧絡繹不絕遵旨實力稽查毋使擡價居奇等語直隸山東被水地方收成較為歉薄市集糧石自不能充裕今商販人等前往奉天買運糧石流通實於小民口食有裨著傳諭該府尹等督飭各屬詳加曉諭凡有至奉天販運

糧石者務須平價出糶毋得遏糶居奇以資接濟將此諭令該將軍知之○以故四川永寧道屬泥溪長官司王恒孫之佐襲職○賑卹山東臨清德州冠縣館陶恩縣邱縣夏津武城并德州臨清十州縣衛本年水災貧民○戊午

上詣

雍和宮行禮○諭

雍和宮為

皇考世宗憲皇帝肇封潛邸

皇考踐阼後命曰

雍和宮。迨朕紹承大統。以

神爽憑依之地。理宜祇肅潔蠲。爰即舊時宮殿。

供佛莊嚴。每歲朕親詣拈香瞻禮。藉抒永慕之忱。用昭崇奉之義。因憶乾隆初年。鄂爾泰

曾提奏。其意欲將

雍和宮賞給和親王居住。朕未之允也。和親王乃朕之弟。俾居此處。雖無不可。但究係

皇考肇迹之區。若令列邸分藩者居此。

發祥之地。不特隣於褻越。並恐無福祇承。況和

親王分府之後。曾遭回祿。使當日遂允鄂爾

泰所請。則此

潛邸舊地。或值不戒於火。更成何事。體即或斯

地。曾為

皇考臨御。百神呵護。不至有意外之災。但自和

親王而後。襲爵業經四次。本應遞減。今當襲

貝子。朕格外加恩。兩次襲封親王郡王。今綿

備仍恩襲郡王。而所居王府。已不能修葺。整齊。聖飾懷題。漸就剝落。設以

雍和宮為和親王藩府。豈能如今日之紺宇梵

宮。輪奐常新。為萬世所瞻仰乎。然茲

雍和宮內。朕未經敬安

神御者。蓋因

皇考升祔

太廟。祫嘗禘祫。於饗昭虔。揆諸古制。原無別安神御之禮。況宮中有

奉先殿。景山有

壽皇殿。圓明園有

安佑宮。歲時瞻拜。已足申愾。聞僉見之。思故

雍和宮供奉三寶。不復敬安

神御。參稽禮意。實為至當。更思寧壽宮。乃朕稱

太上皇後頤養之所。地在禁垣之左。日後必

不應照

雍和宮之改為佛宇。其後之淨室佛樓。今即有之。亦不必廢也。其宮殿永當依今之制。不可



更改。若我大清億萬斯年。我子孫仰膺

昊眷。亦能如朕之享國日久。壽屆期頤。則寧壽

宮仍作太上皇之居。祥行無疆。更屬盡美盡

善。吉祥盛事。本日朕因親詣

雍和宮拈香。景仰

前徽。思垂奕禩。用是特頒訓諭。著繕錄兩通。一

交尚書房。一交內閣存記。俾我子孫知所憲

章。勿得輕為改作。用垂法守。○己未

上御太和殿視朝。文武陞轉各官謝恩。○諭本

日刑部進呈。趕入貴州省秋審情實之絞犯

王順一起。該犯充當廳役。輒敢藉差需索。逞

兇斃命。自當入於本年秋審情實。但細加披

閱。王順年僅十九。何以該廳將伊選充差役。

實大錯謬。各省吏胥人等。雖屬微賤。但一經

在官。俱各有應辦公務。無論書吏承行稿案。

兼司繕寫。非年幼者所能經理。即差役有緝

捕人犯。行刑管解之責。亦非年未及壯。膂力

軟弱者可以充當。可見外省於召募書役等

事。全不實心慎選。率點充數。甚至任聽賁緣

鑽刺。將年幼無知之人。徇情僉派。以致婪贓

斃命。釀成事端。今思此事。於吏治大有關係。

不可不嚴切申明。除失察王順釀命之仁懷

廳同知李棟業經革職外。仍交部存記。永不

敘用。以示懲創。各督撫務宜通飭所屬。嗣後

召募書役。務須遴選老成強幹之人。不可以

年齒太輕者。濫行准充。如再有陽奉陰違。致

有效尤王順者。一經發覺。不特李棟為該州

縣前車之鑒。所有該管之督撫。及各上司。亦

當一併從重議處。決不寬貸。○諭軍機大臣

等據秦承恩奏。審明邪教首夥各犯。分別定

擬一摺。此案陝省拏獲首夥多名。該撫即將

各犯分別定擬具奏。辦理尚為妥速。至此事

福康安初次奏到時。閱其情節較重。嗣經各

該省先後獲犯。訊供祇係為騙錢惑眾起見。

尚非重大之案。現據湖北省先後拏獲一百

六十餘名。四川拏獲一百餘名。河南亦拏獲

十餘名。節經降旨。令各該督撫等速行定案具奏。本日又據穆和蘭奏。拏獲案犯宋顯功等。嚴訊傳教情由。據供遞上老教主係名劉松原。係河南鹿邑縣人。於乾隆四十年混元邪教案內。問擬軍罪。充發甘肅隆德縣地方。伊子劉四兒。於四十五年曾往配所。同在隆德北關外開雜貨鋪生理。劉松有幼孩名喜兒。劉松指為彌勒佛轉世。宋顯功曾同李殿邦。張思瑤。前赴隆德。送給劉松根基銀兩。並見過劉四兒。稱為師傅等語。是此案倡教之犯。又在甘肅。該省地瘠民貧。向無此等事。今既有流往邪教之黨。恐無業之人。易為所惑。著傳諭勒保。即速嚴密查拏。將劉松父子等。即行拏獲。並詳加訊究。如該犯在配。祇係河南等省同教案犯。潛相往來收受根基銀兩。此外並未在甘省地方收徒傳教。即將劉松父子派委妥員解至襄陽。交福寧歸案究辦。若該犯在配。竟有煽惑甘省民人傳習邪教

之事。必須究明查緝。人數恐又不少。勒保即應將查拏各犯逐一訊明。即照陝省之例。分別定擬。速行結案。不必復解襄陽。致滋延宕。  
○庚申。  
上御懋勤殿。勾到秋審官犯服制及雲南貴州情實罪犯。停決官犯絞犯一人。服制斬犯五十七人。絞犯二人。餘三十一人。予勾。○諭曰。周樽奏遵旨查明鳳陽泗州二屬。因夏秋連得大雨。峯山閘減洩。上游河流下注。又安慶池州府屬。八月連雨。上游江水下注。低窪地畝。俱未免被淹。減收等語。鳳陽泗州。本係積歉之區。安慶池州。上年亦屬被水。歉收。本年復因雨水稍多。江河漲發。低窪地畝。收成歉薄。若將新舊錢糧。照舊徵收。民力未免拮据。著加恩將懷寧桐城潛山宿松望江貴池銅陵東流壽州宿州鳳陽懷遠定遠靈璧鳳臺泗州盱眙天長五河等十九州縣。並安慶鳳陽長淮泗州等四衛。被水村莊。應征本年地

丁南屯米麥豆折蘆課津貼屯折並歷年舊欠錢糧及因災借帑各項均緩至來年秋成後遞展啟徵其應徵新舊漕糧漕項銀米亦緩至來年秋成後與新漕一併搭運俾民力益臻寬裕以示朕懷念窮黎恩加無已至意該部知道○辛酉諭本日梁肯堂奏殺死一家母子二命之邢守隴一摺已交軍機大臣會同刑部覈擬速奏矣此等案件各省向係具題近因其情節可惡未便照尋常命案辦理致兇犯日久稽誅是以令各省督撫專摺具奏今思此等殺死數命之案所犯情罪亦有不同嗣後各省如遇有殺死一家三命以上及殺死非一家四命以上之案仍著專摺具奏其殺死一家二命及非一家三命者該督撫等但應速行具題於題到時內閣即票覈擬速奏簽進呈即交法司衙門立行速議具題亦不致久稽顯戮足以儆兇暴而示區別○又諭曰已寧阿前在兩淮鹽政任內貪

婪不職而與商人聯宗一事尤為卑鄙是以定擬絞候第所犯款蹟止於卑鄙無恥其罪尚不至於死且念其平日辦理工程尚屬諳習著加恩釋放但伊情罪較重非如董椿之僅止徇庇者可比不便即邀錄用反覺在董椿之上著賞給拜唐阿前往熱河同董椿在工程處自備資斧効力贖罪○軍機大臣議准陝甘總督勒保奏稱巴里坤鎮屬之穆壘營牧廠弁兵向在安西河州靖逆三營內派撥千把外委二十二員兵一百一十二名前往協牧查安西河州靖逆三營駐劄口外管轄十一營堡一經抽撥稽察難周而附近之瑪納斯濟木薩屯田官兵既經裁撤歸營差務較少請於瑪納斯濟木薩二營照數改撥原派弁兵撤回從之○壬戌諭軍機大臣曰福寧奏審明王應璩宋之清二犯係邪教案倡首惑眾之人其所稱牛公及彌勒轉世連日提訊各犯已一百二十餘名無不逐加窮

詰問有聽聞牛八之語者加以刑夾均無指實等語所辦好牛八掌教彌勒轉世之語現經福寧搜出邪經係起自前明正德四年且乾隆二十二年三十三年河南貴州所辦邪教已有牛祖八牛名目自係奸徒捏造撫拾無稽煽惑流傳冀圖聳聽但現據勒保奏訪獲劉松一犯於伊卧房中搜出銀二千兩據供有舊徒安徽太和縣原香集人劉之協及劉之協徒弟宋之清自五十四年起至五十八年曾到過隆德六次起出之銀就是劉之協令宋之清向衆人斂取打丹銀兩陸續送給劉松等語劉松一犯昨據穆和蘭奏訊據宋顯功等供俱稱為老教主是該犯必係此案倡教之人宋之清所傳邪教尚得自劉之協劉之協又得自劉松乃宋之清在湖北經福寧再四嚴審並未將劉松劉之協據實供吐實為狡猾可惡自應從重究擬以示懲儆現經勒保訊出劉松舊徒劉之協又係安徽

太和縣人恐安徽一省習其教者又復不少此事著交與蘇凌阿陳用敷督飭所屬務將劉之協密速查拏嚴加審鞫該犯如何為劉松傳教斂錢並將訊出入教之人一併嚴拏仿照陝西之例分別定擬具奏其劉之協一犯亦即遵委妥員解赴襄陽交福寧歸案辦理○癸亥諭據蘇凌阿李奉翰等前後奏報黃河秋汛安瀾工程平穩各摺覽奏心誠欣慰黃河水勢自七月以來間有長水之處埽壩各工遇有緊要處所節經該河督等督率所屬隨時修護穩固溜勢平定現在已過霜降河流順軌安瀾蘇凌阿蘭第錫李奉翰穆和蘭俱著交部議敘其在工出力人員亦著該督查明一併咨部分別議敘以示獎勵○諭軍機大臣曰長麟等奏荷蘭國遣使貢表納貢懇求進京叩祝一摺此是好事披閱長麟等譯出原表該國王因明年係朕六十年普天同慶專差貢使貢表到京叩賀情辭極

為恭順。長麟等因其表文係公班大臣呢得  
破等代伊國王出名與體制稍有不符。復加  
盤詰。何必如此深論。自應准其來京瞻覲。遂  
其向慕之忱。著長麟等即傳諭該使臣等知  
悉。並派委妥員護送起程。祇須於十二月二  
十日封印前一二日到京。俾得與蒙古王公  
及外藩諸國使臣一體同邀宴賚。並著知會  
沿途經過省分。令各該督撫一體派員按例  
照料。以便如期到京。再荷蘭國所進表文在

京西洋人不能認識。並著長麟等於居住內  
地之西洋人有認識荷蘭國字體兼通漢語  
者酌派一二人隨同來京。以備通譯。將此由  
六百里諭令知之。○旌表守正捐軀浙江石  
門縣民張繼高妻張氏。○甲子。諭本年順天  
鄉試中式舉人。昨於乾清宮嚴行覆試。特派  
大臣將試卷閱看。分別等次進呈。其列為一  
等五名內黃焜望。陳超曾原係中式一二名。  
是考官等校閱尚屬允當。其列為四等五名

內史積誠覆試題目繕寫錯誤。文內亦有錯  
字。實屬違式。該舉人原中式二十三名。係在  
前列。所有主考官著交部察議。同考官交部  
議處。以示激揚至意。○又諭據秀林奏本年  
三姓地方田禾水淹。復經霜災。已咨該副都  
統令將被災人等接濟口糧。查明另行具奏  
等語。三姓地方被災各處田禾收成歉薄。自  
當接濟口糧。不令失所。今秀林既已咨行額  
勒納克令其確查辦給。但該處所存糧石是

否數用。及被災輕重情形。並未聲明。著秀林  
悉心查明。奏聞妥辦。以副朕軫念災黎至意。

○乙丑

上御懋勤殿。勾到廣西廣東福建情實罪犯。停  
決福建斬犯七人。絞犯二人。餘一百九十九  
人予勾。○諭曰。浦霖奏勘明漳郡並所屬一  
廳三州縣被水情形。分別賑恤一摺。覽奏深  
為憐憫。此次漳州府屬因遇大雨。潮水漲發。  
漫溢城鄉。衙署倉庫監獄及兵民房屋多被

衝塌前據奏到。即令浦霖逐加查勘。將倒塌民房及淹斃人口。俱加恩按例加兩倍賞恤。茲據該撫親身巡查。並攜帶錢文。隨時散給。分廠放賑。災民口食有資。不致失所。辦理俱屬周妥。浦霖著交部議敘。該處衙署倉庫監獄兵房等項。著即速動項興修。俾得以工代賑。其民間倒塌房屋淹斃人口。業經浦霖照例賞恤。仍著遵照前旨。俱加兩倍補行給賞。漂失倉廩穀石。准其豁免。所有被水地方。並著該撫查明。將本年應納秋糧。加恩蠲免。以示軫恤。至龍溪縣猝被水災。監房倒塌。該管典史程安。冒險進監。搶出禁犯。致被牆壓受傷。前任龍溪縣降調知縣王履吉。奔赴幫護。協同看守。又隨同浦霖辦理賑務。俱為奮勉出力。王履吉程安。俟辦理災賑完竣。給咨送部引見。以示鼓勵。其盜犯猝經被水。經該典史等押至縣署高處羈縻。並無一名走脫。以漳州民風向鮮淳樸。今能如此安靜守法。實

屬可嘉。併著該撫查明。將問擬斬絞之犯。俱加恩減一等。按例報部。秋審時更酌減。其問擬軍流杖徒各犯。俱行釋放。俾各省監犯聞知。設監獄遇有猝被不虞。咸知安分守法。必得仰邀格外恩宥。倘有乘間脫逸者。即當擒獲正法。以昭勸懲。而明法紀。所有一切賑恤事宜。浦霖惟當親督所屬。妥為經理。俾小民均霑實惠。用副朕軫念災黎。恩施逾格至意。○丙寅旌表守正捐軀山東諸城縣民劉顏女劉氏。滋陽縣民賈繼魯妻賈氏。河南林縣民桑某女桑氏。○丁卯。諭據蘇凌阿等奏。松江府太倉州兩屬華亭等縣。因八月中積雨連綿。低窪處所。稻苗生有黑蟲。秋收歉薄等語。華亭等縣。本係沿海地方。秋間雨水過多。低窪田畝。稻棉間多受傷。收成不無歉薄。民力未免拮据。所有松江府屬之華亭奉賢婁縣金山上海南匯青浦太倉州並所屬之鎮洋崇明嘉定寶山等州縣。並太倉鎮海二衛

坐落各州縣屯地除高阜成熟地畝仍行照常輸納外其低窪受傷之田本年應徵應帶地丁漕糧著該督等查明一併加恩緩至來年秋後帶徵俾民力益臻寬裕以副朕加恩閭閻至意○又諭據惠齡奏查勘京山等州縣被水情形一摺內稱京山潛河天門江陵監利五縣成災較重之處實有七分其餘成災六分五分不等荊門沔陽漢川三州縣均各成災五分其餘俱勘不成災等語京山等州縣猝被水災漫溢田廬情殊可憫現據該撫查明散賑俾資口食但此等被災小民生計維艱若令照常輸納恐民力益形拮据所有京山等縣本年未完錢糧著該撫查明按照成災分數照例分別蠲免緩徵其各縣內應行帶徵歷年錢糧隄費一體加恩分別緩帶其各州縣內坐落軍戶屯田並各軍戶應徵本年運費亦著一併查明分別蠲緩至勘不成災各屬地畝均與災地毗連所有本年

應徵錢糧均著緩至次年麥熟後徵收以紓民力該撫惟當督率詳查妥為經理覈實題報俾閭閻均霑實惠以副朕軫念民依有加無已至意○諭軍機大臣曰費淳奏監臨場務一摺內稱富綱因省城彈壓需員俟出闈之後再行馳赴新任等語所奏殊不明晰富綱早經自滇帶印起程前赴貴州為時已久乃費淳於此次摺內始行奏及且聲敘牽混竟似費淳有馳赴新任之事尤屬冒目不清再各省秋成分數朕軫念民依無時或釋每屆該撫等應行具奏時亟欲披覽以慰厘注今費淳奏報收成自應列為首摺乃轉在辦理監臨照例奏摺之後實為不曉事體輕重費淳係護理巡撫本任又係藩司於具奏之摺何以不留心檢點若此著傳旨申飭嗣後陳奏事件務須酌量先後次第並將第一摺第二三摺繕寫黃簽黏貼封面之上以便次第披覽除令軍機大臣行知各直省督撫等

遵照外。將此諭令知之。○以翰林院侍讀學士羅國俊為順天武鄉試正考官。翰林院侍講劉鐸之為副考官。○賑卹直隸霸州保定文安大城固安永清東安宛平良鄉涿州通州武清寶坻薊州寧河香河灤州昌黎樂亭清苑滿城安肅新城博野望都容城蠡縣雄縣祁州東唐安州高陽新安河間獻縣阜城肅寧任邱交河景州故城吳橋東光天津青縣靜海滄州津軍廳正定井陘阜平行唐平山晉州無極藁城新樂南和平鄉鉅鹿任縣永年邯鄲成安肥鄉曲周廣平雞澤威縣清河磁州大名元城南樂豐潤玉田冀州南宮棗強新河武邑衡水趙州隆平寧晉深州武強饒陽安平定州曲陽深澤九十二廳州縣本年水災貧民。○戊辰諭據恒瑞等奏遵旨查勘將威豁爾等七卡移駐原處北界餘地請賞給瑪克素爾扎布阿扎喇等游牧等語威豁爾等七卡移駐原處北界既便於會哨

於烏梁海等游牧毫無關礙。蒙古等亦有裨益。著照恒瑞所請。將餘地加恩賞給瑪克素爾扎布阿扎喇等游牧。以示體恤。衆蒙古之意。○諭軍機大臣等。據李奉翰奏時逾霜降。水落歸漕。各工鞏固一摺。前據蘇凌阿等奏秋汛安瀾。工程平穩等語。業經明降諭旨。將該督等交部議敘。但本年東南兩河。因夏秋雨水過多。七月以後。水勢長發。較往年旺盛。大河溜勢。趨向靡常。節經該督等督率所屬隨時修護。現在時逾霜降。水落歸漕。隄工穩固。此皆仰賴河神默佑。河流順軌。安瀾實深敬感。所有南河東河兩處著各發去藏香二十枝。交蘭第錫李奉翰前詣河神廟內。敬謹拈香祀謝。以答靈麻。將此諭令知之。○又諭朕披閱廓爾喀紀畧。福康安自第哩朗古宗喀進兵收復濟龍攻克熱索橋。並由協布魯進攻東覺山梁



等木城碉卡。全行克復。該處路徑險峻。林深  
箐密。福康安率領已圖魯侍衛官兵等。於人  
跡不到之處。攀援登陟。連次克捷。實為艱苦  
備嘗。披覽之餘。殊深眷念。此時福康安自己  
由重慶前赴雲南。時屆孟冬。天氣漸寒。特將  
上服黑狐大腿褂賞給。俾資途中禦寒。以示  
優眷。將此諭令知之。○旌表守正捐軀直隸  
肥鄉縣民趙擇成妻鄔氏。○己巳。諭軍機大  
臣曰。福寧奏查明鄧州一帶並無劉文溥等

各犯。及雷音寺名目一摺。內稱宋之清一犯。  
為此案倡首興教之人。供出興教傳徒。而於  
宋顯功所供老教主。係甘肅軍犯劉松。宋之  
清令李殿邦等送銀赴甘等情節。研究不吐。  
現在提犯質對。不敢遷就定案等語。此案係  
甘肅軍犯劉松。首先倡教。宋顯功所供之語。  
竟屬不錯。昨據勒保具奏。訊明劉松與劉之  
協商量將王雙喜兒。捏名牛八。偽稱明裔。又  
指劉四兒。為彌勒佛轉世。嗣劉之協徒弟宋

之清。自立一教。另拜南陽李三瞎子為師。稱  
為真彌勒佛。並指李三瞎子之子卯金刀。小  
名卯兒者。將來必定大貴。是劉松一犯。實為  
此案教首。其各省犯供互異之處。及捏稱牛  
八之王雙喜兒。捏稱彌勒佛之劉四兒。李三  
瞎子。並李三瞎子之子卯兒。均已查訊確實。  
別無劉卯其人。實屬可信。所有劉文溥。劉卯  
李三等姓名。係韓龍在川省供出。若令韓龍  
質訊。無難得實。且所提祇有韓龍一犯。解送

尚易著福寧即行飛提該犯迅速至襄陽訊  
問。或係該犯妄供。或係各犯均有實在下落。  
一經質訊。自可不致狡飾。○又諭刑部議駁  
湖南省劉方之放鎗傷死劉良實一案。所駁  
甚是。已依議行矣。細閱此案情節。劉方之因  
劉良實拾石向擲。即迎面舉鎗。是已有向人  
施放之勢。乃供招內復稱衣袖挫落火繩。將  
他中傷等語。又似出於無心。供情已屬兩歧。  
且該犯如果僅止舉鎗恐嚇。並非有心點放。

何由火發砂出致有傷斃人命之事所供殊未確實該撫既將劉方之照故殺律問擬斬候又稱其無心挫落之供而定以有心殺人之罪辦理殊未允協姜晟係由刑部好司員擢任侍郎於刑名事件應屬素所諳習何以定擬失當若此姜晟著傳旨申飭並將刑部擬駁情節鈔寄閱看該撫即將劉方之一案再行悉心研鞫訊明確供以成信讞並將因何供擬不符之處明白回奏

書具奏

光

大清高宗法天隆運至誠先覺體元立極敷文奮武孝慈神聖純皇帝實錄卷之一千四百六十二

大清高宗法天隆運至誠先覺體元立極敷文奮武孝慈神聖純皇帝實錄卷之一千四百六十三

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭軍機處管理處

吏部院院事務正黃旗滿洲都統世襲副都統軍功加七級隨帶加一級奉旨加二級軍功紀錄一次慶遠

總纂官經筵講官太子太傅文華殿大學士文淵閣領閣事稽察欽奉 上諭軍機處管理處刑部戶部工部事務

世襲副都統軍功加十九級隨帶加二級又加二級軍功內大臣戶部尚書經筵講官滿洲都統軍功紀錄六次

尋常紀錄十四次臣德慶經筵講官太子少保工部尚書紀錄六次臣曹振鏞等奉

敕修

乾隆五十九年甲寅十月庚午

書具奏

上御懋勤殿勾到四川情實罪犯停決斬犯五人餘七十九人予勾○諭昨九月間石經館司事大臣等奏士子所讀經書多係坊本即考證之家亦止憑前明監本然監本中魚豕之舛謬字句之衍缺不一而足我朝文治光昭

聖祖仁皇帝御纂四經及欽定三禮武英殿官刻十三經勘讐精覈久已頒發費序嘉惠藝林但各書卷帙繁多草茅寒素艱於購覓未

必盡人能讀。近因刊刻石經出內府所弄天祿琳瑯宋版各經古今流傳舊本莫不蒼萃。蒙命臣等詳悉校對與武英殿官刻諸書參稽印證逐條摘出釐訂成編書不過六冊而俗本相沿謬靡不開卷瞭然擬名考文提要請頒行天下俾士子人人得窺中秘精華不復襲別風淮雨之陋但恐為期過促僻遠地方傳布尚有未周請於乙卯科鄉試為始俟三科後考試四書五經題文俱照頒發各條敬謹改正倘再有沿用坊監本以致舛誤者將考官及士子分別議處停科朕已允行茲該館書成呈覽抽閱數條不過字句書體間有異同於聖賢經義初無出入在總裁等校刊石經自應折衷善本援摺精詳而士子等自束髮受書以來父師授受循誦習傳若限以三科遽令通行遵改似屬強以所難且恐鄉閭村塾傳布難周未能家置一編熟習貫串或應試者因一二字句舛誤被斥或考

官等偶不及檢遂干處分似此繁列科條轉非朕嘉惠士林稽古右文之意聖賢垂教之義原不在章句之末即流傳古本儒先各守經師家法未必無習誤承謬士子等操觚構藝惟期闡發經旨亦不必以一二字之增損偏旁之同異為去取也另著該總裁等詳繹此旨折衷妥議具奏

御製石刻蔣衡書十三經於辟雍序曰前歲集石鼓文而為之序有曰凡舉大事者必有其

會與其時而總賴昭明

天貺以成其功信弗爽也石鼓不過周宣王之事列於

文廟之門以寓興文尚俟其時其會若夫十三經則古聖先賢出諸口以傳道授教其重於石鼓文奚啻倍蓰哉則今之石刻十三經是矣蓋此經為蔣衡手書獻於乾隆庚申者其間不無舛謬爰命內翰詳覈以來之懋勤殿之高閣至於今五十有餘年亦既忘之

矣。昨歲命續集石渠寶笈之書司事者以此經請。乃憬然而悟曰：有是哉！是豈可與尋常墨蹟相提並論，以為幾暇遣玩之具哉？是宜刊之石版，列於辟雍，以為千秋萬世崇文重道之規。夫經者常也，道也。常故不變，道則恒存。天不變道亦不變，仲舒之言實已涉其藩矣。蓋石經之昉自炎劉，一字曹魏三字，訖不可攷。李唐北宋雖曾有刻，或乖或不全。茲則出一人之手，經諸臣之目，視歷代為加詳。

矣。予自六齡入學堂，讀易書詩三經，所為易簡而天下之理得，二典三謨為王道始正，變風雅不知無以言及長而涉獵三禮，覺與三經為有間。枕昨麟經，慎正統偏安之必公攷攷饜飫，耄耄弗衰，雖自愧學之未成，迺今刻諸石，列諸辟雍，應時舉事以繼往聖，開來世為承學士之標準，豈非厚幸也歟？蔣衡一生苦學之勤，亦因是酬矣。若夫歷代注疏入主出奴，紛如聚訟，既冗且繁，衡祇書諸經正文。

餘概從刪是也。或以為不觀注疏何以解經？予則以為以注疏解經不若以經解經之為愈也。學者潛心會理，因文見道，以六經參互之，必有以探其源而晰其奧者。是在勤與明而已。且予重刻木版之十三經注疏頒布世間者不少也。舉辟雍以五十年，勒石經又越六載，凡所以待其時而逢其會，八十老人復得成斯大功者，何莫非賴。

昊天之鴻貺乎？昔著知過論，以為其不可已者。

仍酌行之斯之謂矣。蓋凡物有其成必有其壞，所謂石鼓石經者皆是也。然向不云乎？經者常也，道也。

天不變道亦不變，依聖人之門牆，示萬世之楷則，孰謂滄桑幻化能移我。

夫子不朽之道也哉！是為序。又諭本年夏秋雨水過多，河間天津一帶道路被淹，經朕屢降諭旨，令該督鹽政派委運司道府等分投籌辦，設法疏消，並將淤濘處所上緊填墊。

以利行旅昨復派令舒常前往查看茲據回京覆奏該處道路均已修墊平坦重車行旅皆可往來無阻等語是該員等辦理尚為妥協所有在事出力之運司道府俱著交部議敘○辛未諭鑲白旗滿洲都統參奏印務叅領伊蘭泰因出派署理佐領之事在都統前抗衡必欲指派德喜署理等語伊蘭泰身係旗員因欲私袒擅敢在該管大臣前抗衡殊干法紀此風斷不可長伊蘭泰著革職交刑部治罪該旗官員習俗不善皆由從前弘暢任縱所致弘暢弘旸皆係近派宗室因其尚可造就故令伊等管理滿洲旗務不意竟將旗務辦壞朕向從寬仍著管理蒙古旗看來即蒙古旗務亦難管理若再因循日久該二旗亦必染成惡習弘暢著革去都統不必在內廷行走令隨朝班弘旸著革去都統加恩賞給奉恩將軍職銜交宗人府約束○西安將軍舒亮等覆奏查明入官地畝賞給駐防

兵丁以為養贍孤寡之用查西安駐防滿營節經奏准於馬廠牧地租銀內支給但該營生齒日繁自應籌款添補請於西安滿營內裁缺移駐入官地八頃三十畝零召佃納租以備散給得旨自當如此○以正黃旗護軍統領富銳為正藍旗蒙古都統鑲藍旗護軍統領巴克坦布為正紅旗蒙古都統御前侍衛公惠倫為鑲藍旗護軍統領壬申諭軍機大臣曰福康安定擬桐梓縣私鑄人犯一案具奏並將私鑄錢文隨摺呈覽朕閱私錢輪廓形模轉勝於外間行使之小錢可見小錢充斥總由外省官局鼓鑄局員等將官錢私行減小額外多鑄希圖贏餘分潤錢法日壞分兩輕減形質脆薄致使奸民轉將小錢改鑄如式之錢乘機牟利今福康安所呈私鑄之小錢反勝各省官局之錢即其明證也各督撫有稽查錢局之責任聽局員等如此營私舞弊以局鑄之錢竟至不如奸民私鑄

之錢。寧不自知慚愧。現辦理此案。因小民等牟利作奸犯科。不得不按律治罪。若以此等私錢形製而論。局錢果能如此鑄造。不當予以獎賞耶。著將福康安進呈私鑄錢文。分發有錢局各督撫及局員等閱看。令其各知愧悔。嗣後務須隨時稽察。認真鼓鑄。若再仍前偷減滋弊。恐不能當此重咎也。除就近傳諭戶工二部錢局外。將此各諭令知之。○又諭曰。福康安奏審擬私鑄人犯分別辦理及邪教案犯分解成都襄陽各摺。據奏川北道楊揆隨同辦事有年。現在前赴雲貴。新任查辦錢法等事。須得隔省實心任事之員。隨往查察。庶免迴護。請將楊揆帶赴滇省。一兩月後。即令回川供職等語。向來督撫於調任後。請將此省官員帶往彼省。久經飭禁。蓋各省俱有屬員。足資交辦。事件何必將舊任官員帶赴新任。使閭屬轉疑督撫另有信用私人遇事不肯出力。而所帶之員又或因督撫相待

稍優。未免倚藉聲勢。漸次專擅。甚至通省官員。不畏督撫而轉畏帶往之人。此等流弊。皆所不免。雖福康安受恩深重。且在封疆歷練有年。自能留心查察。秉公持正。不至有此等弊端。但亦不可不防其漸。此事若他省督撫違例具奏。朕必加之申飭。今因福康安新調雲貴。為整飭錢法等務起見。姑從所請。准其暫行帶往。俟交辦之件。一有頭緒。應即飭令仍回川北。本任福康安到雲南後。於所屬中遴選委用。何地無才。亦自足供指臂之助也。○以散秩大臣豐紳殷德為正黃旗護軍統領。○癸酉。諭昨據福康安奏審擬桐梓縣奸民私鑄一案。並將私鑄錢文進呈。因命取戶工二局鑄存之錢。送閱輪廓字畫模糊。不真。不但不及康熙雍正年間錢式。並乾隆初年之不如。所有十年以內戶工二部管理錢法堂之侍郎及監督等。俱著查明。按其在任年月久暫。交部分別嚴加議處。以示懲儆。○調

正紅旗蒙古副都統奎舒為鑲黃旗滿洲副都統鑲紅旗蒙古副都統額勒登保為正藍旗滿洲副都統（豁除浙江仁和場潮坍沙地一千六百一十八畝有奇額賦（甲戌以散秩大臣晉昌為正紅旗蒙古副都統散秩大臣綿標為鑲紅旗蒙古副都統刑部侍郎阿精阿為正白旗漢軍副都統（旌表守正捐軀四川威遠縣民王子建妻萬氏（乙亥上御懋勤殿勾到奉天情實罪犯斬犯十六人絞犯十三人俱予勾（諭前據勒保奏在甘肅隆德縣地方拏獲邪教案犯劉松究出該犯舊徒劉之協籍隸安徽當經降旨令蘇凌阿等密速查拏究辦茲據蘇凌阿覆奏接奉諭旨後因甫入武闈內簾諸生雲集候考未便不俟終場出闈他往當即飛飭江蘇臬司熊枚馳往督拏等語所辦甚是前次畢沅在湖廣總督任內接准川省咨文查拏等犯毆差匪徒畢沅在省城並無應辦要務安坐衙

齋止派委司道等前往會拏並不親往督緝是以將伊降補巡撫今蘇凌阿適值辦理闡務若不俟終場遽行出闈前往安徽則諸生雲集考試之時轉涉張皇而駭觀聽自不應親往查辦外省督撫辦理地方要務或耽於安逸坐守省垣或見畢沅因此獲咎又不論事體輕重率俱親往查辦非過即不及皆所不免今蘇凌阿能知緩急深為得當著賞大荷包一對小荷包四個以示獎勵現在劉之協一犯已有周樽陳用敷先後前往查拏無難就獲蘇凌阿出闈後即不前往亦可朕於臣工功過賞罰一秉至公如畢沅之玩視要案則加以降黜若蘇凌阿之斟酌得宜即予以獎賞各督撫嗣後遇有應辦要務惟當權衡緩急辦理得中以副委任（又諭曰豐紳濟倫不必管理光祿寺事務著改派景安兼管（丙子諭前因雍和宮為

皇考世宗憲皇帝潛邸乾隆初年鄂爾泰曾請賞給和親王居住殊屬非是朕未之允業經降旨交尚書房內閣存記本日恭閱世宗憲皇帝實錄雍正二年禮部奏請將皇考潛邸升為宮殿交工部會同內務府敬謹營造翰林院撰擬嘉名當蒙降旨允從敬維皇考之意亦以潛邸舊地應升為宮殿俾為萬世景仰以肅觀瞻朕前降之旨適與

聖意相合夫以

發祥肇迹之區自應潔蠲祇肅况已升為宮殿若復令分藩列邸者居此降為王府有是理乎鄂爾泰在雍正年間即為大學士軍機大臣迨恭纂

實錄時伊復充總裁官

皇考諭旨鄂爾泰寧未之知乃復為此奏其意不在見好於和親王乃在得時譽耳大臣居心豈宜若是現在鄂爾泰子孫式微不能克

家未必不由於此是

雍和宮必當改為佛宇斷不可作為王府將來我子孫內有由藩邸紹承大統者並應永遠欽承用昭法守此旨亦著繕錄二通分交尚書房內閣同前旨一併存記○又諭曰婉嬪循嬪著晉封為妃貴人林氏著封為恭嬪陳氏著封為芳嬪常在錫林覺羅氏柏氏著封為貴人所有應行典禮各該衙門察例具奏○又諭前因鄉試中式舉子恐有頂替鎗冒情弊是以令各省督撫於榜後通行覆試其止有巡撫省分派布政使會同提鎮監臨闈務巡撫專辦覆試原係嚴防弊竇之意今思中式舉人均須會試文理庸劣者未必能屢次獲雋即或倖捷禮闈而會榜後尚當嚴行覆試已足以遠拔真才清釐冒濫設有情弊儘可一併斥革將鄉試小考如何鎗替弋獲之處徹底究辦則各省可不必疊加覆試致涉紛繁且止有巡撫省分因覆試之事另調



提鎮監臨辦理恐不能妥協所有覆試一事除會試後仍著嚴行覆試外其順天並各省鄉試榜後覆試及覆勘之例均即停止如有事故尚未覆試者亦著免其補覆其各省監臨之例仍著照舊辦理又諭據長麟等覆奏遵照部駁停止鼓鑄一摺內稱廣東省民間行使錢文民禁嚴於官禁不惟私鑄小錢不能流通即新舊官板制錢亦必分別挑揀銅質稍有輕糙即低賤不能行使是以有加銅之議等語各省小錢充斥總由於局員將官錢私行減小希圖分潤朕早經鑒及此弊節次降旨令各督撫實力查禁以期錢法肅清今長麟等奏該省民間行使錢文凡官板制錢銅質輕糙者即低賤不能行使此非官鑄錢小之明證乎可見各省官局鼓鑄不免私行偷減而小錢之弊不在民間而在官局長麟等欲蓋彌彰竟不啻自行承認不出朕之所料但年久之弊亦不深究耳各該督撫

務須督飭地方官認真查禁毋任私鑄匪徒潛蹤溷跡尤不可妄聽屬員捏稱錢責懲愚開鑪以清錢法而便商民方為妥善將來各省官局如再有偷鑄減小情弊必將該督撫及局員等一併治罪又諭軍機大臣等現在記名應用總兵之副將並無保舉堪勝之員遇有要缺乏人簡用著傳諭各省總督於通省水陸副將內擇其人材技藝可觀熟諳營伍舟師堪勝專閫之任者每省各保一員速行送部引見該督等務須秉公保舉毋任冒濫○又諭本日據江寧委員將黎維治張廷春二人解到當令軍機大臣詳加訊問據供伊原名黎維溥實係黎維祁同曾祖族叔並據親筆開呈譜系支派及避難內投情形頗為明晰並令黎維祁之母及黎維被當面識認彼此俱屬相識指認明確伊等相見即抱頭痛哭察其詞色斷不應假是黎維溥之為黎氏近支已無疑義前此阮光纘表稱恐係

土目等冒名內投一語。顯係捏飾。茲特頒敕諭。詳切訓示。該督等接奉後。即派員趕赴鎮南關。仍交成林頒給。令其祇奉。俟該國王接奉後。如何登答覆奏。或伊具咨呈覆該督等。於接奉日。即行迅速奏聞。除將黎維溥及張廷眷二人就近交金簡入於黎氏佐領下。編管安插外。將此諭令知之。敕諭安南國王阮光纘曰。前據兩廣總督長麟等奏。安南國有呈進表文一件。內稱徧查該國。並無黎維

治其人。黎氏宗族亦無奔逃之事。恐係該國土目農福縉黃文桐餘黨捏冒。內投懇為究查等語。朕因命御前大臣福長安等詢之黎維祁之母阮氏及黎維桼等。亦稱伊近族弟兄並無名黎維治者。是爾前表非虛。當經降諭嘉獎。並令江南督撫將安插該省之黎維治押解到京。經朕令軍機大臣詳加研訊。黎維治原名黎維溥。曾封瑤郡公。實係黎維祁同曾祖族叔。並據開呈譜系支派甚為明晰。

隨令黎維祁之母及黎維桼與之當面識認。彼此俱屬相識。是黎維溥之為黎氏近支已無疑義。朕撫馭中外一視同仁。從前黎氏臣服天朝。百有餘年之久。是以黎維祁母子內投時。朕即加恩安插。黎維治內投後。已發江寧安插。嗣經爾表稱。恐係農福縉黃文桐餘黨有捏冒情事。是以令將伊等解京。如審明捏冒屬實。尚欲發回爾國。今既問明黎維治原名黎維溥。並非農黃二姓餘黨。亦無給還

爾國。聽爾處治之理。其農黃二姓餘黨。自必尚在爾國。爾可自行訪尋辦理。其餘黎維溥手下之在安南人等。作何處置。悉聽爾國辦理。總之爾父受朕厚恩。錫封王爵。俾作屏藩。爾繼守先業。惟當效寧境宇。益矢敬慎。仰承恩眷。黎氏近支現經天朝安插。亦無能復至爾國滋生事端。爾可無庸呈慮。為此詳切訓諭。爾其祇承朕命。倍加恭順。毋墮前業。以期常荷渥恩。特諭。丁丑。封閉奉天遼陽州屬。

東柳塘煤窰從盛京將軍宗室琳寧請也○  
戊寅諭從前令尚書都統保舉堪勝副都統  
人員記名陸續簡用現今記名人員業經用  
完仍著交各尚書都統保舉堪勝副都統人  
員務須遴選才能照前次由軍機大臣等彙  
齊帶領引見候朕酌量補放如無應保人員  
亦不可徇情塞責前此德保弘昨所保人員  
即屬平常如此次所保仍有似前者經朕看  
出惟該保舉之人是問○以湖南永州鎮總  
兵劉君輔為湖廣提督巡捕營中軍副將蘇  
靈為永州鎮總兵○己卯諭曰陳用數著調  
補湖北巡撫所有安徽巡撫員缺即著惠齡  
調補安徽距京較近因惠齡現有老親是以  
將伊調補以便就近迎養用示體恤○諭軍  
機大臣等本年直隸省春間被旱夏秋之間  
正定河間天津等府屬因雨水較多河流漲  
發地畝被淹河南之衛輝彰德懷慶三府屬  
山東之東昌臨清等屬俱因衛河發水秋禾

多有淹浸業經節降諭旨各加兩倍賞卹並  
豁免秋糧分別蠲緩令該督撫等實力查辦  
以示體恤第念該三省被災較重收成歉薄  
明春青黃不接之時民力不無拮据自應豫  
籌接濟量為展賑著傳諭該督撫等體察情  
形即行據實覆奏候朕於新正酌量降旨加  
恩又江蘇安徽湖北湖南福建廣東等省或  
因河流下注或因山水驟發低窪地畝間被  
淹浸雖止係一隅中之一隅並經加恩撫卹  
分別緩徵但明春是否尚須量為接濟之處  
並著各該督撫一體查明據實具奏○庚辰  
上御懋勤殿勾到陝西浙江情實罪犯停決陝  
西斬犯三人絞犯二人餘六十三人予勾○  
辛巳諭曰陳淮奏拏獲強姦幼女謀殺人命  
之吳相子審明定擬一摺已令軍機大臣會  
同刑部覈擬速奏矣此案樂平縣民吳世接  
被傷殞命緝獲正兇未獲經該撫飭委南昌  
府同知張五緯詳細推鞠該同知以屍身雖

在倪姓山內而研究倪吳兩姓夙無嫌怨倪姓似非此案正兇稟請親詣樂平縣查勘情形隨訪出強姦謀命各情節將吳相子孥獲到案審辦該同知能留心訪緝殊為可嘉張五緯著給咨送部引見至陳淮於此案飭委妥員究出實情審明定擬不致正兇漏網辦理亦屬認真著交部議敘並賞給大荷包一對小荷包四個以示獎勵又諭曰福康安奏遵旨查辦雲貴錢法一摺據稱雲貴小錢攪雜日多之故不但私鑄奸民未能淨盡即官錢偷減分兩其弊亦屬顯然等語小錢之弊實不出此各省錢法日壞一日若不過商販夾雜使用為數能有幾何即游惰小民於僻靜處所私行鎔化亦屬有限何至如此充斥總由官局偷減分兩多鑄圖利而督撫等又以錢局為美缺往往將伊信用私人派令管理使之得有贏餘以致輾轉效尤竟成銅弊節經降旨通行飭諭而行使小錢尤以雲

南四川為甚富綱等所奏近年以來小錢業已淨盡之處自無此理即本日將兆奎所奏山西省市集錢文均係局鑄制錢並無小錢之語亦不足信現在查驗戶工二局所鑄錢文輪廓字畫模糊不真不但不及康熙雍正年間錢式並乾隆初年之不如何況各省局錢自必更加偷減並私鑄之不若矣若不正本清源錢法安能整頓今各省錢局俱已停鑄民間小錢亦屢經飭令實力收繳各該督撫務須各矢天良實力督辦使積弊肅清小錢淨盡方為不負委任倘視為具文仍前玩怠致行用錢文仍有小錢攪雜一經查出惟該督撫是問恐不能當其咎也又諭向來各省奏報糧價多有不實朕披閱所開清單每以價增奏報者多即遇豐收之年亦僅報至價平而止此蓋劣員為買補倉穀之計耳本日陳淮奏九月分江西各府糧價俱註價賤何以各省糧價均不按照時價據實具奏

年歲豐歉不齊市集糧食價值隨時長落寧有各省皆同有增無減之理此皆由地方官積習相沿朦混捏飾督撫等率據屬員稟報之價開單具奏以為採買侵漁地步所奏實不足信若云江西年成好則湖南四川亦多好年成何從未見奏賤價耶朕屢念民依無時或釋原非欲各督撫競為粉飾諱災也即如本日陳淮奏拏獲樂平縣民強姦幼女謀殺人命一案朕以其辦理尚屬留心是以賞給荷包交部議敘並非因其開報米糧價賤加之獎勵也嗣後各督撫務須各發天良將每月糧價據實具奏督撫等觀望陋習非過即不及朕甚愧之不得因有此旨有心減飾用副朕勤恤民隱至意○又諭恒秀在吉林將軍任內辦理獲務未能妥協以致虧欠庫項勒派民人是以問擬絞候實屬罪所應得姑念恒秀究無侵漁肥己情事著加恩寬免但恒秀身為宗室擢用將軍如此辦事錯謬

豈可復授官職著在家閉門思過以冀愧悔  
壬午  
上御乾清門聽政諭曰吉慶奏江蘇松江府太倉州屬竈地八月間雨水稍多收成歉薄等語松太等屬因積雨歉收前據奇豐額等奏到已降旨將應徵地丁漕糧概予緩徵今該府州所屬竈地亦因雨水稍多收成歉薄若將應徵鹽課一律徵收恐竈力不無拮据所有松江府屬之青村袁浦橫浦浦東下砂及下砂二三等六場並太倉州屬之崇明場各竈地暨該府州所屬之華亭婁縣奉賢金山上海南匯青浦崇明等八縣低窪歉收田畝本年應徵鹽課錢糧亦著一併加恩緩至來年秋收後帶徵以紓竈力該部知道○諭軍機大臣曰吉慶奏松江府太倉州屬竈地因雨水歉收一摺已有旨將應徵鹽課錢糧加恩緩徵矣前據奇豐額等奏松江太倉二屬八月中積雨連綿低區收成未免歉薄請

將應徵應帶地丁漕糧概予緩徵時即應並  
及竈戶本日吉慶所奏雖係竈地鹽課但該  
府州俱屬江蘇所轄地方何以竒豐額前奏  
摺內既未提及此次又未會銜具奏著傳諭  
該撫嗣後當一體留心遇有此等事件務宜  
彼此知照會銜奏聞不得因係竈地置身局  
外也○以太常寺卿順海為通政使江蘇  
巡撫竒豐額疏報婁縣寶山二縣開墾田塗  
地七頃九十六畝有竒○旌表守正被戕湖  
南永定縣民朱世榮妻向氏 癸未  
上御懋勤殿勾到湖廣情實罪犯停決斬犯七  
人絞犯四人餘二十二人予勾 甲申  
上詣  
奉先殿  
壽皇殿行禮 是月陝甘總督勒保奏查明教  
匪劉松在配實未傳教收徒批此不過欲保  
爾地方無事耳總非真語外省惡習奈何但  
朕不為已甚早有旨了又奏將劉松劉四兒

委員解赴襄陽交福寧歸案審辦又批完汝  
事了又奏搜獲劉松市平雜色銀二千兩貯  
藩庫充公得旨有何要○又奏籌議商民呈  
繳小錢請酌給價值以期收銷淨盡得旨妥  
實行之勿為虛言○兩廣總督覺羅長麟奏  
查明各州縣並無私藏私製烏鎗得旨母久  
而懈可也

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百六十三

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百六十四

監修總裁官經筵講官太子太傅文淵閣大學士文淵閣領閣事內大臣稽察欽奉

吏部理藩院事務正副滿洲副都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉

世襲騎都尉軍功加十九級隨帶加二級又加二級臣董誥內大臣戶部尚書鑲黃旗滿洲副都統軍功紀錄五次

尋常紀錄十四次臣陸燿經經筵講官太子少保工部尚書紀錄六次臣曹振鏞等奉

教修

乾隆五十九年甲寅十一月乙酉朔喀什噶

爾參贊大臣永保等奏請定回民出卡貿易  
章程。喀什噶爾貿易回人等如往克巴噶  
什額德格納薩爾巴噶什布庫齊哩克等處  
貿易者給與出卡執照如往各處遠部落俱  
不得給與違則拏獲發遣。出卡回人自十  
人至二十人為一起者始給與執照每起派  
阿哈拉克齊一員往則約束回則稽查毋令  
羈留如有不遵約束枷號三月仍重責示衆  
隱匿者併究。出卡回民等如貪利擅往布

魯特遠方被人搶奪物件查獲後仍給原主  
不足示懲請嗣後半給原主半交阿奇木伯  
克等作為公項地隔窩遠者應置不問仍將  
違禁回民枷號半年不准出卡。回民等被  
布魯特搶奪必將實在遺失物數報官查辦  
如有捏造私增查出不得給還半賞飭查之  
人半交阿奇木伯克等以備充公該管人重  
懲自行失去者俱不准官為代查。布魯特  
等如私進卡座及於就近處所劫奪拏獲後  
俱正法。回民出卡被竊除照數追出外查  
係初次行竊照布魯特例罰取牲畜分賞飭  
查之阿哈拉克齊等如有侵害人命不論初  
次二次抵償辦理。布魯特等竊取零星什  
物應先示薄懲發交該伯克等收管倘再不  
知儆懼照初次加重辦理得旨永保等奏請  
定回民出卡貿易並布魯特等偷入卡座搶  
劫行竊治罪辦理一摺所奏尚屬可行著即  
照永保等所請行但摺內語句太繁殊欠明

晰。永保向在軍機處行走。非不曉事者可比。著嚴行申飭。○丙戌。諭據秀林奏。查看三姓地方被水旗人。接濟口糧等語。本年三姓地方被水旗人。田廬多有淹損。情殊可憫。今據秀林覈定。奏請接濟口糧。賞給修理房屋銀兩。著照秀林所請。由該處義倉官倉內撥支糧石。借給被災人等。每口每月二斗。以資接濟。限三年完繳。所有被水房屋。每間著賞銀一兩。令其修理。其秋收無獲之莊丁等。應文乞地糧穀。著照例寬免。以示軫念被災旗人之意。餘照所奏行。○又諭曰。蘇凌阿等奏。邪教案犯劉之協。先經河南另案開審。於十月初九日解至扶溝。該縣不即收禁。僅交差管押。以致該犯乘間免脫。轉捏稟劉之協與安省差役于姓。一同潛逃。現提訊太和縣原解縣差余洛供。該役解犯至扶溝收管後。取有該縣印信回照為憑。是該犯之逃。係在解到扶溝收管之後等語。並據穆和蘭奏。請將扶

溝縣知縣劉清龍革職。留於地方協緝。並自請與藩司吳璥。臬司陳文緯。一併交部議處等語。所奏大奇。邪教案一案。自福康安奏承恩。奉到降旨交湖北河南各處通緝。已將數月。該縣豈尚未聞知。即云劉知協。係因竊案先行開審。但知字與之字。音本相同。有何分別。該縣關到劉之協後。即應從此根究。何得置若罔聞。並不留心收管。致被要犯潛逃。況安省差役解到後。該縣業經給與印信回照。又

何得捏稟安省差役與之同逃。希圖諉卸。此等玩誤劣員。豈得止以革職協緝。參奏完事。劉清龍著即革職。拏交刑部治罪。穆和蘭。吳璥。陳文緯。及該管道府。俱著交部嚴加議處。穆和蘭身任巡撫。吳璥。陳文緯。身任兩司。平日不能留心整飭。以致所屬地方官。於此等關提要犯。漫不經心。致有疎脫。若復任其坐擁厚廉。不足示懲。穆和蘭著罰養廉五年。即時完繳。吳璥。陳文緯。並著各罰養廉三年。亦



著即行完繳。以為玩誤地方者戒。所有劉之協一犯。即著責成穆和蘭。吳敬陳文緯三人親往分投督拏。務期速就弋獲。如不能即時拏獲。致令遠颺漏網。恐伊等不能當此重戾。其革職拏問之扶溝縣劉清龍。並著穆和蘭遴派妥員。小心管押。迅速送部。倘途中再任疎懈。致該員有畏罪自戕等事。必將穆和蘭立寘重典。不能再為寬貸也。○諭軍機大臣曰。穆和蘭奏劉之協到扶溝縣後。乘間潛逃等語。該犯既自知罪重。脫逃後必潛赴同教匪犯家內。輾轉藏匿。總須在流傳邪教省分通行嚴緝。方能弋獲。除已明降諭旨。著落穆和蘭等親身嚴緝務獲外。著傳諭各該督撫嚴飭各屬。並遴選幹練妥員。分投躡緝。務期迅獲。毋得視為海捕具文。致要犯稽誅漏網。若拏獲該犯後。訊出在何省逗留。即惟該地方官是問。恐不能當此重戾。劉之協於何省就獲。即於何省審辦。從嚴定擬具奏。不必往

返解送。再有疎虞。○丁亥。諭軍機大臣等。昨據蘇凌阿。穆和蘭等奏。邪教案犯劉之協。解至扶溝縣。乘間脫逃。當經降旨責成穆和蘭。吳敬陳文緯三人分往親拏。並著湖廣。四川。陝甘。安徽各督撫。遴派妥員。分投躡緝。務期就獲。著再傳諭各該督撫。於拏獲後。即派委妥幹員弁。小心管解。迅速解京審辦。倘該犯自知罪重。或在途思欲絕食餓斃。以致氣息垂盡。難以押解到京。即著解至何處。即於何處報明。將該犯凌遲處死。毋致要犯倖逃顯戮。○禮部題冬至節應行慶賀禮。得旨。今年冬至次日。著停止行禮。○戊子。上御懋勤殿。勾到江西情實罪犯。斬犯十人。絞犯十二人。俱予勾。○諭曰。蘭第錫奏高家堰一帶。本年風損石工。段落較多。委員勘估。而石工下數層。皆在水中。是否根腳整齊。抑或間有蟄裂。未能確切估計。現飭將應築越壩。即於此時先行圈築。趕年底水。俾石工根腳

顯露。以便驗明確估等語。此非深知河工之言。磚石各工體質沉重。如果根腳損壞。則上面磚石必有閃裂陷下不平。或致傾倒之處。何待根腳顯露始能查驗。若如蘭第錫所奏。先行圍築越壩岸水。高郵石工數十里。皆築壩乎。必無是理。若築壩至底。根腳並無蟄裂。則此項築壩岸水之費。豈非虛擲。況湖水浩瀚。非一二尺淺水可以車岸者比。水中築壩。又從何處安椿立腳施工。此不過河員因無可開銷。故慫恿興工。以為冒銷地步。或南北情形又有不同。著派慶桂、韓鐸前往會同督臣蘇凌阿。確切履勘。繪圖貼說。據實速奏。如果應修。即時興工。以歸覈實。而杜冒濫。○諭軍機大臣曰。奇豐額奏拏獲販賣小錢人犯張世揚等。訊據供稱係買自湖北漢口鎮。開張船行之劉天泰鋪內。現將該犯等枷號。並飛咨福寧提拏劉天泰到案。訊取確供。俟移咨到日。再行定罪等因。一摺。所辦好。私鑄小

錢。起自四川湖廣一帶。屢經降旨飭令嚴拏究辦。現當整飭錢弊。功令森嚴之際。劉天泰等敢於存積小錢。私相售買。販運至二百餘串之多。可見私運小錢。總在水路一帶。而湖北漢口鎮尤為衝要之所。現在張世揚等販運小錢。行至江南地方。即被拏獲。則漢口地方屯匿小錢。必不止此。不可不徹底查辦。以清積弊。現在邪教案犯諒已辦竣。著傳諭福寧即親赴漢口鎮提訊劉天泰。嚴究供情。從嚴定擬。並查此外有無屯貯一體嚴拏懲辦。俾奸民知所儆畏。用盡根株。其現獲之張世揚等犯。並著奇豐額於福寧知會到日。一併按例從嚴定罪。至長洲縣知縣於私販人犯過境。即能拏獲稟解。尚屬留心。著送部引見。以示鼓勵。奇豐額於此案查辦認真。著賞給大荷包一對。小荷包四個。用示嘉獎。並著傳諭該撫嗣後務宜隨時留心督飭訪查。毋得始勤終懈。○又諭據梁肯堂奏收買小錢一

摺內稱藩司鄭製錦令清苑縣收買小錢。所需價值無多。均係捐廉給發。毋庸另請開銷。並通行各屬仿照辦理等語。民間行使小錢。多係官局私鑄。屢經降旨嚴行飭禁。並以商賈存留小錢。不免有需資本。或應酌量給價之處。令各督撫據實具奏。今梁肯堂奏請仍給價值。收買小錢。小民踴躍呈繳。自可漸次淨盡。該督當督飭所屬實力妥辦。毋得日久又生懈怠。惟所稱藩司鄭製錦與各屬捐廉給價一節。此等小錢。既係歷任錢局官員偷減私鑄。侵漁獲利。以致錢法日壞。茲該省收繳小錢。轉令未管錢局之員捐出。未免偏枯。著傳諭梁肯堂即將此項應給小錢價值。俱著落歷任局員賠出。以昭平允。其各省收買小錢。應給價值。亦著傳諭各該督撫一體仿照此例辦理。並令實力查覈。○己丑諭曰。張承勲之高祖張勇。前在軍前奮勉。張謙。張承勲。又內廷行走多年。著加恩准其所請。將近

派一支。歸入正黃旗漢軍旗分。○山西巡撫蔣兆奎疏報。歸化城。渾。津。里。開。墾。田。地。六。十。一。頃。二。十。七。畝。有。奇。○旌表守正捐軀福建閩縣民鄒居時妻陳氏。守正被戕陝西府谷縣民高現彩妻高氏。○庚寅賑卹河南武陟河內修武汲縣新鄉輝縣獲嘉淇縣濬縣延津安陽湯陰臨漳內黃十四縣本年水災貧民。○辛卯諭曰。穆和蘭奏審明傳習邪教各犯分別定擬一摺。已交軍機大臣會同該部覈擬速奏矣。至此案先經甘肅究出軍犯劉松係本案教首。咨拏究辦。並經訊出劉之協係劉松之徒。轉傳宋之清等。斂送根基銀兩。今穆和蘭摺內祇稱將續獲之李殿邦解交福寧。提同宋之清質審。而於劉之協一犯並未提及。又該撫前次所奏。馳赴扶溝查辦一節。其行至何處。如何查拏督緝。有無蹤跡之處。亦並無一語奏及。竟欲將該省關提劉之協。致乘間脫逃情由。希圖混過。僅照陝省辦

法將留豫審訊之案犯分別定擬具奏。敕行塞責。即所奏之摺。以穆和蘭庸闇無能。亦未必自能想到如此掩飾。不過任聽幕友支飾繕寫。思以一奏顛預完事。實不料其糊塗無福。一至於此。穆和蘭著再交部嚴加議處。○諭軍機大臣等。昨據梁肯堂奏豫省漕船過境摺內有徐州前後幫船字樣。朕以該督所奏既係豫省漕運。何以用江南徐州幫船。因令軍機大臣查明。原來河南省向無出運軍船。所有該省漕糧。例係分派直隸之天津通州幫。江南之徐州前後幫。山東之德州幫。任城幫。平山衛臨清衛前後幫。各軍船代為協運。各省督撫等遇有奏報過境日期等摺。自應將協運河南漕糧之某衛幫船字樣。即於出語聲敘。便可一目了然。乃昨梁肯堂摺內但稱豫省重運漕船過境。本日據穆和蘭奏報之摺。亦祇稱漕麥兌竣開行。竟似用本省漕船一般。並未將徐州協運緣由敘明。閱至

摺尾。方有徐州前後幫字樣。轉致牽混不清。殊欠明晰。著傳諭各該督撫。嗣後於奏報豫省漕船過境摺內。將某衛協運幫船字樣。即於出語聲敘明晰。毋得仍前牽混。○壬辰。上御懋勤殿。勾到安徽江蘇山西情實罪犯。停決安徽斬犯三人。江蘇斬犯一人。絞犯七人。山西斬犯一人。絞犯二人。餘一百四十八人予勾。○癸巳。諭前因山東臨清館陶等州縣漳衛二河水漲。村莊多有被淹。業經疊降恩旨。加兩倍賞卹。並將被水之處。應徵秋糧。概行豁免。茲據畢沅奏。查定例。漕糧不在豁免秋糧數內。向不蠲緩等語。因屬照例辦理。但念本年臨清等屬。夏麥被旱。秋禾又復被淹。若將漕糧按例徵收。究恐民力不無拮据。著再加恩。將臨清等處被災地方。應納漕糧。一體豁免。俾民力益加寬裕。該撫務督率所屬實心經理。使小民均霑實惠。以副朕軫念災區。恩加無已至意。該部即遵諭行。○又諭曰。

福康安奏。貴州按察使西成。係伊教習清書之師。例應迴避。請旨酌調等語。西成著調補湖南按察使。其貴州按察使員缺。即著阿彰阿調補。○甲午。遣官祭先醫之神。○

上。幸皇十七子永璘第。○浙江巡撫覺羅吉慶疏報。臨海縣開墾額外荒地六十一畝。有奇。○乙未。

上御懋勤殿。勾到河南山東情實罪犯。停決河

南絞犯五人。餘七十七人予勾。○諭曰。江蘭前因失察曹縣盜案。遲久不辦。是以降補臬司。又因滇省現有清查錢法等事。為臬司專管。復經調任雲南。但念其失察之案。究屬因公。且藩臬所管事自有差別。況其同案降調之前任臬司羅煥業。已因辦理疏消事宜妥協。加恩賞給按察使銜。而江蘭於護理山東巡撫任內。查辦災賑事務。尚為認真。江蘭亦著加恩賞給布政使銜。以示獎勵。江蘭當益

加感奮。將地方錢法等事。隨同福康安實心整飭。以期諸弊肅清。方為不負委任。倘不知奮勉。稍有懈怠。以致該省銅質仍前低潮。錢法仍前滋弊。必當加倍治罪。○諭軍機大臣

曰。蔣兆奎奏。赴局親查局鑄錢文一摺。據稱山西省錢局所鑄錢文。俱係解赴藩司衙門驗收。巡撫亦時往抽查。今覆加秤驗。並無輕減等語。所奏殊未可信。各省鼓鑄。何嘗不稱秤驗抽查。而所鑄錢文。率皆私行減小。形質

脆薄。致使奸民轉將小錢改鑄如式之錢。乘機牟利。可見各省所稱查驗局錢。皆屬虛偽。豈山西省局鑄錢文。竟無輕減。即就現在該撫呈進局錢而論。其形模輪廓。亦屬粗糙模糊。該省亦安能保無偷減情事。著傳諭蔣兆奎。惟當嚴飭局員。認真鼓鑄。並隨時實力查察。務使弊絕風清。勿任如前玩誤。方為不負委任。將此傳諭蔣兆奎。並諭有鼓鑄省分督撫知之。若果實力督察。小錢何尚如此之多。

也○又諭曰。穆和蘭奏。親身督緝逃犯。並將  
衆令解部治罪。一摺。據稱接奉諭旨。愧懼悚  
惶。罔知所措等語。劉之協一犯。先經該省另  
案關提。且正當查拏。邪教案犯緊急之時。自  
應向其切實根究。乃置若罔聞。一任屬員玩  
忽從事。以致要犯乘間脫逃。該撫所司何事。  
今始緝愧懼悚惶。亦已無及。前已有旨令穆  
和蘭親身督拏。今已閱多日。尚未拏獲。厥咎  
甚重。著先拔去花翎。令其戴罪實力督拏。若  
於該省即能緝獲。尚可稍贖前愆。倘再仍前  
玩忽。以致要犯遠颺漏網。自問當得何罪。決  
不能稍為寬貸也。將此再行傳諭知之。○浙  
江巡撫覺羅吉慶疏報。建德縣開墾額內荒  
田二十八畝有奇。丙申護理雲南巡撫布  
政使費淳疏報。昆明縣開墾成熟田地八頃  
十五畝有奇。旌表守正被戕湖北麻城縣  
民張某妻鮑氏。丁酉。  
聖祖仁皇帝忌辰遣官祭

景陵○  
上詣  
奉先殿  
壽皇殿行禮。○諭曰。蘇凌阿奏。福建海壇鎮總  
兵丁朝雄進京陛見。在清江浦患病甚重。懇  
請轉奏。勅部開缺。請旨簡放等語。丁朝雄著  
准其解任回籍調理。所有福建海壇鎮總兵  
員缺。著特克什布補授。○戊戌。  
上御懋勤殿。勾到直隸情實罪犯。停決絞犯六  
人。餘五十七人予勾。○諭軍機大臣曰。姜晟  
奏。收繳小錢一事。業經展限一年。若復酌議  
給價。轉無以使知。做畏。惟有督同地方官悉  
力辦理。務使依限收繳淨盡等語。民間日用  
及商賈所存小錢。俱不免有需貲本。若不稍  
償價值。商民等或因此觀望。呈繳稀少。是以  
諭令各督撫體察情形。酌量辦理。今據姜晟  
奏。小錢久經嚴禁收繳。若再酌議給價。轉使  
無所做畏。應勒限一年。全行完繳。所辦尚是。

昨據蔣兆奎奏。山西省小錢。統限於一年之內收繳淨盡。毋庸給價。與姜晟所見相同。看來小錢一事。姜晟將兆奎辦理尚屬認真。但各省情形是否相同。著再傳諭各督撫悉心籌酌。應否照湖南。山西。勒限收繳。毋庸給價。抑或少須變通。俾商民聞風踴躍呈繳。以期錢法速就肅清之處。據實覆奏。○又諭據保寧奏伊犁西南達爾達木圖。厄莫根多羅圖等處空閒地畝。每歲東作時。遣回人前往耕種。秋成後仍遣回新建營房居住等語。回人耕種地畝。必須常川駐守。始為有益。若耕種時遣往收獲復行遣回。不惟往返跋涉。且究與布魯特哈薩克等邊界較近。恐回衆既還。布魯特哈薩克等乘間搶擄。雖邊境設有卡座。究未能周。保寧摺內。惟酌辦屯田。而未嘗籌畫及此。著傳諭保寧。可否將回衆就近移駐耕田處所。及卡上如何設防。或另設回卡之處。查明具奏。尋奏。回人耕作時。派伯克二兵

四十。前往駐防收獲後。離田五十里內築小土城。令其移駐防兵裁撤。年來並無偷盜。報聞。○己亥。諭曰。哈當阿奏。翁玉輝隱匿伊父翁雲寬抄產一摺。內稱翁雲寬家產。於乾隆四十八年抄封時。有隱匿未報田業。翁雲寬之子翁玉輝。又續置產業。及抵欠田地。均係抄後所置。應將各產補抄入官。翁玉輝應革去監生義民首六品頂戴。照律杖責等語。翁玉輝於逆匪林爽文滋事時。糾集義民保守地方。尚知大義。且伊故父翁雲寬名下。未經報出產業。事閱十餘年。翁玉輝續置產業。又係在伊父抄封之後。翁玉輝著加恩免其革去頂戴杖責。所有未報。及續置田園房屋貲財等項。俱著賞還。毋庸入官。以示朕獎勵義民。恩施逾格至意。至歷任及現任失察之道府知縣等官。姑念歷年久遠。均著加恩免其議處。○諭軍機大臣曰。姚茶奏武闡試竣一摺。內稱武生原有入伍食糧之例。廣西各標

營出有名糧。在本地農民及異籍客民。召募充補。練習需時。徒糜糧餉。若將武生挑糧學習。自應樂從。較之召募生手。更為得力等語。各省武生。向有入伍挑糧之例。今據姚茶查明廣西額兵有二萬三千餘名。而入伍武生。不過四十餘人。為數甚屬有限。各營出有糧缺。轉須懸缺待募。今以此等武生挑糧學習。較之新募生手。自屬得力。且各營既免空糧待人。而武生等亦上進有路。不致恃符滋事。所辦亦屬一法。但各省情形。是否能照廣西省辦理之處。著傳諭各督撫。查明據實酌議覆奏。並諭姚茶知之。○又諭曰。李奉翰奏會勘運河挑工。及確覈土方銀數一摺。已批交該部知道矣。本年夏秋雨水較多。各河水勢漲發。以致臨清一帶及各廳境塘長河節次沙停。受淤較厚。自應一律挑挖深通。以濟來年新運。至東省漕船。本日據畢沅奏濟寧前幫業已陸續出口。其在後四幫船隻。因初七

日晚間朔風大作。開水頓耗數寸。挽運維艱。現在多集人夫挑挖等語。東省漕船。例應趨出臨清閘口。停泊守凍。今年節候較遲。現在天氣尚未沍寒。正可施工挑挖。該河督等。惟當督飭運河道及員弁等。趕緊集夫。實力挑辦。務使河水深通。足資濟運。無誤挽行。方為妥善。將此各諭令知之。○廣東巡撫朱珪疏報廣州肇慶二府屬開墾額外水田八頃八十二畝有奇。廣州府屬額外沙灘地八頃三十三畝有奇。



大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百六十四

實錄卷之四百六十四

三

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百六十五

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次並獲

總裁官經筵講官太子太傅文淵閣大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級並獲內大臣戶部尚書經筵講滿洲都統軍功紀錄五次

尋常紀錄十四次並獲經筵講官太子少保工部尚書紀錄六次並獲賜等奉

戰修

乾隆五十九年甲寅十一月庚子廣東巡撫

朱珪疏報恩平縣開墾額外荒地七頃二十  
一畝有奇○辛丑

上御乾清門聽政○諭曰原任禮部侍郎胡煦  
苦志讀書究心理學著有周易函書採入四  
庫全書經部尚為績學之臣從前因其官止  
侍郎例不予謚第念伊曾在尚書房行走今  
伊子胡季堂用至刑部尚書胡煦已得尚書  
封典著加恩補行賜謚以示眷念耆舊獎勵  
儒臣至意尋賜謚文良○又諭曰戶部議覆

長蘆鹽政徵瑞等奏蘆東鹽價改為賣銀一摺。內稱。現在市集錢價較賤。若如該鹽政等所奏。照依市價。隨時覈算。則較之長蘆現行鹽價。每觔約多賣錢二三文。及五六文不等。統計長蘆每年額銷引張。可多賣銀一百數十萬兩。即謂蘆東嵯務。目前量宜變通。亦應覈明該商等每年約賠數目。量出為入。兩得其平。未可稍存偏重之見。或至累及閭閻。徒飽商橐。請勅下各督撫會同鹽政。切實詳查。

秉公酌議具奏。再行覈辦等語。此事前據徵瑞等奏稱。蘆東商人以賣鹽錢文。易銀交課。多有賠折。且河南省行銷四省引鹽。惟蘆東專賣錢文。商情不無偏絀。請一體改為賣銀。以紓商力等語。朕以所奏係為調劑嵯務。似有所見。因交該部覈議。至其中如何合算增減。一切委折細數。朕豈能析及錙銖。今據部臣覈奏。則稱若如該鹽政等所請。每年額銷引張。竟多賣銀一百數十萬兩。徵瑞等即為

調劑商情起見。計其每年賠折。不過四五十萬兩。亦應酌其賠折之數。量為變通。何得專事恤商。致令倍蓰得利。此語更近理。朕豈肯因恤商。因而令商受利。而民反受困乎。其應如何酌中定議。使商民兩便之處。除原議大臣不議外。著交大學士。九卿。會同悉心妥議具奏。至徵瑞前奏。係與梁肯堂。福寧。會同札商。該督等自必稔悉情形。何以並未將辦理偏重之處。詳悉查覈。率行隨同會銜。令其據實回奏。再蘆東引鹽。行銷直隸。山東。河南。江蘇。安徽。五省。其銷售鹽觔。易銀交課。是否實有賠折。應如何量為調劑。使商力寬紓。民無擾累。兩得其平之處。並著各該督撫。各抒所見。一體秉公覈議。據實迅速具奏。再降諭旨。○以太僕寺卿恒傑。為太常寺卿。○壬寅。上御懋勤殿。勾到朝審情實罪犯。停決斬犯二人。絞犯三人。餘十人予勾。○諭曰。富綱來京。陞見。據奏。伊母年屆八十。懇請留京供職。現

在蘇凌阿於署兩江總督任內。有緝拏邪教要犯事件。所有刑部尚書事務。即著富綱署理。○又諭。據徵瑞奏。天津分公司所屬豐財蘆臺二場灘副被淹。請照例借給工本銀兩。以資修整等語。豐財蘆臺二場。因本年夏秋雨水較多。鹽灘圍埝被淹。自應趕緊修整。但蘆戶貧乏居多。若盡令自行修理。恐致貽誤。著加恩准其照例於運庫存銀內。如數借給。仍令該鹽政督催各竈。上緊修整。以資興曬。所有舊借未完第六限工本。著仍限明冬完交。現借工本銀兩。即自六十一年冬間起限。按限歸款。以示體恤。○癸卯。諭。單沅奏。東省閘內五幫漕船。俱已輓出臨清閘口停泊。其運河挑淺工程。現同李奉翰羅煥。閱看妥辦等語。本年因夏秋雨水較多。運河閘內。停淤較厚。經該河督等督率員弁。加緊撈挖。一律深通。俾東省漕船。得以趲輓出閘。無誤定限。而來歲南糧北上。亦可進行無滯。辦理尚為

妥協。李奉翰單沅羅煥。均著交部議敘。其在事出力之文武員弁。並著該督撫查明咨部。分別議敘。○諭。軍機大臣等。昨據蘇凌阿奏。叅革扶溝縣劉清鼎。先經咨調來江。旋准穆和蘭來咨。遵旨拏交刑部治罪。添派廬鳳道刁玉成等護送。起解等語。所奏尚未明晰。劉清鼎疎脫要犯。又復捏辭推諉。蘇凌阿既已咨提到江。亦應將該叅員如何疎玩捏飾情形。訊明具奏。今摺內並未提及。或係該叅員未經提到。旋准豫省咨會。速即解京。不及見面親鞫。僅添派人員迎解。但有此等情節。摺內何以並未聲明。殊屬含混。著傳諭蘇凌阿。即將因何未經訊供之處。據實覆奏。昨因富綱面奏。親老留京。已降旨令其署理刑部尚書。蘇凌阿仍署兩江總督事務。但兩江統轄三省。事務殷繁。朕觀富綱才具。恐其不能勝任。且從前書麟在兩江任內。惟知自守。屬員無所畏懼。地方必有貽誤之事。若令富綱前

往。仍與書麟無異。實不足以資整頓。蘇凌阿雖年屆八十。而精力尚好。且伊歷任江南道府。於該省情形。尤為熟諳。著傳諭蘇凌阿。務宜實力振作。不特緝拏劉之協一事。關係緊要。即地方一切事務。總當認真督率。加意整飭。俟辦理果有起色。彼時朕或念其年老。再行簡員前往。換伊回京供職。亦未可定。此時斷不可存五日京兆之見。致負委任。一切勉力。妥為整頓。○甲辰。諭前因邪教案內要犯劉之協。另案關提。至河南扶溝縣乘間脫逃。已降旨將穆和蘭拔去花翎。並與藩臬兩司。及該管道府。一併嚴加議處矣。邪教一案。自福康安奏永恩奏到。降旨交河南等省通緝。已將數月。該省地方官。豈尚未聞知。況劉松一犯。經甘肅究明具奏。豫省為劉松原籍。並據穆和蘭先行查出。咨會甘省查辦。劉之協係與劉松倡復邪教之人。穆和蘭早應通飭所屬。留心訪緝。況扶溝縣。即有拏獲邪教匪

犯。劉知協既關提到案。字音相同。正當從此根究。何得置若罔聞。疎縱急玩。以致要犯潛逃。即此一端。可見穆和蘭平日於地方公務。廢弛已極。且伊才具亦屬平常。斷不可再留封疆之任。穆和蘭著即革職。發往烏魯木齊効力贖罪。交與宜綿差遣委用。其一應得項。不准支領。以示懲儆。所有河南巡撫員缺。著阿精阿補授。此旨交阿精阿齎往豫省。向穆和蘭傳知。後即令其由該省起身前往。不許來京。藩司吳璥。臬司陳文緯。亦先著摘去頂戴。令其戴罪緝犯。並著阿精阿傳知該司等。務宜分投認真查緝。以期要犯速獲。稍贖重咎。所有該管道府。俟已革扶溝縣知縣劉清鼎。解京訊明後。再降諭旨。○乙巳。諭昨據蘇凌阿奏。准河南來文。將叅革扶溝縣知縣劉清鼎。交刑部治罪。添派廬鳳道刁玉成等。護送起解一摺。並未將該叅員如何疎脫要犯。捏飾推諉情節。訊明具奏。朕尚以或係該

叅員未經提到。旋准豫省咨會。因即派員迎赴前途解京。不及見面親鞫。是以摺內未將訊明情節聲敘。隨降旨詢問。本日據蘇凌阿奏。劉清鼎於十一月初六日解到。當即與陳用敷督同司道親加審訊。並傳提原解差役。及劉之協所歇店家。分別研訊。即於初七日將劉清鼎起解等語。是劉清鼎解到江南後。曾經蘇凌阿親提鞫訊。昨日奏報起解摺內。自應一面錄供具奏。一面委員起解。何以遲至數日。於覆奏諭旨摺內。補行敘入。實屬太不解事。至摺內稱添委廬鳳道刁玉成等。將劉清鼎督解出境。摺尾復稱緝拏劉之協一犯。專派刁玉成。及署壽春鎮總兵陳安邦。親督文武員弁。上緊緝訪等語。所奏尤屬前後矛盾。刁玉成既經該署督派委押解劉清鼎起程。則於緝拏要犯。勢難兼顧。今復專委以緝犯之責。究令該道何所適從。此案疎脫要犯。原係豫省地方官。玩誤疎懈所致。與江南

無涉。蘇凌阿無所用其迴護。朕因富綱才具不能開展。蘇凌阿平日尚能辦事。是以特令仍署督篆。並將緝犯一事。責成督辦。今所奏辦理情形。錯誤如此。實非朕之所料。殊負委任。蘇凌阿著傳旨嚴行申飭。仍交部議處。○丙午。諭曰。宜興著補授刑部右侍郎。所有奉天府尹事務。著伯麟兼管。其盛京刑部侍郎員缺。著傅森調補。所遺盛京工部侍郎員缺。著泰寧補授。○諭軍機大臣曰。福康安奏。接收督篆一摺。前因各省錢價太賤。由於小錢攙雜所致。雲貴尤為小錢淵藪。亟須清釐整頓。是以特將福康安調任雲貴總督。福康安受恩深重。為朕素所親信。非尋常督撫可比。到任後自能實力籌辦。盡心調劑。以期錢法肅清。昨詢據富綱稱。滇省現鑄錢文。輪廓分兩。俱如式鑄造。並無偷減。局中存錢尚多。可以調驗。其省城商民行使錢文。自奉禁之後。亦無小錢攙雜。惟外府山僻地方。鄉民或私

自留存。不能即時淨盡。福康安到後。如果查出局內竟有情弊。願甘治罪。至各廠現運之銅。質地亦皆純淨等語。就富綱所稱。是該省錢局。竟似現無弊竇。若果如此。許多小錢。又自何來。但從前和坤奉差至滇時。曾將該省小錢附報進呈。每百文不盈一掬。著傳諭福康安到任後。務須嚴密稽察。倘該省尚有行使小錢。如從前和坤所進覽者。即一面將錢樣進呈。一面據實叅奏。各省現在小錢到處公行。甚為可惡。趙此嚴拏究辦。正可懲一儆百。以清積弊。若該處官局及省會。果無行使小錢之事。固屬甚善。但必須福康安詳細查訪。保其實無他弊。方可深信。福康安身荷渥恩。經朕特命前往經理。斷不至稍涉迴護。代人受過。致負委任也。○以理藩院郎中策巴克。為正白旗漢軍副都統。○予故福建烽火營因公出洋遭風淹斃兵丁余得等四名。卹賞如例。○丁未。諭軍機大臣曰。李奉翰等奏

挑工興辦日期。並酌放湖水。濟運東漕一摺。據稱查勘新河頭湖水入運雖暢。恐其分勢南流。現將閘板封閉。使全行北注。南旺塘河。空乾底水。即行興挑等語。所慮甚是。此事前據畢沅奏。本年雨水較多。運河閘內停淤較厚。當經會同查勘。督率挑空。業已有旨。將李奉翰畢沅羅煥。及在事出力之文武員弁。交部分別議敘。今據李奉翰等奏。分段挑濬情形。籌辦俱屬妥協。該河督等。惟當督率員弁。趕緊興挑。往來查辦。務使河道一律深通。濟運速漕。以副委任。將此諭令知之。○戊申。諭曰。伍拉納奏。泉州府屬之晉江南安二縣。四鄉低窪之區。被水田禾。涸出較遲。雖係勘不成災。收成實為歉薄。又南靖縣護城堤岸。被水衝開。工段綿長。必須趕緊補築。本係民修。請先行賞借司庫銀兩。分作三年徵完歸款。各等語。福建漳州府屬之龍溪等縣。前經浦霖查奏。被水較重情形。當即降旨。將該處被

災地方。加恩兩倍賞卹。並令查明本年應納秋糧。加恩蠲免。以示軫卹。今既據伍拉納查明晉寧南安二縣。雖係勘不成災。收成實為歉薄。若照例徵收。民力不無拮据。著加恩將該二縣本年錢糧。緩至來歲早收後徵輸。以紓民力。至南靖縣應修隄岸。雖屬例應民修。但工段綿亘。需費較多。該處當被災之後。甫經撫恤。若將修隄銀兩。分年帶徵完款。究恐民力不能寬舒。著將該處估需修隄銀九千餘兩。加恩即全行賞給。作正開銷。俾閭閻益資饒裕。該督等務督飭所屬。實心經理。毋任胥吏稍滋弊端。以副朕軫念災區。恩加無已至意。該部即遵諭行。○又諭朕恭閱

世宗憲皇帝實錄。內載欽奉

諭旨。以督撫提鎮。因公接見。自有一定之禮儀。不應過卑過亢。乃聞於督撫倨傲妄行。而提鎮等遂卑躬屈節。以為諂媚者。如年羹堯之視提鎮等如同奴隸。每令披執進見。常鼎在

江南時。令兩司侍立於旁。妄誕不法。曾經嚴切

訓飭。方今綱紀整肅。督撫等接見提鎮藩臬。自不敢似此倨傲妄行。但奉行日久。因公晉接時。或有不遵頒定儀注。妄自尊大者。特此再行申諭。該督撫等務須遵循定制。倍加謹凜。提鎮及兩司等亦當各知自重。不得過為卑屈。以肅官常而昭體制。○又諭向來督撫委署藩臬兩司者。其人俱將接任日期。具摺陳奏。但此等委署人員。所奏之摺。不過尋常交代等事。並無緊要。嗣後除奉旨署布按之人外。其督撫奏委者。若關係地方緊要。及所管事務。查有弊端。或有應行調劑事件。准其專摺陳奏。其餘不過尋常接收交代。到任日期等事。祇須呈報督撫咨部存案。均毋庸專摺具奏。以歸覈實。○軍機大臣議准。御史陳昌齊奏。請定五城審案及書役當差事宜。一巡城滿漢御史。承辦各案。遇有同旗同籍者。難

保無贗徇情弊。請嗣後滿漢各員。有應迴避者。會同別城滿漢御史辦理。均應迴避者。將原案移交別城。一。五城額設書吏。向係自備資斧。較各衙門未免偏枯。請於都察院衙門所得飯食銀兩。量為撥給。以資辦公。一。五城捕役。向係京畿河南山東道及都察院經歷司督催所。五處該管。但充補後。每月赴各處應卯。每致誤差。應酌歸專管等語。查五城甲捕等。惟都察院經歷司暨山東道有督催比較之責。應歸二處專管。其餘概停應卯。從之。

○禮部議覆。湖北學政初彭齡奏。凡商人呈請寄籍。應令地方官詳查存案。以杜冒占。而息告訐等語。查生童寄籍。地方官應查明寄籍逾二十年。田糧廬舍。均已入據。始准呈明入籍考試。倘有妄行告訐者。照例治罪。若入籍之始。先不呈明。即將生童究辦。不行詳查之該管官。交部議處。得旨。此等寄籍生童。嗣後如有未經呈明入籍。即寄籍已滿二十年。

例限。未經呈明。輒行冒考者。一經發覺。除照例斥革。不准應試外。並著咨明原籍地方。亦不准其復在原籍考試。俾跨考倖進之徒。知查出後。寄籍原籍。均無進身之路。庶各知自愛。不敢復蹈前轍。所有此次冒考之洪檀。即照此辦理。餘依議。○以正黃旗護軍統領巴特瑪。為正藍旗蒙古副都統。○以故甘肅碾伯縣屬土司朱孫林子子貴。病休貴州龍里縣屬大谷龍司土官宋昕子文龍。各襲職。○

已酉。

上詣

壽康宮行禮。○諭曰。永慶等奏。京口演礮所用鐵子數目。改定章程。每年開銷一分等語。永慶等所辦甚善。尚屬留心。永慶著賞給大緞二匹。陽春保著賞給大緞一匹。以示鼓勵。但摺內所稱京口演礮。係對江施放。祇拾回礮子五分。江寧之礮。係在津子澗演放。所放礮子。全數拾回等語。京口之礮。何以必對江施



放而不另尋寬濶之地施放耶。將此著交永慶等將京口演礮。可否不必對江施放之處。詳查定擬外。再自初次演礮至今。每年所用五分數目。價銀若干。今如此改定。每年節省若干之處。該衙門自有存記檔案。著查明遇便奏聞。○鴻臚寺奏定例。鴻臚寺額設鳴贊十四。僅足應用。遇給假事故。差遣不敷。請照太常寺額設學習贊禮郎例。挑選鳴贊四員。試用奏補。得旨。如所議行。○以廣東惠州協副將尚維勳。為廣西右江鎮總兵。○庚戌。諭軍機大臣曰。吳璥奏劉之協另案。聞到扶溝。旋被脫逃。實堪痛恨。穆和蘭陳文緯親往河以南分投督緝。吳璥在河以北嚴密截拏等語。劉之協係與劉松倡復邪教要犯。業經關到扶溝。正可嚴加究辦。何得任其乘間脫逃。此皆該撫藩平日毫無整頓。將庸闇無能之知縣劉清鼎姑容在任。疎縱怠懈所致。乃吳璥所奏尚無愧悔之言。豈以緝拏人犯。為巡

撫臬司專責。與伊無涉。藩司統轄全省。不但職司出納。一切察吏安民。皆其分內之事。劉之協等邪言惑眾。蔓延數省。為風俗之害。凡在地方官吏。皆應留心訪拏。況所屬州縣內庸闇無能。有如劉清鼎者。該藩司何以並不早行詳揭。一任其因循貽誤。所謂察吏者安在。吳璥係吳嗣爵之子。朕見其畧曉河工。人較明白。由道員屢次陞擢。不久用至藩司。不料其不知感激。辜負朕恩。一至於此。著傳旨嚴行申飭。前已降旨將伊摘去頂戴。緝犯自贖。著再傳諭該藩司。務宜督率所屬。上緊將劉之協躡緝速獲。尚可稍減重咎。若再不知愧勉。仍前玩誤。斷不能仰邀寬貸也。○又諭據奇豐額覆奏。本年被災之處。歉收各戶。請酌借兩月口糧。並借給籽種一摺。松太等屬本年夏秋雨水稍多。收成歉薄。前此降旨詢問。原為明歲新正加恩。如有應行展賑。及賞給口糧等項。方可謂之行慶施惠。今該撫奏

稱被災之處。祇須酌量借給口糧籽種。此等借給之項。於秋成後。仍須徵還。又安得謂之加恩乎。奇豐額所奏。殊屬糊塗。除原摺照所請行外。將此諭令知之。○又諭據徵瑞奏。於天津關口。另設收繳小錢之局。曉諭過往客販。令其盡數繳出等語。前因各省小錢充斥。曾經降旨通飭查禁。實力收繳。並令各關口一體留心查驗。俾私販咸知儆畏。第思此等奸徒販賣。盈千累百。捆載遠行。必不肯由陸路販運攜帶。多糜運脚。致有虧折。總由水路行走。便於裝載。惟在責成各處津關。實力稽查。一體收繳。小錢方可淨盡。著傳諭各關監督等。於關津要隘處所。仿照徵瑞辦法。留心查驗。並設立收繳小錢之局。一律查收。曉諭各商等。赴關盡數呈繳。以清錢法而絕弊端。○是日起。

上以冬至祀

天於

園丘。齋戒三日。○辛亥。諭前因各省小錢充斥。節經降旨。令該督撫等嚴行飭禁。實力收繳。原以清釐錢法。便益商民。該督撫等自應督飭所屬。明白曉諭。令其自行呈繳。不致稍有擾累。乃各省奉行不善。往往有派委佐雜微員。竟至鋪戶逐一搜查。而胥役人等。即藉端勒索訛詐。弊竇叢生。此等收繳小錢之事。督撫等固不能親身辦理。但各省道府州縣。身任地方。於此等事。豈不應各矢天良。悉心妥辦。該督撫等雖派微員分查。亦當分派道員。分路各責成。令查所派微員。實心任事。設法勸諭。妥為經理。不致吏役因此騷擾。俾小民聞風呈繳。則小錢自可日就廓清。何得一任不肖官吏。藉事生風。因為利。此等劣員。該督撫等。如果能留心查察。據實嚴參。亦可懲一儆百。而各省從未有辦出者。是各督撫已無一具良心。俟朕瑣碎一一指示。何無一人奏及乎。欲以除弊而轉以滋弊。豈利用便民

之道。著再通諭各督撫務須隨時稽察。慎加遴委。妥協辦理。俾小民踴躍樂從。毋任劣員蠹吏。稍滋弊端。倘經此次訓飭之後。仍漫不經心。致有擾累閭閻之事。一經察出。必將該督撫從重治罪。決不稍為寬貸。○諭軍機大臣等。據惠齡奏。安省現有緝拏要犯劉之協一事。最關緊要。俟陳用敷到楚後。馳赴安省。至湖北地方。仍留心飭拏。不敢因交代在即。稍存疎懈等語。劉之協在豫省脫逃。至今尚無蹤跡。陳用敷此時尚在安省。即責成該撫。董率所屬查拏。迅期弋獲。其湖北地方。與安省豫省均屬接壤。該犯若不潛回原籍。或即逃往湖北藏匿。惠齡在楚。自當一體留心嚴緝。今陳用敷既不能即赴楚省。惠齡亦應緩赴新任。庶免往來交代。致屬員等互相觀望。心存怠玩。著傳諭惠齡。陳用敷各於安省楚省地方。實力偵緝。四路截拏。俟劉之協就獲後。再行各赴新任。以專責成。○壬子。

上詣  
南郊齋宮齋宿。○癸丑。冬至。祀天於  
圓丘。  
上親詣行禮。○遣官祭  
永陵。  
福陵。  
昭陵。  
昭西陵。  
孝陵。  
孝東陵。  
景陵。  
泰陵。  
泰東陵。○遣官祭  
孝賢皇后陵。  
端慧皇太子園寢。○是月。長蘆鹽政徵瑞奏。  
查看天津府屬靜海等州縣。撫卹災民。均已  
得所。津城粥賑四廠。逐日就食者二萬餘人。

該道等經理周妥。得旨。今年爾等辦實可嘉。欣慰覽之。○山東巡撫畢沅奏。現由東昌赴濟寧一帶查看運河挑工。抗此番可謂用力矣。又奏。運河道羅燠。向知其曉暢河務。並可面詢事宜。以裨公務。得旨。有此人。運河省朕勞心也。告彼勉為之。又奏。請於藩庫內借銀十萬兩。委員糴買米穀。俟春融運至附近災區。豫備平糴。得旨。好。妥實為之。○廣西巡撫姚荃奏。給價收買小錢。請於十千以內者。每觔給銀二分。十千外至數十百千者。給銀三分。限一年繳盡。得旨。亦頗有所見。總以實力妥辦為要。

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百六十五

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百六十六

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事務處管理

吏部理藩院事務正黃旗滿洲都統世襲騎都尉軍功加七級隨帶加一級奉常加二級軍功紀錄一次慶祥

總裁官經筵講官太子太傅文淵閣大學士文淵閣領閣事稽察欽奉 上諭事務處管理刑部戶部理藩院

世襲騎都尉軍功加十九級隨帶加二級又加二級軍功紀錄內大臣戶部尚書鑲黃旗滿洲都統軍功紀錄五次

奉常紀錄十四次臣德瑛經筵講官太子少保工部尚書紀錄六次臣曹振鏞等奉

較修

乾隆五十九年甲寅十二月甲寅朔

上詣

大高殿行禮。○諭軍機大臣等上年噶咭喇遣  
使來京恭進表貢。所有經過各省曾令各該  
督撫給與筵宴。此次荷蘭國遣使來京。本日  
據陳准具奏未經給宴。但該國慕化輸誠。航  
海遠至。自因知上年噶咭喇使臣到京時得  
蒙天朝恩錫優渥宴賚駢蕃。是以聞風踵至。  
今該使臣等在途經過省分未與筵宴。是同  
一西洋進貢使臣轉似區分厚薄。失中國正

大之體。該貢使等聞知未免稍覺缺望。除俟  
該貢使等到京後一體酌加賞賚外著傳諭  
各該督撫將來該使臣等回程經過時俱仍  
仿照噶咭喇使臣之例酌給筵宴。筵宴時並

宣諭該使臣等。此次爾等慕化遠來。大皇帝  
鑒爾恭順。從前爾等進京時原應筵宴。但因  
爾等趕於年內到京。沿途行走限期緊迫。恐  
致耽延時日。是以未經筵宴。今爾等回程紆  
徐。仍遵旨賞爾筵宴等語。向其明白宣示。該

使臣等聞知自必益臻歡感也。○又諭曰梁  
肯堂覆奏蘆東鹽價改為賣銀酌籌辦理情  
形一摺。據稱初接徵瑞札商之時亦以改賣  
銀兩。商人獲利浮多。未免病民。曾經詳晰咨  
詢嗣准徵瑞札覆以商人應交正課外尚有  
雜課餘引帑利運費等項。覈計商人賠折實  
須一百餘萬兩等語。此論不過蘆東商人因  
現在錢價較賤易銀交課不無賠折。商力難  
支。設以商之正課而論或量為變通俾得營

運有資。不致虧本。其事尚可准行。若以內府幣利而論。則係商人應交內府借項。與民無涉。朕惠愛黎元。屢次蠲租貸賦。不惜帑金億千萬兩。豈肯為商人應交內府些須幣利。轉將鹽價加增。致民受困之理。其事斷難准行。況此項幣銀原係該商等自行懇請借給者。並非官派其借出於商人勉強也。且幣利祇係一分起息。為數甚輕。若商人等於民間自行借貸。焉得如此輕息。是商人已受其利矣。況從前借給時。本係銀

兩。並非錢文。此時何得以易銀耗折。牽合藉口。現在錢價雖賤。然從前商人領幣之時。據稱紋銀一兩。可易錢八九百文。以此覈算。則該商等彼時自得利已多。其官借幣項。為日已久。節經加恩帶緩。即就幣利言之。其所稱每年交納數目。亦不應至如許之多。是梁肯堂並未深悉原委。祇據徵瑞一面之詞。代為附和。著傳諭徵瑞。將應交課幣及幣利各項實數清冊。帶同經手總商數人。親自來京。聽候軍機大臣會同覈辦。

將此諭徵瑞。即令其速來。並諭梁肯堂知之。若梁肯堂現無要事。即來同議更好。○又諭曰。全德在兩淮署理鹽政。為時已久。浙江鹽政印務。雖有吉慶兼署。但巡撫地方事件較多。鹽政本任亦未便久懸。前據蘇楞額奏於十月初間。自粵起程。計此時已可行至揚州。一帶著傳諭蘇楞額。於何處接奉此旨。即回赴揚州。暫署兩淮鹽政。全德交代後。即回浙江本任。至徵瑞。現有奏請將長蘆鹽價改賣銀

兩一事。是其本任經手。現已降旨。令其帶同總商。來京覈辦。俟此事辦理完竣後。再降諭旨。將此傳諭全德。徵瑞。蘇楞額。並諭吉慶知之。○乙卯。諭軍機大臣曰。福康安奏行抵雲南省城。及查辦地方錢法各事宜。一摺。初聞摺內稱錢法之壞。雲南較貴州尤甚。竟似該省錢法。現有弊竇。及聞至後幅。又稱雲南地方。所有從前每百不及一二寸之小錢。久已收繳淨盡。赴局抽驗官鑄錢文。飭兩已足。輪

廓亦甚整齊。省城及附近州縣。現一律純用局鑄大錢。但每銀一兩。換錢至二千五百餘文。其價實覺太賤。等語。自係福康安甫到雲南。尚未及詳細編查。此次所奏。不過大概情形。雲南為小錢淵藪。即使目下局鑄官錢。果無情弊。但前此該省小錢。到處公行。此時外府州縣所行錢文。亦尚不免私鑄撓雜。此等小錢。從何而來。民間私鑄。不過於隱僻處所。暗自傾鎔。為數無幾。若非從前官局剋減牟利。安得小錢如許之多。況該省現在每銀一兩。換錢至二千五百餘文。價值太賤。亦由該省為產銅之區。採買便易。管錢官員。每年於額外多鑄。以致錢價賤至如此。設非朕降旨停止鼓鑄。則該省錢價日賤一日。局鑄錢文。不能行使。日積日多。伊於何底。錢法為國家貨幣。貴在流通。豈可任其壅滯。此事惟在福康安妥定章程。設法調劑。務期銀錢兩得其平。俾商民兩便。通行無阻。方為妥善。至福康

安奏。途次多服湯藥。頗能見效。精神現已照常。等語。覽奏欣慰。但福康安氣體素弱。尚宜愛惜精神。加意調養。以副委任。將此諭令知之。○賑山西代州五臺繁峙三州縣本年水災貧民。○丙辰

上幸瀛臺。○諭。前因六十年乙卯元旦日食。上元月食。雖薄蝕踰度。可以豫行推測。所謂千歲日至。可坐而致。但稽古史傳所載。遇有日食月食等事。往往下詔求言。以示修省。朕思

上天垂象。固宜戒慎。而應天以實。不以文。與其託諸空言。孰若施諸實政。前已降旨。普免天下應徵漕糧。俾海宇子民。共臻樂利。今思各省尚有節年民欠。及因災帶緩未完銀穀。俱應按限徵輸者。小民究因官欠未清。未得遂其含哺之樂。朕仰邀

昊眷。在位六十年。寰宇寧謐。景運增隆。丙辰年即屆歸政。今若於朕臨御之年。覃敷恩賚。俾小民節年欠項。廓然一清。得以戶慶盈寧。共

游化宇。所謂修德愛民。孰大於是。而修刑亦概於是矣。以此上應

垂象。感召休和。實屬吉祥盛事。所有各省節年正耗民欠。及因災緩徵帶徵銀穀。著各督撫詳晰查明。按照該省所屬之某州某縣。實欠在民銀穀若干。速行開單具奏。到日降旨豁免。並著先將此旨謄黃宣示。俾鄉村鎮市咸使周知。得以共霑實惠。官吏胥役等。無從影射侵冒。以副朕子惠黎元。敷錫延禧。俾普天

羣黎無一負欠者。喜孰大於是。該部即遵諭行。○諭軍機大臣曰。慶桂等奏履勘堰圩風損石工。並圍築越壩一摺。高堰山圩兩廳塌損石工。經慶桂等查勘應補應拆各段形跡顯然。毋庸岸水查驗。可見蘭第錫前請先築越壩之說。皆係管工劣員。豫為開銷地步。蘭第錫為其所愚。率行奏請。今據慶桂等查明。果不出朕之所料。所有此項應辦各工。應照所查工段越壩於春融趕緊開工。著傳諭蘇

凌阿。蘭第錫認真稽查。務期料實工堅。不得任聽工員浮冒。此為最要。至今年潮水漫漲。風浪掣動石工。幸西北暴風即時止息。得以用埽抵禦。此皆仰賴

淮神默佑。化險為平。實深敬感。其工次之

禹王廟。

關帝廟。

顯王廟。

二帝宮。黃埭寺。崇祀湖濱。均昭顯應。著發去

藏香一百二十枝。於

淮神廟及各處

神廟內。各用二十枝。虔誠報謝。用酬

靈貺。○又諭。姚荃奏。安南遞到呈覆福康安

呈文。並備送土儀一摺。據稱閱其呈文。情詞

甚屬懇肫。謹將原文進呈。其肉桂犀角二件。

暫行收貯。恭候指示等語。阮光縉接到福康

安前次照會。能知悅服。復備呈文。兼送土物。

實屬通曉大義。但福康安若行收受。又須備



物酬答該藩接到後自必復備呈文土儀以伸謝悃。稠疊往來徒滋繁節無所底止。所有此次該藩備送物件竟可毋庸收受。福康安祇須繕寫照會告知阮光縉以該藩所遞呈文情詞懇切並備送土物足見恭順可嘉。但人臣無境外之交況與該藩並未接見其感戴悃忱已經鑒悉。所有備送物件未便收受。此後亦毋庸再行備送以免往返之煩。如此明白照會既可安該藩之心亦可省酬答之

繁。豈不兩便。著福康安遵照辦理並令姚蒼俟福康安照會到日即同收存原物一併遇便發還。將此諭令知之。○以健銳營翼長賽冲阿為吉林副都統。○丁巳諭本年鄉試諸生年屆八十七以上未經中式者除順天業經分別加恩外茲據各省陸續奏到諸生中年躋耄耄踴躍觀光共百有餘人雖未中式而三場均能完竣洵為士林盛事。所有江南省八十以上之朱楷魏伯營王巖潘東曜

卞廷聚黃本泰邵維新保學灝饒梁材呂明趙履泰孫紹聞洪衍劉夢卜陳邁王煦輝王殿英等十七名江西省八十以上之劉大知劉嘉謀楊化雨歐陽峒熊定飛楊梁材萬錦龍孔彥鄒學洙等九名浙江省八十以上之溫大鶴盛廷謨王琇琪張大維盛邦燮等五名福建省八十以上之林廷對黃協清周達魏正芝鄭玉麟余鳴珂鄭夢鳳梁棟蘇發崑謝成瑚等十名湖北省九十以上之鄭泳八

十以上之梁國銓何秉時李方榮胡萃英王應徵蕭士光況紹中周維新胡鏜文振翎羅致之等十二名湖南省八十以上之盧山黃士商董簡鄧世魁譚正品唐大聘袁義崑蔡翔等八名河南省八十以上之李滋馬品陳念中唐汀盍李步青等五名山東省八十以上之楊乃依曹允桂郭思名吳崙楊遜志等五名山西省八十以上之薄文龍張掄升等二名陝西省九十歲之郝振甲八十以上之

李平格景常泰安甲第劉毓瑞張雲鶴楊晏  
艾爾潘王甲第宗其位王兩蒼張鈞等十二  
名四川省八十以上之曾世榮李升穀劉果  
昌張孔訓梁燦章張仁榮賴標岳星盧麟祥  
等九名廣東省九十以上之范拱北謝師灝  
陳鐘陳至道潘宗岳鄒鐵卷許元衡莫元進  
等八名雲南省八十以上之郝瑄王樞潘士  
鏞楊鶴榮俞近仁趙宗武等六名俱著加恩  
賞給舉人准其一體會試其浙江省七十以

上之康辰時長廷濮晉余光熙俞廷鑑劉獻  
何永年等七名福建省七十以上之孫大年  
薛謙等二名湖南省七十以上之朱隆燭秦  
邦楨黃杰何如段科等五名山西省七十以  
上之王明遠孫尚志王開蒙樊晚遇呂際雲  
杜靈鍾等六名俱著加恩賞給副榜以彰壽  
世作人至意○戊午

上幸瀛臺○己未

孝惠章皇后忌辰遣官祭

孝東陵○諭軍機大臣等據畢沅奏收繳小錢  
毋庸給價一摺此事各省奏到辦理不一惟  
姚榮所奏摺內稱廣西省五十五七兩年給  
價收繳則所收小錢至十餘萬觔及四十餘  
萬觔之多五十六年未經給價僅收繳一萬  
餘觔可見給價則收繳之數多不給價則收  
繳之數少所奏頗為明晰現經戶部定議通  
行各省無論鑄數多少均准赴官呈繳每觔  
換大錢六十文並予一年之限收買淨盡且

收繳小錢改鑄大錢經戶部覈算改鑄大錢  
一串除工本外尚贏餘三百文是收買小錢  
改鑄大錢亦屬有贏無絀自應遵照辦理除  
交部彙總同他省一併議奏外將此先行傳  
諭知之○又諭曰琳寧等奏

昭陵前石碑樓一座向南微欹七八寸托梁亦  
有斜疊一道請暫設戲柱四根以資保護等  
語

陵寢重地工程未宜輕動此項石碑樓自建立

以來已閱百餘年。至今不過稍有偏欹七八寸。可見從前工程堅固。可保無虞。自應詳加察看。如偏欹形勢。業已站定。竟不妨聽其自然。倘有須保護之處。亦祇須酌量加餞。盛京地方。木植不能堅實。不若用一色好石加餞。自比木柱更為得力。豈可輕議拆動更換。看來竟係該處官員。希圖借此工程。以為需潤地步。現在新授盛京工部侍郎泰寧。本係工部司員出身。於工程較為諸悉。此事著交該侍郎。於到任後。親加履勘。酌量情形。遵照辦理。以期鞏固。而昭慎重。除就近傳知泰寧外。將此諭令琳寧等知之。○山西巡撫蔣兆奎疏報。山西渾源州。開墾荒旱地八十四畝。○庚申。

上幸瀛臺。翼日如之。○諭。每年臘月。於直隸解到旗租銀兩。普賞八旗兵丁一月錢糧。本年此項銀兩。至今未據解到。該兵丁等寒冬歲暮。生計維艱。若俟解到後。再行給發。未免遲

緩。著於部庫節年積存旗租項下。先行撥動。加恩普賞八旗兵丁一月錢糧。俟直隸旗租解到。再行歸款。以示朕敷錫春祺。恩膏速沛。至意。該部即遵諭行。○軍機大臣等覆奏。各省滿漢營演放礮位。動用鐵子鉛丸。揀銷分數。多係揀七銷三。惟貴州省所用鉛丸。揀六銷四。山東寧夏俱用鐵子。向係全銷。熱河滿營所用鉛子。銷五揀五。請一併改為揀七銷三。以昭畫一。報聞。○予故吉林將軍寶琳祭葬。如例。諡勤恪。○辛酉。諭。本年春間。得雨稍遲。入夏後。雨水較多。現在錢價過賤。自因銀兩短少之故。且錢價既賤。物價未免昂貴。官員兵丁。生計稍艱。著加恩自王以下。滿漢各官。俱賞借半年俸銀。其閑散宗室覺羅。八旗兵丁。各賞借半年餉銀。均作為三年按季按月扣還歸款。以示朕加惠官兵。恩施無已之意。並著該管大臣。務須各天良。代為籌畫。或立度日之資。或辦婚嫁之事。以歸實用。如

有任聽糜費者。一經查出。必將該管大臣治罪。所有應行賞借俸餉銀兩。交該部於年內普行支放。用示格外體恤至意。○又諭。昨因金簡患病。令伊子縕布來京看視。今金簡病體未能即愈。縕布不能即時回任。泰寧鎮總兵係兼

陵寢內務府總管。員缺未便久懸。特清額係策楞之子。經梁肯堂保舉總兵。其才具似尚能勝任。著即行前往署理。縕布之缺。不必來京

請訓。俟金簡病痊後。再令縕布回任。○壬戌。諭軍機大臣曰。朱珪呈進御製幾餘詩一部。朕畧加披覽。係繕錄御製詩章。分門別類。編輯成帙。可謂用心細而措辭當。但所進表文。及每門卷首按語。俱有頌無規。及其頌揚之處。亦覺過於繁縟。朱珪方任巡撫。察吏安民。是其專責。至於詞章之學。乃係餘事。今閱其所撰各條按語。比事屬辭。朕偶經披閱。一時尚未能了然。何況逐加分纂。頭緒更繁。然看

此書非該撫之俗幕友所能代辦。自係朱珪自行編纂。該撫應辦地方要務甚多。若專用心於筆墨之事。恐致政務轉不免疎漏。豈朕畀任封圻之意。且御製詩卷帙浩繁。若似此分類編輯。祇須鈔集成書。以存一體。除頒賞荷。包筆墨錄鈔外。著傳諭朱珪。務須盡心政務。以察吏安民為重。不可緩其所急。用心於無用之地。嗣後亦毋庸再行纂辦。進呈。惟當悉心民事。以期無負委任。○旌表守正捐軀

湖北襄陽縣民呂萬得妻王氏。○癸亥。

上詣

雍和宮行禮。○禮部議覆。調任四川總督公福康安疏稱。首陽州屬秀山縣。應試童生。向附州學進取。該縣生齒日繁。文風蔚起。自宜設立專學。查松潘廳進額六。茂州。汶州。保縣。各八。應試童生。自三十名至五十餘名。額多人少。請即於四廳州縣學額內各裁二。撥秀山。武生如之。歲試取進文生八。武生八。科試文

生八。酉陽舊額。康增各二十。亦應於松潘等四學內。撥康增各三。定為秀山康增各十六。三年一貢。並移松潘廳訓導於秀山學。改頒學記。均如所請。從之。○甲子。諭曰。慶桂等回京。復命奏稱。今歲夏秋雨多。淮水盛漲。異常兼之西北風甚大。以致浪拍堰工。山盱一帶工段。多有塌損。幾致漫溢。幸而風勢陡轉。得以搶護平穩。淮南一帶。民獲莫安。誠為神祇順佑。理宜重新廟貌。以答

靈庥。除已發去藏香。交該督等敬謹祀謝外。所有該處原有之

禹王廟。

關帝廟。

風神廟。三處殿宇。交蘇凌阿。蘭第錫。動支正項。酌量展拓。易蓋黃琉璃瓦。用昭輪奐。永慶安瀾。至三處神像。並應照內廷款樣。製造龍袍。著該督等量準尺寸。就近交蘇州織造。如式繡辦。送往

以副朕崇德報功。衛民祈佑至意。○諭軍機大臣等。前降旨。令各督撫呈遞奏摺。將第一摺第二摺第三摺繕寫黃簽。黏貼封函之上。原因各省奏摺。不知酌量事情輕重。先後倒置。故令其開明次序。以便按次披覽。茲據伍拉納等奏。漳州被水。無需接濟。及收繳小錢。毋庸給價等摺。竟將所奏事由。全行開註。摺封之外。設遇地方機密事件。不必拆封。業已宣露。殊非慎重封章之意。各省奏摺封上。俱

祇寫奏摺次第。惟伍拉納。浦霖。如此開寫糊塗。實屬非是。著傳旨申飭。嗣後奏摺。祇須於封面黃簽。開寫第一第二摺字樣。不必摘敘事由。以昭慎密。將此諭令知之。○又諭。鑲黃旗滿洲都統。帶領引見人員內。有盛京補放防禦之驍騎校張保住一員。係滿洲旗人。取名殊近漢習。屢經降旨申禁。八旗將軍。都統並不留心更正。甚屬疎忽。張保住著改為保住。外琳寧等著申飭。將此傳諭八旗各省一

體遵行○以故甘肅西寧縣土司初執中子雲鶚雲南騰越州屬大塘隘土把總劉爾遊子學聰四川建昌道屬大田正土百戶馬羣英族人奇英貴州貴陽府屬白納長官司土官周廷玉弟廷珍各襲職○乙丑

上御乾清門聽政○諭軍機大臣曰御史王城奏鹽課以兩淮為重淮鹽以楚網為重近聞河東販賣鹽觔私行闖入楚境官網不能暢銷請飭該督撫鹽政會同妥議於楚豫交界

處所設卡查拏等語河東鹽務因該處鹽池不能旺產商力疲乏逐年缺銷經朕加恩將鹽課歸入地丁連歲以來該省民無食貴之虞並免僉商之累實屬需益無窮但各省行鹽俱有定界今王城奏河東現在鹽賤私行侵銷出境以致兩淮官引壅積若果有此情形於鹺務亦有關係該管督撫及兩淮鹽政何以未經奏聞福寧本係湖北巡撫今復擢授湖廣總督於該處網引行銷有無侵占自

必早有見聞即阿精阿雖甫任河南巡撫但河東鹽觔是否由豫省闖入楚境亦無難詢訪而知著傳諭福寧阿精阿即將楚豫交界地方有無河東鹽觔侵銷之處據實覈辦覆奏毋稍迴護至蘇凌阿現署兩江總督有兼管鹽政之責而全德正署兩任久在兩淮鹽務尤其專管如果湖廣滯銷由於河東私販入境該處鹽道及商人豈有不行稟報之理全德何以竟未奏及著傳諭蘇凌阿全德即

將各實在情形詳悉覆奏○以詹事那彥成為內閣學士兼禮部侍郎鴻臚寺卿佛爾卿額為太僕寺卿○丙寅諭兩淮鹽政之缺朕本擬將徵瑞調補茲蘆東鹽務有酌量調劑事宜徵瑞係經手之人未便另易生手所有兩淮鹽政即著蘇楞額去○兵部議覆閩浙總督覺羅伍拉納奏漳州府東門外之埔頭汛關廟綿長商賈輻輳應移駐都司酌添弁兵以昭慎重請將漳州城守營都司一額外

外委一存城兵丁六十七。移駐城外。合原設之外委一兵丁三十三。會同防範。每月與城汛弁兵更換。以均勞逸。改建衙署兵房。應如所請。從之。○以左都御史竇光鼐充經筵講官。○丁卯諭前據各省奏到本年鄉試諸生內有年逾七十八十者。業經降旨。分別賞給舉人副榜。因貴州尚未奏到。是以未經列入。茲始據馮光熊奏。該省應試諸生內有年逾八十者五人。俱能三場完竣。未經中式等語。

呂文周李仙品劉子模陸起鳳馮世祿俱著加恩一體賞給舉人。准其會試。○諭軍機大臣等。昨日畢沅呈進貢品內有恭錄御製上元燈詞燈八件。外隨冊頁二本。貯在青玉盒內。茲偶取閱冊內所載巽卦至未濟八首。係朕豫作六十年上元燈詞。朕幾餘適興豫行吟咏。於今年冬至月半間。始發交王杰錄出。俟明年上元方寫入詩本者。外間何以早得傳播鈔寫製辦。向來御製詩文。俱係王杰一手

謄寫。即使王杰之子。及家中門生幕客將燈詞私行鈔錄傳出。或為事之所有。至冊末所書。即係明年燈詞御製序文。而冊內又書寫在後。畢沅由湖廣總督降補山東巡撫。伊在湖廣任內。有查辦邪教事件。又自楚前赴山東。僕僕道途。所進貢品。亦必無暇自行製辦。況此項燈詞。冬至月間始行發騰。若該撫得有底稿。後再行繕寫製燈。雖造辦處就近製作。亦不能如此之速。自係有人在京代為辦

貢。以為爭先出奇。見好畢沅。要其厚謝地步。內廷行走翰林理宜小心慎密。從前康熙年間。南書房翰林如徐乾學高士奇輩。往往有與外省勾結情事。恭閱雍正年間實錄內。亦以臣工等不知謹慎。屢加訓誡。朕臨御以來。於內外臣工。從不存逆億之見。且辦理庶務。大公至正。亦無不可共見共聞者。但以未經寫入詩本之御製詩章。遽爾傳播外間。由此而推。設遇有機密事件。亦可

豫為輕洩。若高雲從之。將道府記載私以告人者。甚至無中生有。若從前查嗣庭。鄒魯。胡中藻之造言生事。釀成巨案。不可不防其漸。著傳諭畢沅。即將燈詞序文。得自何人。係何人代為承辦。據實覆奏。朕不過欲明白此事。並不加責備。該撫亦不必心存畏懼。稍有諱飾。致干咎戾。仍即據實覆奏。○戊辰。諭軍機大臣曰。奇豐額奏。江蘇行銷長蘆引鹽之處。與兩淮引地彼此鹽價不甚懸殊。若將蘆東鹽價驟行加長。必啟淮鹽侵越之弊。惟豐沛二縣較睢寧等處。淮鹽時價尚少二文。應請每觔加添二文等語。蘆東鹽價因錢賤未免虧折。經徵瑞奏請改賣銀兩。朕以商人獲利浮多。致使小民受困。其事斷難准行。現據軍機大臣會同戶部。遵朕指示議奏。免交帑利。其帑本銀兩三年後分別展限完納。俾商力大紓。而民間又毫無加價之累。業已依議行矣。今奇豐額所奏。江蘇行銷長蘆引地與兩

淮引地毗連。未便加價。致啟淮鹽侵越之弊。所奏尚係實情。至豐沛二縣酌加二文之處。不特無濟於通網。且使此二縣民人有加價之累。所奏竟可不必。該撫接到部文後。自可詳繹朕旨。知朕愛民恤商。恩加調劑之意。將此諭令知之。

大清高宗法天隆運至誠先覺體元立極敷文奮武孝慈神聖純皇帝實錄卷之一千四百六十六



大清高宗法天隆運至誠先覺體元立極教文  
奮武孝慈神聖純皇帝實錄卷之一千四百六十七

監修總裁官總纂官太子太傅文淵閣大學士文淵閣領閣事領侍衛內大臣稽察欽奉 上諭事務處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶隆

總裁官經筵講官太子太傅大學士大學士文淵閣領閣事稽察欽奉 上諭事務處管理刑部戶部主事稽

世襲騎都尉軍功加十九級隨帶加二級又加二級臣董誥內大臣戶部尚書鑲黃旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆五十九年甲寅十二月己巳諭明年元

旦恭詣

堂子行禮還宮時尚在日未食之前不應作樂

○諭軍機大臣等昨日畢沅呈進貢品內有  
恭錄御製燈詞燈八座又隨進冊頁二本偶  
取閱看所載巽卦至未濟八首係朕於冬至  
月初間豫作六十年上元燈詞發交王杰錄  
出俟明年上元方寫入詩本者外間何以早  
得傳播鈔寫製辦本擬將燈詞序文得自何  
人之處詢問畢沅茲令軍機大臣查詢畢沅

差弁據稱係舉人劉在田在京代辦隨傳詢

劉在田據稱係素識拔貢方楷給與底稿復

詢之方楷據稱伊在彭元瑞家代筆因彭元

瑞令其繕寫私行錄稿轉給劉在田圖其酬

謝等語御製詩章外間購求寶貴爭相傳錄

因屬事之所有即此次劉在田方楷私行鈔

寫牟利祇將伊等斥革示儆免其深究但彭

元瑞於伊代筆之人私將底稿鈔錄轉給他

人並未覺察設遇有機密事件亦似此私行

傳播豈不大有關係彭元瑞不能慎密之咎

實所難辭嗣後當知謹慎至畢沅向來所進

之貢不過尋常物件自可照常備辦何必另

求新奇見好以致代伊辦貢之人因此多事

著傳諭畢沅嗣後務須留心謹慎勿踵前轍

轉令匪人藉端滋事致蹈愆尤也○以故一

等子七十一子玉興夏銳子永祥一等男海

常子恒康各襲爵○庚午諭曰長麟等奏荷

蘭國貢使搭坐商船來粵船商咭時現已裝

貨完畢放洋。業據咭時將入口出口船料稅銀等項全數交納等語。荷蘭國貢使遠來納貢。恭順可嘉。所有該貢使搭坐商船除進口貨物照例納稅外。其應納船料及出口買帶貨物著加恩免其交稅。今此項出口船料等稅業據全交著長麟等俟該貢使回國時仍行給還以示柔遠懷來至意。○以故三等子博永武子該哈蘇二等男瑪興阿弟瑪昇阿各襲爵。○補行四川省乾隆五十七年軍政

卓異官七員。罷軟官二員。年老官二員。才力不及官二員。分別議敘處分如例。○辛未諭軍機大臣等。據惠齡奏本年被淹成災之京山等八州縣內有涸出較遲之處不免有誤春耕。仰懇天恩分別酌借籽種口糧以資接濟等語。湖北京山等州縣本年夏秋水稍多。偶被偏災。前此降旨詢問原為明歲新正加恩。如有應行展賑及賞給口糧等事方可謂之行慶施惠。至酌借籽種口糧祇係該撫

自行辦理。乃稱仰懇天恩措詞殊屬失當。惠齡著傳旨申飭。除將原摺照所請行外。將此諭令知之。○又諭曰。惠齡奏查看金洲情形。添築草壩以衛沙市全鎮各摺。內稱緊靠沙市隄岸。現露頂衝九處。該處紳士等請於汪家場起至拖船埠止。添建草壩一座。用資擋禦等語。沙市大壩既因江流衝射勢露頂衝。自應准其所請。添築草壩。俾資搪護。所築之壩就近於窖金洲取土。從此逐年刨挖。洲

身姓臨蘆根可期淨盡。並省每年官為翻犁之費。尤為一舉兩得。惠齡現已調任安徽。著交與福寧會同該撫董飭所屬妥為辦理。母任胥役等從中干與。致滋弊端。至該處蕭姓因從前查辦窖金洲時。曾將家產查抄抄出之產共有若干。作何支用。並著福寧惠齡會同查明具奏。再閱所進圖內窖金洲之上繪有新淤洲一道。披閱之下。幾疑窖金洲尚未除淨。上淤又有新漲淤沙。其實此洲名喚新

淤。乃係舊時所稱。圖內未經聲明。殊欠明晰。似又有新淤之洲。嗣後當書舊有西洲。方可不至牽混。將此諭令知之。○補行四川省乾隆五十八年大計。卓異官十五員。不謹官二員。罷軟官二員。年老官八員。有疾官四員。分別議敘處分如例。○緩徵河南汲縣新鄉輝縣獲嘉淇縣濬縣。河內修武武陟延津內黃湯陰臨漳安陽溫縣原武陽武濟源孟縣林縣武安涉縣滑縣考城封邱二十五縣。本年水災地畝應徵新舊漕項銀兩。○豁免貴州運京乾隆五十八年分沉溺鉛一萬二千八百觔。○壬申諭曰。長麟等奏。高要等縣被水漫溢。業經照例撫卹。賞借口糧。明春無須量為接濟等語。高要等縣被水地方。節經降旨。加兩倍賞給修費。並將新舊錢糧。緩至來年秋後帶徵。第念該處甫經被水之後。若於來年一律徵輸。民力不無拮据。所有高要高明四會三水等縣。領過賞借一月口糧。共銀六

千一百二十六兩六錢。著加恩遞緩一年。於秋收後帶徵。以紓民力。該部即遵諭行。○諭軍機大臣曰。福英奏九江關稅一年期滿。盈餘比較不敷一摺。內稱上年湖廣安徽淮徐一帶雨多歉收。雜貨滯消。以致船隻稀少。川楚糧倉及薈把等項。販運寥寥。本年稅課。比最旺之五十七年。竟短少銀一十五萬八千二百餘兩。懇請治罪。全數賠補等語。湖廣江西安徽等省。本年收成。俱屬豐稔。商販往來船隻。自應較往年為多。所收稅課。亦應較旺。乃九江關商稅。上年比較。已屬不敷。而本年所收數目。短少愈多。若非該監督辦理不善。即係書役家人。有私行透漏等弊。必須嚴密訪查。以杜侵隱。蘇凌阿曾任九江道。於該關稅課情形。素所諳悉。且現署兩江總督。江西即其所屬。亦應順便前往巡察。上年係令陳淮覆查。據奏無弊。今年未便仍令該撫往查。著傳諭蘇凌阿。即行前往九江。將本年關稅

盈餘銀兩。因何短絀。有無捏飾之處。據實查明具奏。勿稍迴護。俟奏到日。再降諭旨。○兩廣總督覺羅長麟奏。定例沿海水師營兵。赴海協捕。本汎應食錢糧。留贍家口。該兵丁未免枵腹從公。查調兵協捕。應日給口糧銀弁八分。兵五分。請於藩庫現存田房稅羨閒款銀兩內。撥借二十萬兩。交商營運。作為巡洋兵丁口糧。及燂洗船隻添補繩纜之用。下部知之。○以故五經博士冉廷硯子傳科。冉上

成孫廣淇。仲耀孫貽熙。各襲職。○予故克勤郡王雅朗阿祭葬如例。謚曰莊。○癸酉。旌表守正捐軀山東蘭山縣民王小拔妻王氏。○甲戌。

上御寧壽宮景祺閣。賜王貝勒貝子。公。額駙大臣。及蒙古王。貝勒。貝子。公。額駙等食。賞賚有差。○諭軍機大臣等。前據梁肯堂奏。河間天津。正定等二十州縣。被災八分之極。貧民請於明春展賑一個月。口糧等語。因查山東省

被災地方。據畢沅奏。請九十分極次貧民。展賑兩個月。七八分極次貧民。展賑一個月。本年直隸被災情形。較山東為重。何以該督所請展賑之處。轉止一月。看來所定災分。亦未必能確實。想該督或因經費不敷。意存節減。但朕惠愛黎元。遇有水旱偏災。不惜億萬帑金。優加賑卹。豈可因該省經費不能充裕。致使小民稍有失所。況明年係閏二月。為日甚長。距春收較遠。若僅展賑一月。寧足以資接濟。

著傳諭梁肯堂。莫存為朕惜費之心。即將河間。天津。正定等二十州縣內。被災較重至九十分。應展賑兩個月者。幾州縣。被災次重。應展賑一個月者。幾州縣。即行詳細確查。迅速具奏。以便新正頒發恩旨。如需請撥銀兩。亦即據實擬定數目奏聞。即於部庫撥給。毋得稍存迴護諱飾。致負朕痼痼在抱至意。○乙亥。

上幸瀛臺。回部吐魯番多羅郡王伊斯堪達爾

等十三人。土爾扈特多羅郡王巴特瑪烏巴錫固山貝子沙喇扣肯和碩特多羅貝勒騰特克杜爾伯特來使根敦扎布及朝鮮國正使朴宗岳副使鄭大容荷蘭國正使噶勝副使曉龍等。於西苑門外瞻覲。○丙子。

上御撫辰殿大幄次。賜蒙古王貝勒貝子公額駙台吉及回部吐魯番多羅郡王伊斯堪達爾等十三人。土爾扈特多羅郡王巴特瑪烏巴錫固山貝子沙喇扣肯和碩特多羅貝勒

騰特克杜爾伯特來使根敦扎布等宴。○諭曰。保寧著補授吏部尚書。所遺伊犁將軍員缺著明亮補授。俟明亮到彼交代後。保寧再行來京。○諭軍機大臣等。前因邪教案犯劉之協另案關提至河南扶溝縣。乘間脫逃一案。將穆和蘭革職。發往烏魯木齊効力贖罪。並將革令劉清鼎及案內之解役人等一併解京審訊。茲據軍機大臣訊明劉清鼎供詞。據稱劉之協於九月十五日脫逃。伊於十九

日奉到上司查拏劉之協公文。始知係邪教案內要犯等語。劉之協係與劉松倡復邪教之人。豫省為劉松原籍。既經穆和蘭查出。容會甘肅究辦。即應先行飛速通飭各屬。將劉之協及早查拏。則該縣得以早奉公文。即可將該犯剋期解送。迺遲緩怠玩。延擱時日。致要犯得以乘間脫逃。由此觀之。是劉清鼎疎脫人犯。皆由於穆和蘭之行文遲延所致。其罪實無可逭。前次僅將伊革職。發往烏魯木

齊効力贖罪。尚屬從輕示懲。計此旨到時。穆和蘭已可行抵蘭州。著傳諭勒保。即宣示諭旨。令其將因何不早為行文拏犯之處。明白登答據實具奏。○丁丑。諭軍機大臣等。上年喚咭喇貢使到京。曾請派該國之人住居內地。照管買賣及該國船隻照例上稅各條。當令軍機大臣面加駁飭。並於該使臣回國時。發給勅諭二道。諭知該國王敬謹遵照。想該國王震懾聲威。接奉勅諭。義正詞嚴。自不敢

再行讀請。但夷性貪得便宜。恐日久復萌故智。所有前發勅諭。雖曾令松筠面向長麟告知。究未必能如繕寫之詳明。而該省又無檔案可查。設將來該國復有仍前讀請之事。該督撫等一時辦理。不能得有把握。著將上年頒給唵咕喇勅諭二道。鈔錄發交長麟等密為存記。並令入於交代。以便日後接任之員。遵照妥辦。將此諭令知之。○又諭曰。成林奏恭齋頒賞阮光縝勅書蟒袍等件。前赴鎮南關。於太平府途次。接據阮光縝呈稱。接到照會。知天寵下逮。極應躬自赴關叩領。奈因患水痘。忌見風日。不能親來。謹遣陪臣阮文用。吳時任。詣關代謝天恩。恭領御賞等語。阮光縝因患水痘。不能親自赴關領賞。特遣其陪臣阮文用等前來代領。經成林向其明白宣示。並另具照會。交伊帶付回國。所辦尚好。著傳諭姚榮。成林。再照會阮光縝。以爾父阮光平臣服天朝。恪守藩封。受大皇帝恩眷。至優

極渥。爾冲年襲爵。克繼前修。大皇帝深為嘉獎。是以疊頒恩賞。今爾因患痘。不能親自詣關。特遣阮文用等前來代為叩領。恭順有加。當經本部院奏聞。大皇帝以爾年幼患痘。殊深廕念。爾國王務宜加意調攝。以冀速痊。長荷天寵。此時爾所患水痘自己全愈。即速呈覆本部院。代為奏聞。以慰廕注。如此諭。知該國王。自必倍感恩施。益矢恭順也。○戊寅。孝莊文皇后忌辰。遣官祭。

昭西陵。○

上詣

慈寧宮。

壽康宮。行禮。○諭曰。吏部尚書金簡。供職年久。勤慎小心。前聞患病。不時遣侍衛等往視。並派御醫診治。賞賜人參一觔。俾資培補。以冀速痊。茲聞溘逝。殊為軫惜。著賞給經被。以為飾終令典。並派皇孫綿懃。帶同侍衛十員。前往奠醊。所有應得卹典。著該部察例具奏。○

諭軍機大臣等。據永保奏。從前喀什噶爾所設回兵五百名。請添設回夷總管副總管五資巴什。溫巴什等頭目。分別賞給銅頂。以專統轄等語。所辦尚合體制。著照所請行。但回衆內附年久。伊斯堪達爾。尤係朕累世臣僕。永保摺內有爾我字樣。過分畛域。實屬不合。永保著傳旨申飭。○己卯。軍機大臣等議覆哈密辦事大臣雅德等奏。稱哈密庫貯火繩多係樹皮紙張所造。請遵例一體更換麻繩等語。查哈密庫貯火繩十六萬七千餘丈。未免過多。除現存麻繩七萬七千餘丈外。應令該督等詳查每年實需若干。應備若干。照數添辦。不得多造。以致日久黧朽。得旨。所奏是依議。○調西安將軍舒亮為黑龍江將軍。綏遠城將軍圖桑阿為西安將軍。寧夏將軍永琨為綏遠城將軍。以熱河副都統保成為寧夏將軍。○是日起。

上以歲暮給祭

太廟齋戒三日。○庚辰。諭據圖桑阿等奏。請改鑄歸化城副都統印信。及官員關防字樣等語。庫庫字樣自應繕寫。庫可此皆從前不曉蒙古語之所致。除將此曉諭圖桑阿等外。並著交該部。將應行改鑄印信關防之清文。俱著改鑄。庫可城字樣。再青海譯寫清文。亦著改寫。庫可諾爾。○又諭。熱河副都統員缺。著那奇奏調補。寧古塔副都統員缺。著慶霖調補。寧古塔地方緊要。兼辦理優務。著交秀林於該處副都統內。派委妥員署理。那奇奏。即著前來熱河。保成俟交代畢。再赴寧夏新任。○辛巳。以歲暮給祭。遣官祭太廟中殿。

後殿。○諭軍機大臣曰。李奉翰奏。趕挑德勝閘月河。以濟新漕。運行一摺。又不免為屬員開銷地步。聞工建築堅固。如果隨時黏修。啟閉合宜。何至有敝裂之事。今德勝閘因東岸牆石滲水。以致塌卸。須行拆辦。並挑挖月河。又

恐河流迅急。於下游添築束水草壩。似此左右周章。徒滋勞費。而河員等轉可從中需潤。現在新漕不久北上。亦祇可如此辦理。著傳諭該總河。嗣後務宜留心查察。俾工程一律穩固。勿任河員等藉詞修辦。致有冒濫等事。方為不負委任。○調察哈爾副都統觀明。為青州副都統。以正紅旗滿州叅領覺羅金良。為察哈爾副都統。○壬午。裕祭太廟。

上親詣行禮。○遣官祭

永陵。

福陵。

昭陵。

昭西陵。

孝陵。

孝東陵。

景陵。

泰陵。

泰東陵。○遣官祭

孝賢皇后陵。

端慧皇太子園寢。○遣官祭

太歲之神。○冊封

婉妃。

循妃。

恭嬪。

芳嬪。命大學士公阿桂為正使。禮部左侍郎

鐵保為副使。持節冊封婉嬪陳氏為

婉妃。冊文曰。朕惟錫窶區以都福。肇始宮闈。

修內教而服勤。首隆位號。爰申嘉命。用晉崇

封。爾婉嬪陳氏。夙著徽柔。允稱淑慎。舊依桐

邱。小心久侍。乎丹宸。新耀暈衣。令範克傳。於

彤史。慶掖庭之盛事。壽屆八旬。賁綸綍之殊

榮。禮隆九御。茲晉封爾為婉妃。錫之冊印。尚

其欽承彝典。宣四德以延祚。益荷恩光。迓萬

年而篤慶。欽哉。命大學士王杰為正使。禮部

左侍郎劉權之為副使。持節冊封循嬪伊爾



根覺羅氏為

循妃冊文曰。朕惟典徵絲枲。扶每視乎彤庭。度慎珩璜。品宜崇於紫掖。進參翟采。用貴鸞書。爾循嬪伊爾根覺羅氏。備位後宮。分班內職。家人演卦。順符大吉之占。女史垂箴。靜協含章之道。茲晉封爾為循妃。錫之冊印。爾其懋修懿德。遵禮則以綏嘉。允荷徽章。引福祥而宜穀。欽哉。命禮部尚書德明為正使。右侍郎多永武為副使。持節冊封貴人林氏為

恭嬪。冊文曰。朕惟九御承祚。協坤儀而宣化。六宮備位。彰媛德以垂型。載錫綸言。用昭嬪則。咨爾貴人林氏。久簡掖庭。動循禮法。肅雍奉職。持主壁以維度。嘉順揚徽。凜冰淵而著慎。年逾周甲。延壽宇之蕃釐。歲紀演賓。晉榮封之懋典。茲晉封爾為恭嬪。錫之冊命。爾其光崇令譽。長依日月之華。益飭芳規。克式鸞鸞之序。欽哉。命禮部尚書紀昀為正使。右侍郎劉躍雲為副使。持節冊封貴人陳氏為

芳嬪。冊文曰。朕惟教德容以率屬。表質淑庭。展功緒而分司。延休拓館。綸言錫慶。翟采增輝。咨爾貴人陳氏。早備內官。夙襄中壺。俯丹墀之雅度。淑慎其身。昭紫室之光儀。柔嘉維則。茲晉封爾為芳嬪。錫之冊命。爾其徽章用荷。計良月以承恩。懿範彌敦。瞻樞星而服職。欽哉。○癸未。

上御保和殿。筵宴朝正外藩。左翼巴林親王品級多羅郡王巴圖。輔國公賽尚阿。公品級一等台吉索特納木多爾濟。和碩額駙布彥圖。四等台吉布彥濟爾噶勒喀喇沁親王品級多羅郡王滿珠巴咱爾。輔國公永庫爾忠拉扎布。公品級固山額駙丹巴多爾濟。和碩額駙端岳特多爾濟。科爾沁多羅郡王喇什噶勒當輔國公哈達錫達什哩。公品級一等台吉丹準旺布。和碩額駙敏珠爾多爾濟。泰曼多羅郡王拉旺喇布坦。一等台吉巴勒楚克。教漢多羅郡王德親固山貝子德威多爾濟。

鎮國公納木扎勒多爾濟一等台吉固山額駙沙津阿爾畢特瑚四子部落多羅郡王朋楚克桑魯布土默特多羅貝勒理藩院額外侍郎索諾木巴勒珠爾扎賚特多羅貝勒瑪什巴圖土爾扈特多羅貝勒默們圖阿巴哈納爾固山貝子衮布旺扎勒郭爾羅斯鎮國公固魯扎布輔國公恭格喇布坦翁牛特鎮國公達瓦什哩二等台吉巴顏巴圖爾哈斯巴圖爾扎魯特鎮國公塔爾沁右翼科爾沁和碩達爾漢親王旺扎勒多爾濟喀爾喀和碩親王固倫額駙拉旺多爾濟和碩親王達爾瑪錫里多羅貝勒阿裕爾固山貝子端岳特輔國公喇嘛扎布拉素龍多爾濟扎薩克一等台吉貢楚克扎布扎木薩郎扎布齊素龍多爾濟朗衮扎布阿拉善和碩親王旺沁班巴爾鄂爾多斯多羅郡王什當巴拜扎薩克一等台吉旺扎勒車布登多爾濟土爾扈特多羅郡王巴特瑪烏巴錫多羅貝勒旺扎勒

車凌固山貝子沙喇扣肯四等台吉諾海喀什噶爾三品阿奇木伯克吐魯番多羅郡王伊斯堪達爾回部郡王品級多羅貝勒哈第爾茂明安多羅貝勒丹丕勒和碩特多羅貝勒騰特克四等台吉宗濟特厄魯特固山貝子貢楚克邦伊克明安輔國公呢瑪藏布扎薩克一等台吉鄂齊爾青海輔國公根敦端多布扎薩克一等台吉噶勒丹丹忠薩木都布扎木素綽羅斯三等侍衛舍楞杜爾伯特來使根敦扎布朝鮮國正使朴宗岳副使鄭大容荷蘭國正使噠嚨副使噠囉覽及領侍衛內大臣等召左翼巴林親王品級多羅郡王巴圖喀喇沁親王品級多羅郡王滿珠巴咱爾索曼多羅郡王拉旺喇布坦土默特多羅貝勒理藩院額外侍郎索諾木巴勒珠爾土爾扈特固山貝子默們圖右翼科爾沁達爾漢親王旺扎勒多爾濟喀爾喀和碩親王固倫額駙拉旺多爾濟土爾扈特多羅郡王

已特瑪烏巴錫固山貝子沙喇扣肯喀什噶爾三品阿奇木伯克吐魯番多羅郡王伊斯堪達爾等。至

御座前。賜酒成禮。○是月。長蘆鹽政徵瑞奏。天津本年被水村莊。統計兩月賑過貧民。竈戶七萬三千六百八十餘戶。民情極為寧帖。得旨。覽奏稍慰。明年加賑。梁肯堂祇欲一月。朕令分別應兩月者。加給兩月。汝以為何如。○兩江總督蘇凌阿奏。估挑丹徒丹陽二縣運

河。以利漕運。得旨。諸事認真妥辦。勉之。劉之協何尚未有緝獲之信。又奏。年終彙奏三省學政。並無劣蹟。得旨。皆公論。○江寧織造劉樸奏。遵旨稽查小錢。委員於龍江關上游一帶。實力查辦。得旨。實力妥為之。○陝甘總督勒保奏。遵旨上緊緝拿劉之協。得旨。以實為之。毋虛言了事。○是年。迨予出師廓爾喀陣亡。參領巴圖爾一員。佐領定博鼐一員。防禦沙克都爾等二員。驍騎校庫德勒等三員。委

署筆帖式巴圖一員。把總單世俊一員。參將銜土司甲太一員。守備銜土司江巴等二員。土千總生根等五員。土把總阿庫等五員。土外委色郎等四員。領催巴彥都楞一名。土兵阿思里等三十一名。祭葬卹賞如例。俱入祀昭忠祠。旌表孝子安徽等省錢承禧等七名。守節合例八旗閒散宗室噶郎阿妻完顏氏等三口。貼寫中書承慶妻原任郎中覺羅雅哈圖女一口。滿洲馬甲托住妻方氏等一

百二十七口。蒙古佐領明山妻牛起特氏等三十一口。漢軍馬甲馬亮妻胡氏等二十五口。內務府領催七達色妻楊氏等五口。奉天等省駐防馬甲台斐英阿妻赫業呼氏等一百三十四口。直隸等省民曹睿妻陳氏等四百四十二口。夫亡殉節。江蘇等省民朱世昌妻練氏等十三口。未婚守志。八旗漢軍馬甲馬二格聘妻范氏一口。直隸等省民張有名聘妻邢氏等十八口。百歲壽民婦。直隸等省民

蔣廷恭等十八名口。各給銀建坊如例。○一  
產三男。八旗滿洲領催阿勒京阿一家。直隸  
等省民孫九林等三家。○會計天下民穀數。  
各省通共大小男婦三萬一千三百二十八  
萬一千七百九十五名口。各省通共存倉米  
穀四十五百萬三千三百九十七石二斗三  
升五合四勺。

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百六十七

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百六十八  
監修總裁官經筵講官太子太傅文淵閣大學士文淵閣領閣事領侍衛內大臣稽察欽奉  
吏部理藩院事務正黃旗滿洲都統世襲騎都尉軍功加七級隨帶加一級兵部尚書加二級軍功紀錄一次臣  
總纂官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務  
世襲騎都尉軍功加九級隨帶加二級又加二級臣等謹將內大臣戶部尚書領滿洲都統軍功紀錄五次  
尋常紀錄十四次臣等謹將經筵講官太子少保工部尚書紀錄六次臣等謹將等奉  
敕修

乾隆六十年乙卯春正月甲申朔日食○

上詣

奉先殿行禮○詣

堂子行禮○詣

大高殿

壽皇殿行禮○免諸王百官朝賀○遣官祭

太廟後殿○乙酉

上御乾清宮賜皇子皇孫皇曾孫皇元孫親王  
等宴 諭曰朱珪奏翰林院檢討謝啓祚現  
年一百二歲視履從容等語謝啓祚年逾百

齡精神矍鑠。曾元繞膝。五代同堂。洵為昇平人瑞。著加賞編修銜。御書扁額以賜。並賞給大荷包一對。小荷包四個。所有應行建坊旌賞之處。仍著該部照例辦理。○

御書扁曰壽寓昌文。○又諭。上年直隸春間被旱。夏秋之間。近畿通州。涿州一帶。及保定。正定。河間。天津。廣平。大名。遵化等府州屬。因雨水較多。河流漲發。地畝被淹。業經節次降旨。各加兩倍賞卹。並豁免秋糧。及該年漕糧。蠲

賑兼施。俾無失所。第念該州縣自撫卹以來。戶口雖俱完聚。而現屆始和方布。宿麥初萌。正在青黃不接之時。恐民力未能接濟。所有被災最重之天津。景州。河間。獻縣。任丘。武清。寶坻。薊州。正定。藁城。清苑。清河。十二州縣。八分災極貧。展賑兩個月。八分災次貧。及七分災極貧。展賑一個月。被災次重之通州。涿州。良鄉。寧河。豐潤。玉田。大名。元城。八州縣。八分災極貧。並霸州。文安。武邑。衡水之八分災極

貧。亦俱展賑一個月。以資補助。該督其矢誠飭屬宣惠有孚。毋任官侵吏蝕。俾窮簷膏露實惠。以示三輔班春。敷錫新祺至意。該部即

遵諭行。○又諭。上年河南之衛輝。彰德。懷慶三府屬。因衛河水發。秋禾多有被淹。節經降旨。加倍賞卹。並豁免秋糧。分別蠲緩。以示體恤。第念該府縣正賑已畢。此時甫屆春和。麥秋尚速。青黃不接之時。恐民力不無拮据。所有汲縣。新鄉。獲嘉。輝縣。淇縣。濬縣。河內。武陟。

修武等九縣。內成災十分九分者。無論極次貧民。展賑一個月。其該九縣內成災八分。及成災僅止八分七分。之延津。安陽。湯陰。臨漳。內黃等五縣。酌為借糶。俾資接濟。該撫務須嚴飭所屬。實心經理。毋任官吏侵蝕滋弊。使閭閻均霑愷澤。以副朕敷錫春祺至意。該部即遵諭行。○又諭。上年山東之東昌。臨清等屬。俱因衛河水發。秋禾多有被淹。業經節降諭旨。各加兩倍賞卹。並豁免秋糧。及該年漕

糧令該撫實力查辦以示體恤。第念該州縣正賑已竣。大田宿麥甫茁。新苗距麥收尚遠。正在青黃不接之時。民力不無拮据。所有臨清德州館陶恩縣冠縣邱縣夏津武城等八州縣及臨清德州三衛著再加恩。將上年被災九分十分之極次貧民俱展賑兩個月。被災七八分之極次貧民俱展賑一個月。以資接濟。該撫務須嚴飭所屬實心經理。毋任官侵吏蝕。俾閭閻均霑愷澤。以副朕普錫春祺至意。該部即遵諭行。○丙戌。諭曰。蘇凌阿自署理兩江總督以來。辦理事務尚無貽誤。但念伊年已八十。兩江事務殷繁。精神究恐不能周到。兩江總督員缺著福寧調補。畢沅前因竹谿縣邪教奪犯毆差一案。降補山東巡撫。咎在失察。尚非不可原宥之過。著加恩仍補授湖廣總督。畢沅當感激朕恩。倍加認真奮勉。以贖前愆。所遺山東巡撫員缺著王德補授。其刑部左侍郎員缺。諾穆親著給都統

銜調補都統而為侍郎者。向所有也。富綱前在雲貴總督任內。於銅務錢法未能整頓。其咎較重。姑念其咎止因循無能。尚無別項情弊。所有吏部右侍郎員缺加恩著富綱降補。仍帶革職留任之案。王德著即馳往山東接印任事。畢沅於交卸撫篆後。再赴湖廣之任。福寧俟畢沅到楚交代後。即赴兩江之任。以便蘇凌阿回京供職。朕辦理庶務一秉大公。至正。今已八旬。有五。日理萬幾。無微不至。諸臣功過重輕。黜陟從公。權衡悉當。內外大小臣工各宜恪共職守。交相儆勉。以期無負朕宵旰施恩至意。○丁亥。上詣雍和宮行禮。○諭曰。回部郡王伊斯堪達爾著賞用黃韁。教漢郡王德親王爾扈特郡王巴特瑪烏巴錫巴林公品級索特納木多爾濟均著賞用紫韁。○戊子。享太廟。遣肅親王永錫恭代行禮。○遣官祭

太歲之神。○諭曰。陳用敷著調補貴州巡撫。其湖北巡撫員缺著英善調補。英善現在四川辦理軍需奏銷。其未到任以前。所有湖北巡撫印務著畢沅兼署。惠齡俟畢沅到任後。即赴安徽新任。陳用敷俟惠齡到任後。亦即赴貴州新任。馮光熊俟陳用敷到黔後。再赴雲南新任。○又諭朕普錫春祺。業經疊頒恩旨。嘉惠臣民。復命查從前臣工內。因過誤有賠項未清者。經軍機大臣開單具奏。如文綬、裴宗錫、閔鶚元、福崧、陶易五員。俱曾緣事查抄。其名下尚有未完銀兩。朕臨御六十年。辦理庶務。一秉大公。至正於諸臣功過權衡。輕重賞罰。從公寬嚴。悉當從不稍事苛求。此等緣事查抄之員。皆因其在任時。或瞻徇貽誤。或散法營私。其籍沒家產。實屬罪由自取。所有未完銀兩。本應著落該家屬子弟照數賠繳。第念丙辰年即屆歸政之期。現當春韶令節。覃敷愷澤。破格施恩。著將文綬等五員名

下未完銀兩。概予寬免。此外如尚有似文綬等之曾經查抄家屬實在無力完繳者。並著各該旗籍查明。具結咨報戶部題請豁免。以示朕法外施仁。恩加無已至意。○諭軍機大臣等。新正以來。風日晴和。蕃禧駢集。懷柔向化。慶惠覃敷。臘杪雪澤應時。盈尺呈祥。朝野同深歡抃。元旦適遇日食。心殷敬惕。而朕躬康健。夜間寢息。更屬安恬。福康安遠在滇南。自必情殷繫戀。著將新春嘉慶及朕懷欣慰之處。傳諭知悉。令其益深忭慰。並賞給葫蘆大荷包一對。小荷包四個。以示錫福推恩至意。○是日起  
上以祈穀於  
上帝齋戒三日。○己丑。調鑲紅旗漢軍副都統  
台布為正黃旗滿洲副都統。以刑部侍郎宗  
室宜興為鑲紅旗漢軍副都統。○庚寅。  
世祖章皇帝忌辰。遣官祭  
孝陵。

上詣

南郊齋宮齋宿。○諭前降諭旨普免天下積欠令各該督撫查明具奏。昨據梁肯堂奏到。直隸省尚有未完節年正耗地糧折色口糧等銀二百十七萬八千七百三十九兩零。又未完節年出借倉糧並應徵本色糧穀米豆等項一百一萬七千三百十九石零。俱著加恩寬免。再直隸省上年被災較廣。疊降恩旨。緩借兼施。所有此項銀米。是否即在所查數內。該督摺內未經聲明。亦著一體查明。速行咨部題豁。以示朕加惠窮簷。普錫春祺。恩施逾格至意。○辛卯。祈穀於

上帝。

上親詣行禮。○諭朕自臨御以來恭遇

郊

廟大祀。無弗祇肅躬親。即

中祀之禮。亦多親詣舉行。嗣因年屆八旬。曾經降旨。所有

中祀典禮如

先農朝日。夕月等壇。俱於八旬前兩年內。以次親祭一周。原因年壽日高。恐筋力或有不逮。是以

中祀之禮。於五十五年以後。不復親行。今思先師孔子道集大成。師表萬世。朕自沖齡服膺聖教。久而無倦。凡行政典學。悉皆得自心傳。况丙辰年即係歸政之期。本年為朕御極六十年。二月上丁。允宜展禮

宮牆。用申企慕。此次

文廟釋奠。朕親詣行禮。以昭崇儒重道之誠。其應行典禮。著該衙門照例豫備。○又諭曰。李侍堯前在雲貴總督任內。婪索屬員。革職治罪。並將伊所襲伯爵另襲嗣。因其辦理臺灣軍務。尚知奮勉。加恩賞還。今雲貴小錢充斥。經福康安查明。皆係從前局鑄偷減所致。富綱才具平庸。其不能整頓。無足深責。李侍堯是朕深知能辦事之人。乃與局員上下通



同牟利偷減錢法滋弊。使其身尚在。必當從重治罪。今雖已故。豈可令伊子嗣復邀五等之封。但其伯爵。乃伊祖功勳世襲罔替之職。不忍革除。所有李侍堯子毓秀。現襲伯爵。著即革退。仍留侍衛當差。交該旗查明應襲支派。另行揀選襲替。以為督撫大員。革恩溺職。有心貽誤者戒。○壬辰。

上詣

大高殿行禮。○御紫光閣。賜蒙古王貝勒貝子公額駙台吉及回部郡王朝鮮荷蘭國使臣等宴。賞賚有差。○御重華宮。召大學士及內廷翰林等茶宴。命皇子皇孫與宴和詩。以洪範九五福之五曰考終命聯句。○諭前經降旨將各省節年正耗民欠。及因災緩帶銀數。普行豁免。並令各督撫詳晰查明具奏。茲據福寧等奏到。湖北省積年民欠。計節年未完民欠正耗錢糧及借修隄工。並因災出借口糧。共銀十九萬一百九十一兩零。又常年出

借因災出借常社義倉穀。七萬九千二百十六石零。均著加恩豁免。至該督撫等奏稱乾隆五十九年。江陵等八州縣。因災蠲緩錢糧。係六十年啓徵之項。未敢列入等語。所奏殊未喻朕意。朕臨御六十年。普免錢糧四次。漕糧三次。其餘水旱偏災。蠲賑兼施。所費帑金。不下億萬。萬今已將節年積欠全行豁免。豈有上年因災蠲緩之項。斤斤較此錙銖。轉令向隅之理。所有此項銀糧。並著該督撫查明數目。速行咨部題豁。用敷閭澤而普春祺。○癸巳。

上幸圓明園。○甲午。

上詣

安佑宮行禮。○御山高水長。賜王公大臣蒙古王貝勒貝子公額駙台吉及回部郡王朝鮮荷蘭國使臣等宴。○乙未。諭前降諭旨普免天下積欠。令各督撫查明具奏。茲據阿精阿奏到。河南省節年因災帶緩民欠正耗。及籽

種口糧牛具等項。共銀一百七十二萬二千一百一兩零。米麥豆共五萬七千七百十八石零。穀五十二萬二千一百四十三石零。俱著加恩寬免。至該撫奏五十九年分河北水災案內。毗連災地。題准緩徵銀米等項。又各屬分年帶徵河工幫價未完銀兩。均係分年徵輸。似與積欠錢漕等項有間等語。此項緩徵銀糧及帶徵河工幫價。雖非節年積欠。可比。第念丙辰年即屆歸政之期。茲當春韶令節。允宜特沛恩膏。優施閭澤。所有該省五十九年緩徵銀六十九萬五千四百四十八兩零。米麥豆八萬八千七百七十四石零。又各屬分年帶徵河工物料幫價未完銀五十九萬二千三十八兩零。均著普行豁免。俾小民永免追呼。以示朕樂與民同施恩益下至意。

○諭軍機大臣等。邪教案犯劉之協。在扶溝脫逃。後節經降旨督拏。今為日久。尚未弋獲。前因穆和蘭在河南巡撫任內庸懦無能。

一任屬員疎縱。是以特將阿精阿擢任巡撫。令其實力率屬設法嚴拏。以期要犯速獲。乃該撫到任已將兩月。何以劉之協仍未訪有蹤跡。速行拏獲。著傳諭阿精阿。務須倍加奮勉。實力督率。嚴密查拏。速將逸犯就獲。方為不負委任。毋再遲延干咎。穆和蘭即前車之鑒也。

○以固倫額駙豐紳殷德為內務府大臣。○丙申。諭伊犁塔爾巴哈台之厄魯特等。數十年來感戴朕恩。於一切差使俱誠心奮勉。可嘉。現雖有一兩及五錢餉銀二千三百餘分。但伊等生齒日繁。因差使較多。將閒散搭派生計未免拮据。著加恩添賞一兩錢糧一千分。分為二千分。交該將軍叅贊大臣等合計伊犁塔爾巴哈台之閒散厄魯特數目。給與以示體恤。

○又諭曰。豐紳殷德已補授內務府大臣。仍著管理奉宸苑事務。所有奉宸苑卿員缺著惠倫補授。並兼尚茶正行走。

○又諭曰。吉慶奏審明匪徒倡立邪教。拒捕。

毆官一案。摺內稱臨海縣人李鶴皋。在仙居縣上坑山燒香集眾。該縣鄒大訓。帶同典史漆淳美。外委張君耀往拏。匪黨拒捕。毆傷漆淳美。脚腕等處。該令同汛弁踵至督拏。並有附近鄉民張大勇等。聚集多人。幫同兵役。將匪徒即時拏獲等語。匪徒倡立邪教。聚眾斂錢。復敢拒捕傷官。不法已極。吉慶督率屬員。拏獲首夥多犯。即時審擬完結。所辦尚屬妥速。該縣鄒大訓。訪聞要案。即同典史外委等前往親拏。而典史漆淳美。當受多傷。俱屬奮勉出力。鄒大訓。漆淳美。張君耀。均著送部引見。仍著該撫飭令鄒大訓。漆淳美。輪流赴京。酌留一員在縣。以資彈壓。所有督拏之該道府俱著交部議敘。失察職名。加恩寬免。至鄉民張大勇等。見匪黨拒捕毆官。激於公憤。聚集多人。幫同兵役。擒捕甚屬可嘉。吉慶僅各賞給銀牌。不足以示獎勵。著吉慶即行確查出力之鄉民等。按名各傳。賞銀五兩。俾該

縣民人咸知滋事抗官者立正刑誅。奮勉急公者均邀優賞。自必益加懲勸。勉為良善也。

○丁酉

上御正大光明殿。賜朝正外藩等宴。召科爾沁親王旺扎勒多爾濟。巴林親王品級郡王巴圖喀喇沁親王品級郡王滿珠巴咱爾。土默特貝勒理藩院額外侍郎索諾木。巴勒珠爾喀爾喀親王固倫額駙拉旺多爾濟。奈曼郡王拉旺喇布坦。土爾扈特郡王巴特瑪烏巴錫貝勒。默們圖貝子沙喇扣肯喀什噶爾三品阿奇木伯克吐魯番郡王伊斯堪達爾等。至御座前。賜酒成禮。○戊戌。月食。○諭前降諭旨。普免天下積欠。令各督撫查明具奏。茲據伍拉納等奏。福建省節年未完正耗二項。又漳泉二屬上年被水之晉江等五縣未完節年積欠。奏請緩徵。謹一併列入。共銀八十一萬九千一百餘兩等語。漳泉二屬上年偶被水災。疊經降旨加兩倍賞卹。並免秋糧。其

歷年積欠。雖屬緩徵之款。自應一體豁免。俾窮簷永免追呼。所有該省節年未完。及晉江等縣。因災緩徵銀八十一萬九千一百餘兩。俱著加恩全行寬免。以示朕錫福延禧。覃敷愷澤。恩加無已。至意。○是日立春。順天府進土牛春山寶座。

大清高宗法天隆運至誠先覺體元立極敷文奮武孝慈神聖純皇帝實錄卷之一千四百六十八

大清高宗法天隆運至誠先覺體元立極敷文奮武孝慈神聖純皇帝實錄卷之一千四百六十九  
監修總裁官總纂官太子太傅文淵閣大學士文淵閣領閣事領侍衛內大臣稽察欽奉 上諭事件處管理  
吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄五次慶桂  
總纂官總纂官太子太傅文華殿大學士文淵閣領閣事稽察欽奉 上諭事件處管理刑部戶部三庫事務  
世襲騎都尉軍功加十九級隨帶加二級又加二級重誥內大臣戶部尚書鑲藍旗滿洲都統軍功紀錄五次  
尋常紀錄十四次臣德瑛跪謹奏太子少保工部尚書紀昀六次尋常紀錄等奉

敕修

乾隆六十年乙卯正月己亥。

上御奉三無私殿。賜皇子皇孫皇曾孫皇元孫親王等宴。○勅諭荷蘭國王噉林嘩蘭啞哪。噉曰朕仰承

昊緯寅紹丕基。臨御六十年來。四海永清。萬方向化。德威遠播。禔福畢臻。統中外為一家。視臣民若一體。推恩布惠。罔間寰瀛。億國梯航。鱗萃來賀。朕惟勵精圖治。嘉納款誠。與爾眾邦共薄無疆之祚。甚盛事也。咨爾國重洋遙隔。丹悃克抒。敬齋表章。備進方物。叩祝國慶。

披閱之下。周詳懇切。詞意虔恭。具見慕義輸忱。良可嘉尚。爾邦自貿易。鼎門歷有年所。天朝懷柔遠人。無不曲加撫恤。如博爾都噶里。亞意達哩。亞喚。哈喇等國。效順獻琛。天朝一視同仁。薄來厚往。爾邦諒備聞之。今來使雖非爾國王所遣。而公班衙等能體爾國王平時慕化情殷。囑令探聽天朝慶典。具表抒忱。茲值天朝六十年國慶。公班衙等因道遠不及稟知爾國王。即代為修職來庭。則感被聲

教之誠。即與爾國王無異。是以一律優待。示朕睦懷。所有齎到表貢之來。使小心知禮。已令大臣帶領瞻覲。錫予筵宴。並於禁苑諸名勝處。悉令遊覽。使其叨茲榮寵。共樂太平。除使臣恩賚疊加。及各官通事兵役人等。正賞加賞各物件。另單飭知外。茲因爾使臣歸國。特頒勅諭。錫賚爾王。文綺珍物。如前儀。加賜綵緞羅綺文玩器具。諸珍王其祇受。益篤忠貞。保乂爾邦。永副朕眷。欽哉。○庚子。諭曰。蘇

凌阿泰。拏獲殺妻在逃之原任刑部郎中李容。及兇惡奸僧。分別定擬二摺。所辦均未為得當。李容殺妻脫逃。前經山東省奏到。朕因該員曾任郎中。輒將伊妻砍斃。並不聽候定擬。乘間逃匿。情節可惡。是以將該員革職。通飭嚴緝。務獲審擬。今經江省拏獲。如審明李容平日實有寵妾凌妻。及別項酷虐情事。則伊身為職官。無故殺妻。又負罪潛逃。雖立寔重典。亦不為過。今伊妻楊氏。私將蟒袍賣錢。

花用。經李容查知。斥責楊氏。向其混罵。復拾剪摔擲。是楊氏本屬潑悍之婦。李容將伊砍斃。乃係出於一時忿激。與故殺者不同。即或因其負罪潛逃。究非現任。亦止須照例問擬絞候。已足蔽辜。何必遽請即行正法。至僧人雨堂。本係長隨披羅為僧。平日將其徒眾毆罵。火烙。復圖占下院。將別寺僧人文鐘等拘拏。私刑拷打。迨差拏到案時。又用假辦金頂貂帽袍褂。情節甚為可惡。若僅擬發伊犁。此

等奸徒到戍後。仍可逞刁脅騙。不足示懲。雨堂竟當永遠枷號。每月派役管押。帶赴各寺院輪流示衆。遇赦不赦。方足以儆兇暴而垂法戒。外省督撫辦理事務。非失之不及。即失之過當。即如蘇凌阿所辦李容及僧人雨堂二案。一則過於從嚴。一則不免寬縱。朕於庶獄。無不權衡重輕。斟酌悉當。雖屬尋常案件。一經披閱。其間情節稍有未能允協之處。皆即為改正。以昭情法之平。各督撫等嗣後於

定擬案件。務宜悉心綜覈。無枉無縱。以仰副朕明刑弼教。折衷至當之意。○辛丑。諭朕於乾隆六年。曾親祭

傳心殿。明年即屆歸政之期。自應親詣行禮。用申企慕。茲擇於二月初二日吉期。親往致祭。禮畢。即臨御經筵。所有典禮。著該衙門照例豫備。○又諭。前經降旨。普免天下節年民欠銀糧。令各督撫查明細數具奏。茲據畢沅查明山東省節年民欠正耗銀穀。並民欠河

道夫食正耗借領土方等銀。及民欠出借籽種常社米穀等項數目。開單具奏。東省地連畿輔。節經加恩蠲貸兼施。茲以歸政在即。允宜普予豁免。俾得慶盈寧之福。所有山東省節年未完地丁正銀十六萬二千九百九十九兩零。耗銀二萬二千八百十九兩零。五十八年分民欠正銀三十五萬九千八百四十二兩零。耗銀十五萬一千三百二十六兩零。節年因災緩帶正耗銀三百四十七萬六千

六百七兩零。民欠河道夫食正耗。及借領土方銀二十三萬七千五十八兩零。節年民欠出借籽種口糧麥本銀三十萬七千七百五十六兩零。共銀四百八十七萬四千二百一十兩零。又節年民欠出借常社米穀南米豫麥合穀五十萬四千二百石零。均著加恩豁免。以副朕錫福延禧行慶施惠。恩加無已至意。○諭軍機大臣等。據畢沅奏謝恩摺內稱。東省距京甚近。俟玉德到任交卸後。即趨赴

關廷等語。畢沅甫於上年春間前來紫泉行在瞻觀。迄今未及一載。此時何必即行奏請陞見。況畢沅前在湖廣總督任內。於邪教奪犯毆差一案。安坐衙齋。查辦遲緩廢弛。因念其咎止失察。是以加恩仍授為湖廣總督。該督惟當倍加奮勉。將地方事務認真整頓。即屬伊報効出力。該督來京瞻觀。朕所訓諭。亦不出此。著傳諭畢沅。即赴新任。不必來京請訓。又諭太和縣差役余洛。閱文解到。命軍

機大臣詳加研鞫。據余洛供出。太和縣人阮沉。郭彥忠。二犯在扶溝縣。曾與劉之協來往。十月十五日。劉之協到縣前時。阮沉。郭彥忠與劉之協說話。一同走去。我赴店尋找。都已不見等語。詳閱余洛供詞。阮沉。郭彥忠二犯俱係邪教案犯。形迹固屬可疑。而余洛解犯至扶溝。任聽各犯往來。亦恐有知情故縱情弊。即如劉之協與阮沉同在扶溝逃遁。余洛復於回縣途次。遇見阮沉。何以並朱向阮沉

逐細根究。劉之協下落。祇塔伊船隻同行。可見余洛阮沉俱是串通一氣。未必竟不知情。至余洛回到太和後。將阮沉拏獲。送官審辦。一節。自係藉緝拏教犯。在本官前塞責。以掩其縱放劉之協之罪。狡詐反覆。尤屬顯然。安省拏獲阮沉。僅照餘犯問擬發遣。並未向其追究劉之協蹤跡。錄供具奏。即余洛到京所供情節。蘇凌阿等亦未經訊出奏聞。且太和縣僉差押解劉之協。原批內標派余洛將申。

二人。因蔣申下鄉未回。該縣令頭役閔文代蔣申押解。而閔文仍未親往。該役既憚於押解。避差未去。何以十餘日後。閔文復馳往扶溝。守取回照。情節殊屬可疑。蘇凌阿等於此等疑竇。均未詳細研究。祇以安省得有回照。便可卸責。遂任聽屬員推諉豫省。所辦尤屬非是。蘇凌阿等於查辦此案。如此草率。並不認真。是屬何心。從前所奏懸立重賞購緝。豈不皆成虛語耶。蘇凌阿。陳用敷俱著嚴行申

飭並著將余洛因文供詞鈔寄蘇凌阿等閱看。即照指出各條另行查訊確實。逐一登答明白回奏。毋得再行迴護致干重咎。○又諭昨據余洛等所供情形。是劉之協脫逃。顯係阮沉。郭彥忠。潛通信息。現已飛提該二犯來京嚴究。但劉之協居住南關店內多日。曾到西關看望阮沉。彼此來往多次。該處店戶居民自必漸與熟識。雖據店戶柳添祥供實不知該犯去向。而其走脫時。彼處居民衆目共睹。豈有竟無聞見之事。劉之協自知罪重。安省正在查拏。未必敢回原籍。非南往襄陽。至伊同教家中藏匿。即西往陝西一帶。希圖遠竄。口外漏網。著傳諭阿精阿。即親至扶溝西關南關一帶。密傳店戶居民。面為詢問。並曉諭伊等。但知劉之協去向。不訪據實說出。非惟無罪。且可邀賞。俟其說出如係南往。即飛咨福寧。嚴密躡拏。如係西往。即飛咨勒保。秦承恩。嚴密躡拏。或竟係竄回原籍。亦即飛咨

蘇凌阿。陳用敷。迅速購緝。阿精阿到任。已將數月。尚不能將要犯設法速獲。豈此等購線躡蹤之事。伊亦不能妥辦耶。該撫務宜遵照諭旨。妥協籌辦。俟得要犯蹤跡。一面具奏。一面飛行咨緝。毋得再有延緩。致蹈穆和蘭覆轍。將此由六百里傳諭阿精阿。並諭蘇凌阿。福寧。勒保。秦承恩。陳用敷等知之。○雲南騰越鎮總兵劉之仁病休。以兩江督標中軍副將裕隆武為騰越鎮總兵。○壬寅。

上御正大光明殿。賜大學士尚書等宴。○諭曰。和珅奏。喀喇沁親王旺扎勒多爾濟請封生母為側福晉。查無例案。請旨可否。准行等語。向來蒙古王等。雖無封側福晉之例。但朕眷愛蒙古王等。與宗室王等一體。並無區別。宗室王等。例得封側福晉。且旺扎勒多爾濟之嫡母已故。伊生母亦六旬有餘。著准封為色旺諾爾布之側福晉。以示朕視蒙古世僕如子孫之意。○又諭曰。陳淮奏。贛州等衛漕船。

蘇凌阿。陳用敷。迅速購緝。阿精阿到任。已將數月。尚不能將要犯設法速獲。豈此等購線躡蹤之事。伊亦不能妥辦耶。該撫務宜遵照諭旨。妥協籌辦。俟得要犯蹤跡。一面具奏。一面飛行咨緝。毋得再有延緩。致蹈穆和蘭覆轍。將此由六百里傳諭阿精阿。並諭蘇凌阿。福寧。勒保。秦承恩。陳用敷等知之。○雲南騰越鎮總兵劉之仁病休。以兩江督標中軍副將裕隆武為騰越鎮總兵。○壬寅。



於十二月初三日起至二十四日全數開行等語。上年漕船因衛河水淺抵通較遲。回空未能迅速。今陳淮於漕船抵次後趕緊趲辦。仍符冬兌冬開之限。所辦尚好。著交部議敘。陳淮此次在江西巡撫任內。辦理諸務尚屬留心奮勉。是以屢經加恩。甄敘該撫惟當倍知感激。益慎廉隅。於地方事務實心整飭。倘因此稍存高興自滿之見。即係福薄不能承受恩眷也。○癸卯諭新正開篆之期。朕欲載

數愷澤渥。溥春祺。而自去冬迄今疊頒恩旨。嘉惠臣民。恩施已無可復加。惟思各省地方官。於督緝承緝不力。例有處分。但地方大小官員。緝盜安民。是其專責。今往往心存玩視。懈弛貽誤。即如劉之協。為邪教要犯。一任其乘間逃逸。日久未能拏獲。可見各省督撫以至州縣。於督緝承緝。皆不能各矢天良。認真辦理。若再將應得處分。予以寬免。則犬小官吏。益復無所儆惕。何以肅吏治而靖奸宄。但

念各省節年未完民欠銀糧。業已格外加恩。全數豁免。則地方官經徵不力之處分。不妨可寬。所有此次豁免積欠以前各省地方官。應得前項豁免錢糧處分。均著加恩交部查明。概予寬免。以示錫福延禧。恩加無已至意。地方官若不感動天良。實心任事。以為再有過犯。亦不過如是寬免。則所謂豚魚不及者矣。○甲辰伊犁將軍保寧奏。土爾扈特和碩特等閒散台吉。例得補放協理台吉。現俱係

照原銜頂戴。查內扎薩克蒙古台吉。例於補協理台吉後。即奏換二品頂戴。該台吉等每遇年班入覲。均與內扎薩克蒙古台吉等一體齊集。且管理游牧一切事務。均屬相同。其品級未便兩歧。應請於補放協理台吉時。均照例作為二品台吉。換給頂戴。得旨。應如是辦理。知道了。○以烏什辦事大臣富尼善為江南京口副都統。葉爾羌辦事大臣伊江阿為浙江乍浦副都統。巴里坤辦事大臣和星額為

廣東廣州副都統阿克蘇辦事大臣佛保為四川成都副都統吐魯番辦事大臣善保為甘肅涼州副都統喀喇沙爾辦事大臣德勒克扎布為墨爾根城副都統○乙巳諭曰聖保著前往葉爾羌協同辦事充補伊犁阿之缺奇臣著前往巴里坤更換和星額雅爾泰著前往烏什更換富尼善陽春保著前往阿克蘇更換佛住伊犁領隊大臣普福著調往喀喇沙爾更換德勒克扎布其普福所遺之缺著果勒明阿克補伊犁領隊大臣佛智著前往吐魯番更換善保俱著帶原銜馳驛前往○又諭察喀爾總管袞登綽勒歡均有勞績著加恩賞戴花翎○又諭曰福寧等奏擎獲販賣小錢各犯審明定擬一摺內稱王和茂王泳茂二犯合依經紀鋪戶人等攬和私錢行使不論錢數多寡例改發雲南兩廣烟瘴少輕地方充軍等語所辦大錯雲南為小錢淵藪該省私鑄尚未查拏淨盡今王和茂

等係因私販小錢獲後若復發往雲南是使其前往小錢最多之地更便於作奸牟利惠齡平日辦事顛預或見不到此福寧尚屬留心何亦率行定擬似此錯誤福寧惠齡俱著傳旨嚴行申飭至各省小錢現當清釐整頓功令森嚴之際豈容不法奸民往來販賣漁利情節甚為可惡王和茂王泳茂均著分發回城給回子為奴以示懲創○諭軍機大臣曰蘇凌阿今年八十曾於上年命軍機處存記俟伊生日提奏加以賞賜今蘇凌阿於審訊余洛等一案未能悉心研鞫余洛等到京所供情節從前亦未據奏聞蘇凌阿辦理此事既如此草率不應再受渥恩是以伊八十一生日竟不加以賞賚著傳旨諭知蘇凌阿嗣後惟當益加儆惕亟圖改勉用副朕訓誨成全至意○又諭曰畢沅奏設局收繳小錢一摺已於摺內批示矣東省向未設有錢局雖無私鑄之弊但該省為南北衝途奸徒牟利

攜帶小錢赴東銷售者自必不少。即如從前奇豐額在江蘇掣獲小錢。係由湖北漢陽販往。本日福寧等奏審辦販賣小錢各犯一摺。亦係由廣西販往。可見各省小錢充斥。皆由於私販肆行。不盡在本省私鑄私銷。現當屢飭查禁。功令森嚴之際。該犯等仍敢私行運售。玩法無忌。不可不嚴辦示懲。畢沅所奏認真收繳。客販聞風不敢肆行夾帶之語。未必屬實。玉德既已抵東任事。惟當實力飭屬偵緝。

緝必將私販小錢案犯多獲數人。嚴行究辦。俾奸徒知所儆畏。庶莠民斂戢而錢法可期。肅清。將此傳諭知之。○丙午。

孝聖憲皇后忌辰遣官祭

泰東陵○

上詣

恩慕寺。

恩佑寺行禮。○諭曰。伍岱所遺領侍衛內大臣員缺。著阿克東阿補授。鑲藍旗蒙古都統員

缺。著諾穆親補授。仍兼侍郎。○諭軍機大臣曰。琳寧等奏查看

昭陵石碑樓情形一摺。內稱此工百有餘年。地基微有沉伏。向南偏欹。而頭停完整。已屬站定。著實隨問及關防拉隆阿。伊自襲官二十年以來。所見即係如此。至今並未另有偏欹。請先行採辦戲石。擇吉安設。以昭慎重等語。此事竟可不必。已於摺內批示。

陵寢重地。工程不宜輕動。此項牌樓。自建立以來。已閱百餘年。地基沉伏。不過向南稍有偏欹。亦已閱數十餘年。可見從前工程堅固。可保無虞。況據琳寧等奏。詢之拉隆阿。稱伊在彼二十年。並未見另有偏欹。是地勢久經站定。何必亟亟安設戲柱。看來此事。竟係該處工部官員希圖另行拆建。可以大興工程。從中需潤。慫恿琳寧具奏。而泰寧面奉諭旨。到彼查看工程。實可無須辦理。但琳寧既已具奏在前。故為取和加戲之請。遷就原奏。而其

採辦餼石開銷以朕料之不啻數萬所奏甚屬非是琳寧泰寧均著傳旨嚴行申飭並傳諭該將軍等此時餼石亦不必採辦即或將來實有必須加餼之處維時再行奏明備辦亦不為遲○丁未諭軍機大臣等本年係朕御極六十年慶期業經降旨不必舉行慶典因思蔡新在籍年久情殷瞻戀自當陳請來京祝釐但閩省距京較遠蔡新年近九十長途跋涉於高年頤養之道究非所宜著伍拉

納等傳知蔡新竟可不必前來蔡新務當仰體朕懷遵照此旨毋庸再行陳請以副朕體恤至意將此傳諭伍拉納等知之尋蔡新奏仰體恩意惟有自加頤養以報眷憐仍擬於庚申年展覲闕庭叩祝

九旬萬壽得旨字字出於誠心我君臣共勉之若

天恩得符所願實佳話也○又諭曰倉場侍郎奏據江蘇巡撫咨稱上年蘇松等五府州屬

漕糧間有青腰白臍請勅下漕臣於過淮盤驗時細加查看米色即分晰州縣幫數先行知照以便抵通後分別收貯等語江浙等省漕糧從前遇有青腰白臍之時該督撫等俱係奏明辦理何以此次江蘇僅咨會倉場衙門並未專摺奏聞至該省上年秋間雖因雨水稍多米色或未能一律純淨然亦想屬無多漕運為天庾所關蘇松等五府州屬額糧共一百餘萬豈有皆係青腰白臍之理若不

確加查覈無所區別殊非慎重倉儲之道著傳諭該督撫務宜飭令慎加揀擇須儘堅實圓潔者裝兌起運毋任不肖官吏借詞攙雜兌交並著管幹珍於過淮簽盤時逐加挑驗查明此項青腰白臍之米實有若干先行知照倉場衙門以便抵通交卸時另嚴存貯先行支放以杜弊混而免微折○戊申諭刑部議覆湖廣等獲私販小錢案內通同販賣之陸禮逢等五犯均請從重改為杖一百流二

千里仍各加枷號三個月滿日發配等因一摺已依議行矣。因思此等擬流之犯發配向無一定省分現在正當肅清錢法整頓剔除之際而雲貴四川廣西等省向為小錢淵藪若將此等不法奸民發往更易作奸牟利嗣後遇有拏獲販賣小錢應行擬流之犯著該部查明向無私鑄小錢省分按照里數酌量發配以杜奸販而絕弊端。所有陸禮達等一案即著照此辦理。○諭軍機大臣等本日朱

珪奏拏獲海洋盜犯及續獲挾嫌放火燒斃一家三命逸犯審明辦理各摺僅於摺尾會銜而摺前俱未列長麟之名具奏朕初閱之下未免心生疑訝以為長麟或病若尋常命盜各案係巡撫專政審明後或題或奏原可不必與總督聯銜至於洋面行劫重案則總督管轄營伍海防尤其專責自應聯銜入告即如閩省拏獲海洋盜犯俱係督撫會同定擬聯銜具奏今朱珪摺即行重處之案止會

總督於摺後究於體制未協即或因長麟前往廣西查閱營伍亦當於摺內聲明方為明晰著傳諭各督撫嗣後凡有審擬地方事關軍務及洋盜重案俱著列總督銜於前以符體制此朕經事久有關國政之深意也○調鑲紅旗漢軍副都統宗室宜興為鑲白旗滿洲副都統以鑲白旗蒙古叅領本智為鑲紅旗漢軍副都統○已酉禮部題朝鮮國王李祘遣使表賀

萬壽冬至元旦三大節並以本年為

皇上國慶六十年另具表貢稱賀得旨覽玉所奏以朕御極六十年特遣使臣齎表慶賀進獻方物具見悃忱可嘉所有呈進物件該衙門知道仍加恩賞賚以昭優眷○庚戌諭前經降旨普免天下積欠錢糧令各督撫查明具奏茲據該督撫等將江蘇省節年民欠及因災帶緩地丁漕糧等項銀糧米豆開單呈覽所有江蘇省節年民欠及因災緩帶等銀

一百二十二萬五千一百九十九兩零米石麥豆等項四十五萬九千二百七十五石零俱著加恩全行豁免用示普錫春祺惠民益下至意○又諭前經降旨普免天下積欠錢糧令各督撫查明具奏茲據陳准覆奏江西省並無積欠惟乾隆五十七八兩年南昌等縣被水緩徵民欠銀糧均在緩徵期內未屆奏銷之項等語江西南昌等縣因五十七八等年被水緩徵民欠銀糧雖係未屆奏銷亦應普予豁免俾小民共臻樂利所有乾隆五十八年分南昌等十二縣民欠地丁正耗及折給穀價銀共九萬八千九百四十八兩零又進賢等四縣並五十七年分餘于湖口二縣民欠出借倉穀籽種共穀一萬三千二百三十二石零均著加恩豁免以副朕行慶惠民恩施無已至意○又諭據保寧奏奉獲偷竊馬匹之布魯特阿玉塔斯等審明分別定擬請旨辦理等語布魯特等膽敢偷竊官兵

馬匹甚屬可惡除已將起意之阿玉塔斯正法外其薩達克等四犯即照所請發往烟瘴地方折挫役使德明前赴布魯特部落將賊犯五人併所竊馬匹全行拏獲甚屬妥協奮勉德明著遇有協領缺出即行補放並令由該處賞緞二匹以示鼓勵○旌表守正捐軀直隸昌平州民馮八妻姜氏河南鹿邑縣民楊宗璽妻張氏○辛亥上還宮○壬子諭本日刑部奏審擬正白旗滿洲輕車都尉喀寧阿毆傷庶母任氏致令自縊身死擬發黑龍江當差又原任浙江溫處道高樹勳追項未完查明並無產業擬流折枷其應追銀兩請旨豁免二摺所辦皆屬大錯喀寧阿係伊父四十一長妾王氏所生亦妾所生非嫡子也即嫡子亦不應如此犯倫任氏乃四十一之次妾曾生女二姐年已長大即係喀寧阿同類之庶母乃任氏向其索要棉襖既不給與輒敢拳抵腳踢致任氏受

傷後遂氣忿自縊是喀寧阿凌辱庶母致令輕生自應問擬抵償何得率引毆傷父妾之例僅擬發黑龍江實為寬縱喀寧阿著改為應絞監候入於情實至高樹勳久任道府廉俸優厚其所借欠張謙良名下應繳城工銀兩祇一萬四千餘兩何致不能完交所稱咨查該旗屯及直省各督撫實無隱匿財產之處俱不足信若如所奏將該員擬徒又以旗人例折枷免其追繳伊轉得安居屯莊擁貲坐享何以示懲朕固不為已甚不加深究此項銀兩不值再行查追即著豁免但其捏飾之情罪未便寬減高樹勳著發往伊犁給厄魯特為奴仍交沿途各督撫派員小心管解如有疎脫等事惟該督撫是問試思當得何罪刑部辦理此二案錯謬已極自因朕上年屢降恩綸疊施愷澤丙辰年即屆歸政之期遂爾事事顛預意存姑息以邀人譽殊不知一切法律朕可以法外施仁臣工等豈得擅

行市惠若似此一味輕縱於政治大有關係不特朕未歸政以前斷不肯任其朦混即歸政以後朕亦豈置天下之事於不問維時若臣下等敢於嘗試更當重治其罪決不因歸政而稍存寬貸也今刑部堂官於此二案已露其機辦理大錯殊屬昧良俱著交部嚴加議處以示懲儆朕臨御六十年辦理庶務惟日孜孜從不稍存懈怠大小臣工務宜各矢天良交相儆勉以副朕教誨成全至意○旌表守正捐軀河南祥符縣民董光倫妻王氏○是月調任湖廣總督福寧奏上年漢江咸漲各隄間有漫缺除天門京山潛江等處修補無多業經該縣等捐廉辦理其荊門沔陽鍾祥江陵等四縣漫缺隄估需夫料銀二萬三千九百兩有奇內鍾祥所需八千餘兩在該府存備項內動支餘由司庫撥給報聞○兩廣總督覺羅長麟廣東巡撫朱珪奏粵東收禁小錢節奉諭旨令各津關留心查驗其

韶州府之太平關現委南韶連道經理飭令於東門外路通江西並西門外路通湖廣之處各設局一所委員分司其事至廣州府之廣佛二埠潮州府之廣濟橋揭陽縣之新寧桃山肇慶府之黃江瓊州府之海口等處均飭府縣一律設局委員收繳先行示諭經過客商准其赴局呈首一體給價如係委員查出不能給價仍稟明該道覈辦得旨以實妥為之

大清高宗法天隆運至誠先覺體元立極數文奮武孝慈神聖純皇帝實錄卷之一千四百六十九

大清高宗法天隆運至誠先覺體元立極數文奮武孝慈神聖純皇帝實錄卷之一千四百七十

監修總纂官經筵講官太子太傅文淵閣大學士文淵閣領事領侍衛內大臣稽察欽奉  
吏部理藩院事務高宗純皇帝親世襲騎射軍功加七級隨帶加一級奉常加二級軍功紀錄一次  
總纂官經筵講官太子太傅文華殿大學士文淵閣領事稽察欽奉 上諭事務慶豐理刑部戶部庫書務  
世襲騎射軍功加十九級隨帶加二級又加二級軍功內大臣戶部尚書鑲黃旗滿洲副都統軍功紀錄一次  
奉常紀錄十四次日德琿經筵講官太子少保工部尚書紀錄六次曹振鏞等奉

敕修

乾隆六十年乙卯二月癸丑朔諭前經降旨

普免天下積欠錢糧令各督撫查明具奏茲據長麟等覆奏廣東省乾隆五十五年以前民欠正耗銀米俱已帶徵全完將五十六七八等年各州縣民欠及因災緩徵銀米並賞給口糧折給銀兩查明開單呈覽所有廣東省保昌等州縣民欠銀米及高要高明四會南海三水等縣被水淹浸田畝緩徵地丁正耗銀米並賞借口糧折銀等項共未完銀七萬二千二百十八兩零米一萬九千八十二



石零均著加恩全行豁免以示錫福推恩等  
惠無疆至意。又諭曰陳用敷奏覆訊阮沉  
郭彥忠供情即行解京一摺據稱前此提訊  
余洛未將劉之協如何脫逃及阮沉等私與  
往來各情節詳細究出嗣因緝無蹤跡復回  
至潁州向阮沉郭彥忠究訊始據供出劉之  
協與阮沉分手後至周家口劉之協趕上十  
八日在八丈溝分路劉之協有往太和縣雙  
柏園地方史有義家之語隨委知縣吳甸華  
密拏史有義等審訊據供劉之協雖到伊家  
住宿旋即逃往湖北樊城鎮蘇明寬家躲匿  
即委吳甸華於正月初七日馳赴樊城密緝  
並知會湖北一體協拏等語所辦大錯劉之  
協為邪教要犯在扶溝脫逃後日久無獲屢  
經降旨嚴緝至再至三陳用敷既經提訊阮  
沉等供出劉之協逃往樊城蹤跡並於正月  
初七日業經委員前往查拏正可從此跟蹤  
緝獲該撫即為見長亦應將訪有蹤跡之處

先行馳奏以便及早飭交湖北嚴緝此時已  
經就獲亦未可定乃從無一字奏及直至軍  
機大臣審出具奏降旨飭詢始將辦理緣由  
具摺入告今日始到若非朕詢問則此等緊  
要情節此時尚未必奏及糊塗已極况陳用  
敷身任巡撫於此等查拏要犯之事既究出  
潛脫蹤跡寧不當親身前往查拏乎乃僅委  
之知縣微員前往躡緝此等知縣想不過如  
劉清鼎之庸懦無能今委令查拏設辦理不  
能嚴密又致劉之協聞風遠遁更復成何事  
體前此畢沅在湖廣總督任內因竹溪縣奪  
犯毆差一案安坐省城未經親往查拏特降  
為巡撫以示懲儆此係上年九月之事陳用  
敷豈未聞之况劉之協更為邪教要犯尤非  
奪犯毆差之犯可比乃僅委令知縣前往又  
安用此巡撫為耶且據奏稱劉之協在扶溝  
脫逃後曾回至太和在史有義家住宿旋即  
逃往湖北樊城是劉之協自扶溝逃逸後曾

經回至太和逗留。當此查拏嚴緊之際。而安省地方官員。豈竟毫無聞見。所司何事。何得僅以劉之協解往扶溝。業有印信回照。即全行推諉豫省。安省即置緝拏要務於不辦。又陳用敷既知阮沉郭彥忠與劉之協在扶溝。私相往來。同路行走。明有開風通信情弊。即應向該犯等切實究詢。乃摺內尚稱蘇凌阿接奉諭旨。自必兼程回赴安省審辦。現在遵照指出各條。研訊確情。會同具奏等語。蘇凌阿已命往江西查辦事件。距安徽較遠。豈能即日趕回。陳用敷又何必坐待蘇凌阿始行會同具奏。尤屬推諉。看來近日督撫等於地方事務。竟全不認真。陳用敷辦理此案。顛倒錯謬。實屬可笑。可恨。殊出意料之外。著革職。解交刑部治罪。所有貴州巡撫員缺。著姚榮調補。成林在廣西道員藩臬任內。辦理安南事宜。本為妥熟。其廣西巡撫員缺。即著成林補授。朕臨御六十年。勵精圖治。惟日孜孜。於

大小事務。及臣工功過。無不一秉大公。權衡至當。不肯稍存顛預。從前世宗憲皇帝臨御十三年。整頓肅清。傳位於朕。今丙辰年。即屆歸政。所有各省及諸部鉅細政務。稍有因循懈弛。必倍加振作。以期中外整肅。付之嗣皇帝。即歸政以後。亦豈肯置天下事於不問。彼時臣工等設有玩誤之處。更當重治其罪。決不因歸政而稍存姑息。現在大小臣工。倘因朕歸政在即。稍存懈怠。輕為嘗試。尤當加倍懲治。恐不能當其罪也。特此再行宣諭。臣工等務宜倍加謹凜。共知奮勉。以副朕諄切訓誨至意。○又諭曰。陳用敷現已革職。解交刑部治罪。惠齡尚在湖北緝拏邪教要犯。未能即赴調任。所有安徽巡撫印務。著交周樽暫行護理。○諭軍機大臣曰。劉之協係於上年十月內。逃回太和。旋即起身潛往湖北樊城藏匿。迄今已及數月。湖北地方官何以漫無覺察。並不緝拏。況安省委令

吳甸華赴楚查拏係於正月初七日起身計  
算程期早到湖北並未據福寧將督同查緝  
緣由具奏安省距湖北甚近豈隣省委員到  
彼緝犯尚毫無聞見耶又陳用敷摺內稱委  
令吳甸華馳赴樊城查拏劉之協並咨會惠  
齡委員協拏等語惠齡接到陳用敷知會即  
應一面具奏一面親往樊城今事隔二十餘  
日竟未據惠齡奏及其故殊不可解著傳諭  
福寧即暫留湖北親往督緝不必急於前赴  
兩江新任若該督業已起程於何處接奉此  
旨即於何處迅速馳回樊城總須俟劉之協  
就獲後一面派委妥員解京一面再赴新任  
甲寅以舉行仲春經筵遣官告祭  
奉先殿  
上詔  
傳心殿行禮命皇子皇孫從至經筵聽講  
上御文華殿講官暨侍班之太學士九卿詹事  
等行二跪六叩禮分班入殿內序立直講官

四人出就講案前行一跪三叩禮復位直講  
官德明金士松進講中庸小德川流大德敦  
化二句講畢  
上宣御論曰此應與易象所云天行健君子以  
自強不息並觀之蓋天地之德無所為大小  
也以人觀之以錯行代明者為小以並育並  
行者為大孰知天之行健以敦化者在不息  
而錯行代明即在其中且錯代仍一行健之  
所敦又豈能外行健而別有所謂化者哉朱  
子注中庸言聖人與天地合德以明天道予  
以為聖人法天行健原無大小之分而君子  
法之自強不息不息者誠也未能如聖人與  
天地合德者皆可以自勉豈可自畫謂不能  
同錯行代明更謂先識其小後習其大斯則  
與天地在人心之中以及天地人一體之道  
去之遠矣講官暨侍班官跪聆畢興直講官  
多永武胡高望進講書經亶聰明作元后元  
后作民父母二句講畢

上宣御論曰。武王此言。即申虞舜明目達聰之意也。夫聰明非耳目之所能為。必如舜濬哲溫恭之德。具於內。而執兩用中之公。施於外。則足以作后矣。且亶者。信也。誠也。必如是而後。可以作元后。作民父母。洪範所云作威作福。亦如是而已矣。且聰明出於誠信。然後可謂之聰明。若作聰明。而不出於誠信。必有偏私亂章之事。又何以作元后。以臨民哉。講官暨侍班官跪聆畢。大學士公阿桂。大學士王杰奏曰。

皇上敦化健行。亶聰敷錫。體清寧以合撰。而純德孔昭。本誠信以立基。而睿思廣運。洵所謂引綱拊本。甄虞陶周矣。臣等幸侍

講筵親承

聖訓。曷勝誠服。奏畢。諸臣出就拜位。行二跪六叩禮。禮成。

上御文淵閣。賜茶。還宮。復賜宴於文華殿東廡之本仁殿。遣官祭

先醫之神。○以福建按察使錢受椿為廣西布政使。○乙卯諭曰。蘇凌阿奏據江寧副將明泰稟稱。有六安州文生陳以寧。於正月十七日。前赴撫臣陳用敷處面稟。情願緝拏劉之協。求發護身牌票。陳用敷欲派撥弁兵同往。伊恐人多洩漏。未肯帶往。隨給與護票前去。該副將因見其人語言清朗。就近稟知陳用敷。帶同跟線兵役。改裝易服。暗暗跟隨前往。幫拏等語。此事陳用敷昨日所奏之摺。並未提及。殊不可解。陳用敷上年因調任安徽。來京陛見時。奏對之次。朕本不甚滿意。因安徽事務較簡。或尚可期勝任。乃陳用敷於審訊阮沉郭彥忠一案。業據供出劉之協逃往湖北樊城。蘇明寬家躲匿情節。於正月初七日。已委知縣吳甸華前往查緝。而事隔多日。並無一字奏及。又不親往查拏。並欲坐待蘇凌阿到後。會同究訊具奏。種種錯謬。推諉置緝。拏要務於不辦。實出意料之外。是以降旨。

革職解交刑部治罪。今蘇凌阿奏六安州文  
生陳以寧面稟陳用敷自請緝捕劉之協係  
正月十七之事距伊上次發摺之期已越七  
日陳用敷即為見長討好亦應一奏塞責乃  
該副將尚知事關緊要稟知督臣而陳用敷  
竟不據實迅速陳奏又未行知蘇凌阿是何  
意見且該生緝拏劉之協自應帶同跟線兵  
役前去而陳用敷僅給護票經該副將見其  
人尚明白恐有別項隱情稟知陳用敷始行  
添撥跟往是陳用敷見識遠不如該副將之  
曉事似此緝拏要犯種種遲延糊塗可笑即  
革職拏問亦屬罪所應得今僅解交刑部治  
罪尤屬僥倖於此可見督撫等於地方事務  
不能實心經理即使混過一時日久未有不  
自行敗露者朕於臣工功過一秉大公至正  
惟視其人之自取各該督撫等惟當益加謹  
凜以陳用敷為前車之鑒也○又諭曰蘇凌  
阿奏查明九江關稅短少緣由一摺據稱查

驗各口岸印簿並上下游各關經過木牌船  
隻數目均屬相符實無徵多報少私行透漏  
情弊惟該道福英但知一味從嚴日坐關口  
凡遇薛把船隻到關限其立投稅銀轉致商  
販觀望不前實屬辦理不善並察看該員語  
言蹇澁步履蹣跚已類痰氣病症難望振作  
有為聲請另簡等語九江關稅務攸關權課  
該監督自應妥立章程於嚴加稽覈之中寓  
體恤招徠之意使商旅開風踴躍源源販運  
方於權務有裨今福英一味從嚴凡遇薛把  
船隻到關限其立投稅銀以致商販聞風裹  
足且抱病若真即應早奏換人是該關短少  
稅銀雖無別項弊竇實由福英總機而又辦  
理不善所致所有五十九年分九江關短少  
贏餘銀十五萬八千二百三十七兩零寬其  
一半其一半著福英賠補至該道病近痰症  
難以即時就痊未便再留關任致滋貽誤福  
英著即革職回旗全德從前曾任九江關監

督於該處稅務情形尚為熟悉。所有江西廣饒九南道員缺著全德調補。以資整飭。即由浙江速赴新任。不必來京請訓。其浙江鹽政兼杭州織造著岳謙去。○又諭各省武生。向有入伍挑糧之例。前因姚榮奏將武生挑糧學習降旨詢問各省。查明覆奏。茲據各督撫所奏情形不同。而河南武生有心急科名。不願入伍者。有地處偏僻。不願守候挑缺者。呈報入伍之人。向來甚屬寥寥。朕思武生應試科目。是其正途。若令改歸營伍。恐非所願。且伊等住居偏僻。距省會鎮營遠。守候挑補。亦未便強以所難。若謂武生等多致恃符滋事。以之挑補兵丁。方可藉資約束。則文生內亦有恃符滋事之人。斷無亦令入伍食糧。充當字識之理。武生等本屬學政專管。學政等果能留心督察。認真管束。自不致滋事。且各督撫有統轄全省之責。武生等皆其所屬。遇有不安本分者。原可隨時懲治。不必俟入伍

當兵始能加以約束也。嗣後各省武生如情願入伍食糧。自應仍舊各聽其便。其不願入伍者亦不必稍加勉強。以示體恤。○以甘肅鞏秦階道李殿圖為福建按察使。○是日起上以祭社稷壇。齋戒三日。以親祭文廟。齋戒二日。○丙辰。遣官祭黑龍潭。昭靈沛澤龍王之神。玉泉山惠濟慈佑龍王之神。○諭。前經降旨普免天下積欠錢糧。令各督撫查明具奏。茲據秦承恩覆奏。陝西省地丁錢糧俱係年清年款。向無民欠。惟查有乾隆五十七年因災分年帶徵正耗銀兩五十八年輪免錢糧案內帶徵耗羨銀兩五十九年臨潼等縣二麥間被蟲災。緩徵正耗銀兩。又糧道倉並常社各倉因災緩徵出借及積年民欠各糧石。尚有未完銀糧等語。所有陝西省五十七九兩年因災帶徵正耗銀兩及輪免錢糧案內帶徵耗羨

銀兩等項共未完銀五十萬五千三百七十九兩零又糧道倉並常社各倉緩徵出借積年民欠未完糧共四十七萬一千二百五石零均著加恩全行豁免以示錫福推恩乎惠無疆至意○諭軍機大臣等據孫士毅奏四川彭山縣江口自上年起至本年正月止撈獲銀三千餘兩等語此事從未見奏明今日問倭什布方知之所辦殊為失體江口地方如果遇有餉銀沉溺等事自應令地方官實

力撈獲以重帑項若並非官項止係江中間有行旅往來沉失銀兩或於沙中淘摸零星銀砂附近貧民或在彼撈揀亦不過沙裏淘金藉資餬口又何值派官打撈與細民爭利況國家帑藏充盈又豈在此錙銖之數而派員督辦人工等項轉滋糜費且江水長落靡常忽有忽無豈能作為定制或遇該處小民撈獲銀兩其中倘有爭競訐告之事再秉公剖辦自屬可行今以大江深水中無定處所

小民相沿撈取零星銀兩忽歸官辦成何體制孫士毅係讀書人尚有見識不應如此錙銖較利著傳諭該署督此項銀兩竟毋庸派員經理以便民利而符體制○湖廣提督劉君輔奏正月二十二日准鎮筸鎮總兵明安圖咨稱黔省松桃廳屬大塘苗人石柳鄧聚眾不法恐竄入楚境現帶兵堵截旋於二十五日據鎮筸遊擊田起龍等稟稱偵聞永綏廳屬黃瓜寨苗人石三保糾眾搶劫由永綏

之黃土坡及鳳凰廳之栗林燒燬民房殺斃客民現在竭力保護城池等語臣恐石三保等或與大塘苗人互相勾結檄派永綏兵五百靖州兵三百沅州兵三百辰州兵二百常德兵一百速赴鳳凰栗林一帶聽用併咨會督撫臣外臣即帶本標將弁及戰兵六百名前往辦理諭軍機大臣等貴州湖南等處苗民數十年來甚為安靜守法與民人等分別居住向來原有民人不准擅入苗寨之例今

因日久懈弛。往來無禁。地方官吏暨該處土著及客民等。見其柔弱易欺。恣行魚肉。以致苗民不堪其虐。刦殺滋事。迨至釀成事端。又復張皇稟報。看來石柳鄧。石三保等。不過糾衆仇殺。止當訊明起釁緣由。將為首之犯。拏獲嚴辦。安撫餘衆。苗民自然帖服。何必帶領多兵前往。轉致啟其疑懼。甚或激成事端。是因一二不法苗民。累及苗衆。成何事體。劉君輔係行伍出身。擢至提督。未能深曉事體。一

聞稟報。輒調兵二千名之多。辦理未免張皇。所奏又無頭緒。著傳諭福寧。即行前赴該處。駐劄辦理。福康安素嫻軍旅。貴州是其所屬。想福康安得信後。或不待朕旨。已馳赴黔省。督辦亦未可定。但福康安係該省總督。聲勢較大。恐苗民聞福康安前往。疑為帶兵往勦。羣懷畏懼。所關匪細。著傳諭福康安。如已起程。到彼止須不動聲色。查明妥辦。於大局辦定後。即速回滇省。以免苗民驚疑。若福康安

尚未起身。察看情形。或可無須親往。福康安係曉事之人。經練日久。自能權衡輕重。辦理妥協也。○以浙江衢州鎮總兵劉煊。福建汀州鎮總兵特靈額對調。○丁巳。祭

先師孔子

上親詣行禮。○諭。朕臨御今六十年。於二月上

丁親詣

文廟釋奠禮成。並閱辟雍新刊石經。瞻仰

宮牆。彌深景慕。自惟沖齡肄學。服膺

聖教。迄今八袞開五。猶日孜孜。誨學無倦。舉

凡行政念典。悉皆虔奉心傳。今晨臨雍展敬。

祇肅躬親。風日暄和。典禮咸備。景仰之誠。

先師靈爽式憑。自必默垂鑒佑。當茲郊運增

隆。慶緣耆壽。莫非仰邀

錫賚。允宜施恩。獎序嘉惠士林。以光盛典。所有

各直省歲試入學名數。著交該部查照向例。

分別廣額。其太學肄業諸生。並加恩免其坐

監一月。用示重道崇儒。壽世作人至意。○又



諭本日上丁釋奠禮成。因念朕臨御六十年以來孜孜勤政。悉繇典學懋修。罔弗衷諸聖教。迴憶沖齡就傅之時。福敏啟蒙授業。循循善誘。加增日課。得以多讀經書。蔡世遠教以古文作法。宜學昌黎。朕從此問津肆力。學業益進。至今所作古文。無不理明氣盛。是當年久侍帷幄。敷陳啟沃。實福敏蔡世遠兩師傅之力為多。今年登八旬有五。眷懷舊學。允宜秩贈三公。原任大學士太傅福敏著晉贈

太師。原任尚書蔡世遠著加贈太傅。並各賜祭一壇。福敏著派舒常致祭。蔡世遠原籍著派福建巡撫親往致祭。以示朕眷隆耆舊。崇禮師儒至意。○又諭本日朕親行釋奠禮成。閱碑雍新刻石經。據該管收掌官蔣和呈進恭錄御製序四體字冊。並石經告成頌冊。觀其文理尚優。且伊係蔣衡之孫。此次所刻十三經。即係從前蔣衡手書進呈之本。字畫俱屬端楷。今茲列碣圓橋。洵為右文盛事。蔣和

能承家學。著加恩以國子監學正學錄補用。並著賞大綬二匹。以示表章。經學獎勵宿儒至意。諭軍機大臣等。朕臨御六十年。八袞開五本年仲春親祭。

傳心殿臨御。經筵越三日。釋奠。

文廟禮成。臨幸辟雍。閱視石經碑刻。連日舉行典禮。御製詩四章。用申仰止景行之意。蔡新朱珪學問尚優。孫士毅亦嫻文義。著將御製詩章鈔寄閱看。即令恭和進呈。朕自幼讀

書。服膺。

聖訓。為治世臨民矩矱。迄今年逾耄耋。典學孜孜。蔡新等當知此意。恭和之詩。毋徒以頌而忘規也。至福康安。雖於文墨之事。非其所習。但伊屢膺闡寄。懋著勲勞。今遠在滇南。不克恭襄盛典。亦著將御製詩鈔寄閱看。使之同深欣慶。著賞給福康安祭糕及新製奶餅。以示優眷。○

御製親祭。

傳心殿詩曰文華殿側

傳心殿祭以經筵義本深承祀例應大學士  
升香一閱五旬今外王內聖幼知重日引月  
長耄逮謚十六字猶能背讀行何有我愧成  
吟

御製春仲經筵詩曰對越

崇祠致敬虔文華咫尺御經筵居今稽古春  
中月望道勤民六十年敦化流川那小大達  
聰明目聳仔肩丙辰講席應免事詩示心傳

及政傳○

御製仲春丁祭

至聖先師禮成述事詩曰踐昨年當

天數慶八旬五豈易為望幸蒙

昊貺符心願感謝

師承叩已獲蒞政臨民惕宵旰志于心欲仰

宮牆石經覈準全刊壁三一參差勝漢唐○

御製釋奠禮成御辟雍敬憶

皇祖詩句因示皇子及諸大臣詩曰六旬在位

孫同

祖恭憶

神堯兩句詩而我其時猶侍

母蒙

天錫壽敢忘

師欲詢百帝誰曾此深惕一身幸獲茲釋奠  
禮成辟雍坐愧為榮用敬摛詞○又諭昨據  
劉君輔奏到苗人滋事已降旨令福寧前往  
該處駐劄查辦今福寧奏接到稟報後業經

起身前往所辦尚是但所奏情形亦祇據劉  
君輔等稟報之詞仍未詳晰苗民安靜畏法  
素習供役與內地民夫無異此次聚眾搶劫  
殺斃客民自有起衅緣由必係外來客民平  
日有侵占地畝恣意欺凌等事以致苗民不  
堪其虐激成事端不可不嚴行查辦福康安  
久侍禁廷屢經歷練能知事體輕重聞信後  
自己馳赴黔省督同辦理惟應查明首惡擒  
拏究辦其餘安分苗民妥為撫馭迅速完事

以靖苗疆。至該處客民平日欺占苗民。最為可惡。即著福康安會同福寧。切實查究。將為首肇衅之客民。從重懲辦。數人並將辦理緣由。明白曉諭苗眾。此等苗民。具有人心。見平日被其擾累之客民。業經懲辦。伊等自當悅服。而苗民滋事首惡。亦擒拿懲治。更可知所儆畏。奉公安分。不敢復滋事端。至客民欺虐苗人。起自何時。此事必不僅止胥役等藉端擾累。自由歷任大小官員。漫無覺察。一任客民肆意欺凌置之不問。以致苗民忿激生變。貽累地方。著福康安等詳悉查明。此等客民侵欺擾累。始自何時。即將該管之歷任州縣。及府道兩司督撫等。查明分別叅奏。聽候覈辦。庶地方官吏知所儆惕。而苗疆亦可永期綏靖。又諭據福寧奏報永綏廳苗人刳殺客民一案。於傳牌內開註事由。由驛馳遞。且註語繁瑣。徒駭聽聞。從前因各督撫具奏之摺。不揣事理輕重。往往將無關緊要之事奏

摺轉置於前。是以傳知各督撫。將其奏之件。酌量事宜。緩急於封函面頁。將第一摺第二摺。依次註明。以便披覽。乃前次伍拉納未能領會。竟將摺內事由。開註於封函之上。曾經傳旨申飭。近日各督撫。於由驛馳奏之件。亦於傳牌內註明事由。是不必拆封。竟已宣露。即如貴州苗民滋擾一案。自係該處客民將苗民欺凌魚肉。致釀事端。本日姜晟由驛遞到之摺。於傳牌內止開寫緊要事件。尚為曉事。而福寧則傳牌內臚列張皇。徒致傳聞駭異。殊屬非是。著傳諭各督撫等。嗣後有差人陳奏事件。竟不必於封函上粘簽開明次序。其由驛馳遞者。亦不許於傳牌內開註事由。况由驛之摺。有五六百里馳遞者。自係緊要事件。又豈可豫行宣露。即將此各傳諭知之。

○戊午祭

大社

大稷

上親詣行禮。諭曰：蘇凌阿奏審擬舒城縣知縣周濂之弟周渭調戲毛汪氏，致氏羞忿自縊一案，將周渭定擬絞候。其引誘周渭前往致釀人命之快役孔升，僅於周渭絞罪減一等擬流，所辦殊為未當。周渭係知縣之弟，寅夜私往官媒家調戲收管婦女，致令自縊，情節甚為可惡。周渭著依擬應絞，歸入上年情實即行予勾，以為地方官親丁恃勢滋事者戒。至快役孔升引誘周渭前往釀成人命後，聽囑獨自承認，亦應從重問擬。孔升改為應絞監候。秋後處決。俟秋審時入於情實辦理。調任湖廣總督福寧奏臣於正月二十九日途次據署辰州府知府朱紹蘭稟報：乾州同城已被圍倉庫亦被搶劫，並探聞署乾州同知宋如椿巡檢江瑤俱已殉難。各路苗人約有數千鎮草鎮臣明安圖在永綏、鶴首地方被阻，當即飛飭提臣前調沅靖各府兵速赴鶴首地方應援。又檄調湖南撫標及岳州長

沙常德澧州等營兵二千名，令該管將備帶領前往會剿。臣即督同提鎮相機勦捕。諭軍機大臣等：此事前據劉君輔奏到，朕尚以為不過該處苗民互相仇殺，毋須大辦。今閱福寧所奏，竟係逆苗等聚眾不法，膽敢搶城傷官，必須痛加勦除，以儆兇頑而彰國憲。福康安久嫻軍旅，屢著勲績，雲南距湖南較近，且黔省亦有苗人石柳鄧滋事之處，想福康安一接稟報，早已馳赴該處督辦。貴州兵力素為勇健，著福康安於路過貴州時，即酌量情形調撥帶往聽用。如軍營有需員差委之處，滇黔兩省道府內亦不乏人，福康安可酌選帶往，沿途加緊行走，以便迅速到彼相機勦捕。此時總以剪除逆苗，擒拿首惡，離散黨與，並安撫別寨苗人，勿致驚疑煽惑為要。其歷任地方大小官員任聽客民欺凌苗人，肇衅滋事，起自何時，不妨俟事竣時再行查辦。福寧現已起程前往，湖北至湖南程途更近，自

可先福康安到彼。福寧前在蘭州。雖曾隨同辦理。撒拉爾送回軍務。但究不及福康安之久。歷戎行。聲威素重。著傳諭福寧到彼察看情形。如能剋期辦竣。立掃賊氛。即一面將首從各犯。速行勦除。一面知會福康安。不必前至湖南。如酌量不能剋期完竣。莫若飛行知會。催福康安迅速前來勦辦。福寧當加意持重。不可稍涉疎虞。再劉君輔本係永州鎮總兵。上年來京陛見。看其人尚明白。且曾經出

兵。是以擢用提督。乃昨閱所奏。辦理漫無頭緒。恐未可深資倚仗。此時正在帶兵勦賊。止可加之鼓舞。責成該提督出力擒捕。但苗疆員缺緊要。並著福康安留心察看。於事後將該提督能否勝任之處。據實奏聞。至福寧前已調任兩江總督。但湖南現有勦捕逆苗之事。福寧不可拘泥。已經調任。於畢沅到後。即恩交印起程。該督此次前赴湖南。自必帶印前往。仍當經營督篆。董率地方文武。將勦捕

撫綏各事宜。妥為籌辦。畢沅目下亦將到楚。湖北省城。有惠齡在彼。足資照料。畢沅係該省總督。雖未經接印。接奉此旨。亦即速赴荊州。常德等處。適中之地。駐劄籌辦糧餉軍火等件。以期源源接濟。已未諭軍機大臣等。本日吏部將直隸省大計降調知縣左為鑒。帶領引見。朕面加詢問。該員曾於乾隆五十五年。經梁肯堂由內邱縣知縣。調繁邢臺。距五十八年計典。僅閱三年。即以才力不及。劾

參。如該員實係才具平常。從前即不應調繁。乃既經調繁。何僅閱三年。即以才力不及。於計典內填註。自相矛盾。該督於所屬州縣。固應秉公考察。據實甄覈。不應忽行調繁。忽行參劾。不合政體。若使該員於調繁後。別有自滿廢弛。及別項不職等事。即當據實專摺劾奏。亦何得僅於計典內。率填才力不及。降調了事。著傳諭梁肯堂。將該員前此因何調繁。何以為時未幾。又復入於大計。以才力不及。

衆劾及該員調繁後有無別項劣蹟何以並未據實糾叅之處明白回奏毋再稍有迴護致干咎戾。又諭都察院奏河南安陽縣生員閻十紅等呈控上年漳河南岸漫溢請築隄堰因北岸民人不被水患不願堵築經穆和蘭飭委彰德府查勘因兩縣民人彼此爭執未經辨結等因一摺漳河南岸漫溢住居南岸民人田畝自不無略被淹浸北岸居民不受水患兼收淤地之利不願築隄亦屬小民貪利常情惟在地方官妥為勘辦如舊河淤墊亦應設法疏濬俾河流順軌兩岸居民均無漫溢之虞方為妥善著傳諭李奉翰阿精阿會同親往查勘秉公籌辦毋得稍存偏徇俾南北岸居民各安生業庶可永杜爭端。庚申諭本年京察屆期吏部開列在京各部院三品以上大臣及各省督撫請旨甄別具題朕詳加酌覈阿桂和坤王杰福長安董誥在軍機處行走或近日書諭不能稱旨或

繕寫事件率多錯誤其各部院大臣亦並無出力奮勉且有曾經獲咎加恩原宥之人況屆三年京察一次大臣中有勤奮供職者予以甄敘原係朕格外施恩而各大臣等勤慎稱職亦分所當然若每次照前甄敘視為泛常不但不足以示獎勵亦非三載考績之道此次俱著毋庸議敘侍郎成策人甚哀庸伊齡阿辦事模稜不肯出力內閣學士翁方綱前在山東學政並不能約束家人近看其和詩學問亦屬平常俱著交部議處至各省督撫內除福寧現在湖南辦理勦捕苗匪事務俟事定再降諭旨外福康安勒保和琳或勤職封疆或宣勞邊徼李奉翰管幹珍尚能速漕利運秦承恩近於督緝盜犯亦屬認真妥協俱著交部議敘餘皆著照舊供職朕臨御六十年辦理庶務惟日孜孜於臣工功過無不一秉大公權衡至當內外大臣宜交相儆凜倍矢慎謹以副朕諄諄訓勉至意尋吏部

以遵旨分別議敘處分奏得旨本年京察大典吏部將侍郎成策等按六法分別議以勒休革任固屬照例辦理第念成策止因哀庸不勝侍郎之任尚可留副都統供職著仍帶革職留任所有兵部侍郎員缺另候簡用伊齡阿在內務府園庭行走有年尚為熟諳著加恩改為革職留任以觀後效翁方綱著降補內閣侍讀學士仍帶降二級從寬留任福康安勒保和琳李奉翰管幹珍秦承恩俱著加一級○又諭曰秦承恩奏等獲隣省盜犯留省審辦一摺據稱上年封印後親赴南山一帶督查匪犯在途接據署商州知州阿永稟稱因赴雒南縣查卡聞有在河南疊劫竄入陝境盜犯隨即督同該縣率領兵役鄉民四面堵截該犯放鎗拒捕當被兵役將盜犯十九名全行擒獲秦承恩即派員弁護解進省等語所辦尚好該犯等糾夥多人在河南疊次搶劫竄入陝境實為可惡今署知州阿

永督同該縣率領兵役鄉民即時搜捕全行拏獲尚屬認真著交部議敘送部引見其出力之兵役鄉民亦著查明獎賞至此案盜犯秦承恩因人數衆多不復解赴河南免致往來疎虞所辦亦是秦承恩著交部議敘賞給大荷包一對小荷包四個以示獎勵並著該撫於河南查覆到日即行分別嚴辦迅速完結毋得稍稽時日致有疎縱○諭軍機大臣等據刁玉成奏現在收繳小錢雖經剴切曉示而小民惟利是圖呈繳終屬寥寥應責成地方官令錢鋪出具不敢攬和小錢甘結並令各省文武大小官員於所得廉俸換錢使用時令經管人等挑出小錢每季冊報督撫於年終彙送督撫衙門同各處繳到小錢交鑪鎔化一體捐辦無庸給價等語各省小錢充斥節經降旨通飭查禁實力收繳並經部議酌給價值立法已為周備今刁玉成復有此奏所辦似覺煩瑣但究為整飭錢法起見

或有可採之處。著傳諭各督撫酌量情形。辦理總期於衆法有益。不必拘泥遷就。轉致格礙。方為妥善。○辛酉。諭前因姚茶奏將武生挑糧學習一摺。朕以各省武生。向有入伍挑糧之例。因降旨詢問各督撫。查明覆奏。嗣以河南省武生。有心急科名。不願入伍者。有地處偏僻。不願守候挑糧者。復經降旨各聽其便。不必加以勉強。朕辦理庶務。從不稍存成見。前經降旨詢問之時。原令各督撫就各該省情形。據實覆奏。近日各省陸續奏到之摺。其有畧能曉事督撫。尚知體察情形。詳悉陳奏。其餘則多係拘泥前旨。摭拾覆奏。武生挑補兵丁。不過謂藉資管束。殊不知督撫統轄全省。遇有不安本分武生。原可隨時懲治。不必入伍食糧。方能加以約束。況各省額設兵丁。俱有定數。遇有兵糧缺出。多在兵丁子弟內挑補。若武生入伍。多占一名額缺。則兵丁子弟即少一分口糧。於綠旗兵丁生計。亦屬

有礙。是武生入伍一事。轉不在該生之必資約束。而在兵丁之宜加體恤也。各省督撫。不能仰體朕意。酌覈情形。遇有覆奏事件。往往遷就諭旨。漫無定見。殊非覈實辦公之道。此事仍著遵照昨降諭旨。各省武生。有情願入伍者。俱從其便。其不願入伍。亦不必加以勉強。如此辦理。庶武生各屬科目正途。上進有階。而兵丁子弟遇缺挑補。亦可藉資養贍。以示朕體恤周詳至意。○又諭前因御史王城奏。現在雲貴四川湖廣等省。停止鼓鑄。請暫行停減採挖銅鉛。以杜私鑄。特降旨交該督撫等將所言是否可採。或應如何設法稽查。悉心妥議。嗣經孫士毅姜晟覆奏。四川湖廣兩省銅鉛各廠。均請照舊開採。經部議覆准行。今據福康安奏。稱滇省採辦銅鉛。雖京局各省分別減卯停鑄。而年額仍須照舊解運。且廠民尋苗騷擾。一廠費本開挖。始能成磚。獲礦若封閉停採。即成廢硎。將來開挖更為



費力。况每廠砂丁不下千計。一旦失業無歸。必致流而為匪。甚或潛蹤私挖。又圖私鑄。是杜弊轉足啟弊等語。此事王城陳奏時。朕早慮及。現在籌辦停鑪。及收繳小錢各事宜。頭緒紛繁。若復封閉礦廠。奸民惟利是趨。勢必潛往採挖。仍屬有名無實。况廠徒人數衆多。一旦失業。更恐滋生事端。王城止知其一。不知其二。今據福康安等奏到各情形。果不出朕之所見。是該御史所奏。於事斷不可行。所

有滇省各銅廠。自應照舊開採。毋庸封閉。惟當飭各廠員實力整頓。加意稽查。不使稍有短絀透漏。庶諸弊可以肅清。而廠徒亦不至失所。於廠務實有裨益。方為妥善。○又諭戶部。彙奏各省收繳小錢情形一摺。此事前據各省督撫奏到。辦理未能盡一。業經戶部覈議具奏。將所定給價六十文。通行京城及各省一體遵行。該督撫及監督等。惟應查照戶部奏定章程。各矢天良。董飭員役。於關津要

隘實力嚴查。妥為經理。毋致日久懈弛。並不任聽員役藉端滋擾。務使小錢淨盡。國法肅清。方為不負委任。○諭軍機大臣曰。惠齡奏前赴襄陽督拏劉之協一摺。據稱接據河南藩司吳璥來稟。訪查劉之協逃匿蹤跡。與安省情形大畧相同。惟稱係逃往樊城。張華家藏匿。與安省所稱蘇明寬家不符。但兩省查訪劉之協欲逃往樊城。似屬有因。現在兼程前往。設法跟拏等語。前經陳用敷派委知

縣吳甸華。馳赴樊城查拏劉之協。又據副將明泰。改裝暗隨文生陳以寧。前往訪緝。迄今日久。總未奏到確實信息。茲聞惠齡所奏。又稱劉之協逃往張華家內藏匿。而本日阿精阿具奏摺內。祇查出劉之協之姪劉玉春。曾到扶溝。恐係該犯通信一節。均未查明。劉之協實在下落。看來陳用敷前奏藏匿蘇明寬家之語。又屬荒唐。著傳諭惠齡。到樊城後。即行設法嚴緝。確切查明。迅速具奏。現在福寧

因湖南苗匪滋事一案。前往辦理。不暇兼顧。所有湖北查拏劉之協一事。即交惠齡督辦。以期速獲。○調任湖廣總督福寧奏。途次接據鎮筵鎮遊擊田起龍稟報。貴州鎮遠鎮總兵珠隆阿。被圍正大營城內。差丁持文來草請援。該處兵力單薄。勢難分救。並偵知黔苗石柳鄧楚苗石三保等。實係糾串起事。脅逼苗衆。共有數千人等語。查黔楚苗人。同時生變。均係石姓。必有勾結情事。除飛催提臣速

為應援。仍一面令宜昌鎮臣張廷彥將兵一千名。即日趲程馳赴該處調用。諭軍機大臣等。前據福寧兩次奏到情形。朕即以此事似由湖南苗民勾結黔省。今聞福寧奏黔楚苗人同時生變。係石姓暗中勾結。果不出朕之所料。著該督速行帶兵到彼。遵照前旨。先行勦殺。並將一切實情。嚴密訪察。據實奏聞。福康安一接黔省地方文武稟報。想不待朕旨。先已起程前行。並著福康安。即速帶領黔省

勁兵。加緊行走。到彼督辦。以期迅速竣事。此次苗人石三保等。勾結滋事。各寨苗衆被其煽誘脅逼者。人數不少。官兵進剿時。所有緊要賊首賊目。及糾串搶劫之人。原應悉數殲擒。其逼脅衆苗。如能自行投出。尚可予以自新。藉以離其黨與。但此等苗人。究屬心懷叵測。一時震懾軍威。不敢從逆。恐官兵撤後復生反側。或在途次邀阻。不可不豫行防範。著傳諭福康安。福寧。於投出苗民。加倍留心。為

要。○壬戌。

上御乾清門聽政。○遣官祭昭忠祠。○諭前經降旨。普免天下積欠錢糧。令各督撫查明具奏。茲據琳寧等奏。奉天省廣寧。錦州。二城旗地積欠米石。及餘地租銀。查明開單具奏。奉天旗地積欠。雖與各省民欠不同。而按名納糧徵租。則一自應一體豁免。俾均樂利。所有廣寧所屬積欠正項。及帶徵未完地米六千九百七石零。餘地租銀一千八百二十七兩。

錦州所屬未完餘地租銀三百六十二兩。著加恩全數豁免。以示朕體恤旗人。乎患有加至意。又諭。前經降旨普免天下積欠。令各督撫查明具奏。茲據勒保奏稱。甘肅各屬。除秦州等二十八廳州縣。並無民欠外。其餘皋蘭等四十五廳州縣。截至五十九年十二月止。實在民欠未完銀糧草束等項。開單呈覽等語。甘肅地瘠民貧。往年偶值偏災。節經特沛恩施。有加無已。今屆普蠲錫福之時。所有

皋蘭等四十五廳州縣。節年民欠未完正耗。及因歉緩徵帶徵。並口糧折色。徵租借價等項。共銀二十八萬二千八百五十四兩零。又正耗及因歉緩徵帶徵。並出借籽種口糧等項。共糧一百二十萬三千一百八十石零。正項草一百七十五萬三千七百四十六束。俱著全行豁免。俾邊氓得免追呼。共慶含哺之樂。以示朕加惠邊黎。敷錫延禧至意。○以翰林院侍讀學士恭泰為詹事。○癸亥。

孝康章皇后忌辰。遣官祭。

孝陵。○諭軍機大臣等。本日福寧等奏楚省銷鹽溢額摺內稱。在襄陽地方督辦。共獲豫省私鹽十餘起。又在宜昌地方。拏獲積慣囤販私鹽之戶。現在提解究辦等語。上年冬間。御史王城曾經奏及河東鹽賤。闖入楚境。以致兩淮官引滯銷。朕以山西湖廣並非接壤。中隔河南一省。即係行銷蘆東之鹽。若河東私販。闖入楚省。勢不能越過豫省。自必先行侵占蘆東口岸。始能闖入楚省。彼時適徵瑞在京。因令軍機大臣詢問。據稱蘆東行銷河南地方鹽觔。近年按引暢銷。並無河南私鹽闖入等語。今據福寧奏。拏獲豫省私鹽。至十餘起之多。是河南地方。即有私販透漏。以致闖入楚境。何以並未據該撫等奏及。著傳諭阿精阿徵瑞。即將此次福寧拏獲豫省私鹽。是否係由河東私販闖入。抑係長蘆私販偷越至楚之處。查明究辦。並著該撫等。於豫省口

岸地方嚴密稽查。督飭地方官實力巡緝。俾私販不致偷越。官引得以暢銷。方為妥善。○又諭曰。福寧奏遵奉諭旨。嚴禁鹽務浮費一摺。前因淮南在楚行鹽。該處地方官需索費用。藉端剝削。以致商人繁費愈重。成本有虧。曾降旨嚴飭各督撫等。潔己率屬。力為整頓。務令永除積弊。吏治肅清。現在福寧已調任兩江。其湖廣總督印篆。雖經福寧帶赴湖南。辦理勦捕苗匪事宜。但計日自可嚴事。畢沅

前在湖廣任內。於地方事務。未能實力整飭。以致因循廢弛。此次經朕加恩。仍授總督。並昨經降旨。令於荊州常德適中之處駐劄。籌辦軍餉火藥等件。計此時已可前抵該處。是畢沅雖不接印。已係該省總督。凡地方一切應辦事件。皆其專責。所有鹽務浮費一事。務宜恪遵前旨。嚴察所屬。將陋規革除淨盡。俾商力寬裕。引鹽暢銷。毋得日久稍生玩忽。復蹈故轍。致鹽引壅滯墮銷。至此時勦辦頑苗

一切軍需尤關緊要。務遵前旨。妥為籌辦。以期源源接濟。其地方應辦事務。亦宜隨時留心查察。加意振作。一洗從前疲玩之習。毋得以尚未接印。稍存膜視。致干咎戾。○又諭據王德奏。拏獲邪教案犯陶興。訊據供稱。係安徽太和縣人。與劉之協同教。曾拜陶烟為師。上年十月。因陶烟給信。知劉之協之兄劉之誠已被拏獲。該犯隨逃走至濟寧。當被盤獲等語。所辦好王德到任未幾。即能飭屬拏獲

邪教案犯。足見留心著賞。給大荷包一對。小荷包四個。其獲犯之濟寧州知州王彬。金鄉縣知縣孫映輝。緝捕尚屬認真。俱著咨部議敘。以示鼓勵。○甲子遣官祭

關帝廟

上幸圓明園。諭軍機大臣曰。管幹珍奏渡江北上漕船。截至二月初一日止。有八幫過淮。鎮江為重漕門戶。江浙船六十餘幫。皆由此出口。向來京口趲渡挑工。俱責成常鎮道專司。

經理現到京口重運已有十二幫。若必俟大潮候風入口恐致遲延等語。鎮江為重漕門戶必須疏挖深通方足以資浮送。雖本年二月逢閏節氣較遲但現到京口重運已有十二幫此後尚有五十餘幫接續前進若竟俟大小潮汐未免遲延著傳諭奇豐額督飭常鎮道查淳設法挑濬迅速妥辦俾南來重運進行無滯隨到隨渡依限北上方為妥善管幹珍係該省總漕漕船是其專管亦著該漕

督前往督同常鎮道查淳一體設法辦理務期重運跟幫速上無致遲誤再管幹珍之名係取易傳貞固足以幹事之意乃將貞字改寫珍字自因敬避

世宗憲皇帝廟諱下一字不知珍字聲音轉覺相近而其文義不典雖嫌名不諱朕從不以字義責臣下但管幹珍係讀書人自應深知敬避之義著傳諭該漕督嗣後即行改正繕寫當書貞字為是○乙丑諭各省甄別教職

佐雜及千把總等定例甄別不及百之二三者將該督撫學政照例議處原因教職等官向例定以六年俸滿分別保留勒休迨下次再行甄別時又有數年之久其中豈無衰邁龍鍾者恐該督撫等因循姑息不行裁汰是以令於年終彙奏如不及分數照例議處今又思若拘定分數倘該省實無可劾之員督撫等因規避處分將尚堪驅策者率行填劾充數亦非愛惜人才之道且千總六十以上

者例應勒休其人如果早就衰頹雖年未六十亦當斥革若年雖六十而精力尚強儘可仍留營伍若皆斥革亦屬可惜是從前定例亦未為允協嗣後教職佐雜千總等官各督撫等於年終彙奏時其甄別及數者著於摺內聲明倘實無可劾之員准其聲明緣由據實具奏其千總一項內有年逾六十尚堪供職者並准其展限三年至六十三歲再行甄別如有仍可留任者不妨送部引見若經朕

看出其中有年力就衰之人。再將該督撫從重嚴懲。如此分別辦理。庶微員等不至限於定額。遽致廢棄。而稟頽庸劣之人。亦不能姑容。應機庶於澄敘體恤之道。並行不悖。其應如何改定之處。著吏兵二部妥議具奏。○吏部帶領三品京堂宗人府府丞孟邵等十三員。併王大臣驗看之四五品京堂通政司副使閻泰和等三十六員引見。得旨。閻泰和童鳳三胡長齡俱准其一等覺羅。桂哈拉爾岱安國寧俱以原品休致。其欽天監監正員缺。即著索德超補授。餘著照舊供職。○予故多羅誠郡王弘暢祭葬如例。謚曰密。故吏部尚書金簡祭葬如例。謚勤恪。○旌表守正捐軀河南武安縣民孫有科妻龍氏。湖南桂陽州民侯西山妻劉氏。○丙寅諭軍機大臣等。據劉君輔奏。苗匪石三保等糾眾滋事。該提督現在駐劄鎮巢。俟兵丁齊集。即行帶領進剿。自係意存慎重。尚非怯懦不前。若劉君輔

亦如明安圖冒昧輕進。致被賊阻。更屬不成事體。惟當查看情形。督兵勦辦。不可稍涉冒昧。亦不可過於延緩。該提督前已調兵二千名。現又添調兵四千。兵力已不為少。但該處小徑叢雜。林箐深密。在在需兵防堵。一經分撥。恐隨營戰兵。仍不敷勦捕之用。前已有旨。令福康安於路過貴州時。挑帶黔省精兵前來。計福康安此時將可到彼。所調官兵。亦可陸續趕到。貴州湖南兵丁。素稱趨健。為綠營之最。福康安等當加以鼓勵。使之奮勇出力。並升兵內如有實在打仗勇往者。或加以陞擢。或奏請賞給。已圖魯名號。俾知獎勵。現據蘇靈奏。由永州起程前往鎮巢會剿。該鎮曾隨福康安甘省勦捕回匪。今請前往帶兵。自可得力。至畢沅前已有旨。令其駐劄常德。荆州等處。適中地方。籌辦糧餉。此時有福康安督辦軍務。又有福寧在彼。朕已不責畢沅以軍旅之事。該督惟當遵照前旨。將應用糧餉

軍火等項。妥為籌辦。源源接濟。且為後路應援。庶聲勢更為聯絡。軍需亦不至遲誤也。○又諭。本日閱姜晟所進圖內。永綏松桃一帶。迤西與四川酉陽州接壤。亦係苗疆。此時石三保等糾眾滋擾。乾州廳倉庫業經被搶。而總兵明安圖。珠隆阿。又有被賊圍阻之事。設該鎮等稍有疎虞。賊匪等肆出搶掠。竟思西至酉陽地方。煽誘該處苗民。不可不豫為防範。且賊匪一經官兵進剿。並恐四散竄逸。有逃入川境者。亦當堵截擒拏。和琳於正月初八日過察木多。計此旨到時。諒已過打箭爐。在成都一帶。著傳諭和琳。暫緩來京。即接受督篆。帶印速赴酉陽。一面密派官兵。以巡邊為名。豫備應用。此時且到酉陽駐劄。遙為聲援。安撫該處附近苗民。勿得被其煽誘。如有湖南逆苗竄入者。立即截拏究辦。孫士毅交卸督篆後。仍著暫留四川省。辦理報銷。設將來勦捕事宜。有需和琳帶兵策應之處。孫士

毅亦可在彼兼辦軍需供應一切。以期多一人多得一人之益。○丁卯。諭。前經降旨。普免天下積欠錢糧。令各督撫查明具奏。茲據吉慶將浙江省節年民欠。及因災緩帶地丁漕糧正耗。並蠲免補徵耗羨。及漕截動墊補徵未完各數開單呈覽。所有浙江省節年民欠。因災緩帶。並蠲免補徵耗羨等銀二十五萬二千一百九十五兩零。南漕米二千二百四十石零。因災緩徵漕糧正耗米四千一百一十七石零。又乾隆五十八年分應補徵寧波台州。衢州。嚴州。處州。五府屬輪免地丁耗羨未完銀四萬三千二百餘兩。五十六七兩年分應徵還嘉興。湖州二府屬道庫動墊漕截未完銀八萬四百餘兩。五十八年分應徵還杭州。嘉興。湖州三府屬道庫動墊漕截未完銀十八萬三千四百餘兩。浙省通共未完銀五十五萬九千一百九十五兩零。未完米六千三百四十一石零。俱著加恩豁免。以示朕

普錫春祺恩施無已至意。○又諭據全德奏兩浙各縣場積欠竈課及因災緩徵等銀共六萬九千二百九十二兩均係實欠在竈等語前經降旨普免天下積欠錢糧場竈積欠與民戶本無區別所有兩浙積欠竈課及因災緩徵共銀六萬九千二百九十二兩並著一體加恩豁免以示一視同仁至意。○又諭本日召見南澳鎮總兵陳莊看其精神委頓年力就衰難勝海疆專閫之任陳莊著以原品休致所遺閩粵南澳鎮總兵員缺著該督等於閩粵水師總兵內揀選一員調補所遺員缺著穆爾松阿補授。○諭軍機大臣等陳莊從前調補南澳時係長麟伍拉納會摺奏請並稱該員精力強健海洋諳習等語復查閱該督等上年所奏考語長麟稱其水師熟悉人亦明白小心伍拉納則稱其於水師尚能熟諳等語陳莊於上年甫經調補南澳鎮且現距該督等出考之期閱時尤屬無幾何

以該員即就衰頹可見該督等於奏調及甄別時竟全未留心察看不過率行請調照例填寫殊屬非是著將因何以陳莊調補南澳鎮及率行出考之處各行明白回奏。○又諭前因各省小錢充斥節經降旨通飭查禁實力收繳並經部議酌給價值奏報收繳數目仍屬寥寥此等奸徒捆載遠行自不肯由陸路攜帶總由水路行走者居多地方官及監督等若果能實力查收於關津隘口留心稽查小錢自無難於淨盡今據五德奏稱設局一月有餘已收過小錢六百千有零可見小錢透漏全係各關口懈弛所致一經嚴密稽查不特奸徒無從轉販而商民等見查收嚴密亦呈繳必多嗣後各督撫監督等務當實力嚴查於關津隘口尤宜加倍留心認真查繳並嚴禁胥吏人等毋許藉端滋事以利民用而清錢法斷不可稍存懈忽也。○又諭據惠齡奏馳赴樊城會同安省委員吳甸華親



至蘇明寬家搜捕。並無劉之協蹤跡。又查樊城鎮並無張華其人。惟劉家集西頭有張全一名。其堂姪張添華居住。離張全家五里。馳赴兩家搜拏。亦無劉之協蹤跡等語。蘇明寬係劉之協同教案犯。雖據伊家屬稱劉之協並未藏匿其家。但何以史有義等供之鑿鑿。其言必非無因。蘇明寬於上年冬間發遣。此時自在河南直隸一帶。著傳諭該督撫。即查明該犯現在解到何處。即於該處添派員弁。迅速解京審訊。方可憑信。至張華與張添華雖名不盡合。究屬可疑。所供開鋪務農度日。與劉之協並不認識之語。亦恐係藉詞掩飾。著傳諭惠齡。再行逐細盤詰。並赴襄陽親訊張添華等。取具實供。務得劉之協實在下落。方為妥善。○又諭。本日福康安奏到之摺。自尚係接到初次稟報。以為不過拒捕傷官之事。可以無須大辦。今苗匪等勾結煽惑。四出滋擾。早經疊降諭旨。催福康安速赴該處督

辦。想福康安續接貴州文武員弁稟報情形。自必兼程前進。此時已可到彼。福康安素嫻軍旅。而貴州湖南官兵。最為趨健。諒此烏合苗匪。無難一鼓殲除。剋期肅事。至石三保。石柳鄧等。竟敢聚眾肆逆。陷城傷官。實屬罪大惡極。必當痛加誅勦。以示懲創。凡被脅入夥各寨苗眾。有曾經隨賊抗拒。傷害官兵者。將來事定後。均應查明。照臺灣之例正法。但現當行軍之際。頑苗聞知此信。以為罪在不赦。益復勾結屯聚。殊有閼繫。目下大兵所至。其有投出乞降者。自不得不勦撫兼施。以為離散黨與之計。仍當遵照前旨。加意防範。勿致兵微後匪徒等。又復乘間滋擾。此為緊要。福康安久歷戎行。自能密為留心。妥協籌辦也。又據劉君輔奏。擒獲苗人。爬城竹梯三十餘張。並鎗矛甚多。此非旦夕所能製造。現在官兵初次接仗。擒獲已多。可見逆苗蓄謀。必有一二年之久。何該省文武員弁。漫無覺察。自

因提督俞金鰲年老患病。不無廢弛。而地方乃總督巡撫專責。畢沅姜晟到任均已數年。豈能辭咎。著福康安。福寧於事定後。詳細查明苗匪逆謀。究起自何時。地方文武及該土司等。何以未經查出之處。據實叅奏。勿稍回護。至劉君輔到任未久。現又帶兵出力。福康安當曉諭該提督。以此案係從前提督及總督巡撫。因循貽誤所致。伊甫經到任。尚可邀恩寬宥。惟當奮勉殺賊。迅速藏功。以圖報効。

實錄卷一百一

十一

大清高宗法天隆運至誠先覺體元立極敷文奮武孝慈神聖純皇帝實錄卷之一千四百七十

大清高宗法天隆運至誠先覺體元立極敷文奮武孝慈神聖純皇帝實錄卷之一千四百七十一  
監修總裁官經筵講官太子太傅文淵閣大學士文淵閣領侍衛內大臣稽察欽奉 上諭事務處管理  
吏部理藩院事務內閣學士滿洲都統世襲騎都尉軍功加七級隨帶加一級尋常加二級軍功紀錄一次慶桂  
總裁官經筵講官太子太傅文華殿大學士文淵閣領侍衛內大臣稽察欽奉 上諭事務處管理刑部  
世襲騎都尉軍功加十九級隨帶加二級又加二級軍功內大臣戶部尚書鑲黃旗滿洲都統軍功紀錄五次  
尋常紀錄十四次臣德瑛經筵講官太子少保戶部尚書紀錄六次臣曾祺謹奏

較修

乾隆六十年乙卯二月戊辰諭現因湖南永綏廳苗匪石三保與貴州松桃廳苗匪石柳鄧等勾結滋擾已命福康安福寧等帶兵前往督剿想此等烏合匪徒一經官兵會剿無難一鼓殲擒剋期肅事但現當東作方興之際猝被逆苗滋擾於農功不無妨礙若將應徵春季錢糧照舊催徵恐被搶擄之民益苦所有湖南辰州府屬之永綏乾州鳳凰及瀘溪各廳縣並貴州銅仁府屬之松桃廳現被苗匪滋擾地方著該督撫查明將各該處應

徵春季錢糧。概行緩徵。俟事定後。如查有被賊蹂躪。春收歉薄者。再行降旨豁免。以示朕撫綏良善。加惠閭閻至意。著該督撫連行遍諭窮民。○大學士公管雲貴總督福康安奏。前據銅仁府知府沈丙等稟報。松桃苗人滋事。臣即假查閱營伍。起程前進。旋據鎮遠鎮總兵珠隆阿等報稱。湖南鴉酉汛屬苗匪石三保等。亦在嗅腦汛相近地方焚擄。查松桃與楚省毗連。自係該匪等一氣相聯。除一面飛飭鎮將搜捕首逆。仍一面擬就告示。曉諭附近民苗人等。准其自行投首。有能擒獲首惡黨與者。從重賞給銀兩。並奏賞項戴。至貴州兵素勇健。臣現於苗民較少各營。調集官兵。前抵松桃。督率妥辦。諭軍機大臣曰。福康安奏。續據稟報。苗匪滋事情形一摺。所辦俱是。諒此苗匪。不過一時烏合。希圖搶劫焚燒。掠取財物。東奔西竄。並無大慮。深謀即較之雍正年間古州苗民。不啻霄壤。現在調集

多兵四面搜捕。無難一鼓殲擒。惟事定之後。必須搜拏淨盡。使之震懾畏法。方不至再有萌蘖。福康安現在帶兵到彼。先聲奪人。苗民自必望風膽落。佇盼捷音之至。○已已。諭軍機大臣等。據蘇凌阿奏。山東拏獲之陶興一犯。自認係邪教劉之協。及解至濟寧州。又復翻供。山東現無認識劉之協之人。專差赴太和關提親屬識認。蘇凌阿因山東距太和較遠。請將陶興解京。令與余洛識認。其安省所獲之王雙喜一犯。現已解京。亦可令其質認等語。前據玉德奏。拏獲陶興一犯。祇稱該犯曾與劉之協帶同王雙喜。前赴隆德。面見劉松。並未將該犯自認劉之協之處具奏。此又不解何故。即云該犯供認後。又復翻異。亦應於摺內敘明。何以竟置不提。著傳諭玉德。即將所獲陶興。是否即係劉之協。因何不奏之處。據實覆奏。勿稍迴護。所有陶興一犯。即著玉德派委妥員。迅速解京質認。以別真偽。○

湖廣提督劉君輔奏。本月初七日。據永綏協馬兵高明瓏面稟。正月二十九日。鎮守鎮臣明安圖。副將伊薩納。永綏廳同知。及守備三員。巡檢二員。帶兵五百名。行至鴉西寨。與苗匪接仗。至夜半全寨已失。次日苗勢更大。明安圖等均於盤打扣地方被害等情。臣聞之切齒。飛催官兵進剿。諭軍機大臣曰。劉君輔查奏明安圖等被害情形一摺。所奏總不明晰。該鎮將等在鴉西被害。已據查明。但明安圖係曾經出兵金川之人。且此次帶兵五百名。為數不少。即使遇苗匪一二十人。亦必悉力奮擊。互有殺傷。豈有束手坐待。而所帶兵丁五百名。竟至悉數陷沒。止有該兵一人受傷走回之理。明安圖等如何與苗匪打仗。及如何被害情形。劉君輔俱未詢明詳悉具奏。看來劉君輔所奏。止係字識代為繕寫。而該提督亦未更事。率行據以入告。著福康安等即行查明具奏。至福寧自岳州前抵辰州。已

閱多日。此次劉君輔查奏明安圖等被害情形。並據咨會福寧。該督於此等緊要軍情。何以日久總無一字奏及。即使福寧尚待調集兵丁。不敢冒昧輕進。亦應將辦理緣由。及據稟報之處。隨時速奏。乃總未據奏到。殊不可解。此事著交福寧自行酌量情形。如到彼即可相機進剿。自無庸坐待。若自揣未備。軍旅辦理不能得有把握。轉不必輕率前進。或致損威傷重。竟俟福康安到日。隨同剿捕。以期一鼓集事。至逆苗竟敢戕害鎮將。殺斃多兵。不法已極。查辦時。不得不痛加懲創。使之震懾畏懼。不敢復萌故智。但現當行軍之際。不可稍露此意。恐苗匪等聞知此信。以為罪在不赦。抵死抗拒。益復勾連屯聚。殊有關係。福康安等惟當密為存記。於剿捕事竣。趁此兵威嚴行查辦。不使餘孽復萌。以期綏靖苗疆。方為妥善。○庚子。諭軍機大臣曰。管幹貞奏籌辦京口渡江情形一摺。據稱。西風耗潮

頂渡管幹貞等親赴

江神廟

都天廟祈禱。次日即轉東南順風。重運赴潮出口等語。本年節氣較遲。冰融以後。爪儀等處。稍覺水淺。又值西風耗潮。頂渡經管幹貞等齋宿祈禱。即轉順風。重運一百餘隻。得以趁潮出口。此皆仰賴

神靈默佑。漕船得以迅速進行。欣覽之餘。並深敬謝。特發去大藏香二十枝。著管幹貞虔

誠叩祀分拈以答

靈貺。○又諭曰。蘇凌阿奏。河南省委員來至太和。會同查拏劉玉春。並無其人等語。看來此事又係荒唐。實屬大奇。劉玉春一犯。前阿精阿奏。訊據差役陳克孝供係上年十月十五日。前往扶溝。通信劉之協之人。自非無因。或所供住址偶有參差。或詭託名字。族中人等代為掩飾。均未可定。蘇凌阿現在六安州。距太和不遠。自應前赴該處。詳細確查。切實

根究。周樽人本老實。辦理此事。恐未能詳妥。

乃蘇凌阿並未親往。僅令周樽查辦。殊屬非是。著傳旨申飭。又據蘇凌阿奏。接據副將明泰。稟稱密隨陳以寧沿途察看。並無實心緝拏劉之協之事。該副將復至六安州城。面晤署知州張慶曾。詢知該生本名陳錫周。上年曾以緝拏劉之協為名。詭騙該署知州銀三十兩。數日後。即逃竄無蹤。並將陳以寧拏獲到案。訊據供認。意圖詭騙。希冀拏到劉之協。可以邀賞。並可望小功名。自認不諱等因。此事前經陳以寧赴州稟請時。該署州給與盤費。准令躡緝。要犯雖為急公起見。但該署州既已派令衙役跟同前往。何至任其逃竄。即使陳以寧乘間脫逃。該役自必回稟本官。該署州亦應將此等情節。稟明督撫。將陳以寧緝獲懲辦。免致再行詭騙生事。乃該署州置之不問。致該生得以復萌故智。又在巡撫處自請緝拏劉之協。而該督撫等俱至為其所

感。直待副將跟蹤至六安州。面見該署州。始悉從前誑騙之事。是此事之多生枝節。皆由該署州延玩不稟所致。著將張慶曾革職。交部治罪。至陳以寧以緝拿要犯為名。誑騙官長銀兩。至在巡撫前詭詞請領護票。冀圖邀功得賞。殊屬可笑。可惡。陳以寧著即交刑部嚴審定罪。以示懲創。將此由四百里諭令知之。○辛未。諭軍機大臣曰。福寧前於岳州發摺後。途次接據稟報甚多。並不隨時陳奏。殊為遲緩。此次所奏。仍未甚明晰。又據姜晟奏。保靖瀘溪兩處。已先後派兵堵禦。無慮疎虞。惟賊苗忽聚忽散。須酌籌路徑。乘勢進剿。一俟各兵調到。即行分頭剿捕。所辦尚是。看來此事。姜晟籌辦較有眉目。而福寧見賊蔓延。未免心存畏葸。布置一切。不能得有把握。現在楚省調派官兵已及萬餘。福康安自黔省前來。亦必帶領兵數千。軍威已極壯盛。現又派巴圖魯侍衛章京。令護軍統領德楞泰

帶領。由驛馳往。德楞泰前隨福康安當軍營翼長。屢經委用。自可得力。況福康安久歷戎行。聲望素著。諒此烏合之衆。無難一鼓殲擒。福寧惟當鎮靜辦理。隨同福康安。察看道路情形。通盤籌畫。相機進剿。勿使苗匪東西奔竄。四出驚擾。至保靖為永順門戶。瀘溪為辰州門戶。賊苗在兩處攻擾。而保靖地方。有永順苗匪張廷仲父子。聚集數千人。撲城奪卡。勢尤緊急。雖經福寧檄調兵丁。令宜昌鎮總兵張廷彥帶兵前往應援。究恐途遠。緩不濟急。福寧當酌量事機。如永順保靖一帶。有急須策應之處。福寧即行親帶官兵。前往應援。剿捕其鎮筸鎮城外賊匪。雖未退散。但現有提督劉君輔在彼堵禦。即使該提督不能帶兵進攻。而防守尚可無虞。福康安等惟當便宜調度。以期迅速集事。至劉君輔前次所奏之摺。總不明晰。業已降旨飭詢。即如賊匪於二月初五日。至鎮筸城下攻擾。雖經劉君輔

殺退而賊匪仍未竄逸。尚在附近山險地方出沒。意存窺伺。自二月初五日以後。又已多日。即或賊匪未敢復來城下。劉君輔亦應帶兵出城偵探賊匪屯聚之處。痛加剿殺。寧有賊至始行迎擊。賊退仍復坐待之理。况賊匪勾結糾聚人數較多。雖烏合之衆。原無紀律。然山險要隘之處。必有拒守卡寨。藏匿巢窟。若能出城搜捕。或可追躡賊蹤。乘夜襲擊。劉君輔何以計不出此。惟知株守城中。稽延時日。耶再福寧奏盤獲奸細。身帶硝磺。遇便放火。苗匪何從得有此項硝磺。該管地方官吏寧不應早為查察。著於事定後。一併查辦。又據馮光熊奏稱。珠隆阿等於正月二十八日。帶兵打仗。殺賊三百餘人。並有苗民石老三等。堅守本寨。與逆苗對敵。此係極好消息。可見苗匪勾結滋事。大半出於脅迫。其中安分畏法苗民。能知大義者。正復不少。不可不急為獎勵。所有石老三一名。著加恩賞給六品。

頂戴。其隨同拒賊者。仍著福康安等查明。加以厚賞。並即通行曉諭。苗民等涵濡王化。本為恭順。現在滋事。不過無知頑梗之徒。即日官兵會剿。悉就殲誅。其安分苗民。斷不可為其煽誘。如有堅守本寨。剿殺逆苗者。必一體優加賞賚。若一時逼脅從賊之人。能將賊苗頭目。設法擒獻。尤必奏明寬宥加賞。福寧當出示安撫衆苗。明白宣諭。苗民等知所勸勵。黨與亦可漸就離散。以現在情形而論。貴州賊匪屢被官兵剿殺。自必竄入湖南境內。福寧等厚集多兵。縱不能悉力進攻。豈此等逃竄賊匪。亦不能帶兵剿殺耶。現在事機順叙。福康安此時已抵軍營。聲威百倍。士氣奮揚。速盼捷音之至。○調河南南陽鎮總兵朱敏為湖南鎮筵鎮總兵。以陝西潼關協副將阿克東阿為南陽鎮總兵。○壬申。諭軍機大臣曰。惠齡奏。親赴樊城。提訊蘇明寬家屬。及張添華等。並無劉之協蹤跡。亦無張添華其人。

若再族家搜捕。未免事涉張皇。因密派員分赴各家查訪等語。所奏恐皆虛詞。劉之協在扶溝脫逃。為日已久。各省地方。自督撫司道。以至州縣等。俱有緝捕之責。如果能實力督飭。嚴密查拏。此等邪教逃逸之犯。又將安往。乃日久迄無蹤跡。如遇有緊要重犯。又安望其剋期拏獲耶。是所稱關津隘口。認真盤詰之語。僅屬空言。敷衍塞責。殊不足信。今正犯並未緝獲。祇於輾轉牽涉之人。紛紛查緝。徒使胥役人等藉端滋擾。殊屬不成事體。著傳諭惠齡。惟當實心督飭。密查正犯下落。嚴拏務獲。毋得徒事張皇。虛詞了事。轉致滋擾也。○又諭據惠齡奏湖南保靖一帶。與四川酉陽毗連。已飛咨孫士毅。一體堵截等語。此事朕早經計及。有旨諭知和琳。如一入川境。速行接印。馳赴酉陽。督率堵截。想和琳途次聞苗匪滋事之信。自必一面奏聞。一面起程徑赴該處。並著和琳酌量情形。如該處有需

兵力防堵之處。即迅速檄調勁兵。並酌帶經練將弁。前往應援。仍將於何日得信。何處取道前往之處。迅速覆奏。○癸酉。吏部帶領京察保送一等之內閣侍讀明達等二百六十二員引見。得旨。瑚圖靈阿。崔景儀。程昌期。俱准其一等。明達。富明阿。吉隆阿。金應琦。宗室廣敏。富哈善。和精額。和德。繼善。任。對。南。康。綸。鈞。五。靈。泰。書。德。圖。明。阿。覺。羅。麟。喜。趙。三。元。張。映。漢。雙。壽。覺。羅。恒。慶。巴。哈。布。張。至。勢。慶。延。該。祖。綬。錢。楷。馬。維。馭。文。通。誠。存。新。柱。伊。精。額。福。綸。達。漆。鑾。顧。鈺。博。慶。王。岱。盛。保。盛。惇。崇。雙。慶。彥。布。彭。布。洛。蘇。忠。阿。伍。靈。阿。羅。古。祥。鷹。沈。廷。璵。項。家。達。張。姚。成。范。整。何。夢。蓮。吳。允。宣。孫。星。衍。胡。克。家。慶。保。鳴。清。景。文。佛。喜。保。台。福。岳。山。克。興。額。文。光。佛。尼。勒。陳。觀。多。隆。阿。珠。莽。伊。福。珠。隆。阿。沈。琨。扎。隆。阿。湛。露。佛。璘。佈。德。謙。色。拜。富。海。豐。紳。常。明。積。福。郭。雲。布。吳。熊。光。恩。綬。崇。福。宗。室。伊。冲。阿。台。澤。布。邨。白。昌。杜。兆。基。戴。均。



元李長森宋謝錢樾馮集梧蔣攸銛朱理錢  
學彬洪梧張師誠潘紹經黃錫章色布星額  
達靈阿海慶圖勒炳阿那澄楊志信祥慶寶  
誠宗室佛爾通阿劉壯陳鴻漸博通明志高  
安舒祥程世蕃何廷瓚恒年敏珠爾八十四  
富春佛喜保恒山宋本敬沈浩富拉禪百祿  
王綺書重倫金晉侯覺羅普寧恒安勒善瑚  
圖靈額文孚賽尚阿佛永岱清阿永泰觀凌  
碩隆武布彥圖江連周有聲鮑勲茂范重榮  
宗室松秀宗室永齡額圖敏瑪桑阿松伊納  
砥柱音柱覺羅吉泰富保楊光裕廷琳德林  
翔兆景文那山常文塔方阿寧音伯靈阿富  
昌阿麟元德克精額通保德興智照伊爾恭  
阿廣順德春尼麟保住舒進和明西拉布彭  
景恒班泰圖翰寧和舒保寧泰明德和保星  
額特覺羅興魁福綸伊里布福森富勒赫順  
慶運泰覺羅宗肇郝登善吉祿阿方阿劉鍾  
博興額布蘭泰善保繼善希寧蘇爾登額鄂

祥覺羅寧泰額芬伊朗阿崇昌覺羅海通阿  
覺羅福壽保重陽瑞祥覺羅承恩伯永明安  
泰洋安泰慶福福泰安榮扎勒杭阿平晏德  
秀常旺雙福高英西里岱博貝安慶袁錫承  
善增柱寧惠德克登布裕福訥清阿松山高  
秀格圖珪額官清書琳覺羅七彬達敏栢寧  
長文嵩山武靈阿成裕善福張福覺羅和泰  
覺羅仲泰善良望格良禧栢齡阿耀敬廷福  
海瑞善慶海祥巴尼泰慶文俱准其一等加  
一級○豁奉天海運解通在洋遭風漂沒豆  
一千八百石○甲戌命詹事恭泰提督廣東  
學政○吏部帶領京察二三等官年六十五  
歲以上之內閣侍讀學士富崑等六十一員  
引見得旨富崑等俱准其留任○乙亥諭此  
次京察一等圓圖人員著交各該堂官將各  
員是否堪勝外任及應留之處出具考語交  
吏部帶領引見其圓圖之滿洲內閣中書一  
員著歸於記名理事同知通判內遇有缺出

與舊記名人員一體帶領引見。其太常寺博士一員著交部照例選用。○丙子。諭前經降旨。普免天下積欠錢糧。令各督撫查明具奏。茲據蘇凌阿等奏。安省節年民欠。及因災緩帶地丁錢糧正耗。並借帑及出借社倉穀米。秋豆未完各數。開單呈覽。所有安徽省各州縣衛節年民欠。因災帶緩未完地丁漕項正耗。並借帑等銀一百三十五萬五千四百七十六兩零。漕南正耗等米麥一十二萬六千二十石零。未完災緩歸補常平米三千四十二石零。未完出借社倉穀米秋豆二萬三千八百六十三石零。俱著加恩豁免。以示朕普惠閭閻。恩施無已至意。○諭軍機大臣曰。福康安奏行抵鎮遠。飛調官兵會剿一摺。所見均為得要。此次楚省所辦。遲延觀望。殊不滿意。今福康安已抵鎮遠。因松桃正大兩處苗匪尚在圍伺未退。飛咨提督等。先為疏通松桃銅仁後路。然後進剿各匪。業經四路舉兵。

剿戮。是黔省苗匪。雖聚散無常。現在四路俱有官兵堵截。自可無虞竄逸。福康安於黔苗剿捕淨盡後。即可前赴楚境。併力殲擒。至福寧奏查詢起衅根由。據百戶楊國安供。苗人生計本薄。客民等交易不公。與苗爭執。以致生變等語。亦殊不可信。客民與苗人交易不公。彼此爭利。固屬事之所有。但外省地方胥吏兵役。往往藉端滋事。即安分良民。尚被擾累。何況此等苗民。豈有不恣行凌虐之理。而地方微末員弁。任意侵欺。亦事所不免。何得僅以客民交易爭執。即為起衅之由。此事著福康安於事定後。必須切實查詢。究明嚴辦。以示懲創。而靖苗疆。此時福康安自己將黔省逆苗搜捕。即到楚省合兵攻剿。佇盼捷音之至。○丁丑。諭軍機大臣曰。王德奏查禁糧船私帶小錢。以杜來源一摺。據稱現在各州縣稟報收繳。自三五百十。至千餘千不等。市錢已漸臻純淨等語。查繳小錢一事。前經戶

部定議。如於限外藏匿不繳。數至十千以上。及不及十千者。遞加分別定罪。今東省收繳小錢。自三五百千至千餘千。為數甚多。自係陸續查繳。非止一人一案。著該撫查明案內。如有私行藏匿。官為查出者。即照戶部定例。分別覈辦。不得與自行呈繳者一律辦理。亦不得任州縣等將查收小錢。分作多起。以致均不及數。使奸民得以倖免。無所示懲。至所奏糧船經過臨清關。向祇點驗貨物。恐匪徒將小錢搭附糧船興販。來源仍不能淨盡一節。所見亦是。並著傳諭管幹員。於各省漕船抵淮發盤之時。即將小錢一併清查。並先期曉諭。如有自行呈繳者。免其治罪。倘匿不報出。查有夾帶行使者。即從重治罪。以示懲儆。毋任藉端透漏。○又諭。前因福寧奏。在襄陽地方。拏獲豫省私鹽。降旨令阿精阿。徵瑞將是否係由河東私販闖入。抑係長蘆私販偷越至楚之處。查明究辦。茲據徵瑞奏稱河南

省蘆東引地。均不與湖北接壤。勢難越漏。其行銷晉鹽之南陽府。即為荊州上游等語。所奏亦未明晰。阿精阿接奉前旨。尚未據查明覆奏。著再傳諭該撫。即將湖北拏獲豫省私鹽。是否係由河東私販闖入。抑係長蘆私販偷越。確切詳查。據實覆奏。○大學士前署四川總督孫士毅奏。臣於資州途次。據都司何元卿稟報。帶領弁兵鄉勇。巡至川黔交界地方。正值苗匪數百名。在彼焚搶。該都司等奮力勦捕。殺斃苗匪六名。奪獲紅旗一面。餘匪畏懼退回等語。查該處通苗道路。共有八處。除重慶兵八百名。分防要隘。餘兵不敷勦捕。現於漢土官兵內。添調督提二標兵各五百名。維州七兵一千名。均令由嘉定乘船而下。至涪州起岸前進。仍派總兵達音泰。索國璜。帶領得力將弁。協剿湖廣提督劉君輔奏。本月十六日。有賊苗數千。吹號執旗。攻擊鎮城東北山梁。經弁兵鎗礮齊發。痛加衝打。臣親

帶叅將佛寧等領兵過河迎擊。守備卽上達越山衝擊。連殺數賊。又有五寨巡檢徐大綸帶弓兵鄉民截路夾攻。傷斃賊苗百餘名。逆苗退入王家寨固守。當令兵丁拋擲火彈。燒死寨苗甚衆。餘匪逃散。又聞南山賊礮聲響。恐其逃山攻城。臣卽分撥官兵。劉住山口防禦。仍俟督臣抵鎮後。照康熙四十二年勦辦紅苗途徑。分兵兩路進攻。諭軍機大臣曰。苗匪糾聚烏合。伎倆本屬有限。劉君輔帶領現到之兵。尚能殺賊多人。焚燬賊寨。而川省之千總外委等。亦能奪旗殺賊。餘匪望風竄逸。是逆苗之無能為己可概見。但各處調派兵丁。遠近不一。尚不能一時到齊。自難窮追深入。迅擣賊巢。一俟大兵會合。福康安於黔苗勦盡後。前赴楚境。和琳亦帶兵前往秀山。定可四面圍截。一鼓殲擒。劉君輔奏稱康熙年間。勦捕該處苗匪。係西北兩路進兵。截住要隘。今福康安自松桃進兵。卽可直至永綏一

帶和琳由酉陽秀山。至黔楚交界地方勦捕。而福寧劉君輔。亦可自鎮筵帶兵夾攻。彭廷棟又在正大營堵截。是各處帶兵不患無人。卽分五路亦可。較之康熙年間。兩路進兵。更為嚴密。著傳諭福康安等。卽飛催檄到各兵。迅速前進。毋任延緩。福寧自到辰州。毫無展布。惟知迎會福康安。聽其指示。隨同勦辦。看來福寧在彼。竟不足恃。與其福寧迎往黔楚一帶。隨同福康安辦理。莫若和琳於到秀山後。卽前往福康安軍營。會同商辦。和琳雖未經軍旅。但伊素知奮勉。或能辦賊。前在衛藏曾經籌辦軍務。一切機宜。諒曾諳習。況與福康安意見本甚相合。今往會同辦理。更可得和衷商榷之益。此時朕所倚仗者。除福康安外。其次卽係和琳。伊二人務須悉心籌畫。督兵會剿。以期迅速。歲功。○戊寅。

孝昭仁皇后忌辰。遣官祭景陵。○諭曰。科爾沁親王恭格喇布坦。在御前

行走多年。前據奏稱年班來京。因途次患病而返。當即遣醫前往診視。茲聞溘逝。殊堪軫恤。著派御前侍衛公豐紳濟倫帶領侍衛章京前往奠醊。仍著賞銀五百兩。以資辦理喪事。○又諭。前因吏部將大計降調知縣左為鑛帶領引見。朕以該員係乾隆五十五年。經梁肯堂奏請調繁邢臺縣。何以僅閱三年。即以才力不及填劾。或該員於調繁後。別有自滿廢弛。及不職等事。因降旨詢問梁肯堂。茲

據覆奏。左為鑛於調任後。審辦地方詞訟。每多遲鈍。實難勝衝要之任。惟尚無別項劣蹟。是以於計典內。以才力不及。劾參等語。左為鑛既屬才力不及。著照部議降調。至該督於所屬州縣。忽行調繁。忽行參劾。並未據實聲明。既於政體不協。且易啟督撫任意軒輊之漸。及經降旨詢明。迺該督仍屬含混其詞。並不自行引咎。殊屬非是。梁肯堂雖不至交部嚴議。亦應議處。○已卯。諭曰。兵部右侍郎員

缺。著伍彌烏遜補授。伍彌烏遜現在出差。著台布署理。○庚辰。

上御勤政殿聽政。○諭軍機大臣等。前據福寧奏。馳赴鎮草。迎會福康安。隨同剿捕。今又稱到鎮草。駐劄。與前奏互異。該督竟尚欲迎赴前途。抑即留駐鎮草。坐待福康安之至乎。其意不過以鎮草有劉君輔在彼。思倚以為重。辦理全無把握。且所調官兵內。有襄陽鎮標兵二十名。該處與豫省接壤。道路較遠。調派

本未允協。而未到各兵。又不催令速至。所云相機速辦之語。僅屬空言。殊不足恃。前據姜晟奏。約計福康安於二月十五日。可抵銅仁。計算福康安之報。日內即可奏到。盼望甚為殷切。福康安到彼後。自必先將松桃賊苗。痛加殲戮。肅清貴州邊界。迅抵湖南。帶兵會剿。此事全仗福康安督率辦理。剋日蕲功。再據福寧奏。高村職員滕家瓚等。召募鄉勇。捐給口糧。殺斃苗匪甚多等語。職員等因苗匪滋

擾設卡防禦。固屬自保身家。但該處為鎮軍後路。賊匪時常窺伺。經滕家瓚等率領鄉勇。打仗殺賊。守住要路。實為急公出力。自應撥給火藥鉛丸。以資應用。著福康安於軍務告竣時。即查明出力者。照臺灣義民首之例。分別奏請獎賞。並著福寧先行曉諭滕家瓚。賞以六品頂戴。其隨從殺賊之鄉勇。並即查明。先行分別賞給銀兩。俾踴躍爭先。於勦捕更為有益。又據興兆奏。挑備荆州滿兵一千名。懇請帶往協勦等語。此等滿兵。駐防日久。未必能勝於綠營。現在湖廣所調之兵。已有一萬數千餘名。為數不少。著傳諭福康安。酌量情形。如無須添調滿兵。則已。倘或必須添調。興兆人本老實。副都統二員。皆已年老。恐帶兵不能得力。近令德楞泰由京前赴湖南。必由荆州經過。該處滿兵。既經興兆挑備。自己派有章京等領管。德楞泰途次。若接得福康安知會。即行順路統領帶往。自較為便捷也。

○以原署內閣學士鄒炳泰補原官。○辛巳遣官祭賢良祠。○諭京師五城飯廠。定例應放五個月零二十日。本年係閏二月。應於閏二月二十日停止。但現在天氣尚寒。距麥收之期較遠。若遽行停止放賑。恐無業貧民。難以餬口。所有本年五城飯廠。著加恩展至三月二十日停止。以示朕施惠貧民。有加無已至意。○又諭。前因福建漳郡龍溪縣。猝被水災。監房倒塌。該處監犯。皆知守法。並無一名走脫。曾降旨令該撫將問擬斬絞各犯。查明報部辦理。茲據刑部具奏。除大逆緣坐。未便擬減。及謀故殺人擬斬各犯。仍於秋審時酌擬緩決外。其已結擬絞緩決一二次。及應入本年秋審緩決各犯。分別開單請旨等語。該犯等於監房被水衝塌。尚知安靜守法。自應量加減等。所有緩決一二次之朱苞等二十二名。及應入本年秋審緩決之謝允和等十八名。俱著加恩照例減等。以示法外施仁。並

昭獎勸至意。○諭軍機大臣曰。福寧等奏。勦殺賊苗。奪梁拏卡一摺。此泰畧強人意。速盼捷音之至。但閱摺內稱。蘇靈帶兵六百名。於二十日辰刻方到。午刻即率領官兵。由東面上山。至頭卡向西迎敵。搶上山梁。占住得勝坡。獅子口二處。劉君輔在賊後面。往上直撲。兩路夾攻。福寧在緊對山梁。用礮轟斃苗匪數十人。賊始紛紛逃竄等語。蘇靈曾經出兵。前據該鎮奏帶兵前往時。朕即以為此人必能得力。今果奮勉殺賊。實屬可嘉。是此次勦殺賊苗。由蘇靈帶兵前往迎敵。搶上山梁。占住地勢。福寧。劉君輔。不過在後策應。看來福寧前此。竟因賊勢滋蔓。不免心存畏懼。株守鎮守。一籌莫展。今因蘇靈帶兵到彼。有所倚賴。始得有勝仗。可見該督之無能。本日據姚瑩等奏。接准福寧咨會。今在交界地方。一體堵截等語。廣西雖同係苗疆。而距現在苗匪滋事地方。遠至數百里。及十餘里不等。何至

紛紛咨會堵截。即此一端。是福寧辦理此事。竟係毫無主見。惟仗福康安迅速來楚。督率進剿。以期剋日蕨功。再蘇靈於初二日自永州起程。所帶官兵六百名。為數亦少。永州距鎮守一千七百餘里。該鎮於二月二十日辰刻。即已齊集到彼。行走迅速。洵屬奮勉可嘉。何以福寧昨奏未到官兵。尚有五千餘名。當此行軍之際。一經派調。自應星速前往。隨同勦捕。豈容途次耽延。著傳諭福康安於到楚後。務宜按各處檄調之兵。道路遠近。詳細確查。如有任意遲延者。即將帶兵之將領據實嚴參。以示懲儆。其行走妥速奮勇者。亦即查明獎賞。○壬午春分朝。日於東郊。遣豫親王裕豐行禮。○諭軍機大臣曰。福康安奏。馳抵銅仁。親看情形一摺。所見得要。前因馮光熊奏黔省苗匪。經珠隆阿等帶兵夾攻。奮勇勦殺。殲斃三百餘名。賊已紛紛潰竄。似黔省境內。賊已勦殺淨盡。是以降

旨令福康安至楚省督辦。今據福康安奏到情形。松桃。嗅腦。正大等處賊匪。尚肆出滋擾。而思南。印江。及鎮遠。四十八溪地方。均有賊匪窺伺之事。自當先行勦淨。俾後路肅清。方可帶兵前進。福康安此時。轉不必急於赴楚。惟當統領大兵。將松桃。正大一帶逆首。大加勦洗。急通道路。其印江。四十八溪地方。並設卡安兵。嚴為堵截。庶廓清後路。方可乘勝直進。併力全趨楚境。以為一鼓殲擒之計。本日

據孫士毅和琳奏。松桃苗匪。擁入秀山縣境。將村莊。汎地。燒燬。搶掠等語。是逆苗已延及川境。和琳到秀山後。亦當將該處苗匪。勦除淨盡。以清後路。不必急思先赴松桃。與福康安會合。秀山距松桃。不過七十里。和琳俟肅清後路。可以安心。再馳抵松桃。與福康安帶兵會勦。維時福寧等。亦帶兵由鎮寧進攻。三面會勦。諒此么膺賊匪。無難悉數殲除。但福康安帶兵進勦時。自必由銅仁。正大。松桃。一

帶。先勦該處苗匪淨盡。再赴鎮寧等處會勦。因思福康安既帶兵赴楚。而正大一帶後路。尤關緊要。彭廷棟。係黔省提督。應令酌帶弁兵。留於正大營駐劄。以為策應。即和琳勦淨秀山苗匪後。前赴松桃。會晤福康安。商辦勦捕事宜。亦應留穆克登阿。酌帶弁兵。在秀山駐劄策應。將來福康安統領大兵。直抵鎮寧。永綏。鳳凰廳等處賊匪屯聚之所。擣穴擒渠。和琳並當帶兵在松桃一帶勦辦。不可同赴鎮寧。致後路無人。使賊匪得以乘虛抄襲。繞出滋擾。又據馮光熊奏。擊獲漢奸楊興農。張勝祿。現在暫行嚴禁。並據孫士毅等奏。都司何元卿等稟報。擊獲活匪三十四名。嚴行收禁。各等語。當此軍行之際。勦捕防堵。在在皆需兵力。安有餘兵。可以分派看守。此等擊獲賊匪。若復照常監禁。或該犯思越獄逃竄。及其餘黨糾眾潛來搶劫。別生事端。况川省奪獲匪旗。上有統兵元帥字樣。逆匪等膽敢私



稱官號實屬可惡已極。其中必更有主謀之人。獲犯後何不向其嚴切究訊。其統兵元帥係何人所封。此次逆苗糾眾滋事。究係何人為首。其貴州拏獲漢奸亦應向其究訊滋事根由。及為首逆犯是否即係石柳鄧。石三保等。抑另有主謀為首之人。著傳諭福康安。和琳。福寧。遇有生擒活口。除有闖緊要一二人外。其餘即一面錄供具奏。一面將該犯等速行正法。其楊興農張勝祿二犯。及川省擒獲之三十四名。即嚴切審訊。如有緊要可備解京訊問者。即派委員迅速解京。以便交軍機大臣訊問起衅緣由。其餘即當正法。以免疎虞。又據福康安奏。請派額勒登保德楞泰等帶領巴圖魯數十員前往。帶兵勦捕等語。福康安未到之前。早已派德楞泰帶領巴圖魯侍衛章京十餘員。由驛即日起程。徑赴黔省。今思德楞泰竟應令赴鎮筵一帶。幫同帶兵。庶黔楚兩省。俱有熟諳戎行之員。至福寧處

現有蘇靈到彼。已得其力。即當一面催齊各兵。一面與劉君輔。蘇靈設法攻捕。不可等待。福康安至楚。坐失機宜。至吏目施錦因勦賊被傷身死。實為可憫。事定後。再一併降旨。照陣亡例加恩議卹。○是月。浙江巡撫兼署鹽政覺羅吉慶奏。江蘇松江府屬青村等場。上年間被水災。業蒙恩准緩徵。惟查青村素浦。及下砂頭。二四場。現值青黃不接。稍形拮据。當飭運司酌量接濟。旋准江蘇撫臣咨會。松江歉收各縣。現經奏准借給籽種口糧。民竈未便兩歧。應就近於奉賢南匯三縣倉庫內。酌動銀米散給。仍由運庫撥還。下部知之。○山西巡撫蔣兆奎奏。山西寶晉局原設六鑪。前經議減二鑪。復准戶部咨。直隸江蘇等省。現因錢價過賤。奏明全行停鑄。查晉省每銀一兩。尚止易錢千文以內。市價未為昂貴。但局内存錢多至一萬數千串。已足敷貯備平價之用。其額放兵餉。均可以銀兩滿支。應將

減存四鑪一併停止下部知之

貴錄本于昌主

事

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百七十一

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百七十二

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣履歷

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部主事鑾書務

世襲騎都尉軍功加十九級隨帶加二級又加二級臣重誥內大臣戶部尚書鑾滿洲都統軍功紀錄五次

尋常紀錄四次臣德瑛經筵講官太子少保工部尚書紀錄六次臣曹振鏞等奉

敕修

乾隆六十年乙卯閏二月癸未朔諭曰徵瑞

奏長蘆所屬並無積欠惟竈戶因災緩帶未  
完課銀共五千二百一兩零等語前經降旨  
將各省錢糧積欠並兩浙積欠竈課及因災  
緩徵等項俱經普行豁免今長蘆竈戶未完  
五十七五十九等年因災緩帶銀五千二百  
一兩九分二釐並著加恩一體豁免以示朕  
恩如無已至意諭軍機大臣等據周樽泰  
親赴太和縣陶烟家訊據陶烟之子陶兆安  
供稱伊父陶烟已於上年十月十八日自縊

身故當將屍棺刳驗咽喉有自縊痕跡傳令鄰保人等認識均稱屬實等語陶烟一犯是否實係自縊身死尚難憑信劉之協為此案罪首尚且輾轉逃匿希冀偷生陶烟係為從之犯將來定擬不過發遣為奴何遂肯自尋短見就使周搏設身處地亦當決其計不出此也或該犯家屬別尋縊死屍身借為影射地方官鄰保人等亦冀完事免累扶同證實均未可定朕辦理庶務從不過事吹求因近

年外省讞案屢有裝點情形捏飾供證之事足見奸狡之徒情偽百出是以不能信其必無疑竇著傳諭蘇凌阿周搏再將陶烟是否實係自縊身死抑或影射潛逃再行詳細密訪根究毋任朦混漏網○又諭湖南三廳兩縣腹內之地俱被賊苗滋擾蔓延百數十里跬步皆山今據福寧奏稱賊匪忽聚忽散處處需兵堵剿設有賊十數萬豈亦調兵十數萬以一兵辨一賊賊往何處兵亦隨往何處

就所奏情形雖十萬之兵尚不敷用有是理乎且賊匪滋擾不過在永綏鎮寧一帶百數十里之間無難設法圍擒豈因兵力不敷難於勦捕聽其蔓延向賊坐守置之不辦乎總之賊匪雖分合無常其中必有主謀為首之人大兵勦辦時當擇其屯聚緊要窩巢併力進攻擣穴擒渠則其餘黨不攻自潰前此石峯堡回匪以及臺灣林爽文滋事時始亦紛紛肆擾迨大兵進剿一舉得勝後遂迎刃而

解勢如破竹並未檄調多兵分投堵剿現在湖廣南北兩省已調兵一萬三千餘名四川亦調兵四千餘名福康安帶領黔省勁兵數千名前來共計約有三萬上下兵力已屬厚集儘敷勦捕何得尚以兵少賊多為詞福寧此奏不但不知用兵且不免心存畏怯無論福康安久歷戎行必不率為此奏即和琳雖任事未久伊具有識見亦斷不肯出此福寧於軍旅之事本未嫻習現既據稱兵力不敷

勦捕若該督遽帶兵深入冒昧輕進設為賊人邀截稍有疎虞轉屬不成事體朕此時亦不責以辦賊之事但鎮守地方該督及劉君輔帶兵在彼駐劄其餘保靖瀘溪等處亦俱派員帶兵分投堵禦該督惟當董飭地方文武嚴密巡查留心防守務期防護無虞至福康安若專由松桃一路進剿賊匪知大兵在黔勢必糾集齊赴松桃悉力抵禦未免難於得手福康安應察看情形約於何時可以進

攻即先期知會和琳福寧同日進發福康安帶兵自南而北和琳帶兵自西而東福寧帶兵自北而南如此三路會攻使賊彼此不能兼顧官兵更可乘勝夾攻為一鼓殲擒之計前據馮光熊奏銅仁屬良苗石老三等堅守木寨與賊打仗已加恩賞給六品頂戴本日又據福寧奏保靖良苗張星畢等將兇苗石大貴與張廷仲等互相仇殺情形赴永順協具稟可見苗民亦不乏畏法効順之人自當

急為獎勵張星畢亦著賞給六品頂戴况賊之和正官軍之利何不乘機用計設法離間招撫此事福寧不能妥辦福康安當密為籌畫相機辦理又楚省官兵已調至一萬三千餘名自不便再為檄調黔省官兵素稱趨健為綠營之最福康安統領進剿必可得力川省先已派調漢土官兵二千名孫士毅又續調降番六百名穆克登阿前帶兵八百名復添調川北兵六百五十名共計川省之兵

已有四千餘名現因黔楚四川三省各行勦捕未經會合是以兵分見單不日福康安和琳將松桃秀山一帶逆苗剿淨併力全趨楚省兵威已極壯盛屯練降番登陟是其所長於勦賊固屬得力但現已檄調有一千六百名且該處道路相距遙遠一時恐不能即到著福康安和琳速行酌商如無需添調固屬甚善倘實有需調用土兵之處即一面奏聞一面飛調應用○甲申調任湖廣總督福寧

奏前據永順協副將慶溥稟報窩剿寨苗人張廷仲聚眾不法現與兇苗石大貴等仇殺當經密札該副將及知府戴求仁等設法離間張廷仲令其立功自効茲據遊擊李光榮報稱張廷仲來營面稟聚集多人原為堵截貴州苗起見並無別有不法連日被石大貴追逼因自投表明心跡查張廷仲束手來歸自係為黔苗殺敗若即究明治罪恐伊子等窮無所歸轉與石大貴合而為一現據札諭張廷仲先給千把總職銜並令寄信伊子及張星奇等率領苗人併力堵殺石大貴立有功績即代為具奏請旨諭軍機大臣曰福寧自赴湖南辦理苗匪以來籌畫布置均未合宜祇有此一事差強人意與昨降諭旨相合但張廷仲既已投出福寧自當示以寬大仍行遣回以廣招徠而離黨與轉不必留於永順致啟賊疑乃福寧將張廷仲扣留不放即使將伊正法亦祇殺一張廷仲於賊眾毫無

所損莫若即行釋放回寨縱或心懷狡詐釋放後又有反覆賊苗中亦不過多添一人何足為輕重況張廷仲之子及張星奇擁眾萬人尚未解散設聞張廷仲被留竟糾約夥黨前來劫奪又將何以禦之是留一張廷仲或恐別生事端而釋令回寨使賊黨萬餘同心效順以一人而安萬人之反側豈不甚善此旨到後著該督等即行傳諭張廷仲以爾聚集苗眾原為堵截黔苗起見今被追迫自行投誠之處業經代為奏聞深蒙聖恩嘉獎格外恩施賞給六品頂戴並令爾即行回寨爾當感激天恩率同爾所聚苗眾奮勇剿殺黔苗爾果能實心出力或將石柳鄧石大貴擒獻必當格外仰邀恩賞加授官職即不能擒獲黔苗逆首但能堵殺黔苗即係爾之功績如此明白宣諭無以恩信張廷仲自必誠心効力可收以苗攻苗之用即或不能殺賊而賊黨中少此萬人助惡於事大有裨益○又

諭永順苗匪張廷仲等聚衆不法現與克苗石大貴爭衡此係極好機會已有旨諭令福康安乘機用計撫勸兼行但設法招撫原因現在苗匪處處勾結借此散其黨與且以苗攻苗可以助我兵勢乃一時權宜之計但此等苗衆曾經肆虐究防其中懷叵測現因大軍到彼畏懼乞降及窺見我軍虛竄或又反側生心關係甚重將來遇有招撫苗匪俱當加意慎重妥為安撫即受降之際不可不妥為防範其有帶令隨營勦捕者尤應分置別營密諭帶兵將弁隨時留心以防別滋事端福康安久歷戎行自能籌慮周到恐福寧等見不及此特再遙為指示○緩徵福建漳州泉州二府屬乾隆五十九年水災場電額賦○乙酉諭曰畢沅奏彭之年年逾七十不能得力等語彭之年著以原品休致所遺襄陽鎮總兵員缺著馬瑞調補並著馳驛前赴湖南軍營隨同帶兵勦賊彭之年仍著暫留襄

陽辦理本鎮事務俟軍務完竣馬瑞回任後再行回籍○大學士公管雲貴總督福康安奏連日察看苗寨情形先差兵役繞道前往正大營飭知提鎮約日出城迎合於二月十九夜臣與總兵花連布等分路直前行至盤塘坳地方已係五更時候探知該處苗寨叢襍即令連拋火彈燒斃苗匪多人其寨內逃出之賊亦多殲戮迨天色漸明對山賊匪鳴鑼吹號四面均有苗賊趕來對拒我兵鎗礮並發各從山旁溝路飛攀而上奮力攻打殺賊百餘人搜獲米糧二千餘石提臣一聞鎗礮聲立即帶兵出城會合城內外難民聞知燒寨獲糧皆踴躍前來當將米全行散給仍於盤塘坳安營一俟大兵齊集即進攻松桃喫腦等處諭軍機大臣等黔省苗匪與楚省苗匪勾結蔓延滋擾梗塞道路今福康安一到銅仁不待兵齊即帶現在官兵分路進攻立解正大營之圍痛殲賊衆將盤塘坳地方

苗寨焚燬數處。斃賊多名。實屬快意之至。現在大兵雲集。松桃、湄潭等一帶道路。應已開通。其要處。勘平。烏合餘匪。自必紛紛四散。福康安由黔赴楚時。和琳、勒除秀山賊匪。肅清後路。亦可帶兵前來會合。與楚省官兵。併力夾攻。勢成破竹。愈盼捷音。速至。福康安著賞給玉扳指一個。大荷包一對。小荷包四個。以昭優獎。總兵花連布。此次打仗殺賊。亦為得力。並著加恩賞戴花翎。至畢沅奏稱據署辰

州府知府朱紉蘭稟報。永順苗匪張廷仲。與貴州苗匪石大貴仇殺。敗逃之後。為營員盤獲。現在解赴辰州。親往嚴訊等語。此事與福寧昨奏情形迥異。朕思張廷仲。係永順苗眾為首之人。聚集黨與至萬人之多。安能即行盤獲。縱使與石大貴仇殺。何至一時殲戮殆盡。遂致隻身逃竄。且貴州苗匪石柳鄧等滋事不法。張廷仲因何亦聚集多人。前在保靖滋擾。昨據福寧奏。張廷仲既已前來。伊子及

張星奇並伊手下糾聚之人。現在何處。是否隨同張廷仲前來屯聚附近地方。候信抑係敗逃渙散。或俱歸附黔苗之處。福寧前奏摺內。俱未詳悉聲明。想畢沅已接到福寧咨會。馳抵該處。即將指出各情節。逐一根究。據實具奏。至此事先係永順協副將慶溥稟報。福寧進呈札稿內。又有前給該副將及知府戴求仁札諭字樣。始續據遊擊李光榮稟報投出。是否係慶溥稟報在前。抑慶溥、李光榮等

接到福寧札諭。始行設法招致。前奏實不明晰。而本日畢沅所奏。被營員盤獲之語。又係接據署知府朱紉蘭稟報。彼此情形互相歧異。若非文武各員彼此遮飾邀功。將盤獲捏為招致。即係福寧作為前給札諭。豫占地步。二者必居一於此。畢沅抵辰州。即先行詳查覆奏。福康安到楚後。亦將以上情節。覆加確訊。詳悉查奏。勿任稍有偏倚。○丙戌。諭浙江定海鎮總兵員缺緊要。著該督於閩浙兩省

水師總兵內揀選一員調補所遺員缺著孝順阿補授○又諭此項黔楚邊界逆苗滋擾延及四川秀山一帶各該省督撫一聞信息前後帶兵馳往該處會商合剿內惟福寧自抵辰州鎮守以來籌畫布置全未合宜又不能帶兵殺賊毋庸議敘外福康安一得苗匪滋擾之信即馳赴銅仁籌辦一切旋赴正大營帶兵督剿痛殲賊匪立解圍城疏通道路實堪嘉尚畢沅自抵常德後諸凡用心合宜亦屬可嘉和琳自藏回京一入打箭鑪於途次得黔省苗匪滋事之報即奏明馳往先後撥派將領兵丁前赴邊界嚴密堵截所辦亦為得要姜晟馮光熊籌辦軍務事宜秩然有序均屬鎮靜得宜劉君輔駐劄鎮守防護城池殲獲賊匪彭廷棟帶兵馳往正大營幫同珠隆阿相機剿賊珠隆阿於攻繞之賊率領將弁兵丁奮勇剿殺傷斃賊匪三百餘人守住營寨蘇靈一到鎮守即日帶兵迎賊搶上

山梁乘勝剿殺花連布隨同福康安帶領官兵分路殲擒賊匪均為奮勇出力福康安畢沅和琳姜晟馮光熊劉君輔彭廷棟蘇靈珠隆阿花連布俱著交部議敘其在事守城殺賊著有勞績之文武各員並著福康安等查明咨部分別議敘以示鼓勵○丁亥諭前經降旨將各省節年民欠普行豁免令各督撫查明具奏茲據福康安等奏滇省錢糧並無民欠惟銅廠積年各戶共欠銀四十九萬七千七百餘兩等語此項銅廠欠款固不在錢糧民欠之例但該鑪戶人等食力營生與齊民無異此次特沛殊恩將小民積欠廓然一清共遂含哺之樂所有雲南銅廠各鑪戶人等節年長支欠銀四十九萬七千七百四兩零亦著加恩一體豁免以示逾格推恩至意○諭軍機大臣等據福康安等奏滇省銅廠積欠一摺已降旨加恩全行豁免矣銅廠工本銀兩均關帑項不容絲毫拖欠年清年款



乃因此項積欠銀兩。每逾數年。即藉清查邀恩豁免。歷任督撫及管廠各員。特有恩免常例。遂任聽鑪戶等遞年積壓。施欠不交。所辦實屬因循。茲當普免天下積欠。施恩錫慶之時。姑准所請。將廠欠一體豁免。著傳諭福康安等嗣後。惟當認真查辦。按年清款。倘再仍前拖欠。不能復思藉詞寬免也。○又諭邪教教案犯劉之協。在扶溝脫逃後。節經降旨。令該督撫嚴密查拏。迄今未據緝獲。試思各省地

方。自督撫以至州縣。層層管束。如果實力查緝。彼將焉往。乃該督撫等。既未能將正犯查明。實在蹤跡。而辦理非過即不及。輒將輾轉牽涉之人。紛紛拘訊。即如前次惠齡在樊城查拏張華一犯。將字音相似之人張添華。張化等。一併搜查拘訊。而現在周樽因查拏劉玉春。亦將太和縣城內城外之劉姓民人。傳齊盤問。此等民人。與邪教匪犯並無關涉。而牽連提究。徒滋擾累。邪教傳徒惑眾。固不可

不嚴查究。辦然亦豈可波及無辜。外省派委佐雜及胥役人等。即遇無事之時。尚思借端訛詐。擾累平民。況藉查拏邪教為詞。必混行搜捕。及審非案犯。並不治伊等誤拏之罪。則其弊更不可問。而民人等借此互相仇詆。誣陷者。亦所時有。即使訊屬無干。旋行省釋。而拘提到案。往來質審。已受株連。破家蕩產之累。咸何事體。著密諭各督撫。此後惟當嚴密留心查拏正犯。毋任潛匿遠颺。如遇委員差

役等妄拏平民。借事訛索者。即將伊等加重懲治。一。以儆其餘。則委員役吏等知所懲儆。不敢任意索詐。而無干之人。亦免波累。但該督撫仍不得因有此旨。即意存怠忽。又置緝捕要犯於不問。以致終無弋獲也。○戊子。調任湖廣總督福寧。湖廣提督劉君輔奏。二月二十七日。官兵分路進剿逆苗。行至十餘里。適遇賊苗數百人。官兵鎗箭齊發。殲斃十餘名。賊即紛紛逃散。臣等乘勝追趕。南過山

嘴忽見苗匪數千。從山後繞出。直撲我師。官兵奮勇擊殺。接應之兵亦到。兩面夾攻。共殺賊數十名。賊始四竄山谷。諭軍機大臣曰。福寧等此次分路勦殺苗匪。雖不能大殲賊衆。究竟差強人意。但該督等此次共帶兵一千五百名。殺賊止十數名。為數甚少。算來幾及官兵百名。殺賊一名。足見無能。豈尚能謂之奮勇。朕披閱及此。代伊等羞慚。不知該督等亦自知愧否。況官兵與賊接仗。既經擊退賊

匪。自應乘勝追趕。相機擒捕。乃仍復撤回。耽延時日。豈不貽賊笑乎。看此情形。是湖南一路。難望其直前進取。惟待福康安之至。方可大捷。又福寧所奏。明安圖被賊戕害。固由冒昧輕進。但所帶兵丁為數不少。何至不能抵禦。如果因賊勢較衆。止於兵無紀律。尚能與賊打仗。被賊衝散。自屬可原。倘竟係兵不顧將。一見賊至。即紛紛潰去。致鎮將為賊所戕。此等臨陣逃散之兵。若不查明嚴辦。何以肅

軍律而儆將來。著福康安於到彼時。分晰查辦。再前據福寧奏。鎮寧鎮城四面環山。形如釜底。牆身卑矮。山後均係苗寨。登高瞻望。合城皆見等語。鎮城為苗疆重鎮。從前建城時。自必擇形勢扼要之地。何至地勢低窪。若此。使苗民得以登高俯視。所奏恐不足信。著福康安等於事竣後。親加查勘。據實奏聞。該處地方苗寨甚多。未必盡皆附賊。勢難將各寨全行拆毀。若以該處逼近苗寨。城形窄小。不

足以壯觀瞻而資捍衛。或就前建城垣量加展寬。將附近高阜地方。半圍城中。或於鎮城酌添兵丁。其山上要隘處所。酌添營汛。藉資控制。並著福康安等。一併入於善後章程內。酌議具奏。○己丑。諭軍機大臣等。永綏廳被賊匪圍擾日久。張廷彥所帶宜昌鎮兵二千名。此時計已早到保靖。該鎮務宜上緊勦殺。將古丈坪及花園汛一帶苗匪。掃除淨盡。速赴永綏廳應援。與吳開泰會合勦捕。至解城

圍此即該鎮之功不可不加倍奮勉也。至劉君輔因恐賊人窺伺鎮算城池抄截後路不敢造次輕進。所慮亦是。目下鎮算左近賊尚未散。若該提督冒昧前進。設有疎虞。轉屬不成事體。亦祇可將附近苗寨先行撲滅。再俟兵力取齊。由漸而入。至福康安前奏督兵進剿。殲殺苗匪多人。正大之圖立解。迄今未據續奏。盼望甚為殷切。想福康安布置一切。稍耽時日。然亦不可再遲。朕為此事宵旰縈懷。

諒福康安自必仰體朕意。熟籌妥辦。迅奏捷音。○庚寅諭從前徐績在巡撫任內辦事關茸獲罪。發往新疆。及回京後。又加恩補放副都統。上年弘旻所遺都統員缺。一時不得其人。以徐績歷任稍久。人尚老實。是以加恩將伊補放。本日召見。問及弘旻聲名。平常所行事跡。伊竟似毫無見聞。徐績係補授弘旻之缺。弘旻所行之事。別旗之人尚知。徐績豈有無所見聞之理。顯係從前外任所染惡習。意

存瞻徇。甚屬可惡。徐績著革任。賞給六品頂戴。發往和闐。自備資斧。効力贖罪。更換託倫。令其由彼前往喀什噶爾。協辦事務。更換范建中來京。○又諭鑲黃旗漢軍都統員缺。著保寧補授。伊未來京以前。仍著慶桂署理。明亮係新授伊犁將軍。職銜較大。管理外藩足資威鎮。明亮從前曾在軍營奮勉出力。現在徐績所遺正紅旗漢軍都統員缺。即著明亮補授。仍賞戴雙眼花翎。○又諭據松筠等奏

達賴喇嘛。班禪額爾德尼等。請將伊等所屬唐古忒等應交糧石及舊欠錢糧寬免。並賑濟貧人。修理倒塌房屋之處。請旨等語。達賴喇嘛。班禪額爾德尼等。聞朕降旨蠲免天下錢糧。伊等亦請將唐古忒等撫恤辦理。實屬善舉。朕深為嘉悅。達賴喇嘛。班禪額爾德尼著各賞給哈達一個。紫金剛瑪無量壽佛各一尊。碧玉手串各一對。大荷包各一對。小荷包各三對。松筠等接奉時。即轉為賞給。但

前藏地廣所交之項較多達賴喇嘛既請寬免一年即著照所請辦理後藏地狹所交之項較少恐不足班禪額爾德尼一年之用即著免其一半但賑濟貧人修理倒塌房屋等項由達賴喇嘛之商中撥銀三萬兩由班禪額爾德尼之商中撥銀幾萬兩之處並未聲明達賴喇嘛等仰體朕意既將唐古忒等撫恤辦理自不必撥用達賴喇嘛銀兩著即動用該處正項賞給前藏銀三萬兩後藏銀一

萬兩松筠等務須悉心辦理毋致一人遺漏以副朕一體軫恤番僕之意○辛卯旌表守正捐軀河南河內縣民王大亮媳拜氏○壬辰諭現因貴州銅仁府屬地方苗匪滋擾馮光熊辦理一切軍需事宜尚皆妥協著即留貴州巡撫之任俾令一手經理其雲南巡撫員缺即著姚綬調補○又諭前因貴州銅仁府屬之松桃正大等處猝被逆苗滋擾於農功不無妨礙業經降旨將本年錢糧緩徵並

令該撫查明覆奏到日再行加恩豁免茲據該督撫將銅仁府屬每年額徵錢糧數目查明具奏所有銅仁府及松桃正大等處本年應徵秋糧及改折米共六千七百餘石地丁正耗等銀九百八十餘兩銅仁縣本年應徵秋糧改折米共二千六百餘石地丁正耗等銀三百餘兩俱著加恩全行豁免至附近銅仁府之鎮遠思南思州黎平平越都勻古州等府廳屬士民共抒義憤招集鄉勇堵禦賊苗及官兵經過之貴陽安順等府悉皆幫運軍裝急公趨事亦應量予恩施仍著該撫等將鎮遠等府廳屬本年應徵錢糧查明分別蠲緩以示朕撫綏良善加惠閭閻至意○諭軍機大臣等據福康安奏督領官兵於二月二十六日分路進攻伐木開柵殺斃賊匪數百燒燬賊寨二十六座並搜獲糧食萬餘石現在籌勦松桃一帶賊匪即行前赴鎮遠等語覽奏欣慰其籌辦一切甚合機宜可謂用

心之至著賞給福康安珪瑯表一個及大小荷包奶餅用昭優眷閱圖內正大營迤南報國啞喇各塘地勢最為險要現已為官兵攻得其迤北之松桃嗅腦一帶尚為賊匪屯聚道路橋梁被其燒燬掘斷福康安此時自應探明路徑前進先將松桃一帶賊匪全行剿除庶後路廓清方可安心進剿前據和琳奏上月底可抵秀山該處賊匪不少閱圖內秀山與松桃接壤松桃等處道路未通和琳自必將秀山一帶賊匪勦盡肅清後路再赴松桃與福康安併力前進福康安和琳當倍加奮勉以副委任至貴州軍需事宜係馮光熊一手經理尚屬妥協已另降旨將該撫即留貴州之任其雲南巡撫員缺將姚綦調補著福康安再行酌量如貴州省城有需大員駐劄可暫留姚綦在彼雲南原有護撫也如貴陽省城別無緊要事件而雲南銅法錢務需人經理即一面奏聞一面令姚綦徑赴雲南

新任○又諭此次福康安親率總兵花連布等帶領官兵伐木越山分路進攻沿途遇有賊匪旋殺旋追燒寨殲賊搜獲糧石實堪嘉尚又另摺奏彭廷棟珠隆阿於正大營解圍復設卡防守堅護塘水賊匪不敢復來窺伺珠隆阿所受鎗傷尚未全愈仍照常晝夜巡防實為奮勉福康安彭廷棟花連布珠隆阿著再交部議敘珠隆阿並賞戴花翎至外委張文錦一聞賊匪滋擾之信即率兵約同民人抵禦保守甚屬出力可嘉獎拔千總尚不足以示優獎著即破格以守備起補並賞戴藍翎所有在事出力各員著福康安查明一併咨部分別議敘其現在隨同福康安分路勦賊兵丁俱著查明人數每名先賞一月錢糧以示鼓勵又福寧秦瀘溪縣知縣黃炳奎盤獲為賊散糧之楊交等現在究辦等語黃炳奎尚屬留心亦著交部議敘○癸巳遣官祭

歷代帝王廟。○甲午。

上詣

大高殿行禮。○還宮。○旌表守正捐軀直隸開

州民許六女許氏。武強縣民張大度妻盧氏。

○乙未。

上啟鑾謁

東陵

西陵。○諭此次恭謁

兩陵。所有沿途經過地方。著加恩蠲免地丁錢

糧十分之三。○又諭。上年直隸秋間雨水較

多。河流漲發。順天保定正定天津河間各府

屬地畝間被淹浸。節經降旨加兩倍賞卹。畝

免秋糧。並於本年春間分別展賑。復將該省

節年未完民欠正耗地糧及折色口糧等項

普行豁免。俾戶慶盈寧。益資饒裕。現屆開徵

之期。在小民身無積欠。自必輸將恐後。但念

上年被水各屬。此時若一律按例徵收。究恐

民力不無拮据。著該督查明直隸上年被水

各州縣所有本年春間應徵銀糧俱緩至麥收後徵收。庶民力益覺寬紓。以示惠錫閭閻。有加無已至意。○諭軍機大臣等。據福康安等奏。探明賊徑。繞道前進。高壠坡一帶賊寨四五百家。出其不意。攻殺焚燒。賊匪拋擲器械。紛紛逃竄。距喫腦僅有二十里。從此乘勝直前。喫腦松桃屯聚賊匪。即可立時解散。現在和琳已可抵秀山。自先將該處苗匪勒除淨盡。會合督兵進臨楚境。以靖鎮筵逆苗。速成大功。伊與福康安應否合為一路。及分路進剿之處。令福康安和琳會商妥辦。以期迅速集事。再兵分則力單。合則勢盛。福康安所言正中湖南之弊。福寧在鎮筵。惟知派撥兵丁分投堵禦。以致現存之兵為數無多。不能併力進剿。正坐此弊。至良苗武童黃士高帶領吳正文等赴營投効。經福康安賞給旗號。並發給告示。令其廣為傳播。並令幫同官兵攻擒賊苗。即量給銀兩頂戴。既可安撫良

苗。又可助我兵力。自應如此辦理。○是日駐蹕烟郊行宮。○丙申。諭軍機大臣曰。阿精阿奏等獲陶興供出之張百四等五犯。嚴加究問。一摺。據供該犯並未與陶興送王雙喜至劉松處。其劉之協逃往何處。實在不知等語。張百四等。既係邪教案犯。其劉之協下落。雖供並不知情。但從此切實根究。如能究出劉之協蹤跡。固屬甚善。即使該犯等實不知情。而此等同案匪犯多獲一人。其教中即少一人。現在陶興業已在京監禁。安徽之阮沉郭彥忠等。諒日內亦可解到。無難三面質訊。切實根究。著將阿精阿原摺鈔寄刑部堂官閱看。即向陶興等先行審訊。其張百四等犯著傳諭阿精阿派員解京。以憑歸案訊問。並飭解員沿途小心管押。毋致稍有疎脫。至此等案犯。皆係輾轉牽涉。既非正犯。若久經羈禁。轉得安坐園囿。並著刑部堂官於審明後。即分別發遣為奴。其劉之協脫逃何處。仍著阿

精阿留心設法嚴緝。務獲毋得以案內餘犯已經解京。遂心存懈弛。置緝捕要務於不問也。○是日駐蹕白潤行宮。○丁酉。諭。今日路途較遠。所有擡轎校尉每人著賞銀鏹一兩。○是日駐蹕隆福寺行宮。

大清高宗法天隆運至誠先覺體元立極敷文奮武孝慈神聖純皇帝實錄卷之一千四百七十二

大清高宗法天隆運至誠先覺體元立極敷文奮武孝慈神聖純皇帝實錄卷之一千四百七十三

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事務處管處

吏部理藩院事務處總辦滿洲都統世襲騎都尉軍功加七級隨帶加一級尋常加二級軍功紀錄一次臣廣桂

總裁官經筵講官太子太傅文華殿大學士文淵閣領閣事稽察欽奉 上諭事務處管處刑部戶部工部事務

世襲騎都尉軍功加九級隨帶加二級又加二級臣董誥內大臣戶部尚書鑲黃旗滿洲都統軍功紀錄一次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆六十年乙卯閏二月戊戌

上謁

昭西陵

孝陵

孝東陵

景陵均未至碑亭即降輿慟哭步入

隆恩門詣

寶城前行禮躬奠哀慟王以下文武大臣官員

隨行禮○至

孝賢皇后陵酌酒○是日清明節遣官祭

永陵

福陵

昭陵

昭西陵

孝陵

孝東陵

景陵

上命

皇十五子嘉親王額駙祭

泰陵○遣官祭

泰東陵

孝賢皇后陵

端慧皇太子園寢○是日駐蹕桃花寺行宮

○巳亥駐蹕白澗行宮○庚子大學士公管

雲貴總督福康安奏臣於正大營解圍後隨

帶將弁進勦嗅腦逆苗見被追賊匪均向岩

門寨地所坪一帶奔逸當令用火攻將各寨

焚燒其時風勢正大賊苗囤積火藥鎗礮



轟打煙衝偏嶺。並將官舟營木城一座燒燬。賊即竄逃。追至柳皮寨。適總兵花連布等與賊匪數千相持。令官兵上前迎擊。賊即驚竄。次日仍令花連布等分投進攻。共燒賊寨百十餘座。時喫腦城外正有賊苗圍繞攻撲。立經官兵殺散。該城守備黃上達。千總汪連棟。聞鎗礮聲。即帶領兵丁鄉勇難民出城接應。臣當將出力兵勇等分別重賞。再和琳知臣處帶兵人少。將曾經隨征臺灣廓爾喀之都司姜敏功等數員。統路前來協剿。亦於是日到營。大學士前署四川總督孫士毅。四川總督和琳。四川提督穆克登。阿壽。黔楚逆苗竄入川境滋擾。經都司何元卿。千總馬建紀等悉力堵截。適重慶鎮總兵袁國璜帶兵趕到。即添撥各隘守禦。臣等於二月二十七日。前後同抵秀山。隨分路進剿。臣和琳由石耶場至梨木場。見苗匪修築木城。令官兵迎撲。立斃數人。該匪向山溝逃匿。適穆克登。阿由後

路抄住夾攻。共鎗斃苗匪六十餘名。臣孫士毅帶同袁國璜前赴貴道溪。見賊數百人。正肆焚搶。經何元卿等馳往。手刃數賊。追至王爪屯地方。生擒苗匪數人。並盤獲漢奸六十餘名。內有石老唐。萬松二犯。均石柳鄧宗戚。應留訊起事緣。由餘即行正法。諭軍機大臣等。正大營喫腦等處屯聚賊匪。已經福康安先後剿散。即可進攻松桃。和琳惟當將秀山一帶賊匪。剿捕淨盡。即督兵前往松桃會合攻擊。肅清黔境。直趨楚界。惟龍團壩地方。為後路門戶。賊匪膽敢屯聚多人。圖擾後路。實為可惡。今和琳等因現兵祇有一千餘名。令達音泰等帶兵二百前往堵截。為數較少。和琳等俟川兵續到。即將秀山賊匪剿淨。祇應帶同穆克登。阿前往松桃會合。並於後路酌量添撥。密為防守。現據觀成奏。已帶將弁番兵前往秀山。該處竟應令孫士毅與觀成在彼督率兵丁協同防守。不可輕率遠離。以期

保護秀山。肅清後路。至署叅將何元卿。於苗匪竄入秀山時。率兵丁鄉勇。悉力堵截。甚屬奮勉。著和琳傳旨。超等賞給叅將銜。並賞戴花翎。千總馬建紀。幫同堵截。亦屬出力。著以守備陞用。其俘獲漢奸之知縣路雲瞻等。著和琳於功竣後。查明分別送部引見議敘。以示獎勵。福康安一抵銅仁。即將正大營賊匪立時勦散。今又將喫腦苗匪。乘勢勦殺。解散圍城。所辦實屬可嘉。著賞給漢玉扳指一個。洋表一個。並大小荷包。用昭優眷。和琳於抵秀山後。即能勦殺賊苗。茲又派委熟練員弁。繞路前赴福康安處。以備帶兵之用。實為用心周密。不分畛域。深堪嘉獎。亦著賞給白玉扳指一個。洋表一個。並大小荷包。孫士毅亦著賞荷包六個。其在喫腦奮力殺賊之守備黃上達。應即以遊擊超陞。千總汪連棟。即以守備陞用。此時福康安和琳。諒已會合將松桃苗匪。悉數殲除。肅清黔境。合兵一處。直趨

楚南。乘勢攻勦。兵威壯盛。併力殲擒。佇盼大捷。喜音速至。再賊匪詭詐多端。兼有漢奸煽誘。福康安等於進兵時。務將各路嚴密防範。毋使乘間滋擾。又福寧劉君輔。將鎮草後路賊苗勦散。盤獲奸匪。有欲在城內放火內應之事。不敢遽離。即與蘇靈在城卡稽查防守。所慮亦是。鎮草地加關係緊要。賊匪不時窺伺。不可不留心防守。福寧等如不能進攻。竟應在鎮草督兵守禦。嚴密稽查。俟福康安等知會到日。作為應兵。同日進發。三路夾攻。以爲一鼓殲擒之計。捐職州同滕紹光等。急公自効。甚屬可嘉。著福寧等傳旨。俱賞給六品職銜。俾其益加奮勉。再和琳等。在秀山盤獲奸匪七十餘人。祇將緊要應訊之石老唐。萬松二名。留禁候質。餘俱即行正法。所辦甚是。著傳諭福寧等。如有此等盤獲奸匪。照此辦理。以免疎脫。又畢沅。姜晟。秦維調官兵。即可到齊。蘆溪一路。亦已撥兵防守。所辦俱妥。現

在官兵連次得勝。賊匪望風潰散。想福康安等會兵合剿。捷音即日可至。○是日駐蹕烟郊行宮。○辛丑。

上詣

永慕寺行禮。○諭軍機大臣曰。周樽奏密赴陶烟隣近村莊。逐加查究。陶烟自縊身死屬實等語。所奏殊不可信。陶烟一犯。前據陶興供稱。於上年十月十五日。在太和縣親見陶烟被營弁拏獲。去送縣。是陶烟係拏獲在官之

人。何能自尋短見。即使自縊屬實。亦必在該縣監內。乘間縊死。此次周樽所奏。並無捏飾之語。祇係空言。顯有迴護。現陶烟之子陶兆安。陶兆寧。及劉榮先。已經解京。俟解到時。與陶興質審。無難得實。倘究出前項情弊。惟周樽是問。將此諭令知之。○是日駐蹕舊衙門行宮。○壬寅。諭軍機大臣曰。和琳奏現飛催前調漢屯各兵到齊。先將屯聚賊衆痛加剿殺。以清後路。酌留弁兵。由孫士毅派撥分守

營卡。旋即挑選精銳。直抵松桃會剿等語。一切運籌布置。俱與福康安意見適相符合。深中窺要。進兵後路。最宜防範嚴密。自先應廓清賊匪。帶兵前進。可免後顧之虞。惟該處路徑分歧。勢不能於所有隘口處所。逐一安兵分布。轉致進剿之兵。勢形單弱。此等後路賊匪。自必亦有為首逆匪。占踞要隘。祇須將其首惡圍聚之處。設法殲擒。其黨夥自必紛紛潰散。和琳等務須熟籌妥辦。並遵照昨降諭

旨。令孫士毅觀成。在秀山後路守禦。以期放心。直前會剿。現在福康安已將喫腦賊苗殺散。進攻松桃。和琳再帶川兵。與福康安會合。則聲威更為壯盛。自當勢如破竹。直趨楚境。與福寧合兵夾攻。無難一鼓集事。其續調屯土官兵。並著傳諭觀成。迅速催趲到齊。以便迅速進剿。計和琳此時。或已將秀山苗匪悉力剿除。與福康安會合一處。由松桃進抵楚境。將苗匪痛加殲戮。亦未可定。至後路一帶

軍行糧餉均關緊要。現據孫士毅奏請留駐秀山。就近督辦。隨時應付。孫士毅惟當留心妥辦。以期源源接濟。又昨據福康安奏。攻殺嗅腦賊匪。自高瓏坡至桐木寨。兵丁乘勢追趕。至於刻不暇食等語。兵丁等奮勇殺賊。甚屬可嘉。並著福康安於勦散松桃賊匪後。將此次出力兵丁查明。各賞給一月錢糧。以示獎勵。○是日。駐蹕新衙門行宮。○癸卯。諭泰寧鎮總兵員缺。著特清額補授。仍著兼內務府大臣。○諭軍機大臣等。前因蔣兆奎所奏。該省雨雪情形。未經另繕清單。降旨申飭。令其查明分晰具奏。茲閱該撫奏到補開各屬雨雪清單。仍未明晰。如寧武澤州。遼州。代州等屬。俱開二月十六七。至二十五六等日。得雪均有五六寸不等。現屆春令。麥苗正當長發之時。如得雨澤滋培。自為有益。若得雪過厚。弗能消融。則麥苗轉致凍壓。京城於本月十二日。所得之雪亦有六寸。但旋落旋融。並

無積壓。是以霑濡入土。即與雨澤無異。現在蹕路所經。土膏滋潤。麥苗青蔥。是其明驗。今山西省得雪六寸地方。若積而不化。麥苗恐不免凍壓。督撫等往往以雪於麥無礙為言。殊不足信。乃蔣兆奎此次摺內。仍未將得雪處所。是否旋即消融。於麥苗有無妨礙之處。詳悉奏明。殊屬含混。著再傳旨申飭。並將該省得雪六寸地方。是否即時消化。麥苗不致凍壓。及閏二月得雨澤之處。另行查明據實具奏。○旌表守正捐軀江蘇山陽縣民徐錦剛妹徐氏。○是日。駐蹕黃新莊行宮。○甲辰。諭軍機大臣等。楚省被難民苗。既經畢沅等妥為安頓。其壯健丁男。自當招募團練。依臺灣義民之例。用示獎勵。該民苗等踴躍爭先。藉資防堵。可期得力。其各寨熟苗。被脅聽從者固多。而安分良苗。被其侵掠者亦復不少。勢難一律殲除。畢沅等出示曉諭。設法招徠。俾其効命前驅。離散餘黨。辦理正當。其時惟

是逆苗等肆行不法。恃衆鴟張。其夥黨甚多。良莠不一。現當行軍緊要之時。自不得不權宜招撫。以苗攻苗。將來事定後。仍須留心查察。如果實在出力自効。奮勇殺賊。自應酌為獎賞。俾其安居復業。倘有陽為歸順。心懷叵測者。必須加意防範。分別辦理。此事著福康安。和琳於勦捕告竣後。務須熟籌妥辦。以期綏靖苗疆。又張廷仲所請殺賊自効。諒係實情。畢沅等令其分投募集鄉兵。奮勇殺賊。於勦苗事務亦屬有益。將來張廷仲父子。如果能勦殺逆苗。擒獻賊首。不妨奏明賞給頂戴。量加鼓勵。即或以張廷仲究難深信。可於事竣後送京。另行安插。以杜後患。再福寧等因在鎮算日久。毫無展布。今見德楞泰到彼。欲思抽撥兵丁。攻打接仗。以為塞責之計。但福寧等既因兵力未齊。不能進取。若輕於嘗試。未能大加勦殺。使賊匪等見欽差到彼。亦未能大振兵威。轉啟其輕視之心。自莫若養精

蓄銳。俟福康安和琳前抵楚境。會合攻擊。可期一鼓集事。○是日駐蹕半壁店行宮。○乙巳。諭軍機大臣等。據福康安奏。於殺散嗅腦賊匪後。即乘兵威勝勢。攻克石城。並連夜進兵。將旁路後路苗寨。岩洞賊匪。悉行焚燒。痛勦。盡數殲除。實屬可嘉。特解小荷包一個。以賜用昭優眷。黔楚苗匪。經此番痛加勦殺。自己望風膽落。其松桃屯聚之賊。無難即日肅除。而秀山一帶。經和琳屢次勦殺之後。又有孫士毅等在彼督兵堵截。賊匪見貴州勦殺利害。四川堵捕綦嚴。隙無可乘。因知湖南兵力單弱。祇知自守。是以思赴保靖永綏一帶。冀圖搶占城市。為負隅招致地步。福寧等在鎮草。難以望其直前進取。福康安和琳久經歷練。屢著勞績。實為天賜成功。伊二人速將松桃賊匪勦淨。後路肅清。兩處會合同赴楚境。併力攻勦。以期一鼓集事。其荊州滿兵。於登山陟嶺。本非所長。停

其調派所見亦是。至各苗寨中雖有悔懼投出者。究非可信。諒福康安自能料理妥協。斷不為所誘惑。惟孥獲賊匪隴久生。據供石柳鄧與石三保係屬叔姪。並自稱為吳三桂之後。思復稱王以資號召。雖係捏詞煽惑。但似此狂悖不法。必須將首惡石柳鄧石三保。吳隴登等數人。按名擒獲。盡法懲治。此等首惡重犯。若俱行解京。則該處苗衆未經目擊該犯等備受極刑。轉不能觸目警心。共知畏懼。

福康安應將首惡解京刑訊。其餘同惡之犯。竟當留於該處正法。以彰國憲而快人心。俾各苗民咸知畏懼。可以永靖苗疆。和琳抵秀山後。因苗民在晏農屯聚。即帶領現到之兵。督率將弁前往勦殺。殲斃賊匪甚多。焚燬賊寨亦屬可嘉。據稱得有漢屯二千餘名兵力。即當將附近賊匪悉力殲除。打通道路。與福康安會合進剿。並經飛催屯番兵丁星馳前進。此時想已陸續到齊。和琳已將秀山賊匪

勦散。廓清後路。與福康安會合一處進臨楚境。聲威壯盛。自可勢如破竹。又據福寧奏。劉君輔前赴保靖應援。該提督惟當勉力為之。毋稍疎虞。看來楚省逆苗尚在。鴟張福寧等僅能自守。惟當悉力防堵。一俟福康安和琳抵楚。同德楞泰等帶領官兵併力夾攻。以期迅速肅事。○又諭。此次黔蜀邊界各處苗匪負隅抗拒。經我兵痛加殲殺。連次克捷。因福康安和琳督率有方。而官兵攻堅涉險。無不

踴躍爭先。奮勇甚屬可嘉。所有貴州四川。於噢腦晏農等處出力奮勉兵丁。俱著查明各加恩賞給一月錢糧。以示獎勵。○又諭。日浦霖奏安插重犯噶瑪爾多布丹在配脫逃。請將疎縱之安溪縣知縣張森革職。留於地方協緝。一摺。已批交該部知道矣。噶瑪爾多布丹係逆犯沙瑪爾巴徒弟。解京審明後。安插該省之犯。膽敢在配潛逃。情殊可惡。該犯係哲孟雄番夷。最易辨別。脫逃後。或潛回川省。

或尚在閩省。及沿途藏匿。均未可定。著傳諭浦霖。並沿途督撫。督飭所屬。嚴密查拏。於何處緝獲。即於何處正法。毋任逃颺漏網。○是日。駐蹕秋瀾行宮。○丙午。諭戶部議覆兩淮商人懇請捐銀備餉一摺。准網行銷口岸。向惟兩湖額引最多。今該商等以苗匪跳梁。事屬切已。籲懇捐銀二百萬兩。以備應用。自係出於實情。但逆苗勾結滋擾。本屬烏合之衆。現當大兵雲集。福康安和琳統領黔蜀勁旅。

進剿。即日殲除淨盡。綏靖地方。軍需一切費項無多。所有此項商捐銀兩。著准收一半。其餘一半。仍行賞還。並著照部議。即於上年留撥銀內。令鹽政委員將一百萬兩。就近解交湖南藩庫兌收。仍分作三年帶完歸款。俾遂其踴躍急公之忱。以示體卹衆商之意。其捐銀各商。並著該鹽政查明報部。加恩照例議敘。用示獎勵。○諭軍機大臣等。長麟奏湖南貴州現在苗匪滋事。與廣西省俱有水陸相

通之處。即日赴柳州府一帶查閱地方營汛等語。此次苗匪在黔楚兩境滋擾。總在廣西省西北地方。與該省相距千餘里。尚可無虞。援害長麟前赴柳州。借查閱營汛為名。防範亦可。但不可過於張皇。致該省苗民或有驚疑。惟當不動聲色。嚴密防範。方為妥善。將此諭令知之。○是日。駐蹕梁格莊行宮。○丁未。

上謁

泰陵

泰東陵均未至。碑亭即降輿。慟哭步入隆恩門。詣

寶城前行禮。躬奠哀慟。王以下文武大臣官員

隨行禮。○諭據蘇楞額奏。兩淮各場緩徵折價銀。並借給口糧。應徵穀價銀。共七萬九千一百五十兩零。均係因災遞緩之項等語。前經降旨。普免天下積欠錢糧。場竈積欠。與民戶無別。所有兩淮應徵緩徵折價及借給口糧穀價銀七萬九千一百五十兩零。並著加

恩一體豁免以示朕施惠推恩有加無已至意以雲南騰越鎮總兵豁隆武鶴麗鎮總兵蘇爾相對調是日駐蹕秋瀾行宮戊申諭軍機大臣等昨召見新授騰越鎮總兵豁隆武人甚老實拘謹騰越路通緬甸為邊疆要缺恐該員不能勝任已降旨調補鶴麗鎮矣但總兵為專閫大員雲南為邊要之區未便稍滋貽誤著傳諭福康安於該鎮抵任後留心察看如果不勝總兵之任即據實具奏毋任因循也○又諭昨召見總兵豁隆武據稱現在江寧物價未免昂貴係上年山東省收成稍歉所致等語物價隨時長落原屬事所常有但東省上年雖因雨水過多收成不無歉薄而江南年歲尚屬稔收何致物價增貴著傳諭蘇凌阿將該員所奏是否屬實物價有無加昂之處現在市集物價若何即行查明據實覆奏大學士公管雲貴總督福康安奏臣由臬臬進勦奮力追出山口地

勢稍平苗寨無數各持標矛撲拒幾有四五千入經官兵殺斃甚多追至馬乾溪大河復派兵飛赴上流淺處渡水抄截勦殺迨至青魚塘地方見賊匪蜂擁直趨松桃迅飭官兵分路圍殺將賊眾截為兩段竟被殺盡並將松桃城外賊苗窩棚燒燬城內都司孫清元等望見火光即帶兵民出城會合進剿闔城難民及堵禦兵勇均已分別給賞諭曰福康安此次親身督戰調度悉合機宜迅解圍城連次克捷甚屬可嘉福康安著賞戴三眼花翎特昭優異其打仗出力及守城有功之西成尼堪富什渾俱著賞戴花翎花連布賞剛勇巴圖魯名號珠隆阿賞鄂岳起巴圖魯名號都司孫清元著起等以衆將用其在事出力員弁並著福康安查明咨部議叙至松桃城內幫護之難民亦著詳查優賞以示獎勵○諭軍機大臣等黔省苗匪經此番痛加勦殺之後兵威大振望風膽落福康安從此與



和琳會合進剿。自更易於集事。但松桃為黔省後路。最關緊要。所有未經剿淨藏匿賊匪。福康安不能兼顧。著交彭廷棟妥協往來。搜捕務期淨盡。苗匪經官兵大加剿殺。心懷畏懼。乘此勦撫兼施。既可解散賊心。又可擒拏首惡。想福康安久經歷練。自必相機妥辦。又張廷彥所奏。不甚明悉。現在福康安即與和琳會合。進臨楚境。聲威壯盛。張廷彥此時。惟當督率官兵。悉力固守。以待福康安和琳前抵楚境。分路接應。奮勇剿殺。自不應將兵丁分撥各處。轉致兵力單弱。○是日。駐蹕半壁店行宮。○已酉。諭。據永保等奏。將錫克南伯克蘇勒坦扎拉頂。拏獲解到。傷害貿易回民之噶勒察等。審明。將動手之噶勒察二犯。業已正法。其餘頂充逸犯十五名。仍交蘇勒坦扎拉頂領回。定擬具奏等語。所辦尚是。錫克南伯克蘇勒坦扎拉頂。見阿克伯克差人寄信。即將動手之噶勒察二犯。拏獲解到。外。又

將屬下頂充逸犯一併解來。知遵法紀。殊為恭順。著加恩。由京賞發大荷包一對。小荷包四個。仍由彼處庫內賞給蟒緞一匹。大緞一匹。用示優獎。其錫克南伯克依則喇克一。知此事。即往告伊村烏舒里伯克。後。又將阿提伯克等。拏獲。令伊識認。指示明白。均屬可嘉。著加恩。由彼處庫內賞給官緞一匹。以示鼓勵。是日。駐蹕黃新莊行宮。○庚戌。河東河道總督李奉翰。河南巡撫阿精阿奏。臨漳縣上年漳水漫溢。改由洹河入衛。致三臺迤下舊河淤淺。北岸民希圖淤地之利。南岸民覬覦建隄。各相爭執。以致生員閔十紅等。赴京呈控。臣等遵旨。馳抵該縣查勘。惟漳水入衛。究恐洹河窄狹難容。且日久停淤。必與運道有礙。查舊河本係寬廣。仍應疏濬下游。令歸故道。並將三臺漫溢之處。填築堅實。兩岸均可無虞。現已分段監挑。其需用料土等。例應民修。惟災區民力拮据。臣等業已公捐辦

理並限於月內完竣得旨如所議行○是日駐蹕潭柘寺行宮○辛亥諭軍機大臣等苗匪屢經官兵勦殺賊勢已斂現在福康安勦通松桃肅清黔境和琳於屯土兵調到時自已將秀山苗匪勦淨前赴松桃與福康安會兵進臨楚境聲威壯盛福寧現已挑定戰兵一俟福康安等知會到日即同德楞泰從鎮草併力夾攻祇須將湖南逆首速行擒捕其餘黨與自然望風解散至百戶楊國安與吳隴登等商同謀逆已據幫役白仁得供證明確楊國安及伊子楊清已押解進京嚴行質訊自可無從遁飾伊子楊洪及伊弟楊國壽竟當在該處即行正法不必再行監禁以免疎虞是日駐蹕靜宜園至癸丑皆如之○是月江蘇巡撫奇豐額奏寶山縣東門上年陡遇風潮將石塘外舊有土塘併另築碎石壩坡各九百六十丈坍塌入海前經奏准改為官辦作正開銷惟查有曹家街起至教場

東止土塘一段沙灘凸出數丈向祇就勢圍築致三面受潮衝擊應將塘身收攏凸出地全行讓出作為護沙並可節省新工共估需工料銀二萬餘兩現飭司動給正項並委員督催務於春汛前趕竣下部知之○湖廣總督畢沅奏現因征勦逆苗調集官兵萬餘臣駐劄常德設立總局按兵支糧請就附近辰州之長沙岳州常德澧州及荊州等屬水次各州縣先儘常社存穀碾運常德以備轉送軍營至逆苗藏匿深山利用火攻前已札飭臣標中軍將武昌省局存火藥趕緊運送仍令隨時配製並軍前所需物件一併豫為籌備得旨所辦合宜○兩廣總督覺羅長麟奏粵東沿海水師各營向設艍船拖風等船前因船身笨重駕駛未能得力奏准改造新船九十三隻分撥小營各四五隻大營各八九隻不等惟洋面寬長賊匪合夥連船有多至十餘船者捕緝時不得不調撥別營兵船但

古鏡卷二十四

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百七十三

較修

乾隆六十年乙卯三月壬子朔諭軍機大臣

曰勒保奏查閱營伍之便親督各屬密查劉之協並無蹤跡等語劉之協一犯日久稽誅節經降旨令於該犯原籍江南並該犯傳習邪教之河南湖北各犯家內實力嚴密查拏且恐該犯因搜緝緊急逃竄口外命陝甘督撫一體留心嚴緝嗣江南河南解京各犯屢經嚴訊俱不知該犯去向而湖北省節經搜查亦究無蹤跡看來該犯或因原籍及附近省分查拏嚴急不敢存留藏匿竟思西竄陝

甘潛出口外。冀圖漏網。此時當嚴緝之際。或未能出關。仍在陝甘地方該犯同教家潛藏。亦未可定。著傳諭勒保。秦承恩。密飭所屬。於關津要隘地方。留心實力躡緝。毋得日久玩生。稍存疎懈。致要犯終於無獲也。○又諭據岳謙奏。報到任一摺。該鹽政甫經到任。一切緝私疏引事宜。自應認真經理。但該省商力。究不如兩淮之充裕。鹽政惟當按照舊定章程。實心妥辦。於整飭鹽法之中。時寓體恤商人之意。毋令地方官滋擾。以期該省鹽務日有起色。於應辦公務。不可意欲見長。令其勉強從事。以致商力竭蹶也。將此諭令知之。○豁江蘇上元縣捐施義塚公費地一頃九畝。有奇額賦。○癸丑。諭曰。福康安征剿逆苗。連解三處圍城。並攻克各路賊寨。所有隨征打仗文武出力員弁。帶領官兵。攀崖越嶺。爭先奮勇。均當加以獎勵。除總兵花連布前已有旨賞戴花翎及賞給剛勇巴圖魯名號外。副

將張玉龍。知府常明。游擊劉廷奇。都司施縉。陳紹先。馬瑜均著賞戴花翎。守備楊遇春著賞換花翎。守備陳尚德。廖寅。吳應隆。王宗佑。千總傅廷佐。鄒于明。外委保元。奉均著賞戴藍翎。都司姜敏。功德寧。守備馮繼玉。均著以應陞之缺加等陞用。以示鼓勵。○諭軍機大臣曰。福康安自抵黔省後。連解圍城。兵威已振。而正大營。嗅腦松桃一帶山內。多有未經剿淨賊匪。亦經探明道路。由老虎岩。小隴塘等處。分路進攻。痛加追截。殺斃殆盡。並將正大營迤東與楚省連界之上。下岩坳。所有賊寨盡行燒燬。官兵奮勇。實屬可嘉。至賊匪於沿途要隘。挖斷道路。官兵進剿時。膽敢持矛放鎗抵拒。不法已極。必當悉數殲除。方足以快人心。而伸國憲。又據奏各路黔苗畏罪歸誠。一摺。該處苗民。因見官兵連勝。賊匪奔潰。紛紛投營乞命。已有六十五寨之多。經福康安厚加撫恤。藉可解散賊黨。仍不令隨同打

仗致有糾連所辦更覺周到至苗民隴保二運糧叩獻情願幫同殺賊頗能効順乃因住寨孤懸回寨後被石三保等糾衆圍繞隴保二被殺身死殊屬可憫著追贈四品職銜並著賞給銀一百兩以為埋葬之用此案首惡各犯前因吳隴登捏詞煽誘最為可惡今石三保因良苗投効輒敢糾衆圍繞殺害尤屬不法已極看來黔省苗匪屢經殲戮之後自已望風膽落而湖南逆苗心懷畏懼是以石三保由楚至黔勾結滋擾冀圖牽綴官兵不能直趨楚境今福康安等將黔苗痛加勦戮石三保計無可施自必仍竄回湖南與吳隴登石柳鄧聚集一處妄思抗拒福康安和琳進臨楚省正可督兵搜捕一鼓而擒務須將石三保吳隴登石柳鄧為首重犯按名生致盡法處治使苗匪知所儆畏其帶兵出力之文武各員弁分別加恩並著賞給福康安銀一萬兩以為賞需之用即於黔省軍需項下

動支又據劉君輔奏趕赴保靖勦捕苗匪一摺該處新寨一帶俱有賊苗屯聚經劉君輔令副將慶溥等帶兵分路攻擊殺斃賊苗一百餘名所辦尚好慶溥向未經歷行陣竟能將沿途苗寨盡行燒燬甚屬可嘉且係尹繼善之子著賞戴花翎並賞勵勇巴圖魯名號俾其益加感奮至張廷彥前因保靖緊急派令帶兵堵禦惟見屢請添兵未見奮勇殺賊現據劉君輔奏張廷彥已離保靖擬由新寨帶兵進剿是張廷彥轉不在保靖要地悉力堵禦因見劉君輔帶兵前往仗其聲勢率行迎赴前途隨同攻勦實屬不知輕重著福康安查明如果有逗留懦怯繞路行走情事即行據實參奏又德楞泰係特派帶兵之員福康安處已有額勒登保帶同巴圖魯前往則德楞泰於劉君輔前赴保靖時自應帶兵同往乃留住鎮筵惟知坐待福康安檄調試思鎮筵已有福寧及蘇靈在彼防守豈尚不能

堵禦猶待德楞泰幫同固守耶。看來德楞泰見賊匪勢重，未免心存取巧規避，亦著福康安據實查奏。○吏部等部議奏各省教職佐雜及千把等官，現奉旨如甄別不及百之二三者，該督撫學政提督准於摺內聲明無可叅劾緣由，第各上司等因無處分，恐仍蹈因循姑息之弊，嗣後凡奏明無可叅劾省分，或經別案究出因衰庸貽誤者，請將該上司嚴加議處至營千總一項，例應六十以上，即行勒休，現今展限三年，應令查明實堪留任者，方准咨送引見，如將年力就衰之員，濫行送部，亦即嚴議。衛千總事同一例，應并行知漕臣畫一辦理，從之。○甲寅。

上還圓明園。○乙卯，諭軍機大臣等：川河蓋一帶，為秀山後路，和琳出其不意，帶兵勦捕，所殺賊匪雖尚不及福康安之大，加殲戮，然該賊衆經此一番勦殺，情形震懾，且後路廓清，設卡防堵，亦不致有乘虛抄襲之慮，更可安

心前進，不料和琳竟能如此，著賞大小荷包，以示嘉獎。至頭起屯練於十五日行抵軍營，十六日即隨同殺賊，實為出力，著賞給一月錢糧，其續到之屯練降番，雖尚未打仗，但念近年以來，屢經檄調，俱各爭先勇往，此次復遠道跋涉，並著加恩各賞半月錢糧，俾伊等倍知感奮，於勦賊更為有益，其都司何元卿前已有旨起賞叅將銜，並賞戴花翎，馬建紀亦以守備陞用，現據和琳查明，該員等實為奮勇，著交孫士毅遵照前旨，遇有缺出，即將該員等先行補用，此外如尚有出力之文武員弁，亦著和琳查明，分別具奏，候朕加恩。前因秀山與松桃接壤，恐苗匪勦散後，竄入川省，是以諭令和琳就近接印前赴該處，豫備防堵，不意賊衆四出滋擾，蔓延三省，今川黔境內雖漸次肅清，而湖南賊匪尚未勦除，首惡亦未就獲，和琳現帶兵前往松桃，與福康安會勦，所有四川總督印篆，該省應辦秋審

奏銷及地方一切公務。皆需鈐用。和琳仍將總督印篆。派員送交孫士毅署理。孫士毅此時自應留於秀山。防範後路。並督辦糧運。馮光熊已仍留貴州之任。其糧運臺站一切。該撫本當隨時妥辦也。至此次福康安所帶。係黔省兵丁。和琳所帶。係川省兵丁。一抵湖南境內。俱屬客兵。但既會合剿賊。無論客兵。及本省官兵。悉應聽福康安和琳調度派撥。庶事權歸一。呼應更靈。大功易於告竣。又和琳奏黔楚交界從逆之苗。無慮數百寨。想不過為石柳鄧等迫脅所致。已發給檄諭。詳加開導等語。行軍之際。自不得不勦撫兼施。以為解散賊黨之計。但福康安前奏。訊據生擒賊匪供稱。此次石柳鄧石三保等糾眾起事。係為石滿宜報復。石滿宜係五十二年勾補寨搶刦抗拒匪犯。查辦未久。又有苗匪滋擾。可見上次辦理。未經搜捕淨盡。恐數年後又啟衅端。況和琳所奏。苗匪肆擾。皆在秀山一帶。

地方其中豈盡係楚苗。抑或川省酉陽一帶苗民。亦有與楚苗勾合情事。未據確查聲敘明晰。閱和琳前奏圖內。秀山所屬十一里甲。被賊焚搶者。竟有七甲。如盡係楚苗。闖入川省。苗眾何以並不抵禦。聽其肆行焚搶。看來川省苗民。亦難保無暗中勾結之處。和琳當留心訪察。如川省苗民中。亦有被賊脅惑勾串者。並當痛加殲戮。事竣後再以次辦理。勿留後患。至此次賊匪滋事。雖係楚苗石三保起意前往黔省勾結。其黨羽屯聚。亦係楚省較多。福康安節次帶兵進剿。苗民已知畏懼。但貴州苗匪。既與楚苗勾結。亦不可不詳細根究。以防餘孽復萌。看來勦捕首惡。搜捕餘黨。福康安和琳諒所優為。惟善後事宜。最關緊要。尤宜加意籌畫。為永靖苗疆之計。○以泰寧鎮總兵縉布為內務府大臣。○丙辰。諭軍機大臣等。前據李奉翰奏到黃河南岸工程一摺。內稱商邱一帶防風。係上年甫經鑲

築之工。乃竟稱間段殘缺。因於摺內批示。令其明白覆奏。茲據奏稱商邱防風。緣上年七月間。黃河盛漲。風浪拍岸。是以該處頭堡至九堡。間有應行補鑲段落等語。既有此故。自不得不加鑲完整。但前此該督奏報查勘之時。何以不將防風殘缺緣由據實聲明。逮降旨詢問。始據查明登覆。且此項工程。若果從前鑲築堅固。何致甫經秋汛。即有殘缺。總之河工各員。每以多築壩工。為開銷地步。又不肯認真堅築。以致易於殘缺。轉得藉口鑲修。此最為河員向來陋習。著傳諭李奉翰嗣後於一切工程。務須實力查勘。其果應行修築者。自宜飭屬修築堅固。毋任工員草率偷減。影射固利。致日後又復藉詞漫水汕刷。再請補鑲。以為冒銷之計。方為妥善。又諭曰。福寧奏苗匪因見永寧哨農民漸次歸耕。攜有糧糗什物。復肆焚搶。經官兵前往勦捕。尚敢負險抗拒。實為可恨。但官兵所殺賊匪。僅六

十餘名。又因黑夜徹回。豈不被賊所箴。現在福康安和琳肅清松桃秀山後路。統領川黔勁兵。前赴楚省會剿。賊匪即可蕩平。福寧等既已遲延於前。此時亦祇可仍固守鎮筓。以待福康安和琳之至耳。茲因張廷彥不在保靖。轉帶兵前往新寨。恐有怯懦避賊情事。已有旨交福康安查奏。本日劉君輔復奏。由新寨進兵。道險難行。應仍留保靖進攻。但同日又據張廷彥奏。到於二十三日。在下官壩一帶。勦殺賊匪。盡力攻進。迅抵永綏等語。永綏被圍日久。此時自以解散該處賊眾為最急。閱張廷彥所奏。是劉君輔欲從保靖進攻。亦未免為遷延之計。著一併交與福康安查明。總以解散永綏賊圍為斷。如劉君輔係避賊由遠路繞道前往。則張廷彥所奏為是。如張廷彥係避賊由僻路繞道前往。則劉君輔所奏為是。二者必居一於此。福康安當秉公確查。據實具奏。勿稍偏袒。又據畢沅奏。乾州附



近苗寨亦有相率來辰州悔過投誠者分別賞卹令歸本寨此時鎮軍永綏一帶賊衆屯聚未散自不得不權時招撫以為解散黨羽之計但苗性詭譎無常斷難深信該督當倍加謹慎防其反覆勿被賊人所欺再昨因秀山所屬地方被賊焚搶者竟有七甲恐酉陽一帶苗民亦有與賊勾合情事已有旨交和琳留心訪查今又思該處苗民若果與黔楚苗匪暗中勾結則所過焚搶之處於苗民廬舍什物亦必暗相照應不肯概行燬掠况廬舍之存毀尤無難一望而知著傳諭和琳即派委妥員於此七甲內詳細履勘若該處民居苗寨俱被燒燬則是川省苗衆未經從賊尚屬可信若該處民居被焚而苗寨竟完整無恙則其互相勾結已屬顯然豈可置之不辦必須悉心訪查以杜後患丁巳祭先蠶之神遣妃行禮諭曰惠齡奏蘄州民吳應名圖姦十三歲族弟吳應青不遂用刀

砍傷斃命又因吳應青之母柳氏孀王氏聞喊趨救該犯起意一併殺死並將幼女卯姑毛女同時砍死審明後即將吳應名凌遲處死等語吳應名因圖姦同族幼弟不遂輒敢殺死五命實屬淫惡兇殘不法已極近來屢有殺斃一家數命之案前據奇豐額奏溺斃一家五命昨又據長麟等奏審擬曲江縣民婦溫氏同子陳複受將伊夫陳松九謀死圖詐陳觀複一案幾於不忍披閱茲復有淫兇如吳應名者不意天下竟有此等行同禽獸之人皆緣教化未敷朕實愧之朕臨御六十年凡所以教治斯民者訓誡叮嚀不啻家喻戶曉乃化之不行百姓時復蹈於法網甚至若吳應名陳複受等罔顧倫紀肆惡逞兇殊出情理之外不特朕當引以為愧凡有司牧之責者均應共切懷慚夫治民之道教化為先今不能道之以德齊之以禮不得已齊之以刑而莠民仍不知悛懼悖棄倫常屢蹈重

辟良用恧然。嗣後各該督撫及地方官等。務宜廣宣朕諭。隨時勸導。俾民俗丕變。悉臻上理。以仰副朕教誨諄諄至意。至吳應名之父吳介眉弟吳既望。雖據該撫查明。遠在陝西傭工。並不知情。吳介眉係吳應名之父。自未便因伊子而累及其父。但吳應名慘殺五命。致吳柳氏乏嗣。該犯並無妻子。若使伊弟吳既望。仍得安居樂業。又復何以示懲。吳既望著發往回疆為奴。並查明吳既望有無子嗣。一體送內務府照例辦理。以為淫兇殘暴者戒。○諭軍機大臣曰。孫士毅朱珪奏恭和御製詩章二摺。均已於摺內批示。本日朕因惠齡奏湖北蘄州民吳應名圖姦同族幼弟。慘殺五命。及昨據長麟等奏。蔑倫之陳複受等案。不意天下乃有此等之人。是朕教化不行。深以為愧。已明降諭旨。頒發中外矣。乃孫士毅等所奏。仍覺過頌忘規。殊非朕諄諄垂詢之意。著將本日諭旨抄寄伊二人閱看。孫士

毅朱珪俱有牧民之責。不可不共知愧勉。助朕勤求治理也。○又諭據奇豐額奏蘇松等府重運糧船二千一百七十八隻。已於閏二月十六日。全數渡江。其浙江幫船。現已尾隨前進等語。上年南糧重運漕船。於三月二十六日。已全入瓜口。乃本年蘇松等幫船隻。至上月十六日。始行過竣。其浙江幫船。尚未前抵京口。未免遲延。著傳諭管幹員奇豐額。務飭屬上緊催趲。毋任沿途逗留。以致節節遲誤。又昨據倉場侍郎奏。本年東省漕船抵通日期。較上年遲至二十餘日等語。去年秋冬山東一帶。雨雪霑渥。運河水勢通暢。足資浮送。漕船行走。倍應迅速。不比京口渡江。或遇風阻。何以本年東省漕船抵通。遲滯至二十日之多。自係該督撫等不能實力催趲所致。雖本年二月逢閏。節氣較遲。但似此遲逾。日復一日。恐又誤冬兌。冬開定限。所有湖廣江西江浙等幫船。現已陸續北上。著傳諭管幹

員王德等當沿途實力查催。俾重運遄行無滯。啣尾北上。依限抵通。毋得藉口。遇閏潮微再有遲誤。致干咎戾。並諭江南山東巡漕御史知之。○又諭據賀長庚奏籌辦軍行糧運事宜一摺。所辦尚妥。黔省軍營糧運。馮光熊駐劄銅仁。就近督運。俱屬妥協。賀長庚在省彈壓。支應軍需一切。俱係該藩司分內應辦之事。惟當妥實勉為。以期無誤。但至今始一奏。未免疎畧。至所奏正月分米糧時價單。朕詳加披閱。所稱各屬價值。俱填註中平字樣。米糧時價。原係長落無定。況該省現有軍務。各屬糧價。或未能平減。今該藩司一律填註中平。與上月相同。祇一二處畧有不同。未免疎忽。未足憑信。豈該藩司但知辦理軍需事件。竟無暇顧及地方諸務耶。著傳諭賀長庚。即將各府屬正月分糧價。較上月有無增貴之處。確實查明。再行具奏。毋得稍有諱飾。嗣後於辦理地方事件。務須加意留心。以期無

負任使。並諭馮光熊知之。○以禮部侍郎鐵保署副都御史。方維甸為會試知貢舉。左都御史寶光為正考官。內閣學士瑚圖禮禮部侍郎劉躍雲為副考官。○戊午。諭據保寧奏伊犁領隊大臣和雙額現在患病。請另派人員更換等語。和雙額准其回旗調理。著巴特瑪馳驛前往伊犁。充補索倫部落領隊大臣。○己未。諭湖南永綏廳苗匪滋擾地方。業經降旨。令該督撫等查明辰州府屬之永綏乾州鳳凰及瀘溪各廳縣。將應徵春季錢糧。概行緩徵。俟事定後。查有被賊蹂躪。春收歉薄。再行降旨豁免。第念辰州府屬之沅陵辰溪永順府屬之永順保靖龍山沅州府屬之麻陽芷江等縣。俱多險要卡隘。該處各募鄉勇。晝夜把守。自應一體緩徵。以紓民力。所有沅陵等七縣。本年春季錢糧。概行緩徵。仍俟事竣後。再行查明春收分數。分別奏明辦理。以示朕撫綏良善。加惠閭閻至意。○又諭此

次黔楚邊境一帶。逆苗滋擾。附近居民致誤。東作前經降旨。將湖南辰州府屬之各廳縣。貴州銅仁府所屬各處。應徵春季錢糧。概行緩徵。俟事定後。查明分別辦理。茲四川秀山一帶。亦被賊苗蔓延侵擾。該處平民。未能及時耕作。所有秀山一帶。應徵春季錢糧。並著加恩一體緩徵。統俟事定後。該督查明春收分數。奏明辦理。用示撫綏良善。加惠黎元至意。又諭曰。福康安和琳奏帶領將弁兵丁。痛剿賊匪。福康安前經屢降恩旨。疊加獎賚。並賞三眼花翎。和琳初次帶兵。於抵秀山後。連剿逆匪。今復將炮木山黃坂一帶屯聚之賊。悉力擊殺。攻克木城。賊匪望風逃竄。實屬可嘉。和琳著加恩賞戴雙眼花翎。用昭優獎。又據福康安奏。都司孫清元守備黃上達。千總汪連棟。把總田中桂等。每遇賊匪。均能極力勦殺。甚為奮勇。孫清元黃上達著加恩賞戴花翎。汪連棟田中桂著加恩賞戴藍翎。其

秀山炮木山一帶打仗。實在奮勇出力。將弁並著和琳隨時查明具奏。聽候分別加恩。至屯練降番。屢次調遣。實為奮勉勤勞。前已有旨。同營兵分別賞給錢糧。今著再加恩。將此次出力兵丁。及屯練降番。各賞給一月鹽菜口糧。以示鼓勵。○諭軍機大臣等。正大松桃一帶。經福康安勦通後。賊匪雖已心懷震懾。而該處附近苗寨尚多。自應廓清後路。方可放心前進。今福康安探知大寨營地方聚有賊衆。遂派額勒登保等帶兵分翼前進。將長冲塘賊匪奮勇圍殺。直追至卡落塘。逃竄賊匪盡奔大寨營而去。噢腦盤垵地方有楚苗三四十前來攻撲。經都司德寧帶兵勦殺。賊皆逃散。殺賊共有六百餘名。實為可嘉。其投順苗民人口約三萬有餘。究難深信。朕為此頗深廛念。今福康安令其自往殺賊。不令隨官兵打仗。並察明虛實。分別安頓。所辦甚為得要。至炮木山黃坂等處。為賊苗總匯要口。

山後苗寨林立。路徑叢雜。經和琳等帶領屯土兵丁。分路攻剿。三面衝殺。將草房一齊燒燬。殺賊甚多。實屬可嘉。和琳初次督兵。於抵秀山後。連次痛剿賊匪。今又在炮木山黃坂一帶。悉力追擊。攻克木城。運籌布置。均合機宜。福康安前已賞銀一萬兩。用備賞需。和琳亦著賞銀五千兩。以資賞需之用。此外福康安和琳如隨時有需獎賞之處。俱著於軍需項下動支。以示體卹。至派駐嗅腦都司德寧

在盤塚地方奮勇殺賊。著加恩即以遊擊陞補。其兩路打仗傷亡兵丁。俱著查明加恩照例卹賞。現在松桃一帶。已將長沖卡落苗匪悉數殲除。進兵楚境。後路已就肅清。而和琳亦將炮木山木城攻克。前赴松桃。可無阻礙。現據福康安等。訊據獲犯供稱。石柳鄧在大寨營。石三保在黃瓜寨。吳隴登在鴨保寨。是賊匪首惡。已得其聚集窩巢。福康安和琳合兵進剿時。正可分路直前。擒其巢穴。將首惡

擒捕。其夥黨自可不攻而散。至福寧在鎮筳。僅能自守。毫無展布。茲據福康安奏。擬俟川黔兵力會齊。知會福寧。併力夾攻。恐福寧一路甚不足恃。全在福康安和琳二人督率。勁旅速臨楚境。直抵鎮筳。以期一鼓集事。至秀山一帶。前經和琳連次剿殺。疏通道路。直至川河蓋。而現在小溪地方賊匪尚敢乘間攻撲。即松桃嗅腦屯聚賊匪。亦經福康安悉力殲除。而嗅腦長沖卡落等處。亦多有賊匪設

卡堵拒。可見兩處後路。雖屢經剿殺。賊匪尚在蟻聚。現在小溪地方。業經和琳知會孫士毅。俟諸神保到彼。即協同袁國璜堵截。此等要隘。自應嚴密防範。當於二人中。令一人督兵防守。一人在附近隘口。將潛匿賊匪痛加殲戮。使知畏懼。不敢復出滋擾。福康安於正大嗅腦等處。亦應如此辦理。方為妥善。又據劉君輔奏。在保靖連日剿殺賊匪。劉君輔自到鎮筳後。未見出力。今於保靖帶領官兵。分

路合擊追殺賊匪。焚燒苗寨。所辦差強人意。其進兵時。飭令各卡官兵不許亂放鎗礮。一節。甚是向來綠營兵丁。未見賊蹤。輒先放鎗礮。以致遇賊時。火藥轉致短少。最為綠營陋習。今劉君輔豫行飭禁。頗為得當。並著福康安和琳等。傳知各路隨征將弁兵丁。一體飭禁。以期勦捕得力。至張廷彥前次奏到。欲由新寨帶兵進勦賊匪。今又據奏。接准劉君輔知會。仍由新寨起程。馳赴保靖。會合進勦。是

前次所奏。未免遷延之計。著福康安查明。如張廷彥實有繞道避賊情形。即行據實參奏。又據湖南委員解送兵丁林勝仲到京。當令軍機大臣詢問。該兵丁於明安圖得受鎗傷時。係伊背下山坡。其兄弟二人俱已陣亡。情殊可憫。已加恩以千總用。並令前赴湖南軍營。遇有差委事件。藉資得力。又諭本日長麟等奏到。拏獲洋盜一摺。內稱都司李林貴在洋巡見盜船。率兵追趕。適合浦縣典史鄧

廷相自雇鄉勇。乘坐漁船八隻出海捕盜。協同該都司拏獲盜犯李朝才等十二名等語。典史鄧廷相。以微員捐貲雇募鄉勇出洋捕盜。多名尚屬奮勉。都司李林貴亦能認真巡緝。並著送部引見。以示鼓勵。該員等於緝捕頗為得力。現在盜首大辯貴尚未就獲。自應留緝於盜首弋獲後。再行給咨送部引見。將此傳諭長麟等知之。○封閉陝西畧陽縣興隆灣銅礮。從陝西巡撫秦承恩請也。○庚申。

諭據周樽奏。本年安徽省漕糧。輪應蠲免。所有隨漕各項。分別徵緩等語。向來免漕之年。仍有應徵隨漕一切。贈月兵孤。南屯本色正耗米麥等項。安徽省輪應免漕。其隨漕各項。自應分別緩徵。除該省辦運漕糧及向無正漕各府州縣。隨漕應完銀米。照舊徵收外。所有寧國旌德太平英山四縣民折官辦之行月贈米。應俟下年再行徵辦。該部知道。○諭軍機大臣等。昨據伍拉納等奏。汀州府知府

和靜患病員缺。已將李煒補授矣。但各省遇有請旨道府缺出。該督撫自應奏明。候朕簡員補放。即或因該省候補人員需次日久。補缺無期。其中有才具出色。堪勝繁缺之員。該督撫等專摺陳奏。請旨簡放。朕亦有俯從所請者。乃伍拉納等於汀州府知府員缺。將候補知府李煒等四員。用夾片聲敘。籠統開單。請於數員內簡放一員。似此臚列多人。朕將何憑簡用耶。伍拉納。浦霖。所奏殊屬糊塗。著傳旨申飭。此次汀州府知府一缺。姑就該督等所開四人內。將現在署理此缺開列在前。之李煒補授。嗣後不得援以為例。○吏部奏遵旨議處。辦理秋審情實案件失入之山西巡撫蔣兆奎等。應照例分別降革。得旨。蔣兆奎著從寬免其革任。仍註冊。善泰著降一級留任。祖之望。前在刑部司員中。尚為諳習刑名。是以用為臬司。乃於秋審案件。並不細心覈擬。以致有此失入之案。本應照部議降調。

姑念究係公過。著從寬改為降三級留任。嗣後由刑部所用臬司。均當倍加感激。審獄平允。無負委任。○以故克勤郡王雅朗阿子恒謹襲爵。辛酉。諭軍機大臣曰。全德奏九江關庫項接收清楚一摺。九江關稅課盈餘。福英在任時。於乾隆五十八年。虧短銀八萬餘兩。五十九年。則短至一十五萬餘兩。今據全德所奏。自上年十一月起。至本年閏二月止。為期僅四個月。已徵銀十四萬九千餘兩。為數已不為少。且據全德另摺所奏。有九江大姑兩關來往商船亦多。似此源源而來。稅課可冀豐盈之語。以現在徵收數目及商船到關情形而論。稅課不為不旺。且係冬月到關。船隻已有如此之多。則春夏商船。自更輻輳。何以福英在任。連年俱形虧短。至有十餘萬之多。是否係福英在任時。辦理不善。抑或家人胥吏滋弊侵漁之處。自應查明於摺內聲敘具奏。何得僅以照例接收清楚。一奏塞責。

謂可含糊混過。作為寬厚無事之人耶。全德著傳旨申飭。仍著將該關從前徵收。何以履行虧短。是否實係辦理不善。有無侵隱之處。查明覆奏。不可以與福英同係內務府人員。稍存瞻徇迴護之見。自干咎戾也。○又諭曰。長麟奏廣西省苗民安靜一摺。前據該督奏稱廣西與黔楚二省。有水陸相通之處。馳赴柳州一帶。巡查閱視。當經降旨。以廣西相距苗匪滋事地方甚遠。無虞滋擾。長麟不得過事張皇。轉致苗民驚疑。該督到彼後。自應巡查營伍。不動聲色。暗為體察。今據奏稱各寨苗人。俱極安靜。又以黔楚苗匪滋事。與廣西苗民無干之處。向其曉諭。並賞給糖布等物。是不能釋其疑。而轉以滋其疑。且似畏其聞風生事。故加以賞賚。適足啟其輕視之心。殊覺多此一事。可謂自稱知事。而正大不曉事矣。即所稱苗民聽諭後。頓釋憂疑。更深感激之語。祇係外省飾詞惡習。亦不足信。長麟所

辦。惟知意存見長。實屬不曉事體。著傳旨嚴行申飭。該督擬於柳州暫駐數日。亦可不必。惟廣西與黔楚相通之山僻小路。或恐有黔楚苗匪潛行逃竄入境。當嚴飭地方員弁。密為留心。毋任乘間竄匿。亦不得過事張皇。轉致苗民疑畏也。○又諭昨據和琳奏到攻克炮木山一帶。遊擊長春搶上山梁。望見賊城火光。即令鎗兵鉤火齊發。又於東面山坡賊匪迎撲時。帶兵壓下。擊斃賊匪。實為奮勇出力。長春著即以叅將陞補。並賞戴花翎。把總廖廷超。兵丁李明貴。至木城左近。先行趕上。將火彈拋入。燒燬草房窩棚。賊匪驚惶逃竄。亦屬奮勇。廖廷超著即以千總拔補。兵丁李明貴即以把總拔補。其守備葉攀鳳。千總鄭啟貴。直入賊寨。砍死賊目。甚為勇往。並著和琳查明具奏。量加獎賞。又昨據福康安奏額勒登保於抵辰州後。即單騎馳抵軍營。實屬可嘉。特賞給大小荷包。用示獎勵。又昨據福



康安等奏石柳鄧在大寨營石三保在黃瓜寨吳隴登在鴨保寨三人係屬首惡現分三處屯聚勢分力單易於搜捕但福康安和琳進剿時不宜分路領兵前往攻擊松桃及炮木山兩處雖經剿通而賊匪蟻聚正多尚須廓清後路若於會合後二人各領官兵分路進剿未免兵勢不能聯絡或賊匪轉得乘間抄截所關非細竟當察看賊情先將賊首屯聚緊要之處併力殲除肅清一路擒一首惡再行攻剿一路則兵威壯盛可無後顧之虞而賊匪首惡三人亦無難次第搜擒盡行就獲此為最要○壬戌  
孝賢皇后忌辰遣官祭陵寢○癸亥祭先農之神遣鄭親王佛爾果崇額行禮○甲子諭曰陳淮奏貴州委員領運京鉛在德化縣北關地方遇風沉溺鉛十一萬觔當飛飭德化縣協同文武各官上緊設法打撈已全

數撈獲該處並非險灘所有文武員弁毋庸議敘等語德化縣北關地方雖非險灘但此次沉溺鉛共十一萬觔經該撫飭令文武各官多雇水摸於旬日之間全數撈獲尚屬認真奮勉若不予以議敘不足以示鼓勵所有出力文武員弁及該撫陳淮均著交部照例分別議敘○乙丑諭前已降旨將貴州四川湖南三省凡被逆苗滋擾各廳縣春季應納銀糧概行緩徵並令該督撫查明經賊蹂躪收成歉薄之處即行奏聞再予豁免茲又念各該處邊界村堡小民被賊焚掠四出逃避一時不能各歸本業尤為可憫著再加恩川黔楚省所有逃難民人均著該督撫查明分別大小口普行給予一月口糧用資養贍其川黔兩省剿清賊匪處所業已搬回原處者仍著地方官借給籽本俾得及時耕作共資生計以示朕體卹被難窮黎恩施逾格至意○諭軍機大臣曰福康安和琳奏川黔兩省

官兵剋期會合。大獲全勝。覽奏實深欣慰。又據奏松桃秀山後路。甚關緊要。現趕緊將各處邊界滋擾楚苗。分路勦盡。並將投順各苗安置妥協。立即赴楚。相機辦理。所辦甚合機宜。楚省苗匪。尚敢潛赴川黔邊界滋擾。而投降苗寨復環列兩省進兵後路。自應布置清楚。始可安心前進。朕雖為軍務宵旰焦勞。然亦不忍加之促迫。又據奏石柳鄧見官兵屢次痛勦。不敢潛居大塘本寨。往依石三保。勾合負隅。為苟延殘喘之計。前據福康安奏稱石三保在黃瓜寨。吳隴登在鴨保寨。已有諭旨令福康安等合兵攻擊。次第搜勦。今石柳鄧既往依石三保。若吳隴登亦與石三保聚在一處。更屬易辦。福康安和琳統率川黔勁兵會合進勦。但能破賊所守巢穴。生擒石柳鄧石三保吳隴登三犯。其餘黨羽自必紛紛瓦解。惟當察看賊情。先至黃瓜寨或鴨保寨賊首屯聚緊要之處。合兵攻勦。使賊猝不及

備。為一鼓殲擒之計。轉不必亟赴鎮筵。該處有福寧姜晟蘇靈等在彼。斷不致有他虞。即德楞泰亦祇須在蘭里一帶巡查。使糧運無虞。梗阻。福康安和琳更可專力進攻賊巢。擒拿首惡。剋日肅功。其鎮筵一帶福康安和琳俟勦賊完竣。辦理善後事宜。再到彼查看撫綏。未為遲也。○丙寅諭此次川黔官兵攻勦炮木山大塘汛一帶苗匪。焚燒賊寨四十餘處。殺斃賊匪八九百名。並擒獲活口多人。雖由福康安和琳親臨行陣。督率調度。而將備等俱各迎頭分勦。奮勇爭先。實堪嘉獎。所有副護軍叅領巴圖魯。審音庫著授為護軍叅領。二等侍衛色靈阿著授為頭等侍衛。都司馬登朝著賞換花翎。守備方和千總鄭啟貴徐得海劉彪郭本仁把總馬正乾何占鰲楊逢春楊春合廖廷超武生馬兵李騰霄俱著賞戴藍翎。屯把總行營守備索勒吉斯甲著賞給都司頂戴。並賞換花翎。屯守備納爾吉

亦著賞戴花翎。屯土千總沙納爾吉甲木楚諾爾布雍忠占底阿吉外委坤朋特巴塔爾可凱可烏古吉穆塔爾幹古絨塔爾俱著賞戴藍翎。至向來征兵不出本省境界者。祇支口糧不支鹽菜銀兩。但此次黔蜀二省漢屯官兵進剿逆苗。不避險阻。累戰克捷。實屬奮勇出力。除前經降旨賞給錢糧外。著再加恩。將該二省所調漢屯官兵以及鄉勇。無論進剿留防。並准其照征兵出境之例一體賞給鹽菜以示鼓勵。○諭軍機大臣等。此次楚省苗匪在鎮筓地方滋擾。經福寧督率兵將奮勇擊殺。並冒雨奮擊殲斃賊苗甚多。而劉君輔與張廷彥在保靖分兵前進。追繞截殺賊匪奔竄。福寧劉君輔此次所辦。差強人意。其鎮筓後路高村濫泥一帶。有德楞泰帶兵在彼堵剿往來查察。賊匪不敢侵擾驛道。自可防範嚴密。昨已有旨。以鎮筓現有福寧蘇靈等在彼儘可固守無虞。令德楞泰不必回至

賞銀五十兩

奏

鎮筓今高村一帶賊匪尚在窺伺。德楞泰自應遵照昨旨。在彼督率防禦。其保靖一路業經劉君輔等大加殲戮。自應速赴花園相機進剿。至永綏地方。逆苗百計攻城。該都司吳開泰率同弁兵晝夜苦守。相持兩月。並無疎失。尚屬出力。並著福康安等查明。如果實在奮勉。即行奏明獎擢。又據劉君輔奏。永綏武生宋開範引苗生員楊紹武到營投誠。經逆苗聞知。即將其寨落焚燒。宋開範楊紹武房屋俱經被燬。家屬逃散。情殊可憫。著即查明伊二人家屬被害重者。賞給銀二百兩。輕者賞銀一百兩。以示撫卹。其宋開範著加恩以千總扶補。苗生員楊紹武著賞給舉人銜。俾其益知感奮。○旌表守正被戕山西汾陽縣民曹欽妻鄭氏。逼嫁被戕貴州龍泉縣民毛德有妻劉氏。

賞銀五十兩

奏

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百七十四

實錄卷之十四

雷

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百七十五

監修總裁官經筵講官太子太傅文淵閣大學士文淵閣領事領侍衛內大臣稽察欽奉 上諭事件處管理

吏部理藩院事務兵部滿洲都統世襲騎都尉軍功加七級隨帶加一級尋常加二級軍功紀錄一次臣等謹

總裁官經筵講官太子太傅文華殿大學士文淵閣領事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級尋常加二級軍功紀錄五次

尋常紀錄十四次臣等謹將經筵講官太子少保工部尚書紀錄六次臣等謹將

敕修

乾隆六十年乙卯三月丁卯諭軍機大臣曰

玉德參奏惠民縣民人閆鎬等挾讐謀殺燒  
屍滅跡一案已將原檢原審及覆檢之府州  
縣等分別革職解任交該撫嚴審具奏矣但  
此案已隔三年閆錫夫婦被火焚燒後當經  
伊子刨尋屍骨見伊父母均有缺少臂膀並  
起出鐵錘帶有血跡赴縣稟究是閆錫夫婦  
顯被兇殺何以原檢之知縣王修齡稱係生  
前火燒牆塌壓死而節次委審覆檢之府州  
縣各員均未究出實情扶同詳報案關服制

且屍子閔培麟之祖母因火起牆倒一併被壓身死。閔涉服制三命。而先後檢驗委審各員又何值為之袒護。率據原詳完結。恐有不實。不盡難成信讞。王德所奏尚未明晰。著傳諭該撫即提集案內人証。確切嚴訊。務得實情。及委員等覆審不實情弊。以服其心。此案皆係前任之事。王德無所用其偏袒。亦不可有心即完此案。以致屈害無辜。惟當秉公審究。據實速奏。毋得稍存迴護。致有屈抑也。○

戊辰諭曰。蘇凌阿等奏。徐州淮安海州等處所有民堰隄工。前經動借司庫銀兩給辦。現在查明尚有未經徵完之項。均係實欠在民等語。徐州淮安海州等屬所有民堰及水利河道等工。借動司庫銀兩。本應按年攤徵。第念碭山等州縣係屬積歉之區。節年因災停緩。尚有未經徵完之項。其實欠在民銀十萬一千四百五十五兩零。俱著加恩寬免。以示朕廑念歉區。優加軫卹至意。又諭曰。哈當

阿等奏。臺灣鳳山縣和尚莊民人陳光愛等。散播流言。希圖乘機滋事。當經查拏審明。辦理等語。此案陳光愛等編造謠言。希圖滋擾營汛。搶奪軍械。實屬不法。已極。當經哈當阿等聞信。帶兵搜拏。將陳光愛等首夥六十四犯。即時擒捕。分別凌遲斬梟。辦理尚屬迅速。哈當阿楊廷理俱著交部議敘。所有隨同搜拏匪犯之文武員弁等。著將所奏清單。交部查照。各員弁等獲犯名數。分別議敘。在事出力之兵丁等。各賞給一月錢糧。以示鼓勵。其

受傷及傷斃之兵丁等。著交部照陣亡及受傷例議卹。該地方文武應得失察處分。並著加恩寬免。○諭軍機大臣曰。哈當阿奏。鳳山縣和尚莊民人陳光愛等散播流言。希圖乘機滋事。當經查拏審明。辦理一摺。臺灣當清釐整飭之後。甫閱數年。該犯等復敢布散流言。驚恐莊民。希圖奪汛攻城。今據陳光愛等犯所供。有一百餘人。經該提督等拏獲正法。

者止六十四名。其餘未獲之犯尚多。不可不嚴拏懲辦。至李番一犯。雖兩目青盲。陳光愛等並未邀其入夥。但該犯居住賊巢。明知商謀結會情事。並不舉首。即非善類。僅止擬流。仍恐到配後。不免造言煽惑。著將該犯即在臺灣府永遠監禁。免滋事端。其未獲各犯。並著哈當阿等嚴飭地方文武各員。嚴密查拏。務期迅速就獲。辦理毋任一名漏網。以靖地方。而安良善。旌表守正捐軀四川崇慶州民盧元述女盧氏。已已。

上詣

安佑宮行禮。諭我國家重熙累洽。

列聖相承敬

天愛民海內昇平。梯航向化。朕春秋二十有五。

御極踐阼。初即拈香叩祈。

天恩設能如

聖祖仁皇帝之享祚綿長。仰邀

昊眷克繩

祖武壽祚延洪。享國六十年。即當歸政。不敢更冀有所過算。今荷

天恩。篤佑八旬。開五。康強逢吉。五代同堂。撫御寰區。幸周甲子。明歲丙辰。即屆歸政之期。大廷授受。景運增隆。實為史冊罕覯。惟念諸皇子皇孫。以及曾元。於子皇帝嗣位以後。一切章服儀制。例有一定等差。不可僭越。但朕為太上皇帝。而皇子皇孫。不能照諸皇子皇孫之例。遂與宗室等倫。於親親之誼。似有未協。

著於明年歸政後。所有諸皇子皇孫。以及曾孫元孫。仍在尚書房讀書。應用冠服韁轡等項。俱著仍照現在之例。不必更改。朕年登九秩。即可得六世來孫。亦當視元孫一例。豈不更為千古未有之吉祥盛事。我子子孫。孫續膺統緒。倘亦能如朕之享國綿長。舉行歸政典禮。為太上皇者。其皇子皇孫等。亦如今日朕加恩曾元輩之服物禮秩。照此永以為法。光昭奕禩。行慶徵祥。實我大清億萬斯年之

福若無太上皇之稱。則當照國家宗室舊例。不可僭越有紊成憲。用是特頒訓諭。交尚書房敬謹存記。俾我世世子孫。知所秉承。以示惇睦。而昭法守。庚午。

上御勤政殿聽政。諭軍機大臣等。楚省苗匪。現經三省大兵會剿。尚敢潛至川境。屢肆滋擾。希圖抄截後路。並牽掣大兵。奸計可恨。據孫士毅奏。陣亡鄉勇二名。照例分別給賞等語。各處鄉勇。能知大義。隨同殺賊。即與兵丁

無異。今因打仗陣亡。情殊可憫。著傳諭福康安和琳。無論川黔楚三省鄉勇。凡有因勦賊陣亡者。俱著查明。照官兵之例。一體各部賞卹。俾鄉勇等倍知感奮。於勦捕更為有益。連日以來。想福康安和琳。稍休兵力。即可前赴楚境。併力攻捕。諒此烏合苗匪。一經川黔勁兵乘勝圍攻。無難立就撲滅。又據福寧等奏。張廷仲之子張榮炳。率領親族。跟同官兵奮勇殺賊。甚為出力等語。張廷仲父子。既係真

心投誠。且能立功自効。自當加恩。冀收以苗攻苗之益。著福寧等傳旨。將張廷仲賞給六品頂戴。張榮炳賞給七品頂戴。如父子情願在營伍當差。張廷仲即以千總補用。張榮炳以把總補用。使其感戴恩施。倍加出力。而此

外苗眾聞風。歸附賊黨。更可不攻自潰。又據單沅奏。苗性貪殘。客民亦皆狡詐。其中不能安分之人。相聚日久。仇隙日生。與其事後而加之懲創。不若先事而嚴為防範。等語。所言得要。此次石柳鄧石三保吳龍登糾眾滋事。即因附近客民。平日在彼盤佔苗產。以致日久生隙。釀成叛案。此等招亂客民。不但當驅之回籍。更應查明治罪。但現值勦捕苗匪之際。尚無暇查辦。及此事定後。著福康安和琳入於善後事宜內。會同畢沅。悉心妥議。逐一清釐。毋許客民再與苗民私相往來交易。以期永斷葛藤。為綏靖苗疆之計。辛未。諭湖南苗匪滋事。該省督提等統兵打仗。未見痛

賊衆此次劉君輔等帶兵由古銅溪繞至長潭一帶兩路夾攻賊匪潰逃並派令兵弁豫備攔牌竹筏於水深流急之處乘機飛渡一鼓前進痛加殲戮克復花園辦理尚屬奮勉劉君輔著交部議敘又據奏稱官兵過河時兵丁向洪手持攔牌首先過河即飛上石卡殺賊一名擒獲礮位該兵丁奮勇可嘉著加恩超補千總所有在事出力將弁著該提督查明咨部議敘其實在出力者另行奏聞再酌量加恩以示獎勵○諭軍機大臣曰劉君輔等奏勦焚花園苗寨殺賊三百餘名看此情形劉君輔就所帶楚省兵丁尚能痛殲賊衆乘勝直追克復花園苗匪之無能已可概見福康安和琳於月杪會合連日休息兵力同至楚境諒此么麼苗匪一經川黔勁旅合併攻勦自必勢如破竹又據奏賊恐官兵在河水平淺之處涉過俱放鎗堵拒暗令奮勇官兵於水深流急之處浮水先過並撐竹

筏飛渡等語此事前據該提督奏到朕以福康安和琳在松桃秀山等處遇賊拆毀橋座俱督率官兵一面搭架木橋一面奮力前進何以劉君輔遇有溪河獨不能立時渡過今該提督暗令兵丁於水深處所浮水先過固當如此辦理使福康安等至此必早籌及設法過渡不至若是遲疑然該提督能督率官兵乘機過河即屬其功亦不加之責備惟當倍加奮勉趕緊進勦以期速解永綏之圍勿稍延緩又諭曰秦承恩奏陝西省二月分糧價清單朕詳加批閱所開各屬米麥等價有比上月較增自一二三分至一錢數分以上及二錢者當此青黃不接之時各省市集糧價隨時增長本所常有其每石增加四五分以下者為數尚屬無多祇可聽其自然若驟增至一錢以上者即屬糧價昂貴小民不無艱於糴食向來各州縣設立常平社義等倉原為因時調劑減糴酌借以便民食何未



據該撫籌議及此著傳諭秦承恩查明各該屬糧價因何增長至一錢以上並應否即將倉存穀石隨時糶借以平市價而濟民食之處一面認真妥辦據實覆奏以副朕廑念民依至意 壬申諭向來各省重運漕船如渡江過淮過黃以及過濟寧臨清抵通日期俱令戶部倉場各該督撫將行走遲早之處與上年比較覈算具奏本年據戶部倉場江南江西等省各撫奏到漕船渡江渡黃日期連閏計算俱比上年較遲二十餘日及十餘日不等即如本日王德泰南糧首幫上年係正月二十四日入境二月二十三日出境本年係二月十八日入境閏二月十四日出境計算該幫在該省本境行走雖比上年較早三日若以入境日期計算則已比上年較遲二十餘日漕船行走沿途自應加緊催趲俾各依限抵通不致遲誤本年因係閏二月節氣較遲所有漕船渡江渡黃以及抵通日期准

其展限半月計算比較外如遇無閏年分仍照舊與無閏之年比較不得再以有閏之年牽混計算以致影射遲延也 諭軍機大臣等據福康安等奏即日攻得土空相機進剿或擄黃瓜寨賊巢或援永綏圍城總期計出萬全等語所想亦是福康安等但當視賊屯聚最多之處先行併力進攻黃瓜寨為石三保藏匿巢穴前據福康安奏訊之孥獲活賊供稱石柳鄧亦已過河與石三保勾合聚在一處福康安等若能攻得黃瓜寨擒獲石柳鄧石三保渠魁既得餘賊自同瓦解又據福康安等奏傳旨將各兵丁等賞給一月錢糧看其感戴情形萬分踴躍等語該兵丁等因賞給一月錢糧此次奪卡過河感激奮興爭先出力是用兵之道不可不加之鼓勵茲發去花翎藍翎各二十枝著傳諭福康安等此後各將弁兵丁內如有打仗殺賊實在勇往者或應拔補陞等換給頂戴或應賞戴花翎

藍翎卽一面奏聞一面先行賞給俾伊等知一經出力即可仰荷恩施自必益加感奮於勦捕尤為有益○癸酉旌表守正捐軀直隸開州民李二妻李氏薊州民劉榮妻謝氏廣東三水縣民麥可仁妻謝氏陝西洛川縣民屈自興妻雷氏甲戌諭曰管幹貞奏江廣漕船挽入瓜州一摺內夾片稱向例漕船抵關隨到隨放自淮關監督到任留查獨嚴停幫甚衆等語漕船行走俱有定限沿途自應趨緊前進庶可及早抵通今重運過淮時守候多日以致層層停壓在盛住之意不過專為多得稅課起見但漕船正當催趨緊要之時豈可過於留難致稽時日况京城百貨全賴漕艘攜帶前來以資販售而旗丁等生計微薄亦藉以稍霑餘潤若不能如期而到不特漕船有誤回空且貨物缺少市價必致騰貴旗丁等亦倍形拮据既非所以便民卹丁而關口過嚴商販亦必聞風裹足轉致徵收

短少盛住前在浙江藩司任內緣事革職復經加恩錄用今於監督事務又復過於嚴刻實難辭咎著卽解任來京交部嚴加議處其淮關監督著劉樸調補並著將織造事務交與蘇凌阿兼署卽馳赴淮關新任所有江寧織造著佛保去至管幹貞如果查明盛住在監督任內實有留難苛刻等情事自應據實叅奏乃並未指名劾叅僅親書夾片含糊聲敘殊屬非是管幹貞亦著傳旨申飭本年漕船行走已遲漕督惟當實力催趨以符定限毋任再有遲緩致干咎戾乙亥諭軍機大臣曰阿精阿奏改撥軍需銀兩一摺已於摺內批示至劉之協一犯節次諭令該撫實力查拏何以至今尚無信息劉之協係邪教要犯何得任其遠颺漏網日久無獲耶又據奏各屬得雨情形其省城及鄭州密縣等屬俱得雨三四寸尚為有益至陳留杞縣等處僅得雨二寸現當麥苗長發之時正藉膏澤滋

培得此二寸之雨。恐不足以資濡潤。著該撫詳加察看。該處是否尚在望澤。及應否酌量平糶以濟民食之處。即行據實覆奏。以副朕廑念民依至意。戶部議准。大學士署四川總督孫士毅奏稱。天全州茶樹繁盛。額引仍屬不敷。據該商等請增茶引八百餘張。以乾隆五十九年為始。配運打箭鑪原岸售銷。共徵收稅課銀四百餘兩。從之。丙子。諭軍機大臣曰。石上進楊鼎元均係石興保供出。為逆苗脅從者。伊二人如果誠心歸順。何以不早為投出。直至此時始行具稟乞命。自係聞知福康安和琳在川黔兩路。連次將賊苗痛加剿殺。賊勢潰散。是以畏懼乞降。豫為站腳地步。即所稱各寨苗人正在商量起程。猝遇逆苗。以石上進等率先投誠。糾合攻打軌者寨之語。亦未可信。石上進係該寨頭人。該處寨落甚多。何以逆苗糾人攻打。即至不能抵禦。被其焚燒。且所居苗寨既被攻燬。石上進

等又何以能率領子姪盡行逃出。著福康安和琳確切查明。勿任支飾。如石上進等從前祇被脅迫。今投出後。實能奮勇殺賊。自効而其寨復被賊燒。亦為可憫。即照張廷父子之例。酌量賞給六品頂戴。以示鼓勵。俾其益加感奮。丁丑。諭曰。雅德等奏護解遣犯兵役縱犯自縊一案。將管押不嚴。又捏報病故之解兵及州役。問擬發遣。察哈爾為奴。其並未詳加驗看。輒據兵役所稟。率行具報病故之外。委于光明。審無捏飾情弊。即行革責。均應照所擬辦理。至安西州解票原填解役蕭自伏馬成江二名。而馬成江並未一同管解。訊係虛填。姓名實屬疎玩。著勒保查出。倉差不慎之各員。交部議處。以示懲儆。○豁福建船戶金啟瑞等配載運倉在洋遭風漂沒穀二百四十石有奇。○旌表守正捐軀直隸安平縣民崔善學妻閻氏。○戊寅。諭軍機大臣等。據玉德覆奏。惠民縣民閻鎬等挾讐謀殺

閩錫夫婦燒屍滅跡一案經該撫率同司道等訊係閩鍵之婿李朝宗醉後吐露伊妻母見閩鍵等於閩錫家被火時面塗錫煤從牆扒下禁勿聲張並據閩錫之子認明鐵銚係閩鍵家之物等語是閩錫夫婦顯係被閩鍵等兇殺無疑應即按律定擬所有原檢及承審各員俱有應得處分俟原審知縣王修齡解到後再行質訊明確一併照例分別叅處其有應行開缺者即行咨部開缺又諭曰

哈當阿等奏緝獲鳳山縣結會滋事逸匪並附和聽糾各犯審明辦理二摺已批該部知道矣臺灣自林爽文滋事大加懲創之後乃為時未久匪徒等復敢結會滋事拒捕傷人實屬目無法紀自不得不從重辦理以儆兇頑而靖海疆哈當阿等將拏獲之許凜等七犯並李聰明陳益等十七犯於審明後即分別凌遲斬梟所辦甚是未獲逸犯仍著嚴飭地方文武上緊購緝務獲毋任漏網稽誅至

兵丁柯成章因捕犯被殺即照陣亡例咨部議卹受傷之兵丁鄭士成亦當從優賞賚所有稟報之義民首貢生李登元竟賞以七品頂戴以示獎勵○己卯諭曰蔣兆奎奏署寧鄉縣知縣經歷張政因杖責節次滋訟交保管束潛逃出境之已革生員郭焜傷潰身死請將張政革職等語革生郭焜屢次犯案滋訟斥革枷責交保管束私自外出拏回訊問復又頂撞不服經該署令杖責二十五板

因傷殞命郭焜本係有罪之人該撫又訊明該署令並無挾嫌故勘行杖人等亦無非法決打情事與濫刑斃命者尚屬有間張政著革職從寬留任書役人等亦毋庸革役治罪大學士公管雲貴總督福康安四川總督和琳奏臣等進攻土空奪據得拉大山木棚苗匪蜂擁前來官兵從山梁壓下往來衝擊各寨應援賊匪復經額勒登保等分投截殺乘勝直抵牛心山及野牛塘暫剗旋據花連

布攻克梁冒寨且戰且前望見永綏廳城臣等即從葫蘆坪一帶勦殺沿途賊匪分路繼至城內都司吳開泰經歷黃沛訓導李烜即帶官兵及紳士難民出城迎見大兵聲淚俱下當經遍加撫慰並按照兵民戶口散給糧石仍帶兵至巴茅汎一帶相機進勦諭曰據福康安和琳奏痛勦土空一帶各寨苗匪並迅解永綏圍城實堪嘉尚福康安和琳著交部議敘所有隨同打仗出力官兵等著福康安等查明一併咨部議敘永綏被圍日久糧餉幾絕都司吳開泰等多方鼓勵兵民晝夜竭力固守得保無虞洵屬可嘉可憫吳開泰著加恩以參將陞補賞戴花翎千總葛世鳳著以守備補用其經歷黃沛訓導李烜著賞給五品頂戴事竣後再行送部引見另降諭旨至永綏城難民等被困日久幫同守城殊堪憐憫著查明該難民等應納銀糧俱加恩寬免三年其並無田產專以貿易為生者著

福康安等查明酌量賞給銀兩用示體卹所有在事出力守城兵丁紳士鄉勇人等仍著福康安等查明具奏另行獎賞鼓勵又據畢沅奏籌辦糧儲軍火等摺辦理妥協諸凡留心亦屬可嘉著加恩賞戴花翎以示獎勵○諭軍機大臣曰福康安等統率大兵攻克土空打仗殺賊幾至三晝夜將弁兵丁人人奮勇爭先且派令花連布等帶兵分往永綏將八十餘日圍城立時解散實屬出力可嘉已明降諭旨將福康安和琳交部議敘其守城官員亦一併加恩矣著再賞給福康安和琳大荷包各一對小荷包各四個孫士毅畢沅觀成馮光熊或留防後路或督辦軍需均為妥協額勒登保屢次帶兵分路勦賊德楞泰在鎮單後路往來查察亦著賞給大小荷包其總兵花連布及由京派往之巴圖魯侍衛章京綸布春等二十三員並帶領降番之穆塔爾朗爾結二人俱各賞大荷包一對以示

嘉獎福康安等惟當倍加努力奮勇進攻速將首惡石柳鄧石三保吳隴登三人設法擒獲速成大功懋膺嘉賞至福康安等統率川黔勁兵所向克捷賊匪經此番殲戮早已望風膽落而首惡石柳鄧石三保吳隴登自知罪大惡極尤必心懷畏懼希圖竄逸秀山後路平塊邑梅一帶有孫士毅觀成及總兵袁國瓚等防守其硐口炮木山一帶又派總兵田永桐等帶兵駐劄層層攔禦本日據孫士毅等奏近日以來賊人不敢前來撲卡是川省防堵綦嚴賊匪自不至再行竄入惟松桃後路雖有彭廷棟在正大駐守馮光熊在銅仁駐守福康安等又派副將那丹珠帶兵梭織巡查但福康安等前此攻克大塘寨時石柳鄧即潛行渡河先往黃瓜寨與石三保一處藏匿茲大兵合併在楚攻勦安知石柳鄧石三保等不又潛從山僻小路繞赴黔省希冀牽制官兵並欲乘間免脫不可不慮福康

安等務當探明石柳鄧石三保吳隴登是否現在黃瓜寨抑在鴨保寨將由楚入黔要隘多派員弁帶兵堵禦設法圍攻速擒首惡並知會彭廷棟嚴飭那丹珠一體加意巡查勿任石柳鄧等復竄至黔省正大嗅腦松桃等處勾結滋擾逃匿稽誅此為最要禮部以會試中額請得旨這會試滿洲蒙古取中三名漢軍取中一名直隸取中十二名奉天取中一名山東取中十名山西取中二名河南取中六名陝西取中三名江蘇取中十三名安徽取中八名浙江取中十二名江西取中十三名湖北取中四名湖南取中四名福建取中五名廣東取中六名廣西取中二名四川取中四名貴州取中三名雲南取中二名庚辰大學士公管雲貴總督福康安奏臣由金川帶兵以後凡征勦石峯堡臺灣廓爾喀等處皆賴聖明指授藉著微勞爵秩之隆已超傳列茲因勦辦逆苗復蒙賞戴三眼花

銅臣父傳恒曾經恩眷賞戴未敢祇領臣謹援例懇辭倘未蒙允准仍行敬謹收貯不敢戴用得旨汝此數次功勞實過汝父朕若不格外加恩乃是有私何以為國家鼓勵眾世臣不可辭該部知道○予故喀爾喀輔國公車登達什致祭如例○是月浙江巡撫覺羅吉慶奏浙江沿海各島五百六十一處除本無居民之四百十四島現無建屋居民其向有民人之蛇盤深灣及大小門山等各戶內陸續遷回內地者男婦五十餘名口至鎮海縣之上下梅山凡因農期移住者均令於種作事畢即回內地各島居民現有減無增仍飭各鎮道等於出洋會哨時留心稽查得旨以實為之母虛應故事○雲南巡撫姚綬奏現准福康安咨臣暫留貴州省城俟軍務竣再赴滇南但貴州巡撫關防業經齎赴銅仁交馮光熊接收其省局籌餉提案及地方題咨各項請暫用藩司印得旨知道了又奏

松桃等處現須分設營卡除碾運軍米已飭交銅仁收貯不致遲誤至火藥鉛彈勢須由各標營撥解但上游各營距銅仁較遠應令陸續解交省局暫貯並移知馮光熊酌量調撥即行配製趕運又批好一切勉為之

大清高宗法天隆運至誠先覺體元立極敷文奮武孝慈神聖純皇帝實錄卷之一千四百七十五

大清高宗法天隆運至誠先覺體元立極敷文奮武孝慈神聖純皇帝實錄卷之一千四百七十六

監修總裁官經筵講官太子太傅文淵閣大學士文淵閣領閣事領侍衛內大臣稽察奏奉 上諭事務處管理 吏部理藩院事務是實錄滿洲都統世襲騎都尉軍功加七級隨帶加二級軍功紀錄一次臣慶桂 總裁官經筵講官太子太傅文華殿大學士文淵閣領閣事稽察奏奉 上諭事務處管理刑部戶部三庫事務 世襲騎都尉軍功加十九級隨帶加二級又加二級軍功內大臣戶部尚書鑲黃旗滿洲都統軍功紀錄五次 承常紀錄十四次臣陸隄燾經筵講官太子少保工部尚書紀錄六次臣曾振鏞等奉

較修

乾隆六十年乙卯夏四月辛巳朔享

太廟遣順承郡王倫柱恭代行禮○內閣翰林院帶領癸丑科散館修撰編修庶吉士引見得旨此次翰林散館之修撰潘世恩編修陳希曾業經授職其漢書二甲之庶吉士葉紹榦吳雲王麟書周系英李師舒英和李宗瀚俱著授為編修清書三甲之庶吉士魏元煜漢書三甲之庶吉士何學林謝淑元朱桓俱著授為檢討陳雲張燾譚光祥黃洽甘家斌俱著以部屬用○免山西代州五臺繁峙三

州縣乾隆五十九年水災額賦○壬午直隸總督梁肯堂疏報乾隆五十九年東莞香河宛平順義懷柔三河武清寶坻天津宣化十縣共墾地二百十六頃二十畝有奇○癸未上詣

大高殿行禮○還宮○諭湖南乾州營遊擊陳綸因勦賊受傷昏暈復甦尚為出力著賞戴花翎並賞銀一百兩仍令由驛速赴軍營交與福康安和琳以叅將題補伊子武生陳恩錫隨同打仗傷故著交部照陣亡之例議卹其搶救陳綸之兵丁吳大名等七名並著交與福康安等酌賞銀兩以示獎勵○是日起上以常雩祀

天於

圜丘齋戒三日○甲申諭軍機大臣曰姜晟奏自鎮寧回至辰州沿途察看苗匪業已斂跡居民寧靜惟被難貧民所在皆有瀘溪城外聚集尤多等語此等難民被賊焚掠不能各



歸本業情殊可憫前已降旨將川黔楚三省逃難民人普給一月口糧著該督撫等再行賞給籽種俾得及時耕作以示格外體恤又據姜晟奏湖南省正二月分糧價閱清單內各屬糧價多與上月相同並有開罵價平者該省於本年正月間即有苗民滋擾村莊民舍多被搶掠焚燒市集糧價自應比常時增貴今所開糧價仍與上年十二月相仿並有平減者想姜晟祇係據屬員稟報率行開寫未必確實當此地方被擾之後該撫務須實心查察加意撫綏毋使一夫失所○乙酉

上誥

南郊齋宮齋宿○諭朕於五月初六日啓鑒巡幸熱河著怡親王儀郡王大學士公阿桂尚書慶桂留京辦事所有吏兵二部應行引見官員文職知縣以上武職守備以上每月該部堂官一員輪流帶赴熱河引見其文員內佐雜等官武員內八旗護軍校驍騎校及外

省送到補放之驍騎校水手並年滿千總等官弁仍著王大臣照例驗放○諭軍機大臣曰福康安和琳奏連日分兵攻克苗寨打仗殺賊情形一摺所辦實屬可嘉楚省苗匪經官兵連次勦殺之後勢已漸就窮蹙福康安等督率官兵直搗巢穴若賊匪交集一處併力抵禦正可聚族殲擒必須將首惡三犯按名生致盡法處治以儆頑梗而快人心現在官兵屢經克捷聲威壯盛諒此么麼賊匪計窮力竭不過潛思逃竄黔省係其起事之處銅仁一帶苗匪雖前經福康安屢次勦殺其黨與自必尚多今見官兵勢大力不能支自必仍竄至黔省後路復行煽誘希圖牽掣官兵阻梗糧餉為苟延殘喘之計朕再四思維實深厪念黔省正大噢腦松桃等處雖有彭廷棟那丹珠等在彼防堵福康安等務須飭令該提督等於山僻要隘處所加意巡查嚴行堵截勿任首逆乘間竄入復有勾結以期

迅速集事。至永綏地方苗寨甚多。為賊全力所注。現在仍敢潛出窺伺。究宜悉數殲除。為是應令劉君輔等。趁此屢勝兵威。相機剿殺。此亦牽綴賊衆之一法。福康安等祇須將賊匪屯聚巢穴。剋期攻破。則此等黨與亦自必紛紛潰散也。○丙戌。常雩。祀

天於

園丘

上親詣行禮。○辛酉。明園。○丁亥。諭據岳謙奏

兩浙商人因湖南苗匪滋事。呈請捐輸銀六十萬兩。添備賞需等語。浙江商力本不如兩淮之充裕。現在楚省軍務連次克捷。大功即日可成。軍需等項已屬寬裕。該商等所請捐輸之處。竟可不必以示體恤。○陝甘總督勒保疏報乾隆五十九年伏羌寧夏二縣首墾旱沙地二十三畝有奇。○戊子。諭曰。鄂輝所犯之罪。非俘習澤可比。從前又在軍營打仗得傷。著加恩賞給鄂輝員外郎職銜。補授熱

河總管。○己丑。諭據知貢舉鐵保。方維甸奏本年會試舉子內。有自九十歲以下。七十歲以上者。俱三場完竣。未經中式等語。此次各省舉子年老應試者。多至一百二十餘人。龐眉皓首。踴躍觀光。洵為壽世庥祥。其九十以上之趙象觀。業經賞給大理寺寺丞銜。著賞給國子監司業銜。周經郝振甲。李平格。曾世榮。一體賞給國子監司業銜。八十以上之楊士元。姜价。王志遠。蔡綬。前均經賞給國子監

學正銜。著賞給翰林院檢討銜。駱存智。朱楷。魏伯營。潘東曜。卞廷榮。黃本泰。保學。瀨邱維新。鄭緒泰。饒梁材。孫紹聞。趙履泰。呂明洪。衍劉夢卜。陳邁。王勳輝。王殿英。王雨蒼。張雲鶴。楊晏。張鈞。艾爾雷。常立。宗其倬。萬錦。鄒學洙。劉嘉謀。歐陽峴。熊定飛。楊化雨。楊梁材。劉大知。馬品。陳念中。唐汀。益李步青。李芳榮。胡萃英。蕭士光。王應徵。況紹中。周維新。胡鍾。單士拔。黃士商。譚正。品蔡翔。董簡。吳崙。楊遜。志曹

允柱楊乃依郭思名蘇發崑魏懋徵魏正芝  
謝成瑚李升穀王灝張仁榮趙之雋劉果行  
盧麟祥劉果昌唐昌文梁燦章吳人瑞張孔  
訓賴標王琇琪溫大鶴盛廷謨張大維張掄  
升薄文龍張鑣黃元贊向洙蔣子定張白安  
容瑛錢萬選俱著賞給翰林院檢討銜七十  
以上之王世錦謝煦徐思禹張世祥鄧劍基  
澧張瑞兆程典王復進陳覽程梓楊鳳池郭  
岱李枝桂劉鍵魁張國銘辛鍾鳳王緒汪錫  
蘇甫劉璧飛康毓麟傅紹曾晁合宜郝騰龍  
俱著賞給國子監學正銜楊士元駱存智王  
世錦徐思禹係現任訓導謝煦係現任教諭  
俱著以加銜留任其凡九十以上者再各加  
賞緞三四八十以上者各加賞緞二匹七十  
以上者各加賞緞一匹以示朕嘉惠耆年壽  
世作人至意○諭軍機大臣等戶部議覆許  
墅關徵收稅課短少盈餘銀兩請著落照數  
賠補一摺從前該關經奇豐額署任兩月按

日比較有盈無絀而五德接徵後上年奏報  
即短至三萬九千餘兩曾加恩止令賠銀二  
萬兩餘俱寬免並嚴飭該監督實心妥辦毋  
得仍前虧短乃此次所短之數至九萬八千  
餘兩較之上年虧短幾及兩倍即謂上年直  
隸山東河南等省間被水災川廣米貨多赴  
各該省售賣到蘇較少豫東二省豆船赴蘇  
省者亦稀然從前此五省亦間有偶歉之年  
該關盈餘銀數亦不至虧短如此之多五德  
未放織造時即常患病後因一時乏人又看  
其病已就愈是以令伊前往近聞其自抵任  
以後時常患病且於眷屬長隨不能約束此  
次關稅盈餘短絀甚多非該督辦理不善即  
係長隨等串同胥役致有侵蝕情弊蘇凌阿  
上年查辦福英九江關稅課虧短一事尚屬  
認真著傳諭蘇凌阿即速親赴許墅關嚴查  
密訪據實具奏勿得稍存迴護致負委任至  
奇豐額與五德近在同城且曾經署印許墅

關稅務情弊。豈得諉為不知。自係因同屬包衣之人。不無瓜葛。心存袒庇。現有旨令奇豐額暫署織造監督事務。著該撫將五德任內虧缺情弊。據實查奏。奇豐額前署兩淮鹽政。於巴寧阿與商人交結。聯宗一案。經朕降旨詢問。並不據實查奏。本應與董椿一律治罪。朕以其究係巡撫。曲加寬貸。已屬格外施恩。若此次仍不據實查辦。稍有瞻徇。必當加倍治罪。恐不能如董椿之從輕褫革也。將此各諭令知之。○又諭曰。長麟等奏。廣東商民陳裕來等出洋遭風。漂至安南。經該國王照料。資送由諒山鎮進關等語。安南國王阮光纘自襲封以來。甚為恭順。今因內地商民遭風被難。即飭照料。資送來關。尤為小心敬慎。殊屬可嘉。著賞給錦緞四匹。以彰優眷。該督等所擬照會。現今軍機大臣改定。著即照繕。一併發往。祇領將此各諭令知之。○又諭步軍統領衙門。奏陝西富平縣民人雷增科呈控。

本縣知縣匿災不報。又將五十九年應免錢糧差押催追。並於本年燈節。派令每里出銀五十兩。雇人裝扮。擡歌傀儡等情。俱有指證。一摺。據稱。檢查該撫秦承恩原奏。其富平一縣。於五十九年間。止係零星被有蟲傷。無礙收成。該縣錢糧。本不在豁免之內。例應催徵。等語。是雷增科所控。該令匿災重徵一節。或係架詞。聳聽。亦未可定。惟據供。該令於燈節時。有按里派銀。扮演戲劇之事。不特有玷官方。抑且派累擾民。如果其事屬實。不可不秉公查辦。嚴叅示懲。勒保雖係該省總督。但駐劄甘肅。距陝較遠。於查辦陝省事件。自無所用。其迴護著傳諭勒保。接奉此旨後。即親赴富平地方。將該令實在有無派銀演戲及重徵科斂之事。提同人證。秉公查究。如審訊得實。即將該令一面拏問。一面奏聞。庶足以肅吏治。而懲派累。該督不得以身係總督。瞻顧處分。或迴護秦承恩及袒護屬員。致負委任。

方為妥善○庚寅諭曰福康安和琳奏稱查明節次打仗著有勞績之侍衛章京漢屯將備員弁兵丁遵旨開具名單進呈等語此次勦捕苗匪經福康安和琳等會合統兵至楚廓清後路以來所有侍衛章京漢屯將備員弁兵丁等俱各奮勇爭先不辭勞瘁著加恩將乾清門三等侍衛巴圖魯綸布春二等侍衛巴圖魯阿哈保三等侍衛巴圖魯多隆武達爾精阿藍翎侍衛伍福納等俱著加陞一等護軍校豐紳著以三等侍衛陞用其三等侍衛巴蘭賞給瑪尚阿巴圖魯名號富蘭賞給寧鈕巴圖魯名號叅將扎爾杭阿賞給噶勒珠巴圖魯名號都司施縉賞給毅勇巴圖魯名號都司陳紹先賞給健勇巴圖魯名號守備楊遇春賞給勁勇巴圖魯名號下孟董屯守備加都司銜絨塔爾賞給擦博巴圖魯名號乾堡屯把總行營都司坤明賞給丹巴巴圖魯名號河西行營都司策旺賞給羅盤

巴圖魯名號漢牛行營千總納朗賞給德博巴圖魯名號仍照例各賞銀一百兩遊擊王柱那麟泰廖輝李芝榮都司馬元德趙得功等俱著賞戴花翎遊擊蒲益章著賞換花翎千總應元寬楊森著加守備銜賞換花翎守備梁時豐葉攀鳳沈文同千總張成陳時昌劉奉崔大成石昂臣母之恭張廷楷安如桐蒲尚佐把總馬萬年楊勝傑外委羅君彩武舉馬兵高萬春武生馬兵舒開彪等俱著賞戴藍翎以示鼓勵至此次攻打滾牛坡時賊眾捨死抗拒經官兵奮力勦殺殲戮甚眾所有帶兵出力各將弁著福康安等查明咨部議叙漢土屯兵丁等著再加恩賞給一月鹽菜口糧其遊擊永舒都司班第屯千總巴圖魯雍忠伊沙斯等殺賊陣亡殊屬可憫俱著照原銜加一等議卹至陣亡之千把等七名著福康安等查明咨部亦加一等議卹其餘傷亡弁兵亦著查明咨部賞卹○諭軍機大

臣曰福康安等奏緬甸南掌遣使祝釐請由川陝一路進京等語所辦好。現在辰沅一帶辦理軍務所有該二國貢使自應改由川陝一路行走俾沿途仰觀天朝富庶以副其嚮化之誠。惟摺內稱派員護送起程於七月下浣抵京等語。今年八月萬壽朕仍駐蹕熱河蒙古王公等於七月二十左右齊集山莊著傳諭福康安等即傳飭護送之員並飛咨沿途妥為照料令該貢使等於七月望之前後趕赴熱河以便與蒙古王公等錫宴觀劇庶邊陲遠使更足遂其瞻就之忱。○又諭曰玉德奏清平縣原估土城改建磚工一摺聲敘殊不明晰該處土性如果全係帶沙不能堅實從前舊有城垣如何建築今欲改用磚工若即將其地帶沙之土燒磚仍必鬆脆不能得用若從遠處另取堅實之土燒成再行運至工所豈不較取之遠處者更費工價運腳是不通工作之言也著傳諭該撫將以上指

出情節詳細據實覆奏到日再降諭旨。○大學士署四川總督孫士毅奏難民王合倫至平塊營投順當經賞給銀牌誘使立功王合倫將楚匪大頭目龍長固設法誘降訊據該犯供稱首逆吳老巖率領手下苗匪入寨燒搶殺死伊母脅令順從授為大頭目把守河口復調至黃爪寨豫備抗拒官兵情罪重大但該犯曾親至黃爪寨見過吳老巖石三保等將來有須該犯質證之處因將該犯監禁調任兩江總督福寧奏永綏圍城已解防禦更宜嚴密現飭副將慶溥等嚴守要隘處所諭軍機大臣曰龍長固係屬苗民乃順從苗匪抗拒官兵情殊可惡孫士毅因將來有需該犯質證之處將該犯嚴密監禁此等匪犯此時自不便辦理致阻效順之心但俟事定後務須從嚴究辦以淨萌蘖又楚民王合倫能將苗匪頭目設法誘致頗為出力著即照良苗石老三等之例賞給六品職銜以示鼓勵

勵又據福寧奏永綏圍解一摺殊不知恥福康安和琳一抵楚境即能連次克捷復將永綏賊匪剿殺福寧在彼日久株守空城毫無展布今尚靦顏為此奏耶惟所稱乾州保靖均有投誠苗人固不可阻其向化之心亦不可遽為輕視現飭鎮將等陽示羈縻陰為防範等語所慮尚是現在福康安和琳已於永綏乘勝進剿直搗賊巢聲威壯盛福寧惟當奮力自効併力夾攻將首惡等幫同拏獲稍

贖前愆勿再仍前一籌莫展致干重咎○旌表守正捐軀福建候補官縣民鄭學書妻應民○辛卯諭向來南糧餘米俱准在通州變賣以資食用今南糧既已抵通旗丁於交足正供之外所有多餘米石願出售者仍著加恩准其就近於通州糶賣在旗丁等既所樂從於郊畿市價民食亦有裨益該部即遵諭行○又諭曰伊轍布著來京候旨所有福建布政使員缺著田鳳儀調補田鳳儀接奉此旨

即著馳驛速赴新任○又諭昨據伍拉納哈當阿等奏臺灣賊匪陳周全等糾眾滋事已有旨令該提督等速往查拏茲又據伍拉納等奏該處漳泉廣東各村莊俱起義民賊匪多被搶獲餘黨紛紛竄散陳周全等三月十五日攻擾民莊有義民首楊仲舍許暢舍施邁舍金鋪觀等招集義民二千餘名假意投入賊夥與賊飲酒出其不意殺死賊匪百餘人將賊首陳周全拏獲裝入木籠等語覽奏

欣悅臺灣自林爽文滋事之後大加懲創乃為時未久陳周全等復敢聚眾戕官不法已極實屬罪不容誅該處義民幫同殺賊而義民首楊仲舍等能招集多人誘獲賊首實屬可嘉之至除楊仲舍等四人交伍拉納等查明照從前義民黃莫那郭廷筠等之例超擢官職優加賞賚俟事定後送部引見外所有義民首及義民等查明廣東是何村莊福建是何村莊將本年應納錢糧均著該督撫詳

查分晰住址概予寬免。以示朕嘉惠善良。恩施逾格至意。○諭軍機大臣等。據浦霖奏。閩省米價昂貴。委知府石永福。同知舒慶雲等。分赴浙江。江西二省。各採買米十萬石。所需價腳。即於該二省藩庫。就近借支。發給解還。歸款等語。閩省漳泉一帶。因上年被水。今歲春收。又未能一律豐稔。米價騰貴。小民覓食維艱。朕心深為軫念。雖業據浦霖委員分赴隣封採買。誠恐耽延時日。緩不濟急。著傳諭

吉慶陳淮。先期遴選妥員。一俟閩省委員到日。即速幫同分赴米賤地方。按照市集時價。如數買足。剋期運往。以濟閩省民食。毋得稍分畛域。至此項米石。若由陸路運往。中隔大嶺。山路崎嶇。所費不貲。如由海道運往。較為捷速。但有無格礙難行之處。並令吉慶陳淮。各就地方實在情形。定議具奏。○又諭曰。魁倫奏閩省各州縣倉儲多非實貯一摺。該處米價昂貴。倉穀虧短。雖不能及早上聞。但此

時據實直陳。尚屬可原。該省究竟何處虧短若干。如何設法彌補。著即詳悉據實具奏。不可周旋督撫。含糊混過。將此傳諭知之。○又諭據魁倫奏。閩省各州縣倉儲多非實貯等語。業經降旨。令伊轍布來京候旨。其福建布政使員缺。已令田鳳儀調補矣。各省倉儲俱係實貯。豈容絲毫虧短。乃閩省各州縣倉儲多非實貯。因何該督撫等並不奏聞。此事關係不小。不可不徹底查辦。業已降旨。令魁倫

查明奏奏外。並傳諭田鳳儀接奉此旨。即起程馳驛前赴閩省。隨同魁倫將該省各處倉儲何處虧缺若干。是否係州縣任意侵挪舞弊。抑或上司通同弊混之處。逐一查明據實聯銜具奏。該司向來辦事結實。是以特行簡調。伊係新任。無所用其迴護。務當認真查辦。以副委任。○旌表守正捐軀湖南湘潭縣民張某妻馬氏。○壬辰。諭本日召見總兵穆爾松阿。觀其人糊塗。清語平常。應對遲鈍。且歷



任以來並未著有勞績不勝專閫之任著在頭等侍衛上行走所有閩粵南澳鎮總兵調補遺缺著富森布補授○改直隸大名縣縣丞分防漳河並請改鑄關防從總督梁肯堂請也○以故誠郡王弘暢子永珠照例襲封貝勒○癸巳

上幸靜宜園駐蹕至乙未皆如之○諭朕辦理庶務往往

天膺朕衷幾先洞燭本年會試榜發第一名王以銓係浙江人二名王以銓亦係浙江人朕披閱之下以各直省應試舉子不下數千人豈無真才足拔王以銓王以銓同籍聯名儼然兄弟恰居前列殊覺可疑茲據欽派大臣將覆試各卷分別等第進呈第二名王以銓覆試列在二等第四高下尚不相懸其王以銓竟列在三等七十一名朕親加披閱疵類甚多派出大臣校閱甚為公當且據磨勘大臣奏稱王以銓會試中式之卷第二藝參也

魯比內用一日萬幾一夜四事等字樣於先賢身分尤為引用不切似此膚泛失當之卷何以拔置第一且所擬策題純繆處甚多該考官等於掄才大典漫不經心殊非慎重衡文之道竇光鼐人本拘迂不曉事體朕夙聞其於時藝一道尚能留心講習是以派為正考官不意其糊塗錯謬一至於此且初九日主考出闈復命召見時竇光鼐不特奏對不明跪起兼至傾跌是其年老昏憤豈可復膺

風憲之任除副考官劉躍雲瑚圖禮及薦卷不當之同考官等即照和珅等所請交部嚴加議處餘著照所擬分別辦理外竇光鼐著即解任聽候部議所有都察院左都御史員缺著朱珪補授廣東巡撫員缺一時尚未思得其人朱珪著暫留巡撫之任其未回京以前著紀昀兼署左都御史事務俟朕簡放巡撫有人到廣東任朱珪再行來京供職○以故奉恩將軍明贊子宜貴順玉子祥璧及病

休之奉國將軍永育子綿沅各襲職○甲午諭曰吉慶奏臺灣匪徒滋事飛咨提臣及沿海各鎮多撥船隻揀派官兵在交界洋面截拏防範而成德復奏豫備滿兵千名馬二百匹聽候調撥各等語臺灣賊首業經就擒完事此等匪徒糾衆滋擾本處官兵儘數勦捕浙省相隔較遠何至慮及賊匪竄入紛紛調撥又湖南勦辦苗匪大功指日告成廣西附近楚南前已撥解火藥乃本日據長麟奏又有廣東省籌備撥濟亦未免過當外省督撫辦理地方事件非失之太過即失之不及往往意存畛域於隣省事務或竟置之不問否則過涉張皇不顧事體緩急輕重惟知一味見長更或並未籌辦徒以空言入奏即此等奏章亦不過聽之幕友胥吏率意臚陳該督撫未必細心檢點殊涉張皇嗣後各督撫等務宜加意斟酌權衡輕重固不可漫無措置亦不得過事鋪張方為允當至吉慶奏閩省

漳泉一帶米價昂貴現飭沿海各縣遇有閩商來浙採買無許居奇阻遏並將各州縣倉穀碾米十萬石雇船運往等語此事昨據浦霖奏請赴浙採買已有旨令吉慶等幫同辦理茲該撫尚未接奉諭旨即豫先籌備所辦尚是惟當督飭所屬迅速運往以濟民食方為妥善○舉行乾隆六十年山西省軍政卓異官三員年老官二員有疾官一員罷軟官一員才力不及官一員分別議敘處分如例

乙未諭前交各省大臣等將民欠各項銀兩查明奏到時經朕概行寬免茲據舒亮查奏自五十四年起至五十九年因災支借齊齊哈爾打牲旗下兵丁黑龍江打牲官莊丁驛夫等尚未繳完穀七萬二千三百餘石銀十萬四千六百九十餘兩等語著加恩概行寬免以示朕體恤旗下世僕至意

大清高宗法天隆運至誠先覺體元立極敷文  
奮武孝慈神聖純皇帝實錄之一千四百七十六

實錄卷之七十六

五

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百七十七

監修總裁官經筵講官太子太傅文淵閣大學士文淵閣領事領侍衛內大臣傅察欽奉 上諭書院管理  
吏部理藩院事務正黃旗滿洲都統世襲騎都尉軍功加七級隨帶加一級原常加二級軍功紀錄五次  
總纂官經筵講官太子太傅文華殿大學士文淵閣領事稽察欽奉 上諭書院管理刑部戶部工部事務  
世襲騎都尉軍功加十九級隨帶加二級又加二級軍功紀錄五次戶部尚書鑲黃旗滿洲都統軍功紀錄五次  
原常紀錄十四次臣德齡經筵講官太子少保工部尚書紀錄六次臣曹振鏞等奉

敕修

乾隆六十年乙卯四月丙申

上迴圓明園○以大學士和珅王杰吏部尚書

劉墉戶部尚書董誥禮部尚書紀昀吏部侍郎

郎金士松禮部侍郎鐵保工部侍郎吳省欽

為殿試讀卷官○丁酉

孝端文皇后忌辰遣官祭

昭陵○策試天下貢士王以銜等一百十四人

於保和殿前制曰朕懋膺

昊眷惟日孜孜延洪景命四事是詔八徵念協

以唐虞三代之心為心以唐虞三代之治為

治期

天心之吉祐，異民俗之協，中海隅成，賈憤之風，鄉校整操，觚之體，庶躋上理，爰布嘉謨，爾多士，尚具敬聽。民之天惟君，而大君為天之子，應天以實，不以文，庶徵協應，首重養民。漢文帝賜半租，宋仁宗免積逋一次，僅見之舉，迄致小康，我

世祖章皇帝定鼎之初，即定田賦額。

聖祖仁皇帝曾經普免田賦，漕糧各一次。

世宗憲皇帝蠲免浮糧，如蘇松二府，每年減至數十萬，朕御寓至今，免天下錢糧四次，免漕糧三次，免各款積逋，亦不下數十萬，凡以殷懷保赤敬體

天心子之於父，不敢言報。

天之於朕，申錫無疆，古之憂惑，退舍蝗不為災，雖未可盡信史冊，而善言天者，必有驗於人，其說何若？虞廷弼教，欽恤惟刑，禹刑湯刑，其書缺軼，肉刑除於何時，非刑酷於何代，刑之

屬何以共係三千法，與名何以各為一家，刑與兵何以合為一典，朕慎重民命，準之天理，人情以為明罰勅法，當慮囚之時，惟期其得實觀，縱囚之事，每哂其好名，引春秋以決事，非讀書讀律者所當留意歟。古之海防，以禦外寇，故明鄭氏海防全圖，袤延萬里，多講戍守之方，今中外大同，鹿耳鷄籠久已內屬，焚塘沙灣諸盜藪亦全就廓清，所防者莠民之出洋竊掠而已，唯是波浪迢遙，帆檣倏忽，乘隙竊發，往往難稽，論者以為稽人不如稽舟，稽舟不如稽入，稽水不如稽陸，蓋出洋行劫，賊必載還於出口，先給一票，記舟中之所有，無齎而往，有挈而來，其來歷可詰也，出產貨物各有其地，販鬻貨物各有專行，貨非生所往之地，及忽賣此貨，忽賣彼貨，恒無一定者，其來歷亦可詰也，果可行歟，不虞其滋擾歟，民風多隨乎士習，士習可驗於文章，故韓愈曰：仁義之人，其言藹如也。古法鄉舉里選，漢

尚有孝廉茂才諸名制科則偶一舉行不為定制進士科始自隋而盛於唐至宋元祐中始變詩賦為經義元延祐因之明洪武中遂定為三場之制沿用至今或謂隆慶以後不及嘉靖以前然摹擬王唐每成貌似又謂隆慶以後始機法周密天啟以後始議論崇闕然纖巧恣肆之弊又因以叢生果以孰為是歟至文以明理而或馳騁以見才或襲積以見學固為陋習一矯其弊又或枯窘而空疎使庸淺者易售又何以酌其中歟凡此者乾惕朕衷一日二日欲至於萬年於惠心乎其昭事於止辟播其祥和於戢暴致其安恬於作人觀其成化多士橋門釋褐學古入官言資先獻也毋泛毋隱朕將親覽焉○諭前因邪教案內劉之協一犯未獲節經降旨嚴緝至今並未弋獲該犯居住安徽之太和縣另因竊案關提至豫省之扶溝縣因聞查拏邪教乘間竄回本籍又復潛逃是河南安徽兩

省地方官吏疎縱要犯之罪實無可辭現當功令森嚴綱紀肅清之際即如臺灣逆匪陳光愛陳光秀陳周全陳光輝等糾眾滋擾戕吏攻城肆惡首犯尚皆按名擒獲乃劉之協以內地邪教餘犯竟至任其潛逃漏網尚復成何政體除河南安徽疎縱要犯之該管道府等俟定案後另降諭旨外所有河南安徽兩省之巡撫藩臬於劉之協未獲以前概不准其支領養廉以示懲儆庶俾激發天良各知愧奮於地方及緝捕事務認真辦理或不致再涉因循用昭小懲大戒至意○又諭臺灣奸民陳周全等糾眾滋事一案伍拉納身為總督一聞匪徒肆擾之信自應即日渡臺前赴鹿仔港一帶督率辦理據實詳查乃僅派烏蘭保帶兵前去而伍拉納竟在內地安坐並廈門亦不前往節經降旨嚴飭現在逆首陳周全陳光輝等俱經就獲其隨從餘匪亦皆陸續拏獲多名正法是該處此時撫輯

居民緝拏餘孽及地方一切應行查辦事件均關緊要本日據伍拉納奏到之摺仍在內地逗留猶不親身前往是其始終退縮尚復何顏忝膺封疆重寄伍拉納著即遵旨速赴臺灣查辦一切仍交部嚴加議處至前據哈當阿奏鹿耳門招外有船十餘隻在洋游奕似非商船形狀當即連放兩礮各船四散等語實不成話在洋游奕船隻既屬遙望何以知其確非商船即係賊船若實係商民船隻遽行用礮擊打豈不令商民無故受驚況鹿仔港一帶彼時正當匪徒滋擾之際商船被礮豈不轉疑為賊匪所擊人心益滋惶惑且果實係賊船正當誘其近岸伏兵擒捕或派兵出洋駛船追剿方為正辦乃甫經望見即用礮轟擊哈當阿之意豈止圖賊船逃散遂可置之不問耶所辦實大錯謬而駐劄彰化查辦一切又復漫無頭緒哈當阿亦著交部嚴加議處並著伍拉納於抵臺灣後遵奉諭

旨安撫商民徧行明白曉示俾知奸匪為法所不貸良善為恩所必加務令居民安堵商船通行以副朕綏靖海疆軫恤商民至意○戊戌軍機大臣議准陝甘總督勒保奏稱與安府安康縣界連川楚所管有大道河之蘇柳壩壩之東為湓河兩處係川楚民人聚集之所離縣城數百里上年楚匪在湓河地方興立邪教實因離縣寫遠稽查不到所致應於該兩處酌撥弁兵安營列汛查延綏鎮屬波羅營所管之嚮水堡向設都司一員經制外委額外外委各一員該處地居腹裏額兵僅有四十四名兩外委足資管轄請以都司移駐蘇柳壩其嚮水堡官兵歸波羅營參將管理再查漢鳳營所管之草涼驛汛向有千總一員該處墩堡聯絡並有驛丞駐劄稽查請以該汛千總移駐湓河仍在漢鳳營內另撥外委一員駐防草涼驛至蘇柳壩湓河兩處既移駐都司千總應添設外委六員兵三

百名查興漢鎮標兵除屯防外現存營兵一千九百五十八名應在該鎮營內抽撥外委六員兵三百名分駐蘇柳壩涵河兩處從之  
平定廓爾喀紀畧告成議叙纂修提調分校等官有差已亥

上還宮○御乾清宮召讀卷官入親閱定進呈八卷甲第○諭閩省近年以來吏治廢弛已極即如本日魁倫奏各海口地方盜匪仍復肆行出沒甚至五虎門近在省會而盜船即在彼停泊疊劫毫無忌憚以致商販聞風裹足皆由該督撫等平日漫無整頓所致其廢弛欺隱較富勒渾雅德為尤甚伍拉納現在前赴臺灣查拏逆黨餘匪未便遽行更易浦霖著即來京候旨所有福建巡撫員缺著姚綏調補即赴新任其姚綏未到之前著魁倫署理巡撫印務江蘭曾任藩司前在山東於曹縣盜案久未完結降補臬司實為公過念其現在隨同福康安等辦理軍務不辭勞瘁

實屬可嘉江蘭著加恩超補雲南巡撫以示嘉獎江蘭惟當倍加奮勉於銅務錢法隨同福康安認真整頓用副委任又諭此次湖南苗匪滋事最難辦理軍需一切均屬妥協著加恩賞戴花翎又諭本日黃巖鎮總兵岱德奏會同溫州等鎮出洋會哨一摺用清字繕寫所奏又不明晰向來滿洲人員擢任提鎮凡遇陳奏地方雨澤尋常事件自應用清字具奏若如海洋盜匪及會哨等事關係緊要伊等清文多屬平常如用清字繕奏轉致聲氣牽混不清嗣後各省滿洲提鎮除地方雨水收成照例事件仍用清字外其餘有關海疆及出洋會哨等事俱准其用漢字繕寫庶聲氣較可明晰不致牽混○諭軍機大臣曰福康安和琳攻克椰木陀山梁等處董率官兵冒雨前進且時值霧氣瀰漫對面不見各官兵扳岩越坎而上出其不意痛加擊殺殲賊甚多洵屬可嘉現屆天中佳節著賞

給福康安和琳節物外。並加賞福康安。和琳象牙香囊各二個。額勒登保。花連布。帶兵打仗。皆屬奮勇。亦各賞給節物一分。以示獎勵。至賊首計窮力竭。希圖乘間逃竄。不可不防。朕所慮在此。節經諭令福康安等務於黔楚各要隘嚴密堵截。今福康安等奏咨會觀成。移赴松桃。督率防守。所見與朕意相合。福康安等當倍加勉力。將賊首悉數擒獲。迅速集事。不可使其漏網。又據奏花連布。三音庫。此次帶兵打仗。雖受鎗傷。幸俱不重。此時是否傷已平復。殊為廕念。其傷亡弁兵。並著福康安等查明咨部加倍議卹。○庚子。

上御太和殿傳臚。賜一甲王以銜。莫晉。潘世璠。三人進士及第。二甲陳廷桂等十八人。進士出身。三甲高鶚等九十人。同進士出身。○辛丑。以雲南糧儲道陳孝昇為按察使。○壬寅。諭軍機大臣曰。朱珪奏到。廣東省閏二月分糧價清單。朕詳加披閱。所開各

屬米糧價值。每石有比上月較增至一二分者。當此青黃不接之時。各省市集糧價。隨時增長。本所常有。其每石增加一二分。為數尚屬無多。祇可聽其自然。但究恐小民不無艱於糴食。向來各州縣設立常平社義等倉。原為因時調劑。減糶酌借。以便民食。著傳諭朱珪查明。現在糧價增長。各該屬地方。應否即將倉存穀石。酌量平糶。以平市價。而濟民食之處。認真妥辦。據實覆奏。以副朕軫念民依至意。尋奏現據廣韶惠潮肇廉等府屬具報。開倉平糶。及紳衿捐穀。出糶社義各倉。源源相繼。糧價漸平。得旨欣慰。覽之。諒汝不為飾辭也。又諭步軍統領衙門。奏陝西安定縣民王道生呈控該縣採買擾累。及前富平縣民人控告重徵科派二案。俱著景安。張若淳馳驛前往。會同勒保。秉公查審。定擬具奏。並著於明日即行起程。不必請訓。如景安等至該省時。勒保尚未經到彼。即著先行查辦。毋



庸等候○癸卯諭據欽派大臣將覆校會試薦卷內文理較優者三卷進呈朕披閱之下詩文俱為清妥未經中式不免屈抑除正副考官等業經交部分別嚴議外所有選取之直隸舉人徐忻浙江舉人傅淦山西舉人李端俱著加恩賞給內閣中書與考取候補人員挨次補用以示朕遴拔遺才恩施寒畯至意諭軍機大臣等前王德奏請將清平縣原估土城改建磚工一摺聲敘未能明晰因降旨令其據實覆奏茲據奏稱該處土性浮鬆若照原估打築土城則另須遠運土方所需腳費及打築工價計應用銀三萬二千餘兩如改建磚城共計工料銀二萬七千餘兩不惟可期久遠亦且節省糜費現將不敷工價著落原估各員賠修等語此項城工既據該撫確切估計應行改建磚工自當如所奏辦理但各處城工務期一律堅實方可長資鞏固著傳諭該撫嚴飭各工員認真辦理毋

任草率從事倘此次工竣後未能保固則惟承修各員及該撫是問也○以詹事恭泰為內閣學士兼禮部侍郎○甲辰諭軍機大臣等本日布彥達賚自泰安進香回京詢據奏稱經過山東德州武定一帶俱覺缺雨聞地方官正在祈禱等語現當麥苗結實灌漿之時且大田正藉膏澤滋培今東省地方官雖在祈求總未據王德奏及此時正屈青黃不接市集糧價有無昂貴麥收情形若何民情是否不致拮据日內曾否得有雨澤及應否酌籌接濟之處著王德即行詳悉查明據實速奏毋得稍有諱飾以副朕軫念民依至意○又諭戶部奏徐州府蕭縣監生王恰呈控該縣知縣將已經豁免之節年民欠及河工借帑等項一概催徵一摺已照議交蘭第錫東公嚴審矣江南節年各項借欠據該署督奏到俱經加恩寬免今據王恰所控情由顯係該令有影射重徵之弊且據戶部查覈該

署督奏到請豁各款銀數與王恰呈出告示  
內所開年分數目多不相符而該令押徵催  
比又在蘇凌阿已經具奏之後種種情節所  
控必非無因普免各省節年積欠乃朕格外  
施恩惠愛窮簷至意若地方不肖官吏以已  
免之款朦混影射重徵中飽是以朕愛民之  
舉轉為劣員肥橐之私不可不徹底查辦以  
儆貪黷蘭第錫平日辦事尚屬結實且該督  
身膺河務於地方毫無干涉無所用其迴護  
著傳諭蘭第錫提集人証秉公據實根究如  
果審有重徵確據即一面將該令革職鞫問  
一面具奏此事頗有關係毋得取和稍有瞻  
顧致干咎戾○調甘肅布政使汪志伊為浙  
江布政使以甘肅按察使陸有仁為布政使  
陝西潼商道廣厚為甘肅按察使○蠲緩湖  
北漢川沔陽京山潛江天門江陵監利荊門  
八州縣武左沔陽荊州荊左荊右五衛乾隆  
五十九年水災額賦有差旌表守正捐軀

廣東龍川縣民陳亞庚妻黃氏○乙巳授一  
甲一名進士王以衡為翰林院修撰一甲二  
名莫晉一甲三名潘世璜為翰林院編修○  
命吏科給事中李蔡提督四川學政○丙午  
諭現在南糧陸續抵通一切收兌事宜攸關  
緊要僧保住才具平常恐辦理未能妥協所  
有倉場侍郎著宜興調補其刑部右侍郎即  
著僧保住調補○旌表守正捐軀江蘇宿遷  
縣民王玉客妻葛氏河南上蔡縣民呂大興  
妻王氏○丁未  
上御勤政殿聽政○內閣翰林院帶領新進士  
引見得旨新科進士一甲三名王以衡莫晉  
潘世璜業經授職外王麟沈樂善嚴榮嚴振  
先陳廷桂黃因璉陳琪喬遠炳李繼可賈允  
升王瑤臺韓鼎晉何會祥董健張鳳枝著改  
為翰林院庶吉士雷學海謝城吳邦基任煊  
吳元慶汪志林黃時沛張志緒韓文綺孫憲  
緒沈華旭王慶言孫奇峯楊毓江鄭士超趙

宜本張鵬昇羅天桂著分部學習多山高鶚  
田永年王丹楓薛玉堂湯謙趙良霸曹惠華  
胡枚李鵬徐潤第楊汝任著以內閣中書用  
完智詹堅應丹詔閻紹世刁思卓著以知縣  
即用陸開榮向曾賢周有聲著以國子監學  
正學錄用餘著歸班銓選○諭曰錢受椿現  
有應行待質之處未便令其仍赴廣西新任  
西成尼堪巴圖魯現在軍營隨同福康安等  
辦理軍務及防守地方頗為出力前曾均已  
賞戴花翎所有廣西布政使員缺著西成補  
授即行由驛馳赴新任所遺湖南按察使員  
缺著尼堪巴圖魯補授以示獎勵○又諭據  
秀琳等奏所有應賠人獲局虧缺銀兩之原  
任協領回色色卜蘇納等名下未完銀兩請  
將回色之子花沙布色卜蘇納之子富寧阿  
交部治罪追繳等語回色色卜蘇納名下此  
項未完銀兩固應將伊等之子交部治罪嚴  
行追繳然究係其父任內之事著加恩所有

回色名下未完銀二千七百四十五兩色卜  
蘇納未完銀一千六百五十兩均著寬免花  
沙布富寧阿俱著革職免其治罪永不錄用  
○諭軍機大臣等永綏後路因賊匪滋擾糧  
運致有梗塞德楞泰一接稟報即帶兵親往  
所辦差強人意川黔大兵現由榔木陀進剿  
黃瓜寨賊衆自必在彼抵死據守其分赴長  
潭之賊諒亦無多今經福寧畢沅先後派撥  
兵丁一千名前往應援德楞泰又馳往催齊  
各兵相機勦捕想永綏後路自無難廓清軍  
火兵糧即可源源前進至賊匪等因見大兵  
攻克榔木陀山梁滅亡在即故分遣黨與前  
赴花園阻截糧運希圖牽掣大兵不得專力  
搗其巢穴福康安等此時惟當合併進剿攻  
破黃瓜寨賊巢擒獲首惡其餘自必紛紛潰  
散不可因花園一帶現有賊匪阻擾糧運伊  
二人又分投往捕以致兵丁見單福康安和  
琳俱係曉事之人斷不至墮賊奸計但賊首

吳老岩石柳鄧石三保吳隴登共有四人。福康安等亦宜留心偵聽。如賊首四人。現俱在黃瓜寨。福康安和琳自仍應會合一處。倘賊首中止。留二三人。在黃瓜寨據守。其一二人。率同匪黨。在花園一帶肆擾。則福康安和琳亦宜酌分一人。前赴該處。督同勦捕。以期首逆速獲。尅期蕝功。此事總由劉君輔張廷彥安坐永綏花園。並不往來巡查。賊匪復敢潛出窺伺。伊二人又不上緊搜捕。致阻糧運。實

有應得之咎。著福康安等詳查。劉君輔張廷彥果有觀望遷延情事。當據實嚴參。不可稍為回護。至賊匪將降順苗寨焚燒搶劫。實為罪大惡極。將來事竣後。必當從重嚴辦。其降順各苗。尤宜妥為安撫。伊等畏法歸順。轉致被賊焚搶。不可使之流離失所。阻其向化之心。將此傳諭知之。○又諭曰。長麟朱珪奏。拏獲海洋盜犯。審明正法一摺。內稱督臣長麟現赴粵西巡閱營伍。朱珪督同司道提犯嚴

訊等語。是此案係朱珪專辦。而摺首又與長麟同列銜名。此等洋海盜犯。決不待時。若因督臣公出。往返會銜。既不免有稽時日。如並未札會。而祇於摺內同列銜名具奏。又何必多此虛文。殊屬無謂。嗣後遇有此等海洋盜案。如總督公出。該撫於審明辦理後。祇須單銜具奏。以免稽延。而歸覈實。將此傳諭朱珪。並令沿海各督撫知之。○以太僕寺卿施朝幹為太常寺卿。○戊申。

上詣廣潤祠禱雨。○諭前因貴州銅仁府屬松桃等處地方。猝被逆苗滋擾。業經降旨。將該處應徵銀兩。全行豁免。並令該撫等。將附近銅仁府屬官兵。經過地方。查明分別加恩。茲據福康安。馮光熊。查明覆奏。所有鎮遠。思南。思州三府。清江一通判。鎮遠。施秉。大柱。安化。印江。婺川。玉屏。青谿八縣。本年應徵地丁錢糧。俱著加恩蠲免十分之五。其貴陽。安順。平越。都勻。黎平。五府。古州。即岱。下江等廳。黃平。

鎮寧、永寧三州。平越清平。貴筑貴定。龍里。普定。清鎮安平八縣。本年應徵地丁錢糧。著加恩蠲免十分之三。其大定、石阡二府。普安、威寧、黔西、獨山、麻哈五州。安南、普安、畢節、甯安、都勻、荔波、湄潭。餘慶龍泉開泰永從。錦平十二縣。本年應徵地丁錢糧。俱著緩徵十分之五。以紓民力。該督撫務當督率妥辦。徧行曉諭。俾小民均沾實惠。以副朕念切恩施至意。○又諭曰。福康安等奏。此次官兵攻克黃瓜山賊巢。適值大雨如注。士卒爭先奮勇。兩晝夜不遺餘力。焚勦賊寨五十六處。殺逆苗無數。生擒賊匪一百餘名。等語。除官弁等已加恩陞擢外。所有此次打仗綠營屯番各兵丁。奮勇殺賊。甚屬可嘉。著加恩再各賞一月錢糧。以示鼓勵。○諭軍機大臣等。黃瓜寨為逆苗巢穴。負隅固守。福康安和琳。驍探路徑。由間道用奇。密派官兵。分路繞道進攻。將黃瓜山大梁占據。復乘夜進發。將黃瓜寨一帶

焚燒五十六處。將士爭先効命。兩晝夜不遺餘力。實屬可嘉。特賞福康安和琳親佩玲瓏雙魚白玉花囊各一枚。並賞五路帶兵之額勒登保等。象牙花囊銅管搬指套等件。以示嘉獎。惟首惡石三保等。乘間免脫。未即生擒。殊為可惜。但首惡賊巢已經攻破。其賊首已失巢穴。雖暫時竄匿。不過如釜底游魂。不能遠遁。其餘匪黨。見其首惡逃散。自必人無固志。福康安和琳督率官兵。就其供出藏匿地方。跟蹤搜捕。自無難剋期擒獲。迅奏膚功。至永綏花園一帶。楚省糧運未通。現藉黔川兩省運糧接濟。應令劉君輔遵照前旨。迅速帶領官兵。將花園隆團一帶屯聚賊匪。奮勇勦殺。疏通道路。俾楚省糧餉軍火源源前進。不致缺乏。○命大學士伯和珅。工部尚書彭元瑞。教習庶吉士。○以內閣學士周興岱為禮部右侍郎。○旌表守正捐軀河南滎陽縣民楚辰妃妻孟氏。○已酉。

上詣廣潤祠謝雨。增號廣潤靈雨祠。詣玉泉山龍王廟謝雨。○諭朕昨日親詣廣潤祠禱雨。夜間即獲甘霖。本日親往虔謝。並至靜明園叩謝向曾祈雨之

恩。茲幸

神貺膏澤既渥。本日隨行衆人。未免霑濕衣履。著將御前乾清門大臣侍衛及隨事之侍衛章京司員。並本日奏事之部院司員。並引見人員。所有上年賞借半俸。俱著加恩免其

扣還。其未經借俸之員。俱著賞俸半年。拜唐阿等上年賞借半餉。亦著加恩免其坐扣。未借者亦賞給半年錢糧。至本日誤班遲到之乾清門侍衛等員。著查明寬免。應得處分。已為格外加恩。不必再行賞給。以示朕行慶推恩至意。○又諭曰。惠齡現在湖北辦理糧運事宜。未能即赴安徽巡撫之任。俟即日軍務告竣。另候簡用。周樽才具拘謹。護理巡撫印務。難資整飭。所有安徽巡撫員缺。著費淳補

授周樽著即回藩司本任。其新任巡撫未到以前。著蘇凌阿即赴安徽。兼署巡撫印務。雲南巡撫員缺。前已加恩將江蘭補授。計此旨到時。軍務早已告竣。著福康安和琳飭令江蘭速赴雲南。以便費淳交代。馳赴安徽新任。以資整頓。○諭軍機大臣等。戶部奏安徽阜陽縣民袁仁呈控該縣戶書唐順澤等。將五十年因災蠲免錢糧改串重徵。並將本年豁免積欠仍舊私徵一摺。此案原告袁仁曾充快

役。經徵錢糧。其平日與書吏自係通同舞弊。必有朋分不遂情事。因而挾嫌訐控。情節顯然。各省因災蠲緩錢糧。及本年普免積欠。係朕惠愛窮黎格外施恩。豈容不肖吏胥串合私徵。且於經徵錢糧。按照銀數多索使費。殊屬累民干法。該縣知縣何至毫無見聞。一任朦混。亦必有知情縱容。染指分肥情弊。不可不徹底究辦。以肅吏治。而飭官方。現因惠齡在楚辦理軍務。安徽巡撫未便久懸。今已簡

用費淳以資整頓其新任巡撫未到任以前著蘇凌阿即行馳往兼署此案即著蘇凌阿親赴阜陽提集案内人証秉公據實根究定擬具奏蘇凌阿以刑部尚書署理督篆今又諭令暫署安徽巡撫印務毋得存五日京兆之見稍有瞻徇致干咎戾○又諭都察院衙門奏山西壽陽縣民白懷珠等呈控監生吳時翠等擅伐禁木一案該處方山業經封禁何得藉詞修廟私請砍伐該縣及該上司何

以率行具詳批准從前蔣洲在藩司任內藉彌補虧空私伐樹三千餘株即經從重治罪今砍至二萬餘株為數更多數倍未必祇係該縣同謀漁利即該上司等恐均不免有通同染指情弊不可不切實嚴究景安現在派往陝西查辦事件著於審案完竣即順道至平定州提集案内人証秉公嚴訊毋庸會同巡撫審辦張若淳之子現任該省道員自未便會審此案一俟陝西富平安定兩控案審

辦完竣先赴行在復命至此案所控私伐官木俱有根株可驗景安祇須親赴山場詳加履勘無難一望而知真偽自見無所用其迴護也將此諭令知之○庚戌湖廣總督畢沅湖南巡撫姜晟奏防守隆團副將富志那稟稱苗匪前來撲卡經遊擊馬天奇三格追擊富志那派兵四路接應殺死賊苗數十人復有數千人聚集前來官兵并力攻擊盡行潰散花園一帶復有苗匪出沒窺伺糧臺幸有張廷彥慶溥等在彼足資防範諭軍機大臣等賊匪屢經剿殺之後尚敢於花園隆團一帶不時出沒窺伺糧臺實為可惡現據德楞泰奏即馳赴花園隆團帶兵剿殺疏通道路所辦甚是至劉君輔張廷彥在永綏花園惟知株守並不往來巡查於賊匪出沒滋擾又不能帶兵勦捕致阻糧運伊二人實難辭咎前已有旨令福康安等詳查是否有觀望遷延情事即行據實具奏又據畢沅等奏富志

那於賊匪前來撲卡。率領弁兵分投追剿。直上山梁奮力攻擊。所辦尚好。富志那著賞戴花翎遊擊。備弁等奮力殺賊。亦為勇往。但係該將備等自行稟報。是否實在出力。著福康安和琳查明具奏到日。再行分別酌賞。以示鼓勵。至此等滋擾賊匪。自應奮力窮追。悉數殲戮。乃往往任其潰散。即行收兵。楚省將弁終覺不强人意。著傳諭德楞泰等。遇有賊匪滋擾。務須督率官兵。痛加殲戮。毋僅以賊匪潰散。即為完事。○免福建龍溪南靖長泰海澄四縣乾隆五十九年水災額賦有差。○是月刑部尚書署兩江總督蘇凌阿奏。五德虧短稅銀一案。現在先行調取該關紅簿。以防抽匿改換。一面密查該監督。或因家人書吏侵欺。或因辦理不善所致。據實覆奏。得旨。若再不實力妥辦。亦任汝自知耳。蘇事查明。即速往安徽一切勉力。○浙江巡撫覺羅吉慶奏。接准福建撫臣浦霖來咨。該省米價大增。

奏明赴浙採米十萬石。浙省民衆。本地產米不敷民食。全賴外江商販運濟。此時正屆青黃不接。糧價頗昂。若再採買十萬石。市價必更騰貴。臣前奏撥浙省倉穀。現已趕碾米五萬石。容再動碾五萬石。俟趕辦齊全。即可知會閩省前來運取。似可無庸另行採買。得旨嘉獎。

大清高宗法天隆運至誠先覺體元立極敷文奮武孝慈神聖純皇帝實錄卷之一千四百七十七



大清高宗法天隆運至誠先覺體元立極敷文奮武孝慈神聖純皇帝實錄卷之一千四百七十八

監修臣曹文植等謹奏

監修臣曹文植等謹奏

監修臣曹文植等謹奏

監修臣曹文植等謹奏

監修臣曹文植等謹奏

奏

乾隆六十年乙卯五月辛亥朔諭曰陳淮覆

奏閩省需米接濟現在酌定運道動碾倉穀解閩一摺前因閩省需用穀石若由陸路起運或致稽遲應否由海道運往之處令該撫酌議具奏茲據奏稱海道須由湖達江未免繞道應即從內河運往較為妥便等語陳淮辦理此事能酌量情形並不拘泥且江西各屬倉穀充裕抽撥碾運市集糧價亦不至因此增昂所辦俱妥陳淮著交部議叙○諭軍機大臣曰曹文植奏請進京瞻覲隨班慶祝

一摺曹文植於五十五年來京祝嘏逮今已逾五載該尚書瞻戀之忱自屬出於真切朕亦思欲一見惟念伊母年近九十侍養需人曹文植實未便於遠離今閱所奏伊母體履寧適優游壽宇中心感悅令曹文植早治行裝代申葵向等語情詞悃款又未便却其所請著傳諭曹文植自行酌量如屆時伊母體氣微覺軟弱曹文植自不可遠涉來京若伊母仍舊強健亦不必急於啟程著計算日期

曹文植等

二

於萬壽前趕到熱河於隨班行禮後迅速歸里侍奉既可遂其就瞻之念兼可遂其奉養之私以示朕體恤至意○又諭曰玉德奏東省三月以來雨澤短少麥收分數通省牽算約計六分有餘等語東省自三月十七八日得雨之後一月有餘未經續獲雨澤該撫自早應具奏以便降旨豫為酌籌接濟乃直至降旨詢問始將缺雨及麥收較減情形具摺奏覆現屆青黃不接之時而麥收牽算祇有

六分民食自形拮据何以並未早為籌辦玉德前在山東道員任內緣事降調朕念其咎係因公復疊次加恩游擢藩臬侍郎今又用為巡撫該撫於本年正月即抵東省已及五個月乃於地方民事漫不關心伊兄雅德前在閩省辦理諸務因循廢弛以致種種貽誤玉德豈不知之今受朕重恩又並不知奮勉自効殊負棄瑕錄用之意著傳旨嚴行申飭至此摺係四月二十七日所發茲京城於二十九日得有霽雨甚為深透且雲氣自東南而來現據梁肯堂等奏近畿一帶亦同日得雨東省與直隸接壤是否一律霽霑何以未據迅速馳奏且摺內祇稱麥收分數約計六分有餘而於大田曾否播種有無妨礙之處亦未據詳悉奏明珠為疎漏現在該撫已將倉穀出借平糶民情是否不至拮据市價不至增昂及二十九日曾否普得渥澤大田可以乘時長發之處著該撫即行詳悉據實達

行覆奏毋再稍有諱飾遲延致干咎戾○又諭據保寧奏請發往伊犁在鉛廠交納銀兩人犯內有因病殘廢不能交納者免其治罪原保官員免其查議等語此項人犯均係身獲重罪貧乏之人豈能交納銀兩從前令其交納銀兩即屬辦理錯謬今保寧請將不能交納銀兩應治之罪及原保官員議處之處一併寬免若如此苟且相沿數年後盡歸民籍況伊等按年交納銀數無多何關緊要保寧為此瑣屑具奏所見甚小實係邀名市惠除將保寧交部嚴加議處外嗣後鉛廠務選年力精壯之人充役年滿後仍照舊例辦理其軟弱殘廢者令在散差上効力行走所有交納銀兩之例永行停止○以內閣侍讀學士富俊為內閣學士兼禮部侍郎○以檢討張翮為雲南鄉試正考官檢討萬承鳳為副考官編修陳希曾為貴州鄉試正考官編修吳烜為副考官旌表守正捐軀江西豐城

縣民杜成九妻熊氏。壬子。

上詰

大高殿行禮。還宮。諭軍機大臣曰。李奉翰等奏漕船行走情形一摺。所辦皆好。惟山東地方。自三月後。總未得雨。昨據王德奏麥收僅六分有餘。望澤甚殷。京城於前月二十九日得有霽雨。甚為深透。雲氣自東南而來。東省曾否一律普霑。深為廕念。著李奉翰等速行馳奏。現屆青黃不接之時。二麥未能稔收。

小民不無嗷嗷待哺。昨據王德奏。已將倉穀出借。並減價平糶。該地方官所辦。是否尚能認真。胥役等不致從中侵漁舞弊。閭閻得霑實惠。及該省大田能否及時播種齊全。一律長發。現在民情若何。市價不致增貴之處。並著李奉翰等詳悉查明。一併據實速奏。勿得代為諱飾。致干咎戾。將此由五百里諭令知之。是日起。

上以夏至祭

地於

方澤。齋戒三日。癸丑。

孝誠仁皇后忌辰。遣官祭。

景陵。○諭據浦霖奏。准吉慶咨。因聞閩省米價甚昂。先後動碾倉穀。共計米十萬石。尅日備齊。由海運閩等語。昨因陳淮奏。酌定運道。動碾倉穀解閩。所辦尚妥。已降旨交部議叙。吉慶前聞閩省米價昂貴。即飭沿海各州縣動碾倉穀。由海運閩。嗣接福建咨會。復又添碾。

軍機大臣

六

倉穀。咨閩派員多備海船。赴浙領運。辦理甚屬妥速。吉慶亦著交部議叙。以示獎勵。○諭軍機大臣曰。勒保奏。請將侵用公費錢文之都司革職。並將都司供出勒索侵用之副將。一併解任質審一摺。前因陝西富平民人控告重徵。安定民人控告採買浮收兩案。已有旨令勒保會同景安等嚴審定擬具奏。將來該督於審案完竣後。尚應前來陛見。未能兼顧。現在該副將都司等。俱係哈密所屬。即

著交雅德查辦。至此案都司楊應春所稱副將永亮取用公費錢文修理房屋並令都司代買雜物未經給價各款如審屬虛誣是該都司既經侵用公項復敢捏控上司情節可惡自應從重治罪若該副將實有勒索侵用情事亦應秉公據實查究按律定擬不可稍存袒護成見致案情未能平允雅德前在閩浙總督任內該事因循廢弛以致現在又釀事端今在哈密辦事復委以審辦案件務須遵照指示情節詳悉根究據實具奏若再不感知奮稍存私意審辦此案致有出入雅德自問當得何罪也將此傳諭雅德並諭勒保知之又諭前據管幹貞奏盛住在淮關監督任內將過關漕船過於留難致稽時日因降旨將盛住解任來京並經部議革職今思盛住在監督任內於漕船納稅過為嚴刻若專為稅課起見雖屬因公已為非是如自為肥橐之計以納稅為名私收入己則其罪不

止革職自應徹底查明未便僅予褫革混過盛住在任時凡經徵糧船稅課自有檔冊可稽其中有無弊混該督撫皆身任地方自有見聞管幹貞亦近在淮安而接任之員尤可悉其底衷著以五百里傳諭蘇凌阿等即弔齊檔冊會同詳查如該關經徵各項稅課內有糧船納稅一項檔冊所開數目符合現俱實存在庫自可信其無侵肥之弊如數對檔冊所開數目不符經徵稅課仍屬短缺或竟糧船一項全無則顯有以多報少侵蝕入己情弊管幹貞亦無難按冊而稽著各據實詳查速奏毋得稍涉袒徇致干咎戾○又諭曰蘇凌阿奏前往許墅關嚴查稅銀虧短一案已於摺內批示蘇凌阿自上年署理督篆迄今幾及一載地方事務不過循分辦理未見認真整飭今因安徽新任巡撫尚未到任復令前往兼署撫篆近來安徽省吏治甚為廢弛不可不實力整頓著傳諭蘇凌阿將許墅關

稅銀一事查辦完竣具奏後即速馳赴安徽一切勉力妥辦倘再不加意認真致負委任蘇凌阿自思當得何罪也以刑部侍郎宗室僧保住兼鑲白旗漢軍副都統以山西按察使祖之望為雲南布政使○甲寅諭本日據軍機大臣等議駁伍彌烏遜等奏塔爾巴哈台所屬達爾達木圖等處開挖金廠一案請仍交該大臣會同伊犁將軍再行查覈具奏等語達爾達木圖等處究屬新疆如令開挖金廠糾聚多人未免滋生事端且所得有限於事無益著交明亮宜綿等嗣後達爾達木圖等處嚴禁開挖金廠仍令各派妥幹官兵不時稽查如有不肖之徒妄行偷挖著照例從重究辦以示懲戒○豁除西藏三十九族番民每年貢馬銀三百九十一兩有奇	乙卯夏至祭	地於	方澤
---	-------	----	----

上親詣行禮 幸圓明園 丙辰 上以秋獮木蘭自圓明園啟鑾 諭據魁倫查奏閩省近日洋盜增多由於漳泉被水後糧價昂貴浦霖等辦理不善以致貧民流為匪黨伍拉納現住泉州饑民圍繞乞食又伍拉納素性躁急加以錢受椿德泰迎合慫恿辦理各案亦多未協等語上年漳泉二屬偶被水災經朕特降諭旨加倍賞卹寬免秋糧並屢飭該督撫加意撫綏務俾窮黎均霑實惠乃浦霖等並不董率所屬實心經理甚至總督駐劄泉州饑民圍繞乞食尚不認真籌辦又無一字奏聞伍拉納之罪此節尤為重大殊出情理之外該督現赴臺灣辦事著先行摘去翎頂俟回至內地即行革職交與魁倫等質審其閩浙總督印務著長麟就近馳驛速往接署長麟未到之前著交魁倫兼署浦霖伊轍布前已有旨解任來京亦著革職如伊等業已自閩起程此時想尚在浙江一帶
--

著交吉慶派員截留解閩以備質訊錢受椿著交軍機大臣行文押帶之員即由途次革職拏問迅速小心解往福建勿致疎虞其德泰亦著革職交廣東督撫將伊拏問派委妥員小心迅速管解前往交魁倫等一併歸案審辦又諭據哈當阿奏拏獲附和賊匪首夥各犯審明一摺內稱陳光愛等聚眾滋擾時有匪犯李聰明糾人附和經該處義民李登元李必魁等並不袒護族人將該犯設法拏獲始得究出餘犯並據魁倫奏義民幫同官兵收復城池拏獲首逆甚為得力各等語此次臺灣賊匪陳周全等糾眾滋事經義民等招集多人誘獲賊首業經降旨將該義民首查明加賞官職並將本年應納錢糧概予寬免李登元等於誘獲李聰明等犯並不迴護本族按名拏獲不致漏網實屬出力可嘉所有該義民等明年應納錢糧著再加恩查明住址一體豁免至貢生李登元武生李必

魁俱著賞給六品職銜以示朕獎勵良善恩施無已至意又諭曰奇豐額奏查知五德在監督任內辦理不善以致關稅短少緣由一摺內稱五德人本無能自到任以後所有關稅事務全靠伊子筆帖式永泰辦理而永泰年輕惟知事事從刻反致商賈裹足不前經臣訪知面告五德令其好好管教等語所奏殊屬非是五德到任之後任聽伊子辦理關稅事務以致商賈裹足該撫近在同城且曾署理織造印務既已見聞確切彼時即應據實參奏乃隱忍多年直待朕此次降旨詢問始行具奏殊負委任自係該撫與五德同為內務府人員不免心存袒庇奇豐額前於巴寧阿在兩淮鹽政任內與商人交結聯宗一案經朕降旨詢問並不據實具奏朕以其究係巡撫格外施恩未經與董椿一律革職治罪今於五德辦理關稅不善一事又復知情不舉尤屬徇庇奇豐額著傳旨嚴行申飭

令其將因何袒護不奏之處激發天良據實明白迴奏仍先交部嚴加議處又諭朕此次巡幸熱河所有經過地方著蠲免本年地丁錢糧十分之三諭軍機大臣曰玉德奏二麥收成分數一摺內稱合計通省約收六分有餘東省上年雨雪優渥播種二麥較廣雖雨澤稍愆而所種既廣於民食足資接濟等語朕思山東與直隸接壤本年直隸麥收已及九分而山東僅六分有餘自因該省春間雨雪本未普霑入夏以來雨澤又復短少是以麥收分數較為歉薄玉德身任巡撫於地方民事漫不經心並不將缺雨之處豫行奏聞酌籌接濟甚屬非是現據該撫將各社倉穀石出借以濟民食若再不盡心經理任聽屬員浮冒實惠不能及民則是該撫自取重戾恐不能仰邀寬宥也將此諭令知之是日駐蹕南石槽行宮丁巳諭昨據奇豐額奏五德在蘇州織造任內辦理不善以致

稅銀虧短一摺業經降旨將奇豐額交部嚴加議處矣奇豐額前於已寧阿在兩淮鹽政任內有與商人交結聯宗等事經朕降旨詢問並不據實具奏朕以其究係巡撫未經與董椿一律治罪已屬格外施恩今於五德辦理關稅不善一事又復知情不舉若非朕降旨詢問竟欲始終袒護實屬辜恩溺職斷難復膺巡撫之任奇豐額著即革職來京交與軍機大臣究訊所有江蘇巡撫員缺著費淳

調補費淳未到江蘇之前著布政使張誠基暫行護理惠齡雖有老親但安徽巡撫員缺現在一時不得其人惠齡著仍留安徽巡撫之任俟簡放有人再行回京侍養以示體恤又諭曰福康安和琳奏四月二十二十一等日進剿逆苗攻克蘇麻寨一帶賊巢逼近西梁一摺此次官兵分路進攻攀援險阻不避矢石賊匪據險抗拒潛出滋擾我兵倍加奮勇痛殲賊衆打仗二日一夜未能憩息連

克構皮寨清水塘小紅巖大坪山喇耳柳瓦山梁直抵蘇麻賊寨擒拏賊目活賊八十餘名殺賊六七百名焚燒苗寨四十餘處此皆由福康安和琳調度有方將士用命始能痛殲賊衆所向無前且自勦賊以來官兵冒雨進兵備嘗艱苦現在天氣炎歊湖南自必更甚福康安和琳督率官兵等冒暑進攻不辭勞瘁實屬可嘉所奏打仗出力情形幾於不忍披閱福康安和琳俱著交部議叙並著查明出力之侍衛章京鎮將備弁等一體咨部議叙其此次打仗之綠營官兵及屯番等俱著賞給一月錢糧以示朕獎勵勤勞恩加無已至意又諭昨已降旨將伍拉納革職交魁倫等審辦閩省吏治廢弛已極現在清釐查辦一切正關緊要非福康安前往不足以資整頓福康安著即調補閩浙總督計此時逆苗賊首石三保等當已就擒福康安於拏獲賊首後著即馳赴新任伍拉納回至內地

聽候魁倫等質訊明確後即著派員解送來京交軍機大臣嚴行究訊所有雲貴總督著勒保調補其陝甘總督員缺著宜綿補授又諭此次巡幸熱河天氣炎熱所有沿途清道潑水兵丁四百二十名著加恩每人賞給一兩重銀鏤一個以示體恤諭軍機大臣等昨因奇豐額不將五德在蘇州織造任內辦理不善等事早行具奏業經降旨將奇豐額革職所有江蘇巡撫員缺已將費淳調補費淳未到任之前著布政使張誠基暫行護理矣但江蘭現由湖南軍營赴滇費淳必須俟江蘭到任交代後方可前赴新任未免尚需時日張誠基究係藩司護篆江蘇事務殷繁或恐照料難周前因安徽省阜陽縣民人呈控該縣重徵一案曾降旨令蘇凌阿前往審訊並即兼署安徽巡撫印務江蘇地方較為緊要現在將屆伏汛蘇凌阿正須前赴清江浦防汛著傳諭蘇凌阿於赴蘇查辦許墅



關稅務事竣即行回至清江浦可以就近照料江蘇安徽兩省於一切地方應辦事務實力整飭不必前赴安徽以致鞭長莫及張誠基業經准令來京陛見此時如已起程於何處接奉諭旨即於何處轉回蘇省兼護撫篆俟費淳到任後再行來京陛見亦不為遲將此傳諭蘇凌阿等並諭張誠基知之○又諭曰福康安和琳屢次董率官兵勦辦賊匪所向克捷連日天氣炎熱湖南想必更甚官兵

觸暑進攻至於兩晝一夜不能安憩實在出力可嘉幾不忍披閱所惜吳半生先由蘇麻寨過大烏草河往上下西梁未得即就生擒藏事稍需時日然苗匪寨落想不過如僻小村莊相距亦必不遠況官兵攻得一處地方則賊匪失去一處巢穴如此逐層攻圍想吳半生石三保石柳鄧吳隴登窮無所之將必聚集藏匿更可一鼓成擒除將福康安和琳及在事出力將弁交部議叙外並加賞福康

安和琳小荷包各一個香袋各三個額勒登保德楞泰穆克登阿達音泰綸布春小荷包各一個以示嘉獎福康安等當鼓舞弁兵益加勉力務擒首惡捷音到日尚當特沛恩綸酬庸懋賞至此次福康安等殲賊甚多而官兵無一受傷者皆仰賴

上天恩佑事機順利想可尅日殲功現在攻克之蘇麻寨地方總在黃爪寨鴨保寨左近為湖南東南一帶方向前此朕方慮貴州為石

柳鄧起事處所恐其復行竄入勾結煽惑茲軍行所至漸與鎮筸相近距黔較遠可見賊匪尚無擾黔省後路情形此等烏合賊衆屢經官兵殲戮不過東西奔竄以冀苟延殘喘無難悉數擒獲佇盼捷音速至以山西冀寧道張曾誼為山西按察使廣東惠潮嘉道莊肇奎為廣東按察使是日駐蹕密雲縣行宮戊午諭曰盛住曾在內苑熱河當差現經革職亦不便令伊在家閒住盛住著

照穆騰額之例。賞給圓明園拜唐阿。令其効力贖罪。又諭曰。穆和蘭著加恩賞給四品頂戴。在哈密領辦事務。諭軍機大臣等。據李奉翰等奏。東省各屬於五月初一日具報得雨一二寸至三四寸不等一摺。山東地方。自三月後。總未得雨。昨據玉德奏。麥收僅六分有餘。望澤甚殷。現在大田陸續播種。正藉膏澤滋培。時當暑日酷烈。其得雨三四寸之處。已不為霑透。若得雨僅止一二寸。更不足以資接潤。著傳諭玉德查明現在缺雨處所。曾否續得透雨。及大田能否及時長發。現在市集糧價。有無昂貴之處。即行詳查據實速奏。毋得稍有諱飾。致令失所。以副朕勤求民隱至意。是日。駐蹕要亭行宮。己未。諭本日由要亭至古北口。途次泥濘。修墊兵丁。甚為踴躍。著加恩每人賞一兩重銀鏤一個。是日。駐蹕兩間房行宮。庚申。諭近來外省題到殺死一家二命之案。俱命內閣票擬軍

機大臣會同三法司速議簽進呈。今思朕已啟蹕幸避暑山莊。軍機大臣俱隨至熱河。僅有阿桂留京。伊本管理刑部事務。何必又票交軍機大臣。若實兩處會合。轉致遲事。嗣後凡遇巡幸。所有此等題本。俱著票三法司覈擬速奏。簽以歸覈實。又諭曰。琳寧等奏。前次請豁各城積欠時。僅照五十九年冬季造送冊內開報。尚有錦州鳳凰二屬。因災緩徵之項。未經列入。理合據實陳明等語。所有錦州鳳凰二屬。五十九年以後。因災緩徵米共二千二百九十六石五斗零。地租銀共四千一百二十九兩七錢零。著加恩一體豁免。琳寧伯麟暨承辦司員。著交部分別議處。又諭本年駐蹕熱河綠營兵丁一體當差。著加恩各賞給一月錢糧。是日。駐蹕常山峪行宮。辛酉。旌表守正捐軀廣西象州民韋正妻黃氏。是日。駐蹕喀喇河屯行宮。壬戌。上詣熱河。

文廟行禮 詣

永佑寺行禮 是日駐蹕避暑山莊至八月戊戌皆如之 癸亥遣官祭

關帝廟 諭曰福康安和琳奏官兵攻克上下西梁等處苗寨一摺前據福康安等奏四月二十二十一日等日攻克蘇麻寨一帶痛殲賊衆焚燒苗寨官兵冒暑進攻不辭勞瘁業經降旨將綠營官兵及屯番等各賞給一月錢糧矣此次官兵於四月二十八日由蘇

麻寨進攻雷公山一路俱係峭壁懸崖官兵攀援險阻不避矢石賊匪往來衝突抵死抗拒官兵復佯為撤退分投設伏乘勢攻剿遂將山梁奪據擒獲多名焚燒苗寨殲斃賊匪無算實屬奮勇出力所有此次打仗之綠營官兵及屯番等俱各再賞給一月鹽菜口糧以示朕獎勵戎行恩加無已至意 諭軍機大臣曰福康安等奏報官兵攻克上下西梁等處吳半生雖已受傷又退入猿猴寨狗腦

坡尚未擒獲賊匪屢經官兵痛加殲戮計窮力竭自必輾轉竄匿以冀苟延殘喘然其竄匿之處不過猿猴寨狗腦坡及鴉西鴨保等處想亦距上下西梁不遠官兵奮勇直進再將各該處巢穴攻破吳半生更將逃往何處自無難剋期就擒妥速集事現在官兵愈進愈遠該處山深箐密節節可通一切糧餉軍火必須安臺運送派兵接護防賊抄截諒福康安等心思周到必能籌慮萬全但宜加倍

留心勿致稍有阻礙又據福康安等奏賊匪又糾約花苗節節抵禦現設法離間用計解散等語所辦亦是黑苗既知畏懼自不敢再行幫同賊匪抗拒官兵若花苗與之糾結歲事未免有需時日自應及早設法以為解散賊黨之計但黑苗花苗係何種類石三保石柳鄧商同起事時聞係紅苗但伊二犯究係何種吳半生又係何苗吳龍登前於辦理勾補寨時曾經出力此次石三保等起事時吳

隴登初尚不肯從逆。因伊子慙患附從。該犯父子又係何苗。此時福康安等。如何設法離間。未據聲明。想福康安等離間之法。或於石三保。石柳。鄧中。招致一人。或招致吳隴登。使之互相擒獻。雖亦用兵權宜之計。但該犯等狡詐無常。且自揣屢次抗拒官兵。法所難宥。或權時歸附。見福康安等防範稍疎。又心懷叵測。不可不慮。著傳諭福康安等。如石三保等。赴營乞降時。務須倍加嚴肅。小心防範。為

要。甲子。諭前據魁倫奏。風聞各屬倉庫空虛。昨錢受椿來京。復令軍機大臣傳詢。據稱漳泉二府倉穀。均非實貯。其餘各屬亦多短缺等語。是該省虧空情弊顯然。現已將該督撫藩司等革審。並交魁倫等詳細嚴查。前年因浙江省福松。崇楨。通同侵那。審明治罪。曾降旨將籍隸浙江之科道。停陞示儆。此次閩省倉庫多屬空虛。尤非浙省可比。現因查明科道中並無籍隸福建之人。是以未經交部

議處。但科道職司糾察。有風聞言事之責。閩省虧空疊疊。即別省科道等。豈竟毫無聞見。何竟無一人奏及。著傳旨通行申飭。嗣後遇有此等地方重大事件。務當據實奏聞。毋得自同寒蟬。致蹈素餐而忝言責。○又諭曰。額勒春。僧保。住現往新疆換班。所有吏部左侍郎員缺。諾穆親現署吏部印鑰。即著諾穆親兼署左侍郎。其刑部右侍郎員缺。目下辦理秋審事務。正資熟手。刑部尚書侍郎中。除胡

季堂外。亦少諳習刑名之人。前因查拏劉之協。關係緊要。是以將阿精阿補放河南巡撫。今該犯日久未獲。是阿精阿在豫。亦屬無益。念其由刑部司員出身。於刑名自為練習。阿精阿著署理刑部右侍郎。並著接奉此旨。即將河南巡撫印篆。交與吳璥暫行護理。即行來京供職。所有河南巡撫員缺。著景安補授。景安曾任該省藩司。於一切情形。素所諳悉。伊現往陝西山西審案。著俟所辦各案完竣。

拜發奏摺後，即由該處逕赴新任，將地方事件部署妥協。秋汛過後，再行請旨來京陛見，亦不為遲。又諭曰：賀長庚奏官兵經過沿途應付口糧俱於倉貯兵米內支給，無需向街市採買，是以雖值辦理軍務之時，民間糧價仍屬平減等語。各省倉儲，經朕屢降諭旨飭查，近年漸歸實貯。此次黔省大兵勦辦苗匪，需用米石甚多，今沿途應付，俱於倉貯內支給，市價不至騰長，賀長庚所辦尚好。著交部議叙。其該管道府著該督撫查明咨部議叙。再滇省兵丁亦經檄調至楚，協同勦捕，而湖北湖南兩省調兵一萬有餘，為數尤多。經過沿途，在在皆須應付，其所用糧石是否皆動用倉穀，不至市價增昂之處，並著各該督撫詳細查明，如能照黔省之辦理妥協者，即據實奏明，將該藩司及道府一併交部議叙。

乙丑，諭軍機大臣曰：福寧奏痛勦四堵坪賊匪一摺，此次差強人意，不料福寧竟有此

舉自係抵鎮筵以後，一味畏葸，漫無布置。今聞福康安和琳統率川黔勁旅，屢破賊匪，成功在即。福寧係本省總督，轉不能與賊打仗，實屬醜顏。思掩其從前之怯懦，但賊既紛紛逃竄，正應乘勝追勦，乃稱兵力畧單，未能輕進，仍是無能。究不滿意，又據奏四堵坪在萬山之中，向稱沃壤，現勦散苗匪，該處未割二麥，尚有十分之五。居民認明收穫等語。四堵坪既在萬山之中，自係苗寨地方，何以內地居民又到彼耕種？是否即係客民積年侵占之地？著俟辦理善後時，務派妥員逐一清查。如此項地畝本係民產，自應仍歸民種。如本係苗產，為客民所占，今雖勦散苗匪，若即給予民種，將來苗民必致藉為口實，又啟爭端。莫若竟給良苗耕種，以清界址而杜後患。

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百七十八

奉天縣志卷之八

三

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百七十九

監修總纂官經筵講官太子太傅文淵閣大學士文淵閣領侍衛內大臣稽察欽奉

吏部理藩院事務正黃旗滿洲副都統葉麟新軍功加七級隨帶加一級尋常加二級軍功紀錄一次是桂

總務官經筵講官太子太傅文華殿大學士文淵閣領侍衛內大臣稽察欽奉

世襲騎都尉軍功加十九級隨帶加二級又加二級尋常加二級軍功紀錄一次是

外常紀錄十四次是經筵講官太子少保工部尚書紀錄六次是曹振鏞等奉

欽修

乾隆六十年乙卯五月丙寅諭軍機大臣等

據管幹貞奏自盛住到淮關後每船上銀隨  
喜怒增減或上銀一百六十兩或上銀八十  
兩又有未發單者等語各省糧船例准帶貨  
一百二十六石盛住即為稅課起見亦應查  
明各該幫船例外多帶若干收稅若干何得  
任意增減因命軍機大臣傳詢盛住據稱幫  
船過關查驗時其在一百二十六石以內者  
仍照例免稅惟例外多帶貨物按則徵收緣  
所帶貨物有多寡不同而輸稅則例又有輕

重不等是以收銀多少不能畫一收銀之後  
俱發有連根印票一存關署一給旗丁收執  
等語其言又與管幹員所奏互異前已有旨  
令蘇凌阿劉樸將盛住所徵糧船稅銀是否  
儘收儘解抑或少報入已嚴查具奏著將本  
日管幹員所奏並盛住所稱各情節一併發  
交該督等就近秉公嚴查其收稅時有無任  
意增減之處據實查覈具奏毋得稍為迴護  
將此諭令知之○丁卯諭現在戶部左右滿  
侍郎俱已出缺惠齡家有老親著補授戶部  
右侍郎俾得就近奉侍以示體恤戶部現無  
滿洲侍郎而錢法堂事務尤關緊要惠齡接  
奉此旨即將湖北巡撫印篆交與布政使汪  
新護理即行迅速來京供職○諭軍機大臣  
等昨據玉德奏登萊青三府僅得雨一二寸  
未能深透倘五月底尚未普霑渥澤即親往  
查明等語本日該撫又有報到朕以為缺雨  
地方自己得有醴膏乃細加披閱登萊青三

屬仍未得雨並據稱將秋審趕辦完竣即往  
確查看此情形該省迤東各屬現在望澤甚  
殷未知日內曾否續霑渥澤秋成有無妨礙  
朕心殊為廕念著傳諭該撫即速查明據實  
覆奏毋得稍存諱飾○戊辰諭安徽巡撫員  
缺著汪新補授其湖北布政使員缺俟另行  
簡放並飭令速赴新任以便汪新交代撫藩  
印篆即赴安徽任事蘇凌阿俟汪新到任交  
卸安徽巡撫印務後仍即駐劄清江浦一帶  
兼署江蘇巡撫印務再令張誠基來京陛見  
○又諭曰祖之望前已補放雲南布政使念  
其親老著調補湖北布政使俾得就近迎養以  
示體恤祖之望接奉此旨即速赴新任接受  
撫藩兩篆以便汪新交代速赴安徽新任俟  
軍務完竣畢沅回至武昌接交撫篆後祖之  
望再行來京請訓亦不為遲其雲南布政使  
員缺著熊枚補授江蘇按察使員缺著康基  
田補授康基田熟習河務著仍幫辦河道事

務○又諭上年吏部議處劉之協在扶溝縣脫逃案內。河南省巡撫藩臬道府分別降革一本令軍機大臣存記。俟定案時再行請旨。昨據軍機大臣會同刑部將邪教案犯分別定擬具奏。業已降旨准行。所有河南省該管各上司除穆和蘭業經革職發往烏魯木齊効力外。吳璥陳文緯身任兩司。乃於屬縣脫逃要犯捏稟誣卸。毫無覺察。即應照部議降調。第念藩臬係統轄之員。於州縣事務。非如道府之切近可比。前已降旨摘去頂戴。並於劉之協未獲以前。不准支領養廉。吳璥陳文緯姑著從寬留任。仍俟緝獲劉之協後。再予開復。○已巳諭刑部具題。赤峯縣搶劫盜犯圖們桑一案。閱本內圖們桑原籍山東。在口外生長。因為圖什土之婿。遂取名圖們桑。們捫音義無別。如圖們桑另有漢名。定擬時稱該犯即係某人。尚係有因。蒙古語圖們桑係萬數與圖們桑有何分別。乃該督原疏輒稱

圖們桑即圖們桑。而刑部亦不加改正。率據以具題。均屬錯誤。刑部堂官直隸總督俱著飭行。○庚午以戶部侍郎惠齡兼正黃旗滿洲副都統。○辛未諭曰。此次勦捕逆苗。福康安等帶領官兵。痛加勦洗。自攻克黃瓜寨以後。窮追深入。屢次克捷。業經疊沛恩施。優加獎敘。但該處萬山叢雜。賊匪負隅固守。兼以陰雨連綿。官兵等冒險進攻。攀巖越坎。不辭勞瘁。連克蘇麻西梁等寨。此次復攻克大烏草河一帶。苗寨官兵等晝夜冒雨打仗。無不奮勇爭先。實為出力。所有頭等侍衛溫春著賞給克醜巴圖魯名號。副將那丹珠著賞給哈齊賢巴圖魯名號。參將長春著賞給多託禮巴圖魯名號。遊擊馬登朝著賞給志勇巴圖魯名號。遊擊阿林布著賞給法克進巴圖魯名號。汗牛行營都司格宗多爾濟著賞給藏博巴圖魯名號。雜谷腦行營都司策旺著賞給達木吉彥巴圖魯名號。河西行營遊擊達果著賞給巴



濟彥巴圖魯名號河西行營外委斯丹巴賞給吉雅克巴圖魯名號仍照例各賞給銀一百兩其二等侍衛定西翼著陞為頭等侍衛三等侍衛巴蘭著陞為二等侍衛藍翎侍衛富森德著陞為三等侍衛藍翎長吉勒通阿著以藍翎侍衛陞用副將王承勲遊擊張永祺都司馬瑞圖八角礮行營守備板達爾甲候補遊擊魁保額勒登俱著賞戴花翎守備褚大榮河西行營千總阿桑雜谷腦行營千總扎多阿思達雜谷腦行營都司阿忠上孟董行營千總旺加保乾堡行營守備沙克甲九子寨行營千總額斯熱爾真別斯滿行營守備任扎爾吉宅壘行營都司郎卜穆河西行營守備朗喀爾吉均著換戴花翎守備李應貴趙永成千總游棟雲陳廷玉馬良柱達自祥何連興把總游金階張應貴武舉熊芝林外委馬正雄馬光宇施聯科焦鳳虎鎮川張國保柴應登邊得智八角礮行營千總特

巴宅壘屯外委普占河西行營把總得日塔爾汗牛行營把總噶圖別斯滿行營外委阿卜穆河東行營把總恩丹巴爾吉河西行營外委蘇穆普汗牛行營外委撤怕俱著賞戴藍翎鄉勇頭目羅三傑苗百戶龐老觀俱著賞給六品頂戴賞戴藍翎苗百戶石老三前已賞給六品頂戴亦著賞戴藍翎其綠營屯番兵丁俱著再賞一月錢糧以示朕體恤戎行獎勵勤勞至意○又諭昨閱國史館進呈于敏中列傳朕詳加披閱于敏中以大學士在軍機處南書房行走有年乃私向內監高雲從探問記載又於甘肅監糧一事伊為之從中主持慫恿開捐以致釀成捏災冒賑鉅案因此案發覺時于敏中先已身故不加追究但于敏中簡任綸扉不自檢束既向宦寺交接復與外省官吏賁緣舞弊即此二節實屬辜恩非大臣所應有使其身尚存必當從重治罪今雖已身故若仍令其濫邀世職又

將何以示懲于敏中之孫于德裕現官直隸知府已屬格外恩施所有承襲輕車都尉世職著即徹革以為大臣營私玷職者戒○諭軍機大臣等據梁肯堂奏查閱營伍一摺內稱閱過提標中左右三營及昌平密雲順義石塘三屯協潘家口遵化薊州喜峰路山永協山海路居庸路古北口並八溝唐三營等處兵分別獎賞責革等語梁肯堂於初九日在古北口送駕回省距今不過旬日提標中左右三營官兵自可就近在古北口較閱即如昌平密雲順義等處尚可順道查驗若如喜峰口山海關居庸關等處相距千餘里該督早夜遄程尚恐不及何能逐一較閱況八溝唐三營等處係在熱河東北該督甫經旋省又豈能飛渡出關斷無是理竟成笑話或提督先經閱過該督再行覆閱亦應於摺內詳晰聲明該督摺內並未聲敘是該督所稱勤加操演獎賞斥革之處該督既未親履其

地則所謂獎賞者何人又斥革者何人不過以想像虛詞將舊存摺稿照樣鈔謄一奏塞責詎知朕日理萬幾於臣工章奏無不詳加披閱豈似該督之漫不經心經目朦混塞責耶該督即以為照例陳奏之件可以含糊聲敘亦應斟酌情理所謂君子可欺以其方難罔以非其道梁肯堂不應若此著傳旨嚴行申飭仍即據實明白迴奏○諭軍機大臣曰福康安和琳奏官兵分路進剿於重山驟雨之中將弁兵丁等無不爭先攀陟奮勇窮追連克大小苗寨六十餘處木城四座石卡三十五處殲斃賊苗不可勝計皆由福康安等調度得宜而官兵爭先効命奮勇出力覽奏之下均屬可嘉可憐著賞福康安和琳大小荷包並賞給額勒登保德楞泰穆克登阿達音泰花連布朱射斗諸神保小荷包各二個其餘帶兵之侍衛章京等除此次業經賞給巴圖魯名號並陞等賞翎各員外所有色靈

額等二十七人俱著賞給小荷包各一對。以示鼓勵。至候補遊擊六達色千總王農鄧元富外委萬欽因帶兵殺賊被鎗陣亡。實為可惜。著福康安等即咨部優卹。所有受傷之千把外委及陣亡兵丁亦即查明咨部分別賞卹。其遊擊王重品既據福康安等查明實係臨陣受傷墜馬身亡。亦著加恩照陣亡例咨部給與卹典。又據卑沅等奏龍鼻嘴等十二寨頭人石兆元等攜帶男婦五百多人詣營乞降。現飭妥為安插等語。所辦尚好。目下首逆未擒。凡有投誠苗衆。自不得不量予安插。以解散賊黨之心。但苗心多疑。仍當隨時防範。勿任反側滋事。其隨同防勦之武舉張尚林武生田占魁守備銜張啟坤等均著交與福康安等。如查明伊等實在出力。亦著一體酌量獎賞。○欽差大學士公調任閩浙總督福康安貴州巡撫馮光熊奏黔省現存軍需銀兩少不敷用。若不早為籌備。恐致臨時掣

肘。且將來查辦善後。留防官兵賑借難民復業籽種一切費用繁多。懇恩於湖北江西等近省賞撥銀一百萬兩。迅即解黔。以備接濟。動支得旨。允行。予福建水師營出洋遭風淹斃外委周錄等二員馬兵范天養等十二名戰兵胡章等七十九名各卹賞如例。○以編修陳萬青為廣東鄉試正考官。刑部主事言朝標為副考官。兵部郎中周元鼎為廣西鄉試正考官。編修繆晉為副考官。翰林院侍讀陳崇本為福建鄉試正考官。翰林院侍讀學士吳樹本為副考官。○以伊犁總兵德光陝西興安鎮總兵皂君保對調。○旌表守正捐軀直隸灤州民魏守忠妻張氏。○壬申諭軍機大臣等。前聞僧保住在倉場任內。有婪索情事。因念係宗室。格外矜全。是以將伊與宜興對調。又派赴哈密換班。以示懲儆。昨僧保往來至熱河謝恩。當令軍機大臣傳詢。據稱在倉場時諸事未能妥辦。以致紕繆。乖張。

無顏與人質對等語。是其不自檢束。已自認屬實。劉秉恬與僧保住共事將及一年。斷無不知之理。何以並不據實奏。即宜與雖到任未久。已將數月。前任之事。後任亦斷無不知之理。何以亦未奏。及劉秉恬著傳旨嚴行申飭。宜與著傳旨申飭。仍著將僧保住究竟如何聲名平常。任意婪索。伊二人因何徇隱不奏之處。據實覆奏。勿再支飾。謂既被婪索之人。誰肯自應虛詞。致干重戾。○以故雲南

景東廳屬土知府陶士樞弟士棟管土知府事。○癸酉

孝恭仁皇后忌辰。遣官祭

景陵。○諭據蘊端多爾濟奏。車臣汗齊旺多爾濟病故。齊旺多爾濟正當壯年。甫經襲爵。遽爾病故。殊屬可憫。著加恩賞銀二百兩。料理喪事。所賞銀兩。即於烏里雅蘇台庫內動支。○甲戌。諭據保寧等奏。將發遣伊犁充當苦差之祥泰。請賞給主事職銜等語。祥泰原犯

情罪。有出資放債。取利一事。身係官員。如此貪利。詎可復賞職銜。保寧等所請甚屬瞻徇。著申飭祥泰。著再留十年。期滿即著回旗。毋庸賞給職銜。○功臣館纂辦臺灣安南將弁官員列傳告成。議叙纂修提調等官有差。○以故貴州鎮遠府屬五品土官何經姪道網襲職。丙子。諭曰。王德泰據署泰安縣知縣張晉稟稱。兗沂曹道德明自兗州赴省。擅發傳單。飭令備辦夫馬。因該縣未能供備。該道家人承差。將驛夫人等肆行毆罵。該縣家人徐元與之理論。道差即將徐元扭至公館。德明復將徐元杖責。傷重不能起立。請將德明革職。審擬等語。各省驛站。凡奉差官員。屢經飭禁。尚不許其縱容家人。需索騷擾。德明身為本省道員。即有公事。上省理當自備車馬。何得違例。飭縣代為豫備。復聽信家人之言。將該縣管號家人重責不起。上司家人長隨。雖嚴加約束。猶難保其不向屬員私行勒索。

若再明知縱容。益復無所忌憚。何事不可為耶。德明似此任性乖張。殊屬可惡。豈止革職所能蔽辜。著即革職。拏問。交與該撫提同人證嚴審究辦。如所責之徐元。傷痕漸次平復。即按律定擬具奏。倘徐元竟因傷身死。即將德明擬抵。用昭懲創。署泰安縣知縣張晉於本省上司擾累驛站。不為徇隱。即據實稟報。尚為持正。著該撫於審明此案後。出具考語。送部引見。以示獎勵。至外省督撫司道府等。經過州縣。私令代備夫馬供應。想亦在所不免。此事經署令張晉稟出。王德即據以具奏。究明辦理。若該州縣因係本省上司。含忍不報。而督撫等亦必暗為消弭。未經破露者。諒復不少。督撫司道等。養廉豐厚。理應潔已奉公。並嚴管家人長隨。毋許滋事。方為稱職。嗣後惟當倍加謹慎。以德明為前車之鑒。若再有似此違例擾累情事。一經發覺。必當加倍治罪。決不寬貸。將此通諭知之。○諭軍機大

臣等據吉慶奏海塘沙水情形一摺。並繪圖呈進。朕詳閱圖內。潮勢逐漸北趨。與塘根日相逼近。向來海潮溜勢。或南或北。趨向靡常。此次近北。將二十餘年未遷。不可不慮。現在南岸陰沙日漲。日潤。潮汐漸向北趨。恐塘根不無喫重。朕意或將南岸嫩沙嘴處。開一引河。引溜南趨。庶北岸塘工不致著重。已於圖內畫圈粘簽標誌。發去。但從前陳輝祖曾經奏請開挖引河。俾范公塘一帶溜勢。開向南行。訖無成效。今又隔十有餘年。今昔情形或有不同。是否可行。著傳諭吉慶。即照粘簽之處。詳加相度。悉心妥辦。果能將南岸嫩沙處所開挖引河。俾潮勢歸於中泓。不致北趨。塘根益資鞏固。自屬甚善。或該處竟係活沙。若致旋挖旋淤。徒勞無益。亦不妨據實奏明。不必拘泥遵旨。朕思慮所及。不得不隨時指示。想吉慶自能善體朕意。酌籌妥辦也。將此諭令知之。○又諭曰。梁肯堂奏各屬先後得雨。

自二三四五六寸至深透不等。覽奏欣慰。前因此間連日天氣多陰。日有陣雨。朕以上年夏間亦因雨澤過多。以致畿輔一帶被水成災。是以前次屢見得雨。方切過多之慮。所謂經事多則畏心多也。今熱河地方。業已快晴數日。茲據該督奏稱。各屬雨澤適足以資接潤。禾苗均受滋培。看來今年雨水並不為多。但六七兩月為日正長。惟當益加敬惕。以期感召順調。該督不可稍存滿假。致有懈弛也。

再福康安和琳。勦捕逆苗。節據攻克各處。苗寨賊勢現已窮蹙。首逆可不日就擒。朕盼望捷音。甚為廕切。著傳諭梁肯堂。遇有福康安等捷報過境。即飭令加緊追馳。飛遞早紓宵旰。想該督自能仰體要辦也。○丁丑。諭據伍拉納等奏。鹿仔港巡檢朱繼功。於丁憂卸事後。旋遇賊匪滋事。即攜帶家屬搭船內渡。請將該巡檢革職。發往新疆効力贖罪等語。臺灣賊匪滋事。如該巡檢尚未丁憂。或係州縣

以上等官。自應在該處督率兵民協力勦禦。今朱繼功不過巡檢微員。且已丁憂卸事。若伊深明大義。自請留於汛守。幫同堵禦。固屬可嘉。茲該巡檢因業已丁憂。並無職守。聞賊滋擾。挈眷內渡。與畏罪潛逃。本屬不同。況伍拉納身為總督。遇有臺灣賊匪。臨城傷官之案。尚不親身前往督辦。轉在內地遷延觀望。迨經朕疊次降旨嚴飭。始於四月二十八日放洋。況朱繼功以丁憂巡檢微員。豈轉可責其挈眷內渡。遽加以遠戍之罪。此乃伍拉納因其身未渡臺。懼干譴責。特借參劾朱繼功。欲以掩其畏葸遷延之咎。實屬不知羞恥。可笑。朕於臣工功過。無不權衡至當。雖微末巡檢亦豈肯使之稍有屈抑。朱繼功著免其革職治罪。此等人終身不可用也。又據奏捕盜不力之參將許廷桂。請革職留緝一摺。參將職分較大。乃廢弛捕務。尚屬應參。然此乃三月初間之事。何以遲至四月二十後始行具

奏亦必係署提督顏鳴漢查出。伍拉納不得  
不會同叅辦耳。至其另奏拏獲在洋行劫首  
夥盜匪。分別正法一摺。前據魁倫奏。五虎門  
為商船出入之所。盜匪即在彼停泊。商販裹  
足關稅缺額。若伍拉納所奏屢次拏獲多犯  
果皆情真罪當。又何至近在省會地方。尚復  
盜劫頻聞。毫無忌憚。是其所獲之犯。想亦不  
過餘匪。未必盡屬盜首。且或有屈入者。皆不  
可知。總之伍拉納平日於地方公務。種種廢  
弛貽誤。及賊匪滋事。又復在內地逗留。其不  
即親往之罪。實百喙難辭。現已將伊革職。交  
魁倫等質審。俟審明到日。再行覈辦。此時轉  
不值加之訓飭也。○戊寅諭。前因閩省各屬  
倉庫多有虧缺。諸事廢弛。降旨將福康安調  
任閩浙總督。並令魁倫暫署巡撫印務。嗣因  
福康安赴閩。尚須時日。復令長麟馳往署理  
督篆。並將姚茶調任福建巡撫。前往會同魁  
倫查辦。本日據姚茶奏到。業已自黔起程。赴

閩。且稱前任該省道府。知每年奏銷。俱係年  
清年款。未聞有虧缺之事。惟常平倉穀。因濱  
海地方潮濕。每遇出陳易新。不無盤折。亦皆  
備價存庫。秋成買還等語。若所奏屬實。則該  
省倉庫。何以虧空如許之多。姚茶經朕特調  
惟當秉公查辦。不可意存迴護。其從前之咎  
轉屬可原。想長麟接奉諭旨。不日亦可先  
抵閩省。但思長麟姚茶到彼。合之魁倫。共有  
督撫三人。會同查辦。未免人多。轉致掣肘。且  
長麟向來辦事。每喜務虛見巧。不能結實認  
真。伊與伍拉納。係同旗。覺羅支派近屬。又安  
保不存迴護。魁倫係原叅之員。所辦尚有端  
緒。姚茶現已起程赴閩。即可會同魁倫詳悉  
查辦。轉不必長麟在彼。徒滋推諉。長麟自粵  
東赴閩。道路較近。自當到在姚茶之前。俟姚  
茶抵任後。魁倫將撫篆交與姚茶。即行接署  
督篆。廣東亦屬海疆。關係緊要。長麟即著回  
兩廣任事。魁倫仍俟福康安到閩後。再將督

篆交卸。回伊將軍本任。現在福康安勦捕逆苗。指日即當奏捷成功。其未到閩浙以前。魁倫、姚榮當和衷秉公。嚴密查辦。毋得稍有袒庇。瞻徇。致負委任。○己卯。諭曰。魁倫等奏閩省倉庫虧缺。從前奏過穀六十四萬餘石。銀三十六萬餘兩。本非實數。又有續虧。前後約共二百五十萬兩以上。現查明省城兩廳兩縣虧空倉穀五萬三千餘石。庫項七萬八千餘兩。請將現在閩省之告病同知李振文。邵

武縣知縣李掌將樂縣知縣路劍降調。知縣郭廷魁。上杭縣知縣姚鶴齡革職。嚴審定擬。查明任所貲財變抵。其已離閩省之方維憲。秦為幹等十二員。亦飛咨各旗籍查明家產。追出歸款等語。此事大奇。各省倉庫。帑項攸關。豈容絲毫虧短。乃閩省各廳州縣。任意侵那。省城兩廳兩縣。已虧空倉穀五萬三千餘石。庫項七萬八千餘兩之多。其餘各處。更可不問而知。歷任督撫藩司。以及該管道府。並

不隨時揭報查叅。所司何事。且恐其中有通用染指情弊。此而不徹底究辦。其何以重倉庫。而儆官邪。魁倫等所奏。尚為允當。李振文、李堂路劍、郭廷魁、姚鶴齡。均著革職。拏問。交與該署督撫。提同經手書吏人等。嚴審定擬。仍按數追賠。至臺灣餘匪。已節報拏獲。將次淨盡。並無必須楊廷理在彼幫辦之事。前已簡發京察記名道府十六員。並令馳驛前往。即日可到。知縣一項。本年大挑亦已發去五

十餘員。儘數補用。

王

楊廷理及知府鄧廷輯。徐夢麟。知縣張映斗。盧峻。亦著革職。拏問。交該署督撫審辦。其臺灣道福州府知府員缺。即著該署督撫。於發往京察人員內。揀選二員。奏明補授。其已離閩省各員。即照現任人員一體查辦。伍拉納前已革職。計此時伊已可內渡。亦著拏問。浦霖。伊轍。布前已革職。令吉慶。轉飭沿途截解。回閩。並著拏問。一併交該署督撫歸案審辦。又據魁倫奏。該省近日米



糧市價已較前漸減。省城平糶原定每升三十二文。現商之藩司酌減去八文等語。該省糧價昂貴。民食維艱。朕正深厯念。今聞魁倫此奏。稍為慰懷。所辦尚好。其減糶錢文。將來如不敷原價。亦即於各該革員等名下照數追繳。以示懲儆。○是月。署兩江總督蘇凌阿奏。臣自江寧起身赴蘇。沿途察看秧苗插蒔。彌望青葱。尋據各屬稟報。五月初旬連得透雨。秧田霑足。農民懼忙。糧價平減。地方亦極

平糶事宜

五

寧謐。得旨欣慰。覽之。○江西巡撫陳淮奏。閩省米價昂貴。奏明來江採買。惟因此時青黃不接。糧價稍增。若再行採買。必致市儈居奇。現在常平倉穀尚屬充裕。擬令各屬即於倉貯內碾米十萬石。趕交閩員運回。得旨。若果如此。則甚美之事矣。○福建巡撫浦霖奏。接准盛京將軍衙門咨稱。琉球國番民米精兼个段那田真勢等三人。在洋遭風。漂入朝鮮國。又准浙江巡撫吉慶咨稱。琉球國番民比

嘉等三人在洋遭風。漂至象山縣地方。並委員護送來閩。照例撫卹。送回本國。報聞。○山東巡撫玉德奏。五月十六七八等日。各屬陸續稟報。霖雨優渥。禾苗一律暢茂。若旬日內再霽甘霖。秋成可期。豐稔現又蒙恩。借糶兼施。口食有資。糧價平減。得旨。覽奏略慰。斷不可存諱飾之念。

平糶事宜

五

大清高宗法天隆運至誠先覺體元立極敷文奮武孝慈神聖純皇帝實錄卷之一千四百七十九

大清高宗法天隆運至誠先覺體元立極敷文奮武孝慈神聖純皇帝實錄卷之一千四百八十

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事務處管理

吏部理藩院事務正黃旗滿洲都統兼管鑾儀衛事務加七級隨帶加一級尋常加二級軍功紀錄一次臣等謹

總裁官經筵講官太子太傅文華殿大學士文淵閣領閣事稽察欽奉 上諭事務處管理刑部戶部庫事務

世襲騎都尉軍功加十九級隨帶加二級又加二級臣等謹將內大臣戶部尚書鑾儀衛滿洲都統軍功紀錄五次

尋常紀錄十四次臣等謹將經筵講官太子少保工部尚書紀錄六次臣等謹將鑾儀衛

教修

乾隆六十年乙卯六月庚辰朔諭軍機大臣

實錄卷十四

等據和寧奏唐古忒番民及斃廓爾喀商民審明正法一摺所辦甚是。此案噶爾達因向穆吉賴索討房租不給兩相爭鬧噶爾達輒用小刀將穆吉賴及傷殞命前藏為各部落番民聚集之所似此逞兇斃命自應立正刑誅以彰國憲和寧於審明後即將噶爾達正法所辦尚為迅速但穆吉賴係廓爾喀商民在藏貿易今被內地番民及傷致斃將來便中不妨將此案情節屋畧告知拉特納巴都

爾俾知天朝法律森嚴中外一體毫無枉縱自必益深敬畏於藏地更為有益將此諭令知之。以刑部郎中項家達為四川鄉試正考官編修王宗誠為副考官御史宋澍為湖南鄉試正考官戶部主事章守勳為副考官旌表守正捐軀山東堂邑縣民李樸妻路氏辛巳諭軍機大臣等前因步軍統領衙門奏陝西安定縣民王道生呈控該縣採買擾累一案降旨令景安張若渟馳驛前往會

實錄卷十四

同勒保秉公查審並將前此富平縣民雷增科呈控該縣重徵苛派一案一併交伊等會審景安張若渟係於四月二十三日在京起程迄今已一月有餘計到彼後於控案事件早應審有頭緒本日據勒保奏到於五月初九日馳抵富平景安等先已到富等語是該侍郎等係先赴富平審辦前曾諭令景安等至該省時如勒保尚未到彼即著先行查辦今勒保到彼又閱二十餘日自應迅速審明

定擬具奏何以至今未據奏到著傳諭景安等即將富平一案審結具奏後再赴安定迅速查辦如地方官心存迴護或將應訊人證等輾轉關提藉詞延宕景安等係特派審辦之大臣亦當據實叅奏毋得稍有瞻顧以致控案久懸致干咎戾。壬午諭軍機大臣等賊匪經官兵屢次勦殺之後尚敢分路肆擾實為可惡高村巖門前此德楞泰在彼往來巡查賊匪不敢窺伺德楞泰前赴花園一帶

奏案

上

續經福康安等調赴軍營福寧即應派令蘇靈前往德楞泰之地駐劄以便隨時稽察堵禦該督一味畏葸仍留蘇靈在鎮草為其護衛遂使賊匪窺見高村一帶無大員彈壓肆行焚掠況該督帶兵駐劄鎮草亦應探聽賊蹤隨時勦捕乃安坐城中一籌莫展無怪賊匪欺其無能為此反噬之計即劉君輔係提督大員前此帶兵救援永綏時轉為賊所阻隔直至福康安等統兵進勦始解永綏之圍

派令該提督在彼駐劄亦應帶兵於永綏花園一帶往來勦賊乃竟株守不進以致糧運阻隔試思鎮草永綏福寧劉君輔未到之先該處備弁尚能固守無虞豈此時有總督提督帶兵駐劄轉慮其或有疎失耶至巖門高村為鎮草後路自應亟籌疏通該處兵力因賊匪衆多不敷勦捕自不得不酌量添調以資勦禦之用福寧現已咨調荊州滿兵二千名亦足以壯聲勢而供派撥但福寧既知鎮

奏案

上

草一帶兵力單弱何以並不早請添調直至賊匪到彼滋擾始行計及雖同日據畢沅奏由荊至辰一水可通已飭妥為豫備所辦尚好但究恐路遠不能剋期到齊看來福寧竟屬懦怯無能毫無調度蘇靈於帶兵打仗尚為熟練滿兵未到之前福寧惟當率同該鎮察探賊情隨時勦捕留心防範勿再貽誤干咎至高村巖門在大烏草河鴨西鴨保之南福康安等現由大烏草河進攻賊巢賊匪為

大兵追壓故又竄入高村等處潛行焚搶以冀苟延殘喘此時福康安帶大兵由北而南若福寧亦能帶兵夾攻由南而北豈不更易歲事惜該處兵力稍單不能會剿致賊人得以肆出滋擾但賊匪詭詐多端不過因見滅亡在即分遣黨與赴高村巖門一帶焚燒搶掠以為牽掣官兵之計福康安等惟當堅持定見併力進攻賊巢但將賊首四人按名擒獲其黨自必紛紛潰散不可因鎮筸後路現有賊衆肆擾伊二人中又分投往援以致兵分見單歲功轉需時日至高村巖門道路現為賊阻隔而永綏等處亦據惠齡奏張廷彥咨稱賊匪滋擾糧道不通糧運軍火為軍行第一要務福康安等當豫為留心寬餘儲備設楚省臺站急切不能疏通必須仍由川黔一路源源接濟無誤供支方為妥善至惠齡前已有旨補授戶部侍郎並令回京供職但現據福寧等所奏各情形湖北湖南交界處

所未便無大員駐劄惠齡仍著留於該省署理湖北巡撫印務以資接濟堵禦其所奏里耶地方添兵駐劄自應如所奏辦理○癸未諭曰福康安和琳奏遊擊三格馬天奇那清阿守備七十一等隨同打仗俱屬奮勉等語賊苗於隆圍一帶出沒無常肆行滋事該遊擊等於賊匪撲卡時能帶兵奮勇追剿尚屬出力三格馬天奇那清阿七十一俱著加恩以應陞之缺先行陞用以示獎勵○諭軍機

大臣等黃瓜寨賊匪滋擾經福康安等轉回督率勦散於十七日復至大烏草河再籌進勦勞苦實甚大烏草河現既水漲賊人又復併力抵禦若不能即渡或可另尋別路繞往賊巢或可於該處酌派官兵與賊接仗使賊不覺官兵於上下覓路徑渡為暗度陳倉之計此亦一法又據福康安等奏探明路徑於何處可得便宜即由何處設法攻勦所想甚是兵貴臨機應變守待大烏草河原屬無益

惟望及早穩渡迅得成功又據福康安奏勦散高村一帶苗匪道路疏通一摺此次叅將佛寧疾馳前往奮勇夾攻賊被鎗礮傷斃及落河身死者不計其數實為奮勇可嘉佛寧著賞戴花翎都司伍爾卿額王朝佐董寧川幫同追殺亦屬出力著交福寧查明以應陞之缺陞用以示獎勵至高村滕姓幫同官兵守禦並屢次殺賊為賊所恨焚燒房屋一門五口被害情殊可憫除滕宗瓚前已賞給六品頂戴外其受傷救母之滕庚仁亦著先行賞給六品頂戴被害家口即著福寧查明優加賞卹至賊匪每遇官兵進攻輒放鎗抵禦其藏匿火藥必多官兵所用火藥雖已寬為儲備但向來綠營陋習未見賊蹤即先放鎗及至賊已臨近轉致火藥不敷烏鎗為軍營利器然必須計算可以打到再行施放方能百發百中譬之弓箭亦須近賊始射庶可不致虛發若賊未至而放箭則不能殺賊轉致

箭為賊用著傳諭福康安等務宜通飭各處帶兵將弁嚴束兵丁毋許早放鎗箭以致臨陣喫緊之際轉有缺乏再看賊匪情形現尚蜂屯蟻聚為數不少而該處林深箐密山徑叢雜處處可通大兵愈進愈遠在在皆需兵力恐現有之兵未免不敷派撥若俟福康安等奏到再行添調或至緩不濟事朕意遠省之兵一時不能速到而屯練降番現已調用二千有餘亦無可再調著傳諭福康安等酌量如尚須添調官兵即一面奏聞一面仍於川黔二省附近營汛再行檄調將現在後路之兵抽赴軍營先行應用而以續到之兵截留防守後路一轉移間庶可兩有裨益兵力既壯不但現在分投勦捕易於成功即將來事竣之後查辦逆黨亦足藉資彈壓而苗匪等見官兵源源雲集更可以寒賊膽而壯軍威現在正屆伏暑官兵觸熱進攻倍形勞勩特發去香燭九二百六十圓益元散二十四

兩交與福康安等遇有軍營將弁兵丁等觸冒暑熱者即行分賞俾得祛煩歆而資調理用示朕體恤戎行至意○改直隸故城縣鄭家口巡檢為調缺東明縣杜勝集巡檢歸部選從總督梁肯堂請也○甲申諭軍機大臣曰梁肯堂覆奏直隸各屬五月以來時雨時晴禾苗均受滋培雨水並無過多之處等語前因熱河天氣連陰日有陣雨恐其太多是以降旨詢問目今將屆大暑田禾正需雨澤接潤此間連日晴霽地土稍覺乾燥又復盼雨京城地方日來亦未據留京辦事王大臣等奏報得雨近京及畿南一帶有無望澤情形是否無虞乾旱之處著傳諭留京辦事王大臣順天府尹並諭梁肯堂即速查明據實覆奏以慰廛注○乙酉諭曰蘭第錫奏查明蕭縣河工水利築埝挑河借帑攤徵一款實欠在五十八年以前本年春間遵旨查奏時未經列入實屬疎漏等語江省河工民堰及

水利河道借帑攤徵未完銀十萬一千餘兩前據該督等奏到業經加恩寬免所有蕭縣河工未完攤徵銀兩事同一例並著該督撫再行確查咨部一體再予寬免仍嚴密查察毋許不肖官吏再有影射重徵等弊以副朕廑念閭閻有加無已至意○丙戌諭曰吉慶奏署象山協副將遊擊劉大勲黃巖鎮標遊擊古樁出洋巡緝不能奮勇策應劉大勲古樁俱著革職拏問交該撫嚴審定擬具奏○諭軍機大臣曰吉慶等奏持叅巡洋不能奮勇策應之遊擊各員一摺所叅是已降旨將劉大勲等革職拏問矣閱摺內稱劉大勲出洋巡緝時望見船十三隻在洋遊奕內有綠頭船知係閩省匪船當即向前追趕不料又有匪船十四隻從山巖內駛出與在後兵船抵拒等語是此次盜船竟有二十七隻之多非尋常洋盜可比前據哈當阿等奏賊匪滋事之初有紅頭船數十號俱穿白布褂領

又鹿耳門外有船十餘隻遊奕似非商船形  
狀等語雖訊之賊首陳周全等稱係該犯等  
假捏嚇衆之詞但賊匪業經拏獲安知其不  
因平日私通洋盜情罪更大意存狡飾現據  
吉慶奏在洋之綠頭船皆係閩匪是此項盜  
船未必非見臺灣賊首就擒閩省官兵復分  
路查拏遂潛逃至浙否則福建連年以來節  
據奏報拏獲多盜審明辦理何以洋盜尚有  
如此之多現在吉慶親赴台州一帶督率緝  
拏恐該犯等見浙省搜捕緊急又逃回閩省  
亦未可定著傳諭魁倫姚蔡哈當阿即嚴飭  
所屬文武多派兵役於各海口及洋面一體  
嚴密緝拏務獲毋得視為海捕具文致令遠  
颺漏網將此由五百里各諭令知之○江西  
巡撫陳淮疏報乾隆五十七年南昌萍鄉峽  
江臨川鉛山五縣勸墾老荒及額外新生田  
地共八十六畝有奇○戊子諭熱河旬餘以  
來晴霽稍久暑氣鬱蒸已命軍機大臣將承

德府所屬監禁各犯查明減等發落矣但人  
數無多因思京城雖已得雨而當此伏暑之  
際其緣事拘繫羈禁園圉者殊堪矜憫且清  
理庶獄亦足以感召甘庥著刑部堂官即查  
明徒罪以下者一體分別減等發落以示體  
恤 諭軍機大臣曰玉德奏通省甘雨霑足  
情形一摺覽奏欣悅該省麥收前據該撫奏  
牽算約有六分惟登萊青三屬雨澤未能霑  
透茲既普被醴膏迤東三府禾苗亦可一律  
長發但現在熱河有外來無業貧民三四百  
名已設廠煮粥給食詢之該道府稱此項貧  
民多由山東前來口外覓食若果該省雨澤  
優霑並無歉收地方則民人等何以輕去其  
鄉遠來覓食即云伊等於原籍起身時尚在  
未得透雨以前是該省麥收已不免歉薄何  
以該撫尚奏稱約有六分不致成災著傳諭  
玉德務宜留心查察如有應接濟之處即行  
據實奏聞一面妥協辦理勿得稍存諱飾以

致小民失所。已丑舉行山東省軍政卓異官一員議敘如例。庚寅諭曰福康安和琳奏陞任廣西藩司西成現在隨營辦事並據該藩司呈稱與兩廣總督長麟係屬兒女姻親例應迴避奏請揀調等語西成現在隨營委辦糧運軍火事宜未便遽易生手廣西布政使員缺著西成調補四川現有英善在彼辦理廓爾喀軍需報銷事宜所有藩司印務即可就近交英善暫行兼攝以便聞嘉言速赴廣西調任西成調任四川和琳即其本省總督仍可令其隨營辦事較為得力俟大功告竣再赴新任。又諭曰福康安和琳奏官兵攻克沙兜寨等處苗寨一摺內稱連日駐劄大烏草河該處有大山一道地勢險峻苗寨甚多所有鴨保鴉酉天星寨等處遠近山勢約畧可見賊匪往來出沒俱於沙兜寨聚集隨督率將備等分路進攻將沙兜盤喇等處

寨落悉行攻克等語此次官兵在大烏草河駐劄躡探賊匪俱於沙兜寨聚集密派額勒登保等分路繞道前進福康安等統領勁旅由正路進攻該處山坡陡窄險峻異常賊苗築卡守禦官兵圍繞賊寨併力夾攻隨將沙兜盤喇多喜等處寨落悉行攻克殲斃苗匪無數擒獲活賊多名實屬出力可嘉又據福寧奏鎮草一帶賊匪連日前來滋擾該督與蘇靈密商歸併一處協同防禦殺死苗匪甚衆等語鎮城關係緊要連日以來因該處兵力稍單正深慮念今據福寧奏現已固守無虞該督與蘇靈合併一處與賊打仗多日晝夜不息亦屬出力可嘉福康安和琳福寧額勒登保德楞泰達音泰花連布蘇靈俱著交部議敘其在事出力人員並著福康安等查明一併咨部議敘所有此次攻克沙兜等寨及鎮草打仗兵丁俱著賞給一月錢糧以示獎勵諭軍機大臣等前因大烏草河水勢



漲發賊人又拚命拒守官兵守待無益已諭令福康安另尋別路繞赴賊巢為暗度陳倉之計今福康安等先將附近大烏草河之沙兜盤喇多喜汲河獨蓋等寨悉行攻克想福康安之意自亦以沿河賊寨先行廓清即可出其不意覓路徑渡正與朕前降諭旨相合現在官兵愈進愈遠一切糧運軍火防賊抄截後路尤關緊要各處防範接應在在均須兵力昨已有旨如兵力不敷即於川黔附近

營分撥調應用今福康安等添雇壯健鄉勇酌派營弁督領分撥各隘口協同防堵所見甚是亦與諭旨相合如所雇壯健鄉勇仍不敷分撥即遵昨旨添調官兵亦無不可此次福康安等布置一切悉協機宜而官兵分投攻撲無不奮勇爭先均屬可嘉又據福寧奏鎮寧一帶賊匪晝夜前來攻撲經官兵痛加擊殺等語連日以來因鎮寧一帶兵力稍單賊匪肆行焚搶正深慮念今得此奏知鎮城

固守無虞福寧與蘇靈合併一處督率官兵與賊打仗多日晝夜不息亦甚出力已另降諭旨將福康安和琳福寧等交部議敘都司廣惠守備從大雄因勦賊陣亡殊為可惜廣惠著照遊擊例議卹從大雄照都司例議卹又據福康安等奏凱之擎獲活賊供稱石柳鄧由土空一帶輾轉逃竄現與石三保仍同在一路等語目下全在福康安等倍加努力設法進攻一經擒獲首惡其餘黨不攻自潰

即鎮寧一帶賊匪亦必立時瓦解○又諭據都察院奏山西洪洞縣民郝天壽呈控該縣因災積欠常平倉穀七千餘石遞行倒換作為現年應還之款未得一體豁免又藉稱應差派捐穀石編排保甲勒派銀兩等款請派員審辦等語各省民欠特經降旨普免且山西一省前據該撫奏稱並無積欠及因災緩帶各項何以洪洞一縣猶有積欠倉穀至七千餘石之多如果該縣有更換領狀改舊作

新情弊及藉端勒派銀穀等事自應徹底根究或係郝天壽曾充總甲別有挾嫌誣控情事亦不可不按律懲治以警刁風前經降旨令景安於陝西富平安定兩案審明完竣即順赴山西審辦壽陽縣擅砍官樹一案勒保會審事竣來京陛見必由山西經過著傳諭景安勒保於路過洪洞時將郝天壽控告之案及壽陽擅砍官樹一事一併會同秉公嚴審定擬具奏 辛卯諭軍機大臣曰吉慶奏運閩米石船隻經過調幫一帶洋面有匪船二十餘隻攔船行劫因官米裝放艙內用板釘蓋一時不能搬搶隨劫去銀物等件委員等間有受傷尚不甚重又在石浦地方猝見盜船三十餘隻駛來搶奪經石浦巡檢朱麟帶同漁船出口迎捕都司張世熊等趕至協拏砍死盜匪二名打傷落水多人並奪賊船一隻烏鎗藤牌各一件腰刀一把上有閩右十號字樣等語昨因台州洋面有閩匪綠頭

船二十七隻拒傷兵船已降旨交閩浙二省一體嚴拏茲復有盜船五十餘隻疊劫官運米船毆傷兵役實屬慝不畏法調幫洋面二十餘隻或即係前此之閩匪船隻尚可藉口於台州現在緝拏竄至該處而石浦地方盜船二十餘隻又從何而來是前後計算匪船竟有數十餘隻之多似此洋盜充斥若不上緊嚴拏其何以安商旅而靖海疆況奪獲賊船之上查出烏鎗腰刀藤牌等項有閩右十號字樣自係閩省兵船為盜所劫乃伍拉納浦霖並未奏聞此皆伊二人之罪將來均當逐一查究現在吉慶等飛調温州兵船由南而北定海營船由北而南四路堵截所辦尚好但尚恐匪徒等見浙省查拏緊急又復潛回原籍此時長麟自己抵閩並著長麟魁倫姚榮通飭各海口文武仍一體嚴拏務期盡數擒捕剪絕根株毋任一名漏網本日又據哈當阿楊廷理覆奏臺灣辦理各情形一摺

所奏亦俱不可信前降諭旨俟姚榮到閩後令長麟將總督印篆交魁倫接署即回兩廣本任今思閩省緝捕洋匪及查辦倉庫諸務正關緊要長麟未便遠離閩省著再傳諭該督接奉此旨仍留閩省務將緝盜暨清查各事宜幫同魁倫實力妥辦俟大局完竣再行奏明起程回粵不可因有前旨遂思置身局外至楊廷理前任首縣虧空倉庫已有旨革職拏問目下自己解至內地並著長麟等即向其嚴切究訊勿任支飾將此由六百里加緊各諭令知之仍將兩省洋面如何會緝及獲犯若干名之處六百里加緊迅速覆奏○壬辰蠲緩福建晉江南安龍溪南靖長泰海澄六縣及石碼一廳乾隆五十九年水災額賦有差○癸巳諭軍機大臣等本日額駙拉旺多爾濟差人至行在請安詢之該摺差護衛福祿稱察哈爾正紅鑲紅二旗及綏遠城俱未得透雨現在望澤等語察哈爾正紅鑲

紅二旗及綏遠城地方與山西西北各府州接壤該處既未得透雨想關外一帶自亦未獲醞膏現在時值大暑稻粱未黍正資雨澤長發何以未據蔣兆奎奏及著傳諭該撫即將近邊及關外地方是否缺雨田禾有無妨礙之處迅速查明據實覆奏勿得稍存諱飾甲午諭軍機大臣曰蔣兆奎奏太原等九府屬並遼州各直隸州屬及歸綏道所屬於五月二十前後並六月初一日等日得雨自二三四寸及深透不等一摺昨因詢據拉旺多爾濟摺差福祿稱察哈爾正紅鑲紅二旗地方暨綏遠城俱未得雨山西沿邊一帶與該處接壤恐亦未獲醞膏已有旨詢問蔣兆奎矣本日又閱該撫所奏糧價單內如遼州代州及歸綏道所屬米糧價值俱較上月貴至八九分及一錢不等雖青黃不接之時糧價稍增亦常有之事但究屬昂貴遼州代州皆係近邊歸綏道所屬俱係綏遠城一帶地

方該處糧價增長。自因雨澤稍稀所致。看此情形。福祿所稱缺雨之處。不為無因。沿邊及口外一帶。固止係該省中之一隅。第小民覓食維艱。亦不可不亟為調劑。即如直隸省今年雨水調勻。可卜豐收。而熱河現因晴霽日久。糧價稍增。已命設廠賚賑。豈可因口外不過一隅。致貧黎稍有失所。著再傳諭。蔣兆奎即速查明沿邊及口外各屬。是否情殷望澤。田禾有無妨礙。如有應行接濟者。即一面妥為辦理。據實奏聞。毋得稍存諱飾。以副朕軫念民依至意。

大清高宗法天隆運至誠先覺體元立極敷文奮武孝慈神聖純皇帝實錄卷之一千四百八十

大清高宗法天隆運至誠先覺體元立極敷文奮武孝慈神聖純皇帝實錄卷之一千四百八十一

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事務處管理

吏部理藩院事務正黃旗滿洲副都統世襲騎都尉軍功加七級隨帶加一級尋常加二級軍功紀錄一次臣等謹

總裁官經筵講官太子太傅文華殿大學士文淵閣領閣事稽察欽奉 上諭事務處管理刑部副都統事務

世襲騎都尉軍功加十九級隨帶加二級又加二級重慶內大臣戶部尚書鑲黃旗滿洲副都統軍功紀錄五次

尋常紀錄十四次臣等謹將經筵講官太子少保工部尚書紀錄六次臣等謹將尋常

敬修

乾隆六十年乙卯六月乙未諭曰長麟等奏

廣東南海三水四會高要等縣沿江基圍因四月中旬陰雨連綿海潮盛漲以致間段漫溢禾苗俱被淹損等語南海等縣江外圍基本以護衛民田今因海潮盛漲間有被衝浸溢之所田禾致有淹損雖各該縣基圍被淹不及十之一二但現在早收將屆正值青黃不接之時猝被水淹民力未免拮据所有南海三水四會高要等縣被水地方著加恩借給兩月口糧俾資餬口其本年應納錢糧著

一併緩至來歲秋成後帶徵完徵以紓民力該督撫務督率所屬實心經理以副朕軫念偏隅不使一夫失所至意又諭曰魁倫奏同知秦為幹知縣李廷彩牛世顯汪光緒縣丞史恒岱等在閩年久所至聲名狼籍眾怨沸騰經手錢糧任意侵虧又泉州府知府張大本貪鄙性成現在辦理平糶一事開糶則倒填日期報價則短開數目便已病民怨聲載道等語閩省吏治廢弛已極皆由不肖官員不思實力撫綏惟事剝削苛刻侵帑殃民所致魁倫甫行署任即據實糾叅所辦甚是張大本李廷彩秦為幹均著革職與已革之牛世顯汪光緒史恒岱交與該督撫一併嚴審定擬具奏其現任漳州府知府金城前任嘉義縣知縣單瑞龍據魁倫奏該二員守潔才優民情愛戴金城雖於前在延平府任內所屬虧缺未能揭報著從寬暫予留任如果始終出力再行奏明請旨單瑞龍亦著留於

該省委用。俟服闋再行送部引見。以示朕勸懲。並用至意。以工部侍郎吳省欽為浙江鄉試正考官。編修洪梧為副考官。吏部侍郎金士松為江南鄉試正考官。贊善錢樾為副考官。刑部侍郎譚尚忠為湖北鄉試正考官。工部員外郎李肖筠為副考官。丙申月食。諭軍機大臣議奏。臺灣鹿仔港彰化縣被賊戕害各官分別議卹一摺。所議甚是。同知朱慧昌雖辦理陳光愛匪案。本有疎漏。遊擊曾紹龍不能豫為防範。但該員等均駐劄鹿仔港。猝被賊匪滋擾。帶兵抵禦。因眾寡不敵。以致臨陣被戕。究係歿於王事。與畏葸偷生者有間。自應照陣亡例。給予卹典。伍拉納自知身獲罪愆。意欲故從刻覈。以為見長地步。殊屬過當。雖伍拉納之罪。原不止此。但即此可見其辦理諸務顛倒錯謬。不一而足。朕於臣工賞罰。一秉大公。賞宜從厚。從不肯使勤勞者稍有屈抑也。諭軍機大臣曰。福康安

等奏官兵攻克盤基坳山梁。勦殺各寨苗匪。並酌調觀成前赴鎮。鎮軍策應一摺。諸凡用心連日。盼望捷報。今觀此奏。心覺畧舒。又據福寧奏賊匪屢至鎮城窺伺。經官兵奮勇勦殺。近日鎮軍一路官兵亦漸有起色。目下所調荊州滿兵計已可陸續到齊。福康安等又知會觀成。即由正大銅仁一路迅速前往。並派巴圖魯侍衛伍紹溫春等隨同進發。所辦甚是。觀成屢經出兵。茲到鎮。鎮軍統領滿兵與福寧籌辦一切。於堵勦機宜更為有益。且經福康安諄囑伊二人嚴防固守。思慮尤為周到。是鎮軍一帶斷不致復有他虞。此次福康安等密派官兵分投設伏。誘賊前來。出其不意。併力進攻。額勒登保、德楞泰等分兵兩翼抄上山梁。痛加勦殺。將附近一帶屯聚接應逆苗概行焚勦。甚屬可嘉。而鎮軍一路勦禦賊匪亦為出力。著賞給福康安和琳、伽南香手珠各一盤。上用綠皮小刀各一把。嵌松石火

錄各一把以示優眷。餘賞給福寧等荷包銅管烟壺等件。交福康安等查明分賞。又據福康安等奏各兵於崇山峻嶺之上晝夜奔馳日曬雨淋間有染患洩瀉之症等語。官兵等冒暑勦賊致染疾病實堪憐憫。昨忽思及已發去香薷丸益元散等項並發去平安丸一千丸交與福康安等遇有觸熱之將弁兵丁即行分賞俾得祛煩歆而資調理。今福康安等已飭黔川司道製造各種丸散豫備應用所辦亦好。目今軍營氣候如何兵丁等腹疾曾否全愈並著福康安等遇便覆奏以慰廑念。至苗匪心性無常現因首逆未擒准令投降不過為解散餘黨一時權宜之計此時究以用兵為正辦。福康安等惟當持定主見併力進攻勦捕肅清長驅深入以期擄穴擒渠完善藏事。○丁酉舉行陝甘兩省軍政卓異官四員年老官二員罷軟官一員有疾官二員廣東省卓異官四員罷軟官一員才力不

及官一員廣西省卓異官一員罷軟官一員分別議叙處分如例。○戊戌諭軍機大臣曰梁肯堂奏查勘永定河水勢工程一摺今年入伏後雨水短少河流不致增長工程自屬平穩但往後秋汛方長該督尚宜倍加小心督率在工員弁實力巡防不可少存大意又閱所奏各州縣得雨單內至多之處不過四寸此外止一二寸不等現屆伏暑之際一二寸之澤恐不足以資接濟看來畿南一帶亦不免情殷望澤熱河於十八日夜間得雷雨一陣約有三寸未知畿南曾否同霑著傳諭梁肯堂即速查明具奏其前此得雨一二寸各州縣已經長發田禾是否不至妨礙現在曾否普獲甘霖禾稼一律結實灌漿之處一併查明詳細具奏勿稍諱飾。○旌表守正捐軀陝西三原縣民馮丕卿妻梁氏○己亥諭軍機大臣等京城自初七日據王大臣等奏報得雨四寸後迄今又將半月未據續奏現

當伏暑之際。田禾正資。雨澤滋培。長發看來。京城一帶。不免情殷望澤。著傳諭王大臣。即於黑龍潭覺生寺兩處。設壇祈禱。除八阿哥現在留京辦事。綿恩署理步軍統領外。其餘綿字輩阿哥。應照向例。分日輪流前往拈香。著八阿哥傳知伊等。務須齋心虔禱。並派伊齡阿。令熟習祈雨之回子。一體祈求。八阿哥於下值無事之日。仍分往兩處拈香。虔誠祈禱。並照料一切。以期甘霖速沛。○唐子諭軍機大臣曰。梁肯堂覆奏。各州縣自六月以來。尚未得雨。當此溽暑鬱蒸。農民盼澤。未免殷切。現在敬謹設壇。朝夕虔禱等語。此間自十八日夜間得雨三寸後。連日未獲續沛。甘霖同深焦切。想因本年春間雨澤霑足。直隸麥收豐稔。大田復早播種齊全。我君臣未免稍存滿假之心。以致現在雨澤稀少。著傳諭該督。斷不可稍存諱飾。惟當以百姓之心為心。常恐一夫失所。倍加敬凜。齋心籲祈。以期感

召麻甘醲膏渥沛。○辛丑。諭曰。孫士毅奏。嚴飭備弁。於各卡隘交界地方。實力防範。匪苗當據盤獲。奸細鄧老紅一犯。訊明正法。並於省城及重慶地方。製造藥丸。帳房解赴軍營。應用其兵丁。應行更換衫褲鞋襪。一併豫備。解往等語。所辦甚好。此次逆苗滋擾。經福康安和琳督兵痛勦。連次攻克賊寨。首惡不日就擒。孫士毅署理川督。派撥將弁。於要隘地方。嚴緝堵禦。拏獲奸細。並以夏熱較甚。官兵等觸暑攻圍。藥味可以祛暑。帳房等項。未免閱久破爛。即行趕緊製辦。解赴備用。實為可嘉。孫士毅著交部議叙。以示獎勵。○又諭據興兆奏。伊帶兵已抵辰州府。由藍尼高村等處。前赴鎮筸等語。興兆此次帶兵前往。尚屬迅速。著寄賞大荷包一對。小荷包四個。外其帶兵之協領等官。及兵丁等。所借修理行裝銀兩。著加恩寬免一半。以示獎勵。○諭軍機大臣曰。李奉翰奏。黃沁兩河水消。工穩情形。



一摺據稱河水自六月初八日以來連次加長因前水消落後水續長是以大河堪資容納河槽日愈刷深等語覽奏欣慰此皆仰賴河神默佑伏汎安流隄埽各工咸臻穩固特發去大藏香二十枝交與該河督敬謹祀謝用答

神貺至現在甫屆立秋為日方長所有埽灣迎溜各工在在均關緊要該河督務須董飭道廳人等實力巡防小心守護勿稍懈怠以期秋汎安瀾通工一律完固用副朕軫念河防至意將此諭令知之○又諭據陳大用奏較閱外海兵船水操情形一摺另片稱節次獲過水陸盜犯二百九十餘名所辦尚屬認真前據吉慶奏浙洋盜船逃至定海一帶外洋潛匿當飭將備等帶兵搜捕在吉祥門洋面追獲盜匪十二名訪查餘匪俱竄至北洋已飛咨江蘇巡撫及崇明鎮緝拏等語浙江盜匪膽敢搶劫官運米船情殊可惡雖經吉

慶派委官兵搜捕但北距江蘇洋面不遠陳大用現在外洋巡閱著傳諭該提督即督率將領帶兵分投嚴拏並著蘓凌阿一體飭屬嚴拏務將各盜船盡數緝獲毋任遠颺漏網

壬寅遣官祭

火神廟 癸卯諭承德府及所屬灤平縣自六月以後雨澤稀少秋收恐致歉薄若將應徵錢糧照例徵收民力不無拮据所有承德府及灤平縣缺雨地方本年應徵錢糧著加恩查明緩至來歲麥熟後徵收以紓民力○甲辰諭上年曾降旨將發遣新疆各處及軍臺官犯按其情節並發遣年分分別減釋今思上年查辦時有因到配年淺仍留該處及查辦之後續行發往者其中亦不乏情節可矜之員現在熱河暨近畿地方雨澤稍稀允宜宥過省刑以期感召甘澤所有發遣及軍臺官犯並曾經當差之旗人著軍機大臣即會同該部覈其情節分別減釋開單進呈請

旨定奪以示朕法外施仁。青災肆赦至意。○留京王大臣等議奏。臣等查各省督撫辦理地方事務。凡事關奉旨。或命盜刑教重案。及更定舊章。關係民瘼。一切緊要事宜。自應隨時具奏。若尋常照例事件。俱有例案冊檔可查。毋庸專奏滋擾。乃各省辦理。未能畫一。有循例具題。仍復具摺陳奏者。有各省俱係題達。而一二省獨用摺奏者。亦有命盜案件。已結其案內。續參人員。即可一律題參。仍復有具摺劾奏者。又如丞倅牧令題陞調補。如有實係要缺。原准專摺奏請。其餘尋常之缺。自應循例具題。即間有人地相需。歷俸未滿者。不妨於疏內聲明。而督撫等因有專保之例。率行紛紛摺題。亦應飭止。再地方照例辦理事件。各省有祇奏不題者。亦應於年底彙奏咨部。用備查覈。均無庸專摺具奏。從之。○以侍講學士羅修源為陝西鄉試正考官。刑部主事朱文翰為副考官。禮部侍郎劉權之為

江南鄉試正考官。編修錢福胙為副考官。○旌表守正捐軀奉天廣寧縣民朱勇祥妻宋氏。江蘇海州民楊勇富妻唐氏。○乙巳。諭留京王大臣會同六部議。將各省題奏事件。畫一辦理。一摺。應依議。但朕之意。不可不明白宣示。各省尋常事宜。從前原止係照例題報。近自一二十年以來。各省督撫。每將例應具題之件。改為奏摺。以便一月之中。發摺數次。見其辦事認真。該督撫既已奏到。朕無不逐加批答。遂至踵習成風。徒滋煩濫。今經王大臣等議歸簡要。恐外間無識之徒。疑朕批閱。憚煩大臣等。因而迎合。以向來具奏之件。大半改為咨題。不知國家創立奏摺。原為關係民瘼。並一切緊要事宜而設。至於王大臣現改題咨各款。皆係無關緊要之件。此內如接收交代。盤查倉庫。無虧等款。更為有名無實。各省遇有前後交代。及督撫甫經到任時。無不相沿具奏。貪稱並無虧短。乃現在福建一

省倉庫空虛已閱多年而該省歷任督撫藩臬等仍以並無虧缺具奏其明驗也可見此等奏摺不過藉詞搪塞實為無謂況王大臣等所改題咨各款皆屬尋常按例之件其實係重要急務原仍許其隨時專摺具陳至於題陞調補等件向來該督撫具奏尚須勅部覆議迨議覆疏題朕必確加察覈或照該部准駁或照督撫所請施行是權衡悉由朕親裁又何必具奏在先轉致辦理紛歧若謂朕憚於披閱則臨御以來已六十年矣朕敬

天勤民維日孜孜迄今已五十九年又過半年矣未嘗稍存懈弛現距丙辰歸政之期祇餘半年豈五十九年半之久不敢怠遑而此半年之內轉致稍圖安逸有是理乎即如朕現因熱河及近畿一帶雨澤稀少宵旰焦勞無時或釋每遇閣章遞到無不親加詳閱是朕於辦理庶務從不肯一刻稍寬不特此也即明年歸政以後遇有緊要之件尚當指授嗣皇

帝率諸大臣等凜遵妥辦俾得聞朕教誡有所稟承仍與今日無異總之朕仰承

昊眷康彊逢吉一日不至倦勤即一日務存兢業雖歸政之後亦豈肯置政事於不問此次王大臣等所改題咨各款各省如何遵照辦理之處仍著各該部按照彙奏事件之例於年終彙奏一次其中准駁及有無遲逾之處朕可一覽而知庶刪其煩複而仍綜其大綱於法制更為周密將此通諭中外知之○又諭昨因熱河雨澤短少已將承德府及所屬灤平縣本年應徵錢糧降旨緩征連日以來仍未得沛甘霖現在已過立秋收成恐致歉薄若祇緩至來歲麥熟後徵收小民仍不免以輸將為念著即施恩寬免以示朕軫念民艱有加無已至意○諭軍機大臣曰蘇凌阿等奏伏汛安瀾一摺覽奏欣慰據稱自五月初旬以後大雨時行黃河水勢陡長滙流下注至六月初七八以後漸次消落各工一律

平穩等語此皆仰賴

河神默佑得以工固濶安特發大藏香二十枝交與該督等敬謹祀謝以答

靈貺現在甫過立秋大汛方長蘇凌阿等惟當督率文武各員益加敬畏實力巡防勉之又勉不可稍存懈怠以期河湖水勢工程一律平穩安流方為妥善將此諭令知之○又諭前以降苗等或有心懷反側難保其不復萌故智曾諭令福康安和琳於擒獲首逆後

趁此兵威詳細查辦現在熱河及近畿一帶雨澤稀少業已疊沛恩綸煮賑緩征減刑肆赦尚未克即邀渥澤朕夜間再四思維求其致旱之由而不得因念苗民涵濡王化百有餘年與編氓無異今吳半生石三保等自作不靖糾眾滋擾焚搶抗拒固屬自外生成而其黨與以及附從苗眾究由賊首等勾結迫脅煽惑所致若概行搜查嚴辦則人數較多亦非所以仰體

上蒼好生之德目下雨澤愆期朕夙夜省循未必非此一念所致况首逆既擒其附從苗眾自必紛紛瓦解若必逐加查究既未免搜捕需時且恐輾轉株連致滋拖累朕心殊覺惻然著傳諭福康安和琳除吳半生等四犯首先肆逆罪在不赦及各處焚搶為首有名賊目彰明較著者亦當查拏究辦外其餘被脅苗眾雖經從賊抗拒而畏罪投誠俱可無庸深究總之渠魁一得脅從可以罔治若謂苗眾心懷反側恐年久又復滋生事端無難隨時究懲自古本無一勞永逸之策亦不必豫為逆億以致殲戮過多有違好生之道况勦撫兼施自更易於歲事朕盼望甘澤宵旰靡寧諒福康安等定能善體朕心遵照安辦以期速奏捷音罷兵息民仰承恩眷○丙午旌表守正捐軀江蘇山陽縣民陳潛濬妻張氏丁未諭曰趙佑奏閩省有司積習一摺所奏已達趙佑由安徽學政調任福建已及三

年該省吏治廢弛自必早有見聞若伊係編檢部員簡放前往尚可藉詞於職分較小然學政有奏事之責已難辭隱默之咎今趙佑係副都御史職司糾察非微員可比該省吏治似此廢弛已極伊在任三年之久何並未一字奏聞及至朕降旨查辦始為此一奏以為見長跼地步大員委任著傳旨嚴行申飭並著交部議處○湖北巡撫惠齡奏荊州沙市濱臨大江向藉大隄保障近因江流衝激致緊靠沙市堤岸露有頂衝九處紳士鮑照等呈請出資自汪家場起至拖船埠止共長二里添建草壩一座當即准其興修嗣經前任督臣福寧來堤巡視因恐本地民人不諳工程建築未能如法復咨調南河河工守備包宗克帶領河兵三名來荆勘明大江水性駭悍草壩難以抵禦隨於頂衝處所排釘木椿另用竹篾裝石沉於水底上鋪柴草層草層石積累而上計高二丈五六尺不等寬

四丈至七丈有餘長九十餘丈於五月初十日工竣所有人工物料俱係紳士等自行經理臣復親臨履看工程實屬堅固當諭該紳士等將來秋深水落准其就近於窖金洲上取土挖蘆以為歲修壩工之用至守備包宗克等在工數月不辭勞瘁督率有方現已飭回並咨明河臣蘭第錫量加拔擢以示獎勵報聞駐藏辦事大臣松筠奏彝拉木宗喀濟龍及沿邊一帶番民貧苦俱係達賴喇嘛所屬自應輕其賦稅臣因閱邊沿途面詢此數處百姓並稱每年應納錢糧之外尚有別項折色而濟龍番民賦稅尤重前此曾向達賴喇嘛言及番民窮苦情形據云如查有苦累之處即應隨時調劑臣因向邊民等諭以達賴喇嘛之意每年止令交納正項錢糧其餘概行豁免其彝拉木百姓錢糧過重已量為減額尚有沿邊各處番民賦納皆屬較重概行查減再途次有番民稟訴每年達賴喇

麻商上及大寺廟差人赴聶拉木等處貿易者俱係邊地百姓應付烏拉隨出示嚴諭嗣後此項貿易者所需烏拉人夫俱著發價雇用其唐古忒各世家及達賴喇嘛親屬人等概不准私用烏拉再查前藏所屬番民每年差派雜役頗多除邊遠游牧者尚無從攤派其餘種地番民一年交納各項錢糧外每戶另出銀幫貼夫費此項差役除灑掃布達拉等處寺院及秋季豆草交廟上應用實屬苦累查廟上日需之草束原有百姓一年所交折色銀一萬兩應用尚有贏餘儘可雇募應役其格外苛派概請嚴禁得旨覽奏俱悉廣西巡撫成林疏報乾隆五十九年小鎮安天保博白三廳縣開墾水旱田十頃七畝有奇又水田埤二十二埤○戊申諭曰姚榮現有應訊事件著解任候質福建巡撫印務仍著魁倫兼署其閩浙總督印務仍著長麟署理又諭朕近年未曾進哨因上圍蒙古等

皆係早經派定是以仍加恩減半賞賚本年停止進哨行圍雖早經傳示但蒙古等仰戴悃誠自必深切著該部將本年應上圍人等仍照上年減半賞賚此項賞銀並著該扎薩克均勻賞給派出之行圍人等毋得任聽屬下章京等侵漁及未經當差之人冒濫以副朕惠愛至意○諭軍機大臣曰魁倫奏姚榮前在漳州道府任內所屬三縣虧空庫項二萬餘兩姚榮著解任交長麟等嚴切訊問據實具奏又據長麟等奏閩省米價平減無需浙米協濟查浙米十萬石現在僅運到六千三百餘石餘米俱請停止等語所有浙江運閩米石及江西撥運之米一體停運行抵何處著即於何處截留起貯候撥將此并諭陳淮吉慶知之○又諭曰蘓凌阿等奏伏汎安瀾工程平穩一摺本年六月以來黃沁兩河水勢隨時增長隄壩各工悉臻穩固皆賴河神默佑得以循軌安流特再發去大藏香

二十枝。交該督等虔誠祀謝。以答

靈貺。其臬司康基田。叅將韓勝。於水溜坐灣側。注情形險要之處。分投往來督率抵禦。尚為出力。康基田。韓勝。先行交部議叙。至該督等。以及此外在工員弁。統俟秋汛安瀾。再行一體議叙。現在甫過立秋。大汛方長。該督等惟當倍加敬畏。實力巡防。以冀工固瀾安。仰邀甄叙也。將此諭令知之。○又諭曰。吉慶等奏。拏獲盜匪劉潤之等。供稱匪船聞拏畏懼。

駛往北洋躲避。向來官兵在洋追捕。匪船多至本省交界洋面而止。匪船竄逸隣境。即不復追拏。最為惡習。已飛咨福建江蘇督撫等。通飭沿海各營。遇盜追趕。即出本省交界洋面。仍須出境窮追。鄰省巡船亦即策應堵截。以期遇盜必獲等語。正當如此辦理。匪徒在洋為盜。竟敢公然糾聚多人。搶劫官米。實屬目無法紀。此而不速拏嚴辦。其何以昭國憲而靖海疆。現雖獲犯四十餘名。但此次盜船

共有數十隻。其未獲之犯。為數自必尚多。不

可不四路搜擒。以期悉數就獲。定海迤北。距江蘓洋面不遠。昨據張誠基奏。親赴上海鎮洋等處。會同陳大用。嚴飭水師將弁。無分畛域。合力兜擒等語。此時張誠基自己早到該處。務當與陳大用。嚴飭員弁。實力堵拏。不可因係暫時護篆。存五日京兆之見。以既到海口。即可塞責完事。再閱吉慶摺內。稱匪船逃至長塗北洋。經官兵追至擒獲。又逃往外洋

等語。浙省外洋直捷北上。即係山東登萊青一帶洋面。恐該犯等見江浙兩省查拏嚴急。又逃往東省。亦未可定。並著玉德。嚴飭沿海地方文武。於各要隘一體嚴密截拏。勿任遠颺漏網。總之此等盜匪。現經吉慶王夔。調撥兵船。并選派幹役鄉勇。先後赴洋購線捕緝。即有竄逸者。非在江蘓山東隣境。即係潛回福建原籍。此事著責成閩浙江蘓山東各督撫。董飭所屬。上緊嚴拏。如視同海捕具文。致

令免脫稽誅。將來獲犯後。審出該犯在何省藏匿。惟疎縱之該省督撫提鎮。是問不能稍從寬貸也。再蘇凌阿現因在工防汛。未能分身前往。但護巡撫張誠基。係屬漢人。陳大用未曾經歷戎行。於海洋緝捕事宜。究未能諳習。現在已屆末伏。河工有蘭第錫康基田在彼。亦足資分投照料。著傳諭蘇凌阿酌量察看工程平穩。於七月初十出伏。可以分身時。亦即速起程前往上海鎮洋等處。嚴督官兵實力堵拏。自更有益。將此由六百里加緊傳諭蘇凌阿等。並諭陳大用。王秉知之。仍著將如何設法會拏。並續獲盜犯若干之處。迅速具奏。又諭曰。吉慶等奏搶刦官運米船之盜匪。竄入長塗北洋。官兵追至該處擒捕。復逃往外洋等語。浙省洋面。距江蘇不遠。而外洋又緊與山東登萊青一帶洋面相對。張誠基現已親赴上海鎮洋等處。會同陳大用合力堵拏。如該犯竄入江蘇。業經該撫等按名

捕獲則已。若尚未經拏獲。必又逃往東省。亦已有旨諭令玉德督率沿海各員嚴密堵拏。因思現在甫交秋令。南風尚多。恐該犯等見各省查拏緊急。乘風北上。又竄至天津。及奉天一帶洋面。亦未可定。天津係屬內海。雖向無盜匪。但亦不可不留心防範。至奉天牛莊等處。向多盜案。最易藏奸。尤不可不嚴加堵緝。並著琳寧台費音梁肯堂督飭各海口員弁一體實力嚴拏。勿令免脫漏網。將此諭令知之。又諭曰。梁肯堂奏永定河伏汛安瀾一摺。已於摺內批示。本年永定河水自入伏後。旋長旋消。各工俱極穩固。仰賴河神默佑。順軌安瀾。殊為安慰。著發去藏香二十枝。交梁肯堂親往拈香祀謝。現在伏汛已過。秋汛方長。該督當督率道廳汛員。加意防範。俟秋汛安瀾。奏到日。再將該督等交部議叙。再昨據梁肯堂奏報。工次於二十七日得雨滂沛。至午未止。適又據鄭製錦奏報。保



定省城於二十六日夜間至二十七日寅時得雨六寸四野霑透等語覽奏欣慰此間昨晚濃陰自且至已得雨綿密勢甚透足現尚未止察看雨勢或即由畿南一帶而來亦未可定熱河灤平地方收成詢之該道府等據稱高處山田所種高粱已屬無及至低窪處所高粱穀子尚可回潤長發其餘雜糧得此甘膏均可望有收成等語直隸缺兩地方現在曾否普被優沾口內地方較平並無高峻處所此時若得雨滋培田禾是否尚可接濟有收之處著該督詳悉查明據實具奏以慰廑注○已酉諭曰福康安等奏道員符兆熊在川年久屢辦軍務著有勞績此次秀山苗匪滋事該道首先會同鎮將悉力堵禦嗣又派運糧餉最為出力現因勞病故殊屬可憫查該道有子符元魁捐納正八品職銜本隨伊父幫辦轉運事宜最為奮勉懇請將符元魁留在糧臺一手幫辦並請俟伊服闋後留

於川省照伊原銜以縣丞府經歷等官補用等語自應如此但念符兆熊前曾在金川廓爾喀辦理軍務此次秀山苗匪滋事該道又堵禦運糧實為出力茲復歿於軍務殊堪憫惻符兆熊著加恩賞給按察使銜所有伊子符元魁並著加恩賞給州同職銜俟大功告竣後送部引見以示格外體恤至意 又諭據惠齡奏陞任藩司汪新現辦軍需請俟祖之望到任汪新交篆後暫留楚省辦理軍需事竣再赴安徽巡撫新任等語湖北現有辦理軍需事宜正關緊要汪新自應奏請留於該處一手經理乃汪新摺內尚稱俟祖之望到任交印後即馳赴新任意圖避勞就逸殊屬不知緩急另行降旨申飭外汪新著交部察議 諭軍機大臣等留京辦事王大臣奏得兩情形一摺覽奏欣慰本年六月下旬以來雨澤稍稀田禾正在長發之際未能接濟滋培收成不無少減昨詢問熱河道府據稱

承德府本境及所屬灤平被旱地方山坡田畝所種高粱等項乾枯已久難望有收其平地低田得雨回潤高粱可得三分有餘穀子可得五分有餘等語熱河地多山坡得雨稍稀莊稼不無乾旱然自二十八日戌刻起至二十九日午刻止雨勢綿密入土深透低田莊稼接濟回潤牽算尚有四分有餘合之平泉等州縣共有八分順天府所屬近畿一帶地勢平衍去年大水之後地土本來潮潤現

據留京王大臣奏二十八日亥刻起至二十九日辰刻雨尚未止是田禾已得接濟足資回潤將來收成約有幾分之處著留京王大臣並順天府詳悉查明據實覆奏以慰廑注又諭曰蘓凌阿奏七八月間秋汛喫緊懇請暫緩接署蘓州撫篆仍令護撫張誠基帶印前赴江寧辦理鄉試監臨事宜事竣再令交印赴京瞻覲等語所奏是河防秋汛本關緊要昨因浙省洋面盜匪剽米竄駛北洋又

諭令蘓凌阿酌量河工可以分身時前赴上海等處海口嚴密督拏張誠基來京陛見有何緊要所有秋闈監臨事宜自當令其入場辦理倘有要務即暫緩來京亦無不可但本日據惠齡奏湖北現在辦理軍需汪新係屬熟手懇請暫留該處俟大功告竣後再赴新任等語軍需關係緊要已降旨准令留楚辦理是汪新一時尚不能即赴安徽巡撫之任該署督兼理上下江撫篆勢有難周況現在

前赴海口督拏盜匪更屬鞭長莫及周樽雖屢經護撫而人本老實恐不足資倚恃著傳諭蘓凌阿自行酌量如能兼顧則已否則於上下江所屬三藩司內酌量何人才具較為明練足以護理撫篆之處據實奏明一面請旨一面令其前往安省護理撫篆庶於地方事務不致辦理掣肘也又諭此次苗匪多在鎮單永綏乾州保靖辰州一帶滋擾所有附近各苗寨地方不致被其焚搶蹂躪其距

苗匪滋擾稍遠地方自必無礙耕種湖南通  
省收成約有幾分總未據該督撫奏到又苗  
匪滋擾之處現經官兵勦散其避出之居民  
良苗等曾否陸續復業能否補種晚禾以資  
餬口可望有收之處著傳諭畢沅姜晟即速  
查明詳悉速奏以慰廑念○又諭曰魁倫奏  
請留海壇鎮總兵克什布暫緩陞見一摺海  
壇鎮為水師要務現在浙省協濟米石已陸  
續分運外洋前據吉慶奏浙江定海太平等

洋面兩次拏獲盜匪四十餘名盜船聞拏畏  
懼駛往北洋逃避已降旨令沿海各督撫嚴  
飭文武員弁四面兜拏以期洋盜盡數就獲  
以靖海疆而彰國憲該總兵現在閩浙交界  
洋面迎護米船勦捕洋匪正關緊要魁倫惟  
當轉飭該鎮嚴督弁兵實力巡緝勿稍懈弛  
該鎮瞻覲本無緊要俟洋盜就獲之後再行  
來京亦不為遲將此諭令知之○又諭據惠  
齡奏五月間大雨後襄江新漲水勢汹涌以

致荆門之鄭家港天門之沅家口隄隄同時  
浸水該處居民房屋間有淹浸並未倒塌亦  
無損傷人口等語荆門天門等處猝被水災  
民房間有淹浸殊堪憐憫現經該撫等豫備  
饌餅蘆蓆等物按名散給以資棲食務須加  
意查察勿任吏胥從中侵扣俾無業貧民均  
霑實惠不致稍有失所方為妥善又據惠齡  
奏汪新現在辦理軍需請暫留楚省查辦軍  
需事竣再赴安徽新任等語湖北現有辦理

軍需事宜正關緊要祖之望係新任藩司地  
方情形自必生疎軍需事宜更未能熟諳汪  
新雖陞安徽巡撫應自行奏請留於該處一  
手經理乃尚稱俟祖之望到任交印後即馳  
赴新任並即奏請陞見殊屬不知緩急看來  
新任汪新祇係循分供職之員竟不曉事除  
將伊交部察議外仍著傳旨申飭祖之望到  
楚後汪新亦不必將藩司印篆交出即兼攝  
湖北藩司同祖之望將軍需事宜悉心經辦

妥協俟軍務告竣再行交印前往安徽巡撫之任亦未為遲至惠齡在京供職多年且曾為叅贊豈不知事體輕重今以該處辦理軍需關係緊要請留汪新一手經辦所奏尚是但既令汪新在楚即不應令其交卸藩篆乃摺內尚稱祖之望到任令汪新交篆亦屬非是惠齡著一併申飭將此各諭令知之○是月欽差大學士公調任閩浙總督福康安四川總督和琳等奏征勒苗匪必須安頓糧臺馬站今自黔省之大魚塘至馬頭塘先設糧臺四處彼處路徑稍平計程一百三十里自馬頭塘至湖南之永綏現設十二臺俱係苗疆山嶺崎嶇遇山水發時每有阻隔必須繞道盤旋只以三四十里為一站計程共四百五十里再黔省山路頗多轉運不易各站夫價未便拘照常例凡運送貨物每五十觔每站約給腳價銀一錢五六分至回空日亦應支給口糧自大魚塘至馬頭塘照口內折銀

五分馬頭塘以外照口外折銀八分得旨此時急望捷音之至不能錙銖計利至此○福建將軍兼署巡撫魁倫奏准浙江撫臣吉慶咨稱呂宋國民人食阿南等二人在洋遭風漂至玉環大鹿山洋面護送來閩照例撫卹送回該國報聞○浙江巡撫覺羅吉慶覆奏奉旨詢問閩省倉庫事伍拉納第次來浙從未提及地方虧空伏思此等事件惟賴督撫等潔已奉公認真妥辦何難於二三年內彌補齊全今閩省自清查後又閱數年之久仍無補益總由伍拉納重聽凡事委之臬司錢受椿因循所致至浦霖尚能辦事但沾染外官習氣不能實心整頓以致吏治廢弛倉庫虛懸得旨皆公言知道了

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百八十一

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百八十二

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理  
吏部理藩院事務直隸總督滿洲都統世襲騎都尉軍功加七級隨帶加一級尋常加二級軍功紀錄一次臣履桂  
總纂官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務  
世襲騎都尉軍功加九級隨帶加二級又加二級臣董誥內大臣戶部尚書兼直隸總督滿洲都統軍功紀錄五次  
尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆六十年乙卯秋七月庚戌朔享

太廟遣肅親王永錫恭代行禮○諭曰興兆奏  
帶領滿兵一千名於六月十二日自辰州起  
程沿途經過岩門高村濫泥一帶見該處守  
卡官兵甚為嚴肅民情安帖於六月十七日  
行抵鎮軍與觀成福寧會晤城內不能駐劄  
多兵現於城外各山梁分營安駐其後起滿  
兵一千名查岩門濫泥為鎮軍後路關係緊  
要即留於彼處防守等語國家設立將軍總  
督原為地方遇有匪徒滋事帶兵勦捕而設

興兆身為將軍帶領滿兵二千名前往鎮寧協勦不特到鎮城後即應向福寧詢問賊匪情形商同上緊勦捕其所經岩門高村一帶俱係賊匪時往窺伺焚搶之處前此觀成由正大營前往鎮寧帶兵本屬有限尚可云不敷勦捕至興兆帶兵二千名之多自當沿途留心偵訪探明賊蹤就近勦殺以期廓清後路再赴鎮寧會同觀成福寧趕緊攻捕附近賊匪方為無負任使乃途次並未與賊打仗

平定回疆方略卷一百一十五

三

自係避道潛行幸保性命得至鎮寧又復漫無調度僅將帶往之兵分駐城外而於如何商辦勦賊情形竟無一字奏及殊不可解興兆人本老實無能前因該將軍帶兵前往行走迅速尚復加之獎賞今不料其糊塗一至於此至福寧自抵鎮寧以後因循畏葸一籌莫展近日賊匪因福康安和琳統領大兵痛加殲戮直壓巢穴賊匪勢窮力蹙分其黨羽潛赴鎮寧以為牽掣官兵苟延殘喘之計福

寧遂心懷畏懼檄調滿兵二千名前往迨兵既到彼自應趕緊籌畫進攻乃亦無一言入奏則檄調滿兵何用豈專為護衛伊等坐守空城而設耶況現據興兆奏該處民情安堵商旅如常則以有用之兵置之無用之地更屬無謂前次苗匪滋事之初福康安在雲南一得稟報即星馳前往和琳在邛州得信亦即由間道兼馳前赴秀山旋與福康安會合督辦福康安和琳二人遇事急公奮勇出力

平定回疆方略卷一百一十五

三

興兆福寧何不知效伊二人獨無人心耶且興兆等俱係滿洲將軍總督似此庸懦無能朕之用人不當惟有自引愧耳除另降諭旨嚴行申飭外興兆福寧俱著交部嚴加議處現在勦捕苗匪事務福康安和琳調度合宜屢次奏捷指日擒渠蔽功但兵可百年不用不可一日不備著傳諭各省將軍督撫提鎮等平時務宜實力操練遇有派調尤當奮勇勦捕方為無忝厥職不可如興兆福寧之遷

延畏蒞自蹈咎戾也。諭軍機大臣曰：興兆身為將軍，帶領滿兵二千名前往鎮守，兵力不為不多。儘敷沿途勦捕之用。其所經高村、溫泥岩門一帶，皆係賊匪窺伺剽掠之處。該將軍自當沿途探勦，乃並未勦殺一賊。及既抵鎮，於如何商量勦捕進攻之處，亦無一字奏及。止將帶到之兵安駐城外，殊不可解。鎮守城外，前此賊首吳半生曾到彼滋擾。今賊匪竄回，月餘則駐兵何用？豈為坐守空城而設？其岩門、溫泥等處民情安帖，則後起滿兵一千名又何必再駐該處？豈非以有用之兵徒置無用之地？著傳旨嚴行申飭，並著傳諭該將軍等務宜共知愧悔，奮勉勦賊。毋再遷延遲誤，致干重戾。再福康安等自破黃瓜寨後，一到大烏草河，見河流險阻，賊人拚命拒守，兵力不敷，攻勦即當星速添調。方為得濟，乃又閱多日始行檄調雲貴四川官兵，雖所調之兵俱係附近營分，但究不能朝發夕

至。大烏草河雖屬險阻，自當另覓間道，或於上下游設伏誘賊，使之首尾不相接應。官兵趁勢繞過，以為暗度陳倉之計。若坐守待渡，則現有之兵不能設法迅濟。豈添兵之後遂能飛渡耶？現在鎮守駐守之福寧等及此外帶兵分駐各提鎮將領，皆止知自守，不能分勦進攻。全仗福康安和琳統兵勦捕。若福康安等不獲剋期進攻，則日復一日，衆志或致懈緩。所關非細。此旨到時，福康安等或已攻破賊巢，擒獲首逆，停止續調各兵。實所深願。伊二人務當堅持定見，鼓勵將士，以期迅速。藏功再瀘溪辰溪月餘以來，並未聞有賊匪滋擾之事。何必派令總兵大員帶兵駐守福康安等與其於遠處調兵等候需時，何不就近抽撥，更為便捷？但袁敏等是否可以調動，朕亦難以懸揣。著交與福康安等酌量辦理。至吳半生既可由賊巢繞赴鎮守，則我兵即可從此路躡蹤追捕，與福康安和琳會合。兩

而夾攻。目下鎮算無事。亦無須多兵防守。朕意興兆所帶後起滿兵。儘可供勦捕之用。即先到之滿兵一千。亦可抽撥數百名應用。或交與觀成、蘇靈帶領。由南而北。直搗賊巢。與福康安和琳會合。使賊腹背受敵。尤易成擒。倘觀成等不能得力。德楞泰前在溫泥高村一帶。往來督察。駐劄日久。情形較熟。或令德楞泰仍回鎮算。會同觀成等協力勦捕。亦屬出奇制勝之法。○又諭曰。伍拉納奏。拏獲拒捕傷斃差役之盜犯林誥。審明正法一摺。此案林誥在洋疊刦多次。按律本應斬決之犯。迨經蚶江通判差役洪成、洪勇、陳吉訪拏。該犯輒用刀戳傷洪成。立時致斃。洪勇、陳吉亦被砍傷。洪勇旋亦身死。尋常鬪殺案件。致斃二命。例尚問擬絞候。其賊犯事發逞兇殺死捕役。為首者亦係斬決。今該犯以江洋大盜。又復膽敢拒捕。致差役二死一傷。覈其情罪。即當問擬凌遲。或查出該犯子弟一人。照例

議抵。即云罪不及其父。但似此兇殘盜犯。亦當查出其父。量加懲治。方為允當。今伍拉納僅將該犯斬決。梟示殊屬失之輕縱。聞省諸事廢弛。海盜充斥。即如本日伍拉納另摺奏拏獲洋盜郭鵠等。又有二十六犯。可見該省洋面盜刦頻聞。擾害商民。實屬不成事體。若不嚴加懲創。何以申國憲而靖海疆。林誥一犯。即當照此查明辦理。著傳諭長麟魁倫嗣後遇有此等案件。即當一體嚴加懲治。庶使匪徒漸知畏法。以期洋面肅清。不可稍事姑息。○又諭曰。伍拉納、浦霖俱在閩年久。聽憑各州縣任意侵那。以致倉庫空虛。且前據魁倫、參奏。臬司錢受椿等。為其任用。昨又奏知府張大本同知秦為幹等。聲名狼籍。衆怨沸騰。伍拉納等豈無見聞。何以並不參奏。看來伍拉納、浦霖俱有任用私人。為之營私舞弊。甚至借彌補為名。通同派累。俱所必有。此事現交長麟魁倫會同查辦。伊二人務當秉公



嚴查一經查出即據實奏。長麟向來沽名  
魁倫係屬原參或因此事既已發覺革職治  
罪已可完結欲為消弭將查出婪索賄賂各  
情弊壓下不辦化大為小將來別經發覺伊  
二人自思當得何罪不值從井救人以身試  
法也勉之慎之○又諭據陳大用奏本月十  
九前抵吳淞海口督率洋盜接據都司葉永  
錫等稟報十七日早見有匪船三十餘隻從  
浙洋梅山開行望江南塌餅門外洋直駛隨

率各船迎往施放鎗礮擊損賊船打斃賊匪  
多人各賊靡然官兵俱皆無事等語所奏殊  
不成話盜匪船隻既從浙洋駛至江南外洋  
官兵跟蹤追緝自應將賊匪如何擊殺究竟  
生擒幾人打斃幾人及官兵如何出力緝捕  
之處詳悉具奏乃摺內稱各賊靡然官兵無  
事試思官兵捕拿盜匪當賊四竄之際尚當  
察訪偵拿豈當賊船業已遇見反任其潛逸  
而官兵轉致束手幸保無事即可塞責有是

理乎向來洋盜不過偶遇一二行劫商旅船  
隻今乃於官運米船公然搶劫且盜船前後  
共有五六十隻之多似此肆行無忌日聚日  
多且恃有島嶼藏身豈不又至釀成前明倭  
寇關係非小若不嚴行緝拿懲治何以肅洋  
面而靖地方昨因吉慶奏到盜匪竄駛北洋  
曾降旨諭令蘇凌阿於七月初十日出伏後  
酌量河工可以分身時前赴上海等處海口  
嚴拿但現在盜船已從浙洋駛至江南塌餅

門外洋陳大用未曾經應戎行於海洋緝捕  
事宜難資倚恃目下現屆未伏河工有蘭第  
錫康基田在彼亦足資分投照料著傳諭蘇  
凌阿不必等候出伏於何日接奉此旨即速  
起程前赴上海鎮洋等處海口嚴督官兵實  
力堵拿蘇凌阿係該省總督該處弁兵等見  
總督大員親駐海口督緝自必更加出力可  
期即時緝獲再前據吉慶奏拿獲盜船有閩  
右十號字樣自係閩省兵船為盜所劫可見

從前伍拉納等所奏節次拿獲洋盜俱係虛捏業經降旨令長麟等一體購線緝捕即有竄逸者非在江蘇山東隣境即係潛回福建原籍此事著責成閩浙江蘇山東各省督撫董飭所屬上緊嚴拏祇須分駐各海口令將弁等往來梭織巡緝不必親身放洋務期將各盜船盡數弋獲淨絕根株如視同海捕具文致令免脫稽誅將來獲犯後審出該犯在何省藏匿惟疎蹤之該省督撫提鎮是問不能稍從寬貸也將此由六百里加緊各諭令知之○辛亥諭曰鄭親王之名著改烏爾恭阿○旌表逼嫁捐軀陝西乾州民劉世安妻黃氏○壬子諭軍機大臣曰畢沅等撫緝苗寨頭人石大貴等六十八寨設法羈縻附近辰州乾州一帶苗寨前後投誠者計共有一百五十處看來賊勢已衰是以各處苗衆紛紛歸附副將慶溥辦理安撫事宜尚為妥協尹繼善之子正合如此著賞給大荷包一對

小荷包四個以示獎勵現在賊匪黨與日孤福康安等正宜趁此進攻以為掃穴擒渠之計昨因德楞泰前在濫泥高村一帶往來督察駐劄日久則情形較熟曾諭福康安等或令德楞泰仍回鎮單會同觀成等帶領滿兵追躡逆首兵半生由間道出其不意直抵賊巢知會福康安和琳兩路夾攻使賊腹背受敵尤易成擒出奇制勝之法朕意無過於此福康安等務宜多方設法熟籌速辦並鼓勵將弁兵丁使之共知敵愾齊心鼓勇以冀剋期集事不可株守日久以致師老氣怠此為最要○癸丑諭曰哈當阿覆奏辦理臺灣逆匪一案種種糊塗錯謬實在無可置辯等語該提督身膺專閫於匪徒滋事既不能迅速搜捕於前復種種遲誤於後迨降旨飭詢猶以感愧悚惕等語虛詞具奏並不自行請罪實屬糊塗已極哈當阿著再交部嚴加議處諭軍機大臣等據梁肯堂覆奏現在得雨

各州縣早禾收成約在七八分上下一切晚禾旬日後再得微雨亦可六分以上等語所奏尚未明晰口外承德府本境及所屬灤平縣因六月後雨澤稀少收成歉薄但合府牽算尚有八分至口內地方俱係平坦之區非口外山地可比且現在各處俱已得雨著傳諭梁肯堂即查明口內各府地方收成均勻牽算是否尚有七八分之處即詳查據實具奏以慰廑注 又諭曰長麟等奏訊問浦霖

伊轍布供情一摺內稱周經係伍拉納任藩司時充當庫吏伊轍布任內已經報滿在外開張銀店常有領出傾銷之項因交代時查出尚有未交銀八萬五千二百兩之數恐新任不肯接收當即勒追除已現交銀四萬五千二百兩外尚有四萬兩無從措繳恐庫中正項有缺即將辦賑餘存項下銀四萬兩代為措墊等語看此情形伍拉納之罪更重於浦霖周經以藩司庫吏竟敢在外開張銀店

短缺庫銀至八萬五千餘兩之多伍拉納先係福建藩司旋擢浙閩總督每年具奏銀號並無舞弊及接收盤查時何以俱未查出任其虧缺必係周經為伍拉納私人有通同侵用情弊著傳諭長麟魁倫即嚴訊周經所短庫銀四萬兩在何處用去倘周經支吾不吐即加之刑訊自無難水落石出一經究得伍拉納有從中侵用情節立即據實具奏倘長麟魁倫意存袒護代為消弭伊二人自思當

得何罪凜之慎之 旌表守正捐軀安徽阜陽縣民牛興妻趙氏 甲寅諭據宜綿奏等獲瑪納斯地方偷採綠玉之王宜修等九人定擬具奏等語瑪納斯山內所出綠玉早經嚴禁今復拏獲九人想來內地白玉綠玉皆係由新疆偷採者不然從何得來著交經過地方各大臣等嚴飭隘口驛站不時留心搜查毋得稍有疎漏 諭軍機大臣等昨因長麟等奏查出藩司庫吏周經虧短庫項銀尚

有四萬兩等語業已降旨令該署督等嚴切訊究周經係於伍拉納任藩司時充當庫吏其平日侵挪舞弊伍拉納自當知悉迨伍拉納陞任該省總督有年並不嚴行查究催追歸款又任其開張銀店每年州縣報解庫銀必由伊處傾鎔俾沾餘潤則伍拉納在藩司任內每年具奏銀號無弊之摺豈非盡屬虛誣又復任將庫項積欠拖延以致虧短累萬周經不過一藩司書吏伍拉納身為總督毫無爪葛若非係伍拉納任用私人通同染指何以任聽侵那積年不辦著再傳諭長麟魁倫即向周經嚴究所短庫銀係在何處用去是否實與伍拉納通同侵用並向伍拉納根訊因何不將周經查辦如何通同舞弊之處逐一究出據實陳奏不可顛預為兩敗俱傷姑息了事長麟與伍拉納同係覺羅若稍意存袒護將庫銀如何虧短情節盡令周經承認自行花用即可完結或將究出伍拉納通

同侵用及婪索屬員之處隱飾不奏朕必將伍拉納周經拿解來京廷訊一經審出實情恐長麟魁倫不能當此重戾也又諭曰穆和蘭接奉賞給四品頂戴遣往哈密辦事諭旨具摺謝恩伊前在河南巡撫任內於一切事務並不留心奮勉致令邪教要犯劉之協免脫是以革職發往烏魯木齊効力今加恩賞給四品頂戴遣往哈密辦理事務著傳諭穆和蘭務當感激朕恩格外奮勉於一切事務留心妥辦倘仍前漫不經心不肯實力報効則應如何從重治罪之處伊諒亦知之乙卯諭軍機大臣等昨內務府大臣等奏將五德之子永泰定擬枷號鞭責實屬輕縱已改發伊犁當差矣永泰前在蘇州代五德經管關務以致闕稅短缺陷伊父身獲罪戾此而僅擬枷責仍得安坐家居不足以示懲創永琅人本老實緹布甫經簡用俱不足深責伊齡阿久任關差鹽政又管理內務府多年

所辦何事五德家產業經查抄所有伊名下  
短缺關稅銀九萬八千六百六十餘兩即著  
落伊齡阿按數賠繳以為贍狗寬縱者戒本  
日召見軍機大臣降旨時和坤等叩頭請罪  
以此事京中曾經寄商伊二人意存姑息未  
經改正亦有應得之咎但永泰原定枷號鞭  
責永琅伊齡阿緼布究係何人主見如此定  
擬之處必有一先言之人朕之辦理諸事他  
或不知伊齡阿不得謂不知仍著據實明白

回奏毋再支飾干咎又諭昨據留京王大  
臣順天府尹等奏早禾收成約在八分以上  
晚禾七分以上牽算可得八分等語本日召  
見趙煥據奏沿途所見田禾情形約有五分  
收成與王大臣順天府尹等所奏不符熱河  
自上月二十九日得有透雨後旋即晴霽已  
有七日京城一帶亦未據王大臣等奏報續  
獲甘膏現命軍機大臣詢之熱河農民據稱  
此間因連晴數日地土稍覺乾燥等語未知

京城情形若何現在尚未屆刈穫之期收成  
自難豫定然高粱穀子等項早經結實灌漿  
無難一望而知著再傳諭留京王大臣順天  
府尹即將京城及順天府所屬各州縣日內  
有無盼澤及收成究竟約有幾分之處即速  
確查據實覆奏不可稍事粉飾又諭據玉  
德奏先接准江蘇咨文密派鎮道等不動聲  
色於各要隘海口嚴密堵緝洋匪迨接奉諭  
旨後即馳赴登萊一帶親督查緝等語該撫

因鎮道等偵探堵緝恐呼應不靈即親赴登  
萊一帶海口督率查拏所辦尚屬認真但祇  
須遵照前旨駐劄海口董飭將備等於洋面  
往來搜捕以期盡數弋獲不必親身放洋或  
有疎虞轉屬不成事體亦不得視為海捕具  
文以致盜匪遠颺漏網致干咎戾也將此諭  
令知之又諭曰據吳璥奏自本年閏二月  
起至六月止續收小錢三萬三千餘觔解交  
直隸歸局鎔銷一摺已於摺內批示前因各

省私鑄充斥錢法日壞節經降旨各該督撫嚴切查禁立限收繳大加整頓現在稍有起色但外省習氣往往日久懈生或查察稍疎奸商市儈仍復私自行使又滋弊端不可不防其漸除四川雲貴湖廣各督撫現在辦理軍務俟大功告竣後再行降旨飭查外其餘各該督撫務當嚴密收查依限盡繳毋得視為具文日久懈弛倘該督撫仍不實力奉行以致小錢又復充斥惟該督撫是問恐不能

當其咎也將此傳諭各該督撫並諭吳璥知之丙辰以編修蔣攸銘為河南鄉試正考官戶部主事周鏐為副考官太常寺卿施朝幹為山東鄉試正考官編修李驥元為副考官內閣中書齊嘉紹為山西鄉試正考官吏部主事薛洪為副考官丁巳諭曰馮光熊奏查明黔省錢糧內有銅仁府屬五十九年未完米三千三百七石零請分作兩年帶徵等語前因銅仁地方猝被苗匪滋擾業經降

旨將本年應徵錢糧全行豁免以紓民力今據該撫查明尚有五十九年分尾欠米三千三百七石七斗零著加恩一併豁免以示軫念黎元恩施無已至意又諭本年熱河官員兵丁演射布靶較好且平素差務亦皆奮勉著加恩普賞兵丁一月錢糧厄魯特兵丁亦各賞一月錢糧以示朕獎勵旗下世僕至意諭軍機大臣曰長麟朱珪奏等獲洋盜歐阿錠陳亞一等審明辦理二摺已飭交該

部知道海洋盜犯擾害商旅不可不嚴加緝捕節經降旨認真整飭而粵東洋面尚復盜劫時聞朱珪係讀書人自不至如伍拉納之在福建諸事廢弛於辦理盜案一味從刻竟致有名無實朱珪容或失之姑息斷不至失之深刻但此等洋盜查辦不可不嚴現在長麟在閩查辦事件未能即時回粵廣東洋盜案件竟當責成該撫督飭所屬留心嚴密查緝務使匪徒斂迹以期輯靖海疆固不可臨

累善良亦不可稍事寬縱本日奏到摺內之  
逸盜余亞讓黃亞受等即當嚴拏務獲毋任  
遠颺漏網至革職總兵陸廷柱留粵緝盜據  
奏連次隨同獲盜之處是否係他人拏獲後  
陸廷柱隨同列名具稟抑係該革鎮親身躡  
緝拏獲之處並著該撫查明據實具奏將此  
諭令知之 又諭據費淳奏俟江蘭到滇即  
將應辦事宜詳悉告知星赴江蘇新任等語  
費淳在滇省辦理銅務錢法及軍需各件尚  
為熟諳江蘭係新任巡撫雖曾任該省藩司  
恐不能如費淳之熟悉著傳諭福康安酌量  
此時該省銅務錢法軍需各件江蘭如果尚  
能辦理妥協即著費淳先赴新任若必需熟  
手經理亦即據實奏聞暫留費淳在彼以資  
整飭現在費淳即或起程想離滇省不遠江  
蘇撫篆署理有人亦可無庸急於前往即來  
京陛見亦無甚緊要惟在福康安酌量情形  
應否令赴新任抑或暫留滇省之處就近行

知費淳令其遵照費淳於何處接奉此旨即  
在該處等候福康安行知到日再定行止將  
此傳諭福康安並諭費淳知之再近日軍營  
情形若何速奏來 又諭戶部覈議湖南軍  
營准駁各款一摺朕初閱時惟恐部臣覈議  
未免過於從嚴及逐加披閱內如水路運送  
軍糧給發水腳一款定例順水每站給水腳  
銀三分六釐逆水給水腳銀七分逆水水腳  
增幾一倍原即為幫緯雇夫之用何得又於  
例外請添緯夫支給回空口糧又運送軍火  
軍糧雇夫一款向來雇覓人夫回空給與口  
糧業屬從優從無空閒之日給與雇價之例  
又製給口袋一款定例每米五斗裝口袋一  
條今該督等以二斗五升用布袋一條已屬  
加倍又於例外添出取土口袋軍需運送米  
石不下數十萬而拏卡取土更無定數似此  
任意加增糜費不知凡幾又撫卹難民一款  
該難民中如屬隨營効力自應一體支給鹽

菜口糧若止係尋常安插難民大小男婦給與口糧乃屬格外恩施何得與効力行間者概給鹽菜致無區別且一任地方官冒開人數有何查考戶部所駁甚是該督撫所奏各條內凡有可以准行之處部臣俱已照覆而所駁各條實屬例外浮多斷難覈准況戶部所行之例即係從前西北兩路及金川廓爾喀用兵時軍需報銷時定則西北兩路俱屬口外而金川廓爾喀尤為邊隅蠻徼人跡罕到之區尚可按例報銷今湖南勦捕逆苗究屬內地何得轉於例外浮開此必畢沅姜晟未經留心確覈而局員等恣憑具奏希冀准行為日後冒銷地步著傳諭該督撫務宜遵部議隨時嚴密稽察毋任浮冒尤不得藉詞部駁稍誤軍行致干重戾 戊午諭據舒亮等奏拿獲逃犯烏阿錦郭玉倪廷薩等三名已經正法其未獲逃犯張恒心現派兵弁上緊追拏等語舒亮等拿獲逃犯烏阿錦等三

名即行正法尚屬得當可見此等犯人脫逃時該將軍等果能認真嚴行查拏斷無不獲此次因緝捕較嚴始行拏獲著交舒亮等嗣後違犯內如再有脫逃者著照此次速派兵弁各處嚴拏毋得恃有內地及原籍代捕也著通諭東三省將軍大臣等知之 諭軍機大臣等本日熊枚奏交卸起程籲請陞見一摺太屬拘例已於摺內批示張誠基現護撫篆前因浙洋盜匪竄入江南海面業令該護撫馳赴海口督率堵拏新任臬司康基田又因秋汛防河尚在清江是江蘇巡撫臬司均不在省熊枚現署該省藩司自應暫緩交卸留彼辦理地方事務滇省銅錢諸務經費淳辦理妥協現復留伊在滇經理亦不必亟需熊枚赴任何得拘泥成例急思交卸又復稟請督臣委派道員安盛額接署藩篆殊屬不知事體輕重熊枚著傳旨嚴行申飭並著於何處接奉此旨即行回至江蘇仍署藩司事



務俟張誠基由海口回蘇時再行交卸起程  
徑赴雲南新任亦不必來京陛見也並著傳  
諭沿途督撫飭知所屬於熊枚過境時即將  
此旨傳知令其速回江蘇任事毋致歧誤  
又諭據方維甸奏天津地方於六月二十八  
九等日連得雨澤七月初一日以後連日快  
晴並無雨水稍多之慮等語所奏未甚明晰  
天津地方六月以後雨水稍稀雖於二十八  
九等日獲被甘霖但現尚未出伏收穫等項  
正資雨澤接濟祇慮其少未見過多熱河於  
六月二十九日得有透雨後又隔多日地土  
已覺乾燥初六日得有陣雨迤西有二三寸  
迤北則不成分寸未知近畿一帶及天津地  
方曾否得被甘霖未據該督等奏及朕心深  
為廑念著傳諭梁肯堂方維甸各即查明初  
六日以後近畿及天津一帶是否得雨現在  
收穫豆子及一切菜蔬等項有無妨礙之處  
即據實覆奏以慰廑注又諭曰福康安等

現在帶兵剿賊自當籌畫萬全以期一鼓成  
擒亦不必加之催促但福康安等前於未接  
諭旨之先業經檄調雲貴四川兵七千名此  
項添調之兵現已到營若干亦應奏及川黔  
兵丁在綠營中較為出色且係新到勦捕自  
更得力何以福康安等摺內未據奏明至逆  
首吳半生因前被官兵勦敗係降苗報信心  
懷忿恨輒敢糾眾報仇而鎮筓一帶賊匪見  
鎮城守禦嚴緊復思至岩門高村濫泥一帶  
要截後路實屬可恨已極至吳半生前至高  
村滋擾時將滕家泰一門九口先行殺害復  
將滕家泰擁去竟剥其皮其殘毒實出情理  
之外該犯情罪重大覆載難容必須設法生  
擒解京盡法處治昨於御園鎗擊一鹿以卜  
擒渠豫兆此鹿帶傷而逸與吳半生之腿中  
鎗傷乘間逃竄者相同因命郭什哈烏鎗人  
等追捕直過西峪之大山梁尋獲是此鹿先  
雖逸去即被擒獲亦足為吳半生屢次奔竄

旋即成擒之兆佇盼捷音速至再副將劉惠等等獲賊目吳老華供稱吳半生遣該犯赴寅兜何家山桃映鄉一帶滋擾因取閱福康安等前奏圖內桃映鄉乃係貴州所屬與銅仁附近地方可見賊匪東西奔竄蹤跡無定著傳諭福康安和琳務遵前旨嚴飭後路駐劄之鎮將等留心防範勿使由彼竄逸劉惠尚屬留心著福康安和琳酌量該員如果始終奮勉即可傳旨賞戴花翎以示獎勵再福

寧奏到勦散石羊哨岩門等處賊匪尚覺差強人意據奏現令蘇靈駐劄岩門往來巡察仍查探賊人來路前往搜勦等語若福寧等能帶兵自南而北與福康安和琳兩路夾攻固屬甚善但亦當於四人內酌留二人在鎮守防守不可或致疎虞倘福寧等自揣兵力不敷攻勦則鎮守及後路之岩門高村濫泥等處防守俱關緊要福寧等務宜隨時堵勦嚴密防禦亦不責以會合夾攻生擒逆首之

事也至滕家泰以武生而能知大義致遭慘害實為可憫著福寧查明伊二子年歲若干是否成人奏明賞給官職以示旌獎又據馮光熊與福康安和琳具奏糧臺賑卹事宜一摺此時急望捷音之至不能計及錙銖昨據畢沅姜晟奏到已交部覈覆黔省即可照辦妥籌以期源源接濟福康安和琳更宜專心勦賊不必豫計及此也 己未

孝懿仁皇后忌辰遣官祭

景陵○諭軍機大臣曰張誠基等奏據巡洋鎮將具報查得閩省匪船自六月十七日被官兵奮擊後當即逃竄由浙江衢山外洋南遁官兵在各處島嶼連日遍歷巡邏現今江省洋面並無盜匪蹤跡等語匪船既向南遁自必仍往浙江福建一帶且昨據長麟等奏遶擊莊錫舍等獲匪犯陳益等三名查閱賊單所開衣物似係浙省被劫米船內物件是各盜犯見江浙兩省查拏嚴急已紛紛潛回原

籍著傳諭長麟魁倫吉慶即督飭所屬上緊嚴拏務期全數捕獲勿任一名漏網長麟魁倫雖現有清查倉庫及審辦之件但緝拏洋盜一事亦關緊要昨據該署督撫奏稱即分赴沿海各州縣盤查倉庫並就近督緝洋匪伊二人務當董率將弁實力哨捕不可疎懈其已獲各盜並即迅速審明嚴辦具奏至江蘇洋面前已有旨令蘇凌阿速往海口督緝蘇凌阿既經到彼蘇州省城事務殷繁張誠基回署正可料理一切但洋面遼濶盜船既往外洋烟波浩淼或南或北恐非目力所及安知非巡洋將弁捏稱匪船南遁以為規避之計著傳諭蘇凌阿務宜留心稽察毋任朦混此事係責成該督撫等辦理若視同海捕具文致令來往無禁將來獲犯後審出該犯在何處潛踪惟疎縱之該督撫提鎮是問不能稍存寬貸也將此各傳諭知之○又諭曰朱珪奏廣東省五十九年分綠營倒馬成數

並買補節省銀兩一摺已於摺內批示矣各省馬匹例應題報朋馬奏銷時將倒馬成數並節省買補銀數覈明具奏此非為節省起見馬匹為戎政攸關兵丁等或喂養不善致多倒斃殊非慎重武備之道且馬亦生命定例覈明倒馬成數本意欲令兵丁知善養馬重馬政亦所以飭戎行並非沾沾節省糜費已也著傳諭各省督撫通飭綠營將弁曉諭各兵丁等務將馬匹小心餵養俾收實效不得僅以循例具奏了事軍機大臣議覆調任陝甘總督勒保奏稱遵查哈密庫貯火繩係自雍正年間起歷次軍需案內存貯共計二十六萬七千三百餘丈除古城每年支取外現貯蘇火繩七萬三千餘丈硝氣漸走請飭令該協如法製造仍貯庫備用其紙火繩樹皮火繩十八萬九千九百餘丈硝藥全走不堪應用請即在該處變價歸公如變價後短缺原製價值應請自四十九年查辦之後

起至雅德等到任清查之日止著落歷任哈密協副將都司並該管提鎮辦事大臣分賠應如所奏辦理至各項軍械既據該督均稱完好應令照舊妥貯從之○庚申諭曰玉德奏審擬充沂曹道德明擅發傳單縱容家人陳錦擾累驛站一案將德明擬發伊犁効力贖罪陳錦發往黑龍江給披甲人為奴所辦大錯國家簡用旗員原欲其正己率屬整飭地方乃德明以滿洲道員因公上省輒敢擅用號馬多帶車輛復縱容家人滋擾甚至拖累知縣致有自縊之事情節尤重此而不加嚴懲何以儆官常而肅吏治德明著改為絞監候先於濟南省城重責四十板即在該省司監收禁俾共知儆惕至陳錦以道員家人倚仗伊主聲勢任意騷擾滋陽縣陳時所發傳單即係陳錦開條轉給是陳時畏罪自縊實由陳錦釀成且外省陋習督撫司道家人於所屬地方藉官滋事俱在所不免此事因

該縣張晉稟出玉德不得不據實參辦而其餘州縣隱忍不報督撫亦遂置若罔聞者諒亦不少必應從重究辦懲一儆百陳錦著即在該處絞決以抵陳時之命並為各省督撫司道家人長隨滋事不法者戒署泰安縣知縣張晉據實稟明尚有風力著遵前旨送部引見餘著照所擬完結至玉德辦理此案意存寬縱豈以明年屆朕歸政之期輒敢輕為嘗試朕仰承

昊眷康強逢吉一日不至倦勤即一日不敢懈弛雖歸政後遇有此等事件亦必加意整飭寧肯置之不問且德明不過因公上省並非調任翠眷行走乃既擅用號馬十餘匹因何復用大車三輛之多其所裝載究屬何物必係私帶苞苴輜重或竟係饋送玉德之物俱未可定玉德何以並不詳查具奏殊屬非是玉德著交部嚴加議處並著將德明車輛所載何物係作何用詳細查明據實具奏如德

明所帶係饋送王德及在省兩司物件玉德  
隱匿不奏將來別經發覺試思當得何罪凜  
之慎之至陳時籍隸雲南因被上司累畏  
罪自盡情尚可憫所有陳時家屬搬送各費  
俱著玉德出貲給付送令回籍以示懲將  
此通諭知之 又諭曰五德不能管教伊子  
以致短缺關稅實屬咎由自取但念伊年老  
無孫永泰著加恩免其發往伊犁枷號三個  
月滿日再同五德一併發至熱河居住以示  
朕法外施仁至意 諭軍機大臣等據蘇凌  
阿奏添撥官兵船隻前赴毗連浙省之小羊  
山馬蹟山一帶協同偵緝等語已於摺內批  
示昨據張誠基等奏匪船被官兵奮擊後當  
即逃竄由浙江外洋南遁等語業經降旨令  
該督撫等上緊嚴拿閩省匪船既向南遁自  
必在浙江附近島嶼藏匿或仍回福建本籍  
即如長麟等前奏拿獲匪犯陳益等三名賊  
單所開衣物係浙省被劫米船內物件可見

該盜匪等見江浙兩省查拏嚴急俱已紛紛  
逃回原籍希圖竄匿著再傳諭長麟魁倫吉  
慶即督飭所屬實力嚴拏務期盡數捕獲勿  
任一名漏網其已獲各盜並即迅速審明辦  
理至洋面遼濶盜匪出沒蹤跡無定現據長  
麟等所奏情形盜匪等似仍逃回福建原籍  
江省洋面現無盜匪蹤跡陳大用現督率將  
弁在海口駐劄而河工正當秋汛喫緊之際  
防守亦關緊要所有海口情形陳大用及文  
武員弁自必隨時馳報蘇凌阿著傳諭該署  
督沿途探聽如洋匪現已南竄蘇凌阿即可  
回至工次督率防守如盜匪見閩浙查拏緊  
急又復竄入北洋一帶蘇凌阿一得稟報即  
星赴上海等處海口督緝亦未為遲但當認  
真勤探信息督率辦理毋得視為海捕具文  
此為最要 又諭曰秦承恩奏盤獲西洋人  
犯委員解京等語此案陳瑪祿以外洋夷人  
潛來內地希圖煽惑傳教劉瑚袁安德係內

地民人受雇同行隨路訪尋同教與從前四十九年西洋人呢瑪方濟各等在陝行教經該省盤獲解京治罪之案相同現據該撫將該犯等委員解京著傳諭刑部堂官俟該犯等解到後即行查照呢瑪方濟各之例審明定擬具奏 辛酉諭軍機大臣曰陳大用奏署都司葉永錫等稟報六月十七日早見有匪船三十餘隻從浙洋梅山起蓬望塌餅門外洋直駛迎往施放鎗礮擊損賊船傷斃多匪向衢山外洋南遁等語賊船既向塌餅門外駕駛官兵正當不露聲息或設法誘之使前以便悉數擒捕乃甫經望見賊船相隔尚遠輒先施放鎗礮豈非使賊知覺得以聞風逃竄此最為綠營水師惡習況賊匪蹤跡無定見官兵追拏或暫在附近島巖藏匿待兵船收回又可潛行駛出恐南遁之語不足深信著傳諭蘇凌阿即通飭水師將弁等嚴束官兵嗣後遇見賊船務當設法誘擒不得遙

放鎗礮以致賊匪驚竄遠颺或賊船實近自當施放鎗礮不可拘泥其有藏匿島巖賊匪務當悉行搜捕淨盡勿任漏網其閩浙粵東附近洋面省分所有水師官兵均著該督撫一體嚴飭遵辦以重巡防而收實效再昨有旨令蘇凌阿酌量如探聽江省洋面並無賊蹤仍回清江防汎今據蘇凌阿奏於親赴海口之便就近接署江蘇撫篆其安徽撫篆交與張誠基前往護理如此一轉移間不至鞭長莫及所想亦可但摺內又敘及前此奏請張誠基辦竣科場後再令赴京陛見等語所奏不明陛見本非急務張誠基現護安徽撫篆辦理江南監臨事務何必亟亟來京著傳諭蘇凌阿即飭知張誠基於監臨事竣即赴安徽任事俟汪新到日伊交卸撫篆再行來京亦不為遲也至目下尚在秋汎河務亦關係要蘇凌阿如探明江省洋面實無賊蹤或即遵昨旨回工防汎該處距蘇州不遠於地

方一切既可就近照料而洋面情形陳大用及鎮將等自必隨時咨報蘇凌阿再勒加探聽如洋匪或又有由浙北遁信息即星速前往督緝亦無虞遲誤 壬戌諭軍機大臣曰汪新奏交卸藩篆仍留楚辦理軍需一摺此事前據惠齡奏到早有旨令汪新仍在湖北署理藩篆俟擒獲首逆後再赴安徽新任安省現無緊要之事而楚省現有辦理軍需要務汪新若知急公理應自請留楚一手經理

乃前此接到陞擢之旨遽思交卸起程及見惠齡奏請留彼又不敢不為此奏試思伊已陞授巡撫不即交卸藩篆豈轉得謂之戀職可見其不知大體汪新著再傳旨申飭予出洋遭風淹斃福建汀州鎮外委周祿賞卹如例 癸亥諭軍機大臣曰玉德奏初五日各屬得雨情形一摺內稱現在通省尚有陵縣青城壽光德平恩縣德州六州縣此次未經報到得雨等語陵縣青城恩縣德州一帶

與直省之河間天津所屬地方境壤毗連該處既未報得雨想河間天津等處自亦望澤目下高粱穀子大局已定而稊糧菜蔬尚資膏潤著傳諭梁肯堂即將河間天津及此外短雨各屬日內曾否得有甘膏與秋成有無妨礙之處迅速查明具奏以慰厯注 又諭曰吳儼奏六月分雨澤糧價情形一摺內稱開封府屬之祥符縣暨近省各州縣申報約收分數俱在八九分以上等語豫省於六月

以後各屬先後得雨深透本年逢閏節氣較早秋禾將屆成熟雖現據奏報開封府屬及近省各州縣收成已有八九分以上此時通省各屬收成俱可將次報齊著傳諭吳儼即將通省收成分數共有若干之處迅即查明摺奏不可拘泥題報以致稽遲也 甲子中

元節

上詣

永佑寺行禮 遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵○遣官祭

實錄卷一百四十三

奏

孝賢皇后陵

端慧皇太子園寢○諭軍機大臣曰梁肯堂覆奏昌平等州縣得雨情形一摺所言尚未明晰閱單內得雨之處一二三寸者居多現在甫經出伏一二三寸之雨豈足以資接濟且通省收成可得幾分亦未據奏及著再傳諭梁肯堂即將口內各屬收成分數是否尚及八分抑或祇有七分並得雨較小各州縣田禾究竟有無妨礙之處詳細查明據實速

奏不可稍存諱飾再此間於丑寅雨刻得雨辰刻勢漸綿密至申刻雨尚未止入土深透且雲氣甚為寬廣似由西南而來想京城保定一帶及口內各州縣自己一律優霑於晚禾更為有益並著留京王大臣順天府尹梁肯堂速行查奏以慰厯念將此由四百里各諭令知之

實錄卷一百四十三

奏

大清高宗法天隆運至誠先覺體元立極敷文奮武孝慈神聖純皇帝實錄卷之一千四百八十二



大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百八十三

監修總纂官經筵講官太子太傅文淵閣大學士文淵閣學士領侍衛內大臣稽察欽奉 上諭軍機處管理

吏部理藩院事務正黃旗滿洲副都統世襲騎都尉加七級隨帶加一級尋常加二級軍功紀錄一次 慶桂

總裁官經筵講官太子太傅文華殿大學士文淵閣學士稽察欽奉 上諭軍機處管理刑部侍郎三庫事務

世襲騎都尉加九級隨帶加二級又加二級 董福同大臣之部尚書鑲黃旗滿洲副都統軍功紀錄三次

尋常紀錄四次 德瑛經筵講官太子少保工部尚書紀錄六次 曹振鏞等奉

教修

乾隆六十年乙卯七月乙丑蠲免湖北江陵

監利潛江天門京山荊門沔陽漢川等八州  
縣并沔陽荊州荊左荊右等四衛乾隆五十  
九年分被水災民額賦○丙寅諭曰畢沅等  
奏大兵勦辦苗匪運付口糧湖南省於轉運  
較便之水次各州縣覈其倉儲額數酌量撥  
動碾米解應供支覈計通省常平額貯穀石  
動用不及十分之二三委無購之厘市擾及  
閭閻各弊等語前因官兵勦捕逆苗需用米  
石稍多若向市肆採買恐民間米價或致增

昂曾降旨飭詢該督等令其妥協辦理今據  
奏碾運米糧俱於附近州縣倉儲動撥並不  
向民間採買楚南連歲豐稔通省糧價中平  
現在早稻登場糧價更漸減落農有餘粟民  
不知兵該督等所辦尚是覽此稍慰所有湖  
南辦理糧運司道府州縣俱著交部議叙○  
又諭據福康安和琳奏貴州提督彭廷棟自  
駐劄正大營以來統率將弁晝夜巡防不辭  
勞瘁染患時症猶復力疾在城樓駐劄防守  
醫藥罔效旋即身故等語彭廷棟於本年苗  
匪滋事時即馳赴正大營衝開賊圍進城堅  
守屢次打仗殺賊甚為出力即染患時症經  
福康安等囑令前赴銅仁調養而該提督堅  
意不肯仍復力疾駐守竟在正大營身故實  
堪憐憫著加恩追贈太子太保並賞銀一千  
兩俾令料理喪葬其長子著賞給頭品廕生  
所有餘子等著甘肅總督查明年已長成才  
具較優者一併送部引見以示軫恤而嘉忠

蓋總兵花連布隨同福康安等節次攻解圍城打仗殺賊極為奮勇出力所有貴州提督員缺即著花連布補授副將那丹珠此次隨征苗匪亦為奮勇所有貴州安籠鎮總兵員缺亦著那丹珠補授用示獎勵○又諭據福寧奏臬司阿彰阿現在患病請解任調理等語阿彰阿著准其解任調理新陞貴東道常明現在軍營隨同福康安等帶兵攻勦苗匪甚為出力所有貴州按察使員缺即著常明補授賞給穆精阿巴圖魯名號蘇靈在鎮草一路帶兵搜勦賊匪較為出力亦著賞給奇琛巴圖魯名號俱照例各賞銀一百兩又據福康安等奏雲南臨沅鎮總兵田永桐駐守黔省後路堵禦賊匪駕馭降苗安撫難民甚為奮勉等語田永桐著賞戴花翎以示鼓勵○諭軍機大臣等官兵現已乘勝渡過大烏草河賊匪無險可恃且與鎮草一路官兵業經會合賊人不過在猿猴寨及鴉西鴨保一

帶竄匿不致蔓延但鎮草永綏乾州三廳暨保靖辰谿一帶及四川酉陽貴州銅仁等處在在苗疆道里綿長苗戶甚多倘必悉數勦辦不特兵力不敷搜捕兼恐餘黨聞知以罪在不赦轉堅其死守之念朕意此時福康安和琳自應遵照續降諭旨於擒獲首逆吳半生等四犯後再將各處焚搶為首有名賊目查拏懲辦外其餘被脅附和各犯及一聞官兵進勦而即畏罪乞降者俱可毋庸深究自以殲厥渠魁脅從罔治為正辦至此次連克賊寨奪過大烏草河皆由福康安和琳調度得宜而在事將弁兵丁亦俱奮勇出力且伊等當此炎風烈日之際不辭勞瘁觸暑進攻實堪嘉獎福康安和琳著各賞大小荷包上用奶餅一匣額勒登保德楞泰花連布那丹珠常明俱各賞給荷包又發去奶餅七匣交與福康安和琳分賞巴圖魯侍衛章京及在事奮勇出眾之鎮將弁兵暨屯練降番等俾

得分嘗珍味以示勸勵。統俟擒獲首逆大功告成。再沛恩綸。普加懋賞。又據福康安等奏。芬柳苗人見官兵勢大。即拋擲器械乞降。道員常明不准所請。仍督率將備併力追擊。賊衆紛紛潰竄等語。所辦可嘉。賊匪經官兵勦辦之後。臨陣乞降。若遽爾允准。安知其不心懷叵測。乘間狡逞。為官兵肘腋之患。常明不准所請。極為有見。伊爾擢道員。現又加恩補放貴州臬司。並賞給巴圖魯名號。仍著福康

安和琳傳知各路帶兵之員。遇有此等勦賊賊匪臨陣乞降者。俱照常明所辦。毋得率行允准。以防反側。其常明所遺貴東道員缺著福康安和琳於隨營出力知府內奏請題補。又福寧奏勦殺岩門賊匪一摺。尚差強人意。鎮筸一路。蘇靈帶兵較為出力。已降旨賞給巴圖魯名號。並著加賞大小荷包。用昭鼓勵。又巡檢方相袞因催餉被害。情殊可憫。著咨部照知縣之例議卹。至孫士毅拏獲奸匪龍

六官董老四龍喬保向老貴四犯俱係為賊探信之人。審明後應即凌遲處死。乃孫士毅僅將該四犯處斬梟示。尚覺罪浮於法。其拏獲奸細之將弁俱為出力遊擊孫起龍著以叅將陞用。千總靳文銓著以守備陞用。並賞給孫士毅大小荷包示獎。○又諭向來督撫等年節三貢備物呈進。朕不過酌量賞收。以聯上下之情。但伊等所得養廉原資辦公之用。現在每年督撫等尚不免有簋簋不飫。私

行派累情事。因思明年屆朕歸政。前已有旨交軍機大臣存記。各督撫等不得於年例之外另添呈進次數。致滋糜費。但明年以後慶辰月分自當不同。若分期呈進。是又添貢一次矣。著傳諭該督撫等。明年止須於嗣皇帝慶辰備物呈進。仍原係朕照例觀覽。其收與否與常年相同。其八月之貢不必再進。以示體恤。在各督撫等職分較大。稍知大體。自能恪遵朕諭。其鹽政織造關差係內務府人員。

誠恐伊等私添次數以為見長地步。如此不特墮事增華。且失敬恭之道。斷不可行。爾等可遇便諭令知之。○又諭曰。惠齡奏荆江伏汛安瀾。隄磯穩固情形一摺。據稱自六月初入伏以來。江水屢次漲發。幸無漫溢。且值連旬晴霽。水勢隨消。江流極為平順。等語。此皆仰賴

江神默佑。大溜南趨。隄壩各工得以一律鞏固。特發去大藏香二十枝。交與該署撫敬謹

致謝以答

靈貺。現在正屆秋汛。該署撫仍當嚴督文武員弁。小心防範。勿稍疎懈。以期秋汛安瀾。方為妥善。將此諭令知之。○丁卯諭軍機大臣曰。朱珪等奏洋商石中和拖欠夷貨價銀。審擬具奏一摺。已批該部議奏矣。粵省洋商承售夷貨。先將價值議定。俟轉售後陸續給價。其未售之貨。俟下次洋船到時。一面歸清舊欠。一面又交新貨。不能年清年款。固屬實在。

情形。但洋商等承售洋貨。即新舊牽算。每有拖欠。亦應予以限制。此案石中和積欠夷商貨銀。除變產抵還外。尚欠五十九萬八千餘兩。為數實屬過多。現據該夷商呈控。業經照例懲辦。將無著銀兩。令通行分限代還。自可依限清理。但此後各行商等。似此拖欠過多。或該國王聞知。以內地行商拖欠夷人帳目。多至數十萬兩。或竟具表上聞。實屬不成事體。著傳諭粵東督撫及粵海關監督嗣後洋

商拖欠夷人貨價。每年結算。不得過十餘萬兩。如有拖欠過多者。隨時勒令清還。即自今歲為始。通飭各洋商一體遵照辦理。○又諭曰。綿恩等奏續行訪出德明家隱匿金銀一摺。昨據綿恩奏查出德明名下銀二萬七千三百餘兩。京錢二萬一千七百餘串。約計已有四萬之數。現復查出銀一萬三千三百餘兩。錢四百五十串。金一千八百兩。約計又有四萬餘兩。是前後查出該員貲財。已共有七

八萬兩。而房屋什物及任所貲財尚不在其內。德明前賠潼關工程銀六萬七千餘兩。俱已繳清。今查出貲財如許之多。總計竟不下二十萬兩。伊係下五旗包衣人員。家計素非饒裕。雖從前曾任道府廉俸積攢。豈能有此多貲。其充沂曹道更到任未久。所得廉俸無幾。即云伊前在潼商道任內經管稅務。並承辦潼關工程。俱有沾潤。亦不能得有似此之多。是其道府任內必有婪索情事。不可不嚴切根究。況伊以道員上省。用馬二十餘匹。又帶大車三輛。若非攜帶苞苴等項。何必用許多車馬。或係伊聞玉德欲行叅辦。或多帶輜重。上省賣綠賄賂。俱未可定。著再傳諭玉德。即監提德明嚴切究訊。所有查出多貲。從何而來。並遵前旨。訊明伊上省時。大車三輛所載何物。作何使用。務得確供。迅速具奏。若玉德以叅辦在前。思作好人。希圖將就完結。必將德明拏解來京審訊。一經得實。恐該撫不

能當此重戾也。○戊辰諭。陳大用奏拏獲海洋盜匪。礮械船隻一摺。內稱當將盜犯十二名。並礮械等件。飭交寶山縣嚴行監禁。聽候督臣究辦等語。陳大用身為提督。於地方審辦案件。雖不應干與。但伊現駐劄海口。督緝洋盜。遇有拏獲盜匪。自應究明首夥。及如何搶劫情形。一面奏聞。一面跟蹤追捕。乃僅將盜犯飭縣監禁。並不問供詞一句。豈以向盜訊供。即侵總督之權乎。殊屬可笑。陳大用係陳福之孫。簡任提督有年。不應糊塗若此。著交部嚴加議處。至綠營水師將弁。遇有盜船逃竄。往往不敢追趕。此次遊擊楊天相外委沈春發。駕駛直追。跳過盜船。將盜匪打倒。生擒十二名。並搜獲器械等物。甚為奮勉。可嘉。楊天相著即以水師叅將陞用。沈春發即以守備超等陞用。朕於軍旅重務。以及洋面緝匪等事。其任意逗留者。必從重治罪。如有實在出力者。亦必破格陞擢。無不權衡至當。

以昭懲勸而勵戎行。○諭軍機大臣等。本日朱珪奏。拏獲海洋盜犯。審明辦理二摺。已批該部知道矣。近日粵省洋面。屢有搶劫之案。必當嚴飭文武官兵。上緊查拏。以靖地方。朱珪署理督篆。於捕盜事宜。尚能認真辦理。惟兩日以來。分次遞摺。外省習氣。於陳奏事件。往往用一差弁齎帶數摺。分日呈遞。以此見勤。所謂弄巧成拙。最為陋習。朱珪係讀書人。更不應如此。即如此次拏獲洋盜之摺。關係

地方要務。即由驛酌用三百里馬上飛遞。未為不可。何必以差弁分齎。見其不輕用驛遞乎。朕於臣工功過。其所長必為嘉獎。其錯處亦不肯稍為假借也。除將朱珪交部察議外。將此諭令知之。○又諭曰。玉德奏與蘇凌阿札商。豫定以兩礮為號。倘有賊船北竄。追至鄰境。即放兩礮。鄰省兵船聞號。礮之聲亦放。兩礮接應。各路兵船望礮聲方向。駕駛策應等語。盜船在洋面駕駛。正當不露聲息。設法

誘之使前。以便悉數擒捕。若甫經望見盜船。相隔尚遠。輒先施放鎗礮。豈非使賊知覺。得以聞風逃竄。此最為綠營水師惡習。昨已降旨通飭。若云恐賊竄逸。祇須嚴飭官兵。常於洋面梭織巡查。並勤加瞭望。亦無難彼此會合。設法兜擒。又何必放礮為號。轉與賊以豫行奔竄之信。著再傳諭蘇凌阿。玉德。務飭水師各弁。必俟賊船實近。始行施放鎗礮。不得放礮為號。以致賊匪驚竄遠颺。本日據陳

大用奏。拏獲盜匪礮械船隻一摺。僅將盜犯發縣監禁。並不問供。已降旨將陳大用交部議處。現據蘇凌阿等奏。立秋後黃河水長。旋消。工程平穩。而陳大用糊塗不足倚恃。著傳諭蘇凌阿。仍速赴海口。董率嚴緝。伊係總督。呼應自必更靈。又據吉慶奏。盜首林發枝等。係福建福寧府福鼎等縣人等語。著長麟魁。倫即飭所屬嚴拏務獲。勿任兔脫漏網。將此由五百里各傳諭知之。○又諭據惠齡奏。續

獲沉銅一摺內稱滇省委員胡鍾等在湖北境內遭風沉銅二十四萬一千八百七十九觔節次撈獲銅一十六萬九百餘觔等語各省銅鉛沉溺前屢經降旨令各督撫督率地方官多雇水摸設法打撈以期全數撈獲茲雖據惠齡稱現在江水泛漲難以施工但未獲銅觔尚有八萬餘觔之多安知非水摸人夫藉稱水漲難摸私自偷撈牟利亦未可定該水摸等所偷銅觔不過在附近市肆私行售賣無難隨時訪查著傳諭惠齡即將此項未獲銅觔飭令地方官於水勢畧平時安速打撈毋任水摸私行偷獲並著銅鉛船隻經過省分之各督撫一體留心緊打撈隨時訪察勿任稍有偷漏方為妥善○又諭曰蘇凌阿等奏立秋後水勢旋長旋消工程平穩等語前因伏汎安瀾曾發大藏香二十枝交與該督等於河神廟敬謹祀謝今據奏立秋後水勢疊長

海防各廳工程因清黃匯流下注未免著重當即搶下新埽抵禦悉臻穩固此皆仰賴河神靈貺特再發大藏香二十枝謝佑敬祀該督等惟當嚴督在工員弁倍加小心巡查防護以冀工固瀾安方為妥善○已諭軍機大臣曰哈當阿奏拏獲匪犯審明辦理二摺已批該部知道矣向來叛逆之案家屬例應緣坐據哈當阿摺內稱各該犯家屬飭拏務獲等語但臺灣民風刁悍現值陳周全等聚眾滋事甫經平定之後自以鎮靜為主所有各犯家屬如業經拏獲自應按例辦理倘藏匿未獲亦不必輟轉搜捕致滋拖累至浙江溫台洋面搶劫官米一案昨據吉慶奏盜首林發枝等係福建福鼎等縣人已奉旨諭令長麟等飭屬嚴拏前此陳周全滋事之初據哈當阿等奏有紅頭船數十號俱穿白布褂領又鹿耳門外有船十餘隻游奕似非商船形狀是匪徒等勾結盜船四出搶

掠不為無因。若再傳諭長麟魁倫務宜董率所屬上緊嚴拏。速將盜首林發枝等購緝務獲。勿任漏網。並將現在洋面是否較前寧謐情形據實具奏。○旌表守正捐軀河南榮澤縣民焦某女焦氏。○庚午諭土謝圖汗車登多爾濟前因獲罪降革。現復襲汗爵。前來瞻覲。著加恩仍在乾清門行走。○辛未諭軍機大臣曰。玉德覆奏接奉諭旨查辦德明一摺。內稱初任封疆。不諳事理等語。已於摺內抹

出批示。各省督撫既邀簡用。即當遇事認真妥辦。乃玉德於辦理德明一案。意存輕縱。其覆奏摺內。尚以初任為詞。獨不思未有學養子而後嫁者。況玉德曾任藩臬道府。尤非未經外任者可比。所奏殊屬錯謬。著再傳旨申飭。現在登青萊海口一帶。有總兵許世臣董率緝拏。且據吉慶奏匪船不至北竄。是該處並無須玉德在彼督辦之事。儘可回省審辦。德明一案。務得確情。據實具奏。若玉德因德

明大車所載。或有餽送該撫等之物。壓攔不辦。希圖將就完結。不肯審出實情。即一面將德明派委妥員解京審訊。一經得實。該撫試思當得何罪也。慎之。將此由四百里諭令知之。○壬申。哲布尊丹巴呼圖克圖及章嘉呼圖克圖之呼畢勒罕入覲。

上御依清曠召見。賜茶。賞賚有差。○癸酉。

上御卷阿勝境。賜扈從王公大臣蒙古王貝勒貝子公額駙台吉及哈薩克使臣等食。○諭

曰。長麟等奏琉球國貨船在浙江温州洋面被劫一摺。實屬不成事體。各省附近洋面地方。近年屢有劫盜之案。節經嚴飭督撫等董率將弁實力查拏。乃盜風仍未盡熄。竟至外國貨船亦被搶劫。可見地方文武於捕盜並未認真辦理。以致洋面劫盜肆行無忌。現據長麟等奏。查照該國通事開報失單。著落地方官賠補。所辦尚未允協。目下該國通事如尚未回棹。即著長麟等傳諭該通事宣示朕



旨以中國洋面盜風未戢該國貨船竟有被刦之事朕亦引以為媿所有該國被刦貨價即著落失事地方官加一倍賠償此案盜犯並嚴飭地方文武躡緝務獲勿令遠颺向來辦理洋盜罪止斬梟此等行刦外國船隻盜犯拏獲之日竟當凌遲處死庶盜匪共知畏懼洋面可期寧謐其該管督撫及疎防各員並著查明交部嚴加議處○諭軍機大臣曰長麟等奏琉球國貨船一隻在温州洋面被刦一摺已降旨將該督撫等交部嚴加議處矣閩浙洋面地方文武平時不能實力巡查至於盜刦頻聞已非綏靖海疆之道今竟刦至外夷船隻該夷人回國告知該國王以內地洋面漫無查察任聽海盜公行豈不貽笑外國實屬不成事體況地方遇有此等要件自應由驛馳奏何得視同泛常仍照例差人齎遞可謂不知輕重長麟魁倫俱著傳旨嚴行申飭仍著該督撫即董飭所屬將此案盜

犯上緊嚴拏務期必獲不得視為海捕具文致令盜犯遠颺自蹈咎戾再據魁倫奏漳泉等處米價自二兩七錢至三兩二錢等語因命軍機大臣將順天府奏京城糧價比較漳泉米價貴至八錢及一兩三錢不等雖較春夏間糧價已屬大減但每石尚至三兩左右究未免昂貴著傳諭該督撫上緊設法調劑以平市價而便民食○又諭據秀林奏查緝逃犯陳洪濟一摺前屢經訓諭以此等遣犯脫逃若能迅速追緝自無不獲不可徒恃鄰省原籍代為緝捕即如秀林另摺所奏拏獲逃犯王佑即行正法此非嚴緝之效乎除陳洪濟交所過省分并該犯原籍嚴緝外著傳諭東三省將軍通飭各處官兵此等遣犯均係免死減等發往者嗣後該犯等如有欲逃情形許該家主即行杖斃與伊無罪倘致脫逃該家主著罰餉一月○甲戌緬甸貢使大頭目亞扎覺蘇細利遂動等入覲

上御卷阿勝境。召見賜扈從王公大臣蒙古王貝勒貝子公額駙台吉及外藩使臣等食。○旌表守正捐軀直隸河間縣民周廣成妻王氏。○乙亥。南掌國正使叭猛先副使叭整哄等入覲。

上御卷阿勝境。召見賜扈從王公大臣蒙古王貝勒貝子公額駙台吉及外藩使臣等食。至丁丑。皆如之。○諭軍機大臣等。據蘇凌阿奏督拏洋盜一摺。內稱原派巡緝遊擊周萬

清等於六月十九日。見盜船向塌餅門駛至。即奮勇追捕。鎗斃賊匪多人。其餘盜船竄回南適。探知盜蹤。逃至浙省外洋之黃龍梅子盡山。衢山等處。已咨會浙省協同緝拏等語。前因蘇凌阿係該省總督。呼應較靈。已降旨仍令該督前赴海口。董率嚴緝。今據蘇凌阿奏。盜船已逃往浙省之黃龍梅子盡山等處。正可跟蹤緝捕。著傳諭蘇凌阿。吉慶嚴飭所屬。無分畛域。實力緝拏。務期弋獲。再前據陳

大用奏。拏獲盜犯。僅發縣監禁。並不問供一句。足見無能。已降旨將該提督交部議處。恐陳大用不足倚恃。蘇凌阿務當嚴飭水師將弁。倍加留心偵緝。不可視同海捕具文。以致遠颺漏網也。○丁丑。諭據福康安和琳奏。官兵夾攻大烏草河一帶。苗匪打仗得勝一摺。此次官兵分路進攻。奪據木城。焚燒賊寨。會合攻剿。擒獲活賊。殺斃苗匪無數。甚為奮勇出力。可嘉。所有此次三路打仗出力官兵。屯

番俱著賞給一月錢糧。又據福康安等奏。劉君輔袁國璜駐劄隆團。慶溥駐劄古丈坪。該處俱係緊要地方。該兵丁等均能認真打仗。殺賊亦為出力。並著福康安等查明。一併賞給一月錢糧。以示鼓勵。○又諭據福康安和琳奏。雲南曲靖府知府達桑阿辦理隨營糧餉。甚為出力。因受暑熱身故等語。達桑阿辦理糧餉。不辭勞瘁。因在途往來催趲。以致過受暑熱。猝然昏迷墜馬。旋即身故。殊屬可憫。

該府雖非陣亡。究係歿於公事。著加恩交部照道員例議卹。以示軫恤。○諭軍機大臣曰。福康安和琳督率將士。併力會攻。勞苦備嘗。至於不忍披視。看此情形。成功似近。著賞給福康安和琳舊玉搬指各一個。大荷包各一對。小荷包各四個。賞給額勒登保德楞泰玉搬指各一個。大荷包各一對。小荷包各二個。賞給花連布。常明大荷包各一對。小荷包各二個。劉君輔袁國璜駐劄隆圍一帶。慶溥駐

劄古丈坪地方。均能認真打仗。亦著各賞給花大荷包各一對。小荷包各二個。以示獎勵。福康安和琳惟當鼓勵將弁。倍加奮勉。速擒賊首。立報大捷喜音。共膺恩賚。○戊寅。諭本日路超吉奏暫緩陞見。顏鳴漢奏請陞見二摺。內稱戀闕心殷。蟻衷殷切等語。皆係一片虛詞。已於各摺內批示抹出矣。各省提鎮。每屆三年。奏請陞見一次。祇係照例之事。其有年分未久者。朕每批令不必來。原以該提鎮

等遠道赴京。不無需費。是以不令頻來瞻覲。以示體恤。該提鎮於例應奏請之年。止須於摺內聲明何年到京。已隔幾載。候旨遵行。何必襲用浮詞。瀆奏。且各省武職大員甚多。朕亦無亟欲見伊等詢問之處。而該提鎮循例奏請。豈果出於依戀真誠。現在閩省正值堵緝洋盜之時。顏鳴漢現署水師提督。正當在彼督率查拏。何得云地方無事。除顏鳴漢飭令不必來京。務將洋面盜船速行緝獲。不可

稍涉疎懈外。並著通諭各提鎮嗣後遇有奏請陞見之摺。毋得率用依戀等虛詞。致滋煩瀆。而歸質實。○諭軍機大臣等。據蘇凌阿奏遵旨回至工次一摺。前經降旨。令該督仍赴海口督拏洋匪。今據奏河工正當秋汛喫緊之際。現已遵照前旨回駐工次防守。亦無不可。但前據陳大用奏。拏獲洋盜十二名。並礮械等件。飭文寶山縣嚴行監禁。聽候督臣究辦等語。計陳大用奏到。距今已隔旬日。想蘇

凌阿早經該縣稟報自應趕緊審辦具奏即不能親赴寶山亦當將拏獲盜犯提解審訊何以尚未據奏到此等海洋盜匪情罪重大惟應迅速審明辦理著傳諭蘇凌阿即行迅速審擬具奏勿任延緩干咎○以浙江按察使謝啟昆為山西布政使調山西按察使張曾諱為浙江按察使以山西河東道和明為按察使熱河道全保為直隸按察使○旌表守正捐軀江蘇睢寧縣民陳西田妻李氏○

纂修高宗實錄

十一

是月山東巡撫玉德奏閩省匪船竄入浙洋肆劫今已乘風北竄東省沿海地方相距雖遠但一水通連誠恐江浙追拏緊急或致分路竄入現密行登州鎮臣許世臣酌帶熟諳水師將弁兵丁出洋偵探一得蹤跡立即追捕並飭登萊青道督率沿海各營縣於各海口嚴密堵緝得旨好即有旨又批此想極是又稱盜匪行蹤詭秘稍涉張揚恐駭聽聞沿海居民轉增疑慮此次鎮臣帶兵海口祇以

巡哨為名批亦是○貴州布政使賀長庚奏滇黔川三省官兵續赴軍營勦捕苗匪糧運最關緊要額設夫馬應付不敷須加雇民間夫馬分途運送再大兵進剿恐有逆苗竄入內地已嚴飭地方官於各關津隘口選撥兵役稽查得旨覽奏俱悉以實為之又稱雇用民間夫馬辦理稍有不善恐致派累現值農忙嚴行各屬將長當腳夫之人及經商所用馱馬雇覓不致有妨農務批正當如此

纂修高宗實錄

十二

大清高宗法天隆運至誠先覺體元立極敷文奮武孝慈神聖純皇帝實錄卷之一千四百八十三

大清高宗法天隆運至誠先覺體元立極敷文奮武孝慈神聖純皇帝實錄卷之一千四百八十四

監修總裁官臣等謹將官太子太傅文淵閣大學士文淵閣學士領侍衛內大臣等處管理

吏部院事務正黃旗滿洲副都統世襲騎都尉軍功七級隨帶加一級尋常加二級軍功紀錄一次臣等謹

總纂官臣等謹將官太子太傅文淵閣大學士文淵閣學士領侍衛內大臣等處管理

世襲騎都尉軍功九級隨帶加二級又加二級尋常加二級軍功紀錄一次臣等謹

尋常紀錄十四次臣等謹將官太子太傅文淵閣大學士文淵閣學士領侍衛內大臣等處管理

敕修

乾隆六十年乙卯八月己卯朔諭據劉模覆

奏盛住在淮關任內徵收稅款實無別項情

弊等語盛住在淮關任內如果有例外徵收

侵蝕入己等弊自應從重治罪今既據查明

盛住祇因關稅短缺辦理稍嚴尚無入己情

弊其咎尚輕盛住著加恩賞給內務府佐領

職銜管理暢春園三山事務○庚辰遣官祭

黑龍潭

昭靈沛澤龍王之神玉泉山

惠濟慈佑龍王之神○諭曰秦承恩等奏陝

西咸寧等三十三廳州縣因六月間雨水未

能霑足近又晴霽稍久高阜地畝收成未免

減薄等語陝省本年麥收豐稔孝義等五十

五廳州縣雨水又復霑足可卜豐收但咸寧

等州縣以夏秋稍覺缺雨收成未免減薄若

將應徵錢糧照舊徵收究恐民力不無拮据

著將咸寧長安耀州咸陽興平臨潼高陵藍

田涇陽三原渭南富平醴泉同官鳳翔岐山

扶風鄠縣大荔潼關華州華陰韓城蒲城白

水邠州長武乾州永壽武功郿州洛州中部

等三十三廳州縣本年未完錢糧及民借常

社倉糧加恩緩至明年麥收後徵收其應行

買補糧石亦概行停止仍著該督撫體察情

形如有應行平糶出借即妥為經理以副朕

厯念閭閻豫籌民食至意○諭軍機大臣曰

秦承恩等奏咸寧等三十三廳州縣雨水稍

缺秋收未免減薄等語已降旨緩徵矣本年

陝省麥收豐稔且各廳州縣雨水霑足之處

較多秋禾可卜豐收。但咸寧等處高阜之區。既因雨澤稍缺。收成減薄。秦承恩倭什布。務宜董率所屬實心經理。並嚴查吏胥。毋任朦混影射。如有應行接濟之處。奏聞辦理。勿使一夫失所。以副朕廑念民依至意。再聞所奏糧價單內。延安所屬價值有減至三分七分之處。看來該省收成大局尚無妨礙。並著秦承恩等將咸寧等處收成稍有歉薄而通省覈計牽算。尚可得有幾分之處。速行據實覆奏。以慰廑念。○旌表遭冠捐軀福建彰化縣知縣朱瀾媳魯氏及其女羣姑。○辛巳遣官祭。

關帝廟○

上御萬樹園大幄次。賜扈從王公大臣蒙古王貝勒貝子公額駙台吉及外藩使臣等宴。並賞賚有差。○諭軍機大臣等。據梁肯堂奏秋汎安瀾一摺。覽奏欣慰。永定河前已發去藏香二十枝。令該督親往。

河神廟敬謹祀謝。今永定河暨運河水勢俱屬安流暢順。均賴神庥垂佑。著再發去藏香二十枝。交該督等分詣各廟拈香。以答神貺。○壬午。

上御卷阿勝境。賜扈從王公大臣蒙古王貝勒貝子公額駙台吉及外藩使臣等食。至甲申。皆如之。○遣官祭昭忠祠。○諭曰。吉慶奏黃巖鎮總兵岱德不諳水師。諸凡不能整飭。

黃巖所轄洋面島嶼繁多。最易藏奸。現屆緝拏洋盜之際。岱德不能勝任。該鎮前因古柁等巡洋兵丁被盜拒傷一案。已交部嚴加議處。岱德著先行解任。聽候部議。所有黃巖鎮總兵員缺緊要。即著孫全謀署理。俟服闋再行實授。孫全謀曾任蘇松鎮總兵。於水師情形尚為熟諳。現在福建原籍。著該省督撫即行傳知孫全謀。馳往黃巖署理鎮篆。以資整飭。○又諭曰。恒瑞在外年久。但烏里雅蘇臺

將軍職任緊要著永琨補授正白旗漢軍都統授為烏里雅蘇臺將軍即由該處前往更換恒瑞其所遺綏遠城將軍員缺即著恒瑞補授永琨接奉此旨將將軍印務交割副都統署理即前赴烏里雅蘇臺恒瑞俟交代後再行起程前來○又諭看守避暑山莊千總兵丁於一切差務尚屬奮勉著加恩各借支一年錢糧分作三年帶扣○諭軍機大臣曰吉慶奏盜匪經浙江官兵合力兜捕仍由外洋

南竄有福建糖船來浙據該船戶稱在福建洋面見有盜船數十隻自北向南逃竄又盤獲鎮海縣人張達昂供盜匪欲潛回福建現飛咨閩省四路圍捕並恐有落後藏匿浙省洋面者仍飭各鎮派配兵船巡緝等語浙省洋面盜匪經吉慶董率官兵出境追拏盜犯被追窮蹙紛紛潛竄所辦尚好現在盜匪既逃至閩洋自必思潛回原籍希圖藏匿此等盜匪膽敢搶奪官米又復劫掠琉球貨船實

屬可惡必當悉數擒拏從重懲辦現經浙省追拏緊急南竄至閩著再傳諭長麟魁倫即督率將弁實力截拏並於各隘口分投巡查搜捕以期必獲若長麟等視為海捕具文致任漏網必將該督等一併治罪決不寬貸仍將近日曾否獲有盜船迅速具奏又據奏接奉諭旨覆奏一摺內稱不敢從井救人化大為小等語長麟等屢次奏到之摺俱意存遷就節經降旨嚴飭長麟等諒已接奉前旨自

知前奏之摺已蹈化大為小之咎故補為此奏冀圖搪塞掩飾昨因該署督撫於審擬伊轍布周經一事意圖將就完事復有旨嚴行申飭矣試思伍拉納浦霖二人豈自認昏憤糊塗即可了事乃該署督撫並不切實嚴究尚稱不敢代為隱飾此語恐未必然是伊等不知不覺竟蹈從井救人之愚深為伊二人惜之若長麟魁倫接奉續降諭旨能審出伊轍布周經侵那庫項並饋送督撫藩司各實

情尚可補救前失。倘始終迴護。一經朕另派大臣前往。或將伊轍布周經解京親訊。究出確情。伊二人自思當得何罪。且看伊等福量如何耳。長麟魁倫若具有天良。凜之慎之又據訊取姚榮登答摺片一件。其所供前在汀漳任內。於所屬虧空實無通同舞弊之處。亦未可信。姚榮已經解任。長麟等現又提訊。從前汀漳虧空各州縣。自無難水落石出。但該署督撫不可又存化大為小之心。自取罪咎。

又據奏劉大懿於帶銷鹽課銀兩詳報失實一節。前因楊廷理革職拏問。臺灣地方緊要正資熟手。是以就近將劉大懿調補。如該道於餉課以欠作完。另有知情徇隱之處。不止於造報失實。亦即據實叅奏。不可瞻顧。再本日因浙江黃巖鎮員缺緊要。岱德現有處分。又不諳水師。已降旨令其解任。原任總兵孫全謀由水師出身。熟諳巡哨。是以令其署理黃巖鎮篆。該總兵籍隸福建。並著長麟等飭

令馳赴新任。認真緝捕。以收駕輕就熟之益。將此由六百里各諭令知之。○癸未。勅諭南掌國王召溫猛曰。朕惟大畏小懷。列辟凜尊親之戴。薄來厚往。皇朝隆賚予之施。疏茲帶礪之榮。鑒乃梯航之悃。載頒恩命。益勵盡誠。爾南掌國王召溫猛夙隸職方。舊通典屬。際六十周年國慶之會。正八旬開五曼壽之期。葵向維殷。遙望北辰。而介純嘏。龍章用錫。俾莫南服。而荷王封。方物具陳。悃忱斯見。今賜

爾文綺珍玩。爾其祇受。四海之內。皆有求朕何貴於異物。千里之良。今已至。王宜遂夫遠懷。並允所請。賞給駱駝大馬大騾各二。尚克欽承。用膺多祜。欽哉。特諭。○勅諭緬甸國王孟隕曰。朕惟化日舒長。紀綱紀中天之運。皇風該洽。懷柔昭右。序之文。撫四始之循環。甲子周而六十。躋八荒於仁壽。耆艾積以萬千。嘉茲祝嘏之來。適際臚歡之盛。爾緬甸國王孟隕僻居炎徼。榮並藩封。守職貢以爭先。每



賁琛之畢獻。當我國家貞下起元之會。慶洽敷天。值予一人八旬開五之辰。情殷就日。鑒茲誠悃。式賁殊恩。今賜王及王妃文綺珍物。有差。用副眷懷。王其祇受。同我太平之化。輯爾邦家。承朕無疆之庥。爰及苗裔。欽哉。特諭。

○甲申。諭軍機大臣曰。長麟魁倫奏覆訊周經供詞一摺。太不成話。已於原摺及供單內批示抹出矣。此事前據長麟等奏到。意存將就完事。已降旨嚴飭。訓示極為詳盡。總之周

經不過一微末庫吏。不足齒數。伍拉納前為藩司。何以令其兼充買辦。及為總督。又令其承修衙署。若非與之夤緣交通。則該省書吏甚多。何獨厚於周經。凡有便宜出息處所。皆交伊一人辦理。况周經係伍拉納為藩司時始充當庫吏。其為伍拉納任用私人。已屬顯然。乃供單內稱。所短庫銀如何能用。到伍總督身上。非狡飾而何。長麟等何以不向嚴詰。輒據以入奏。且周經前後虧缺庫銀至八萬

兩之多。除已繳過四萬兩。尚少銀四萬兩。即云該犯現開鋪店。房產尚估值銀四萬餘兩。但督撫藩司於到任時。及每年年底俱應盤查一次。因何並不查出。任其挪移短少。伍拉納。伊轍布。係前後該管藩司。又何以聽其侵用庫項。在外違例開設銀號。並開鹽店當鋪。以官帑而為該犯牟利地步。伊轍布復任其拖欠時日。不向催促。迫不能措繳。又暗將辦賑餘項。為之墊補。此是何故。設非平日有與

通同分肥情事。豈肯不顧已罪。擔此重大干係。長麟等何亦並無一言訊及。君子可欺以其方。難罔以非其道。此等供詞。俱出情理之外。何能於朕前嘗試乎。長麟魁倫著再傳旨嚴行申飭。至魁倫係此案原叅之人。伍拉納信用錢受。椿德泰惟聽伊二人之言。又縱容張大本泰為幹等貪污不職。聲名狼籍。皆屬魁倫叅奏。即周經侵挪庫項。伊轍布代為彌補。亦係魁倫明白奏出。若魁倫不奏。朕亦何

由而知。魁倫既具奏於前。自必訪有確據。現交伊與長麟會辦。何以又不和盤托出。且伊前奏各摺。尚有所實。今乃於周經一節。又復意存遷就。代為掩飾。實屬進退無據。看來此事。不好結局。實為長麟魁倫惜之。若該署督撫。接奉續降之旨。不敢迴護。前非能審出伊轍布。周經。侵那庫項。並饋送督撫藩司各實情。則已。若伊等仍欲顛預了事。可即將伊轍布。周經。迅速解京。候朕另派大臣覆審。或親加鞫訊。沿途並飭小心管解。若有畏罪自戕等情。必將長麟魁倫。照故縱罪囚例。置之重典。決不寬貸。伊轍布。周經。到京後。若長麟魁倫。能保其不復改供。固屬甚願。倘竟供出通同侵蝕實情。伊等自思當得何罪。長麟等素知朕辦理庶獄。務期情真罪當。不肯絲毫含混。朕非不能辦大獄。不敢辦大獄之人。該署督撫。毋再有意瞻徇。致朕不得已而辦大獄也。凜之慎之。將此由六百里再加緊諭令知

之。仍著將指出各情節審明。亦由六百里加緊迅速回奏。朕於此案。必期計日以待。若過時不至。當另有旨矣。○又諭曰。朱珪奏暹羅國遣使入貢一摺。該國王以本年屆當正貢之期。特備表貢。遣使齎陳。現距年底為期尚早。著傳諭朱珪。委員伴送該貢使起程時。飭知沿途從容行走。於十二月封篆後抵京。以便與各外藩等一體宴養也。○軍機大臣等議覆。署閩浙總督長麟等奏稱。閩浙兩省設立水師營船。船身笨重。於外洋追捕不如商船得力。請於現有官船內。照商船式酌改百餘隻。查閩浙設立水師營船。原為海洋巡緝之用。必須輕利便捷。兩省現額設官船四百九十五隻。該署督等請擇已屆拆造大修。及將屆大修者。依商船式。浙省酌改五十隻。閩省酌改八十隻。其改造工料。即以應支修費及舊船變價充用。應如所請。又稱。弁兵奉差出洋。所需口糧。浙省每年有奉裁馬乾銀二

萬餘兩。可以動用閩省無項可支。請於藩庫酌撥銀二十萬兩發商行息。每年可得息銀二萬四千餘兩。以為出洋兵弁口糧之用。亦應如所請。至所稱本年閩省水師出洋捕盜。因官船笨重。雇備商船所需船價及弁兵口糧。伍拉納先後飭提各庫銀六千五百兩。並賞借各營弁兵一月餉銀。均未奏明辦理。有違定例。請著落伍拉納照數賠繳。又稱廈門廳墊發船價銀八十餘兩。係於穀價項下墊支。閩縣雇備商船船價錢四百四十四千文。尚未發給。請於司庫閒款內提銀辦理。查伍拉納身任總督。於地方營伍貽誤廢弛。業經革職。拏問。若僅將提用各庫銀兩。並派出弁兵一月餉銀著落賠繳。不足示懲。應請將廈門廳發過船價銀兩。閩縣未發船價錢文。一併著落伍拉納照數賠繳。得旨。依議。速行。○順天鄉試。以刑部侍郎阿精阿禮部侍郎周興岱為監臨官。工部尚書彭元瑞為正考官。兵

部侍郎玉保內閣學士鄒炳泰為副考官。○乙酉。諭前因德明因公上省。何至用大車三輛之多。必有裝載饋送物件。降旨交玉德嚴審。茲據奏。訊之德明供。曾備帶如意朝珠。蟒袍等件。為送巡撫司道之用。因未經用去。現蒙抄出等語。視之駭然。督撫等如果潔清。自矢。屏絕苞苴。則通省屬員。知督撫不收饋遺。自無有備帶上省為饋送之用者。茲德明攜有如意等物。為到省送禮之用。可見各省饋遺之風。並未盡絕。特因德明被劾。未經致送耳。此案因朕節降嚴旨查詢。該撫不敢隱飾。是以據實奏出。此外未經破露者。自更不少。督撫受國家厚恩。簡任封圻。廉俸優裕。理宜潔已率屬。何得私受饋送。相習成風。殊非肅清吏治之道。各省督撫中潔已自愛者。不過十之二三。而防閑不峻者。亦恐不一而足。但朕不為已甚。不肯因此徧加嚴查也。嗣後各督撫務宜躬飭簞簋。砥礪廉隅。以期大法小

廉仰副委任。倘經此次訓飭之後。尚敢相率效尤。不自檢束。一經發覺。必當從重治罪。毋謂不教不誡也。將此通諭知之。○諭軍機大臣等。本日玉德奏革職道員德明。上省時帶有如意朝珠蟒袍等物。為送巡撫司道之用。已降旨通行訓飭矣。又德明供內。據稱伊前任潞安府時。管理鐵廠一年有餘。剩銀至五萬兩等語。殊堪駭異。各省道府缺分較好者。於廉俸之外。或管理廠務稅課稍得盈餘。亦情事之所有。然亦不過數千金至萬餘金。已極為優厚。乃德明於潞安府管理鐵廠。僅止年餘。竟剩銀五萬兩之多。設在任十年。不將有五十萬兩乎。若非朘削商民。何以得此多貲。可見外省道府。似此缺分豐腴。不知潔己者。尚不一而足。總由督撫等平時不加稽察。任聽暗肥囊橐。或將其任用私人。題調此等美缺。以為分肥沾潤之地。俱所難免。即如德明以巡道上省。尚攜帶禮物。豫備饋送。設美

缺如潞安府者。其饋送自必更多。而該上司等因受其厚賂。遂一切置之不問。特幸尚未破露。朕亦不肯因德明一事。徧加嚴查耳。但德明既有此供。則潞安府一缺。亦不可不查明飭禁。著傳諭蔣兆奎。即查潞安府鐵廠。每年實在出息若干。現管知府有無違例多索之處。確切查明。妥立章程。或將稅則量為酌減。毋許額外私添浮費。俾該管之員。畧有沾潤。仍不至累及商民。方為妥善。並通飭各省督撫等。激發天良。實心訪察。於所屬內。遇有似此缺分過優者。一體詳查。使有限制。勿使不肖之員。藉端濫取。以致飽慾壑而累窮簷。此為最要。至此事從前各督撫漫無稽察。甚至明知故縱。本應徹底根究。從重懲治。第朕不為已甚。寬其既往。然亦豈可不儆其將來。朕辦理庶獄。一秉大公。寬嚴相濟。近年以來。政刑未免稍寬。今外省遂有饋送婪索之事。自係寬之所致。不得不糾之以嚴。而德明案

已敗露不肯緣此逐一追求此則於用嚴之中仍寓之以寬各督撫惟當仰體朕心倍加感惕共勵廉隅也至玉德辦理此案初亦有意寬縱經朕屢加嚴飭始行據實查奏而近日長麟魁倫審辦閩省藩庫那移虧缺一事亦存化大為小之見屢經嚴旨申飭看來各省督撫未免因朕明春即屆歸政以為辦理識案可以顛預遷就輒敢輕為嘗試殊不知朕綜覈庶務從不任絲毫含混即嗣位之皇子朝夕敬聆訓誨自亦知所秉承未必肯聽其朦混或初年莅政未能灼知情偽而朕仰蒙

昊眷精神強固雖歸政之後亦豈置天下事於不問彼時督撫等設敢施此伎倆經朕查知更當加倍懲治決不稍為寬貸也將此諭令各督撫著存記衙中交代時必令面授以誌永久奉行○以江寧城守營副將明泰為直隸正定鎮總兵○丁亥

太宗文皇帝忌辰遣官祭  
昭陵○諭本日張誠基具題江蘇省紳士因普免漕糧及積欠呈請代為謝恩二本普免漕糧係上年八月之旨普免積欠亦係上年冬間之旨該省撫藩接奉恩旨後自應迅速騰黃偏行宣諭使閭閻早霑愷澤何以該省紳士直至此時始行呈請代題謝恩即或因轉行通傳有需時日亦不應至若此之久可見外省辦事之玩延著傳諭各該督撫嗣後於地方一切政務均宜隨到隨辦毋得任意遲延致滋貽誤○諭軍機大臣曰福康安和琳此次連日窮追痛剿不分晝夜且攀陟險阻於崇山峻嶺之間繞道進取往來跋涉不下二三百里之遙備嘗勞勩幾於不忍披閱特親解小荷包二個分賜福康安和琳以示優眷仍各賞大荷包一對小荷包二對並賞額勒登保德楞額泰花連布常明珠隆阿那丹珠豁隆武大小荷包其打仗兵丁及七番等俱

加賞一月錢糧。用示獎勵。福康安和琳當督率將士。倍加奮勉。統俟大功告竣。再沛恩綸。同膺懋賞。至福康安等。奏現在軍威大振。附近苗匪。多有長跪山巔乞降。並有情願跟隨打仗。守卡修路。以圖贖罪者。此最好之機。福康安等。暫准降順。以分賊勢。正宜如此辦理。此時首逆已將擒獲。其乞降苗衆。自應允准。以攜其黨。與著福康安和琳。即向降附苗衆。等傳知。以伊等若有將首逆吳半生等生擒獻出。不但寬其從前附賊之罪。並當另行加恩。如此明白宣示。降附苗衆等。希冀邀恩。更可不勞而集事。又據奏。副將劉惠駐劄桃映村。拏獲賊目吳老華。尚為出力等語。現屆用兵之際。劉惠既為出力。自應遇有總兵之缺。陞用。俾知鼓勵。如伊陞擢總兵之後。或不勝專閫之寄。屆期不妨再行據實奏明也。又據福寧奏。被賊戕害武生滕家泰之子滕國祥。年已十九。語言應對尚為明白等語。滕家泰

能知大義。被賊慘害。情殊可憫。其子滕國祥著即加恩賞給五品頂戴。並著福寧傳旨。向伊詢問。願就文武官職。聽其自便。○又諭曰。陳孝昇奏。請陞見一摺。已於摺內批示矣。現在滇省正在辦理軍需之時。銅務錢法。亦關緊要。巡撫江蘭甫。經到任。費淳亦已交卸起程。新任藩司熊枚。前因蘇州省城乏人。又已留彼署理藩篆。尚未能即赴新任。陳孝昇現署雲南藩司。正應留滇辦理一切。乃拘泥成例。率行奏請。陞見適足見其語之不誠。除另降諭旨。令福康安酌量於可來時再行飭知該臬司來京瞻覲外。陳孝昇著傳旨申飭。○戊子。祭大社。大稷。遣裕郡王亮煥恭代行禮。○上御萬樹園大幄次。賜扈從王公大臣。蒙古王貝勒貝子公額駙台吉。及哲布尊丹巴呼圖克圖章嘉呼圖克圖之呼畢勒罕等宴。並賞

賚有差○己丑

太祖高皇帝忌辰遣官祭

福陵○秋分夕

月於西郊遣肅親王永錫行禮○諭現在御前行走額駙較少土謝圖汗車登多爾濟係曾在御前行走之人貝勒濟克濟扎布公瑪哈巴格尚可造就著加恩俱令在御前行走○又諭甘肅西寧口外係青海蒙古地方該處道員自應用滿洲蒙古人員蔡廷衡係漢人

不能通曉蒙古言語所有西寧道員缺著榮德調補所遺員缺著蔡廷衡補授嗣後此缺即作為旗員額缺○又諭據普福奏喀喇沙爾兵丁等所種地畝每遇歉收即至不能接續請動用庫項採買土爾扈特和碩特等所餘米糧一二千石貯倉備用等語喀喇沙爾屯田官兵所種糧穀必每歲豐收始敷支放若遇歉收即至不能接續著照所請動用庫項採買貯倉但土爾扈特和碩特等俱係新

降今採買伊等糧米務給公平時價斷不可勒買以致擾累亦不可任屬員賤買報費從中侵漁將此交普福留心妥辦○諭軍機大臣曰吉慶奏琉球貨船在洋被劫一案前經拏獲盜犯林玉頂等供出盜首林發枝蔡大等曾在温州南麂山外洋行劫並於所獲盜船內起出番衣番布旗等物是琉球貨船其為林發枝等劫去無疑等語此案盜犯膽敢在浙江洋面搶奪官米並行劫外夷貨船實

為可惡必當按名拏獲從重懲治現在盜首林發枝蔡大已逃入閩洋尚未就獲著再傳諭長麟魁倫務即遵照此旨嚴飭水師將弁與浙省兵船合力兜擒並於各隘口派兵役嚴密稽查以期必獲毋得視為海捕具文致令首犯漏網稽誅但海洋風信靡常盜犯蹤跡往來無定此時雖已向南竄安知匪徒等不因閩省搜捕緊急又思北竄浙江洋面係吉慶專管仍著責成該撫董率文武留心偵

緝。不可因現回省城。日久生懈。至琉球國貨船被刦物件。據吉慶奏。即遵前旨。著落失事地方官照數加一倍賠償。委員解交閩省。給與該夷人收領等語。並著長麟等。於給發時。即令通事傳知該夷人等。以此係大皇帝念伊遠來被刦。格外體恤。特加一倍給還。俾該夷人敬聆恩諭。回國告知該國王。自必倍深感激也。○又諭曰。蘇凌阿奏請撥沙灘歸入書院收租。以充膏火。一摺。各省設立書院。生童需用膏火。地方官自應設法妥為經理。何以必須撥用官地租息。即如該署督所奏。丹陽縣鳴鳳書院。從前未有此項沙灘時。豈無生童膏火。又係動用何項。外省州縣於地方出息所在。往往藉稱充公。任聽吏胥等經手收支。以為需潤地步。實為陋習。除將原摺批交部議外。將此諭令知之。○直隸古北口提督慶成奏。提標河屯協左右營馬步兵前蒙恩與旗兵一體賞給官房居住。查兵房向在

廣仁嶺下坡。水泉溝。南營子。三處建蓋。內惟水泉溝距教場稍遠。每遇差操。行走稽遲。該兵丁等呈請借支餉銀。將水泉溝官房移撥百間。於南營子空地建蓋。該處官房歷年未久。木料磚瓦。均堪應用。移建止需銀一千兩。應請借項墊辦。分年扣繳報聞。○庚寅上御卷阿勝境。賜扈從王公大臣蒙古王貝勒貝子公額駙台吉及各外藩使臣等食。至癸巳皆如之。○辛卯。

萬壽節。遣官祭

太廟後殿。○遣官祭

福陵。

昭陵。

昭西陵。

孝陵。

孝東陵。

景陵。

泰陵。



泰東陵○遣官祭

孝賢皇后陵○遣官祭

顯佑宮

東嶽廟

城隍廟○

上御澹泊敬誠殿扈從王公大臣官員及蒙古王貝勒貝子公額駙台吉及各外藩使臣等行慶賀禮○癸巳諭軍機大臣曰吳璥奏籌買穀石歸補倉儲一摺已於摺內批示今年

豫省夏秋一律豐收市糧平賤正應乘時採買歸補倉儲缺額吳璥之意自以河南毗連楚省該省現辦軍需或有需撥運鄰省米石之處是以先期籌買以備不時之需若果如此心思尚為周到但外省辦理採買往往易滋擾累著傳諭吳璥仍當嚴飭所屬務宜妥為經理毋任不肖州縣吏胥有短價抑勒情弊以至擾累閭閻方為妥善○又諭曰江蘭奏地方情形摺內稱糧價並未過昂及閩所

主上

奏五月分糧價單雖屬價平然米麥等項有較上月價貴數分之處滇省氣候平和收成應早五月內麥已收穫登場並非青黃不接之時何以市集米糧轉覺稍貴是否因該省辦理軍需以致糧價增昂著傳諭江蘭即行查明據實具奏勿得稍有諱飾○又諭曰福康安和琳奏官兵分路冒雨直搶山梁賊甚眾賊匪乘風雨昏夜之際潛行逃竄當此勢窮力蹙尚敢負隅抗拒乘間竄逸狡詐百出實在可恨可惡此時福康安和琳帶兵進捕或吳半生尚在山坳巖峒之內暫行藏匿立就生擒固屬甚善設竄入鴨保鴉西平隴一帶與吳隴登石柳鄧石三保聚集一處更可惡數擒拏一舉集事朕盼望捷音雖屬急切但念福康安和琳帶領官兵冒雨進攻不避艱險亦不忍加之催促而在事將弁兵丁等於崇山峻嶺之中雨夜奮攻備嘗勞勩並無傷損慰幸之餘倍深憐念福康安和琳與

實錄卷五百五十五

主上

將弁兵丁等如此冒險奮攻實為出力可嘉  
特解親佩小荷包並加賞大荷包各一對小  
荷包各四個火鑲各一個白玉松石銅管各  
一個翡翠搬指各一個賞給額勒登保德楞  
泰花連布那丹珠豁隆武常明大荷包各一  
對小荷包各二個火鑲玉搬指各一個磁銅  
管各二個俾益加感勵現在廣西兵丁計期  
早抵軍營聲威壯盛福康安和琳惟當倍加  
奮勉鼓勵將士趁此兵力跟蹤追剿若能一  
鼓成擒全俘賊首事機更為順利福康安和  
琳不必因吳半生未獲過於焦急轉致不得  
主見也

實錄卷一千四百八十四

三十七

大清高宗法天隆運至誠先覺體元立極敦文  
奮武孝慈神聖純皇帝實錄卷之一千四百八十四

實錄卷一千四百八十四

三十八

成林等奏接准福康安和琳咨會檄調廣西  
兵丁分起行走一摺所辦好此事前據福康  
安和琳奏到廣西早經豫備已就近調往應  
用今頭起官兵於七月二十九日已出粵境  
計此時早抵軍營正資勦捕之用彭承堯因  
係提督大員現調該省之兵不得不為此奏  
目下湖南賊匪已勢窮力蹙指日成擒而軍  
營帶兵亦不乏人原無須彭承堯前往該提  
督又何必多此一奏也將此諭令知之○丙

申諭各省學政現屆應行更換之期除廣東學政恭泰四川學政李榮甫經到任毋庸更換外順天學政著吳省欽去江蘇學政著劉權之去浙江學政著阮元去江西學政著鄒炳泰去山東學政著程昌期去福建學政著陳嗣龍去山西學政著瑚圖禮去河南學政著盧蔭溥去安徽學政著戴均元去湖北學政著施朝幹去湖南學政著范鑒去陝甘學政著陳萬青去廣西學政著蔣攸銘去雲南學政著錢開仕去貴州學政著談祖綬去以上各員內有現在出差者即著於出關後各赴新任不必前來請訓○又諭曰劉莪奏染患瘡疾日久驟難全愈請解任在京調理等語劉莪歷任內外供職有年著施恩加太子太保銜以原品休致目下天氣涼爽伊復步履艱難即令回籍調理不必在京等候接駕謝恩以示體恤其兵部尚書員缺著朱珪補授朱珪現留廣東巡撫之任俟簡放有人交

代後。朱珪再來京供職。所有都察院左都御史員缺。著金士松補授。丁酉祭。

先師孔子遣儀郡王永璇行禮。刑部議覆福建水師提督哈當阿奏。拏獲偷渡臺灣首犯。照例擬遣。先在海口枷示一摺。得旨。向來臺灣拏獲偷渡人犯。將首犯擬遣。並在海口枷號。俟續有拏獲人犯。枷示後。再行釋枷發遣。此等偷渡為首之犯。既經問擬發遣。若俟續有獲犯。始行釋枷。釁解。設日久無獲。將待

至何時為止。轉不足以示懲儆。未為允協。嗣後臺灣拏獲偷渡為首之犯。著枷號海口半年。滿日即行發遣。此案首犯沈冊。即照此辦理。餘著照所擬完結。○調兵部侍郎胡高望為吏部侍郎。以青海辦事大臣特成額為鑲黃旗漢軍副都統。戊戌。諭軍機大臣曰。吉慶奏六月分海塘沙水情形圖說。朕詳細披閱。並將五月分沙水圖說逐一比較。據吉慶奏到五月分圖說內稱。范公塘迤西至烏

龍廟塘外。舊沙一道。較上月刷短六十餘丈。刷窄二十餘丈等語。是迤北一帶舊沙有刷卸之處。范公塘等處塘工喫重。自應設法鑲築。俾水勢南趨。而此次吉慶奏到六月分圖說。則稱西興迤東至童家灣。現存舊沙較上月刷窄一百餘丈等語。是迤南一帶舊沙現有坍卸。此正極好機會。又應趁勢挑切。俾益加刷。卸以收南坍之效。乃吉慶摺內俱未詳晰聲叙如何辦理。著傳諭吉慶。將五月分范公塘迤西至烏龍廟塘外。舊沙刷卸後如何設法鑲築。及六月分西興迤東至童家灣。舊沙既經刷窄。後曾否施工挑切之處。逐細聲叙。據實具奏。尋奏。范公塘迤西舊沙。近年漸有刷減。節經奏請接築。埽工七月間刷窄之後。已於前築埽工之尾接築二百丈。現俱辦竣。至童家灣一帶沙塗。六月間刷窄一百餘丈。乘此設法挑切。刷卸自更迅速。現飭海防道秦瀛率員趕辦。報聞。又諭曰。蘇凌阿奏

遊擊楊天相等前報拏獲盜船一隻隨提犯  
審訊據張茅等供稱伊等均係福建詔安縣  
人向來在船在上海等處販運貨物現領有  
詔安縣船照腰牌可憑隨查驗吳淞進口出  
口號簿均與船照及張茅等供詞月日相符  
并訊據各行戶等僉稱該船實係裝運貨物  
並非匪船該遊擊楊天相等委沈春發既不  
查驗船照又未訊問口供輒飾詞裝點具報  
現提同各犯秉公研訊等語殊出情理之外

巡洋將弁遇有形跡可疑之船自應細加盤  
詰如果來歷不明或不服盤問再行拏送地  
方官究訊今張茅等現有官給執照腰牌鑿  
鑿可據該將弁等何得並不查詢明白率將  
無辜之人擅拏誣指為盜此事前經陳大用  
奏到朕方以楊天相沈春發能帶兵飛身跳  
過盜船砍落風蓬生擒盜犯尚為奮勉出力  
特降旨分別超擢叅將守備以示鼓勵今據  
蘇凌阿所奏竟係該將弁飾詞裝點其意自

以為如此稟報希冀地方官不加確訊亦即  
作為洋盜恭請王命正法無可對證得為伊  
等邀功地步此等水師惡習最為可惡若不  
嚴加懲創幾令良善冤沉莫辨其何以儆欺  
飾而整戎行著傳諭蘇凌阿即將楊天相沈  
春發革職拏問提同案證嚴審定擬具奏並  
究明裝點各情節楊天相沈春發二人中係  
屬何人起意之處據實具奏至此事陳大用  
從前具奏時並不訊供一句朕以該提督究

屬武職糊塗不曉事體是以僅降旨嚴飭交  
部嚴議茲閱蘇凌阿所奏情形此案誣良為  
盜已屬顯然該提督從前之不訊供詞竟  
屬有心取巧而蘇松鎮卅九叙專轄水師楊  
天相等係先報該鎮陳大用又據該鎮轉稟  
之詞入告卅九叙何以亦不加確查率行稟  
報均難辭咎張茅等一經總督訊問輒極口  
呼冤則其見提鎮時亦斷不肯自甘被誣況  
陳大用卅九叙均在海口督緝洋匪楊天相

等既報獲盜。豈有不解送提鎮而該提鎮於解到時亦豈有不提犯訊問。遽交監禁之理。並著蘇凌阿。即傳詢陳大用。升九叙。將指出各情節。逐加詰詢。看其如何登答。並提訊張茅等。問其曾否見過該提鎮。訴冤之處。便可得其梗概。如該提鎮竟有知情捏飾情弊。則其罪不止於革職。即一面將伊等革職。一面嚴叅具奏。勿稍瞻徇。至盜犯如果情真罪當。即為數較多。予以駢誅。亦屬法所應得。若無辜之人。雖一夫尚不可稍有冤抑。況張茅等共有十二人。豈可不詳加確訊。濫寘重典。此事若督撫等不肯虛心。又復意存迴護。安保其不遷就羅織。率行正法。茲蘇凌阿能細心研鞠。據實平反。尚屬可嘉。但閱伊摺內稱連日熬審。加以刑夾等語。又實係沾染外省習氣。張茅等既屬無辜。即不應加以刑夾。若並未動刑。而輒於摺內填入此等套詞。以見其取供結實。尤屬無謂。朕亦不易欺。蘇凌阿不

應如此著傳旨申飭。此案朕一經披閱。種種情節。洞燭靡遺。不特蘇凌阿應深欽服。即陳大用。升九叙等。諒亦無能再置一詞也。將此由六百里加緊諭令知之。仍將實訊情節。亦加緊迅速具奏。又諭本日因蘇凌阿奏。遊擊楊天相等。外委沈春發。誣良為盜一案。已降旨將楊天相等革職。拏問矣。此事據蘇凌阿叅奏情形。看來該將弁誣良為盜。已有十分之八九。吳淞相去不遠。蘇凌阿何以不即提楊天相。沈春發到案。審明一併具奏。且取閱陳大用前奏之摺。內稱該將弁等將盜犯獲解前來。發交寶山縣監禁等語。是張茅等十二名。陳大用已與之見面。而此事先由升九叙轉報。該鎮更無未見張茅等。遽行具報之理。各處拏獲尋常竊犯。尚應先訊供詞。再行收禁。況洋盜重案。斷無不畧一審問。輒將十數人發縣收監。是陳大用前此之率行具奏。竟係明知楊天相所報情形未確。不過欲借

此入告以為見長地步。蘇凌阿務當遵照諭旨。秉公嚴鞫。不可參奏於前。又復遷就於後。魁倫長麟之覆轍具在。不可捨己為人。方今綱紀肅清。朕辦理庶獄。悉皆準情酌理。雖一夫不使稍有冤抑。況洋盜重案。關係十二人生命。豈可意存周內。屈抑無辜。即如福建年來辦理洋盜。聞多有妄拏充數之事。伍拉納等並不虛衷研鞫。現在伊等身獲重戾。未必不由於此。此即天理昭然。甚屬可畏。當引以

為戒。蘇凌阿能據實平反。尚得大臣之體。但不可如長麟魁倫之欲化大為小。顛倒了事也。蘇凌阿現已起程前赴海口督緝。所有楊天相、沈春發二人。自己就近提到。或業經審出裝點各實情。發摺在途。亦未可定。蘇凌阿向來辦事尚屬認真。諒不至模稜完案。有負委任也。將此再諭令知之。○己亥

上自避暑山莊迴鑾。○諭前因陳大用於拏獲海洋盜船一案。並不訊問供詞。輒將盜犯飭

縣監禁具奏。朕以陳大用祇係糊塗不曉事體。僅交部嚴加議處。本欲俟部議上時量予加恩。昨據蘇凌阿奏。訊明被拏張茅等十二人均係福建詔安縣人。向來雇船在上海等處販運貨物。領有詔安縣船照腰牌。可憑隨查驗。吳淞進口出口號簿。與張茅等供詞。月日相符。並訊據各行戶僉稱。該船實係裝運貨物。並非匪船。該遊擊楊天相外委沈春發既不查驗船照。又未訊供。輒飾詞裝點具報。現提同各犯秉公研訊等語。是前此陳大用之率行具奏。竟係明知此案拏獲盜船情形未確。不過借此入告。以為見長地步。幾至冤及無辜。實屬可惡。陳大用著即照部議革任。其遊擊楊天相外委沈春發已降旨革職。拏問。交蘇凌阿嚴審定擬。陳大用亦俟蘇凌阿歸案審擬具奏。○諭軍機大臣等。昨蘇凌阿奏遊擊楊天相外委沈春發妄拏張茅等誣指為盜。裝點情節。稟報一案。已降旨將該將

弁革職。拏問交該署督秉公嚴審矣。細思該督所奏情節。張茅等在上海等處貿易。領有詔安縣執照腰牌。其在吳淞收口出口掛號驗放時。照上又有印戳。可據經蘇凌阿驗明屬實。其非盜船可知。而船內所帶米麥糖貨。詢之各行戶。又復脗合。並查傳幼孩之父及中保人等。僉供實係得錢價賣。委無擄掠誘拐別情。則張茅等之並非盜匪。已屬確鑿。該將弁何得任意妄拏。遽指為盜。況據張茅等

供。六月二十九日由吳淞出口時。正見兵船起身駛出洋面。是張茅等與楊天相係同日起旋。顯係該將弁因緝犯無獲。遇見商船。擅拏充數。又裝點情節。稟報希冀地方官亦不加確訊。即作為盜匪正法。可以邀功。似此誣陷良善。幾至十餘命枉抑含冤。若不徹底根究。其何以懲狡詐而整戎行。本日兵部議處陳大用本上。朕以其前此不訊供具奏。竟非僅止糊塗實是有心取巧。已照議將該提督

革任。陳大用業經褫革。更無所用。其迴護著再傳諭蘇凌阿。務遵昨旨。即提集案證詳細研鞫。如陳大用果有扶同捏飾情弊。即將伊拏問。一併審明。定擬具奏。勿稍瞻徇。至張茅等十二名。陳大用既發交寶山縣監禁。該縣知縣於發到人犯。斷無不向訊供。遽行收禁之理。所有張茅等被誣各情。該縣曾否訊出寃抑情節。如何稟報該管上司等。而各上司又如何辦理。曾否稟明該督之處。均當逐一

查明。若該縣及該管上司等。亦有扶同率混情事。並著蘇凌阿一併嚴參具奏。將此由五百里再諭令知之。仍即速回奏。以甘肅永昌協副將閻騰為已里坤總兵。是日駐蹕喀拉河屯行宮。○庚子遣官祭賢良祠。諭江南提督員缺。著王炳調補。所遺雲南提督員缺。著福康安和琳於現在軍營帶兵各總兵內遴選勞績較著。堪勝此任者。據實保奏。候朕簡放。是日駐蹕常山峪行宮。○辛丑



世宗憲皇帝忌辰遣官祭

泰陵○豁除河南蘭陽縣乾隆五十六年分河水衝坍民田一項七十五畝額賦一旌表守正捐軀奉天廣寧縣民黃添貴女黃氏是日駐蹕兩間房行宮○壬寅諭曰將兆奎奏山西蒲州府所屬永濟等六縣因夏間得雨稍遲秋收不過六分等語永濟等縣因雨水未能霑足以致收成稍歉若按例徵收恐民力不無拮据所有蒲州府屬之永濟臨晉萬

泉榮河虞鄉猗氏六縣本年應納錢糧及春借倉穀均著加恩緩至明年麥熟後徵收以紓民力該撫務督飭所屬實力奉行以副朕廑念民依至意○又諭曰秦承恩奏甘肅平涼等九州縣因得雨未能霑足高原地畝秋禾間有受旱又阜蘭等縣各鄉村因雨雹被傷或因山水被衝收成均不免歉薄等語平涼等屬州縣因夏間雨澤稀少以致收成稍減雖據奏勘不成災但民力究未免拮据畢

蘭等州縣各鄉村秋禾間有傷損雖係一隅中之一隅收成亦未免減薄所有平涼府屬之平涼華亭涼州府屬之武威鎮番永昌涇州暨所屬之崇信鎮原靈臺等九州縣並蘭州府屬之阜蘭縣西鄉狄道州西鄉河州南鄉平涼府屬之靜寧州楊家嘴等村本年應徵各項銀糧草束均著加恩緩至來年麥熟後徵收以紓民力該署督務督率所屬實力奉行以副朕加恩閭閻不使一夫失所至意

○諭軍機大臣曰聞嘉言奏調任廣西懇請陞見再赴新任一摺前據福康安和琳奏調粵西兵丁昨又據朱珪成林奏所調兵丁已分起行走前赴軍營應用該省現有應辦之事聞嘉言自應即赴新任至陞見有何緊要該員何必多此一奏著傳諭聞嘉言接奉此旨由四川速往廣西任事不必來京○是日駐蹕要亭行宮○癸卯諭本年春間因湖南鳳凰永綏乾州三廳及附近瀘溪沅陵等縣

被苗匪滋擾。業經降旨將春季錢糧一併緩徵。並將無業貧民。按月賑卹。口糧俾無失所。現據畢沅等奏。通省收成。九分有餘。即附近三廳各縣地畝。亦多復業有收。第念大功將歲。正逢秋季開徵之候。恐各廳縣所屬地方。民力究不免竭蹶。除永綏廳錢糧。業加恩寬免三年外。所有鳳凰。乾州。蘆溪。沅陵。辰溪。永順。保靖。龍山。麻陽。芷江等十廳縣。本年秋季應徵錢糧。著加恩緩至丙辰年早收後。同前

次緩徵之春季錢糧。一併開徵。以示軫念。閩。閩。有加無已之至意。○諭軍機大臣等。朕日來盼望福康安。和琳擒渠捷報。無時釋念。本日遞到畢沅。姜晟五百里摺報。朕以為自係奏報軍營情形。及逐加披閱。祇係奏明秋收分數。請緩徵鳳凰等廳秋季錢糧。奏銷展限。並添補帳房軍械等事。太屬無謂。該省應行緩徵各廳縣錢糧。早經有旨交該督等查辦。即奏銷展限。添補軍裝。亦係應行早辦事。

件。儘可隨前次軍報附奏。何必遲遲至今。特用五百里馳遞。摺內惟稱大功將歲。而於軍營現在情形。若何竟無一字提及。畢沅曾赴鎮。軍軍營。福康安。和琳在彼。如何攻剿賊巢。擒捕逆首。豈竟毫無聞見。且該督等駐劄辰州。密邇軍營。一切文報。必由該處經過。福康安。和琳前在古丈坪發遞奏報。距今已隔十日。畢沅等寧不知朕盼望綦切。何難於摺內將目下探聽軍營情形。畧為聲敘。稍紓懸厪。乃率用五百里馳奏尋常事件。徒亂人意。該督等全不知仰體朕懷。直可謂無良心矣。畢沅。姜晟著傳旨嚴行申飭。至福康安。和琳前次古丈坪所發之摺。係八月初二日拜發。於十五日奏到。已隔一旬。福康安。和琳現在如何設法圍捕逆匪。及吳半生。於何處藏匿。有無實在下落。並吳隴登。石柳鄧。石三保等。曾否一併拏獲。亦應迅速奏報。乃福康安。和琳連日並未續行奏到。而畢沅。姜晟五百里馳

奏之摺。又無一字提及徒滋煩擾。並著傳諭福康安。和琳。即將軍營現在勦捕擒賊情形。加緊馳奏。以慰廑注。如得捷報。即速奏至。○是日。駐蹕密雲縣行宮。○甲辰。諭軍機大臣。曰。長麟等奏。拏獲行劫浙省米船匪犯。併各案洋盜。審明辦理一摺。所有盜犯四十六名。俱已正法。餘亦照擬完結矣。但閩省前此拏獲洋盜。伍拉納等。俱由驛具奏。此案盜犯陳益等。係在浙江洋面搶劫官米之犯。尤非尋常洋盜可比。該署督等審明後。自應一面將該犯等恭請王命辦理。一面由驛奏聞。何得仍照例專差齎遞。况運米官船。插有旗號。並有官員護送。該犯等膽敢肆行搶掠。即予以凌遲。亦不為過。乃僅問擬斬決。殊屬罪浮於法。而盜首林發枝。蔡大等。早竄入外洋。何以迄未就獲。該署督等摺內。又未聲明如何躡緝。均屬疎漏。前因閩省地方廢弛已極。是以特令長麟往署督篆。魁倫兼署撫篆。俾資整

飭。乃伊等任事之初。即如此懈緩。並不以事為事。殊負委任。是較伍拉納等更廢弛矣。且該署督等節次具奏。伍拉納等供詞。及審訊周經情節。意存化大為小。顛預了事。屢經降旨嚴飭。初次申飭之旨。係七月二十一日。由五百里發去。以後諭旨。又由六百里發往。計長麟等早經陸續接奉。何以總未覆訊具奏。即或供詞一時尚未得實。亦應附摺聲明。何竟無一字敘及。看來長麟。竟因暫時署篆。遂存五日京兆之見。而魁倫又以叅辦在前。伍拉納等業經革職。罕職罕問。可以將就完結。思做好人。進退無據。皆大不是。長麟。魁倫。著再傳旨嚴行申飭。該署督等務宜亟思渝悔。認真整頓。董飭所屬嚴拏盜首。以期必獲。並將審案徹底根究。速行覆奏。勿再因循觀望。自蹈重戾。凜之慎之。再閱所奏糧價單內。各屬糧價。尚不甚昂。惟漳州一屬。自二兩以上。至三兩不等。尚未平減。又臺灣米價。亦在二兩以

上並有至三兩者該處每歲三熟向為產米之區福建內地皆資其接濟今該府米價與漳州相仿若再加以運腳搬至內地豈不更加昂貴閩省內地又何所仰給該署督撫務當留心設法調劑俾漳州臺灣兩處糧價日就減落小民不至艱於糴食方為妥善將此由五百里諭令知之仍將審訊供情迅速覆奏○是日駐蹕南石槽行宮○乙巳

上詣

安佑宮行禮○還圓明園○移山東蘭山縣縣丞駐蘭陵集從巡撫王德請也○旌表守正捐軀河南汝州民杜雲妻王氏○丙午諭軍機大臣等據吉慶等奏匪船復竄浙洋親赴督軍各摺已於摺內批示洋面盜匪於逮竄之後復敢潛竄浙洋吉慶一聞稟報即親赴台州一帶督緝追拏王彙亦前赴海口督令兵船悉力趕捕所辦尚好但盜匪往來洋面肆無忌憚據摺內稱八月初六日遙望外洋

有盜船三十餘隻在彼游奕經兵船駛往擒捕又來盜船十餘隻合幫抵拒等語是海洋盜船多至數十餘隻實為可惡可恨若不實力嚴拏使知斂戢設日久橫行竟至聚嘯島嶼如宋季之宋江等結成巨盜於地方洋面大有關係此事著交吉慶王彙竟當親駐溫台一帶海口並知會閩省江南一體督飭緝匪兵船實力追拏悉數擒獲務使根株淨盡毋得稍留餘孽以致盜風漸熾至吉慶等所

奏副將林起鳳等望見盜船前往擒捕打沉盜船一隻傷斃盜匪數十名兵船因礮炸損壞經別船救護仍帶兵攻擊值時已昏黑未能窮追等語盜匪見官兵追捕逃往外洋正當奮力窮追速行擒獲豈可任其遠竄肆行出沒至兵船鎗斃原以備捕盜之用乃施放時竟至炸裂則平日所謂演放何事此皆素不經心之故何以並不查叅又該副將稟報情形亦未可深信外省搜捕盜匪往往裝點

捏飾。即如江蘇遊擊楊天相等。現有誣鞫商船作為盜船之案。安知該副將林起鳳等所稟兵船礮炸損壞後。仍上別船帶兵擊捕之處。亦非盡確實。並著吉慶等據實查明。若該副將等於礮炸船壞後。如果救護得生。仍上別船帶兵搜捕。並打沉盜船。其事屬實。自可將功折罪。倘有裝點情節。捏詞稟報。幸圖邀功卸罪等事。即行嚴叅究辦。以示懲儆。至吉慶正當督拏盜匪之際。自應以督捕為重。其監臨事務。並非緊要。儘可派委藩司代辦。何必親自入關。未免拘泥。令事屬既往。亦不深責。此時親駐海口。務須督飭弁兵。奮力嚴拏。淨盡。此為最要。又據奏海塘沙水情形一摺。閱所進圖樣。北面總未漲沙。范公塘等處塘工。不無著重。甚為厯念。現在吉慶正在督拏盜匪。此事無暇兼顧。竟應交藩司暨管理海防道。務須隨時留心。不可稍有疎懈。將此由六百里加緊諭令知之。仍即速回奏。○丁未

諭戶部議駁直隸節年民欠旗租銀兩。請令該督將逃亡遷徙各佃戶確查具奏。另行覈辦一摺。因屬覈實辦理。但此項旗租。原因偶遇偏災。加恩帶緩。一遇豐收。小民自必踴躍輸將。何至節年拖欠。即使佃戶人等。間有逃亡遷徙。無可著追。亦何至為數如是之多。其中顯有官侵吏蝕。以完作欠情事。朕惠愛閭閻。無微不至。各省節年民欠錢糧。不下數千百萬兩。業經降旨普行豁免。佃戶亦吾赤子。豈肯稍有歧視。致令復有追呼。所有通州等五十二州縣。乾隆五十三年起。節欠旗租銀六十八萬二千兩零。竟無庸向各佃戶名下徵收。俾得一體仰邀恩澤。至旗地原係旗人產業。旗人管業時。均藉租息。以為養贍。當差之計。若累年拖欠。旗人資何用度。令歸官辦理。何以逋欠累累。自係經徵各員辦理不善。且難免以完作欠情弊。而該管上司等。又何以漫不留心督催。不力自應分別著賠。但此

項積欠旗租為數較多。若仍令三年賠繳。伊等辦公未免拮据。且州縣廉俸無多。亦應量為區別。所有此項節欠旗租銀六十八萬餘兩。著歷任總督藩司。分賠十分之五。道府分賠十分之三。州縣賠十分之二。俱分作六年完繳。於懲創之中。仍寓體恤。以示朕嘉惠窮黎。整飭官方至意。○諭軍機大臣等。賊匪當此勢窮力蹙之時。尚敢負隅抗拒。輒轉竄伏。實屬可恨可惡。至賊匪等屢被官兵剿殺。窮蹙無歸。朕早料其必繞至鎮寧一路。幸圖牽掣官兵。為苟延殘喘之計。今據福寧奏。訊據獲犯供稱。吳隴登先後遣至鎮寧探聽。意欲前來滋擾等語。果不出朕所料。現在福寧督率弁兵。在後路岩門一帶嚴密防堵。所辦尚好。但賊匪等現被大兵追剿。守死不暇。何能更至鎮寧滋擾。此亦不過散布謠言。冀圖牽綴。令福寧已於各卡嚴防。自可無慮。福康安和琳。此次督率將弁。冒險進攻。勞苦備至。著

賞給福康安和琳白玉四喜搬指各一個。並大小荷包。用昭優眷。額勒登保德楞泰花連布那丹珠。諮隆武。常明。各賞給碧玉四喜搬指一個。並大小荷包。福寧固守鎮寧。分防後路。尚為妥協。亦著賞給碧玉四喜搬指一個。並大小荷包。以示嘉獎。又發去餉餉二匣。奶餅九匣。交福康安和琳。分賞帶兵打仗之已圖魯侍衛章京及奮勇出力之鎮將弁兵。一體分賞。俾其益知勸勵。其打仗奮勇之兵丁。並著福康安和琳查明實在出力者。賞給一月錢糧。以示鼓勵。此次福康安和琳帶兵進抵楊柳坪後。因風雨大作。暫行駐劄。亦不得不稍為休息。朕亦深知伊等冒險進攻。備嘗勞勩。不忍更加催促。此時已屆秋深。天氣自必快晴。可以長驅直進。福康安和琳惟當振勵精神。設法圍攻。兵氣奮揚。倍加踴躍。仰祈上蒼助順。佑成大功。目下諒已捷報在途。尤深懸望。○戊申。諭曰。常齡奏請嚴禁鐵嘴尖挑。

以靖光徒一摺。據稱粵東地方有一種鐵嘴尖挑。甚為銳利。商販農工相率製用。到處攜行。遇有睚眦小忿。即隨手毆刺。釀成人命。請嚴行禁止。勒限繳官等語。所奏殊屬瑣碎。此等民間私行製造器具。過於銳利。易致傷人。釀害常齡。現署臬司祇須自行嚴禁。倘有不遵禁例。仍前私製。以致殺傷斃命者。即可隨案懲辦。此皆地方官分內應辦之事。又何必瑣屑入告。奏請飭禁。常齡著傳旨申飭。並著

通諭各省督撫等。如地方遇有此等應行查禁之事。皆當隨時留心辦理。朕日理萬幾。於各省陳奏章疏。無不親覽。豈有憚於披閱。但似此瑣細事件。無關緊要。不值特行降旨。又何必紛紛陳奏。徒滋煩擾。即明頒勅諭。各督撫以至州縣官。何曾見實力奉行。不過貼數張告諭。日久風吹雨濕。並告諭而無之。朕久為各督撫羞之。不知各督撫羞乎否也。○諭軍機大臣曰。秦承恩奏陝西秋禾約收分數

一摺。覽奏稍慰。但細閱所奏糧價單內。西安等府屬之大米。價至三兩五錢。至二兩數錢不等。雖該省民食。向以麥田為重。其大米祇係殷實之家出價糶食。並非小民尋常食用所需。但市價至三兩有餘。未免昂貴。即此一項而論。恐別項糧食。亦不無價值稍增。看來陝省收成。尚視直隸山西之不若。雖業經加恩緩徵。恐尚未能充裕。著傳諭秦承恩等。仍當留心查察。如尚有應須調劑之處。或借或

糶。酌量辦理。毋得稍有諱飾。致令失所。並令將情形若何速奏。○又諭曰。陳淮奏七月分糧價較之上月又減銀二分至五分不等之語。覽奏欣慰。本年江省雨水調勻。夏收豐稔。市集糧價日就平減。將來晚禾登場之後。當較六七月兩月價值更賤。他處聞風。販糶諒必源源而來。著傳諭陳淮。務當督飭所屬嚴禁市僧囤戶人等。無使擡價居奇。以期商販流通。俾隣近歉收地方得資接濟。不可意存吟

域致有過釋也。○又諭曰。長麟奏謝賞墨刻恩一摺。內有九十載功懋十全之句。湊合牽扯。太不成文。以朕臨御區宇。則現係六十年。以云朕壽八旬開五。未屆九秩之期。何得以九十載詞語。率行填寫。長麟係進士出身。自當粗諳文義。而奏謝之章。不通若此。寧不有忝科名。可見此等奏摺。一任庸劣幕友。泛行填奏。而長麟亦全未檢點。實為粗率。又另摺所奏。拏獲洋盜。審明辦理一摺。內稱。據總兵李芳園等節次報獲盜犯一百三十餘名。業經審辦八十五名。是尚應有盜犯四十餘名。而現在奏辦之案。實止二十餘犯。是所奏獲犯一百三十餘名之數。自係連未經解審之犯。一併總計。乃摺內聲敘並未明晰。以致前後牽混。眉目不清。長麟魁倫於陳奏事件。何得漫不經心。若此。均著一併嚴行申飭。其續經解到之犯。仍著長麟等迅速審擬具奏。毋致遲延。○是月。浙江巡撫覺羅吉慶奏。浙省

本年動碾各屬倉穀二十萬石。運閩協濟。嗣准閩省知會停止。查此項米石。已運抵閩省者。應聽閩省查辦。其未出境者。現飭紹台各府截留。分貯各縣。分別留撥兵餉。及糶賣變價歸款。惟各州縣動碾前項穀石。為數較多。本年浙省早稻豐稔。外江各省亦皆有秋。杭嘉湖三府屬。應赴外江買運。現飭各州縣先動支徵存地丁。照數買足。浙東各府屬。即令在本地購買。其動支地丁。即以截留運閩米石撥給兵糧。糶買之項。提劃還款。再浙省尚有未買乾隆五十八九兩年平糶各穀石。均應一併買足。得旨。好詳妥為之。○山東巡撫王德奏。前飭登萊將弁。出洋巡哨。據報並無賊船。隨親至膠州海口。據南來各商船均稱。六月間。浙江乍浦。江南羊山。有賊匪滋擾。過大沙尖。迤北。實無賊匪。除飛咨浙江撫臣江南督臣嚴捕外。仍飭水師將弁實力巡防。得旨。好。知道了。又稱。派撥將弁兵船查緝之外。



充

清實錄  
乾隆六十年九月上

卷之六

八五五

審要案。又未奏及。業經降旨嚴飭。今據魁倫奏到各摺。逐加披閱。又俱係尋常照例事件。並非現今要務。閩省倉庫虧缺。伍拉納。浦霖。伊轍布。及庫吏周經。如何通同舞弊。屢經降旨飭詢。諭令長麟等速行嚴究具奏。而該署督等迄今尚未奏到。所辦何事。現在閩省諸務廢弛已極。是以特令長麟等署理督撫印篆。俾資整飭。乃伊等似此懈弛。全不以事為事。竟屬深負委任。長麟魁倫著再傳旨嚴行申飭。至黃莫邦於此案種種捏飾錯謬。自不可不嚴行究辦。但伊由義民加恩擢用。其原籍雖係廣東。而族屬自必皆在臺灣居住。今見黃莫邦被叅拏問。不知應得何罪。妄生疑慮。臺灣民情刁健。而伊又與義民聲氣較為聯絡。應令哈當阿。劉大懿密為留心。並將黃莫邦犯事緣由。向其族屬明白曉諭。以黃莫邦前在臺灣出力。是以加恩獎擢。今拏獲私帶刀礮出洋之案。並不據實詳稟。伊今居官。

自應按例叅奏辦理。治以應得之罪。如此明白曉諭。方足以安輯義民之心。不至別生意外事故。長麟等交審倉庫究竟如何。侵那虧缺一案。何以日久尚未審明。著即徹底根查。迅速具奏。勿再因循觀望。自蹈重戾。若別有難辦。何不速行密奏。將此由六百里諭令知之。

御書沁河

河神廟扁曰靈源利濟。○庚戌諭戶部議駁長蘆鹽政方維甸奏請將本年應徵課銀。分年帶徵一摺。蘆東商力疲乏。經朕節次加恩。停利展本。已為至優極渥。若再行緩徵。年限過寬。勢必層層積壓。戶部照例議駁。自屬覈實辦理。第念該商人等資本微薄。上年行鹽各地。間有雨多歉收。銷鹽未暢。應交款項尚多。若一律徵輸。未免稍形竭蹶。著再加恩。准其將本年應徵課銀七十餘萬兩。緩至明年起。分作二年帶徵。其節年緩徵銀三百三十

餘萬兩俟本年緩徵銀兩於二年限內交完時再行起限仍照從前奏定年分次第按限帶徵該商人等經此次加恩之後資本愈臻饒裕該鹽政惟當督率妥辦按限輸將勿得再任延宕以副朕格外體卹恩施無已至意○諭軍機大臣等本日蘇凌阿有由驛奏報之摺朕以為必係查審遊擊楊天相等誣指盜船一案及加披閱則僅係接准浙江咨會堵緝洋面盜匪之事殊屬無謂楊天相等因緝犯無獲遇見商船擅拏充數又裝點情節稟報節經降旨令蘇凌阿提齊案證速行嚴審定擬具奏蘇凌阿前已迎往自當即將如何通同捏飾之處究訊明確迅速具奏乃迄今未據奏到轉將此等無關緊要事件輒用驛遞看來蘇凌阿又如魁倫查辦閩省虧空之案以業經奏在前即欲作好人希圖將就完事蘇凌阿係由尚書命往江省署理督篆何得即染外省惡習著傳旨申飭○辛亥

上御勤政殿召皇子皇孫王公大臣等入見宣示恩命立

皇十五子嘉親王福祥為皇太子以明年丙辰

建元嘉慶元年諭朕寅紹丕基撫綏方夏踐阼之初即焚香默禱

上天若蒙

眷佑得在位六十年即當傳位嗣子不敢上同皇祖紀元六十一載之數其時亦未計及壽登八旬有六也自臨御以來仰荷

昊蒼垂佑

列聖貽庥寰海昇平重熙累洽御寓之年慶周

甲子敬念維

天維

祖宗所以付託在予者至重且鉅於繼體授受之際曷敢不倍切兢兢朕前此不即立儲之由節經頒發諭旨反覆申明蓋以歷觀史冊三代而下由漢迄明儲貳一建其弊百端前鑒具在朕朝

太祖

太宗

世祖俱未豫立儲位惟

聖祖仁皇帝曾以嫡立理密親王為皇太子後  
竟為宵小誘惑兼患痼疾不克祇承其時大  
臣中曾有以國本應行建立陳請者仰蒙

皇祖聖裁獨斷

訓諭特頒不復冊立迨傳位

皇考十三年勵精圖治內外肅清雍正元年

皇考即親書朕名貯於乾清宮正大光明扁額  
之上又另書密緘常以自隨朕纘紹鴻業六

十年間景運龐洪版圖式廓十全紀績五代

同堂積慶駢蕃實為史冊所罕觀此皆仰賴

皇祖

皇考貽謀燕翼用能啟佑後人綏茲多福朕欽

承

家法踐阼後亦何嘗不欲立嫡以皇次子為

孝賢皇后所生曾書其名遵

皇考之例貯於正大光明扁上不意其蚤年無  
祿不能承受曾同大臣等啟緘閱看贈為端  
慧皇太子此中外所共知者嗣於癸巳年冬  
至

南郊大祀敬以所定嗣位皇子之名禱於  
上帝並默禱所定嗣位皇子倘不克負荷即降  
之罰俾臣得另簡元良以為宗祏延遠無疆  
之福又於盛京恭謁

祖陵時敬告

太祖

太宗在天之鑒是朕雖不明立儲嗣而於宗祏  
大計實早為籌定特不效前代之務虛文而  
貽後患耳夫建儲一事三代以後建立嫡嗣  
舊制相沿具載史冊若以此等歷代踵行名  
正言順之事為非則朕亦非讀書稽古之人  
矣設名分未定或致如前史夜半宮中出片  
紙之語其流弊更不可言方今綱紀肅清宮  
府一體歷代權奸婦寺諸執政絕無其事斷

不致因儲位未早宣示致滋他慮我子孫果能效法

祖宗及朕之敬

天勤民勅幾親政即不明詔立儲實可萬年無弊然此言即朕自問亦不敢自以為是千萬世後必有以為非者且令其平心觀我祖宗及朕所行與國家之得實益政治之享太平與否可耳朕誕膺大寶今六十年矣迴念踐阼時默禱

上帝之語並追憶朕年五旬後曾於

聖母皇太后前奏及歸政之事彼時蒙

聖母諄諭以朕躬膺付託之重天下臣民所繫

望即至六十年亦不當傳位自逸次晨朕即

以

聖母所諭默奏

上帝若能長奉

慈寧壽躋頤慶朕亦何敢復執前願乃自丁酉年以來所願既虛於是仍冀得符初志茲

天恩申錫竟獲周甲紀元壽躋八旬開五精神康健不至倦勤天下臣民以及蒙古王公外藩屬國實皆不願朕即歸政但

天聽維聰朕志先定難以勉順羣情茲以十月朔日頒朔用是諏吉於九月初三吉日御門理事召皇子皇孫主公大臣等將癸巳年所定密緘嗣位皇子之名公同閱看立皇十五子嘉親王為皇太子用昭付託定制孟冬朔頒發時憲書其以明年丙辰為嗣皇帝

嘉慶元年俟朕長至齋戒後皇太子即移居

毓慶宮以定儲位皇太子生母

令懿皇貴妃著贈為

孝儀皇后升祔

奉先殿列

孝賢皇后之次其應行典禮該衙門查照定例具奏皇太子名上一字改書顯字其餘兄弟及近支宗室一輩以及內外章疏皆書本字之永不宜更改清書缺寫一點以示音同

字異而便臨文至朕仰承

昊春康彊逢吉一日不至倦勤即一日不敢懈

弛歸政後凡遇軍國大事及用人行行政諸大

端豈能置之不問仍當躬親指教嗣皇帝朝

夕敬聆訓諭將來知所稟承不致錯失豈非

國家天下之大慶至

郊壇

宗

社諸祀朕年開九袞於登降拜跪儀節恐精力

稍有未充不足以將誠敬自應嗣皇帝親詣

行禮部院衙門並各省具題章疏及引見文

武官員尋常事件俱由嗣皇帝披閱奏知朕

辦理為朕分勞庶得更遂怡養幸躋期頤勉

副天下臣民之望尤所至願現屆歸政之期

已近所有冊立皇太子典禮一切虛文俱不

必舉行其明年歸政一切典禮儀文著軍機

大臣會同各該衙門敬謹條議以聞將此通

諭中外知之

御製諏吉九月初三日宣諭建儲書事詩曰歸  
政丙辰

天佑荷改元嘉慶憲書觀

祖孫兩世百廿紀繩繼千秋比似難弗事虛名

收實益唯循

家法肅朝端古今惇史誠希見愧以為欣敬染

翰○又諭曰蘇凌阿奏約收分數摺內稱海

州沐陽贛榆山陽清河桃源安東七州縣窪

地積水未消秋禾間有受傷已飭藩司確勘

等語所奏已遲實屬大誤朕屢念黎元無時

稍釋各省地方偶遇水旱偏災即屬一隅中

之一隅該督撫等亦應及早據實奏報朕早

一日降旨加恩小民即可早霑一日之實惠

今海州等七州縣窪地積水未消秋禾間有

受傷蘇凌阿並不查明早奏僅於奏報約收

分數附摺聲敘於民瘼漫不經心是即啟諱

災之漸蘇凌阿著交部議處所有海州等七

州縣被淹地方即著該署督詳加查勘如有

秋收歉薄。致成偏災之處。即一面據實奏聞。一面督飭所屬實力撫卹。勿使一夫失所。以副朕軫念窮黎。痼瘼在抱。至意毋得再有諱飾。致干咎戾。○以內閣學士李潢為兵部右侍郎。翰林院侍讀學士寶源為詹事。通政司副使閻泰和為太僕寺卿。○壬子皇太子奏子臣顯慶奏言。洪惟我皇父陛下。大德受命。久道化成。膺吳蒼之篤祐。纂

列祖之貽庥。

臨御以來。六十年如一日。自敬

天勤民用人。行政諸大端。以及出入起居。發號施令之間。兢兢業業。罔有不欽。是以紀綱肅清。寰海悅豫。文懿武鑠。時和歲豐。諸福畢臻。如響斯應。天人斯合。曠隆往牒。方今

聖壽將躋九袞。

履帝位者甲子重周。猶復

體健勵精。孜孜惟日。薄海臣民。共知共見。臣幸

際萬古未有之

鴻庥。親依

一人在上之慈蔭。扞蹈之懷。何可名喻。茲者恭誦

詔旨。荷沐

恩慈。冊立臣為皇太子。以臣之材質。撫衷循省。已弗克勝。復奉

慈諭。將以來年昇政於臣。臣五內戰兢。跼蹐彌日。竊惟神器之重。天下之大。

皇父淵默取裁。所以篤念維

天維

祖

宗者。陳義高而垂訓切。臣何敢以區區之私效。前代辭讓。具文上瀆。

君父之聽。顧維臣知識穉昧。雖自幼讀書。日侍慈顏。粗識典要。但年齒尚少。閱事日淺。於措施經緯。全體大用。夙夜省循。斯未能信。惴惴焉深以弗克。負荷為懼。况恭逢

皇父八旬衍表以來仰見

聖壽日高

康強純固

神運萬幾而有餘

慮同羣下所不逮

念徵省歲給復蠲租

惠澤及人淪浹肌髓非特寸心愛日之私依戀

椿暉之茂即內外大小臣工下逮億兆黎庶屬

國藩臣靡不舍和吐氣喁喁馬願長奉

悠久無疆之盛治伏願我

皇父御極延禧

躬攬庶政上答

天眷俯遂輿情臣既蒙

恩冊立謹當備位儲官朝夕侍

膳問

安之暇得以稟受

至教勉自策勵敬俟我

皇父期頤策衍

上儀慶成惟時載頒

成命臣敢不敬謹祇承所有現在改元歸政事

宜伏祈

勅停舉行臣悽悽寸誠措詞罔知體要伏惟

聖慈鑒察俯

賜俞允實深屏營顙懇之至○和碩禮親王臣

永恩率王貝勒貝子分內外文武大臣及蒙

古王公等奏欽惟我

皇上治懋登成化隆熙洽以

聖神文武之至膺

位祿名壽之全

景運龐洪提福曼羨

八徵念範

十全紀功

五代同堂

九旬衍表自繩契以來鋪鴻庥揚偉烈未有若

斯之懿鑠隆茂純嘏緝熙者也乃

特頒詔旨定儲位將以來歲丙辰紀元



歸政。蓋自我

皇上御宇之初。敬念

神器至重。默籲

昊慈。紀年周甲。不敢上同

聖祖。所以凜

貽謀。昭

付畀。意深典鉅。詎臣等管蠡之見。所能窺測萬

一。竊稽內禪之文。前史所載。休烈無聞。不足

仰方

今日。惟勲華之盛軌。實授受之上儀。然帝堯異

位七十三載。帝舜三十徵庸。三十在位。又三

十三載。始行禪授。計年俱將百有餘歲。我

皇上握乾符。闡坤珍。履

帝位者六旬。法

天行如一日。視伊耆應更延光。被例有媯尚未

逮倦勤。而且

莊敬日強。

幾康時勅。

宵旰勤思。政要暑寒。念切民依。

丹筆批章。

彤廷引對。

萬幾躬攬。而晷刻弗踰。四遠周知。而精神罔間。

惟

天錫

聖主康彊。逢吉之徵。即啟

聖主億萬無疆之紀。

皇上凝承

寶命。動必稽

天。今敬述

天庥。允宜久履

天位。且億兆人之心

上帝之心也。

皇上闡澤涵濡。

湛恩汪濊。近自蔀屋。編氓遠而外藩。屬國。凡夫

含齒戴髮。政行喙息之倫。莫不怙冒如

日月。瞻依若

父母。矧臣等渥被

恩慈。淪浹肌髓。犬馬戀

主之私。動於不自知。而發於不容已。以臣等區

區懇款之心。合之薄海內外。喁喁萬衆之心。

益知

天心之保佑。申命未有艾也。伏願

皇上寶籙崇躋。瑤圖益煥。本

至誠悠久之德。兆貞元迭啟之祥。增

上壽於期頤。輯蕃釐於章壽。然後精一

傳心以

聖授

聖紀重光之盛瑞。修

太上之鴻儀。斯

仁壽之符。倍光於前典。聲烈之茂。愈播於來茲。

臣等不揣冒昧。謹合詞恭摺籲懇。仰乞

皇上俯順羣情。即

賜俞旨。臣等不勝依切待

命之至。奏入。

上宣諭曰。本日皇太子及王貝勒貝子公。暨內

外文武大臣。蒙古王公等。各具摺籲請俯順

羣情。俟朕壽躋期頤。再舉行歸政典禮。朕逐

加披閱。見其情詞懇款。實皆出於至誠。朕敬

念維

天維

祖宗所以付託在于者。至重且鉅。臨御以來。仰

荷

眷佑。海宇乂安。康彊逢吉。勤求治理。惟日孜孜。

朕亦何敢稍存自暇自逸之念。惟是朕紹承

大統。踐阼之初。即焚香默禱。

上天。若蒙

昊蒼垂佑。得在位六十年。即當傳位嗣子。不敢

上同

皇祖紀元六十。以次增載之數。且實未計及歸

政之年。朕壽當在八旬有六也。迨五旬後。甫

經念及歲月舒長。倍深兢業。初不敢以此自

必。茲幸

天恩申錫。竟獲周甲紀元。壽躋八旬。開五始。願克償。此皆仰荷。

上天篤祐。

列祖貽庥。躬舉授受上儀。實為曠古所未有。用是特降詔諭。冊立皇太子。於丙辰年改元歸政。今皇太子及宗室蒙古王公內外大臣以朕八旬衍衷以來精神純固。仍請躬攬庶政。皇太子及臣工等日侍禁廷。渥承恩眷。臚誠籲懇。愛戴依戀。朕未嘗不深鑒其誠悃。即天下臣民外藩屬國。飲和食德。久沐涵濡。實皆不願朕即歸政。但朕齋心默禱之意。精誠孚格。久荷

昊慈垂鑒。歷數十年如一日。今若因羣情依戀。勉遂所請。則朕初心焚香告

天之語。轉為不誠。是實難以聽許。毋庸再行瀆請。况朕仰承

天眷純嘏。有常一日不至倦勤。即一日不敢懈弛。歸政後凡遇軍國大事及用人行行政諸大

端。豈能置之不問。仍當勅幾體健。躬親指教。

嗣皇帝朝夕敬聆訓諭。可以知所稟承。不致

錯失。而大小臣工恪恭盡職。亦可謹凜遵循。

迨朕壽臻頤慶之後。優游無為。豈不更為亘

古未有之盛事。將來嗣皇帝紹膺大統。若能

如朕之敬

天愛民。勵精圖治。景祚綿長。上躋耆壽。亦如朕

之舉行歸政。明彰典禮。大廷授受。尤為我國

家億萬年無疆之庥。此則朕所至願也。除本

日面諭皇太子皇子皇孫及王公大臣外。將

此再行通諭中外知之。○癸丑諭舊例在京

王大臣及督撫等每逢年節備物呈進。酌量

賞收。原以聯上下之情。來歲丙辰屆朕歸政

為太上皇。若於年例之外添備一分呈進。皇

帝則伊等所得廉俸或不敷辦公。且恐外省

督撫致有藉端私行派累之事。若祇備進一

分。伊等於心又有未安。國家百年昇平。大內

備貯陳設物件甚多。原可無需再行呈進。徒

滋糜費。著自丙辰年為始。內外大臣所有年節三貢。竟無庸備物呈進。惟元旦。及朕與嗣皇帝壽辰慶節。在朝王大臣。亦祇須備進如意。以迓吉祥。而伸忱悃。逾日仍不過分賜衆人也。至各省土貢。及鹽政。織造。關差。年例辦進物件。如果品茶葉之類。係備頒賞之用。應仍照向例次數備進一分。不得復有增添別物。內外大臣。職任部院封圻。惟當恪共盡職。勉思報稱。原不在備物抒誠。嗣後務須仰體訓諭。遵照辦理。如有仍前備物瀆進者。必當交部議處。將此通諭知之。○以左副都御史成德為戶部侍郎。○甲寅。諭向例皇帝之名。理應避寫。明歲即行歸政。皇太子名下一字。乃舊有清語。又係常用之字。毋庸迴避。朕意皇太子名下一字。旁加一點。繕寫「王」字。嗣後單寫連寫之「王」字。俱不必迴避。仍照舊書寫。○又諭皇太子恭謁兩陵。所有拜位。應在琉璃門內石五供南。安設

拜褥行禮恭祭

太廟

奉先殿。拜位應在殿門檻外階上。安設拜褥行禮。其拜褥俱用金黃色。○諭軍機大臣。曰。長麟奏。拏獲浙洋行劫官米盜犯。審明辦理一摺。此案盜犯陳合等。糾約夥黨。屢次行劫。並膽敢圍劫官運米船。不法已極。前經降旨。此等盜犯。於拏獲後。皆當照謀叛律凌遲處死。此案所獲盜犯長麟業經審明正法。辦理尚輕。自係前降諭旨。尚未接奉。至盜首林發枝。蔡大等。尚未就獲。著長麟等督飭將弁。嚴密查拏。獲後。皆當凌遲處死。昨據吉慶奏。閩省匪船復竄入浙洋。已有旨令吉慶等親駐溫台海口。督率嚴拏。並據蘇凌阿奏。亦赴海口一體堵截。特令軍機大臣將長麟等訊出盜首姓名十五人。開單發交蘇凌阿吉慶等一體督拏。該督等務須嚴飭將弁。於各海口實力追拏。俾根株淨盡。以期綏靖海疆。將此由

五百里諭令知之。○軍機大臣等議奏。

皇太子應行儀制。

皇太子每十日率皇子皇孫恭請

聖安一次。

皇太子行走。在諸皇子前。坐次。

皇太子正位。諸皇子旁坐。凡遇令節及

皇太子慶日。諸皇子於

皇太子前行三叩禮。在尚書房。俱如家人常禮。

皇孫皇元孫。悉照現行之禮。○宗室王。貝

勒。貝子。公等。遇令節及

皇太子慶日。行六叩禮。

皇太子福晉。應請旨立為

皇太子妃。班次在諸皇子福晉前。

皇太子妃。在內庭主位前。俱與常禮同。公主。諸

皇子福晉。見

皇太子妃。與諸皇子見

皇太子禮同。

皇太子之子。行走。在諸皇孫前。

皇太子之女。行走。在諸皇孫女前。

皇太子移居毓慶宮日。及

皇太子慶日。王大臣官員等。俱蟒袍補服。齊集

前星門行禮。毋庸具牋。其外省督撫。提鎮。亦

俱毋庸賤賀。

皇太子移居毓慶宮後。於前星門派散秩大臣

一員。率領侍衛班領一員。侍衛十員。更番上

直。未經移居以前。住居三所。即照此值宿。

○

皇太子禮服。奉旨俱用金黃。不必更改。冠帶亦

著照舊。理合遵照。○會典內載有

皇太子儀仗。現遵諭旨。冊立典禮。既未舉行。其

儀仗亦毋庸製備。謹擬

皇太子出入內朝。於現例所有導從侍衛二

員外。加添二員。並隨班輪派乾清門侍衛二

員。導從出入。如出外朝及城市內外。除例隨

散秩大臣一員。侍衛十員外。添派乾清門侍

衛四員。領侍衛內大臣一員。帶領前設虎鎗

三對。後設豹尾鎗八桿。並令步軍統領衙門飭屬除避。

皇太子妃所乘車。亦用金黃色。凡進城出城。與內庭主位同行。

皇太子。暨

皇太子妃。應得月費飯食分例等項。均照現在諸皇子。皇子福晉。應得分例加倍支領。報聞。

○又奏。

皇太子恭謁

兩陵。詠吉於本月十二日啟程。二十六日回京。乘用車轎。遵旨俱用金黃色。轎夫四人。於奉旨派出領侍衛內大臣內。諮達隨往外。擬派禮部堂官一員。護軍統領一員。總管內務府大臣一員。散秩大臣二員。詹事府堂官一員。乾清門侍衛四員。前設虎鎗三對。後設豹尾鎗八桿。共用侍衛三十員。其內務府武備院。上駟院。及茶膳房。各該處應行派往隨從官員兵丁。請照皇太子向例增添。至該地方官迎送。

豫備之處。遵旨查照雍正八年和親王赴闕里告祭之例。行知直隸總督遵辦。報聞。乙卯。

上幸靜明園。遣官祭

歷代帝王廟。諭刑部題秋審官犯一本內有蒙古台吉圖巴扎布一起。閱其情節。圖巴扎布因圖承襲伊姪公爵。商令喇嘛吹達爾將伊姪形容圖畫咒詛。經伊妻杭圖屢次勸阻。該犯恐杭圖並喇嘛吹達爾向人告知。敗露。捏稱伊妻與吹達爾通姦。商令伊屬下人齊博克扎木巴拉齊丹扎布幫同下手謀害。並恐伊子已雅爾圖及家奴都噶爾洩露。欲一併殺死。齊博克等應允。圖巴扎布乘夜偕同齊博克等將伊妻伊子並喇嘛及家奴四命一併砍斃。情節殘忍已極。向來殺妻案件。如果其妻實有悍潑淫妬情事。勾到時本不予勾。若本夫因有他愛。謀故殺斃妻命者。則皆酌覈案情。仍予勾決。今圖巴扎布謀襲姪

爵。私令喇嘛咒詛伊妻抗圖。屢次勸阻。則伊妻尚知理法。並無不是。而圖已扎布既不聽從。轉加殺害。已非尋常殺妻之案可比。況律例內。祖父殺子孫一條。如並無違犯教令。而非理毆殺者。雖罪止杖徒。但伊父設有謀反叛逆情事。而伊子勸阻不從。轉將致死滅口。亦豈得照常例科斷乎。今圖已扎布因欲將抗圖等殺死。恐伊子告知別人。遂一併殺害。致斃四命。是人理滅絕。何得依謀殺已妻之

律擬絞。僅因四命。加重擬斬。候入於情實而已。耶再齊博克等係圖已扎布家奴。而本內又稱屬下人。已屬牽混。且齊博克等於圖已扎布與之商謀時。並不勸阻。即聽從下手。輒將伊主之妻及子。同時砍斃。其主之妻及子。非其主乎。又豈得僅依罪坐主使。以尋常為從加功之例。問擬絞候耶。夫謀殺一命之為從。與謀殺四命之為從。可同一例乎。即不敢如此。何不請旨。種種辦理。實屬錯謬。朕因本

年明年。皆當停勾年分。前在熱河早降諭旨。交軍機大臣會同刑部。另行查明案情最重者。摘出。奏請仍勾決者。原因其情節兇慘。死者含冤。未便任其久稽刑戮。本非有意欲嚴也。七月間。刑部侍郎張若淳前至行在復命時。朕曾詢及此等情重之犯。共有若干。據奏約有十之三四。朕尚以為人數較多。諭令再加斟酌。覈減。不過存十之一二。已足示儆。嗣尚書胡季堂至。密雲接駕。復將此意申諭再

三。可見朕於此事。意本從寬。該堂官辦理秋審時。自應將情節最重應勾之犯。先行摘案具奏。方為允當。乃轉將停勾之本先進。而此等情重各犯。俟各省秋審本進完後。續行摘出辦理。竟似該堂官等。業已辦定。內閣票擬停勾。而朕轉欲從嚴。復於此內挑出予以勾決。是以朕矜恤之恩。轉類嚴苛之舉。有是理乎。刑部理藩院堂官。俱著交部嚴加議處。所有此案之圖已扎布著該部照謀殺四命之

例改擬斬決其問擬絞候之齊博克等俱著照同謀殺四命並其主之例改擬絞決以昭平允而示懲創朕辦理庶獄六十年來凡遇命盜重案無不悉心斟酌期無枉縱即蒙古喀爾喀等久為臣僕其兇殺案件亦必準情酌理不致畸重畸輕豈肯因歸政在即本年又係停勾稍不經意竟任顓預混過且書此旨之軍機大臣有意迴護始終未肯書明俱著嚴加議處諭軍機大臣曰長麟等奏福建鹽務有奏送經費一款自乾隆四十四年起歷任總督收受銀二萬兩至五萬兩不等伍拉納任內共收過銀十五萬兩巡撫浦霖於五十七年索銀二萬兩均係按引攤派等語如何果不出朕所料此事前據長麟等奏到朕即以伍拉納浦霖若無通同分肥情事豈肯代人擔此重大干係乃該署督撫意存將就一味顓預並不切實根究倘非朕疊次降旨嚴飭長麟魁倫竟思卸罪於周經將該

犯正法滅口而伍拉納浦霖惟自認糊塗失察遂可了事有是理乎試思朕為何如主長麟魁倫輒敢以此等伎倆巧為嘗試今既查出伍拉納得受經費十五萬兩之多而浦霖亦得銀二萬兩該署督撫前此未經究明顯係有意瞻徇罪無可辭乃本日摺內並無一字引咎尤屬非是況伍拉納浦霖身任封圻得受贓私至於累萬實出情理之外俟審明從重辦理現已另派大臣及傳諭吉慶將伊家財嚴密查抄其任所貲財該署督撫何以未經查辦種種疎漏實不可解長麟魁倫著再傳旨嚴行申飭並將伊二人從前因何未經查出及此次何以未自請罪之處據實明白回奏仍覆訊周經以期水落石出勿再支飾及有不實不盡致干重戾又據另摺奏訪聞漳州府屬民人薛林二姓械鬪傷斃林茁等一案五十九年五月間解省臬司發交首府審訊尚非正兇錢受椿並不親提究審輒



向督撫商同換卷並將人犯發回以致前後監斃十命等語聞省民風剽悍遇有械鬪頂兇重案該司自應親提嚴訊秉公定擬以儆刁風錢受椿何以並不親訊私自抽卷遽將人犯發回以致監斃多命而該督撫又何以聽從錢受椿准其抽換可見錢受椿為伍拉納等私人隨同弊混情節顯然此案必有聽受賄囑等事並著長麟等即將該府全士潮知縣顧拱一併革職提同案證詳細研鞠務將錢受椿如何有意消弭串同伍拉納浦霖私換案卷玩視民命之處徹底究明從重定擬具奏將此由六百里諭令知之仍著速行回奏○丙辰諭昨據長麟等奏查富勒渾前在閩浙總督任內亦曾索取鹽商等銀五萬五千兩等語富勒渾身為總督乃向鹽商等索取銀兩甚屬不堪理應從重治罪若仍令伊在家安居太覺倣倖但富勒渾家產業經查抄且已年老著加恩發往熱河効力贖罪

即令起身前往○諭軍機大臣等昨據長麟等奏錢受椿於漳州民人林薛二姓械鬪斃命一案私向伍拉納浦霖抽換案卷以致監斃十命一案已降旨將府縣革職交長麟等徹底究訊從重定擬矣此案係上年四月間之事該府縣於上年五月獲犯解省既經審明並非正兇即應一面將人犯分別保釋一面另緝正犯並將承審不實之府縣揭報請叅錢受椿係好事取巧之人如果伊秉公揭叅朕必加之嘉獎何以轉為抽換案卷致要案延擱年餘之久監斃十命之多此必該府縣有賄求錢受椿情事否則錢受椿平日與該府縣有夤緣交結之處以致為其所制不得不為之擔此干係抽卷舞弊情節顯然再此案前後監斃十命該府縣斷無不稟報臬司之理錢受椿既向伍拉納浦霖代為抽卷亦斷無不告知伊二人之理著再傳諭長麟等即將指出各情節提訊錢受椿令其據實

供吐並將正犯是否緝獲之處迅速具奏勿再迴護致干咎戾本日伍拉納浦霖解到當交軍機大臣會同刑部審訊其得受鹽務銀兩抽換案卷及虧空廢弛等款業據供認惟於平日如何與屬員通同染指之處尚未盡情吐露伊二人身任封疆得受陋規至於累萬且聽從換卷監斃多命又廢弛地方以致盜風日熾倉庫短絀種種罪案按律已難末減雖伊等在任自不免有分肥沾潤情弊此時續行查出於其罪亦無可加即使一時未能得實其罪亦無可減昨據長麟魁倫奏現仍悉心根究另行具奏等語著傳諭長麟等一經審出務即仍六百里速奏能於定擬之前趕到以便交軍機大臣等一併訊明覈辦不得因伍拉納等罪名已定遂爾存意為消弭將就了事之見也慎之○丁巳

上幸靜宜園駐蹕至辛酉皆如之○諭據長麟等奏查出雅德前在閩浙總督任內曾向鹽

商索銀四萬五千兩等語雅德身為總督乃向鹽商索取銀兩殊屬不堪今不將伊補行正法即係格外之恩若仍令在新疆要任辦理事務不足以示懲儆著新調之員即赴該處傳旨將雅德革職發往伊犁自備資斧効力贖罪○又諭曰雅德現在發往伊犁効力贖罪所遺葉爾羌辦事員缺著明興調補○又諭曰奇豐額著賞給二等侍衛補授庫爾喀喇烏蘇領隊大臣○戊午諭據阿精阿等奏本年鄉試諸生年屆八十以上者韓士勵等六名七十以上者宋晉等六十七名俱三場完竣等語現在榜發未經中式第念該生等俱年臻耄耄猶踴躍觀光洵為藝林盛事除上年甫經恩賞副榜及俊秀監生毋庸加恩外其年在八十以上之恩貢生韓士勵副榜郝希曾歲貢生程駿業七十以上之恩貢生王拱樞拔貢生宋晉副榜史彭年邵鎮陳猷俱著加恩賞給舉人准其一體會試其在

七十以上之歲貢生劉清主若錫表士謙馬見龍沈夢麟王彭年梁仁翔王蘊揚澤李濟邊世統生員張杏林韓希福鄭璋李尚賓逯法孟陳善陳丕績高湛露主攷政賈詒田玖劉縱主士俊李若蘭郭忠恕宋文炳張思溫周作霖郭奮庸趙珍白任樂水郝慎言陳璫崔大章錢勳宸姚溫恭孟世祿俱著加恩賞給副榜以彰壽世作人至意○又諭前因各省盜案皆因地方官平日不能稽察及案已發覺又不知上緊緝拏往往獲犯後贓久無存曾降旨如原贓未能起獲者著落地方官罰賠示儆嗣又因盜案內有贓數較多者若概令地方官賠補其力或有不能且恐啟州縣藉詞婪索之漸復降旨令於獲犯後先儘盜犯贓財查追給付事主如有不敷銀數在一百兩以內者仍於該管官名下著賠數在百兩以外至千兩以上者令該管官賠十分之一二立法已極周備但盜犯多係無籍之

實錄卷一百六

一

徒其掠取貲財隨時花用斷不能如數償還事主而遇盜之家若僅係中貲一經被刦幾於破產兼恐行之日久地方官託名追贓有意拖延不即賠補殊非朕前降諭旨整飭官方體恤民隱之意著再通飭各督撫務須遵照前旨嚴飭所屬實力奉行毋得視為具文以致有名無實已未

實錄卷一百六

一

上天若得在位六十年當歸政嗣子不敢上同皇祖紀年以次增載之數茲仰沐昊慈克符初願因十月朔日例應頒時憲書特於九月初三吉日宣立皇太子用昭付託朕前此不立儲嗣之由節經降旨申明至為詳盡夫建儲立嫡三代以下無不遵行朕讀書稽古豈於此名正言順之事輕議其非昔我聖祖仁皇帝曾以嫡立理密親王為皇太子並特選正人輔導如湯斌徐元夢皆係公正大

臣。非不盡心匡弼。乃竟為宵小誘惑。不能恪共子職。終至廢斥。後遂不復冊立。夫以堯舜之聖。而有丹朱商均之子。可見氣稟不齊。即聖君而兼嚴父。日以敬天法祖。勤政愛民。面命耳提。亦難期其遷善改過。孟子所謂父子之間不責善。蓋實有見於此。何況一二輔翊之臣。安能格其非心。變化氣質乎。是則繼體象賢。惟賴

天心眷佑。篤生哲嗣。及嗣子之能承受與否耳。

朕自即位後。亦何嘗不欲立嫡嗣。初以皇次子為

孝賢皇后所生。循照雍正初年

皇考親書朕名。緘貯乾清宮正大光明扁上之例。亦將其名親書密緘扁上。不意其早年無祿。曾同大臣等啟緘閱看。贈為端慧皇太子。復以皇七子亦係

孝賢皇后所生。原擬書名緘貯。因其年未長。成遲而未果。旋亦早世。嗣於癸巳年

南郊大祀。敬以所定嗣位皇子之名。禱於

上帝。並於盛京恭謁

祖陵時。敬告

太祖

太宗在天之鑒。是朕雖不明立儲嗣。而於宗祏大計。實早為籌定。特不效前代之豫行冊立。務虛名而無實益耳。今荷

天恩申錫。周甲紀元。壽躋八旬。開五計丙辰歸政。不過數月。始將密緘嗣子之名。召對皇子

皇孫王公大臣等。公同閱看。宣布諭旨。明示

中外。來歲大廷親授。錫慶延釐。實從來史冊所未有。若未經頒旨以前。設臣工中或有建議立儲者。其人必非真懷忠愛。不過託為讜論。陽附正人君子之列。實則冀徵後福。陰為夤緣。干進之階。非為名即為利。而名利兩收。終歸為利者多。似此莠言亂政之人。自當立予重辟。然國家儲副。極非小事。彼既託為正言。而抵之罪。究非美舉。今朕躬行上儀。親為

付畀中外翕然。臚歡交慶。皇太子體度端凝。仁孝夙著。克肩負荷。新正授受之間。實為盡善盡美。天下後世公論。以朕為繼位乎。不繼位乎。設朕於此。稍有不欲歸政之心。又何妨不行此典。且皇太子及內外大臣。皆具摺籲請。至期頤始行歸政。情詞懇摯。出於至誠。朕亦何難俯俞所請。乃朕於御極初年。即以紀年六十傳位嗣子之意。齋心默禱。近年屢於諭旨內諄諄述及。是朕額

天歸政之語。不肯繫戀天位之心。

上帝鑒之。天下臣民亦無不共見之。今賴

昊蒼默佑。諸吉備臻。欣慶之餘。實深欽感。迴念

聖祖大漸。授位

皇考。其時係內大臣隆科多。宣傳

顧命。逮

皇考傳位朕躬。宣示密緘。倉猝之際。朕不敢自行啟封。召同大學士鄂爾泰。張廷玉。當面展緘敬閱。茲朕躬享大年。懋膺多福。明頒詔旨。

親御殿廷。付授神器。以今視昔。吉祥善事。孰逾於此。此實

上天保佑申命。有加無已之

洪。朕今壽開九袞。精神康健。視聽未衰。若來歲歸政。遽思自暇自逸。竟置天下重務於不問。則非所以敬承

天眷。亦非御極初年定期歸政。不肯繼位之初心矣。夫天下至大。神器至重。儲副之寄。運祚所關。方今綱紀肅清。外無攪權怙勢之臣。內

無婦寺偏寵之事。朕親裁庶政。鉅細無遺。宮中府中。皆為一體。雖不明詔立儲。實無絲毫流弊。若如前代權奸柄國。女謁公行。黨援門戶。批政百端。而書生迂見。惟斷斷然爭持國本之論。甚至君臣父子。不免猜疑。如前史所載。唐宣宗時。裴休請立太子。帝云。若立太子。則朕遂為閒人。宋太宗因太子廟見還宮。都人擁道喜躍。帝聞之不懌。曰。人心遽屬太子。欲置我於何地。又明神宗因挺擊一事。召文

武諸臣責以間離父子。因執太子手謂諸臣曰。此兒極孝。朕極愛惜。使朕有別意。何不早更置等語。此由唐宋諸君繫戀天位。以神器為私。靳而不予。而明神宗又因內寵固結。覲覲非分。以致盈廷聚訟。骨肉生嫌。前事具在。可為殷鑒。我朝

家法相承。乾綱獨斷。惟期慎簡元良。從不稍存私愛。而朕紹承統緒。首以付託得人為重。無一毫繫戀天位之心。無一息非凝承

帝命之念。用能默通呼吸。感召麻嘉。實朕御極以來。六十年如一日也。總之儲貳一建。其弊叢生。不特僉壬依附。易啟嫌隙。而名分早著。日久必致流於驕佚。而不自知。我國家不明詔立儲。燕翼

貽謀慮至深遠。即緘名密貯。務當慎之又慎。不可豫為宣露。如朕現在舉行歸政。亦必俟為期至近。始行頒旨宣示。此實萬年無弊之法。我世世子孫。若能敬效

祖宗及朕之用人行政。於以欽承  
昊眷。祇迓

鴻庥。亦如朕之躬躋上壽。再立太子。踵行歸政典禮。提福延洪。用昭億萬禩無疆之慶。此則朕所深望於方來者也。特將辦理緣由。再行申諭。此旨著於尚書房。內閣。軍機處。各鈔錄一通。敬謹存記。永為法守。○又諭。湖南貴州等處苗民。踐土食毛。涵濡德化。百有餘年。久與編氓無異。朕臨御六十年來。撫綏中外。一

實錄卷四十六

聖

視同仁。從無欲將苗衆盡行改土歸流之意。大臣中從未有條陳及此。即該省官員到京。陛見。朕亦從未詢及。前此勾補寨苗民石滿。宜搶刦抗拒一案。亦祇殲誅首惡。並未將其黨與概行查辦。少有株連。此次吳半生。吳隴登。石柳鄧。石三保。糾衆滋事。肆行不法。延及貴州。銅仁。四川。秀山地界。福康安。和琳。係該省總督。原應前往查究。並無貪功喜事之心。乃逆苗皆不畏死。見大兵前往搜捕。尚敢負

岵抗拒。傷害平民及良苗等。甚至因鄉勇義民幫助官兵。焚其廬舍。剥皮慘害。罪大惡極。實為覆載所不容。此而不大加懲創。其何以安良善而儆兇頑。此事初起時。福康安遠駐滇南。一經得信。不待朕旨。即兼程馳往督辦。和琳甫由衛藏回至邛州。亦即馳至秀山會剿。該處深林密菁。路遇險阻。大半步行。兼以霧雨連綿。氣候蒸熱。福康安和琳不辭勞勩。親帶官兵。鼓勇直前。所向克捷。焚燒木柵。占

奪石城。殲戮苗衆。不可勝計。實屬奮勇可嘉。本欲俟大功告竣。渥沛恩施。今據福康安和琳奏。官兵進剿。茶宅柳分等處苗寨。痛殲賊衆。苗匪紛紛乞降者。已有七十餘寨。現在勦撫兼施。擒捕首逆等語。看來首逆勢窮力蹙。已如釜底游魚。無難一鼓悉擒。指日膚功迅奏。福康安和琳運籌佈置。悉合機宜。冒險進攻。勤勞備著。應即加恩優獎。國家定制。獎勵勲臣。若非宗室。皆不過五等之封。惟國初額

駙揚古利。曾以殊勲。追贈王爵。福康安前經出師金川。及平定石峯堡臺灣。廓爾喀。屢著勲績。已節次晉封至一等忠銳嘉勇公。此次督剿苗匪。又復勤奮出力。業經賞戴三眼花翎。福康安著加恩。仍帶榮賞四字佳號。晉封貝子爵銜。即照宗室貝子之例。所有護衛官員。聽其自將家人揀放。此乃逾格施恩。俾異姓蓋臣。得邀殊寵。將來我八旗大臣。有似此起衆宣勞者。均可援以為例。豈非國家世臣

之福。和琳前歲在廓爾喀。董辦軍需。諸凡妥協。彼時設非和琳沿途催趲。竭力轉輸。福康安幾不能由濟隴直入廓爾喀之境。此次又帶兵勦捕。攻克炮木山梁。肅清後路。與福康安合兵。長驅深入。前經賞戴雙眼花翎。和琳著封為一等宣勇伯。用昭酬庸懋賞。其帶兵出力之額勒登保。德楞泰等。著福康安和琳查明勞績。分別具奏。俟奏到日。再降恩諭。此次打仗兵丁。及屯番各兵。俱著賞一月錢糧。

所謂廣西兵丁現據畢沅等奏於九月初三日已全抵辰州行走迅速雖未接仗亦屬奮勉並著賞給一月錢糧以示鼓勵再該處連遇秋霖兼有重霧據和坤奏福康安等於發遣回子內訪覓能求晴散霧者令其虔誠祈禱旋即開霽並著查明寬其前罪仍加賞賚事定後准其釋放回籍目下大兵雲集賊眾瓦解逆首窮竄無歸看此光景若非其黨與自行擒獻即被官兵俘獲成功已在旦夕福

康安和琳務宜倍加感奮督率將弁擒獲逆首剋期奏捷以副朕格外加恩慶成行賞至意○又諭曰伊齡阿現在患病內務府大臣較少或住著補授內務府大臣在工程處學習行走○庚申

上命

皇太子啟行恭謁

東陵

西陵○諭現在滿軍機大臣較少台布著在軍

機大臣上學習行走○諭軍機大臣曰吉慶奏遵旨將海塘南岸沙塗趁勢挑挖一摺前據該撫奏報范公塘迤西舊沙於五月七月間均有刷却並閱所進圖樣北面總未漲沙甚為屢念茲據奏於前築埽工之尾再行接築一百丈以資捍衛並於南岸童家灣一帶沙塗刷窄之處趁勢挑切等語海塘沙水衝刷不常現在童家灣一帶沙塗既有刷動經該撫派委熟諳工員前往挑挖設能藉此向南多坍實為極好機會至范公塘迤西舊沙刷却該處塘工不免喫重並著該撫留心察看應行接築者即鑲築完備務期穩固仍將現在情形隨時具奏以慰屢注將此諭令知之○目今浙省要務莫過洋盜今所獲幾何隨時速奏○又諭曰松筠等奏廓爾喀貢使到藏起程一摺內稱巴都爾薩野住廟焚修所有部落中事務俱係該王拉特納巴都爾自行管理等語此等邊徼外藩歸誠向化天朝



懷柔體統。不過示以羈縻。至其部落中事務。作何辦理。原無事深求。已於摺內批示。嗣後松筠等祇可行所無事。不必過問也。將此諭令知之。○以刑部侍郎張若淳。知武舉。吏部尚書劉墉。為武會試正考官。禮部侍郎周興岱。為副考官。○以詹事阮元。為內閣學士兼禮部侍郎。○辛酉。

上還圓明園。○壬戌。諭曰。劉我前因染患瘡疾。奏請解任。朕以其歷任內外。供職有年。特加

實錄卷一百六

夏

宮銜。准其回籍調理。以示眷注。茲聞溘逝。殊為軫惜。所有應得卹典。著該部察例具奏。○又諭曰。蘇凌阿奏。審明遊擊楊天相。外委沈春發。妄拏張茅等商船。捏報獲盜。將楊天相發伊犁充當苦差。沈春發林朝相發邊遠充軍一摺。所辦殊屬輕縱。此案前據蘇凌阿奏。審訊張茅等實係福建詔安縣人。向在上海等處販運貨物。有船照腰牌可憑。遊擊楊天相等。既不查驗船照。又不訊問口供。輒裝點

情節具報。希圖邀功。殊出情理之外。蘇凌阿能細心研鞫。據實平反。甚屬可嘉。特降旨將楊天相等革職。拏問。交蘇凌阿嚴審定擬具奏。今蘇凌阿既經訊明。楊天相等妄拏邀功。捏詞稟報屬實。自應從重定擬。以儆欺飾而安良善。何得僅照故入人死罪未決。及誣良為盜之例。加等問擬。遣戍。將升巡洋。遇有形跡可疑之船。自應細加盤詰。如果來歷不明。方可拏送地方官究訊。今楊天相等並不查

實錄卷一百六

夏

訊明切。輒將無辜之人妄拏。誣指為盜。又裝點情節。稟報上司。冀圖邀功。若非該署督究出實情。則此案十二命。必皆駢首就戮。幾至良善平民。沉寃莫辯。而蘇凌阿尚以楊天相等因緝犯無獲。起意邀功。並以查問之時。不懂福建語音。率據楊天相等供詞入奏。試思洋盜重案。必悉心查詢。方可得實。豈有因他省之人。語言不懂。必須覓一能作通事之人。方可究問明白。否則即不問虛實。遽指為盜。

有是理乎。況該處海口居民甚多。張茅等常至該處貿易。豈竟無一通曉福建語音之人。且據奏稱。拏獲住船幼孩四名。問係上海縣人。何難向其詰訊。即云福建語音不能通曉。但伊等既係運販貨物。必有登載帳目之人。十二人中。豈竟無一能識字者。何以楊天相等。並不令將來應書寫明白。又況張茅等明有詔安縣執照腰牌。何得概置之不問。遽行拏解。是該將弁等竟係有心誣拏。希圖地方

實錄卷一百六十六

七

官不加確訊。亦即作為洋盜。恭請王命正法。無可對證。得為伊等邀功地步。此等巧詐情節。楊天相等可以欺蘇凌阿。而蘇凌阿豈能欺朕。乃引照已決未決之例。思欲顛預混過。實屬寬縱。楊天相以三品營員。幾至十二命。合寬屈死。情節甚重。著交軍機大臣會同刑部。另行加重改擬速奏。至陳大用係提督大員。緝拏洋盜。是其專責。乃於張茅等十二名解到時。並不畧訊供情。輒以不懂福建語音。

率行發縣收監。竟係明知楊天相等所報情形未確。欲借此入告。以為見長地步。實屬有心取巧。總兵卞九敘專轄水師。楊天相等係先報該鎮。乃並不訊明實在情節。其船照腰牌。又不逐一查驗。即據文轉報。致張茅等十二命幾罹重辟。即朕指出。不令書寫供詞。緊要關鍵。在營員等或圖邀功。不肯認真研訊。伊二人係專閫大員。豈竟見不到此。其知情取巧。已屬顯然。僅予革職。不足蔽辜。陳大用

實錄卷一百六十六

七

卞九敘亦著一併另行定擬具奏。至蘇凌阿審擬此案。種種疎漏寬縱。而於訊取楊天相等供詞內。總以不懂福建話語。為之開脫。即朕指出。因何不令其自寫親供一節。蘇凌阿久任刑名。豈得諉為疎忽。看來蘇凌阿辦理此事。又如魁倫查辦福建虧空一案。以業經參奏於前。又思欲作好人。將就於後。本應交部治罪。姑念此案。究係該署督審出實情。得以平反。著交部嚴加議處。仍著傳旨嚴行申

飭該州縣審辦此案。於張茅身上查出船照腰牌。經蘇凌阿向其詢問。即據實稟明。得以究出捏報情節。尚屬留心。不但無過。仍著交部議敘。朕辦理庶獄。一秉大公。至正於人命案件。悉皆準情酌理。遇有一綫可原者。無不詳慎矜恤。惟恐稍有屈抑。現屆歸政之期。已近。豈肯有意立威。故從嚴刻。今楊天相等誣害善良。幾至冤戮多命。此而不嚴示懲創。何以明刑弼教。况朕仰承

實錄卷一百六

聖

昊蒼洪貺。精神強固。不致倦勤。一日蒞乎其位。即一日不敢懈弛。事無鉅細。無不躬親披覽。權衡至當。歸政後。亦豈肯置天下事於不問。朕若稍存自暇自逸之見。即非所以仰副昊慈。內外大小臣工。倘因朕歸政在即。於承辦事件。意存怠玩。希圖含混。即屬辜負朕恩。斷不能曲為寬貸也。將此通諭知之。尋軍機大臣等議。已革遊擊楊天相應改依官司故入人斬決罪例。擬斬立決。即行正法。已革外委

沈春發。把總林朝相。隨同誣拏報解。應於楊天相斬決罪上量減。擬絞監候。入於本年秋審情實辦理。陳大用。亦九敘。知情取巧。應請於海口各枷號三個月。滿日發往伊犁充當苦差。得旨。楊天相依擬應斬。著即於海口正法示衆。沈春發。林朝相。俱依擬絞。著監候秋後處決。餘依議。○諭軍機大臣曰。孫士毅奏到川省各屬七月分糧價清單。朕詳加披閱。各府州屬所開麥豆等項價銀。俱有較貴一分。及二分字樣。四川素稱天府。地屬膏腴。無水旱之災。秋成常獲豐稔。即如本日據孫士毅摺內稱。該省雨暘時若。各屬無不豐登。何以糧價轉有增貴之處。此必係地方官因年歲豐收。豫為採買地步。是以先將糧價擡高。以便採買時開報貴價。希圖浮銷。而又不免勒買。欲占兩邊便宜。實昧良無厭。朕披覽之下。即已洞悉隱微。此事自不獨川省為然。如山東等省。現在奏請採買。恐似此擡高價

實錄卷一百六

聖

值情事。均在所不免。朕辦理庶政。無微不入。此等外省朦混之習。豈能於朕前嘗試耶。著傳諭孫士毅。並各省督撫。嗣後辦理採買等事。務須從實妥辦。毋得稍涉虛浮。但朕此旨。祇為杜絕地方州縣藉端浮冒之弊。並非欲粉飾太平。該督撫等不可誤會朕意。因有此旨。即意存虛飾。甚至勒令屬員將糧價減數具報。致有諱災之事。方為不負責任。○又諭曰。孫士毅等奏。廓爾喀軍需副銷民欠各款。請分年完繳一摺。此係大事。頭緒亦多。已批交該部詳議矣。但摺內稱民間幫貼人夫。尚欠銀八十九萬七千餘兩。俱於應存項下墊支。應行歸款等語。此事不妥。歷年辦理軍務。所有運送糧石軍火腳價。及繩索包裹各件。無不動支帑項。從未有一草一木。派及民間之事。此必係辦理軍需官員。為浮冒開銷。藉端派累地步。六十年來。朕於河工海塘軍旅及蠲賑等事。所費國帑不下億萬。豈肯因此

些微軍務。任令地方官累及閭閻之理。此語大奇駭聽。著傳諭孫士毅等。將民欠一節。詳悉查明。據實具奏。毋任朦混干咎。該部亦詳查。向有類此事奏銷否。○以內閣學士台布。為工部侍郎。○以廣東澄海協副將馬玉魁。為江南蘇松鎮總兵。○旌表守正捐軀湖北隨州民李谷成妻劉氏。○癸亥。

皇太子奉  
上命恭詣  
昭西陵。  
孝陵。  
孝東陵。  
景陵。  
孝賢皇后  
孝儀皇后陵。行禮。○詣  
端慧皇太子園寢行禮。

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百八十六

實錄卷之一千四百八十六

奏

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百八十七

世襲總管經筵講官太子太傅文淵閣大學士文淵閣領閣事領侍衛內大臣稽察欽奉 上諭事件管理

吏部理藩院事務正黃旗滿洲都統世襲副都統軍功加七級隨帶加一級尋常加二級軍功紀錄一次臣慶桂

總辦官經筵講官太子太傅文學士文淵閣領閣事稽察欽奉 上諭事件管理刑部戶部三庫事務

世襲副都統軍功加十九級隨帶加二級又加二級臣董誥內大臣戶部尚書鑲黃旗滿洲都統軍功紀錄五次

年書紀錄十四次臣德瑛經筵講官太子少保工部尚書紀錄六次臣曹振鏞等奉

奏

乾隆六十年乙卯九月甲子遣官祭

都城隍之神○諭軍機大臣等本年秋收分  
數各省陸續將次報齊惟甘肅雲南兩省至  
今尚未具奏雖滇省距京較遠甘肅氣候稍  
遲該督撫等若俟各州縣報齊實數再行入  
奏未免稍需時日但現在節氣已過霜降秋  
糧早經收割其約得幾分無難牽算而知著  
傳諭秦承恩江蘭即速查明據實速奏毋再  
遲緩○又諭據蘇楞額奏季報銷鹽實數一  
摺內稱湖廣夏季分照額銷足外計溢銷鹽

四百引。江西夏季分照額銷足外。計溢四引。至淮南食鹽口岸。并安慶。池州。太平三府本年夏季少銷鹽二萬一千二百十七引等語。每季鹽引。自應實力妥辦。以期暢銷。本年夏季分。湖廣。江西。祇溢銷四百引。而淮南及安慶等府。額銷引鹽。竟缺至二萬餘引之多。雖鹽觔銷數。係按年牽算。但似此逐漸遞壓。豈不復至墮銷。且淮南。安慶。池州。太平等處。俱係該鹽政駐劄附近地方。尤易稽察。如果

地方官實力督銷。何至短銷二萬餘引之多。著傳諭蘇凌阿。會同蘇楞額。即將淮南口岸。并安慶。池州。太平三府。夏季報銷鹽引。因何短銷之處。據實查明覆奏。並嚴飭地方官實力妥辦。務期按季銷足。毋得再有短缺。致干咎戾。○又諭曰。吉慶奏查明參將李銍船隻。因礮炸損壞。尚無裝點。捏飾情節。請將李銍交部議處。兵丁責革等語。已交部照例辦理矣。至摺內稱盜匪自八月內。在南策門石塘

等洋面。連被官兵打沉船隻。傷斃多名。畏懼逃避。外洋等語。水師惡習。往往捏詞稟報。所云打沉盜船一隻。尚未必屬實。何得輒稱連被字樣。據奏現值連日南風。恐盜匪乘風北竄。已飛飭舟師自南赴北。探蹤追捕等語。此時浙省要務。莫過洋盜。今所獲幾何。該撫當隨時速奏。并督飭將弁奮力嚴拏。淨盡以靖洋面。而安地方。毋得視為海捕具文。日久生懈。將此諭令知之。○乙丑。諭昨孫士毅奏。廓

爾喀軍需各款內。有民間幫貼一項。隨交該部詳查。向來有類此奏銷與否。茲據軍機大臣查奏。上次平定金川案內。即有里民自行幫貼一款。係為資給加價加賞。及回空口糧之用。此次進剿廓爾喀。口內口外安設漢番各站。里民等以募夫衝寒遠涉。請照金川用夫之例。情願自行幫貼等語。國家百數十年以來。除地丁正賦錢糧而外。並無加賦力役之征。即節次辦理軍務。所有運送糧石軍火

腳價等項。無一不動用正項帑金。從未有一草一木。派及閭閻之事。此必係從前辦理軍需局員。濫行給與。分肥需潤。又慮無處開銷。設為此等名目。以便浮冒派累地步。若云里民情願幫貼。即當輸供。恐後何以復有民欠。尤不可信。朕於蠲賑及河工海塘等事。所費國帑億萬。從無靳惜。即前此征勦金川。豁免之項。亦不下千餘萬。豈肯因此些微軍務。任令地方官累及窮簷之理。所有此次辦理廓

爾喀軍需項下民欠銀八十九萬餘兩。即著該部行文孫士毅。於承辦之督撫司道及局員名下攤賠。如果不能。朕加恩酌免。未嘗不可。毋得再向里民徵收。該署督接奉此旨。即遍貼謄黃。俾家喻戶曉。如有不肖州縣胥役。仍行私自徵取者。一經查出。加倍治罪。嗣後並永行禁止。以示朕體恤小民。覈實軍儲至意。○又諭黑龍江將軍員缺。著永琨調補。圖桑阿著授為正白旗漢軍都統。調補烏里雅

蘇臺將軍。圖桑阿接奉諭旨。將將軍印信交副都統署理。由彼馳驛赴烏里雅蘇臺任。永琨交代圖桑阿後。亦即由彼馳驛赴黑龍江任。俱不必來京請訓。西安將軍員缺。著恒瑞調補。所遺綏遠城將軍員缺。著烏爾圖納遜補授。其察哈爾都統員缺。著博興補授。博興遺缺。著調特克慎往庫倫駐劄辦事。特克慎遺缺。著調策巴克往西寧駐劄辦事。策巴克現在出差。俟伊回至西寧。特克慎交代後。再

赴庫倫更換博興。博興至張家口。烏爾圖納遜交代後。再赴綏遠城將軍任。永琨係朕之姪。最近宗室想應顧惜體面。至黑龍江時務須痛懲陋習。實心辦事。○又諭曰。都爾嘉前在黑龍江將軍任。因揀選官用貂皮賤價收買。希圖便宜。復向伊親隨馬甲索取皮張。殊屬不堪。著即將伊革職。交軍機大臣另行審訊。定擬外。所遺右翼前鋒統領員缺。著景燿補授。景燿所遺員缺。著特成額補授。○諭軍

機大臣等據福長安等奏舍爾圖所控之案。查訊大半俱實等語。此事殊堪駭異。將軍大臣等於地方相沿陋習。理宜剔除。舒亮等踵循流弊。濫行勒索。實屬不堪。舒亮安慶那彥泰舒通阿俱著革職。鞫問。交福長安等嚴訊定擬具奏。又另片奏審出那彥泰於官兵俸餉內私扣銀二千兩。據供現因楚省用兵。恐調該處官兵。意欲存此以備兵丁整裝之用。其為託詞狡飾無疑。伊誠欲如此辦理。何不

先稟將軍副都統及與諸協領商酌耶。況盛京吉林地方皆有官兵。何不如是備辦。看來那彥泰顯有侵蝕之意。茲因事發。故如此飾詞狡供耳。務須嚴究實情。從重治罪。至那彥泰舒通阿父子一同承辦事務。係由何任將軍如此辦理。朕詢之都爾嘉據稱伊在彼時並未令其一同承辦事務。都爾嘉所奏是否確實。難以遽信。著一併傳諭福長安等將何任將軍令其同辦事務之處。查明據實具奏。

總之此等惡習。皆歷任將軍大臣等釀成。自當徹底剔釐。即如揀選貂皮。該將軍大臣設有衙署。儘可揀擇。乃於閑兵地方另設棚座。不過欲藉此將所用木植浮冒入己耳。福長安等務當留意查察。將此易滋弊竇之事。盡行剔除。另定章程。至舍爾圖所控之事。若盡屬子虛。自當反坐。今所控八款內已有六款得實。雖尚有二款屬虛。不得謂之無罪。但係案內較輕事件。即擬以冒昧控告之罪。已足

蔽辜。朕君臨天下。於一切政務。惟視其事之重輕。從公辦理。從未有所袒庇。福長安等接奉此旨。惟當仰體朕意。務使兩造心服。秉公據實辦理。不可稍存袒護。致有屈抑。○兵部以武會試中額請得旨。這考試漢軍取中一名。直隸取中七名。陝甘取中六名。廣東取中三名。河南取中一名。山東取中四名。江蘇取中一名。安徽取中一名。山西取中一名。湖北取中一名。湖南取中一名。四川取中一名。廣



西取中一名。福建取中一名。浙江取中一名。江西取中一名。雲南取中一名。貴州取中一名。○丙寅諭本年係停止勾決之年。軍機大臣會同刑部將秋審朝審各犯情罪尤重者。照前例摘敘案由。請旨另勾。繕摺具奏。朕詳加閱看。內官犯六名。情節皆不至甚重。著仍牢固監禁。俟丁巳年秋審時。再行覈辦外。其常犯張保德。周渭振。龐割耳。潘樣奉。麥道榮。賴生登。劉友才。波慎。李茂貴。唐氏。李志貴。蔣

雲周貴。李萬成。洪施。張愁。侯蘭。嚴德榮。張祥。馬農。查雷。李亨文。馬氏。嚴王章。方唐孜。武潮。隴。劉玉蘭。董逞。夏法凌。劉氏。蘇三。或竊匪逞。先拒捕。或因姦謀死本夫。或連斃二命。或故殺幼孩。覈其情節。均法無可寬。著照擬即行正法。○又諭理藩院左侍郎員缺。著奎舒調補。所遺右侍郎員缺。著特克慎補授。特克慎現在庫倫出差未到之前。著內閣學士富俊署理。○諭軍機大臣曰。福康安。和琳。現籌會

集官兵夾攻。尚畧需時。日然據奏永綏。隆圍小鳳凰營等處各寨。陸續出降。又據畢沅等奏稱乾州。保靖。永綏。永順等屬二百二十七寨。詣行署乞降。連前已共有三百七十七寨。現在妥為撫綏等語。降苗投誠日衆。賊勢愈孤。況新調粵西兵丁俱已到營。兵威壯盛。此次賊匪糾衆撲營。又連被官兵大加殲戮。其勢更形窮蹙。看此情形。賊首吳半生等。指日即可成擒。惟朕盼捷之懷。益增繫望耳。福康

安。和琳。此次廓清後路。調度得宜。而在事將弁等。俱各奮勇出力。著加恩賞給福康安。和琳。碧霞。弘帶。各一副磁搬指套。各一個。葫蘆大荷包。各一對。小荷包。各四個。並賞給額勒登保。德楞泰。花連布。索敏。蘇靈。那丹珠。豁隆。武常明。火鐮。各一把。磁搬指套。各一個。大荷包。各一對。小荷包。各二個。以示嘉獎。又據奏訪聞降苗。隴八會。隴喬六二名。先曾到營投順。嗣復同逆苗引路打仗。隨密派弁兵擒

縛。凌遲處死等語。隴八會隴喬。既經降順。乃心懷反側。仍敢潛行通同逆苗。為之引路。實為狡譎可惡。經福康安等密拏懲辦。不至墮其術中。所辦甚好。此時正在設法擒捕賊首之際。自不得不勦撫兼施。但此等降苗真心投順者。固自不少。而中懷叵測者。恐亦所不免。福康安等仍宜加意防範。而後路旁徑尤關緊要。務宜佈置嚴密。不可稍涉大意。至賊匪屢經官兵痛勦之後。窮蹙已極。何以鴨

保。平隴各寨添集逆匪。尚有五六千人之多。此係從何而來。可見賊匪糾約謀逆。已非一日。斷不起自上年冬間。況此次逆匪糾結滋事。蔓延黔楚蜀三省地界相距遼遠。若非豫有成約。何以能同時肆逆。而負隅抗拒。黨與又有如此之多。必係一二年。前彼此商定如何糾眾。如何起事。並官兵追捕緊急。如何藏匿。抵拒著傳諭福康安和琳於擒獲活賊首逆時。將以上情節詳細究訊。據實具奏。○以

吏部尚書保寧為伊犁將軍。調寧夏副都統達明阿。為齊齊哈爾副都統。以青州協領雙喜為寧夏副都統。○丁卯。

上御勤政殿聽政。○諭軍機大臣等。乾州前此被賊攻陷後。其同知巡檢俱已被賊遊擊陳綸身受鎗傷。經兵丁救護得生。送至辰郡。已加恩賞給叅將。此外同城尚有何員作何下落。該遊擊經兵丁救出。其跟隨之兵丁。若係被賊戕害者。自當查明予恤。但內中有無潰散旋經脫出者。又該處尚有存城之兵。是否陣亡。潰散降賊。再乾州被賊攻據時。該處百姓為賊匪逼脅附和從逆者。自所不免。此等小民無知。且人數眾多。自難逐一查辦。其城中自必有舉貢生監及鄉紳等。身列衣冠。非鄉愚可比。若有甘心降賊者。不可不究明查辦。著福康安和琳於收復乾州後。即行詳細確查。倘有順從賊匪。隨同抗拒官兵者。必當按律辦理。以示懲儆。○戊辰。諭據伊桑阿奏

銷庫車糧餉軍械一摺內有兵丁演習鳥鎗需用鉛丸一項此等演放鳥鎗需用鉛丸特為兵丁練習準頭故例准開銷三分必實將鉛丸裝入演放方得準頭若並未裝入止放空鎗仍開銷鉛丸不但於事無益反滋侵蝕之弊著飭交各處將軍大臣等嗣後兵丁演習鳥鎗務須將鉛丸裝入毋得空放虛應故事徒滋冒銷○又諭據慶怡奏歸化城蒙古佐領拉什巴勒珠爾將逃奴溫齊巴依凌遲處死現將拉什巴勒珠爾等擬罪具奏等語拉什巴勒珠爾等獲逃奴並不報官按例治罪私行捆縛凌遲殘暴已極若僅照慶怡所請將拉什巴勒珠爾革職鞭責一百不足蔽辜拉什巴勒珠爾著革職交慶怡重責八十板即由彼帶鎖發往廣東給滿洲兵丁為奴以昭炯戒○調鑲藍旗蒙古副都統富色鏗額為鑲白旗滿洲副都統以內閣學士富俊為鑲藍旗蒙古副都統○己巳諭曰琳寧等

奏盛京所屬金州熊岳錦州等三城界內寶石山等四百餘屯地畝六月以後未得透雨高阜處所田禾未能秀穗結實等語金州熊岳錦州等處界內屯地因夏間缺雨所種禾稼收成歉薄雖屬一隅偏災該旗民等生計未免拮据業經琳寧等先行動支倉米借給一月口糧尚未足以資接濟此外如有應賑應免及緩徵各事宜著琳寧等酌量情形據實奏聞妥協辦理毋致一夫失所以副朕軫恤旗民至意○又諭據福長安等奏審明舍爾圖所控之事分別定議具奏舒亮安慶身為將軍副都統並不潔已奉公膽敢任意勒索貂皮等物如許之多甚屬鄙陋不堪舒亮安慶著即行鎖拏交策巴克押解來京交宗人府軍機處刑部大臣等分別從重治罪那彥泰迎合將軍授意舍爾圖等令其饋送如許貂皮私湊銀兩併膽敢藉辭豫備出師坐扣錢糧二千兩實屬不法那彥泰著即照所

奏定擬絞候舍爾圖職任總管。縱有屈抑之事。亦當遵例。差人赴部院各大臣前控告。乃任意差遣齊三等。於朕前越訴。甚屬違法。妄為舍爾圖著照福長安所請。革職發往伊犁。充當苦差。齊三蒙庫瑚圖靈阿聽信舍爾圖之言。即前來首告。實屬冒昧。若僅擬枷號。不足以示警。齊三蒙庫瑚圖靈阿亦著發往伊犁充當苦差。保寧現在前赴伊犁任所。著將舍爾圖齊三蒙庫瑚圖靈阿即交保寧押解。

由該處帶赴伊犁地方。嚴加管束。至從前用賤價採買貂皮。令跟隨兵丁交納皮張等事。皆係都爾嘉作俑。明亮復行效尤。甚屬非是。除已經降旨。將都爾嘉明亮革職外。仍交該部衙門一併治罪。琳寧恒秀雖僅將棚桿變價。貂皮係給價採買。然不能整頓積習。亦難辭咎。琳寧恒秀著一併交部議處。餘著照所請行。尋議舒亮安慶應照監臨官吏強索所部財物。計贓准枉法論。仍從重照實犯枉法

贓八十兩以上律。擬絞監候。秋後處決。都爾嘉應照監臨官吏依價買物。計餘利。准不枉法罪止。滿流律杖一百。流三千里。從重發往伊犁。効力贖罪。明亮應於都爾嘉罪上減一等。杖一百。徒三年。從重發往烏魯木齊効力贖罪。琳寧恒秀應照溺職例。請旨革職。查恒秀前於另案革職。定擬絞監候。蒙恩釋放。應請仍交宗人府圈禁。俟將舊欠官項銀兩繳清後。再行釋放。得旨。舒亮安慶依擬絞候。著

監候秋後處決。琳寧著即革任。明亮不必押解來京。著於路過烏魯木齊時。即留於該處効力贖罪。餘依議。○又諭。正紅旗漢軍都統員缺。著德明調補。所遺正紅旗滿洲都統員缺。著八阿哥儀郡王補授。保寧現補授伊犁將軍。鑲黃旗漢軍都統員缺。著慶桂調補。其所遺鑲藍旗滿洲都統員缺。著十一阿哥成親王補授。現在總諮達乏人。八阿哥十一阿哥係衆阿哥長輩。易於約束。八阿哥十一阿

哥俱著授為總諮達。務須盡心教導。善為約束。○又諭現在舍爾圖所遺打牲總管員缺。應於齊齊哈爾城協領內揀選人明白能辦事者一員。交秀林永琨二人商同揀選。照例保題引見補放。○諭軍機大臣曰。宜興等奏雲南委員葉道治押運癸丑年加運二起京銅。除在湖北巴東縣遭風沉溺外。已全數交局等語。查上年十一月內。據汪新奏該委員在歸州地方沉銅五萬一千六百七十觔。經

該州知州多雇水摸。全數撈獲。已東縣地方沉銅五萬一千六百七十觔。亦經撈獲三千二百三十觔等語。當經降旨。令將全數撈獲之歸州知州王鍾岳。咨部議敘。其巴東縣沉溺未獲銅觔。上緊設法打撈。以期速行全獲。迄今幾及一年。此項沉銅。雖據惠齡奏續獲一千三百三十二觔。為數甚屬有限。著傳諭惠齡。趁此水盡潭清之候。嚴飭所屬多雇人夫。實力打撈。毋任隱匿偷買。方為妥善。○又

諭曰。長麟等覆奏緝拏洋盜及嚴訊周經一摺。仍屬空言無益。已於摺內批示矣。伍拉納浦霖在督撫任內。於械鬪斃命重案。輒敢袒庇屬員。抽換原卷。於通省虧空。則代為隱瞞。擔承。且於藩司放賑時。以銀易錢。將多出餘銀。任聽藩司代周經墊補庫項。而周經以微末庫吏。伍拉納委心任用。種種欺飾弊混。若非平日聽受囑託。扶同舞弊。分肥何肯代為擔此重大干係。節經降旨。指示駁詰。至為詳

盡。長麟等自應遵照。提集案證。并編為察訪。無難水落石出。迅速覆奏。乃本日所奏。並未切實嚴問。仍屬虛詞。豈此等敷衍之摺。便可塞責迴護。前非耶。著再傳諭該署督等。遵照疊降諭旨。迅即逐款審明。據實速奏。毋得再有支飾。自干咎戾。○又諭曰。景安勒保奏查審壽陽縣民人白懷珠等。控告私砍方山樹株。分別定擬一案。已交該部議奏矣。此案吳時翠等。因欲修葺廟宇。呈請伐樹。變價興修。

雖方山本非封禁官山其所砍樹木俱在本山地畝界內並無官吏串同分肥之事但此等山地樹木林立翦伐成斃殊覺可惜若不徑行封禁恐將來射利之徒又復藉詞呈請砍伐致滋訟端所有該處山木竟應永遠封禁以資蒙茂而杜爭端方為妥善將此傳諭將兆奎景安勒保知之○欽差戶部尚書福長安等條奏布忒哈打牲處事宜一向來打牲人丁應交貂皮該總管揀員徑解京城後

因索倫達呼爾改歸黑龍江將軍等管轄將揀選貢貂奏改由齊齊哈爾城解送貢麋官員順便解送熱河打牲官員不復解送將賞賜銀兩即由齊齊哈爾城發給解送官兵伊等不得賞銀未免向隅請嗣後將貂皮仍解齊齊哈爾城令將軍等公同揀選按等編號仍由打牲總管副總管內派委一員帶兵十名由驛解送熱河交總管內務府衙門賞銀即給打牲官兵並由齊齊哈爾城官員內派

員一同護送飭該將軍酌給幫貼銀兩○打牲地方每年所捕貂皮全送齊齊哈爾城於三十里許搭棚將軍等前往選看棚內木植柳條官員收作柴薪陋規已久請嗣後令打牲總管等將貂皮送將軍衙門率協領等揀選存庫解送時再交解員無庸搭棚驗看至打牲人等每年交貂會盟俱將伊等妻子帶來且客商雲集伊等一年所用之物全賴此次置買應請照舊辦理○數年來揀剩貂皮

將軍等多以賤價購買逐年滋弊請嗣後揀剩貂皮照例編號盡數交該總管聽其售賣願賣者准將軍副都統官員依時價購買有賤價勒買者以違例論從重治罪○打牲地方殷實人等現在將軍副都統衙門陸續挑取一百四十餘名作為隨甲為數太多今酌定將軍留二十名副都統留十名每年遇有行圍及會盟之處令其當差餘俱駁回本旗當差得旨據福長安等將打牲烏拉揀選貂

皮舊例改擬具奏請旨等語。但此內擬定由打牲烏拉殷實人家出派將軍跟隨二十名。副都統跟隨十名之處。尚不妥協。伊等游牧地方。去城較遠。平日並不在衙門當差。不過每年行圍閱兵之際。聽候差遣。遂假藉虛名。令伊等交納皮張。成此惡習。所有此項跟隨人等。均應裁汰。俟將軍大臣等行圍之時。再由打牲烏拉人內暫挑數名。跟隨操練。至平時。福長安等所定將軍跟隨二十名。副都統跟隨十名。俱著就近由齊齊哈爾城內挑取。所有遠方城莊居住之人。著永遠停其挑取。餘照所奏行。○庚午。諭據蘇凌阿李奉翰等前後奏報。黃河秋汛安瀾。工程平穩。各櫟覽奏。深為欣慰。本年黃河水勢。自六月以來。間有長水處所。節經該督等將埽壩緊要各工。隨時修護穩固。溜勢平定。現在已過霜降。河流順軌。安瀾。蘇凌阿。蘭第錫李奉翰。俱著交部議敘。其在工出力人員。亦著該督等查明。

一併咨部分別議敘。以示鼓勵。○辛未上詣恩慕寺。恩佑寺行禮。○皇太子奉。上命恭詣泰陵。泰東陵行禮。○諭前經降旨。普免天下積欠。令各該督撫查明具奏。節據各該督撫等查奏。各省未完積年地耗正糧等項。共銀一千七百十餘萬兩。糧穀米豆等項三百七十五萬餘石。零俱已加恩全行豁免。內奉天。山西。四川。湖南。貴州。廣西等省。向俱年清年款。並無積欠。朕臨御六十年。普免錢糧四次。漕糧三次。其餘水旱偏災。蠲賑兼施。所費帑金不下萬億。所以藏富閭閻。為小民謀生計者。無微不至。此等年清年款省分。小民踴躍急公。輸將恐後。今轉以並無積欠。未得一體邀恩。不

足以昭平允所有奉天山西四川湖南貴州廣西向無積欠六省俱著加恩於下年正賦寬免十分之二該督撫等務宜董率所屬均勻減免酌定章程報部查覈以副朕闡澤平施有加無已至意○甲戌

上詣

大高殿

壽皇殿行禮○還宮○乙亥

孝慈高皇后忌辰遣官祭

福陵○諭御史冠賡言奏請令各省趁此豐年皆買補倉穀並照定例加一成採買一摺所奏不曉事體各省常平倉穀遇有平糶賑濟動用之處自應乘時買補以歸實貯即如本年豐收省分居多現在山東等省奏請採買並聲明若時價稍昂即停止買補免致小民有食貴之虞朕復恐地方官先將糧價擡高開報便於浮銷而採買之時又不免勒買以致累及閭閻業經降旨通行訓飭今該御史

欲請加價採買如此則市僧居奇必致聞風增長價值是欲利民轉以病民且地方官採買惟在嚴察吏胥禁止抑勒按照定例給發價值覈實辦理自不致滋流弊若概請加價採買則不肖官吏又何難於開報時虛擡價值仍私行抑價採買兩占牟利之弊此不過便於劣員浮銷地步於事毫無裨益該御史所奏竟係意存沽名滿紙空談全不諳曉政體斷不可行著傳旨嚴行申飭○又諭據梁肯堂奏審明叩聞之開州民人劉士誥於應徵錢糧誤為應免懷疑妄控請將劉士誥照衝突儀仗越訴例杖一百發近邊充軍等語此案劉士誥所控應完糧銀為數只有七錢該犯自開州至前屯計程五六百里途中盤費較多數倍七錢方可足用亦何值因此區區糧數轉賠盤費慕越遠訴此必有包攬唆訟情事僅將該犯擬發近邊充軍尚屬輕縱劉士誥著加等改發邊遠充軍以示懲儆朕



臨御以來愛民如子。體恤民隱。每從優厚。所謂慈父養驕子。以致小民等輒因細事。妄行控訴。朕不能不引以為咎。但朕寧受寬厚之名。而不肯使小民稍有冤抑。其有似此妄行控訴者。亦祇治以應得之罪。斷不肯因此一二不肖之人。轉致屯膏靳澤也。○又諭福建漳州府屬龍溪。南靖。長泰。海澄。四縣。並華封縣。丞所轄。應徵五十九年分地丁錢糧。因上年八月被水。所有蠲剩。應徵銀兩。及泉州府屬之晉江。南安。二縣。並羅溪縣丞所轄五十九年分錢糧。亦因收成歉薄。業經加恩俱著緩至本年徵收。以紓民力。今思該二府所屬被災各處。雖本年早收。俱有八分。但民力究未免拮据。所有龍溪。南靖。長泰。海澄。晉江。南安。六縣。並華封。羅溪。二縣丞所轄五十九年。因災緩徵錢糧。共未完地丁銀一十三萬八千六百八十七兩六錢零。又耗羨銀一萬六千六百四十二兩五錢零。均著再行加恩一

體豁免。以示朕軫念民依有加無已至意。○諭軍機大臣曰。成林奏。安南貢使進京謝恩。現在湖南。雖有勦捕苗匪之事。但經過水路。與該處相隔甚遠。應令仍由廣西全州乘船。順水直至湖北漢口起旱等語。昨據朱珪奏。湖南現有軍務。令該貢使由廣西水路順流。經廣東之肇慶。南韶等府。至江西沙井起旱。辦理甚為妥協。已交軍機大臣行知該督撫。並沿途即照朱珪所奏。料理前進矣。今成林此奏。又與朱珪互異。該貢使由湖南行走。雖所過之處。距苗匪滋擾地方尚遠。但該省現有軍務。州縣各官。俱有承辦糧運等事。勢難兼顧。況即日大兵凱旋。又添貢使經過。亦恐沿途夫馬。不無擁擠。成林所奏。實屬不曉事體。且該撫摺內。有會同署督臣之語。即朱珪前奏。亦有會同字樣。現在何以辦理兩歧。可見外省會銜之處。盡屬虛文。而成林所辦。尤為錯誤。著傳旨嚴行申飭。據成林奏。該貢使

於十月初旬。方到廣西省城。朱珪一面具奏。一面知會成林。自己改正遵辦。諒不至謬執。已見著再傳諭朱珪成林接奉此旨。即照前奏。飭令派出之員。伴送該貢使等。照朱珪前奏。由廣東江西一路行走。於封篆前到京。但該貢使係由廣西起程。恐成林迴護此奏。始終固執。已見令由湖南行走。計此旨到時。該貢使尚未出粵西境界。著該撫等。即飛飭前途。改道由廣東江西進京。不得再有歧誤。致干咎戾。將此由六百里加緊諭令知之。○是日起。

上以孟冬享

太廟。齋戒三日。○丙子。諭本日皇太子率同王大臣等。具奏恭進乾隆六十一年時憲書。豫備內庭頒賞之用。一摺。覽奏具見惻忱。朕登極初元。即籲懇

昊慈臨御。至六十年不敢上同

皇祖。以次增載之數。因定例。孟冬頒發來年時

憲書。特明頒諭旨。建立皇太子。以明歲丙辰為嘉慶元年。舉行歸政典禮。此實朕祇遵天庥敬繩

祖武之念。數十年如一日。屢經降旨。明白宣示。茲皇太子及王大臣等。以朕歸政。改元為曠古未有之盛典。雖現在頒朔。以嘉慶紀年。而宮廷之內。若亦一體循用新朔。於心實有所未安。特進獻乾隆六十一年時憲書。臚詞籲懇。出於至誠。朕已俯從所請。用備頒賞內廷。皇子皇孫及曾元輩。並親近王大臣等。俾得遂其愛戴之忱。其分頒各直省外藩。仍用嘉慶元年時憲書。以符定制。因思來歲歸政。朕為太上皇帝。歷稽前典。有上尊號之文。殊屬無謂。太上皇帝。非若太皇太后皇太后。因母儀而崇上徽稱者可比。况朕臨御六十年。以來敬

天法

祖勤政愛民。及拓土開疆諸實政。彰彰可考。又

何藉聖神文武等文字。虛示尊崇。且以臣子而稱揚君父。本屬後世沿用虛文。於理原未盡協。我

聖祖仁皇帝平定三藩。及恭遇

慶節。從前臣工等。屢有以上尊號為請者。

聖祖皆却而弗許。

訓諭煌煌。實可為萬世法。今朕特豫行降旨。將上尊號一事停止。此即朕效法

皇祖之心。亦即御極初年齋心默禱。不敢上同

皇祖紀年之數之初念也。將來嗣皇帝。及臣工等。皆當恪遵朕諭。不必復有瀆請。朕惟敬祈昊貺。精神純固。康彊逢吉。嗣皇帝稟承指示。克肩負荷。海宇熙和。治臻上理。此即國家吉祥盛事。況太上皇帝稱號。已極尊崇。嗣皇帝躬率臣民。以天下養。尤為古今邈隆盛軌。又何必徒尚繁文。務為增美耶。至朕歸政後。應用喜字第一號玉寶。鐫刻太上皇帝之寶。玉冊即將御製十全老人之寶說鐫刻。作為太上

皇帝寶冊。用彰熙朝盛瑞。將來嗣皇帝亦能如朕之懋承

天眷。壽屆期頤。再舉上儀。一切典禮。皆可敬謹遵循。實我國家億萬年無疆之福。將此通諭中外知之。○又諭曰。俘習渾前欲棄藏一事。固屬乖謬。但念止係糊塗懦怯無識。未至債事。著加恩釋回。富勒渾於閩浙總督任內。收受相沿陋規。其咎雖重。但念其年老。亦著加恩釋回。○又諭據宗人府奏。晉封福康安貝子。或世襲罔替。或令降等承襲。請旨等語。福康安前在臺灣。廓爾喀等處軍前。甚屬奮勉。即應照軍功出力之員。准其世襲罔替。但福康安係

孝賢皇后之姪。究非宗室可比。其貝子爵著承襲三世後。再行照例降等。列為不入八分公。令其世襲罔替。○命戶部尚書董誥充國史館副總裁。○丁丑  
孝敬憲皇后忌辰。遣官祭

泰陵。○諭前因寬免蕭縣未完河工攤徵銀兩一案。降旨該督撫再行確查。概予寬免。今據蘇凌阿等奏查乾隆五十九年並六十年分。尚有山陽安東鹽城寶應碭山銅山。昨寧。邳州宿遷沛縣等十州縣未完攤徵水利河道堤埝各工銀兩。與蕭縣事同一轍。又碭山蕭縣銅山。昨寧。邳州宿遷等六州縣攤徵續修王平莊埽壩工程及安東縣攤徵民便河塘河等項銀兩。應於六十一二三等年帶徵。現

在雖未屆期。但同係五十八年以前借帑之款等語。此等借帑攤徵之款。雖與因災積欠地丁等項不同。但均在五十八年恩旨以前。且與蕭縣業經豁免之銀事同一例。所有山陽等十州縣未完銀七萬三千二百餘兩。及碭山等七州縣尚未屆徵銀六萬一千二百餘兩。並著加恩概予寬免。以示朕軫念民依一視同仁。有加無已至意。○諭軍機大臣等。據陳淮奏請乘時採買穀石以實倉儲一摺。

本年江西年歲豐稔。市糧充裕。且有運閩米石。應買補還倉。自宜趁此新穀登場。價值較賤之時。儘數買補。以歸實貯。同日又據畢沅等奏。楚省一歲三登。收成豐稔。穀多之家。多欲以日食所餘。出易銀兩。請官為收買。以備軍需之用等語。此次逆苗滋事。湖南地方。碾運食穀。不下數十萬石。現在大功即日告竣。官兵應用糧石。尤須多多貯備。該督等奏請於糧多穀賤之時。多為收買。自應如此辦理。

但該省現在需用較多。大兵凱旋後。所有撫卹難民。支給口糧等項。在在需用。一切碾動米石。均須按數撥還。恐湖南一省採買尚有不敷。江西與楚省接壤。舟楫相通。儘可通融籌運。著傳諭畢沅。姜晟。陳淮。彼此咨商。或楚省採買穀石。尚有不敷。即於江西再為採買數萬石。一面奏聞。一面遵委幹員。由水路運往楚省。以濟軍需。而充積貯。倘湖南本年收成豐稔。該省糧價較賤。採買充裕。毋庸借資。

江省亦即據實奏明不必因有此旨稍為遷就也○又諭曰福寧奏職員滕家瓚在新寨地方幫同官兵拿卡守禦猝被賊害實為可憐滕家瓚曾賞給六品職銜著咨部照現在六品官員例給予恩卹以示軫惜至賊當此勢窮力蹙之際尚敢潛出肆擾傷害良善實為可恨可惡前降諭旨以擒獲逆首之後其黨與不必概行查辦但逆匪前此戕害滕家泰至於剝皮慘毒今又糾眾報復將滕家瓚

平定李鼎全

五

殺害若不加之懲創則頑梗之徒罔知儆畏著傳諭福康安和琳於擒獲首逆後其被賊脅從者固不必輾轉根追而此等計圖報復慘害滕姓之苗匪必當一併查明究辦以淨根株現在大兵雲集即查辦亦屬易事朕仰體

上天好生之德本不欲多加誅戮而於怙惡肆兇者又不可稍任寬縱福康安和琳惟當察看情形妥為籌辦務期苗眾知所震懾一勞

永遠不至復生事端方為妥善○是月浙江巡撫覺羅吉慶奏水師官兵出洋捕匪因營船過大駕駛不甚便利向係添雇同安商船協緝但遇商船稀少之時雇募不能應手恐致耽延臣上年仿照同安船式捐造四十隻交營駕駛頗為靈便本年復趕辦二十隻共船六十隻分給溫定黃三鎮各二十隻查此項船隻每年油艫更換篷索槓具等項每隻需銀六十兩計六十隻共需銀三千六百兩

平定李鼎全

五

並將來屆應修造均須豫籌經費浙省現無閒款可支請於藩庫內借銀十萬兩交商一分生息歲輸銀一萬兩由鹽運司收支藩庫為按年修造之用年底造具收支冊結報部覈銷得旨可行知道了又稱雇募商船船戶以船為業多自愛護遇見盜船恐被打壞船隻不免斜駛退避未肯冒險直前於緝捕亦難得力批此雖實情而可惡○調任浙江學政阮元以新授內閣學士具奏謝恩得旨覽

但莫高興可耳。○河東河道總督李奉翰奏豫省黃河南北兩岸。應需辦料。例於八月新料登場後採購。現據河北道蔡共武詳稱黃沁兩河各要工均關喫緊。購辦來年修工各料。除分撥荒缺等項外。請撥發藩庫銀三萬兩。又據護理開歸道徐端詳稱。黃河南岸。要工林立。採辦來年料物。除現有荒缺銀外。請撥發藩庫銀七萬兩。現咨會撫臣飭行司道。將此項銀兩分發沿河州縣承領採辦。運交工所。得旨知道了。又批。不可不實。

實錄卷一百七

七

大清高宗法天隆運至誠先覺體元立極敷文奮武孝慈神聖純皇帝實錄卷之一千四百八十七

實錄卷一百七

七

大清高宗法天隆運至誠先覺體元立極敷文奮武孝慈神聖純皇帝實錄卷之一千四百八十八

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣履桂

總裁官經筵講官太子太傅文華殿大學士文淵閣領閣事稽察欽奉

世襲騎都尉軍功加十九級隨帶加二級又加二級臣書誥內大臣戶部尚書鑲黃旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆六十年乙卯冬十月戊寅朔享

太廟

上親詣行禮

命皇太子陪祀如儀○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵○遣官祭

孝賢皇后

孝儀皇后陵

端慧皇太子園寢○頒嘉慶元年時憲書○

諭曰珠隆阿自到軍營以來。隨同帶兵打仗。

尚為奮勇出力。著加恩補授雲南提督。所遺

貴州鎮遠鎮總兵員缺。著福康安和琳於軍

營總兵內揀選一員調補。所遺員缺。著劉惠

補授○諭軍機大臣曰。福康安和琳帶領官

兵。攻堅克險。已逼賊巢。瀘溪隆團兩路。亦同

時大獲勝仗。是官兵各路雲集。已將賊匪四

面圍困。無從逃竄。福康安和琳著賞給上服

貂尾褂各一件。額勒登保。德楞泰。紹褂各一

件。以示嘉獎○乙卯

上御乾清門聽政○諭。據長麟等奏。漳泉二府

屬田禾。自八月中旬以後。缺少雨澤。漳州府

屬之漳浦。詔安。龍溪。海澄等四縣。於八月間潮水陡漲。低田間被鹹水淹浸等語。漳泉二府屬上年曾經被水。本年早收雖屬豐稔。但自八月以來。田禾缺雨。而漳州府屬之漳浦等縣沿海田禾。復被潮水淹浸。收成歉薄。若照舊開徵。民力恐不無拮据。著加恩將漳州泉州二府屬本年應徵錢糧。緩至來年秋收後徵收。以示體恤。現在魁倫已親赴該府屬查勘。並著該署撫妥為撫恤。一面酌給口糧。量加接濟。並設法平糶。催運高米。無使一夫失所。以副朕軫念閭閻有加無已至意。該部即遵諭行。○諭軍機大臣曰。長麟等奏。省中並無候補試用人員。若將虧空各員。紛紛審訊。不但州縣同時無官。猾吏奸民。必致乘機滋事等語。該省從前既有此等情節。長麟等何不早行奏明。現在虧缺州縣二十五員。已押解到省。該署督等當即督同藩司。將虧空

一案。趕緊清釐。據實查辦。以期速結。勿再遲延迴護。又據另摺奏。漳泉一帶被旱。恐致成災。及漳浦等縣沿海田禾被淹。一摺。福建氣候。冬令尚暖。儘可成熟。著魁倫在彼董率地方官。勸諭被旱被淹各處百姓。上緊補種冬麥。其有力量不能者。即酌借籽種。俾無誤耕作。此為最要。至漳泉二府向來民風刁悍。今連年旱澇成災。自係伊等乖戾所致。該撫並當曉諭該處百姓。不可稍涉怨尤。惟應共知儆惕。亟思渝悔。勉為良善。以期感召甘霖。化歉為豐。同享樂利。○又諭戶部議覆四川廓爾喀軍需各款。內民欠幫貼一摺。已依議行矣。此案前經孫士毅奏到。朕以歷年辦理軍需。一切俱係動支帑項。從無一草一木派及閭閻。必係局員等藉端科斂。以為浮冒之地。曾降旨令孫士毅詳悉查明。據實具奏。續又降旨將此項民欠銀兩。著落承辦之總督司道。及局員名下按數攤賠。如果不能。候朕加



恩酌免。未為不可。現據部議。此項民欠銀兩。行令該督等查明。按股攤賠。勿向里民徵收。著傳諭孫士毅。徹底清查。遵照辦理。並將此項民欠。現已加恩豁免。遍貼謄黃。務令家喻戶曉。如有不肖州縣。私行徵取者。嚴叅治罪。勿稍徇隱。其如何著落各該員名下分股攤賠之處。仍即詳悉具奏。倘因銀數較多。承辦各員。實在力不能完。繼並即據實奏聞。朕亦必加恩酌免也。○以侍講學士關槐為內閣

學士兼禮部侍郎。通政使順海為左副都御史。○庚辰諭曰。福康安和琳訪得首逆吳半生。從鴨綠寨來至高多寨。即四面攻圍。不遺餘力。將首逆吳半生擒獲。現在乘勝長驅。直攻鴨綠等處賊巢。覽奏實深喜慰。此次逆苗滋事。福康安和琳統領大兵。於崎嶇險阻。蠻烟瘴雨之中。有戰必克。朕即知成功在即。特沛恩綸。福康安晉封貝子。和琳封為一等宣勇伯。甫及十日。而福康安和琳已將首逆吳

半生俘獲。逆黨吳龍登等聞風膽落。斷不能稍延殘喘。奏凱歲功。尅期可至。福康安和琳著再交部從優議敘。福康安之子德麟前已承襲恩賞。輕車都尉。加恩賞給副都統職銜。在御前侍衛上行走。和琳賞繫黃帶。以旌勞勩。孫士毅畢沅。姜晟。馮光熊。於辦理糧餉。軍火等事。均無貽誤。亦著交部分別從優議敘。福寧雖未能督兵進剿。而幫同籌辦。亦俱無誤。福寧惠齡著交部議敘。其帶兵打仗奮勇

之額勒登保。德楞泰。花連布。常明。綸布。春五。人俱著從優議敘。其興兆。觀成。珠隆阿。那丹珠。裕隆。武色。靈額。阿哈保。溫春。定西。羅巴。蘭多隆武。富蘭。富森。德。西津。泰。常山。吉蘭。泰。富魁。德勝。扎隆阿。張玉。龍。富志。那。趙。得。功。張永祺。王。威。寧。楊。遇。春。馬。瑞。施。縉。德。寧。阿。林。布。姜敏。功。陳。紹。先。程。文。韜。雙。林。謝。汝。誠。吉。林。泰。魏。攀。舉。方。和。應。元。寬。王。玉。龍。五。十。一。諸。大。榮。張。明。誠。唐。文。高。王。雄。黃。世。雄。俱。著。交。部。議。敘。打

仗出力之滿漢屯土官兵著普賞一月錢糧其守卡護糧兵丁著查明賞給半月錢糧至沿途臺站文武員弁馳遞軍報迅速無滯並著各該督撫查明一體咨部議敘兵夫照例加賞以示旌功志喜優恤勤勞至意又諭本日馳遞喜報之兵部捷報處員外郎噶爾圖著加恩賞戴花翎主事德昌著加恩賞戴藍翎以示獎勵諭軍機大臣等前經降旨封福康安貝子和琳一等宣勇伯或以首逆未獲具摺懇辭今自降旨以來甫及十日已將首逆吳半生俘獲前後加恩之處俱不必辭至所稱吳半生出投原於窮蹙中冀得一綫生路若即將吳半生起解則吳隴登等自知無路求生必共堅死守請將該犯暫留軍營俟獲其餘首犯一同起解所思甚是吳半生既經投出其石柳鄧石三保吳隴登見該犯得延殘喘自必相率乞降望風歸命俟此三犯全數就獲擇一情罪尤可惡者同吳半

生迅速解京其餘首逆二犯一留軍營一解辰州正法俾苗民觸目儆心以快人心而彰國憲○辛巳諭軍機大臣曰吉慶奏此時將交冬令連日北風甚大匪船因查拏嚴緊勢必乘風南竄現督飭各幫兵船分佈各洋面要隘嚴密截拏毋使縱漏遠竄等語此次洋匪共有船四十餘隻首夥各犯自必甚多而閩浙二省每次獲犯不過一二名及數名不等未足示懲所有未獲之犯必當上緊嚴拏從重辦理以淨根株而靖洋面此等匪犯在洋行劫其分贓銷售必須登岸該督撫提督等亦不必冒險出洋追捕但當嚴飭所屬文武於各海口嚴密稽查留心躡緝如有攜帶贓物形跡可疑之人立即嚴拏究辦無難訊出首夥按數緝獲現在湖南苗匪首逆吳半生業已就擒大功即日告竣福康安俟辦理善後事宜完竣進京度歲後即令馳赴閩浙新任整頓一切除俟伊到京將該處情形面

為訓示。恪遵安辦。外福康安未到之前。該督撫務宜董率文武將洋盜一事。安速辦理。不可稍涉疎懈。 壬午。

上御太和殿視朝。文武陞轉各官謝恩。諭據明亮等奏。阿爾賽係厄魯特部落兵丁。乃起意白晝竊牛。又敢放鎗拒捕。實屬目無法紀。阿爾賽著照明亮等所擬。即行正法。其隨同行竊之阿爾擦。拜濟虎。阿克拉哈。俱著發往烟瘴地方充當苦差。驍騎校拉蘇朗。派緝後。

即將賊犯四名全行拏獲。甚屬奮勉。著照明亮等所請。遇有佐領缺出。即行坐補。仍著賞給該處庫內大緞一匹。並賞給領隊大臣那彥大緞二匹。總管和岱大緞一匹。 癸未。

皇太子千秋節。詣

上前行禮。○諭據蘇凌阿覆奏。查勘得海州等九州縣。淮安大河二衛。高阜平疇。田禾均屬豐收。惟海濱湖濱低窪處所。夏秋水稍多。間有被淹之處。隨時消涸。並不成災等語。該

州縣衛被水地畝。雖據該督等查明。僅係一隅中之一隅。且積水早經消落。但收成究係歉薄。若照例開徵。恐民力不無拮据。所有海州山陽阜寧清河桃源安東宿遷沭陽贛榆等九州縣。淮安大河二衛被水地畝。應徵本年新賦及帶徵五十九年錢糧。並籽種銀兩。俱著加恩一併緩至來年秋成後分作二年帶徵。俾小民蓋藏益臻寬裕。以示朕軫念民依至意。 又諭回民女子婚嫁。安集延例應

不准攜歸。但此內有遣嫁至今相延數世之家。此次姑聽其攜往。其邁瑪特什哩布之妻。亦照此辦理。嗣後竟將回女嫁安集延為妻之處。嚴行禁止。永為例違者從重治罪。 諭軍機大臣等。前據順天府尹奏於前月十九日。京城得雨一寸。又於本月初一日。京師及附近一帶得雨二寸有餘等語。現在秋麥早經播種。長發之際。急需雨澤滋培。京城內外得雨兩次。保定及近畿一帶。自當一律普霑。

何以總未據梁肯堂具奏。著傳諭該督即將保定等府及近畿一帶近日是否得有雨澤秋麥足資霑潤。一律長發之處迅速查明據實具奏。以慰厘注。○又諭曰。福康安和琳統領大兵直攻鴨保等處賊巢。想石柳鄧石三保吳隴登以次就擒。大功告成。匪黨自己紛紛瓦解。前降諭旨以首逆擒獲後其餘被脅黨與不必概行查辦。但吳半生等糾眾滋事平日必有商同糾約助賊為虐之人。若竟置之不問。將來大兵撤後設復煽惑勾結遺孽復萌。亦不可不為慮及。福康安等務宜明查暗訪。如有幫賊分路抗拒及為逆苗主謀。平素在各寨內為首者。一經訪獲隨時酌量究辦。其餘實在被賊逼脅者仍赦而弗治。庶根莠悉除苗疆可期綏靖。再乾州倉猝失陷。究因兵數無多所致。不可不量為添設將來辦理善後事宜。所有乾州永綏等處緊要苗疆均當擇其險隘處所酌增兵額以資防守。○

甲申諭前據長麟魁倫查出伍拉納浦霖在督撫任內得受鹽規及抽詳銷案等款節經嚴降諭旨交長麟等徹底根究並諭長麟吉慶將伍拉納浦霖任所及原籍貲財嚴密查抄。茲據長麟等奏查出伍拉納浦霖兩次各得受廈門同知黃真邦銀九千二百兩並訊出錢受椿因長泰縣林薛二姓械鬪一案該府全士潮拏獲多犯錢受椿以所拏兇手未確飭令提案至省審辦。全士潮恐延宕受累餽送錢受椿朝珠呢羽繡料等物又得受該縣顧授金葉三十兩錢受椿不滿愆愆仍不即時審結致拖斃十命等語。又據汪志伊奏查抄浦霖原籍貲財查出現存銀錢及埋藏銀共二十八萬四千三百餘兩房屋地契共值銀六萬餘兩金七百餘兩其餘朝珠衣服玉器等物尚不在此數而伍拉納先經查抄京中家產內如意一項多至一百餘柄此與唐元載查籍家財胡椒至八百斛何異。伊二

人貪黷營私殊出情理之外。經朕親加廷鞫。伊二人俱供認婪索不諱。伍拉納、浦霖受朕厚恩。用至督撫。乃於地方洋面一切廢弛。又任意貪饕。以至各州縣倉庫虧缺累疊。並任用錢受椿等。通同一氣。於人命重案。竟敢戕法徇情。抽詳銷案。輾轉稽延。拖斃十命。伊等身任督撫。而蕩檢踰閑。婪贓藐法。至於此極。實屬昧良負恩。罪無可逭。伍拉納未嘗學問。或不知潔已奉公之義。至浦霖係科甲出身。由寒素用至巡撫。乃一味貪黷無厭。罔顧廉隅。尚得謂之有人心者乎。現交軍機大臣會同刑部從重定擬具奏外。至錢受椿身任臬司。乃乖張任性。惟知逢迎上司。遇事婪索。甚至械鬪重情。亦有意刁捐勒索。全士潮顧授朝珠金兩等物。尚復不滿慾壑。延擱日久。拖斃無辜多命。此而不加以懲儆。何以肅吏治而正官常。著該督撫即將錢受椿鎖拏。派委妥員解京。交部從重治罪。勿再任途次病斃。

倖逃顯戮。伊轍布係該省藩司。輒與庫吏周經串通。分肥侵虧帑項。現據長麟等奏。伊轍布因病身故。實為倖免刑誅。但恐別有畏罪自盡情弊。仍著魁倫等嚴查據實具奏。朕近年以來辦理庶獄多從寬宥。如王亶望等子嗣俱特加恩釋放。回籍督撫等遂爾無所儆畏。任意妄行。朕深引以為咎。今伍拉納、浦霖如此貪污敗檢。而其子嗣仍令安居。何以示懲。所有伍拉納、浦霖、伊轍布、錢受椿之子嗣。如係官職生監。概行斥革。俱著照王亶望之例。發往伊犁充當苦差。以昭炯戒。至此案前經魁倫奏。特派長麟由廣東前赴閩省。秉公查審。乃伊節次奏到之摺。於伍拉納、浦霖等扶同舞弊及婪索贓款。並不早行查奏。直至朕屢次飭諭嚴查。始行和盤托出。長麟向好沽名取巧。而於此案始終迴護。袒庇瞻徇。意存化大為小。殊負委任深恩。斷難望其改悔振作。豈可復膺海疆重寄。長麟著革職。自

備資斧來京候旨。魁倫扶同觀望，亦應治罪。但念此案究係由伊發覺，姑從寬宥。所有閩浙總督印務，即令魁倫暫行兼署。姚荼前在汀漳道任內，應賠銀兩，係所屬州縣虧缺之項，尚無自行侵那情事，著加恩令其暫護福建巡撫事務。俟朕簡放有人，再行來京候旨。魁倫、姚荼務須感戴朕恩，將地方一切廢弛、虧缺及洋盜等事，加意整頓，緝捕兇贖，前愆以副朕宥過施恩之意。現在湖南苗匪已將首逆吳半生擒，大功指日即可告竣。已諭令福康安於善後事宜略加佈置，即交與和琳一手辦理。迅赴該省，大加整頓。魁倫、姚荼於福康安未到之先，務當實力籌辦，悉心經理，毋得稍存觀望。致令地方事務再有廢弛。自取重戾。朕於臣下功罪，一秉大公。至正即如閩省此案，朕初非有意查訪，而伊等貪黷廢弛，款跡疊經敗露，自不得不嚴辦。示懲各督撫等，惟當各矢天良，倍加儆惕，伍拉納、浦霖

等，即前車之鑒也。將此通諭知之。尋魁倫奏，詢據福建委員候補道府等稱：伊轍布染受風寒，由瘧變痢，並無畏罪自盡情弊。得旨：此皆虛言，亦無可問。又諭：本日據長麟、魁倫查奏伍拉納、浦霖等，詭法營私，各款經朕親加廷訊，業經供認屬實。並以長麟查辦此案，意存化大為小，直至再三嚴飭，始據和盤托出。實屬沽名取巧。特將長麟革職，並將伊京中家產查封入官，以為封疆大臣辜恩昧良之戒。軍機大臣因擬寫諭旨，令朱珪、魁倫將長麟、粵閩任所貲財一併查辦。但念長麟查審此案，咎止瞻徇，觀望尚無別項情弊。非若伍拉納、浦霖等之婪索多贓者可比。今將伊京中家產查封已足示罰。所有長麟、粵閩任所貲財，俱無庸查辦。俟其到京，令往新疆効力贖罪。作為盤費之用。又據浦霖供出，餽送番銀之知府石永福，署知縣史恒岱，自應審明，按例治以應得之罪。至此外屬員中私行

餽送者。自不乏人。但與受同罪。本人必不肯自行供出。若輾轉根究。不無波及。竟可毋庸再行查辦。俟石永福史恒岱二人查訊明確。後此案即可完結。以免牽連。朕辦理庶務。準酌情理。折衷至當。於懲創之中。仍寓矜全之意。所謂不為已甚。去已甚也。將此通諭知之。

○諭軍機大臣曰。蔡新以大學士予告在籍。朕念其耆舊老成。眷注優隆。恩禮兼至。伊感激圖報。亦當與他人不同。其平素謹慎。於地方尋常公事。不輕干與。本屬搢紳居鄉之理。至若閩省州縣倉庫。在在虧缺。積至二百餘萬之多。督撫藩臬大員。種種婪贓。盈千累萬。甚至臬司竟敢於人命重案。舞文勒索。官方吏治。敗壞至於此極。蔡新在籍閣臣。乃亦視同膜外。從無一語陳奏。朕從前於蔡新素加恩禮。今乃扶同隱諱。自比寒蟬。全無體國公忠之意。殊負朕數十年眷禮深恩。蔡新清夜捫心。寧不自愧。著將因何隱忍不奏之處。據

實明白回奏。乙酉。

上詣

雍和宮行禮。普免天下地丁錢糧。諭朕自臨御以來。勤求民隱。日有孜孜。惟期藏富於民。家給人足。仰荷

昊蒼眷佑。

列祖貽庥。寰寓昇平。重熙累洽。行慶施惠。閭澤頻加。節經普免。天下漕糧三次。地丁錢糧四次。其餘遇有偏災。隨時蠲賑。不下億千萬兩。近將各省積欠錢糧。概行蠲免。又復數千餘萬兩。所以予惠元元。休養生息者。至周且渥。今朕紀年慶符。周甲丙辰元旦。舉行歸政典禮。為嗣皇帝登極初元。大廷授受。篤祐延釐。實為曠古吉祥盛事。允宜廣沛恩綸。俾薄海羣黎。共霑湛愷。本欲於新正傳位後降旨。但思二月間。即屆開徵之期。恐遠省接奉稍遲。著即將嘉慶元年各直省應徵地丁錢糧。通行蠲免。以示朕與嗣皇帝愛育閭閻。同錫恩

施至意。其如何按年輪免之處。該部查照覈議具奏施行。又諭刑部具題福建民人金文忠謀毒謝章氏致斃母子二命一案。該撫將不即首報之鄰佑金文蘭聲請免議。刑部亦率照原擬已降旨飭行矣。此案係閏二月之事。自尚屬浦霖任內定擬錯誤。但魁倫具題時未經改正。亦有不合。且審辦命案。縣府定案。由道覈轉臬司詳擬。該司道及守令等未將金文蘭治以應得之罪。亦屬疎漏。至謀命重案。兇犯到案。往往飾詞狡展。得有從旁質證之人。使無從抵賴。豈不易於完結。地方官於隣佑首告時。量加獎賞。伊等自必聞風踴躍。乃不肖官員。不但加之獎賞。轉任吏胥從中勒索。拖累耽延。無怪其畏懼不敢到官首告。即此可見該省吏治廢弛之一端。魁倫現署督篆。務宜實心整飭。並董飭所屬於審案加倍認真。遇有知法首告之人。量加獎勵。勿使胥役人等藉端需索。即各督撫亦應

一體留心查察。俾良善不至苦累。要案得以速結。方為妥善。諭軍機大臣曰。伯麟等奏盛京所屬除錦縣寧海一隅被旱外。其餘各州縣秋收皆好。新糧雲集。直隸山東等省多有商船往來販運等語。復閱所開糧價清單。內有較上月稍貴之處。本年直隸秋收通計在八分以上。山東則九分有餘。並未聞有歉收之處。盛京糧價既較上月增貴。何以商販等尚紛紛前往販運。因查閱梁肯堂玉德所奏糧價單。逐加比較。如黑豆一項。奉天府屬較之上月貴至二分。而比之直隸山東尚賤至三錢八錢不等。粟米一項。較上月貴四分。而較之直隸山東亦賤至五六錢不等。自係該府尹等所奏糧價。就該處上月價值互相比較。不免稍增。而比之直隸山東時價。則所賤尚多。是以商販圖得利。益爭先前往。目下新糧登市。商船雲集於閭閻。生計更有裨益。該府尹等惟當留心訪察。不可使市儈遏糴。



居奇俾商民兩便方為妥善。丙戌諭前因張秉愚來京引見。朕看其年力就衰。降旨琳寧令其將該員是否尚堪勝任之處據實具奏。今據奏稱張秉愚自春間染患腿疾。精神日就衰憊。難以勝任等語。奉天府丞係兼管學政。有考試之責。未便任衰庸之員。戀職致滋貽誤。張秉愚著以原品休致。飭令回籍。其奉天府丞員缺著該部照例辦理。又諭軍機大臣會同刑部審訊伍拉納。浦霖婪索鹽務陋規。屬員餽送。賊累鉅萬。以致通省倉庫錢糧虧空。累地方洋面盜案一切廢弛。將伍拉納。浦霖問擬斬候。請旨即行正法。一摺。此案前據長麟魁倫查奏到日。朕以伍拉納身任總督。乃於地方洋面任意廢弛。又收受鹽規十五萬兩。黃莫邦銀九千餘兩。婪索多贓。其罪自較浦霖為重。嗣據汪志伊查抄浦霖原籍家產。查出現存銀錢及埋藏寄頓銀兩多至二十八萬。其餘房屋地契物件尚不

在此數。經朕親加廷鞫。據供得受鹽規二萬。及收受黃莫邦銀九千餘兩。外又得受知府石永福知縣史恒岱洋錢等物。贓款累累。是浦霖執法營私。貪贖無厭。竟與伍拉納相埒。從前陳輝祖國泰郝碩等雖皆敗檢踰閑。自干法紀。然陳輝祖止係偷換官物。國泰等亦罪止勒索屬員。而於地方事務及緝捕盜匪等事尚未大至廢弛不辦。是以從寬賜令自盡。今伍拉納。浦霖在督撫任內婪索鹽規。或尚可恕。其收受屬員餽送。賊累鉅萬。甚至人命重案。竟敢藐法徇情。拖斃無辜十命。而於洋面盜匪又並不認真緝拏。以致盜風日熾。且伊轍布串通庫吏。侵虧帑項。錢受椿延案勒索。拖斃多命。種種營私舞弊。伍拉納。浦霖竟若罔聞。一任肆行無忌。加之信任。是其上下通同。分肥飽橐。置民生吏治倉庫錢糧於不問。情罪已屬顯然。朕從來不為己甚。罪坐魁首。是以不加深究。猶幸其事早經發覺。

得以大加懲創。亟為整頓。否則地方吏治廢弛。更不可問。而漳泉等處米價騰貴。商販不行。小民待哺。嗷嗷官吏。更加朘剝。幾至民不聊生。更復成何事體。前此福崧在浙江巡撫任內。任性乖張。侵用帑項。於審明後。即寘重辟。今伍拉納。浦霖。罪更浮於福崧。是竟不能全朕用人。顏面。而伍拉納。自蹈重罪。至於此極。更為有玷。覺羅亦斷難稍從輕典。免其肆市。伍拉納。浦霖。俱著照擬。即行處斬。並派倉場侍郎宗室宜興。刑部侍郎阿精阿。監視行刑。以為封疆大臣。貪黷營私。廢弛侵虧。負恩昧良者戒。此皆因朕數年來。率從寬典。以致竟有如此婪贓害民之督撫。朕當先自責已。嗣後各督撫等。益當各矢天良。倍加儆惕。倘不知潔已奉公。再有廢弛婪索等事。伍拉納。浦霖。即其前車之鑒。毋謂不教不誡也。諭軍機大臣等。據成林奏。安南貢使。仍由廣西湖南漢口取道入京。一摺。前因朱珪奏。湖南

現有軍務。令該貢使由廣西水路。順流經廣東之肇慶等府。至江西沙井起旱。辦理甚為妥協。已交軍機大臣。行知該督撫。沿途即照朱珪所奏料理。並將成林奏。請由湖南一路行走之處。飭令改正。無得謬執已見。今成林接到朱珪咨。送會奏摺稿。仍請由廣西湖南漢口取道入京。自係尚未接奏前旨。此事究以朱珪所見。為是。湖南各州縣。現俱有承辦軍務。刻下大功指日告成。大兵凱旋在即。若沿途又添貢使。經過需用人夫。不無壅滯。前據成林奏。貢使於十月初旬。方可到廣西省城。若成林接奉前旨。遵照改正。固屬妥協。設該貢使業由湖南一路行走。又不可拘泥退回。俾貢使聞知。轉至不成事體。即照該撫所奏。由湖南至漢口取道入京。亦可。成林不可錯誤於前。又復拘泥於後。若尚未由廣西前進。仍遵前旨。照朱珪所奏。改由江西一路行走。無得再有歧誤。至另片稱。朱珪未經接到

粵西會奏摺稿先在東省會銜具奏以致兩岐等語似此汝等必不和矣此事成林在粵西得信在先即應一面知照署督一面會銜具奏今朱珪具奏在先成林奏到已遲仍復固執前見入奏看來成林竟因朱珪係漢員暫署督篆心存忽視更屬非是督撫等遇有會奏事件原應會商妥辦今朱珪所見本為周妥而成林輒以朱珪具奏在先意見齟齬甚非同寅協恭之道成林著傳旨嚴行申飭

以後辦理諸務必當和衷商辦無得謬執已見致干咎戾旌表守正捐軀河南鹿邑縣民蘇孝先女蘇氏戊子諭前因魁倫奏奏閩省倉庫虧缺及洋盜肆劫各情特派長麟由廣東前赴閩省秉公審辦乃伊節次奏到之摺於伍拉納浦霖等扶同舞弊及婪索贓款並不據實查奏直至朕屢次飭諭嚴查始行和盤托出是其沽名取巧於此案意存化大為小殊負委任因降旨將長麟革職並將

伊在京家產查封以為辜恩徇庇之戒亦欲觀其是否家擁厚貲如伍拉納浦霖之貪污肥橐以驗伊在督撫任內是否尚能謹飭或者亦如伍拉納等之貪賄積家產至三四十萬之多亦當別問今據查出房產地畝衣服等件尚不為多且長麟之罪止於好名觀望瞻徇而已其才具亦尚不至終於廢棄將來仍當加恩賞給職銜派赴新疆辦事所有現在查出長麟京中房屋地畝及衣服什物俱著

交軍機大臣酌擬加恩賞還以資當差之用朕於臣工罪譴無不權衡至當於懲創中曲寓矜全督撫等惟當各矢天良砥礪廉隅勉飭簞簋以副朕宥過施恩至意己丑諭曰惠齡奏湖北荆門天門二州縣因本年五月間連降大雨漢水盛漲隄陡被水漫並及下游之潛江沔陽等屬低窪處所均有被淹等語荆門等各州縣因夏間雨水盛漲各隄垸均有被淹雖據該撫飭同該管道府等

勘明被水各垸早經涸出均屬薄有收成但查各該處上年今年疊遇水災元氣一時未能盡復所有本年應徵錢糧若一律催徵民力更形拮据著加恩將荊門州之馬上一等九圖潛江縣之長一等二十九垸天門縣之連魚園等二十七垸沔陽州之小石等二十八垸本年應徵錢糧緩至次年麥熟後徵收以示體恤該撫惟當督率所屬妥為經理俾小民均霑實惠以副朕軫念閭閻恩加無已

至意該部即遵諭行又諭曰蘇楞額奏海州分司所屬板浦中正臨興三場本年六月間因雨水過多間有被淹之處現在查明該處被水處所業經設法疏消未淹高地秋禾仍屬有收實係勘不成災等語板浦中正臨興三場本係沿海瘠貧之區今因夏秋雨水過多間被淹浸雖勘不成災但將來冬令鹽花歸土謀食維艱若將折價錢糧照常徵收電力未免拮据所有板浦中正臨興三場

應徵本年壓徵五十九年折價錢糧著加恩緩至明年麥收後啟徵分作二年帶還俾海隅貧窶並臻寬裕以示朕軫恤加恩至意○陞任廣東巡撫署兩廣總督朱珪疏報乾隆五十九年分恩平縣開墾額外荒地一項有奇○庚寅諭軍機大臣等據吳璥奏續收小錢解赴直隸歸局鎔銷一摺河南山東等省向無錢局所收小錢俱解交直隸歸局鎔銷但現在正屆停鑄此項小錢收貯後作何籌

辦直隸省收到小錢共有若干著梁肯堂即行查明具奏至各省查辦小錢為日已久是否收繳淨盡其有鼓鑄省分現俱停鑄所收小錢是否先行鎔銷存貯何處若未經銷燬恐存積日久吏胥從中舞弊又復偷賣行使小錢仍至充斥是收繳小錢祇屬有名無實或致日久生懈並著傳諭各督撫將現在小錢收繳後如何籌辦能否依限淨盡之處一併據實覆奏命少詹事曹城提督山東學

政。辛卯諭軍機大臣曰。魁倫等奏審明械鬥斃命各犯一摺。已交軍機大臣會同該部速擬具奏矣。錢受椿身為臬司。種種營私舞弊。甚至延案勒賄。拖斃多命。罪不容誅。前令解京。原欲親加廷訊。盡法懲治。示儆。今思伊職分尚小。不足加之廷鞫。外省押解人犯行程不能迅速。此時即已起解。亦不過甫入浙境。且錢受椿倚恃督撫聲勢。性情乖張。貪縱妄為。閩省官民自必羣懷忿怨。傳諭魁倫接奉此旨。如錢受椿尚未起解。即毋庸解京。如已抵浙境。即著吉慶派委滿洲道員小心管解回閩。交該署督撫親視刑夾。二次重責四十板。再傳集在省官員。監同正法。俾觸目儆心。以為軌法營私。謬妄貪黷者戒。至饋送錢受椿等各員。雖由上司勒索。究非潔已守分之人。僅予褫革。未足示儆。著交與魁倫等。於清查虧空完竣後。若各該員尚有侵虧情節。自應從重問擬。若止於饋送。亦當分別定以

遠戍。而此內史恒岱一員。既送浦霖銀兩。又送錢受椿物件。石永福則於饋送浦霖一節。尚思掩飾。不即自行供首。此二人如另有侵虧之處。固當按律問擬。如亦不過止於饋送。應擬遣伊犁。此案夤緣各員。俱當永不叙用。以昭儆戒。前降諭旨。除浦霖等供出饋送各員外。不必再加深究。以示不為己甚之意。然既已供出。亦不得不加之懲創。以肅官方。而澄吏治。又諭曰。魁倫等奏審擬長泰縣械鬥一案。已交軍機大臣等速擬具奏。及議上朕覆。加詳閱其中情節。尚屬可疑。此案林薛二姓。因爭水起衅。糾眾械鬥。自應互有殺傷。何以林姓被殺者共十六名。尚有受傷者二名。而薛姓被殺者僅有一名。即云薛姓人數較多。其殺傷人數亦不應如此多寡懸殊。此尚係上年六月之案。至今審結業已遲至年餘。且魁倫姚榮俱非原辦之人。無所用其迴護。著再交與該署督撫。即提集案證。悉心研

鞫如另有別情不妨據實改正不必因長麟定擬具奏在前急於完案稍存遷就倘薛姓實係恃眾行兇傷斃多命則法無可貸此案業經軍機大臣等照覆著將所擬原摺一併發去該署督等審明後如果情真罪當即可將應行正法人犯一面辦理一面奏聞若尚未確實事關斬決多犯不可稍有草率以致屈抑方為妥善尋奏林姓人數本少兼又猝不及防是以致斃多命反覆研鞫委無別情

應照原擬辦理報聞○禮部奏冬至節應行慶賀禮得旨本年冬至次日著停止行禮○旌予故兵部尚書劉綎祭葬如例謚恪簡○旌表守正被戕順天宛平縣民李庭文妻張氏壬辰諭據福康安等奏額勒登保德楞泰始終奮勉勇往出眾並將節次奮勇打仗人員分別開列名單奏請施恩等語額勒登保德楞泰屢經出師此次勦捕苗匪復倍加奮勇實為可嘉著加恩俱授為內大臣三等侍

衛三布奈補授二等侍衛護軍校和新布補授三等侍衛護軍叅領長山著賞給永托魯巴圖魯叅將穆克登額著賞給薩勒杭阿巴圖魯遊擊姜敏功著賞給嫺勇巴圖魯雙麟著賞給伊清阿巴圖魯都司褚大榮著賞給衛勇巴圖魯千總姜文彬著賞給剛勇巴圖魯馬金瑞著賞給堅勇巴圖魯劉永清著賞給固勇巴圖魯把總胡慶元著賞給健勇巴圖魯何化隆著賞給壯勇巴圖魯土守備多日爾濟著賞給達布沁巴圖魯守備日占爾濟著賞給密扎克巴圖魯名號仍著照例各賞銀一百兩以示鼓勵諭軍機大臣等向來屯練降番其官階至土守備而止十餘年來遇有征調奮勇出力者疊經加恩賞給二三品職銜並准食副將叅將實俸其屯土兵丁亦賞給錢糧二千分但以千總守備等員即賞二品頂戴究於體制不協該屯練降番等久隸總督提鎮管轄原與內地營員無異

即職分較大亦可隨時約束與其賞給虛銜  
莫若酌添實缺或由守備以次遞設都司遊  
擊叅將至副將而止該處兵丁錢糧前已加  
恩酌給二千分但均勻分撥所得無幾亦應  
酌量增添普霑恩澤著福康安和琳會同妥  
議具奏俾兵弁多得上進之階生計又資寬  
裕以示優獎勤勞一視同仁至意

實錄卷之二十一

十一

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百八十八

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百八十九

監修總裁官經筵講官太子太傅文淵閣大學士文淵閣領侍衛內大臣稽察欽奉 上諭事務處管理  
吏部理藩院事務正黃旗滿洲都統世襲騎都尉軍功加七級隨帶加一級年貢加二級軍功紀錄一次  
總纂官經筵講官太子太傅文華殿大學士文淵閣領侍衛內大臣稽察欽奉 上諭事務處管理刑部戶部  
世襲騎都尉軍功加十九級隨帶加二級又加二級臣董誥內大臣戶部尚書總纂官滿洲都統軍功紀錄五次  
尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆六十年乙卯十月癸巳策試中式武舉

邱飛虎等三十二名於太和殿前○甲午諭  
據福康安等奏查明滇省應付兵丁口糧均  
係動用倉穀無礙民食等語此次苗匪滋事  
滇省先後派調官兵所有應付口糧俱於常  
平額貯動撥碾運並不向市集採買於民間  
食用毫無妨礙承辦各員經理尚屬妥協俱  
著該督撫查明咨部議敘○諭軍機大臣曰  
秦承恩奏請採買臯蘭固原二州縣常平倉  
糧以備供支一摺據稱現在市價中平應飭

臯蘭縣照額採買糧十萬石。固原州採買糧八萬石。並照向定章程。上色不得過二兩。下色不得過一兩二錢。責成本管道府。照依時價購買等語。所奏殊屬自相矛盾。此項糧石。既照時價採買。則市集價值。自有低昂不等。而該署督又定以上色不得過二兩。下色不得過一兩二錢之數。設該處時價平減。上色糧石無須二兩。下色糧石無須一兩二錢。則所定採買價值。俱有浮多。其多出者。與之民

爭。豈不任承辦之員。私行肥橐。若該處時價較昂。視所定之數。尚不敷採買。而概以二兩及一兩二錢。飭令購辦。勢必向民間減價勒買。更屬累民。二者必居一於此。况五十六年。該省採買倉糧。臯蘭縣止五萬石。固原州止三萬石。迄今將及五載。尚有餘存。本年甘省臯蘭縣間有被雹地方。涇州等處。又因旱減收。且蘭州等屬。止產粟米小麥青稞等項。不產大米。附近西安地方。亦有被旱處。所得

率於臯蘭固原兩處採買倉糧十八萬石之多。寧不有妨民食。即云該處常平倉糧動存無幾。而臯蘭固原二處。每年應需供支之項。不過五萬餘石。又何妨酌量一二年應需數目。稍為買補。俟將屆用完。再遇豐收。續行購辦。庶於倉儲民食。兩有裨益。乃秦承恩一時遽請採買十八萬石。此非地方官趁新督署任。思欲借端派累。而何秦承恩讀書老實。易為屬員所愚。即此可見。著該署督查明該處

倉糧。現在存貯若干。倘實在不敷。亦應酌量一兩年應需數目。動價買補。或仍仿照五十六年之數。亦可有盈無絀。毋得輕聽屬員一面之詞。採買過多。致有從中侵肥。勒派累民等事。並將既照時價購買。何以又定二兩及一兩二錢數目之處。據實覆奏。至五十六年採買倉糧。係勒保任內具奏辦理。彼時購買。自即照此次定價採辦。若時價平減。動項必有贏餘。又歸何處。否則必係減價勒買。其從



前如何辦理之處。並著勒保一併據實覆奏。毋得稍存迴護。以太常寺卿恒傑為內閣學士兼禮部侍郎。○乙未

上御紫光閣。閱中式武舉騎射。○諭據魁倫奏福建漳州。泉州。興化等府。所屬漳浦等縣。疊被水旱。親往勘明漳浦。海澄。詔安。龍溪。惠安。晉江。莆田。七縣之沿海地畝。猝被海潮淹浸成災。此內海澄。詔安。漳浦。龍溪。惠安。晉江之距海較遠地畝。併長泰。南靖。平和。安溪。同安。

南安等縣。俱被旱歉。牽算尚有六分。例不成災等語。閩省漳泉等屬。被潮被旱。前據長麟等奏到。即先降旨緩徵。今著再將漳浦。海澄。詔安。龍溪。惠安。晉江。莆田。七縣沿海地畝。猝被淹浸。受災較重之處。所有本年應納錢糧。概予加恩豁免。並先給一月口糧。以資日食。此內漳浦等縣。距海較遠地畝。及長泰。南靖。平和。安溪。同安。南安等縣。同時被旱。歉收雖牽算收成尚有六分。例不成災。但民力究

恐拮据。即遵前旨。將各該屬受旱地畝。應徵本年錢糧。緩至明年早收後。啟徵。以紓民力。該署督撫等。務須董率所屬。妥協查辦。俾窮簷均霑實惠。毋致胥役人等。從中滋弊。以副朕軫念民依。無使一夫失所至意。○又諭據魁倫奏。琉球國貢使到閩。委員護送進京。及遣送朝鮮國遭風難民回國二摺。琉球國貢使於本年五月內。即已到閩。朝鮮國遭風難民。亦於三月內抵省安插。俱應早為具奏。乃

伍拉納浦霖在任時。並不即時奏辦。是伊等廢弛貽誤。於地方內外諸事。一概置之不問。但知受賄延挨時日而已。可見死有餘辜。長麟魁倫。接任後。亦應查明早奏。何以遲至此。時始行具奏。咎實難辭。除長麟業經革職外。魁倫著交部議處。所有朝鮮遭風難民。閩省既無通曉伊等言語之人。自應即交護送琉球國貢使之委員。於十二月封篆內。一併伴送進京。俟朝鮮年班貢使回國時。順便帶回。

以示體恤。○又諭曰：湖南苗匪滋事，經福康安和琳統領大兵痛加剿戮，賊勢萬分窮蹙。探知秀山兵少，潛往滋擾，冀圖牽綴大兵。經孫士毅督率將弁奮勇剿殺，割獲首級二百餘顆，生擒賊匪楊老倫、吳老四二名。當即審明正法。所辦實屬可嘉，於防守後路事宜甚為周到。孫士毅著交部從優議敘，其奮勇出力之將弁並著孫士毅查明咨部議敘。○諭軍機大臣曰：孫士毅奏據楊老倫等供稱石代嘴本是貴州踏車人，與石柳鄧石三保起事後該犯又各自糾合苗子另作一起，要往洪安一路燒搶等語。是石代嘴乃分路為首滋事之犯，其罪斷不可宥。現在福康安等帶兵各員內額勒登保尚屬曉事，常明此次隨營打仗亦為出力。令伊二人酌帶順路應回之官兵四五百名前往洪安一帶實力搜緝。務將石代嘴速拏務獲，勿任漏網。此外他處肆擾賊匪亦必有分路為首如石代嘴者，福

康安和琳於隨營出力新陞之司道內酌量揀派於德楞泰穆克登額花連布等內亦各派一人每處一文一武分路帶應回之兵前往訪查拏獲嚴辦。並諭知各該員等但須捕獲首犯又不可任聽弁兵等率行妄拏屠戮致有株連拖累。總宜殲厥渠魁脅從罔治以示懲創而靖地方。再石代嘴籍隸貴州可見該省苗匪與石柳鄧石代嘴勾結煽惑者尚不乏人。並著馮光熊就近留心稽察。所有黔省各後路務飭該管將弁加意防範不可稍有疎虞。致令匪徒乘間竄回。○又諭曰：魁倫奏漳泉二府屬縣倉穀多無存貯，來歲青黃不接之時米價勢必加增。臺灣雨水偶缺請於福州福寧及上游各府照依市價先買米十萬石分貯漳泉以備來春平糶等語。漳泉一帶偶遇歉收各屬倉儲雖應酌籌買補以備來春借糶之需但為期太早且福州福寧及上游各府屬雖俱豐收惟各該府距漳泉

一帶道路遙遠。山徑崎嶇。運送穀石。已自不易。況採買至十萬石。為數不為不多。同時採買。亦恐福州福寧等處。或致米價騰貴。是因漳泉明年之計。先致福寧等處。目前恐有米貴之虞。於民食更有關礙。朕於此事。甚為厯念。因思臺灣雖夏間雨水偶缺。糧價未能平減。但該處向稱三熟。漳泉一帶所需米穀。向資該處接濟。且據魁倫奏稱漳泉各屬。現撥省倉及廈門。光澤各倉米石接濟。目下可期。

無慮。是買備之需。止儲來春平糶之用。此時亦稍覺過早。與其向內地採買。運送維艱。有妨民食。莫若探明臺灣秋冬糧價實在情形。稍為等待。一俟該處價值平減。仍就近由臺灣採買。既省山路運送之煩。而一水可通。轉運更易。內地亦不慮採買過多。市價驟昂。較為兩便。魁倫務須悉心斟酌。隨時揣度通省情形。妥協籌辦。務俾各處民食。均屬裕如。毋致左支右絀。以副委任。尋奏查臺灣現在晚

禾收成。計閩郡不過七分有餘。其糧價雖較漳泉各屬稍賤。但比該府常時已覺過昂。請委員赴該處體察情形。如日內即就減落。即照時價買運報聞。○軍機大臣等議奏丙辰舉行

傳位大典。所有各該衙門。並各直省應行遵辦各事宜。○丙辰年

歸政。

嗣皇帝登極。頒發

傳位詔書一道。鈐用

太上皇帝之寶。次用

皇帝之寶。所有

恩詔條款。一體叙入。○

太上皇帝諭旨。稱為

勅旨。○

太上皇帝仍稱朕字。○丙辰年

太上皇帝起居注。

嗣皇帝起居注。交該衙門敬謹分纂。○題奏行

文。凡遇	天	祖等字。高四格。擡寫。	太上皇帝。高三格。擡寫。	皇帝。高二格。擡寫。○恭遇	太上皇帝慶節。稱	萬壽。	嗣皇帝慶節。稱	萬壽。○恭遇	太上皇帝萬壽慶節。及元旦冬至令節賀表。	嗣皇帝萬壽慶節。及令節賀表。俱由內閣撰擬	表式。一體頒發遵照。○丙辰年恭進	列祖。	列宗。	實錄。文內閣循照向例。按期於	嗣皇帝前恭進。○丙辰年恭遇	大祀。由各該衙門具題。	嗣皇帝親詣行禮。其中祀小祀。應行分別
------	---	-------------	--------------	---------------	----------	-----	---------	--------	---------------------	----------------------	------------------	-----	-----	----------------	---------------	-------------	--------------------

親詣恭代之處。俱循照向例題請。○經筵耕藉	大閱。傳臚各典禮。屆期由各該衙門奏請	嗣皇帝循例舉行。○恭遇	太上皇帝萬壽慶節令辰。一切典禮應用樂	章。另行恭擬。交樂部遵用。○恭遇	太上皇帝	嗣皇帝慶節令辰。及掖	輦巡幸地方。內外大臣。恭遞慶賀請	安摺。俱繕備二分呈遞。其隨奏事件請	安摺。俱照常繕備一分呈進	嗣皇帝批閱。○外廷筵宴。由各該衙門循例奏	請	嗣皇帝恭奉	太上皇帝親御宴座。	嗣皇帝侍坐。一切儀注。臨時具奏。○各部院衙	門題本改籤放缺奏派各項差使。俱循例題	奏。恭候	嗣皇帝批閱遵行。其各部院衙門。及各省題奏
----------------------	--------------------	-------------	--------------------	------------------	------	------------	------------------	-------------------	--------------	----------------------	---	-------	-----------	-----------------------	--------------------	------	----------------------

事件。俱照常式恭繕

皇上睿鑒字樣。後書嘉慶年號。按照向例呈進。

不必繕備二分。御門聽政。

嗣皇帝折本示期遵辦。鄉會試殿試朝考。最

館。及一切考試題目。由各該衙門循例奏請

嗣皇帝命題考試。

嗣皇帝登極後。應請

太上皇帝勅旨。

冊立皇后。所有應行典禮。交各該衙門循例遵

行。丙辰年元旦。

奉先殿。

堂子。行禮。在未

傳位以前。

皇太子隨

皇上行禮。陛見文武大員。及新授道府以上。

具摺恭請

太上皇帝恩訓。

嗣皇帝恩訓。丙辰新正遞丹書克。仍係奏

太上皇帝詞句。且有賀六十年國慶之事。應請  
仍於

太上皇帝前恭遞。得旨。依議。丙申。

上御紫光閣。閱中式武舉技勇。以陝甘督標

中軍副將徐昭德。為甘肅巴里坤總兵。丁

酉。

上御太和殿傳臚。賜中式武舉一甲卅飛虎陳

崇勳馮元三人。武進士及第。二甲鄒鳳翔等

五人。武進士出身。三甲關瑞龍等二十四人。

同武進士出身。戊戌。

上諭皇太子。皇子。軍機大臣曰。朕續紹洪圖。懋

膺

景祚。仰荷

祖

宗眷佑。篤祐延釐。周甲紀元。舉行歸政典禮。一

切事宜。斟酌成法。期於可行。不事虛文。我子

孫皆可永遠遵循。惟念禮經所載。廟制恭崇。

天子享祀告虔。惟於祖廟升禋展孝。至漢代

始別立原廟。後世踵行故事。增置滋多。其制原非近古。我朝開國承家。於

太廟歲時禘祫。對越駿奔。典制最為隆備。又仿原廟及前明之制。在

奉先殿以時行禮。已足伸愼聞俊見之思。雍正年間。復於景山建

壽皇殿。乾隆年。圓明園移

恩佑寺奉安

皇祖神御於

安佑宮。敬將

皇考神御一體崇奉。所謂有舉莫廢。朕不敢奉

皇考神御於

雍和宮。意在此也。然揆諸古制。已屬有加。此後

更可毋庸增設。我國家景運延洪。繩繩萬禩。

若繼體之君。皆欲特為所生崇祀。以展孝思。

於父皇平日居處燕息之地。奉安御容。非特

於禮制未符。而宮庭之內。供奉亦無餘地。

且增設處所過多。豈能一一躬親行禮。勢必別遣恭代。轉非精裡專壹之義。朕御極以來。

因

雍和宮為

皇考肇封潛邸。禮應祇肅潔蠲。不可賜為第宅。

爰即舊時宮殿。供佛莊嚴。每歲親詣拈香。以

伸瞻慕。又

慈寧宮為

聖母皇太后所居。頤和益壽。最為吉祥福地。後

世子孫。逮事慈幃。即可於此承歡隆養。至重

華宮。為朕藩邸時舊居。朕頻加修葺。增設觀

劇之所。以為新年宴賽。廷臣賦詩聯句。及蒙

古回部番眾錫宴之地。來年歸政後。朕為太

上皇帝。率同嗣皇帝於此。臚歡展慶。我後世

子孫。亦能如朕之躬膺上壽。諸福備臻。再舉

行禪授盛典。即可遵循例事。太上皇帝於正

殿設座。嗣皇帝於配殿設座。以迓蕃禧。而伸

孝養。實乃億萬載無疆之慶。朕臨御六十年。

殿庭園籞俱為朕臨憩之所。將來我子孫祇循前典。惟當於

壽皇殿。

安佑宮舊奉

神御處所。一體展敬。足抒孺慕。設因重華宮係朕藩邸舊居。特為崇奉。勢必局閉清嚴。轉使歲時錫慶之地。無復燕衍之樂。何如仍循其舊。俾世世子孫。衍慶聯情。為吉祥福地之為愈乎。現在重華宮陳設大櫃一對。乃

孝賢皇后嘉禮時裝奩。其東首頂櫃。朕尊藏

皇祖所賜物件。西首頂櫃之東。尊藏

皇考所賜物件。其西尊藏

聖母皇太后所賜物件。兩頂櫃下所貯。皆朕潛邸常用服物。後世子孫隨時檢視。手澤口澤存焉。用以篤慕永思。常懷繼述。是則孝之大者。正不在多為崇奉。以致蹈禮煩則亂之戒也。著將此旨敬錄二通。一存貯重華宮。一存貯尚書房。用昭世守。○諭曰。長麟等奏浙江

定海鎮總兵謝斌患病甫愈。年力漸衰。難望其再圖振作等語。謝斌著以原品休致。所遺定海鎮總兵員缺。專駐海洋。甚為緊要。著魁倫吉慶。於閩浙二省熟諳水師總兵內。揀選一員調補。所遺員缺。著王凱補授。○又諭曰。康基田向於河務情形。尚為熟習。是以在臬司任內。令其兼管河務。但江南刑名事務較繁。恐康基田不能兼顧。現在山東運河道羅煥病故。運河關係糧運。兼有黃河事務。亦關緊要。而山東臬司一缺。較江南尚簡。康基田著調補山東按察使。仍兼管河道事務。其江蘇按察使員缺。即著布顏調補。山東運河道員缺。著策丹調補。○諭軍機大臣等。江蘇按察使。為江蘇江寧兩處刑名總匯。事務較繁。布顏是否尚能勝任。著傳諭蘇凌阿。費淳。俟布顏到任後。留心察看。據實具奏。○又諭曰。長麟等覆奏庫吏周經。與伍拉納等通同弊混一摺。周經以微末庫吏。侵虧帑項。多至八

萬餘兩實屬目無法紀。審明後即於該處正法以示炯戒。至此案魁倫以將軍署理督篆於地方事務。未能諳悉。長麟久任封疆。經朕特派前往查辦。乃一味沽名取巧。殊負委任。是以降旨革職。實為權衡公當。想長麟亦自當心服也。○旌表守正捐軀河南唐縣民張景德女張氏。○己亥。

上諭皇太子皇子軍機大臣曰。國朝舊典最重祭

神如遇有服制。百日之內。例不雜髮。即不舉行祭祀。朕思三年之喪。自天子達於庶人。通行已久。從前

皇祖升遐時。

皇考即欲行三年之禮。經王大臣等再四敦勸。

勉從國制。

皇考龍馭上賓之日。朕亦欲仿行古禮。爾時王

大臣等亦曾奏勸。朕皆不允。因奏知

聖母皇太后。蒙

嚴諭皇帝此舉差矣。我朝舊制。服孝不應雜髮。設三年之久不雜。與前代漢人蓄髮何異。且祭

神最為吉禮。若因不雜髮。遂三年不祭

神。更非吉事。且於國典有關。此斷斷不可之事。

朕承

慈訓諄諄。實為至當不易。初未念及此也。彼時

即祇遵

聖母訓諭。不敢泥古。今朕仰邀

昊春御極六十年。舉行歸政大典。凝禧篤祐。衍

慶方長。將來嗣皇帝如亦欲仿行古禮。當思

天子之孝。與士庶異。我皇清之制。與漢姓殊。

嗣皇帝仔肩重器。惟當效法

祖宗及朕敬

天愛民法

祖勤政。勉承付託。此即孝之大者。且朕歸政後。

嗣皇帝以天下養。仰承朕志。舉措得宜。俾海

寓咸臻郅治。合萬國之歡。以奉予一人。寧不



愈於斤斤法古耶。特恐後來書生之見。猶不免以事不師古為言。不知純孝篤慕。惟在寸心之誠。孔子所答宰予之語。但當存此心。而難盡拘其跡。若必泥行此禮。則蓄髮三年。又與改裝漢人何異。且必有因此而慙。慙改服制者。前代北魏。遼。金。元。初亦循乎國俗。後因惑於浮議。改漢衣冠。祭用袞冕。一再傳而失國祚。是以

祖宗垂訓。無得改用漢人服色。實萬萬年貽謀

燕翼之道。設云天子應服袞冕以祀天。不服

袞冕。即非敬天之義。則我國家用本朝禮服。

將事

郊壇。百數十年來。累洽重熙。懋膺

洪貺。我

聖祖仁皇帝踐阼六十一年。逮至朕躬。紀元周

甲。復舉行禪授盛典。享國延長。兩朝共閱百

二十餘年之久。

昊天眷佑之隆。孰踰於此。較之北魏。遼。金。元。輕

改服色。轉不克享

天心。未數傳而不祀者。得失豈不彰明較著哉。

若後世無識之徒。復有循古衣冠之議者。即

可執此論以破其迷。總之事貴斟酌成法。期

於可行。我國家素敦醇樸。不尚繁文。即如本

日太常寺具奏。准禮部咨稱。

孝儀皇后神牌升祔

奉先殿。前期告祭

天。

地。

太廟一事。亦未免失當。

孝儀皇后。乃朕因係嗣皇帝生母。恩旨冊贈。

止應於

奉先殿祭告。若因此而舉行

天

地

廟祀大典。轉鄰於瀆。已著不必舉行。後世子孫

遇有冊贈母后。即遵朕此旨辦理。以昭虔敬。

而省煩瀆。此旨亦著。敬錄二通。一存貯尚書房。一存貯內閣。我世子孫。其欽承無忽。○太常寺奏。本月二十七日。

孝儀皇后神牌升祔。

奉先殿例。應前一日遣官告祭。

天。

地。

太廟後殿。謹將宗人府送到親王等職名。繕請欽點。得旨。著不必舉行。○庚子諭曰。吉慶奏。

浙江通省晚禾收成。統計九分有餘。棉花收成。實有十分等語。覽奏深為欣慰。浙省本年晴雨調勻。年歲豐稔。各屬收成。數計在九分以上。沿海地方。棉花亦極為暢茂。收成實有十分。洵屬昇平盛事。但年歲豐登之後。小民往往因倉箱充裕。戶有盈餘。不免任意奢靡。致蹈樂歲粒米狼戾之事。正當乘此年穀順成。多為蓄積。方可有備無患。吉慶務須勸諭小民。共敦節儉。所謂食之以時。用之以禮。

使閭閻皆有蓋藏。以為耕九餘三之計。而該撫以及地方官員。亦不可因時值豐收。遂爾意存自滿。稍涉侈泰。惟當益深敬惕。撙節愛養。既富加教。承

天貺而厚民生。庶為不負司牧之任。○又諭。向來順天府治中直隸人員。俱不迴避。但治中所管事務。究係順天地方。密邇鄉里。以後亦著迴避。○諭軍機大臣曰。江蘭奏新設稅口。試抽定額。並查辦小錢等事。覽奏俱悉。至稱

滇省小錢。民間樂於呈繳。惟窮鄉僻壤。尚未能一律淨盡。現同福康安再行出示。嚴飭文武。盡數查繳等語。殊屬虛文。福康安現在湖南。勦捕苗匪。於滇省地方事務。安能兼顧。況福康安已調任閩浙。滇省非其所轄。乃於查繳小錢之事。仍奏稱現同福康安出示。而試抽稅口一摺。亦與福康安一同列銜。均屬無謂。最為外省陋習。江蘭現任滇省巡撫。於地方應辦事宜。惟當率同地方文武。認真查辦。

何必徒務虛文。至所稱試抽稅口。儘收儘解。如有盈餘。歸入每年稅餘項下。報部等語。外省稅口盈餘。地方官稍有需潤。自所不免。但不可如山西潞安府之鐵稅。每歲出息。多至數萬兩。徒供地方官牟利剝削。該撫尤當實力稽查。毋得視為具文。以一奏塞責也。○辛丑諭曰。富尼善之母年老。著將伊留京。勒里善著調補京口副都統。所遺員缺。即著富尼善補授。○諭軍機大臣曰。梁肯堂奏河南山東二省。及長蘆等處收繳小錢。解送直隸。歸局鑄銷。節次鑄試。每百觔須鑄別三次。方得銅鉛六十觔。而此內砂殼居多。剪邊較少。鑄銷之下。未免銅少鉛多等語。前因小錢充斥。節經降旨。飭令小民呈繳。設法收買。隨時鑄銷。原以杜私鑄之弊。並非欲藉鑄化小錢。為多得銅觔起見。該省既未能如法鑄銷。何不即將此項錢文。遇便搭解送京。歸局傾銷。著該督酌量情形。或遇便由水路解送京局。亦

無不可。但不必專員解送。如有礙難辦理之處。亦不妨據實具奏。至該省現在市集行使。雖均係制錢。惟外來商賈攜帶錢文。間有小錢攙雜一二。此亦在所不免。惟在該督實力查辦。務使小錢一律淨盡。不致仍前充斥。久而生懈。方為妥善。○壬寅諭軍機大臣等。據陳淮奏查獲錢受椿家人攜帶財物一摺。錢受椿係福建府道。洊擢臬司。今據陳淮查出伊家人攜帶財物。已至鉅萬。是其平日各任內。惟知婪贓受賄。不可枚舉。實為可惡。若止交魁倫等刑夾重責。恐外省習氣。不免虛應故事。不足示儆。著傳諭魁倫等。如接奉前旨。業將錢受椿正法則已。若尚未明正典刑。仍著派委委員。小心迅速管解送京辦理。並飭委員沿途加意防範。毋任有畏罪自戕等事。○癸卯。以翼日

孝儀皇后神牌升祔前期告祭  
奉先殿遣皇八子儀郡王永璇行禮

孝儀皇后神牌奉安

孝賢皇后陵

享殿前期告祭

孝賢皇后陵遣皇十七子多羅貝勒永璘行禮

○命重舉千叟宴諭我國家重熙累洽景運昌明綏萬屢豐中外禔福所以涵濡休養咸登仁壽者實為史冊所罕觀我

皇祖聖祖仁皇帝冲齡踐阼統馭寰區仁漸義摩熙熙皞皞康熙年間曾舉行千叟宴與天

下臣民躋壽寓而近繁禧為千載一時之嘉會朕誕膺丕緒敬紹鴻圖夙夜孜孜勤求治理仰賴

昊蒼篤佑

列祖貽庥海宇乂安人民樂利曾於乾隆五十年乙巳恭照

皇祖千叟宴舉行盛典迄今已逾十年逢吉康彊精神純固明歲丙辰紀元周甲躬舉授受上儀尤屬曠古所未有天下臣民歌詠太平

期頤衍慶者此十年內又不知凡幾允宜再啟耆筵以紀重光之盛著於明年正月初吉再舉千叟宴盛典惟是前次乙巳朕壽七旬有五是以六十歲以上者俱令預宴明年朕壽八旬開六若仍照前次六十以上即准入宴年齒皆如兒輩長幼懸殊轉為未協此次應自七十歲以上准其入宴用示朕介景延祺申錫無疆至意所有一切事宜著各該衙門照上次之例敬謹豫備○又諭前因武殿

試呈進策題朕以文殿試向憑策以定甲乙至武會試所重原在外場其發策廷試止係循例舉行是以每次所派閱卷大臣不過閣學京堂等官大學士尚書向未簡派所出策題率多敷衍成文而武舉等亦並不能條對自不應載入起居注

實錄之內隨命軍機大臣恭查據奏文武殿試策題向來俱屬載入等語乃本日朕恭閱雍正十一年

世宗憲皇帝實錄三月內文殿試策題載入而十一月武殿試祇載閱視技勇傳臚並未開載策題朕六十年來恭閱祖宗實錄周而復始豈轉有遺忘乃軍機大臣並不細心檢查兩三次率稱文武試策總載實錄護過飾非此豈尋常疎忽可比均著交部嚴加議處○又諭曰勒里善甫自新疆換回又無子嗣其京口副都統員缺著與正黃旗漢軍副都統成策對調○

皇太子率戶工二部臣奏欽惟

皇帝陛下

壽宇延洪

仁恩覃洽解阜叶虞琴之奏普甞民生懋遷率

周府之模通流國寶近自水曹金部遠而藏

地回疆莫不奉九式之良規仰

萬年之鴻號紹

三朝而裕後布四極以懷珍實厚生利用之資

係理財正辭之重越來歲丙辰紀序周甲增

籌迺豫期嘉慶書年初元播

詔近承

慈旨合有寶文陶鎔總本於

大鈞模範勉遵於良冶敢違

成命竊惕下懷伏念錢布為百貨之源事最切

乎羣黎日用載祀歸

一人之統化久洽乎丕冒海隅今八方

澤溥衛尊職貢虔通九牧惟三品利頒泉府輪

廊善仿五銖象有取於大員式孚

乾德號莫崇於

太上最稱

隆名宜秉

一尊長垂萬禩肉好悉依乎

軒製幕文敬勒夫

義年如謂嘉興維新慶當同兆兩字本

庭闈之

命一元偕正朔之頒既經

渙號宣綸宜遵

辰告則請都官制幣量酌卯期志

洪恩於初哉首基聿昭年紀鐫

寶字於京垓億兆益衍符珍永荷

聖慈祇承

天貺子臣不揣冒昧謹率同戶工二部臣合詞

陳請自丙辰年為始寶泉寶源二局錢文乾

隆嘉慶年號各半分鑄至各省俟開鑄之期

亦準此例除新疆等處仍照舊遵行外其衛

藏錢文均令照此辦理從此日引月長泉流

山積體

尊親之共戴鑄總由

堯溥美利於不言行還權子俾荒陬僻壤咸樂

範曰壽曰富之徵且越契踰繩共仰

乾為圓為金之象得旨如所請行○予故喀爾

喀輔國公巴圖濟爾噶勒祭如例○甲辰

上御乾清門聽政○以冊贈

孝儀皇后前期命睿親王淳穎為正使鄭親王

烏爾恭阿為副使是日恭齋冊寶詣

孝賢皇后陵冊贈

令懿皇貴妃為

孝儀皇后冊文曰朕惟離繼照以作明誕膺福

祚坤承天而正位長發祥源賢卜於

天景命方隆於授受貴徵以予追封允協於尊

崇惟

令懿皇貴妃魏氏德著誠莊性昭淑順柔嘉

維則班初亞於三宮式禮無愆秩游升於九

御六五叶黃裳之卜歡奉

萱闈千億開朱芾之占喜宜蘭殿昔篤生夫睿

哲兆協橫庚今懋建夫元良紀行周甲昭茲

來許萬年之歲月方長佑我後人廿載之音

容如昨茲以儲徽克茂繼序其皇吉啟密緘

既正前星之號幸符夙願將循上日之文嗣

服無疆承華有自特溯雲輶於桂闥用懷月

御於椒塗茂舉上儀聿崇升祔茲冊贈為

孝儀皇后於戲本篤慶衍提之德母允垂儀

循名正言順之規子當承統福所基也爾子

孫克紹於鴻圖。禮亦宜之。我國家肇稱之盛。典志維先定。靈其歆承。欽哉。○

孝儀皇后神牌。升祔

奉先殿。寅刻。大學士阿桂。王杰。恭點

神主。

皇太子龍袍補服。詣恭製

神牌處行禮。恭捧

神牌。由

奉先殿左門入。進殿東門。安

神牌於祇見位。恭代行禮。敬升奉於

孝賢皇后神位之次

寶座上。行致祭禮。如大享儀。禮成。奉安於

奉先殿後殿。○

孝儀皇后神牌。奉安於

孝賢皇后陵

享殿。遣皇十七子多羅貝勒永璘行禮。○諭據

福康安和琳奏。勦殺鴨保苗匪。將出力人員。

分別開單。懇請施恩一摺。綸布春著補放頭

等侍衛。色靈額。阿哈保。俱著在乾清門行走。

都司李應貴。著賞趨勇巴圖魯。走練守備丹

志司多爾。著賞則依保巴圖魯。根登太著賞

唐博巴圖魯名號。仍各賞銀一百兩。以示獎

勵。○又諭此次官兵進剿苗匪。所有軍火糧

餉等項。調劑催趲。最為緊要。今據福康安和

琳奏。隨營委辦軍餉各文員。均能奮勉出力。

不辭勞瘁。胡時顯。清安泰。張道源。李亨特。清

泰。田灝六員。均加恩賞戴花翎。傳臚。加恩以

直隸州同知陞用。並賞戴花翎。主事周嘉猷

准其開復。歲貢唐元璫。准以訓導即選。汪汝

弼。賞給監生。准令應試。○諭軍機大臣等。福

建漳泉一帶。年歲歉收。前據魁倫奏。已撥省

倉及廈門米石。設廠平糶。並撥光澤縣截留

存倉之江西米石。趕運接濟。但恐為數尚屬

不敷。本年江西收成豐稔。米糧較為充裕。而

浙江年歲。昨據吉慶奏。九分有餘。或可量為

採買協撥。惟是該二省。距福建漳泉路途較

遠。因思臺灣一歲三熟。此時該處或又獲豐收。可以撥運內地。漳泉等處米價已漸就平減。無須鄰省接濟。固屬甚善。若漳泉米價尚昂。臺灣又無餘米可撥。必須另籌接濟。著魁倫。姚瑩。吉慶。陳淮。彼此會商。將江西浙江兩省米石。如何設法運往。腳費不致過多。可以迅速接濟。又免意外疎虞之處。通盤籌畫。熟商定議。妥協辦理。俾小民口食有資。方為妥善。仍著魁倫等。將臺灣秋冬米價。若何。是否可以採買運赴漳泉之處。及作何籌辦情形。據實速奏。尋奏。臺灣府屬糧價過昂。難以採買。請於上游五府現貯倉穀十六萬石內。先動六萬石。碾米三萬石運備。俟十二月間。查明五府糧價最平之處買補。至江西省已碾倉糧。經咨稱尚有五萬餘石。現貯南昌一帶水次。擬即知照運濟。合計上游五府並江西接濟漳泉所需。已有盈餘。可無庸赴浙採買。得旨。如所議行。○實授阿精阿為刑部侍郎。

以少詹事曹城為詹事。○以正藍旗滿洲副都統額勒登保為鑲藍旗蒙古都統。浙江乍浦副都統伊江阿鑲紅旗漢軍副都統本智對調。○浙江巡撫覺羅吉慶疏報乾隆五十九年分。孝豐。臨海。黃巖。鎮海。四縣開墾額外塗田山蕩地共十頃六十畝有奇。○乙巳。諭吏部奏將革職道員將繼煥。知府杜安詩。二員。應否准其捐復之處。請旨。詳閱案情內。將繼煥與杜安詩。俱係在山東曹州府任內。失察所屬曹縣拏獲盜案。不即查辦。但杜安詩於此案外。並無另有降革處分。而將繼煥復有失察齊東縣書役收漕滋事。並蘭山縣賊犯糾竊。未經審出實情。前後共係降革處分三案。與杜安詩止於失察盜案者不同。杜安詩著加恩准其捐復。將繼煥著不准捐復。朕於地方道府州縣過失。遇有應得處分。及應否准其捐復之處。無不權其重輕。一秉大公。斟酌至當。凡有地方之責者。各宜倍加謹凜。



母負勸懲並用至意。○諭軍機大臣曰蘇凌阿等奏弁兵押送空船在洋遇盜拒捕添派官兵搜剿一摺。江省洋面數月以來並無盜蹤。今復有拒捕之事。自因連日南風甚大。浙省官兵查拏緊急。匪徒又潛行北竄。現經蘇凌阿等調集官兵。並檄蘇松狼山二鎮親率大隊舟師分投接應。趕緊截拏。自無難全數捕獲。但恐匪徒見江省搜捕緊嚴。復乘風竄入東省洋面。或仍逃回浙洋。俱未可定。並著吉慶王德嚴飭兩省水師將弁一體上緊堵緝。以期必獲。勿任遠颺漏網。此為最要。但各省戰船向因船身笨重。遇有追捕盜匪之事。駕駛不靈。動須添雇民船。昨吉慶奏請浙省戰船仿照民船改造一事。已照所請行。東省戰船亦經王德奏請照浙省改造。其餘沿海省分戰船自當於應行拆建之年俱照吉慶所奏一律收小。仿民船式樣改造。以便操防而收實效。著傳諭沿海省分各督撫詳查照

此陸續改辦。仍著蘇凌阿等將近日情形速奏。尋奏江省洋面現無盜匪蹤跡。仍嚴飭鎮將等加意哨探。至戰船笨重。駕駛不靈。遵俟拆建之年改造。得旨以實妥為。外省習氣多詐。慎之。○兵部等部議覆山東巡撫王德奏稱東省戰船船共十二隻。屆拆造者三隻。屆大修者三隻。船身笨重。請照閩浙例俱改造商船式樣。所需價值除應領修造銀兩及舊料拆變外。請於地丁耗羨內動支。又水師弁兵出洋巡哨。遇風不順。在島嶼寄碇。需用口糧。無款可撥。亦請照閩省例於藩庫撥銀三萬兩。發商一分生息。計每年得銀三十六百兩。為寄碇口糧。並添雇船隻之用。均應如所請。得旨依議速行。○調正紅旗護軍統領德楞泰為鑲黃旗護軍統領。以鑲紅旗蒙古副都統愛星阿為正紅旗護軍統領。○丙午以刑部侍郎阿精阿兼正藍旗滿洲副都統。○丁未

上詣

奉先殿。

壽皇殿行禮。○諭。去年八旗兵丁及園戶開戶人等。曾賞借半年錢糧。限以三年扣繳。今朕仰蒙

昊眷。康強逢吉。來年舉行歸政大典。係從古罕有之事。且本年各省收成。合計共有九分。昨又大雪盈尺。此皆

皇天嘉佑朕躬。錫茲

洪貺。理宜普加恩賚。著加恩將八旗去年所借未經扣完銀兩。普行豁免。以示朕有加無已之至意。○又諭。前因京師及各省錢價日賤。由於小錢充斥。節經降旨飭禁。並立限收繳。乃自查禁以來。已逾年餘。而京城錢價近又減落。步軍統領衙門尚有陸續收繳小錢。是錢價之賤。總由於私錢未能淨盡。京城地方遼闊。人烟稠密。並無偏僻處所。奸徒無從藏匿偷鑄。所有小錢必係外省夾帶來京。而外

省私販若由陸運。需費繁多。不能獲利。必從水路私行販運來京。前經降旨。交各關口實力嚴查。今小錢尚敢於輦轂之下。私行使用。自由管關各員奉行不力。日久生懈。而地方官查禁私鑄。亦視為具文。不過出告示查禁。止過一年半載。胥忘之矣。否則各省現俱停鑄。京城戶工二局亦各減卯。並將應發兵餉實支銀兩。又賞借王公及文武各官俸銀。銀多錢少。錢價自當增長。何以轉日就減落。其為小錢未淨。情弊顯然。昨據陳淮奏。擊獲小錢一案。訊係由湖北漢口販至江西。是漢口竟為小錢聚集之所。該督撫及地方官所司何事。本應從重治罪。姑念該省現有承辦軍需要務。從寬免其深究。該督撫務宜嚴飭所屬。上緊查拏。若仍陽奉陰違。別經發覺。惟該督撫等是問。恐不能當其咎也。至雲貴四川。尤為私鑄之藪。雖據該督撫奏。現在實力收繳。漸次淨盡。但所奏如果屬實。則私鑄既絕。

來源肅清。因何各省仍復攬和行使。是該督撫所奏現無私鑄之處。亦係託諸空言。况前據徵瑞奏。於天津關已另設收繳小錢之局。曉諭過往客販。令其盡數繳出等語。隨交各監督仿照徵瑞留心查驗。嗣據盛住奏。在淮宿海三關設局。於查看稅貨之便。逐細嚴查。並據刁玉成奏。應責成地方官。令錢鋪出具不敢攬和小錢甘結各等語。乃自該監督等具奏以來。惟淮關收過小錢三百餘觔。許暨關奏收過小錢六百千文。此外並未據將收過數目具奏。而刁玉成轉以責成地方官為詞。可見該監督等並不認真遵辦。惟以一奏了事。所有查辦不實之各督撫及管關各監督。均著傳旨嚴行申飭。除就近飭知步軍統領衙門。及五城順天府嚴密查拏。責成錢經紀毋許攬用輕減外。並再通諭各省督撫及管關各員。嗣後當各矢天良。一體實心查察。清其源以杜其流。務期國法肅清。國寶流通。

錢價增平。不可因有此旨。一時嚴行查禁。久而漸忘。又復因循懈弛。倘經此次飭查之後。仍有盤獲小錢。必當徹底根究。係何處私鑄。及經過何處。即將該管各督撫暨地方官。並管關各員。一併從重懲治。不能復邀寬宥也。○又諭據吉慶等奏。請將戰船改小修造。已依議行矣。盛京錦州海船。量亦遵照舊式。成造著琳寧台斐音存記。如遇拆造之年。俱照浙粵民船式樣陸續改造。其吉林黑龍江船隻。不通海路。然亦恐笨重不能適用。著交秀林永琨查訪。如須改造利便。即照盛京錦州例陸續改製。以歸實用。○是月。護安徽巡撫江蘇布政使張誠基奏。安徽省各屬常平倉貯。歷年因災蠲賞口糧籽種。共缺額二十二萬五千餘石。現秋收豐稔。又奉旨普免天下漕糧。安省輪值今歲。民間蓋藏饒裕。糧價逾平。請照原額。各按稻麥雜糧本色買補足數。得旨嘉獎。○湖廣總督畢沅奏。湖廣早稻中晚

二禾收成均八九分餘。北省荆門。潛江。天門。沔陽等四州縣。因襄水陡漲。偏隅被淹。不致成災。南省三廳八屬。被逆苗滋擾。疊蒙緩徵賑卹。難民較多。現督率各地方官。挑取壯丁充鄉勇站夫。其老廢者。每月給予口糧。至毗連苗寨各區。除客民已嚴禁不許竄入外。土著民人。因口食有資。極為寧帖。得旨欣慰。覽之。○河東河道總督李奉翰奏。本年汶泗諸河。源流旺盛。經將濟運餘水。隨時收蓄入湖。蜀山湖係最要之區。現收至一丈二寸。其餘馬踏馬場等湖。亦俱收符定詔。足資來歲開放之用。得旨嘉獎。

大清高宗法天隆運至誠先覺體元立極敷文奮武孝慈神聖純皇帝實錄卷之一千四百八十九

大清高宗法天隆運至誠先覺體元立極敷文奮武孝慈神聖純皇帝實錄卷之一千四百九十

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉鑲黃旗滿洲都統七級隨帶加一級尋常加二級軍功紀錄一次慶桂

總纂官經筵講官太子太傅文華殿大學士文淵閣領閣事稽察欽奉 上諭事件處管理刑部 都察院事務

世襲騎都尉鑲黃旗滿洲都統七級隨帶加二級又加二級重誥內大臣戶部尚書總纂滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆六十年乙卯十一月戊申朔諭曰慶成

奏查閱營伍一摺內稱大城營守備石興隆前在務關路任內約販馬回民將馬匹賣與該營千把總該守備從中賺銀數十兩經販馬回民向索未給具呈控告始如數退還請將石興隆革職等語石興隆身為守備乃與販豎結交牟利實屬貪鄙不職僅予革職不足蔽辜即著於該處加枷號三個月俾在營弁兵共知儆惕以昭炯戒至慶成於此等貪劣營弁不早為覺察咎無可辭若被他人參

劾其過更重今既據自行參奏著交部察議

旌表守正捐軀河南鄧州民高黃衣妻習氏妻某氏已酉諭軍機大臣曰王德履奏

東省向未設有錢局尚無私鑄之弊惟路當

孔道小錢多從水路而來現於臺莊各水馬

頭出示曉諭飭令沿河州縣及臨清關委員

嚴密稽查一面通行各屬實力收繳統於年

底限內可期一律淨盡等語昨因京師錢價

又賤由於小錢充斥必係外省夾帶來京地

方官及各關監督等查禁私鑄祇視為具文

不過出示查禁並不實力辦理業經降旨嚴

飭今王德所奏飭令各州縣等官嚴密稽查

實力收繳之處仍屬虛詞敷衍各該屬等亦

不過奉行故事並不認真查辦該撫又不實

心查察祇以一奏了事畧勤即急過而輒忘

此等怠玩積習殊為可惡即摺內所稱統於

年底可期淨盡之處亦祇因此番之旨於年

內稍為認真一至明年胥忘之矣著傳諭王

德務須力除陋習。實心查察。並飭令各屬一體查禁。以期國法肅清。錢價增平。方為不負委任。倘各督撫復蹈故轍。因循懈弛。恐不能當其咎也。將此並諭各督撫知之。○庚戌。諭曰。江蘭奏。野夷潛入土司邊境。搶奪。經把總畢雲禮帶領兵丁往拏。將野夷當場格殺二名。其餘三名。全行拏獲。把總畢雲禮兵丁馬世寬亦因受傷。先後身故一摺。把總畢雲禮於野夷在邊境滋事。即帶兵往拏。將匪犯格殺二名。其餘各犯。全數拏獲。甚為奮勇出力。該把總及兵丁馬世寬。旋因受傷身故。情殊可憫。把總畢雲禮著照千總兵丁馬世寬著照把總陣亡例。分別議卹。該部知道。○辛亥。諭本年鄉試諸生。年屆八十七以上。未經中式者。除順天業經分別加恩外。茲據各省陸續奏到諸生。中年躋耄耄。踴躍觀光。共一百六十三名。雖未經中式。而三場均能完竣。洵為士林盛事。除上年甫經賞給副榜現年

未屆八十者。毋庸加恩外。所有江南省八十以上之趙銘呂增敏。鄧杏奎蘇良翰。于定張紹賓。汪夢賚馬家驥胡先暉。汪士楠主儀。祁甘騰蛟姜韶等十三名。江西省八十以上之吳志岳葛遠胡杞趙人文。劉繼志劉嘉猷等六名。浙江省八十以上之趙際俞鴻朱榮蔣杏張昌祚潘兆謙等六名。福建省八十以上之甘偉元范大受楊朝尊黃蘭枝趙景星。陳子傳盧燮許震水姚鳳池。魏昉鄭錫璽吳哲謨。林文錦等十三名。湖北省八十以上之張泉李本浩郭仁董萬年。胡品馮澤洙陶慶王宗禮。任偉烈楊大觀劉光乙李俊偉鄧來等十三名。湖南省八十以上之黃日修歐陽泰源劉世守。何其達胡悅主肅鳳鄭大邦。王國才湯廷懋謝一士。楊士俊熊燦彭華禮萬象春黃杰譚文林等十六名。河南省八十以上之李芳淑賀景星秦洪竹。高翔主總章等五名。山東省八十以上之鄭曰唯王在中李士

璚。劉中行。李天興。郭太立等六名。山西省八十以上之陳萬年。張承恩。高家鵬。權緝。祖趙。掄。達。張梓。葛培初等七名。四川省八十以上之陳任。馬勝。道。苟占。鰲。鍾玉謨等四名。廣東省九十以上之賴興發。八十以上之陳瓊瑛。王際精。蘇燦。黃一本。單可範。勞大勲等七名。雲南省八十以上之楊世溥。李耀宗。李世茂。劉昌國。文偉。戴德高等六名。貴州省八十以上之李荷龍。周承烈。李永盛。喻繼聖。徐師儒等五名。俱著加恩賞給舉人。准其一體會試。其浙江省七十以上之吳鼎彝。林與庚。喻維藩。葉陝吉。陳文煥。王輒。楊紹賢。溫江。杜作霖。周際清。翁作楷。張六鈴。婁永淦。王世超。戴行燦等十五名。福建省七十以上之謝其昌。江志道。邱時邁。王廷賓等四名。湖南省七十以上之李道炳。曠大澄。羅楷。陳言達。鄧選。黃士榮。王裕龍。古訓。陳可泰。李宗輒。段永友等十一名。山西省七十以上之郭維新。朱文涵。趙

毓。桂尚一。姚壽朋。高封。趙洽。孫學泗。王果。任用章等十名。廣東省七十以上之陳宗蘭。朱鈺。翟壯堅。劉學藻。陳德。聶虛舟。孔傳清。趙時植。關紹武。黃永弼。梁應輔。張仕傑。李文舉。張大福等十四名。貴州省七十以上之白猶龍。夏亨任等二名。俱著加恩賞給副榜。以彰壽考。作人至意。○諭軍機大臣等。本年各省年老應試。未經中式諸生。惟陝甘未據奏到。秦承恩前往蘭州署理總督。雖道路較遠。現距揭曉之期。已幾及兩月。俟什布護理撫篆。均應奏報。何以至今均未奏到。外省辦理公事。總屬遲緩。著傳諭陝甘督撫。即將陝甘二省有無年老應試。未經中式諸生。速奏。毋再遲延。干咎。○又諭。前因秦承恩奏。皋蘭。固原。二州縣市價中平。應飭照額共採買糧十八萬石。並照向定章程。上色不得過二兩。下色不得過一兩二錢。照時價購買等語。當經降旨詢問。勒保。茲據奏稱。甘省從前奏定章程。

原係專指市集時價而言。如時價在二兩及一兩二錢以內，即屬平減，始准採買。若在一兩及一兩二錢以外，即屬價昂，雖值採買之時，亦應停止等語。所奏頗為明晰。各省採買，自應視市價之長落以為準。如市價平減，當嚴查所屬毋許其浮開肥索。一遇價昂，即飭停止，以防勒買病民。如此辦理，原為得當。宜綿現已接篆，著傳諭該督如查明該處倉糧實在不敷動支，或仿照五十六年之數酌量採買，敷用即止。仍嚴密稽察，毋許該州縣有從中侵肥勒派累民等事。方為妥善。又諭本年福建省漳浦詔安海澄龍溪惠安晉江莆田七縣沿海地畝，猝被潮水淹浸，長泰南靖平和安溪同安南安等縣同時被旱，歉收節經降旨賞給口糧，並將本年應納錢糧分別緩徵豁免。令該署督等實力查辦，毋致一夫失所。第念該省間被水旱各州縣收成，究屬歉薄，明歲青黃不接之時，小民餬口維艱，

不可不豫為籌畫。著該署督等體察情形，或再應分極次貧賞給口糧。一二月之處，即行據實具奏。候朕於新正降旨加恩，以示體恤。○癸丑，諭曰：朱珪奏潮州府屬濱臨海洋，本年八九月兩月未得透雨，晚禾收成低田尚有七八分，高田不過二三分，委係歉不成災等語。廣東潮州府屬濱海臨溪本年早收豐稔，米穀充裕，惟因八九月兩月雨澤短少，高田晚禾收成不無歉薄，雖係歉不成災，但來年青黃不接之時，為期尚久，恐民力不無拮据。著加恩將潮州府屬六十年分民欠未完錢糧色米緩至來歲秋成後帶徵完繳。該督撫務須董率所屬妥協查辦，俾閭閻均霑實惠。以副朕軫念濱海窮黎恩加無已至意。○又諭前經降旨將漳浦海澄詔安龍溪惠安晉江莆田等七縣被災較重之處，本年應納錢糧概予豁免，並先給予一月口糧以資接濟。茲復據魁倫續行奏到泉州府屬之馬家港廳



亦有被潮淹浸田畝與漳浦等縣事同一例著即將該廳被淹地畝本年應納錢糧一體蠲免仍先給予一月正賬口糧此次漳浦等八廳縣被災地方情形較重並著於正賬外不分極次貧民均賞給三個月口糧以示體恤該署督撫等務宜董率所屬俾窮黎均霑實惠毋使一夫失所以副朕惠愛窮簷恩施無已至意○又諭閩粵南澳鎮總兵員缺著該督等於通省水師總兵內揀選一員調補所遺員缺著江南太湖營副將徐忠補授○甲寅  
上幸皇十一子成親王永理第○遣官祭先醫之神○乙卯  
上幸瀛臺○諭軍機大臣等京城於上月二十八日得雪八寸極為優渥且此次之雪霑被較廣直隸河南山東等省均已陸續奏到本日據謝啟昆奏二十七日行抵平定州境初見微雪次日連綿密布一路至省積厚至四

五寸不等等語蔣兆奎於二十二日雖前赴保德州驗收城工距省稍遠但省城及平定既得瑞雪地方官自必飛行稟報且保德州一帶諒必同霑何以至今未據奏報著傳諭該撫即將二十七之雪山西通省是否普霑之處即行查明迅速覆奏勿再延緩○丙辰諭本日吏部將保送御史之編檢等帶領引見閱摺內開載上兩次比較單翟槐一員五十五年先經該衙門保送未經記名而五十八年仍將該員保送所辦殊為未當翰林部屬員數甚多初次保送御史既未記名自係朕看其才具不勝御史之任該衙門何得復將該員保送豈除此一人外即別無合例堪保之員乎若此事係初次創始自應交部嚴議因令檢查舊案則各部院衙門從前保送御史俱有如此辦理者自係向來相沿錯誤因事隔年久不復追咎所有五十八年率行保送之掌院學士及未經駁正之吏部堂

官均著加恩寬免。宋史載趙普嘗薦某人為某官，屢奏不用，有補牘復奏之事。今朕用人行政，一秉至公，初不豫存成見。大臣等亦不必以此沾公正之名。况所保之人，祇係循例保送，於事何關輕重？此後各該衙門保送滿漢御史，初次引見未經記名者，下次不得再行保送，著為令。○是日起。

上以冬至祀

天於

園丘。齋戒三日。○丁巳諭四川秀山縣地方本年春間經逆苗滋擾，業將該縣春季錢糧降旨加恩緩徵。現在該民等雖陸續歸業，趕緊栽種，但貲財房屋業已蕩然，若將秋季錢糧照例徵收，民力究屬拮据。所有秀山縣六十年秋季錢糧著加恩緩至明年，與今年春季錢糧分作春秋兩季完繳，其餘未經被難戶口雖房屋未遭焚搶，但聞風躲避，未免亦有失業。著加恩一體緩徵，以示朕軫念窮黎，有

加無已至意。○又諭本日召見新授涼州副都統善保，看其清語生疎，漢語亦不清楚，不勝副都統之任。著留京在散秩大臣上行走，仍罰公俸三年，以示儆戒。○諭軍機大臣等，據孫士毅奏到九月分四川省各屬糧價清單，內順慶龍安嘉定等府並綿州、酉陽州、打箭爐等處麥子青稞每石價銀較上月間有貴至一分者。本年四川省年歲豐收，糧食充裕，價值自當平減，何以順慶等處麥稞價值轉有加增？雖僅貴至一分，究屬增長，未免有妨民食。自係該處奸商等見現在糧米豐登，有意高擡糧價，以為減落地步，亦未可定。民間糧價長落無定，原不能官為經理，但於民食攸關，不可不留心查察。著傳諭孫士毅即查明順慶等府各屬麥稞價值，因何較上月稍增？是否有妨民食，或須調劑，即行飭屬妥辦。務期糧價日就平減，俾小民不致有食貴之虞，方為妥善。○又諭曰：福康安和琳攻撲

天星寨山梁統率大兵不避風雪於黑暗之中覓徑進發立時撲開木城七處石卡五處復乘勝將垂藤董羅等處苗寨全行攻克出力可嘉其另摺奏各路著名賊目業已盤獲正法尚有密行存記之人一俟首逆全擒即當趁此兵威立加搜捕所想周到甚合朕意除福康安已加宮銜外和琳加太子太保銜現在該處風雪嚴寒並給福康安和琳上用黃裏元狐搭護各一件以資禦寒之具各官兵再各賞一月錢糧用昭鼓勵又吳半生被獲之後吳隴登自知罪重不敢復出有平隴苗頭吳八月帶領黑苗前來幫同守寨福康安和琳應即用計離間或設法招徠倘狼狽為奸不肯離散即必一併生擒不留餘孽其詣營乞降苗衆自應暫准歸順但仍當妨其反覆不可稍存大意又據奏派令諸神保清安泰押解吳半生起程現當勦賊喫緊之際額勒登保德楞泰正資其用今改派鎮道等

極為得當又鎮筵一路前此為賊常往肆擾之處安知其不思由彼竄逸以冀苟延殘喘福康安和琳應於就近地方兵丁內酌撥前往幫同守禦至福寧既不能帶兵勦賊僅令在鎮筵守城豈尚不能辦理即日大功告成若伊再不知奮勉致賊匪或由鎮筵他竄恐福寧不能當此重戾也○戊午

上詣

南郊齋宮齋宿○諭涼州副都統員缺著敦倫

泰調補敦倫泰俟百日孝滿即由彼速赴新任其西安左翼副都統員缺著花尚阿調補所遺西安右翼副都統員缺著福州協領豐紳布補授○己未冬至祀

天於

圓丘

上親詣行禮

命皇太子陪祀如儀○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵○遣官祭

孝賢皇后

孝儀皇后陵

端慧皇太子園寢○庚申

聖祖仁皇帝忌辰遣官祭

景陵○

上詣

奉先殿

壽皇殿行禮○賑奉天金州熊岳錦州三城寧

海錦縣寧遠三州縣旱災旗民並蠲緩額賦

有差○以廣西思恩府屬白山司土巡檢王

偉子言紀襲職○辛酉

上幸瀛臺○戶部議覆貴州巡撫馮光熊疏稱  
威寧州屬陳家溝銅廠向供大定局鼓鑄今  
已停鑄該廠仍令威寧州採辦俟積有成數  
就近撥湊滇銅運京查滇銅運京每運九十  
四萬餘觔今陳家溝廠每年出銅七萬觔積  
五六年亦不足一運之數應令該撫照例抽  
收按年運貯州庫俟數敷一運徑行題明解  
京從之○壬戌諭曰吉慶等奏拏獲積年洋

匪並疊次行劫之夥盜分別辦理一摺此案  
盜匪業經審明正法餘著照所擬完結矣該  
撫等所辦差強人意可嘉之至已於摺內批  
示洋匪四出劫搶節經降旨令該督撫等實  
力緝拏今吉慶等督飭舟師分布各洋嚴密  
堵緝總兵孫全謀在定海外洋瞭見匪船十  
餘隻向南駛竄該鎮即將兵船分作兩幫迅  
往兜捕叅將李鈇所帶一幫連夜跟追施放  
鎗礮打翻匪船一隻淹斃數十名各匪被礮

打傷落水身死者十餘名守備吳奇貴首先  
跳過匪船砍倒二賊生擒盜首陳言並獲夥  
盜多名辦理尚屬認真可嘉吉慶王橐孫全  
謀均著交部議敘又據另片奏李鈇前在南  
策門捕盜兵丁放礮炸裂一崇吳奇貴任內  
有失察潘相旺透漏火藥一案雖均有應得  
處分但此次拏獲盜匪李鈇帶領兵船奮力  
窮追尚屬出力吳奇貴首先過船生擒盜犯  
尤為奮勇其前項處分均著寬免李鈇仍著  
交部從優議敘吳奇貴遇有都司缺出即行  
陞補以示獎勵其未淨之賊仍著上緊捕捉  
務令洋面肅清○諭軍機大臣曰吉慶奏拏  
獲積年洋匪審明辦理一摺可嘉之至此案  
盜匪俱籍隸福建之晉江同安等縣現經浙  
省查拏緊急或又竄回原籍亦未可定並著  
魁倫等一體飭屬速拏以期必獲又據哈當  
阿等奏拏獲逸匪審明辦理各摺所辦尚是  
此等從逆匪徒既經拏獲自應速正刑誅但

臺灣孤懸海外民情刁悍又甫經陳周全等  
滋事之後尤以鎮靜為主著傳諭哈當阿等  
止須不動聲色遇有訪獲之犯迅速審辦亦  
不必過事搜求輾轉株連以致衆心驚疑此  
為最要○旌表守正被戕河南光山縣民梅  
芳妻李氏守正捐軀夏邑縣民李虎妻駱氏

實錄李鴻章

文

大清高宗法天隆運至誠先覺體元立極敷文  
奮武孝慈神聖紀皇帝實錄卷之一千四百九十

大清高宗法天隆運至誠先覺體元立極敷文奮武孝慈神聖純皇帝實錄卷之一千四百九十一

監修總裁官經筵講官太子太傅文淵閣大學士文淵閣領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領侍衛內大臣稽察欽奉 上諭事件處管理刑部戶部庫事務

世襲騎都尉軍功九級隨帶加二級又加二級尋常加二級軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆六十年乙卯十一月癸亥諭曰福康安

等奏辦理軍務勤能得力之四川川北道楊揆和琳由川省帶至軍營委辦緊要事件竭力盡心辦理盡善著加恩賞給按察使職銜林儒前在後藏催運軍糧屢有勞績此次進勦苗匪籌辦軍糧等事井井有條催趲得力著加恩賞給布政使職銜○諭軍機大臣曰吳八月係乾州首先起事之犯為賊中緊要頭目官兵四面攻圍鴨保勢在危急復敢聚黨抗拒並挾制吳隴登不令投出可惡已極

今福康安和琳設法首先擒獲實為得計所有將領弁兵奮勇倍常降苗百戶寨長人等亦各爭先踴躍皆當從優獎賞其百戶隴老觀即著賞給五品頂戴換戴花翎以示鼓勵又據奏請撥川黔兩省軍餉各一百萬兩照所請敕部行知撥給傳諭孫士毅馮光熊如川黔兩省有項可動即先行動支墊發俟餉項解到再行歸款○又諭曰朱珪奏拏獲海洋盜犯審明辦理一摺前據福建省奏到拏

獲在洋行劫官米並琉球貨物各盜其案內尚有未獲之犯此次廣東所獲各盜與福建雖係隔省但盜匪踪跡靡定於行劫官米及琉球貨船有無幫同為匪之處摺內未據訊及著朱珪再行提訊確情毋任狡展至梁興發各犯是否被淹身死抑係乘間脫逃並著嚴拏務獲不得稍有漏網昨據吉慶等奏拏獲積年洋匪並疊次行劫夥盜所辦尚為認真各督撫等若皆如吉慶等督率所屬實力

查拏自可期盜風斂戢。綏靖海疆。並著傳諭沿海各督撫一體留心實力督辦。毋得稍存玩懈。致干咎戾。尋朱珪奏。訊據各犯堅供。粵洋西路離東路甚遠。實未到過閩浙。梁興發等。委係受傷落水。自必身死。似係實在情形。報聞。○又諭曰。朱珪奏地方雨水糧價情形。一摺。閱所開糧價單內。廣州等府米價。有較上月貴二分至七八分不等者。廣東本年雨水調勻。秋成尚屬豐稔。現據該署督奏各處商販穀船連檣輻湊。是市集糧石充盈。價值自應平減。何以較上月糧價轉有增昂。是否係該處市儉。因收成較好。豫擡價值。以為將來減落地步。或係地方官為採買起見。將糧價有意多開。以便採買時可以浮冒。均未可定。著傳諭朱珪留心查察。至現在市價既較上月稍有增昂。於民食究竟有無妨礙。並著查明覆奏。以慰廛念。○旌表守正捐軀河南許州民劉輝妹劉氏。○甲子。

上幸瀛臺。○諭。前據各省奏到本年鄉試諸生內年逾八十七者。業經降旨分別賞給舉人副榜。因陝甘省尚未奏到。是以未經列入。茲據秦承恩奏。該省應試諸生內有年逾八十七者。共三十七名。俱三場完竣。未經中式等語。所有九十以上之尚履坦。八十以上之康兆龍。曹譽。曹承綸。韓仲春。白文解。劉良弼。馮槐林。王錦元。劉元灝。曹廷棟。任從律。文其蔚。王九齡。馮錫爵。陳巨源。王殿華。張希齡。王嵩。楊本立。梁文藻等二十一名。均著一體加恩賞給舉人。七十以上之曹承源。魏夢龍。雒承烈。王怡體。馬元章。張渤。王學禮。王大文。田爾易。傅嘉賓。李霖。馮錦。王三申。魯景曾。李大年。李長發等十六名。均著賞給副榜。以示壽考。作人至意。至此項年老諸生。自應隨時具奏。乃陝甘省陳奏獨遲。在雲貴等遠省奏到之後。殊屬遲緩。秦承恩著交部察議。○又諭。昨據朱珪奏。革職總兵陸廷柱家丁協拏。

盜犯一摺。內稱連次緝獲洋盜。係該革鎮家丁。隨同協緝就獲等語。陸廷柱於崖州營叅將錢邦彥巡洋遇盜一案。事前既防範不周。事後又漫無調度。以致盜犯日久未獲。前經革職。留於地方協緝。自應實力奮勉。稍贖前愆。乃此次朱珪所奏。拏獲洋盜陳亞乙等犯。乃係該革鎮家丁。隨同協拏就獲家丁微賤。既不應隨同地方弁役緝盜。況陸廷柱又係獲咎之人。乃竟不親身前往。是其性耽安逸。不肯認真出力。竟係始終怠玩。難望其再能振作。即使留於該省。亦屬無益。陸廷柱著發往伊犁當差。以示懲儆。設此案內有關係人命情事。尚當重治其罪。不僅以遣發完結也。諭軍機大臣等。據魁倫等奏。本月二十日。有洋匪在福寧鎮所屬東沖汛上岸拒傷兵丁。搶奪礮械而逸。又於二十四日。連江營所屬定海地方。有洋匪登岸。擾害兵民。搶奪礮位。旋即逃逸。可見閩省武備不可問矣。又據

奏。一面前往督拏。一面派委官兵。分路嚴緝。旋據游擊陳名魁稟報。在畚洲洋拏獲盜匪陳招等十四名。並起獲銅礮鐵礮。又據游擊李長庚稟報。在小岞洋面拏獲李地等四十人。各等語。海洋盜匪。節經降旨。令該督撫實力緝拏。乃尚敢糾聚肆擾。並敢登岸拒傷兵民。搶奪礮位。實屬不法已極。雖據魁倫等親往該處。並派委官兵上緊查緝。拏獲盜匪陳招等二案。但是否即係前在東沖汛及定海地方洋面搶劫盜犯。其起獲鐵礮銅礮。是否即係該盜匪等搶去礮位。摺內並未詳悉聲敘。殊未明晰。著傳諭魁倫。即查明具奏。再摺內稱。有廣東艇匪。現在碣石海門等洋面游奕。是洋匪等先在廣東滋事。及聞官兵查拏嚴緊。又復竄往閩省肆擾。其往來無定。若非各省合力會拏。不足以絕根株而靖海疆。況洋匪聚集多人。四出劫掠。斷非各自為羣。其中必有首惡。為之主持調度。該督撫等但



須留心購訪務擒首惡其黨與自必紛紛潰散無難以次搜擒並著傳諭朱珪吉慶一體董飭所屬文武合力兜擒務將盜首餘匪盡數弋獲毋任遠颺漏網方為不負委任○舉行乾隆六十年福建浙江軍政罷軟官五員年老官四員有疾官二員才力不及官一員處分如例○山西巡撫蔣兆奎疏報乾隆六十年分薩拉齊廳開墾葦塘地一百七十頃有奇○旌表守正捐軀直隸東鹿縣劉儒秀

女劉氏乙丑

上命皇太子居毓慶宮○諭曰皇太子生母已

追封

孝儀皇后其家例宜晉封公爵但

孝儀皇后居

孝賢皇后之次著加恩暫賞一等侯爵世襲

罔替交該旗照例揀選帶領引見尋予世管

佐領花沙布一等侯爵如例○又諭吏部議

處直隸省違例改委之總督藩臬例應降調

無級可降俱應革任一本外省州縣遇有缺出違員委署自應依限接收交代清楚乃各督撫等往往率行改委以避議處致輾轉遲延最為陋習久經飭禁今梁肯堂等於祁州交代一案因馮觀祚二叅屈限復委范清澄接署明係為屬員規避處分起見本應即照部議革任姑念該督等平日辦事尚為熟諳恕其罷黜梁肯堂張誠基阿精阿俱著從寬免其革任仍註冊○戶部議覆倉場侍郎宗

室宜興劉秉恬奏稱通州運糧經紀有辦公積欠向由應領腳價內按年扣繳今普免漕糧丙辰後五年糧到較少經紀等所得腳價少領萬餘金其撥船修艙號房粘補費用尚屬仍舊除乾隆五十六年後新欠照舊坐扣外其五十五年前舊欠請於免漕五年內停扣查乾隆四十三年普免漕糧分輪七年其時經紀欠項係四年停扣此次應令其自明歲起免扣三年從之○封閉貴州普安州連

發山鉛廠從巡撫馮光熊請也。旌表守正被戕江西湖口縣民曹瑞毛妻許氏。丙寅諭據雅德等奏審明圖財斃命回犯斯拉木拜即行正法一摺。所辦尚是。回犯斯拉木拜將所刦之物攜往伊舅岳勒達什家內。岳勒達什即能報明該管阿奇木伯克沙雅豁布。迨沙雅豁布訊出實情。亦即呈報。俱屬可嘉。著文明興等賞給沙雅豁布葉爾羌庫內大緞一匹。回民岳勒達什銀二十兩。以示鼓勵。

○諭軍機大臣曰。景安奏有山東人趙禿投遞文書。稱係兵部差官錢治平奉差查拏劉之協。訪聞該犯改名心三力。追至山東緝拏。於曹州府地方得見劉之協。為邪教黨與所困。差人至河南考城縣報知等語。當交兵部傳詢錢治平。據稱在兵部當差。投遞來往文報。從未出京。兵部車駕司及捷報處俱有照票可查等語。錢治平既在京中。則投遞文書者。其為假捏無疑。此項文書據趙禿供稱係

曹縣大寨集開店之高良士給與。祇須將高良士等到究。訊無難得其來蹤。或係高良士與焦有玉等向有夙嫌。故捏造文書。將焦有玉等姓名砌入。牽連拖累。亦未可定。但惡錢治平現在京中。高良士等見無質證。不即供吐確情。若俟往返查詢。又未免有需時日。現派侍郎台布帶同錢治平前赴曹州考城一帶。會同景安。玉德。面加訊問。如高良士等認識錢治平。則該犯為錢治平差往無疑。若不

認識。則虛捏無難立見。更可易於完結。將此傳諭景安。玉德。並諭梁肯堂。蔣兆奎。秦承恩知之。並著查明焦有玉等家中。是否窩匪湊錢。及大名東明等縣。有無學習邪教情事。速行覆奏。○命禮部侍郎周興岱在南書房行走。○加封廣東雷州府

雷神為康濟宣威布德之神。

御書匾曰茂時育物。從陞任巡撫朱珪請也。○丁卯。

上幸瀛臺○已已

上御乾清門聽政。諭明年舉行千叟宴。所有官員。仍照上次之例。年至六十以上。俱准入宴。○又諭。本日將吏部失防糧船被劫。叅革留緝。嗣於限內全獲盜犯。題請開復之原任濟寧州知州王穀一員。帶領引見。雖屬照例辦理。但此等革職留緝。竊獲盜犯之員。亦有區別。即如前日朱珪奏革職總兵陸廷柱家丁協竊盜犯一案。陸廷柱並未親身前往。仍在寓安坐。僅委之微賤家丁。隨同緝盜。及竊獲盜犯。該員轉得坐享其功。尚復何所示懲。嗣後地方疎防文武革職留緝之員。如實係自知愧悔。親身前往協同地方捕盜之人。購線躡蹤。於限內將盜犯親行拿獲者。自應照例准其開復。若係在省寓安坐。並未親往緝拿。如陸廷柱之耽於安逸者。不但無功。而且。有過。或該員並未自行獲盜。經別州縣陸續全行拿獲。而督撫意存袒護。作為該員協緝。

遂得濫邀開復。亦非澄敘官方之道。除王穀一員。暫行扣除引見。交該撫查明該員是否親身躡緝。拿獲多犯之處。據實咨部。覈議外。至此等協緝人員。應如何分別准其開復全任。或酌與降調別用之處。並著該部詳議具奏。以昭覈實。而示勸懲。○旌表守正捐軀廣東香山縣民婦黎郭氏女黎氏。○庚午

上幸瀛臺○諭曰。魁倫等奏審明現在閩省各員。虧缺倉庫各項。分別治罪一摺。將虧缺數

逾一萬兩以上之李堂等十名。擬斬監候。內泰為幹。李廷彩二員。平日聲名狼籍。請補入情重。其餘虧空一千兩以上各員。以次遞減等因。所辦殊屬徇情寬縱。已交軍機大臣會同該部覈擬速奏矣。福建地方近年以來。自督撫司道。以及各府州縣。通同一氣。分肥飽索。玩法營私。以致通省倉庫錢糧。虧空累累。盜風日熾。甚至人命重案。藐法徇情。殊出情理之外。伍拉納。浦霖等。身為督撫。廢弛禁索。

罪固難逭。然皆由此等劣員慙惡迎合。上下勾通。遂至明目張膽。毫無忌憚。是伍拉納浦霖等之罹重辟。實緣不肖州縣等釀成。若轉使之倖邀末減。又何以肅吏治而儆官邪。從前王亶望等。在甘肅地方捏災冒賑。婪索多贓。然其罪不過侵蝕監糧。而於地方倉庫。尚不至任意虧空。一經查出。立將王亶望等。明正典刑。伊等之子發往伊犁示儆。今閩省倉庫。至於無處不缺。民生吏治。玩愒廢弛。更不可問。是王亶望之罪。止於侵盜。而伍拉納浦霖等藐法侵貪。廢弛玩誤。竟至害政殃民。較之王亶望情節尤重。此朕用人失當。未經及早覺查。當引以為愧。本日據魁倫等奏查明伊轍布委係因病身故。所奏皆係虛言。亦不值再加追究。但伊轍布身為藩司。與庫吏周經串通侵帑。竟得於途次病斃。實屬倖逃顯戮。而錢受椿任性乖張。逢迎需索。於械關重案。刁捐勒索。拖斃多命。尤為罪不容誅。是以

諭令該署督等。將該犯解京。本欲盡法懲治。今魁倫等未接續降諭旨。已將錢受椿在閩省正法。亦屬倖免。但伊二人如此貪污不法。敗檢踰閑。亦豈可令其子嗣仍得安坐家居。將來或可資緣作官。是宜照前此王亶望等之例。業降諭旨。將伍拉納浦霖。伊轍布錢受椿之子。概行發往伊犁。充當苦差。用昭炯戒。此案本由魁倫奏。自係該署督以業經發覺。不肯結怨於衆。欲思從輕完結。以致定擬寬縱。殊負委任。魁倫著交部嚴加議處。姚察甫經獲篆。隨同具奏。亦有不是。著交部議處。總之朕於臣下功罪。一秉大公。至正不為己甚。而似此昧良太甚者。又不得不去其己甚。各督撫等。惟當各矢天良。倍加儆惕。以伍拉納浦霖等為前車之鑒。慎勿蹈其覆轍。所有辦理緣由。著再通諭中外知之。諭軍機大臣。曰。孫士毅奏查明廓爾喀軍需案內里民未完津貼銀兩一摺。內稱各士民等情願以

口內安居樂業之人。幫貼口外人夫。係為鄉誼起見等語。此奏不實。口外漢蠻人夫。原有例給口糧工價。各士民等誼敦桑梓。於官給雇費外。情願出銀津貼。安得有如此良民。但津貼銀兩。如果出自士民樂輸。自必剋期完繳。以與民矣。何以日久懸欠至八十九萬餘兩之多。且從來辦理金川廓爾喀軍需。覈算不下萬萬帑金。絲毫不以累及閭閻。尚何藉里民等出銀幫助。況里民等當軍興之際。如係分應派辦之事。即當親出己力前往。若無需伊等出力之處。即不得藉端勒派分文。何致復有津貼名色。明係不肖地方官吏等。將此項雇價。私行侵蝕肥橐。又假名津貼。向民間科派銀兩。遂至日久懸欠。而孫士毅為其所愚。據以入奏。殊不足信。除民欠攤賠銀兩。俟孫士毅查明應賠各員。分股開單奏到。再行覈辦外。著傳諭孫士毅。詳細訪查此項津貼銀兩。究係如何勒派。地方官有無侵蝕雇

價。復行科斂之處。據實登答。無任屬員蒙混。至另片奏稱。散秩大臣銜屯守備穆塔爾。隨征苗匪。在軍營患病。遣令回屯。在資陽縣身故等語。穆塔爾由軍營遣回。在途病故。殊屬可惜。著加恩賞給銀一百兩。料理喪事。至穆爾塔有無子弟。應如何酌量加恩。以示體恤之處。著孫士毅查明具奏。又諭據魁倫等奏。籌酌通省情形。採買米石一摺。辦理甚當。臺灣雖向稱三熟。內地米穀。藉資該處接濟。但必須俟糧價平減時。方可就該處採買。今魁倫等奏。現在臺灣糧價。雖較漳泉稍減。而比之臺灣常時。糧價已屬過昂。若即於彼採買。恐該處糧價驟增。轉於商販有礙。斷不可行。即內地上游各府糧價平減。亦不可收買太早。致妨民食。魁倫等務須隨時揣度情形。悉心斟酌。如果臺灣糧價平減。即就近採買。若該處米價過昂。於來春在上游福寧等處。查明糧價最減之區。酌量買運。以資接濟。俾

各處民食均屬裕如。毋致支絀。方為妥善。又據覆奏。庫吏周經業已正法。其案內書吏羅嘉信。既目擊伊轍布那用銀兩代補周經拖欠。並未力阻。自應按律定擬。已據該署督等將該犯從重發往新疆為奴。即著照所擬完結。○又諭曰。王德泰。外委王再門。帶領兵船巡緝洋面。日久未回。現委鎮道等差升駕船赴各島嶼尋查等語。王再門管駕船隻出洋巡哨。於十月十八日出北茶口。至今未回。或係遭風漂至外洋。或因風信不順。暫收何處島嶼。著傳諭該撫速行查明。王再門。如果有遭風漂沒情事。即據實奏明。交部照陣亡例議卹。但國家恩施至渥。該弁等如果巡緝認真。一遇有遭風事故。雖非陣亡。亦照此例。加恩予以優卹。凡屬水師弁員。皆當倍加感奮。不避危險。實力巡查。著沿海各督撫。即將此旨通行曉諭。俾各知所勉勵。以收實效。而勵戎行。○又諭曰。張誠基奏。安省收繳小錢。可

以依限淨盡一摺。張誠基護理安徽撫篆。甫經數月。遽稱收繳可期。淨盡言之何易。現在各省雖均設法查繳。而市間小錢。仍不免充斥。此必由水陸通衢夾帶所致。著傳諭該護撫務須隨時隨地設法收繳。以期小錢一律淨盡。即將來回至江蘇本任。亦須實力查繳。無論何處。總宜留心。不可日久因循。致有疎懈。○壬申。諭。昨巡視東城御史。及本日步軍統領衙門奏。拏獲偷銅賊犯。均已交該部嚴審定擬矣。向來官銅被竊。解員例有處分。而一經到部。該員及管押家丁人等。又須聽候傳訊。部中胥吏。轉得便宜。而解員未免需費畏累。是以偷竊之後。往往私自賄補。不肯即行稟報。以致日久賊犯無蹤。致稽捕獲。每次運京銅鉛。不下數十萬觔。分起運送。該解員所帶家丁無多。豈能往來照料。嗣後遇有偷竊銅鉛之案。該解員務當立時報明。以便交步軍統領衙門五城。順天府迅速嚴拏。獲犯

之後。刑部止須向賊犯嚴切研鞫定擬。不必傳訊該員。及家丁人等。以免守候。至銅鉛攸關帑項。既有竊失。自應著落解員賠補。其失察處分。尚屬可原。並著加恩寬免。以示朕洞悉下情。體恤周詳至意。○陝甘總督宜綿覆奏。遵查皋蘭固原二處。係督提標營弁兵駐劄之所。皋蘭僅存糧二千餘石。固原僅存四千餘石。實不敷用。現在糧價平減。覈諸奏定價。值有減無增。請於皋蘭買補五萬石。固原買三萬石。即可收用。無庸多買。下部知之。○癸酉。

上幸瀛臺。○甲戌。諭曰。福康安和琳奏提鎮副將各員。分別酌請陞補。留任一摺。此次苗匪滋事。該鎮將等隨同福康安和琳帶兵打仗。尚為奮勇出力。自應酌量加恩。著照所請。劉惠准其補授鎮遠鎮總兵。珠隆阿雖已聞訃。丁憂。但現當軍務喫緊之時。自當仍留雲南提督之任。俟大功告竣。再降諭旨。王格與花

連布兒女姻親。例應迴避。著調補雲南楚雄協副將。所遺貴州都勻協副將員缺。即著與保調補。○又諭。據福康安等奏。成都協領炯固哩在軍營嘔血身故。炯固哩前在軍營屢次出力。此次又復遇事奮勉。以致嘔血身故。殊屬可憫。著加恩賞銀一百兩治喪。仍交部照例議卹。○又諭曰。畢沅等奏。查明永綏廳訓導李烜。前於永綏被圍時。守城八十餘日。盡心保護。麻陽縣知縣孫萬備。管轄三站。往來

照料。冒暑衝寒。又因縣城猝被苗匪滋擾。親督鄉勇力疾防守。均屬勞績出衆。現俱身故。等語。李烜以司鐸微員。急公盡瘁。殊可憐憫。著加恩照知縣例議卹。孫萬備於抱病之後。尚能不辭勞瘁。勉力支持。今因病身故。亦著加恩照通判例議卹。○諭軍機大臣等。據福康安和琳奏。擒獲起釁裝癲之緊要賊目。並督兵痛剿抗拒苗匪情形。吳八月之子吳廷禮等。既與吳隴登互相仇殺。非吳廷禮等為

吳隴登所擒卽係吳隴登為吳廷禮等所害賊人彼此相殘既無慮其復相勾結而官兵相機進剿正得趁賊匪離間之際一鼓成擒更可不勞而集事福康安和琳當倍加奮勉速歲大功至吳廷禮等因吳隴登縛獻吳八月膽敢私懷忿恨聚眾焚掠占據鴨綠抵死負隅情節甚為可惡務將各犯設法擒獲勿任遠颺漏網又據奏吳隴登於大兵攻克黃爪寨後該犯卽有意投出因恐各路逆苗見伊投順必將其寨落焚燒爭相仇殺總俟大兵到日再行立功自贖吳隴登節次俘獲吳八月隴五勦較之石三保等始終怙惡者自然有間如再能將石三保石柳鄧生擒來營縛獻卽貸其一死尚屬可行惟在福康安和琳相機酌量辦理以期迅速集事又諭曰吉慶奏司道知府賢否填註考語開單呈覽經朕披閱單內考語兼寫清漢字樣向來各省督撫陳奏屬員賢否考語俱繕漢字清單

此等密陳事件原不可商於僚屬委之幕友吉慶於此數字豈亦不能親自繕寫漢字況單內所填清字考語與漢文亦無甚分別是欲求細轉致煩瑣朕年逾八旬日理萬幾凡有奏章無不親加披覽吉慶寧不知此而於此等開單入奏尋常事件必欲言重詞複致勞披閱耶著傳諭申飭嗣後遇有此等陳奏事件仍著照常繕寫漢字不必兼用清文以便披覽而省煩瀆○禮部議覆調任陝甘總督勒保奏稱西寧府屬貴德廳專立學校各事宜○文廟并泮池應建造請飭選空間地方估計在司庫候撥兵餉內動支其移駐訓導衙署卽將西寧府訓導衙署估變移建一祭樂舞器亦動庫餉製造一書籍應頒發請行知武英殿俟便員赴京請領一祭款應額設查循化廳學春秋額設祭祀銀四十五兩請照例支領辦銷一訓導應在外揀調貴德在萬山



之中。民情獷悍。請定為邊缺。於現任內揀員調補。照循化廳學例。五年俸滿。咨報陞用。并設攢典一名。役滿考職。一條記應。由部頒發。請給貴德廳儒學條記。其西寧府所裁訓導。原用西寧府儒學印記。仍留教授管理。毋庸繳銷。一學額應酌定。循化廳歲考取進文童各四名。科考文童四名。請照例額設。即由該廳考送府試。從前已進文武生員。有籍隸貴德者。撥歸該學管理。即由文理弓馬較遜通省之涇州靈臺清水。

成縣四學額內。各抽撥文童一名。武童一名。一廩增應額設。西寧府學設廩增各三十八名。請各抽二名。撥入貴德。至童生赴考。例由廩保。其改歸該廳學之已進生員內。如現有廩生。即令具保。無則請暫照地鄰保結例送考。俟一二年考補有人。再令保結。其出貢年分。俟人文充盛。再行咨請。一門斗齋夫應撥設。該縣訓導係西寧府學裁移。其俸薪請照給。復於府學撥門斗齋夫各一名。添門斗一

名。工食銀兩。照西寧府學例支給。一廩生餼糧應議給。西寧府學每歲額給廩餼七石九斗九升九合二勺。閏月六斗六升六合六勺。今貴德擬設廩生二名。請照給。均應如所請從之。○予故湖南零陵縣知縣沈華入祀名宦祠。○乙亥。旌表守正捐軀河南汝陽縣民李共德妻張氏。○丙子。諭曰。景安奏豫省小錢較前日少。但尚未能淨盡。請展限半年。盡力收繳。又據蘇凌阿等奏。江蘇省收繳小錢。

俱係碎存局。自上年冬底至今。又收繳十三萬餘觔等語。各省小錢。屢經降旨交查。並予限收繳。其鼓鑄各省分。又已概行停止。何以錢價仍未增平。自係私錢未經淨盡所致。前據陳淮奏。拏獲私販小錢之案。訊係由漢口轉販。昨又據方維甸奏。湖廣幫船難保無攜帶小錢。沿途使用等語。可見湖廣地方竟為小錢聚集之所。現在該省辦理軍務。督撫司道府州縣各官。有承辦緊要之件。尚可藉

詞查察未周。即日大功告成。該督撫務宜董率所屬。實力嚴查。如明年各省再有等獲小錢之案。訊係販自楚省。必將該督撫及地方官從重懲治。不能復邀寬宥。至糧艘限期緊迫。雖難停泊候查。但過淮為盤時。其船中有無小錢。無難一望而知。且各幫到楊村暫泊待撥時。亦可順便抽查。除就近傳知倉場侍郎外。並著漕運總督於蓋盤湖廣幫船時。一體嚴密查驗。如該侍郎總漕並不認真妥辦。任令幫船仍前夾帶使用。別經發覺。惟該侍郎總漕是問。恐不能當此咎戾。至各省收繳小錢。期限皆已屆滿。而河南江蘇二省。據該督撫奏尚未淨盡。可見外省辦事多係托諸空言。有名無實。今景安既有展限之奏。著再通行展限半年。交步軍統領衙門。五城御史順天府府尹。及各省督撫。再行剴切曉諭。俾依限呈繳。一律肅清。倘逾限不繳。一經查出。必按律治罪。但清查小錢之道。惟在隨時留

心。覈實辦理。如經此次展限之後。該督撫等仍敢視為具文。始勤終怠。將來遇有查出私販小錢之案。必究明來自何處。及經過何省。將督撫及地方官一併從重懲處。不可不知凜慎也。○豁免江蘇江寧縣捐置義塚地二十畝。有奇額賦。○旌表守正捐軀江蘇睢寧縣民郭士禮妻李氏。○丁丑。予故盛京將軍輔國公嵩椿祭葬如例。謚勤僊。○旌表守正捐軀河南泌陽縣民閔某妻楊氏。○是月。河東河道總督李奉翰。巡視東漕戶科給事中宗室慶岱奏。會勘運河汶泗等處。節節淤淺。以受淤之厚薄。定挑土之淺深。共計工價一萬二千三百兩。於藩庫支發。剋日興工。得旨實力妥為之。○福州將軍署閩浙總督魁倫。護福建巡撫姚綏奏。漳浦八廳縣奉諭於正賑外。均賞給三月口糧。飛飭騰黃宣示。至來歲青黃不接。預籌應否賞給口糧。查現在加賑三月。計自本年十二月起。至本年二月

止。係每月按口給食貧民俯仰有資。二月後  
又有籌備平糶米已不虞缺乏得旨覽此畧  
慰矣。○陞任廣東巡撫署兩廣總督朱珪覆  
奏粵東洋面遼濶最易藏奸非合力兜拏不  
足以淨根株臣先已遴委將備并嚴飭地方  
官躡擒復擬於前赴惠潮閱兵之便親往查  
察得旨妥實為之母懈

實錄卷一百五

七

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百九十一

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百九十二

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事務處管理  
吏部理藩院事務正黃旗滿洲都統世襲騎都尉功加七級隨帶加一級尋常加二級軍功紀錄一次臣謹  
總裁官經筵講官太子太傅文學士文淵閣領閣事稽察欽奉 上諭事務處管理刑部戶部庫務  
世襲騎都尉軍功加十九級隨帶加二級又加二級臣謹將內大臣戶部尚書總辦滿洲都統軍功紀錄五次  
尋常紀錄十四次臣謹將經筵講官太子少保工部尚書紀錄六次臣謹將尋常奉

敘修

乾隆六十年乙卯十二月戊寅朔

上 詔

大高殿行禮。○幸瀛臺。○諭朕於明年歸政後  
凡有繕奏事件俱著書太上皇帝其奏對著  
稱太上皇。○又諭曰朱珪奏碣石鎮標右營  
都司黃標前經帶領弁兵拏獲洋盜朱恩發  
等共二十名現復於大洋追擊盜匪落水十  
三名生擒十四名頗屬認真出力該員任內  
有分巡船戶何新和等船在洋被劫數案部  
議例應降調可否令其將功補過等語黃標

熟悉洋面情形。且於緝捕能知奮勉。功過足以相抵。所有降調處分。著加恩交部免議。並著該署督飭令該都司嗣後當益加感奮。遇有緝盜事務。實心出力。以副朕格外恩施至意。○諭軍機大臣等。御書福字。向於臘月朔始行開筆頒賞。本日正值開筆吉期。年例皆書五福。茲特多書二福字。頒賜福康安和琳二人。共迓春祺。以為迅即成功先兆。○以叅革五經博士曹毓墀子傳鎮襲職。○己卯諭

戶部議覆九江關稅盈餘銀兩。比較五十七年計少銀十四萬七千三百餘兩。請令全德照數賠繳一摺。固屬照例辦理。第念該關稅銀向以木稅船料為重。本年苗匪滋事。湖南貴州木簾稀少。而湖廣米販。又因江浙等省年歲豐稔。運米船隻較稀。短絀尚屬有因。著從寬免其一半。全德自請交部嚴議之處。亦著加恩寬免。○諭軍機大臣曰。台布等奏。擊獲假名錢治平編造文書之正犯馮廷台。一

摺所辦好。此案馮廷台唆訟負欠。家計消落。無聊失志。輒敢捏造。委緝邪教信票。冒名兵部差官錢治平。並於文書內填砌素有嫌怨之高天壽等。希圖藉端拖累。實為可惡。前據景安等奏到。朕即以情節支離。其為假捏無疑。今將該犯拏獲。訊出實情。果不出朕所料。可見景安、玉德前此辦理時。將無干之人。紛紛查拏。向其根究。邪教殊為不得竅要。至馮廷台一犯。據台布等奏稱。經河南道員馬慧裕會同山東道府孫星衍、李舟等密行躡訪。究獲等語。該員等能將馮廷台拏獲。固屬可嘉。但馬慧裕等係道府大員。不過督率查拏。未必親身躡緝。或係所屬州縣首先訪獲。或係該道府等隨帶胥役訪得蹤跡。稟明拏獲。台布等不妨據實具奏。酌加獎賞。以示鼓勵。不必因摺內奏係道府拏獲。稍為迴護。現在假名編造文書之正犯業已緝獲。祇須將代為投文之牛三查拏到案。質訊明確。即可定

擬結案也。○又諭曰。蔡新覆奏。閩省虧缺倉庫。及督撫大吏等婪贓不法。未能留心訪察。劾奏。請交部議罪。一摺。各省鄉宦家居。原不應干涉地方公事。但蔡新以大學士予告回籍。朕平日優加恩禮。遇有地方大吏貪黷等事。訪查得實。理宜隨時入告。今據奏。實因年老衰頹。無從覺察。實應懷愧。但伊老邁。亦祇可如此。所請交部議罪之處。著加恩寬免。其每年所得福字荷包例賞。仍照常發去。以示

眷注。○庚辰諭。喀什噶爾等城。兵民回子雜處。大臣等多有袒護內地旗民之處。著傳諭各城大臣等。務須秉公辦事。毋令回民負屈。以示朕中外一體至意。○辛巳諭。據貢楚克扎布奏。本年借支各蒙古王公一年俸銀。據杜爾伯特郡王納旺索諾木等稱。情願將此項銀兩。及本年應支俸銀。并伊子等自備銀二千兩。共湊銀一萬兩。交衛藏來使堪布誦經。恭祝萬壽等語。納旺索諾木等誠悃可嘉。

即照所請。交理藩院照辦外。著加恩賞郡王納旺索諾木。珊瑚數珠一串。大緞三匹。大荷包一對。小荷包二對。貝勒巴桑。琥珀數珠一串。大緞三匹。大荷包一對。小荷包一對。貝子鄂勒哲布圖庫羅布藏。薩木坦。琥珀數珠各一串。大緞各二匹。大荷包各一對。小荷包各一對。公鄂勒哲鄂羅什瑚。博第格。呼勒齊。默特。已勒瑪。瑙數珠各一串。大緞各二匹。大荷包各一對。小荷包各一對。扎薩克台吉博

貝齊。已克烏。已什布達。什哩瑪。瑙數珠各一串。大緞各一匹。大荷包各一對。小荷包各一對。○諭軍機大臣曰。江蘭奏。地方情形一摺。內夾片稱。滇省山多田少。民鮮蓋藏。兼有蒸酒作踐等事。已多方勸禁。並令民夷日用飲食。實力撙節等語。所奏殊屬無謂。民間釀酒種烟等事。所在皆有。勢難官為禁止。從前科道中曾有條陳禁止種烟者。以其不達事體。交部議處。况滇省地方。夷人雜處。此等習俗。

相沿之事。又馬能飭禁該撫職任封圻。惟當於應辦事宜。隨時整頓。搏節愛養。若似此種烟蒸酒等細事。紛紛勸禁。並令胥役等前往查察。必致藉端訛索。滋擾民夷。是名為勸諭。搏節。適以擾累地方。即此為不曉事之一端。江蘭因初任巡撫。為此無謂之奏。借以見長。殊屬非是。除已於摺內硃筆抹出外。仍著傳旨申飭。○癸未。

孝惠章皇后忌辰遣官祭

孝東陵。○諭曰。魁倫奏。東冲定海二汛洋匪。搶劫礮械一案。總兵烏蘭保。於洋匪初至東冲。並不親行防禦。迨失事後。復以揭叅卸責。游擊德恩。奉調防守。遽行帶兵回營。請一併革職。審辦等語。烏蘭保。德恩。身係滿洲。乃於洋匪搶劫重案。並不實力查緝。惟知狡卸塞責。玩誤已極。豈革職所可了事。烏蘭保。德恩。著革職。等因。交該署督嚴審定擬。速奏。其該管之游擊吳壯圖。守備蕭明高。署都司事守備

蔡朝恩。並著一併革職。交該署督提同案內人證。嚴行質訊。定擬具奏。署總督魁倫。及陸路提督瑪爾洪阿。署水師提督顏鳴漢。均著交部嚴加議處。以示懲儆。○諭軍機大臣曰。魁倫奏。十月內。據詔安縣稟報。該處洋面。有由廣東駛至盜船。內有數隻。係番子盜船。頭纏紅布。又據魁倫之幕友林性。稱有伊認識之生員等三人。曾遇盜船。回知盜首名李發枝。船共十二隻。內有一隻。係安南人。其餘係

廣東福建浙江等省人。皆頭纏紅布。裝作番狀。聽得安南盜船。約有十隻等語。安南自阮光平內附以來。極為恭順。倘因此等洋面盜劫之事。加之詰責。非所以示綏懷。著傳諭魁倫等。嗣後閩浙廣東洋面。惟當督飭海口。將弁一體實力搜捕。遇有此等盜船。無論其果係安南。並各外夷盜匪。抑係內地匪徒。假裝服飾。一經拏獲。即概行正法。不必行文查詢。至魁倫奏。現在捐廉雇覓漁船。委員帶同漁

戶。協捕盜匪。將來擇其精壯出力者。挑補水師兵丁等語。既可杜絕漁戶等為賊送水。及接濟賊糧等事。並可作為眼目。而挑補水師。亦可望其得力。固屬一法。但須為之以實。方足以資緝捕之用也。其李發枝等要犯。並著魁倫等督飭將弁。設法查拏務獲。以淨根株。將此各密諭知之。○調福建建寧鎮總兵劉景昌。為福寧鎮總兵。以廣西鎮安協副將德克登布。為建寧鎮總兵。○旌表守正捐軀山

東嶧縣民邵顯業女邵氏。○甲申。

上幸瀛臺。朝鮮國正使閔鍾顯副使李亨元等。於西華門外瞻覲。○諭曰。長麟著加恩賞給副都統職銜。令其自備資斧。前赴葉爾羌辦事。更換明興。○諭軍機大臣等。據朱珪奏。拏獲海洋盜犯。審明定擬一摺。已交軍機大臣會同該部速議具奏矣。惟閱摺內稱李關六等各在夷地捕魚度活。四月間在洋行劫後。駛回夷地。消贓俵分等語。所云夷地。自即係

安南一帶海濱。貧民捕魚為活。雖難禁止。然亦不應聽其私往夷地久住。以致糾約為匪。行劫消贓。著傳諭該署督。即嚴飭沿海文武。嗣後隨時查禁。毋令漁戶人等潛赴夷地。滋生事端。○戶部議准。大學士署四川總督孫士毅疏。稱犍為縣新淘鹽井二十眼。每井設鍋一口。歲產鹽一百七十四萬八千斤。除照下井鍋例權課。並配引徵稅外。現據額商陳請。石砵廳額鹽不敷。願全數認增。以乾隆六

十年為始。納稅領引。赴永通廠配鹽。運該廳接濟民食。從之。○旌表守正捐軀安徽宿州民李毛妻孫氏。守正被戕。甘肅靜寧州民孫五十娃妻韓氏。○乙酉。

上幸瀛臺。○諭。明年元旦。御內殿受賀。嗣皇帝之皇后。仍照每年常例。於重華宮行禮。班次在公主福晉之前。公主福晉與嗣皇帝及皇后均係同輩。仍應行家人常禮。俱不必跪叩。若皇后受冊封。及御交泰殿蠶壇。諸大禮。公

主福晉。自應照外班舊例行。再嗣皇帝之貴妃。妃嬪等。即同皇子等。側福晉一例。其職分俱不至在朕前行禮。明年元旦。即著照此旨。交與總管太監存記。屆時遵行。○以叅革廣西恩府屬那馬土巡檢黃昌運子瑜襲職。○旌表守正捐軀湖北咸豐縣民蔣繼孟妻周氏。山西稷山縣民李銀山妻劉氏。○丙戌諭。據魁倫等奏。伊轍布平日倉庫賬目。顛到錯謬。惟劣幕吳義添一人之言是聽。現將該

犯偵緝到案。訊據供稱。貪戀束修。朦混作弊。應將吳義添在省城枷號三個月。發往厄魯特為奴。仍將該犯家產抄沒入官等語。此等劣幕。於錢穀既不諳習。輒因貪戀修金。辦理公務。顛倒錯亂作弊。以致本官身罹重罪。而幕友轉得坐擁厚貲。置身事外。甚屬可惡。今魁倫等將吳義添查出究辦。不致漏網。辦理甚是。因念其究由伊轍布貪贖不法。該犯祇係聽從作弊。尚無關涉人命之事。業經魁倫

等將該犯枷號滿日。發往厄魯特為奴。抄沒家產。已足蔽辜示懲。若有人命等事。必將該犯正法。其罪尚不止於遠戍。但此等幕友滋事。各省俱所不免。著各督撫通行傳知各衙門幕友。嗣後務宜小心安分。如再有朦混作弊。甚至釀成人命者。必當立正典刑。不能如吳義添之倖邀末減也。又據魁倫等奏。查抄錢愛椿任所衣物一摺。內稱。提訊家人書役等。僉供並無寄頓。似屬可信等語。外省長隨書役。往往倚恃本官聲勢。嚇詐訛索。雖訊無隱匿情弊。其平日亦必非安分之徒。所有錢受椿案內長隨范三吉。書役蔣開濬等。均著枷號三個月。滿日分別革役遞籍。以示懲儆。○軍機大臣會同刑部覆奏。福建虧空知縣彭良謬等罪名。得旨。福建近年以來。各州縣倉庫。至於無處不缺。民生吏治。玩愒廢弛。更不可問。伍拉納、浦霖等。身為督撫。蕩檢營私。罪固難逭。然皆由此等劣員。惡德迎合上下。



勾通。遂至毫無忌憚。是伍拉納、浦霖等之身。惟重辟。實緣不肖府廳州縣等釀成。若轉使之倖邀末減。又何以肅吏治而儆官邪。彭良謨、胡啟文、均虧空過萬。著即處絞。以示懲儆。

○軍機大臣議奏。查自

國初平定各省。至乾隆五十三年臺灣。各處用兵殉節旗員。尚有戴音等一百四十二員之子孫。未經議卹。遵旨賞給恩騎尉。世襲罔替。此內現有職任者。准其兼襲。其本由難廢得官者。俟難廢完時。照例一律予襲。至各直省尚未覆齊。俟覆到照辦。從之。○丁亥。

上詣

雍和宮行禮。○諭曰。停習渾。著賞給粘竿處拜唐阿。令其自備資斧。効力贖罪。○又諭。昨魁倫等續行審辦福建虧空倉庫各員。分別定擬。經軍機大臣會同刑部覈覆。將虧那一萬兩以上者。改擬絞決。已依擬行矣。此內查出彭良謨一犯。虧至逾萬。本應即行正法。第念

彭良謨之父。係原任知州彭元璋。在木果木軍營殉難。彭良謨並無子嗣。若將伊正法。則捐軀死事之臣。竟至絕嗣。殊堪憫惻。彭良謨著加恩改為絞監候。此朕於法無可貸之中。曲加寬宥。以示軫念。蓋臣法外施仁至意。○吏部疏請。

孝儀皇后之父。原任內管領清泰。追封為三等公。

孝儀皇后之母楊佳氏。封為公妻一品夫人。得旨允行。○戊子。諭。據玉德奏。查明出洋巡哨之外。委王再門管駕兵船。飄至江南崇明縣屬海口。弁兵船隻。均無傷損等語。外委王再門出洋巡哨。不避危險。前經被風飄至外洋。茲復飄往江南境內。甚屬奮勉。王再門著加恩。遇有水師守備缺出。即行起補。並查明舵工內實在出力者。即將王再門所遺外委一缺。拔補。所有兵丁等。俱各賞給銀十兩。以示朕於不避艱險弁兵。體恤優獎之至意。○又

諭曰。畢沅等奏時屆嚴冬。難民急須調劑。現在擇要築堡。以工代賑。一摺。湖南三廳八屬。自逆苗滋事以後。各鄉村居民。多被蹂躪。殊堪憫惻。業經屢次降旨。給予賑恤口糧。以資民食。茲據畢沅等奏稱。麻陽縣屬之岩門。永綏廳屬之花園等鎮。均為扼要通衢。請先行改築石堡。越此難民間空需食之時。就地招徠。以工代賑等語。所辦好。著照所請。即於湖南省所存鼓鑄餘息款項內。動支銀兩。以為辦工之用。該督撫等務須遴委熟諳工程之幹員。分投督辦。以期賑務工程。兩有裨益。方為妥善。○又諭貴州銅仁松桃一帶。前被逆苗滋擾。附近居民。紛紛逃避。節經降旨。給與賑濟口糧。以資民食。茲據馮光熊奏。從前逃亡遠地難民。目下聞風投歸者。為數甚多。現屆歲暮。一切禦寒覓食。殊形拮据等語。著再加恩。將此等回籍難民。再行加賑兩月口糧。俟來歲春融停止。以示朕體恤窮黎恩施無

已至意。○又諭。據福康安等奏。古州鎮總兵馬詔蛟。現在患病。所有古州鎮鎮軍鎮軍員缺。請以袁敏。富志那。分別陞調等語。著照所請。袁敏著調補古州鎮總兵。所遺鎮軍鎮總兵員缺。著富志那補授。但該員等現在軍營帶兵勦捕苗匪。未能即赴新任。古州地方緊要。袁敏未到任之前。仍著馬詔蛟在任調理。照常辦事。俟軍務告竣。袁敏等抵任後。再令馬詔蛟回籍調理。又據奏。陞任貴東道大定府知府周緯。雲南寧洱縣候補直隸州同知傅鼐。現俱丁憂。該員等或辦理糧餉出力。或熟悉苗情。請仍留辦軍務各等語。周緯著仍留軍營辦理糧餉。毋庸開缺。俟事竣後奏明。另降諭旨。傅鼐亦著留辦善後事宜。服闋後即以相當之缺。另行補用。○諭軍機大臣等。據福康安和琳奏。賊匪在附近天星一帶山坳屯聚攢集。經福康安和琳董率官兵將大小天星寨攻克。復連克黃冲口賊卡十三處。直

抵得盤山梁可嘉之至。務宜倍加奮勉。迅奏成功。現在年節已近。所有例賞前已發往。再賞給福康安、和琳、琿瑯三針洋表各一個。黃辦大荷包各一對。小荷包各四個。並賞給額勒登保、德楞額、琿瑯二針洋表各一個。黃辦大荷包各一對。小荷包各二個。花連布白玉搬指一個。黃辦大荷包一對。小荷包二個。綸布春阿哈保色靈額西津泰白玉搬指各一個。花大荷包各一對。小荷包各二個。其滿漢

屯土各兵。再晉賞一月錢糧。此次降苗。隨同堵禦。甚為出力。伊等向無錢糧。亦加恩賞給一月錢糧。以示鼓勵。又據畢沅等奏。鼓勵降苗。縛獻賊目石老四。所辦尚好。但降苗楊鼎元等。因縛獻石老四。以致吳八月之子挾讐報復。將平郎寨陽二寨降苗數十戶。全行燒燬。搶劫一空。而楊鼎元家屬又被殺害。尤為可憫。楊鼎元應賞五品頂戴。逃出各難民。均善為安撫。以示獎卹。○旌表守正被戕直隸

任縣民趙長受母楊氏。○己丑子故客爾喀固山貝子敦多布多爾濟祭如例。○庚寅上御乾清門聽政。○諭內閣衙門因丙辰正月初四日降勅冊立嗣皇帝元妃為皇后。照例撰擬恩詔進呈。似此繁文。所請可不必行。明年元旦歸政後。朕為太上皇帝。嗣子為皇帝。其嫡妃自應立為皇后。此乃宮庭一定禮儀。祇當循照向例祭告。

吞

地

宗廟用昭茂典足矣。何必撰擬恩詔布告天下。多此鐫節繁文。皇后正位端闈。恪修內職。非如皇太后之為母后。分應尊崇者可比。我朝家法。宮壺肅清。從不干與外事。來歲舉行冊立皇后典禮。不特恩詔不必頒發。即王公大臣以及外省督撫等。亦毋庸因立后於朕前及嗣皇帝皇后前呈進慶賀表箋。且皇后壽節暨元旦冬至。與外庭無涉。嗣後俱當永行停

止箋賀。並以為例。以肅體制。而垂法守。○又諭。據蘇凌阿奏。修造驛站。船隻一摺。係內河應修船隻。自應覈實辦理。因思沿海一帶。設立水師戰船。原為海洋緝捕盜匪之用。全在船身便捷。若過於笨重。豈能追捕賊匪。可見此項戰船。於外洋追捕盜。不能得力。每屆修造。需費尤多。徒為承辦之員。開銷需潤地步。節經降旨。令沿海各督撫。將現有官船。照依商船式樣。一律改造。以為外洋緝捕之需。

著再通飭沿海各該督撫。遵照前旨。將此項戰船輪屋拆造之年。俱照商船式樣。一律改造。既於追捕盜匪。駕駛靈捷。足資應用。而於修造浮費。亦大有節省。該督撫等務當實力妥辦。以歸實用。而省浮費。將此通諭知之。○又諭。魁倫等奏。定海鎮總兵一缺。甚為緊要。水師總兵孫全謀現任要缺。未便更調。此外並無可以調補之員等語。定海鎮總兵。即著以王凱補授。並令督率舟師。實力緝捕。以

期洋面肅清。又據吉慶奏。原任廣東副將林國良。係熟諳水性之員。該副將係福建海澄人。現在丁憂回籍等語。昨據魁倫奏。閩省水師中熟諳得力之員。亦屬無幾。前此南澳鎮總兵缺出。曾有旨。令該督等於通省水師總兵內。揀選一員補授。今林國良既熟練水師。現已丁憂回籍。南澳鎮尚未揀補有人。即著林國良署理。俟服闋再行實授。○辛卯。諭。長春宮向有

孝賢皇后東珠頂冠。東珠朝珠等件。在彼陳設。因思國家宮殿。俱有定制。若皇后服物陳設宮中。則其地即扁閉清嚴。未便再行居住。一朝之后。服物陳設一宮。世代相承。禁禦幾無餘地。況此等貴重物件。原為端闈服飾。自當為世代皇后之用。又何必虛為供奉。致占宮闈之地。朕前降諭旨。以重華宮為每年錫宴之所。將來不應復安神御。當循其舊。以為世世子孫衍慶聯情吉祥福地。即猶此意。所

有長春宮供奉

孝賢皇后東珠頂冠。東珠朝珠等物。嗣皇帝即位後。皇后即可服用。從此雲初繼慶。輩翟增輝。更為無疆盛事。此旨著交內閣。尚書房。內務府。敬事房。各存貯一分。以垂法守。○又諭。每年臘月。於直隸解到旗租銀兩。普賞八旗兵丁一月錢糧。以為兵丁度歲之需。本年此項銀兩。屢經部催。至今未據解到。該兵丁等寒冬歲暮。生計維艱。若俟解到後再行給發。未免遲緩。著於部庫節年積存旗租項下。先行撥給。加恩普賞八旗兵丁一月錢糧。俟直隸旗租解到。再行歸款。以示敦錫。春祺。恩膏速達至意。至此項旗租銀兩。直隸上年報解。已屬遲延。本年復至今尚未解到。殊屬延玩。除俟梁肯堂到京傳諭飭行外。此後若再不實力督催。如期解部。必將該督等交部治罪。○吏部奏遵旨議革職留緝人員。獲犯分別開復各事宜。一。叅員果係親身躡緝。限內

全獲首夥。准引見開復全任。一。限內親獲首犯。並夥犯及半。餘犯經他人全獲。亦准引見開復。仍帶革職留任。補官後四年無過查銷。一。限內親獲首夥不及半。餘犯經他人全獲。降一級用。其祇獲首犯。餘犯經他人全獲。降二級用。此等降用之員。於引見時聲明。候旨錄用。仍照所降之級。帶於新任。補官後三年無過查銷。一。限內祇親獲夥犯。首犯餘犯經他人捕得。或首犯經他人捕得。尚有餘犯未獲。均限滿飭令回籍。又親獲首夥及半。或不及半。并僅獲首犯。限滿尚有餘犯未獲。亦准回籍。一。限滿未獲一犯。照例治罪。若首夥全係他人捕得。或夥犯經他人捕得。或止親獲夥犯。而首犯未獲。交刑部酌減治罪。一。例不引見之員。令該督撫於限滿時。據實分晰咨部。應開復全任。或仍帶革職留任。俱照引見人員辦理。若降級用者。無級可降。亦予開復。仍帶革職留任。四年無過查銷。年限內不准

支給廉俸。該督撫於該參員如有袒護。不切實聲敘。經部查出。及科道糾參。或被人告發。一經得實。將該督撫照徇庇例從重議處。報聞。○以詹事寶源為通政使。○壬辰。予難廕世職兼隸撫標。諭。向來難廕及世職等官。引見時。俱發回標營學習。但思此等人員。若概發督標學習。該員籍貫。有距總督駐劄地方。遠近不同。如安徽江蘇兩省。與江寧相近。自可仍發督標。至江西之興江寧及浙江之與福建雖同一總督管轄。而地方遠隔千餘里。若發回督標。該員等前往學習。當差未免資斧維艱。嗣後難廕世職各官。除止有總督省分及距督標相近者。仍照舊發回督標學習外。其距督標遙遠。如江西浙江陝西湖南廣西貴州省分。即著就近發往撫標學習。引見時。並著該部提奏。以示朕優加體恤至意。
---

大清高宗法天隆運至誠先覺體元立極敷文奮武孝慈神聖純皇帝實錄卷之一千四百九十二
--

大清高宗法天隆運至誠先覺體元立極敷文奮武孝慈神聖純皇帝實錄卷之一千四百九十三

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣等謹

總裁官經筵講官太子太傅文華殿大學士文淵閣領閣事稽察欽奉

上諭事件處管理刑部戶部庫事務

世襲騎都尉軍功加十九級隨帶加二級又加二級重誥內大臣戶部尚書鎮遠侯滿洲都統軍功紀錄五次

尋常紀錄四次臣等謹

乾隆六十年乙卯十二月癸巳諭朕紀年周

甲於丙辰元旦舉行授受大典王公等及文武百官慶賀禮成本應筵宴但是日朕御太和殿授寶後嗣皇帝御殿登極若於是日復舉行筵宴儀節未免繁縟是以初四日特舉千叟宴盛典臚歡申慶宣愷頒賚即以示元正授政於寧壽宮初御皇極殿錫賚受賀普迓春祺諸慶俱備其餘繁文不必行矣○又諭本日召見回京復命之山西學政戈源據伊奏稱前因患病今始痊愈經朕面加詢問

則老憊不堪且兩耳重聽全不能奏對明白

步履亦甚踴躍是其在任時必係病經日久

斷非近時始行患病學政職司衡文校士似

此老病衰憊豈能勝任將兆奎早應據實奏

聞乃檢閱該撫近奏學政聲名摺內尚稱其

關防認真並無劣蹟而於該學政衰病情形

並無一字奏及任其因循戀職廢弛學務殊

負封疆重寄將兆奎著傳旨嚴行申飭仍交

部嚴加議處戈源著即以原品休致○宗人

府奏年滿宗室請旨承襲得旨敬敏裕興裕

瑞俱授為不入八分輔國公弘善弘需果勒

慶阿倫康伊豐阿俱授為奉恩將軍綿齡授

為三等輔國將軍倫誠授為一等輔國將軍

伊爾揚阿授為一等奉國將軍德恭泰授為

二等奉國將軍○諭軍機大臣等戶部奏安

徽旌德縣監生鮑銑呈控署縣短發社倉穀

價並土豪汪能御吞占地畝等情一摺此案

鮑銑於四十九年充當社長應領穀價銀六

百餘兩。僅領出二百餘兩。五十年因災出借。後仍俱陸續繳縣。是從前未領穀價。該縣始終未經給發。何以事隔十年。轉向該社長名下催迫。是否歷任知縣侵那虧短。抑竟係該社長自行侵那。畏罪潛逃。捏詞具控。均須徹底根究。以成信讞。其所稱土豪汪能御售賣玉器。積有厚貲。係從前張鑾案隱匿所致。尤係案內緊要情節。均應切實根究。蘇凌阿現已起程。著傳諭該署督於何處接奉此旨。即

於何處轉回。不必來京與千叟宴。即速往安省提集案內人證。秉公嚴審。定擬具奏。審案完竣後。即仍回任辦事。○又諭據伊桑阿奏葉爾羌派解官玉之二等侍衛恒義護軍校佛津保。擅代商人夾帶玉器。請將恒義佛津保及隨行人等。解交葉爾羌查辦等語。新疆私帶玉器。事干法紀。一經查出。非嚴辦不足示懲。著伊桑阿即赴葉爾羌會同明興將恒義佛津保革職拏問。提同案內人犯。嚴審定

擬具奏。其庫車辦事大臣印務。著穆和蘭往署。○又諭曰。伊桑阿奏侍衛恒義所帶玉器。據供係江南人戴傳經。交伊雇工張昌隨同行走。分交西安省城立昌醬園程姓及肅州興裕魁號鋪戶。佛津保係帶至肅州交山西臨縣人武強。陝西固原人雍達連。現據查出單內所帶玉洗玉瓶等。各有數十件。為數甚多。是該犯等私販決不止此一次。伊等鋪內寓所。自必尚有舊存私帶物件。不可不嚴行

查辦。著傳諭宜綿。不必來京。陛見於何處接奉此旨。即於何處速行轉回。將供出收藏玉器之鋪戶等。嚴密搜查。務將私存玉器盡數起出。勿任稍有隱匿。蘇凌阿已回上江。此案著該署督即會同貴淳查明戴傳經住址地方。有無存留新疆玉器。及平日有無私販等事。嚴行查究。一併據實具奏。其籍隸山西之武強。並著將兆奎嚴行查辦。亦不必來京赴千叟宴。○以故鑲黃旗滿洲一等男陳隆孫



全泰。鑲黃旗蒙古三等子常明子德奎三等子興安子保清各襲爵。○甲午。諭。每歲

太廟祫祭。

九廟合饗。典禮恭崇。朕御極以來。肅恭將事。於中位上香畢。至

列祖

列宗前以次上香。乾隆三十七年。朕春秋六十有二。因舊行儀注。上香往返。次數較繁。恐少有失儀。轉不足以將誠敬。曾令大學士等定

議。請派親王皇子八人。分別隨同上香。稍節步履之勞。明歲元旦。舉行授受大典。本年祫祭。尤當展恪升馨。敬申昭格。是以乙巳年歲暮。祫祭禮成。御製詩內。即有期待將歸政。拈香親詣周之句。其時已豫擬六十年祫祭將屆歸政之期。於

列祖

列宗神位前。仍俱親詣拈香。不令諸皇子恭代。用展積忱。勉符舊典。今朕仰荷

洪釐。壽屆八旬。開六。精神純固。自揣廟中行禮。於

列祖

列宗前。一一躬親上香。致敬尚所能勝。此次歲暮祫祭。朕仍當敬率舊儀。

九廟以次上香。用示精裡昭告之意。○又諭。據蘇凌阿等奏。已革銅山令佟大有因疎脫監犯張三。叅革。留於地方協緝。該叅令先後拏獲首夥各盜及竊犯多名。所有有限滿應擬徒

罪。可否功過相抵。量予寬免等語。各省留緝人員。往往於本案正犯。並不認真緝捕。轉將他處拏獲之犯。作為協緝。希圖減罪。該上司亦復瞻徇通融。代為具奏。俾留緝之員得以免罪釋歸。此係外省歷來陋習。不足以示儆。佟大有著展限三年留緝。如能於限內緝獲正犯。即予免罪。若再限滿無獲。仍照原擬問徒。不准減免。此後各直省留緝人員。除限滿無獲者。照舊定擬外。其未能拏獲正犯。而緝

獲他處案犯即著照佟大有之例辦理以昭覈實○又諭昨武英殿將兵部纂辦軍器則例刊刻進呈披閱原奏於阿桂列名下空一字未經填寫殊屬疎忽進呈書籍君前臣名豈有空寫之理此項則例自當詳細校對再行刊刻及刊出底本該部又覆加勘校方行刷印何以於此等空字處所未經看出所有繕寫校勘則例之兵部堂司各官及武英殿總裁等均著交部分別議處○諭軍機大臣

曰魁倫奏遊擊德恩等稟報於下許畬洲海口及草與洋面拏獲盜船一隻除打壞溺水殺斃外共生擒盜匪五十餘名並撈取起獲紅巾礮械等件據匪犯任銳等供認行劫浙省官米並附同搶奪東冲定海各汛礮位等語辦理尚為認真賊匪現在遠遁著傳諭朱琰嚴飭粵省官兵一體截拏務獲閩省獲盜已解交姚蔡審辦著該護撫將紅巾之故即速審明具奏但紅巾字樣殊不成話若果有

此等豈不又成漢朝黃巾名目即該犯等有安南人在內亦不應有此等字面且此次獲犯尚非盜首前吉慶奏拏獲行劫官米盜犯內林發枝等未獲或即係該犯主持調度魁倫等仍當轉飭文武員弁於各海口實力訪緝祇須將此案盜首拏獲後則夥黨潰散無難盡獲以靖洋面而斷根株又據奏臺灣米價現糶二兩四五錢不等商船間有進口等語商船內渡漳泉一帶米價自漸平減該署督等尚當隨時調劑設法招徠務俾臺米源源內運漳泉糧價大減小民無復食貴之虞○又諭據孫士毅奏現駐川省邊境計程較遠勢難與宴俟大功告竣再行回京供職等語所見甚是昨因江南甘肅山西皆有查審案件業經降旨令蘇凌阿宜綿蔣兆奎速行回任查辦不必進京入宴孫士毅現駐邊境嚴緝盜匪及承辦轉運糧餉事宜關係緊要更不當遽離職守所有孫士毅蘇凌阿宜綿

蔣兆奎入宴應賦詩章。著交翰林院代擬外。其賞賚物件。俱即遇便發去。以示優老眷注。又據奏探有楚苗千餘渡河潛赴鯉魚灘楊家坪一帶滋擾。經遊擊多福等帶兵剿殺等語。苗匪至川省邊境滋擾。自係該匪等因大營追逼愈緊。無路逃生。為此苟延殘喘之計。孫士毅當督飭將弁。嚴密防堵。毋任該匪等復行潛出滋事。此為最要。又覆奏收繳小錢一摺。所辦亦好。並著傳諭孫士毅。隨時認真

查竊。如有行使私錢等事。立即查拏。從嚴辦理。以杜積弊而清國法。○予告尚書曹文植奏四庫全書總目刻竣。謹進陳設二十部。備賞八十部。餘將板片交武英殿收藏外。并另刷四部。請發裝潢分貯四閣。至是書最易繕閱。應照向辦官書。刷印發坊領售。報聞。○以故正黃旗滿洲三等侯和雙額弟和寧額。一等子賽炳阿子舒敏。三等子增保子奎善。正黃旗漢軍三等男那達納子永啟。各襲爵。○

旌表守正捐軀直隸永清縣民任連妻周氏。○乙未諭刑部覈覆湖北省民人柯興禮等聽從柯瑞梅殺死一家四命一案。將為從加功之柯興禮等三犯。照原擬斬決。固屬按律辦理。但閱其情節。此案柯谷彩於伊堂兄柯祥偉故後。欺伊侄柯瑞梅年幼。輒將柯祥偉之妻呂氏改嫁。吞占財產。又將柯瑞梅童養之妻朱氏改給伊養孫為媳。復驅逐柯瑞梅。不給財產。柯瑞梅隻身無依。懇求分產另住。

柯谷彩並不聽許。情節實為可惡。其為從加功三犯。因柯瑞梅告知欺凌霸占情由。同柯瑞梅向柯谷彩理勸。柯谷彩復堅執不允。並加呵斥。經柯瑞梅起意殺害。求其幫助。該犯等因而聽從。與他案同謀加功者稍為有間。此內陳思名一犯。於柯瑞梅斧砍陳氏時。該犯接斧連砍。係幫同動手行兇。應照所擬。即行處斬。四命已有二抵。其柯興禮、吳燦奉二犯。止於揪抱。並未幫同斧砍。稍可末減。柯興

禮。吳燦奉著從寬改為應斬監候。秋後處決。以示準情定讞。酌歸平允至意。○戶部議准倉場侍郎宗室宜興。劉秉恬咨稱。通州中西二倉。前因經收漕白二糧。事務較多。定為繁缺。於京倉監督內揀調。今將京官文職四品以下。武職三品以下俸米。改歸京倉。應需白糧。派海運北新倉開放。中西二倉。每年僅放米四萬餘石。非復繁劇之舊。應仍改為簡缺。咨部掣補。將海運北新倉監督。定為繁缺。於各倉內揀調。其歷任一年以內之員。仍接算三年報滿。一年以外之員。另扣足二年報滿。從之。○予故杜爾伯特扎薩克固山貝子羅布藏薩木坦祭如例。以其子拉穆扎布襲爵。○丙申。諭軍機大臣。曰。哈當阿等奏。拏獲陳周全案內逸犯。審明辦理一摺。此案李敏一犯。係義民首監生徐時仲。劉善敬拏獲。該義民等將要犯購線獲解。尚屬出力。著傳諭哈當阿等酌賞九品職銜。嗣後遇有此等出力

義民。除拏獲尋常案犯毋庸加賞外。其僅有八九品職銜。而能購獲要犯多名者。並著該提督等酌量加一等與銜。總不得過七品。以示節制。俾各義民知所鼓勵。於緝犯自更有裨。又據奏。審明詐贓。蠹役定擬一摺。已批交部議。至摺內聲請將失察之鳳山縣張祥辰。交部議處。此案縣役戴陞詐贓。擾累係該縣訪聞究辦。其失察處分尚屬可原。除傳知該部免其置議外。並著該提督等將張祥辰記功示獎。○丁酉。諭。朕明歲元日。舉行授受大典。自應躬率嗣皇帝祇謁兩陵。虔申昭告。著於三月初間。嗣皇帝耕耤禮成後。諏吉啟鑾。各該衙門照例豫備。○又諭。曰。西成著調補陝西布政使。其四川布政使員缺。著林雋補授。從前因林雋之父係福康安家僕。門地卑微。曾降旨內用。不過郎中。外用不過道員而止。嗣因林雋在後藏催運軍糧。屢有勞績。用人之際。不得不格外施恩。是

以先賞給按察使銜。旋經擢補。此次進剿苗匪。林僑在川省秀山一帶。籌辦軍糧等事。井井有條。福康安和琳以勤能得力。專摺保奏。復經降旨賞給布政使銜。遇有四川湖廣等省藩司缺出。即行補授。兩司大員。表率全省。原應視其出身酌為限制。但當軍務需人。似此勤奮出力之員。豈可拘其家世。不加獎勵。況林僑現任臬司。若停其外擢。轉用京堂。則班次豈不更優。今將該員補授藩司。實因軍務需才起見。該員當倍加感奮。以副逾格施恩至意。所遺四川按察使員缺。楊揆亦係軍營得力之員。前經賞給按察使銜。即著加恩補授。以示獎勵。○戊戌。

上幸瀛臺。哈密回部郡王額爾德錫爾等。土爾扈特使臣博多克等。杜爾伯特使臣察罕博埒克等。廓爾喀使臣噶箕迺爾興等。琉球國使臣向文鳳等。安南國使臣阮光裕等。暹羅國使臣呷雅梭挖粒巡段押撥蘇昭突等。於

西苑門外瞻覲。○諭。據蘇楞額奏。現聞湖南首逆就擒。大功即日全竣。官兵凱旋。賞賚不無所需。請將前次商人公損項內未收銀一百萬兩。懇恩俯准收納等語。本年春間。該商等業經輸銀一百萬兩。茲又請將前此公損未收銀一百萬兩。一併輸納。因念該商等再三籲懇。情詞真切。著即賞收候撥。並准其於前項分年帶完之後。續分三年歸款。所有急公報效之該商等。俱著交部歸併前次一體

照例議敘。○諭。軍機大臣曰。姚茶奉拏獲在洋行劫盜匪。審明辦理一摺。所有盜犯。業經該護撫恭請王命。即行分別凌遲處斬矣。至此案盜首林發枝。王流蓋。尚未就獲。該二犯俱籍隸福建。該督撫何不密查該犯原籍。有無父兄眷屬。拏獲圍禁。令其寄信招致。更可無勞而就獲。但此時止宜不動聲色。妥為辦理。不可任聽胥役人等藉端滋事。以致各該犯家屬聞風遠遁。轉去入夥為盜。此為最要

至此案盜犯。膽敢搶掠官米。剽奪駁位。甚至登岸拒捕。非尋常洋盜可比。將來拏獲首犯後。不特該犯應予寸磔。即其父兄家屬。並應照大逆例緣坐。未便僅按失察子弟為匪之律。致滋輕縱。○己亥。

上御寧壽宮景祺閣。賜王貝勒貝子公額駙大臣。及蒙古王貝勒貝子公額駙等食。並賞賚有差。○庚子。

上御撫辰殿大幄次。賜蒙古王貝勒貝子公額駙台吉。土爾扈特。杜爾伯特。回部。及朝鮮。安南。暹羅。廓爾喀。使臣等宴。並賞賚有差。○辛丑。諭曰。永慶年邁無子。著留京署理鑲白旗漢軍都統。所遺江寧將軍。著那奇泰補授。那奇泰所遺熱河副都統。著德勒克扎布調補。德勒克扎布接奉諭旨後。即迅赴熱河新任。其墨爾根城副都統。著富色鏗額調補。○江西學政鄒炳泰。奏前任學政沈初。濫准皂役之子冒考。得旨。此案饒昌期等。控告焦模。

奉係皂役之子。不應入學。沈初即恐饒昌期等有挾嫌索詐情節。亦應將兩造一併斥革。究訊。方為公允。乃沈初於該生具控時。未經審訊。即將原告斥革。而於被告冒考之焦模。泰。轉置不問。今據審明焦模泰實係皂役之子。應行斥革。饒昌期等並無挾嫌訛詐情事。開復衣頂。是沈初辦理此事。不免意存袒護。著交部一併分別議處。○壬寅。

孝莊文皇后忌辰。遣官祭。

昭西陵。○

上詣

慈寧宮。

壽康宮行禮。○諭軍機大臣。曰。朱珪奏。喀喇。國呈進表貢一摺。該國王因前年貢使進京。賞賚優渥。特具表文土物呈進。具見悃忱。雖未專使來粵。有何不可。已准其賞收。並發給勅書一道。諭以爾國遠隔重洋。上年遣使恭齋表貢。航海祝釐。朕鑒爾國王忱悃。今使臣

等瞻觀與宴。錫賚駢蕃。頒發勅諭回國。並賜爾國王文綺珍玩。用示懷柔。茲爾國王復備具表文土物。由夷船寄粵呈進。具見恭順之誠。天朝撫有萬國。琛賁來庭。不責其物。惟貴其誠。已飭諭疆臣將貢物進收。俾仲虔敬。至天朝從前從剿廓爾喀時。大將軍統領大兵深入。連得要隘。廓爾喀震攝兵威。匍匐乞降。大將軍始據情入奏。天朝仁慈廣被。中外一體。不忍該處生靈。咸就殲除。是以允准投誠。彼時曾據大將軍奏及。爾國王遣使前赴衛藏投稟。有勸令廓爾喀投順之語。其時大功業已告成。並未煩爾國兵力。今爾國王表文內。以此事在從前貢使起身之後。未及奏明。想未詳悉始末。但爾國王能知大義。恭順天朝。深堪嘉尚。茲特頒賜爾國王錦緞等件。爾國王其益勵蓋誠。永承恩眷。以副朕綏遠敷仁至意。朱珪接到後。可即交與該國大班噶喇。轉送回國。俾該國王益加感戴恭順。以示

懷柔。至天朝官員。例不與外夷交際。其致送前任總督監督禮物。朱珪飭令寄回。所辦亦是。又另摺奏。拿獲洋盜。審明辦理一案。該省盜犯現獲多名。可見粵東洋面盜犯。亦未能搜捕淨盡。朱珪屢次董率嚴拏。辦理尚屬認真。但仍當飭令文武員弁。隨時躡緝。不可日久生懈。以期海洋寧謐。方為妥善。○調鑲紅旗漢軍副都統伊江阿。為鑲白旗滿洲副都統。以戶部侍郎成德兼鑲紅旗漢軍副都統。○癸卯。諭。據達春等奏。盛京協領永書領解餉車。見巡檢管景穆自路旁越過。遂行責打。請將永書管景穆解任質審等語。所奏非是。巡檢雖係微職。亦無協領責打之理。在永書不過因管景穆途遇未曾下車。故爾尋隙。應將永書革職審訊。達春等并欲將管景穆解任。顯係袒護旗員。達春。伯麟。富保。俱著交部嚴加議處。並著琳寧前往會同盛京刑部嚴審定擬具奏。○諭軍機大臣曰。桃葉奏雨水

糧價情形一摺。據稱。延平邵武等府糧價。比九月稍減。福州及漳泉三府。遞有加增。至臺灣府屬。秋收未能一律豐稔。米價尚在二兩以上。合計通省各屬。豐歉不一。而豐收之處較多等語。所奏殊屬含混。閩省地方。臺灣向稱三熟。即漳泉二府。並內地各府屬。皆賴臺地收成豐稔。米石流通。方可接濟通省。其餘各屬。山多田少。即使秋成較稔。亦僅可自給。豈能沾及他屬。今延平邵武等府糧價。雖屬平減。而漳泉二府。現有加增。臺灣米價。在二兩以上。亦屬昂貴。則產米之地。未為豐旺。其餘各屬米糧。自必更形短絀。乃挑菜尚稱合計通省。豐收之處較多。竟不免有諱飾之意。殊屬非是。挑菜著傳旨申飭。並著傳諭魁倫等。將閩省各屬。現在糧價。是否不至騰貴。民食有無妨礙。及如何設法調劑。俾小民口食有資之處。據實覆奏。毋得稍有隱飾。○是日。丙辰年立春。順天府進土牛春山寶座。○是日起。

上以歲暮裕祭  
太廟。齋戒三日。○甲辰。諭前經降旨普免錢糧。陝西應徵本色起存等項。雖不在蠲免之例。但念該省地近邊陲。民俗樸愿。素知踴躍急公。所有各廳州縣。應徵本色起存並學租。共糧二十萬四百七十九石零。草一萬五千六百三十二束零。棉花四十九畝零。俱著加恩一體豁免。以示朕惠愛閭閻。優加無已至意。該部即遵諭行。○又諭據魁倫奏。瑪爾洪阿廢弛營務。難勝提督之任等語。瑪爾洪阿。著即來京候旨。所有福建陸路提督員缺。著王景調補。蒼保著補授浙江提督。其所遺員缺。著徐忠補授。○勅諭琉球國世孫尚溫曰。朕惟共球翁集。聿昭有截之規。琛賁虔通。用表維藩之節。爾中山國王世孫尚溫攝領疆隅。恪循世守。值朕紀年周甲。來歲丙辰元旦。傳位皇太子。改為嘉慶元年。朕稱太上皇帝。國慶駢蕃。適該國貢表遠至。是用降勅嘉諭。并



賜世孫文綺等物。爾其敬受。以俟錫封。自丙辰年以後。凡有進呈表文。俱書嘉慶年號。至朕傳位後。凡軍國大政。及交涉外藩事件。朕仍訓示嗣皇帝。一切錫賚綏懷。悉循恒典。爾其祇承恩賜。益勵蓋誠。以副寵眷。○乙巳。以歲暮。裕祭。遣官祭

太廟中殿。

後殿。○諭曰。吉慶奏。明年普免天下錢糧。所有玉環同知額徵租穀。海寧州沙地租銀。可否一體蠲免等語。此項租穀租銀。本不在蠲免地丁之內。但按畝輸將。亦與地丁無異。著加恩將玉環同知應徵租穀二萬二千餘石。海寧州沙地租銀二千八百餘兩。一體蠲免。以示朕普惠閭閻。湛閭均霑至意。○諭軍機大臣曰。福康安和琳奏。於積雪未化之時。督率將弁等。分路進攻。將高斗山梁搶占。奮勇追趕。並即趁勢撲入苗寨。縱火焚燒。斃賊甚多。將為首賊目廖老慕隴老西二犯。擒獲正法。

可嘉之至。特賞福康安和琳。大荷包各一對。小荷包各四個。內貯金銀鏤各二個。金銀錢各二枚。額勒登保。德楞額。泰興。兆觀。成。花。連布。大荷包各一對。小荷包各四個。內貯金銀鏤各一個。金銀錢各一枚。五錢重銀鏤各二個。綸布春阿哈保。那丹珠。富志。那色靈。額。大荷包各一對。小荷包各二個。銀鏤各二個。銀錢各二枚。漢滿屯土各兵。俱再賞一月錢糧。以示獎勵。○丙午。裕祭

太廟。

上親詣行禮。

命皇太子陪祀如儀。○遣官祭

永陵。

福陵。

昭陵。

昭西陵。

孝陵。

孝東陵。

景陵。

泰陵。

泰東陵。○遣官祭

孝賢皇后

孝儀皇后陵。

端慧皇太子園寢。○遣官祭

太歲之神。○丁未。

上以來歲丙辰元日

傳位皇太子為嗣皇帝。前期遣官告祭

天。

地。

社。

稷。

太廟。

奉先殿。○

上御保和殿。賜朝正外藩筵宴。左翼。科爾沁和

碩親王拉旺。多羅郡王喇什端羅布。喇什噶

勒當。羅布藏嘉木燥。多羅貝勒三音察察。固

山貝子錫第。鎮國公薩木丕勒扎木素。輔國

公色當噶瑪勒。公品級一等台吉琳沁多爾

濟。一等台吉敏珠爾多爾濟。多羅額駙索諾

木雅喇木丕勒。巴林親王品級多羅郡王巴

圖。輔國公賽尚阿。公品級一等台吉索特納

木多爾濟。一等台吉固山額駙丹津喀喇沁

親王品級多羅郡王滿珠巴咱爾。輔國公瑪

哈巴拉。拉扎布。永庫爾忠。公品級固山額駙

丹巴多爾濟。和碩額駙索諾木巴勒丹。袞楚

克扎木素。扎薩克一等塔布囊喇特納吉爾

第。多羅額駙垂巴勒瓦爾。奈曼多羅郡王拉

旺喇布坦。一等台吉巴勒楚克。敦漢多羅郡

王德親。齊默特噶瓦。固山貝子德威多爾濟。

鎮國公納木扎勒多爾濟。公品級二等台吉

濟克濟扎布。多羅額駙伊拉瑚。二等台吉巴

勒珠爾喇布坦。固山額駙巴顏巴圖爾。土默

特多羅貝勒額外侍郎索諾木巴勒珠爾。固

山貝子朋素克琳親。扎賚特多羅貝勒瑪什

巴圖阿魯科爾沁多羅貝勒阿爾達什第翁  
牛特固山貝子圖們巴顏阿巴哈納爾。衣布  
旺扎勒。克什克騰。扎薩克一等台吉旺楚克  
喇布坦。右翼。科爾沁和碩親王旺扎勒多爾  
濟。喀爾喀和碩親王固倫額駙拉旺多爾濟  
多羅貝勒車布登納木扎勒。衣布多爾濟。固  
山貝子巴爾津多爾濟。索諾木旺扎勒多爾  
濟。貢楚克扎布。鎮國公丹津多爾濟。輔國公  
吹素瓏。一等台吉羅布藏達什。布達齊素瓏。  
阿拉善和碩親王旺沁班巴爾。浩齊特多羅  
郡王敏珠爾多爾濟。阿巴噶多羅郡王喇特  
納什第。輔國公拉旺多爾濟。青海多羅郡王  
剛噶爾。固山貝子車爾登多爾濟。扎薩克一  
等台吉車凌多爾濟。楞家多爾濟。沙克都爾。  
車德爾。翁牛特多羅貝勒濟克濟扎布。扎魯  
特多羅貝勒噶勒桑。土爾扈特多羅貝勒旺  
扎勒車凌。鄂爾多斯固山貝子喇什達爾濟。  
永龍多爾濟。蘇尼特輔國公額琳臣。附察哈

爾旗厄魯特輔國公巴勒濟。二等台吉敏珠  
勒多爾濟。巴達爾瑚。三等台吉達什納木扎  
勒。四等台吉齊巴克扎布。回部郡王品級多  
羅貝勒哈第爾。哈密回部郡王品級多羅貝  
勒額爾德錫爾。阿克蘇三品阿奇木伯克貝  
子品級輔國公邁然特阿布都拉。吐魯番二  
等台吉丕爾敦。土爾扈特使臣博多克等。杜  
爾伯特使臣察罕博埒克等。廓爾喀使臣噶  
箕迺爾興等。朝鮮國使臣閔鍾顯等。安南國  
使臣阮光裕等。暹羅國使臣叻雅梭挖粒巡  
段押撥蘇昭突等。及領侍衛內大臣等。召左  
翼科爾沁和碩親王拉旺。巴林親王品級多  
羅郡王巴圖。喀喇沁親王品級多羅郡王滿  
珠巴咱爾。泰曼多羅郡王拉旺喇布坦。土默  
特多羅貝勒額外侍郎索諾木巴勒珠爾。右  
翼科爾沁和碩親王旺扎勒多爾濟。喀爾喀  
和碩親王固倫額駙拉旺多爾濟。青海多羅  
郡王剛噶爾。回部郡王品級多羅貝勒哈第

爾。哈密回部郡王品級多羅貝勒額爾德錫爾。至

御座前。賜酒成禮。○是月。浙江巡撫覺羅吉慶奏。山陰會稽蕭山三縣湖河水利。均屬毗連三邑之水。匯流東注。皆由山陰之三江閘入海。該處閘座。自康熙二十三年捐修後。亟須重修。但內河外海。應先築壩二道。堵截水勢。共估需銀七千餘兩。應請將上年蕭山縣西江塘。該三縣民捐餘銀一萬三千兩內。酌

留銀七千兩。照舊生息。以備歲修。餘銀六千兩。作為修補閘工之用。倘有不敷。該三縣紳士等願行籌補。無庸派捐。得旨。如所議行。○陞任廣東巡撫署兩廣總督朱珪。廣西巡撫成林奏。粵東自春後。共平糶常平倉穀二十萬七千七百餘石。查東省倉穀。除分貯南韶高雷廉瓊及羅連嘉等府州外。其廣肇惠潮四府。本年已糶過二十二萬石有零。現在該四府糧價未平。驟難買補。恐來年青黃不

接。又須出糶。自應先行綢繆。查廣西桂林等屬。前經撫臣鄂寶奏請於額穀之外。備東省穀十萬石。嗣於三十四五十一兩年。曾經撥用二次。請即委員赴領。以資協濟。旁批。甚好。又奏。領運穀石。仍照例將司庫穀價內。按照原價撥出解償。即飭廣西藩司照舊買備。得旨。嘉獎。○是年。追予廓爾喀出師陣亡之都司巴揚阿一員。三等侍衛鄂木保等三員。守備木太一員。藍翎侍衛特克內一員。屯千總

班達耳等三員。把總永忠等七員。外委肯本忠等七員。巡檢方相象一員。馬兵林朝鼎等八十一名。兵丁張慶圖等二百二十名。祭葬卹賞如例。俱入祀昭忠祠。○旌表孝子孝女浙江等省生員吳承統等六名。口。守節合例。八旗滿洲護軍恩畢妻張氏等一百七十三口。蒙古護軍齊哩克圖妻陳氏等四十五口。漢軍馬甲杜文成妻陳氏等二十六口。內務府生員雙貴妻鐘氏等二口。盛京等處駐防

壯丁曹老各妻康氏等一百六十口。直隸等	省民鄒自祿妻李氏等四百三十三口。未婚	守志。八旗漢軍閒散陳寧聘妻馬氏等二口。	直隸等省民劉德聘妻張氏等三十口。夫亡	殉節江蘇等省民楊杏元妻王氏等十一口。	百歲壽民婦江蘇等省民裴景延等十六名	口。各給銀建坊如例。○一產三男。西安駐防	馬甲忠柱一家。江蘇等省民高俊等八家。○	會計天下民穀數。各省通共大小男婦二萬	九千六百九十六萬八千九百六十八名口。	各省通共存倉米穀三千九百七十五萬三	千一百七十五石三斗三升三合零。
--------------------	--------------------	---------------------	--------------------	--------------------	-------------------	----------------------	---------------------	--------------------	--------------------	-------------------	-----------------

大清高宗法天隆運至誠先覺體元立極敦文	奮武孝慈神聖純皇帝實錄卷之一千四百九十三
--------------------	----------------------

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百九十四

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣履歷

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部主事

世襲騎都尉軍功加十九級隨帶加二級又加二級臣重誥內大臣戶部尚書領侍衛內大臣滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄一次臣曾源鍾壽奉

敕修

嘉慶元年丙辰春正月戊申朔

上以元旦令節率

皇太子詣

奉先殿行禮○詣

堂子行禮○

上御太和殿親授皇帝之寶於

皇太子

皇太子受

寶即

皇帝位尊

上為

太上皇帝○是日鑾儀衛陳鹵簿於太和殿前

步輦於太和門外五輅及馴象仗馬黃蓋雲

盤均於午門外樂部設中和韶樂於太和殿

前檐下丹陛大樂於太和門內導迎樂及龍

亭香亭均於午門外鑾儀衛於太和殿櫺內

正中設

皇太子拜褥內閣禮部鴻臚寺官於太和殿東

楹設詔案西楹設表案又設黃案於丹陛正

中內閣學士奉

傳位詔書於東楹案上禮部官陳

傳位賀表於西楹案上內務府官於

御座右旁設几二大學士內閣學士詣乾清

門請

皇帝之寶內閣學士恭捧大學士從恭設左旁

几上大學士二人分左右立殿檐下內外王

公以下文武百官朝服咸集朝鮮安南暹羅

廓爾喀等國使臣集於班末欽天監官於乾

清門外報時。禮部堂官先詣毓慶宮。啟請

皇太子朝服祇。屆時。後護內大臣二員率侍

衛二十員。於乾清門外。禮部堂官二員於門

階下。前引大臣十員。於太和殿後階下。咸左

右序立。禮部堂官奏請

皇上禮服乘輿出宮。

皇太子隨行。禮部堂官前引。後護內大臣從。至

中和殿後降輿。

皇上御中和殿升座。

皇太子在殿內西向立。鴻臚寺官引執事大臣

官員按班不贊。行九叩禮。侍班官先趨出。就

外朝班位立。中和韶樂作。奏元平之章。

皇上御太和殿升座。

皇太子在殿內西向立。樂止。鑾儀衛官進至中

階右。贊鳴鞭。階下鳴鞭三。鳴贊官贊排班。丹

陛大樂作。奏慶平之章。禮部堂官恭導

皇太子詣正中拜位後立。鴻臚寺官排班。引王

公在丹陛上。文武百官暨外國使臣在丹墀

下立。鳴贊官贊進跪。

皇太子率王以下咸跪。贊宣慶賀

傳位表。宣表官由西檐入殿右門。從西楹案上

奉至殿檐下正中跪。大學士二人左右跪。展

表。樂止。宣讀訖。仍奉原案上。退。贊興。

皇太子仍就立左旁西向。大學士二人恭導

皇太子近

御座前跪。左旁大學士請

皇帝之寶。跪奉

皇上親授

皇太子

皇太子跪受。右旁大學士跪接。奉設

御座右几上。大學士恭導

嗣皇帝詣拜位。樂作。贊跪叩。興。

皇帝率王以下行九叩禮。贊退。樂止。禮部堂官

奏禮成。贊鳴鞭如前。中和韶樂作。奏和平之

章。

太上皇帝啟座。乘輿還宮。內監豫設樂懸

太上皇帝御內殿。內庭主位公主。福晉及未受爵之皇孫。皇曾孫。皇元孫。行慶賀禮。

皇帝登極還宮後。大學士內閣學士。詣乾清門送。

寶。禮部。鴻臚寺官。詣天安門樓上。恭宣。

皇帝欽奉。

太上皇帝傳位詔書。頒行天下。詔曰。朕繼紹丕基。撫綏函夏。勤求治理。日有孜孜。仰賴。

上天眷佑。

列聖貽謀。寰寓乂安。蒸黎康阜。聲教四訖。中外一家。御極以來。平定伊犁。回部。大小金川。擴土開疆。數萬餘里。緬甸。安南。廓爾喀。以及外藩屬國。咸震懾威。恪修職貢。其自作不靖者。悉就殄除。功邁十全。恩覃六合。普免各省漕糧者三。地丁錢糧者四。展義巡方。行慶施惠。蠲逋賑貸。不下數千萬億。振興士類。整飭官常。嘉與萬邦。黎獻。海隅蒼生。同我太平。躋之仁壽。朕持盈保泰。弗懈益虔。勤念兩場。周。

諸稼穡。於庶言庶獄庶慎。靡不躬親。宵密單心。時幾交勅。用疊上副。

祖宗付畀之重。下撫億兆仰戴之誠。日慎一日。

六十年於茲矣。迴憶踐阼初元。曾默籲。

上蒼。若紀年周甲。當傳位嗣子。不敢仰希。

皇祖以次增載。今敬迓。

洪釐。幸符初願。朕康強逢吉。九旬望衰。五代同。

堂。積慶延祺。光於往牒。非。

昊慈篤祐。申命用祿。曷克臻此。

天生民而立之君。使為司牧。授受之際。敢不兢。

兢。溯自癸巳。

南郊。即以嗣位皇子之名。默奏。

上帝。並於盛京恭謁。

祖陵。敬告。

列祖在天之鑒。昨冬頒朔屆期。特宣布詔旨。明。

定儲位。以丙辰為嘉慶元年。豫勅所司敬議。

歸政典禮。皇太子秉性謙沖。臚誠固讓。率同。

內外王公大臣等具章。請朕至百歲始行斯。



典。但

天聽維聰。朕志先定。再四申諭。勿得懇辭。皇太子仁孝端醇。克肩重器。宗祏有託。朕用嘉焉。已諏吉祇告。

天。

地。

宗廟。

社稷。皇太子於丙辰正月上日。即皇帝位。朕親御太和殿。躬授寶璽。可稱朕為太上皇帝。其

尊號繁文。朕所弗取。毋庸奏上。凡軍國重務。用行政大端。朕未至倦勤。不敢自逸。部院衙門及各省題奏事件。悉遵前旨行。履端首祚。禪授上儀。宜沛新綸。同敷愷澤。所有合行事宜。條列於左。一。在京在外諸王以下。至公等以上。俱加恩賜。一。內外自公主以下。至格格。各加恩賜。一。內外滿漢文武大小官員。俱加一級。一。內外大小各官。除各以現在品級。已得封贈外。凡陞級及改任者。著照新銜封

贈。一。文官在京四品以上。在外三品以上。武

官在京在外二品以上。照現任品級。各磨一子。入監讀書。一。內外文職。自四品以下。武職自三品以下。降革留任。及住俸罰俸處分。准其開復。一。會試額數。俟禮部臨期奏明人數。請旨酌量廣額。鄉試。大省加三十名。次省加二十名。小省加十名。滿洲蒙古加六名。漢軍加三名。一。各直省入學額數。大學加七名。中學加五名。小學加三名。一。國子監貢監生。及各

官學教習。免坐監一月。一。各直省儒學。無論府州縣衛。俱於本年以正貢作恩貢。次貢作歲貢。一。每府州縣衛。各舉孝廉方正。暫賜六品頂帶榮身。以備詔用。務期採訪真確。毋得濫舉。一。

歷代帝王陵寢。

孔子闕里及五嶽四瀆等祀。應遣官致祭者。照舊例舉行。一。官吏兵民人等有犯除謀反叛逆。子孫謀殺祖父母父母。內亂妻妾殺夫。

奴婢殺家長。殺一家非死罪三人。採生折割人。謀殺故殺真正人命。蠱毒藥殺人。強盜妖言十惡等真正死罪不赦外。軍機獲罪。隱匿逃人。亦不赦外。其餘自嘉慶元年正月初一日以前。已發覺未發覺。已結未結者。咸赦除之。有以赦前事告訐者。以其罪罪之。各省軍流人犯。查明到配三年。實在安靜守法。及年逾七十者。釋放回籍。各旗籍內務府。並五旗包衣人等。凡侵貪那移一切賠罰。應追銀兩。實係本人家產盡絕者。查明准與豁免。其分賠代賠。以及牽連著賠者。一概豁免。凡官員因公賠罰等項。而其子孫又代祖父著賠者。查明寬免。旗營官兵。有因出征。及被災借支俸餉者。免其扣還。滿漢兵丁。曾經効力行間。因被傷年老閒住者。除例得優卹外。查明著加恩養。各直省有同堂五世及親見七代者。除例賞扁額外。查明各加恩養。天下之本農為重。各府州縣衛。果有勤

於耕種。務本力作者。地方官不時加獎。以示鼓勵。年老之人。自古所重。滿漢七十以上。除家奴外。給與品級之處。該部查議具奏。除五旗包衣佐領下披甲人等不賞外。八旗滿洲蒙古漢軍護軍披甲人。殿手。步軍各賞一月錢糧。軍民年七十以上者。許一丁侍養。免其雜派差役。八十以上者。給與絹一匹。棉一觔。米一石。肉十觔。九十以上者倍之。各處養濟院。所有鰥寡孤獨及殘疾無告之人。有司留心。以時養贍。毋致失所。於戲。常厥德。保厥位。深維創業垂統之心。本諸身。徵諸民。聿昭繼體守文之治。欽此。予小子祇承慈命。勉荷洪圖。謹奉宣勅諭。布告天下。咸使聞知。太上皇帝詣大高殿行禮。○同皇帝詣

壽皇殿行禮。○御乾清宮。同

皇帝賜宗室王公等宴。○己酉。勅諭。前降諭旨。

以丙辰年為始。內外大臣年節三貢。毋庸備

物呈進。但王公大臣等。年節呈進如意。乃自

雍正年間舉行至今。以聯上下新年喜慶之

意。是以仍准其呈進分賜。用迓吉祥。乃昨日

貝勒貝子公等。及部院侍郎散秩大臣副都

統。紛紛呈進如意兩分。殊覺繁瑣。不可不定

以限制。嗣後凡遇元旦。及朕與皇帝壽辰慶

節。宗室親王。郡王。滿漢大學士。尚書。始准呈

進如意。其餘概不准呈進。至外省督撫。止准

按例呈進土貢。其鹽政織造關差。俱有得項。

所有年例辦進備賞之物。均仍照向例。按次

備進一分。以備賞用。不得復有增添。倘伊等

私自備物呈進。一經查出。必當重治其罪。以

節糜費。而示體恤。○庚戌。以冊立

嗣皇后。前期告祭

天。

地。

太廟遣官行禮。○辛亥。

皇帝奉

太上皇帝御寧壽宮皇極殿。舉行千叟宴。賜親

王。貝子。蒙古貝勒。貝子。公。額駙。台吉。大臣。官

員。年六十以上。兵民年七十以上者。三千人。

及回部。朝鮮。安南。暹羅。廓爾喀。貢使等宴。其

一品大臣以上。及年屆九十以上者。

太上皇帝召至御座前。親賜卮酒。並未入座。五

千人。各賞詩章。如意壽杖。文綺。銀牌等物。有

差。○

聖製初御皇極殿。開千叟宴。用乙巳年恭依

皇祖元韻詩曰。歸禪人應詞罷妍。新正肇慶合

開筵。便因皇極初臨日。重舉乾清舊宴年。教

孝教忠惟一篤。曰。今日昨又旬。延敬

天勤政。仍勗子。敢謂從茲即歇肩。○

太上皇帝命

皇帝御太和殿。宣

勅冊立

嗣皇后。冊封貴妃。妃嬪如儀。

皇帝欽奉

太上皇帝勅曰。撫臨萬國。先占家吉之貞。表率六宮。宜正坤元之位。遵睢麟之王化。儀輔乎邦。布種稷於天宮。職崇修壺。爾皇太子妃喜塔臘氏。祥傳渭涘。淑著河洲。珩璜習虞汭之容。榆翟謹周門之則。分榮少海。方寵命之同承。佐治內朝。尚徽音之克嗣。慶際十全之歲。

肅肅雞鳴。歡承五福之堂。莘莘螽斯。茲以皇

帝嗣位初元。是用立爾為皇后。錫以金冊金寶。於戲。繹

三朝之寶訓。毓德蘭闥。樹九室之芳型。揚輝桂殿。欽此。茲朕謹遵奉

太上皇帝勅旨。舉行冊立典禮。尚其祇承無斁。

○冊封貴妃

皇帝欽奉

太上皇帝勅曰。椒庭備秩。贊坤極之安貞。桂殿

分榮。沛翼申而昇錫。冠崇班於翟鞠。壹職兼修。襄順德於珩璜。芳型是式。爾皇太子側妃鈕祜祿氏。柔嘉維則。淑慎丕昭。名族鍾祥。允協瑤筐之吉。內朝輔治。庶騰輝管之徽。茲以皇帝嗣位初元。冊立皇后。是用封爾為貴妃。錫以冊寶。於戲。翊化六宮之長。迓厥繁禧。拜恩九御之先。膺茲鴻慶。欽此。茲朕謹遵奉

○冊封誠妃

皇帝欽奉

太上皇帝勅曰。政承修壺。榮分內治之隆。慶際膺圖。德奉中宮之化。鴻禧克迓。象服攸宜。爾劉佳氏。式禮聿嫺。秉心維粹。溫恭成性。修紉組以甄儀。柔善流聲。協珩璜而表度。茲以皇帝嗣位初元。冊立皇后。用以冊印封爾為誠妃。爾其勤宣淑問。更懋贊手坤儀。備著芳猷。用祇承乎翼命。欽此。茲朕遵奉

太上皇帝勅旨。舉行冊封典禮。尚其敬膺無斁。

○冊封瑩嬪。

皇帝欽奉

太上皇帝勅曰。椒掖承華。進崇班於月御。芝函錫命。昭令範於星闈。爰沛新綸。用光懋典。爾侯佳氏。夙秉小心。克嫻內教。佐禕衣而協吉。禮贊三宮。習瓊珮以迎祥。職參九室。茲以皇帝嗣位初元。冊立皇后。用以金冊封爾為瑩嬪。爾其徽章祇荷。新恩均拜於蘭宮。聞訓虔遵。蕃祉同承於桂卮。欽此。茲朕遵奉。

太上皇帝勅旨。舉行冊封典禮。尚其敬膺無斁。

○

太上皇帝同

皇帝御重華宮。召大學士及內廷翰林等茶宴。以舉千叟宴於皇極殿禮成。用柏梁體聯句。  
○勅諭。本日舉行千叟宴。京畿及各旗籍兵民。踴躍偕來。相預盛典。龐眉皓首。矍鑠盈廷。實為吉祥盛事。業經分別加恩。普加賞賚。並各加賞緞匹銀錄外。所有老民熊國沛。年一

百六歲。邱成龍。年一百歲。尤屬昇平人瑞。俱著加恩賞給六品頂戴。其九十以上老民鄧永圻。梁廷裕。開散覺羅烏庫里。步甲文保。舒昌阿。馬甲王廷桂。內務府開散人田起龍。王大榮。俱著賞給七品頂戴。以示引年養老。敷錫壽祺至意。○壬子。

太上皇帝同

皇帝御紫光閣。賜蒙古王貝勒貝子。公額駙。台吉。哈密郡王品級貝勒額爾德錫爾等及土

爾扈特來使博多克等。莊爾伯特來使察罕博埒克等。朝鮮國正使閔鍾顯。副使李亨元等。安南國正使阮光裕。副使杜文功。阮促等。暹羅國正使呖雅梭挖粒巡段押撥蘇昭突。副使廊窩們燕泥霞屋撥突等。廓爾喀正使噶箕迺爾興等宴。並賞賚有差。○乙卯。

太上皇帝詣

雍和宮行禮。○丙辰。

太上皇帝詣

大高殿行禮。○同

皇帝幸圓明園。詣

安佑宮行禮。○勅諭向來朕御製詩章。俱係王

志董誥繕寫詩本。嗣皇帝詩本。伊二人難以

兼繕。著胡高望在南書房行走。同吳省蘭繕

寫。○丁巳

太上皇帝同

皇帝御山高水長。賜王公大臣。蒙古王。貝勒。貝

子。公。額駙。台吉等。及外藩各國使臣等食。○

庚申。勅諭從前

世宗憲皇帝登極時。將

孝敬憲皇后之弟五格。錫封侯爵。及朕登極後

因

母后戚屬。特舉篤親盛典。將五格晉封公爵。世

襲罔替。今朕既傳位嗣皇帝。應將太子妃冊

立為后。所有嗣皇后弟兄內。惟盛住尚可造

就。亦照從前加恩例。賞給侯爵。即著盛住承

襲。或俟將來再晉封公爵。所有一切應行典

禮。著交該部查例具奏。○辛酉。

太上皇帝同

皇帝御奉三無私殿。賜近支宗藩皇子。皇孫。皇

曾孫。皇元孫等宴。

皇帝以是日

祈穀大祀福酒。為

太上皇帝捧觴躬晉。

太上皇帝回賜

皇帝福酒。○御山高水長。賜王公大臣。蒙古王。

貝勒。貝子。公。額駙。台吉。及外藩各國使臣等

食。至癸亥皆如之。○勅諭。今日皇帝初祀

圓丘。天氣晴朗。諸凡順適吉祥。所有校尉人等。

著加恩各賞一兩重銀鏤二個。○壬戌。

太上皇帝同

皇帝御正大光明殿。賜朝正外藩等宴。左翼。科

爾沁和碩親王。諾爾布琳沁。拉旺。旺扎勒多

爾濟。多羅郡王。喇什端羅布。喇什噶勒當。索

特納木多布齊。羅布藏嘉木燉多羅貝勒。三

音察袞固山貝子錫第鎮國公薩木丕勒扎  
木素輔國公色當噶瑪勒公品級一等台吉  
琳沁多爾濟一等台吉敏珠爾多爾濟多羅  
額駙索諾木顏丕勒巴林親王品級多羅郡  
王巴圖輔國公固山額駙賽尚阿公品級一  
等台吉索特納木多爾濟多羅額駙伊拉瑚  
喀喇沁親王品級多羅郡王和碩額駙滿珠  
巴咱爾輔國公和碩額駙永庫爾忠輔國公  
瑪哈巴拉拉扎布公品級固山額駙丹巴多  
爾濟和碩額駙索諾木巴勒丹袞楚克扎木  
素扎薩克一等塔布囊固山額駙喇特納吉  
爾第多羅額駙垂巴勒瓦爾奈曼多羅郡王  
拉旺喇布坦一等台吉巴勒楚克敦漢多羅  
郡王和碩額駙德親多羅郡王齊默特魯瓦  
固山貝子固山額駙德威多爾濟鎮國公固  
山額駙納木扎勒多爾濟公品級濟克濟扎  
布二等台吉巴勒珠爾喇布坦固山額駙巴  
顏巴圖爾三等台吉察克都爾扎布扎賽特

多羅貝勒瑪什巴圖阿魯科爾沁多羅貝勒  
阿爾達什第土默特固山貝子朋素克琳沁  
翁牛特固山貝子圖們巴顏阿巴哈納爾固  
山貝子袞布旺扎勒郭爾羅斯輔國公恭格  
喇布坦克什克騰扎薩克一等台吉旺楚克  
喇布坦右翼喀爾喀和碩親王固倫額駙拉  
旺多爾濟多羅郡王多爾濟扎布多羅貝勒  
車布登納木扎勒袞布多爾濟固山貝子巴  
爾準多爾濟索諾木旺扎勒多爾濟貢楚克  
扎布鎮國公丹津多爾濟輔國公吹素隴扎  
薩克一等台吉車凌多爾濟阿拉善和碩親  
王旺沁班巴爾浩齊特多羅郡王敏珠爾多  
爾濟阿巴噶多羅郡王喇特納錫第輔國公  
拉旺多爾濟青海多羅郡王剛噶爾固山貝  
子車爾登多爾濟扎薩克一等台吉楞袞多  
爾濟車德爾回部郡王品級多羅貝勒哈第  
爾喀密郡王品級多羅貝勒額爾德錫爾土  
默特多羅貝勒理藩院額外侍郎索諾木巴

勒珠爾。翁牛特多羅貝勒濟克濟扎布。扎魯特多羅貝勒噶勒桑。土爾扈特固山貝子旺扎勒車凌。鄂爾多斯固山貝子喇什達爾濟。永璽多爾濟。蘇尼特輔國公額琳臣。吐魯番一等台吉丕爾敦。察哈爾厄魯特輔國公巴勒濟。二等台吉敏珠勒多爾濟。巴達爾瑚。三等台吉達什納木扎勒。四等台吉齊巴克扎布。又土爾扈特來使博多克等。杜爾伯特來使察罕博埒克等。朝鮮國正使閔鍾顯。副使李亨元等。安南國正使阮光裕。副使杜文功。阮促等。暹羅國正使叻雅梭挖粒巡段押撥蘇昭突。副使廊窩們蘇泥霞屋撥突等。廓爾喀正使噶箕迺爾興等。隨大學士領侍衛內大臣等。以次就坐。諸樂並作。

太上皇帝同

皇帝進酒。召左翼科爾沁和碩親王拉旺。旺扎勒多爾濟。巴林親王品級多羅郡王巴圖。喀喇沁親王品級多羅郡王和碩額駙滿珠巴

咱爾。奈曼多羅郡王拉旺喇布坦。右翼喀爾喀和碩親王固倫額駙拉旺多爾濟。青海多羅郡王剛噶爾。同部郡王品級多羅貝勒哈第爾。哈密郡王品級多羅貝勒額爾德錫爾。翁牛特多羅貝勒濟克濟扎布。並各國使臣等。至

御座前。賜酒成禮。○癸亥。

太上皇帝同

皇帝御正大光明殿。賜大學士尚書等宴。○甲子。勅諭。著皇帝於二月初四日御經筵。所有應行典禮。著該衙門照例豫備。○又勅諭。本日本倉失火。延燒倉屋及架木駝廬簾纜等件。經提督衙門查明。奏請將該堂官監督。分別嚴議。並著落分賠一摺。木倉重地。如果平日加意防範。何至失火延燒。况現屆春令。非若盛夏炎燥可比。若云年節點放花爆。遂至不戒於火。則百數十年來。每值新正令節。並未禁民間花爆。何以從無失火之事。此必係



看守之人誤遺火種。猝致被燒。該堂官監督等。疎玩之咎。實所難辭。惟念各該堂官事務較多。不能常川照料。所有應得處分。著加恩寬免。至該監督係專管之員。典守者自不得辭其責。但該堂官等既已從寬邀免。其監督二員。亦著從寬革職留任。撤去監督。著該部堂官另行揀派。至燒燬房間架木。並著加恩免其賠補。此內駝厰簾纜椿樑等項。仍著落該監督分賠。以示薄懲。再此項架木。除燒燬外。尚存八萬餘件。為數本屬過多。自係向來經管之員。於收木植時。冀圖多得飯銀。以致率意行取。殊屬非是。現在所存架木。儘足敷用有餘。此後竟無庸行取。俟將來需用時。再行奏請咨取。所有應修房間。著於寧壽宮存貯銀內。實撥銀三萬兩。趕緊修葺。如有餘剩。再行奏繳廣儲司。○乙丑。勅諭。木倉失火。延燒房屋架木等項。昨經降旨將工部堂官應得處分。概行寬免。並加恩免其賠補。又特賞

銀三萬兩。俾資修葺。祇將駝厰簾纜椿樑等項。著落該監督等分賠。用示薄懲。今詢知該監督到任未久。伊等職分較小。得項無多。因思金簡管理工部。此項木植咨取過多。自係伊任內經理未能妥協。所有應賠駝厰簾纜樑等項。著福長安金簡名下賠繳一半。其餘一半。令滿漢堂官五人分賠。該監督等應賠之項。即著加恩寬免。以示體恤。而昭平允。○丁卯。勅諭。本日畢沅等奏籌辦軍糧軍火情形一摺。內稱仰副聖主宵旰勤求。上慰太上皇帝注盼捷音等語。措詞實屬無謂。本年傳位大典。上年秋間。即明降諭旨頒行中外。一切軍國事務。朕仍親理。嗣皇帝敬聆訓誨。隨同學習。其外省題奏事件。並經軍機大臣等奏定款式。通行頒發。畢沅等並不遵照辦理。是何意見。無論辦理苗匪一事。起自上年二月。一切軍務機宜。俱朕酌籌指示。現在軍營奏摺。亦無不逐加批覽。即自嘉慶元年以後。內

而部院各衙門。外而督撫大吏等。章奏事件。亦皆朕躬親綜攬。隨時訓示。豈因有授受之典。即自暇自逸。概置政事於不問乎。各省陳奏事件。如摺內皇上睿鑒字樣。自應欽遵頒發格式。照常繕寫。今畢沅等所奏之摺。分列聖主及太上皇帝。試思聖主睿鑒等字樣。有何同異。而畢沅等故為此區別之見。有是理乎。揆之伊等意見。不過如年內禮部太常寺具奏儀注等事。或遞兩分。或遞一分。漫無定見。總是私心鄙見。以致種種錯誤。謂之畏首畏尾。尚屬高置。竟是不知事理。可笑而已。畢沅等身為封疆大吏。於此等尋常事件。輒鯁鯁過計。鄙陋若此。設遇地方重大要務。安望其能經理裕如耶。畢沅姜晟。均著傳旨嚴行申飭。仍交部議處。並通諭各督撫知之。○又勅諭。向來兩淮鹽政。例進土物。風猪肉一百塊。皮糖八匣。本日蘇楞額呈進風猪肉。皮糖均加一倍。殊屬非是。鹽政織造關差等。備進

備賞之物。早經明降諭旨。祇許照例呈進一分。以備費用。乃蘇楞額轉加倍進呈。其意何居。其多進之風猪肉一百塊。皮糖八匣。俱著擲還。蘇楞額著傳旨嚴行申飭。並交部議處。以為挾私取巧者戒。○戊辰。勅諭廓爾喀額爾德尼王喇特納巴都爾曰。爾自歸順以來。遵奉天朝定制。諸事恭謹盡禮。昨歲因朕在位六十年大慶。專陳表貢。並將年例表貢遣噶箕迺爾興。頭人瑪都薩野恭齋進呈。具見誠悃。可嘉。據表文內稱。爾年已長成。所有爾部落事務。均能親理。披覽之餘。尤為欣慰。並悉爾叔圖薩拉克齊公巴都爾薩野。已將部落事務歸爾自理。伊住廟誦經等語。從前爾年幼時。巴都爾薩野曾為爾代辦一切。今以爾長成。遂將部落事務交代。甚屬得體。爾今既躬親理事。倍當感朕恩施。凜遵法度。輯睦鄰封。御下有方。庶事咸期妥協。并當念爾叔巴都爾薩野前勞。時加眷顧。巴都爾薩野。亦

應恪供臣職。勉荷王休。今噶箕迺爾興等至京朝覲。屢加筵宴。特頒勅諭。錫爾及爾叔巴都爾薩野品物。從前巴都爾薩野係隨爾合貢一分。此次巴都爾薩野另備表貢。與例不符。未便賞收。然朕鑒伊誠悃。賞賚仍同一例。俱交迺爾興齋回。到日其各祇領。並賞迺爾興二品頂戴花翎。瑪都薩野三品頂戴花翎。大頭人八名。五品頂戴。小頭人五名。六品頂戴。仍各賞章服錦緞銀兩等物。其隨從人等及兵丁。各賞緞布銀兩。並派員帶領伊等徧遊天衢市集。備觀繁盛。及殿中所育馴象三十餘隻。此象乃安南。緬甸。琉球。暹羅。南掌諸國所進。天朝儀仗內。惟用四五馴象。餘無所需。亦無分賞王公象隻之事。已降旨各國停其貢進。爾部落此二次俱經貢象。因京師馴象過多。將爾等所進。留於衛藏。分賞達賴喇嘛。班禪額爾德尼。再天朝有馬萬億。於攻伐行圍。極為得力。爾等所進馬。既未調習。且道

路遼遠。解送為勞。以後爾例貢內。毋庸貢象馬。以副朕曲加體恤之意。再朕即位之初。年甫二十有五。彼時曾叩祝

上天。若能在位六十年。即傳位嗣子。今蒙

上天眷佑。在位六十年。春秋八十有五。足符初

願。於丙辰元旦傳位皇太子。改元嘉慶元年。

朕稱太上皇帝。此實從古罕邁之洪庥。朕躬

躋上壽。是以召集七十以上臣工軍民賜宴。

並令迺爾興等一同入宴。以昭曠典。特諭爾

部知之。嗣後天下庶政。以及撫綏藩服事宜。

嗣皇帝悉遵朕指示辦理。爾部落諸宜恪守

舊規。安居邊徼。遵奉欽差大臣法度。公平貿

易。嚴束下人。勿致滋事。以期永受殊恩。再此

次迺爾興齋回賞件。爾祇領後。毋庸專差謝

恩。惟具表文送交駐藏大臣轉遞可也。特諭。

○又勅諭班禪額爾德尼之呼畢勒罕曰。朕

撫臨寰宇。惟期率土羣生。共享昇平。宏敷教

化。爾呼畢勒罕前世班禪額爾德尼。能體朕

護持黃教。惠愛遐方至意。皈心佛典。闡揚經諦。深可嘉尚。今爾呼畢勒罕特達已雅爾堪布羅布藏扎什前來。賀朕在位六十年大慶。呈遞丹書克覽。奏欣悅。朕仰蒙

上天福佑。身其康疆。爾呼畢勒罕體候想亦佳善也。前因藏內事務。噶布倫等措置乖方。致廓爾喀陸梁滋釁。朕特命大將軍福康安。率師平定。廓爾喀等傾心向化。復命尚書和琳革除積習。酌定章程。一切井然有緒。又命松筠等駐彼。循守成規。辦理諸事。務期利濟衆生。俾藏地永臻寧謐。爾呼畢勒罕年齒加長。正當肄習經典之時。尚不必縈心公務。其恪遵朕旨。潛心佛法。追蹤前世班禪額爾德尼。以冀長承慧業。本年朕傳位嗣皇帝。改元嘉慶元年。然猶訓政維勤。孜孜不倦。爾其仰體

朕與嗣皇帝撫安全藏。愛育羣生至意。用期永受恩施。欽哉勿替。今以爾使回藏。特賜勅存問。併優加錫賚。交已雅爾堪布羅布藏扎

什齊還。特諭。○又勅諭達賴喇嘛曰。朕統御萬邦。撫臨方夏。惟期率土羣生。共享昇平之樂。爾喇嘛能體朕意。振興黃教。宣揚經典。佛法攸賴。朕甚嘉焉。今爾喇嘛特達來使。於年班之外。又賀朕在位六十年大慶。呈遞丹書克覽。奏具見悃忱。朕仰蒙

上天庇佑。福履安和。爾喇嘛講肄精虔。體候想亦佳善也。近因藏中事務。噶布倫等措置乖方。以致廓爾喀滋釁。朕命大將軍福康安率師征討。旋准額爾德尼奏。復命尚書和琳整飭章程。一切革其舊習。派松筠等在彼駐劄。辦事。務期利濟僧俗。藏地永遠安寧。爾喇嘛乃黃教大眾皈依之大喇嘛。嗣後益宜感戴朕恩。一切事務。咸遵欽差大臣指示而行。至朕於本年傳位嗣皇帝。改元嘉慶元年。惟訓嗣皇帝聽政精勤。疊承家法。爾其仰體朕與嗣皇帝護持佛法。普諸吉祥。利益衆生之盛典。欽哉勿替。茲以爾使回藏。用賜勅存問。併優

加錫賚。交來使堪布袞楚克多布丹等齋還。  
特諭。○庚午。

太上皇帝同

皇帝詣

恩慕寺。

恩佑寺行禮。○甲戌。勅諭朕於三月初六日。同

皇帝啟鑾。恭謁

兩陵。所有應行預備事宜。各該衙門照例豫備。

○乙亥

太上皇帝還宮。○二月。丁丑朔。

太上皇帝宮中祀

神。○庚辰。

太上皇帝幸圓明園。○癸未。

太上皇帝詣第一泉

龍神祠祈雪。○甲申。勅諭。此次朕與嗣皇帝

恭謁

兩陵。所有隨從執事太監等。原祇須照常通融

承應。儘足敷用。毋庸添派多人。即或稍有零

星什物。需人隨帶。亦祇須酌量少增。乃總管

太監等喜事鋪張擬派過多。已將張進喜等

分別懲治。至此後隨朕同行。皆用此例。如朕

命嗣皇帝獨往何處。不與朕同行之時。則執

事太監等自應酌添隨往著交敬事房存記

屆期將此次硃筆清單提奏。候朕酌定。○乙

未。勅諭本年舉行傳位大典。大小臣工撰進

冊頁。朕幾餘披閱。多有稱頌功德。揄揚盛美

其辭未免過諛。實甚慚愧。朕御極六十年來。

敬

天勤民。用入行政。一切實心實事。天下臣民所

共見共聞。今將諸臣所進各冊。遴其措詞尤

雅者。以備觀覽。自宜酌加獎賞。特將內庫藏

貯蟒袍緞匹荷包等物。分別頒賞。以誌一時

賡揚之盛。惟冊內間有稱乾隆六十年者。

雖係臣下頌禱之詞。但朕自御宇初年。即焚

香敬告

上蒼。若紀年周甲。當傳位嗣子。不敢仰希

皇祖以次增載之數。節經明降諭旨。宣示中外。今敬遵

洪釐。幸符初願。新歲大廷授璽。鉅典高皇實史。冊所罕覲。朕仰邀

昊春精神純固。於鉅細政事。仍當躬親綜覽。弗懈益虔。至於授時頒朔。已書嘉慶初元。若於乾隆六十年後。以次增紀。轉非朕當日額天不敢同

皇祖之初志。即嗣皇帝於年前率領王公大臣

實錄卷一百四十四

十一

等恭進乾隆六十一年時憲書百本。朕亦祇令於宮廷陳設。及頒賞親近王大臣。而各省頒行。仍俱係嘉慶年號。內外章奏。亦一體令書新元。可見朕志先定。積久弗渝。今自元辰授位。時序均調。現屆中和節。已沛春膏優渥。視往歲更為暢雨應時。此皆朕誠意久孚。於默禱初心。不敢稍有踰越。用能懋膺景貺。篤祐延釐。而諸臣獻冊臚忱。既過於頌禱。又兼懷觀望。未能深喻朕志。特此再行明白

宣諭。用示朕凝承

天命。永矢敬誠至意。○癸卯。

太上皇帝同

皇帝詣

安佑宮行禮。○三月辛亥。

太上皇帝詣

大高殿行禮。○還宮。○命

皇帝行耕藉禮。○壬子。

太上皇帝同

實錄卷一百四十四

十二

皇帝啟鑾謁

東陵。

西陵。○是日。駐蹕烟郊行宮。○癸丑。駐蹕白澗

行宮。○甲寅。駐蹕隆福寺行宮。○乙卯。

太上皇帝同

皇帝謁

昭西陵。

孝陵。

孝東陵。

景陵俱未至碑亭。即降輿慟哭。步入  
隆恩門。詣

寶城前行禮。躬奠哀慟。王以下文武大臣官員

隨行禮。○至

孝賢皇后

孝儀皇后陵酌酒。○命

皇帝詣

端慧皇太子園寢酌酒。○是日迴蹕。駐桃花

寺行宮。○丙辰。駐蹕白澗行宮。○丁巳。駐蹕

烟郊行宮。○戊午。

太上皇帝同

皇帝詣

永慕寺行禮。○是日。駐蹕舊衙門行宮。○己未。

太上皇帝命

皇帝行園。○是日。駐蹕新衙門行宮。○庚申。駐

蹕黃新莊行宮。○辛酉。駐蹕半壁店行宮。○

壬戌。駐蹕秋瀾行宮。○癸亥。駐蹕梁格莊行

宮。○甲子。

太上皇帝同

皇帝謁

泰陵。

泰東陵俱未至碑亭。即降輿慟哭。步入

隆恩門。詣

寶城前行禮。躬奠哀慟。王以下文武大臣官員

隨行禮。○是日迴蹕。駐秋瀾行宮。○乙丑。駐

蹕半壁店行宮。○丙寅。駐蹕黃新莊行宮。○

丁卯。

太上皇帝同

皇帝還圓明園。○夏四月。丙戌。勅諭。昨庶吉士

散館。適朕連日盼望雨澤。兼盼楚省捷音。未

免焦勞倍切。心緒不寧。隨手繕閱。於賦彙內

偶揀汙厄為題。賦彙並非僻書。學習詞章者。

原應留心檢閱。乃庶吉士等俱不知傳咸所

作。竟似作為元結之窪尊。以致傳會失旨。雖

禮記內汙尊挹飲。汙字原讀烏花切。但尊與

厄原本不同。轉似朕有意試以難冷題。不知

朕向來命題。從不故求隱僻者。且書籍甚繁。讀書人豈能一一記誦。朕並不以此加之責備。當自引以為過耳。庶吉士等。惟當益加勉力。勤學好問。以副朕教誨。矜全至意。不必心存愧懼也。○丁亥。

太上皇帝詣玉泉山

龍神祠祈雨。○癸巳。

太上皇帝詣

廣潤靈雨祠祈雨。○丁酉。

太上皇帝同

皇帝詣

黑龍潭神祠祈雨。○勅諭朕於五月十八日。諏吉啟鑾。巡幸避暑山莊。皇帝掖輦隨行。著怡親王成親王。大學士公阿桂。尚書慶桂。留京辦事。所有吏兵二部。應行引見官員。文職知縣以上。武職守備以上。每月該部堂官一員。輪流帶赴熱河引見。其文員內佐雜等官。武職內八旗護軍校。驍騎校。及外省送到補

放之驍騎校。水手官。並年滿千總等官弁。著王大臣照例驗放。至秋獮木蘭。屆期再行照例辦理。○戊戌。

太上皇帝命

皇帝詣

黑龍潭神祠謝雨。○勅諭湖北奸民聚眾滋事。祇係藉邪教為名。煽誘糾結。又兼焚搶逼脅。非盡甘心從逆。是以前降諭旨。令帶兵之將軍督撫等。出示曉諭。如有能及早投出者。概予免罪。今念各路剿殺賊匪。動有數千。為數已屬不少。而大兵所到。其脅從附和之徒。皆當悉就刑誅。於心實有所不忍。著該將軍督撫等。竟當宣布朕旨。遍行示諭。凡賊人黨與。無論被賊迫脅煽惑。聽從為逆者。一經投出。均當免其治罪。即素日悞習邪教之人。若能及早省悟。自行投出。亦概與免死。倘有能將賊首賊目斬獲擒獻者。不但不治以從賊之罪。並當優加獎賞。此皆朕仰體



上天好生之德。於懲創之中。仍予以自新之路。其避賊難民。更當妥為撫卹。勿令失所。該將軍督撫等。務須一體遵照。妥協辦理。以副朕赦過宥罪。格外施仁至意。○癸卯。勅諭。前因各省小錢充斥。由於各省督撫不實心詳查。不肖局員等。鼓鑄時偷減銅觔。將輪廓收小。且以為好缺。用其所私之人。以致奸民因之私鑄。弊端百出。是以降旨。將有鼓鑄省分。暫行停止。業將兩年。因念各局匠役人等。世業其役。停鑄日久。伊等未免生計維艱。而滇黔各省。照舊開採。並恐銅鉛積壓過多。致啟偷賣營私之弊。不可不量為變通。又上年皇帝率同戶工部臣。奏請各省開鑄時。乾隆嘉慶錢文各半分鑄。業經允准。今思朕臨御六十年。而雲南銅廠又值豐旺。遂照數鼓鑄。乾隆錢文。各直省流行較多。茲復各半分鑄。則新舊錢文。攙雜行使。倘局員等仍復減小鼓鑄。轉致無從稽覈。著有鼓鑄省分各督撫。於接

奉此旨後。即將嘉慶年號錢文。按例全行開鑄。並照戶工二局頒發錢式。銅六鉛四。配搭試鑄。戶工二局。現係乾隆嘉慶錢文各半鑄造。亦著將乾隆錢文。改為二成。嘉慶錢文。改為八成鼓鑄。使新式錢文。廣為流通。今當開鑄伊始。務須輪廓分明。質地堅實。不得再有偷減收小等弊。以便商民而清國法。若此次開鑄後。嘉慶錢文內。再有未能如式。薄小糙脆者。錢上有各省局名。可以一望而知。非局員舞弊。即係地方官查察不嚴。致有奸民私鑄。必將該督撫。及地方官局員等。分別從重治罪。至雲貴楚蜀。向為小錢淵藪。尤應實力稽查。倘陽奉陰違。仍前滋弊。一經查出。必將該督撫等加倍治罪。決不姑貸。伊等身任封圻。從前既未能嚴查小錢。收繳淨盡。已屬咎無可辭。倖邀格外寬宥。茲當奉行之初。經朕諄諄訓誨。若再不繳發天良。認真查辦。則是始終不悛。恐不能當此重戾也。將此通諭。知

之。○五月乙卯。

太上皇帝詣玉泉山

龍神祠謝雨。○丙辰。勅諭。前經降旨。令內外

大臣。年節無庸備物呈進。惟遇朕及嗣皇帝

壽辰慶節。准在京王公大臣等。僅遞如意。藉

以聯情抒悃。今思本年係朕歸政之初。為嗣

皇帝登極之始。或恐內外王公大臣等。未喻

朕意。又思於八月及十月。朕與嗣皇帝壽辰

時。備物祝嘏。殊不知朕御宇六十年來。國家

昇平昌阜。大內存貯珍物駢羅。即佛像亦無

供奉之處。而嗣皇帝方當以儉樸為天下先。

原不宜貴奇異奢華之物。是用再行通諭。此

後除鹽織關差。向有公項購辦備賞物件外。

其餘內而王公大臣。外而督撫。不但貢物不

必進呈。即如意亦不許備進。其土貢。惟麥麵

果品茶葉藥材等項。准其照例呈進。以備薦

新分賞之用。不得額外增添陳設綢緞各物。

以示體卹。而節繁費。如有違例。竄進及奏事

處。濫行接收者。必當一併治罪。俟朕九旬大  
慶。嗣皇帝四旬壽辰。屆時應否准其抒忱祝  
嘏之處。另候勅旨遵行。將此通諭知之。○丁  
巳。

太上皇帝詣

安佑宮行禮。○壬戌。

太上皇帝同

皇帝幸避暑山莊。自圓明園啟鑾。○是日。駐蹕

南石槽行宮。○癸亥。駐蹕密雲縣行宮。○甲

子。勅諭。據福康安。和琳奏。官兵攻克廖家冲

連峯。坳山梁。痛殲賊匪。目擊乾州平隴賊巢。

遠近在望。現值大雨傾注。一俟稍晴。即當直

抵乾州。迅擒渠逆等語。福康安。和琳。自勦捕

苗匪以來。備經艱險。懋著勲勞。今大兵進逼

賊巢。將緊要山梁。俱已攻克。業距平隴乾州

不遠。諒日內天氣晴霽。自可直搗賊巢。擒拏

渠首。成功當在指日。允宜特沛恩綸。各加懋

賞。福康安。已晉封貝子。並賞戴三眼花翎。恩

無可加。因念其父傅恒宣力有年。屢著勞績。未得身膺貝子封爵。向來宗室襲封王爵。如其父未經封王者。例得追贈。傅恒著加恩。照宗室追封之例。晉贈貝子。以光泉壤。而昭寵錫。和琳前經晉封伯爵。並賞戴雙眼花翎。著再加恩。賞用紫韁。以示優獎。俟大功告成。捷音奏到。再將福康安和琳及在事出力各員。交部優敘。○是日。駐蹕要亭行宮。○乙丑。駐蹕兩間房行宮。○丙寅。駐蹕常山峪行宮。○

丁卯。駐蹕喀喇河屯行宮。○戊辰。

太上皇帝同

皇帝詣熱河

文廟行禮。○謁

永佑寺行禮。○是日。駐蹕避暑山莊。至八月戊戌。皆如之。○辛未。勅諭據松筠奏達賴喇嘛班禪額爾德尼濟咙呼圖克圖等因朕傳位嗣皇帝。請嗣後加倍呈遞丹書克並佛像等語。具見伊等誠悃。朕嘉悅覽之。但衛藏距京

遙遠。伊等如年班遣堪布喇嘛等加倍呈遞丹書克。不無糜費。且朕與嗣皇帝本無區別。照進一分。亦儘足以抒其慶讚之誠。著松筠傳諭達賴喇嘛班禪額爾德尼等。遵照向例。仍進一分。毋庸加倍。示朕體恤至意。○壬申。勅諭大學士貝子福康安秉性公忠。才猷敏練。數歷中外。懋著殊勲。年當弱冠。即出師金川。著有勞績。曾賞給巴圖魯名號。特封男爵。嗣又平定石峯堡臺灣廓爾喀等處。宣勞邊

徼。屢奏膚功。復節次晉封至一等忠銳嘉勇公。簡直綸扉。贊襄機務。無不悉心整頓。經理得宜。此次督勦苗匪。涉歷艱難險阻。不辭勞瘁。親帶官兵。所向克捷。上年特降恩旨。賞戴三眼花翎。晉封貝子爵銜。仍帶榮譽四字佳號。近復以大兵進逼賊巢。將苗匪聚要山梁。全行攻克。大功指日告成。因念其父傅恒宣力有年。未得身膺貝子封爵。特加恩。照宗室襲封王爵之例。追贈貝子。凡此殊榮異數。皆

以嘉獎蓋臣。福康安年力富強。正資毗倚。乃當大功垂成之際。積勞成疾。遽爾溘逝。實深震悼。且患病之時。猶復力疾督師。親臨前敵。實為宣勞起衆。體國忘身。尤宜渥沛殊恩。用昭飾終令典。福康安著晉贈郡王職銜。賞內帑銀一萬兩。經理喪事。並賞給陀羅被。仍著於伊家宗祠之旁。官為相度地基。建蓋專祠。以時致祭。用妥忠魂。並推恩伊父傳恒。亦追贈郡王爵銜。其子德麟著加恩晉襲貝勒。派固倫額駙豐紳殷德。迎往奠醊。帶同伊子德麟。馳赴前途。妥為照料。俟入城治喪時。朕必親往奠酒。所有任內降革罰俸處分。俱著開復。其應得卹典。並著該衙門察例具奏。以示軫惜。勲勞有加。無已至意。

奉 上 聖 旨

奉 上 聖 旨

大清高宗法天隆運至誠先覺體元立極敕文  
奮武孝慈神聖純皇帝實錄卷之一千四百九十四

實錄卷一千四百九十四

奉 上 聖 旨

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百九十五  
監修總裁官總纂官太子太傅文淵閣大學士文淵閣領事領銜內大臣稽察欽奉 上諭軍機處管理  
吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次慶隆  
總裁官經筵講官太子太傅太華殿大學士文淵閣領事稽察欽奉 上諭軍機處管理刑部戶部三庫事務  
世襲騎都尉軍功加十九級隨帶加二級又加二級尋常加二級內大臣戶部尚書鑲黃旗滿洲都統軍功紀錄五次  
尋常紀錄十四次臣德瑛謹題講官太子少保工部尚書紀錄六次臣曾國瑞等奉

敕修

嘉慶元年丙辰秋七月己酉勅諭各省六十

年應徵錢糧上年已降旨加恩普行豁免湖  
廣省上年漕糧已於本年輪免民力已為寬  
裕第念楚省被賊蹂躪各州縣所有應徵地  
丁錢糧雖已降旨通行蠲豁而漕糧亦可無  
事輸將但來歲新漕例應冬兌冬開秋間即  
須開徵現在湖南大功指日告成而湖北教  
匪亦即日可以肅清其被擾地方漸臻寧謐  
惟是兩湖民人當軍務倥傯賊匪滋擾之後  
未免流離遷徙耕種失時即未被擾累之處

解運糧餉分投防範亦不無藉資民力此時  
賊匪雖已即日蕩平百姓等一時尚恐未能  
復業所有本年漕糧若即於秋收後啟徵究  
恐稍形竭蹶著再加恩將湖北湖南本年應  
徵漕糧概予緩徵統俟大功告竣緩至明歲  
再行開徵永保現已令其暫署湖廣督篆著  
會同巡撫汪新督飭所屬通行曉諭實力查  
察毋任胥吏等從中舞弊影射徵收以副朕  
愛惠黎元恩施無已至意再該二省百姓被

賊匪焚燒搶掠其乏業流民覓食餬口者自  
復不少若不妥為安撫恐致顛連失所殊為  
可憫並著永保汪新一體督率詳查設法撫  
綏務使還定安集勿令一夫失所方為妥善  
該部即遵諭行○辛亥勅諭大學士孫士毅  
老成端謹練達有為簡任綸扉贊襄機務歷  
任封圻屢著勞績此次自逆匪滋事以來駐  
劄香山一帶防範堵剿極為出力復因湖北  
教匪延及川疆滋擾來鳳地方即帶兵親赴

該處督率攻勦連得勝仗奪獲賊卡所向克捷前曾降旨晉封三等男爵本欲俟大功告竣再予崇封昨據福寧奏孫士毅染患病症即送至平塊調養方冀醫治就痊茲聞溘逝深為悼惜前已加恩由驛頒發經被著於川省軍需項下賞給銀五千兩交藩司林僑就近料理喪事一切俱照公爵分例辦理著伊長孫孫均承襲伯爵所有應得恩廕即著伊姪孫儀承襲並派固倫額駙豐紳殷德由湖南就近迎往途次賞奠以示朕優卹無已之意並著福寧等另派妥員護柩回籍又據軍機大臣奏孫士毅生前曾言情願令其將來承襲之長孫入旗著照所請孫均俟服闋後即送部引見准其入漢軍旗分所有孫士毅任內降革罰俸處分悉予開復其應得卹典該部察例具奏以示眷念蓋臣恩施無已至意○乙丑勅諭本年係朕傳位為嗣皇帝元年仰蒙

昊蒼眷佑累洽重熙朕同皇帝駐蹕山莊雨暘時若秋成上稔景象恬熙允宜特沛恩施行慶敷錫但承德府及所屬今歲本係輪免之年秋成又屬豐稔所有該府及所屬州縣明年應徵地丁錢糧俱著加恩普行豁免俾駐蹕地方小民益臻饒裕以示施惠邊氓有加無已至意該部即遵諭行知務使窮鄉僻壤咸喻朕意丁卯

太上皇帝同

皇帝御清音閣賜扈從王公大臣蒙古王貝勒貝子公額駙台吉等食至辛未皆如之○八月丁丑

太上皇帝同

皇帝御清音閣召青海貝子齊默特達巴貝子品級輔國公達瑪琳扎哈沁公托克托巴圖烏梁海散秩大臣布彥德勒克土爾扈特頭等台吉額爾德呢等入覲戊寅

太上皇帝同

皇帝御清音閣賜扈從王公大臣蒙古王貝勒貝子公額駙台吉及年班外藩等食。至庚辰皆如之。甲申。

太上皇帝同

皇帝御清音閣賜扈從王公大臣蒙古王貝勒貝子公額駙台吉及年班外藩等宴。並賞賚有差。至丁亥皆如之。乙酉。

萬壽聖節。

太上皇帝御澹泊敬誠殿。

皇帝率扈從皇子皇孫王公大臣官員蒙古王貝勒貝子公額駙台吉及年班外藩等行慶賀禮。乙未。

太上皇帝同

皇帝詣

永佑寺行禮。勅諭曰。和琳等奏軍務將次告竣。查明實支款項一摺。已批交該部議奏矣。此次湖南省剿捕苗匪所需軍火兵糧均係黔川楚等省轉運供支。其苗疆一帶道路綿

長山險層疊。運送自屬艱難。所有軍需報銷款項。其實在情形有不得不通融辦理之處。尚可量准覈銷。至湖北教匪滋擾。祇係無賴奸民糾眾搶掠。經官兵各處堵剿。俱在平地。非如逆苗之屯聚險隘者可比。即該處鄉勇實係禦賊出力打仗者。自當優加恩賚。其真假各半。地方官不無影射。較之湖南省鄉勇幫同進剿苗匪者。實有不同。其應行支給款項。自宜量加區別。將來報銷湖北軍需時。應

按例悉心酌覈。不得援此次湖南之例漫無分別。朕斟酌地方險易情形。分別輕重。無不折衷至當。諒和琳及湖北湖南各督撫當必心服也。除隨報便諭知和琳等外。並諭該部知之。乙亥。

太上皇帝同

皇帝自避暑山莊迴鑾。○是日駐蹕喀喇河屯行宮。○庚子。勅諭前因明亮將孝感縣賊匪全數剿淨。曾降旨加恩賞給輕車都尉世職。

畢沅前此勦洗當陽賊匪擒渠倖逆肅清縣治今惠齡又將灌灣腦賊巢全行掃蕩生擒首逆張正謨等解京均屬奮勉可嘉雖湖北教匪滋事該督撫等平時失於覺察固有應得之咎且俟勦賊事竣再行覈辦而此時伊二人著有勞績不可不加之懲賞畢沅惠齡著一體賞給輕車都尉世職用昭優獎舒亮前在當陽勦除賊匪業經賞給副都統職銜現出有鑲藍旗漢軍副都統一缺即著以舒

亮補授楊秀於明亮未到之先在鍾祥防堵賊匪尚能嚴密該鎮從前已得過花翎著加恩賞給提督銜以資鼓勵再本日畢沅等奏署來鳳縣事利川縣丞王三錫怠玩偷安請革職留於軍前効力贖罪一摺王三錫前因率領鄉勇勦賊尚屬出力曾加恩以應陞之缺陞用今自署理來鳳縣事以來心存滿足於委辦撫卹事宜並不認真確查自圖安逸似此初終易轍之員即將伊留於軍營亦

難望其奮勉自効王三錫即著革職發往伊犁効力贖罪以示懲儆朕辦理軍務於帶兵出力殺賊立功者無不加倍獎擢而於怠玩貽誤者亦必從重懲治所有臣下功罪權衡輕重賞罰悉歸至當大小臣工務宜各矢蓋誠益加感奮以副朕旌功罰罪訓誨策勵至意○是日駐蹕常山谷行宮○辛丑駐蹕兩間房行宮○壬寅駐蹕要亭行宮○九月癸卯朔駐蹕密雲縣行宮○甲辰駐蹕南石槽

行宮○乙巳

太上皇帝詣

安佑宮行禮○還圓明園○丁未勅諭戶部議駁長蘆鹽政方維甸奏請將本年應徵引課緩至明年奏銷後起限分作三年帶徵等因一摺蘆東商力疲乏經朕節次加恩停利展本已為優渥若再行緩徵難免層層積壓戶部照例議駁自屬覈實辦理第念商人資本微薄各處錢價過賤易銀交課不免虧折尚



屬實在情形著加恩准其將長蘆應徵正餘引課銀五十三萬四千九百餘兩山東應徵正餘引票課銀十七萬七千七百餘兩緩至明年奏銷後起限分作二年帶徵歸款以紓商力該鹽政惟當督率妥辦毋得再任延宕以副朕格外體恤恩施無已至意○已酉

太上皇帝御出入賢良門命

皇帝率諸皇子皇孫等習射○辛亥

太上皇帝幸靜宜園駐蹕至癸丑皆如之○壬

子

太上皇帝閱健銳營兵○初諭據興奎奏請來京陛見伊曾於五十八年陛見甫回任所今又奏請陛見是徒以一奏塞責初非本意興奎著不必來京外仍著申飭○癸丑初諭曰四川總督伯和琳資性忠勤才猷敏練前辦廓爾喀軍需於艱運維艱之際能設法調度源源無誤俾大軍得以蕙功嗣在衛藏辦事復力加振作將該處數十年積習整頓掃除

迨擢用四川總督於途次一聞苗匪滋事擾及秀山星赴該處即帶兵會剿比至湖南軍營同福康安經理軍務悉心妥辦跋涉艱險無間寒暑雨雪勞勩備嘗是以節經加恩賞給伯爵晉銜太子太保並加恩黃帶紫韁以示優獎本年夏間福康安在軍營溘逝和琳一手總統督率將弁兵丁收復乾州屢得勝仗並生擒首逆石三保石代噶勞績懋著特賞戴三眼花翎昨據奏到平隴門戶疊經攻

破大兵緊逼賊巢方盼其掃穴擒渠指日戡事晉爵上公以昭懋賞乃當大功垂成之際和琳以積勞受瘴成疾遽爾溘逝實深震悼似此超衆宣勞沒於王事允宜渥沛殊恩用示飾終令典和琳著晉贈公爵即著伊子豐紳宜綿承襲賞給銀五千兩辦理喪事並賞給陀羅經被派御前侍衛公豐紳濟倫前往奠醑帶同伊子豐紳宜綿馳赴前途妥為照料成服所有任內賠罰等項俱著寬免降革

罰俸處分一併開復其應得卹典並著該衙門察例具奏以示軫恤蓋臣有加無已至意

○甲寅

太上皇帝還圓明園○勅諭昨據額勒登保奏和琳因受瘴疫洩痢病逝已降恩旨用示飾終令典矣因思福康安溘逝時曾令於伊家宗祠之旁建蓋專祠致祭和琳與福康安一體宣勞沒於王事自亦應建立專祠用妥忠魂但據和坤面奏不敢開銷官項請自行建

蓋著照所請聽其擇地建蓋仍賞扁額以時致祭外再福康安經禮部題請入祀昭忠祠業經允准似此宣勞超衆之大臣不特忠蓋可嘉即揆諸往古賢良實為無愧和琳亦著入祀昭忠祠並與福康安均入祀賢良祠以獎賢勞而昭懋典至和琳所建專祠既經和坤自請建蓋前此福康安曾賞內帑銀一萬兩辦理喪事和琳昨已賞銀五千兩著照福康安前例再加賞銀五千兩以足一萬之數

用示眷念蓋臣恩加無已之至意○乙卯勅諭成林奏拏獲前赴土田州知州岑煜處投遞牌紙求取點金丹藥之梁文貴一犯解黔審辦等語此案梁文貴聽從苗人雷新保岑士德等投遞牌文詞語悖妄不經該土官一經拏獲立即解交百色同知衙門審訊是該土官深知奉法極為恭順乃成林因岑士德與該土官同姓遂疑其有通同商謀情事先令臬司前往傳訊又將該土官傳至省城

面加詰問如岑煜果與通謀豈有將梁文貴立時送出之理成林轉向該土官兩次所詰似此見識糊塗何以勝封疆重寄初不料伊竟不曉事若此朕知人不明用為巡撫深以為愧成林著交部嚴加議處土官岑煜因見牌文悖妄將梁文貴立時送究恭順之惻殊屬可嘉著加恩賞給四品官並賞花翎再加賞緞二匹補服二副以示獎勵戊午勅諭據保寧參奏塔爾巴哈台參贊大臣伍彌

烏遜一摺。內稱塔爾巴哈台有原分給厄魯特之烏蘭呼濟爾地方。向有土爾扈特策凌烏巴什奴僕多戶居住。今厄魯特欲遷往彼處牧放牲畜。策凌烏巴什圖得此地。餽送伍彌烏遜銀兩馬匹。伍彌烏遜收馬一匹。將察罕鄂博以北地方。借與策凌烏巴什。過夏仍詳請明歲。即將此地賞給土爾扈特。辦理錯謬等語。土爾扈特厄魯特均經朕分與地方。土爾扈特地寬廣。人戶又少。向來侵占厄魯

特所分之地。已屬非是。厄魯特欲遷游牧時。伍彌烏遜自應查明。將土爾扈特飭責。不使侵占。至策凌烏巴什圖得便宜。用賄營求。伍彌烏遜益當以理責備。嚴行駁飭。乃伍彌烏遜於策凌烏巴什初次餽送銀兩馬匹。却回後。因次日復送馬九匹。懇借察罕鄂博卡座以北地五十餘里。過夏即還。恐礙顏面。收馬一匹。允其所請。實屬怯懦糊塗。已極。察罕鄂博卡座以北地方。夏間卡座外展。距哈薩克

等固屬較遠。至冬令將卡座撤回時。哈薩克等俱來附近游牧。土爾扈特等生性見小。希圖便宜。試問伍彌烏遜。夏間將此地借給伊等。至冬令伊等竟不遷移。與哈薩克等雜處。必致滋事。伍彌烏遜又當如何辦理。伍彌烏遜并詳請此地可否賞給策凌烏巴什游牧。更屬大謬。哈薩克等於冬際內遷。竟未思及耶。看來伍彌烏遜庸材。殊不勝塔爾巴哈台重任。著嚴行申飭。仍交部嚴加議處。塔爾巴

哈台參贊大臣員缺。著貢楚克扎布調補。所遺科布多參贊大臣員缺。著特成額補授。俱著馳驛前往。伍彌烏遜接奉此旨。即將塔爾巴哈台參贊印務。交領隊大臣吉星阿暫行署理。伊即迅速由驛馳赴科布多。貢楚克扎布接奉此旨。即帶印起程。遇伍彌烏遜時。暫交護理。俟特成額到後接收。○戊辰。勅諭曰。和琳著作為一等宣勇公。世襲罔替。○又勅諭曰。張情田著即處絞。此案張情田德惠伊

父得受贓賄以致張力行身罹重辟法無可寬但張力行若止聽從伊子慫恿得贖業將張情田正法部議上時張力行尚可從寬改為監候乃伊身為方面大員膽敢亂法得贓復侵用庫項至一千餘兩之多此而不立正典刑何以儆官邪而昭法紀朕辦理庶獄從無因侵貪案件將父子併予以立決之事今張情田既陷父於法而張力行得贓之外又復侵用帑項各省不肖官員營私受賄暗中舞弊者亦所難免而如張力行之明目張膽肆用庫項實為從來所未有當今綱紀肅清之際實不料竟有此等劣員不能不將伊父子概寔於法以昭炯戒但朕無時不以道德齊禮整飭官方為念今張力行張情田父子自罹重辟俱正刑誅究由教化未享用人失當深引以為媿所有該犯父子獲罪緣由及朕不得不辦之苦衷特明白宣示俾眾咸知嗣後大小官員皆當觸目警心以張力行

父子為前車之鑒副朕明刑弼教諄諄訓誡至意○壬申勅諭前因河南扶溝縣於竊匪之案將劉之協關提到案質訊正當查拏邪教之時劉之協一犯早應通飭緝拏乃該省官吏漫不經心廢弛已極厥咎甚重因將藩司吳璥臬司陳文緯革去頂戴帶罪緝犯茲據景安奏吳璥在省籌備糧餉製造軍火源源撥運尚為周到妥速陳文緯隨在南陽照料兵差臺站督拏逃匪亦能不辭勞瘁等語吳璥陳文緯著加恩各賞還原品頂戴該員等務當各矢天良加倍奮勉稍贖前愆以副朕宥過施恩至意○冬十月甲戌  
太上皇帝詣  
恩慕寺  
恩佑寺行禮 丁丑  
太上皇帝同  
皇帝御同樂園賜王貝勒貝子公文武大臣等  
食翼日如之 戊寅

太上皇帝以	皇帝萬壽節御正大光明殿	皇帝率皇子王貝勒貝子公文武大臣官員等詣	太上皇帝前行禮○壬午	太上皇帝詣	大高殿	壽皇殿行禮○還宮○庚寅	太上皇帝同	皇帝御紫光閣閱中式武舉騎射○辛卯	太上皇帝同	皇帝御紫光閣閱中式武舉技勇○癸巳	太上皇帝詣	雍和宮行禮○辛丑	太上皇帝同	皇帝詣	奉先殿	壽皇殿行禮○十一月甲寅
-------	-------------	---------------------	------------	-------	-----	-------------	-------	------------------	-------	------------------	-------	----------	-------	-----	-----	-------------

太上皇帝同	皇帝詣	奉先殿	壽皇殿行禮○丙辰勅諭曰蘇凌阿等奏豐汎漫工堵閉合龍一摺內稱東西兩壩趕緊鑲築又於近壩處所添築挑水壩一道使溜勢分入舊河一面進埽追壓至十一月初九日丑刻合龍全河水勢均由引河及舊河匯注等語覽奏欣悅漫工口門收窄水勢愈深幸值連日晴和兵夫等始能併力鑲填堵合斷流水勢均由引河及舊河下注循軌安瀾暢達歸海此皆仰賴	河神佑護得以合龍竣事著發藏香二十枝敬謹祀謝	神庥前已降旨令該督等於工竣後在合龍處所建蓋	河神廟著即將扁對尺寸進呈候朕親書發往用昭
-------	-----	-----	--	-----------------------	-----------------------	----------------------

靈既蘇凌阿蘭第錫各賞給黃辦大荷包一對小荷包四個康基田著賞給大荷包一對小荷包四個以示獎勵至蘭第錫專司河務當河水盛漲之時不能搶護穩固以致漫溢本有應得之咎今因伊辦理漫工以來督率員弁堵築合龍免其治罪已屬格外施恩毋庸再予甄敘蘭第錫當益加感激愧勵將隄工加築穩固漫水趕緊疏消以贖前愆如果始終勤奮或將來伊名下漫口分賠銀兩再行酌量施恩亦未可定蘇凌阿兼管河務亦難辭疎防之咎姑念伊已年老且係署事之員著交部照例議敘康基田係鄰省藩司幫辦河工尚屬奮勉著加恩交部從優議敘現在漫工已竣康基田在彼並無應辦事件著即回山東本任至蘭第錫前奏將專管豐北道判田治豐北營守備劉兆隆革職其餘道將汛員及地方各官即著交部查取職名分別嚴加議處以示朕勸懲功罪權衡公當至

意又據蘇凌阿奏淮揚道和騰額晝夜在壩搶辦險工不辭勞瘁又山安守備包宗堯身督兵役冒險爭先屢著勞績等語該二員委辦要工俱屬奮勉出力和騰額著加恩賞戴花翎包宗堯著加恩賞給都司頂戴以示鼓勵又據奏在工差遣之舉人單澤棟選知縣胡稷試用知縣沈朝宗候選州判樊鏘捐職從九品師慕祖勇往爭先要工得以竣事而黃運兩河善後各工在在需員趕辦請留於河南差遣委用等語單澤等既據奏稱在工勤奮出力熟悉河務即著如該督所請准其留工委用 甲子

太上皇帝詣  
大高殿行禮 乙丑

太上皇帝幸瀛臺 丙寅

太上皇帝同

皇帝詣

壽康宮行禮 戊辰

太上皇帝幸瀛臺。已巳。勅諭國家立法。諸臣中有勤於王事。功績最著者。列入祀典。用示酬庸。其公忠體國。超衆宣勞之王大臣。並有配饗之例。所以答崇勲而昭異數。本朝開國殊勲。王大臣等俱配饗。

太廟。即雍正年間怡賢親王大學士鄂爾泰張廷玉。皆循此例配饗。乾隆年間。復將超勇親王額駙策凌增入。今恩原任大學士郡王銜福康安。久歷戎行。屢著勞勲。總督公和琳在

衛藏辦理軍需。整頓積習。尤能不避勞怨。嗣因黔楚苗匪聚衆滋擾。福康安由雲南馳往和琳亦於途次星赴秀山。將黔川逆苗勒淨。同赴湖南。觸暑衝寒。跋涉險阻。攻奪苗寨。生擒首逆吳半生。吳八月將屆功成。福康安因積勞成疾。溘逝軍營。和琳一手總統。督率將弁鼓勇進攻。生擒首逆石三保。收復乾州。亦因染患瘴癘。相繼溘逝。雖已疊沛殊恩。特建專祠。並入昭忠賢良祠。尚不足以崇獎豐功。

朕早欲將伊二人從祀。未經宣示。今福康安和琳靈柩已到。當親往賜奠。朕心益增振觸。是用特頒恩賜配饗之旨。以慰忠魂。至福康安之父大學士公。追贈郡王銜傅恒。曾平定金川。且宣勞日久。若不得列入福康安心有所難安。又協辦大學士尚書公兆惠。平定回準二部。功伐懋著。均宜一體配饗。

太廟。以示軫念。蓋臣至意。該部察例即行。庚午。

太上皇帝臨奠大學士贈郡王銜福康安總督贈一等公和琳。十二月壬申朔。

太上皇帝詣

大高殿行禮。甲戌。

太上皇帝幸瀛臺。勅諭雍正年間於養心殿

東佛堂佛龕之右供奉

聖祖仁皇帝

孝恭仁皇后神位。原以

廟享歲有常期。而宮闈近地。可以朝夕頂禮。以

抒思慕之誠是以朕登極後即遵照成法亦於右次添供

皇考世宗憲皇帝神牌丁酉年復供奉

孝聖憲皇后神牌於一龕此係

皇考不匱孝思之所創設我子孫自當永遠遵守但歷代久遠而神龕有一定位數萬萬年之後嗣皇帝自當照此一例供奉因思養心殿之西佛堂現供之佛將來朕移居寧壽宮之養性殿時自應移於養性殿之西配殿現

在養心殿之西配殿當照此東佛堂一律造龕將來萬萬年後中間佛龕之左右朕及子孫皆可依次安設神牌俟傳至朕元孫萬年後再將東佛堂

聖祖牌位移於

壽皇殿從此世代遞承依次移供可以奉為世守我國家億萬斯年代代相承雲初衍慶瓜瓞綿延為亘古所未有至

壽皇殿中龕係雍正年間供奉

聖祖仁皇帝聖容左龕係乾隆初年供奉

皇考世宗憲皇帝聖容將來朕萬萬年後當在

右龕敬思

聖祖仁皇帝踐阼六十餘年深仁厚澤超越史

冊

皇考世宗憲皇帝勵精圖治綱紀肅清且

壽皇殿及養心殿供奉

聖容

神位皆係

皇考遺制朕仰荷

天恩繼承

聖祖

皇考貽緒自登極以來於今六十餘年開疆闢

土敬

天勤民自維功德勉紹

前徽萬萬年後

聖祖

皇考及朕均當在不遷之列將來



壽皇殿九龕供滿時當由朕以下為始以次遞  
祧所有圓明園

安佑宮熱河

永佑寺均當照此一例供奉以昭法守而示來

茲此係朕偶爾思及豫為指示若果能仰荷

上蒼眷佑衍祚龐洪實我國家無疆之慶此朕

之期望而不敢必者我子孫當敬體此意祈

天永命庶幾上邀

昊眷克符斯願耳○丙子

太上皇帝幸瀛臺○戊寅

太上皇帝幸瀛臺○己卯

太上皇帝同

皇帝幸瀛臺○辛巳

太上皇帝詣

雍和宮行禮甲申

太上皇帝同

皇帝幸綿寧阿哥所進膳○壬辰

太上皇帝幸瀛臺回部哈密郡王阿奇木伯克

伊斯堪達爾等十六人霍罕伯克那爾巴圖

來使博巴占錫哩布等二人暹羅國正使呷

雅梭挖粒巡吞握派喇突副使廊富們豫

泥霞握巴突等於西華門外瞻觀○癸巳

太上皇帝御寧壽宮景祺閣賜御前王大臣蒙

古王貝勒貝子公等食賞賚有差○勅諭向

例皇帝登基後即應選擇萬年吉地乾隆元

年朕紹登大寶本欲於

泰陵附近地方相建萬年吉地因思

皇考陵寢在西朕萬年吉地設又近依

皇考萬萬年後我子孫亦思近依祖父俱選吉

京西則與東路

孝陵

景陵日遠日疎不足以展孝思而申愛慕是以

朕萬年吉地即建在

東陵界內之聖水峪若嗣皇帝及孫曾輩因朕

吉地在東擇建則又與

泰陵疎隔亦非似續相繼之義嗣皇帝萬年吉

地自應於

西陵界內卜擇著各該衙門即遵照此旨。在泰陵附近地方敬謹選建。至朕孫繼承統緒時其吉地又當建在

東陵界內。我朝景運龐鴻慶行瓜瓞承承繼繼各依昭穆次序迭分東西一脈相聯不致遞推遞遠。且遵化易州兩處山川深邃靈秀所鍾其中吉地甚多亦可不必於他處另為選擇。有妨小民田產實為萬世良法。我子孫惟

當恪遵朕旨溯源篤本衍慶延禧億萬斯年。相承勿替此則我大清無疆之福也。甲午。太上皇帝御撫辰殿大幄次賜蒙古王貝勒貝子公額駙台吉及年班外藩各國使臣等宴並賞賚有差。丙申。

太上皇帝詣

慈寧宮

壽康宮行禮。辛丑。

太上皇帝同

皇帝御保和殿筵宴朝正外藩左翼科爾沁和碩親王拉旺多羅郡王喇什端羅布素特納木多布齋喇什噶勒當多羅貝勒古穆扎布輔國公諾觀達喇納遜巴圖公品級一等台吉琳沁多爾濟一等台吉敏珠爾多爾濟巴林親王品級多羅郡王巴圖公品級一等台吉索特納木多爾濟四等台吉布彥濟爾噶勒喀喇沁親王品級多羅郡王和碩額駙滿珠巴咱爾輔國公瑪哈巴拉拉扎布溫都爾瑚公品級固山額駙丹巴多爾濟多羅額駙扎密揚多布丹喇特納巴納拉固山額駙扎南吉爾第奈曼多羅郡王拉旺喇布坦一等台吉巴勒楚克敦漢多羅郡王和碩額駙德親鎮國公固山額駙納木扎勒多爾濟固山額駙扎爾瓦土默特多羅貝勒理藩院額外侍郎索諾木巴勒珠爾固山貝子朋素克琳沁烏珠穆沁多羅貝勒旺楚克阿巴哈納爾多羅貝勒瑪哈巴拉翁牛特二等台吉巴顏

巴圖爾哈斯巴圖爾右翼喀爾喀和碩親王  
固倫額駙拉旺多爾濟多羅貝勒納木薩賚  
扎布瑪哈錫里袞布車琳固山貝子遜都布  
多爾濟班珠爾遜都布鎮國公達什格埒克  
輔國公索諾木扎布公品級幹珠爾扎布扎  
薩克一等台吉楚克蘇木扎布貢楚克貢格  
拉什蘇尼特多羅郡王車凌袞布多羅貝勒  
恭桑扎勒浩齊特多羅郡王敏珠爾多爾濟  
喀什噶爾阿奇木伯克多羅郡王伊斯堪達  
爾郡王品級多羅貝勒哈第爾翁牛特多羅  
貝勒濟克濟扎布青海多羅貝勒德哩巴勒  
珠爾輔國公拉特納錫第阿巴噶固山貝子  
巴雅爾錫第扎薩克一等台吉巴勒丹色楞  
烏珠穆沁輔國公瑪哈布爾尼雅鄂爾多斯  
輔國公丹津多爾濟歸化城土默特輔國公  
索諾木旺扎勒附入察哈爾綽羅斯三等台  
吉瑚勒哈齊四等台吉肯則尼勒庫達瑪琳  
扎布又霍罕伯克那爾巴圖來使博巴占錫

哩布等二人朝鮮國正使金穆副使柳烟等  
八人暹羅國正使呷雅梭挖粒巡吞握派嘮  
喇突副使廊窩們蘇泥霞握巴突等隨文武  
大臣依次就坐諸樂並作

太上皇帝同

皇帝進酒召左翼科爾沁和碩親王拉旺巴林  
親王品級多羅郡王巴圖喀喇沁親王品級  
多羅郡王和碩額駙滿珠巴咱爾奈曼多羅  
郡王拉旺喇布坦土默特多羅貝勒索諾木  
巴勒珠爾右翼喀爾喀和碩親王固倫額駙  
拉旺多爾濟喀什噶爾阿奇木伯克多羅郡  
王伊斯堪達爾郡王品級多羅貝勒哈第爾  
翁牛特多羅貝勒濟克濟扎布等至  
御座前賜酒成禮

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百九十五

實錄卷之一千四百九十五

五

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百九十六

監修總裁官經筵講官太子太傅文淵閣大學士文淵閣領事領侍衛內大臣稽察欽奉 上諭軍機處管理

吏部理藩院事務內閣滿洲部統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領事稽察欽奉 上諭軍機處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲部統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

嘉慶二年丁巳春正月壬寅朔

太上皇帝同

皇帝詣

奉先殿行禮御太和殿受朝

皇帝率諸王貝勒貝子公文武大臣官員蒙古

王貝勒貝子公額駙台吉外藩各國使臣等

行慶賀禮作樂宣表如儀

太上皇帝詣

大高殿行禮同

皇帝詣

壽皇殿行禮。○御乾清宮同。

皇帝賜宗室王等宴。○癸卯。勅諭。前因初彭齡  
奏陳淮聲名平常。將陳淮解任。令蘇凌阿  
前往會同台布審訊。並著就近兼署江西巡  
撫。今陳淮既經革職。等因。兩江總督事務殷  
繁。且距江寧甚遠。不能兼顧。所有江西巡撫  
印務。著台布暫行署理。俟簡放有人。再行來  
京供職。蘇凌阿於審案完結後。即回總督本  
任。○甲辰。

太上皇帝同。

皇帝御重華宮。召大學士及內廷翰林等茶宴。  
以平定苗疆聯句。○乙巳。

太上皇帝詣

雍和宮行禮。○庚戌。

太上皇帝詣

大高殿行禮。○辛亥。

太上皇帝同。

皇帝御紫光閣。賜蒙古王。貝勒。貝子。公。額駙。台。

吉。吐魯番郡王阿奇木伯克伊斯坦達爾等  
十六人。及霍罕伯克那爾巴圖來使博巴占  
錫哩布等二人。朝鮮國正使金思穆。副使柳  
炳等二人。暹羅國正使呷雅梭。挖粒。巡。吞。握  
派。喇。刺。突。副。使。廊。富。們。孫。泥。霞。握。巴。突。等。宴。  
並賞賚有差。○壬子。

太上皇帝同。

皇帝幸圓明園。○乙卯。

太上皇帝同。

皇帝御奉三無私殿。賜近支宗藩皇子。皇孫。皇  
曾孫。皇元孫等宴。○御山高水長。賜王公大  
臣。蒙古王。貝勒。貝子。公。額駙。台。吉。及外藩各  
國使臣等食。至丁巳。皆如之。○丙辰。

太上皇帝同。

皇帝御正大光明殿。賜朝正外藩等宴。左翼。科  
爾沁。和碩親王。拉旺。多羅郡王。和碩額駙。索  
特納木。多布齋。多羅郡王。喇什。端羅布。喇什  
噶勒當。多羅貝勒。古穆。扎布。輔國公。諾觀達。

喇納遜巴圖。公品級一等台吉琳沁多爾濟  
一等台吉敏珠爾多爾濟。巴林親王品級多  
羅郡王巴圖。公品級一等台吉索特納木多  
爾濟。四等台吉布彥濟爾噶勒奈曼多羅郡  
王拉旺喇布坦。一等台吉巴勒楚克敖漢多  
羅郡王和碩額駙德親。鎮國公固山額駙納  
木扎勒多爾濟。固山額駙扎勒瓦。土默特多  
羅貝勒理藩院額外侍郎索諾木巴勒珠爾  
固山貝子朋素克琳沁。翁牛特多羅貝勒濟

克濟扎布。二等台吉巴顏巴圖爾。哈斯巴圖  
爾。烏珠穆沁多羅貝勒旺楚克阿巴哈納爾  
多羅貝勒瑪哈巴拉。喀喇沁輔國公瑪哈巴  
拉。拉扎布溫都爾瑚。公品級固山額駙丹巴  
多爾濟。多羅額駙扎密揚多布丹。喇特納巴  
拉。固山額駙扎南吉爾第。右翼喀爾喀和碩  
親王固倫額駙拉旺多爾濟。多羅貝勒納木  
薩賚扎布。瑪哈錫果。袞布車琳。固山貝子遜  
都布多爾濟。班珠爾。遜都布鎮國公達什格

埒克。輔國公索諾木扎布。公品級幹珠爾扎  
布。扎薩克一等台吉楚克蘇木扎布。貢楚克  
一等台吉貢格喇什。喀喇沁親王品級多羅  
郡王和碩額駙滿珠巴咱爾。蘇尼特多羅郡  
王車凌袞布多羅貝勒恭桑扎勒浩齊特多  
羅郡王敏珠爾多爾濟。喀什噶爾阿奇木伯  
克。回部多羅郡王伊斯坦達爾。郡王品級多  
羅貝勒哈第爾。青海多羅貝勒德哩巴勒珠  
爾。輔國公拉特納錫第。阿巴噶。固山貝子巴

雅爾錫第。扎薩克一等台吉巴勒丹色楞烏  
珠穆沁輔國公瑪哈布爾尼雅鄂爾多斯輔  
國公丹津多爾濟。歸化城土默特輔國公索  
諾木旺扎勒。附察哈爾旗綽羅斯三等台吉  
瑚勒哈齊。四等台吉肯則尼勒庫編木庫達  
瑪林扎布。又霍罕伯克那爾巴圖來使博巴  
占錫哩布等。朝鮮國正使金思穆。副使柳烟  
等。暹羅國正使呖雅梭挖粒。巡吞握派勞喇  
突。副使廊富們。孫泥霞。握巴突等。隨大學士

領侍衛內大臣。以次就坐。諸樂並作。

太上皇帝同

皇帝進酒。召左翼科爾沁和碩親王拉旺。巴林親王品級多羅郡王巴圖。奈曼多羅郡王拉旺喇布坦。土默特多羅貝勒理藩院額外侍郎索諾木。巴勒珠爾翁牛特多羅貝勒濟克濟扎布。右翼喀爾喀和碩親王固倫額駙拉旺多爾濟喀喇沁親王品級多羅郡王和碩額駙滿珠巴。咱爾喀什噶爾阿奇木伯克回部多羅郡王伊斯堪達爾。郡王品級多羅貝勒哈第爾。並各國正副使臣。至御座前。賜酒成禮。○丁巳。

太上皇帝同

皇帝御正大光明殿。賜大學士尚書等宴。○戊午。勅諭著皇帝於二月初二日御經筵。所有應行典禮。該衙門照例豫備。○甲子。太上皇帝同皇帝詣

恩慕寺。

恩佑寺行禮。○勅諭。此案初彭齡奏陳淮摺內所稱歌詞有中缺八千大缺一萬五之語。自非無因。隨命蘇凌阿等查審具奏。昨據奏審訊陳淮。信用首縣徐午。任其倚勢驕縱。以致人皆嫌怨。編造歌詞。而於婪賄營私等事。並無確據。僅以與首縣評論字畫。忘分結納。將陳淮徐午。均擬發往新疆効力贖罪。經軍機大臣會同該部覈擬具奏。以陳淮雖訊無別項劣蹟。但罔顧大體。殊屬卑鄙。僅發新疆。不足蔽辜。應令罰繳巡撫養廉五年。示儆。陳淮係棄瑕錄用之員。經朕加恩復用。至封疆。如果潔已奉公。為屬員表率。何至不孚輿論。竟有傳播歌謠。致招物議。今雖查訊尚無實在確據。然人言籍籍。豈盡無因。且與受同罪。此時自不肯盡行吐露。朕不為已甚。是以不復深究。且現當辦理軍務之際。朕宵旰勤勞。亦不暇親加鞠訊。否則將此案提解來京。再

行廷鞫。又何難水落石出耶。各省巡撫所得養廉。本屬優厚。今陳淮既有此等卑鄙情事。僅罰繳養廉五年。尚不足示懲。陳淮除已革職。照擬發往新疆効力贖罪外。著照軍機大臣等所議。罰繳養廉五年之處。再加一倍罰出。令該督撫即行勒令完繳。此朕於懲創之中。仍寓不為己甚之意。餘著照擬完結。此後各省督撫。皆當激發天良。勉矢清白。砥礪廉隅。正己率屬。無負朕教誡矜全至意。將此通諭知之。○戊辰。勅諭朕於三月初四吉日。啟鑾巡幸盤山。所有一切事宜。著各該衙門照例豫備。○己巳。

太上皇帝同

皇帝還宮。○二月壬申。

太上皇帝同

皇帝宮中祀

神。○癸酉。勅諭曰。李奉翰等奏。豐汎漫工。合龍穩固一摺。內稱正月二十四日。大壩金門存

寬三丈。敬慎掛纜。合龍。因壩上水勢頓長。搶辦三晝夜。加添邊埽。至二十七日。始得斷流閉氣。現在壩前水已澄清。黃河大溜。全由引河暢注。東下等語。覽奏欣慰。豐汎大壩堵合後。搶築堅實。業已穩固。合龍。黃流順軌安瀾。全行東注。此皆仰賴河神垂佑。得以合龍竣事。實深欽感。著發頭號藏香二十枝。敬謹祀謝神庥。並即於該處相地建蓋祠宇。供奉

神牌。應照陶莊

河神廟內神牌字樣尺寸。查明具奏。並將扁對尺寸。一併進呈。候朕親書發往。用昭靈貺。所有在工督辦各員。蘭第錫係專司該處河務。不能先事豫防。以致漫溢。且壩工屢有走失。本有應得之咎。今念業已合龍穩固。姑免治罪。亦毋庸再予甄敘。李奉翰。康基田。係隔省派往辦理要工之人。籌辦一切。均屬奮勉妥協。李奉翰著加太子太保銜。康基田



賞戴花翎。仍俱著交部議敘。並著給李奉翰蘭第錫康基田奶餅一匣。用昭恩獎。其在工出力人員。著照李奉翰等所請。知府王秉勳。賞給道銜。同知龔士燦。賞給知府職銜。都司楊克榮。賞給遊擊職銜。楊克榮並著賞戴藍翎。以示鼓勵。現在要工已竣。李奉翰康基田俱應各回本任。籌辦運河緯道。及地方事務。至此次漫工。應分別著賠之處。即著蘭第錫覈實題報。照例辦理。○乙亥。

太上皇帝詣

大高殿行禮。○辛圓明園。○丁丑。

太上皇帝詣玉泉山

龍神祠祈雨。○戊寅。勅諭。本日未刻。嗣皇后薨逝。所有應行典禮。原當照例舉行。但皇帝侍奉朕躬。而臣民等亦皆禮統於尊。著改為輟朝五日。皇帝穿素服七日。遇有奠醊。再行摘纓。俟目送奉移靜安莊後。皇帝即換常服。回圓明園。皇帝之皇子公主。福晉及派出穿

孝之王公阿哥等。均照例成服。所有王公大臣。及官員兵民人等。俱素服七日。不必摘纓。照常薙髮。並著派怡親王永琅總管內務府。大臣盛佳。禮部侍郎鐵保。工部侍郎成德。總理喪儀。其餘典禮。著各該衙門察例辦理。○丁亥。勅諭。曰。保寧奏。歸景照於乾隆五十九年查辦新疆官犯減等案內。經軍機大臣會同刑部。議令再留三年。請旨辦理。現屆三年期滿。但歸景照有應交捐贖銀兩。未經完繳。應否釋回之處。請旨定奪等語。歸景照前因福崧在浙江巡撫任內貪劣各款。並不據實叅奏。轉為代購金兩。是以發往伊犁効力贖罪。已屬從寬辦理。前此查辦新疆官犯分別減等。似此身獲重咎之員。自可無庸查辦。乃軍機大臣及該部率擬再留三年。准其捐贖釋回。實屬錯誤。所有原議之軍機大臣。刑部堂官。均著交部察議。至歸景照係歸宣光之子。曾任藩司。何得藉詞延宕。而保寧即為是

奏希圖釋回尤屬徇庇保寧著交部嚴加議處○戊子勅諭前因江南淮徐海三府州屬有被豐汎漫水受災之處疊經加恩分別展賑復念賑務畢後不足以資接濟降旨詢問該撫據實具奏茲據費淳覆奏洵出地畝尚可補種春麥雜糧現在小民領賑口食有資無須再行展賑等語該撫所奏雖係實在情形但將來賑務放竣距麥收之期尚遠民力究恐拮据著再加恩將該處所屬之各州縣衛查明貧戶酌借兩月口糧俾資接濟又據蘇凌阿等奏江蘇省尚有節年出借未完常社倉穀四萬有零一摺前經降旨將各省積年民欠錢糧普行豁免今此項倉穀雖係民借之款但各省積欠倉穀概予蠲除未便獨令向隅著加恩將江蘇省淮徐常海四府州屬之阜寧安東邳州海州沭陽荆溪六州縣淮揚蘇常四府屬之山陽清河鹽城泰州昭文宜興六州縣節年出借未完常社倉穀四

萬七百四十七石零概行豁免該督撫務須督率所屬實力稽查俾小民均霑實惠毋任吏胥影射滋弊以副朕惠愛黎元有加無已至意該部即遵諭行○庚寅  
太上皇帝詣  
廣潤靈雨祠祈雨○壬辰  
太上皇帝命  
皇帝詣  
黑龍潭神祠祈雨○癸巳  
太上皇帝命  
皇帝詣  
黑龍潭神祠謝雨○丁酉  
皇帝奉  
太上皇帝命  
賜諡  
大行皇后曰  
孝淑皇后○戊戌勅諭曰畢沅等奏乾州等屬復業民人尚艱謀食一摺湖南自逆苗滋事

以來乾州鳳凰永綏三廳及附近苗疆各縣疊經降旨加恩蠲賑小民口食有資不致失所。茲當大功告成諸路廓清三廳地方復業民人甫經回里且距秋收之期尚遠謀食未免拮据。所有乾州鳳凰永綏三廳邊牆以外難民著加恩展賑至六月底停止其麻陽瀘溪永順保靖四縣前被逆苗蹂躪地方值此青黃不接之時自應量為接濟著一體加恩展賑至五月底停止該督撫務須董率所屬妥為撫綏俾小民均霑實惠無致一夫失所以副朕軫念流離恩加無已至意。三月甲辰。

太上皇帝啟鑒幸盤山命

皇帝詣大東門送

駕後啟鑒謁

西陵命成親王永理多羅貝勒永璘分祭東陵。○勅諭朕此次巡幸盤山所有沿途經過地方本年應徵地丁錢糧著加恩蠲免十分

之三。是日駐蹕湯山行宮。乙巳駐蹕三家店行宮。丙午駐蹕大新莊行宮。丁未勅諭朕此次巡幸盤山所有修墊山道人夫著加恩賞銀二百兩以示體恤。是日駐蹕盤山行宮。至癸丑皆如之。己酉。

皇帝遣侍衛詣

太上皇帝行宮奏請

聖安。硃批朕躬安爾可好。勅諭軍機大臣曰皇帝因朕慰問恐又遣人謝恩爾等奏聞皇帝此數日內不必專人詣朕行在俟到大新莊再來請安。庚戌勅諭此次巡幸盤山所有清道當差兵丁著加恩每人賞給一兩重銀鏹一個以示體恤。癸丑勅諭昨日召見侍講鶴林竟至曠誤本日又召見散秩大臣慶壽亦未曾到殊屬不成事體朕春秋日高尚且躬理萬幾從未倦勤衆所共知慶壽鶴林各應勤奮供職即上門朝會又有何勞苦之處今竟皆曠誤殊屬懶惰不堪有玷職任慶

壽鶴林俱著交部嚴加議處○甲寅

太上皇帝自盤山迴鑾○是日駐蹕白澗行宮

○乙卯

皇帝迴鑾至大新莊詣

太上皇帝行殿問安○勅諭前經降旨以嗣後

萬年吉地當各依昭穆次序在

東陵

西陵界內分建不必另卜他處但堪輿術士每  
多立異邀功之習所言最不可信即如朕選

擇萬年吉地時定於

東陵界內之聖水峪而進爰又欲改卜經朕察

其言虛妄即將進爰治罪示懲萬世子孫皆

當以為法庶不為形家之言所惑且遵化易

州兩處山川靈秀寬廣其中吉地甚多我子

孫務須恪遵前訓永垂法守斷不必另擇他

處有妨民業○是日駐蹕大新莊行宮○丙

辰駐蹕三家店行宮○丁巳

太上皇帝同

皇帝還圓明園 戊午

太上皇帝同

皇帝詣

安佑宮行禮 勅諭據董椿在行在面奏長蘆

商人王佩無力行運辦課懇請告退當即交

軍機大臣內務府大臣等督同該鹽政酌籌

妥辦今日詢及此事據大臣等奏稱該鹽政

董椿擬欲借無利帑本接濟接辦之商並將

長蘆通網鹽價每觔增加制錢四文其從前

未完帑課俱請展限二十五年分年帶繳等

語殊非情理王佩祖父王起鳳本係無力窮

民因承辦長蘆引地屢次特加恩借帑藉資

行運起家積有厚貲今王佩得承祖業坐享

溫飽不知感激急公辦運遽思告退且伊名

下未完帑項前經徵瑞奏請將長蘆通網帑

項停利歸本於三年後起限完繳本年冬間

正屆起限王佩輒欲藉詞推卸尤為取巧若

商衆從而效尤長蘆引課豈不更滋貽誤不

可不查明嚴辦王佩著交該鹽政帶回天津押令照常配運如該商尚敢推諉誤運除將家產查抄備抵外並拏交刑部照侵虧帑項例從重治罪以為通綱炯戒至董椿身任鹽政於王佩稟求時即當嚴加駁飭乃轉為具奏乞恩已屬漫無主見況所謂加價展限借帑三事即一事尚難准行何況三事並請殊不勝鹽政之任董椿著仍回熱河總管辦事徵瑞前任天津鹽政所有停利歸本一事即係伊於乾隆五十九年在任時所辦彼時並據稱經此次調劑後鹽務即有起色乃徵瑞於乾隆六十年調任蘇州織造旋調兩淮為時未久將屆起限何以王佩即稱無力辦運若非該商捏詞推卸即屬徵瑞前奏不實豈可使之仍任兩淮坐擁華廳轉得置身事外徵瑞著仍調補長蘆鹽政以專責成徵瑞未到之前仍著董椿暫署兩淮鹽政著書魯調補其粵海關監督著常福去書魯接奉此旨

即將監督關防仍交將軍福昌兼理星赴兩淮接印任事以便徵瑞交代起身俟伊抵天津接印後董椿即赴熱河總管之任琅玕非內務府人員園庭事務本未諳習董椿到熱河後伊即來京聽候另用現在正屆春關告運之期仍著董椿押令王佩並商眾等照舊行運毋得稍任遲誤致間閭有淡食之虞徵瑞到任即行查明如王佩力能辦運而董椿即有瞻徇代為瀆懇情事即據實參奏徵瑞係奏請停利歸本之人今甫屆起限而王佩已稱無力告退若徵瑞不能督飭妥辦甚或任令商眾亦紛紛瀆請藉詞玩延是該鹽政前次具奏停利歸本後鹽務日有起色之語彼時即係有心弊混今既責成徵瑞一手經理若再不能激發天良認真督率妥辦致帑課兩誤惟該鹽政是問恐不能當此重咎也庚申勅諭向來皇帝臨御初年舉行耕藉臨雍大閱諸典禮臣工等多進獻詩賦以

紀昇平盛典上年皇帝紀元初載即舉躬耕之典諸臣未及製冊呈進自因其時軍務未竣朕籌筆勤勞皇帝日聆訓政同深盼捷是以諸臣仰體宵旰焦勞於循例頌揚之文未敢率行呈進所見自屬正理但湖南苗匪早經平定黔楚匪黨疊經官兵勦捕勢已潰散指日首逆就擒即可徹兵藏事因思明歲仲春皇帝應舉臨雍視學之典冬間即應舉行大閱所有一切事宜著各該衙門照例豫備

我國家慶洽郅平文修武備疊舉鴻儀光昭盛軌諸臣等雍容揄揚抒誠臚頌維時自當照例進呈詩賦用彰黼黻太平之盛 癸亥太上皇帝命

皇帝行耕藉禮 夏四月丙子勅諭曰姚棻現患風痺奏請開缺著准其解任回籍調理所有福建巡撫員缺著田鳳儀補授其福建布政使員缺著汪志伊補授所遺江西按察使員缺著陸伯焜補授廣東巡撫員缺著陳大

文補授其所遺廣東布政使員缺著莊肇奎補授其廣東按察使員缺著陳用敷補授陳用敷前在安徽巡撫任內因劉之協一案失察獲咎特命前赴湖南軍營効力伊自到湖南幫辦軍需前據和琳等奏尚知奮勉出力是以加恩錄用陳用敷當益加感激勉圖報効湖南現在辦理銷算各事宜本有該省司道尚不乏員陳用敷接奉此旨即速赴廣東新任張誠基將巡撫印務交與陳大文接收

即赴安徽調任朱珪俟張誠基到後即可交代起程來京供職 辛巳勅諭朕沖齡就傅時係原任大學士福敏啟蒙授業迨踐阼後即加恩追贈嗣於乾隆六十年上丁釋奠禮成眷懷舊學復晉贈太師以示優隆因思皇帝啟蒙師傅係原任兵部侍郎奉寬授經有年實資啟沃今朕傳位訓政皇帝敬承寶祚典學益勤念當日講帷課誦之初功基養正允宜特加崇秩以獎前勞奉寬著加贈太師

禮部尚書銜用示崇禮師儒至意 壬午

太上皇帝詣

黑龍潭神祠祈雨 癸未

太上皇帝命

皇帝詣

黑龍潭神祠謝雨 丁亥勅諭曰成林上年

辦理田州土知州岑煜一案以出力土司轉

向根究辦理錯誤本應即予罷斥因一時乏

人暫予留任今廣西省現有會勦貴州南籠

逆苗之事一切糧餉軍火均關緊要斷非成

林所能勝任著即來京候旨所有廣西巡撫

員缺著台布就近馳驛速行前往署理張誠

基自廣東前赴安徽必由江西經過所有江

西巡撫員缺即著張誠基調補張誠基未到

以前著萬寧暫行護理其安徽巡撫仍著朱

珪暫行兼攝俟簡放有人到任後再行交卸

來京供職 辛卯勅諭朕同皇帝於五月二

十九日諏吉啟鑒巡幸避暑山莊著怡親王

成親王阿桂慶桂留京辦事所有吏兵二部

應行引見官員文職知縣以上武職守備以

上每月該堂官一員輪流帶赴熱河引見其

文員內佐雜等官武員內八旗護軍校驍騎

校及外省送到補放之驍騎校水手官並年

滿千總等官弁著王大臣照例驗放至秋獮

木蘭屆期再照向年之例辦理 丙申

太上皇帝詣玉泉山

龍神祠祈雨同

皇帝詣

黑龍潭神祠祈雨 五月甲辰

太上皇帝命

皇帝詣

黑龍潭神祠祈雨 丙午

太上皇帝命

皇帝詣

天神壇儀郡王永璇成親王永理分詣

地祇壇

太歲壇祈雨 丁未

太上皇帝命

皇帝偕儀郡王永璇成親王永理詣大高殿

時應宮

雷神廟祈雨 癸丑勅諭前據定邊左副將軍圖桑阿奏參贊大臣額勒春牟利營私各款當經將額勒春革職鞫問派豐紳殷德前往嚴審續據喀爾喀王薩木丕勒多爾濟

呈遞理藩院公文控告額勒春縱子妄為及苦累蒙古各款覈對所發月日始知圖桑阿已聞薩木丕勒多爾濟業經呈控難以掩飾始行補參而於額勒春肆意妄行諸重款仍未據實奏出復降旨將圖桑阿革任一併交豐紳殷德審明治罪矣所控條內有烏梁海例進貢馬到烏里雅蘇臺額勒春令家人向索馬四十匹伊即挑存二十匹又勒索羊一百隻烏梁海祇應付五十隻一節可見額勒

春貪鄙已極實難寬宥向來派往各路大臣於所管部落尚多有備帶賞需散給者豈有轉向所部等人勒索之理大失滿洲大臣顏面況額勒春曾任巡撫司道養廉豐厚積有鉅萬家貲經朕派往烏里雅蘇臺辦事自應於所屬部落體恤賚予方不失特遣大臣撫馭外藩之道乃額勒春轉肆行勒索殊出情理之外雖各該處大臣需用馬匹牛羊土物等項不能不向各該處買用其中稍知大體者自必多給價值購買即貪小之輩亦不過官價給值何至有藉端勒取等事似此不肖貪黷劣員不特新疆各路為然即督撫中亦曾有敗閑蕩檢者朕實以為慚也何以肅綱紀而儆官邪即如前歲黑龍江將軍都爾嘉明亮舒亮索取貂皮以至激而上控從前高樸之私賣玉石格綳額之勒索回子而督撫中則有伍拉納國泰等營私貪黷者不一而足一經敗露俱已分別正法發遣從重治罪



並節經降旨明白通諭各大臣等寧不知之。自應益懷儆惕共勵廉隅乃諄諄訓諭不啻至再至三。今額勒春復有向烏梁海索取馬羊之事。伊等不知自愛甘蹈刑辟固不足惜。而大臣等每有此等不肖之事玷辱滿洲朕實引以為愧即以私帶玉石一事而論曾經降旨嚴禁於守卡侍衛起程時人給一紙俾知提撕儆戒立法不為不周而上年仍有守卡侍衛恒義等夾帶私玉之事在此等窮苦

微員一經犯法尚當嚴辦示懲若大臣等出此更當從重懲治著將此旨通諭各省新疆將軍大臣及督撫等知之並著各照錄一通揭之衙門大堂入於交代俾各觸目警心共知戒懼倘經此次訓諭之後復有仍前亂法者必當加倍治罪伍拉納高樸額勒春等皆前車之鑒母謂朕不教不誡也凜之慎之○戊午勅諭據貢楚克扎布奏請將從前伍彌烏遜奏交綠營官員指教種地之察哈爾兵

丁准其仍回原游牧處所照料牲畜種地等語所奏是著照貢楚克扎布所請將察哈爾人等種地器具牛隻並此三年耕獲積存之穀麥俱賞伊等准其回歸本游牧處所但伍彌烏遜從前奏留察哈爾兵丁教種田地原以伊等不諳耕種起見視其已能即應令其回歸本游牧處所種地兼可照顧牲畜乃一味糊塗令伊等頻赴塔爾巴哈台地方幾至有誤伊等牧放牲畜之事從前伍彌烏遜妄

奏借給土爾扈特過夏地方已將伊治罪今復施恩令伊往哈密承辦事務伍彌烏遜著嚴行申飭嗣後諸事務須留心更加謹慎倘若仍前糊塗辦理朕必從重治罪○已未勅諭皇帝自受政以來夙夜仰體朕意承歡孝養皇后亦克盡孝敬朕心深為欣悅不意皇后不幸薨逝朕甚悼焉今已逾百日不但皇帝中宮不可久曠即晨昏定省子婦之職缺如朕心亦頗不愉但皇后薨逝甫經百日雖

不便即舉行繼立皇后典禮自應為皇帝先行冊封皇貴妃今貴妃鈕祜祿氏係朕從前選擇賜皇帝為側福晉者觀其人品端謹莊重且能率下即將貴妃鈕祜祿氏冊封為皇帝之皇貴妃表率宮庭上以孝養朕躬佐皇帝以綏福履襄成內治俟二十七個月後再舉行冊立皇后典禮外所有冊封皇貴妃典禮著該部衙門查例辦理○丙寅勅諭皇帝恭祭

方澤大祀大學士及各部院九卿皆應陪祀乃本日各部尚書等惟禮部堂官在壇執事而金士松周興岱亦復來園其餘五部滿漢堂官多以會奏來園並未陪祀各部院陳奏事件該堂官等本應到園祇候但值郊壇大典理應敬謹陪祀即有陳奏事件何妨堂官一人先行來園呈遞其餘各堂官儘可於陪祀後再行趕到即如阿哥等此次皆係於陪祀後來園為時尚早仍可無誤況本日

所奏事件多係軍機大臣會同各該部具奏該堂官等又何得藉此俱行來園自係藉稱奏事可免行禮貪圖安逸以致大祀典禮陪祀大臣寥寥殊非敬謹襄事之道所有本日來園並未陪祀之各部院堂官等俱著查明交部議處其查班之科道等亦未查奏並著交部察議 戊辰

太上皇帝同

皇帝幸避暑山莊自圓明園起鑾 是日駐蹕

南石槽行宮 己巳駐蹕密雲縣行宮○六

月庚午朔駐蹕要亭行宮○辛未駐蹕兩間

房行宮○壬申駐蹕常山峪行宮○癸酉駐

蹕喀喇河屯行宮○甲戌

太上皇帝同

皇帝詣熱河

文廟行禮○詣

永佑寺行禮○是日駐蹕避暑山莊至八月己

未皆如之 乙亥勅諭工部奏此次巡幸熱

河所有沿途橋座查對丈尺多有不符開單進呈朕初意本欲令侍郎張若淳率同原查工部司員及未經承辦之道員如方受疇等前往逐一查勘其中弊竇無難水落石出因思直省辦差官員舊弊於橋座一項或因山水長發無常於原定丈尺外寬為搭蓋或於無水處所亦搭橋座藉此為開銷地步以此項之有餘補彼項之不足此等情形朕所素知但所搭橋座不過於原定丈尺寬搭數丈何至懷柔密雲灤平三處橋座輒浮開至五百九十餘丈之多試思直隸有五六百丈之寬河乎此非承辦之員因朕不察日甚一日大作浮冒乎本應徹底根究示儆但朕向來辦事不為己甚去其己甚朕年開九袞自上年授璽後勅幾訓政率同子皇帝巡方肆武實屬吉祥盛事不值因此將直隸大小承辦官員普行懲究梁肯堂在總督任多年辦事尚屬勤謹且受恩深重諒亦不肯因此等細

事自有所染指但不過意存迴護耳是以仍交該督查辦梁肯堂務須秉公確查據實奏加倍罰賠該省橋座浮開丈尺諒不止此一次今朕就事論事特交辦理若該督有心袒庇屬員不行查叅無難再派親信王大臣前往查明辦理則是梁肯堂失察於前又復欺罔於後該督自思當得何罪彼時朕雖不為己甚不可得矣凜之慎之閏六月甲辰太上皇帝御山莊宮門觀

皇帝及扈從諸臣射○丁巳勅諭據奇豐額等奏本年應解往伊犁之布匹棉花業經全行起運並挑挖十二軍臺河渠一摺回民素恃種地為生引用河渠之水灌溉田畝尤屬緊要葉爾羌所屬十二軍臺之河渠自六十年間業經淤塞自當早為挑挖乃奇豐額等至今始行奏辦甚屬遲延著飭行但奇豐額等摺內所稱自六十年間因該處十二軍臺之回民遷避瘟疫以致河渠淤塞等語朕自平

定回部以來恩恤回僕人等與內地民人無異六十年葉爾羌所屬十二軍臺回民遭逢瘟疫時或無庸賑恤而該處大臣等亦當奏聞將被疫回民應納當年正賦或請展限或請蠲免候朕施恩乃彼時竟不奏聞殊屬錯誤今此事既往亦弗深究著交駐劄各回城大臣等嗣後衆回民等如再遇有偏災即行奏聞俾霑恩惠以示朕軫恤回僕之意斷不可仍復隱匿不奏再此次該處阿奇木伯克阿克伯克派撥驢六百頭幫運應解伊犁布匹棉花又招募回夫四百名挑挖河渠所辦甚屬可嘉著加恩由彼處庫內賞給阿克伯克蟒緞二匹大緞二匹以示獎勵其在事出力之原任阿奇木伯克托克托尼雜爾著加恩賞給七品頂戴俟有小伯克缺出即行坐補托克托尼雜爾既係阿克伯克外甥交阿克伯克妥為約束

大清高宗法天隆運至誠先覺體元立極敷文奮武孝慈神聖純皇帝實錄卷之一千四百九十六

大清高宗法天隆運至誠先覺體元立極敷文奮武孝慈神聖純皇帝實錄卷之一千四百九十七

監修總裁官總纂官太子太傅文淵閣大學士文淵閣領事領侍衛內大臣稽察欽奉 上諭事件處管理

吏部理藩院事務總辦滿洲都統世襲副都統軍功加七級隨帶加一級尋常加二級軍功紀錄一次臣履桂

總裁官總纂官太子太傅文華殿大學士文淵閣領事稽察欽奉 上諭事件處管理刑部都察院事務

世襲副都統軍功加十九級隨帶加二級入加二級臣董誥內大臣戶部尚書錢謙益滿洲都統軍功紀錄五次

尋常紀錄十四次臣德瑛經筵講官太子少保工部尚書紀昀六次臣曹振鏞等奉

教修

嘉慶二年丁巳秋七月己丑勅諭據吉慶奏

實錄卷一千四百九十七

土田州知州岑煜等雇募人夫鄉勇解站協運並守卡防堵甚為奮勇等語土田州知州岑煜除前已賞給四品官並賞戴花翎外著再交部議敘加級土巡檢黃瑜著賞給土縣丞職銜生員岑勲著賞給六品頂戴岑大桂賴廣元主士榮沈世英著賞給七品頂戴其隨同勦賊出力之叅將劉榮慶著賞戴花翎驍騎校額爾登布守備馬相千總沈如學張天仲把總馬成玉額外外委余承祖郭子明

俱著賞戴藍翎至彭承堯之子叅革遊擊彭朝龍隨營効力頗為奮勇亦著賞還原銜再浙江貢生李承烈生員張迎煦經管軍火兵馬檔冊事件均無貽誤著各以訓導選用以示鼓勵○辛卯

太上皇帝同

皇帝御清音閣賜扈從王公大臣蒙古王貝勒貝子公額駙台吉等食至乙未皆如之○八月庚子

太上皇帝同

皇帝御清音閣青海輔國公格勒克喇布濟等二人烏梁海副都統品級總管徹登丕勒等三人杜爾伯特扎薩克頭等台吉博貝等三人入覲並賜食○勅諭曰汪新奏藩司祖之望現丁外艱該員經手軍需款項繁多未便另易生手請暫行留任等語從前曾有在任守制者乾隆數十年來久經停止無論內外大臣並無一人奪情之事即道府以下官員

亦均令其離任終制。今湖北荆襄一帶匪徒滋擾。現經官兵勦捕。藩司為錢糧總匯。經手軍需。一切事務紛繁。難以遽易生手。自未便復拘常例。況既據該撫具摺奏懇。令祖之望在任守制。實出不得已。著照所請。暫留湖北布政使之任。以資經理。該藩司每日辦公。著以素服視事。遇有典禮應用吉服。俱不必與其在內署時。仍准其持服。庶於公務私情。得以兼盡。此係為軍務需人起見。權宜辦理。並

非開在任守制之例。將此通諭知之。○辛丑。

太上皇帝同

皇帝御清音閣。賜扈從王公大臣蒙古王貝勒貝子公額駙台吉等食。至甲辰皆如之。○勅諭曰。李奉翰奏。河南布政使吳璥。現丁內艱。等語。藩司為錢糧總匯。豫省一切軍務支用款項。皆係吳璥經理。未便遽易生手。著照祖之望之例。暫留藩司之任。在任守制。○戊申。太上皇帝同。

皇帝御清音閣。賜扈從王公大臣蒙古王貝勒貝子公額駙台吉等宴。至辛亥皆如之。○已酉。

萬壽聖節。

太上皇帝御澹泊敬誠殿。

皇帝率扈從皇子皇孫王公大臣官員蒙古王貝勒貝子公額駙台吉等行慶賀禮。○壬子。勅諭據伊犁桑阿奏。庫車之阿奇木伯克邁哈默特鄂三。呈報踈縱脫逃看守賊犯之都管

伯克庫楚克等行賄。請將庫楚克阿普都克哩木發往伊犁等語。邁哈默特鄂三係鄂斯滿之子。今如此曉事。不負朕從前加恩伊父之處。甚屬可嘉。著由內賞給金盒一個。蟒緞一匹。大緞二匹。黃緞大荷包一對。小荷包四個。以示獎勵。庫楚克阿普都克哩木。將應看守賊犯。並不加意以致脫逃。復有行賄。殊屬不堪。本宜照伊犁桑阿所奏。責打四十板。連家屬發往伊犁。但賊犯業經拏獲。念庫楚克阿

普都克哩木係糊塗回子姑著加恩免責仍將家屬一併發往伊犁充當苦差餘照所請○已未

太上皇帝同

皇帝詣

永佑寺行禮○勅諭大學士公阿桂老成練達更事多年自平定西陲時即隨同出師旋經理新疆事務周詳妥善懋著勤勞嗣勦辦兩金川畀以將軍重寄秉承方畧堅持定見克

藏鉅功特封為一等誠謀英勇公賞給四團龍補服黃帶紫韁紅寶石頂雙眼花翎圖像紫光閣以旌勲績自簡任綸扉綜理部務贊襄樞要二十餘年前因撒拉爾及石峯堡回匪滋事統兵勦捕立就殄平復經加賞輕車都尉世職即令伊長孫承襲疊沛恩施正資倚畀近年來雖精力漸衰兩耳重聽猶照常趨直夙夜靖共昨聞患病頗劇即特派貝勒綿億御前侍衛豐紳濟倫由熱河馳往看視

並賞賜陀羅被仍冀調理或可就痊茲聞溘逝深為悼惜著即令綿億並另派散秩大臣一員帶同侍衛十員前往奠醊加恩晉贈太保入祀賢良祠任內降革罰俸處分俱著開復所有應得卹典著該衙門察例具奏以示軫念著勲至意○庚申

太上皇帝同

皇帝自避暑山莊迴鑾○是日駐蹕喀喇河屯行宮○辛酉駐蹕常山峪行宮○壬戌駐蹕兩間房行宮○癸亥勅諭原任大學士公阿桂因病溘逝當經加恩晉贈太保入祀賢良祠特派貝勒綿億前往奠醊今思阿桂宣力年久前此平定金川勲績懋著朕本欲於迴鑾後親行賜奠但計算日期彼時久已出殯其塋地距城更遠難以親臨若於到園後特行進城大臣等均以朕年已望九恐致過勞再四奏懇不得不俯從所請因思皇帝在青宮時阿桂即充總師傅諳達皇帝可於九月

十一日親往賜奠以示優禮。敷香有加無已至意。○是日駐蹕要亭行宮。○甲子駐蹕密雲縣行宮。○乙丑駐蹕南石槽行宮。○丙寅太上皇帝同。

皇帝還圓明園。○詣

安佑宮行禮。○九月庚午勅諭據太常寺奏本月初七日在盧溝橋操演火礮火器營大臣俱係出差僅將翼長銜名填註祭文行禮等語操演火礮乃國家大典綿恩既係管理該

營理宜親身往祭今綿恩以王位自居並不前往甚屬疎忽非是著罰綿恩親王俸半年以示懲儆嗣後若仍如是疎懈不以事為事朕必降其王爵朕於諸務俱係循理秉公即皇孫有過朕必較他人加重辦理將此通行曉諭八旗各營大臣等知之。○乙亥

太上皇帝幸靜宜園駐蹕。至丁丑皆如之。○戊寅

太上皇帝還圓明園。○戊子勅諭曰英善題報

夏田麥豆實收分數一本將乾隆元年三年以來所有題奏諭旨各條臚列在前。殊屬無謂。各省題報年歲收成分數本屬照例之事該督撫祇須將本年各府州縣收成幾分之處詳悉開載乃英善於甘省麥收分數本內將乾隆初年所奉條例連篇累牘逐一聲敘轉致眉目不清。英善著傳旨申飭嗣後各省督撫每年按例題報收成分數各本惟就本年情形簡明敘列以便一目了然毋得牽敘

連年例案致滋繁冗。○庚寅勅諭前因原任大學士孫士毅宣力有年屢著勞績已降旨照所請令伊長孫孫均承襲伯爵並照所請入於漢軍旗分茲孫均來京謝恩著入於正白旗漢軍並著加恩在散秩大臣上行走以示眷念勞臣至意。○冬十月戊戌

太上皇帝同

皇帝詣

恩慕寺



恩佑寺行禮。辛丑。

太上皇帝以

皇帝萬壽節御正大光明殿。

皇帝率皇子及諸王貝勒貝子公文武大臣官員等於

太上皇帝前行禮禮成。

太上皇帝同

皇帝御同樂園賜王貝勒貝子公文武大臣等宴。○乙巳。

太上皇帝同

皇帝詣

大高殿。

壽皇殿行禮。○還宮。癸丑。勅諭據汪新奏。副

都統齊哩克齊將察哈爾馬匹送至襄陽府

交代。即便回京等語。齊哩克齊係有罪厄魯

特寬免後經朕節次施恩用至副都統之人。

此次派伊前往湖北護送馬匹。即當趕送直

至軍營。伊係有巴圖魯名號。既至軍前。並不

圖効力。亦不懇請帶兵。殊無良心。若係滿洲

臣僕如此。必在彼處正法。今姑念齊哩克齊

係庸愚厄魯。特曲全伊命。此即朕格外施恩

著將齊哩克齊革職。仍交所過各省督撫等

於齊哩克齊行抵何處。即傳旨革職。令伊自

備資斧回京。以示儆戒。不許私自馳驛。○甲

寅。

太上皇帝詣

雍和宮行禮。○丁巳。勅諭朕仰承

昊貺。臨御六十年來。常懷祇畏。日慎一日。罔敢

怠荒。自上年舉行授受典禮後。又仍每日訓

政。弗懈。益虔期與天下臣民共享昇平之福

茲於本月二十一日。乾清宮交泰殿災。朕心

悚惕。寢食靡寧。恭讀

聖祖仁皇帝實錄內載。康熙十八年十二月初

三日。太和殿災。

聖祖諭曰。殿廷告災。所關止屬臨御之所。但得

海宇清晏。置斯民於衽席之上。則今所居較

諸前代茅茨土階尚或過矣大哉

訓言垂教至為深切朕自當凜遵

聖訓期四海之乂安即一人之有慶惟是

上天示警自有所由因念

聖祖仁皇帝八齡御極在位六十一年享壽六

十有九朕二十有五踐阼紀元六十年傳位

皇帝茲春秋八十有七精神純固康健如常

親見五代元孫武功十全諸福備具並未倦

勤日親訓政此皆仰邀

昊貺篤祐之隆逾於

皇祖自揣受

恩過厚益凜持盈今

上天於默佑之中示以儆戒正是

天心仁愛啟迪朕躬及皇帝我父子祇懼之餘

尤深欽感且朕仍居養心殿皇帝則居毓慶

宮而乾清宮係接見臣工聽政之所相距俱

遠祇因承值太監等不戒於火致有此事現

在朕雖已傳位為太上皇帝而一切政務仍

親理訓示茲政事有缺皆朕之過非皇帝之

過即太監人等不能加意小心大臣等將伊

等按例治罪朕引為已過尚從寬典而救火

出力之官員步軍及太監人等均分別恩賚

此即朕不肯諉過於下深自刻責於衷之意

或此一念修省冀蒙

上蒼默鑒况二十一日晚間火起時勢甚猛烈

坤寧宮前簷已為熏灼所及幸賴西北風起

而大臣等統率官員兵役竭力汲水救護得

保無虞足徵

神佛垂佑實乃不幸中之幸謹於本日清晨虔

誠祀謝以答

靈貺目下已將屆仲冬天氣沍寒庀材鳩工不

易明年元旦朕仍御太和殿受皇帝率領王

公大小臣工慶賀於重華宮前殿受皇子皇

孫等慶賀後殿受妃嬪公主福晉等慶賀與

往歲舉行無異亦足以備典禮而迓

天賜春祉自是之後朕益勵懋修戒滿之念勉

思補救庶幾消弭災眚敬迓祥和以期上答  
天恩欽承

祖訓此尤朕所朝夕乾惕不敢稍自暇逸者所  
有應修工程著該管大臣等於春融集料興  
工即行修葺完善諸復舊觀不必加意用垂  
億萬年無疆之慶將此通諭知之○甲子

太上皇帝同

皇帝詣

奉先殿

壽皇殿行禮○十一月己巳

太上皇帝詣

大高殿行禮○壬申

太上皇帝幸瀛臺○乙亥

太上皇帝幸瀛臺○戊寅

太上皇帝同

皇帝詣

奉先殿

壽皇殿行禮○辛巳

太上皇帝幸瀛臺○甲申

太上皇帝幸瀛臺○丁亥

太上皇帝幸瀛臺○戊子勅諭據保寧奏伊犁  
索倫部落長成閒散餘丁甚少不敷挑取馬  
甲之用請由錫伯部落揀選一百六十戶入  
於索倫部落以備挑取馬甲自應量加調劑  
著即照保寧所奏辦理又另摺奏遵奉前旨  
將賞給察哈爾部落人等資生銀兩特令派  
員代為立業現在俱已較前寬裕等語所奏  
均屬酌量地方情形於兵丁有益所辦甚好  
嗣後諸事若能如此留心可期利益使各該  
部落皆致饒裕乃不負朕委任之意加恩著  
保寧協辦大學士保寧益當感戴朕恩諸事  
盡心勉力經理務令新疆地方永臻寧謐○  
庚寅

太上皇帝詣

壽康宮行禮○幸瀛臺○十二月丙申朔

太上皇帝詣

大高殿行禮○己亥

太上皇帝詣

雍和宮行禮○癸卯

太上皇帝同

皇帝幸瀛臺○甲寅勅諭曰阿迪斯著准其仍兼侍郎及鑾儀使但阿迪斯才具中平從前原因其係阿桂之子是以擢用侍郎現在工部事務較繁阿迪斯著調補兵部右侍郎其工部侍郎員缺即著成林調補○丙辰

太上皇帝幸瀛臺回部四品伯克瑪穆特等二人五品伯克謨們聶咱爾阿布都里體布等四人朝鮮國正使金文淳副使申耆等三人琉球國正使東邦鼎副使毛廷桂等二人於西華門外瞻觀○丁巳

太上皇帝御寧壽宮景祺閣賜御前王大臣蒙古王貝勒貝子公等食賞賚有差○戊午

太上皇帝御撫辰殿大幄次賜王公大臣蒙古王貝勒貝子公額駙台吉及年班外藩各國

使臣等宴並賞賚有差○庚申

太上皇帝同

皇帝詣

慈寧宮

壽康宮行禮○辛酉勅諭曰康基田伊江阿奏曹汎漫工合龍穩固一摺內稱連日天氣晴和層冰消化隨將引河開放急溜奔騰暢注無阻即率領官兵人夫進占下埽即於二十日合龍大壩穩固毫無滲漏等語覽奏欣慰此次曹汎大壩堵合後搶築堅實黃流順軌安瀾皆仰賴

河神垂佑實深銘感著發去大藏香二十枝即於附近

河神廟敬謹祀謝並親書扁額發往用昭靈貺康基田司馬駒伊江阿督率籌辦均屬奮勉俱著交部議敘所有在工較為出力人員俱照所請濟東道阿禮布著賞戴花翎同知陳廷杰著賞給知府銜叅將韓勝著賞給

副將銜其另摺所奏候補知府杜安詩著准其留東差委廩生張琴著以訓導即用以示獎勵其餘出力人員交該督等查明咨部分別議敘○甲子勅諭曰劉宗榮控告方受疇各款內餽送生日年節銀兩一節據稱向係該省陋規方受疇在任時即不敢格外加增於相沿陋例自無却而不受之理至劉兆清既有欲控之言及經伊子呈告又復校詞卸罪思為方受疇開脫殊非情理自係劉兆清

平日有別項劣蹟為方受疇之所挾制若堅供方受疇收受陋規恐其懷恨舉發自罹重罪是以情詞閃爍此等情節難逃朕之洞鑒但現屆年節諸務吉祥朕平日辦事不為已甚是以不加深究惟方受疇僅擬罰繳銀二萬兩不足蔽辜著添罰銀一萬兩以示懲儆○乙丑

太上皇帝同

皇帝御保和殿筵宴朝正外藩左翼科爾沁和

碩親王拉旺多羅郡王和碩額駙索特納木多布齋多羅郡王喇什噶勒當輔國公哈達錫達什哩公品級一等台吉鄂勒哲依圖巴林親王品級多羅郡王巴圖公品級一等台吉索特納木多爾濟和碩額駙布彥圖奈曼多羅郡王拉旺喇布坦一等台吉巴勒楚克敖漢多羅郡王和碩額駙德親多羅郡王齊默特魯瓦固山貝子固山額駙德威多爾濟公品級濟克濟扎布固山額駙沙津阿爾畢

特瑚三等台吉察克都爾扎布翁牛特多羅郡王寶多爾濟鎮國公達瓦什哩四子部落多羅郡王朋楚克桑魯布土默特多羅貝勒理藩院額外侍郎索諾木巴勒珠爾扎賚特多羅貝勒瑪什巴圖阿巴哈納爾固山貝子衮布旺扎勒郭爾羅斯鎮國公固魯扎布輔國公恭格喇布坦喀喇沁輔國公瑪哈巴拉永庫爾忠公品級固山額駙丹巴多爾濟和碩額駙索諾木巴勒丹端岳特多爾濟固山

額駙布彥達賴布哩納錫右翼喀爾喀和碩親王固倫額駙拉旺多爾濟和碩親王齊巴克多爾濟多羅郡王蘊端多爾濟多羅貝勒車凌多爾濟輔國公達布拉車琳噶爾瑪公品級一等台吉巴圖鄂齊爾一等台吉齊巴克扎布車凌納木扎勒巴延巴達爾瑚那遜布彥阿拉善和碩親王旺沁班巴爾喀喇沁親王品級多羅郡王滿珠巴咱爾蘇尼特多羅郡王巴勒珠爾雅喇木丕勒鄂爾多斯多羅郡王什當巴拜固山貝子色旺喇什布延泰回部郡王品級多羅貝勒哈第爾茂明安多羅貝勒丹丕勒青海多羅貝勒濟克默特伊什烏喇特鎮國公車布登棟囉布扎嚕特鎮國公塔爾沁杜爾伯特輔國公齊默特巴勒一等台吉貢楚克扎布附察哈爾旗土爾扈特四等台吉諾海巴雅爾拉瑚和碩特四等台吉春伯葉宗濟特綿羅斯三等侍衛舍楞回部四品伯克瑪穆特五品伯克謨們鼐

咱爾阿布都里體布朝鮮國正使金文淳副使申耆等琉球國正使東邦鼎副使毛廷桂等隨文武大臣依次就坐諸樂並作

太上皇帝同

皇帝進酒召左翼科爾沁和碩親王拉旺多羅郡王和碩額駙索特納木多布齋多羅郡王喇什噶勒當巴林親王品級多羅郡王巴圖奈曼多羅郡王拉旺喇布坦四子部落多羅郡王朋楚克桑魯布土默特多羅貝勒理藩

院額外侍郎索諾木巴勒珠爾右翼喀爾喀和碩親王固倫額駙拉旺多爾濟和碩親王齊巴克多爾濟多羅郡王蘊端多爾濟阿拉善和碩親王旺沁班巴爾喀喇沁親王品級多羅郡王滿珠巴咱爾回部郡王品級多羅貝勒哈第爾青海多羅貝勒濟克默特伊什等至

御座前賜酒成禮

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百九十七

實錄卷之一千四百九十七

主

大清高宗法天隆運至誠先覺體元立極敷文  
奮武孝慈神聖純皇帝實錄卷之一千四百九十八

監修總纂官總纂修官太子太傅文淵閣大學士文淵閣領事領侍衛內大臣傅發欽奉 上諭軍機處管理

吏部院院事務黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總纂官總纂修官太子太傅太常殿大學士文淵閣領事稽察欽奉 上諭軍機處管理刑部戶部庫事務

世襲騎都尉軍功加十級隨帶加二級又加二級尋常隨帶內大臣戶部尚書錢莊旗滿洲都統軍功紀錄一次

尋常紀錄十四次臣陸瑛總纂修官太子少保工部尚書紀琛次子曹振鏞等奉

敕修

嘉慶三年戊午春正月丙寅朔

太上皇帝同

皇帝詣

奉先殿行禮（御太和殿受朝

皇帝率諸王貝勒貝子公文武大臣官員蒙古

王貝勒貝子公額駙台吉外藩各國使臣等

行慶賀禮作樂宣表如儀

太上皇帝御重華宮皇子皇孫皇曾孫皇元孫

行慶賀禮（詣

大高殿行禮 同

皇帝詣

壽皇殿行禮○御養心殿同

皇帝賜宗室王等宴○庚午勅諭曰秦承恩現丁母憂例應離任守制但該撫現在興安一帶巡防軍務關係緊要且該撫在陝年久一切地方情形及軍需等件皆為熟悉未便遽易生手向來內外官員遇有丁憂事故朕俱令回籍成服從不開在任守制之例至於辦理軍務則非常例可拘古人原有墨經從戎

之事即守禮之士亦不敢以私廢公秦承恩仍著署理陝西巡撫在任守制至每日辦公准其以素服視事遇有一切典禮應用吉服者均不必與其在寓所時並仍准其持服俾於公務私情得以兩盡以示準情酌義格外體恤之意直隸總督梁肯堂年已衰邁於地方吏治不能整頓朕原欲俟軍務完竣後秦承恩資格較深將其擢任此缺今該撫已丁內艱祇因一時軍務緊要暫令留署陝撫原

屬權宜辦理為地方軍務需人起見止可留於陝西若調任他省尚不可行豈宜再加陞擢而直隸為畿輔重地亟須另簡以資治理現在外省督撫堪以勝此任者不得其人部院大臣中胡季堂辦事尚屬幹練著補授直隸總督即赴新任率同藩司吳熊光等實力整飭以副委任所有刑部尚書員缺亦屬緊要但部務尚有和坤總理梁肯堂曾任臬司於刑名自尚諳悉即著補授刑部尚書俟胡

季堂到任後來京供職○辛未

太上皇帝詣

大高殿行禮○同

皇帝幸圓明園○詣

安佑宮行禮○丙子

太上皇帝同

皇帝御山高水長賜蒙古王貝勒貝子公額駙台吉回部伯克朝鮮琉球國使臣等宴並賞賚有差○已卯



太上皇帝同

皇帝御奉三無私殿賜近支宗藩皇子皇孫皇曾孫皇元孫等宴（庚辰）

太上皇帝同

皇帝御正大光明殿賜朝正外藩等宴左翼科爾沁和碩親王拉旺多羅郡王和碩額駙索特納木多布齋多羅郡王喇什噶勒當輔國公哈達錫達什里公品級一等台吉鄂勒哲依圖巴林親王品級多羅郡王巴圖公品級

一等台吉索特納木多爾濟和碩額駙布彥圖喀喇沁親王品級多羅郡王和碩額駙滿珠巴咱爾輔國公和碩額駙永庫爾忠輔國公瑪哈巴拉公品級固山額駙丹巴多爾濟和碩額駙索諾木巴勒丹端岳特多爾濟固山額駙布彥達賴布哩納錫教漢多羅郡王和碩額駙德親多羅郡王齊默特魯瓦固山貝子固山額駙德威多爾濟公品級濟克濟扎布固山額駙沙津阿爾畢特瑚三等台吉

清 實 錄 嘉慶二年正月至六月

察克都爾扎布翁牛特多羅郡王寶多爾濟鎮國公達瓦什哩四子部落多羅郡王朋楚克桑魯布土默特多羅貝勒理藩院額外侍郎索諾木巴勒珠爾扎賚特多羅貝勒瑪什巴圖阿巴哈納爾固山貝子衮布旺扎勒郭爾羅斯鎮國公固魯扎布輔國公恭格喇布坦奈曼一等台吉巴勒楚克右翼喀爾喀和碩親王固倫額駙拉旺多爾濟和碩親王齊巴克多爾濟多羅郡王蘊端多爾濟多羅貝勒車凌多爾濟輔國公達布拉車琳噶爾瑪公品級一等台吉巴圖鄂齊爾扎薩克一等台吉齊巴克扎布車凌納木扎勒巴延巴達爾瑚那遜布彥阿拉善和碩親王旺沁班巴爾奈曼多羅郡王拉旺喇布坦蘇尼特多羅郡王巴勒珠爾雅喇木丕勒鄂爾多斯多羅郡王什當巴拜固山貝子色旺喇什布延泰茂明安多羅貝勒丹丕勒青海多羅貝勒濟克默特伊什烏喇特鎮國公車布登棟囉布

扎魯特鎮國公塔爾沁杜爾伯特輔國公齊默特巴勒一等台吉貢楚克扎布附察哈爾旗土爾扈特四等台吉諾海巴雅爾拉瑚和碩特四等台吉春伯葉宗濟特緯羅斯三等侍衛舍楞回部郡王品級多羅貝勒哈第爾四品伯克瑪穆特五品伯克謨們聶咱爾阿布都里體布朝鮮國正使金文淳副使申耆琉球國正使東邦鼎副使毛廷桂等隨大學士領侍衛內大臣以次就坐諸樂並作

太上皇帝同

皇帝進酒召左翼科爾沁和碩親王拉旺多羅郡王和碩額駙索特納木多布齋多羅郡王喇什噶勒當巴林親王品級多羅郡王巴圖喀喇沁親王品級多羅郡王和碩額駙滿珠巴咱爾四子部落多羅郡王朋楚克桑魯布土默特多羅貝勒理藩院額外侍郎索諾木巴勒珠爾右翼喀爾喀和碩親王固倫額駙拉旺多爾濟和碩親王齊巴克多爾濟多羅

郡王益端多爾濟阿拉善和碩親王旺沁班巴爾泰曼多羅郡王拉旺喇布坦青海多羅貝勒濟克默特伊什回部郡王品級多羅貝勒哈第爾並各國正副使臣至

御座前賜酒成禮○御山高水長賜王公大臣蒙古王貝勒貝子公額駙台吉及外藩各國使臣等食○辛巳

太上皇帝同

皇帝御正大光明殿賜大學士尚書等宴○甲

申

太上皇帝同

皇帝御山高水長賜王公大臣蒙古王貝勒貝

子公額駙台吉及外藩各國使臣等食○戊

子

太上皇帝同

皇帝詣

恩佑寺

恩慕寺行禮○辛卯

太上皇帝詣玉泉山	龍神祠祈雪	癸巳
太上皇帝同	皇帝還宮	二月乙未朔
太上皇帝同	皇帝宮中祀	神
太上皇帝詣	大高殿行禮	辛丑
太上皇帝命	章圓明園	丁未
皇帝詣	文廟行釋奠禮臨雍講學	癸丑
太上皇帝同	皇帝詣	
安佑宮行禮	三月己巳	
太上皇帝詣玉泉山	龍神祠祈雨	壬申
太上皇帝命		

清 實 錄 嘉慶三年正月至六月

皇帝詣	黑龍潭神祠祈雨	乙亥
太上皇帝同	皇帝詣	
黑龍潭神祠祈雨	丁丑	
太上皇帝詣	廣潤靈雨祠祈雨	壬午
太上皇帝同	皇帝詣	
<p>安佑宮行禮 壬辰勅諭大學士九卿科道議覆將賜榮奏請暫開捐例一摺以捐例停止多年正途人員銓選疏通而急公自効者情尤殷切請俯准所奏辦理朕思納賢受官本非善政從前因金川運糧需用浩繁偶一行之不久即行停止數十年來有以開捐奏請者俱經降旨駁斥蓋以人才究以正途為重捐例一開銓政既慮有壅滯而仕途亦不免增倖進之人是以再三申諭不肯稍徇諸臣</p>		

之請輕易舉行朕臨御六十年來惠愛黎元推恩施惠普免天下地丁錢糧五次蠲免漕糧三次並將各省積欠概行豁免者不一而足而地方偶遇偏災隨時賑濟及保護民生如河工海塘等項無不頒發帑金所用何啻億萬萬從不稍存靳惜此次勦辦川楚教匪閱時較久而一切軍需供億亦皆由內帑撥給絲毫不以累民現在渠魁首惡二犯業經授首其餘夥黨屢經官兵截勦勢已窮蹙無

難迅就殲除軍務剋期可竣雖辦理善後及撫卹等事尚須轉餉供支為數究屬無多且軍務將次告竣加以搏節愛養自可漸就豐裕國用何憂不足又奚藉捐項為耶大學士九卿科道請如蔣賜榮所奏暫開捐例可以不行但既以經費有常儲備宜裕為辭且據稱捐例停止年久銓政疏通而趨事急公冀圖及時効用者情尤殷切合詞籲懇不得已勉從所請暫准舉行一俟川楚等省辦理善

後事竣即行停止著各該部查照舊例條款另行悉心妥酌俾官方不致混淆而正途仍無壅滯以副朕慎重名器不得已權宜辦理至意將此通諭中外知之○夏四月戊戌勅諭朕同皇帝於五月十一日啟鑾巡幸避暑山莊著怡親王儀郡王蘇凌阿慶桂留京辦事所有吏兵二部應行引見官員文職知縣以上武職守備以上每月該部堂官輪流一員帶赴熱河引見其文員佐雜等官武員八

旗護軍校驍騎校及外省送到補放之驍騎校水手官並年滿千總等員弁著王大臣照例驗放至秋彌木蘭屆期仍照向年之例辦理○己酉勅諭曰穎妃在妃中最久且年屆七旬著加恩封為貴妃芳嬪亦屬年久著加恩封為妃一切典禮著交各該衙門查例辦理○乙卯勅諭從前朕之乳母侍母等曾經酌量加恩賞給世職家產現在皇帝之乳母侍母等亦應一體加恩遵照乾隆元年之

例將皇帝三次乳母應封字樣照例撰擬另行封贈外其子嗣等俱賞給騎都尉世職承襲三次仍酌量各賞給房屋居住並各賞銀一千兩安置產業其侍母等雖無封贈之例亦照此各賞給房屋一所銀一千兩五月甲戌	太上皇帝同	皇帝幸避暑山莊自圓明園啟鑾勅諭向來巡幸熱河每次蠲免地丁錢糧十分之三今歲朕春秋八旬有八同皇帝啟鑾諸事吉祥兼以春夏以來陽雨應時麥收豐稔啟鑾前復獲甘霖蹕路所經田禾長發暢茂民間氣象恬熙百姓扶攜瞻覲踴躍歡欣洵為昇平盛事所有此次沿途經過地方著加恩蠲免本年地丁錢糧十分之四以示朕高年行慶與民同樂有加無已至意是日駐蹕南石槽行宮○乙亥駐蹕密雲縣行宮○丙子駐蹕要亭行宮丁丑駐蹕兩間房行宮○戊
--	-------	---

清 實 錄 嘉慶三年正月至六月

寅駐蹕常山峪行宮 已卯駐蹕喀喇河屯行宮 庚辰	太上皇帝同	皇帝詣熱河	文廟行禮 詣	永佑寺行禮 是日駐蹕避暑山莊至八月丙辰皆如之	大清高宗法天隆運至誠先覺體元立極敷文奮武孝慈神聖純皇帝實錄卷之一千四百九十八
------------------------	-------	-------	--------	------------------------	--

大清高宗法天隆運至誠先覺體元立極敷文奮武孝慈神聖純皇帝實錄卷之一千四百九十九

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲副統世襲騎都尉軍功加七級隨帶加一級尋常加二級軍功紀錄一次慶桂

總裁官經筵講官太子太傅大學士文淵閣領閣事稽察欽奉 上諭事件處管理理藩院戶部正庫事務

世襲騎都尉軍功加十九級隨帶加二級又加二級臣董誥內大臣戶部尚書鑲黃旗滿洲副統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

嘉慶三年戊午秋七月甲申勅諭朕精神矍

固諸事吉祥年歲豐稔是以降旨仍照前例進哨今御前乾清門行走蒙古額駙巴圖等奏稱今年哨內雨水過多降霜已早懇請暫停進哨等語朕已八旬有八雖復康彊而進哨時亦未能照前馬上射獸不過御看城觀閱而已且教匪將屈撲滅大功尚未告成京中拴養馬匹已於去歲解往軍營今若進哨不免調取紛繁蒙古王公等既抒誠籲懇著照伊等所請暫停進哨但隨圍人等業已豫

備既不行圍其治辦行裝不免徒費著施恩仍照上次賞給一半不必前來以示朕軫恤蒙古臣僕之意所有御前乾清門行走及散秩王公等著仍於節後各歸游牧處所京中應來之王公大臣侍衛及各營衙門官員兵丁等均毋庸前來大功將次告成俟明年歲收豐熟雨水調勻再行進哨亦無不可○丙戌

太上皇帝同

皇帝御清音閣賜扈從王公大臣蒙古王貝勒貝子公額駙台吉等食至庚寅皆如之八月乙未

太上皇帝同

皇帝御清音閣賜扈從王公大臣蒙古王貝勒貝子公額駙台吉等食至己亥皆如之庚子勅諭本日勒保奏掃蕩安樂坪賊巢生擒首逆王三槐一摺覽奏嘉慰朕臨御以來敬天勤民孜孜不懈年近九衰功歲十全前年授

璽後猶復勅幾訓政。罔敢暇逸。邇年教匪不靖。宵旰焦勞。猶幸精神強固。於一切勦捕機宜。無不隨時指示。今勒保秉承訓諭。將川省首先滋事渠逆王三槐。臨陣生擒。其餘窮蹙夥黨。勢同摧枯拉朽。不日全可蕩平。捷音馳到。正值朕同皇帝駐蹕山莊。各蒙古王公祝釐瞻覲之時。中外同深歡慶。而朕於武功十全之外。又復親見掃除氛祲。成此鉅功。此皆仰賴

上天嘉祐。垂庥朕與皇帝敬感之餘。倍深乾惕。允宜普施渥澤。用獎勲勞。勒保前於平定黔苗。已錫通侯之賞。茲勦辦川匪。董率將士調度有方。掃穴擒渠。膚功克奏。著加恩晉封公爵。其在事出力之鎮將文武各員及義民首等。著勒保查明功績。奏到另降諭旨。分別加恩。軍機大臣大學士伯和坤。襄贊機宜。承旨書諭。一手經理。夙夜宣勞。著加恩晉封公爵。福長安日直樞禁。勞績倍著。自辦理軍務以

來一體始終其事。著加恩賞封侯爵。王杰董誥。現雖未在軍機行走。而軍興之時。亦曾隨同辦理。沈初。戴衢亨。那彥成。雖在軍機行走。未久。現亦朝夕趨直。在事慶成。均著加恩交部從優議敘。以示朕嘉獎勤勞。施恩錫慶至意。○癸卯

太上皇帝同

皇帝御清音閣。賜扈從王公大臣蒙古王貝勒

貝子公額駙台吉等宴。至丙午皆如之。○甲

辰

萬壽聖節。

太上皇帝御澹泊敬誠殿。

皇帝率扈從皇子皇孫王公大臣官員蒙古王

貝勒貝子公額駙台吉等行慶賀禮。○辛亥

吏部奏大學士和坤四川總督勒保均晉封

公爵。戶部尚書福長安賞封侯爵。應否世襲

罔替。并作何等秩之處。恭候欽定。奉勅旨俱

著作為一等照例承襲。○甲寅

太上皇帝同

皇帝詣

永佑寺行禮（丁巳）

太上皇帝同

皇帝自避暑山莊迴鑾○是日駐蹕喀喇河屯

行宮○戊午駐蹕常山峪行宮○己未駐蹕

兩間房行宮○庚申駐蹕要亭行宮○九月

辛酉朔駐蹕密雲縣行宮○壬戌駐蹕南石

槽行宮○癸亥

太上皇帝同

皇帝詣

安佑宮行禮○還圓明園（乙亥）勅諭前因勒

保奏生擒首逆王三槐成功在邇降旨令將

隨同打仗之鎮將及在事出力之文武員弁

義勇人等查明功績具奏以便酌量加恩今

據勒保查明開單具奏所有道員承勲石作

瑞著加恩賞給按察使銜知府姚令儀鄭人

慶著賞給道銜候補知府吳桂著俟服闋遇

有相當之缺補用同知洪範曹六興應先烈

候補知州許雲霄俱著賞戴花翎降調通判

盛露著准其開復留於四川以通判補用知

州趙來震知縣呂朝恩著賞戴藍翎知縣曹

遠周偉業著以知州陞用候補知縣魯鳳輝

王泰雲著留於四川以知縣即用州同溫家

桂經歷借補吏目顧崑來著以知縣陞用縣

丞職銜顧紹先候選從九品曹秉讓著留於

四川各以本班補用叅將薛大烈著賞給健

勇巴圖魯名號二等侍衛花品著授為頭等

侍衛藍翎侍衛慶昌著授為三等侍衛革職

二等侍衛祥金保著授為三等侍衛副將富

森叅將阜祿倭星額唐朝臣遊擊花良阿俱

著賞戴花翎都司陳騰龍盧呈瑞守備馬隆

俱著賞換花翎千總王大勇著以應陞之缺

陞用防禦特松阿守備袁章由豫章千總胥

耀宗把總楊杰俱著賞戴藍翎千總薛陟羅

思舉俱著以守備陞用義民首貢生劉星渠



著賞給五品頂戴並賞戴花翎以通判選用書吏苟敬賢著賞給九品職銜以主簿吏目等官選用義勇首冉斌著賞戴藍翎以千總拔補義勇首劉貴龔正海羅貴海英勝俱著賞戴藍翎以把總外委拔補以示獎勵○戊子勅諭本年春間皇帝臨雍禮成原定於冬間大閱現在川東川北教匪雖將次剿除完竣但健銳營火器營官兵尚未撤回本年大閱著暫行停止○冬十月辛卯朔

太上皇帝詣

安佑宮行禮○癸巳

太上皇帝同

皇帝詣

恩慕寺

恩佑寺行禮○甲午

太上皇帝同

皇帝御同樂園賜皇子主貝勒貝子公文武大臣等食至丁酉皆如之○丙申

太上皇帝以

皇帝萬壽節御正大光明殿

皇帝率皇子主貝勒貝子公文武大臣官員等

詣

太上皇帝前行禮○庚子

太上皇帝同

皇帝詣

大高殿

壽皇殿行禮○還宮○

太上皇帝以重建乾清宮成行祀

神禮命議敘管工大臣官員並賞資工匠內

監等級匹有差○勅諭本日朕同皇帝進宮

閱視乾清宮交泰殿工程規模宏整悉復舊

觀朕心深為嘉悅自上年臘月底擇吉安梁

今歲春融興工秋仲即已告成並不費採購

之繁辦理妥速允宜甄敘示獎除總理工程

事務和坤福長安業因軍功從優加恩毋庸

議敘外其監修之總管內務府大臣縉布臧

住交部議敘至在工監督各員著和珅福長  
安分別等第其列為一等者從優議敘餘著  
照例議敘所有匠頭等亦著分別賞給緞匹  
用昭恩獎○丙午

太上皇帝詣

雍和宮行禮○已酉

太上皇帝命大學士蘇凌阿為正使禮部尚書

德明為副使持節冊封

穎貴妃冊文曰朕惟承恩婉順芳歲夙著彤

闈錫福康彊令典宜加紫掖爰頒鳳詔用賁

鸞書爾穎妃已林氏淑慎事彰柔嘉允協位

崇九御欣壺職之久襄年近七旬應宏階之

遞進茲特晉封為貴妃錫之冊寶爾其知恩

敬受長符吉於安貞迪德懋修倍引和於雍

穆欽哉○命大學士劉墉為正使禮部尚書

紀昀為副使持節冊封

芳妃冊文曰朕惟內官選德先綏履福之常

中壹服勤尤念承恩之久功既襄於綸采寵

宜被以綸音咨爾芳嬪陳氏秉質柔嘉持躬  
溫淑早傳婉婉椒庭之禮教維嫺計厥歲年  
蘭殿之職司無斁茲晉封爾為芳妃錫之冊  
印爾其式膺茂典副優渥之殊榮彌表懿徽  
昭敬恭於勿替欽哉○已未

太上皇帝同

皇帝詣

壽皇殿行禮○十一月甲戌

太上皇帝詣

大高殿行禮○丁丑

皇帝率王貝勒貝子公内外文武大臣等奏請

庚申年恭舉

太上皇帝九旬萬萬壽慶典勅諭曰皇帝以庚

申年為朕九旬萬萬壽率領王貝勒大臣及

將軍督撫等籲請舉行慶典恭祝蕃釐覽奏

具見孝思誠悃朕仰膺

昊眷撫御誕絃絃萬祐凝禧躬躋上壽一堂五世

慶衍雲初前於丙辰元旦肇舉授受鴻儀三

載以來孜孜訓政弗敢稍自暇逸豐登屢告  
暘雨應時此皆仰荷

上天錫佑

列祖垂庥景運昌期洵為史牒所罕觀敬感之  
餘彌深乾惕何敢踵事增華稍存滿假况川  
省教匪雖將次平定而餘氛現尚未淨宵旰  
方切焦勞豈敢侈陳隆軌惟皇帝合萬國之  
歡心以天下為孝養臚辭籲請至再至三若  
却而勿受轉似矯情非所以仰承

鴻貺且無以申皇帝誠孝之心愜臣民祝嘏之  
願不得已姑允所請於庚申年舉行慶典一  
切儀文俱照康熙六十年及乾隆五十五年  
朕八旬萬壽典例備辦毋得稍有加增致滋  
華靡此次慶節率土騰歡宜沛殊恩用光鉅  
典所有應行加恩各事宜俟查明頒發詔旨  
恩諭外至文武鄉會試尤為作人盛典著於  
已未年舉行恩科文武鄉試庚申年舉行恩  
科文武會試以示衍慶推恩至意將此通諭

知之○又勅諭皇帝以庚申年為朕九旬萬

萬壽率領王貝勒及內外大臣等籲請舉行  
慶典恭祝蕃釐若却而不受轉似矯情是以  
降旨允行但應備儀文典禮甚鉅必須專派  
大臣董辦庶可仰體朕心不致踵事增華以  
副孝養臚歡之意著派大學士和珅王杰蘇  
凌阿劉墉尚書福長安彭元瑞總辦以期經  
理得當用光鉅典甲申

太上皇帝詣

壽康宮行禮○十二月己酉勅諭今歲天氣較  
寒朕親理庶務無暇行幸所有冰鞋行頭雖  
未閱看伊等究係豫備著加恩仍照向年賞  
賚交該管大臣等均勻分給以示朕軫念窮  
苦兵丁之至意○辛亥

太上皇帝御重華宮賜御前王貝勒貝子公額  
駙大臣蒙古王貝勒貝子公額駙台吉等食  
並賞賚有差

大清高宗法天隆運至誠先覺體元立極敷文奮武孝慈神聖純皇帝實錄卷之一千四百九十九

實錄卷之一千四百九十九

上

大清高宗法天隆運至誠先覺體元立極敷文奮武孝慈神聖純皇帝實錄卷之一千五百

監修總裁官經筵講官太子太傅文淵閣大學士文淵閣領事領侍衛內大臣稽察欽奉 上諭事務處管理

吏部理藩院事務總管滿洲都統世襲騎都尉副都統加七級隨帶加一級尋常加二級軍功紀錄一次臣慶桂

總管經筵講官太子太傅文華殿大學士文淵閣領事稽察欽奉 上諭事務處管理刑部戶部三庫事務

世襲騎都尉副都統加十九級隨帶加二級又加二級尋常加二級軍功紀錄一次臣慶桂

尋常紀錄十四次臣德瑛經筵講官太子少保工部尚書紀錄六次臣曾祺鑄等奉

敕修

嘉慶四年己未春正月庚申朔

太上皇帝御乾清宮受

皇帝慶賀行禮王貝勒貝子公文武大臣於丹

陛上行禮三品以下官員外藩蒙古回部暨

朝鮮暹羅等國使臣俱於乾清門外行禮

辛酉

太上皇帝聖躬不豫上年十一月冬至後

太上皇帝籌辦軍務心體焦勞以勤致疾少間

猶

訓政無倦

召見臣工如常是日早

聖製望捷詩曰三年師旅開實數不應猜邪教

輕由誤官軍勦復該領兵數觀望殘赤不勝

裁執訊迅獲醜都同逆首來

皇帝侍疾

寢宮問視彌謹

太上皇帝握手眷愛拳拳弗忍釋鶴夕大漸

壬戌辰刻

太上皇帝崩遺詔曰朕惟帝王誕膺

天命享祚久長必有小心昭事之誠與

天無間然後厥德不回永綏多福是以兢兢業

業無怠無荒一日履乎帝位即思一日享乎

天心誠知夫持盈保泰之難而慎終如始之不

易易也朕仰荷

上蒼鴻佑

列聖貽謀爰自冲齡即蒙

皇祖鍾愛非常

皇考慎選元良付畀神器即位以來日慎一日

當

重熙累洽之期不敢存豫大豐亨之見敬思人

主之德惟在敬

天法

祖勤政愛民而此數事者非知之難行之惟艱

數十年來嚴恭寅畏弗懈益虔每遇

郊壇大祀躬親展恪備極精禋不以年齒日高

稍自暇豫中間四詣盛京恭謁

祖陵永惟

創業之艱益切守成之懼萬幾躬攬宵旰忘疲

引對臣僚批荅奏章從無虛日各省雨暘豐

歉刻繫懷抱凡六巡江浙相度河工海塘軫

念民依如保赤子普免天下錢糧者五漕糧

者三積欠者再間遇水旱偏災蠲賑並施不

下億萬萬惟期藏富小民治臻上理仰賴

天

祖眷貽海寓昇平版圖式擴平定伊犁回部大

小金川緬甸來賓安南臣服以及底定廓爾

喀梯航所至稽首輸忱其自作不靖者悉就殄滅凡此膚功之疊奏皆不得已而用兵而在位日久經事日多祇懼之心因以日切初不敢謂已治已安稍涉滿假也迴憶踐阼之初曾默禱

上帝若能仰邀

眷命在位六十年即當傳位嗣子不敢有逾皇祖紀年之數其時朕春秋方二十有五豫計六十年時日方長若在可知不可知之數乃

荷

昊慈薦祐康疆逢吉年躋望九親見五代元孫周甲紀元竟符初願撫衷循省欣感交加爰於丙辰正旦親授璽皇帝自稱太上皇以遂初元告

天之本志初非欲自暇自逸深居高拱為頤養高年計也是以傳位之後仍日親訓政蓋自揣精力未至倦勤若事優游頤養則非所以仰答

天

祖深恩不惟不忍亦實所不敢訓政以來猶日孜孜於茲又逾三年近因勦捕川省教匪籌筆勤勞日殷盼捷已將起事首逆緊要各犯駢連就獲其奔竄夥黨亦可計日成擒歲功在即比歲寰宇屢豐祥和協吉衷懷若可稍紓而思艱圖易之心實未嘗一刻弛也越歲庚申為朕九旬萬壽昨冬皇帝率同王公內外大臣等豫請舉行慶典情詞懇切實出至

誠業降勅旨俞允夫以朕年躋上耄諸福備膺皇帝合萬國之歡申億齡之祝固為人子為人臣者無窮之願然朕之本衷實不欲侈陳隆軌過滋勞費每思洪範以考終列福之五從古帝王躬享遐齡史冊相望終歸有盡且人生上壽百年今朕已登八十有九即滿許期頤亦瞬息間事朕惟莊敬日強修身以俟豈尚有所不足而奢望無已耶朕體氣素強從無疾病上年冬臘偶感風寒調理就愈

精力稍不如前新歲正旦猶御乾清宮受賀  
日來飲食漸減視聽不能如常老態頓增皇  
帝孝養盡誠百方調護以冀痊可第朕年壽  
已高恐非醫藥所能奏效茲殆將大漸特舉  
朕在位數十年翼翼小心承受

天

祖恩佑之由永貽來葉皇帝聰明仁孝能深體  
朕之心必能如朕之福付託得人實所深慰  
內外大小臣工等其各勤思厥職精白乃心

用輔皇帝郅隆之治俾億兆黎庶咸樂昇平

朕追隨

列祖在天之靈庶無遺憾矣其喪制悉遵舊典

二十七日而除

天

地

宗廟

社稷之祭不可久疎

百神羣祀亦不可輟特茲誥誡其各遵行

是歲四月乙未恭上

尊諡曰

法天隆運至誠先覺體元立極敷文奮武孝慈

神聖純皇帝

廟號

高宗○九月庚午辰時葬

裕陵

太上皇帝在位六十年

訓政三年

聖壽八十有九

太上皇帝宣聰於

天受命於

天荷

天之篤眷合

天之全體

天鑒在十二齡福當過

予之諭

天既在廿五齡升香讓善之誠是以六十三年

中

登邦治

付鴻業積日災三萬一千九百而贏

乾緯穆清貞符悠遠致此

躬閱四朝親見七代

煬崇九袞

謀詒萬葉之洪庥蓋內聖外王之治法道法顯

著於億兆人之耳目淪浹於數十年之心髓

而超出於千萬端之擬議形容固有宥密所

不能仰窺言動所不能悉記者敬維

天心歆享莫嚴於事

天之禮莫精於格

天之忱

南郊大饗六十次

祈穀五十九次

常雩報舉凡四十一次

雲漢八閔撰舞辭

惠雨四呼製祝版通感翕應對越無間貫之以

一氣融之以四時萬物成而百昌遂此體

天覆育宙合之大綱也言必稱

天脩必念

祖申太王貽孫之鑒篤大舜終身之慕見於紀

恩堂兩記文中是為

天祚繩承之本始晨讀

五朝實錄四謁盛京

諸陵瞻

先世鎡甲弓劍以及櫺燈角椅之遺修葺城郭

宮闕之舊規賦詠物產土風之淳古

戰績書厨峯卧碑勒箭亭

開國闡方畧儲貳著金鑑藏

太室之冊寶展

雖宮之

神御所以昭

在天靈爽之式憑即以誌

天造經綸基視於勿替而若睿忠諸王之復封

爵諸英支裔之行宗牒洎惇敘乾清之授筵



凡錫冠帶者普及二千餘人所謂一舉事而見

天親之愛胥如

天之仁所煦灼而怙冒及之者也若夫

勅天之命因天之道順天之時惟幾也故能成

天下之務當承平日久生齒日繁有政有民

天位天祿天職所與共治初年帑數三百億

後且增至七百億有畸藏富之本也初年丁

口不二萬萬後多至三萬萬有畸廣生之徵

也初年宮中度支歲七萬後且僅以二萬計

節儉之原也普免錢糧者五普免漕賦者三

普免積欠者再博施之惠也耆民百廿甲予

驛產三男四男見元孫者二百家萃同居者

八九世登黼黻者盈八千叟人瑞之駢徵

天庥之丕應也

社新薦玉

藉勤東來咨稼穡卜雨暘河海捷築亟為小民

計農田衣食之安其或旱勞不時發鑑發粟

無少靳赤子之依春臺之樂熙熙然皞皞然

不啻遊

天之化宇也

天生民而使司牧內自部旗大臣百司庶府外

至文武疆吏監司郡守以上疇咨咸及以時

得覲

天顏聆

天語指示周詳唯叢臚恬嬉之戒驛章閣本隨

事

批答無稍稽時遇軍務河務賑務諸大端尤屢

宸懷到即遙發每秋獻具詞精覈再三勿使畸

輕畸重或特施法外之仁膏災肆救民之協

中

天之好生也

省方舉典幸江浙者六莅臺懷者五而嵩而岱

近恆就瞻津淀之壤接畿輔蘭塞之歲事

彌園控轡御爐囑于延企

帷宮帳殿儲峙不煩端本於克已而總不出

南巡記敬

天明理之一言至夫

天縱多能緝熙懋學

天章之富文成三集千三百五十餘篇詩成五

集四萬一千八百餘首而乙卯後三年復得

文三十六篇詩七百五十首蒼為餘集上與

典謨雅頌婉美千古乃若仰觀

天文因以化成天下禮樂制度精意具存釐鹵

簿之威儀定朝會之典則正陶匏於裸獻諧

實錄卷十五

五

鑄特於中和盛矣備矣羣書蒐輯評騭攷訂

一稟

審裁四庫七閣之儲太學石經石鼓之刻以至

闕里頌周器廟學易黃瓦釋奠加三獻右文

重道

天之所以寵君師彰教澤也肇建辟雍錫宴翰

院周覽棘闥又且五舉制科七開恩榜召試

第頌耄儒奏名設灤水之庠置玉門之驛蒸

我髦士彌廣作人

天之所以培文運而振士風者有加厚焉

天錫智勇幼善騎射大西門張毅廿發連中十

九內府寶藏虎神花準諸器肆武習勞審機

無星斗之差藩部拱觀罔不懽服事會所值

肅將

天威膚功迭奏拓疆二萬餘里惟

天與迺致人歸蓋

信天主人知幾之神有以握成謀操左券也平

準噶爾為一定回部為一掃大小金川為二

實錄卷十五

五

靖臺灣為一降安南緬甸各一降廓爾喀前

後為二

十全之記

十全老人之寶進古稀耄念而上之

天之助順喜玉昭華虹篆輝映遠至暹羅南掌

琉球蘇祿荷蘭暎咭喇諸國莫不航海來朝

敬

天効祀而若郊臺之樹勝燾紫光之繪功臣香

山之簡仗飛長河之練火器京營之增巡校

上駟之掄八駿十驪藉以奮武選奇則又保  
泰又民之實政也

天運健行

聖誠無息旦明宵旰惟日夜孜孜屏服餌却尊養

鴻玉不扶黻黼弗御淳龐敦固無逸克壽之

理信而有徵

四得論所云無一日因微疾而不理事者由於

天賦孔厚而又能以莊敬自持康彊自適方冀

天保九如為

實錄卷十五

古

太上皇帝期頤益算宅

天家之鴻慶賀

天祐之久長惟

天為大惟

太上皇帝則之

天其申命用休曷有既極乃放勳徂落遽成粵

若稽古之辭攀

龍髯而莫追愴

麟筆之頓絕至矣哉巍巍蕩蕩

統天大園仰

高宗之高一如

天之高贊

天德之純永慕

純皇帝之德之純上下古今疇克臻茲


蒼昊昊上之全量所由光被六合澤流世世萬

子孫亘京垓正載其未有父者矣

實錄卷十五

五

大清高宗法天隆運至誠先覺體元立極敷文  
奮武孝慈神聖純皇帝實錄卷之一千五百



統一書號:11018·1355-27

---

定 價: 50.00 元